





John Carter Brown  
Library  
Brown University

The John Carter Brown Library

Brown University

Purchased from the  
Louisa D. Sharpe Metcalf Fund









Vol. IV. 24.











# APPARATUS ERUDITIONIS

PRÆSERTIM  
AD

## JURISPRUDENTIAM,

In quo

Præter Juris Universalis Principia

JUS NATURÆ, GENTIUM, DIVINUM,  
APOSTOLICUM, & PONTIFICIUM, JUS SYNODALE  
OECUMENICUM, NATIONALE AC PROVINCIALE,

Unacum

Provinciarum ac Regnorum Ecclesiastico & Politico Statu,  
Disciplina Ecclesiæ, Hæresibus exortis &c. continua sæculorum serie  
ad præsens usque tempus deductum, insertisque pro re nata multis  
observationibus criticis, ac controversiis juridicis,  
Publicis, ac Polemicis,

METHODO HISTORICO-DOGMATICA

colliguntur, & brevi ac clara idea delineantur,

Inutilitatem eruditionis amantium, quibus vasta Conciliorum, Decretorum,  
Historiarum &c. volumina perlegendi aut occasio aut tempus deficit,

AUTHORE

P. JOSEPHO BINER, S. J.


PARS IX,

Complectens

STATUM REGNORUM ET RERUM PUBLICARUM

SÆCULI XVII.

CUM APPROBATIONE.



*Augusta Vindelicorum & Friburgi Brisgoje*

Sumptibus Fratrum Ignatii, & Antonii Wagner, Bibliop. MDCCLXIV.







## FACULTAS


### R. P. PRÆPOSITI PROVINCIALIS.

Cum librum, cui titulus: *Apparatus Eruditionis &c. Pars IX, X, & XI*, a P. Josepho Biner, Societatis JEsu sacerdote, idiomate latino conscriptum, Patres ad id deputati recognoverint, probaverintque, ego Ignatius Rhomberg, ejusdem Societatis per Germaniam Superiorem Præpositus Provincialis, potestate ad hoc mihi facta ab A. R. P. N. Laurentio Ricci, universæ Societatis JEsu Præposito Generali, Authori ejusdem facultatem impertio, eum typis vulgandi per D. Ignatium Wagner, Bibliopolam Augustanum ita cupientem. In cujus rei fidem has ei manu propria subscriptas, & consueto officii mei sigillo munitas dedi. Eustadii 22 Februarii 1764.

(L.S.)

Ignatius Rhomberg.





## PRÆFATIO.

**T**anta est rerum sæculo XVII per Europam gestarum ubertas atque varietas, ut earum relationem in duas partes dividere necesse sit. Et ea quidem, quæ ad Historiam Germaniæ ac Galliæ pertinent, Parte VIII pertractavimus: reliqua vero, quæ Italiam, Hispaniam, Lusitaniam, Belgium, Helvetiam, Angliam, ac Regna septentrionalia concernunt, hac parte obiter delibabimus.

Occurrent Revolutiones Regnorum, bella gravissima, Heroum victorias, Pacificationes Monasterienses, Pyreneæ, Aquisgranenses, Risvicensæ, Olivenses, Carolovicenses; magna fœdera, Tractatus commerciales, controversiæ. Obversabuntur oculis, Hispaniæ partitiones, Lusitanicæ mutationes, Londinenses secures, Regalibus cervicibus cruentæ, Cromwellianum novum systema, Regum exilia; coronæ translatio in Angliam, Polonia, Suecia, Russia, ex Turcarum unguibus vindicata Hungaria aliæque mutationes notabiles.

Statum Ecclesiasticum quod spectat, quoniam Concilium Generale nullum sæculo XVII fuit celebratum, Provincialia autem rarissima, Pontifices vero Moralem præsertim doctrinam, a quibusdam corruptam, in rectam semitam reduçturi, propositiones varias, tum justo laxiores, tum in alterum rigoris extremum excurrentes, recto judicio condemnare cœperunt, quas in tractatione rerum Italicarum cum observationibus Theologicis subijcio, ac demum in fine hujus partis Concilia Orientalia, contra Calvinistarum errores ac falsa asserta subnecto.

CAPUT





# CAPUT I ITALICA SÆCULO XVII.

**D**e rebus Italicis equidem crebro in hoc apparatu memoravimus, pluraque ex instituto Parte X & XI dicemus, ubi statum ejus Ecclesiasticum & Politicum recensibimus. Nunc autem aliqua, quæ Sæculo XVII sunt propria, delibabimus. Incipiamus ab Ecclesiasticis, & doctrinæ morum, a quibusdam scriptoribus nimium laxata, aut nimium constricta, a summis autem Pontificibus ab utroque extremo, & laxitatis & rigoris, ad veritatis normam revocata.



ARTICULUS I.

*Disciplina Morum per Pontifices ab erroribus  
vindicata*

SÆCULO XVII.

§. I.

*Propositiones 45 ab Alexandro VII damnatae  
anno 1665 & 1667.*

I.

**A**lexander VII anno 1665 constitutionem edidit, qua 28 Propositiones, nimium laxas damnavit atque prohibuit, postquam non sine magno animi sui mœrore audivit, complures opiniones disciplinæ Christianæ relaxativas, & animarum perniciem inferentes, partim antiquas iterum suscitari, partim noviter prodire, & summam illam luxuriantium ingeniorum licentiam in dies magis excrefcere, per quam in rebus, ad conscientiam pertinentibus modus opinandi irrepfit alienus ab Evangelica simplicitate, sanctorumque Patrum Doctrina, & quem si pro recta regula fideles in praxi sequerentur, ingens eruptura esset Christianæ vitæ corruptela. Sunt autem propositiones ab eo damnatae sequentes.

*Propositio I.*

*Homo nullo unquam vitæ suæ tempore tenetur elicere actum fidei, spei, & charitatis ex vi præceptorum Divinorum, ad eas virtutes pertinentium.*

De  
virtut.  
Theol.

*Observatio.* Propositio in terminis absurda, falsa, & scandalosa! est contra legem naturalem & Divinam. Quid enim evidentius, ac obligari nos ad colendum DEUM: per quid autem magis colitur, quam per virtutes istas theologicas, quæ nos cum DEO, auctore nostro, conjungunt, & ad finem, nobis præfixum, nos conducunt? & quot Divina effata hanc obligationem nobis inculcant? *Accedentem ad DEUM oportet credere.* Sine fide impossibile



bile est placere DEO. *Diliges Dominum DEUM tuum ex toto corde tuo &c. qui non diligit, manet in morte. Spera in DEO. Spe salvi facti sumus &c.* Et ad quid habitus harum virtutum, in baptismo nobis infusi? an otiosi relinquendi? an tantus thesaurus in sudario abscondendus? ad quid gratiæ actuales? an non sæpe necessariæ hæ virtutes ad vincendas tentationes? an ad SS. Sacramenta accedendum sine fide, sine spe, sine charitate?

*Prop. 2.*

*Vir equestris, ad duellum provocatus, potest illud acceptare, ne timiditatis notam apud alios incurrat.*

*Observ.* Duellum est privata duorum pugna, ex condicto, Duellum. omni jure prohibita, sive offeratur, sive acceptetur; quia homo non est dominus suæ vitæ, ut de ea possit disponere. Aliud foret, si quis ad defendendam vitam suam, aut bonam fortunæ maximi momenti, cum moderamine inculpatæ tutelæ, injustum aggressorem, hominem privatum occideret: aut si auctoritate publica id fieret ex causa gravissima ac publica, e. g. ad finiendum bellum, prout David cum Goliath, & S. Wenceslaus cum Duce Curimenfi fuit congressus; nam tunc habet rationem necessariæ defensionis, non autem duelli, proprie dicti, quod est privata duorum pugna, sponte & ex condicto suscepta, ac proin jure naturali, Divino, & humano gravissime prohibita.

*Prop. 3.*

*Sententia asserens, Bullam Cœnæ solum prohibere absolutionem hæ- Absolutio ab*  
*resis & aliorum criminum, quando publica sunt, & id non de- hæresi.*  
*rogare facultati Tridentini, in qua de occultis criminibus sermo*  
*est, anno 1619 die 18 Julii in consistorio S. Congregationis*  
*Emin. Cardinalium visa & tolerata est.*

*Observ.* Trid. Episcopis tribuit potestatem absolvendi subditos suos in sua Diœcesi, per se ipsos, aut per Vicarium, ad id specialiter deputandum in foro conscientiæ, ab omnibus casibus occultis, etiam sedi Apost. reservatis: ab hæresi etiam occulta, per se ipsos tamen, non per Vicarium; in Bulla autem Cœnæ prohibetur, ne quis absolvat a casibus in ea contentis, nisi in mortis articulo.



Putarunt aliqui, per Bullam Coenæ non esse derogatum Episcoporum facultati, eo quod Tridentini in ea non fiat expressa mentio; & aliquis, vel aliqui, ut hanc opinionem firmarent, asseruerunt, opinionem, quæ dicit, quod Bulla Coenæ tantum prohibeat Episcopis absolutionem ab hæresi & aliis criminibus publicis, non autem ab occultis, adeoque Tridentino nihil derogari, a S. congregatione visam & toleratam esse.

Negat, hoc factum a S. Congregatione Pontifex, ne per assertum opinioni illi auctoritas addatur: quæstionem autem Juris de potestate absolvendi ab occulta hæresi, Episcopis a Trid. concessa, videtur in medio relinquere. Quæ sit praxis circa hoc in Germania notum est. Episcopi vel utuntur facultate, sibi a Trid. concessa, vel privilegio, Ultramontanis singulis quinquenniis innovari solito.

Prop. 4.

Abfol.  
Regul.

*Prælati Regulares possunt in foro conscientiae absolvere quoscunque sæculares ab hæresi occulta, & ab excommunicatione, propter ipsam incursum.*

*Obsev.* Regulares olim, cum deficeret Clerus sæcularis, propter merita sua in Ecclesiam magna acceperunt privilegia, quæ postea a Pontificibus vel sunt revocata (præsertim ea, quæ vivæ vocis oraculo fuerunt concessa) vel limitata.

Prop. 5.

*Quamvis evidenter tibi constet, Petrum esse hæreticum, non teneris denuntiare, si probare non possis.*

Denuntiatio.

*Obsev.* Ratio damnandi hanc propositionem est, quia hæresis est malum maximum contra bonum publicum, quod facile inficiat alios: unde si constet tibi, teneris denuntiare, licet probare non possis, ut accedentibus indiciis inquisitio institui possit. Nec obstat, quod talis diffametur; nam bonum publicum privato præferri debet. Correctio vero fraterna privata non est tunc necessaria, nisi certum sit, delinquentem emendatum iri. Exemplum habemus in obligatione denuntiandi confessorium sollicitantem.

Prop.



Prop. 6.

*Confessarius, qui in Sacramentali confessione tribuit penitenti char-* Solicitatione.  
*tam, postea legendam, in qua ad venerem incitat, non censetur*  
*solicitalse in confessione, ac proinde non est denuntiandus.*

*Observ.* Ratio damnandi est, quia per traditionem talis vene-  
reæ chartæ gravissima irrogatur irreverentia & injuria Sacra-  
mento pœnitentiæ, & forte plus scandali parit personæ sollicitatæ,  
quam si in ipso tribunali sacro, ubi erat contrita, fuisset sollicitata,  
quamvis etiam in ipso confessionali sollicitatio facta cenferi possit,  
ubi scheda sollicitans est tradita.

Prop. 7.

*Modus evadendi obligationem denuntianda sollicitationis est, si sol-* Idem.  
*licitatus confiteatur cum sollicitante; hic potest ipsum absolvere*  
*absque onere denuntiandi.*

*Observ.* Hoc esset aperire portam gravissimo huic sceleri :  
ut sæpius sollicitare possit pœnitens: (si tamen pœnitens) & in  
fraudem præcepti, de sollicitante denuntiando, licentius in rui-  
nam confidentis agi posset. Varii alii excogitati sunt modi, ab  
onere hoc denuntiationis se liberandi, sed non sunt convenientes.  
Habemus in Jure Cæsareo Aphorismum : *lex dura quidem est : sed*  
*tamen lex.*

Prop. 8.

*Duplicatum stipendium potest Sacerdos pro eadem Missa licite acci-*  
*pere, applicando petenti partem etiam specialissimam fructus,* Duplex  
*ipsimet celebranti correspondentem, idque post Decretum Urba-* Stipendium.  
*ni VIII.*

*Observ.* Merito prohibita est Ecclesiastica hæc nundinatio &  
usura. Cur non dicis, quod triplex stipendium pro una Missa pe-  
ti possit, præter fructum *specialem*, qui obvenit illi, pro quo  
sacrificium offertur, & specialissimum, sacrificanti proprium, ap-  
plicando etiam *generalem*, omnibus Christi fidelibus vivis atque  
defunctis, assistentibus præsertim pro rata suæ devotionis & dispo-  
sitionis communem? cur non dicis, quinque vel sex integra sti-  
pendia aut sustentationes pro una Missa accipi posse a diversis per-  
sonis



sonis, uni applicando fructum generalem, alteri specialem, tertiæ specialissimum, quartæ meritorium, quintæ satisfactorium, sextæ impetratorium, cum sacrificium in se ipso, & in actu primo infinitæ sit efficaciz & valoris?

Absint tales abusus. Stipendium datur sacrificanti pro sustentatione diurna. Pro uno die peti non potest duplex sustentatio diurna. Qui laborat una tantum die, non potest duplicatam mercedem pscere. Intentio præbentis stipendium est, ut sibi applicetur, quidquid applicari potest: fructus generalis omnibus fidelibus, specialis sacrificanti est proprius: alteri quæ applicari vel non potest, vel saltem hoc dubium est, prout etiam dubium est, an fructus specialissimus æqualeat speciali, vel tantum mediæ, vel tertiæ, ut quidam volunt, illius parti. Non potest autem stipendium certum exigi pro fructu incerto.

*Prop. 9.*

Minus  
Stip.

*Post Decretum Urbani potest sacerdos, cui Missæ celebrandæ traduntur, per alium satisfacere, collato illi minori stipendio, alia parte stipendii sibi reservata.*

*Observ.* Sordidam ejusmodi negotiationem & avarum quæstum circa SS. Missæ sacrificium merito reprobatur Papa. Et quo titulo sibi reservaret partem stipendii? non donationis, ut supponitur, non operæ, quia nihil præstitit, non mercedis, quia nihil meruit. Sed quicquid sit, an ejusmodi lucrum jure naturali sit injustum, de quo aliqui dubitant, certum tamen est, illicitum illud esse jure Ecclesiastico, ex prohibitione Urbani VIII & Alexandri VII hanc propositionem damnantis. Non est autem penes subditum, an velit legem acceptare; sed obediendum est.

*Prop. 10.*

Unum pro  
pluribus.

*Non est contra justitiam, pro pluribus sacrificiis stipendium accipere, & sacrificium unum offerre. neque etiam est contra fidelitatem, etiamsi promittam, promissione etiam juramento firmata danti stipendium, quod pro nullo alio offeram.*

*Observ.* Urbanus VIII dicit, talem peccare graviter, & teneri ad restitutionem. Ergo peccat contra justitiam. Dein propositio ista est generalis, includens etiam eum, qui pro singulis Missis



sis plenum & adaequatum stipendium accipit, & unam tantum offert. Hoc autem plane est injustissimum, & in detrimentum offerentis plura stipendia. Neque obstat, quod dicunt, sacrificium Missae esse valoris & efficaciae infinitae, unumque tantum valere, quantum plura; nam hoc probaret, unam tantum toto orbe Missam esse celebrandam. Verum licet ipse principalis offerens, Christus Iesus, ejusque merita infiniti sint valoris, participatio tamen nostra, & applicatio nobis facta, non est infinita, plusque per plures oblationes participamus, quam per unam.

*Prop. II.*

*Peccata in confessione omissa, seu oblita ob instans periculum vitae, Confessio  
aut ob aliam causam, non tenemur in sequenti confessione expri- peccati  
mere. omitti.*

*Observ.* Assertio est contra unanimem Theologorum sententiam, persuasionem & praxin fidelium, imo contra institutionem Christi, qui exigit confessionem non tantum formaliter, sed quantum fieri potest, etiam materialiter integram, ita, ut omnia, etiam directe, subjiciantur clavibus; quapropter, licet quis ab iis peccatis, quae post diligentem discussionem conscientiae memoriae non occurrunt, aut quae ob justam causam omisit, indirecte sit absolutus, si ramen postea in memoriam redeunt, tenetur adhuc ea explicite confiteri; imo etiam ea, quae prius ut dubia confessus fuit, si postea ut certa agnoverit. Neque obstat Trid. dum ait, confessionem non esse carnificinam, cum nihil aliud a poenitentibus exigatur, quam ut post diligens examen omnia confiteantur peccata, quae memoriae occurrant, reliqua vero eadem confessione inclusa esse intelligi; nam intelliguntur inclusa in ordine ad absolutionem indirectam, non autem directam; nemoque aliud exigit, quam ut ea, quae memoriae occurrunt, exponantur. Atqui, si postea in memoriam redeant, utique memoriae occurrunt.

Neque obstat 2, quod generaliter absolutus ab omnibus censuris non indigeat amplius absolutione, etiamsi absolvens non omnes censuras cognoverit; nam absolutio a peccatis exigit discussionem & cognitionem causae, ut congrua poena & medicina adhiberi possit; non autem per se exigit talem absolutio a censuris, cum possit etiam conferri sine confessione. Certe, si remissio peccatorum



catorum semper sufficeret, nemo teneretur confiteri, qui perfecta contritione ea delevit.

Prop. 12.

Casus  
reservati  
Episcopo.

*Mendicantes possunt absolvere a casibus Episcopo reservatis, non obtenta ad id Episcoporum facultate.*

*Observ.* Mendicantes olim varia a summis Pontificibus obtinuerant privilegia, absolvendi ab omnibus casibus reservatis Papæ & Episcopis, exceptis iis, qui sunt in Bulla Cœnæ, & 6 aliis, a Clem. VIII specialiter reservatis, videlicet, violatione immunitatis Eccles. aut clausuræ Monialium, duello, percussione Clerici, simonia reali, & confidentiali. Urb. VIII prohibuit, ne Regulares a casibus, Episcopo reservatis, absolvant.

Varia inde ortæ disputationes, alii dicebant, ejusmodi constitutiones tantum Romæ fuisse promulgatas, aut communitatibus, Regularibus non intimatas debito modo: alii, eas non esse debite munitas clausulis derogatoriis: alii alia effugia querebant, donec Alex. VII præfixam propositionem damnavit. Possunt tamen Mendicantes probabiliter adhuc absolvere e casibus occultis reservatis Papæ, exceptis semper casibus Bullæ Cœnæ: imo etiam a reservatis Episcopo, qui non exstant in tabella seu catalogo refervatorum ab Episcopo. Videatur Viva in hanc propositionem.

Prop. 13.

De Confessario  
non appro-  
bato.

*Satisfacit præcepto annuæ confessionis, qui constituitur Regulari, Episcopo præsentato, sed ab eo injuste reprobato.*

*Observ.* Ratio est, quia Trid. præter jurisdictionem, ordinariam vel delegatam, requirit in sacerdote approbationem, ab Episcopo factam ad audiendas confessiones, tanquam requisitum essenziale; ubi ergo hæc deest, invalida est absolutio, sive iuste sive injuste ab Episcopo negetur.

Injuste autem approbatio Regulari negatur, si sit idoneus; quia a Pontificibus Mendicantes acceperunt jurisdictionem universalem, velut quidam parochi delegati, consequenter jus habent ad approbationem. Si tamen Episcopus eam neget, absolutio, quam impertit secularibus, etiam sacerdotibus, omnino irrita;



rita; per confessionem autem invalidam non satisfit præcepto confessionis annuæ.

Neque verum est, quod approbatio, injuste negata, haberi possit pro concessa. Sic, licet Episcopus Petro injuste neget Beneficium parochiale, non tamen potest se gerere pro parôcho. matrimonium invalidum est sine præsentia parochi, licet hic injuste illam neget. Licet etiam Ecclesia suppleat aliquando defectum jurisdictionis, ut, cum sacerdos absolvit cum jurisdictione vere probabili, aut in casu erroris communis; non tamen supplet, cum ab Episcopo negatur approbatio; alias quilibet posset, judex in propria causa, se censere idoneum, & approbationem sibi injuste negari, & cur non etiam sacerdos sæcularis posset ita judicare?

*Prop. 14.*

*Qui facit confessionem voluntarie nullam, satisfacit præcepto Ecclesiae.*

*Observ.* Ratio damnandi est, quia Ecclesia præcipit Sacramentum poenitentiae ad remissionem peccatorum. qui autem facit Confessione voluntarie nullam, hoc præceptum nullatenus im-  
pleat, sed abutitur confessione ad multiplicanda peccata. Per hoc tamen non nego, satisfactorum, qui susciperet Sacramentum validum sed informe, e. g. si de peccato furti doleret ex motivo particulari, non autem de delectatione morosa, cujus tunc non recordatur.

Quidam hanc propositionem docuerunt ex ea persuasionem, quod Ecclesia non præcipiat actum internum. Si ergo quis omittat actum internum doloris de peccatis, talem facere quidem confessionem voluntarie nullam, nihil tamen omittere, quod sub præceptum Ecclesiae cadat. Verum probabilius Ecclesia directe etiam actus mere internos potest præcipere ac prohibere, dein certum est, quod saltem indirecte id possit, præcipiendo directe actum externum, & sic etiam indirecte internum, sine quo externus rite fieri non posset. non posset autem rite fieri peccatorum confessio externa, sine dolore & proposito interno.

*Prop. 15.*

*Pœnitens propria auctoritate potest sibi substituere alium, qui loco ipsius poenitentiam impleat.*

*Observ.* Cur non dicis, quod etiam per alium possit confiteri, contritionem elicere, Missam audire, jejunare, recitare penitentia a quo implenda.

*Pars IX.*

B

Bre-



Breviarium? sicut igitur hic exigitur actio personalis, sic etiam in præstanda satisfactione. Igitur regula illa: *poteſt quis per alium, quod facere poteſt per ſe ipſum*; hic non procedit, ubi requiritur personale obſequium. Et ratio ulterior eſt, quia ſatisfactio imponitur a Confeſſario in vindictam ſclerum, & pœnam medicinalem præſervativam, ut rigor ſaltem pœnitentiæ a peccatis abſterreat, unde pœnitens neque poteſt hanc ſatisfactionem in opus melius commutare. Neque paritas eſt cum voto; nam per illud vovens ſibi ipſi obligationem imponit.

## Prop. 16.

De non approbato. *Qui Beneficiam curatum habent, poſſunt ſibi eligere in confeſſarium ſimplicem ſacerdotem, non approbatum ab ordinario.*

*Obſerv.* Ergo vera eſt contradiſtoria: *non poſſunt.* Jam Trid. S. 23. c. 15. exegit in confeſſario, etiam ſecularium ſacerdotum, vel Beneficiam parochiale, vel ſpeciale approbationem Episcopii, hoc eſt, iudicium de idoneitate.

## Prop. 17.

De homicidio. *Eſt licitum Religioſo & Clerico, calumniatorem, gravia crimine de ſe, vel de ſua religione ſpargere minitantem, occidere, quando alius modus defendendi non ſuppetit; uti ſuppetere non videtur, ſi calumniator ſit paratus, vel ipſi Religioſo, vel ejus Religioni, publice & coram graviſſimis viris prædicta impingere, niſi occidatur.*

## Prop. 18.

*Licet interficere falſum accuſatorem, falſos teſtes, ac etiam iudicem, a quo iniqua certo imminet ſententia, ſi alia via non poteſt innocens damnum vitare.*

*Obſerv.* Scandalofa doctrina, in utraque hac propoſitione contenta, ſi vigeret, mundum impleret homicidiis, cum magna Reipublicæ perturbatione. Ut poſſit invaſor interfici, duo requiruntur. 1 quod evidenter graviſſimum damnum inferat. 2 quod certo & evidenter non poſſit damnum illud alia via impediri. Quæ duæ conditiones raro concurrunt. Propoſitiones autem iſtæ duæ ſunt nimis generales, quia limitationes iſtas non apponunt. Neque etiam excipiunt Principem, cujus vita ſacroſancta haberi debet.

Prop.

*Prop. 19.*

*Non peccat maritus occidendo propria auctoritate uxorem, in adulterio deprehensam.*

*Observ.* Thesis est scandalosa; quia non licet homini privato interficere hominem & mittere ad infernum, qui neque vitam, neque bona fortunæ invadit. Dicitur equidem in Jure civili, ad leg. Juliam de adult. *Patvi datur jus occidendi adulteram cum filia, quam in potestate habet.* Sed hoc intelligendum est de foro externo, quod leges civiles non puniant eam occisionem, non autem, quod eam positive licitam faciant. Et, si facerent, Jus civile in hac parte a Canonico esset correctum. Non vindicta privata, sed per judicia publica plectenda sunt scelera.

*Prop. 20.*

*Restitutio, a Pio V. imposita Beneficiatis, non recitantibus, non Restitutio debetur in conscientia, ante sententiam declaratoriam judicis, eo quod sit pena.*

*Observ.* Ratio proscribendi hanc thesin est; quia juxta Concilium Lateran. V sub Leone X, & Constit. Pii V Beneficiatus, non recitans horas Canonicas, *fructus non facit suos*; sed debent restitui fabricæ Ecclesiæ, vel pauperibus. Ergo hoc fieri debet ante omnem sententiam; quia res aliena, quæ nullo jure detinetur, restitui debet ipso jure naturali absque ulla interpellatione.

Pœna equidem, quæ requirit actionem positivam hominis, ordinarie non incurritur ante omnem sententiam judicis; aliud tamen est circa restitutionem rei alienæ, quæ injuste detinetur; nam Ecclesia Beneficiato non confert fructus, nisi sub conditione recitationis, quæ conditio, si non impleatur, nullum jus ad eos acquirit. Et sane, nisi daretur obligatio restituendi ante sententiam, Constitutio Lateranensis & Piana vix unquam obtinerent finem; quia vix est, qui clericum accuset de omiſsa recitatione Breviarii, aut probare possit, non fuisse privatim recitatum. Cæterum, si Beneficiatus vere esset pauper, non viderem, cur fructus non posset sibi tribuere tanquam elemosynam; non enim deterioris est conditionis, ac alii pauperes.

*Prop. 21.*

*Habens, capellaniam collativam, aut quodvis aliud Beneficium Eccl. Recitatio clericale, si studio litterarum vacet, satisfacit suæ obligationi officii, si officium per alium recitet.*



*Observ.* Dubitabatur olim, an Præstimoniam, quæ juvenibus conferuntur ad peragenda studia, sint Beneficia Ecclesiastica, quibus annexa sit obligatio recitandi Horas, an vero meræ pensiones, quibus impositum sit onus recitandi officium B. V. Pius V dubium sustulit, deciditque, quod sint Beneficia cum onere recitandi Horas, ac proin hoc onus esse *personale*, quod quilibet per se ipsum portare debeat; sicut per se ipsum Missam audire, & jejunare debet.

*Prop. 22.*

*Simonia.* *Non est contra justitiam, Beneficia Ecclesiastica non conferre gratis; quia collator conferens illa, pecunia interveniente, non exigit illam pro collatione Beneficii, sed veluti pro emolumento temporali, quod tibi conferre non tenebatur.*

*Observ.* Ratio damnandi est, quia collator vi proprii muneris & ex voluntate fundatoris & Ecclesiæ, tenetur ex justitia distributiva Beneficia Ecclesiastica dignioribus gratis conferre, contrahitque labem simoniæ, si exigit pecuniam, etiam sub prætextu emolumenti temporalis; nam hoc est annexum Beneficio, seu juri percipiendi fructus temporales, ut enim loquitur Pontifex, qui vendit id, sine quo alterum non provenit, neutrum invenditum relinquit. atqui emolumentum temporale non provenit, nisi ex Officio & Beneficio Ecclesiastico, seu ex jure spiritali ad fructus: ergo nec Beneficium & Officium spirituale invenditum relinquit.

*Prop. 23.*

*Jejunium.* *Frangens jejunium Ecclesiasticum, ad quod tenetur, non peccat mortaliter, nisi ex contemptu vel inobedientia hoc faciat, puta quia non vult subicere se præcepto.*

*Observ.* Ex hoc sequeretur, quod nunquam peccetur graviter, violando præcepta (saltem Ecclesiastica) nisi id fiat ex contemptu legis aut legislatoris. Certum autem est, quod graviter peccetur, ponendo objectum aut actum, graviter prohibitum, aut omittendo graviter præceptum, licet id fiat citra formalem contemptum legis. Cum igitur jejunium sit graviter præceptum, prout declarat consuetudo, persuasio fidelium, & perpetua Ecclesiæ traditio, non jejunando graviter peccatur, licet non accedat formalis contemptus legis: *formalis*, inquam; nam omnis deliberata transgressio legis videtur virtutalem quandam ejusdem contemptum continere.

*Prop.*

*Prop. 24.*

*Mollities, sodomia, bestialitas, sunt peccata ejusdem speciei infimae, ideoque sufficit dicere, se procurasse pollutionem.* Peccata contra naturam.

*Observ.* Absurdam hanc propositionem docuit Caramuel contra communem Theologorum, falso interpretans id, quod docuit S. Thomas 2 2 q. 104 a. 1, videlicet, sex esse species luxuriae consummatae, fornicationem, adulterium, incestum, stuprum, raptum, & peccatum contra naturam. Verum S. Doctor per peccatum contra naturam non assignavit speciem infimam sed subalternam.

Sicut virtutes specificantur ab objecto formali seu motivo eas præcipiendi formaliter diverso, sic etiam peccata a motivo legis, ea prohibentis, quod est specialis turpitudine foetorque, ex peccato redolens. Diversa autem omnino turpitudine redolet ex mollitie, sodomia, & bestialitate: inter istas mollities foedum est peccatum, sodomia foedius, bestialitas foedissimum. Neque differunt tantum secundum circumstantias, intra eandem speciem aggravantes, sed tota specie, propter diversam foeditatem ex iis emergentem.

*Prop. 25.*

*Qui habuit copulam cum soluta, satisfacit confessionis præcepto, dicens: commisi cum soluta grave peccatum contra castitatem, non explicando copulam.* De fornicatione.

*Observ.* Potest quis cum soluta varia specie peccata committere contra castitatem, e.g. tactus, pollutionem, fornicationem, stuprum, imo & adulterium, si ipse sit ligatus, aut sacrilegium, si habeat votum, vel incestum, si sit consanguinea &c. quomodo ergo potest satisfacere dicendo generice: commisi cum soluta grave peccatum contra castitatem? Possunt nempe contra eandem virtutem, generice spectatam, diversae moraliter resultare inhonestates, quae speciem peccati mutant, & in confessione sunt exponendae, ut poenitens peccatum suum exponat. Quin imo licet actus externus non differat numero & specie ab interno, tamen est exponendus, ut nemo prudens dubitat: cum vere sit peccatum; hinc non est paritas cum effectu, ex peccato secuto, e.g. morte, ex porrectione veneni secuta; quamvis etiam ejusmodi effectum exponendum esse non pauci doceant, quia saltem in causa fuit liber; imo etiam suo modo in se ipso, si mala voluntas occidendi perduret.



## Prop. 26.

An iudici  
munera? *Quando litigantes habent pro se opiniones æque probabiles, potest  
iudex pecuniam accipere pro sententia ferenda in favorem unius  
præ altero.*

*Observ.* Iudex debet iustitiam gratis administrare, ita, ut ne  
quidem possit acceptare munera, ultro oblata: & in casu æqua-  
lis probabilitatis non potest uni totam causam adjudicare, sed vel  
debet litigantibus transactionem suadere, vel, si nolint transigere,  
rem controversam inter eos æqualiter dividere: si autem res esset  
indivisibilis, per sortem uni rem vel alio modo alteri dimidium  
æstimationis addicere. In iudice non datur casus pro amico.  
Causæ merita & rationum pondera utrinque imponenda lanci, non  
favor aut gratia.

## Prop. 27.

Probabi-  
litas. *Si liber sit alicujus junioris & moderni, debet opinio censeri pro-  
babilis, dum non constet, rejectam esse a sede Apost. tanquam  
improbabilem.*

*Observ.* Ex hoc sequeretur, quod si heteroclitum ingenium,  
novitatis pruritu, contra communem omnium Theologorum sen-  
tentiam, opinionem novam procuderet, hæc habenda esset probabilis;  
quod sane est absurdissimum. Probabile est, quod nititur gravi  
fundamento, quæ virum constantem ad prudentem assensum mo-  
vere queat. Quis autem dicat, auctoritatem unius junioris, toti  
reliquorum auctoritati contradicentis, tam grave esse fundamen-  
tum? temeritas est, non probabilitas. Quot improbables ac fal-  
sissimæ opiniones, sicut ab antiquis, sic etiam a modernis, in me-  
dium sunt allatæ! sicut proverbio dicimus: *nulla absurditas sine  
patrono, nulla feditas sine amatore.* An probabiles dicamus? uti-  
nam scriptores quidam non tam incauti facilesque essent in asserenda  
hujus vel illius propositionis probabilitate, innoxius profectio esset  
Probabilismus, bene intellectus.

Neque obstat, quod libri, antequam edantur, censoribus  
subjiciantur; nam hi non raro vel ex negligentia, vel depropera-  
tione, vel imperitia, vel aliqua auctoris æstimatione præventi,  
non satis considerant, quæ ex tali doctrina consequi possent.

Verum quidem est, quod homo indoctus possit sequi senten-  
tiam viri docti, vel parochi, quos satis doctos existimat; non ta-  
men, si sciat, sententiam illam esse singularem, contra commu-  
nem Theologorum assertam. Sic etiam viri prudentis est, quam-  
vis

vis se doctum existimet, ingenio suo non nimium confidere, nec a via trita, quod exoticorum est, abhorrere. Impendat ingenium doctrinae communi magis firmandae.

Per hæc tamen non nego, posse unum auctorem, qui materiam mature discussit ac rationibus firmavit, propter excellentem suam doctrinam & probitatem, sententiam aliquam singularem reddere probabilem. Sic teste Gallego de *consc. prob. dub.* 21 S. Thomas multa scripsit, & docuit contra alios, qui autem ipsum scripserunt; & tamen ejus opiniones statim, ac ab ipso tradita sunt, existimata sunt probabiles, tum propter maximam ejus auctoritatem apud Theologos, tum quia non levibus, sed rationabilibus fundamentis ductus est, ad sic opinandum.

Notandum etiam, quod advertit Bardi apud Viva, d. 4 de *consc. c. 4.* quod in rebus ad Theologiam spectantibus non satis sit consulere Theologum mere speculativum, magnæ licet sit auctoritatis, si in Morali Theologia & Jurisprudencia parum sit versatus. Plurimi enim pollent ingenio, non tamen judicio prudentiali, & ideo in Scholastica eminent, in Morali & Jurisprudencia claudicant. Accedit, quod aliqua speculative videantur probabilia, non tamen practice.

*Prop. 28.*

*Populus non peccat, etiamsi absque ulla causa non recipiat legem, a Principe promulgatam.*

*Observ.* Scandalosa & rebellis thesis! ergo vana & enervis Acceptatio est omnis potestas legislativa: Princeps dependet a subditis: non legis. regit, sed regitur: falsum est illud juris naturalis principium: *legitime imperanti obtemperandum est.* Et cur non eodem jure dicamus, nullum superioris præceptum obligare, nisi a subdito ultro acceptetur, sed in cujusque arbitrio stare, jugum obedientiæ excutere? Si ita est, omnes poenæ sunt injustæ, quas Princeps, sive ecclesiasticus sive secularis, irrogat transgredientibus legem, & Superior communitalis refractario.

Dixisset saltem auctor hujus propositionis, legem non obligare, si sit nimis ardua; at dicere, populum non peccare etiam tunc, quando *absque ulla causa* non recipit legem, hoc enimvero est nimis absolum.

Supponere videtur auctor hujus erroris, ad essentiam legis requiri acceptationem populi, ac proinde, cum non acceptatur, esse nullam, consequenter populum non peccare. At suppositum istud



istud est falsum; & licet verum esset, populus tamen peccaret, non acceptando, dum Princeps jubet eam acceptari.

Princeps ecclesiasticus potestatem suam non habet a populo, sed a Christo: in Principem vero Monarchicum, sæcularem, sicut olim per legem Regiam, translata est potestas legislativa. Aliud est in regimine non Monarchico, in quo Princeps simul cum Optimatibus legem condit, aut in Aristocratico, in quo Optimates vel Senatus, & in Democratico, in quo populus fert legem.

Verum quidem est, populi acceptationem etiam in regimine Monarchico & independente requiri ad firmitatem & constantiam legis; nam si populus legem non acceptet aut observet, per ipsum contrarium abrogatur, si Princeps conniveat, & sic tacite, observantiam non urgendo, retractet; primi nihilominus, qui legem absque iusta causa non acceptant, aut eam non observant, peccant, donec usu contrario, continuato longo tempore, cum consensu, saltem legali, Principis sit abrogata.

Et ita intelligendum venit, quod dicitur *l. de quibus ff. de legib. leges ex nulla alia causa nos tenent, quam quod iudicio populi receptæ sunt.* Nam, si non recipiantur, dissimulante legislatore, per consuetudinem contrariam abrogantur, adeoque non amplius nos tenent. Et in hunc sensum loquitur Gratianus *in cap. in illis dist. 4. leges instituuntur, dum promulgantur, firmanur, dum moribus utentium approbantur.* Id est: valent quidem & obligant; sed si populus eas non observet longo tempore, rursus abrogantur per consuetudinem contra legem.

*Condemnatio harum Propositionum.*

Has 28 Propositiones Alex. VII, re mature considerata, damnavit ad minimum tanquam scandalosas, ita, ut quicumque illarum aliquam docuerit, defenderit, ediderit, aut de iis etiam disputaverit, publice, aut privatim, nisi forsan impugnando, ipso facto incidat in excommunicationem, Pontifici reservatam, prohibetque gravissime, ne quis fidelium eas in praxin deducat.

### §. 2.

*Aliæ 17 Propositiones ab Alex. VII damnatæ.*

2. Sequenti dein anno 18 Martii 1666 alias 17 damnavit, per plures Theologiæ Magistros, & S. R. E. Cardinales, Generales Inquisitores prius examinatas; quæ sunt sequentes.

*Prop.*

*Propositio 29.*

*In die jejunii, qui saepius modicum quid comedit, etsi notabilem quantitatem in fine comederit, non frangit jejunium.*

*Observatio.* Ratio reprobandi est; quia sic eluderetur vel omnino everti posset præceptum jejunii; quia multæ comestunculae, Jejunium. eadem die factæ, coalescunt moraliter, & æquivalent uni comestioni notabili, repugnantque non minus fini jejunii, nempe macerationi carnis. Et hinc graviter peccas contra præceptum jejunii, si saepius manducando advertas, te perventurum ad quantitatem notabilem, frangisque jejunium, sicut, qui advertit, se per parva furta perventurum ad summam gravem, graviter contra justitiam peccat. Imo tamen si prius saepius manducando aut furando non adverteris, te perventurum ad quantitatem gravem, si tamen advertas in ultima comestione aut furto, te complere quantitatem gravem, mortaliter peccas, si non omittas, non quod ultima illa comestio aut furtum se solo sit peccatum grave, sed quia cum præteritis moraliter coalescit, & sic complet quantitatem gravem. Idem dicendum de eo, qui sæpe in eodem officio aliquid omittit, aut die festo sæpe aliquid laborat, nam peccat graviter, quando ad quantitatem notabilem pervenit.

Verum quidem est, quod plura venialia non æquivalent uni mortali, sed nego, quod sit veniale, si advertas te pervenire ad quantitatem gravem eadem die jejunii. Aliud est, si singulis jejunii diebus aliquid parum comedas; nam comestiones plurium dierum non ita coalescunt, cum jejunium unus diei non respiciat jejunium alterius diei; sed quodlibet sit affixum suæ diei. Idem, si voveas, quotidie modicam eleemosynam dare, aut brevem orationem peragere, & obligationem cuilibet diei affigas. Aliud autem, si in communi & conjunctim voveas.

*Prop. 30.*

*Omnes officiales, qui in Repub. corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio.*

*Observe.* Thesis hæc est nimium generalis, non distinguens inter corporales labores graves & leves, magnos & parvos, multum defatigantes, & parum: quasi vero quilibet labor corporalis excuset ab obligatione jejunii. Si scriba aliquot lineas describat pro Republica, an propterea excusandus a jejunio?



## Prop. 31.

*Excusantur a præcepto jejunii omnes illi, qui iter agunt, equitando, utcumque iter agant, etiamsi iter necessarium non sit, & etiamsi iter unius diei conficiant.*

*Observ.* Præceptum jejunii obligat, quoties sine magno incommodo servari potest. At sæpe sine magno incommodo iter peragi potest, præsertim equo vel curru, imo etiam cum oblectatione & recreatione, sine notabili defatigatione; talem autem excusari a jejuniis dici non potest, licet iter unius diei faciat.

## Prop. 32.

*Non est evidens, quod consuetudo non comedendi ova & lacticia in quadragesima obliget.*

*Observ.* Consuetudo legitime præscripta, est lex non scripta, obligatque sicut leges scriptæ. Ubi ergo consuetudo introduxit, ut diebus jejunii abstinence non tantum a carnibus, sed etiam ab ovis & lacticiis, evidens est, quod detur obligatio ab iis abstinendi; nam jejunium præcipue regulatur secundum consuetudinem, legitime præscriptam. Nos autem in Germania circa ova & lacticia aliam consuetudinem habemus.

## Prop. 33.

*Restitutio. Restitutio fructuum ob omissionem Horarum suppleri potest per quas-  
cunque eleemosynas, quas Beneficiarius de fructibus sui Beneficii fecerit.*

*Observ.* Ratio prohibendi est, quod, si quis prius eleemosynas prorsus liberaliter & gratis fecerit, ex virtute misericordiae erga pauperes, hæc eleemosyna jam transit in dominium pauperis; unde, si postea horas omittat, non potest amplius illas eleemosynas in restitutionem, ex justitia debitam, computare: sed ex justitia debet novas eleemosynas facere, aut fructus fabricæ suæ Ecclesiæ restituere. Unde falsum est, quod restitutionem per quas-  
cunque eleemosynas possit facere.

## Prop. 34

*In die Palmarum recitans officium Paschale satisfacit præcepto.*

*Officium.*

*Observ.* Caramuelis hæc thesis, (quam postea revocavit) aperte est contra Decretum Pii V, qui in virtute S. obedientiæ præcepit, ut ritus, in Breviario Romano præscriptus, observetur, neminemque nisi hac sola formula posse satisfacere. Unde graviter peccat, qui ab ea notabiliter recedit, venialiter vero ob par-

vitatem

vitatem materiae ab iis, qui citra rationabilem causam ab ea recedunt. Atqui recitans in die Palmarum officium Paschale notabiliter a ritu praescripto recedit: ergo non satisfacit praeepto, & graviter peccat; quia talis mutatio officii longissimi in brevissimum est variatio valde notabilis & substantialis; quidquid sit, an mutatio officii de uno sancto in officium de alio sancto sit notabilis & substantialis, in quo DD. non conveniunt.

*Prop. 35.*

*Uno Officio satisfieri potest duplici praeepto pro die praesenti & crastino.*

*Observ.* Officium est ita affixum cuilibet diei, ut pro quolibet recitari debeat, ut patet ex communi sententia, persuasione, praxi, consuetudine omnium timoratorum. Quomodo ergo unico officio satisfieri possit pro duobus diebus? solutione unius aurei debito duorum aureorum? Cur non etiam dicis, uno officio satisfieri posse pro toto anno? Aliud est de impletionem plurium praeeptorum, eandem actionem praecipientium, e. g. si concurrant praeeptum naturale, Divinum & humanum; quia omnia unum eundemque actum praecipiunt. Satisfacis una Missa, si concurrat Dominica & festum Apostoli, uno jejunio, pervigilio incidente in quadragesimam, quia unum tantum, licet ex duplici motivo, praecipitur. At in nostro casu pro duobus diebus duo officia praecipiuntur.

*Prop. 36.*

*Regulares possunt in foro conscientiae uti privilegiis suis, quae sunt expresse revocata per Concilium Tridentinum.*

*Observ.* Ante proscriptionem hujus propositionis variae erant de hac re sententiae, propter varias Pontificum Ordinationes, va- De privil.  
ria privilegia, modo concedentes, modo iterum revocantes. Sed revocatis.  
nunc assurgendum decisioni Alexandri VII, propositionem praedictam condemnantis. Rationem prohibendi videntur praebuisse variae controversiae, & lites, inter Episcopos, & Regulares circa usum privilegiorum exortae.

*Prop. 37.*

*Indulgentiae, concessae Regularibus, & revocatae a Paulo V, hodie sunt revalidatae.*

*Observ.* Paulus V, cum Indulgentiae nimis excrescerent, non De Indulgen-  
omnes certae, anno 1606 omnes revocavit, novasque concessit. tis revocatis.  
Idem Paulus V postea omnes Societati nostrae restituit, & per  
C 2 com-



communicationem privilegiorum, etiam aliis Ordinibus Mendicantibus. Urbanus VIII V. V. O. rursus revocavit. Unde orta inter DD. multiplex disputatio. Condemnatio hujus propositionis id solum decidit, Indulgentias, a Paulo V revocatas, hodie non esse revalidatas. Certissimæ autem sunt Indulgentiæ, quas post Urbanum VIII Pontifices concesserunt, quales sunt plurimæ; quas non vacat hic longo catalogo attexere.

P. Viva in sua Trutina ad hanc propositionem existimat, eos etiam lucrari indulgentias, qui tantum probabilitatem habent de concessione, eo quod Pontifex in tali casu suppleret easque concedat, licet in se non subsisterent, sicut supplere censetur Jurisdictionem in casu erroris communis; imo eum etiam Indulgentias lucrari, qui nescit, esse concessas, modo opera præscripta peragat; quia, sicut in auditione Missæ non præcipitur intentio satisfaciendi præcepto, sed, ut Missa audiat, sic non injungi intentionem lucrandi indulgentiam, sed opera. Ego sæpius parochis, qui dubitabant, an hæ vel illæ Indulgentiæ sint revera legitima, suasi, ut non multum se opponant, ex ea ratione, quod ex ea persuasionem innocenti fiat confessio peccatorum, sacræ Synaxis sumptio, alia opera bona. Licet igitur Indulgentiæ re ipsa non subsisterent, ista pientissima opera nemini nocerent, operanti autem multum prodescent. Certe sæpius in confessionali interrogatus, an has vel illas Indulgentias, de quibus dubitabam, lucrari possint, respondi, Sacramentum pœnitentiæ cum satisfactione imposita, Sacramentum Eucharistiæ devote susciperent, bona opera peragerent, semper ab his haberi indulgentiam.

*Prop. 38.*

*Mandatum Tridentini, factum sacerdoti, sacrificanti ex necessitate cum peccato mortali, confitendi quamprimum, est consilium, non præceptum.*

De confitendo quamprimum.

*Observ.* Habemus ergo ex proscriptione hujus thesisi, mandatum illud, quamprimum confitendi, non esse tantummodo consilium, sed præceptum, & quidem grave, sicut præceptum audiendi Missam, jejunandi &c. prout DD. consensus, communis persuasio, usus & consuetudo, optimus legum interpretes, declarant. Licet enim talis sibi persuadeat, se contritionem perfectam elicuisse ante sacrificium, & per eam sibi remissum esse mortale, de hoc tamen non est certus; quare reverentia Sacramenti, quod alio die rursus vult conficere, requirit, ut prius confiteatur suum peccatum, necdum expositum; &, si longo tempore non amplius sit

fit

sit celebraturus, nihilominus tenetur vi hujus præcepti Ecclesiastici brevi confiteri.

*Prop. 39.*

*Illæ particula quamprimum intelligitur, cum sacerdos suo tempore confitebitur.*

*Observ.* Torta est hæc expositio & absurda. *Quamprimum* aliud significat: deinde, si hic esset sensus, otiosa esset condemnatio hujus propositionis, cum apud omnes certum sit, in proxima confessione mortale, necdum expositum, jure Divino esse subjiciendum clavibus: ceterum illud *quamprimum* DD. censent, esse accipiendum moraliter pro diversitate materialium & circumstantiarum, & in nostro casu lumi posse pro triduo, ita, ut intra triduum sacerdos teneatur confiteri. Si tamen post celebrationem statim haberet copiam confessarii, ultra triduum non amplius habiturus, teneretur statim post Missam confiteri, ut huic præcepto satisfaciatur.

*Prop. 40.*

*Est probabilis opinio, quæ dicit, esse tantum veniale osculum, habitum ab delectationem carnalem & sensualem, quæ ex osculo oritur, secluso periculo consensus ulterioris & pollutionis.* De osculis.

*Observ.* Omnis delectatio carnalis seu venerea, deliberate quæsitæ, est peccatum mortale, nec datur in ea parvitas materiæ, ab eo excusans; quia semper datur ratio graviter prohibendi, nempe periculum proximum, in tanta naturæ lubricitate, & vehementia tentationis, ad ulteriorem majoremque delectationem progrediendi; nam omnis delectatio carnalis est inchoata pollutio &c. qui autem amat periculum, peribit in illo.

Igitur osculum, amplexus, tactus, & actus quicunque positis deliberate propter delectationem veneream, quæ ex actu illo percipitur, semper est peccatum mortale, licet quis statuatur in ea sistere, & non ulterius progredi; imo delectatio morosa, etiam si in nullum actum externum prodeat, jam per se ipsam est peccatum grave.

Si doctrina hæc severior cuipiam ex carnali hoc sæculo appareat, cogitet, illam Juris naturalis, Divini & humani esse, atque hinc arctam ad cælum viam, quod vim patitur, a violentis rapiendum; relictumque nobis stimulum ad agonem, ut cælum mereamus. Jugum Domini nihilominus suave & onus leve, sed diligentibus DEUM, qui non patitur nos tentari supra id, quod cum



ejus gratia possumus; auxiliaque nobis suppeditat in tempore oportuno; qualia sunt, præter ejus gratiam (quæ suffecit Paulo contra stimulum carnis) oratio, aversio phantasæ, fuga otii & occasionis, generosa resistentia, iniitiis opposita, edomatio carnis &c. Quamvis autem omnis delectatio carnalis extra matrimonium plene deliberata sit peccatum grave, nullaque detur in ea parvitas materiæ, sæpe tamen peccatum tantum veniale, aut omnino nullum, committitur ex indeliberatione actus, quia scilicet committitur, sine plena deliberatione, id est, sine plena advertentia intellectus, ad malitiam gravem, aut sine pleno consensu voluntatis. Distinguendum etiam inter delectationem carnalem seu veneream, & inter mere sensualem, quæ ex proportionem sensus cum objecto oritur, dum e. g. visus intuetur pulchrum florem, auditus percipit suavem musicam, odoratus delectatur odore grato, gustus cibo aut potu amœno, tactus panno molli &c.; nam quamdiu in hac proportionem sensus cum suo objecto sistitur, non peccatur graviter.

*Prop. 41.*

De concubinario.

*Non est obligandus concubinarius ad ejiciendam concubinam, si hæc nimis utilis esset ad oblectamentum concubinarij, vulgo Regalo, dum deficiente illa nimis agre ageret vitam, & alia epula tadio magno afficerent concubinarium, & alia famula nimis difficile inveniretur.*

*Observ.* Scandalosa sane propositio, quam docuit Joannes Sanchez, alias etiam sapius in laxitatem effusus. Quid hoc aliud, quam molle pulvinar peccatoribus consuetudinariis substernere? Talis concubinarius est in periculo proximo peccandi mortaliter, nec datur physica aut moralis impossibilitas, eam deserendi; neque enim talis est melancholia, tedium, molestia, quam sentit ex absentia concubinæ, quamvis deesset alia famula, quæ tam sapidas epulas prepararet.

Occasio autem proxima est, in qua sæpe peccatur, remota, in qua raro. Unde fit, ut occasio, quæ respectu unius est remota, respectu alterius possit esse proxima. Hæc rursus alia est voluntaria, quæ moraliter potest deferri, alia involuntaria, & necessaria, quæ vel omnino non potest, vel non nisi cum summa difficultate potest deferri.

Remota non debet necessario deferri: alias oporteret mundo exire; nullus posset sequi militiam, mercaturam &c. nec posset acceptare officium aliquod periculosum. Proxima voluntaria de-

ferri

feri debet, si possit. Si oculus tuus scandalizat te, evellere eum & projicere jubet Dominus. Involuntaria, cum non possit, non debet deferri materialiter, debet tamen deferri formaliter, non amplius peccando, aut ex proxima occasione faciendo remotam. Si tamen propter occasionem proximam non sublatam identidem relaberetur, neganda ei foret absolutio, nisi prius concubinam ejiciat, aut aliam occasionem proximam deferat, etiamsi maxima in hoc esset difficultas; quia alias sperari prudenter non potest emendatio, eo quod talis occasio ei sit formaliter proxima. De hac materia sæpius recurrit sermo, ob plures propositiones, ab Innoc. XI damnatas.

*Prop. 42.*

*Licetum est mutuanti aliquid supra sortem exigere, si se obliget Usura. ad non repetendam sortem usque ad certum tempus.*

*Observ.* Propositio hæc est nimium generalis, includens etiam casum, quo mutans ex dilatione restitutionis nullum pateretur damnum. Hoc autem est falsum; nam contractus mutui talis est naturæ, ut non plus, quam tantundem exigatur restitui, quantum fuit datum. Unde omne lucrum, quod solo titulo mutui supra sortem exigitur, est usura lucratoria, stricte dicta, omni jure, naturali, Divino, & humano prohibita, sicut furtum, intrinsicè mala: imo species quædam furti, eodem cum illo præcepto septimo prohibita, ut facile agnoscunt omnes Theologi & docti Juristæ. Et quid inordinatius, quam ex re aliena velle lucrari a mutuuario, in quem totum dominium fuit translatum, cuique mutuum perit, si perit.

Neque obstat, quod mutuarius ultro usuram promittat; nam excessum supra sortem non donat, ut supponitur, sed titulo mutui exactum dat, alias non accepturus mutuum.

Per hoc tamen nequaquam reprobantur alii tituli, legitimi & justii, pecuniam utiliter expendendi, uti emptione census, contractu societatis &c. neque in ipso etiam mutuo seu occasione mutui prohibitum est aliquod auctarium petere ratione lucri cessantis, damni emergentis, aut veri periculi amittendæ sortis, aut etiam legis, permittentis occasione mutui moderatum auctarium, illiusque dominium in creditorem seu mutuante transferentis, prout illud transfert in præscribentem: quibus titulis excusandum putamus censum Germanicum, apud plures nationes consuetum. Nunquam tamen licet titulo solius mutui vel minimum quid ultra sortem exigere.

*Prop.*



## Prop. 43.

*Legatum. Annum legatum, pro anima relictum, non durat plus, quam per decem annos.*

*Observ.* Videtur hæc thesis supponere, quod animæ in purgatorio non detineantur ultra decennium, quod aliqui putabant, ac proin, cum cesset finis, cessare etiam obligationem annui legati, ut DD. aliqui cum Soto existimarunt; hoc autem suppositum est prorsus arbitrium, nullo subsistens fundamento probabili. Cur non dicis eodem jure, hoc est, nullo, animas in purgatorio detineri tantum 5 annis, aut 20, aut cum aliis somnatoriibus, omnes detineri usque ad extremum iudicium? Cum ergo hoc suppositum sit omnino incertum, quomodo in eo fundare possis cessationem obligationis certæ. Sed neque præscriptionis præsidio tueri te potes, quam ne quidem inchoare potuisti.

## Prop. 44.

*Censuræ. Quoad forum conscientia, reo correcto, ejusque contumacia cessante, cessant censura.*

*Observ.* Censuræ non cessant, nisi per absolutionem: sicut enim natæ sunt per actum jurisdictionis ecclesiasticæ, sic etiam dissolvi debent, secundum illud: *quodcumque ligaveris*. Licet ergo reus sit correctus, & contumacia cessaverit, non tamen hoc ipso ante absolutionem cessat censura, licet etiam per actum perfectæ contritionis te in statum gratiæ reposueris. Sicut post extinctum reatum culpæ, non semper etiam est extinctus reatus pœnæ, censura autem non tantum est medicinalis sed etiam pœnalis; in quantum est medicinalis, cessat post curationem, non autem, in quantum est pœnalis ante absolutionem. Unde dicitur, licet censura dependeat a contumacia *in fieri*, non tamen *in conservari*: sicut culpa est causa pœnæ, & tamen hæc sæpe manet post remissam culpam: & sicut impedimentum publicæ honestatis manet post rescissa sponsalia, licet illud ex his nascatur.

Quando etiam censura ferretur hac formula: *donec resipiscas*, non sequeretur, quod per ipsam resipiscentiam liberaretur a censura, sed sensus esset: *donec post resipiscentiam absolvaris*. Sicut, quando dicitur non remitti peccatum, nisi restituatur ablatum, non sequitur, quod per restitutionem formaliter remittatur peccatum, sed post restitutionem per gratiam justificantem. Excommunicatus, licet in gratia mortuus, debet adhuc absolvi, ut possit sacra sepultura & Ecclesiæ suffragiis frui, & ratio ulterior est, quia eccle-

ecclesia vult, ut innodatus censura non liberetur, donec ab habente potestatem absolvatur, ut etiam ex hac propositione damnata patet.

*Prop. 45.*

*Libri prohibiti, donec expurgentur, possunt retineri, usque dum* Libri pro-  
*adhibita diligentia corrigantur.* hibiti.

*Observ.* Libri hæreticorum, hæresin continentes, vel de religione tractantes, prohibentur in Bulla Cœnæ absolute sub excommunicatione reservata, quæ incurritur etiam ab iis, qui tales libros retinent. Quidam autem libri, maxime Catholicorum, prohibentur, adjecta clausula: *donec expurgentur*; & de his putabant quidam cum Marchantio, quod possint retineri, donec corrigantur; præsertim ab eo, respectu cujus nullum est periculum perversionis, neque ex retentione, neque ex lectione libri.

Verum, cum lex prohibens retentionem & lectionem sit universalis, propositio hæc fuit damnata. Neque obstat, quod respectu alicujus in particulari nullum sit periculum, adeoque cessare videatur respectu illius finis legis; nam aliter hic discurrendum de præcepto particulari, alicui personæ particulari imposito, e. g. ut restituas bonum alienum, tu autem nullum bonum alienum habeas; tunc enim cessante fine cessat præceptum. Aliter vero, cum est præceptum generale, latum ex præsumptione periculi universalis, seu talis, quod communiter aut frequenter adesse solet, tunc enim lex obligat eos etiam, respectu quorum nullum hic & nunc est periculum: & tale præceptum est, non legendi aut retinendi libros prohibitos.

Et ratio est, quia tale præceptum non est latum propter periculum alicujus in particulari, sed propter periculum, communiter, aut frequenter adesse solitum. Licet ergo apud aliquem vel aliquos cesset periculum particulare, scilicet respectu ipsius, non cessat tamen lex etiam respectu ipsius; quia manet finis legis, nempe periculum communiter adesse solitum, qui finis non cessat. Quamvis enim respectu ipsius nullum esset periculum, est tamen periculum frequens, propter quod lex universalis fuit lata.



## §. 3.

*Propositiones 65 ab Innocentio XI damnatae  
anno 1679.*

3.

**S.** D. N. Innocentius XI opus ab Alex. VII inchoatum profecturus, multas propositiones, ex diversis libris, thesibus, scriptis excerptas, & partim noviter adinventas Theologorum plurium examini, atque S. R. E. Cardinalium, contra hæreticam pravitatem Generalium Inquisitorum judicio subjectas, ut minimum tanquam scandalosas, & in praxi perniciosas damnavit.

*Propositio 1.*

*Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, aut conventio, aut periculum gravis damni incurrendi. Hinc sententia probabili tantum non est utendum in collatione baptismi, ordinis sacerdotalis & Episcopalis.*

Probabilitas  
de valore.

*Observatio.* Merito damnata est hæc propositio; non enim est probabile, quod possis adhibere materiam aut formam dubiam aut tantum probabiliter validam, si possis habere certo validam. Unde hæc damnatio non afficit doctrinam Probabilismi, bene intellectam; nam Probabilismus non loquitur de probabilitate objectiva & speculativa, quando probabile e. g. est hanc vel illam materiam esse validam, aut hanc medicinam conducturam ad sanitatem, sed loquitur unice de probabilitate practica, versante circa *licitiam actionis*, quando vere probabile est, hanc vel illam actionem esse licitam. Non est autem, quod dixi, vere probabile, quod liceat adhibere in Sacramentis materiam dubiam, aut probabiliter tantum validam, si possis adhibere certo validam; licet enim probabile sit, quod sit valida, non tamen est probabile, quod liceat ea uti; semper enim id vetat lex, vertiturque periculum gravis damni, & irreverentiæ erga Sacramentum, quando exponitur periculo nullitatis. (*vide part. 1, ubi hæc materia ex instructo est discussa.*)

*Prop. 2.*

*Probabiliter existimo, Judicem posse judicare juxta opinionem, etiam minus probabilem.*

*Observ.*

*Observ.* Quod hoc liceat, iterum non est probabile; nam pro ea parte est pronuntiandum, cujus causa est probabilior. Si De opinione  
justitia causæ utrinque sit æque probabilis, vel est pronuntiandum pro reo & possessore, vel partes litigantes bono modo sunt probab.  
inducendæ ad transactionem, vel utrique dimidium est adjudicandum: nunquam vero illi, qui habet causam minus probabiliter justam; quia hic non datur casus pro amico. Aliud est de criminalibus; nam stante utrinque æquali probabilitate de crimine, reus est absolvendus; quia jura proniora sunt ad absolvendum, quam condemnandum; imo in causis capitalibus jura requirunt probationes, luce meridiana clariores.

*Prop. 3.*

*Generatim, dum probabilitate, sive intrinseca, sive extrinseca, quantumvis tenui, modo a probabilitatis finibus non exeat, consisti aliquid agimus, semper prudenter agimus.*

*Observ.* Laxa & perniciosa est hæc thesis, quam illi, qui probabilismum sobrie defendunt, nunquam admittunt, sed requirunt veram, certam, solidam, absolutam, & comparativam in conflictu rationum oppositarum, probabilitatem, id est, talem, quæ nitatur motivo gravi, quæ virum constantem ad prudentem assensum movere possit; talis autem non est tenuis probabilitas, quæ est umbra potius probabilitatis, quam vera probabilitas, verans circa licentiam actionis.

*Prop. 4.*

*Ab infidelitate excusatur infidelis non credens, ductus opinione minus probabilis.*

*Observ.* Etiam hic agitur de probabilitate objectiva & speculativa, quando scilicet probabile sit, sectam, Catholicæ Religionis oppositam esse veram, non autem de probabilitate practica, versante circa licentiam non credendi; non enim est probabile, quod liceat non credere Ecclesiam Catholicam, quando secta opposita est ipsi minus probabilis. In re enim tanti momenti, a qua dependet salus æterna, certum est, quod debeat credere Ecclesiam catholicam, sibi probabilius veram: fides tamen hæc, nimis soli probabilitati, licet majori, quod DEUS revelaverit, non esset statim supernaturalis, quia idem Innoc. XI propof. 21 damnavit, assensum fidei supernaturalis stare cum notitia solum probabilis revelationis. Donec igitur habeatur moralis certitudo de



existentia revelationis, eliceretur fides naturalis. Hoc enim nisi dicatur, videntur difficulter componi posse, quæ damnantur propositione 4 & 21. Configi etiam potuit hæc 4ta propositio, quia simpliciter excusat non credentem, absque mentione obligationis ulterius in veritatem inquirendi.

Sed quid? si alicui Religio catholica, aut aliquis illius articulus videatur minus probabilis, quam articulus sectæ lutheranæ? An hunc potest & tenetur credere? *Resp.* Itali negant suppositum, quod Religio Catholica aut aliquis illius articulus possit alicui prudenter apparere minus probabilis; tot enim signis credibilitatis & veritatis est illustrata Ecclesia Catholica, ut nemo prudenter de ea dubitare possit, cum faciant evidenter credibilem, & evidenter credendam, atque certo veram. Certe facienti, quod est in se, DEUS non denegat gratiam, præsertim ad ea cognoscenda, quæ sunt necessaria necessitate Medii.

*Prop. 5.*

Dilectio  
DEI.

*An peccet mortaliter, qui actum Dilectionis DEI semel tantum in vita eliceret, condemnare non audemus.*

*Prop. 6.*

*Probabile est, ne singulis quidem rigoroſe quinquenniis per se obligare præceptum charitatis erga DEUM.*

*Prop. 7.*

*Tunc solum obligat, quando tenemur justificari, & non habemus aliam viam, qua justificari posſimus.*

*Obſerv.* Certum est, ex lumine rationis & juris naturalis, ex lege Divina, in Evangelio tam energice nobis proposita, ad virtutes Theologicæ sæpius exercendas nos obligari; quia tenemur DEUM colere, quod maxime fit per illas virtutes, quæ nos ad pie vivendum & conjunctionem cum DEO immediate disponunt, atque salutem æternam, utique ab omnibus quærendam, perducunt. *Qui non amat Dominum Noſtrum JESUM CHRIS- tum, sit anathema.* Neque sufficit amor virtualis, consistens in observatione præceptorum, sed requiritur formalis, non modo in exortu sufficientis rationis & in morte eliciendus, sed sæpius etiam in vita, & quidem sub gravi peccato. Et idem de fide & spe.

*Prop.*

Prop. 8.

*Comedere & bibere usque ad satietatem ob solam voluptatem non est peccatum, modo non obsit valetudini; quia licite potest appetitus naturalis suis actibus frui.* Comestio ad satietatem.

*Observ.* Verba praesertim ultima sunt scandalosa; quid enim ex illis non posset carnalis homo concludere? Dein cibus & potus ordinatur a DEO & natura ad restaurationem & conservationem virium ad obsequium DEI; invertit igitur ordinem naturae, qui ad alium finem, uti ad voluptatem solam, illos adhibet. Accedit, quod hæc thesis non excipiat casum, quo temperantiae limites transilirentur.

Prop. 9.

*Opus conjugii, ob solam voluptatem exercitum, penitus caret culpa, ac defectu veniali.* Copula.

*Observ.* Opus conjugii ordinatur ad honestam generationem prolis, & ut incontinentiae peccatum evitetur; inordinatum igitur est, si ad solam voluptatem referatur.

Prop. 10.

*Non tenemur proximum diligere actu interno & formali.*

*Observ.* Tenemur DEUM diligere etiam actu interno & formali: ergo etiam proximum; cum secundum mandatum sit simile primo, & sane dilectio residet in corde: ergo non satisfacit præcepto per actum mere externum, modo Pharisaico exercitum. Accedit, quod dilectio etiam interna sit necessaria ad conservandam pacem & concordiam inter homines. Dilectio proximi.

Prop. 11.

*Præcepto proximum diligendi satisfacere possumus per solos actus externos.*

Prop. 12.

*Vix in secularibus invenies, etiam in Regibus, superfluum statui, & ita vix aliquis tenetur ad eleemosynam, quando tenetur tantum ex superfluo statui.*

*Observ.* Hæc doctrina si locum inveniret, frustranea essent præcepta eleemosynæ, in S. Scriptura toties inculcata. Igitur non tantum in extrema necessitate succurrendum est pauperi, licet non habeantur superflua, imo etiam in gravi necessitate, quin etiam in communi, dando eleemosynam ostiatim mendicantibus, de superfluis statui proprio: quod autem nemo habeat superflua, seu



ad statum proprium conservandum non necessaria, dici non potest, cum multi sint satis divites. Licet præceptum dandi eleemosynam etiam laicis sit impositum, præcipue tamen Ecclesiasticis, qui speciali etiam præcepto obligantur, superflua erogare in pias causas. Cæterum præceptum dandi eleemosynas fundatur in amore DEI & proximi.

## Prop. 13.

Gaudium  
de morte.

*Si cum debita moderatione facias, potes absque peccato mortali de vita alicujus tristari, & de morte naturali illius gaudere, illam inefficaci affectu petere & desiderare, non quidem ex displicentia personæ, sed ob aliquod temporale emolumentum.*

## Prop. 14.

*Licetum est, absoluto desiderio cupere mortem patris, non quidem ut malum patris, sed bonum cupientis; quia nimirum ei est obventura pinguis hæreditas.*

## Prop. 15.

*Licetum est filio gaudere de parricidio patris, a se in ebrietate perpetrato, propter ingentes divitias, inde ex hæreditate consecutas.*

*Observ.* Cum vita hominis sit altioris ordinis, quam bonum temporale, non licet propter istud optare, aut cupere mortem alterius, maxime patris, aut de illa gaudere, sicut non licet illam desiderare, aut procurare. Orat equidem Ecclesia, ut gentes Paganorum, quæ in feritate sua confidunt, dexteræ tuæ potentia conterantur; sed hic intenditur majus earum bonum, ut videlicet convertantur, & Ecclesia ab eis secunda & quæta permaneat.

## Prop. 16.

Fides. *Fides non censetur cadere sub præceptum speciale, & secundum se.*

## Prop. 17.

*Satis est, actum fidei semel in vita elicere.*

*Observ.* Cum fides sit initium salutis, fundamentum & radix omnis justificationis, sine qua impossibile est placere DEO, atque sæpiissime in S. Scriptura nobis commendetur, per se patet, quam enormiter absurdæ & scandalosæ sint hæ propositiones. Videantur etiam, quæ dicta sunt ad propof. I ab Alex. VII damnata.

Prop.

Prop. 18.

*Si a potestate publica quis interrogetur, fidem ingenue confiteri, ut DEO & fidei gloriosum consulo; tacere, ut peccaminosum* Professio fidei.  
*per se non damno.*

*Obsev.* Non tantum obligamur graviter, actus fidei internos frequentius elicere, sed etiam ad externam professionem fidei; nam corde creditur ad justitiam, ore autem confessio fit ad salutem, ait Apostolus ad Rom. 10. & ipse Dominus: qui me erubuerit, & sermones meos, hunc filius hominis erubescet, cum venerit in maiestate sua &c. Luc. 9. Qui constabitur me coram hominibus, constebor & ego eum coram Patre meo. Matth. 10.

Ratio est, quia obsequium DEO & fidei debitum exigit, ut publice eam profiteamur, quando taciturnitas cederet in ejus contemptum, vilipensionem, aut in scandalum aliorum, quod praesertim fieret, si a publica potestate interrogatus de fide sua taceret, maxime si hoc silentium videretur virtualis negatio fidei.

Aliud foret, si silentium indicaret contemptum Tyranni, foretque virtualis professio fidei; ut docemur exemplis sanctorum, & ipsius Christi Domini, qui interrogatus ab Herode tacuit. Aliud item foret, si a privato interrogaretur; nam huic respondere posset, quid ad te? Ceterum sicut simulatio falsae religionis semper est graviter prohibita, ita dissimulatio suae fidei, imo & fuga saepe est licita ac prudens; prout nos rursus docent exempla sanctorum, & monitum Christi: *si vos persecuti fuerint in una civitate, fugite in aliam.* Prout etiam habitus & alia signa, falsae religionis professiva, graviter sunt prohibita, ita indifferentia non sunt illicita.

Regula generalis est: quotiescunque taciturnitas, aut positio alicujus signi cedit in contemptum aut irreverentiam DEI aut fidei, aut in scandalum proximi, jure naturali semper prohibetur. Jure autem positivo humano a variis emittenda est professio fidei, e.g. ab eis, qui recipiunt Beneficium curatum, a promovendis ad Gradus litterarios &c.

Prop. 19.

*Voluntas non potest efficere, ut assensus fidei in se ipso sit magis firmus, quam mereatur pondus rationum, ad assensum impellentium.* Firmitas fidei.

Prop.



## Prop. 20.

*Hinc potest quis prudenter repudiare assensum, quem habebat, supernaturalem.*

*Observ.* Rationes quæ remote impellunt ad assensum fidei, sunt signa & *motiva credibilitatis*: atque sunt moraliter certa, seu faciunt evidenter mysterium credibile & credendum. Sed per hæc necdum habetur summa certitudo, qualis ad actum fidei supernaturalem requiritur, suntque principia fidei tantum extrinseca, quæ revelationem mysterii cetera moraliter certam intellectui proponunt. Accedit *pia affectio*, seu imperium voluntatis (per quod fides est libera & meritoria) per hanc piam affectionem supernaturalem voluntas intellectui imperat assensum firmissimum; *illustratio* quoque supernaturalis Divina intellectui suasive proponit auctoritatem DEI revelantis: propter quam tanquam objectum formale & motivum intrinsecus intellectus elicit assensum prorsus firmissimum & infallibilem, imo certiore omni certitudine naturali, utpote nixum auctoritate DEI loquentis, per lumen supernaturale proposita.

Hinc falsum est, quod voluntas non possit facere, ut assensus fidei in se ipso sit firmior, quam mereatur pondus rationum seu motiva extrinseca fidei. Falsum etiam est, quod prudenter repudiare quis possit assensum, quem habebat, supernaturalem, cum tum ex imperio voluntatis, tum ex illustratione supernaturali, cum summa certitudine non tantum infallibilitatis sed etiam adhesionis affectivæ adhæreat auctoritati Divinæ revelanti, tanquam objecto suo formali, & motivo intrinsece & essentialiter respecto; in quod fides ultimato resolvitur.

Accedit, quod etiam motiva credibilitatis, licet sint principia extrinseca fidei, tanti tamen, utpote moraliter certa, sint ponderis, ut nunquam prudenter repudiari possit assensus fidei. Cæterum tres istas Theses 18, 19, 20 testatur Wilhelmus Sandæus desumptas esse ex Thesibus Arnaldi Marchant Minoritæ Antverpiensis anno 1674 propugnatis.

## Prop. 21.

*Assensus fidei supernaturalis & utilis ad salutem stat cum notitia solum probabili revelationis, imo cum formidine, qua quis formidet, ne non sit locutus DEUS.*

*Observ.* Compluribus hæc thesis, quoad priorem saltem partem, visa fuerat probabilis, eo quod, etiam data sola probabili-

Probabilitas  
non sufficit  
ad eadem.

tate

tate de revelatione, per principia supernaturalia piæ affectionis & illustrationis Divinæ aslurgi possit ad summam certitudinem actus fidei.

Verum ex hoc sequerentur non pauca falsa; nam 1. si *Minor* propositio tantum probabiliter contineretur in *Majore* universali revelata, conclusio esset de fide. Unde fide Divina credere possemus, nos esse in gratia. 2. Christum esse in hac determinata hostia. 3. Imo dari prædeterminationem physicam; nam, ut arguit P. Viva, de fide est, dari gratiam efficacem, & probabile est, eam in hac prædeterminatione consistere.

Ratio autem est, quod DEUS non concedat illustrationem supernaturalem de existentia revelationis, neque pia affectio esset supernaturalis, nec habitus fidei influeret; si tantum haberetur probabilitas de revelatione: unde non eliceretur actus fidei supernaturalis & humanæ, ut vel ex ipsa damnatione hujus propositionis constat, & ex falsis sequelis.

Quidam cum P. Viva se fundant in eo, quod, si sufficeret probabilitas revelationis, posset quis prudenter repudiare assensum fidei, quem habebat, supernaturalem. Verum videtur difficultas refundi in assensum fidei, dependenter a morali tantum certitudine de revelatione elicatum; posset enim casus contingere, præsertim in rudibus, ut revelatio ipsis ne quidem esset probabilis, si summa certitudo & firmitas fidei non ducatur a principis supernaturalibus. Unde enim haberetur summa certitudo actus fidei, quæ sit major omni certitudine naturali, etiam metaphysice evidente? Aliud est de virtutibus moralibus, ad quas sufficit, ut earum objectum probabiliter existat. Sic exerces actum misericordiæ in pauperem, licet tantum probabile tibi sit, quod sit pauper. Licite adoras hanc determinate hostiam, quamvis tantum probabile tibi sit, quod sit rite consecrata, exercesque virtutem religionis. Absoluto tamen actu fidei supernaturali credere non potes, hoc ipso, quod is debeat esse firmissimus & certior omni actu naturali. Potes igitur credere in genere sub ratione hostiæ consecratæ, vel conditionate, si sit rite consecrata. Aliud foret, si tibi moraliter certum esset, quod sit rite consecrata, ut si tu ipse illam consecrasses.

*Prop. 22.*

*Non nisi fides unius DEI videtur esse necessaria necessitate medii, non autem explicita remuneratoris.*



Credenda  
necessitate  
medii.

*Observ.* At Apostolus ad Hebr. 11 dicit explicite: *credere oportet accedentem ad DEUM, quia est, & inquirentibus se remunerator est.*

Qui thesīm hanc defenderant, putarunt, id intelligendum de fide implicita in DEUM ut Remuneratorem, qua creduntur generaliter omnia, quæ DEUS revelavit; nam licet Scriptura passim præcipiat fidem in Christum, ut Act. 16: *crede in Dominum JESUM, & salvus eris.* Et ad Gal. 2: *Scientes, quod non justificetur homo, nisi per fidem JESU Christi*, nihilominus multos graves Doctores docere, quod fides explicita Incarnationis, imo & SS. Trinitatis, non sit necessaria necessitate Medii, sed tantum gravis præcepti; alioquin cæcum & surdum non habiturum medium necessarium ad salutem.

Ad casum, quo quis, cognita bonitate DEI eliceret actum perfectum amoris DEI, sine explicita fide in Remuneratorem, P. Viva negat suppositum, eum moraliter esse possibilem, eo quod per spem disponamur ad amorem DEI perfectum. Forte in tali casu amor DEI non esset supernaturalis, ex defectu principii elevantis.

*Prop. 23.*

*Fides late dicta ex testimonio creaturarum, similive motivo, ad justificationem sufficit.*

*Observ.* Fides ad justificationem requisita essentialiter innitur testimonio DEI, tanquam suo motivo intrinseco. Ergo non sufficit fides ex solo testimonio creaturarum hausto. Verum est, quod testimonium creaturarum possit esse motivum credibilitatis, non tamen ipsius fidei Divinæ, quæ sola est initium salutis, fundamentum & radix omnis justificationis.

*Prop. 24.*

Perjurium.

*Vocare DEUM in testem mendacii levis, non est tanta irreverentia, propter quam velit aut possit damnare hominem.*

*Observ.* Vocare DEUM in testem falsi semper est gravis irreverentia in DEUM, in quacunque materia id contingat, semperque est ratio graviter prohibendi omne perjurium, sicut omnem blasphemiam, aut odium formale DEI. Adeoque hic nulla excusat parvitas materiæ. Quantum ad juramentum assertorium, nemo id negat. Censeo autem, id etiam locum habere in promisso-

missorio, quia juramentum videtur etiam cadere in executionem futuram, alias esset mere assertorium.

*Prop. 25.*

*Cum causalicium est jurare sine animo jurandi, sive res sit gravis, sive levis.*

*Observ.* Jurans sine animo jurandi mentitur. Deinde sic facile enervaretur omnis fides juramenti; quia animus inspicere non potest, & lata janua aperiretur deceptionibus, in perniciem fidei humanæ, judiciorum, commerciorum, Reipublicæ. Et cur non etiam liceret, promittere, pascisci, contrahere sine animo? Quare magis nomen Domini in vanum assumeretur, quam tali juramento? an blasphemare, idolo thus adolere, etiam ex metu mortis, licitum putas, ex eo, quod dicas, abesse animum?

*Prop. 26.*

*Sed quis vel solus, vel coram aliis, sive interrogatus, sive propria sponte, sive recreationis causa, sive quocunque alio sine juret, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus.*

*Observ.* Damnatur hic tanquam mendacium restrictio pure mentalis; & merito: quia objectum aliter est in mente loquentis, quam verba præferant, nec audiens illud, quod mente retinetur, advertere potest. Unde ex tali restrictione audientes per se deciperentur, nemo alterius verbis, quantumvis claris, posset amplius fidere; & sic periret fides humana, in perniciem omnis humani commercii.

Aliud esset, si circumstantiæ audienti indicarent sensum verum, aut id, quod mente retinetur: e.g. Si tyrannus interroget Confessarium de peccato poenitentis; aut iudex, quem privata scientia scit nocentem, declararet innocentem, qui in judicio probatus est innocens; nam tunc verba iudicis ex circumstantiis facile intelligi possent de foro judiciali, quod videlicet secundum illud sit innocens.

Sic Christus ipse Dominus Jo. 7 dixit: *ego autem non ascendam ad diem festum hunc*, subintelligendo: *palam*, ut per miracula Divinitatem suam manifestaret; nam deinde tamen ascendit, sed quasi in occulto. Et Marci 13 dixit, neque Filium scire diem



judicii, videlicet *scientia communicabili*, quem sensum verba in illis circumstantiis faciebant. Quia scilicet tales restrictiones in talibus circumstantiis non sunt insensibiles; nam tunc verba duos sensus faciunt, unum secundum se sola considerata, alterum ut prolata in his circumstantiis, qui sensus facile ab audiente adverti possit.

## Prop. 27.

De Amphibol.

*Causa justa utendi his amphibologiis est, quoties id necessarium aut utile est ad salutem corporum, honorem, res familiares tuendas, vel ad quemlibet alium virtutis actum, ita ut veritatis occultatio tunc sit expediens & studiosa.*

*Observ.* Amphibologiæ, ex quibus audiens, ne quidem adjuvantibus circumstantiis, potest sensum occultatum eruere, damnantur, sicut restrictiones mentales, non sensibiles ac mere internæ, quia non minus sunt mendacia. Hanc materiam alias uberius discussi.

## Prop. 28.

Restrictio ment.

*Qui mediante commendatione vel munere ad Magistratum vel Officium publicum promotus est, poterit cum restrictione mentali præstare juramentum, quod de mandato Regis a similibus solet exigi, non habito respectu ad intentionem exigentis, quia non tenetur facere crimen occultum.*

*Observ.* Damnatur hic rursus restrictio pure mentalis in casu hoc determinato, ut putat Cardenas, vel, ut Viva censet, damnatur opinio, quod in casu, quo non inquiritur ad poenam, sed tantum, ut homo indignus depellatur a Magistratu, liceat uti quacunque restrictione etiam sensibili; nam hoc in casu, ait, obligari ita promotum vel ad deponendum ultro officium, vel ad fatendum crimen, licet occultum, & de quo non habetur semiplena probatio. Et sic etiam Episcopum electum teneri aut ad non acceptandum Episcopatum, vel ad fatendam irregularitatem, simulationem, aliave delicta aut impedimenta, propter quæ electio ipso jure fuit irrita. Credo autem, talem a summo Pontifice petitorum clam dispensationem.

## Prop. 29.

*Urgens metus gravis est causa justa, Sacramentorum adadministrationem simulandi.*

Simulatio Sacramenti.

*Observ.* Certum est, omnem simulationem formalem, seu cum animo alios decipiendi, universaliter esse prohibitam, cum  
sit

sit mendacium, prout omnes DD. conveniunt. Joannes Sanchez autem docuit, licitam esse ex metu gravi simulationem Sacramentorum *materiale*, qua non intenditur, directe saltem, deceptio alterius, sed illa ob justam causam permittitur, sicut contingit in equivocatione: e. g. posse sacerdotem ex metu gravi proferre verba consecrationis aut absolutionis materialiter, sine intentione consecrandi aut absolvendi: si indigno negari non possit Sacramentum, posse ei hostiam non consecratam porrigi.

Verum hæc omnia sunt falsa, & in hac propositione cum simulatione etiam materiali Sacramenti damnata. Quia cedunt in irreverentiam Sacramenti & DEI, sicut thurificatio materialis, facta coram idolo, cedit in irreverentiam DEI, aut blasphemia etiam materialis tantum. Hinc Innoc. III cap. *de homine* de celebr. Missarum ait, gravius eum peccare, qui simulat Sacramentum, quam is, qui indigne illud conficit. Quare, licet coram populo possit simulari absolutio, quando negatur indisposito, murmurando aliquid aliud; nunquam tamen potest proferri forma absolutionis sine intentione absolvendi, sicut nunquam potest porrigi hostia non consecrata propter periculum idololatriæ materialis.

Neque dicas, non irrogari Sacramento irreverentiam, quando quis non adhibet intentionem illud conficiendi; cum Sacramentum tunc non existat; nam, si ponatur materia & forma, a Christo instituta, & per defectum intentionis impeditur, ne fiat Sacramentum, irrogat eidem injuriam.

*Prop. 30.*

*Fas est viro honorato occidere invasorem, qui nititur calumniam inferre, si aliter hac ignominia vitari nequit: idem quoque dicendum, si quis impingat alapam vel fuste percutiat, & post inflictam alapam vel ictum fustis fugiat.*

De homicidio.

*Prop. 31.*

*Regulariter occidere possum furem, pro conservatione unius auri.*

*Prop. 32.*

*Non solum licitum est defendere defensione occisiva, qua actu habemus, sed etiam, ad qua jus inchoatum habemus, & qua nos possessuros speramus.*



## Prop. 33.

*Licetum est tam heredi quam legatario, contra injuste impedi-  
tem se taliter defendere; sicut & jus habenti in cathedram vel  
Præbendam contra eorum possessionem injuste impediendam.*

*Observ.* De hac materia dictum est aliquid ad propos. 17 Alex.  
VII. Nimis generales sunt hæc theses: *quinititur calumniam inferre:*  
*quamcunque? etiam modicam? &, si gravis sit, an non præsto*  
*est via juris? Si post inflictam fugiat.* Hoc non amplius esset de-  
fensio, sed vindicta, privatis hominibus semper prohibita. *Pro*  
*conservatione unius aurei.* Pro re tantilla vitam, quæ longe altio-  
ris est ordinis, proximo auferre? *Quæ nos possessuros speramus.*  
*O prodigas humani sanguinis pennas? Vitam certam pro re in-*  
*certa auferre? Heredi legatario &c.* Siccine Lapitharum instar sta-  
tim in cades ruere. Si ita est, tollantur judicia publica, quilibet  
sibi ipsi est Judex, & alterius carnifex. Quam temeraria, quam  
scandalosa, quam in publicum perniciosa sunt hæc omnia?

Jam dixi ad propos. 17 Alex. VII, quid requiratur, ut inva-  
sor possit occidi. Et etiam tunc salvam semper esse oportet vitam  
Principis, utpote quæ tolli non potest sine magna concussionem Rei-  
publicæ, adeoque non nisi cum gravissimo scelere parricidii.

## Prop. 34.

*Licet procurare abortum ante animationem fœtus, ne puella gravi-  
da dep. ebensa occiditur, aut diffametur.*

*Observ.* Talis procuratio abortus habetur pro homicidio,  
cap. *Si aliquis de homicid.* ibi: *Si aliquis - - mulieri aliquid*  
*fecerit, vel ad potandum dederit, ut non possit generare, aut con-*  
*cipere, vel nasci soboles, de homicidio tenetur:* non quod vitam  
homini adimat, sed quia proxime & immediate vitam hominis  
impediat. Certe, cum ne quidem ob metum mortis liceat, se-  
men procurando pollutionem emittere, quanto minus licebit pro-  
curare abortum fœtus jam concepti.

Aliud esset, si fœtus necdum animatus ab intrinseco aggre-  
deretur vitam matris; nam tunc sicut alius invasor vitæ, cum  
moderamine inculpatae tutelæ, posset depelli; nunquam vero li-  
cet illum expellere ad vitandam mortem pregnantis, quam alias  
tertius quispiam vellet occidere, sicut nunquam licet occidere  
eam, qui te non invadit, licet alius tertius tibi mortem minue-  
tur, nisi occidas.

Prop.

*Prop. 35.*

*Videtur probabile, omnem fatum, quamdiu in utero est, cavere anima rationali, & tunc primo incipere eam habere, cum paritur, ac consequenter dicendum erit, in nullo abortu homicidium committi.*

*Observ.* Quamvis incertum omnino sit, quando infundatur anima rationalis, quia incertum est, quando præcise organa sint disposita, ut anima possit operari vitaliter, certum tamen est, quod infundatur ante nativitatem, in ea etiam sententia, quæ admittit successionem animarum.

Falsa est etiam altera pars propositionis; nam licet probabile esset animam non infundi ante nativitatem, haberetur tamen pro homicidio procuratus abortus; prout ad thesin superiorem ex cap. *Si aliquis de homic.* diximus. Poenæ tamen canonicæ non incurruntur ante diem 40, si sit mas, & ante 80, si sit femella. Quamvis autem sententia illa speculativa de infusione animæ esset probabilis, nullo modo tamen esset probabile, quod liceat procurare abortum.

*Prop. 36.*

*Permissum est furtum, non solum in extrema necessitate, sed etiam in magna.*

*Observ.* Indocta atque inepta locutio! furtum semper est prohibitum, etiam in extrema necessitate; quia est intrinsece malum, adeoque jure naturæ semper pro semper prohibitum; nam furtum est ablatio rei alienæ, invito rationabiliter domino. Quamdiu igitur talis est, semper est illicita: si vero desinit esse talis, desinit esse furtum.

In extrema necessitate aliquid auferens, in quantum ad eam sublevandam requiritur, non committit furtum, sive quod tunc, ut aliqui putant, omnia sint communia, sive, quod dominus non sit rationabiliter invitatus, si in extrema necessitate constitutus, per modum mutui, vel alio modo, qui domino est minus nocivus, præsentī extremæ necessitati subveniat, paratus restituere vel rescarcire damnum, si ad pinguem fortunam sit perventurus.

Sane, si liceret in gravi necessitate divitem rebus suis spoliare, omnia plena essent direptionibus & usurpationibus, eo quod gravis indigentia multos premat. Aliud tamen esset, si indigentia esset maxima, extraordinaria, & quasi extrema.

*Prop.*



## Prop. 37.

*Famuli & famula domesticæ possunt occulte heris suis survivere ad compensandam operam suam, quam majorem judicant salario, quod percipiunt.*

*Observ.* Tales facile judicant, operam suam majorem salario, & alias sæpe proni sunt ad clependum; unde pessime consultum esset heris, si tam laxa doctrina animarentur ad audendum. Pacto promiserunt, pro tali salario servire: stent pacto, & fide data.

Neque enim occulta compensatio hic locum habet, cum desint conditiones, ad eam requisitæ; quarum præcipua est, ut debitum sit certum, quod in casu nostro non contingit; nam propter meram probabilitatem debiti nemo privandus est possessione certa. Neque Princeps potest alium bello aggredi, eumque possessione sua dejicere, nisi certum habeat, eam sibi deberi, nec alio modo obtinere possit. Neque Judex id potest, nisi probabilius ei sit, rem ad alium pertinere.

Cæterum aliud esset, si certo constaret ac manifeste, salarii esse minus infimo, herus non posset esse rationabiliter invitatus, saltem quoad substantiam, cum teneat operas conducere secundum leges locationis conductionis, quæ, sicut in emptione venditione pretium, requirunt mercedem aut summam, aut mediam, aut infimam.

## Prop. 38.

*Non tenetur quis sub pena peccati mortalis restituere, quod ablatum est per pauca furtiva, quantumcunque sit magna summa totalis.*

*Observ.* Si magna summa totalis formaliter aut virtualiter adhuc extet, manifeste falsa est thesis: tunc enim, qui abstulit, tenetur ad restituere *ex re accepta*. Si autem summa non amplius extet, tunc, si advertit, se perventurum ad summam gravem, graviter peccat, consequenter tenetur ad restitutionem *ex injusta acceptance*; nam furtula illa tunc coalescunt. Certe damnum, eidem illatum, non est minus, si per parva plura furtiva illatum, si per unum magnum: damnum autem grave, injuste illatum, sub gravi peccato reparari debet.

## Prop. 39.

*Qui alium movet aut inducit ad inferendum grave damnum tertio, non tenetur ad restitutionem istius damni illati.*

*Observ.*

De furtis  
mixtis.

Restitutio.

*Obſerv.* Certum & indubitatum eſt, non tantum eum, qui phyſice concurrit ad grave damnum tertii, ſed eum etiam qui moraliter influit, puta, qui jubet, ſuadet, conſilium dat, imo etiam, qui non impedit, ſi ex officio aut contractu impedire tenetur, uti Magiſtratus, parentes, tutores, conſeſſarius, deobligans poenitentem a reſtitutione, ad quam tenetur. Et quidem hi omnes peccant contra juſtitiam, damnum tertii poſitive vel negative cauſando, conſequenter obligantur ad reſtitutionem. Alii vero, qui non cooperantur ad damnum, neque ex officio vel contractu tenentur illud impedire, peccant quidem contra charitatem, ſi facile impedire poſſent, & non impediunt, ſed ad reſtitutionem non obligantur; cum ſola juſtitia ſit radix reſtitutionis.

*Prop. 40.*

*Contractus Mobatvæ licitus eſt, etiam reſpectu ejusdem perſonæ, & cum contractu retrovenditionis prævie inito, cum intentione lucri.* Mohatra.

*Obſerv.* Petis a mercatore mutuas pecunias: ille loco pecuniarum tibi vendit merces pretio ſummo, adjecto pacto, ut eas merces ei retroendas pretio infimo: hic eſt contractus, qui appellatur *Mobatva*, hic damnatus. Tametiſi hic lucrum mercatoris videatur provenire ex emptione venditione, uſura tamen eſt palliata; cum, præciſis verborum ambagibus, idem ſit, atque pecuniam mutuam dare, & ſupra ſortis reſtitutionem lucrum exigere. Et quam inordinatum vendere merces pretio ſummo, cum pacto, ut eas emptor mox retrovendat venditori pretio infimo!

*Prop. 41.*

*Cum pecunia numerata ſit pretioſior numeranda, & nullus ſit, qui non majoris faciat pecuniam præſentem, quam futuram, poteſt creditor ultra ſortem a mutuatario exigere, & eo titulo ab uſura excuſari.* Uſura.

*Obſerv.* Ad hanc theſin reſponſum eſt ad propoſ. 42 Alex. VII. ſi non vertatur lucrum ceſſans, damnum emergens, aut periculum ſortis, pecunia præſens non plus valet, quam futura; eum pecunia ſit res, de ſe ſterilis, & nummus per ſe non pariat nummum. Et ſane, ſi principium, in hac theſi aſſumptum, valeret, ſemper liceret in mutuo aliquid ultra ſortem exigere, & ſic uſura plena porta poſſet ingredi.



## Propositio 42.

*Usura non est, dum ultra sortem aliquid exigitur, tanquam ex benevolentia & gratitudine debitum, sed solum, si exigitur, tanquam ex iustitia debitum.*

*Observ.* Si pro re spiritali petas pecuniam, ex gratitudine debitam, committis simoniam: &, si pro mutuo auctarium petas, committis usuram lucratoriam, intrinsece malam. Et quidem injuste petis auctarium; quia mutuatarius non tenetur, hoc a te determinato modo gratitudinem exhibere, sed est penes ipsum electio. Hinc, si determinate mutuans exigit auctarium, exigit aliquid, quod est extra rationem mutui, sibi que indebitum.

## Prop. 43.

Falsum crimen.

*Quidni non nisi veniale sit, detrahentis auctoritatem magnam, sibi noxiam, falso crimine elidere?*

## Prop. 44.

*Probabile est, non peccare mortaliter, qui imponit falsum crimen alteri, ut suam iustitiam, & honorem defendat: &, si hoc non est probabile, vix erit opinio probabilis in Theologia.*

*Observ.* Falsum crimen alteri impingere, est mendacium in re gravi, detractio, gravisque violatio famæ proximi, spiratque vindictam, incertumque est, an sit medium efficax, honorem tuum defendendi, neque certum est, aliud medium non suppetere; ergo graviter peccas, si tibi detrahenti grave crimen falso imponas: non enim licet per mendacium in re gravi famam tuam defendere. Et, si alter peccat, non sequitur, quod tibi liceat peccare.

## Prop. 45.

Simonia.

*Dare temporale pro spiritali non est Simonia, quando temporale non datur tanquam pretium, sed duntaxat tanquam motivum conferendi, vel efficiendi spirituale, vel etiam quando temporale sit solum gratuita compensatio pro spiritali, aut econtra.*

*Observ.* Si per temporale præcise intendas alterum movere, ut tibi det spirituale, quod inde speras absque omni pacto, etiam tacito, implicito, & virtuali, quin ullam obligationem velis imponere præciso scandalo, non committis Simoniam. Alias omnes piæ foundationes, quotidianæ distributiones, in choro præsentibus destinatae, essent simoniacæ; quia fundator per temporale vult movere ad spirituale: esset Simonia, si dando temporale pauperibus

bus Religiosis, velles eos movere, ut pro te orent, aut sacrificium offerant; esset Simonia, si servires Episcopo in temporalibus, sperans ab eo Beneficium. Si instrueres filios Patroni, sperans ab eo præsentationem. Stipendium & sustentatio, quam offers sacerdoti, ut pro te Missam legat, est aliquid temporale. DEUS ipse in veteri lege quot promissiones fecit, ut populus ille fidelem cultum exhibeat DEO? Sicut vice versa non est Simonia, si des spirituale ex spe obtinendi temporale, uti, si per orationes, aut sacrificia a DEO petas sanitatem, aut alia bona temporalia; quo sane casu, & multis aliis das spirituale, ut eveniat temporale.

Igitur in hoc sensu non est confixa thesis: sed duæ aliæ sunt causæ, propter quas est merito damnata. Prima est, quod non distinguat inter purum motivum, seclusum ab omni pacto & obligatione, cum spe sola conjunctum, & inter motivum non purum, sed conjunctum cum aliquo pacto tacito, vel voluntate obligandi: prout rem hanc optime declarat Innoc. III cap. *Tua nos*, de Simonia.

Altera stat in clausula confixæ propositionis: *vel etiam quando temporale sit solum gratuita compensatio pro spirituali.* Ecce Pus Simoniacum! quare Simonia stricte dicta Jure Divino & naturali semper est graviter prohibita, nisi quia indignissimum & DEO summopere injuriosum est, rem temporalem æquiparari spirituali? per quid autem magis æquiparas, quam si velis spirituale per temporale *compensare*? Compensatio æqualitatem comparativam inter datum & acceptum respicit.

*Prop. 46.*

*Et id quoque locum habet, etiamsi temporale sit principale motivum dandi spirituale, imo etiamsi sit finis ipsius rei spiritualis, sic, ut illud pluris æstimetur, quam res spiritualis.*

*Observ.* Adicitur rursus virulenta clausula. Quid indignius, & cum contemptu rerum spiritualium conjunctius, quam temporale pluris æstimare ac spirituale. Hoc enim vero non tantum est, temporale cum spirituali æquiparare, in quo tabes Simonix nidulatur, sed omnino præhabere & anteferre.

*Prop. 47.*

*Cum dicit Concilium Tridentinum, eos alienis peccatis communicantes mortaliter peccare, qui, nisi quos digniores, & Ecclesia magis utiles ipsi judicaverint, ad Ecclesias promoveant, Concilium vel primo per Digniores videtur aliud significare velle, nisi*

*Provisio dignioris.*



*dignitatem eligendorum, sumpto comparativo pro positivo: vel secundo, locutione minus propria ponit Digniores, ut excludat indignos, non vero dignos: vel tandem loquitur tertio, quando fit concursus.*

*Observ.* Nulla prorsus est ratio, verba Tridentini clarissima in sensum alienum torquendi. Jam dudum antea Innoc. III. *cap. un. ut Eccles. Benef. sine dimin. conf.* idem præceperat his verbis: *non ex affectu carnali, sed discreto judicio debuisti Ecclesiasticum Beneficium in personam magis idoneam dispensare.* Quamvis autem Tridentinum de Cardinalium duntaxat & Episcoporum *sess. 24 cap. 1 de Reform.* loquatur, eadem tamen est ratio de omnibus Beneficiis, quibus cura animarum incumbit, prout idem Trid. c. 18 innuit; quia nempe cultui DEI, Ecclesiæ utilitati, & animarum saluti meliori, quo fieri potest, modo provideri debet.

Unde, siue Beneficium sit collativum, siue electivum, siue patronatum, digniori (spectatis omnibus) conferri debet. Ad quid enim collatori, electori, patrono datur ab Ecclesia potestas providendi Ecclesiæ viduatæ, nisi ut meliori modo provideat? Et hinc etiam censeo, Beneficium quoque simplex digniori esse conferendum; quia justitia saltem distributiva exigit, ut officia & bona communia dignioribus præ minus dignis conferantur. *De hac materia alias uberius tractavi.*

*Prop. 48.*

Fornicatio.

*Tam clarum videtur, fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum videatur.*

*Prop. 49.*

*Mollities jure naturæ prohibita non est, unde si DEUS eam non interdixisset, saepe esset bona, & aliquando obligatoria sub mortali.*

*Observ.* Ita visum est Caramueli; sed aliud communi Theologorum. Atque imprimis certum est, fornicationem & mollitiem jure Divino esse prohibitas graviter, teste Apostolo 1 Cor. 6: *Neque fornicarii neque molles regnum DEI possidebunt.* Dein ipso etiam jure naturæ prohibentur; cum in utraque magna sit naturæ inordinatio, hominemque ad bestiarum rationem deprimat. Et quidem mollities impedit generationem & propagationem speciei humanæ; dum id, quod ad hanc a natura ordinatur, effunditur, non sine magno periculo consentiendi in delectationem, inde oriri solitam

*Solitam.* Fornicatio vero, præterquam quod fornicantes deturpet, nocet rectæ generationi prolis, ac præsertim educationi, maculamque eidem affricat prolis illegitimæ. Qualis esset mundus, si vagæ ejusmodi libidines essent licitæ? quis matrimonii grave jugum subire vellet. Profecto, si ad ipsa juris naturalis principia velimus respicere, recta humani generis constitutio, Divinæque perfectiones fornicationem & mollicitem pro omni casu exigunt prohiberi tanquam intrinsece mala.

*Prop. 50.*

*Copula cum conjugata, consentiente marito, non est adulterium, Adulterium, adeoque sufficit in confessione dicere, se esse fornicatum.*

*Observ.* Accessus ad conjugem non suam est adulterium. In hoc autem casu datur talis accessus, nec obstat, quod maritus consentiat; nam illicite & invalide consentit; sicut clericus in sui verberationem, aut Religiosus in alienationem fundi. Habet quidem maritus jus in corpus uxoris, sed pro se, non pro alio, sicut usufructuarius, qui usumfructum alienare non potest in alium, cum sit jus personale inhaerens ejus ossibus.

Talis igitur adulter, præterquam quod gravissime peccet contra castitatem, peccat etiam contra justitiam, quia gravem injuriam infert proli spurix, Sacramento matrimonii, & ipsi etiam lenoni, cujus consensus est omnino irritus, ac penitus nullus. Verum quidem est: si virgo non consentiat in sui deflorationem, vim inferens committit stuprum, si vero consentiat, tantum simplicem fornicationem. Sed diversitas specifica stupri a fornicatione referenda est in vim illatam gravemque injuriam. Consensus autem mariti non tollit rationem adulterii, prout dictum. Accedit, quod plures dicant, virginem illicite quidem, valide tamen, consentire in sui deflorationem, quod de conjugatis dici non potest.

*Prop. 51.*

*Famulus, qui submissis humeris scienter adjuvat verum suum ascende per fenestras ad stuprandam virginem, & multoties eidem ad peccatum, subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta, ne a domino male tractetur, ne torvis oculis aspiciatur, ne domo expellatur.*

*Observ.* Talis famulus proxime ac formaliter cooperatur peccato: ergo est causa & complex peccati. Deinde tales actiones,



proxime tendentes ad peccatum videntur esse intrinsece malæ, sicut invitare ac deducere concubinam ad domum concubinarum &c. Aliud esset, si famulus tantum materialiter & remote, ad declinandum grave damnum cooperaretur. Casus sunt in hoc genere innumeri, qui Theologorum Moralium ingenia laboremque fatigant, amplioresque, quam brevissimum hoc compendium complectantur.

*Prop. 52.*

*Præceptum servandi festa non obligat sub mortali, seposito scandalo, si absit contemptus.*

*Festa.*

*Observ.* Thesis hæc est contra certam Theologorum & Canonistarum sententiam, imo contra persuasionem omnium fidelium; quis enim non certum, persuasumque habet, se peccare graviter, si absque rationabili causa die festo, ab Ecclesia præcepto, non audiat Missam, aut laborem servilem absque necessitate tota die exerceat? Quare non idem dicis de jejunio, aliisque omnibus præceptis Ecclesiæ. Certe illa in materia gravi, qualis est observatio festorum, conducente ad cultum DEI & animarum salutem, graviter obligant, tametsi non addantur expresse verba, continentia censuram, interminationem Divini judicii, aut aliam gravem poenam, aut præcipiatur in virtute S. obedientiæ, vel exprimantur: *sub gravi: sub mortali.*

*Prop. 53.*

*Missæ.*

*Satisfacit præcepto Ecclesiæ de audiendo sacro, qui duas ejus partes, imo quatuor simul a diversis celebrantibus audit.*

*Observ.* Credere non possum, quod tales canonomachi recta intentione ducantur cultus Divini, salutis animarum, & obedientiæ erga Ecclesiam, in id unice intenti, ut ejusdem leges & præcepta violente torqueant, & arbitrariis expositionibus eludant contra expressa legum verba & intentionem legislatoris, ad inducendas laxitates, & excusandas excusationes in peccatis. Ecclesiæ jubet, ut audiat Missa, quæ est unum, continuum atque integrum sacrificium, ad cujus singulas partes possit attendi. Et quanta erga DEUM irreverens parcitas, plures diversarum Missarum particulas eodem tempore velle consarcinare? Dico, *eodem tempore*, nam audire unam medietatem e. g. a consecratione, & postea ab alio sacerdote alteram medietatem usque ad consecrationem hic non est damnatum; quamvis hoc ipsum etiam, secluso casu necessitatis, parce sit cum DEO agere, & illiberaliter.

*Prop.*

*Prop. 54.*

*Qui non potest recitare Matutinum & Laudes, potest autem reliquas Horas, ad nihil tenetur, quia major pars trahit ad se minorem.* Officium.

*Observ.* Septem Horæ Divini Officii sunt inter se separabiles, præcipiunturque recitari omnes & singulæ; unde sequitur, non tantum te obligari, quando Matutinum & Laudes, e. g. ex defectu Breviarii, recitare non potes, ad reliquas sex Horas recitandas, sed etiam quod, si vel unam Horam recitare possis, recitare illam tenearis. Axioma illud: *pars major trahit minorem*, non habet locum, quando materia est divisibilis, & singulæ partes sunt præceptæ. Sic, si quis jejunare non possit per majorem partem quadragesimæ, possit autem per reliquam, quis dicat, quod per hanc non teneatur? Dispensatus quoad carnes usque ad Dominicam Passionis tantum, an non tenetur reliquis diebus abstinere? Qui debet centum, possit autem tantum decem solvere, an ad nihil tenetur? Si officium Divinum ita individue esset præceptum, ut non etiam singulæ Horæ essent præceptæ, sequeretur, quod, si omnes Horas recitare posses, excepto solo Completorio, ad nihil tenearis. Nescio, an tam robusto sis stomacho, ut hoc absurdum devores.

*Præp. 55.*

*Præcepto communionis annuæ satisficit per sacrilegam Domini manducationem.* Communio annua.

*Observ.* Præcepto annuæ Confessionis non satisficit per Confessionem voluntarie nullam (*propof. 14 Alex. VII*) ergo neque per sacrilegam communionem: hanc enim Ecclesia non præcipit: quomodo ergo per illam satisfieri potest præcepto? Quis non videt legislatoris, præcipientis annuam communionem, eam non esse mentem, sed præcipi communionem innocentem, devotam, salutiferam, sanctam?

*Prop. 56.*

*Frequens Confessio & communio etiam in his, qui gentiliter vivunt, est nota prædestinationis.*

*Observ.* Hæc propositio non potuit provenire, nisi ab aliquo simplici devotulo, qui habet zelum, sed non secundum scientiam. Utique non loqueris de confessione & communionem sacrilega; nam hæc est nota reprobationis, nam qui indigne sumit, judicium sibi manducat & bibit. Si autem loqueris de frequenti confessione &



& communione, cum requisita præparatione, & dispositione digne receptis, quomodo fieri potest, ut suscipiens gentiliter, id est, inter continuata scelera, vivat? Propositum sane efficax, ad confessionem requisitum, haberet aliquem emendationis effectum; alias ne quidem absolvi amplius posset. Cælestis ille ignis S. Communionis quomodo cum recta devotione & dispositione accedentem non calefaciat?

Verum quidem est, quod sanctissima hæc Sacramenta etiam ab iis sint suscipienda, qui gentiliter tanquam magni peccatores vixerunt, quia sunt pharmacum & medicina præservativa a peccatis, sed iis, qui serio sunt parati vitam gentilem emendare; alias non sunt signum prædestinationis, sed reprobationis. Certissimum enim signum prædestinationis est observatio mandatorum DEI, & exercitium bonorum operum, prout nos admonet S. Petrus: *fatagite fratres, ut per bona opera certam vestram vocationem & electionem faciatis.*

Prop. 57.

*Probabile est, sufficere attritionem naturalem, modo honestam.*

Attritio naturalis.

*Observ. A Tridentino S. 6. c. 3. dici anathema, si quis dixerit, sine præveniente S. Spiritus inspiratione atque ejus adjutorio hominem penitere posse, ut oportet, ut ei justificationis gratia conferatur: additque, attritionem, disponentem ad gratiam in Sacramento, esse donum DEI, & Spiritus S. impulsus.*

Neque dicas: Concilium tantum loqui de pœnitentia, ut fructifera, non autem ut valida: Sacramentum sine attritione supernaturali esse quidem validum, sed tamen informe; nam contra est; valor præsupponitur ad fructum. Si ergo ad fructum, nempe ad supernaturalem justificationis gratiam requiritur dolor supernaturalis, requiritur etiam ad valorem. Dein Sacramentum ut validum debet de se esse aptum ad pariendum fructum supernaturalem gratiæ sanctificantis. Valor autem, cui procederet ex attritione naturali, non esset de se aptus ad fructum gratiæ supernaturalis, cum ad hunc sit prorsus improporcionatus.

Dices. Attritio concepta ex metu gehennæ, aut turpitudine peccati juxta Trid. sufficit ad Sacramentum pœnitentiæ. Sed hæc attritio est mere naturalis. *Resp. Neg. Min.* attritio, ut sit sufficiens, debet procedere ex motivo, cognito lumine fidei supernaturali; ut, si quis doleat de offensa DEI ob metum gehennæ, per lumen fidei cognitæ, & valde probabiliter etiam, juxta sententiam multorum DD. Si quis doleat de peccato ob metum pœn-  
narum

narum temporalium. ut infligendarum a DEO vindice; cum Trid. dicat, attritionem supernaturalem concipi posse, aut ex consideratione turpitudinis peccati, aut ex gehennæ & *pœnarum* metu. Modo ex his motivis, per fidem propositis, serio doleatur de offensa DEO; nam etiam, quando ex consideratione turpitudinis peccati elicitur attritio, hæc turpitude attingi debet lumine supernaturali tanquam opposita Divinæ voluntati aut virtuti supernaturali.

*Prop. 58.*

*Non tenemur confessario interroganti fateri peccati alicujus consuetudinem.*

*Observ.* Licet Tridentinum, per se loquendo, tantum requirat, ut pœnitens explicet numerum & speciem suorum peccatorum, cum circumstantiis aggravantibus, speciem mutantibus; nihilominus, cum Confessarius fungatur munere Judicis, Doctoris, & Medici, jus habet interrogandi de consuetudine & variis circumstantiis aggravantibus, licet speciem non mutant, ut possit rectum judicium ferre de statu pœnitentis, eum instruere, & apta remedia præscribere; unde pœnitens tenetur fideliter respondere; quod, si facere detrectet, satis indicat, se non esse satis dispositum, nec satis serio velle curari.

Neque obstat, quod sic idem peccatum bis esset exponendum; nam per accidens & indirecte id potest esse necessarium; sic, qui cognovit consanguineam suæ uxoris, si hoc peccatum fuerit confessus, postea autem ab uxore petat debitum, ut hoc peccatum suum confiteatur, necesse est, ut etiam illud prius repetat.

Cæterum aliud foret, si Confessarius interrogaret talia, quæ ad confessionem non pertinent, e. g. nomen pœnitentis, familiam, gentem &c.

*Prop. 59.*

*Licet Sacramentaliter absolvere dimidiate tantum confessos, ratio- Dimidiata  
ne magni concursus pœnitentium, qualis v. g. potest contingere confessio.  
die magnæ alicujus Festivitatis, vel Indulgentiæ.*

*Observ.* Tridentinum *sess. 14 cap. 5 & can. 7* ait, Jure Divino requiri confessionem, non tantum formaliter, sed etiam materialiter integram, talem videlicet, qua omnia peccata mortalia, quæ post diligentem conscientiam discussionem memoriæ occurrunt, secundum speciem & numerum, atque circumstantias, speciem mutantem, confessario sincere exponantur.

*Pars IX.*

G

Neque



Neque ab hac gravi obligatione excusare pœnitentem aliquid potest, nisi impotentia physica aut moralis, qualis non est allata in thesi profligata, in concursu nimirum pœnitentium. Confessiones valde longæ possunt anticipari vel differri; alias quilibet posset expectare tempus magni concursus, ut dimidiatam tantum confessionem possit deponere. Et quale ex tali iudicium confessarii? quomodo proportionatam pœnitentiam injunget? quomodo fungetur triplici suo munere.

## Prop. 60.

Absolutio  
consuetudi-  
narii.

*Pœnitenti, habenti consuetudinem peccandi contra legem DEI, naturæ, & Ecclesiæ, etsi emendationis spes nulla appareat, nec est neganda, nec differenda absolutio, dummodo ore proferat, se dolere, & proponere emendationem.*

Observ. Trid. sess. 14 cap. 8 docet, eam satisfactionem esse pœnitentibus imponendam, quæ ad præteritorum peccatorum vindictam, & castigationem deserviat, & simul ad novæ vitæ custodiam, & infirmitatis medicamentum. Cum igitur confessarius agere debeat personam iudicis & Medici, non potest, certe non debet, talem consuetudinarium statim absolvere, ne facilitas absolutionis malum augeat. Et quomodo pœnitens potest habere verum, serium, & efficax emendationis propositum, si nulla est spes emendationis, si prævideat, se mox ad consuetum volutabrum reverturum?

Igitur, ut pœnitens melius miserum animæ suæ statum agnoscat, ac sentiat, ad DEUM vero ardentius per preces confugiat, pericula & occasiones peccandi cautius devitet, atque ad Sacramentum reconciliationis digne suscipiendum se melius disponat, differenda est quandoque absolutio, donec aliqua saltem emendatio sequatur.

Verum quidem est, rite dispositum, per se loquendo, habere jus ad absolutionem; sed quomodo formabitur probabile iudicium, quod talis per serium dolorem de peccatis, & efficax propositum emendationis sit dispositus, ubi nulla est spes emendationis? Et, tametsi esset dispositus, haberet quidem jus ad absolutionem, sed non statim accipiendam. Confessarius etiam habet jus, imo obligationem, ut tanquam animæ Medicus aptam morbo medicinam præscribat. Ecclesiæ reservat aliqua peccata Papæ aut Episcopo, a quibus non potes absolvi ab alio confessario, licet sis dispositus.

*Dum-*

*Dummodo ore proferat, se dolere & proponere.* Ita est: credendum pœnitenti, pro se & contra se loquenti; nisi protestatio sit contraria facto, & opere evertat, quod ore profert.

*Prop. 61.*

*Potest aliquando absolvi, qui in proxima occasione peccandi versatur, quam potest, & non vult omittere, quin imo ex proposito & directe quærit, aut ei se ingerit.* Occasio proxima.

*Observ.* Communis alias est doctrina, proximam occasionem peccandi esse vitandam, nisi impotentia physica vel moralis excuset. At auctor hujus propositionis non horret asserere, illam etiam ultro quæri posse. Sed quomodo talis ad absolutionem potest per efficax propositum esse dispositus, si proximæ occasioni peccandi se ultro velit ingerere? Proximam occasionem peccandi quærere est peccatum: monetque Dominus eruendum oculum, si te scandalizet: &, qui amat periculum, periturum in illo. Quomodo ergo cum voluntate peccandi stare poterit voluntas seria & efficax non peccandi de cætero?

Aliud est de peccatis venialibus, quorum occasiones, cum sint innumeræ, non omnes vitari possunt. Accedit, quod committens venialia tantum, longe aliter erga DEUM & animæ suæ salutem sit affectus, ut adeo, non obstante frequenti in illa relapsu, possit de uno saltem vel altero ex speciali motivo serio dolere & proponere. Quamvis nec eorum occasiones proximas liceat directe & ex professo quærere.

*Prop. 62.*

*Proxima occasio peccandi non est fugienda, quando causa aliqua utilis aut honesta non fugiendi occurrit.*

*Prop. 63.*

*Licetum est quærere directe occasionem proximam peccandi pro bono spirituali, vel temporali nostro, vel proximi.*

*Observ.* Absurdos profecto Aphorismos, & scandalo plenos! Proximam occasionem graviter peccandi, formaliter talem, directe quærere, est ita intrinsece malum, ut nullo fine bono, spirituali aut temporali, cohonestari possit, sive sis Judex, sive Confessarius, sive Medicus aut Chirurgus, sive quisunque alius. Quid prodest homini, si mundum universum lucretur, animæ vero suæ detrimentum patiat? Unde nunquam faciendum est malum, ut eveniat bonum. (*vid. etiam propos. 41 Alex. VII.*)



Ignorantia  
Mysterio-  
rum.

Prop. 64.

*Absolutionis capax est homo, quantumvis laboret ignorantia Mysteriorum fidei, & etiamsi per negligentiam, etiam culpabilem, nesciat Mysterium SS. Trinitatis & Incarnationis D. N. J. Christi.*

*Observ.* Probabile est, secundum plurimum DD. sententiam, quod noticia SS. Trinitatis & Incarnationis Domini ad salutem sit necessaria necessitate Medii: ergo nullatenus est probabile, quod capax sit absolutionis, qui hæc mysteria penitus ignorat; quia Sacramentum absque necessitate exponeretur periculo frustrationis, quod nunquam licet. Dico, *absque necessitate*; quia poenitens potest instrui; vel, si hoc fieri tunc non potest, differri potest absolutio, donec prius instruat.

Cæterum propositio, si loquatur de ignorantia (culpabili vel inculpabili) omnium mysteriorum fidei, etiam DEI existentis & remuneratoris, (*quantumvis laboret ignorantia mysteriorum fidei*) apertissime est falsa; quia noticia DEI, ut existentis, & ut remuneratoris ita est necessaria ad salutem, ut ne quidem sufficiat, eam habere in voto, sicut tamen baptismum sufficit aliquando habere in voto.

Prop. 65.

*Sufficit, illa mysteria semel credidisse.*

*Observ.* De hac thesi dictum est ad propos. 1 ab Alex. VII confixam. Plenæ sunt Scripturæ præceptis fidei. *Hæc est vita æterna, ut cognoscant te verum DEUM, & quem misisti JESUM Christum.* Joan. 17. *Nos in Christum credimus, ut justificemur ex fide Christi.* Ad Gal. 2. *Hoc est mandatum, ut credamus in nomine Filii ejus.* Joan. 3.

Cur non etiam dicis, sufficere, ut semel sis Christianus? ut semel cogites de DEO, & JESU Christo Redemptore? Quando Sacramentum Eucharistiæ suscipis, an nihil credis? *Iustus ex fide vivit.* Rom. 2. Ergo sine fide non vivit, & sicut frequens cibus ad vitam corporalem, ita frequens fides ad vitam spiritualem est necessarius.

Atque has 65 propositiones, & unamquamque ipsarum, sicut jacent, ut minimum tanquam scandalosas, & in praxi perniciosas, sua Sanctitas damnavit, & prohibuit.

§. 4.

*Propositiones 68 Michaelis Molinos damnatae ab Innocentio XI.*

*anno 1687.*

Fuit is Sacerdos Hispanus, qui diu versatus Romæ, auctor est *Quietismi*, multa de interno homine, animæ quiete, & in-differentia ineptissime ac turpissime garriens, quibus non paucos homines, spurcis voluptatibus inhiantes, seduxit, corruptitque. Sacri denique officii Decreto in carcerem conjectus est. Stultitiæ autem illius sunt istæ.

1 Oportet hominem suas potentias annihilare. Et hæc est via interna.

2 Velle operari active est velle DEUM offendere, qui vult esse ipse solus agens, & ideo opus est, se ipsum totum & totaliter relinquere, & postea permanere velut corpus exanime.

3 Vota de aliquo faciendo sunt perfectionis impeditiva.

4 Activitas naturalis est gratiæ inimica, impeditque DEI operationem, & veram perfectionem: quia DEUS vult operari in nobis sine nobis.

5 Nihil operando anima se annihilat, & ad ipsum principium redit, & ad suam originem, quæ est essentia DEI, in qua trans-formata remanet, ac divinizata, & DEUS in ipsa remanet, quia tunc non sunt amplius duæ res unitæ, sed una tantum; & hac ratione DEUS vivit & regnat in nobis, & anima se ipsam annihilat in esse operativo.

6 Vis interna est illa, in qua non cognoscitur, nec amor, nec resignatio, & non oportet DEUM cognoscere; & hoc modo recte proceditur.

7 Non debet anima cogitare nec de præmio, nec de puni-tione, nec de paradiso, nec de inferno, nec de morte, nec de æ-ternitate.

8 Non debet velle scire, an gradiatur cum voluntate DEI, an cum eadem voluntate resignata maneat, nec ne: nec opus est, ut velit cognoscere suum statum, nec proprium nihil, sed debet ut corpus exanime.

9 Non debet anima reminisci nec DEI, nec sui, nec cujus-cunque rei, & in via interna omnis reflexio est noxia, etiam re-flexio ad suas humanas actiones & ad proprios defectus.



10 Si propriis defectibus alios scandalizat, non est necessarium reflectere, dummodo non adsit voluntas scandalizandi: & ad proprios defectus non posse reflectere, gratia DEI est.

11 Ad dubia, quæ occurrunt, an recte procedatur, nec ne, non opus est reflectere.

12 Qui suum liberum arbitrium DEO donavit, de nulla re debet curam habere, nec de inferno, nec de paradiso, nec debet habere desiderium propriæ perfectionis, nec virtutum, nec propriæ sanctitatis, nec propriæ salutis, cuius spem expurgare debet.

13 Resignato DEO libero arbitrio, eidem relinquenda est cogitatio & cura de omni re nostra, & relinquere, ut faciat in nobis sine nobis suam Divinam voluntatem.

14 Qui Divinæ voluntati resignatus est, non convenit, ut a DEO rem aliquam petat; quia petere est imperfectio, cum sit actus propriæ voluntatis, & electionis, & est velle, quod Divina voluntas nostræ conformetur, & non, quod nostra Divinæ, & illud Evangelii: *petite & accipietis*, non est dictum a Christo pro animabus internis, quæ nolunt habere voluntatem. Imo huiusmodi animæ eo perveniunt, ut non possint a DEO rem aliquam petere.

15 Sicut non debent a DEO rem aliquam petere, ita nec illi ob rem aliquam gratias agere; quia utrumque est actus propriæ voluntatis.

16 Non convenit Indulgentias quærere pro pœna, propriis peccatis debita; quia melius est Divinæ iustitiæ satisfacere, quam Divinam misericordiam quærere; quia illud ex puro DEI amore procedit, & istud ab amore nostri interessato, nec est res DEO grata, nec meritoria, quia est velle crucem fugere.

17 Tradito DEO libero arbitrio, & eidem relicta cura, & cogitatione animæ nostræ, non est amplius habenda ratio tentationum, nec eis aliqua resistentia fieri debet, nisi negativa, nulla adhibita industria; & si natura commoveatur, oportet sinere, ut commoveatur, quia est natura.

18 Qui in oratione utitur imaginibus, figuris, speciebus, & propriis conceptibus, non adorat DEUM in spiritu & veritate.

19 qui amat DEUM eo modo, quo ratio argumentatur, aut intellectus comprehendit, non amat verum DEUM.

20 Afferere, quod in oratione opus est sibi per discursum auxilium ferre, & per cogitationes, quando DEUS animam non alloquitur, ignorantia est. DEUS nunquam loquitur: ejus locutio est

est operatio; & semper in anima operatur, quando hæc suis discursibus, operationibus, & cogitationibus eum non impedit.

21 In oratione opus est manere in fide obscura, & universalis cum quiete, & oblivione cujuscunque cogitationis particularis, ac distinctæ attributorum DEI, ac Trinitatis, & sic permanere in præsentia DEI ad illum adorandum, & amandum, eique inserviendum, sed absque productione actuum; quia DEUS in his sibi non complacet.

22 Cognitio hæc per fidem non est actus a creatura productus, sed est cognitio, a DEO creaturæ tradita, quam creatura habere se non cognoscit, nec postea cognoscit, eam se habuisse, & idem dicitur de amore.

23 Mystici cum S. Bernardo in scala claustralium distinguunt quatuor gradus, lectionem, meditationem, orationem, & contemplationem infusam. Qui semper in primo sistit, nunquam ad secundum pervenit: qui semper in secundo sistit, nunquam ad tertium pervenit, qui est nostra contemplatio acquisita, in qua per totam vitam persistendum est, dummodo DEUS animam non trahat, absque eo, quod ipsa id expectet, ad contemplationem infusam; & hac cessante anima regredi debet ad tertium gradum, & in ipso permanere, absque eo, quod amplius redeat ad secundum, aut primum.

24 Qualescunque cogitationes in oratione occurrant, etiam impuræ, etiam contra DEUM, sanctos, fidem, Sacramenta, si voluntarie non nutriantur, nec voluntarie expellantur, sed cum indifferentia, & resignatione tolerantur, non impediunt orationem fidei, imo eam perfectiorem efficiunt, quia anima tunc magis Divinæ voluntati resignata manet.

25 Etiam si superveniat somnus, & dormiatur, nihilominus fit oratio & contemplatio actualis; quia oratio & resignatio idem sunt, & dum resignatio perdurat, perdurat & oratio.

26 Tres illæ viæ, purgativa, illuminativa, & unitiva, sunt absurdum maximum, quod dictum fuerit in Mystica; cum non sit nisi una via, scilicet interna.

27 Qui desiderat & amplectitur devotionem sensibilem, non desiderat, nec quærit DEUM, sed se ipsum, & male agit, cum eam desiderat, & eam habere conatur, qui per viam internam incedit, tam in locis sacris, quam diebus solennibus.

28 Tædium rerum spiritualium bonum est; siquidem per illud purgatur amor proprius.

29 Dum



29 Dum anima interna fastidit discursus de DEO, & virtutes, & frigida manet, nullum in se sentiens fervorem, bonum signum est.

30 Totum sensibile, quod experimur in vita spirituali, est abominabile, spurcum & immundum.

31 Nullus meditativus veras virtutes exercet internas, quæ non debent a sensibus cognosci. Opus est, virtutes amittere.

32 Nec ante, nec post communionem alia requiritur præparatio, aut gratiarum actio ( pro istis animabus internis ) quam permanentia in solita resignatione passiva, quia modo perfectiore supplet omnes actus virtutum, qui possunt & sunt in via ordinaria. Et, si in hac occasione communionis insurgunt motus humiliationis, petitionis, & gratiarum actionis, reprimendi sunt, quoties non dignolcatur, eos esse ex speciali impulsu DEI; alias sunt impulsus naturæ, nondum mortuæ.

33 Male agit anima, quæ procedit per hanc viam internam, si in diebus solennibus vult aliquo conatu particulari excitare in se devotum aliquem sensum, quoniam animæ internæ omnes dies sunt æquales, omnes festivi. Et idem dicitur de locis sacris; quia hujusmodi animabus omnia loca æqualia sunt.

34 Verbis & linguis gratias agere DEO non est pro animabus internis, quæ in silentio manere debent, nullum DEO impedimentum opponendo, quod operetur in illis, & quo magis DEO se resignant, experiuntur se non posse orationem Dominicam seu *Pater noster* recitare.

35 Non convenit animabus hujus viæ internæ, quod faciant operationes, etiam virtuosas, ex propria electione & activitate, alias non essent mortuæ: nec debent elicere actus amoris erga B. V. sanctos, aut humanitatem Christi, quia, cum ista objecta sensibilia sint, talis est amor erga illa.

36 Nulla creatura, nec B. V. nec sancti sedere debent in corde nostro; quia solus DEUS vult illud occupare & possidere.

37 In occasione tentationum, etiam furiosarum non debet anima elicere actus explicitos virtutum oppositarum, sed debet in supradicto amore & resignatione permanere.

38 Crux voluntaria mortificationum pondus grave est, & infructuosum, ideoque dimittenda.

39 Sanctiora opera & pœnitentiæ, quas peregerunt sancti, non suffecerunt ad removendam ab anima vel unicam adhæSIONem.

40 B. V. nullum unquam opus exterius peregit, & tamen fuit sanctis omnibus sanctior. Igitur ad sanctitatem perveniri potest sine opere exteriori.

41 DEUS permittit & vult, ad nos humiliandos, & ad veram transformationem perducendos, quod in aliquibus animabus perfectis, etiam non arreptitiis, dæmon violentiam inferat eorum corporibus, eosque actus carnales committere faciat, etiam in vigilia & sine mentis offuscatione, movendo physice eorum manus & alia membra contra earum voluntatem. Et idem dicitur quoad alios actus per se peccaminosos, in quo casu non sunt peccata; quia his non adest consensus.

42 Potest dari casus, quod huiusmodi violentiæ ad actus carnales contingant eodem tempore ex parte duarum personarum, scilicet maris & fœminæ, & ex parte utriusque sequatur actus.

43 DEUS præteritis sæculis sanctos efficiebat, tyrannorum ministerio, nunc vero eos efficit sanctos ministerio dæmonum, qui causando in illis dictas violentias facit, ut illi se ipsos magis despiciant, atque annihilent, & se DEO resignent.

44 Job blasphemavit, & tamen non peccavit labiis suis; quia fuit ex dæmonis violentia.

45 S. Paulus huiusmodi dæmonis violentias in suo corpore passus est; unde scripsit: *non, quod volo bonum, hoc ago, sed quod nolo malum, hoc facio.*

46 Huiusmodi violentiæ sunt medium magis proportionatum ad annihilandam animam, & ad eam ad veram transformationem, & unionem perducendam: nec alia superest via: & hæc est via faciliior & tutior.

47 Cum huiusmodi violentiæ occurrunt, sinere oportet, ut Satanas operetur, nullam adhibendo industriam, nullumque proprium conatum, sed permanere debet homo in suo nihilo, & etiam si sequantur pollutiones, & actus obscæni propriis manibus, & etiam peiora, non opus est se ipsum inquietari, sed foras emitendi sunt scrupuli, dubia, & timores; quia anima fit magis illuminata, magis roborata, magis candida, & acquiritur sancta libertas. Et præ omnibus non est opus hæc confiteri, & sanctissime fit, non confitendo; quia hoc pacto superatur dæmon, & acquiritur thesaurus pacis.

48 Satanas, qui huiusmodi violentias infert, suadet deinde, gravia esse delicta, ut anima se inquietet, ne in via interna ulterius



terius progrediatur; unde ad ejus vires enervandas, melius est, ea non confiteri, quia non sunt peccata, nec etiam venialia.

49 Job ex violentia dæmonis se propriis manibus polluebat, eodem tempore, quo mundas habebat ad DEUM preces. ( sic interpretando locum ex cap. 16 Job )

50 David, Hieremias, & multi ex sanctis Prophetis hujusmodi violentias patiebantur, harumque impurarum operationum externarum.

51 In S. Scriptura multa sunt exempla violentiarum ad actus externos peccaminosos, ut illud de Samson, qui per violentiam se ipsum occidit cum Philistæis, conjugium iniit cum alienigena, & cum Dalila meretrice fornicatus est, quæ alias erant prohibita, & peccata fuissent: de Juditha, quæ Holoferni mentita fuit: de Elisæo, qui pueris maledixit: de Elia, qui combussit Duces cum turmis Regis Achab. An vero fuerit violentia immediate a DEO peracta, vel dæmonum ministerio, ut in aliis animabus contingit, in dubio relinquitur.

52 Cum hujusmodi violentiæ, etiam impuræ absque mentis offuscatione accidunt, tunc anima DEO potest uniri, & defacto semper magis unitur.

53 Ad cognoscendum in praxi, an aliqua operatio in aliis personis fuerit violenta, regula, quam de hoc habeo, nedum sunt protestationes animarum illarum, quæ protestantur, se dictis violentiis non consensisse, aut jurare non possint, quod in iis consenserint, & videre, quod sint animæ, quæ proficiunt in via interna, sed regulam sumere a lumine quodam actuali, cognitione humana, scilicet theologica superiore, quod me certo cognoscere facit, cum interna certitudine, quod talis operatio est violenta, & certus sum, quod hoc lumen a DEO procedit, quia ad me pervenit conjunctum cum certitudine, quod a DEO proveniat, & mihi nec umbram dubii relinquit in contrarium; eo modo, quo interdum contingit, quod DEUS aliquid revelando, eodem tempore animam certam reddit, quod ipse sit, qui revelat, & anima in contrarium non potest dubitare.

54 Spirituales vitæ ordinariæ in hora mortis se delusos invenient, & confusos, & cum omnibus passionibus in alio mundo purgandis.

55 Per hanc viam internam pervenitur, etsi multa cum sufferentia, ad purgandas & extinguendas omnes passiones, ita, quod nihil amplius sentitur, nihil, nihil; nec ulla sentitur inquietudo.

quietudo, sicut corpus mortuum, nec anima se amplius commoveri sinit.

56 Duæ leges & duæ cupiditates, animæ una, & amoris proprii altera, tamdiu perdurant, quamdiu perdurat amor proprius; unde, quando hic purgatus est, & mortuus, ut sit per viam internam, non adsunt amplius duæ illæ leges, & duæ cupiditates, nec ulterius lapsus aliquis incurritur, nec aliquid sentitur amplius, ne quidem veniale peccatum.

57 Per contemplationem acquisitam pervenitur ad statum non amplius faciendi peccata, nec mortalia, nec venialia.

58 Ad hujusmodi statum pervenitur, non reflectendo amplius ad proprias operationes; quia defectus ex reflexione oriuntur.

59 Via interna sejuncta est a confessione, a confessariis, & a casibus conscientiarum, a Theologia & Philosophia.

60 Animabus provectis, quarum reflexionibus mori incipiunt, & eo etiam perveniunt, ut sint mortuæ, DEUS confessionem aliquando facit impossibilem, & supplet ipse tanta gratia perseverante, quantam in Sacramento reciperent, & ideo hujusmodi animabus non est bonum in tali casu ad Sacramentum poenitentiarum accedere; quia id est in illis impossibile.

61 Anima, cum ad mortem mysticam pervenit, non potest amplius aliud velle, quam quod DEUS vult; quia non habet amplius voluntatem, & DEUS illi eam abstulit.

62 Per viam internam pervenitur ad continuum statum immobilem in pace imperturbali.

63 Per viam internam pervenitur etiam ad mortem sensuum, quin imo signum, quo quis in statu nihilitatis maneat, id est, mortis mysticæ, si sensus exteriores non repræsentent amplius res sensibiles, unde sint, ac si non essent, quia non perveniunt ad faciendum, quod intellectus se ad illas applicet.

64 Theologus minorem dispositionem habet, quam homo rudis ad statum contemplativi. 1 quia non habet fidem adeo puram. 2 quia non est adeo humilis. 3 quia non adeo curat propriam salutem. 4 quia caput refertum habet phantasmatis, speciebus, opinionibus, & speculationibus, & non potest in illum ingredi verum lumen.

65 Præpositis obediendum est in exteriori, & latitudo voti obedientiarum tantummodo ad exterius pertingit. In interiori vero aliter se res habet, quo solus DEUS & Director intrant.



66 Rifu digna est nova quædam Doctrina in Ecclesia DEI, quod anima quoad internum gubernari debeat ab Episcopo: quod, si Episcopus non sit capax, anima ipsum cum suo Directore adbeat. Novam dico doctrinam, quia nec S. Scriptura, nec Concilia, nec Canones, nec Bullæ, nec sancti, nec authores eam unquam tradiderunt, nec tradere possunt, quia Ecclesia nunquam judicat de occultis, & anima jus habet eligendi quemcunque, sibi bene visum.

67 Dicere, quod internum manifestandum est exteriori tribunali Præpositorum, & quod peccatum sit, id non facere, est manifesta deceptio; quia Ecclesia non judicat de occultis; & propriis animabus præjudicant his deceptionibus & simulationibus.

68 In mundo non est facultas nec jurisdictio ad præcipiendum, ut manifestentur epistolæ Directoris quoad internum animæ; & ideo opus est animadvertere, quod hoc est insultus Satanz &c.

#### *Condemnatio.*

Atque has absurdissimas & spurcissimas propositiones Innoc. XI tanquam hæreticas, suspectas, & erroneas, scandalosas, blasphemias, piarum aurium offensivas, temerarias, Christianæ disciplinæ relaxativas, & everivas, & leditiosas respective, ac quæcunque super iis verbo, scripto, vel typo tradita, damnat, & omnibus interdicit, ne eas credant, teneant, doceant, aut in praxin deducant, sub pœna anathematis Pontifici reservati, nec non omnes libros, omniaque manuscripta ejusdem Michaelis de Molinos, quæ statim Episcopis, aut hæreticæ pravitatis Inquisitoribus ad comburendum tradi jubet, sub eadem pœna.

Tandem, ut prædictus Molinos, ob hæreses, errores, & turpia facta prædicta in aliorum exemplum & ipsius emendationem plecteretur, eundem tanquam reum convictum, & respective confessum, & uti hæreticum formalem, licet poenitentem, ad perpetuum carcerem, & ad peragendas alias pœnas salutares, prævia abjuracione, servato Juris ordine, Pontifex condemnavit, lecto ex suggestu, in quo præsens adstare debuit, publico processu.

#### *Observatio.*

Turpiorem hæreticum vix unquam vidit Ecclesia. Subemendito furo indifferentiæ & quietis internæ spurcissima scelera a peccato absolvit. Libertatem, Calvinii & Jansenii exemplo, extrivit, omniaque, quæ mala voluntas peccat, demonis violentiæ attribuit.

buit. Fidem, spem, charitatem, omnesque virtutum actus, ac bona opera, sustulit, cum cultu DEI & sanctorum, usuque sacramentorum, vocis, indulgentiis. Tentationibus non resistendum: sinenda natura, quia est natura: sequendum, quocunque dæmon trahat. Tedium & fastidium rerum spiritualium laudat; nihil meditandum, orandumque, omnis cogitatio de morte, iudicio, inferno, cælo, imo etiam de DEO excludenda; nulla adhibenda salutis cura.

Et hæc est pulchra illius *via interna*, quam tantopere commendat: hæc quies animæ, omnium videlicet scelerum abominandorum sentina. Et tamen in confirmationem lutulentæ suæ doctrinæ aulus est adducere testimonia S. Scripturæ. Fecit hoc omnium hæresiarcharum exemplo.

§. 5.

*Propositiones 31 ab Alexandro VIII 7 Dec. 1690 damnatae.*

*Propositio 1.*

*In statu naturæ lapsæ ad peccatum formale, & demeritum sufficit De libero illa libertas, qua voluntarium ac liberum fuit in causa sua, peccato originali, & libertate Adami peccantis.*

*Observ.* Renovantur hic damnatae a Pio V & Greg. XIII Theses Baji, uti 67. *Homo peccat etiam damnaviliter in eo, quod necessario facit.* Et Jansenii tertia, *ad merendum & demerendum in statu naturæ lapsæ non requiritur in homine libertas a necessitate, sed sufficit libertas a coactione*, ab Innoc. X. & Alex. VII profligata. Et jam antea Tridentinum S. 6 can. 5, contra Lutherum & Calvinum definivit, liberum hominis arbitrium post Adami peccatum non fuisse extinctum.

Profecto, si vera esset thesis, etiam infantes, amentes, dormientes formaliter peccarent, & demerenter, quia in Adamo fuerunt liberi; imo etiam motus primi & indeliberati concupiscentiæ essent peccata formalia, omniaque, quæ ex ignorantia, quantumvis invincibili, procedunt.

Et ratio a priori est, quia ad hoc, ut quis committat peccatum formale, requiritur, ut actus primus proximus, sit indifferens ad utrumque membrum contradictionis, seu ad positionem actus, & omissionem; nam in hoc ipso stat libertas indifferentiæ.

H 3

Et



Et hinc, qui alterum in plena ebrietate occidit, sine libertate actuali, non committit novum peccatum, quamvis peccaverit, tam adversus temperantiam, quam adversus justitiam peccato homicidii, quando voluit inebriari; prævidens aut intendens peccatum homicidii; sicut etiam actus externus non est novum peccatum, distinctum ab actu interno; & quamvis detur obligatio confitendi actum externum, id non provenit ex eo, quod committatur novum peccatum, sed, ut confessarius habeat sufficientem notitiam de actu interno, & possit instruere poenitentem de incur-sis poenis, & aptam medicinam præscribere. Idem dicendum de actu efficaciter imperato, si non sit immediate & formaliter liber.

Neque damnatis ad peccandum sufficit ea libertas, quam habuerunt in vita, sed habent potentiam physicam ad vitandas blasphemias &c. & si neque hanc haberent, non peccarent formaliter; sed necessitarentur ad blasphemandum, sicut beati in cælo propter visionem intuitivam necessitantur ad amandum DEUM. Neutri vero merentur aut demerentur, quia non amplius sunt viatores, sed existunt in termino.

Igitur his argumentis uti non possunt Bajani & Jansenistæ ad patrocinium damnatæ suæ thesæ, quod in statu naturæ lapsæ ad peccatum formale & demeritum sufficiat libertas in causa, seu peccato Adami. Accedit, quod hoc peccatum non commiserimus voluntate physice propria, sed tantum moraliter propria, quatenus per Decretum Divinum voluntas nostrâ fuit allegata voluntati Adami.

Dices. Quamvis Christus fuerit per præceptum, acceptum a Patre, necessitatus ad moriendum, mors tamen fuit ipsi libera & meritoria, præcise ideo, quia fuit libera in causa, quatenus potuit præceptum impedire, vel petere dispensationem vel facere miracula, ut Judæi eum non occiderent. Ergo etiam in casu nostro sufficit libertas in causa ad peccatum formale ac demeritum.

*Resp.* Prætermisiss variis viis, quas Theologi tentarunt ad difficultatem istam solvendam, impositum fuisse præceptum rigorosum moriendi, non quidem Christo, sed humanitati, quæ habuit actum primum proximum indifferentem ad reprobandum malum & eligendum bonum, potuitque peccare, peccato impeditivo unionis hypostaticæ, sicut quilibet homo potest peccare, peccato impeditivo præscientiæ de consensu & decreti prædefinitivi; unde dein tota necessitas est consequens, quæ non obstat libertati, cum dependeat a scientia Mediâ, a creatura impedibili.

## Prop. 2.

*Tametsi detur ignorantia invincibilis Juris naturæ, hæc in statu naturæ lapsæ operantem ex ipsa non excusat a peccato formali.*

De ignorantia juris naturæ.

*Observ.* Ad rationem peccati formalis pertinet, ut sit voluntarium; damnata enim est hæc propositio Baji 46. *Ad rationem & definitionem peccati non pertinet voluntarium.* Et S. Thomas p. 2 q. 76 art. 3 ait: *ignorantia, quæ est causa actus, quia causat involuntarium, de se habet, quod excuset a peccato, eo quod voluntarium est de ratione peccati.* Et S. Aug. lib. de natura & gratia c. 67. *Non tibi reputatur ad culpam, quod invitus ignoras, sed quod negligis quærere.*

Atqui, quod sit ex ignorantia invincibili, non est voluntarium, cum ad rationem voluntarii requiratur cognitio, quia *procedit ab intrinseco cum cognitione finis.* Unde S. Thomas l. c. ait, quod *ignorantia causet involuntarium: cum nihil sit volitum, nisi præcognitum.* Licet enim actus aliquis, jure prohibitus, secundum se sit tibi voluntarius, non tamen, in quantum est contra legem, quam invincibiliter ignoras. Et hinc, ut loquitur S. Augustinus, est voluntarius *voluntate facti, non autem voluntate peccati.*

Et ratio ulterior est, quia ad omne peccatum formale requiritur aliqua advertentia ad legem præcipientem aut prohibentem. Sed quando lex invincibiliter, & inculpabiliter ignoratur, nulla datur advertentia ad legem, imo nec dari potest. Quare merito damnata est hæc propositio Baji 68. *Infidelitas pure negativa in iis, quibus DEUS non est prædicatus, peccatum est.*

Verbi Divini oracula hoc ipsum comprobant: *si non venissem, & locutus fuissẽm eis, peccatum non haberent,* ait Christus Joan. 15. *Si opera non fecissem in eis, quæ nemo alius fecit, peccatum non haberent,* ibid. *Si cæci essetis, non haberetis peccatum.* Jo. 9.

Igitur Scripturæ & Patres, quæ peccata ignorantie asserunt, loquuntur de ignorantia culpabili & vincibili, non autem de invincibili. Quod servus, qui cognovit voluntatem domini, & non facit, vapulabit multis; qui vero eam non cognovit (ex ignorantia vincibili) vapulabit paucis, inde est, quod sciens voluntatem domini, & non faciens, gravius peccet, quam ille, qui eandem ignorat, ignorantia licet culpabili; prout ait S. Aug. de grat. & lib. arb. c. 3. Regula Juris, quod *ignorantia facti excuset, non juris,* non est intelligenda de foro interno, sed de externo, in quo regulariter juris clari scientia præsumitur; dico *regulariter*, quia etiam pro



pro foro externo varios ignorantia Juris excusat. Axioma vero illud: *omnis peccans ignorans*, non est intelligendum de vera ignorantia, sed de cæcitate & stultitia; ubi subintrat aliud Axioma: *video meliora proboque, deteriora sequor*.

Neque dicas, nullam dari ignorantiam juris naturæ invincibilem; quamvis enim talis dari non possit circa prima & universalissima juris naturæ principia, per se evidentia, uti DEUM esse colendum, parentes honorandos, nemini faciendam injuriam &c. prout etiam circa conclusiones, immediate & clare inde deductas, quales sunt pleraque præcepta Decalogi: potest tamen dari quoad conclusiones mediatas, & non ita clare deductas ex iis principiis moralibus. In his enim plures, etiam docti sunt decepti, uti circa fornicationem, molliem, lucrum ex mutuo, mendacium officiosum &c. Et quoties adhuc in Theologia & Jurisprudencia disputatur, an hoc vel illud jure naturæ sit prohibitum vel præceptum, e. g. an polygamia jure naturæ sit prohibita? an, & quinam gradus consanguinitatis & affinitatis jure naturæ dirimant matrimonium? An matrimonium cum pacto castitatis sit jure naturæ validum? An contractus, metu gravi & injusto extorti, obligent. Jam vero, si ignorantia invincibilis juris naturæ potest dari in doctis, quanto magis in rudibus, rusticis, sceminis, pueris? Experiuntur hoc sane confessarii. (*De duabus his thesibus uberius tractavi Part. 8 in Theologia Jansenistica.*)

Prop. 3.

*Non licet sequi opinionem, vel inter probabiles probabilissimam.*

De opinione  
probabilissi-  
ma.

*Observ.* Ex proscriptione hujus thesisi aperte habetur, 1 non semper sequi oportere tutiora, sed quod sequi possimus opinionem probabilissimam, faventem libertati contra legem: 2 ab omnibus docendum probabilissimum, in aliqua sua specie; quia opinio probabilissima non exit e finibus probabilitatis: & hinc pleraque argumenta, quæ pro Tutiorismo afferuntur, posse retorqueri. Quando habetur vera, solida, comparativa probabilitas de non existentia legis, consilium est, sequi tutiora, non præcepti. Imò dici potest, posse sequi opinionem vere probabilem esse formaliter tutius, propter gravissimas difficultates & anxietates, quæ animas obruerent, si semper oporteret indagare, quid sit probabilius. (*De hac materia ex professo tractavi Part. 1 de lege dubia.*)

Prop.

## Prop. 4.

*Dedit semetipsum pro nobis oblationem DEO, non pro solis Electis, sed pro omnibus & solis Fidelibus.*

*Observ.* At passim in sacris Scripturis aperte docetur, Christum pro omnibus omnino hominibus mortuum esse, & non pro solis fidelibus. Sic 1 Tim. 2 dicitur: *Dedit redemptionem semetipsum pro omnibus.* Item: *DEUS vult omnes homines salvos fieri.* Ibid. *pro nobis omnibus tradidit illum.* Rom. 8. *Ipse est propitiatio pro peccatis totius mundi.* Idem definit Tridentinum contra Calvinum *sess. 6 cap. 2.* Idem Innoc. X & Alex. VII contra Jan-  
senium.

Mors Christi  
pro omnibus.

Neque ullo modo eliditur tanta auctoritas dicendo, Christum mortuum esse pro generibus singulorum, non autem pro singulis generum, hoc est pro fidelibus ex omni genere, natione & conditione hominum; nam totus mundus non tantum complectitur fideles: mortuus est autem *pro peccatis totius mundi.* Et quæ ratio ita restringendi signum universale *omnis, omnes*, contra definitiones Ecclesiæ? Quid apertius ad hunc refellendum errorem, quam effatum Apostoli 1 Tim. 4, ubi Christus dicitur *Salvator omnium, maxime fidelium*, qui merita mortis Christi specialiter sibi applicant.

Non minus gratis dicunt, Christi mortem fuisse sufficientem ad omnes redimendos, sed non fuisse pro omnibus oblatam; nam hoc modo etiam dæmones fuissent redempti, quia mors Christi fuit sufficiens, etiam pro illis redimendis.

## Prop. 5.

*Pagani, Judæi, Hæretici, alique bujus generis, nullum omnino a Jesu Christo accipiunt influxum, adeoque hinc recte inferes, in illis esse voluntatem nudam & inermem, sine omni gratia sufficiente.*

*Observ.* DEUS omnes homines vult salvos fieri, & ex hac optima voluntate propter nos homines & propter nostram salutem descendit de coelis, & incarnatus, passus, ac mortuus est: illuminat omnem hominem venientem in hunc mundum; pro omnibus baptismum ac reliqua Sacramenta, salutis fontes, instituit; omnibus dat gratiam sufficientem; ut adeo non steter per Christum, quo minus omnes salventur; sed, quod multi Divinis gratis non cooperentur, atque in infidelitate persistant, perversæ suæ voluntati imputare debent. Falsum enim est, quod Christus pro infide-

De gratia.



libus non oraverit, ut patet ex oratione, in cruce pro crucifixoribus facta.

Prop. 6.

*Gratia sufficiens statui nostro non tam utilis quam perniciosa est, sic, ut proinde merito possimus petere: a gratia sufficienti libera nos Domine.*

*Observ.* Gratia efficax est etiam *sufficiens* ad actum salutarem; hanc utique non dices perniciosam. Si autem loquaris de gratia, *ut mere sufficiente*, seu *ut inefficace*, prout communiter sumitur gratia sufficiens, tunc ista duo importat, nempe 1 entitatem gratiæ, seu auxilii, quod complet actum primum proximum, ad actum secundum salutarem liberum. Et hoc auxilium est a solo DEO, estque beneficium DEI, qui intendit per illud actum bonum ac salutarem, completque potentiam ad illum ponendum: neque enim DEUS dat gratiam, ut ei dissentias, sed ut consentias & coopereris, & si prævideret, te eidem consensurum, tamen illam daret, & quidem lubentius.

Alterum, quod gratia, *ut mere sufficiens* seu *ut inefficax* in obliquo importat, est carentia seu privatio consensus seu cooperationis. Et hoc est a sola creatura, gratia & libertate, sibi a DEO sine optimo concessa, culpa sua abutente: atque hic abusus est utique malus & perniciosus.

Verum propter hunc abusum non cessat gratia esse donum & beneficium DEI; alias neque creatio, neque conservatio, neque incarnatio, passio, & mors Redemptoris, neque SS. Sacramenta, aliaque media ad salutem, neque dotes corporis & animi, neque bona fortunæ, essent dona & beneficia DEI, quando culpa tua iis abuteris. Hunc autem abusum DEUS prohibet, non autem tenetur impedire, imo debet creaturæ liberum permittere, supposita libertate, eidem concessa.

Falissimum igitur est, quod gratia sufficiens de se non sit utilis sed perniciosa; fac, ut coopereris gratiæ, sicut potes, & erit efficax, & utilissima ad salutem. Nunquid boni sunt oculi & utiles ad videndum? Si autem claudas oculos, an propterea desinunt esse boni & utiles. Tua solius culpa est, quod nihil videas. Aequalis gratia potest esse efficax in Petro, inefficax in Paulo; quia ille libere cooperatur, hic culpa sua libere resistit gratiæ. Quin imo major quandoque datur gratia dissentienti quam consentienti.

*Perditio*

*ditio tua Israel, in me tantummodo auxilium*, inquit Dominus Osee 13. Et ad quid tot exprobrationes in Divinis litteris, quod cælestibus illustrationibus, inspirationibus, adhortationibus restiterint, si cum gratia sufficiente non potuissent cooperari? Ipsa vox gratia sufficiens aliud signat.

*Prop. 7.*

*Omnis humana actio deliberata, est DEI dilectio vel mundi: si DEI, charitas Patris est: si mundi, concupiscentia carnis, hoc est, mala est.*

*Prop. 8.*

*Neceffe est, infidelem in omni opere peccare.*

*Observ.* Absurdas has theses jam Part. VIII in Theol. Jansen. cap. 15 confutavi, jamque dudum in Bajo sunt damnatæ, sed a Sinnichio Professore Lovanienti, & Symmisti, pro reverentia, De virtutibus qua Jansenistæ in sedem Apost. feruntur, resuscitatæ. Dantur bus. multi actus moraliter honesti apud fideles & infideles, qui neque sunt dilectio DEI, neque concupiscentia carnis, neque aliud peccatum. Fides etiam & spes, aliæque virtutes, neque sunt per se dilectio DEI, nec concupiscentia carnis. In terminis absurdum est, quod misericordia in pauperes, justitia, temperantia, fortitudo, aliæque virtutes morales, quas Gentiles quidam, Græci & Romani amore honestatis naturalis, & ex dictamine, & lumine rationis naturalis exercuerunt, fuerint mera peccata.

*Sine fide impossibile est placere DEO:* hoc est, nullus actus salutaris atque ad DEUM tanquam ultimum finem supernaturalem ducens, sine fide potest elici. Item sine fide non infunditur gratia sanctificans, quæ sola simpliciter facit gratum DEO. Denique si est persona sine fide non placeat DEO, cum saltem peccato originali sit infecta, possunt tamen aliqua illius opera suo modo placere, aut saltem non displicere. *Omne, quod non est ex fide, peccatum est*, hoc est, quod non est secundum dictamen conscientia. Omnia quidem referenda sunt ad DEUM. Sed, si de hoc non cogitet, aut invincibiliter id ignoret, non peccat.

*Prop. 9.*

*Revera peccat, qui odio habet peccatum mere ob ejus turpitudinem & disconvenientiam cum natura rationali, sine ullo respectu ad DEUM offensum.*

*Observ.* Tridentinum definit contrarium, attritionem vide. De odio peccati ob licet, ex turpitudine peccati conceptam, non solum non facere turpitudinem. ma- nem.



*magis peccatorem, verum etiam donum DEI esse, & Spiritus S. impulsus; atque ad DEI gratiam in Sacramento poenitentiae impetrandam disponere: ergo non tantum non peccat, qui ex hoc motivo odit peccatum, sed etiam positive honeste operatur.*

Cæterum videtur hæc thesis supponere, quod objectum aliquod ut disconveniens naturæ rationali possit attingi absque ullo ad DEUM offensum respectu: adeoque possibile esse peccatum mere Philosophicum. Hoc autem suppositum est falsum; quia hoc ipso, quod quis cognoscat, aliquid esse disconveniens naturæ rationali, cognoscit, illud esse illicitum atque prohibitum a supremo legislatore, cum nullus alius prohibere & illicitum facere posset, adeoque hoc ipso sub aliquo prædicato cognoscit DEUM. Ergo cognosci non potest talis disconvenientia absque ullo respectu ad DEUM offensum.

*Prop. 10.*

*De spe. Intentio, qua quis detestatur malum, & prosequitur bonum, mere, ut obtineat cælestem gloriam, non est recta, nec DEO placens.*

*Observ.* Audi Tridentinum sess. 6 can. 31 definiens: *si quis dixerit, justificatum peccare, dum intuitu æternæ mercedis operatur, anathema sit:* imo ipsam sacram Scripturam, intuitu mercedis ad beneoperandum nos excitantem: *omnis, qui in agone contendit, ab omnibus se abstinere, & illi quidem, ut corruptibilem coronam accipiant, nos autem incorruptam. 1 Cor. 9.* Paulus ipse, quia bonum certamen certavit, expectat coronam justitiæ, & David Ps. 118. *Inclinavi cor meum ad faciendas justificationes tuas in æternum propter retributionem.* Et quid aliud est spes? quid homines magis excitare solet, quam spes æternæ retributionis? quid culpandum in amore concupiscentiæ æternæ beatitudinis? In amore DEI, ut nobis boni? DEUS promissione cælestis gloriæ nos incitat ad bona opera; & observationem mandatorum. Ergo hæc spes, & desiderium DEO placet, sicut etiam timor gehennæ.

Amor concupiscentiæ erga DEUM & amor benevolentiae sibi non opponuntur, imo in eodem etiam actu sunt compossibiles; cum enim DEUS sit bonus in se, & bonus nobis, potest amari propter utramque bonitatem. Quamvis hoc non sit necessarium; potest enim nunc elici solus amor benevolentiae & amicitiae, alia vice sola spes, seu amor concupiscentiæ. Cæterum vitiosum utique foret, si quis vellet peccare, si cælum aut infernus non esset; secus vero, si odio habeat peccatum propter cælum, quod sperat,

aut

aut propter infernum, quem timet, quin detur simul positiva voluntas peccandi, si abessent: potest enim ab hoc abstrahere; vel, si incidat, potest dicere, hanc conditionem in hac providentia esse impossibilem, adeoque se absolute dolere de peccato & proponere emendationem.

*Prop. 11.*

*Omne, quod non est ex fide Christiana supernaturali, quæ per dilectionem operatur, peccatum est.*

*Observ.* Hæc Bajana & Janseniana thesis, rursus expresse est contra Tridentinum, quod eam esserenti dicit anathema. Quasi vero non dentur aliæ virtutes, gratæ & acceptæ DEO, etiam in peccatore & infideli. Certe Scriptura ipsa testatur, quod orationes & eleemosynæ Cornelii centurionis fuerint exauditæ, & eleemosynæ acceptæ, antequam esset fidelis & justificatus.

Non sola  
fides est  
virtus.

Dicit quidem Apostolus, quod, si charitatem non habuerit, factus sit velut æs sonans &c. Sed per charitatem intelligit gratiam sanctificantem, sine qua nihil meritorium vitæ æternæ potest peragi. Sæpius autem nomine charitatis intelligitur in Scriptura gratia, ut quando dicitur, *charitas DEI diffusa est in cordibus nostris per Spiritum S. qui datus est nobis.* Quandoque accipitur charitas pro quolibet amore virtutis.

*Prop. 12.*

*Quando in magnis peccatoribus deficit omnis amor, deficit etiam fides: & etiamsi videantur credere, non est fides Divina sed humana.*

In peccatore  
non semper  
deficit fides.

*Observ.* Trid. S. 6 cap. 15 ait, quocunque peccato mortali amitti justificationis gratiam, non autem fidem, nisi per peccatum infidelitatis aut incredulitatis. Ratio est, ut peccator facilius resurgere, si habitu fidei & spei sit instructus, ideo DEI bonitas eundem etiam in peccatore conservat, nisi peccatum sit directe contrarium fidei aut spei.

*Prop. 13.*

*Quisquis etiam æternæ mercedis intuitu DEO famulatur, charitate si caruerit, vitio non caret, quoties intuitu licet beatitudinis operatur.*

Spes bona  
est.

*Observ.* Ita nempe Bajani & Jansenistæ, dum solam charitatem perpetuo commendant, spem & omnes alias virtutes eliminant: nec eliminant duntaxat, sed vitia faciunt, contra sacras Scripturas, contra Concilia, præsertim Tridentinum, contra SS.



Patres, contra totius Ecclesiæ sensum, contra ipsam adeo manifestam rationem; quid enim lumini naturæ rectæque rationi magis contrarium, quam fidem, spem, iustitiam, misericordiam, temperantiam, continentiam, mansuetudinem, religionem, humilitatem, omnesque alias virtutes, si in propria sua sphaera versentur, id est, proprio suo objecto formali, per quod a charitate distinguuntur, esse mera peccata? Odium peccati, ob spem cœli conceptum, esse peccatum? Orationes, Sacramenta, sacrificium Missæ, bona opera, ipsamque adeo DEI adorationem, esse peccata? Honestatem inhonestatem? Cur DEUS nos jubet orare: *adveniat Regnum tuum*, cur *quævere primum Regnum DEI*, cur imperat salutis nostræ æternæ curam, si hæc omnia sunt peccata? Cave Propheta sancte, ne inclines cor tuum ad faciendas justificationes *propter retributionem*: peccatum est. Apostole sancte, ne exspectes coronam iustitiæ: peccatum est. Vos operarii sancti, ne speretis promissam a DEO mercedem: peccatum est.

Neque dicat quispiam, spem Theologicam non differre a charitate; nam, sicut aliæ virtutes, differunt per objectum formale seu motivum. Charitas perfecta tendit in DEUM, ut in se ipso summum bonum. Spes vero ut speranti bonum. Quamvis coniungi possint, in eodem etiam actu; quia amari potest DEUS simul, ut in se ipso bonus, & ut amanti bonus.

*Prop. 14.*

*Timor gehennæ non est supernaturalis.*

Timor gehennæ bonus

*Observ.* Contrarium docet Tridentinum, quod S. 14 cap. 4 timorem gehennæ, si voluntatem peccandi excludat, atque cum spe veniæ sit conjunctus, *donum DEI & Spiritus S. impulsus appellat.* Et can. 5 anathemate ferit eum, qui dixerit, *dolorem, ex gehennæ metu conceptum, non esse utilem, nec præparare ad gratiam.* Et quid frequentius in ipsa etiam S. Scriptura, quam adhortationes ad servanda mandata, & pœnitentiam, propositis gehennæ aliisque pœnis? *Verebar omnia opera mea, sciens, quod non parceres delinquenti*, inquit Job. c. 9, & David Ps. 118: *confige timore tuo carnes meas, a judiciis enim tuis timui.* Christus ipse Luc. 13: *nisi pœnitentiam egeritis, omnes similiter peribitis.* Et alias etiam jubet, timere eum, qui potest corpus & animam perdere in gehennam.

Sermo autem est de timore salutari, ac proinde supernaturali, qui procedit ex lumine fidei supernaturali, qua gehenna tanquam a DEO revelata creditur. Neque detestans peccatum ob metum gehennæ

gehennæ est ita comparatus, ut vellet peccare, si non esset gehenna; quia tunc ex alio motivo posset detestari peccatum: & hinc absolute detestatur peccatum, ut notatum supra, ita, ut absolute deponat voluntatem peccandi, imo etiam conditionatam illam, *si non esset infernus, peccarem*; quia scit, ad evitandum infernum, qui absolute datur, & in hac providentia non potest non dari, esse necessarium, ut etiam voluntas illa conditionata deponatur.

## Prop. 15.

*Attritio, quæ gehennæ & poenarum metu concipitur, sine dilectione benevolentia DEI propter se, non est bonus motus ac supernaturalis.*

*Observ.* Trid. S. 14 cap. 4 prorsus contrarium definit, dum ait, attritionem, ex metu gehennæ conceptam, esse donum DEI & impulsum Spiritus S. & ad gratiam in Sacramento poenitentia impetrandam disponere. Ergo est motus bonus & supernaturalis; tum quia per donum DEI & impulsum Spiritus S. in negotio salutis, de quo agit Tridentinum, intelligitur donum supernaturale, quod solum est conducens ad salutem: tum quia aliquid naturale non potest disponere ad gratiam supernaturalem, per sacramentum poenitentia recipiendam; ut a Concilio Arausicano definitum est contra Semipelagianos.

Certe DEUS per metum gehennæ nos incitat ad poenitentiam, ad detestanda & vitanda peccata: ergo hic metus est motus bonus. Et idem dicendum de metu poenarum temporalium, dummodo istæ concipiantur, ut a DEO vindice inflictæ in poenam peccatorum: quia sic motivum poenarum per fidem supernaturalem aut illustrationem supernaturalem proponitur: unde ipsa dein etiam attritio est supernaturalis. Idem de dolore, ex turpitudine peccati concepto; nam etiam hæc attingitur lumine supernaturali, ut repugnans voluntati & voluntati DEI; cum non possit peccatum attingi ut dissonum naturæ rationali, quin attingatur etiam ut dissonum legi DEI; alias enim dari posset peccatum mere philosophicum.

Dices. Plures tamen DD. Catholici cum Card. Pallavicino, ut attritio sit sufficiens ad Sacramentum poenitentia, requirunt dilectionem DEI, saltem *initialem*; quia Tridentinum S. 6 c. 1 ait, peccatores ad justificationem disponi, *dum DEUM tanquam omnis justificationis*



*stitia fontem diligere incipiunt, ac propterea moventur adversus peccata per odium & detestationem.*

Verum Tridentinum per hanc dilectionem nihil aliud intellexit, quam seriam voluntatem peccatoris se reconciliandi cum DEO offenso, & adhibendi media ad hanc reconciliationem necessaria, cum odio & detestatione peccati, atque sincero proposito, DEUM non amplius offendendi, licet id fiat ex motivo cœlum consequendi, aut infernum vitandi, aut ex consideratione turpitudinis peccati, ut voluntati DEI aut virtuti alicui supernaturali repugnantis. Vel dici potest, Tridentinum per inchoatam illam dilectionem intelligere spem, quæ est DEI amor concupiscentiæ, prout ipsum Trid. l. c. non obscure indicat.

Præter hæc autem non requiri dilectionem aliquam formalem benevolentia, sententia est communis DD. & Viva eam moraliter certam dicit, sicut etiam illam de sufficientia attritionis, ex spe cœli, aut metu gehennæ, vel turpitudine peccati conceptam, cum haud obscure innitatur definitioni Concilii Tridentini.

Et quid esset ille amor initialis, ut distinctus a spe seu amore concupiscentiæ, aliisque supra memoratis? Si enim est amor benevolentia aut amicitia, licet non intensus, semper homo jam esset justificatus ante absolutionem Sacramentalem, & sic Sacramenta mortuorum nunquam vivificarent, sed semper supponerent jam ante vitam spiritualem, nec lex gratiæ præstaret legi Mosaiæ aut legi naturæ, in quibus per solam contritionem aut charitatem peccatores poterant justificari. Imo sive sacerdoti, sive laico, quem poenitens bona fide putaret esse sacerdotem idoneum, sive absolveretur per formam legitimam, semper justificatus recederet.

Et ratio est, quia ad charitatem secundum communem DD. sententiam non requiritur certus intensiois gradus, tum quia de eo constare moraliter non potest, tum quia in S. Scriptura dilectioni universim tribuitur justificatio: *qui diligit me, diligetur a Patre meo.* Jo. 14. *Omnis, qui diligit, ex DEO natus est.* Jo. 8. *Charitas operit multitudinem peccatorum &c.* Nec unquam limitatur dilectio ad tantum vel tantum gradum dilectionis, aut quæ excludat aliud commotivum a bonitate Divina. Verum quidem est, quod dilectio justificans debeat esse *ex toto corde &c.* sed per hoc non intelligitur intensio, sed appretiatio DEI super omnia, vi cujus diligens DEUM præfert omnibus creaturis: & hinc dicitur, quod charitas

ritas debeat esse *appretiative* summa, non vero *intensive*, quod manifeste docet S. Thomas in 4 dist. 17 q. 2. ubi, *quicumque parvus sit dolor*, inquit, *dummodo ad contritionis rationem sufficiat, omnem delet culpam*.

Neque interest, an dilectio procedat ex solo motivo charitatis, an etiam ex spe præmii aut poenarum metu; nam semper est vera dilectio, atque adeo semper ante Sacramentum justificaret, si necessario requireretur.

Dicit quidem Scriptura 1 Jo. 3: *qui non diligit, manet in morte*. Et 1 Cor. 13: *sine charitate nihil sum*; sed hic est sermo de charitate habituali, non de actuali; alias omnes infantes, post baptismum ante usum rationis mortui, damnarentur; quia non habent charitatem actualem. Et eodem ferme modo intelligendi veniunt textus quorundam Patrum, qui dicere videntur, charitatem ad Sacramentum poenitentiae esse necessariam; nam per charitatem vel intelligunt amorem concupiscentiae, seu spem, vel voluntatem seriam se reconciliandi cum DEO offenso, detestationem & odium peccati, DEO adversantis, propositum servandi omnia mandata, praesertim etiam charitatis.

Cæterum Alex. VII 5 Maji 1667 edita constitutione in virtute S. obedientiae, & sub poena excommunicationis prohibuit, ne, dum deinceps de materia attritionis tractaretur, quis audeat, alicujus Theologicae censuræ, alteriusve injuriæ aut contumeliae nota taxare alterutram sententiam, sive negantem necessitatem aliqualem dilectionis DEI in præfata attritione, metu gehennæ concepta, quæ hodie inter Scholasticos communior videtur, sive asserentem dictæ dilectionis necessitatem, donec ab hac sancta Sede aliquid in hac re fuerit definitum. Ita Pontifex.

Non est autem censura, si sententia aliqua dicatur falsa, aut improbabilis, & altera probabilissima, aut etiam moraliter certa; nam minima inter censuras videtur esse, si sententia aliqua dicatur temeraria. Neque ex eo, quod Pontifex vetuerit alterutram sententiam censura affici, sequitur, quod utramque agnoverit probabilem; quia prohibitio ista est facta, ut Pontifex ipse præfatur, pacis reducendæ & scandalorum finiendorum gratia, sicut prohibuit, ob eandem rationem, alterutram sententiam de Immaculata Conceptione censura notari, licet affirmativa sit moraliter certa.

Non dissimulandum tamen id, quod Card. Pallavicinus in Historia Concilii Tridentini l. 12 c. 10 refert, videlicet, cum tractaretur de attritione, additum fuisse, *eam vix sine aliquo motu amoris*



*amoris DEI esse posse*; quia tamen Episcopus Tudetanus intercefferit, advertens, in hac re varias esse Theologorum sententias, ideo deleta fuisse illa verba, ut hæc materia Theologicæ discussioni relinquatur.

Sicut optandum, hortandique sunt fideles, ut semper contritionem perfectam, per dilectionem DEI constitutam, conentur elicere, sic conscientia non sunt oneranda aut implicanda, nec Sacramentum exponendum periculo frustrationis.

*Prop. 16.*

*Ordinem præmittendi satisfacti nem absolutioni induxit non politia, nec institutio Ecclesiæ, sed ipsa Christi lex, & præscriptio, natura rei id ipsum quodammodo distante.*

*Observ.* Satisfactio non est præmittenda necessario *ex lege Christi*. Nam ubi est hæc lex? Satisfactio est quidem pars Sacramenti poenitentia, sed tantum integralis, sine qua essentia Sacramenti, ejusque præcipuus effectus, nempe remissio peccati, haberi potest; ut patet in moribundis, qui non possunt amplius satisfactionem præstare; & alias forma absolutionis, *ego te absolvo*, esset falsa, quando non præmittitur satisfactio; adeoque fere semper Sacramentum esset invalidum & sacrilegum. Accedit praxis Ecclesiæ, declarans institutionem Christi.

Unde neque id exigit *ratio Sacramenti* poenitentia, instituti per modum Judicii, in quo prius fertur sententia, & deinde primum fit executio poenæ. Quare neque id exigit *natura rei*: pro ut etiam in physicis primo ponuntur materia essentialis & forma, ac deinde partes integrantes per nutritionem accrescunt, ut in composito humano dentes, ungues, capilli &c.

Certe in veteri lege, naturali, & scripta, non debebat satisfactio præcedere justificationem, sed ad eam sufficiebat contritio & propositum servandi totam legem, atque præstandi satisfactionem. Ergo etiam in lege nova sufficit, ut præcedat absolutionem contritio, propositum, & confessio.

*Prop. 17.*

*Per illam praxin mox absolvendi ordo poenitentia est inversus.*

*Observ.* Non est inversus, ut ex dictis constat; falsum enim est, quod in prima Ecclesia satisfactio debuerit præcedere absolutionem *Sacramentalem*. Conciliorum & Patrum quorundam textus intelligendi sunt de absolutione *Canonica*, quam præcedere debebat

De absolu-  
tione.

bat satisfactio. Nam hic ordo servabatur. 1 Fiebat confessio Sacramentalis, dabaturque plerumque rite disposito statim absolutio Sacramentalis. 2 Præstanda erat satisfactio, a sacris Canonibus præscripta, etiam publica a magnis & publicis peccatoribus. 3 Præstita satisfactione impertiebatur absolutio canonica extrasacramentalis, per quam absolvebantur a pœnis Canonicis, non amplius subeundis, admittebantur ad S. Communionem, Missæ sacrificium, & sic dicebantur reconciliari Ecclesiæ, & sacro Altari, quam reconciliationem Canonicam aliqui cum S. Cypriano *pacem* appellant.

*Prop. 18.*

*Consuetudo moderna quoad administrationem Sacramenti pœnitentiæ, De pœnitentiæ, etiamsi eam plurimorum hominum sustentet auctoritas, & multi temporis diuturnitas confirmet; nihilominus ab Ecclesia non habetur pro usu sed abusu.*

*Observ.* Non satis apparet, qualem consuetudinem modernam architecti hujus thesis abusum vocitent. An enim carpunt usum absolvendi peccatores ante impletam satisfactionem? At ostendimus ad duas propositiones superiores, in hoc nullum abusum verari. Vel redarguunt usum frequenter confitendi venialia, atque ab iis absolvendi? At habent contra se piorum & sanctorum exempla: vel inutile dices id, per quod ex opere operantis & ex opere operato augetur gratia sanctificans. Vel vitio dant, quod nimis leves imponantur pœnitentiæ, vellentque, ut rigor antiquorum canonum pœnitentialium reducatur?

At illum non ferrent delicata nostra tempora, quibus primum Christianorum refrixit charitas, ac proin plus mali quam boni sequeretur ex rigida illa disciplina, censentque confessarii, consultius esse, purgatorio aliquid relinquere, quam acriori ungue vulnus irritare, & pœnitentem fors in gehennam mittere, Samaritanum illum imitantes, qui oleum & vinum infudit. Accedit, quod frequentior nunc sit Indulgentiarum usus. Aliud tamen foret, si gravitas morbi asperiores medicinam requireret.

*Prop. 19.*

*Homo debet agere, tota vita pœnitentiam pro peccato originali.*

*Observ.* Tridentinum sess. 5 can. 5 definit, ita tolli per Baptismum reatum peccati originalis & totum id, quod veram ac propriam rationem peccati habet, ut nihil prorsus in renatis supersit,

Falsum  
dogma.



*fit, quod eos ab ingressu cæli remoretur, & S. 14 c. 2: per Baptismum Christum induentes, nova prorsus in illo efficiuntur creatura, plenam & integram peccatorum omnium remissionem consequentes: simulque discrimen affert inter baptismi & pœnitentiæ Sacramentum. Cum ergo per Baptismum, quidquid rationem peccati, originalis & actualis, habet, quoad culpam & pœnam deleatur, cur isti Novatores, tota vita agendam esse pœnitentiam pro peccato originali, nobis præscribunt? An propter concupiscentiam, quæ in renatis remanet? At illa est quidem effectus peccati, & ad peccatum incitat, sed secundum se non est peccatum, relicta nobis ad agonem, & magni occasio meriti, si strenue illi repugnemus.*

*Prop. 20.*

*Confessiones, apud Religiosos factæ, pleræque sacrilegæ sunt, vel invalidæ.*

*Invidia distavit hanc thesiam.*

*Observ.* Quare? Nunquid, quia oculos urit invidia, dum vident, pœnitentes singulari cum fiducia ad Religiosos frequentes confugere? An deest in illis potestas absolvendi? At sunt veri sacerdotes ab Episcopo approbati, habentes jurisdictionem & singularia privilegia, etiam in ordine ad audiendas confessiones, & absolutionem impertiendam, a summo Pontifice, aut Episcopo. Nec scientia & experientia tractandi animas, atque ad salutem, & perfectionem etiam perducendi, ex continua praxi minori, credo, pollent, ac sacerdotes sæculares? Cur magni Principes, Ecclesiastici & Politici, plerumque deligunt confessarios ex Religiosis?

An forte pœnitentes, dum Religiosis constituentur, non ita serium de peccatis dolorem, vel non ita efficax propositum emendationis concipiunt, aut minus sincere apud ignotum sæpe Religiosum confessarium peccata enarrant? Non credo. Quare ergo confessiones, apud Religiosos factæ, pleræque sint sacrilegæ vel invalidæ?

*Prop. 21.*

*Parochianus potest suspicari de Mendicantibus, qui elemosynis communibus vivunt, de imponenda nimis levi & incongrua pœnitentia seu satisfactione ob quæstum, seu lucrum subsidii temporalis.*

*De confessionibus apud Mendicantes.*

*Observ.* Et si hoc suspicaretur, an propterea confessio esset sacrilega vel invalida? An minus sincera esset? Quæ pars deesset, quæ Sacramentum pœnitentiæ ut validum constituit? Quinam magis urgent serium dolorem & propositum? Quod autem norint, Sacra-

Sacramentum poenitentiae non esse carnificinam sed medicinam, prout Tridentinum respondit Luthero & semini ejus, non est in illis culpandum.

Cæterum ritum illum & disciplinam, leviores poenitentias imponendi nequaquam induxerunt Religiosi Mendicantes. Jam dudum ante eorum in mundum adventum rigor ille veterum canonum poenitentialium exolevit, sæculo videlicet IX, X & XI; cum tamen Mendicantes Religiosi primum seculo XIII sint nati. Sed neque imaginari nobis debemus, quod primis Ecclesiae sæculis rigor ille universim fuerit adhibitus. Primis quippe Ecclesiae duobus sæculis Ecclesia admodum fuit benigna in imponendis poenitentiis, ferme usque ad Montanistas; neque deinceps canones poenitentiales pro legibus habebantur, sed pro regulis ad directionem discreti confessorii, atque sæpissime poenae, in illis assignatae, aut temperabantur, aut omnino remittebantur.

Sed nimis leves, inquis, poenitentias imponunt Religiosi Mendicantes, ut eleemosynam accipiant. An ex temet ipso hoc dicis, vel alii tibi dixerunt? Quomodo probas? Quis de viris Religiosis, mundo mortuis, & ad perfectionem tendentibus id prudenter suspicetur, quod temporalis lucelli spe suo desint officio? Multi ex Religiosis etiam Mendicantibus accedunt mensam stratam, de annona, unde veniat, parum solliciti, curamque illam Superiori & Procuratori relinquentes.

*Prop. 22.*

*Sacrilegi sunt judicandi, qui jus ad communionem percipiendam prætendunt, antequam condignam de delictis suis poenitentiam egerint.*

*Observe.* Quis non videat, quorsum hominum istorum feratur intentio, ut videlicet a Sacramentis confessionis & communionis animas absterreant, aut eorum usum omnino eliminent. Quis scit, tamen satisfactionem, a confessorio impositam præsterit, aut etiam scire potest, an *condignam* de delictis poenitentiam egerit? Ergo semper abstinendum sacra communione, ne quis periculo sacrilegii se exponat; sicut Moniales Portus Regii gloriatae sunt, se etiam a communione paschali abstinuisse?

Ita est: jubet Apostolus, ut probet se ipsum homo; sed probatio ista & præparatio necessaria stat in sincera & integra confessione peccatorum mortalium, conjuncta cum serio dolore & proposito emendationis, & sic conscientia ab omni culpa mortali



depurata. Pœnitentia seu satisfactio non est necessario præmittenda communioni, imo sæpe non potest integra præmitti, urgente e.g. in paroko necessitate sacrificandi & communicandi.

Per hoc tamen non negatur, varia committi peccata contra reverentiam, tanto Sacramento debitam, variosque casus & circumstantias posse contingere, propter quas, etiam post confessionem rite peractam, differenda sit communio, sub peccato saltem veniali, si possit differri, & major dispositio procurari.

*Prop. 23.*

*Similiter arcendi sunt a S. Communione, quibus nondum inest amor DEI purissimus, & omnis mixtionis experts.*

De communione sine amore purissimo.

*Observ.* Quænam sint requisita necessaria ad S. Communionem, dictum est ad propos. superiorem, neque Tridentinum alia requirit *sess. 13 cap. 7.* Inter hæc autem requisita necessaria non est amor purissimus, omnis mixtionis experts; alias enim plerique essent arcendi a S. Communione, cum pauci respective esse videantur, qui cum amore tam puro & depurato accedant.

In veteri Ecclesia etiam pueris præbatur S. Synaxis, qui tamen erant incapaces eliciendi amorem. Deinde etiam amentes sunt capaces hujus Sacramenti, sicut baptismi, confirmationis, ordinis, ut tenet communis; non autem sunt capaces amoris purissimi.

Convenientissimum utique foret, ut omnes cum ardentissimo amore DEI ad sacratissimam mensam accederent; sed propterea non sunt arcendi, dummodo sint in statu gratiæ, & si mortalia habuerint, ab iis rite sint absoluti.

*Prop. 24.*

*Oblatio in templo, quæ fiebat a B. V. Maria in die Purificationis suæ per duos pullos columbarum, unum in holocaustum, alterum pro peccatis, sufficienter testantur, quod indiguerit purificatione, & quod Filius, qui offerebatur, etiam macula matris maculatus esset, secundum verba legis.*

*Observ.* B. V. Maria fuit Mater purissima, Mater inviolata, Mater intemerata, nulla unquam macula originali, actuali, vel legali infecta, nulla igitur purificatione indiguit, sicut Divinissimus ejus filius non indiguit circumcisione; sed legem Mosaicam, Levit. 12 præscriptam, qua non comprehendebatur, voluit servare, ad imitationem filii sui, volentis circumcidi, ad dandum aliis obedientiæ exemplum, ad exercendam humilitatem aliasque

virtutes, ad evitandum eorum scandalum, qui matrem sciebant, Virginem nesciebant.

Lex Molaica eas tantum mulieres obligabat, quæ suscepto semine masculinum parerent, ut a profluvio sanguinis sui, & macula legali mundarentur. At B. V. Mater DEI, nullo suscepto semine, sed grandi miraculo, obumbrante virtute Spiritus S. peperit, nec ullum sanguinis profluvium, aut sordes, quæ partum naturaliter sequuntur, patiebatur, sed Christus velut lux per purissimum crystallum transit, ex purissimo Matris sanguine corpore efformato.

*Prop. 25.*

*DEI Patris sedentis simulacrum nefas est Christiano in templo collocare.*

*Observ.* Dan. 7 Pater Divinus apparuit Danieli in specie se-  
nis sedentis. Cur ergo hac specie non possit in templo collocari, Effigies DEI  
prout in multis Ecclesiis contingit? Nec obstat, quod DEUS sit Patris.  
incorporeus; nam etiam angeli sunt incorporei, & tamen laudabiliter eorum imagines collocantur in templo. Imo DEUS ipse iussit, Cherubim in templo Solymæo collocari. Et si Spiritus S. potest proponi in columbæ specie, ut definivit Synodus VII; quia in ea apparuit, cur non etiam æternus Pater in specie, qua apparuit? Ipsa S. Scriptura per metaphoram attribuit DEO membra, *sede a dextris meis*: & quoties manus DEI nominatur? Quot in Apocalypsi S. Joannis proponuntur nobis tales imagines? nec finis deest, ut nimirum per corporea & visibilia, ad agnitionem spirituum & invisibilium deducamur. Ipse intellectus per ideas materiales, tanquam imagines, assurgit ad cognoscendos spiritus.

Tridentinum equidem tantum de Imaginibus Christi, Deiparæ ac sanctorum meminit, non tamen excludit Imagines DEI & Trinitatis. Prohibuit DEUS sculptile, *ne adores illud*, sicut adorabant gentes idola, & non raro etiam Judæi, quibus, cum ad idololatriam valde essent propensi, DEUS prohibendo imagines occasionem voluit adimere, nunc autem apud Christianos cessat hoc periculum.

Nam cultus, quem Imaginibus exhibemus, non est absolutus, sed respectivus, tendens in prototypum, quod per imaginem nobis exhibetur; sicut cultus, quo legatum honoramus, tendit in Principem, quem legatus repræsentat. Scimus, quod Tridentinum ait, Imaginibus nullam inesse virtutem intrinsecam, nihilque



que ab iis esse petendum, aut sperandum, sed a protypo, quod nobis exhibent. Dicuntur quidem Imagines quædam miraculosæ, sed tota virtus provenit a DEO.

*Prop. 26.*

*Laus, quæ defertur Mariæ ut Mariæ, vana est.*

*Observ.* Laus, quæ defertur aliis sanctis, non est vana: ergo neque laus, quæ defertur Mariæ; nam etiam in quantum Maria, est persona sancta, imo sanctior omnibus sanctis, Angelis & hominibus, gratia plena, ut ab Angelo prædicatur. Neque desinitur hæc laus, honor, & cultus sine optimo; quia est utilis ad impetrandum patrocinium & intercessionem apud DEUM. Quapropter tota Ecclesia Mariam honorat cultu, quem Græci *Hyperduliam* vocant, altiore scilicet, quam reliquis sanctis deferatur: neque cultus iste est civilis, sed religiosus, quia exhibetur Mariæ propter excellentiam sanctitatis; estque actus virtutis supernaturalis, atque conformis voluntati DEI, qui in sanctorum suorum honoribus honoratur: prout dicit S. Bernardus: *totis medullis cordium, totis præcordiorum affectibus, & votis omnibus hanc Mariam veneremur; quia sic est voluntas ejus, qui totum nos habere voluit per Mariam.*

Maria jam in primo instanti immaculatæ suæ conceptionis fuit gratia plena, &, ut ostendit Suarez *tom. 2 in 3 p. c. 4* gratiam & merita singulis vitæ instantibus diu noctuque in immensum adeo multiplicavit, ut omnes omnium sanctorum gratias & merita simul sumpta superaret: ac proin non desint graves Theologi, qui doceant, eam maternitatem DEI, qua sublimius donum creatum, excepta unione hypostatica, non est datum sub cælo, de condigno fuisse promeritam, ad quod tamen meritum requiritur proportio geometrica cum præmio. Talis cum sit Maria ut Maria, non nisi impudentissime dici potest, laudem, quæ defertur Mariæ ut Mariæ, vanam esse, cum etiam ut Maria sanctitatem omnium sanctorum (Christo semper excepto) sit supergressa, atque innumeri homines potens ejus apud DEUM patrocinium sint experti, ut proin merito canat Ecclesia: *dignare me laudare te Virgo sacrata.*

*Prop. 27.*

*Falsum.* *Valuit aliquando Baptismus, hac forma collatus, in nomine Patris & c. prætermisiss illis: ergo te baptizo.*

*Observ.* Cap. Si quis de Bapt. Alexander III ait: *si quis puerum in aqua immerferit in nomine Patris, & Filii, & Spiritus sancti,*

*sancti, & non dixerit: ego te baptizo, non est baptizatus.* Expri-  
menda enim est actio Ministri; prout Florentinum docet: *si ex-*  
*primatur actus, qui per Ministrum exercetur, cum sanctæ Trinita-*  
*tis invocatione, perficitur Sacramentum.* Et quare alias non suffi-  
ceret positio solius actionis in reliquis etiam Sacramentis, quin di-  
catur, *ego te confirmo; ego te absolvo &c.?*

Accedit continuus usus, praxis, traditio, & persuasio Ec-  
clesiæ; quamvis enim legantur baptizasse nomine Christi, tamen  
præsumi potest, quod etiam Patrem & Spiritum S. expresserint,  
& in nomine Christi baptizarint, hoc est, baptismo Christi, seu  
a Christo instituto: vel tandem dicendum erit, quod ex speciali  
dispensatione Divina baptizarint tantum in nomine Christi.

Prop. 28.

*Valet Baptismus collatus a Ministro, qui omnem ritum externum,*  
*formamque baptizandi observat, intus vero apud se resolvit: non*  
*intendo facere, quod facit Ecclesia.*

Observ. At Trid. S. 7 can. 11: *si quis dixerit, in Ministris,*  
*dum Sacramenta consciunt, non requiri intentionem saltem fa-*  
*ciendi, quod facit Ecclesia, anathema sit.* De fide igitur est,  
quod Minister debeat habere intentionem saltem faciendi, quod  
facit Ecclesia.

Verum Catholici quidam DD. cum Sylvestro, Paludano, Ca-  
tharino, quem speciali libello defendit Hyacinthus Serry, distin-  
guunt inter intentionem, *materialiter* faciendi, quod facit Eccle-  
sia, & inter intentionem *formaliter* id faciendi; illam requiri  
a Trid. non autem istam. Sed Trid. ex communissima Theologo-  
rum etiam hanc requirit, videlicet non sufficere velle ponere ma-  
teriam & formam, seu ritum externum, quod est velle materiali-  
ter facere, quod facit Ecclesia, sed etiam id velle in ordine ad Sa-  
cramentum, quod Christus instituit, vel in ordine ad conferen-  
dam gratiam, vel ponendas actiones, ut *de se* aptas ad collatio-  
nem gratiæ, licet hic & nunc propter obicem (e. g. in matrimo-  
nio) non conferatur. Alias enim, si lector mensæ præsentē pane  
legeret verba consecrationis, vere consecraret, vel si mater aqua  
lavaret a sordibus corporis infantem, dicens, Lavo te in nomine  
Patris &c. vere illum baptizaret.

Requiritur  
intentio  
Ministri.

Requiritur igitur, ut velit agere ceu Minister Christi, vel no-  
mine Christi. Ut autem Minister agat nomine sui principalis, de-  
bet habere intentionem internam agendi ejus nomine; alias non  
agit ut Minister aut legatus nomine principalis, sed nomine pro-  
prio.

Pars IX.

L

prio.



prio. Sane, si procurator, constitutus, ut nomine principalis sui inerat matrimonium, non agit ut procurator, si interne nolit agere nomine sui principalis, licet ritum externum observet.

Et hinc in hac thesi confixa est sententia Catharini, aliorumque, qui dicunt, sufficere intentionem materialiter faciendi, quod facit Ecclesia; nam in casu thesis damnatae baptizans omnem ritum externum observat, & sic materialiter facit, quod facit Ecclesia; sed quia non intendit id facere, non vult formaliter facere, quod facit Ecclesia, & propterea proscripta est thesis.

Hæretici & etiam gentiles, quando baptizant, præsumuntur habere intentionem, appropinquare fortiolem ac prævalentem, faciendi formaliter, quod DEUS instituit, vel quod facit vera Ecclesia, aut quod Catholicos facere sciunt, vel quod per tale ministerium facere debent, & sic saltem implicite, formaliter tamen, volunt facere, quod facit vera Ecclesia; licet privato errore laborent, cui tamen suam intentionem non censentur ita alligare, ut non oppositam prævalentem habeant saltem implicite, aut virtualiter, quia saltem volunt, quod DEUS vult, eos per talem ritum velle, vel in quantum prodesse possit baptizando.

*Prop. 29.*

De summo  
Pontifice.

*Futilis & toties convulsa est assertio de Pontificis Romani supra Concilium Oecumenicum auctoritate, atque in fidei questionibus discernendis, infallibilitate.*

*Observ.* Futilis, & toties convulsa est hæc impudens propositio. Futile ne dicas, quod totus prope tenet orbis Catholicus, quod ipsa Divina non obscure pronuntiant oracula. Christus, fundaturus Ecclesiam, Petro tanquam fundamento eam inædificavit, *super hanc petram ædificabo Ecclesiam meam.* Illum pastorem constituit, *pasce oves meas.* Episcopi, etiam in Concilio congregati, non desinunt esse oves. Petro dedit claves cum plena solvendi atque ligandi potestate: *Tibi dabo.* An amittit illas in Concilio?

Video tamen, quantum ad infallibilitatem spectat, eam a Catholicis DD. diversimode propugnari; alii requirunt consensum majorum Pastorum illius gentis, in qua fidei controversia agitur: alii acceptatione sunt contenti: alii cum Hyacintho Serry *de Romano Pontifice in ferendo de fide moribusque judicio falli & fallere nescio*: & in *Dissertatione Apologetica* contra Aloysium Lucinum

cinum, exigunt Cardinalium iudicium & consensum, maturam ac diligentem rei discussionem, preces publicas: verum hæc ad infallibilitatem Pontificis in fidei & morum definitionibus vel non absolute sunt necessaria, vel præsumendum est, ea nunquam omitti, prout de facto nunquam omittuntur. Alii denique, iique pluri docent, Papam in definiendis fidei morumque quæstionibus, ex providentia Christi & promissa assistentia Spiritus S. etiamsi solus decideret esse absolute infallibilem, quando loquitur ex cathedra, seu quando alloquitur Ecclesiam, eique aliquid credendum proponit: alias enim tota Ecclesia in re gravissima induceretur in errorem, cum Pontifici obedire debeat. Ecclesia autem ex promissis Evangelicis errare non potest.

Materia ista est amplissima; mille libris tractata, & ego ipse pro tenuitate mea, sæpius de illa quoad utrumque caput disserui, uti, quando Concilium Constantiense & Basileense exposui &c. Hoc certum, insolentem thesin confixam vel ex turpi ignorantia, vel ex insigni malitia esse profectam, dum eam assertionem futilem & toties convulsam appellare non veretur.

*Prop. 30.*

*Ubi quis invenerit doctrinam in Augustino clave fundatam, illam absolute potest tenere & docere, non respiciendo ad ullam Pontificis Bullam.*

*Observ.* Quamvis maxima sit S. Augustini in Ecclesia auctoritas, præsertim in iis, quæ de gratia scripsit, non tamen usque adeo tanta, ut definitioni sedis Apost. anteferri aut coæquari possit; neque enim, prout Petro & ejus successoribus, in doctrina fidei & morum promissa ei fuit Spiritus S. assistentia atque infallibilitas. Quapropter Bullas Pontificias non oportet ad verba Augustini, sed Augustini verba ad verba Bullæ, ejusque clarum sensum oportet sumi.

De Auctori-  
tate S. Augu-  
stini.

Neque dicas doctrinam S. Augustini ab Ecclesia universim esse canonizatam; nam ea sunt approbata, quæ habentur in Epistola Cœlestini I ad Episcopos Galliæ apud Prosperum in fine ejus operum: 1 videlicet, quod in prævaricatione Adami omnes amisimus facultatem expeditam ad salutaria. 2 Quod nemo sit per se bonus, nec possit sine gratia perseverare. 3 Quod nemo bene utatur libero arbitrio, nisi per Christum. 4 Quod omnes motus bonæ voluntatis sint a DEO. 5 Quod gratia non solum valeat ad peccatorum remissionem, sed etiam ad ea vitanda. 6 Quod gra-



tia Christi non solum illuminet intellectum, sed etiam immediate moveat voluntatem. 7 Quod non solum det facile posse, sed etiam simpliciter posse. Additque idem Cœlestinus Papa in eadem Epistola: *profundiores partes questionum, quas pertractarunt Augustinus & alii, qui hæreticis resistenterunt, sicut non audemus contemnere, ita non necesse habemus asstruere.*

Et ipse Aug. l. de dono persév. c. 21 ait: *neminem velim sic amplecti omnia mea, ut me sequatur, nisi in iis, in quibus me non errare perspexerit; nam propterea facio nunc libros, in quibus opuscula mea retractanda suscepi; ut nec me ipsum in omnibus me secutum esse demonstrem.* Interpretes etiam S. Scripturæ non raro ab Augustini expositione recedunt, e. g. dum Jacobum & Davidem a mendacio excusat &c. Certe sunt in Augustino aliquæ expressiones difficiles, de quibus dici potest, quod Petrus de epistolis Pauli, quod homines indocti (hæretici) iis abutantur ad suam perditionem, prout Calvinus & Janseñus fecerunt.

Gelasius Papa, sicut etiam alii Pontifices, approbavit doctrinam Augustini generice, sicut doctrinam Cypriani, Hilarii, Hieronymi, & aliorum Patrum, quin singulas sententias approbaret. Certe in libris Cypriani extat ejus doctrina de Baptismo, ab hæreticis collato. Igitur Gelasius authenticos libros ab apocryphicis & supposititiis auctorum libris secrevit, quin singula contenta approbaret. Qui agrum laudat, non omnia quæ sunt in agro laudat.

*Prop. 31.*

*Bulla Urbani VIII In Eminentem est subreptitia.*

Bulla Urbani VIII.

*Observ.* Bulla hæc, anno 1641 edita, relata constitutione Pii V & Gregorii XIII. quibus 49 Michaelis Baji propositiones profligantur, eosdem errores rursus damnat, simulque librum Janseñii, quem *Augustinus* inscripsit, prohibuit.

Hanc Bullam, cujus initium *In Eminentem*, Bajani & Janseñistæ exosi, nihil non moverunt, ut aliquamdiu in Belgio suspenderetur, ut vel revocationem illius vel moderationem obtinere possent. Hoc cum evincere non possent, Bullam obreptitiæ obtentam dicebant, a Jesuitis per expositionem falsi, quod videlicet propositiones damnatæ extant in scriptis Baji & Janseñii in sensu damnato.

Quam autem hoc a veritate sit alienum, ex propria Urbani Pontificis confessione elucet, dum in Bulla ait, ex matura ac diligenti libri (Janseñii) lectione compertum sibi, in eo multas propositiones Baji, a dictis Pontificibus proscriptas contineri, & magno cum

cum Catholicorum scandalo, & Sedis Apost. contemptu eas defendi.

Et quis credat, Pontificem, dum loquitur ex cathedra, prout facit, dum propositiones aliquas tanquam fidei aut bonis moribus contrarias publice damnat, Decreto, ad totam Ecclesiam directo, ita oscitanter id facere, ut obrepi sibi permittat, aut falsæ expositioni acquiescat? Constat certe, materiam prius tum a S. R. E. cardinalibus, tum aliis viris doctissimis, tum etiam ab ipso Pontifice, magna diligentia discuti, examinari, ac ponderari, invocato etiam Divino auxilio, antequam ad sententiam condemnatoriam deveniatur.

Cum ergo tunc ex cathedra tanquam Pontifex, & Magister a Christo constitutus, alloquatur doceatque Ecclesiam, prohibendo sub censura Ecclesiastica, tales propositiones docere & tenere, ex assistentia Spiritus S. promissa, est omnino infallibilis. Quanta ergo impudentiæ & temeritatis est, talem Apostolicam sententiam subreptionis arguere?

Postquam Alex. VIII. has 31 Propositiones recensuit, eas tanquam temerarias, scandalosas, male sonantes, injuriosas, hæreses proximas, hæresin sapientes, erroneas, schismaticas, & hæreticas respective, damnavit, prohibuitque, ita, ut quicumque illas, aut conjunctim, aut divisim, docuerit, defenderit, ediderit, aut de illis etiam disputative publice aut privatim tractaverit, nisi forsitan impugnando, ipso facto incidat in excommunicationem Pontifici reservatam.

Insuper districte & in virtute S. obedientiæ, & sub interminatione Divini Judicii prohibet, ne quis prædictas propositiones aut aliquam ipsarum in praxin deducat.

§. 6.

*De aliis Propositionibus proscriptis.*

Idem Alexander VIII. Pontifex duas alias insuper Propositiones pro-  
scripsit, nimium laxas. Prima sic habet: *Bonitas objectiva con-* 6. *Thesis falsa*  
*sistit in convenientia objecti cum natura rationali, formalis vero de amore*  
*in conformitate actus cum regula morum. Ad hoc sufficit, ut DEI.*  
*actus moralis tendat in ultimum finem interpretative. Hunc homo*  
*non tenetur amare, neque in principio, neque in decursu vitæ suæ*  
*moralis.*



Hanc thesin damnavit tanquam hæreticam, utpote quæ per ultima verba aperte & immediate est opposita veritati revelatæ; cum dicatur Jo 3: *qui non diligit, manet in morte*, & Marci 12: *Diligens Dominum DEUM tuum ex toto corde tuo &c.* Neque sufficit dicere, hoc intelligendum de dilectione virtualiter & interpretative tali, inclusa in observatione mandatorum DEI; nam verba adeo clara dilectionem DEI formalem & proprie dictam manifeste requirunt, prout omnes boni Theologi facile agnoscunt. Dein inter reliqua DEI mandata est etiam mandatum diligendi DEUM, & quidem ex toto corde, ex tota anima, ex tota virtute, imo hoc est primum & maximum mandatum; qui ergo DEUM ita non diligit, non observat mandata DEI. Sicut ergo ad salutem requiritur, ut sæpius eliciatur fides & spes formalis, ita a fortiori requiritur, ut sæpius eliciatur actus charitatis DEI formalis, quæ est Regina omnium virtutum. Neque lex Divina positiva duntaxat id exigit, sed etiam naturalis, lumine rectæ rationis cordibus inscripta. Videantur, quæ de hac dilectione dicta sunt ad propos. I ab Alex. VII damnatam.

De peccato  
Philosophi-  
co.

Altera ab Alex. VIII confixa propositio est hæc: *Peccatum Philosophicum seu morale est actus humanus, disconveniens naturæ rationali & rectæ rationi: Theologicum vero & mortale est transgressio libera Divinæ legis. Philosophicum, quamvis grave, in illo, qui DEUM ignorat, vel de DEO actu non cogitat, est grave peccatum, sed non est offensa DEI, neque peccatum mortale dissolvens amicitiam DEI, neque pena æterna dignum.*

De hac propositione tractatum fuit *Part. VIII lib. 3 cap. 24 & Part II c. 1 n. 18.* Primæ duæ partes hujus thesis continent definitionem peccati Philosophici & Theologici; quæ, cum sit conditionata (*si detur*) non fuit damnata. Tertiam damnavit Pontifex, aitque, illam noviter ex orco emeruisse; quia videlicet Arnaldus eandem inde extraxit; quia eandem, tam turpiter vestitam, nemo docuit.

Et hinc illam, sibi oblatam, merito damnavit Pontifex, quia, prout facit, supponit dari, aut dari posse peccatum mere philosophicum, quod est falsum; cum sit aut metaphysice aut saltem moraliter impossibile; quia hoc ipso, quod aliquid cognoscatur tanquam disconveniens naturæ rationali & rectæ rationi, hoc ipso cognoscitur etiam ut disconveniens voluntati supremi legislatoris: accedit, quod non distinguat inter ignorantiam vincibilem

& invincibilem &c. *vid. l. c.*

ARTL

ARTICULUS II.  
DE STATU POLITICO  
ITALIÆ  
SÆCULO XVII.

§. I.

*Salutiæ ad Sabaudum. Bellum Montferratense, Uscobium, Valte-  
linum, Mantuanum, Pedemontanum. Lis de tutela Ducis  
Sabaudicæ, & urbe Castro.*

**F**lagrantibus civilibus Galliæ turbis Carolus Emmanuel Dux Sa-  
baudiæ Marchionatum *Salutiarum* occupaverat, cuso numis-  
mate, cui hæc vox erat inscripta: *Opportune*. Pacta regno  
quiete Henricus IV Galliæ Rex Salutias repetiit; cumque Dux nol-  
let restituere, Galli mox paucas Ducis urbes & arces munitas ex-  
pugnarunt, proculsa pariter, ut responsum darent, moneta cum  
hæc inscriptione: *Opportunius*. Lis tandem transactione finita. Pro  
aliis terris, Franciæ celsis, relictus Duci Marchionatus, clavis  
Italiæ.

7.

*Anno 1613* Bellum Montferratense erupit, a Carolo Emma-  
nuele Duce Sabaudiæ susceptum, cujus hæc erat occasio. Fran-  
cisco IV Duce Mantuæ & Montis Ferrati hoc anno absque liberis  
masculis defuncto, Ferdinandus ejus frater, exuta Romana pur-  
pura, successit, simulque tutelam Mariæ neptis suæ, sibi attri-  
buit. Sabaudus hoc in præjudicium filiæ suæ, quam Franciscus  
viduam (Mariæ matrem) reliquerat, cedere ratus, antiquas si-  
mul prætensiones Domus Sabaudicæ in Montferratensem Marchio-  
natum

Bellum  
Monterrat.



natum allegavit, videlicet ex Jolanthæ patris nuptialibus. \* Difficillimum insuper Carolo Emmanueli celsorum spirituum Principi accidit, Monferratenfes regiones, quæ magnam Pedemontii partem complexæ ad ipsas ferme Taurini portas se se exporrigerent, terrasque Ducis variis in locis interfecarent, in alienis manibus cernere; cumque ex altera parte faciem Europæ circumspiceret, videretque, Imperatorem remotum, & turbis Germanicis involutum, minorennitatem Regis Christianissimi, turbis pariter domesticis impediti, Regem Catholicum pacis amantem, Principes Italiæ tranquillitati suæ acquiescentes, tentandum aliquid ratus, Triam, Albim, S. Damianum occupavit.

Verum opinione sua fuisse deceptum eventus ostendit; nam & Veneti, & Mediolani Gubernator, & Francia, a Ferdinando implorati, auxilia spondebant. Quare loca intercepta restituit. Adduci tamen non potuit, ut, quod Hispania petebat, copias dimitteret; sed dimisso legato Hispano vellus aureum restituit, asserens, nolle se vinciri catenis Philippi.

Exarsit proin bellum Hispanum inter & Sabaudum, per biennium continuatum, quod tandem anno 1615, dum Gubernator Mediolanensis Aptum obsideret, conciliatoribus Papa & Rege Francia in pacem est mutatum; ea quidem lege, ut Sabaudus relinquat Mantuano Montisferrati ditiones, salva actione civili in curia Imperiali. Mantuanus recipiat subditos, Sabaudi partes secutos: loca ultro citroque abrepta restituantur: Sabaudus pro securitate suorum statuum non retineat ultra quatuor cohortes ex Helvetis, & totidem ex suis subditis, reliquas vero copias dimittat: Catholici Regis exercitus provinciis Sabaudi decedat: & si hic abdicatis copiis invaderetur, Gallia armata manu assistat.

Nulli

\* Jolantha I hæres Montisferrati ex Andronico II Palæologo, Imperatore Constantinopolitano, conjuge suo, genuit Theodorum Palæologum Montisferrati Marchionem. Hujus filia, Jolantha II Aymoni Comiti Sabaudia nupta anno 1330 patris nuptialibus inseruit, ut, si progenies mascula Palæologorum deficeret, ex hoc matrimonio descendentes Comites Sabaudia succederent in Marchionatu Montisferrati. Cum igitur Comites & Duces Sabaudia ex hac Jolantha descendant, prætensionem suam post annum 1533, quo Joannes Georgius Palæologus sine masculis obiit, formant. Sed reliquit Joannes Georgius filiam Margaretham, nuptam Friderico II primo Mantuæ Duci, cui Carolus V Montisferratum in feudum concessit, protestante Duce Sabaudia & Marchione Salutarum.

Nulli contrahentium parti satis pax ista placuit, primo, quod veniam dare oporteat rebellibus subditis, alteri, quod crescere non liceat, tertio, quod Asti obsidionem solvere debeat. Certe Inojosa Mediolani Gubernator revocatus est, & novus, Petrus Tolerantius, non satis e dignitate Hispana fuisse transactum, dicebat. Unde pax illa bello similis videbatur, tracto etiam ab Hispanis in partes Nemorosio Duce Sabaudiae Principe: Emmanueli vero succurrente Lediguerio.

Sopito hoc bello, aliud anno 1616 erupit Venetos inter & Bellum Ferdinandum Styriae Archiducem propter *Uscobios*, Croatiae & propter Dalmatiae Austriacae populum, rapto vivere assuetum. Vicinos *Uscobios*, equidem is Turcas maxime infestat, ad Christianos tamen etiam non nunquam rapaces manus extendit: prout hoc tempore triremem Venetam diripuit, caeso senatore aliisque, quos in eadem invenerat.

Quamvis autem sub protectione Domus Austriacae sint Uscobii, libertatem tamen a tributis, & hospitacione militum affeant, nullumque patiuntur sibi Praefectum imponi. Veneti nihilominus, eos non satis compesci existimantes, Gradiscam, permunitam in Carniola urbem Austriacam aggressi sunt, interceptis aliis quibusdam locis.

Gubernator Mediolanensis & Nuntius Pontificius omni ope adlaborarunt, ut Veneti coeptis desisterent, & pax alma reduceretur: quae tandem anno 1617 in Istria fuit composita.

Cum pax Astensis executione destitueretur, postulante Hispano, ut Sabaudus prius exercitum dimitteret, hoc vero exigente, ut Hispanus prius Pedemontio decedat, bellum recrudit. Hispanis accessit Dux Nemorosius, sed damno suo non levi: Lediguerius vero, contra Regis Franciae voluntatem, 8000 Gallorum Carolo Emmanueli in Pedemontium suppetias adversus Hispanos attulit.

Captum assultu anno 1617 S. Damianum, & Alba, quam 7000 Hispanorum, imminente Duce cum Lediguerio, deseruerant. Hispani vero Vercellas occuparunt. Ticini tum rursus pax inita, & Astensis confirmata, conciliatoribus Cardinale Ludovico nomine Pontificis, & Marchione Bethunio Franciae Regis legato. Jussa pars utraque intra mensem ablata restituere, & in proprias terras migrare, manumissis a Duce copiis. Archidux Ferdinandus Segnam legionem Germanorum mittet, quae Uscobiorum rapinas compescat, missis 133 familiis in exilium.



Bellum Val-  
telinum.

Ab anno 1617 Italiam motus Vallis Telinæ concussere, Venetis, Mediolano, Pontifice, quin & Gallia, & Hispania, & Helvetia in partem venientibus. Visus est Hispanus huic Italiæ clavi inhiare, ut faciliorem cum Gernania communicationem sortiretur. Certe Fontanus Gubernator Mediolanensis Regi suo scripsisse fertur, si Italiam velit habere constrictam, Finariam Monacum, Clavennam cum Valle Telina esse comparandam.

Quia autem Genuenses erant Hispanorum focii, & Dux Sabaudia se læsum ab eis credebat, pariter bello involuti sunt: &, cum timeretur, ne Hispani in Italia se magis extenderent, varia cum Italiæ Principibus Gallia iniit fœdera, præsertim cum Duce Sabaudia tractatum Sufanum.

Mantuanum.

Anno 1626 obiit Ferdinandus Gonzaga, Dux Mantuæ & Montisferrati, nulla relicta prole, æt. 39, reg. 14. Successit igitur frater Vincentius II, qui tamen vix anno regiminis exacto fratres secutus est; nam tres successive fratres imperarunt, sed omnes sine prole mascula obierunt; unde de successione magna orta est contentio, quin & bellum, summis Europæ Principibus in partem venientibus. *Vid. Germ. & Gall.*

Successit tandem Carolus Gonzaga Dux Nivernensis, qui in Gallia sedem fixerat, ex altera gentis Gonzagæ linea descendens, opponentibus se Hispano, Sabauda, & ipso Imperatore, donec causa per pacem Ratisbonensem fuit finita. (*vid. Germ. & Gall.*)

Anno 1630 Urbanus VIII Papa in Consistorio Cardinalibus, Electoribus Ecclesiasticis, & Magno ordinis Melitenis Magistro contulit titulum *Eminentissimi*, exclusis ab eo jure omnibus aliis ecclesiasticis. Hæc tamen ordinatio non omnibus placuit, præsertim Duci Sabaudia & Venetis, qui ad Cardinales adhuc titulo *Illustriissimi* usi sunt, in Italia passim vulgari inter Nobiles.

Obit Car.  
Emmanuel.

Idem annus de mundi theatro, in quo celebrem actorem egit, abstulit *Carolum Emmanuelem* Ducem Sabaudia, Principem, quam parvum corpore, tum magnum animo, tota propemodum vita bellis exercitum, quæ aut intulit, aut repressit, jam Cæsari, jam Gallo, jam Hispano, jam Mantuano hostis, prout, ut se extenderet, visum fuit opportunum: obiit anno ætatis 69, regiminis 50, *Magni* cognomentum promeritus. Ex Catharina, Philippi II Hispaniarum Regis filia, successorem in provinciis, a Gallis ferme occupatis, reliquit *Victorem Amadeum* I, qui bello Suecico in Germania furente cum Rege Gallia & Parmensi armorum societatem adversus Hispanos pactus est.

Gestum itaque rursus bellum in Italia ab anno 1635. Ad Bussarolam Hispani praelio victi sunt. Sed, quia pacto convenerat, ut tantum terrarum Galliae in Sabaudia accederet, quantum Victor Amadeo in Mediolanensi agro accresceret, Dux, qui neque Hispaniam, neque Galliam augeri volebat, lente incedendum putavit. Unde non magnus erat victoriae fructus. Quia imo victores in Pedemontium se recipere fuerunt coacti, affluentibus Mediolano & Neapoli copiis.

Anno 1637 obiit Victor Amadeus I Dux Sabaudiae, æt. 51, regiminis 7. Ex Christina conjuge, Ludovici XIII sorore, reliquit Franciscum Hyacinthum, qui successit, sed anno vertente finis erat. Successit igitur fratri *Carolus Emmanuel II* quadrimus. Aloysia soror Mauritio patruo suo, qui prius fuerat Cardinalis, Iohanna Duci Parmensis, Adelhais, natu minima, Ferdinando Mariae Electori Bavariae nupsit.

Sed magna orta est controversia, quis pupillorum tutelam gereret. Mauritius & Thomas, patrum illam sibi, seu proximi agnati, vendicabant: erantque ab Imperatore in hoc munere confirmati; sed Christina mater, auxilio fratris Ludovici prevaluit, & illico foedus cum Gallia confirmavit. Dux vero Parmensis, hortante Pontifice, & comminante Hispano, ab eodem recessit.

Anno 1639 inter Thomam Principem & Leganium, Mediolani Governatorem, tractatum est, ut Galli ex Italia pellantur, Principibus Sabaudiae tutela nepotis committatur, cum administratione statuum, atque mox Jurea, Verva, Chiva, Montallerium, Quierum &c. Principi Thomae se dediderunt, quin & ipsum Taurinum, cui Cardinalis de Valette (filius Ducis Esperonii) cum Gallis suis se incluserat. Christina vero vidua cum liberis suis in Galliam profugit.

Misit Richelius in Italiam Harcurio Duce exercitum, qui ad Quierum Thomam & Leganium praelio vicit, ac brevi etiam ad Taurinum, quod victor ingressus est, Christina mox redeunte.

Tandem anno 1641 pax inita. Confirmatur mascula successio in Sabaudia & Pedemontio. Rex restituet omnia loca, quae occupaverat, si Hispanus idem faciat. Nullam cum hoc inibit pacem, in qua Principes non sint comprehensi. Consentit in nuptias Mauricii Cardinalis cum Aloysia, eique Vicariatus Comitatus Nisseni traditur, Thomae vero Principi Eperodiae, seu Jurea & Biellenensis provinciae. Christina maneat tutrix sui filii Caroli Emmanuelis,



& Gubernatrix provinciarum. Thomas ex socio Hispanorum factus hostis, ex hoste Gallorum eorum Ductor.

Thomas, quem dixi, magni Principis Eugenii avus, novam Domus Sabaudicæ lineam fundavit, quam *Carignanæ* appellant, & per nuptias cum Maria Borbonica ex Domo Condæ, ultimi comitis Sueffionensis filia & hærede, Sueffionis comitatum adeptus est. Unde duplex dein linea est orta, *Carignanæ*, & *Sueffionensis*, quæ tamen posterior in Principe Eugenio, ejusque nepote & propote fuit extincta.

Lis de  
Castro.

Anno 1643 post diuturnas de Ducatu *Castro* contentiones, quæ in bellum exarserunt, sancita est pax inter Urbanum VIII summum Pontificem & Ducem Parmensem. Ducatum hunc Paulus III Petro Aloysio Farnesio cum Parma & Placentia clientelari jure possidendum dederat. Odoardus I eundem Monti Pietatis Romano oppignoraverat; cumque creditum non restitueretur, Urbanus VIII eundem ad se traxit. Verum, cum & Veneti, & Dux Florentiæ, ac Mutinæ Parmensi assisterent, Urbanus Papa anno 1643 ea, quam dixi, pacificatione eundem restituit; sub onere tamen homagii, præstandi Pontifici. Anno 1649 iterum in Pontificis manus recidit, Castrumque urbs diruta, & Episcopatus Aculam (*Aquapendente*) translatus, postquam Episcopus, Castrum destinatus, in itinere fuit interfectus. Anno 1650 Ducatus Castri cum dominio Romanæ Ecclesiæ directo fuit consolidatus. Agebatur quidem anno 1664 de Ducatu restituendo Parmensi Duci, sed Camera Apostolica in possessione mansit; quamvis etiam hoc sæculo lis rursus fuerit mota, donec Cæsar anno 1738 prætensionis persecutioni renuntiavit.

Anno 1648 continuato bello Insubrico, Galli cum Mutinensi Cremonam oppugnarunt, sed conatu irritò; Hispanis in subsidium accurrentibus.

## §. 2.

*Seditio Neapolitana. Captivitas Guisii. Amissa Candia. Seditio Messinensis. Cassini systema de cometis. Victoriæ Venetorum de Turcis. Pax Taurinensis, Carlovicensis. Ceptum bellum ob successionem Hispanicam.*

Seditio  
Neapol.

*Seditio Neapolitana* priori anno cœpta, hoc anno est continuata. Novi vectigalis impositio plebem in rabiem egit, cui ducem se præbuit Aniellus quidam, ultimæ facis homo. Auditæ voces infru-

infrunita per urbem discurrentium: DEUS conservet Regem, malos autem Praefectos auferat Diabolus. 60 Palatia dicuntur in cineres redacta. Arcosius Prorex immittit militem in furentes; plateae sanguine natant. Inter alios cadit Aniellus.

Guiscus, qui tunc Romae versabatur in causa sui matrimonii dissolvendi, audita seditione, occultis nuntiis suadet populo, ut Rempublicam formet, & protectionem Galliarum Regis imploret: pro se autem non aliam auctoritatem in nova Republica Guiscus petit, ac Princeps Auriacus in unitis Belgii provinciis obtineret. Non abnuic populus.

Quare Guiscus Neapolin abiit, in turbido, quod ajunt, piscaturus. At simul Joannes Austriacus urbem subiit cum copiis, quae una manu facem, altera nudatum enssem gestabant, simulque ex arce in urbem fulminatum. Cives correptis armis in plateis dimicabant. Nobiles vero, adversus plebem irritati, cibaria, ne in urbem devehentur, interclusere. Summa erat rerum penuria, & extrema calamitas. Guiscus in urbe receptus, velut tutelaris genius, atque civium Praefectus proclamatus. Verum, cum Gallia tarde & parce militem & argentum submitteret, defensionis impar, ab Hispanis captus in Hispaniam abductus est, de capite jam sollicitus, cui coronam propediem imponendam crediderat. Guisci fata.

Quatuor annis detentus in Hispania, ad preces Lotharingae Ducis libertati est restitutus: seditio vero, adveniente novo Pro-Rege sopita, confirmatis Neapolitanorum privilegiis.

Insigni interea virtute Veneti bellum adversum Turcas prosequabantur, relatis non paucis de iis navalibus victoriis. Eminere inter illas videtur, quam intra ipsas Dardanellas anno 1655 reportarunt, & anno 1657 ad Chium.

Continuato autem in Italia Gallos inter & Hispanos bello, Dux Mutinae Valentiam ad Padum Hispanis anno 1656 eripuit. Quo Principi Thomae, qui Galliae copiis praefuerat, Taurini mortuo, successerunt filii, Emmanuel, & Eugenius Mauritius, Magni Eugenii pater, & ille quidem natus major Carignanam lineam propagavit, hic vero Sueffionensem.

In annum 1662 inciderunt dissidia inter Alex. VII Pontificem & Lud. XIV propter violatum a Corsis Romae praesidiariis Crequium, Oratorem Galliae, quas in Gallicis perstrinxit.



Creta  
amissa.

Anno 1669 Veneti amiserunt *Candiam* post 24 annorum bellum, cum Turcis gestum. Victores initio Veneti, in Hellepontum usque, Dardanellas, & Propontidem victorias suas protenderunt. Denique, cum Christiani Principes, inter se bellis collisi, subsidia non mitterent (præter 6000 Gallorum) numero victi, non virtute, nobilissimam Insulam amiserunt, *Suda* & *Spinalonga* exceptis, quæ primum anno 1715 perierunt.

Anno 1672 Sabaudia inter Ducem & Rempubicam Genuensem pace inita, finitum est bellum, quod propter finium controversias erat exortum.

Seditio Messana.

Secuta est vehemens *seditio Messinensis*; cum enim Gubernatores severius, accisis senatorum privilegiis, imperare viderentur, civitas tota arma corripuit, accitis etiam ex Gallia copiis: Gubernator beneficii loco habere debuit, quod fugere licuerit. Commisum subin Gallos inter & Hispanos, ex Catalaunia advechos, navale prælium, quo isti in fugam acti sunt.

Expectatione eventus suspensæ hærebant aliæ civitates Siciliae. Gallica præsidia Messinæ sunt recepta; quæ tamen ita in ea versabantur, ut cives averfarentur defensores suos. Fames premebat, Hispanis comineatum intercludentibus. Reverfuri ad pristinum Dominum vindicem seditionis formidabant. Integræ classes adversæ in aquis Siculis depugnabant.

Tandem vero anno 1678, ubi Gallia vidit, hanc expeditionem plus impensarum, quam emolumenti & spei asferre, Fevilladæ mandavit, ut deserta Messina Gallos in patriam reducat. Ille, simulata expeditione magni in rem momenti, Gallos omnes, etiam ægros, navibus imposuit, & cum paulum a littore remotâ fuisset classis, per litteras civitati denuntiat, se in Galliam rediturum. Tum vero Messinenses, protensis manibus & elatis clamoribus, rogabant, ne se desertum, & Hispanorum iræ expositum iret. Sed aliud facere non poterat, nisi, quod aliquot centenos in naves reciperet, reliquis suo fato relictis. Hispani in urbem recepti, auctoribus seditionis, qui supererant, plexis, reliquis veniam dederunt.

Cometa.

Anno 1680 mense Decembri apparuit cometa, tanta magnitudine, qualem vix unquam videre fuit. Qua occasione *Cassinus* Italus, Astronomus clarissimus, proposuit suum systema de regulari periodico reditu cometarum, ac proin docuit, prædici posse cum recursum, sicut eclypses solis aut lunæ, vel alia astrorum phenomena. Quæ sententia, si esset vera, dissolveret plures de come

cometis dubitationes, eximeretque rudibus vanam persuasionem, a cometis mali quidpiam portendi.

Anno 1683 cum Vienna depulsus esset Turca, foedus est contractum Cæsarem inter, Polonum, & Venetos; & illi quidem in Hungaria, atque ad Boristhenem insignes ei clades intulerunt, Veneti vero varias Insulas & loca maritima sunt adepti, prout etiam anno 1686 ad Nauplias insignem victoriam. Præmium fuit Peloponnesus, tota propemodum expugnata, & anno sequenti Athenæ. Anno vero 1689 Turcæ navali pugna rursus victi. Certe insignis hæc fuit Reipublicæ gloria, quod sola suis viribus hostem tam potentem toties profligarit, singulis annis novis victoriis & possessionibus aucta.

Victoriæ de  
Turcis.

Non tam felix Dux Sabaudia fuit, qui anno 1690 accedens magno foederi, Catinatum passus, Susam, ac postea alias quoque urbes amisit. Anno vero 1692 Dux vices redditurus, in Galliam irrumpens, Ebrodunum in Delphinatu cepit, aliaque loca, contributione indicta.

Anno 1693 horrendus adeo terræ motus Siciliam concussit, ut Catanam, & Siracusas, cum octo aliis urbibus, 140 arces, & oppida vastaret, sepulta sub ruinis magna hominum multitudine.

Eodem anno Catinatus ad Pinarolium Ducem Sabaudia, grandi illata strage, profligat. Tandem vero anno 1696 primus ex foederatis Victor Amadeus cum Gallia pacem Taurini clam composuit. Renuuntiat foederi, quo Cæsari ac sociis aliis fuerat illigatus, omnemque operam junget pro *neutralitate* Italiae, usque ad pacem universalem. Rex Duci restituet Pinarolium, Perusam, Monmelianum, Nicæam, Villefrancam, Susam &c. nec pacem aut inducias pangenet cum Imperatore & Hispano, in quibus Dux non esset comprehensus. Ad hæc matrimonium inter Ducem Burgundia & Adelhaidem Ducis filiam decernitur. Ejus legatos Rex excipiet eo honore, qui defertur legatis coronatorum capitum. Dux edicto vetabit incolis vallium Lucernensium seu Valdenses om-nem communicationem in iis, quæ religionem concernant, cum Gallis.

Pax Tauri-  
rensis.

Gloriosa non minus quam utilis hæc pax Duci fuit, quia plus recepit, quam amisit. Sed Rex hoc voluit hamo Ducem a magno foedere abstractum ad se trahere. Non placuit autem Foederatis initio, ut Italia inter belligerantes esset media. Verum cum Catenatus Valentiam obsideret, consenserunt, facilioresque deinceps aures paci universali præbuerunt.

Veneti



Venerorum  
Victoriæ.

Veneti his annis ad Chium Insulam semel victi, bis victores: ad Androsiam Insulam pari Marte pugnantes, præclara fortitudinis exempla præbuerunt, prout etiam anno 1697, dum intra Lemnum & Tenedum Turcas aggressores strenue repulerunt, rursusque ad Mytelenem, 4000 barbarorum cæsis.

Pax Carlo-  
vicensis.

Tandem vero anno 1699 Turca, sicut cum Cæsare, Polonis, & Moëis, sic etiam cum Venetis *Carlovicensem* pacem inivit. Relicta Venetis *Peloponessus* seu *Morea*, magnum quidem de se, sed in comparatione tot victoriarum exile præmium. Verum ne Turcam soli sustinerent, pax componenda fuit, postquam inter legatos ardens contentio negotium vix non abruptisset.

Bellum  
Italicum.

Inchoato anno 1700 bello ob successionem Hispanicam gravissimo Imperatorem inter & Regem Franciæ, Respublica Venetorum Cardinali Eltræo declaravit, se medias inter utrumque partes retenturam. Cum autem dein accessum Germanicis copiis per terras suas concederet, illaque, ut in exercitu militari amaret contingere, non omnino innocue semper incederent, & quandoque etiam hoste resistente, diutius subsisterent, Veneti de utraque parte questi sunt, & pars utraque de Venetis, acsi parti adversæ faverent magis.

Contentio  
de Venetis.

Et Mantua-  
no.

Gallo-Hispani, antequam Eugenius Princeps cum copiis Germanis advenire posset, versus *Mantuum* progressi, Duci significarunt per Comitem Tessæum, qui ante adventum Catenati exercitum gubernabat, necesse omnino esse, ut duo Reges Imperialem militem præveniant, & Mantuæ custodiendæ præsidium imponant. Consultius facturum Ducem, ut protinus illud recipiat, statusque suos inevitabili ruinæ subtrahat. In eandem sententiam scripsit Valdemontius Princeps, Mediolanensis Gubernator.

Dux, re in senatu suo deliberata, portas aperiendas censuit. Consilium tunc visum necessarium, sed in fine Domui Gonzaganæ exitiale; quippe Cæsar illud in eam partem interpretabatur, quod Dux cum duabus coronis colluderet. Eugenius vero Princeps Carpeni victoria felix bello initium dedit, prospero deinceps successu continuato.

Pontificum  
cura circa  
doctrinam  
Moralem.

Romani interea Pontifices, dum sæculares Principes de conquirendis regnis terrenis, & amplificandis provinciis, inter se certant, de Regno, cuius non erit finis, comparando propagandoque per urbem solliciti, curas suas in id intenderunt, ut Pasto-  
ralem,

ralem, a Christo sibi commissam, vigilantiam in omnem partem exporrigant, animasque immortales regno cœlesti inserant.

Quas summi Sacrorum Antistites hanc in rem constitutiones ediderint, quæque gesserint, postea equidem ceu coronidem operis recensimus, juvat tamen hic de Propositionibus quibusdam laxis & exerrantibus, hoc sæculo XVII ab iisdem damnatis, aliqua interferere.

Hoc quippe sæculo potissimum ingenia quædam incauta, sibi-que ipsis nimium confisa, atque per insignem audaciam altius, quam par erat, provecta, in scopulos impeerunt, eamque, quæ de moribus est, doctrinam sphalmatis suis infecerunt: quapropter summi Pontifices muneris sui Pastoralis esse duxerunt, ut laxitatem istam & sentiendi libidinem coercerent, atque concreditum sibi gregem a noxiis pascuis averterent.

Quia autem alii nervum nimium intenderant, atque rigore suo indiscreto in alteram partem, a semita recta declinantes, impeerant, Pontifices horum quoque zelum quidem, sed non secundum scientiam, reprobant, sapientissime judicantes

Verbi Divini & Patrum regula, certos esse fines, quos ultrocitraque nequeat rectum consistere.





CAPUT II.  
 STATUS  
 HISPANIÆ  
 SÆCULO XVII.

## ARTICULUS I.

*Status Hispaniæ sub Philippo III.*

*Amplitudo Monarchiæ, opes, vires. Cruenta Ostendæ expugnation. Induciæ cum Hollandis. Bellum Monferratense, Ræticum, Rhenanum &c.*

110.

*Foreſti.*

*Hæreditatis  
 amplitudo.*

*In Europa.*

**M**agno illo & quieto orbis motore Philippo II fatiſ defuncto, filius ejus Philippus III multo ampliffimam poſt hominum memoriam, atque in omnes terræ partes exporrectam, hæreditatem adiit. Quippe in Europa nactus eſt Hiſpaniam, in duodecim regna diſfulam, 140 urbes, 30000 oppida, 11 Archiepiſcopatus, 55 Episcopatus, 25000 parœcias, 120000 Eccleſias, 12800 Monaſteria, 16 ſacræ Inquiſitionis tribunalia, 32 Academiæ, 4000 inferiores Scholas, 9 Equitum ordines, 900 Commendas, complectentia.

Ad hæc in Italia regnum triplex, Siculum videlicet, Neapolitanum, & Sardicum, Ducatum Mediolanenſem, munimenta complura in Tyrrheno mari, quos *Status Praſidii* appellant, cum Balearibus Inſulis, atque cum Burgundia. In Germania Inferiore decem Belgii provincias, cum jure in ſeptem reliquas, quæ Batavis foederatis necdum ceſſæ fuerant: Regnum denique Luſitanæ, in omnes pariter quatuor orbis partes extenſum, a Philippo II immenſis incrementis adjectum.

In

In Asia Insulas Philippinas, Malacam, Goam, Diunum, Ormuzium, cum pluribus Insulis, Provinciis, urbibus. Asi.

In Africa Oranum, Portum Magnum, Septam, Melillam, Tingim, Veliam Rupem, Loandam, cum aliis Angolæ urbibus, Sotalem, Quileam, Monbaciã, Insulas Fortunatas, nempe Canariæ, Teneriffæ, Ferri, Fortenventuræ, Gratiolæ, Palmæ, Maderæ, Rocæ, Gomeræ, Alegranzæ, Lancelotæ: decem Insulas Hesperides, magnam Insulam S. Laurentii (quam Madagascar appellant) cum aliis pluribus. Africa.

Nusquam vero in maiorem amplitudinem Hispana Manarchia, prout ea Philippo III fuit relicta, se dilatat, quam in America, ubi Regnum Mexicanum, Peruanum, Quittense, Chilense, Paraguariam, Brasiliam, Terram Firmam, cum Insulis Hispaniola, Cuba, Jamaica, Porto Rieco &c. pluresque alias amplas provincias accipit; ut adeo hæreditas illa multo major censeatur, quam vastum Turcarum, aut Romanorum olim Imperium. America.

Ingentes præterea auri argentique opes ex America, & Peruvia potissimum, in Europam advehuntur, primum quidem Panamam, dein Portum Bellum, ubi aureæ quot annis instituuntur nundinæ, mercesque emptæ Havanam, principem Cubæ civitatem, ubi naves Americanæ congregantur, solent avehi, Gades inde transportandæ.

Quamvis autem tam vasta fuerit Hispanicarum ditionum amplitudo, tamque immensæ ex novo orbe asportatæ opes, non tamen iis respondit militaris potentia; multumque præstiterit Rex. si quinquaginta suorum milia in aciem possit educere: expulsis quippe multitudine ingenti Mauris, plurimis continuo ferme bello absumptis, coloniis magno numero in Americam abductis, accedente sicco regionis calore, exhausta non parum fuit populis Hispania. Vires.

Neque incolæ in tanta advenientis auri argentique copia abundant divitiis, cum laboris fugitantes nec agriculturam, nec commercia multum exerceant, sed Anglis, Batavis, Gallis, & Borealibus Nationibus hæc ferme relinquunt, contenti aurum Americanum mercesque Gades advehere; unde potissima lucri pars ex mercatura juxta conventiones initas ad exterarum gentes delabatur. Opes.

Quamvis vero in Regium ærarium haud parum inde importetur, in longinquas tamen provincias, bellis ferme assiduè depauperas,



pastas, plurimum inferendum fuit, adeo quidem, ut vel solum bellum Belgicum multos auri milliones absumpserit.

Regnum, prout est Francia, provinciis suis cohærens, & nervis ossibusque una compage nexuque valide conjunctum, facile se tuetur, vicinisque sui formidinem ingerit; at vero, ubi membra ingentibus terrarum spatiis sunt abstracta, nec amplius vivido illo Caroli V aut Philippi II spiritu animantur, mirum non est, ingens etiam corpus molem suam ægrius ciere, atque a potentibus vicinis mutilari.

Ostenda.

Experti hoc sunt Philippus IV & Carolus II; nam Philippus III, quamvis in Belgio, Rhœtia, Italia, India, bello appetitus, satis adhuc strenue amplissimam hæreditatem suam defendebat. Albertus Archidux, licet anno 1600 a Mauritio Batavo prælio ad Neoportum victus, *Ostendam* nihilominus anno sequenti oppugnare cœpit. Vix ulla unquam urbs tanto impendio stetit. In quartum annum producta vehemens oppugnatio. Cæso Fridrico Spinola, Hispanæ classis Præfecto, dum auxilia Batavorum arcere nititur, Ambrosius ejus frater, summus Imperator, pertinaciam hostium tandem fregit. At acervum lapidum, lignorum, & cadaverum invenit. In urbe 73000, extra illam vero 80000 hoc oppugnationis tempore cæsa feruntur.

Batavi interea, ut Hispanos ab obsidione Ostendana abstraherent, Graviam ad Mosam, & Slusam occuparunt, Spinola vero post Ostendam Grollam & Rheinbergam.

Agebatur tum equidem de pace cum Batavis, sed quia hi postulabant, ut Rex cum iis libera velut Republica tractaret, neque a navigationibus, quod Rex petebat, tam florentibus rebus suis, abstinere vellent, transigi nil poterat. Postquam tamen Malacensem in India obsidionem solvere a paucis Lusitanis coacti sunt, duodecim annorum inducias cum Hispanis pepigere. (anno 1609). Quo medio tempore Batavi strenue in rem suam sunt usi, atque navigationes in omnem orbem & commercia in immensum auxerunt.

Induciæ.

Ut vero Hispanus in futurum etiam Belgii provinciis caveret, cum Rege Angliæ fœdus iniit, ne Batavis deinceps assistat, & cum Francia gemino connubio amicitiam firmavit, data Ludovico XIII Anna Maria filia sua, natu maxima; Philippo vero filio suo Isabella Ludovici Regis sorore desponsa. (1615)

Nuptiæ.

Hac parte constituta quiete, turbæ novæ exstiterunt, defuncto Francisco IV Mantuæ Duce, nulla relicta prole mascula: qua-

quapropter ejusdem frater Ferdinandus, ante Cardinalis, successit. Sed litem ei movit Carolus Emmanuel Dux Sabaudia, qui Ducatum *Monferratensem*, quem aliis etiam titulis sibi vendica- <sup>Bellum Mon-</sup> bat, ad Mariam neptem suam, demortui Francisci Ducis filiam <sup>ferratease,</sup> pertinere contendebat.

Philippus Rex, cum ageretur de feudo Imperii, eam causam ad consilium Cæsaris aulicum remittebat: at Sabaudus, tanti Regis potentiam non veritus, sed gladio utilius dirimendam ratus, vi armata ditionem Monferratensem invasit; quapropter Toletus Mediolani Gubernator, jussu Regis, arma opposuit, captis etiam Vercellis. Restitutis dein, quæ utrinque fuerant ablata, Mantuanus mansit in possessione.

Extincto hoc in Italia incendio, in Rhoetia flamma erupit. Auctores Calvinistæ, sanguinolentum hominum genus, qui, Episcopo Curienti expulso, Archipresbyterum ad tribunal suum tractum ea crudelitate in equuleo torquebant, ut spiritum vitamque illi eliderent.

Grisones Catholici, cum pauciores essent, quam ut Calvinistarum multitudini possent resistere, atque has aliasque injurias vindicare, ad Regem Catholicum conversi opem implorant. Is rei Catholicæ defensor acerrimus, misso cum copiis in Grisoniam Fera, Mediolani Prætor, cum Catholicis se conjunxit, atque multis Calvinistarum cæsis, Vallem Telinam occupavit, erectis munitis arcibus, Hispanicoque præsidio firmatis. <sup>Et Rhoeti- cum</sup>

Displicuit ea res Helvetis & Venetis (prout apud vicinas gentes amat contingere, quodcunque vicini incrementum iniquius ferentes) imo & Gallis, tam arctis licet nexibus Hispaniæ adstrictis; nolebant enim tam opportunum e Germania in Italiam transitum Hispanorum potestati relinquere.

Ne autem eam ob rem, non maximam, grave bellum exarsceret, Vallis Telina in fidem Gregorii XV summi Pontificis fuit deposita: qui, misso Marchione Bagnino, eam provinciam tamdiu custodiri voluit, donec causa Romæ amice foret composita.

Verum cum Bagnius Hispanis Proceribus familiarius uteretur, in eosque videretur propensior, Estreus, Christianissimi Regis apud Helvetos Orator, exuta toga, sagum induit, junctus- <sup>Tax.</sup> que Sabauda & Venetis, bimestri spatio Vallem Telinam Hispanis eripuit. Contemptum se interpretatus Urbanus Pontifex; misso in Galliam & Hispaniam nepote suo Cardinale Barbarino, pacem <sup>Brac.</sup>



composuit, his articulis : ut Vallis Telina restituatur Ministris Pontificis, qui securitati Religionis providere: Munitiones, recens exstructæ, diruantur, transitu Regi utrique libero: conservatores, a Teliniis electos, Rhœti confirmet: Comitatus Wormsiensis & Clavennæ sub Valle Telinia comprehendantur; atque inde præsidia utriusque partis abducantur. Telinii certam pecuniæ summam Grisonibus pendant, in recognitionem veteris clientelæ: idque ut diligenter observetur, ambo Reges Telinios in tutelam suscipiant.

In Africam Philippus classem misit, ut in Tessano regno Principi adversus fratrem assisteret; unde Larachium, opportunum Hispanis munimentum, in præmium accepit.

Spinola ad  
Rhenum.

Per Ambrosium *Spinolam* vero, expugnato Juliaco partes Ducis Neoburgici adversus Brandenburgum & Batavos valide protexit. Tum vero misso exercitu in Palatinatum Inferiorem sententiam Cæsaris in Fridericum Palatinum per eundem *Spinolam* est executus.

Allata proin externis ope, atque Monarchia sua bene defensa, Philippus III obiit pientissime, prout vixit, anno 1621 30 Martii, regni 22, ætatis 43, longiori vita multo dignissimus. Quippe Princeps erat singulari integritate, castimonia, pietate, fide, iustitia, cæterisque virtutibus, quæ magnum Regem comprimis decent, exornantque.

Mauri  
pulsi.

Religione nihil habuit antiquius. Unde factum, ut Ferdinandi Catholici, abavi sui, exemplo omnes Mauros ex Hispania pelleret. Hi magno numero baptismum quidem Christiano ritu susceperant, & externo cultu Christianos se simulabant, sed corde Mahometem nunquam serio excluderant; quin Mahometanos in Africa, Turcasque, & uti ferebatur, Gallos etiam Anglosque clam incitabant, ut Hispaniam invadant. Qua proditione detecta, Philippus Rex omnes exulare iussit. Millio ferme hujus fœcis emigrasse dicitur: magna quidem ararii, & frequentiar, in regno non adeo populoso, jactura, sed majori Religionis puritate, & securitatis publicæ incremento.

Filios ex Margaretha Caroli Archiducis filia, reliquit tres: Philippum IV, qui in Regno successit, Carolum anno 1632 demortuum, & Ferdinandum, qui Archiepiscopatu Toletano, & Cardinalis dignitate jam ornatus, victoriæ Nördlingensis pars magna fuit, ad capeßendam Belgii Præfecturam inde profectus; Filias autem

autem duas, Annam Mariam, Ludovico XIII Franciæ Regi  
nuptam, & Mariam Annam, Ferdinandi III Cæsaris conjugem.

## ARTICULUS II.

### Status Hispaniæ sub Philippo IV.

#### §. I.

*Tragici Ministrorum casus. Bellum Mantuanum. Trevirensis  
captus. Bellum Catalaunense, Italicum, Belgicum. De-  
fectio Lusitanæ, seditio Neapol. &c.*

**S**exto decimo ætatis anno Regimen tot provinciarum auspicatus, Calderonius.  
aulæ Ministros, Regum gratia & potentia sua abusus, ad pœ-  
nam vocavit: *Offinæ Ducem*, & *Rodericum Calderonium*:  
illum quidem, quod Prorex Siciliæ feroci severitate res Neapoli-  
tanæ in discrimen adduxisset, carceri mancipatum, ut per otium  
animi impetus frangat: hunc vero, a Philippo III ex humili for-  
tuna ad summam dignitatem evectum, atque gemini homicidii <sup>Ministri</sup>  
postulatum, sive veris criminibus, sive invidia laboraret, securi <sup>puniti.</sup>  
percussam.

Accessit tertius, Dux *Lermæus*, qui ipsum Regem Philip-  
pum III regere videbatur, ex aula is pulsus, purpuræ, quam ad  
sui tutelam a Pontifice petierat, debuit, ne acerbius in eum ani-  
madverteretur. In ejus locum assumptus Casparus Guzmannus  
Comes *Olivarius*.

Eo Ministro felicia erant Philippi IV initia; nam in Africa ad <sup>Olivarius</sup>  
Mamoram fluvium valido monumento erecto, Marochii Regem il-  
lius obsidionem solvere coëgit: cum autem classis, eo transmissa,  
rediret, triginta tres naves Batavicas, mercibus onustas, finito jam  
induciarum tempore, in freto Gaditano aut demersit, aut suæ po-  
testatis fecit. Nec minus secundam se fortuna præbuit, dum Ba-  
tavi Molucis Insulis Hispanorum & Lusitanorum armis depulsi sunt; <sup>Felix.</sup>  
& in Brasilia Portu omnium sanctorum: prout etiam, cum Spinola  
in Belgio Bredam, a Batavis abreptam, magno licet impendio ad  
Regem reduxit.

Ad



At reliqua Philippi tempora minus, quam prima, erant prospera. Primæ ruinæ ab elementis; nam Iberus 1625 tantopere se effudit, ut Casaraugustam, reliquamque Arragoniam pene demergeret. Nec minus damni Formesius annis Salmanticæ in Legionis regno intulit.

Verſio for-  
tuna.

In Calabria & Apulia terræ motus continuis septem diebus urbes & oppida vehementer concusserant. Accessit insolitus Vesuvii furor, qui ignitas undas aliamque pestem tanto impetu evomit, ut Nolam civitatem, Amalphitanam, aliasque confines regiones obrueret: eo tamen emolumento, ut, dum corpora sterneret, animas erigeret.

Bellum  
Mantuanum.

Sed multo plus cladis ab hominibus acceptum, bellis videlicet assiduus, & provinciarum defectione. Et bellum quidem Italicum, præter sumptus, minus damni attulit. Optum illud est rursus propter Ducatum Mantuanum, & Montisferratensem. Quippe defuncto 1627 Vincentio II Carolus Gonzaga, Dux Nivernensis (cujus pater ducta Nivernensi in Galliam domicilium transtulerat) ope Gallorum utrumque Ducatum, ceu proximus agnatus, occupavit. Quia autem solitam inaugurationem in hæc Imperii feuda a Cæsare non acceperat, neque ditiones in manus ejusdem deponere volebat, Imperator cum Hispano se opponebat. Adhæc tres alii erant competitores, Dux Guastallæ, Margaritha, Lotharingæ Ducis vidua, Vincentii defuncti soror, Dux Sabaudia, qui Ducatum Montisferrati rursus postulabat, junctis cum Cæsare & Hispano armis. (1628.)

Itaque Consalvus Corduba, Mediolani Gubernator, cum Sabauda Montisferratum invadit: captisque reliquis locis Casalim oppugnavit, sed irrita conatu.

Anno sequenti (1629) Ludovicus XIII domita Rupella in Sabaudiam & Pedemontium irruens, ad pacem Ducem adigit. Cæsar autem, Colalto, Aldringero, & Gallasso ducibus, exercitum, ad Lindaviam lustratum, per Rhœtiam in Italiam misit, totumque agrum Mantuanum (urbe principe excepta) occupavit: Spinola, quem amoto Cordubæ Rex Philippus in Præfectura Mediolanensi surrogarat, Casalim interea rursus incassum tentante (anno 1629)

Pax.

Proximo dein anno Astu expugnata a Cæsareis Mantua, Casalibus vero Arenue defensa a Torasio, Ambrosio Spinolæ, summo illi Duci, tadium & mortem attulit. Cum autem propinqui jam adeo essent adversi exercitus, ut res prælium spectare videretur, itum,  
Pon-

Pontifice per Mazzarinum annitente, in pacis leges: Nivernensis veniam a Cæsare precatus, ditionem Mantuanam & Montisfer-ratensem reciperet: Sabauda redderentur sua, deductis inde Gal-licis prædiis: pars nulla alterius hostibus, aut perduellibus aff-  
stat: Rhœ iæ claustra in pristinum statum reponantur.

Quamvis autem hæc pax in Comitibus Ratisbonensibus fuerit consummata ac confirmata; non amplius tamen quinquennio te-  
nuit; siquidem anno 1635 magno rei Catholicæ malo erupit bellum Gallo-Hispanicum: cuius gentis culpa, DEUS novit, altera odium  
in alteram rejiciente. Proxima Gallis causa, Elector Trevirensis socius, alieno sane tempore, dum Sueci ac Protestantes Germa-  
niam cladibus miscebant, a Ferdinando Cardinale Hispano in cu-  
stodiam abreptus.

Missi illico in Belgium Franci, Castillionæo & Berzæo ducto-  
ribus: quorum conjunctionem cum Batavis dum Princeps Thomas Sabaudus, a Gallis ad Hispanos transgressus, impedire nititur, ad  
Aveinum magna clade affectus est, 4000 Hispanorum cæsis, 500  
captis, tormentis, signis, bellico apparatu plurimo, amissis. At  
Batavus, premente jam tum Gallici nominis invidia, florentissi-  
mum exercitum, sibi junctum, fame & miseriis perdidit.

Anno sequenti Ferdinandus Cardinalis Belgarum Gubernator,  
intercepta Ciapella, Castelleto & Corbeja, totam pene Picardiam  
subruit, sparsa Lutetiam usque per Joannem Werthium metu.

Condæus, collecto apud Narbonam exercitu, in Catalau-  
niam movit, ubi jacta jam erant seditionis semina. Sed necdum  
ad eam maturitatem pervenerant, ut Galli fructum inde possent  
metere.

Flagrabat tum in Italia bellum Sabaudicum, ea maxime cau-  
sa, quod Victor Amadeus I tutelam filiorum suorum ad conjugem  
suam Christinam, Ludovici XIII sororem, detulerit, præteritis  
fratribus suis, Mauritio Cardinale, & Thoma Principe Carigna-  
no, qui ad se, seu proximos agnatos, curam Caroli Emmanuelis  
nepotis, exclusa testamentaria tutela, pertinere arbitrabantur.  
Ventum ad arma: Principum causam Hispanus, viduæ sororis  
Gallus juvabat. Gubernator Mediolani Leganesius in Pedemontio  
plures urbes intercept, Thomas Princeps Juream, Nicæam, & ipsum  
Taurinum, faventibus oppidanis, pylocastro reclusum. (1638)

At Rex Franciæ cum valido exercitu in Italiam misit Har-  
courtium, qui Gubernatorem Mediolanensem, *Casalim* obsiden-  
tem, magna clade profligavit, omni castrensi apparatu exutum:  
*Pars IX.* *O* *cæsis*

*Pugna ad  
Casalim,*



Taurinum  
captum.

cæsis dein aliquoties Hispanis, atque *Taurino* expugnato, solenni pompa reductam viduam tutricem constituit, eadem fortuna Castillioneus Attrebatum, principem Artesiæ urbem Francis adjecit. (1639)

Belgium.

Batavi quoque, quamvis aliquoties victi, magna tamen damna Hispanis intulerunt, classe intercepta, Fernambuco in Brasilia, Sylva Ducis, Arce Schenckia, Trajecto ad Mosam, Breda, quam Spinola tantis impendiis reduxerat, in Belgio occupatis.

Cataloniæ  
& Lusitani  
defectio.

Sed longe funestissimus Hispaniæ fuit annus 1640, quo domesticis scissa dissidiis, dimidium velut sui amisit, *Catalaunia* & *Lusitania* abstractis. Catalauni tributorum magnitudinem, militum contubernia, privilegia violata, surdam ad clamores suos Aulam querebantur. Corruptis proin armis totam provinciam tumultu complent. Regia præsidia expulsa, Prorex interemptus, Procures alii regiarum partium aut necati, aut bonis exuti in exilium ejecti; ararium quoque Regium direptum; imploratus Rex Franciæ, ejus filius, Dux Andegavensis, trimus tunc infans electus Princeps: recepta Barcino totaque provincia in fidem ac patrocinium.

Secuta exemplum Lusitania, & quidem eodem ferme tempore in Europa, India, Africa, & Brasilia, miro consensu & conspiratione, de qua nihil Hispanis antea innotuerat, res tota est acta. Olyssipone Regium palatium, prætorianis cæsis, mox occupatum, Vasconcellus, Ministrorum primus interemptus, Margaretha Sabauda, Francisci Mantuæ Ducis vidua, quæ pro Rege Philippo Lusitaniæ Regno præerat, ad fines regni deportata, electus in Regem Joannes Dux Bragantinus. Ex tot amplissimis provinciis sola Septa in Africa, quæ Hispanum Præfectum habebat, Hispanis mansit. Ut autem novum Regem Lusitani tueri possent, auxilia bellicæ apparatus proluxe a Gallis Batavisque, haud mediocriter tanta Hispaniæ diminutione lætis, acceperunt.

Olivarius  
infelix.

Culpa tantæ defectionis conjiciebatur in Comitem *Oliva*, qui regnum manu versabat; & in *Castellanos* Procures, arrogantius, quam genius ferret, in Lusitanos dominantes. Motus tum quidem loco Olivarius, Ludovico *Harao* substituto. Sed serum erat emplastrum.

Seditio Neapol.

Imo necdum ruinarum satis: quasi omnes gentes in Hispaniæ perniciem conjurassent; nam, profligato in Catalaunia Hispano exercitu, Perpiniano fame ad deditionem compulso, compluribus in Belgio tum a Gallis, tum Batavis, urbibus abreptis, anno 1647 orta est *Neapolitana seditio* & Sicula, & hæc quidem Panormi ob  
panis

panis caritatem adversus Proregem concitata, facilius sedata est. Illa vero, multo gravissima, prope erat, ut Regnum quoque Neapolitanum ab Hispania rescicaret.

Occasionem dedit novum vectigal, minutis rebus, pomis & oleribus impositum; auctor vero erat *Aniellus* quidam, sive Masaniellus. Aniellus. infima de sorte homo vilissimus; audax tamen & lingua promptus, quem multitudo suum velut Regem constituit. Eo ductore ultra centum hominum millia, armis arreptis, per urbem amplissimam discurrebant, everfisque, in quibus vectigalia exigebantur, tabernis, ac publicanorum ædibus, Proregem Magnatesque ingenti terrore complebant.

Archiepiscopus cum venerabili Sacramento progressus quietem ab incondita multitudine rogavit, quam non alia conditione concessuram ferociter respondit, nisi confirmatis, quæ Ferdinandus Catholicus & Carolus V concessissent, privilegiis, tributa, annona imposita, omnino abolerentur, gensque Neapolitana mitius more Majorum haberetur.

Prorex, ne se ipsum regnumque præsentissimo discrimini exponeret, prolixè omnia est pollicitus. Quare Masaniellus, qui, quod sane mirum, pro nutu versabat multitudinem, severe edicxit, ut quiete ac modeste se gerant. Arma tamen retineri voluit, donec privilegiorum confirmatio & plena amnestia a Rege adveniret.

Quamvis autem homo iste inquires, ob turbatum curis & vigiliis caput, in delirium lapsus, a quatuor Nobilibus fuerat interceptus, necdum tamen tumultus conquievit, sed plebs armata postulatis suis insistebat. Contra vero Nobiles, ad quos non modica vectigalium portio defluebat, resumpto spiritu, clientelas suas obibant, atque Proregem hortabantur, ne insolenti plebi cederet, plura petituræ, si timidum & indulgentem cerneret.

Atque ita res in civile bellum abiit; plebs urbem. Prorex cum Nobilitate arcem ac portum occupabat. Cum autem populo dux deesset, submissus e Gallia *Guissus*, magno cum applausu fuit exceptus. At subeunte paulatim belli radio, obsequium erga Regem rediit. Dux Guissus vero e fuga retractus, in manus Hispanorum incidit.

*Guissus  
captus.*

Rex Philippus IV vehementer equidem contendit, ut Pacis Westphalicæ socius admitteretur, sed Gallorum artibus exclusus, inita cum Foederatis Belgii Ordinibus transactione, liberam Rempublicam, ab Hispana subjectione manumissam declaravit, cum jure, libere utendi navigatione & commerciis: bellum vero cura



Francia, cui & Anglia accessit, prosequi coactus est, iniquiori tamen plerumque fortuna.

Cum igitur, post tantas provinciarum secessiones, intestinos tumultus, Ministrorum non optimas artes, tot undique hostibus, in Italia, Belgio, Catalaunia, India, Lusitania, infestis, impari se cereret, pacem tandem Pyrenæam anno 1659 cum Francia composuit, Mazarino Cardinale & Ludovico de Haro in Insula Vidosi amnis ad Regni utriusque confinia congressis. Firmari visa est ea pax nuptiis Ludovici XIV cum Maria Theresia, Philippi filia, sed nova inde (licet paternæ hereditati iurique in Hispanas ditiones renuntiavit) bellorum seges enascetur.

### §. 2.

#### *Pax Pyrenæa.*

12.

Post 24 annorum Hispaniam inter Galliamque atrox bellum, subventum tandem fessis Europæ rebus, revocata pace, tamdiu exule. Et primum quidem, annitentibus Moguntino & Colonien- si Electoribus, semestres induciæ, postmodum prorogata, placuerant; dein vero ad ipsum pacis opus deventum.

Locus delectus est in Galliæ Hispaniæque finibus Vidosi fluminis insula, quæ *Phasiana* dicebatur. Constructæ ibidem geminæ aedēs, quas media aula committebat, ducta per medium aulæ linea, ceu termino, quo Mazarinus & Ludovicus Mendozius Comes de Haro, plena cum potestate Regum Legati, sibi utrinque obvii, congregerentur.

Sessionibus 24 capita pacis 124 condita. Prolixum nimium foret, omnia in hoc opere *in extenso*, ut loquimur, apponere. Juvat igitur epitomen extrahere.

Amnestia

1 Inter Christianissimum & Catholicum Regem, avunculum & nepotem, eorumque successores pax esto perpetua, atque sincera amicitia, cum plena amnestia, dissidiorum radicibus stirpitus evulsis: ac proin etiam commercia gentem inter utramque libera sunt.

2 Lusitania hac pace non comprehendatur, nisi ad Hispanum redierit: neque Gallus ulla arma aut apparatus bellicum ad eam devehat.

Nuptiæ.

3 Hispaniarum Regis primogenita Maria Theresia Ludovico

XIV

XIV nubat, iis pactis dotalibus, quæ speciali libello sunt contenta: inter quæ est renuntiatio successionis Hispaniæ.

4 Regi Galliæ relinquitur in *Artesia* Attrebatum, Gallus re-  
Lillerium, Lentium, Hesdinum, Tereona, Fanum Pauli: in *tinet.*  
*Flandria* Gravelinga, muniti aggeres, Allovinum, Burburgum:  
in *Hannoria* Landrecium, Quercetum: in *Luxemburgicis* Theo-  
nis villa, Mommedium, Damvillerium, Ivodium, Chavantium,  
Marvilla: in *Gallia* Rocrojum seu Rupes Regia, Castelletum,  
Lincampium: ad *Pyrenæos Montes* Ruscinonenfis, & Confluentinus  
Comitatus: In *Germania* Superior & Inferior Alsatia, cum Sunt-  
govia, Comitatu Ferretensi, & Brisaco, prout per pacem Mona-  
steriensem sunt cessa.

5 Contra vero Gallus Hispano restituit in *Belgio* Ipras, Alde-  
nardam, Duxmudam, Furnam, Menenium, Cominæum: In *Ita-* Restituit.  
*lia* Valentiam, & Mortaram: In *Sequanis*, Juxum, Bleteranas,  
S. Amoris oppidum, & quidquid in Burgundiæ Comitatu occupa-  
verat. In *Hispaniæ* finibus portus maritimos, Rosas, Urgellas,  
Comitatum Cerdanum, cum Puicerda, Belvero &c.

6 Carolus *Lotharingiæ* Dux, nuper e captivitate dimissus, ab Lotharingus.  
Hispano recipitur in gratiam, & in Ducatum suum restituitur, sed  
ea lege, ut Nancei munimenta diruat, litterisque publicis conte-  
stetur, se Ducatum Claromontanum & Barrensem, Stenazam, Ja-  
metium, Marvillam, & Mojenvicum, Galliæ Regi ultro ac merito  
permisisse, ut in ejusdem ditionem concedant.

7 Volebat omnino Hispanus, ut Ludovicus Borbonius, Prin-  
ceps *Condæus*, a Gallo in gratiam receptus, ex integro restitua-  
tur. Sed petiit Gallus, ut prius humiliter veniam roget, & se  
suaque clementiæ Regis permittat. Significandum igitur Mazari-  
no (quem summopere oderat) curavit, dolere se, quod contra  
Regem suum arma gesserit: non malevolo in Regem animo, sed  
temporum iniquitati, & perturbationi id essetribuendum: victu-  
rum se deinceps in fideli obsequio Regis, modo delictorum ve-  
niam sibi concedere dignetur.

Sancitum igitur hoc tractatu, ut in gratiam recipiendus ar-  
ma ponat, milites suos Sacramento solvat, eo modo, quo Regi  
Christianissimo placuerit. Præstitit hoc Princeps, & misso depre-  
catore, se & omnia sua ejusdem clementiæ subjecit. Rex vero  
Hispaniæ, cautum per omnia volens Condæo, a quo in hoc bello  
tanta beneficia acceperat, pro plena illius indemnitate muneris  
aliquid obtulit. At nihil eo nomine petiit Gallus, nisi, ut Philippo



Wilhelmo, Duci Neoburgico, Juliacum restituatur, abducto inde Hispano præsidio.

**Sabaudus.** 8 Sabaudix Dux Carolus Emmanuel II hac pace fruatur. Hispanus ei Vercellas, & Cencium restituat, nec fraudi illi sit, quod Gallix partes fuerit amplexus. Ejus discordix cum Mantuano & Mutinæ Duce utriusque Regis opera componuntur. Alphonso Mutinæ Duci Hispanus Corregium restituat. Rogeturque summus Pontifex, ut Controversiæ circa Valles Comacenses, Castrum & Rossilionem componantur. Monæci Principi bona sua in Ducatu Mediolanensi & Regno Neapolis restituantur.

**Helveti.** 9 Ne ignis, sub cinere latens, Helvetos inter Catholicos & Protestantés rursus erumpat, utriusque Regis opera concordie restituatur: uti etiam in Valle Telina.

**Pax Vervina.** 10 Omnes captivi dimittantur liberi, solutis tamen debitis contractis. Pax *Vervina* in omnibus observetur, in quibus hic ei non est expresse derogatum; &, si quid necdum esset implementum, adhuc impleatur.

11 Rex Christianissimus pacis hujus, si velint accedere, participes facit, summum Pontificem, S. R. I. Electores & Principes, ad pacis Westphalicæ observationem secum obligatos, nominatim Electores, Moguntinum, Coloniensem, Heidelbergensem, Ducem Neoburgicum, Regem Sueciæ, ceu Ducem Bremæ & Verdx, Luneburgicos, Hassos, Venetos, Helvetos, omnesque Reges & Principes, qui voluerint.

Rex Catholicus vero pacis communionem & consortium offert summo Pontifici, Imperatori Romano, omnibus Archiducibus Austriis, & cunctis Regibus, Principibus, & Ordinibus, in pace Vervinensi jam nominatis, & insuper foederatis Belgis, atque Guastallæ Regulo. *Actum 7 Novemb. 1659.*

#### *Observatio.*

13.

Ad 1. *Pax esto perpetua.* Hæc perpetuitas fuit sex annorum.

Ad 2. *Lusitania &c.* hæc anno 1640 ab Hispaniæ dominatione recesserat, electo sibi Rege Bragantina ex stirpe Duce, qui Joannes IV est dictus. Unde Hispaniæ adhuc bellum erat cum Lusitanis.

Ad 3. Dum Philippus IV primogenitam suam dedit Ludovico, Galliæ Regi, secundo genitam vero Leopoldo Cæsari reliquit, videtur

detur non admodum multam rationem habuisse Domus suæ Austriacæ. Renuntiationem autem ejusmodi & jure invalidam esse, & posteris non præjudicare, Galli dixerunt.

Ad 4. Rex Hispaniæ tam difficiles conditiones iniit; quia compulsus erat bello Gallico, Anglico, Lusitanico, & Italico.

Ad 5. Gallia in hoc & sequentibus bellis tam multa occupavit, ut semper haberet, quod restitueret, & quod retineret.

Ad 6. Carolus III Lotharingiæ Dux, nec satis providus, nec satis constans, dum modo Hispanis, modo Gallis adhæsit, apud ultrosque impegit: minime autem Domui suæ consuluit. Contra ea autem, quæ hic de Lotharingia erant inserta, publice est protestatus.

Ad 7. Ægre adducebatur Rex Galliæ, ut Condæum reciperet, a quo tot clades acceperat; sed Hispania nec volebat, nec honeste poterat pacem facere, eo non plene restituto: reconciliatio autem tanti, tantorumque spirituum Principis, qui inter arma ferociæ militari atque victoriis insueverat, est memorabilis. Aquis Sextiis adductus ad Regem, atque in genua provolutus, demisso corporis situ, gestu, & oratione humillime veniam est precatus, omnem fidem in futurum pollicitus. Rex prostratum elevans gratiæ securum esse iussit. Redditaque est ei Burgundiæ Præfectura cum omnibus ditionibus & bonis.

Ad 8. Cum anno 1637 obiisset Victor Amadæus I, reliquit duos pupillos sub tutela matris Christinæ, quæ erat Ludovici XIII foror. At vero tutelam sibi vendicabant armis Mauritius & Thomas, pupillorum patru. Favit illis Hispanus, Gallus vero forori & nepotibus: unde Sabaudia involuta est bello Hispano-Gallico.

Alphonfus quoque Mutinensis sequebatur causam Galliæ, imo in Italia bello præfuit, suorum & Gallorum adversus Hispanos Ductor.

Ad 9. Inter Catholicos & Protestantes Helvetiæ Cantones grave bellum eruperat, cæsiq; prælio Villmergeni anno 1656 a Catholicis quinque Cantonibus sunt Protestantes. Pax tum quidem coaluit: sed plena hujus, invictæ antehac, gentis concordia non rediit, nec redibit facile, donec avita fides reducta animos & vires vinculo antiquo colliget. Hinc illa Regum sollicitudo.

Ad 10. Post pacem *Cameracensem*, inter Philippum II & Henricum II anno 1559 conclusam, centum anni lapsi fuerant usque ad hanc *Pyrenæam*, anno 1659 initam. Interea vero anno 1598 inter Henricum IV & Philippum II ultimo vitæ anno sancita fuerat



rat pax *Vervina*, Vernini nempe, ignobili antea Picardiæ oppido; quæ pax hic confirmatur; & cum in Vervina Cameracensis fuerit confirmata, etiam ista hic censetur confirmata.

Ad 11. Ex hoc patet, Regem Christianissimum & Catholicum pro tota quodammodo Europa pacem fecisse: & utinam ea fuisset perpetua, atque bellum in Thraciam concordibus animis & viribus conversum. Sed Christiani nominis probro, quod canit ille, bella geri placuit, nullos habitura triumphos.

Harosius legatus, postquam in Hispaniam redierat, magna ubique gratulatione Regisque adeo læticia fuit exceptus, non, quod pinguem admodum pacem retulisset, cum tot urbes ditionesque amittendæ fuerint, sed quod Hispania, exhausto prope, tam diuturno, tamque gravi bello, ærario ac milite, potentissimum hostem a cervicibus removisset, ac proin, quod contra Lusitanos Anglosque supererat belli, tanto expeditius geri posset.

Missus illico a Rege Romani ad Alexandrum VII summum Pontificem legatus Poncius, quem 150 currus extra urbem exceptum deduxerunt; exultavit gaudio sanctus Pater totaque Roma, quod duos inter potentissimos Ecclesiæ filios exoptata tamdiu amicitia sit restaurata.

Obitus Philippi IV.

Obiit Philippus IV piensissime anno 1665, regni 44, ætatis 60. Ex prima conjuge Isabella, Ludovici XIII sorore, genuit Balthasarem, (qui anno 1646 obiit, ætatis 17, Mariæ Annæ Ferdinandi III Cæsaris filia desponsus) item Mariam Theresiam, Ludovico XIV, quod diximus, nuptam: ex secunda vero conjuge Maria Anna, Ferdinandi III Cæsaris filia, Margaretham Theresiam, Leopoldo Imperatori junctam, & Carolum II, quem successorem habuit. Natus quoque illi est Joannes ab Austria ex impari thero, qui Belgii postea Præfecturam gessit.



# ARTICULUS III.

## Status Hispaniæ sub Carolo II.

### §. I.

*Bellum Belgicum ob Jus Revolutionis. Pax Lusit. & Aquis- 14.*  
*gran. Niardi fata, & Joan. Aust. Seditio Messinensis.*

*Bellum Holland. Reunionum, Catalaunicum. Tristis*  
*Hispaniæ facies.*

Quatuor necdum annos impleverat Carolus, cum sub tutela ma-  
tris Mariæ Annæ, prout testamento pater Philippus caverat,  
Regno potitus est, tam imbecilli atque infirma valetudine,  
ut decimo ætatis anno vixdum pedes posset incedere: tenuitque,  
quoad vixit, virium debilitas, quæ spem longioris vitæ atque fœ-  
cunditatis pene adimeret; timore perculsa Hispania, & expecta-  
tione suspensa, quo tandem vacillans Monarchia, tam debili ful-  
ero nixa, inclinaret.

*Infirmitas.*

Nec ab hostibus externis tam teneræ & innocuæ ætati par-  
citum. Fervebat adhuc bellum Lusitanicum, in quod tredecim  
quot annis milliones ab exhausto tot bellis ærario erat expendend-  
um. Sed major vis hostilis, unde minime timebatur, incubuit.  
Tot cognati sanguinis, tamque arctis affinitatis vinculis adstricta  
erat Francia, ut, siquis impetus ex adverso incurreret, in defen-  
sionem infantis pupilli accursura crederetur.

*Hostes ex-  
terni.*

Sed aliud suavit ratio status. Jam altero post mortem Regis  
Philippi anno (1667) grave bellum subito illatum Belgio, nec o-  
pinanti, nec parato. Interceptæ complures urbes, subacta Bur-  
gundiæ comitatu. Causam ac titulum bello dedit, quod pacem  
in ævum firmaturum credebatur, connubium Ludovici XIV cum  
Maria Theresia, ex priori Philippi IV conjugæ nata.

*Bellum.*  
*Ex jure de-  
volutionis.*

Id quippe juris aut consuetudinis habent aliquot Belgii provin-  
ciæ, ut primi matrimonii liberi iis, qui ex secundo nascuntur,  
hæreditatem præcipiant (quod jus *Devolutionis* Belgæ appellant.)

*Pars IX.*

*P*

*Hoc*



Hoc jus privatorum ad Regum quoque patrimonia extendebant Galli, Mariam Theresiam Carolo fratri, ex secundis nuptiis genito, potiore asserentes: renuntiationem vero; qua se abdicarit, Gentium ac naturæ juribus repugnantem, inanem fuisse & vacuam: id quod Juris communis Cæsarei legibus confirmabant.

Pax Lusitana.

Gravi igitur hoc bello appetita Hispania, pacem cum Lusitania inire, eamque liberum Regnum, prout ante conjunctionem cum Hispania fuerat, recognoscere coacta est, restitutis utrinque omnibus, quæ possederant, antequam coalescerent, Septa duntaxat (*Ceuta*) in Africa Hispanis relicta.

Aquisgranensis.

Cum triplex dein foedus, Anglos inter, Suecos, & Batavos, in defensionem Belgii cuderetur, inita fuit cum Gallis *Pax Aquisgranensis*: qua illis relictæ sunt urbes, quas in Belgio occupaverant, Burgundia vero Hispanis restituta. (anno 1668.)

Eodem anno Emmanuel *Mendoza* Sardiniae Prorex, dum orta seditione Calaritanam urbem obambulat, plumbea glande percussus interiit. Evocata Neapoli classis sedato tumultu, defectionem compressit; sumpta de auctoribus poena.

Nitardus.

Tumultuatum in ipsa quoque Hispania, & quidem a Regni Proceribus aliquot, Joanne Austriaco maxime. Causam suggestit ambitio & invidia; dum Regina, pro filio Regni Moderatrix, usæ est consiliis & opera Everardi *Nitardi*, e Societate Jesu sacerdotis, quem a sacris confessionibus habebat, atque ad summi Inquisitoris dignitatem primum, inde vero ad præcipuam Regni administrationem admovit.

Joan. Austr.

Neque propterea obscurum jam murmur serpsit, sed ad seditionem & tumultum res spectabat. Regina non statim cedendum rata, *Joannem Austriacum*, factionis caput, ut amoveret, auro & milite instructum, ad Belgii Gubernationem denuo misit. At ille accepta pecunia, provinciam recusavit, atque in exilium suum reversus est. Cum autem non desineret discordiæ semina jacere, in carcerem conjici iussus est. Verum is fuga in Arragoniam evasit, conductisque trecentis equitibus Madritum redit, atque Nitardum ejici armatus postulat.

Contin.  
Brietii.

Regina, eo tumultum propectum cernens, ut timendum esset Galliæ exemplum; cujus Principes, Richelii, ac Mazarini potentiam non ferentes, civile bellum movebant, in Nitardi exauctorationem tandem consensit, non ante tamen, quam ad Romanam purpuram destinatum videret, a se dimisit, Archiepiscopi Edeffeni, & Hispani Oratoris postea dignitate auctum.

Sub-

Sublato prætextu necdum quies; dum Austriacus ponere arma detrectaret, ni collata sibi Arragonii Regni Præfectura, omnia in singulis provinciis, quæ ad coronam illam olim spectabant, Vicaria Regis autoritate pleno jure administranda committerentur. Quæ postulata, quantumvis gravia & iniqua, ad fatiscantis aliquin Monarchiæ ruinam avertendam, concedi oportuit. (anno 1669.)

Præter Æthnæ & Vesuvii insolitos ructus, illataque utrique Siciliæ gravia damna, orta est eodem anno vehemens pariter <sup>Seditio Messinensis.</sup> seditio civitatis Messinensis, longiori jam tempore præparata. Senatus Urbanus detrectabat obsequium, totaque civitas, conspiratione inita, privilegiorum obtentu, in plenam se libertatem asserere moliebatur, juramento se obstringente populo, nulli decreto se pariturum, nisi a civitate prius esset approbatum: eoque perduellionis eventum, ut Regios Ministros, perviciæ obistere ausos, velut ostracismo proscriberent, aut carceribus manciparent.

Sequenti dein anno (1670) recrudit tumultus ob annonæ caritatem. Plures Senatorum & Nobilium domus & palatia a furente multitudine in cineres redactæ, quod crederent, avaro questu rem frumentariam aliè diverti. Usus est ea occasione in rem suam Regius armorum Præfectus, atque plebem (quæ nuper cum senatu Urbano in seditionem conspiraverat) adversus Nobiles & Senatores fovit, pluresque eorum proscripsit. Finem tandem discordiis imposuit Principis Lignii, Siciliæ Proregis, Panormo Messinam adventus, qui larga frumenti copia advecta, exauthorato Præfecto, revocatisque, quos exulare jusserat, Nobilibus urbem ad obsequium reduxit. (1670)

Pax Aquisgranensis brevem ætatem tulit; namque Rex Galliarum anno 1672 fulminis instar Fœderatas Belgii provincias victoriis est emensus.

Hispani, pace licet indigerent, otiosi tamen spectare non poterant vicina Batavorum incendia, suis etiam tectis metuentes. <sup>Bellum Hollandicum.</sup>

Et quidem in Catalauniâ, quo bellum pariter pervaserat, satis feliciter pugnabant Hispani, bis victo Schombergio. Et profligari omnino poterant Galli, nisi Messinensis defectio militem in Siciliam abstraxisset.

Urbs illa superioribus jam, quod diximus, annis in varias seditiones eruperat; tandem vero anno 1674 jugo Hispano omnino excusso, Franciæ Regi se subjecit. Misso is cum classe & com-



meatu Vivonio duce, Messinenses suam in tutelam recepit. Sed cum eibaria carius vānirent, & Galli cum mulieribus familiaris verfarentur, variis insidiis appetiti, urbem denique reliquerunt, traductis Massiliam 400 familiis, quæ veniam ab Hispanis se obtenturas desperaverant. Sed Rex Galliæ pace composita omnes in exilium misit, tota Galliæ ejectas, ea vel causa vel prætextu, quod portum Massiliensem prodere molitæ essent.

In Belgio arctiores in annos singulos res Hispanorum fiebant, prædominante Gallica potentia, Burgundia, Limburgo, Cameraco, Valencenis, Gandavo, Ipris, Lovania, aliisque urbibus potita.

Et sane dignus miseratione tunc erat status Hispaniæ, jam non amplius, uti olim, potentis, opulentæ, formidandæ, & velut orbis utriusque dominæ, sed infirmæ, accisæ, & cum morbis suis luctantis.

Rex puer erat semivivus, aut potius simulacrum Regis; Aula factionibus mixta; Regina mater Regis & tutrix clavo dejecta, Toletum secessit: Joannes Austriacus gubernaculo fluctuantis hiantisque naviculæ admotus: Regis patrimonium bellis exhaustum, & creditoribus magnam partem oppignoratum. Quæ restabant vestigalia, quinquennio etiam anticipare necessum erat: Neapolis reditus, Messinæ rebellio absumebat: Mediolanum, duos olim milliones ducibus pendere solitum, totidem nunc ex Hispania repetebat, ad paucula præsidia, Togatorum & Sagatorum greges alendos. Ruscinonense & Catalaunicum bellum ex propinquo incumbebat gravius: neque ex Hispania, tot regna complectente, tantum virium colligi poterat, ut duodecim Gallorum millia Puerda abigerentur.

Porro Belgium, tot hostibus expositum, nervos ipsos Monarchiæ incidebat: nec semel in senatu actum de eo deferendo, aut cum Ruscinone commutando. Visum tamen, Europæ & ipsius etiam Hispaniæ bono, immensis licet sumptibus, conservandum; prurpto etenim hoc aggere exundaturam Galliam in omnium perniciem.

Insanabilem autem tunc Hispaniæ morbum fecit, quod corpus, grande adhuc, spiritu languido animabatur. Inde tam inconstans regimen, perniciofa aulæ bella, Procerum collisiones, privatæque magis rei quam publicæ studium.

Wagn.

Status  
Hisp.

His causis Hispani, quantumvis duram, necessariam tamen pacem ducebant, palam contestari, a Batavorum rationibus, qui mercaturæ desiderio in pacem ultro rapiebantur, suas se non divisuros.

Cumque Hollandi pacem jam præcipitassent, secuti sunt Hispani: amissa Burgundia, Cameracum, Valencenæ, Ipræ; Tornacum, Aria, Audomarum.

Pace Neomagensi composita, Carolus II Rex duxit in conjugem Mariam Aloysiam, Philippi Ducis Aurelianensis filiam.

Sed neque hoc vinculum colligatam diu tenuit amicitiam; siquidem Ludovicus Rex, proculso Reunionum systemate, alios inter, Carolum Hispaniæ Regem citavit, ut ratione Chinienfis comitatus homagium præstet; secus fore, ut a Camera Metensi privatus illo pronuntietur. Cumque citatio negligereetur, Chiniacum a Bissio est interceptum. (1681.)

Bellum Reunionum.

Actum tum quidem Cortracensi in congressu de prætensis Ludovici juribus, sed cum conveniri non posset, per Humerium Cortracum & Düxmudam Gallus occupavit, (1683) sequenti vero anno Luxemburgum. Gerunda autem in Hispania, depulsis Gallis, obsidione est liberata.

Succedere induciæ, quæ *Vicennales* esse debuerant; sed tantum erant quinquennæ; nam anno 1689 Rex Ludovicus bellum Hispanis per facialem indixit, quod polliceri nollent, se nulli fore Cæsari auxilio. Infremuit Mars illico in Belgio, Insubria, Catalaunia: & in hac quidem Camredonum a Gallis expugnatum, sed a Villermosio mox receptum. Compressa quoque Catalaunorum seditio. Barcino, quod non modo sceleris immanis, sed Regiis Ministris esset auxilio, privilegiis aucta. (1690)

Briet. cont.

Anno proximo Urgella periit, cum Barcinone & Alonaglobis ignivomis vehementer conquassatis. Cumque tot ruinæ iis vitio ferrentur, qui ad clavum rerum sedebant, suadente Lobkovitio, Cæsaris ad Carolum Oratore, Dux *Oropefa*, præcipuus Regni Administer, ex aula dimissus est.

Oropefa.

Nec tamen meliori cursu ferebantur res Hispaniæ, sed armis Gallicis prævalentibus, foederati anno 1697 ad pacem compulsi sunt. Restituta Hispanis Barcino cum reliqua Catalaunia, & Belgii urbibus.

Cæterum mortua anno 1689 in flore ætatis Maria Aloysia Aurelianensi, Carolus II 1690 sibi despondit Mariam Annam, Philip-



pi Wilhelmi Palatini Electoris filiam. Quod matrimonium, nisi fuisset sterile, gravissimis bellis & orbis revolutioni prævertisset.

## §. 2.

*Consilia de successore. Princeps Bavarie destinatur hæres: sed moritur. Frigus inter Austr. & Hisp. partitionis tractatus. Cæsaris mens. Altera partitio.*

15. Sed cum infirmitas Caroli Regis in dies magis ingravesceret, expectatione suspensus erat orbis, quem tandem Hispania hæredem esset acceptura.

Susceperat Maximilianus Emmanuel Elector Bavarie anno 1692 filium Josephum Ferdinandum ex Maria Antonia, filia Leopoldi Cæsaris, & Margarethæ, Caroli II sororis. Hunc hæredem futurum passim ominabantur. Et inclinabant eo Angliæ, Bataviæ, & ipsius etiam Hispaniæ studia: neque alienam se ostendit Francia, modo ne succedat Austria; adversus cujus potentiam rationes regni sui omni ope obfirmandas putabat.

Carolus Rex summam rerum primum matri, dein uxori permiserat. Erant illæ nominis Austriaci studiosissimæ, verum ex Senatu Regio, quem *status consilium* appellant, plerique Proceres Bavaro Principi favebant, Ferdinandus *Portocarrerus* maxime, Cardinalis atque Toletanus Archiepiscopus, Senatus princeps, magnæ vir autoritatis, perpetuis a Regina simulatibus dissidens. Ejus cliens Aquilarius Arragoniæ Præses auditis proterve dicere, neminem probum Hispanum, salva religione, hæreditatem Archiduci adjudicare posse.

Portocar-  
ro.

Wagn.

Frigus inter  
Hisp. &  
Austr.

Et invaluerat a longiori jam tempore frigus aliquod Austriam inter Germanam & Hispanam, quæ rationes suas antea ex integro conjunctas habuerant. Primæ offensionis ansa data, cum Ferdinandus III Monasteriensem cum Gallo pacem, necessitate compulsus, iniit, destituta Hispania, cum Gallis diu adhuc colluctante. Reddidit offensæ vices Philippos IV, dum Theresiam, primo loco natam, Ludovico XIV despondit. Nec omisit Gallia, aulam inter utramque simulatis & dissensionis semina jacere, ut fructus suos inde merat.

Consilia de  
successore.

Mansfeldius equidem Cæsareus orator morum venustate & nativa quadam facundiæ elegantia eam in aula gratiam collegerat, ut

ut frigescentia studia aliquantum calefaceret. Sed hæc ipsa res Procerum æmulationem ita accendit, ut Cæsar eum Viennam revocandum existimarit. Substitutus Lobkovitius, veterana vir prudentia, sed acriore ingenio, quam ut aulæ delicatæ, & in alias partes nimium averfæ, placeret.

Harrachio igitur ardua legationis provincia commissa, qui pro sua prudentia & agendi usu in id incumberet, ut Carolus Archidux scriberetur hæres, de eo in Hispaniam trajiciendo Rex diceret, atque ut militaris res & ærarium, penitus ferme collapsa, restituerentur. Deliberaturum se Rex respondit, nec ante deliberandi, quam vivendi finem fecit, Proceribus nimium quantum obnoxius.

Conatu igitur illo de trajectu Archiducis aulicis Procerum artibus everso, Mediolani interim Præfecturam Cæsar eidem petit, iisdem conditionibus, quibus Alberto & Isabellæ Belgium olim commissum fuerat, proprietatis jure possidendam, donec mutatis rebus in Hispaniam solvat. Responsum a Senatu: Belgium quidem, cum spes adhuc esset, reducendi ad obsequium Batavos, in gratiam Alberti fuisse abdicatum; quod tamen nuper Bavaro, perpetuam gubernationem petenti, sit negatum. Aliam etiam esse Mediolani rationem. Hoc uno comite Hispanas inter se provincias jungi.

Venit interea Madritum Harcurius, orator Franciæ, qui spes Austriæ, alioquin vehementer jactatas, pene evertit. Denunciat præcise status consilio, seu Archidux seu copiæ Cæsareæ Hispaniæ fines attingerent, belli declarationem videri, quo ariete ad expugnandam gentem, belli apparatu vacuum, nihil validius. Auditus etiam interrogare; quid tandem monstri foret, si e Francia Regem peteret Hispania, qualem e Germania duobus ante sæculis petierat? Pro Francia jus militare, quique jus exequan- *Wagn.* tur, centum præ foribus armatorum millia præsto fore.

Harrachius, cum negotium totimplexum difficultatibus, & Reginam Harcurii artibus a se averfam cerneret, Cæsaris venia Madrito discessit, vaticinatus id, quod postea evenit; dormitutam tamdiu Hispaniam, donec se Gallicam videat.

In Anglo-Batavos Europæ oculi erant defixi; nec dubitatum, minime commissuros, ut Francia, tam formidandæ jam potentiæ, tantis incrementis augeatur.

At contra expectationem alia erat gentis utriusque facies. Batavi, mercaturæ suæ incubantes, tetraque belli imagine percussi,



culsi, nec foedere, nec beneficiorum recordatione, nec propriis periculis tangebantur, nec penſi habebant, Auſtriam deſcici; quin Bavarum Regem, minus potentem, rationibus ſuis opportuniorẽ ducebant: a Gallia incurſu interjectu Belgii Hiſpanici ſatis ſe tutos rati.

Guilielmus vero, Rex Angliæ, commutatus eſt adeo, ut, poſtquam diutina ſpe amicum Cæſarem ſuſpenderat, Bavaricas primum, Gallicas poſtremo partes ſit amplexus. Unde factum, ut ſecretum foederis articulum, de evincenda Cæſaris in Hiſpania ſucceſſione, inſtaurare detrectaret, pace Riſvicenſi præcipitata, & legionibus mox miſſione donatis.

Acceſſit Tallardi in Angliam legatio, viri ad miraculum facundi, qui aulicis artibus totum ſe in animum Regis inſudit. Londini nullus erat Orator Hiſpanus, nec Madriti Anglus, u roque ob offenſionem revocato. Auſpergius vero penitus ſerme negligebatur.

Partitionis  
conſilia.

Anno 1699 Rege Guilielmo in Hollandiam digreſſo, in ejus arce Loëniſi a Gallis, Anglis, & Batavis concepta eſt tripartita Hiſpanæ Monarchiæ diviſio, Delphino aſſignata Neapolis, Sicilia, Sardinia, Hetruſci portus, Finarium, cum Cantabria ſeu Biſcaya: Archiduci Mediolanum, Bavaro Principi Hiſpania, cum reliquis provinciis, Regni adminiſtratione interim, dum adoleſceret, Electori attributa.

Summo ſilentio partitionis hujusce tractatus tegebatur initio. At ubi Madritenſi aula innotuit, graves in Hiſpanorum animis, qui omnem diviſionem horrebant, motus excitavit: moxque urgentibus Proceribus, Portocarrero maxime, qui Regem poſſidebat, & Oropesa, ab exilio revocato. Rex teſtamento Joſephum Baviaræ Principem totius Monarchiæ hæredem ſcripſit, reclamante non ſolummodo Juniore Harrachio, qui patri in Legatione Hiſpanica ſucceſſerat, ſed etiam Harcurio, bellum comminante, ſi omnia Bavaro, nihil Franciæ tribueretur. Re ipſa ridebat Gallia, quod hac ratione Cæſarem ab hæreditate excluſum cerneret, & Europæ vires adverſum ſe ipſas committendas ſperaret.

Mors Bava-  
riæ Princ.

Omnia nihilominus ad traſcijiendum in Hiſpaniam Principem Bavarum jam parabantur, perſonante gratulationibus aula Bru-xellenſi, cum triſti morte extinguitur; ( 699 ) ſeptennium necdum egreſſus. Translatio Principis Bruxellas in tam tenera ætate valetudinem vitamque præcipitaſſe creditum.

Inopinatum hoc fatum vario per Europam affectu exceptum. Anglo-Batavicum Hispanis telam suam intercisam dolebant. Summa autem luctus pars ad Electorem Parentem spectabat, qui & filio suavissimo se privatum, & Domum suam tantis accessionibus dejectam videbat.

Austria magno discrimine se defunctam credidit, nec dubitavit, omnium, præter Galliam, nationum oculos in Archiducem convertendos. Verum Guilielmus, Angliæ Rex palam denunciavit Cæsari, Anglos Batavosque Hispaniæ ergo nolle bellum gerere, Franciam contra jus suum haud dubie armis prosecuturam: ac proin fore, ut Galli Hispaniam, cui Cæsar nec classe nec milite possit succurrere, unius æstatis expeditione subigant. Id ne fiat, parendum necessitati, & hæreditatem amice dividendam.

*Wagn.*

Graviter omnino Cæsar eam denuntiationem accepit, necdum Cæsaris consilio. eo desperationis deventum asserens, ut Galliæ armis consentientis Europæ viribus obsisti non possit: sibi quidem constitutum, confecta nunc pace Turcica, legiones veteranas omnes in Italiam & ad Rhenum deducere; Imperii Electores plerosque & circulos in foedus secum ituros. Idem facturos alios Principes & Respublicas, si securitati suæ & Europæ æquilibrio consultum velint; neminem quippe latere, omne incrementum Galliæ cum omnium periculo esse conjunctum. Invisum præterea tantopere Hispanis divisionis nomen, ut totam potius Monarchiam in sinum Galliæ sint conjecturi. Id si contingeret, quid deinceps ad universalem dominatum defuturum?

At incassum hæc omnia. Famosi illi duumviri, Portlandus, Guilielmi Regis Minister primus, & Heinsius, *Pensionarius*, uti appellant, Hollandiæ, seu primus Minister provinciae, & Procurator publicæ rei, ut bellum in præsens devitent, aliam longe rotam versabant. Denuntiant palam Cæsari, Franciæ Regem Navarram, Cantabriam, Neapolin, Siciliam, Sardiniam, Mediolanum, Belgium, Finariensem. & Hetruscos portus deposcere: Hispaniæ Regnum cum America Carolo Archiduci cesserum: curaturos tamen, ut de Belgio, Mediolano, & Navarra alia ineatur conventio. Duram quidem hanc esse partitionem, sed in præsens necessariam. Plus bello pretioso amissuram Austriam, quam amicis pactionibus. Esse Ludovico classem prævalidam, exercitus florentissimos, præstantes Duces, summam belli velut e Sphæræ centro opportunitatem. Lassatos bello, nuper primum finito, Europæ Principes, e quo superior omnibus Ludovicus excefferit.

*Altera par-  
titio.*

*Pars IX.*

*Q*

*Quid*



quid ergo Cæsar seorsim speraret, sine classe, sine sociis navalibus, bello tam diffuso per orbem terrarum, ut ab uno extremo ad alterum trajiciendæ forent legiones?

## §. 3.

*Cæsar Italiam & Belgium respicit. Cur Hispania debilis. Galliæ propositio: tertia partitio. Cæsaris indignatio. Hispaniæ confternatio.*

16.

Wagn.

**T**ristis erat oratio, & deliberatio implexa, de re post homines natos maxima. Frustra opponebantur Domus Austriacæ jura, post obitum Principis Bavari, ut ferebant, non controversa. Frustra jurata fœdera, cum Anglo-Batavis inita, frustra ingestus Articuluss secretus de conservandâ Austriacis Monarchia Hispanica.

Igitur Cæsar, a sociis vix non in Gallica castra transgressis, desertus, statuit, Italia & propioribus Germaniæ provinciis retentis, Hispaniam cum Balearibus Insulis & America minimo Delphini filio, Duci Bituricensi, cedere.

Visum nempe consultius, veteres Austriæ ditiones, quoad fieri posset, cum novis Hispanicis ad mutui auxilii opportunitatem connectere, quam Archiducem in remotas Hispaniæ, miserrime afflictæ, bellis undique obnoxia, atque a Germanæ Austriæ auxiliis penitus abscissæ, oras transmittere.

Hispaniæ  
status.

Neque opulentam admodum esse, nec populis frequentem Hispaniam. Americam equidem auri domicilium vulgo existimari. Sed a Philippi II obitu graviolem ferme, quam utiliolem Regibus fuisse, magna hominum multitudine, militum, nautarum, præfectorum, classium, immani sumptu, e vacua alioquin Hispania eo traducta. Emolumentum præcipuum negotiatione, merciumque permutatione constare. Hos autem fructus, jacente in Hispania pannificio & mechanicis artibus, omnes propemodum negotiosis Europæ nationibus obvenire: ut adeo auri argentique Peruviani pars maxima ad Anglos, Batavos, aliasque quæstuosas gentes deferatur.

Ex tot millionibus, annuatim in Europam advehi solitis, non ultra sexcenta Imperialium millia Regio ærario inferri: duos præterea, quos ex hydrargyro Prorex industrius conficere possit, milliones, ex elocato vero gemmarum piscatu quadringenta imperialium

lium millia, universas esse, quæ Regi obveniant, Americæ opes. De cætero id unum Regi relinqui, quod ejus auspiciis merces importentur alienæ, domesticæ pecuniæ evehantur: eam vero prærogativam millionibus aliquot in classem constare.

Postremis bellis haud arduum fuisse Batavis, Anglis, & Francis inermium provinciarum portus prædiis occupare, sed quæstuosius duxisse, mercatura sua medullam succumque exsugere, quam Hispanis vacuos ferme titulos eripere.

Contra vero utiliore multo Austriæ fore Italiam, idque non Austriæ de- modo propter telluris felicitatem & opulentiam, sed etiam pro- liberatio- pter situm atque viciniam: neque committendum, ut ea unquam, præsertim Insubria, potiatur Gallia: sic enim omnes Austriacas provincias irruptioni fore expositas.

Belgium, bellis perpetuis obnoxium, ab Archiducibus Lotharingo conferri posse, beneficiario jure possidendum. Batavorum dein fore, ut provideant, ne nimis vicini Gallum nanciscantur. Tentandum denique, ut Burgundiæ comitatus ad Imperium pactio- ne reduci possit.

Et hæc quidem erat Cæsarei senatus designatio. Per gra- dus autem ascendendum, & primum Peruvia vel Mexicum offe- rendum: secundo loco Philippinas adjiciendas: si necdum acquiescant Galli, Americam potius totam, quam Italiam cedendam. Neque timendum, duorum capitum unum fore ex Hispania & Gal- lia conflatum Regnum; nam reges non tam sanguine & affinitati- bus quam rationibus, status, regnique, respectus suos metiri.

Hanc ubi propositionem Heinſius accepit, concitato animo opposuit, quanta inde damna Batavorum Respublica esset passu- ra: quamque præonum inde esset Galliæ, omnes nationes Ameri- canis commerciis evertere. Nec minus Portlandus exarsit ad eam de America cedenda mentionem.

Post aliquot dies Rex Guilielmus Aurspergio per Heinſium Galliaepro- renuntiat, Ludovicum Regem eo denique descendisse, ut præter positio- Hispaniam & Americam, ante oblatam, Navarram quoque & Bel- gium Archiduci, Mediolanum vero Lotharingo attribueret, si is Lotharingiam Franciæ cederet. Hos esse ultimos gradus, ultra quos Gallus nec passum progredi, nisi bello victus, certum ha- beat. Eam esse Regis moderationem, ut ex tanto patrimonio nihil sibi præter Neapolin, Siciliam & Hetruscos portus deposcatur; cum, si vellent, armis omnia posset subigere.



Duo insuper Cæsari indigniora visa sunt, quam ut ferri possint: primum, quod Ludovici optioni sit permittum, an portionem suam regno unire velit, an in nepotem transferre; at Archiducis partem Germanicis Austriae provinciis uniri vetuissent: alterum, quod sancirent, ni Cæsar certum intra tempus partitionis modulum acciperet, destinatam Archiduci portionem tertio cuiquam tribuendam, se vero (Anglo-Batavos nempe) Gallis ad suam obtinendam armâ juncturos.

Cæsar, quamvis graviter ferens, se a sociis, quos ab interitu anno 1672 vindicaverat, non modo destitutum, sed comminationibus etiam laceffitum, dolorem nihilominus premens, Siciliam & Neapolim obtulit.

Tertia partitio.

Sed necdum acquiescentes Europæ divisores, 3 Maji 1700 Semestri ante mortem Caroli II partitionis modum absolverunt: præfati, ne post mortem Hispani, atroci bello Europa concutiat, Guilielmum Angliæ Regem ac foederatos Belgii Ordines cum Rege Christianissimo ita convenisse, ut Delphinus ejusque posterum Neapolim, Siciliam, cum aditis Insulis, Hetruriæ portus, Herculeum, S. Stephani, Orbitellum, Plumbinum, Portumlongum, Telamonium, Marchionatum Portumque Finariensem, ex Hispaniæ vero Regno, ac Cantabriæ provincia, Fontarabiam, & S. Sebastiani Fanum obtineret: Lotharingiæ Dux Mediolanum possideat, Delphino vero Lotharingiæ ac Barri Ducatus obtingat, dempto Biscæ comitatu, qui Vaudemontio cedat. Delphinus cæteræ hæreditati renuntiet, eamque Archiduci relinquat. Hos tractatus ni Cæsar ratos habeat, Archiducis portio in tertium quempiam transferatur. Si Cæsar aliquam ex provinciis invadat, Angli Hollandique junctis cum Francia armis vim repellant. Archiduci non liceat, vivo Rege Carolo vel Mediolanum vel in Hispaniam abire. Nulla unquam ætate idem sit Imperator & Rex Hispaniæ: Delphini vicissim portio nunquam cum Galliæ regno coalescat. Harum pactio- num vindices omnes Europæ Principes vocentur.

Wagn.

Fulminis instar Cæsareos perculit hæc partitio, indignissimum ratos, de fundo alieno decretoria sententia statui, illud vero multo indignissimum, Guilielmum cum suis Anglis & Hollandis, tot officiis ac beneficiis cultis, adeo sui fuisse immemorem, ut Galliam, omnibus alioquin formidandam, tantis accessionibus auxerit, atque arma etiam minaretur Cæsari, socio, amico, foederibus juncto, cui, ut coronam Angliæ consequeretur, non parum debuit. At constitutum erat Cæsari, quocumque demum res vergeret, in pacta

pacta, suæ Domui adeo pernitiōsa, nunquam consentire, & potius totam Hispaniæ Monarchiam, quam Mediolanum & Insubriam amittere.

Expectatione suspensus hærebat orbis, quem demum hæc res eventum fortiretur. Verum altiori ex specula prospiciebat Gallus. Non ille partitione ista sua finiebat consilia. Ad totam Monarchiam respexit, satis gnarus, Hispanos, ab omni divisione velut monstro abhorreere, ac proin, ut eam evitent, Regium ex Gallia Principem petituros.

Ita enim vero re ipsa evenit. Æstuantis maris fluctibus agitate naviculæ Hispania faciem induit. Regina Archiduci Carolo, suo ex forore nepoti, quantum poterat, favebat: sed poterat parum, Rege in omnem partem versatili, prout Ministrorum turbo impulerat. Ipsos inter Ministros fatales regno factiones. Qui Reginæ addicti magis videbantur, Admirantes, Oropesa, Perlipæ, variis artibus aula pulli: conjecta in eos culpa seditionis ob annonæ caritatem.

Hispania ipsa misere erat comparata. Spectabantur Pyrenæis ex montibus magni Gallorum exercitus, neque tamen regno toto locus ullus munitus: universus tantæ Monarchiæ exercitus sex milibus hominum constabat, seminudis, famelicis, inermibus: bellica nulla rite armata: plebis egestas ultima, ærarium largitionibus in Procere exhaustum, miserabilis undique rerum facies, in desperationem trahebant omnia.

Ubi vero partitio illa Hispaniæ innotuit, tanto omnes motu sunt concitati, ut dicerent, Marochii se potius Regem evocatu-<sup>Hispaniæ</sup>ros, quam ut eas regni sui sectiones paterentur. Magnates summo-<sup>conternati</sup>pe urebat, quæstuosa illa ac grandia Proregum, Gubernatorum, & Præfectorum nomina, quibus ambitionem & avaritiam saginabant, extingui: opulentas illas Siciliæ, Neapolis, Mediolani, Belgii Præturas penitus eripi, aliasque venas, quibus privatum suum ærarium, in publici boni dispendium, impleverant, exsiccare.

Quapropter, pristinæ suæ amplitudinis, ad utrumque orbis cardinem protensæ, cum alto gemitu memores, communi velut in naufragio, ita animo erant comparati, dicebantque palam, evocandum Galliæ Regis nepotem, ut Monarchiam integram servant; facem his in motibus strenue ventilante Harcurio.



Harrachius equidem legatus percussos erigere, atque ab ea cogitatione avertere omni ope satagebat. At illi: Cæsarem ni classem habeat, Hispaniæ nil profuturum: Germaniam variis respectibus dissectam, septentrionem flammis ardere, Italiam cum Pontifice Gallis favere, Hispaniam ipsam ut fateri necesse sit, infirmiore esse, quam ut armatæ Gallorum potentiæ possit resistere.

## §. 4.

*Decernitur, advocandum Delphini filium: obliſtante Harrachio.  
Testamentum Regis Caroli. Obitus. Austriæ &  
Galliæ jura.*

17. *Petitur Delphini filius.* Igitur Senatu frequentissimo, Rege ipso presente, communibus omnium suffragiis decretum, rogandum Regem Galliæ, alterum ex Delphini filiis, Regis Caroli nepotibus, submittat; dandum potius beneficium. quam perniciem a potente accipiendam. Perſtituram hoc pacto Monarchiam, atque reductis membris, quæ per tot infelicia bella fuerant abscissa, ad veterem Majestatem, orbi adoratam, haud dubie reducendam, invictam hoc glutine deinceps, formidandam, florentemque: novum Principem sine mora advocandum, ut recenti adhuc ætate Hispaniæ moribus imbuatur, nec regnum tamen ante Regis mortem contrectet. Rex Carolus tacitus aſſedit, cum hac ratione de regno suo disponeretur.

Harrachius apud Reginam iſtat, conjugem Regem permoveat, ut generis ſui memor Archiducem heredem ſcribat. Illa armatos ad fores Gallos in excuſationem obtendit: & licet Rex induci ad id ſe pateretur, teſtamento nunquam ſubſcripturos Proceres. Ad hos igitur converſus legatus gravi oratione oſtendit, falli omnino eos, qui ſibi perſuadeant, iis de Gallo Principe advocando conſiliis Monarchiæ diſiſionem vitatum iri: nunquam id permiſſurum Cæsarem; & ſi is permiſſat, totam Europam obſtituram, quæ omnis in unam Borboniorum Domum brevi eſſet abitura, ſi Francia univerſa Hispaniæ Monarchia, tam late per utrumque orbem protenſa, foret potitura.

Dum ita conſiguitur, Rex Carolus in ſupremum morbum delabitur. Conclave Regium obſeptum adeo cuſtodiant Proceres, ſub

sub Portocarreri imperio, ut Harrachius ultimis mensibus nunquam sit nactus Regis alloquendi copiam.

Tertia octobris conficitur testamentum, quo Philippus Dux Andegavensis, alter Delphini filius, eoque sine liberis decedente Carolus Dux Bituricensis, tertius Delphini filius, & si etiam hunc sine liberis mori contingeret, Carolus Archidux universæ Monarchiæ hæres scribitur. Testes subscribere Portocarrerus & Borgias Cardinales, Castiliæ & Arragoniæ Præsides, Medinacælius, Beneventius, & e Grandium Ordine Infantadæ & Sestæ Duces.

Prima deinde Novembris (1700) Carolus II Rex obiit, ætatis 39 Regni 35. Aperitur testamentum, publicatur, magnoque populi applausu excipitur: persuasum omnibus, declinata hoc pacto corporis sectione, unius capitis mutatione negotium absolvi, Gallus sit Rex, an Germanus, haud multum interesse. Bellum quidem in Italia & Belgio futurum a Cæsare, sed Hispania intacta, Gallorum armis brevi dissidandum.

Certatum acriter inter Proceres, quis legationis Gallicæ honorem alteri præriperet. Missis per Interreges mandatis, provinciales Andegavensi fidem jurarunt. Elector Baviaræ Belgium, Vaudemontius Mediolanum, Medinacælius Neapolim tradidit; itaque factum, ut mensis spatio universa Monarchia sub potestatem Galliæ sit redacta. Harcurius ob rem feliciter gestam Dux & Par Franciæ dictus. Harrachius, quod unum supererat, contra testamentum Cæsaris nomine solenni forma excipiens, ne legationis dignitas violaretur, domi se continuit, ac brevi post cum Aurspergio, qui in illo æstu subrogatus illi fuerat, rus abiit, dum reditum Viennam instruerent, dolore, pro jacturæ magnitudine, acerbissimo tacti, quod tot provinciæ, per gradus veluti successive Domui Austriacæ acquisitæ, uno velut ictu concidant: legatione sua Hispana & Anglica, tanta solertia gesta, effectu omni destituta.

Varii dein commentarii de causa tam grandi sunt editi: Galli pro sua successione afferebant: Extincta Caroli V stirpe mascula Hispanicæ Monarchiæ hæreditatem, licet nullum Caroli II testamentum haberetur, ad eum jure sanguinis devolvi, qui eidem Carolo, ultimo possessori, gradu consanguinitatis proximo est conjunctus. Atqui hunc esse Delphinum, ejusdem Caroli ex sorore Theresia Nepotem, ejusque cessione Philippum Andegavensem Ducem, Delphini filium, Caroli II pronepotem. Leopoldum vero Cæsarem, Amitinum Caroli, gradu uno ab hoc esse remotiorem, siquidem (computando gradus ad normam Juris Civilis, in

Testamen-  
tum Caroli.

Obitus.

Executio.

Galliæ jus.



in successioneibus hæreditariis usitatam) Carolum Delphino in tertio gradu esse conjunctum, Leopoldo vero in quarto.

Si etiam lineam ascendentem spectare libeat, Leopoldum Cæsarem & Ludovicum XIV æquali gradu distare a Philippo III Hispaniæ Rege utriusque Avo materno, ea tamen dispari ratione, quod Ludovicus ex Anna, primogenita ejusdem Philippi filia sit genitus, Leopoldus vero ex Maria, secundo genita. Quacunque igitur parte res consideretur, quoad successionem ab intestato Gallos Austriacis jure potiores fore.

Neque obstare, quod Anna & Theresia, dum Franciæ Regibus nuberent, juri suo in Hispaniam renuntiarent; nam, præterquam, quod fœminarum renuntiationes hæreditariæ jure civili sint irritatæ, & eatenus tantum factæ, ne Regnum Franciæ & Hispaniæ in uno capite coalescant, Reginas illas præjudicii nihil potuisse afferre filiis suis aut nepotibus circa jus, a Majoribus & sanguinis cum Hispaniæ Regibus propinquitate, acquisitum. Neque enim Ludovicum Regem matri suæ Annæ in Regno Hispaniæ succedere, nec Delphinum matri suæ Theresiæ, sed cum eæ jam dudum sint mortuæ, proprio ac proximo sanguinis jure Philippo III aut Carolo II.

Hoc jus succedendi ab intestato ut eo certius suum consequeretur effectum, Carolum II etiam testamento, libere & legitime confecto, atque a Proceribus Hispaniæ testibus præsentibus subscripto, Philippum, Andium Ducem, suum ex sorore primogenita pronepotem, totius Monarchiæ hæredem instituisse: neque obligatum ullo ex capite fuisse, alios cognatos ex linea collateralis instituere. Atque hæc quidem a Gallis tunc passim dicebantur ac scribebantur.

Jus Austriacorum.

Contra vero opponebant Austriaci, eam esse Familiæ Austriacæ rationem, ut Austriacus Austriaco succedat, qui nomen, stemma, familiam eandem propaget: neque ad fœminas, aut ex iis descendentes hæreditatem devolvi, dum supersunt mares.

Extincta Caroli V stirpe mascula, superesse e Ferdinando I Caroli Fratrem, lineam alteram Austriacam, eamque masculam. Si Carolus V absque liberis masculis decessisset, successurum haud dubie fuisse Ferdinandum fratrem, ex eodem Patre, Philippo Austriaco, Burgundiæ ac Belgii Principe, & eadem matre Joanna, Hispaniæ hærede, progenitum: hoc jus Ferdinandi in posteros mares præ fœminis fuisse propagatum: Leopoldo proin Cæsari primo,

num, dein Josepho, horumque cessione Carolo Archiduci hæreditatem deberi. Deficientibus vero totius Familiæ maribus, ad fœminas demum, & eos, qui ex eis descendunt, jus devolvi. Hanc esse normam, legem, ordinem, rationem domesticam succedendi in Familia Austriaca; Philippi etiam III & IV testamentis confirmatam.

Si proin testamentum aliquod a Carolo, sui compote, libere profectum sit, vacuum irritumque esse: neque enim a Carolo ordinem succedendi, a Majoribus constitutum, contra supremam patris avique voluntatem, potuisse convelli. Neque causam finemque Borbonicæ institutionis, in eo allegatum, ne regna coalescant, subsistere.

Non enim Annam, Ludovici XIV matrem, & Theresiam Conjugem, solennibus tabulis juri in Hispaniam renuntiassæ eo duntaxat sine, quem Carolus in testamento assignat, ne Franciæ Hispaniæque regnum in unum coalescant, verum ut Hispanas inter fœminas Francicasque juris æqualitas foret, atque, ut hæ Salica, ita illæ celeberrima abdicationis lege cum suis posteris abstinerent regno. Si igitur jus succedendi post mortem Caroli ad descendentes ex fœminis Hispanicis fuisset devolutum, eo etiam ex capite Leopoldum Cæsarem hæredem fore, utpote Maria, Philippi III filia, quæ sola nunquam renuntiavit, progenitum. Theresiæ vero solennem renuntiationem etiam per publicas Pacis Pyrenææ tabulas fuisse confirmatam, atque per testamentum Philippi IV ita stabilitam, ut nullum superesse possit dubium.

Quod autem speciatim ad Belgicas Burgundici circuli provincias, & Infubres spectat, ceu feuda Imperii ab Austriacis Archiducibus fuisse possessas: ad feudorum autem rationem pertinere, ut extincta seniore linea mascula, ad juniorem transeant, prout omnium Imperii feudorum exempla demonstrent. Atque idcirco nullatenus fuisse in potestate Caroli II contrariam dispositionem facere.

Eandem Neapolitani Regni esse conditionem, quod a Pontificibus, Dominis directis, ab omni memoria maribus præ fœminis collatum sit. Hæc pro utraque certantium parte dicta scripraque recensere duntaxat pro Historica eruditione visum est. Neque enim meum est, de Magnorum Principum juribus quidquam decernere,

*Magn.*





C A P U T III  
DE  
STATU LUSITANIÆ  
SÆCULO XVII.

SUMMARIUM.

*Personatus Sebastianus ab Hispanis captus. Postquam Lusitania ab anno 1580 usque 1640 Hispaniæ fuerat conjuncta, Regem sibi proprium assumpsit Ducem Bragantinum Joannem IV, inito fœdere cum Gallia & Hollandia. Bellum. Joanni successit Alphonsus filius. Sed hoc dejecto, successus ejus frater Petrus, ad regendum aptior. Pax cum Hispania.*

18.

Personatus  
Sebastianus.

**A**nno 1601 plus rumoris, quam veri periculi excitavit personatus quidam & phantasticus Sebastianus, qui Sebastianum Regem Lusitaniæ, in bello, anno 1578 adversus Afros suscepto, amissum se mentiebatur. Fabulam ita adornavit, ut non pauci verum Sebastianum crederent, viris quibusdam Religiosis ore & calamo illum defendentibus.

Fata is sua & itinera, imo & arcana quædam coram Senatu Veneto ita concinne narrabat, ut de veritate dubitaretur: inventu tamen Oratoris Hispani carceri traditus, ac postea ex terris Reipublicæ proscriptus, Florentiæ ab Hispanis interceptus, indeque Neapolim ductus, per sententiam ad triremes condemnatus est. Creditum quibusdam, fuisse Calabrum, a natione quadam subornatum.

Hispanis  
ejectis.

Historia Lusitana cum Hispana 60 annorum spatio, ab anno videlicet 1580 ad 1640, quibus utrumque regnum fuit conjunctum,

atque, est connexa. At vero anno 1640 ingens facta est mutatio, dum Lusitania, abdicata Hispania, novum sibi Regem ex Bragantina Regia Familia sibi delegit.

Quidam Proceres Lusitani Olyssipone, occupato Regio palatio, occiderunt *Vasconcellum*, Lusitanum quidem genere, sed quem affectu nimis Hispanum esse crediderant, & cum eo alios quosdam Ministros Regis Catholici, Regemque proclamarunt Bragantinum Ducem, sub nomine *Joannis IV*, simulque adegerunt Pro-reginam Principem Mantuanam, ut subscriberet Decreto, quo arcis Praefectus jubebatur eum tradere. Missi illico cursores in omnes provincias, qui novum Regem promulgarent, cum mandato, ut omnes Hispani comprehenderentur.

Dux Bragantinus Rex.

Nunquam revolutio aliqua fuit tam prompta & expedita. Omnes civitates, non minus novi quam antiqui orbis, sub obedientiam novi Regis concesserunt, sola Septa seu Ceuta excepta, quae Hispanum habebat Gubernatorem.

Comes Olivarius, veritus, ne Rex Hispaniae Philippus IV pro magnitudine damni contristaretur, eidem gratulatus dicitur, quod justam causam habeat, omnia bona Domus Bragantinae, quae tertiam ferme Lusitaniae partem complecterentur, Camerae suae uniendi. Sed artes hae fuere Ministri, qui nihil magis metuebat, quam ne sinistri quidpiam ad Regem optimum, sed placidae & quietae vitae acquiescentem, deferretur.

Quidam scribunt, Richelium hujus immensae machinae primum fuisse motorem: quod Galli tamen scriptores negant. Hoc certum, Galliam, cum Hispania tunc bello implicitam, illico, foedere cum novo Rege inito, consiliis & armis eidem succurrisse, nihilque magis optasse, quam ut vasta Domus Austriae potentia minueretur.

Foedus cum Gallia.

Foedere autem illo conventum, ut pars utraque terra marique contra Hispanos bellum gerat: Gallia 20 naves conjungat 20 Lusitanis, bene armatis: Hollandi associantur, qui pariter 20 bellicas addant, ad invadendas naves Hispanas ex India venientes, & terras Regis Castellani: Gallus praestet combinatae classi. Si Gallia pacem cum Hispano sit initura, reservabit sibi jus assistendi Portugalliae, si idem reliqui foederati sint facturi.

Hollandi, qui adhuc bello cum Hispania erant impliciti, non dubitarunt, huic foederi accedere, ea conditione, ut manerent in possessione eorum, quae in utraque India occupassent. Occuparunt autem durante bello cum Hispanis loca plurima, quae ad Lu-

Et Hollandia.



sitaniam spectaverant. Et hæc inter alias Lusitanorum erat querela, sibi propter conjunctionem cum Hispania tam multa esse amittenda.

Detecta, interceptis litteris, conspiratio adversus novum Regem, Archiepiscopus Bragenfis, & Inquisitionis Præses ad perpetuos carceres sunt condemnati, reliqui complices ad mortem.

Interea autem Lusitania libertatem suam fortiter defendit, & anno 1644 cum Francia fœdus renovavit, vehementer instans, ne pax cum Hispanis fieret, cui Rex Lusitaniæ non esset inclusus. At Mazzarinus, Richelii insistentis principiis, ne omnis paci via occludatur, id promittere noluit, id unum spondens, curaturam Galliam, quantum posset, ut, si paci futuræ Lusitania includi non posset, libertatem sibi reservet eidem assistendi. Cui sponsioni adquiescere tunc debuit Portugallia.

*Pafforellus  
de bello Lusit.*

Sub idem tempus Albuquerqueius, Lusitanorum Ductor, Hispanos acie vicit, cæsis eorum 3000. Quidam scriptor Lusitanos cæsos narrat plures.

Anno 1656 obiit Joannes IV primus ex linea Bragantina Rex Lusitaniæ, æt. 52, regni 16. Successit filius *Alphonfus* VI, qui, Hispanorum armis alio distractis, Hollandos Brasilia expulit, belli denuntiationem passus propterea, naviumque direptionem in facie Olyssiponis, civitatis Regiæ.

*Bellum.*

Anno 1658 Lusitani Pacem Augustam obsederunt, sed imminente Hispano obsidionem solverunt. Anno vero sequente Hispani ab obsidione Elvæ depulsi sunt.

*Pax cum  
Holl.*

Ut autem Hispanis validius resisterent, anno 1661 pacem cum Batavis Hagæ inierunt. Brasilia potissimum fuerat belli causa, in qua, sicut in India Orientali, dum Hispanis adhuc parerent, varia loca Hollandi occupaverant, quæ Lusitani, Regem e Bragantina Familia nacti, repetebant. Cessere Batavi Brasiliam ea lege, ut negotiari & commercari sibi liceat in omnibus, quæ ad Portugalliam spectant, provinciis.

Joanni Regi, quod dixi, successit filius primo loco natus *Alphonfus*, sub tutela matris de Medina Sidonia. At ille vita degeneri, matre fidelibusque Ministris aula motis, sibi similes assumpsit. Bellum nihilominus cum Hispanis per Villastorium strenue gestum. Amissa Ebora, receptaque, acie victo Joanne Austriaco (anno 1663) anno vero sequenti Valentiam & Alcantaram expugnarunt Lusitani. Anno 1665 Victoria plena ad Villamvitiosam firmavit coronam Lusitaniæ. Galli, non obstante pace Pyrenæa,

renæa, non parum ad eam contulerunt, nescii videlicet, quid post 40 annos futurum esset. Mortuo eodem anno Philippo IV Hispaniæ Rege, ex omni parte jam mutilatæ, infirmitas Caroli II Lusitaniæ Regem securum reddidit.

Tantæ victoriæ nequaquam tribuebantur Alphonso Regi, & sui, & regni, & thori impotenti, sed ejus Ducibus, subsidiiis Gallicis adjutis.

Anno 1667 magnam mutationem subiit aula Lusitana. Alphonfus propter regnandi imperitiam throno privatus, in Camera sua comprehensus, & in Insulam Terceram abductus est, regnumque delatum fratri ejus juniore Petro, præstanti virtute Principi, qui tamen ad annum usque 1683, quo Alphonfus obiit, *Regentis* tantummodo titulo regnum administravit. Maria Nemorosa, Sabaudicæ stirpis Princeps, in Gallia educata, quo Majores ejus jam tempore Francisci I concesserunt, superiore anno Alphonso desponsata, matrimonio ob impotentiam Alphonfi declarato irritum, nupsit Petro ejus fratri, Pontifice in impedimento publicæ honestatis dispensante.

Alphonfus  
dejectus.

Petrus Rex.

Anno 1668 Hispania coacta est cum Lusitania pacem componere, atque coronam Portugalliæ ab Hispana independentem agnoscere; Pax cum ablatis utrinque restitutis, solaque Septa in Africa, quæ ad Regnum Hispaniæ pertinerat, apud Hispanos remanente.

Anno 1683 obiit Alphonfus, ætatis 40, postquam throno fuerat dejectus, in Insulam Terceram fuit deportatus, sed anno 1675, cum suspicio esset orta, eo in loco consilia cudi reducendi illum ad regnum, inde retractus, reliquum ætatis in Cintrensi castro captivus egit. Tanta autem fuerat ejus, dum regnaret, vitæ dissolutio, ut vix esset, qui fatum ejus lugeret. Petrus autem post mortem fratris, posito Regentis nomine, se Regem dixit, toti Nationi acceptissimus.







## CAPUT IV.

DE

STATU BELGII  
SÆCULO XVII.

## ARTICULUS I.

*Status Belgii sub Alberto & Isabella: atque Mauri-  
tio Auriaco.*

*Obsidio ostendama. Spinolæ fortitudo. Induciae. Mauritii Arau-  
sacani obitus: & Alberti Archiducis. Batavorum societas  
Indica. Mutuae clades. Obitus Isabella.*

19.

Postquam Albertus, Rudolphi II Cæsaris frater, Isabellam, Philippi II Hispaniarum Regis filiam, connubiali fœdere sibi conjunxerat, Belgium communi opera gubernandum acceperunt. Et primam quidem expeditionem cum ad expugnandam *Ostendam* convertissent, anno 1601 exercitus eidem fuit ad-  
motus.

Offendana  
obsidio.

Cum Batavis ex parte alluentis Oceani accessus prohiberi non posset, atque recentibus identidem subsidiis præsidium augeretur, pertinax omnino & sanguinolenta fuit oppugnatio, ad triennium omnino producta. Et primo quidem anno Albertus, assultu tentato, cum strage 800 militum fuit rejectus. Alter annus variis operibus, ad includendam arctius urbem, faciendamque opportunius impressionem fuit consumptus.

Tertius demum annus maxime cruentus, & Batavis tandem fatalis fuit. Et primo quidem gemina irruptio incassum fuit tenta-  
tata.

tata. Commissum etiam navale prælium, quo Fridericus Spinola Archithalassus Hispanorum (Ambrosii frater) interit; oblecti vero, eruptione facta, gravi cum suorum jactura sunt rejecti.

Advenit interea in castra Ambrosius Spinola, qui tandem anno 1604 urbem expugnavit: præsidio, quod adhuc 4300 armatis constabat, libere abire permissio. Dicuntur in ea obsidione quinquaginta Hispanorum millia occubuisse, & vel uno mense totidem globorum millia majoribus ex tormentis fuisse explosa: plures milliones expensi. O! quanto facilius minorique impendio cœlestis Jerosolyma expugnaretur!

Inter hæc autem, dum Hispani tota vi Ostendæ incubuerant, Batavi Gravia, Slusa, & Rhinberga erepta damnum compensarunt. Spinola vero Grollam & Rhinbergam anno 1606 Mauritio eripuit. Pactus dein Albertus anno 1607 octo mensium inducias cum Batavis, sed in pacem conveniri non poterat, quod isti ab Indiis, in quibus profundas jam radices egerant, nollent decedere.

Anno tamen 1609 ad 12 annos prorogatae sunt induciæ, quibus Batavi quæstuosis navigationibus, muniendis urbibus, comparando apparatu, alacrius quam Hispani usi sunt, ad id, quod supererat belli, strenue gerendum. Sed neque induciæ tam sancte servabantur, ut non Hispani Duci Neoburgico, Batavi Brandenburgico Electori in causa Juliacensi auxilia ferentes, inter se colliderentur. Quantæ vero hoc induciarum tempore in Hollandia inter Calvinistas religionis dissidia ac turbæ sint exortæ, postea, ubi de statu Ecclesiastico, referetur.

Anno 1621 elapso induciarum tempore, Hispani, Slusa frustra tentata, Juliacum Batavis extorquent, frustra Mauritio Arausico jam Principe ad solvendam obsidionem accurrente. Idem fatum subire coactus est ad Bredam, dum præpollente Spinolæ virtute & arte militari, bis obsidionem solvere nequicquam conatus est.

Unde etiam creditur tædio obiisse, dum videret Spinolam se assequi non posse, & fortunam suam in deterius labi. Natus fuit Dillenburgi, Nassaviæ gentis suæ Domo, ex Wilhelmo Nassovio, Principe Arausico, Bataviæ defectionis auctore. Post mortem fratris Philippi, qui Catholicam Religionem fuerat amplexus, anno 1618 factus est Princeps Arausicus. Cum autem nullos legitimos liberos relinqueret, Henricus frater in Principatu & Præfectura Belgii foederati illi successit, anno 1625.

Mauritius  
Nass. obiit.

Fuit



Fuit Mauritius 40 annis supremus Batavæ militiæ præfectus, inter clarissimos belli Duces numerandus: major fortasse futurus, nisi in Spinolam incidisset, a quo sibi discendum non diffitebatur. Bellum etiam gessit cum propriis suis Prædicantibus, a quibus vitæ ejus insidias fuisse structas, sparsum scriptumque fuit. Certe Adolphus Brachelius in *Hist. univers. lib. 2 ad ann. 1623* testatur, ab Arminianis concionatoribus gravem in Mauritium & Ordines conjunctionem factam fuisse atque detectam, comprehensis quibusdam, atque supremo supplicio affectis, qui noxæ participes habebantur, sed de hoc infra.

Et Albertus  
Archidux.

Mauritium Antagonistam suum in alteram vitam anteceffit *Albertus* Archidux, Maximiliani II Cæsaris quintus filius: anno 1559 natus ex Maria Caroli V filia. Sub disciplina Busbequii educatus, anno 1570 ad avunculum Philippum II in Hispaniam missus Cardinalis, Archiepiscopus Toletanus, Lusitanæ Prorox, ac demum 1595 Belgii Governator renuntiatus, anno 1598 abdicatis Ecclesiasticis Dignitatibus, nuptias contraxit cum Isabella, Philippi II filia, accepto in dotem Belgio, non tantum a Batavis sed etiam Hispanis militibus, ob defectum stipendiorum tumultuantibus, afflicto. Anno 1621 ætatis 62 defunctus magnum apud Belgas sui desiderium reliquit.

Constituta hoc tempore a Batavis mercatorum societas, in Indias negotiantium, quæ, magnis fulta ab Ordinibus privilegiis, ingentibus opibus est aucta. Proscripta tunc, hac mercatorum societate stabilita, Societas Jesu ex omnibus Batavorum ditionibus. Idem aliis Religiosorum Familiis contigit.

Batavorum  
Societas In-  
dica.

At non solus Ordo Ecclesiasticus ab juratis his Religionis avitæ hostibus perebatur, sed societas illa Batavorum Indica, cum totum Oceanum oberraret, gravissima mercatoribus Lusitanis damna intulit. Quare Philippus IV (defuncto nuper parente) collectis, quot poterat, Dunkerca, Ostenda, Neoporto, & Hispania navibus, classem opponere coactus, terrestres expeditiones in maritimas convertit.

Et primo quidem 32 naves Batavæ, ex Adriatico redeuntes, aut captæ sunt aut depressæ. Mansfoldii collectitia prædonum manus, in Belgium irrumpens, a Gonzale Corduba concisa aut dissipata.

Contra vero Batavi classem Hispanam ad Limam Peruvix urbem vicerunt: & in Brasilia urbem S. Salvatoris expilarunt, capto Prorege cum filio, Episcopo, aliisque primoribus, ceu spo-

liis

illis in Trophæum erigendis, in Hollandiam missis. At mox Fridericus Toletanus, cum classe superveniens, ostantibus urbem eripuit.

Sub idem tempus Ferdinandus Cæsar, misso ad Hollandos legato, ab iis petiit, ut præsidia ex Imperii urbibus ad Rhenum Inferiorem deducerent; Mathiæ Archiduci promissam pecuniam solverent, atque adversus Turcam, communem Christiani nominis hostem, aliquid contribuerent. Quod si facerent, intercessurum se apud Regem Hispaniæ, ut pax sanciat. Responsum satis superbe, urbes Imperii ad fines tuendos a se detineri: Mathiam non esse amplius Belgii Gubernatorem: quo minus contra Turcam conferant, propriis se impensis impediri: nullum se jus Regis Hispaniæ in suas provincias, ac libertatem, justo bello partam, agnoscere, eamque contra quemcunque defensores.

Quin imo per legatum suum pacem nuper conclusam turbare conati sunt inter Ferdinandum Cæsarem & Sultanum. Quod, cum non obtinerent, Jesuitis, Græcia expellendis, omnibus viribus incumbabant; sed prævaluit Christianissimi Regis gratia, qua malignos conatus everit.

Anno 1629 reversum rursus a maritimis expeditionibus ad terrestres. Favit autem fortuna Batavis; nam Dufcoducum (*Sylvam Ducis*) in Brabantia finibus, & Vesaliam in Clivensi Ducatu obtinuerunt: anno sequenti vero Pernambucum, Brasiliæ munitissimum propugnaculum; non multo post Rhenobergam, Colonienfis ad Rhenum munimentum, Venloam, Ruremundam, Trajectum. Et, quod miserrimum, cum captis urbibus capta etiam Religio: Sueco vires Hispanas distrahente, & Henrico Arausicano occasione magis strenue quam pie utente.

Liberata est anno 1633 ex procellosis mundi fluctibus & ad Obiit Isabella. portum quietis transit Isabella Clara Eugenia, Philippi II Hispaniarum Regis potentissimi filia, Archiducis Alberti conjux lectissima, per 30 & ultra annos Belgii Gubernatrix pientissima: mulier vere fortis, quæ inter mundi hujus, semper variantis, inquieti semper, dextrum oculum semper sursum elevavit, virtutum omnium idea absolutissima. Mirum, quod tanta Principum clementia rebellionem non flexerit. Sed illa erat generis calviniani. Nata fuit Isabella anno 1566, mundo præluxit 67 annis. Belgium & Burgundia ad Regem Hispaniæ sunt revoluta, thoro Alberti & Isbellæ sterili.



## ARTICULUS II.

*Status Belgii sub Ferdinando Cardinale, & Henrico Auriaco.*

20.

*Galli in Belgium. Referunt ab Hispanis victoriam Aveniacam. Junguntur Batavis. Alternant victoriae & clades. Obitus Ferdinandi Cardinalis. Succedit Melo felici quidem initio, sed non constanti. Domus Auriaca. Consilia de pace.*

Ferd.  
Gub.

**M**ortua Isabella missus in Belgium Gubernator *Ferdinandus*, Philippi IV frater, S. R. E. Cardinalis & Archiepiscopus Tolentanus, 26 tunc annorum juvenis, sed animi magnitudine aetatem supplente. Is cum novo exercitu iter per Germaniam instituens, anno 1634 pars magna fuit victoriae Nordlinganae. Tum vero abstracto secum Trevirensi in Belgium, Praefecturam est auspiciatus. (anno 1635)

In difficillima autem incidit tempora, quibus non tantum cum Batavis, sed Gallo etiam, novo hoste, eoque potentissimo, erat dimicandum. Unde mirum non est, plures urbes ab unitis istis viribus fuisse occupatas, cum Hispanum robur distractum non ubique praesens esse posset. Mirum potius, quod Ferdinandus Gubernator, qui copias tantis terrarum spatiis ex Hispania & Italia accersire debebat, & quidem, maribus infestis, terrestri itinere, non plus amiserit. Inspiciamus obiter ephemerides.

Hollandis  
accedunt  
Galli.

Pugna Aveniaca.

Anno 1635 Gallus abducto Trevirensi irritatus, bellum intulit Belgio, Castillionæo & Brezæo Ducibus: cum autem Thomas Princeps Sabaudiae conjunctionem Gallorum cum Batavis impedire niteretur, in Brabantia praelio *Aveinensi* victus est. 4000 Hispanorum caesis, 500 captis, apparatu bellico & impedimentis amissis. Praemium victoriae fuit Tillemontium, optandum Hispanis; nam conflatus ex Gallis & Batavis exercitus ingens, licentia ita diffuxit, ut nemini amplius esset terrori.

Schenckianam arcem munitissimam (quam videlicet Schenckius, nobilis Gelder, superiori saeculo ad Rheni divortium construxerat) Hispani Geldriae praesidarii noctu clam, applicatis scallis, interceperunt, caesis Batavis, qui se opponere audebant.

Doluit

Doluit vehementer confederatis tanti repaguli jactura; unde anno sequenti multo illud sanguine redemerunt. Hispani vero in Galliam irruentes, totam propemodum Picardiam occuparunt, terrore Lutetiam usque sparso: Henrico Condæo autem a Dolæ, permunitæ ad Dubim urbis, oppugnatione ab ipsis Burgundis depulso.

Infelicior Hispanis fuit annus 1637; nam Batavi *Bredam* in *Breda* Brabantia expugnarunt, *Spinolæ* trophæum. Cautum Religioni. *capta*. Sed aliud eis promittere, aliud promissum implere. Quid expectes ob iis, qui fidem DEO negarunt? Hispani quidem interea, cum obsidionem solvere non possent, *Venlonas* & *Ruremundam* in Geldria occuparunt. Sed unum plus erat, quam duo. Adhæc, ut Batavi commercium (animam suam) per omnes mundi partes propagarent, Minam in Africa, insigne Guineæ munimentum, Hispanis eripuerunt.

Nec minor perniciēs a Gallis, qui *Ivodium* & *Damvillerium* ad Lotharingæ fines, & *Landresium*, fortissimum in Hannonia munimentum, ductoribus *Valeta* Cardinale, & *Candala*, *Esperonij* Ducis filiis, decerpserunt.

Felicior Hispanis fuit annus 1638; nam & Geldriæ obsidium cum memorabilibus Batavorum clade solverunt, & *Colloum*, reportata insigni a Batavis prope Antverpiam victoria, receperunt. Gallosque ab *Audomaro*, non exigua, nobilium maxime, clade, a Principe *Thoma*, & *Piccolomineo* illata.

Annus 1639 inter victorias cladesque divisus. *Milleræus* Gal- *Milleræus*. lus, ille sæculi hujus *Polioretus*, machinarum magister incomparabilis, *Hesdinum*, firmissimum in *Attrebat* locum, subjugavit. Contra vero Galli a *Thionvillæ* obsidione non exigua cum strage sunt repulsi. De Batavis nihil lego, quod hoc anno in Europa præstiterint, nisi præparaciones ad futura incrementa. In India autem geminam per *Trompium* *Archithalassum* de Hispana classe retulerunt victoriam.

Anno 1640 Galli obtinuerunt *Atrebatum*, *Artesia* caput, urbem inter præcipua Belgii munimenta numerandam. Non ita feliciter Batavis cecidit alea; nam iterato in Geldriam urbem imperu fracto inglorii recesserunt. Ingens autem hoc anno non tantum Hispaniæ, sed Belgio quoque vulnus inflictum defectione *Lusitanæ* & *Cataloniæ*, quia minora propter istos novos hostes subsidia in Belgium mitti poterant. Cum *Joanne IV* *Lusitanæ* Rege a Gallis & Batavis mox in foedus itum decennale.



Obit Ferd.  
Archid.

Annus 1641 geminam Belgio intulit jacturam, & Ariæ, urbis in Artesia fortissimæ, a Gallis abstractæ, & Ferdinandi Cardinalis, Belgii Gubernatoris. Obiit florenti ætate, septimo Belgicæ administrationis anno, vitæ 32, Princeps Austriaca pietate, non in morte duntaxat, sed & in vita sæpius experientia edoctus, quod non habeamus hic manentem civitatem.

Succedit  
Melo.

Successorem in Belgica Præfectura nactus est Franciscum Melo, Lusitanum ex Domo Bragantina, Fereyræ Marchionem, qui antea Prorex erat utriusque Siciliæ, & Mediolani Gubernator. Auspicatus adversus tantos hostes feliciter militare imperium anno 1662, redactis in potestatem Lendio & Bassæa, in Picardiam irrupit, atque ad Castelletum prope fontes Scaldis insignem de Gallis victoriam reportavit, captis duobus eorum millibus, & totidem ferme in acie cæsis. Ne victoriæ fructus carperet, obstiterunt ex altera parte Batavi, quibus obvium erat, ne, dum profundius in alienam se regionem immitteret, propriam perderet. Imminebant insuper ad Mosam Venarienses. Arduum proin opus, exercitum non magnum tribus exercitibus in tribus locis opponere.

Belgii  
ruinæ.

Unde anno sequenti 1643 adversam Melo fortunam habuit; quippe, dum Rocroyum seu Regiam Rupem, Campaniæ in finibus Belgii urbem, obsidet, Condæus cum copiis fessis irruens non modicam passus est cladem. At refectis cibo somnoque militibus, altera die aggressionem repetens, plena potitus est victoria, cujus præmium fuere Rocroyi liberatio, & Thionvillæ, munimenti in agro Luxemburgico fortissimi, expugnatio.

Nec Batavis fortuna defuit, dum Cantelmum Ducem Hispanum haud præcul Antverpia acie vicerunt. Fructus utrinque in annos etiam sequentes se exporrexerunt, quibus Batavi Aggeres Gandavenses & Hulstium, prævalidas Flandriæ urbes, Galli vero Gravelingam ceperunt.

Hanc urbem inter & Dunkercam in eadem Flandria situm est Mardicum, munita olim ad mare civitas. Hoc anno 1646 velut alea lusum, Gallis primus favit jactus, alter Hispanis, tertius iterum Gallis; quibus insuper accessit Cortracum, Vinoberga, & quæ est plurium instar, Dunkerca, Condæi trophæum. Portum obsidebant navibus Batavi, ne subsidia intromitti possent. Sed felicior eis fuit hæc expeditio aliena quam propria, quam adversus Venlonam in Geldria susceperunt; nam irritum conatu ab oppugnatione recedere coacti sunt.

Anno 1647 utrumque Belgium, Hispanicum & Fœderatum acceperunt novos Gubernatores; illud quidem *Leopoldum Wil-* Leop. Gub.  
helmum Archiducem, Ferdinandi III Cæsaris fratrem, plurimum  
Ecclesiarum Præfulem, adversus Suecos antea copiarum supremum  
Ductorem, hoc vero Wilhelmum II Nassovium, Principem *Arau-*  
*sicanum*, (alii *Auriacum* aut *Orangium*, vel *Oraniensem* appellant, Et Wih.  
ab Arausicano nempe in Gallia Principatu, quem Gens Nassovia Nass.  
hæreditario jure possidebat.) Successit autem Wilhelmus Henri-  
co patri, anno isto defuncto. Fuit is Wilhelmi I Reipublicæ fœ-  
deratæ velut fundatoris filius, frater Mauricii, post cujus mor-  
tem administrationem nimis strenue contra Hispanos gessit.

Liberos, præter Wilhelmum II, reliquit 1 Ludovicam, quam Auriaca Do-  
Electori Brandenburgico despondit. Unde postea magna cum Nas- mus.  
siovis de hæreditate Arausicana contentio: 2 Albertina nupta fuit  
Principi Nassovio - Dietio. Unde liberi ex hoc matrimonio descen-  
dentes ab Ordinibus Batavis ad tantam potestatem evecti.

Porro Wilhelmus II non ultra tres annos Gubernatoris munus  
gessit, ab anno videlicet 1647 ad 1650, quo obiit. Reliquit autem  
filium posthumum ex Maria, Caroli I Angliæ Regis filia, Wilhel-  
mum III, qui ducta Maria, Jacobi II Regis Angliæ pariter filia, ad  
thronum magnæ Britanniæ fuit vocatus.

Respiciebant autem tam Hispani quam Batavi ad pacem; illi  
quidem, quia infirmiores se videbant, quam ut Gallis simul Bata-  
visque resisterent; ne igitur porro quot annis alias aliasque urbes amitterent,  
pacem cum Batavis, quamvis duram, ineundam potius  
ducebant, quam omnia perdere, satis hostium in Gallis & Lusita-  
nis sibi superfuturum sapienter existimantes. Nec Batavis, 70 an-  
norum bello fessis, pax displicebat, maxime, cum potentem Rem-  
publicam jam constituisent, & Gallum nollent ultra in Belgio  
progredi, socium jam tunc magis timentes, quam hostem; hinc  
fœdere, cum eo inito, deserto, anno 1648 Monasterii in West-  
phalia in sequentes articulos convenerunt.



## ARTICULUS III.

*Pax Monasteriensis Hispano - Belgica**anni 1648.*

21.

**R**ex Hispaniarum Præpotentes Ordines Generales unitarum provinciarum cum earum ditionibus liberos, ac Dominos supremos, cum abdicatione omnis in eos juris agnoscit.

2 Pax sit firma, fidelis; cessetque omnis hostilitas terra marique.

3 Relinquuntur utrique parti, quæ actu possidet.

4 Subditi & incolæ utrinque fruuntur amnestia, colantque amicitiam & inter se libera commercia.

5 Navigatio & commercia in utraque India conserventur conformiter privilegiis, utrinque datis, uti etiam in oris maritimis Asiæ, Africæ & Americæ Hispani continent suas navigationes in India Orientali, tali modo, quo adhuc habent & utuntur, ita, ut ulterius eas non extendant: sicut vice versa incolæ unitarum provinciarum abstineant a frequentatione locorum Castilianorum in India Orientali.

6 In India Occidentali alter alterius portus navigatione & commerciis non subeat.

7 Pax in India Orientali incipiat post annum tenere: in Occidentali vero primum post medium annum, secundum limites, Societati Orientali & Occidentali præscriptos.

8 Subditi, in alterutrius terris commercia exercentes, non teneantur plus impositionis solvere, quam proprii respective subditi.

9 Extra limites suos pro mercibus transeuntibus nihil exigant.

10 Pars utraque in terris alterius fruatur a teloniis libertate antiqua, cujus in possessione pacata fuit ante belli initium.

11 Neutra pars alterius commercia aut negotiationes in terris suis impediatur.

12 Rex tolli curret telonia ad Rhenum & Mosam, quæ ante bellum fuerant in provinciis Batavicis: uti etiam telonium zelandicum.

13 Pro sale, in alterius terras illato, non plus exigatur, quam a propriis subditis.

14 Scaldis, Canales Sassiæ, Swynda, aliique cum mari communicantes, ex parte Ordinum clausi teneantur.

15 Naves & bona omnia e Flandria venientia æqualibus respectu omnium exactionibus onerentur.

16 Civitates Hanſeaticæ quoad navigationes & commercia in terris Hispanicis fruuntur omnibus juribus, in hoc tractatu contentis, atque Unitis Provinciis concessis. Et vicissim istæ fruuntur privilegiis illarum.

17 Subditi Ordinum in terris Regis gaudeant iisdem juribus, quæ sunt concessa Angliæ incolis.

18 Rex honesta designet loca, in quibus sepeliantur Batavi, in ipsius terris mortui.

19 Intuitu exercitii Religionis utrinque subditi modeste se gerant in terris alterius.

20 Naves, merces &c. non arrestentur, nisi via iustitiæ exigat.

21 Instituat<sup>r</sup> *Camera bipartita* Judicum ex utraque parte, qui per vices alternas modo in unius, modo alterius terra resideant, & utriusque gentis inter se lites summarie & de plano cognoscant.

22 Sententiæ, contra personas, non defensas latæ, non dentur executioni.

23 Non sit licitum, cum bellicis navibus & militibus tanto numero, qui suspicionem movere possent, in alterius portus aut stationes intrare, nisi tempestas, vel alia necessitas ad evitanda pericula maris ad id cogat.

24 Bona, belli causa arrestata, aut fisco addicta, restituantur dominis suis aut eorum hæredibus, habeantque isti jus, propria auctoritate possessionem eorum adeundi, non obstantibus quibuscunque transactionibus & renuntiationibus.

25 Quod etiam locum habeat ad commodum hæredum defuncti Principis Wilhelmi Auriaci, etiam quoad jura in Salinis comitatus Burgundici.

26 Comprehendantur insuper bona & jura, in comitatu Burgundico & Charolesio sita: & quidquid juxta tractatum anni 1609 necdum est restitutum, id omne proprietariis, aut eorum hæredibus, vel actionem habentibus restituatur.

27 Item bona & jura, quæ post exitum treugæ duodecennalis per sententiam magni consilii Mechliniensis in præjudicium fisci Comiti Joanni Nassovio sunt adjudicata.

28 Princeps Auriacus adeat possessionem castelli Bellini, non obstante lite, dudum pendente, sublati omnibus actionibus.



29 Si alicubi ratione restitutionis difficultas moveretur, iudex loci ocus curabit, ut sortiatur effectum, brevissimam viam amplectendo.

30 Batavis in ditionibus Regis licitum sit, uti advocatis, procuratoribus, notariis, sollicitatoribus, & executoribus, quibus visum fuerit: & vicissim.

31 Si bona aliqua confiscata fuerint vendita, illis, ad quos pertinuerant, restituatur pretium.

32 Si vero creditoribus proprietarii sint data in solutum, retrahere illa liceat proprietario & ejus hæredibus, reddito pretio.

33 Non tamen sit locus retractui, si domus sic sint venditæ.

34 Meliorationes bonorum, si a prioribus proprietariis retractantur, sunt compensandæ.

35 Omnia bona, quæ a Fisco non sunt annotata, proprietariis restituantur.

36 Uti etiam arbores amputatæ, si in fundo adhuc jaceant.

37 Item fructus, locationum pretia, census, bonorum proventus, post conclusam pacem percepti.

38 Venditio post hunc tractatum facta, sit nulla.

39 Domus restitutæ vel restituendæ ne onerentur plus præsidio militari quam aliæ.

40 Nemo a mutando domicilio impediatur, modo solvat jura solita.

41 Si quæ fortificationes aut opera publica in locis restituendis sint facta, proprietarii æstimatione bonorum, qualis prius fuerat, contenti sunt.

43 Bona Ecclesiastica, si non sint vendita, restituantur, & pertineant ad Collegia, Regi subjecta. Si autem sint vendita, aut in solutum data, census annuus solvatur ad rationem unius denarii ad sedecim. Similiter fiat a parte Regis.

44 Bona, quæ Auriacus, ab Ordinibus accepta, possidet, ea firma ipsi maneant. Circa alias prætensiones congrue satisfiat.

45 Puncta, privatis duobus instrumentis, anni 1647 pro Auriaco conventa, salva sunt.

46 & 47 Tractant pariter de bonis privatis restituendis.

48 Legitimæ sententiæ, quibus partibus jus dictum, teneant.

49 Rex renuntiet omnibus prætensionibus, quas habet in urbem Gravian, & terram Cuickiam, quæ prius Domui Auriacæ oppignorata, dein vero tanquam propria concessa ab Ordinibus.

50 Cedat item juribus in urbem & comitatum Lingæ, Bergeerdæ, & Clopenburgi, ut maneant penes Aurlacos.

51 Constituantur ab utraque parte Judices & executores in locis, proprietariis restituendis.

52 Superior tractus Geldriæ permutetur cum aliquo æquivalenti. Si autem conveniri non posset, remittatur causa ad cameram dispartitam, ut intra sex menses decidatur.

53 Rex & Ordines se obligant ad conservandam bonam amicitiam cum Cæsare & Imperio; curabitque Rex, ut Imperator illam confirmet.

54 Mobilia confiscata non sunt restituenda.

55 Actiones circa mobilia, ab Ordinibus remissæ, extinctæ sunt.

56 Tempus belli ab anno 1567 non computetur in alicujus præjudicium.

57 Qui durante bello alio migrarunt, fruuntur effectu pacis, & habitent, ubicunque placuerit.

58 Nova fortalitia, canales, aut fossæ in Belgio in alterius præjudicium ne fiant.

59 Domus Nassovia ne afficiatur molestia, nec Comes Solmenis Gubernator Trajecti.

60 Privatus contraveniens paci puniatur in loco delicti aut domicilii. In casu tamen manifesto denegatæ justitiæ licitum sit per litteras Repressaliarum procedere.

61 Omnes exhæredationes & dispositiones, in odium belli factæ, sublatae sunt.

62 Subditi utrinque successionis, tam ex testamento quam ab intestato capaces sunt, secundum consuetudinem locorum.

63 Omnes bello capti utrinque sine lytro liberi dimittuntur.

64 Solutio contributionum, quæ restant, ab officialibus dirigitor.

65 Maneant omnes in suis juribus.

66 Fruantur etiam effectibus treugæ duodecennalis.

67 Limites in Flandria & alibi determinentur.

68 Nominantur fortalitia, utrinque demolienda.

69 Registra, chartæ, & instrumenta utrinque extradantur.

70 Jus aquæ penes Slusam maneat, prout ei competit.

71 Agger injectus prope S. Donatum auferatur.

72 Includantur huic paci, qui intra tres menses utrinque nominabuntur. Interim ab Ordinibus nominantur Landgravius Hass-

so-Cal-



Io-Cassellanus cum suis terris, Comes Ostfrisiæ cum ditionibus & urbe Emda, Hanseaticæ civitates, specialiter Lubeca, Brema, Hamburgum.

73 Comiti Flodrovensi restituantur ablata.

74 Quæ a Legatis de Rutgero Hygenfi tractata sunt, rata habeantur.

75 Conferant operam, ut viæ ac maria a prædonibus & pyratibus purgentur.

76 Nihil committatur contra hunc tractatum; &, si quid commissum fuerit, illico resarciatur, abrogatis omnibus legibus & statutis adversis.

77 Hic tractatus a Rege & Ordinibus General. confirmabitur & rati habebitur. Litteræ autem rati habitionis debite subscriptæ, intra duos menses utrinque tradentur. Et tum primum hostilitas cesset.

78 Quando nempe fuerit commutatio rati habitionum facta.

79 Tum vero pax publice promulgetur & omnis hostilitas cesset.

#### ARTICULUS IV.

##### *Observationes in Pacem Hispano-Belgicam.*

22.

Crisis de  
Batavis.

*Ad 1. Articulum.* Hic tandem fuit exitus 70 annorum belli, in quod Hispania multas classes, aureas & argenteas, frustra consumpsit. Mirum sane, potuisse gentem piscatoriam, ad sterilem Europæ angulum retrusam, in tantam magnitudinem excrecere, ut in omnes quatuor mundi partes dominationem exporrigeret, atque ad ultimum leges adeo pacis potentissimo Hispaniarum Indiarumque Monarchæ dictaret. Reinauticæ, commerciorum, impigræ solertiæ, constantiæ hi fructus sunt. Industria mercaturam, mercatura pecuniam, pecunia militem, miles victoriam, victoria opinam pacem, pax septem provincias, cum magna Flandriæ & Brabantæ parte, atque liberam ac præpotentem Rempublicam peperit, in paludoso ac sterili solo rebus omnibus abundantem.

*Ad 2.* Et fuit firma, adeo quidem, ut Batavus ex hoste in custodem genium Hispanici Belgii sit mutatus, non propter Hispaniam, sed propter se; quia sibi timebat, si proximus Ucalegon arderet. Hinc etiam munitarum urbium repagula postea depoposcit, suis præsidiis, alieno ære insidenda.

*Ad 3.*

*Ad 3.* Fœcundus hic Batavis Articulus attulit Hollandiam, Zeelandiam, Ultrajectum, Frisiam, Geldriam Inferiorem cum Zutphania, Gröningam Transsalaniam, septem opimas provincias, Sylvæducensem Marchionatum & Bergarum ad Zomam, Baronatum Bredanum, Trajectum ad Mosam cum comitatu Uronhovio, Graviam cum ditione Cuykia, Hulstam, Ambrachtam, Axeliam, Slufas, Cadfandiam, aliasque urbes, arces, & castella in Brabantia & Flandria; quæ omnia ad Hispaniarum Monarcham spectaverant.

*Ad 4.* Cum hoc sæculo coeptæ fuissent Ostendanae in Indias navigationes commercandi causa, totis viribus se opposuerunt Batavi, quantum hunc articulum allegantes, quo reliquis Belgis jus ejusmodi navigationis & commerciorum volebant interdictum.

Verum hic articulus nec verbum habet de Belgio Hispanico, *Crisis de li-*  
quo ei navigationis libertas adimatur: sed id duntaxat prohibet, ne *bertate na-*  
pars alterutra navigationem suam extendat ad loca & portus alter- *igationis.*  
ius partis in India Orientali: prout manifeste patet ex adjecta  
clausula: *Sicut viceversa incolæ unitarum provinciarum abstineant*  
*a frequentatione locorum Castilianorum in India Orientali.*

Poterant ergo Hispani salvo hoc tractatu navigare libere in Indiam Orientalem, modo abstinere a locis, quæ ad Batavos spectabant. Multo magis id poterant Belgæ, quibus nulli sunt limites positi; quidquid igitur prohibitum fuisset Hispanis, non esset prohibitum Belgis; cum utique Belgæ non sint Hispani, quam parum Batavi sunt Hispani. Si aliquid prohibitum est Bohemis, an hoc ipso prohibitum est Hungaris? Multo autem maxime navigationes suscipere potest hodie Belgium Austriacum; cui nihil commune est cum Hispania.

Neque enim maris dominium arrogare sibi possunt Batavi, aut alias nationes a navigatione, aut maritimo commercio excludere. Mira profecto hic facta est rerum conversio. Cum Rex Hispaniæ prohibere volebat a navigatione in Indias Batavos, ad jura naturæ & gentium isti provocabant. Ediderat tunc ex eorum voluntate Hugo Grotius eruditum tractatum *de Mari libero*, in quo demonstravit, licere cuivis genti alteram adire, atque cum ea negotiari; tolli sic, jure naturæ & gentium assertam, humani generis societatem: neque etiam ipsum mare aut jus navigandi ulli genti proprium esse, utpote extra commercium humanum positum, ac proin neque titulo inventionis, vel occupationis, aut *Et mari libero.*



præscriptionis in alicujus dominium transire posse: nisi quis & ætris spirandi proprietatem sibi velit vindicare.

Hæc tunc Batavi, cum mercatus suos necdum ita firmatos haberent. At mutatis postea rebus, cum Ostendana inciperent florere commercia, alius Batavis factus est almæ naturæ genius, quia alium privatæ eorum rationes videbantur requirere. Iniquissimum ante erat Batavis, interdicta cæteris navigatione, Oceanum unius nationis mancipari obsequio. At postea visum æquissimum, privato monopolio Europam premere, ipsique adeo omnibus communi Oceano jugum injicere. Scripsit in hanc rem pro Batavis Seldenus *de Mari Clauso*, & vindicias *Maris Clausi*: sed strenue eum confutavit Pattinus Belga in tractatu suo *de Mari libero*, atque ex Batavorum principiis, ex ore Grotii olim loquentium, thesin suam comprobavit.

*Ad 6. & seq.* Usque ad articulum vigesimum tractatur de libertate navigationum (quæ antea Batavis a Rege Hispaniarum erant inhibita) de commerciis, tollendis teloniis, & aliis exactio- nibus. Batavi nempe, quorum anima sunt navigationes, negotiationes & commercia, omni ope adlaborabant, ut hæc ipsis firma, secuta, & oneribus sublevata manerent.

Scaldis  
ostia  
clausa.

Memorabilis est Articulus 14, quo decernitur, ut Scaldis ostia occlusa teneantur. Timebant nempe Batavi, ne commercio- rum alveus rursus *Antverpiam* derivaretur. Erat quippe hæc urbs/Brabantia, ad Scaldin sita, tot tantisque commerciis olim frequens, ut parem vix in orbe habuerit. Sed Hollandi omnes vires impenderant, ut mercatores atque negotiationem Amstelo- damum transferrent; quo sane Brabantia, & Belgium Hispanicum universum, dimidium velut sui amisit.

Ubi notandum, Batavos Scaldin, Sassiæ & Swindæ canales voluisse clausos; de Ostenda, Neoporto, aliisque urbibus maritimis, earumque portibus nullam fieri mentionem. Si voluissent Batavi, inhibitas esse Belgio Hispanico navigationes per Oceanum, ante omnia exprimi debuisset portus Ostendanus, præcipuus, quem tunc Rex Hispaniæ possidebat.

Sequentes articuli usque ad 50 tractant de restituendis bonis immobilibus, nominibus, & juribus, intuitu belli ablatis aut confiscatis. Et quia Domus Auriaca in Belgio & Burgundia ab antiquo bona aliqua possidebat, & alia Wilhelmus a Carolo VI, ejus vero filii, Mauricius & Henricus ab Ordinibus plura sunt consecuti,

ti, jubentur ista restitui, etiam ea, quæ Joanni Nassovio, Comiti Catholico, a Rege sunt assignata.

*Ad 53.* Quæ hic dicuntur de conservanda amicitia cum Cæsare & Imperio, a Ferdinando III eodem anno 1648 edito Diplomate sunt confirmata.

*Ad 56.* Decernitur hic, ut præscriptio tempore belli censeatur non currere.

*Ad 72.* Post pacem initam a Batavis adhuc inclusi eidem fuerunt Comes Solmenis & Bentheimensis: Comes Oldenburgicus vero obtinere non potuit, ut includeretur, ob odium telonii, Visurgi impositi.

Ex parte Regis vero fuerunt inclusi, Imperator, Rex Bohemiæ & Hungariæ, omnes Archiduces Austriæ, S. R. J. Electores, Principes, & Civitates, nominatim Joannes Princeps Anhaltinus, Comes Oldenburgicus, Schwarzenburgicus, & Civitates Hanseaticæ.

*Ad 77.* Confirmarunt eodem adhuc anno Rex & Ordines hanc pacem, per Gasparem de Braccamontio & Gusmania Comitem Penderandæ, Josephum Burgænum Archiepiscopum Cameracensem, & Antonium Brun, supremi Consilii Flandrici assessorem: ex parte Batavorum vero per D. a Gent, & septem alios legatos.

## ARTICULUS V.

### *Tractatus Commerciorum*

23.

#### *Inter Regem Hispaniæ & Fœderatum Belgium Synopsis.*

**P**ost pacem conclusam separatus contractus, ad navigationes & commercia spectans, fuit initus eodem anno & loco, 18 capitibus constans.

1 Batavi omni libertate & securitate ad omnia regna & regiones, cum quibus pace aut neutralitate gaudent, navigationes instituent, & in iis commercia exercebunt.

2 Neque libertas hæc commercandi turbetur, licet Rex cum illis bellum gereret.

3 Etiam respectu Gallorum, cum quibus Rex est bello implicatus.

4 Sic tamen, ut Batavi merces e regionibus Hispanis ad hos



stes Regis non deferant, quæ hosti adversus Regem servire possent.

5 Neque ad alios Regis hostes Batavi merces interdictas vehant.

6 Interdicta autem censentur omnis generis arma, & apparatus bellici.

7 Non autem frumentum, vinum, oleum, sal, aliaque ad sustentandam vitam necessaria. Quæ proin ad hostes Regis deferre possunt, non tamen ad urbes, ad eodem obsessas.

8 Hinc naves Batavæ, ad hostes Regis iter facientes, saluum conductum, & testimonium, quod nullas interdictas merces vehant, Hispanis exhibeant: quo factò, non explorentur naves, neque ulla molestia afficiantur: sed liber illis cursus relinquatur.

9 Hic salvus conductus cum expressione mercium, quæ vehuntur, exhiberi debet, cum justa est suspicio, interdictas merces vehi ad hostes Regis.

10 Tunc enim exhiberi debet.

11 Et Hispanæ naves Batavis in mari occurrentes scapham mittant, & litteras salvi conductus exigere possunt, quibus fides habenda, nullas interdictas merces vehi.

12 Si merces prohibitæ in Batavorum navibus reperirentur, fisco addicantur, non tamen navis, aut aliæ merces, non prohibitæ.

13 Si autem Batavi merces aliquas Regis hostium navibus imponerent, omnes fisco addicantur, licet alias non sint ex genere prohibitarum.

14 Si autem Batavorum navibus aliquæ merces, quæ Regis hostibus sunt propriæ, essent impostæ, liberæ sunt, exceptis interdictis.

15 Vice versa subditi Regis iisdem privilegiis in navigationibus & commerciis suis respectu Batavorum gaudebunt, ita, ut per omnia sit utrinque æqualitas.

16 Isti commerciales articuli explicandæ paci Monasteriensis inserviant, si aliquid dubium aut contrarium in illa occurreret.

17 Hic tractatus non minorem vim habeat, ac si originali tractatui foret insertus. Possuntque partis utriusque consensu aliæ insuper cautelæ adjici, si orituris forte controversiis per istas non satis esset præcautum.

18 Hic tractatus intra quatuor menses ab utraque parte rati habebitur & confirmabitur.

*Nota.*

Neque in isto commerciorum Tractatu vel apex exstat, quo Belgio Catholico interdictum esset navigatione in Indias ad exercenda commercia; quin imo statuatur plena in omnibus æqualitas sine ulla exceptione. Profecto, si Batavi reliquos Belgas a commerciis & navigationibus voluissent exclusos, debuissent vel in pacis vel in hujus tractatus commercialis articulis aliquam eorum mentionem facere.

## ARTICULUS VI.

*Tractatus Commerciorum*

*Inter Hispanos & Urbes Hanseaticas anno 1647 conclusus  
Monasterii.*

**A**n tequam turbæ Belgicæ fuerant exortæ, neque Hollandis aut aliis nationibus licitum erat, merces ex Hispanorum aut Lusitanorum ditionibus Indicis exportare, sed ab istis in Europam devehctas emebant. At vero cum bellorum motus exsurgerent, non amplius Gadibus aut Olyssipone eas devehabant, sed cum ingenti Hispaniæ & Lusitaniæ detrimento in Indias navigarunt, ut a prima manu eas reciperent. 24.

Indulgere hæc denique debuit Hispanus; & cum Hanseaticis civitatibus jam anno 1607 tractatum commerciorum iniit. Cum autem variæ adhuc lites orirentur, civitates illæ per legatos suos, in Westphalia cum aliis congregatos, Comitem de Penderanda rogarunt, ut renovationem tractatus a Rege impetraret. Assensit ille: conventumque in quatuor articulos, iis ferme similes, qui anno dein sequenti cum Batavis sunt constituti.

1. Confirmantur privilegia & immunitates, Hanseaticis civitatibus antehac concessæ, ut libere iis uti possint: sic tamen, ut, quæ Batavis, ipsis etiam sint interdicta, & quæ istis concessa aut concedenda, ipsis etiam permissa intelligantur, præsertim, cum præcipuæ Batavorum civitates societatis Hanseaticæ sint membra.

2. Nautæ unam tantum specificationem navium & mercium exhibere teneantur. Si autem pax vel induciæ cum Batavis fuerint initæ, nihil amplius fore testandum, quam quod merces ad Hanse-



seaticas civitates pertineant, aut ad illas, quibus similia privilegia a Rege fuerunt concessa.

3 Possint Hanseatici cum hostibus Regis commercia exercere, mercesque terra marique apportare vel exportare, iis duntaxat exceptis, quæ bellico usui inserviunt, & ex Regis ditionibus evectæ fuerint.

4 Hanseatici fœderis civitates gaudeant commoditatibus, quas Rex cuicunque alteri Principi aut Statui, neutrali atque amico, quocunque tempore aut loco sit concessurus.

Subscripserunt nomine Regis Comes Peneranda, Archiep. Cameracensis & Brunus: nomine civitatum, Lubecensis, Bremenfis, & Hamburgensis, Legati.

## ARTICULUS VII.

### *Causa belli Anglo - Batavici.*

*Trompius ter victus a Blacko Anglo. Plus damni a tempestate patiuntur Batavi. Pacem a Cromwelo impetrant.*

**B**atavi, bello Hispanico liberi, dum navigationibus & commerciis suis intenti, ex orbe universo opes collectas accumulantes, brevi cum Anglis, negotiosa pariter gente, & eorum Protectore Cromwelo gravi bello collisi sunt. Causa, æmulatio, maris imperium, quæstus.

Bellum Anglo-Hollandicum.

Diffimulabant hæcenus Angli, vel turbis domesticis præpediti, vel odio Hispanorum cohibiti, quos optabant minui, crescentem in dies, & in omnes orbis partes Batavorum diffusam potentiam maritimam; at, ubi pax Monasteriensis, & fœdus etiam commerciorum coaluit, invidia urente, limites Batavis figendos existimabant, ne Anglico Neptuno Tridentem eripiant.

Querebantur inter alia non exigua in Indiis damna, atque a Scaldis in Belgio usu se prohiberi. Causa tamen proxima erat hæc cum piscatio ad Angliæ littora, quam Batavi sine vestigali magno cum lucro exercebant.

Paratur utrinque animose bellum. Sexcentas naves, quarum quælibet 30 tormenta caperet, a Batavis instructas narrat Tulde-nius ad annum 1652. Favebant eisdem Hamburgum & aliæ civitates Hanseaticæ, non modico allato auxilio. Rei summæ præfectus

*Trom-*

*Trompius*, uti audax, ita belli maritimi gnarus, qui Hispanas classes sæpius fuderat.

Nihilo tamen secius *Blackus* Anglicæ classis Præfectus trino navali prælio eundem ita devicit, ut amissis plurimis navibus & milite exanimis caderet. Substituit tum quidem Respublica *Trompio* Wassenarium Obdamum; sed cum ad quartam pugnam essent accincti, procellosus turbo ita mare bis concitavit, ut utrique parti multo plus damni afferret, quam triplex prælium. (anno 1653.)

*Trompius*  
a *Blacko*  
ter victus.

Inclamarunt tum quidem Batavi Galliæ, Sueciæ, & Daniæ auxilia, & missis Oratoribus Regis Lusitaniæ, quem in Brasilia sibi bellum moturum timebant. Sed cum hæc subsidia incerta essent, & longinqua, ad pacem animum inclinarunt; eamque anno sequenti 1654 Londini a Cromwelo impetrarunt, adjecto fœdere.

Pax.

## ARTICULUS VIII.

### *Capita Pacis & Fœderis*

*Inter Cromwelum Angliæ Protectorem & Belgas Fœderatos.*  
*Synopsis.*

- 1 **S**it sincerior amicitia, unio, & fœdus inter utramque Rempublicam. 25.
- 2 Cesset omnis hostilitas.
- 3 Sit amnestia & oblivio omnium præteritorum.
- 4 Omnes capti sint liberi.
- 5 Alter status alterius libertatem defendat contra quoscunque.
- 6 Neuter aliquid agat in præjudicium alterius; nec aliis auxilium præstet, sed contradicet & resistet.
- 7 Neuter alterius rebelles foveat, aut juvet, sed utriusque Reipl. hostes judicentur, & perduellionis poenam in loco delicti luant.
- 8 Utraque Resp. sibi mutuo terra marique opem feret, prout opus fuerit, contra alterius hostes & rebelles, sumptibus tamen rogantis auxilium.
- 9 Neutra alterius hostes aut rebelles recipiet, neque in mari, portu, aut terra.
- 10 Sed monita Resp. quod sint rebelles, illos expellet.

*Pars IX.*

II

11 *Quam-*



11 Quamvis propria ibi bona haberent: nec ulla illos ope juvabit.

12 Utriusque Reip. incolis liceat omnes ditiones portusque in Europa intrare, mercesque importare aut exportare, sic tamen, ut consueta portoria, vectigalia, aut census solvant; quos alii extranei solvunt.

13 Si naves Batavæ in maribus Britannicis navi bellicæ Anglicanæ obviabunt, vexillum suum e mali vertice detrahent, & supremum velum demittent.

14 Neutra pars piratas aut prædones in suos portus recipiat, aut comneatum eis præbeat; sed capiantur & puniantur, navesque eorum in alterutrum portum vectæ dominis suis restituantur.

15 Si alterutra fœdus aut amicitiam cum aliis Principibus aut Statibus ineat, alteram certiolem reddat, &, si voluerit, in eo fœdere comprehendat.

16 Fœdus hoc permaneat, licet aliqui contra illud delinquant. Sed delinquentes soli puniantur, & ad satisfactionem adigantur. Quodsi iustitiæ se non submiserint, hostes utriusque partis judicentur. Bona illorum publicentur, & inde fiat læsis satisfactio: &, si in alterutrum potestatem venerint, pro ratione criminis plestantur.

17 Possunt utriusque partis incolæ libere & secure alterius urbes, & etiam munimenta intrare, mercimonia exercere (armati tamen non plus quam 40 simul) dummodo secundum statuta loci se gerant.

18 Si naves mercatoriæ alterutrum portum intrent, a piratis vel tempestate compulsi, sine molestia & vectigalis solutione, atque sine visitatione recedent: modo ibi nihil distrahant, aut agant contra leges loci.

19 Alterius naves non capiantur, aut arresto subjiciantur, nisi summa necessitas cogat; salvis tamen legibus Reip.

20 Mercatores, eorumque institores & famuli possunt cum armis intrare alterius portus & terras: ubi tamen in diversorium suum devenerint, oportet ea deponere, donec ad navem redeant.

21 Si navis præsidaria seu bellica in naves mercatorias alterius Reip. incidat, eas defendat, quamdiu eundem cursum tenuerint.

22 Si navis alterutrum in portu alterutrum ab exteris capiatur, communi opera raptam navim insequantur & raptori ablatam domino restituant; hujus tamen sumptibus.

23 Scrutatores & alii officiales non plus exigant, quam leges & potestas, sibi commissa, permittunt.

24 Non licet propter injuriam uti Repressaliis: sed justitia est postulanda; hæc si ubique denegetur, litteræ Repressaliæ concedi poterunt.

25 Antequam quis speciale diploma accipiat, per idoneos fidejussores caveat, se nullum damnum aut injuriam alterutri populo illaturum.

26 Portus alterius intrare liceat non tantum cum navibus mercatoriis & onerariis, sed etiam cum bellicis ad eas reparandas, vel alimenta emenda: non tamen pluribus quam octonis. Pluribus simul intrare non licet sine venia ejus vel eorum, ad quos portus pertinet, nisi tempestas aut vis alia cogat. Quo casu illico Præfectum loci de adventus sui causa edoceant: nec diutius hærebunt, quam ille indulserit.

27 Curabunt Batavi, ut justitia fiat, qui in Amboina (*Hollandorum in India Orientali insula*) Anglos occiderunt.

28 Se obligant ad restituendas naves & bona Anglorum, a Rege Daniæ durante hoc bello intercepta, ut mercatorum, naucleorum, & proprietariorum damna refarciantur.

29 Hæc ubi Batavi præstiterint, cessabit omnis hostilitas, inter Anglos & Danos, ratione dictæ detentionis exorta, ita, ut Rex tanquam amicus in hoc tractatu comprehendatur.

30 Constituendi utrinque commissarii quatuor, qui examinent injurias & damna, quæ utraque pars ab anno 1611 ad 1652 in India Orientali, Brasilia, Moscovia, Groenlandia, se passam esse cau-  
fatur. Si commissarii isti convenire nequeant, prædictæ differentiæ submittantur Protestantibus Helvetiæ Cantonibus, tanquam arbitris: & quidquid a commissariis, ab iis deputatis fuerit pronuntiatum, obligabit, & rite perficietur.

31 Hunc tractatum pars utraque firmiter observabit, & executioni dabit.

32 Batavi se obligant, quod Ordines foederati, eorumque Præsides, Gubernatores, Præfecti militiæ, præsentēs & futuri, juramento se sint adstricturi, ad hunc tractatum in omnibus servandum.

33 Intra 15 dies hic tractatus utrinque ratificabitur, confirmabitur, mutua instrumenta extradentur, & publicabuntur: atque a tempore publicationis omnis hostilitas cessabit.



Subscripserunt & signarunt commissarii Protectoris & Batavorum, Westmonasterii 5 April. 1654.

*Not. Batavi in hoc tractatu Cromvelo Protectoris & celsitudinis serenissima titulum tribuerunt. Confirmavit autem tractatum sua auctoritate de assensu sui consilii.*

Post hanc pacem conclusam adjecti adhuc sunt duo articuli separati. Primus in tractatu comprehensos continet, his verbis: *Conventum est, quod in tractatu pacis, unionis, & confederationis inter Serenissimum Celsissimumque Dominum Protectorem Reipublicæ Angliæ, Scotiæ, & Hiberniæ &c. ab una parte, & Celsos ac Potentes Dominos Ordines Generales unitarum Provinciarum ab altera, includantur Cantones Helvetici Evangelici, Dux Holsatiæ, Comes Oldenburgicus, Civitates Hanseaticæ Lubeca, Brema, Hamburgum.*

Exclusio  
Domus  
Auriacæ.

Alter concernit Domum Auriacam; cum enim Wilhelmus III ultimus Oraniensis stirpis surculus, quatuor tunc annorum puer, natus esset ex Maria Stuarta, Caroli I Angliæ Regis, a Cromwelo & aliis Calvinistis crudeliter interempti filia, Cromwelus, qui totam Stuartorum Familiam excisam volebat, vehementer instiguit, ut Batavi promitterent, se neque, quem diximus, Wilhelmum, neque ullum ex ejus posteris, in supremum, ut vocabant, Capitaneum militiæ, aut classium Præfectum, electuros, eam causam prætexens, alias facile posse contingere, ut hoc fœdus rumpatur, & bellum recrudescat cum magno religionis reformatæ periculo.

Negabant initio Batavi, se eam conditionem inire posse adversus Domum, erga se tam bene meritam. Tandem vero in vota Cromweli concesserunt, ac declararunt, *se nullo unquam tempore electuros prædictum Arausionensem Principem, ullumve ejus lineæ in Locum-tenentem vel Admiralem suæ provinciæ, nec assensuros quoad suæ provinciæ suffragium, ut unquam ei summum in militiam Generalatus imperium conferatur.*

Quantopere hæc, versis in Anglia rebus, sint mutata, experita est posterior ætas, quæ non tantum vidit hunc Wilhelmum Locum-tenentem, & supremum Governatorem terra marique, anno 1672 a Batavis electum, sed etiam Regem Magnæ Britanniæ. Adeo versatiles sunt res humanæ & incerta consilia.

## ARTICULUS IX.

*Observatio de Domo Auriaca & Gubernatoribus Belgii  
Fœderati.*

**A**rausionensis liber in Provinciâ Principatus ( sic dictus ab urbe  
Arausione, in qua tria celebrata fuerant Concilia Arausicana)  
ab antiquissimis temporibus proprios Dominos habuit: per  
fœminas postea devolutus, primum ad Domum Chabilionensem in  
Ducatu Burgundico, dein vero ad Nossoviam in Germania. Ex  
ea primus successit Renatus, dein Wilhelmus I Fœderati Belgii  
Fundator & Gubernator. tum ejus filii Mauritius & Henricus, qui  
magna auctoritate Rempublicam regebant. Henrici filius Wilhel-  
mus II electus quidem pariter fuerat a Batavis Gubernator, seu su-  
premus Locum-tenens, sed minus erat gratus; & cum Amstelo-  
damum noctu cum armatis vellet obruere, paulo post inventus est  
exanimis, non sine suspitione, anno 1650. Reliquit filium posthu-  
mum Wilhelmum III, quem factio Löwensteinia nonebat Guber-  
natorem usque ad anno 1672, quo Gallus irrupit; tunc enim Wit-  
tiis occisis, ab omnibus provinciis fuit electus ( excepta Frisia &  
Gröninga, quæ Gubernatorem ex Familia Nassovio-Diecenti sibi  
elegerant ). Post mortem Wilhelmi III ( qui Rex etiam Angliæ  
fuerat ) ab anno 1702 quinque provinciæ nullum Gubernatorem  
substituerunt, donec anno 1728 Geldria & Transsalaria, Frisicæ  
Gubernatorem Wilhelmum Frisonem pariter asciscerent, & anno  
1747 reliquæ quoque provinciæ, & quidem ita, ut hæc dignitas  
sit hæreditaria, deficientibus masculis ad fœminas etiam devol-  
venda. Factum id in gratiam Georgii II Angliæ Regis,  
cujus filiam Friso conjugem habebat. Natus est ex eo matrimonio  
1748 Wilhelmus, qui 1751 patri in munere Gubernatoris, Archi-  
thalassi & Capitanei Generalis hæreditario successit sub tutela ma-  
tris, & quia, si Wilhelmus improlis decederet, devolveretur  
hæc dignitas ad sororem ejus Caroli; nam obstabant initio Bata-  
vi, ne Carolo Principi Nassavio Weilburgensi nuberet ob diver-  
sitatem religionis, cum hic sit Lutheranus. Porro Wilhelmus III  
1702 Diecentem Frisonem Principatus Arausionensis & aliorum bo-  
norum hæredem testamento instituit. Sed opposuit se Brandea-  
burgicus, ad antiquius testamentum Henrici Auriaci avi sui mater-  
ni, se referens, quo, velut fideicommissio, mater sua sit substituta



maſcalis ex Henrico deſcendentibus.

Tenuit hæc lis ad annum 1732, quo hæreditas illa transactione diviſa eſt: & quidem Brandeburgo ceſſus eſt comitatus Moëriſæ, in Principatum dein converſus, Comitatus Lingeniſis in Weſtphalia, Herſtalli ditio, poſtea Eccleſiæ Leodiſi vendita, Wateringa cum multis aliis in Belgio poſſeſſionibus: Friſoni vero obven- runt Breda, Gravia, Fliliſinga, cum multis aliis urbibus & ditio- nibus in eodem Belgio. Arauſionenſis vero Principatus in pace Ultrajectenſi a Brandeburgo, ut Geldriam urbem reciperet, ceſſus eſt Regi Galliæ, qui extirpatis Calviniſtis, eum anno 1732 in Principem Contium tranſtulit.

## ARTICULUS X.

*Continuatio belli Hiſpano - Gallici. Eoedus Galliæ cum Cromvelo.*

27. **I**nter hæc, dum Angli Batavique de maris uſu certabant, Galli  
Hiſp. Hiſpanique de terræ poſſeſſione dimicabant. Belgium Hiſpani-  
Victoria. cum, Gallis opportunum, erat theatrum belli præcipuum; ſed cum ab anno 1649 turbæ civiles Franciam miſcerent, & a Bata- vis eſſet quies, Hiſpani magnas res gesserunt; quippe, præter Bar- cellonam & Caſalin, prima Catalonia & Pedemontii munimenta, Gravelingam & Dunkeræam cum pluribus aliis urbibus in Belgio receperunt; &, quod eſt plurimum inſtar urbium, Ludovicum Condæum Principem, quem cum pluribus Gallorum millibus, quos ſecum adduxerat, Mazarini odio Hiſpania debuit, futurum dein- cept ad pacem uſque Pyrenæam momentum ingens adverſus pa- triam.

At poſt compoſitos in Gallia belli civilis motus, aliam Bel- gium faciem induit; quippe Rex, Rhemis ſacro inunctus chrisma- te, expeditionem in Belgium, ut animos & alacritatem ſuis adde- ret, ipſe ſuſcepit, & primo quidem Stenæum ſubigit; dein vero ad ſolvendam obſidionem *Atrebatenſem* accurrit.

Clades. Quidquid Hiſpani roboris erat in Belgio, ad obſidendum Atre- batum, præcipuam Arteſiæ urbem, fuerat collectum. Aderant in caſtris præſentes quinque Principes, Leopoldus Wilhelmus Ar- chidux Gubernator Belgii, Ludovicus Condæus, Franciſcus Nico- laus.

laus pro fratre suo Carolo, carcere detento, Dux Lotharingæ, Ulricus Dux Wirtembergæ, Princeps Lignius, cum suis quisque copiis, multique alii Duces ac Proceres Hispani nominis.

In tertium jam mensem tenuerat obsidio, ingenti apparatu instructa, cum Rex atque Turenus Hispanorum castra, bina quantumvis fossa protecta, tanta ferocia aggrediuntur, ut relata insigni victoria urbem liberarent, universo hoste aut caeso. aut capto, aut in fugam acto. Celebratur maxime Hocquincurtii, in castra irrupentis fortitudo: aliis partibus Turenus, Seneteræus, Aumontius irruerunt. Hispanorum 9000 a Condæo servata fuisse a clade, refert Tuldenius, scriptor illius temporis, Germanus, ad annum 1654, quo hæc gesta sunt.

Attrebatum  
obsidione  
liberatum.

Victoriæ complementum fuit ad Mosam *Carolomontii* expugnatio, urbis in Hannonia monti impositæ, quam Carolus V Imperator operibus etiam communiverat.

Accesserunt anno sequenti Gallis, sub Turenio militantibus *Landresium*, *Condatum*, *Fanum S. Gisleini*, permunita in Hannonia loca. Boviniacum captum a Gallis, receptumque ab Hispanis. Ad Bochanium, a Gallis tentatum, fortiter pro more dimicans Condæus vulneratus est, & circumseptus a Gallis, ense viam fugæ aperuit, vel ultro concessa est, ne caperetur cum periculo capitis. Quamvis enim tunchostis esset (patriæ an Mazarini?) amabatur tamen, & summe æstimabatur a Gallis, præsertim militibus, tum a sanguine Regio, tum maxime a virtute militari.

Urbes captæ.

Anno 1656 *Leopoldus Wilhelmus*, post gestam per decennium gravissima inter bella Belgii Præfecturam, missionem tandem, dum optatam, a Rege Hispaniarum obtinuit, valetudine Imperatoris fratris inclinante, & ætate Leopoldi nepotis adhuc tenera, Austriæ rebus necessarius. Successorem, Belgii Gubernatorem, Philippus IV misit filium suum *Joannem Austriacum*, 27 tunc annorum florentem ætate, Catalonia antea Proregem.

Leop. abdū-  
cat Præfectu-  
ram.

Succedit  
Joan. Austr.

Et præclara sane fuerunt imperii auspicia, quibus cladem superioris anni insigniter reparavit. Valencenas (*Valentinianam* veteres dixerunt) fortissimam in Hannonia ad Scaldin urbem, omnibus viribus oppugnabant Galli, Turenio, Seneteræo, & Fabero ductoribus. Ad hanc maximi momenti civitatem obsidione liberandam, ut Gallis innotesceret, omnes nervos novus Gubernator intendit. Sed a superiobus cladibus paucae restabant copiarum reliquæ. Unde omni cura ad eas augendas incumbens, decem armato-



matorum millia, prius a Cæsare exauctorata accepit, duo millia Franciscus Lotharingus, a Gallo, ad quem defecerat, redux, adducebat, alia Wirtembergius, alia ex Belgis & Hispanis collegit; quorum ipse Ductor supremus, comitantibus Condæo, Wirtembergio, Lignio, Caracena, præstantibus bello viris.

Gallos  
cædit.

His ergo Ducibus & copiis fretus Austrius Gallorum castra adortus, tertio insultu illa perrupit, ingenti hostium strage, direptis tormentis, & impedimentis. (anno 1656.) Receptum mox Condatum, & Fanum S. Gisleni, priore anno amissa. Supplicatione publica solenniter instituta, dictæ DEO Evcharistico, & propitiæ ejus Matri laudes.

Fœdus cum  
Cromwelo.

Hac clade affecti cum essent Galli, ut majori vi Belgio incumberent, Mazarinus, præter tractatum commerciorum (jam anno 1655 conclusum) similem ferme illi, quem Batavos inter & Anglos sancitum retulimus, novum fœdus anno 1657 cum Cromwelo iniit, contra Hispanos potissimum.

Conventum quippe in eo, ut utriusque opera bellum in Belgio impigre continuetur, cureturque, ut potissimum Flandriæ maritima oppida occupentur.

Ostendam, Dunkercam, Neoportum, & Gravelingam Anglorum fore, reliqua expugnanda Gallorum. Illis mari, his terra agendum. Nec desistendum bello, nisi utrisque fuerit satisfactum. Assistendum Sueco contra Danum, ejusque fœderatos in Balthico, Anglo classem, Gallo nummum suppeditante. Promovendum quoque communi studio bellum in Catalonia & Italia.

Cameracum  
liberatum.

Hoc grandi fœdere, simulque aliquot millibus equitum, quos Ultricus Wirtembergius, ab Hispano deficiens, adduxerat, Francus auctus, *Cameracum*, primæ magnitudinis in Belgio urbem, quæ ad Imperium olim pertinuerat, obsedit. Modicum inerat præsidium; sed ubi Condæus & Lignius, perruptis hostium castris, cum selecta manu in urbem evaserant, obsidio soluta est, atque ad *Mommedium* in Luxemburgicis meliori fortuna est conversa; nam tertio oppugnationis mense dedere se Gallis urbs coacta est, vel potius pro tanto sanguinis pretio vendita, ut emptores pœniteret.

Minori impendio Fanum S. Venantii in Artesia, a Gallis, Borsburgum & Mardicum in Flandria ab Anglis Gallisque fuit expugnatum. Ab Ardresii vero obsidione non levi cum clade a Turenio repulsi sunt Hispani. Atque hæc fuit expeditio anni 1657 minus felix Hispanis, Condæo post liberatum Cameracum Gandavi ex febris decumbente.

At multo infelicior illis fuit annus 1658; quamvis enim Condæus, Gallico *Hesdini* præsidio cum Mareſcallo Hocquincurtio ad <sup>Galli & Angli</sup> se attraxto, urbem Hispano subjiceret, & Ostenda Spinteleti dolo a Condæo (prout supra in Gallicis fuit narratum) fuerit servata, cum non caſi, exigua Anglorum Gallorumque clade; Joannes tamen Austriacus Gubernator, bis prælio victus a Turrenio, florem exercitus, tormenta, *Dunkercam*, *Gravelingam*, *Aldenardam*, *Menenium*, *Ipras*, insignes Flandriæ civitates amisit: Turrenio, Fertæo-Sene-terræo, Joan. Aufſ. & Faberto, Gallorum Ductoribus, victorias suas strenue profle-<sup>bis</sup> bis victus. quentibus.

Protritus jam satis erat per continuum 24 annorum bellum Belgicus Martis campus. Pax Hispanis, rebus suis retro labentibus, & aliunde gravi adhuc bello Lusitanico distractis, erat ne-<sup>Pacis con-</sup> cessaria, ni, Gallo & Anglo incumbente, totum suum Belgium filia. vellent amittere, & fortassis etiam Cataloniam. Rex Galliæ Sponsam Hispanam, Philippi IV filiam (proh! quanta adhuc bella parituram!) prenſabat. Mazarinus propter fœdus Anglicum, & relietam Cromwelo *Dunkercam*, alias apud Catholicos male audiebat. Alexander VII summus Pontifex, cum Electoribus Moguntino & Coloniensi, pacem impensissime commendabat.

Unde primum in inducias, postea in Pacem *Pyrenæam* fuit conventum, anno 1659. Tractatus hujus epitomen infra dabimus, ubi de statu Hispaniæ agendi erit occasio; neque enim de solo Belgio, sed & de Catalonia & Italia, in quantum ad Hispanos spe-<sup>Pax Pyre-</sup> neat, fuerat transactum.

De Belgio conventum, ut Galliæ relinquatur in *Artesia* Atrebatum, Lillerium, Lentium, Hesdinum, Tereona: in *Flandria* Gravelinga, Muniti Aggères, Burburgum: in *Hannonia* Landresium, Quercetum: in *Luxemburgicis* Thionvilla, Mommedium, Damvillerium, Ivodium, Chavantium, Marvilla: in *Gallia* Roeroyum, Castelletum, Limcampium.

Contra vero Hispano restituitur Aldenarda, Duxmida, Furna, Menenium, Cominaum, Ipræ. *Dunkerca* vero interim in manibus Anglorum relicta fuit.





## ARTICULUS XI.

*Alterum bellum Anglo - Batavum. Pax & fœdus. Bellum Gallo - Belgicum, ob prætentum Jus Devolutionis. Angli, Batavi, imo & Austriaci negant Hispanis auxilium: & cur?*

28.

Bellum Anglo - Batavum.

**B**ellum Hispanico ad quietem aliquam composito, Fœderatum rursus arma cepit, altero cum Anglis navali bello implicitum. Causa eadem, quæ primi, gentis utriusque nauticæ æmulatione. Et primum quidem inter jurgia mercatorum stetit. Secutæ navium direptiones, ac denique anno 1664 apertum bellum. Britannam classem ducebat Jacobus Dux Eboracensis, Caroli II Regis Frater, Batavam Obdamus; cui, primo jam prælio cæso, substituti Trompius & Ruiterus; quorum tanta erat audacia, ut in ipsa ad Londinum Thameſis ostia se immitterent, ad cremandas Anglorum naves.

Alterum prælium multo fuit pertinacius, in quartum usque diem acerrime continuatum, donec tempeſtas illud diremit, parte utraque sibi canente Victoriâ. Bellum hoc nutriti Francus, atque ad speciem accessit Batavis, qui tamen querebantur, spectatorem illum egisse.

Pax Bredana.

Anno 1667 *Pax Bredæ* inita, in plerisque articulis haud dispar illi, quæ paucos ante annos cum Cromwelo fuerat conclusa; adjectumque fœdus *Defensivum*, quo in casum invasionis sibi mutuo promittunt 40 naves bellicas, hominibus & tormentis probe instructas, atque insuper 6000 pedites, cum 400 equitibus.

Bellum Gallo - Belgicum.

Bellum istud Anglo - Batavicum aliud mox excepit Belgio - Gallicum, & quidem ex ea radice enatum, unde perpetuæ pacis nexum pullulare oporteret, ex matrimoniali videlicet fœdere Ludovici Regis cum Hispana Principe.

Ea quippe in Belgicis quibusdam provinciis, uti Brabantia, Artesia, Geldria, viget consuetudo, municipalibus etiam statutis confirmata, ut liberi primi matrimonii præferantur in capiendâ hereditate liberis etiam masculis secundi conjugii: *Jus Devolutionis* Belgæ appellant.

Jam

Jam vero Philippus IV Rex Hispaniæ duas uxores habuit. Ex Ob Jus Dæ  
prima suscepit Theresiam, Ludovici Regis conjugem, ex altera volutionis  
Carolus II sex tunc annorum puerum. Gallus igitur jus in Bel-  
gium per mortem Philippi IV, quam anno 1664 oppetiit, ad ux-  
orem suam, aut Delphinum, ex ea natum, devolutum existimans,  
centum millibus armatus Belgium invasit anno 1667.

Miserandus erat Belgii status, milite, ære, apparatu belli fer-  
me vacuus. Hispania morbis suis laborabat, in puero vagiens sub  
matre tutelam gerente. Accessit perpetua Gubernatorum muta- Belgii Status.  
tio, quorum modico tempore quatuor erant, Joannes Austrius,  
Ludovicus Caracena, & Castello-Rodrigius, Marchiones, Mon-  
tereyus; ab Anglis Batavisque, Ludovici Regis artibus jam capta-  
tis, spes nulla.

Quippe Carolus II Angliæ Rex, qui apud volubilem gentem  
res suas necdum satis firmaverat, nec illi ob venditam Gallis Dun-  
kerkam, motum nuper in Hollandos bellum, & Religionis Catho-  
licæ suspicionem, admodum gratus, Galliam cum materno lacte  
imbibisse visus est, totumque se Ludovico, amitino suo, ceu la-  
bantis regni fulcro, applicuit.

Unde Oratores Domus Austriacæ, subsidia petentes, frigido  
responso dimisit; gravi bello vix defunctum non posse se in gra- Angli re-  
tiam alienæ Domus novo immergere: Cæsarem quoque atque Hi- sponsum.  
spanum nihil opis attulisse patri suo, magis indigo, sibi que ad  
comparandum avitum regnum: timores, quos spargerent, pro-  
cul esse ab Anglia, fossa illam sat magna esse obvallatam: Bel-  
gium prius omne Hispaniam, Germaniamque adeo fore perrum-  
pendam. Interea sat temporis lapsurum capiendo consilio.

Batavi, quibus periculum propius, domesticis dissidiis scissi, Batavorum  
in duas abibant partes. Altera erat *Auraisica*, quæ Wilhelmum dissidia.  
III juvenem Gubernatoris dignitati restitutum volebat. Huic An-  
glus avunculus, & Brandenburgus affinis, favebant. Altera *Lö-  
wensteinia* (ab arce hujus nominis sic dicta, in quam ultimus Gu-  
bernator factionis hujus capita conjecerat) *Wittiorum* fratrum  
auctoritate suffulta, Præfecturam illam suppressere satagebat; huic  
addixit se Gallia. Principes Imperii a capite erant divisi: atque  
in foedus suum Rhenanum, quo transitum militi in Belgium nega-  
bant, abstracti, Gravello & Grammonvillio, Franciæ Oratoribus  
facundia & largitionibus Ratisbonæ & in aulis dominantibus.



Austria.

Ipsa adeo aula Cæsarea, Aurspergii maxime auctoritate, cunctabatur, quod, Hispanæ infirmitatis gnara, sibi uni bellum gravissimum incubiturum metuens: pauciores esse Cæsaris copias, quam ut tantæ moli sufficiant: in novos autem delectus nec pecuniam, in Bella Turcica & Hungarica expensam, nec tempus suppetere: foederibus opus fore: sed unde illa petenda, tota Europa largitionibus Gallicis in lethargum data? Et quantumvis Cæsari sat copiarum præsto foret, qui obstantibus Imperii Principibus in Belgium trajicerentur, nullam rationem apparere, nisi Rhenanum ipsorum foedus, Brandenburgii nupera accessione tam validum, prius rumpatur, aut vi aperiatur via, quod imprudentiæ foret, Crequio præsertim cum justo exercitu in Lotharingia excubante. Consultius facturam Hispaniam, si urbium aliquot impendio pacem redimat, ne totum amittat, aut cum Lusitano utcunque transigat, & militem ac 13 milliones, quot annis in bellum illud concipi solitos, in Belgium transferat.

## ARTICULUS XII.

*De Jure Devolutionis.*

**L**ibellis quoque Gallum inter & Hispanum certatum. Ille jus Devolutionis, in Belgio vicens, adstruebat: abdicationem Theresiæ fuisse irritam, atque juribus omnibus repugnantem. Neque dotem, Theresiæ integre fuisse solutam, sub cujus conditione abdicatione sit facta. Cæterum Regem moderatione usurum, & parte contentum, jus in reliqua abdicaturum. Hic vero reposuit, aliam multo esse Regiarum personarum rationem, atque privatorum/de plebe hominum: supremorum Principum hereditates non esse definiendas ad Romani Juris aut Provincialium legum formulam. Abdicationem luculente esse factam, & quidem absolute, nulla adjecta conditione; hanc non modo, recepto apud foeminas Principes more, ubique gentium haberi pro valida, sed etiam ex consuetudine apud Nobiles foeminas in Belgio vigente; earum enim renuntiationes, in favorem fratrum, qui soli stemma nomenque Gentilitium propagant, factas, a nemine vocari in dubium.

Cæterum renuntiationem Theresiæ non esse factam in eum casum, quo masculus hæres superesset; nam tunc illum proprio suo jure, se-

xus

zus prerogativa, recepto in omnibus regnis more successurum; sed abdicationem Theresiae respicere casum, quo nullus masculus superesset.

Antiquissima in hanc rem esse documenta. Jam anno 1204 Rom. Regem Philippum in Principum apud Confluentiam conventu succedendi in Brabantia leges statuisset his verbis: *Insuper regia nostra auctoritate statuimus, Et memorato Duci concedimus, ut filia sua, si masculum heredem non habuerit, in feudis suis libere ei tanquam masculi succedant.* Idem sancitum anno 1549 a Carolo V ratione Geldriae & Zutphaniae.

Nullum proferri posse exemplum, quo foemina in regimine publico ejusdem gradus masculo fuerit praelata. Contra vero non deesse exempla illustria, quibus id genus jus devolutionis praetensum fuerit neglectum. Carolum V & Philippum II mortua prima uxore de provinciis Belgii libere disposuisse; quod facere non potuissent, si ad liberos primi matrimonii per mortem matris jam fuissent devolutae.

Si jus devolutionis in Belgii Principum successione viguisset, Philippum III non fuisse successurum, utpote ex quarto Philippi II matrimonio genitum, cum aessent sorores ex tertio ejusdem conubio natae. Igitur successuram fuisse primo Isabellam, atque post hujus mortem Catharinam, Carolo Emmanueli Sabaudiae Duci nuptam, Domumque Sabaudicam, ex ea in hodiernum diem propagatam; & tamen neminem successionem Philippi III, ex posterioribus nuptiis geniti, ex hoc capite impugnasse. Hunc autem casum prorsus eundem esse cum nostro; nam sicut in hoc Carolus II ex posteriore matrimonio erat prognatus, sic in illo Philippus III.

Carolus V anno 1549 legem, assentientibus Ordinibus, tulisse, ut omnes Belgii provinciae sub uno Principe unitae maneant; hoc autem fieri non potuisset, si in aliquibus jus viguisset, & sic diversa in diversis provinciis fuisset succedendi ratio.

Quapropter a populari consuetudine aliquarum provinciarum (ut inquiunt) nulla est illatio ad Principum successionem; praeterquam enim, quod, prout ex dictis elucescit, alia de ista sit dispositio, alius usus, diversa etiam est ratio; privata etenim bona facilius ad foeminas devolvuntur, quam Principum populorumque publicum regimen. Unde jure quodammodo gentium receptum est, ut in regnis & principatibus foeminae non succedant, extantibus masculis, idque sine discrimine, an ex primo, an vero ex secundo matrimonio sint



geniti: imo in multis incapaces omnino successionis sunt foeminae, nisi speciali privilegio sint habilitatae; ut constat ex successione in Principatibus Romani Imperii. Et in ipsa Gallia quam longe dispar est ratio. Quare privatorum illam specialemque consuetudinem, a communi usu abhorrentem, nullatenus ad principatus extendendam esse contendunt.

Neque etiam propter solutam needum dotem renuntiationem rescindi; nam promissorem posse purgare moram. *L. 27 ff. de Verb. obl.* Et, si rigidissime procedatur, non esse eum morae effectum, ut contractum rescindat, sed ut damnum, quod inde evenit, sarcitur: ita, si emptor in solvendo pretio moram fecerit, usurarum, seu ejus, quod interest, praestatione defungatur, illaeso manente contractu: prout ipsi etiam Galliae Jurisconsulti passim doceant, renuntiationes regiarum filiarum ratam agnoscentes, nec Juris privati legibus, interprete etiam consuetudine, subjectas.

Progressus  
Lud. Regis.

Sed facilius erat Hispanis, pennis quam gladiis dimicare. Rodericus Gubernator tricena, quae habebat, millia, urbibus praesidio imposuit. Sed quia nullus erat campestris exercitus, Gallus trimestri spatio Carolo-Regium, Furnam, Athum, Insulas, Tornacum, Duacum, Montes, Aldenardam, Cortracum, Armentariam, venatione quodammodo cepit, anno 1667 & anno sequenti, rigente hyeme, totum Burgundiae Comitatum per Condæum, unius ferme hebdomadae spatio.

Cur pacem  
inierit.

Facile tunc Ludovico fuisset, reliquum etiam Belgium victoriis percurrere; sed videbat grandem coire tempestatem, quae tandem exoneratura se esset in Galliam. Regina Hispaniae pacem, quamvis duram, inire compulsa cum Lusitania: atque inde Joannes Austriacus 20000 propediem adducturus nuntiabatur. Tota Europa videbat, quo tanti Franciae progressus essent evasuri, nisi ad commune velut incendium restringendum accurreretur. Anglia, Suecia, Batavia ad *Triplex Fœdus* percutiendum se accingunt; plures alii Principes eidem accessuri videbantur. Caesar, qui desertae Hispaniae, sororis adeo suae Reginae, & nepotis Caroli invidia flagrabat, exauthorato Auerspergio, quem Grammonvillius, Gallicus Viennae Orator, ab Hispaniae rebus alienaverat, missurus haud dubie erat auxilia. Legationibus etiam frequentibus apud Ludovicum agebatur.

Quapropter Gallia ineunte aestate inducias pacta, Hispanis optionem fecit, an mallent occupatas urbes in manibus Franciae relinquere, an vero pro iis restituendis Luxemburgum, Camera-

cum

cum, Ariam, Audomarim tradere. Sparsus quoque (Henrico Brewero, Tuldenii continuatore attestante) per Europam rumor, deliberare Hispaniam, an non expediret, potius Ludovico totum Belgium tradere, utpote immensam atque nunquam explendam auri voraginem, in quam vel solus Philippus IV ultra centum milliones conjecisset, ea tamen conditione, ut Rex Galliarum omni prætensione in Navarram, reliquamque Hispaniarum Monarchiam, etiam in casum, quo Carolus Rex (qui ob imbecillitatem virium non diu victurus videbatur) improlis obiret, penitus cederet, Ruscinonensem Comitatum, Pignerolium, Philippoburgum, Brisacum, totamque Alsaciam ac Lotharingiam restitueret.

*Relatio Bre-  
weri de ab-  
dicando  
Belgio.*

Credebatur, ab ipsis Hispanis hic rumor sparsus, ut Batavos Anglosque imminentis sibi periculi metu a torpore tanquam ad communem causam excitaret.

Ut ut hæc se habeant, de quibus neutra, credo, pars serio cogitavit, commovente se tandem omni Europa, pars utraque ad pacem, Aquisgrani ineundam consilia sua inclinavit. Reddita per illam Hispanis Burgundia; urbes, in Flandria occupatas Ludovicus retinuit. Placet, hujus tractatus summa capita breviter perstringere.

### ARTICULUS XIII.

#### *Pax Aquisgranensis*

*Inter Regem Galliarum & Hispaniarum inita anno 1668.*

**I**n exordio præmittitur, autoritate, paternaque sollicitudine S. D. N. Clementis IX Papæ, ejusdemque postulationibus & instantiis; tum pluribus litteris scriptis, & per nepotem etiam ejusdem Cardinalem Rospigliosum officiis interpositis, accedente complurium Regum, Potestatum, S. R. I. Electorum, & Principum, diligenti studio, per Colbertum & Baronem de Bergeyck, Regum Commissarios Plenipotentiariorum, in sequentes articulos Pacis fuisse conventum.

29.

1 Inter utrumque Regem, eorumque hæredes, regna, provincias, subditos &c. sit perpetua pax, confœderatio, & concordia, prout fraterno sanguine junctos decet, cum oblivione omnium offen-



offensarum: alterque alterius commoda sincera mente procuret, & promoveat.

2 Post confirmationem & promulgationem hujus pacis statim omnis hostilitas ubique cesset. Omnesque captivi sine litro liberi dimittuntur.

3 Rex Galliarum retinebit Carolo-regium, Binckam, Athum, Aldenardam, Insulas, Tornacum, Armentieram, Furnas, Duacum, Montes, Cortracum, Elcarpii propugnaculum, aliasque urbes, munimenta, locaque omnia, quæ anno elapso in Belgio occupavit, cum omni jurisdictione, juribus, appertinentiis.

4 Rex Catholicus pro se suisque hæredibus abdicat omnia jura, quæ in prædictas urbes, & loca habuit, eaque in plenum regis Christianissimi, ejusque hæredum dominium in perpetuum absque ulla reservatione transfert.

5 Rex Christianissimus mox a publicatione hujus pacis comitatum Burgundicum, cum omnibus urbibus & locis occupatis, integre & absque omni reservatione Regi Catholico restituet.

6 Quæ ultra hic expressa usque ad promulgationem pacis fuerint erepta, utrinque fideliter restituentur.

7 Liberum sit utrique Regi sponsores hujus tractatus assumere Principes ac Status alios, qui voluerint eidem accedere.

8 Pax Pyrenæa in omnibus observetur, exceptis iis, quæ hic coronæ Galliarum cessa sunt, & iis, quæ Lusitaniam respiciunt, cum qua Rex Catholicus particularem pacis tractatum iniit.

9 Ut autem certior securiorque sit ista transactio, in Curiis & Parliamentis, Parisiensi aliisque promulgetur, verificetur & innotuletur, uti etiam in Curiis Hispanicis & Belgicis; omniumque ratihabitio, obsequatio, commutatione intra trimestre facienda, absolvatur; atque Rex uterque solenni jurejurando, in præsentia alterius partis emittendo, omnia, in hoc tractatu contenta, se sancte servaturum confirmet.

Præter Carolum Colbertum & Baronem Bergeyckium subdelegatum Castrolodrigii subscripserunt Legati summi Pontificis, Electoris Moguntini & Colonienfis, atque Episcopi Monasterienfis.

ARTICULUS XIV.

*Fœdus Triplex: ejus causæ. A Lud. Rege disruptum. Consilia Gallie de invadendis Hollandis. Ejus ad Anglum, Hispanum, Cæsarem oratio pro fœdere contra Batavos. Cæsar bellum contra Lud. Comitibus suadet. Solus Borussus annuit. Coloniensis & Monast. Oratio. Certamen de Borussis.* 30.

**P**ost conclusam hanc pacem ad exitum perductum fuit *Fœdus Triplex*, jam ante cœptum, inter Anglos, Suecos, & Batavos. *Fœdus Triplex.* Causas illius altius aliquantum repetamus. Ad hæc ferme usque tempora formidanda Europæ, quin orbi videbatur vasta Dominus Austriacæ potentia, quæ præter immensos in utraque India terrarum tractus, dimidium Europæ possideret. Hinc Gallia, Anglia, Batavia, Suecia, & Protestantes universim omnes in id consilia sua & studia contulerant, ut Austriacam magnitudinem deprimerent.

At vero, postquam Septem Belgii Provinciæ, cum omni ferme Orientali India, & Lusitania a corpore se separaverant; postquam commercia & opes alio fuerant derivata, atque Austriaca Familia utraque, Germanica & Hispana, continuis tot gravissimisque bellis exhausta; & maxime, postquam Gallia sub Ludovico XIV. exporctis in omnem partem incrementis, caput extulit, alia visa est status ratio, & adversus Franciam vertenda consilia, pangenda fœdera, ut Europæ conservetur æquilibrium. Hinc videas, posthac omnium ferme nationum arma in Ludovicum conversa.

Præcipue vero Batavos Anglosque terruit novissima in Belgium Burgundiamque irruptio, & armorum progressus ingens. Hinc initum fœdus inter Anglos & Batavos primum, tum accedente Suecia *Triplex* appellatum, magno Europæ plausu exceptum. Finis illi obtensus orbis Christiani tranquillitas, & pax Aquisgranensis, contra quemcunque perturbatorem defendenda. *Causa.*

Cæsarem non invitarunt, ne suspicionem præberent Gallie, aut ab eo, Hispaniæ addicto, in bella raperentur, non necessaria. Sed neque ipse hoc fœdus appetiit, ne casus forte contingeret, quo in Hispanum, si Aquisgranensi paci non adquiesceret, stringere arma cogeretur.



**Ruptum.** Eo foedere se peti, Rex Ludovicus perspicuens, facili manu illud disruptit, inito novo in perniciem Batavorum cum Anglo commerciorum foedere, & Sueco alio abstracto.

**Consilia de  
invadendis  
Batavis.**

In Batavos deinceps, præcipuos trini foederis auctores, Rex sua vertit consilia. Impensum triennium apparando in illos bello. A Suecia nihil erat, quod timeret, pensionibus ac foederum nexu sibi alligata. Danum irritarant Batavi, mensuram portoriorum & telonii in Sundico præscribentes. Principes Imperii bello propter Hollandos implicari nolle sperabat, eosque aut neutras, aut suas partes amplexuros. Hispaniam, alias satis languentem, acceptarum a Batavis cladum memorem fore credidit. Lusitanum ob partum auxilio regnum, suum censebat. Colonienfis & Monasterienfis, qui jam ante cum Batavis bellum gesserat, anno 1666 pace finitum, cum Gallo in foedus ibant.

**Colberti ad  
Anglum  
oratio con-  
tra Batavos.**

Sed summum momentum erat in Anglia, quo illa se verteret. Misso igitur ad Carolum II Regem, patruelem suum, Colberto, intimæ admiſſionis Ministro, callido ac facundo, foedus adversum Belgas Foederatos obtulit. Diligenter ille legatione sua perfunctus, quanta ex eo Regi totique Britanniae emolumenta forent nascitura ostendit.

Non esse ferendum ultra gentis, e piscatoriis nuper tuguriis emergentis fastum, coronatis etiam capitibus insultantis. Pelagi dominium, Magnæ Britanniae proprium, ab ea invadi: omnia inquietari maria: surripi aliis Nationibus & Angliae præsertim commercia: orbis monopolium Amstelodamifigi: immensas accumulari opes: ea per Europam esse rerum pretia, quæ Hollandorum statera defigat, quin omnem Europam ei vectigalem esse. Transmarinas merces atque thesauros Indiarum omnes propemodum huc deportari, tantasque in divitiis excrevisse mercatorum societatem utramque Indicam, præsertim orientalem, quibus regna emerentur. Ab hac, anno 1602 coepta, intra sex annos tantas comparatas, ut ultra sortem collatam 36 Imperialium milliones lucrarentur. Incredibilem ab illis in Indiis Orientalibus ereptum Lusitanis aliisque gentibus terrarum tractum, quem 11500 armatis, 160 navibus defendant, laborantibus in eorum usuras ultra 80000 hominum. Similes ferme opes initio collectas ex America, dum Brasiliae thesauros asportarent.

Ipsam Angliam commerciis suis privari. Licet enim cætera prætereantur silentio, ex solo piscatu hæc in mari Britanno, eos quot annis sex milliones florenorum lucrum capere, eamque

pisca-

piscationem sibi propriam vindicare in alieno pelago, quin ullum solvere velint portorium.

Ex his aliisque quæstuosis per omnem orbem nundinationibus tantas collectas opes tantumque potentiae conflatum, ut centum armatorum millia suis stipendiis possint alere, confluyente ex omni Germania & Septentrione ad auri Hollandici fulgorem milite.

Nec minores vires esse maritimas; anno 1666 centum majores bellicas ad Texelam stetisse in anchoris armatas, cum 25000 magnis onerariis maria, & 300000 lembis, lintribus & phafelis lacus & canales oberrare.

Viderent Britones, viderent nationes cæteræ, quo tanta opulentia, magnitudo tanta, ni frænum injiciatur, sit evasura: quantis jam nunc terra marique viribus polleant. Eundem profecto obviam crescenti in dies potentiae. Singulos fore impares: juncta opera dejectiendas portentoso Colosso superbas cristas.

Meminisset Anglia, quanta jam in Indiis, in mari, in Europa a nova hac in orbe gente sit damna passa, quam immanes sumptus impensi, quanta derivati alio lucri detrimenta. Angliæ & Galliæ auxilio Batavos non modo in libertatem assertos, sed in eam etiam amplitudinem fuisse evectos. Jam eam beneficio gratiam rependi, ut in utrumque regnum insurgant.

Habere, quod timeant, coronatos vertices, etiam a suis subditis, si aspiciant, liberas Respublicas tanta florere rerum abundantia & felicitate. Salivam jam motam Britannis: experiri id Regem, expertum tristi fato parentem, dubio relicto, quid eventurum fuisset, si Cromwelus potestate sua non fuisset abusus: gliscere adhuc igniculos sub cinere. Parricidas contra fidem pacis Batavico sinu foveri, facileque conjicii posse, quid Hollandi, Regum ofores, essent acturi, si qui in eorum ire vellent exemplum. Curandum, ut facere non possint, quod essent facturi.

Totam Galliam fore promptam tuendo Stuartorum Regio, sibi que cognato, sanguini, si quid vis inimica auderet. Totam Franciam patere Britanniae commercii; quin igitur caperent emolumenta, quæ in Hollandos hæctenus redundarunt? Quin foedus fraternum æternumque conjungeret, quos idem sanguis fructusque foederis tam arcte conjungant?

Bataviam inter Angliæ Regem ejusque nepotem Wilhelmum Principem Auriacum, interque Hispanos, Gallos, eosque, qui auxilia conferrent, posse dividi, ut omnes inde augeantur, & emolumentum capiant.



Ad aulam  
Hispanam  
oratio.

Audiit haud illubenter legati orationem Rex Carolus, & cum alias jam esset in Galliam pronus, quam respiciebat velut certum in omnem casum coronæ suæ vindicem, in foedus condixit, bellumque, Regio suo, si subsidia negaret Parlamentum, sumptu gerendum: dicitur tamen sibi pactus Zeelandiam, nepoti vero Auriaco Hollandiam.

Minus faciles aures Madriti apud Reginam Tutricem filii Regis Villarius Legatus invenit. Omnes ille nervos intendit, ut persuaderet foedus in Batavos, vel ut Hispaniam illis subtraheret: cogitarent, aiebat, quam foeda fuerit, quamque perniciofa Hispaniæ Batavorum defectio: quot probris & contumeliis affecta ac publice prostituta: quanta damna per 70 annorum bellum illata, centum auri millionibus non satis æstimanda, eo tandem exitu, ut gratiæ rebellis plebis debuerit, prout ei lubebat, in miseram pacem posse descendere, illique omnia, quæ optabat, relinquere.

Nunc tandem illuxisse diem, tot injuriarum obstinatæque rebellionis vindicem, quæ pertinaciam frangat, & coronata capita veteresque dominos suos revereri doceat. Non diuturna opus expeditione fore. Jam ictum Galliam inter ac Magnam Britanniam in hanc rem arctum foedus: accessisse Coloniensem & Monasteriensem Præsules, provinciarum suarum situ opportunos, multis gravibusque in perniciem rei Catholicæ injuriis a Batavis affectos.

Philipum II, olim Hispaniarum Monarcham, quamvis gravibus bellis distentum, non committendum putasse, ut Hollandi in Truchsessiana illa procella urbes, Ecclesiæ Colonienfi ereptas, retinerent, sed per Farnesium illas occupatas, sacro Principatui pro sua pietate restituisse: captam denuo a Batavis Rhenobergam, aliaque ad Rhenum castella, & usque in hanc diem inique detineri: Sacerdotes DEI in carceres rapi, tota Batavia Religionem sanctam exulare. Agi profecto Divinum cultum, Religionemque Catholicam, a Rege Catholico non deferendam: in totum Belgium illius libertatem facile reduci posse. Erigendum denuo impie dejectum vexillum crucis, Christianæ trophæum victoriæ.

Sed neque permittendum, ut gens palustris heri per rebellionem tenuibus & principiis nata, in Reges dominationem impotentem exporrigat. Proculsum nuper a nundinatoribus istis fastuosum numisma, in quo ex una parte visatur Thetys cum Leone, velut Bataviæ insigne, ex altera parte privata singularum septem provinciarum insignia, cum fastuosa hac inscriptione, omnibus Regi-

Regibus, Hispano præsertim summopere injuria: *Affertis legibus, emendatis Regibus, vindicata marium libertate, pace egregia virtute armorum parva, stabilita orbis Europæi quiete.* Quid hoc aliud, quam Hispaniæ velut protritæ, insultare?

Et qui ferenda nundinatio avara in orbem terrarum extensa? Possideri quidem ab Hispanis in America utraque ingentes regionum tractus, sed Hollandos iisdem frui: ad illos fundum pertinere, ab istis succum exugî. Esse & aliis populis maria, flumina, portus, naves: ex commerciis cum Gallia & Anglia plus emolumenti ab Hispanis, quam a Batavis posse percipi. Quam autem nulla in his spes Hispaniæ, ex nupero bello colligi, quo nec pedem moverint. Facile tunc per eos fuisse, totum Belgium Hispanicum occupare, nisi Regis sui moderatio pro jure suo *Devolutionis*, quod certum credidisset, paucis fuisset contenta: sed & hæc, per pacem Aquisgranensem cessa, restitutum, adjecturum & alia, si regina induceret in animum ad commune foedus in rem suam accedere.

Neque eam esse Regi suo mentem, ut Bataviam sibi vendicet, sed ut æquis portionibus dividantur; vel, si hoc non placeat, ut foederati singuli diversis locis aggrediantur, & quod quisque occupasset retineret. Sin autem Hispania Regis sui justis armis se vellet opponere, cogitaret, Burgundiam & Belgium Hispanicum Gallici fore belli pretium.

Minus grata erat legati oratio. Unde verbis dubiis dimissus est. Hispaniaque ad bellum se paravit. Batavi vero ex Belgio Hispanico a Montereyo Gubernatore militem receperunt, ad augendum Trajecti, Buscoduci & Bredæ præsidium. Initum paulo post Cæsarem inter, Hispanum & Batavos foedus, quo Belgium Hispanicum in statum, quem per pacem Pyrenæam est consecutum, reponatur, Foederatum vero in præsentî conservetur.

Nec felicior in aula cæsarea fuit Grammonvillius, eadem ferme, qua Villarius in Hispania, oratione usus. Meminisset Ad Cæsarem. Domus Austriaca, quanta a rebellibus Batavis pertulisset. Adesse tempus justæ ultioni; vindicaret antiquum Burgundiæ patrimonium: Regem suum, Lusitaniam, Angliam, Sueciam, Daniam, Italiam, pluresque Imperii Principes adjutores fore.

Hostem Imperii continuum esse Batavum, qui Rhenobergam, sacrum Ecclesiæ Colonienfis patrimonium, aliaque ad Rhenum Germaniæ claustra tanto jam tempore pertinaciter insideret, atque



Monasteriensis Præfulis jurisdictionem sacram & politicam inique circumscriberet, non sine gravi Religionis detrimento.

Fuisse eam semper laudem Augustissimæ Domus Austriacæ, ut gloriari posset, non modo orthodoxæ Religionis incremento se opposuisse nunquam, sed præsidium etiam & tutelam exhibuisse. Objectum propterea non raro Gallis, quod cum alienis a vera fide populis fœdera ineant, & perversum dogma in suo quidem regno oppugnent, in alienis vero terris foveant. Non esse credendum, quod Austriaca pietas nunc primum a tanta laude & Religionis sanctæ studio sit deflexura.

Esse autem hoc tempus opportunum, quo genuinus Numinis cultus, atque Catholicæ Religionis decus in totam, a qua tamdiu exulavit, Bataviam reduci queat.

Deprimendum etiam fastum superbæ gentis, quæ Regibus quoque se æquare attentet; neque ferendum, ut auctis in immensum rerum, quas Germaniæ infert, pretiis, populos emungat, & tributarios velut sibi faciat.

Neque timendum, ut Gallia propterea multum increseat. Nam eo Regem suum animo arma correpturum, ut gens impotens fastum ponat, ut coerceatur, & circumscribatur, ut in coronata Regum capita reverentiam discat, Catholicæ Religionis sit patiens, bona Ecclesiastica restituat; aut, si contumax persistat, dominatione privetur, terra inter fœderatos distribuatur, Ulißinga cum Zelandia Anglis, Hollandia Wilhelmo Nassoviæ Auriaco Principi, Ultrajectum Coloniensi, Transsalania Monasteriensi, Geldria & Zutphania Brandenburgò, Gröninga Neoburgico Duci Juliacenti, Frisia Luneburgicis obtingat, ac proin tota prope Batavia Imperii Principibus: Regem vero suum, præter armorum gloriam, non aliud sibi reservare, quam eas lacinias, quas Batavi ex Brabantia Ducatu adhuc possident. Si autem Domus Austriaca communi fœderi accedat, aliam fore distributionem, & Bataviæ provincias inter illam & Angliam dividendas, sic tamen, ut reliqui fœderati indemnes evadant, & aliquod navatæ operæ præmium referant.

Si autem Cæsari non placeret, accedere fœderi, Regem suum sperare, neutram saltem partem amplexurum, prout nupero factum bello; non enim ejus nomini sacratissimo gloriosum fore, si dicat Roma & orbis Catholicus: Regem Catholicum, Domus suæ sanguinem, opis indigum, destituit: hæresi autem auxilium tulit, & per eum stetit, quo minus excinderetur.

Non

Non sine indignatione aula Viennensis legatum audit, quamvis enim Lobkovitius, Aurspergio exauctorato suffectus, Grammonvillii partibus non obscure faveret, Ministri reliqui tamen ceu vanam dicacitatem exploserunt; decretoque Batavis auxilio, Lobkovitius gratia & loco motus est, legatus vero Gallus Vienna amandatus.

Bello igitur in Gallos decreto, Imperium etiam in illud pertrahere fuit conatus Cæsar. Agitata fervide in Comitibus Ratisbonensibus causa. Cæsar bellum communi Imperii nomine indicendum suadebat: quantamque Ludovici Regis molitiones Imperio labem aspergere soleant commemorabat: ut dissidiis inter se commissi Principes, Alsatia civitatum libertas turbata: Lotharingia occupata: nuper Hispanicum, nunc Fœderatum Belgium armis petiit: rerum arbitria ad Gallum velut Imperatorem deferri: totius Europæ controversiis se miscere: Cæsari præter inanem ceremoniarum pompam vix aliquid relictum: perpendere apud animum suum Ordines, quo demum Imperium, quo insatiabilis Ludovici ambitio sit evasura. Se, quam jurasset, Imperii curæ ac salutis non defuturum, nec commissurum, ut Gal-  
Cæsar bellum contra Lud. suadet.

lus tantis accessionibus Batavia augeatur.  
 Sed alius omnino comitiis erat animus. Bellum quippe omnes perhorrescebant. Suecus, Bavarus, Colonien-  
Wagn.

sis, etiam aperte se opponebant, negantes Cæsareis copiis per terras suas transitum; cumque Austriaci Præsules istos reprehenderent, objicerentque, eos contra boni civis officium bellum cepisse: vi ab eo abstrahendos, vetandumque lege, ne Principi ulli absque Cæsaris aut Circuli consensu, nisi propriæ defensionis causa, bellum gerere liceat. Quod tamen postulatum, tanquam paci Westphalicæ adversum, & Statuum libertati noxium, communi consensu rejectum est.  
At comitia bellum detra-  
stant.

Episcopi vero responderunt, Batavorum causam nihil cum Imperio habere commune: imo articulo III. Pacis Monasteriensis expresse fuisse cautum de mutuis Imperii aut Gallia hostibus non juvandis. Idem in capitulatione Cæsarea, & fœdere, anno primum superiore 1671 inter Imperatorem Leopoldum & Ludovicum XIV Viennæ conclusum, conceptis verbis fuisse promissum, expresse etiam Batavis  
Colon. & Monasterien-  
sis oratio.

Per Imperii constitutiones permissum sibi esse, injurias, a Batavis illatas, persequi. Illos multo jam tempore Rhenobergam, aliasque Imperii urbes & arces inique detinere, quin a Cæsare sit  
alla-



allatum remedium: jure igitur suo egisse, dum ad alia fœdera respicerent: Austriaca consilia magnas pro more Germaniæ calamitates portendere, bellum omne in patriæ perniciem attractura. Ita Ratisbonæ verbis certatum, nullo nisi ad asperanda odia emolumento.

Catholici plerique Episcopis velut de bello sacro applaudebant. Summus vero Pontifex petitas e Ducatu Mediolanensi & Regno Neapolitano sacerdotiorum decimas negavit, gratulatus Præsulibus fœdus, bellumque, pro causâ Dei susceptum. Quamvis postea, evolutis magis rebus, mutatus dicatur.

Borussus  
accedit Cæsari,

Ex Ordinibus Imperii solus Fridericus Wilhelmus Elector Brandenburgicus (Friderici moderni Borussia Regis proavus) Clivensis haud dubie Ducatus, cum Gallia in Neoburgicum videretur pronior, periculo motus, adhæsit Cæsari, jam ante Batavis fœdere defensivo, quo 20000. partim suo, partim Hollandorum stipendio alenda, conjunctus. In hoc Principe, qui per pacem Westphalicam multis accessionibus auctus, provinciarum amplitudine omnes anteibat, momenti plurimum, in quam ille partem se verteret. Certe Batavi magnam in eo collocabant fiduciam, quod apud se educatus, Wilhelmi III. Auriaci amitam habuisset conjugem.

Quamvis  
Galli conarentur, eum  
abstrahere.

Omnem Galli movebant lapidem, ut hunc Principem Batavis eriperent. Repræsentabant, quam maligno in illum Batavi fuerint animo, quam contemptim a factione Löwensteinia, dominantibus Wittis, cum Wilhelmo affine fuerit habitus, quam ignominiose, eorum potissimum opera, a Triplici Fœdere exclusus: quam inique Vesaliam, Embricum, Orsojam, præsidii suis occupatas detineant. Has ei restituendas adpromittunt, si neutras partes sequeretur, adjecturos Geldriam & Zutphaniam, si socius expeditionis esse vellet. Quid ipse solus a mente Ordinum Imperii recederet? Morem hunc esse Austriacis, Germaniam bellicis involvere, ut ad privatos suos fines pertingant. Ostentabant Cliviæ & Westphaliæ pericula, atque in ipsum potissimum incubiturum bellum, si magni Regis indignationem provocaret. Accessit, a Colonienſi missus, Fürstenbergius, ut novos admooveret arietes: sed incassum omnia. Ambigue respondet omnibus.

Interim vero fœdere se jungit Cæsari in hæc capita: paci Clivensi, Olivenſi, Aquisgranensi standum. Fœderato Belgio consulendum. Bremam adversus Suecum defendendam. In Religione nihil innovandum. Fœdus in decennium teneat. Idem etiam cum

cum Batavis Foedere viginti millium exercitum partim suis, partim Reipublicæ sumptibus armavit. Et ita legem de non mittendis in Belgium subsidii, in *Capitulatione* Leopoldi Imperatoris propositam, Brandenburgus primus omnium antiquavit. (*Wagner ad Ann. 1672.*) Post annum deficiet a Cæsare, post biennium, pace cum Gallis violata, ad illum redibit, prout nempe rationes privatæ requirent.

# ARTICULUS XV.

*Expediit Gallorum & Præsulum in Bataviam. Cause belli. 31.*  
*Quod inchoant Angli contra Hollandos trino prælio navali. Iter Regis per terras Imperii. Clivia urbes expugnat. Trajecto Rhe- no subactæ provinciæ. Restituta sacra. Præsulum progressus. Crisis famosi scriptoris. Liberati per pilam sacerdotes. Condi- tiones pacis. Rerum conversio. Cause. Disceptatio in Comitibus Imp. Ludovicus Bataviam deserit, & theatrum belli in Belgio Hisp. & Germania figit.*

**E**uropa sic comparata Ludovicus Rex Batavis bellum indicit, publicatque ejusdem causas, fastum & superbiam gentis intolerabilem, coronatis etiam capitibus inambulantibus, Euro- Cause belli.  
 pam his mercatoribus vectigalem & tributariam, cusa adversus Galliam Foedera, aliasque, summa ingratitude, molitiones in illius perniciem, infames picturas in ludibrium Regis affixas, sparsasque satyras, summopere injurias: has justo ferro & necessario vindicandas.

Et vindicavit sane. Centum armatorum millia sub signis habebat, alacrem & probe exercitatum militem; cumque Petrus Grotius, Batavorum legatus, qui præfens tunc adhuc aderat, interrogasset, quorsum tanta multitudo? Rex respondisse fertur, cogitare se, mures istos caseo Hollandico nutrire, legatus vero re- posuisse, in Hollandia multos esse catos. Et certe mures isti, ordine verso, devorassent feles Hollandicas, nisi alienæ sorores tu- lissent suppetias, & ab interitu illas vindicassent.



Angli in  
Holl. Tria  
prælia nava-  
lia.

Primi hostilem in Batavos vim exerunt Angli, dum illarum onerarias, Smirna cum mercibus redeuntibus invadunt, Architalasso Duce Eboracensi; pugnatum dein ter navali prælio, æquo ferme Marte, Hollandis denique ad tutandos Zeelandiæ portus & littora, quo Angli respiciebant, se se recipientibus.

Iter secun-  
dum Rhe-  
num.

Rex Galliæ exercitum suum in quatuor partes distribuit, quarum primam ipse ducebat, assumpto legato Turrenio, alteram Condæus cum filio Principe Enguiennio, tertiam Crequius, quartam Luxenburgus: atque ineunte vere anni 1672. diversis itineribus e Piccardia, Campania, Lotharingia, per Leodiensem, Juliensem, & Coloniensem agrum, in Clivensem Ducatum movit. Transeunti obviam veniebant Leodium, Colonia, Dux Juliensis Philippus Wilhelmus cum filio Joanne Wilhelmo, atque Maximilianus Henricus Elector Colonienfis Dux Baviaræ, cum Ego- ne Fürstenbergio, Episcopo Argentinensi, Gallicis partibus cum Fratribus Hermanno Bavaricæ aulae Praefecto, & Wilhelmo, impense addicto. Omnes magna amicitiae significatione a Rege sunt excepti, & cum is viridi in cespite sub fronde pranderet, innu-mera multitudo Bonna, Colonia, Dusseldorpio, aliisque locis affluxit ad visendum tantum Regem.

Rex urbes  
Cliviæ expu-  
gnat.

Postquam Colonienfis & Monasterienfis ultra viginti armatorum millia ad eum adduxerant, primus labor fuit expugnare urbes arcesque complures, quas in Germano solo ad Rhenum Batavi inique insidebant. Ereptæ illis in Clivenfi provincia Orsoja, Burichium, Embrica sive Emericum, Lippiomunda, Rees, & quod caput est, Vefalia. Rhenoberga expugnata Colonienfi Domino suo tradita, & ut cum suis copiis libere in Batavos movere possit, Bavaro præsidio custodita. Mirum, brevissimi temporis spatium tot valida munimenta fuisse subacta, quæ annum obsidionem latura crederentur. Applausum Regi Chronostico: LVDOVICVS TRIUMPHANS. Cardinalis Bullionius, castra secutus, occupata ista loca expurgat, & Catholicam Religionem reducit. Ravensteinium quoque cum ditione, eo pertinente, Juliensi fuit restitutum a Batavis.

Brew.

Rheni iis ex partibus jam asserto, suscepta fuit expeditio Batavica. Primum obicem posuit arx *Schenckia*, validissimum & situ & opere munimentum, a Martino Schenkio priore seculo constructum in angulo, quem Vahalis a Rheno divortium efformat. Sed præsentem Rege intra triduum fuit expugnatum, dicente, ut fertur, Helvetorum quodam, nongentos suæ Nationis homines

mines tale castrum per annum contra centum virorum millia defensores. (*Brewerus ad Ann. 1672.*)

Majoris erat molis transitus Rheni, quem Batavi ex altera ripa vehementer infestabant; evictus tamen est, vel emptus potius sanguine non modico, vulnerato etiam Condæ & occiso Lon. Trajecto Rheno sub-  
gavillæo. Tum vero fugato Batavo, terrore perculso, in Zutphaniâ provin-  
phaniam, Velaviam, Betaviam, Geldriam Inferiorem, Transsala-  
niam, Utrajectum expugnataque Nardena & Muda in Hollandia, cæ.  
ad Amstelodami usque conspectum iter signatum victoriis: per-  
cursæ turbinis instar amplæ provinciæ. Captæ per diversos Duces  
Arnhemium Velaviæ caput, Zutphania & Utrajectum cum cogno-  
mine provinciæ; urbs hæc ad Episcopum olim pertinuerat. Reno-  
vatum templum Metropolitanum a Bullionio Cardinale Catholi-  
cis usibus. Accesserunt Bommelia, Tiela, Teutiburgum, Amers-  
fordia, Knottenburgum, Rhena, Vageringa, Wika, Duisterta,  
Genepa, Crevicordium, Gravia, Noviomagum, libera olim Im-  
perii civitas, postea vero ad Burgundiæ Duces ac Belgii Princi- Restituta sa-  
pes, ad Batavos denique translata. In omnibus his Provinciis, cra.  
urbibus, oppidis, Religionis libertas promulgata. Quo loco duo  
erant templa, jussu unum Catholicis reddi; sacerdotiorum quo-  
que olim patrimonia & Ecclesiarum bona jure postliminii imperata  
restitui.

Interea autem Elector Colonienfis & Christophorus Bernar-  
dus de *Gablen*, ex antiquissima Westphaliæ Familia oriundus, Epi- Præsulum  
scopus Monasterienfis, magnorum spirituum Princeps, assumpto progressus.  
fago, non minus strenue in Orientali Batavorum plaga, suisque  
regionibus contermina, bellum sunt profecuti.

In Zutphaniæ provinciam quippe & Transsalaniam irruen-  
tes, Grollam, Borckeloam, Lochemium, Lingiam, Brevortum,  
Zwollam, Covordiam, Daventriam, Transsalaniam Metropolim,  
munitissimas urbes expugnarunt, indeque coniectis in fugam Ba-  
tavis, in Frisiam usque & Gröningam effusi, palmas & lauros me-  
tebant. Et hæc omnia a Gallis Præsulibusque præsentibus unius  
mensis, Junii nimirum, spatio sunt gesta.

Reducta ubique Catholicæ Religionis libertas, templa pro *Brewerus.*  
illius exercitio publico a victoribus postulata: bona Ecclesiastica  
ad pristinos suos Dominos redire jussa.

Certe nisi aliunde sufflaminata fuissent arma Catholica, spes  
optima affulgebat, intra illam adhuc ætatem totam subigendi Ba-  
taviam, miseramque æternum pereundi voluntatem eripiendi de-



Crisis de hoc  
bello.

cepto per insanos Præcones populo: ut adeo mirum sit, recentiorum quendam famosum scriptorem, in quo nihil nisi stylus nitet, nativa sua affectione (qua nulla major Historici labes) eo fuisse abreptum, ut non modo in rationem status profunde se immergens, magnorum Principum Catholicorum censorem mordacem ageret, sed in hanc etiam expeditionem Batavicam, in qua causa Dei & animarum agebatur, qua poterat, exæstuantis bilis vehementia audacissime inveheretur. Sit, quod non religionis sed regionis fuerit intentio (quod tamen præsumere non deberet) solitus tamen non raro Deus est, ex intentione, non semper optima, bonis omnibus optatos eventus elicere. Et nunquid? eadem audacia & carpendi libidine hoc omnibus Principibus posset obijci? Profecto, qui diceret, Ferdinandum II Imperatorem sanctissimum, non religionis, sed regionis amore, ad Balthicum usque mare Protestantium terras invasisse, impudens omnino foret, & temerarii homo iudicii.

Gnome alias bonæ mentis est, si factum non possis, intentionem excuses. Hic factum bonum est, & ex primis jam initiis effectus optimi sunt consecuti. Habita cultus Divini & animarum salutis cura, non attenda ratione politica, quod Anglia confœderata aliique Protestantes alienari possent. Quid ergo intentionem accusas? Accusabis etiam, quod Rex Ludovicus haud multo post, dum Protestantes exegit, Regnum suum tot millibus subditorum, artificum, militum, cum grandi ærarii detrimento, evacuarit? sed redeamus ad institutum.

Sacerdotes  
liberati.

Illud memorabile, quod, cum Præsules *Coverdam* oppugnarent, prima pila in urbem injecta ceciderit in carcerem, in quo plures sacerdotes, ex Westphalia abstracti, detinebantur captivi, omnesque, igne viam faciente, evaserint incolumes.

Nulla erat provincia, quæ non fuerit vel ex integro occupata, vel ex parte saltem, nisi Seelandica, quæ Anglorum invasioni fuerat destinata; unde non tantum in iis, ad quas belli procella devenerat, sed etiam Amstelodami & Roterodami adeo fuit trepidatum, ut de cedenda certis legibus Republica jam deliberarent Ordines.

Quibus con-  
ditionibus  
pax promi-  
ssa.

Missus in hanc rem ad Regem, in castris ad Döesburgum versantem, Petrus Grotius, qui nihil jam amplius de multitudine Catorum in Hollandia loquebatur, sed supplici oratione pacem rogabat, ut mures cessent & feles & caseum rodere.

Rex

Rex istas condiciones proposuisse dicitur. Omnes extra septem provincias urbes Regi tradant, cum Bomella, Crevicordio, & Löwensteinio: Colonienſi comitatum & civitatem Mœrſenſem, Auriaco vero, ad quem ſpectat, alio modo jaſturam compenſent: Monaſterienſi Grollam, Brevordam, Lichtevordam, Burcloviam in Zutphania, Schenckii & Neomagi munimenta diruuntor. Gallicis navibus in portus Batavicos ſine portorii ſumptu intrare, licitum eſto. Catholica Religio publice admittatur, & pro libero ac publico ejus exercitio in ſingulis Bataviæ civitatibus, ubi ſunt plures Eccleſiæ, una Catholicis tradatur. Si autem una tantum fuerit, liceat Catholicis alteram pro ſe conſtruire. Bona Eccleſiaſtica Melitenſibus, & Clero Catholico reſtituantur, non tamen fructus jam percepti. Catholici ſine diſcrimine in ſenatum admittantur, neque ab aliis publicis muneribus arceantur. Omnia, Romano Imperio ablata, eidem redduntor, nominatim Principi Oſtriſiæ Emda, & alia erepta. Galliæ ſumptus belli reſendant, & quot annis oratorem Lutetiam mittant, gratias acturum pro hujus pacis beneficio. Ita Henricus Brewerus, ſcriptor Germanus ad annum 1672, cum quo finit decennem ſuam Hiſtoriæ Brachelianæ & Tuldenianæ continuationem.

Verum ſubito facta eſt magna rerum converſio. Siſtebatur ulterior armorum progreſſus, erecti Batavorum animi. Cauſæ hujus tantæ mutationis variæ: in pluvias & imbres ſolutus Julius, *Rerum con-* aggerum cataraſtis laxatis tellurem, alioquin paludibus plenam, *verſio.* inundabant Batavi: *Wittii* fratres, in quos culpa conjiciebatur, a furente populo atrociter diſcerpti, Wilhelmus Auriacus dictus Gubernator: Gröningana, Ardenburgi, & Sylvæducis ſoluta obſidio: Coverda recepta a Batavis: imminentes cum exercitu Cæſar & Brandenburgus: quibus cum copiis ſelectis obviam miſſi Condæus & Turrenius, anima expeditionis Gallicæ, per tot etiam *Cauſæ,* urbium præſidia plurimum imminutus campeſtris exercitus, aliunde ſecundis quoque rebus acciſus: ad proprios lares tuendos revocati Præſules.

Hac rerum facie ſiſti in medio curſu debuit victoria: Rexque in Galliam rediit; ubi triumphantis inſtar fuit exceptus. Exhibitus Hercules, leonis Batavici teſtus exuviis, ſepcicipitem Hydram ducens captivam, illamque, uno icſtu deciſis capitibus, confiſciens.

Non multum recreabat Regem hæc imago, qui ſatis noſſet, quam brevi exuviæ illæ ſint detrahendæ, & Hydræ, ſi fas ita lo-



qui, capita sua sint renascitura. Nutabat foedus Anglicum, Parlamento bellum improbante, Cæsar, Hispanus, & Brandenburgus incumbabant humeris, periculumque aderat, ne & Danus, ac totum Imperium in se confurgerent.

Disceptatio  
in Comitibus.

Quippe Ratisbonæ Cæsarei id non frigide urgebant: communem Imperio esse causam: Gallum per Leodientem, Coloniensem, Juliacensem, Clivensem, Germaniæ terras, cum exercitu transisse. Exceperunt Colonienses & Monasterienses, permittentibus harum provinciarum dominis id esse factum: Brandenburgicum vero se jam tunc Galliæ hostem fuisse professum. Batavos non transitum duntaxat aliquem copiarum innoxium fecisse, sed vi armata irruisse; invasas terras Imperii, captas urbes arcisque, & ultra sæculum inique detentas. Si tanta cura terrarum Imperii, cur tanto tempore tolerati essent violenti incubatores Germaniæ, hodie dum incubituros, nisi per Gallos fuissent depulsi, & sua Rhenanis Principibus restituta. Coleret pacem Imperium, aut, si tantus bellandi ardor, peregrinarentur arma, in Hollandos diuturnos Germaniæ hostes verterentur: sponsores se fore, nullum in terris Imperii hostem futurum: magnas jam res gestas in Batavia, venirent in partem opimæ victoriæ: Bataviæ provincias in foedere Anglo-Gallico alioquin jam Principibus potissimum Imperii esse destinatas: magnam enimvero rem in Germaniæ bonum præstiturum Cæsarem, si bellum & vastitatem e Batavia, aliena terra, in patriæ viscera & Belgium Hispanicum atrahat.

Eadem ferme Bavari, Juliacensis, Hannoverani erat sententia, imo & Brandenburgi, post transactionem, cum Rege initam, ut urbes Clivenses, prius a Batavis, postea a Gallis detentas, reciperet. Contra vero Danus, Cellensis, Guelferbytanus, Hasslo-Cassellanus in partes Cæsaris abeunt, Hispano jam pridem foedere eidem adstricto; Anglo vero, armis positis, quiescente, Parlamento vero in Galliam armato.

Lud. Batavi-  
am deserit.

Gallus, cum tanta in se foedera pangi cerneret, Cæsaremque priori jam anno ad Rhenum usque cum exercitu progressum, ut regni sui securitati consuleret, Bataviam, remotam nimis, abdicandam censuit, eductisque ex quadraginta & ultra, quas ceperat, munitis urbibus arcibusque, præsidii, solam Graviam retinuit, cui Trajectum ad Mosam, anno 1673 expugnatam, adiecit, theatrum belli deinceps in Belgio Hispanico & Germania fixurus: ridentibus in sinum Batavis, mures Gallicos aliena ope  
tam

tam cito a caelo suo devorando abstractos. Gallos vacuis manibus Batavia decessisse, utique non est credibile; quod autem crudelitate tam immani sævitum sit, qualem inter Christianos populos in nulla Historia sit legere, prout laudatus supra auctor scribit, alii scriptores non memorant.

## ARTICULUS XVI.

*Treviri Capti. Pugna ad Senefsam, ad Moncastellum, ad Montes.*

*Progressus Gallorum. Batavi pacis avidi, quam primi ineunt* 32.  
*Neomagi. Acceptant Hispani, &*  
*Cæsar.*

Cum autem Galli cernerent, a Cæsare, & pluribus Imperii Principibus ad Rhenum bellum sibi moveri, limitaneas Germaniæ urbes, *Trevirim*, Alsatia civitates, aliasque occuparunt; exercitu sub Turrenio in Palatinatum & Franconiam infuso; ut Rhenum, Mænum, Mosellam & Mosam in potestate haberent. Unde irritati Imperii Ordines Cæsari plerique se addixerunt, prout in relatione Historica de statu Germaniæ prolixius differuimus. Jam res Belgicas breviter persequamur.

Anno belli primo (1672.) Galli Bataviae magnam partem occuparunt. *Altero*, ut milite præsidario adversus tot hostes uti possint, ex illa abscefferunt, *Gravia* duntaxat retenta & *Trajectum* multi sanguinis impendio expugnarunt. *Tertio* a Ludovico tota subacta Burgundia, confertaque, *Condao Duxore*, cum Cæsa-  
 reis, Hispanis & Batavis, quos Auriacus regebat, ad *Senefsam* in Brabantia tam atrox pugna, ut multa millia utrinque ceciderint. Non sanguinolentum prælium deremit, quo Galli, multis captivis & spoliis onusti, in castra recesserunt, fœderatis adhuc in acie stantibus: pars utraque victoriam celebravit. Alterum fœderati erant inituri prælium, nisi Souchius, natione Gallus, qui Cæsareos ducebat, se subduxisset. Exauthoratus propterea a Cæsare & in exilium missus, suffecto in ejus locum *Sporckio*. Auriacus vero post trimestrem obsidionem *Graviam* cum multis, quæ Galli Batavia extulerant, spoliis recepit.

*Quarto* Gallis cecidit Dinantum, Hujum, Limburgum, arx Gallia pro-  
 Leodienlis, Thænæ. *Quinto* Condatum & Buchainum Condæus gressus.  
 cepit:



cepit: eoque Turrenio, ad prosequendum in Germania bellum, suffecto, Humerius Mareſchallus Ariam, Crequius arcem Bullioniam & S. Gilanum: Auriaco Trajectum frustra obsidente, damno maximo.

*Sexto* in potestatem Gallorum venerunt Valencenæ, Came-  
racum, Audomarum: ad hujus obsidionem solvendam cum accu-  
reret Auriacus, infelix bello Princeps, ab Aurelianensi Duce acie  
victus est, a Carolo regii etiam obsidione repulsus. Pugna illa, qua  
*Aurelianensis* Regis frater, foederatos cecidit, omnibusque impe-  
dimentis exiit, *Moncaſſelenſis* appellatur. Cæsi in acie 4000, capi  
3000.

Pugna Mon-  
caſſelenſis.

Nec foederatis felicior Annus septimus belli (1678.) nam  
Galli jam initio Martii campum Martium ingressi Gandavum &  
Ipras, præstantes Flandriæ urbes, dum Batavi adhuc in hybernis  
sterterent, occuparunt. Dum autem Galli Luxemburgio Duce  
Montes Hannoniæ obsidione cingunt, Auriacus, bellum, infelici-  
ter gestum, magno facinore coronaturus, illos aggreditur. Pu-  
gnatum acriter dubio Marte in noctem: & recruduisse die altero  
prælium, nisi de pace, cum Batavis confecta, fuisset nuntiatum.

Pugna ad  
Montes.

Dissoluto, propter interceptum maxime Fürstenbergium,  
Colonienſi legatorum conventu, jam anno 1675. *Neomagum*, sive  
Noviomagum, celebris Geldriæ provinciæ civitas, delectus fuit  
paci faciendæ locus. Cum Suecus in partes Galli secessisset, de-  
latum conciliatoris munus Carolo, Angliæ Regi, qui neutras tunc  
partes sequebatur. Nec cunctanter, pacatæ Europæ gloriam ap-  
petens, commissam sibi provinciam suscepit, misso Templo, viro  
acri & rerum agendarum experto, cujus industria pax etiam Bre-  
dana & Aquisgranensis coaluerat. Subsequitur Templo adjutor  
Arlingtonus, non minus Gallo quam Regi suo gratus.

Batavi pa-  
cem quæ-  
runt.

Batavi, belli, ruinarum atque jacentis commercii pertæsi,  
cum cernerent, per imensos sumptus non aliud lucrum capi,  
quam ut quot annis Belgium magis magisque accidatur, Gallus-  
que crescat, omni opera pacem sibi comparandam putabant. Ob-  
stitit Auriacus Gubernator, cui Rempublicam gerendam commi-  
serant, sive quod nullam, sibi decoram, pacem iniri posse cerne-  
ret, sive quod gloriæ suæ vulneribus cicatricem obducendam spe-  
raret.

Ne tamen, aut apud Britanniae Regem aut Batavos, in  
quorum animis propter tot clades jam viluerat, offensionem in-  
curreret, tales pacis condiciones proposuit, quas a Gallo non ad-  
mittendas

mittendas, videbat. Hispaniæ Rex Ducis Aurelianiensis filiam conubio sibi jungeret, cui Ludovicus Rex omnia, quæ a Pyrenæa pace de Belgio abstraxerat, in dotem traderet. Anglorum Regi, si talem pacem procuraret, ducenta librarum Sterlingarum millia præmium fore.

Sed non ea erat rerum facies, ut Gallus aliquid amittendi animum induceret. Ad causam insuper Fürstenbergii capti & Lotharingi, cui Gallia Ducis titulum negabat, negotium adhæsit.

Annus 1676 Neomagi in determinandis ceremoniis fuit consumptus. Electores Imperii contendebant, legatos suos eadem solennitate, obviam procedendi, salutandi, sedendi, ac Venetæ Reip. Regumque adeo legatos, excipi, & *excellentiæ* titulo honorari; ut adeo Cæsari nulla honoris prærogativa relinqueretur.

Disceptationes Neomagenses.

Similibus contentionibus annus sequens absumptus Neomagi. Angliæ legati, tanquam conciliatores primum, etiam ante Cæsareos, locum postulabant. Brandenburgico legato titulum *Excellentiæ* negabant. Hinc evitatus congressus, & per solos ferme Batavos internuntios omnia agebantur. Aderat etiam legatus Pontificis, quem Conciliatorem Anglis addi Cæsar volebat. prout in pace Monasteriensi factum: nec abnuerunt Gallus & Hispanus, ejusque opera sunt usi, quamvis, reliquis Protestantibus non admodum invitis, vehementer se opponerent Batavi.

Ventum tandem, suspensis contentionum parergis, ad rei summam. Damnorum compensationem pars utraque petiit. Galli Cæsari ac Brandeburgo pacem Westphalicam offerunt, Dano Hafniensem, Batavis Trajectum, cum Hispanis ex Interdicto *uti possidentis*, agere volebant.

Displicere vehementer hæ conditiones reliquis fœderatis: solis Batavis placuerunt, Trajecto, maximi momenti ad Mosam urbe sic potituris, quam, si armis eripienda esset Gallis, ex fœdere Hispanis tradi oporteret. Tegebant tamen adhuc silentio sua pacis consilia. Et sic dum Cæsar Lotharingiam, Alsatiam, Brisacum, Friburgum, restitui peteret, Hispanus nihil amittere vellet, Gallus omnia retinere, Suecus recipere omnia, Brandenburgus nihil reddere, actum est nihil.

Tandem anno 1678. quod dudum meditabantur Batavi, in privatam cum Gallis pacem consenserunt, melioris conditionis fore rati, qui primus paciscatur, quam qui ultimus. Quia vero magnam se apud confœderatos suos offensionem incursum facile



Batavorum  
querelæ.

videbant, acerbe conquesti sunt, Cæsarem, Danum, Brandenburgum, Imperii Principes privatis suis rationibus consulere: Hispaniam inertem torpere, ab Anglia in illis Regem inter & Parlamentum motibus, nihil sperandum: totam ferme belli molem humeris suis incumbere: nonaginta armatorum millia Batavo stipendio ali: septenne hoc bellum pluris sibi, quam septuaginta annorum cum Hispanis bellum constituisse, nec alio operæ pretio, quam ut singulis annis propiorem finibus suis hostem haberent. Res ita esse comparatas, ut æstas imminens Flandriæ atque Brabantia fatalis, perruptis jam aggeribus, merito timeatur: Brugas, Bruxellam, Lovanium, Mechliniam, Antverpiam, complementum Gallicæ victoriæ fore: præstare partem servare, quam totum amittere.

Primi pacem  
ineunt, ut  
Trajectum  
recipiant.

Igitur Batavi ultima Julii, abrupto fœdere primi, ut *Trajectum* reciperent, subscripserunt paci, quam fœderati ut injustam, pactis juratis, Divinis humanisque juribus pugnantem, sunt execrati: fœderatos, ac maxime Cæsarem unice propter Batavos gravissimum hoc bellum suscepisse, suaque omnia discrimini obtulisse, ut ab extremo exitio servarentur; jam vero hanc gratiam rependi, ut in socios soteris telum retorqueatur, ab eorum cervicibus aversum. Ecqua hæc gratitudo? quæ fides? quæ sanctimonia fœderis? quæ sacramenti religio? documento id memori fore posteritati, quid spei reponendum in iis, qui fidem juratam tam turpiter infregerunt: si annus 1672 rediret, quem amicum habituros?

Querelæ fœ-  
deratorum.

Sed quam justæ, tam inutiles erant hæ querelæ. Dicuntur legati Batavici, instigantibus Hollandicæ provinciæ statibus, & maxime Amstelodamensibus, Löwensteinia factionis, adhucdum gliscentis, consulibus, insciis statibus Generalibus, Hagæ Comitibus congregatis, hanc pacem præcipitasse. Sed hoc videtur incredibile. Si enim displicuisset, cur eam habuissent ratam? Cur acceptassent & confirmassent?

Amstelodami  
descriptio,

Quamvis enim Hollandiæ provincia tantum dicatur ad onera publica contribuere, quantum omnes reliquæ sex provinciæ, & Amstelodamum, mundi compendium, omniumque Nationum commercantium emporium, 50000 ædificiis, 200000 incolis, 4000. lapideis pontibus, interfluenti Amstelæ & canalibus impositis frequens, curia, qualem orbis non vidit, collybistarum mensis, portu, mille navium capace, immensisque opibus superbum, quantum omnes reliquæ civitates ad Rempublicam conferre, eam tamen

tamen ipsis esse auctoritatem, ut invitis reliquis provinciis, quæ etiam suas formant Respublicas liberas, & insciis statibus Generalibus, qui ex singulis provinciis sunt delecti, atque Hagæ suos conventus habere solent, invito quoque Gubernatore, cui tan- Et Hollan- quam supremo terra marique Præfecto rerum agendarum clavum dia. committunt, magni momenti negotia, quæ universam Rempubli- cam concernunt, qualia sunt belli pacisque arbitria, sua aucto- ritate possint tantam potestatem exercere, nemo est, qui credide- rit. Sic enim reliquæ provinciæ non amplius essent liberæ, sed Hollandicæ subiectæ, aut isti duntaxat a consiliis, si penes solam essent rerum arbitria.

Imo, tametsi omnes Batavi vulgo *Hollandi* appellentur, ta- men in Comitibus Generalibus provincia Hollandica ne quidem pri- mum locum occupat, sed sedent hoc ordine: Geldria, Hollan- dia, Zeelandia, Ultrajectum, Frisia, Transsylvania, Græninga. Ubi illud adhuc notari potest, tres esse Frisias, quæ confundi inter se nullatenus debent, *Occidentalis* nempe, quæ ad septen- Tres Frisæ. trionem projecta, est appendix Hollandiæ, eique situ adhaerens unam cum illa provinciam constituit, sicut Zutphania cum Gel- dria. Altera est Frisia *Orientalis*, Principatus videlicet in Ger- mania, ad Rom. Imperium spectans. Inter has media Frisia est una ex septem Batavorum provinciis, quæ longo tempore pecu- liarem Gubernatorem ex Domo Nassovio-Diecenti habuit, qui propterea *Friso* cognominabatur, & Leovardiæ, provinciæ me- tropoli, sedem fixerat.

Sic neque cum memorata Geldria, Batavorum provincia, Duæ Gel- quæ *inferior* dicitur, confundi debet Geldria *superior*, cujus dia. diversa omnino est ratio. Etsi enim olim ad unum Geldriæ Du- catum utraque spectabat, superior tamen remansit in Hispanorum potestate usque ad hoc sæculum XVIII. quo inter Austriacos, Borussos & Batavos fuit divisa; primis cecit Ruremonda, secun- dis Geldria, tertiis Venloña, principes provinciæ urbes.

Confectam Gallos inter & Batavos pacem acceptare coacti Hispani pa- sunt Hispani, in ea rerum suarum infirmitate tanto hosti sine Hol- cem coacti landis impares. Relinquere igitur in Galliæ manibus debebant acceptare, totum comitatum *Burgundiæ*, & in Belgio nobilissimas urbes ac quamvis mi- munimenta, *Cameracum*, *Valencenas*, *Ariam*, *Tornacum*, *Ipræs*, *Audomarum*. Gandavum vero, Limburgum, Condatum, Bu- chainum cum reliquis hoc bello captis, exceptis memoratis ur- bibus,



bibus, restituta sunt a Gallis, optimo consilio multa occupantibus, ut pauca restituant.

Et Cæsar, defertus a sociis.

Sequenti anno 1579. etiam Cæsar, defertus a sociis, pacem Neomagensem iniiit; cujus epitomen supra, ubi de statu Germaniæ, dedi.

## ARTICULUS XVII.

33. *Monumenta quædam, bella ista Belgica & Burgundica concernentia, ex actis publicis deprompta.*

### §. I.

### QUÆSTIO:

*An Cæsari & Imperio fas sit, Circulo Burgundico contra Gallos succurrere?*

Cum Galliæ Rex gemino bello post pacem Pyrenæam Burgundiam Belgiumque fuisset aggressus, quæstio in Comitiis Ratibonensibus fuit agitata, an Cæsari & Imperio circulo Burgundico liceat succurrere? Affirmabant Cæsarei, negabant Galli. Sparsi ab utrisque in hanc rem libelli.

Galli ad Instrumentum pacis Monasteriensis, ejusque Art. III. appellarunt, ubi dicitur: *Circulus Burgundicus sit maneatque membrum Imperii, post controversias inter Galliam Hispaniamque sopitas in hac pacificatione comprehensus; bellis tamen in eo jam vertentibus nec Imperator, nec ullus Imperii status se immisceat. In futurum vero, si inter ea regna controversiæ oriantur, firma semper maneat inter universum Imperium & Reges, regnumque Galliæ de mutuis hostibus non juvandis supra dicta reciproca obligationis necessitas.*

Supra dicta autem obligatio habetur Art. II, ubi sancitur, ut alter alterius hostes, præsentis & futuros, nullo unquam titulo, vel prætextu quocunque modo juvet, aut ullis copiis, quas contra aliquem hujus pacis consortem duci contigerit, transitum indulgeat.

Ex his, dicebant Galli, manifeste patere, Cæsari aut Ordinibus Imperii fas non esse, Hispanos aut Batavos adversus Galliæ

liæ Regem, pacis consortem, juvare. Cum clare statutum sit, ut neutra pars alterius hostes, præsentis aut *futuros*, quocunque titulo juvet: ut hoc locum etiam habeat, si *in futurum* inter ea Regna (Galliæ & Hispaniæ) controversiæ oriantur: ut bellis, in circulo Burgundico vertentibus, nec Imperator, nec ullus Imperii status se immisceat.

Perspectum id satis fuisse Hispanis, qui propterea sint protestati contra II & III Articulum, conquestique, sic Burgundiam & Belgium solummodo nomine tenus haberi pro circulo Imperii. Ea tamen protestatione non obstante, paciscentes ad conservandam pacem inter Imperium & Galliam, eam cautelam esse necessariam judicasse, ac proin Instrumento insertam.

Ad hæc Austriaci respondebant, clarum esse sensum Instrumenti Monasteriensis: in eo transactum id tantummodo, ut in præsentis bello, hoc est, quod pacificationis tempore, & postea etiam cum Hispanis continuabatur, Cæsar aut Imperii status Hispanum non juvent. Perspicue hoc significari per verba: Bellis *jam* vertentibus: sensum ergo dilucidum esse: durante quidem bello tunc Galliam inter & Hispaniam vertente (quod per pacem Pyrenæam finitum fuit) non esse assistendum Hispanis: at vero bello illo finito, sicut alios Imperii circulos consortem hujus pacificationis fore circulum Burgundicum, adeoque sicut alios circulos a consortibus defendendum, & ad quid esset Imperii membrum & circulus, si nullus unquam esset effectus?

Verba autem illa: *in futurum vero, si inter ea regna &c.* interpretationem a prioribus, ne illis sint contraria, accipere, ita, ut verus eorum intellectus sit: si in futurum inter regna Galliæ & Hispaniæ, tanquam externos, bellum oriatur, e g. si Gallus Cataloniam aggrediretur, quæ cum Imperio nihil commune habet, neutra paciscentium pars alterius hostibus opituletur: Burgundiæ vero circulum non esse exterum, sed membrum Imperii; ac proin, si ille invadatur, non inter regna, sed inter Imperium & Regnum Galliæ rem agi.

Hunc sensum aperte declarari per capitulationem Cæsaream, in qua Leopoldus Imperator Art. XIII promittit, in quantum circulum Burgundicum, & bellum, in eo *tunc, tempore initæ pacis existens & adhuc durans*, concernit, Westphaliæ paci conformiter se gesturum, nec coronæ Gallicæ præsentibus ac futuris hostibus *externis* auxiliaturum. Et Art. XIV nullatenus nos miscebitur in bella, quæ in Italia & circulo Burgundico *nunc* geruntur.



Duo hic dilucide contineri: primum, Cæsarem nunquam Galliae hostes *exteros* adiuturum: secundum, neque Burgundiae circulum (qui respectu Imperii non est Galliae hostis exterus, sed ejus membrum) quamdiu hoc bellum, anno 1635 coeptum, durabit.

Et sane recta ratione suaderi, eum, qui promittit alterius hostes non juvare, non promittere, quod se ipsum, aut sua membra nolit defendere. Tale autem membrum esse Imperii circulum Burgundicum, jam a Maximiliano I. anno 1512. inter circulos comprehensum, & a Carolo V in Recessu Imperii 1522, maxime vero in *Transactione Burgundica*, anno 1548 Augustae inita, atque in Recessum Imperii relata, per quam Imperator & Imperii ordines se obligarunt, ad Belgicas & Burgundicas circuli Burgundici provincias, tanquam membra ejusdem Imperii, non minus ac alios circulos, *defendendas, conservandas, fovendas, ac fideliter juvandas.*

Per Pacem dein Monasteriensem, centum post annis cum corona Galliae confectam, hanc defensionem tantisper, quamdiu nempe bellum illud cum Hispania, tunc vigens, duraret, fuisse suspensam, sed nequaquam ultra finem illius belli, quod anno 1659. per pacem Pyrenaeam fuit terminatum; tum vero, secundum expressum Instrumenti Monasteriensis tenorem, in pace comprehendendum, hoc est, sicut alios consortes pacis & Imperii circulos defendendum, & contra hostes quoscunque adjuvandum; prout in eodem Instrumento Art. III. sancitur: ut neutra pars alterius hostes juvet, *salvo asservationis Articulo infra* (num. 117.) *descripto.*

Eundem Instrumenti intellectum adhuc magis declarari, dum sexennio post (1654.) dum ipsi paciscentes adhuc vivebant, quibus mens instrumenti in recenti erat memoria, Cæsaris totiusque Imperii consensu civitas Bisontina Regi Hispaniae pro Franckenthalio fuit tradita, ea conditione, *ut inter circuli Burgundici provincias pari protectionis ab Imperio jure, vigore antiquorum patrum, possidenda existat, & comprehendatur.*

Quod autem ab adversa parte dicatur, Burgundicum circulum esse aridum & inutile membrum Imperii, id a veritate omnino alienum videri, cum non raro Rex Catholicus inde eduxerit exercitus, quibus res Imperii dubiae sint stabilitae, urbes, provinciae, circuli integri aut servati Imperio aut restituti, nummi vero longe ultra Matriculam collati.

§. 2.

Fœdus inter Cæsarem & Brandenburgum anno 1672 34.  
initum.

Post irruptionem Gallorum in Hollandiam, primi fœdus inter se pepigerunt pro hac atque Imperio defendendis Cæsar & Elector Brandenburgicus, Fridericus Wilhelmus, cujus hæc erant capita.

1. Maneat constans amicitia (*ad annum duratura.*)
2. Confirmatur fœdus decennale, jam antea initum.
3. Pax Osnabrugensis servetur illæsa.
4. Paciscentes Osnabrugenses & Hispanus possunt accedere huic fœderi.
5. Pax Pyrenæa, Clivenfis, Aquensis conserventur illæsa, ad defendendum Belgium Hispanicum.
6. Uti etiam transactio Electoris Colonienfis, cum Colonia civitate inita.
7. Sociabit in casum necessitatis pars utraque arma.
8. Pars utraque in hunc finem paratum exercitum habeat, pro tranquillitate conservanda.
9. Cum Cæsar cum aliquibus Principibus jam fœdus inierit, dabit operam, ut huic accedant.
10. Pars neutra possit facere pacem aut inducias sine alterius consensu.
11. Durabit hoc fœdus minimum per decennium.

Articulus secretus 1. Provideatur civitati Colonienfi. Congreget Cæsar 12000 armatorum, & totidem Brandenburgus.

2. Nihil ad rei summam pars una faciat sine altera.
3. Quoad religionem omnia relinquuntur in statu præsentis secundum pacem Westph.
4. Civitati quoque Bremenfi servetur libertas &c.
5. Cæsareæ dignitati nullum præjudicium inferatur. Circa transitum & hospitalitatem exterorum serventur Imperii constitutiones.
6. Pax Westph. decernens, quomodo statibus bellum liceat, servetur.
7. Hispanus pro conservanda pace Pyrenæa & Aquensi congruum subsidium Electori conferat.
8. Curet Elector, ut Danus, Domus Brunsvicensis, & Cassellenfis huic fœderi accedant.

§. 3.



## §. 3.

35. *Fœdus Hagense inter Cæsarem & Batavos Anno 1672.*

**B**atavi, a Gallo invasi, rogarunt a Cæsare auxilium pro pace Clivenſi & Weſtph. conſervandis. Unde hoc fœdus iſtum.

- 1 & 2. Promittit Cæſar, ſe ultra 12000, cum Brandenburgicis conjungenda, totidem additurum, ſed ſub ſtipendiis Batavorum, in quæ conferent in ſingulos meſes 45 Imperialium millia.
3. Batavi exercitui Cæſareo Brandenburgico addent octo peditum millia: nec pacem facient ſine Cæſaris & Electoris conſenſu (*quod vidimus, quam ſanctè obſervaverint.*)
4. Etiam finito hoc bello, maneat fœdus inter Cæſarem & Batavos, atque pars quælibet 12000 habeat parata ad mutuam deſenſionem, impenſis petentis auxilium alenda.
5. Parti utrique liberum ſit, pauciores copias petere. Comuni conſilio omnia agantur.
6. Neutra pars poterit aliud fœdus inire, quod huic deroget.
7. Hoc fœdus ad decennium duret. Acceſſit iisdem cùm Batavis conditionibus Elector Brandenburgicus.

Eodem anno paulo poſt initum eſt *fœdus Brunſuicenſe* in triennium, inter Cæſarem, Danum, Brandenburgicum, Luneburgenſes, & Caſſellenſem, pro deſenſione pacis Weſtph. & quietis in Imperio, determinato copiarum numero, a ſingulis confeſtando ad mutuum auxilium.

## ARTICULUS XVIII.

36. *Unionum Systema Belgium quoque infeſtat. Inducia vicennales. Bellum ob cauſam Palatinam. Lud. Rex in Belgium. Montes & Namurcum capit. Luxemburgi victoria. Namurcum redit ad Hiſp. Bellum incendiarium. Pax Rifiſcenſis, Hiſpanis favorabilis.*

**U**nionum Gallicarum ſystema, mox poſt pacem Neomagenſem erumpens, Belgium quoque, Luxemburgenſem maxime Ducatum, afflixit, pati coactis provincialibus, quidquid Tornacenſe tribunal decreviſſet. Multum proin terrarum ſine interceſſione ereptum, Luxemburgum oppugnatum, Auriaci bona occu-  
pata;

pata; sed Batavis factionibus scissis, Brandenburg Gallis favente, & ne bellum illis propterea fieret, obstitente, Principibus Germaniæ inter se divisis, belloque Turcico flagrante, *Inducias Vicennes* inire necesse fuit. (*vid. Germanica.*)

Exorto ob causam Palatinam & Coloniensem anno 1688 bello gravissimo, Belgium pro more pars illius non parva fuit, Gallo haud alibi lubentius, quam in illa munimentorum catena theatrum belli aperiante.

Causam & occasionem Hollandis bellum indicendi dedit Wil. Belli causæ. helmus Nassovius Princeps Auriacus, Belgii Fœderati Gubernator, qui auxiliantibus Batavis cum classe 65. navium bellicarum, alioque apparatu in Angliam trajecit, ductis secum 30000 hominibus, adversus Jacobum II Regem legitimum suumque socerum.

Batavi, ut inexpectati hujus consilii rationem orbi probarent, Principum legatis Hagæ significant, assistere se oportere Gubernatori suo, qui in Angliam navigaret, nequaquam ut regnum invaderet, aut Regem throno suo dejiceret, sed ut Nationi, legibus, libertati, religioni reformatæ, quam Jacobus eversum iret, succurrat. Verum Rex Jacobus non eversum ibat religionem reformatam, sed libertatem conscientiæ, quam Protestantes olim toties appellabant, permissam voluit. Neque Wilhelmum religio in Angliam egit, sed corona, obtentu religionis quæsitæ.

Anno 1689. Humierus Franciæ Marechallus ad Walcurium a Waldeccio Principe, Hollandorum Ductore, clade affectus est, Rex Lud. in 1200 Gallorum cæsis. Humiero surrogatus *Luxemburgus* belli Im-Belg. perator in Flandria, qui anno 1690. Waldeccio vices reddit, prope Carolo Regium 6000 Hollandorum acie cæsis, 7000 captis.

A. 1691. Rex cum Principibus Regii sanguinis, Carnutensi, Borbonio, Contio, Mainio, Tholosano, Vendomio & Marechal-lis, Luxemburgo, Duras, Fevillada, in Belgium progressus, *Montes* Hannoniæ expugnavit, antequam Auriacus (Rex Angliæ proclamatus) suos Anglos & Hollandos ex hybernis educeret. Leodium, quia receperat fœderatorum copias, ignibus missilibus a Gallis impetitur.

A. 1692. Gallis cessit *Namurcum*, præsentē iterum Rege, Luxemburgo vero oppugnationem cum exercitu protegente, ne Elector Bavarix & Auriacus eam possent solvere. Secutum est prælium *Stenkecanum*, quo cæsi fœderati ad septem suorum millia amiserunt.



A. 1693. *Bufflerius* Furnas capit, captis 4000 Anglorum: Land. pagna. Hujum Villaregius. *Luxemburgus Landensem* reportat victoriam, caësis foederatis, & opima præda reportata. Carolo Regium Villaregio se deditit: Hollandis vero Ponticherium in India Orientali, præcipuum Gallorum munimentum.

A. 1694. Variis itineribus & mutatione castrorum finita promodum fuit in Belgio expeditio. *Wilhelmus* tamen *Auriacus*, raro exemplo, Hujum & *Dixmudam* recepit. *Diepam* vero & *Portum Gratiae* Classis foederata ignibus infestavit, magno privatorum damno, nullo ad rei summam emolumento; nisi quod animi ferme magis, quam ædificia inhumano hoc belli genere accendantur. In *Dunkercam* quoque & *Morclavium* igniarius hic imber defæviit.

A. 1695. Mortuo *Luxemburgo*, heroi eximio, successit in supremo exercitus Belgici Præfectura *Villaregius*, minus felix quam artium bellicarum peritus. Elector *Bavariæ* & *Auriacus* *Namurcum* expugnarunt, Galli decem millia, foederati dimidio plures amisisse scribuntur. Postquam residui de præsidio liberi fuerant dimissi, detentus est *Bufflerius* *Mareschallus*, quod Galli præsidium *Dixmudæ* contra deditionis pacta retinuisent. Memorabile etiam videtur, quod, dum Galli anno 1692 *Namurcum* expugnant, portæ urbis inscripserint hoc lemma: *reddi potest, vinci non potest*: nunc vero, cum Foederati idem munimentum oppugnatione cruenta recuperaverant, substituerint hanc epigraphen: *et vinci, et reddi potest*. Galli dicunt, quod expugnatio *Namurci* sit præcipuum opus, quod *Wilhelmus Auriacus* tota vita sua patrarat. Verum in eo perficiendo socium habuit *Maximilianum Emmanuelem* Electorem *Bavariæ*, Heroem toto orbe notissimum.

Obiit hoc anno *Maria*, *Jacobi II* filia, Principis *Auriaci* conjux; qui tamen perrexerit, se Regem *Magnæ Britanniae* gerere: sed quo jure in regno hæreditario?

Bellum incendiarium.

*Villaregius* *Bruxellas* ignibus infestavit, quibus tria domorum millia conflagrarunt. *Larreyus*, *Wilhelmi Auriaci* panegyrista, in sua *Historia Angliæ* propterea scripsit, nullam amplius esse *Galliæ* politicen. Sed responderent Galli, se secutos Anglorum politicam, qui *Dunkercam*, *Diepam*, *Maclovium*, *Portum Gratiae*, aliaque *Franciæ* littora, quantum in se erat, in cineres rede-gissent.

A. 1696. Angli & *Hollandi* eandem politicam exercuerunt in *Caletum*, centum domibus combustis, in *Insulam Rheam*, im-missis

missis 4000 ollis igniariis, totidemque in Olonnam. His gestis expeditio maritima anni istius stetit. Terrestris in Belgio adhuc fuit sterilior, aspectibus mutuis absoluta.

Anno 1697. postquam Catinatus, confecta cum Sabaudo pace, in Belgium translatus Athum expugnavit, Rîsvici Gallus etiam cum Hispano, Anglo, & Hollando in pacem convenit, interlocutore Sueco.

Hispanis Rex Christianissimus restituit Montes, Caroloregium, Cortracum, Athum, cum locis, post pacem Neomagen-<sup>Pax Rîsvic-</sup>sem reunitis. Hollandis impositum, ut Marchionatum Bergensem ad Zomam Comiti Arvernâ, quem hoc bello possessione dejecterant, restituerent, prout etiam Ponticherium in India societati Gallicæ Orientali. In favorem Angliæ Wilhelmus Auriacus agnitus Rex Angliæ, destituto Jacobo II Rege. Loca, utrinque ablata, reddita.

Mirati sunt multi, Ludovicum victorem tot urbes terrasque restituisse. At ille altiori e specula prospiciebat; ea Caroli II infirmitate nodum magni fœderis scissum volebat, Hispaniam Domui suæ conciliatam, maris potentes amicos, ut consiliis suis de Hispania viam complanaret.

Quamvis autem magnum Protestantibus gaudium afferret, quod, dejecto Jacobo catholico, suo de gremio Princeps in throno Britannico esset firmatus, latitiam tamen temperavit dolor geminus, & quod Edictum Nannetenſe non fuerit, prout petierant & speraverant, restitutum, & quod Articulo pacis IV fuerit inserta, invisâ sibi, de qua alias clausula. Anni sequentes impensî sunt partitionibus Monarchiæ Hispanicæ. Et prima quidem Hagæ facta, tribuitur Carolo Archiduci Mediolanum, Delphino Neapolis & Sicilia cum portibus Hetruscis & Guipiscoa, reliqua Monarchia Principi Electorali Bavarix: hoc vero mortuo altera divisione, suscepta Londini, Delphino adjecta est Lotharingia, Duci vero Lotharingiæ Mediolanum assignatum, reliquum Monarchiæ Carolo Archiduci. Quantum in omnem partem fuisset

auctum regnum Galliæ, si partitione stetisset!





CAPUT V.  
DE  
STATU HELVETIÆ  
SÆCULO XVII.

## SUMMARIUM.

37. *Instituta Congregatio Benedictino-Helvetica. Fœdus cum Henrico IV. Sabaudus Genevam tentat. Bellum in Valle Telina. Turbæ Religionariæ. Bellum intestinum. Vilmergensis Catholicorum victoria. Pax. Lis Episcopi Basileensis cum urbe. Lites Glaronensium compositæ. Calumnia Hottingeri in Card. Sfondratum. Supplicatio processionis a Sangallensibus turbata. Calendarii correctio. Turbæ Grisonicæ. Abbas Murensis creatus S. R. J. Princeps.*

Congreg. Be-  
ned. Helvet.

**A**nno 1601 erecta est congregatio Benedictino-Helvetica, consilio & opera Joachimi Beroldingeri, Decani Einsidlensis, primum inter Abbates St. Gallensem, Einsidlensem, Muranum, & Fischingensem. His accesserunt Falerianus, Disertinus, Rheinaviensis, Engelbergensis, Steinenfis. Hæc congregatio a Clemente VIII. aliisque Pontificibus approbata, multisque privilegiis fuit ornata. Certe ab eo tempore Regularis disciplina & doctrina eximie floruit. Et vero zelo explicando vel ipsi Acatolici campum amplum aperuerunt, contra quos tot invicti deinceps heroes prodierunt

Fœdus cum  
Henr. IV.

Anno 1602. Helveti fœdus cum Henrico IV. Galliæ Rege renovarunt Parisiis in Ecclesia B. V. super sacris Evangeliiis jramento præstito. Rex eis confirmavit privilegia, quibus fruebantur in Francia. Cantones Protestantes eam adjecere conditionem, ne arma ferre cogantur adversus homines suæ religionis, Catholici vero, ut continuare sibi liceat fœdus cum Mediolano & Sabaudia, si illud non vergat in præjudicium Franciæ.

Sabaudus Ge-  
nevam ten-  
tat.

Anno 1603. Carolus Emmanuel Dux Sabaudia missis tribus armatorum millibus Genevam, cum Helvetis fœderatam, & sub Galliæ

Galliæ protectione stantem, noctu interciperere conabatur. Jamque plures superato vallo mœnia conscenderant, atque in urbem evaserant, cum cives strepitu excitî, armis correptis, hostem repulerunt, pluribus interfectis captisque, aliis in fossam desilientibus, & vitam sibi ipsis adimentibus. Genevenses in sabaudicum agrum effusi, incendia & populationem propagabant; jamque ad bellum res videbatur vergere, cum a Rege Galliæ feroces animi sunt conciliati. Dux factum per suum apud Bernates legatum excusabat, non fuisse intentionis suæ urbem retinere, sed Gallos prævertere, qui eandem per Lediguerium fuissent occupaturi. Cæterum eam civitatem Episcopus Genevensis dicebat suam, Sabaudus eam sibi vindicabat, Genevenses liberam asserabant.

Anno 1605. Genevæ interiit Theodorus Beza, dignus Calvino Discipulus & in cathedra pestilentia successor. Plures sunt scriptores, qui mortem ejus plenam desperatione referunt.

Anno 1610. Episcopus Basileensis cum septem Cantonibus catholicis fœdus renovavit, ad tuitionem maxime Religionis, a Zwinglianis undique impetitæ, quam etiam ex Vallesia extrudere omni ope collaborabant, prout ex Grisonia, Turgovia, Valle Rhœni &c. Münsterthalensibus jus civitatis Bernates dabant, ut hoc eos titulo contra Episc. Basileensem, Dominum suum, possent protegere.

In Vallesia anno 1614 in Episcopatum suæ factionis hominem intrudere conati sunt. Anno 1618 etiam ex 4 Zwinglianis Helvetiæ civitatibus Prædicantes in Dordracena synodo comparuerunt. 1619. Plurimum oppidum cum Schilono a collabente monte *Conto* in Grisonia penitus oppressum est, lacu inde emergente.

Anno 1620. Catholici in Valle Telina, a Grisonibus severe habiti, Wormium occuparunt, omnesque Calvinistas occiderunt. Bellum Val-  
Telinum. Miserunt illico Grifones Judices, qui in fontes animadvertant; & sectæ suæ Ecclesias erigant. Dux de Fera novus Mediolani Gubernator, a Catholicis imploratus, misit illico copias. Gallia, Veneti, Helveti causam communem fecere, non passuri, ut Hispania cum provinciis hæreditariis Austriacis, quæ sunt in Germania, tam facilem communicationem nanciscatur, miscabant se huic negotio; unde ortum novum bellum, interveniente summo Pontifice sopitum, sæpius rursus exarsit. Conventum denique, ut Hispani & Grifones ex Valle Telina suas reducerent copias, novâ propugnacula solo æquarent, & quidquid in detrimentum Religionis Catholicæ esset introductum, tollatur.



Anno 1623 cum turbæ Vallis Telinæ necdum essent composita, Hispanis adhucdum ibidem morantibus, provincia illa tanquam sacrum depositum Pontifici a Gallis & Hispanis fuit commissa. Sed cum neque hoc consilium haberet constantiam, unio inter Franciam, Sabaudiam, & Venetias in eum finem fuit concepta, ut Hispani cogerentur Valle Telina decedere; & munimenta, quæ crexerant, diruere.

Anno 1624. Cantones Solodori coram Galliæ oratore congregati, copiam fecerunt Gallis conductoribus, per omnes provincias habendi delectus, eum in finem, ut Hispani ex Valle Telina depellantur. Datus etiam a foederatis, Gallo, Subaudo, Venetis, Mansfeldio nervus belli, ut vires Austriacas distrahat.

Cævreus igitur Marchio cum copiis Vallem Telinam ingressus, plura munimenta expugnavit. Tandem vero post tot annorum turbas & bella, quæ minima hæc Europæ portiuncula Europæos inter summos Principes excitavit, confecta est pax, anno 1626. a Regibus Galliæ & Hispaniæ.

In ea confirmatur Jurisdictio suprema Grisonum in Vallem Telinam, Religio item Catholica cum exclusione omnium sectarum, tam in Valle, quam Comitatibus adjacentibus, Bormiensi & Clavennensi. Valtellini ipsi magistratus sibi eligant, & Gubernatores. In signum tamen subjectionis Grisonibus pendant annuatim 25000 Scutorum.

Quia autem occasione belli Valtelini contra Genuenses etiam, Hispanorum socios, foederati, (Galli, Sabaudi & Veneti) bellum gesserunt, delatus est Carolo Emmanueli Sabaudiæ Duci titulus Regis Cypri. Catholici Helvetiæ Cantones pacem approbaverunt, Protestantibus vero articulus de Religione displicuit. Grisonibus summa annua justo minor visa est, sed cum pax a summis Principibus esset confecta, acquiescere oportuit. Anno eodem (1626.) Heterodoxis Vallesia excedendum fuit, adnitente potissimum Hildebrando Jost Episcopo, formato in comitiis Sedunensibus Ostracismo.

Anno 1629, cum bellum ob successionem Mantuanam arderet, Imperator, capta Mayensfelda & Curia, per Grisoniam, Colalto Duce, traduxit exercitum, Venetis alteram per Tyrolin in Italiam viam præpedientibus. Translatus in Mantuanum agrum Germanus miles, urbem ipsam principem, non minus munitam quam opulentam, intercipit, paludibus glacie concretis, expilatque,

que, Nivernensi & Estræo legato Gallico in Romanæ Ecclesiæ terras se recipientibus, anno 1630.

Verum eodem adhuc anno conclusa est in Insabria suspensio armorum, & Ratisbonæ pax.

Tempore belli Suecici Helveti neutras partes sunt amplexi; quamvis Zwingliani non una occasione desideria sua prodiderint. Rottwilam Wirtembergicus Administrator anno 1631 occupavit, & a fœdere Helvetico, cui anno 1519. se adjunxerat, abstraxit.

Episcopus Constantiensis & Abbas S. Galli causas matrimoniales suorum subditorum, eorum quoque, qui a Religione desciverant, ad forum suum Ecclesiasticum pertinere, omni jure contendebant; sed ii sub Tigurinorum alas se abdiderunt, in gradibus prohibitis Tiguri copulati, competenti foro se subtrahere, usurpationibus hujusmodi longævam consuetudinem prætexentes. In communibus præsertim Præfecturis tales, aliæque lites quam plurimæ agitabantur; unde perpetuæ in comitis Badensibus & Francfeldensibus querelæ, & Catholicos inter & Protestantes Ordines contentiones. O quam alia fœderatæ & intime unitæ Reipublicæ fortissimæ facies, dum esset unius labii!

Turbæ Religionariæ.

Anno 1633. Lucernæ, (ubi, cum quidam incaute in voluminum nidum sclopium solveret, Augusta ad S. Leodegarii Basilicam ad muros usque conflagraverat) Catholici Cantones cum Victore Amadeo, Sabaudix Duce, fœdus renovarunt, cum patre ejus & avo initum, ad defensionem mutuam.

Tigurinis multiplex frequensque contentio cum Anabaptistis. Profelytos illos efficere laborabant; sed cum disputando nihil cum illis proficerent, quavis parte Scripturas ad suos errores absque judice detorquente. Quare ad vim, ad carceres, mortemque ipsam ventum: Anabaptistis ad libertatem conscientix, more Zwingliani & Lutherani ante hac usitato, frustra appellantis.

Anno 1638. Glaronenses A catholici circa scholas, causas matrimoniales, Præfecturas, peregrinationes sacras varia in præjudicium Catholicæ partis innovarunt. Novatores hæc licita sibi esse prætendunt, non autem Catholicis antiquas consuetudines retinere. Eodem jure Patres Capucini ex catholicis etiam in Grisonia locis, prævalente Calvinistarum potentia, per summum nefas expulsi sunt. In Turgoia Frauenfeldæ Zwingliani novum sibi templum construxere. Querulabantur nihilominus perpetuo, sibi ab

agno



agno aquam turbari; quod etiam anno 1655. factum, cum Dux Sabaudia Waldenses, pervicaces suos subditos, castigaret.

Bellum Reli-  
gionis.

Tandem Religionis diffidia adeo exarserant, ut anno 1666. in apertam belli flammam erumperent. Quippe, dum Arthi, oppido ad lacum Tugiensem sito, quidam a fide deficerent, & Tigurum profugissent, Suicenses, ad quorum cantonem Arthum pertinet, reliquos de defectione suspectos Suicium perduxerunt, contumacesque aliquos, pro suprema sua & independente potestate, capite multarant, subditos etiam suos, Tigurum profugos, repescentes, ni venirent, bona eorum fisco addicturi.

Tigurini vero, quibus se Bernates adjunxere, hac Suicensium acta injuriam suam interpretantes, atque jus emigrandi, quod probare non poterant, prætendentes, bona profugorum deposcebant: &, cum Suicenses, Tigurinis nihil in ditiones suas juris esse rati, leges nollent accipere, Tigurini aggressores ad arma versi, Rappersvilam, rupta pace, oppugnarunt.

Vilmergensis  
victoria.

Lucernates, Uranienses, Suicenses, Subsylvani, Tugienenses, injuriam non ferendam existimantes, vim vi retundere statuunt, atque ad *Vilmergam*, oppidum in libera provincia, 24. Jan. cum hoste congressi, insignem ab eo victoriam reportant; in cujus memoriam & debitam gratiarum actionem 23. Januarii quot annis Lucernæ solennis per urbem supplicatio sub vespertum instituitur.

Difficile tunc non fuisset Catholicis tantæ victoriæ, quæ 2000 Bernatum in acie cæsa, 500 capti referuntur, fructus legere, nisi pacis & Reipublicæ universæ amor manum cohibuisset. Annitentibus igitur Cantonibus Friburgo, Solodoro, Basilea, Scaphusia, Glarona, Abbatiscela, quæ neutras partes fuerant secutæ, pax confecta est, ex qua victores victosque non dignoscere; neque enim Catholici quidquam aut terrarum, aut novi juris sibi vindicabant, sed pacem & quietem, toties ab A catholicis turbatam, respiciebant: digni profecto, qui versa deinceps armorum fortuna eandem animorum aequitatem experirentur.

Pax.

Sancitum, ut quilibet Cantō in sua provincia & ditione suæ religioni & supremæ Jurisdictioni atque dominio, absque turbatione, quietus relinquatur. In communibus provinciis (uti Turgoia, Valle Rhenana, Comitatu Badensi & Sargantino) Religio *antiqua & vera* integra & illasa conservetur. Si qui vellent in alium Cantonem, præsertim si ibi diversa est Religio, emigrare, integrum sit loci dominis, contra tales subditos discessuros pro arbitrio procedere.

Verum

Verum ea pax, Badenæ inita, impedire non potuit, quo minus Tigurini novas in Turgovia Catholicis, & Abbati præsertim S. Galli molestias facefferent, civi quoque Frauenfeldensi, ad avita sacra reverso, liberos abstractos in suæ ditionis terram abducerent; quos tamen, intervenientibus Catholicis Cantonibus, restitui oportuit.

Major cum Basilea erat controversia; nam post Edictum Restitutionis a Ferd. II Imperatore anno 1629 promulgatum, Episcopus Basileensis Ecclesiam Cathedralem, a civitate injuste ereptam, repetiit; Cæsar vero Electori Bavaræ, & Archiduci Leopoldo executionem commisit. At mutata dein armorum fortuna negotium Edicti urgeri non satis poterat. Episcopi nihilominus juxta suæ petitioni porro insistere; nam Joannes Conradus alique anno 1663. rursusque anno 1672. tum Ratisbonæ apud Cæsares & Gallicos legatos, tum etiam in ipsa urbe Basilea jura sua sunt persecuti. Verum urbs obtentu Pacis Westph. & possessionis vindicationem elusit; quamvis annus normalis, in pace West. fixus, ad sola membra Imperii, a cujus nexu Basileenses jam anno 1501 se absciderant, pertinere, possessio autem absque justo titulo mala fide cæpta continuataque, nunquam fuerit quietata.

Anno 1679 Chavignius, Gallicus Genævæ legatus, in suo sacello Missam celebrari curavit, ad quam etiam exteris aditum concessit. Ingens mox in urbe fremitus: cingitur a furiosa plebecula Domus legati: exploduntur sclopi. Sed legati constantia se minime a sanctis & generosis cæptis absterri passus est.

Nec minus animosè Catholici Glaronenses eodem tempore, Glaronensis ringentibus heterodoxis, Patres Capucinos introduxerunt. Cum autem varia etiam alia dissidia orirentur, Cantones sex sequentes articulos proposuerunt, anno 1683. 1. Pars quælibet in civilibus & criminalibus suæ Religionis subditos privative judicet. 2. Si lis vertatur inter Catholicum & Aatholicum, pari numero ex utraque parte sint Judices. 3. Glarona unus indivisus Canto permaneat, atque pro negotiis exteris, & communibus, cum locis confederatis, atque pro communibus dominiis curiam communem habeat, ibique votum commune concipiat. 4. In expeditionibus provincialibus pars utraque suos ducat. 5. Dies Dominicos & Festos pars utraque observet.

Quando Rex Galliarum & Dux Sabaudiarum Calvinistas ditionibus suis expulerunt, dici non potest, quantos conatus Tigurum & Berna, ut id impedirent, opposuerint: quot legationibus & interces-



sionibus actum! quanta devotione hos, ut dicebant, pro Evangelio exules exceperint, foverint, atque Brandeburgo, Hollandis, Hassiæ Principi commendarint, armis & argento instruxerint, ut per stratas Domini sui copias vias ad reditum rimari possent. Nempe filii tenebrarum prudentiores &c.

Anno 1693. Bernæ Anabaptistæ invaluerant, prout ab uno errore ad alterum facilis est transitus. Verum senatus exilium, triremes, necem in eos decrevit, præsertim si sint prædicantes; nec proderat eis, quod ex Bibliis se vellent defendere.

Anno sequenti prope erat, ut ad arma veniretur; nam cum Wartavii, in Sargantino comitatu, qui ad septem antiquiores Cantones spectat, jam plures essent Catholici, Gubernator dedit illis sacerdotem Catholicum, jure vetustissimæ possessionis, & pacis tractatibus nixus; sed tota vi se opponebant Acatholici, donec tandem, Ameloto Gallico legato interveniente, lis fuit composita, reservato Catholicis suo jure.

Cum exeunte sæculo XVII. Cardinalis Sfondrati, viri doctissimi, qui Abbas & Princeps S. Galli ante fuerat, *Nodus Prædestinationis Dissolutus* in lucem prodisset, Præcones etiam Tigurini, fatali necessitate prædestinationis effectus definientes, nodum adhuc in scirpo quærebant. Hos inter Joannes Jacobus Hottinger, in Helvetica sua Historia, vel potius insulsa fabula, & calumniosa in Catholicos satyra, quam Tomis quatuor est complexus, ad annum 1695. scribere non veretur, duos Archiepiscopos & tres Episcopos librum Cardinalis Sfondrati *ut gravibus scitentem erroribus* apud Pontificem accusasse.

Honesti scriptoris fuisset, Archiepiscopos istos & Episcopos in tam gravi accusatione nominare saltem, ut aliquid probaret; sed de probatione hic homo non est sollicitus; sufficit illi, ut in plurimis aliis, calumniari, ut aliquid hæreat. Dos insignis profecto Historici! vel citat Hospinianum aliquem mendacem, aut Henricum Hottinger venerabilem suum parentem, aut alium Prædicantem Tigurinum, cacabus ollam. Catholicos ubique ceu homines inquietos & pacis perturbatores exagitat, Patres præsertim Capucinos, quia in Helvetia & Grisonia fidem orthodoxam strenue propugnant; ipsum S. Franciscum Salesium ceu virum levissimum traducit. De Catholicorum Vilmergeni victoria vix mentionem facit. Militibus ante invasionem Genevæ extremam unctionem impertitam, promissumque, eos per eandem scalam, quam mœnibus applicarant, in cælum ascensuros nugatur.

Calumnia in  
Card. Sfondrati.

Car-

Cardinalem Sfondrati in suo Nodo Dissoluto docere ait, in-  
fantes in utero materno mortuos, majori frui beatitudine, quam  
si in cælum essent recepti: eos cælo excludi propter peccata pa-  
rentum. Falsissimum autem est, tales doctrinas in Sfondrati libro  
reperiri. Aliud est, quod propter culpam parentum non perveniant  
ad Baptismum, aliud, quod propter illam cælo excludantur, cum  
propter peccatum originale excludantur; quæ certa Sfondrati &  
omnium Catholicorum doctrina est.

Postquam Cælestinus Sfondrati anno 1695 ad Purpuram Ro-  
mam advocatus, Principatum St Gallensem deposuit, 10 Jan. 1696.  
in Abbatem electus est Leodegarius Bürgerer Lucernensis, Deca-  
nus antea Monasterii, cui mox urbs St. Gallensis, quæ minime de-  
buit, molestiam intulit: & injuriam publicam, persimilem illi,  
quam olim Abbas ad S. Crucem a Lutheranis Donawerdæ est per-  
pessus.

Cum enim anno 1697. Festo Inventionis S. Crucis Monaste-  
rium piam supplicationem pro veteri more per urbem S. Gallen-  
sem educeret, Zwingliani crucem deponi imperant, cumque Ca-  
tholici nihilominus illam, aliquantum elevatam, præferrent, cives  
corruptis armis processionem & Monasterium infestant.

Graviter, ut par est, Abbas Princeps eam violentiam tulit,  
nihilque a vetustissima consuetudine alienum, nihil contra conven-  
tiones actum asserens, satisfacere sibi pro injuria petiit. At Zwing-  
liani ad vim reversi, occluserunt civitatis portas, ac erectis novis  
operibus, mœnia machinis tormentariis armarunt, donec quatuor  
Cantonum Protectorum Legati arma poni jusserunt, atque dein-  
ceps crucem ante pectus erectam per urbem portari. Condemnata  
etiam est urbs in expensas.

Postquam Protestantes in Germania ultra centum annos ad-  
huc errare maluerant in computo Ecclesiastico, quam correctionem  
Calendarii Juliani admittere, religioni sibi ducentes, aliquid, quod  
a Papa provenit, quamvis sapientissime esset constitutum, & ne-  
cessitas publica expulceret, admittere; anno tamen 1699 30 Dec.  
vel invitati a Papa didicerunt, qua ratione quoad substantiam emen-  
dandum sit Calendarium, atque, ut exemplum suum sequerentur, acceptatio.  
hortati sunt A catholicas quatuor Helvetiæ civitates.

At illæ, cum adhuc tenerioris essent conscientiæ, per an-  
num salubre negotium distulerunt, donec omisiss 11 diebus, an-  
num 1701 a 12 Januarii sunt auspiciatæ. Glarona vero, Abbatis-  
cella (quoad partem A catholicam) urbs San. Gallensis, & Grise-  
nes,



nes, Juliano aberrante uti perrexerunt, cum non modica rerum confusione.

Turbæ Rhe-  
ticæ.

In Grifonia Calvinistæ sub initium seculi XVIII. in apertam rursus vim adversus Catholicos eruperunt. Sagenæ, pago, horæ spatio distante Ilancio, plerique erant Catholici; sed Calvinistæ paulatim irrepentes, privato sectæ suæ exercitio non contenti, templum sibi construere moliebantur. Catholici, eam novitatem conventionibus patriis ac juribus suis pugnare, contestantes, se opponabant. Quare ad tria Novatorum millia, ex vicinis locis concursantium, armata manu Catholicos Sagenæ adorti ac direptione & cædibus sævientes, Catholicos incolas sedibus suis expulerunt.

Intervenere tamen Deputati ex utraque Religione, qui statuerunt, ut Acatolici intra privatum in domibus suis exercitium, sicut hætenus, se continentes, a templi molitione desisterent, infantes, non baptizatos, in communi cœmeterio sepeliendi jus habeant, Parochus vero loci, cujus zelum Heterodoxi maxime accusabant, cum alio commutetur. Catholici Sagenenses hac transactione, in quam obtorto velut collo essent rapti, enormiter se gravatos querebantur; multisque in aliis etiam locis erumpentibus discordiarum incendiis, in Comitibus popularibus, procellosi instar maris æstuantibus, non raro ventum ad verbera, manu, quam ad suffragium attollere debuerant, in cædes pruriente.

Murensis  
Princeps.

Anno 1702 Placidus, ex Illustri Tugienti Familia Zurlauben prognatus, Monasterii Murensis Abbas, ab Imperatore creatus est S. R. J. Princeps. Displicuit initio hæc res Cantonibus Helvetiæ, maxime Acatolicis, quemcunque Catholicorum splendorem sibi umbram facere autumantibus. Respondit Placidus, hanc dignitatem a se nullatenus quæstam, sed a comite Trautmansdorffio, Cæsareo ad Helvetos legato, Imperatoris nomine inopinato sibi fuisse oblatam. Monasterium Murense esse foundationem Domus Habsburgo-Austriacæ, repudiationem gratiæ, ultro oblatae, ingrati tudinis & contemptus speciem præseferre.

Cæsar Leopoldus amplum Diploma impertivit, in quo memorat, hanc Domum Dei, a suis Progenitoribus fuisse fundatam, dotatamque, atque ab ea insignia Familiæ suæ totique Romano Imperio obsequia fuisse præstita; dignum proin esse Placidum ejusque successores, ut Principum Imperii Dignitate ornentur, cum omnibus prærogativis & honoribus, huic Dignitati annexis, utque hereditaria officia, Marefchalli, Camerarii, Pincernæ, Dapiferi possit erigere, & quidem Marefchalli munere semper senior Familiæ

liæ Zurlaubianæ, Baronum ad Turrim & Gastellenburgum infeudetur. Assumit denique Cæsar Placidum ejusque Monasterium & bona sub specialem protectionem Romani Imperii.

CAPUT VI.

STATUS ANGLIÆ

Ecclesiasticus & Politicus

SÆCULO XVII.

39.

ARTICULUS I.

*Status Angliæ sub Jacobo I.*

§. I.

*Jacobi Regis initia. Conciliabulum. Ejus Decreta. Persecutio Catholicorum.*

**P**ostquam anno 1603 mors sustulit Elisabetham Reginam Angliæ, Parlamentum Jacobum VI Scotiæ Regem, Mariæ Stuartæ filium, Henrici VIII Angliæ Regis ex sorore Abnepotem, tia. Regem dixit, sub nomine *Jacobi I magnæ Britanniæ Regis.*

Catholici spem optimam de hoc Principe, e Catholicis parentibus nato, & a matre pie educato, conceperant; unde porrecta libello supplici libertatem Religionis rogarunt.

At licet initio clementiam præstulerit, libertatem sacrorum pollicitus; quia tamen hæreticum virus jam imbiberat, qualis esset, brevi demonstravit.

Quia autem Episcopaliū potissimum sectæ se addicebat, Conciliabulum eorum instituit, illique præsedit. 141 Articuli in eo sunt conditi, Presbyterianis & Puritanis in Anglia, Calvinistis in Gallia & Hollandia maximam partem contrarii. Quippe in illis synodus Episcopaliū, Regem esse caput Ecclesiæ Anglicanæ, Episcopos, scopolium.



Presbyteros, Diaconos solenni ritu esse consecrandos, certos dies festos colendos, stata jejunia servanda, Lytanas cantandas, ad nomen Jesu genua flectenda, vestitum Ministrorum in Ecclesiis retinendum, in baptismo formandam crucem, confirmationem administrandam, confessionem auricularem adhibendam.

Sequenti anno idem conventus instaurabatur, in quo Rex proposuit 1. sibi videri, Confirmationem, velut complementum Baptismi esse retinendam. Respondit Archiepiscopus Cantuariensis, Confirmationem semper ab Apostolorum ætate in Ecclesia fuisse usitatam. Consentiebant alii Episcopi.

2. Absolutionem privatam a peccatis pariter retinendam, quia & ipsa ab Apostolorum tempore descendat. Episcopi rursus consenserunt. 3. In casu necessitatis etiam a laicis extra templum conferri posse baptismum. Responderunt Episcopi, antiquissimum hunc usum esse, *Art. 2*, dum uno die 3000 baptizarentur, exercitum.

Jacob. persequitur Cath.

Murmurabant quidem contra hos articulos Calvinistæ, sed a Rege ipso confutabantur, qui addidit, ex omnibus Bibliorum versionibus nullam pejorem esse Genevensi, omnesque glossas, marginales & interlineares, plenas falsitatis & seditionis esse.

Ne autem Calvinistæ turbas cierent, gratum quid iis præstandum judicavit, gemino edito Decreto; quorum primo omnibus sacerdotibus Catholicis sub pœna capitis exilium indicitur: altero omnes Angli, qui extra regnum in Seminariis viverent, revocantur. In Jesuitas maxime inquiri jubetur, prohibeturque sub gravi pœna, ne quis eos tecto excipere audeat, cum severo mandato illos denunciandi.

### §. 2.

40- *Conspiratio Pulveraria. P. Garneti mors. Novum Juramentum, a Rege exactum.*

Conspiratio Pulveraria.

Cum Catholicis nulla superesset spes Religionis libertatem obtinendi, injuste se in vasos belloque velut petitos rati, defensionem sui opponere decernunt. Octo præsertim Nobiles Juvenes, quorum Caput *Robertus Catibeyus*, stirpe & corporis forma præstans, conjurant in facinus atrox, horrendum, impium, quod, eventum licet fuisset nactum, nemo sanus comprobarit.

Præ-

Præstituta erat dies frequenti in palatio Westmonasteriensis habendo regni senatui. Totam igitur subvertere ædificii molem statuunt. Vicinam in eam rem domum conducunt, indeque subterraneos ad palatium agunt cuniculos; eosque implent pulvere pyrio, quando Rex cum Parlamento collectus esset, incendiando, ut una omnes ruina contumulet.

At eventu intento caruit immane consilium; nam antequam Parlamentum conveniret, quidam ex conjuratis ad Montagium, senatorem Catholicum, scripsit epistolam, tacito nomine suo locoque, ac monuit, ne eo die in Parlamento compareret. Detegitur.

Montagius hanc schedam Comiti Salisbury, intimæ admisionis Ministro, tradidit, & iste Regi. Qui pestem subodoratus inquiri iussit, deprehensoque opifice in cella, & in carcerem ducto, tota conjuratio fuit detecta.

Conjurati Londino diffugiunt, & Catholicos per provincias dispersos ad arma concitant; sed vix centum colligere poterant. Restiterunt tamen insequentibus Regiis. Sed Catisbeyo cum aliis quibusdam casu reliqui Londinum vincti abducti sunt, atque senatus sententia mortis supplicio affecti. (1606.)

Quamvis autem conjurati, severe examinati, uno ore negassent, ullum sacerdotem conspiracy fuisse conscium, atque ea per duos menses publica fuisset persuasio, Calvinistæ tamen nihil omiserunt, quo Jesuitas in suspicionem possent trahere. Tres autem ex illis, Garnetum, Grienwelum, & Odoenum, quamvis nullum sceleris indicium appareret, reos egerunt, parricidas re-nique proditores proclamantes.

P. Henricus *Garnetus* e latebra extractus Londinum capti-vus abducitur, ibique, quamvis nulla ratione convictus aut crimen ullum confessus, ad mortem condemnatus. suspendio fuit enecatus: moxque per totam Europam fama dispersa, quod tanquam complex imo auctor meditati parricidii interierit. Verum Deus etiam miraculo innocentiam servi sui comprobavit; nam spica, sanguine ejus tincta, effigiem Garneti perspicue exhibebat; id quod multorum, ipsius etiam Hispanici legati oculis fuit subjectum, farentibus pictoriæ peritis, nulla humana arte talem effigiem in festuca effingi posse. Garnetus.

Ad eandem mortem condemnatus fuit P. Edvardus *Oikornus*. *nus*, non alia ex culpa, nisi quod Jesuita fuerit; de cætero nullum indicium, nulla probatio delicti. Nicolaum *Odoenum*, Societatis Odoenus. Fratrem laicum, gravi hernia laborantem, contra jurium placita in



in equuleo suspenderunt, tantaque crudelitate torserunt, ut visceribus effusis exanimis concideret. Neque hic criminis alicujus fuit inventus reus.

Conspiratio illa, quæ *Pulveraria* dicebatur, sicut nefarie & insipienter fuit concepta, ita alios fructus non intulit, quam ut acerbiora in Catholicos decreta ferrentur. Ingens quippe multa iis fuit imposita, qui ad Cœnam non accederent, aut ad templa, aut preces publicas. Omnes Catholici arcentur a publicis muneribus, & ab ipso etiam Regis vel aulae accessu. Bona illorum, qui in ultramarinis seminariis educantur, arario Regis addicuntur.

41. Hæc pluraque id genus alia minus adhuc gravia visa sunt, Juramentum: quam illa, quæ novo & inaudito juramento promittere jubebantur. Octo articulos illud complectebatur.

1. Quod Jacobus sit Rex legitimus.
2. Quod nec Papa nec ullus alius possit eum deponere, aut subditos ejus a juramento fidelitatis aut subjectionis absolvere.
3. Quod, non obstante quacunque excommunicatione, aut absolutione Papali, fideles & obediens esse velint.
4. Quod toto corde abominentur tanquam impiam, hæreticam, & execrandam doctrinam, Principes, a Papa excommunicatos, aut depositos, posse occidi a subditis, aut juribus suis privari.
5. Quod nec Papa nec alius potestatem habeat, hoc juramentum relaxandi.
6. Quod hoc juramentum legitima auctoritate imponatur, omnisque contraria dispensatio & exceptio sit rejicienda.
7. Quod hoc juramentum emittant sincere absque ulla reservatione aut restrictione mentali.
8. Quod jurent libere, vere, fideliter, absque dolo.

Hoc Juramentum grandes difficultates, discordias, turbasque inter personas Ecclesiastici ordinis excitavit. Quidam enim cum Patribus Societatis illicitum dicebant: quidam in medio consistebant; potissima vero eorum pars licitum putavit, & duce ac hortatore Georgio Blackvelo, Archipresbytero, illud præstitit.

Improbatur: Paulus V. ad Catholicos in Anglia rescripsit, hoc juramentum nullatenus edi posse sine læsione Divini honoris & conscientia. At Blackvelus Pontificis litteras promulgare recusavit, ceu sub- & obreptitæ a Jesuitis impetratas, sed Papa alteras addidit; Bellarminus etiam & Suarez scripserunt contra Regem Angliæ, atque juramentum istud. Verum Rex ipse aliique replicarunt, non satis at-

tenden-

tendentes potestatem clavium, a Christo concessam Petro ejusque successoribus, & ipsos etiam Principes esse inter oves Christi, pastoralis baculo Petri subiectos. Atque has inter controversias annis 1607 fuit evolutus.

Juramentum, quod diximus, cum emittere detrectaret Thomas Garnetus, Henrici nepos, ad furcam ductus est; ubi So- Thom. Gar- cietatis Jesu sacerdotem se professus, atque Catholicos ad con- netus. stantiam adhortatus, gloriosam mortem pro fide subiit. At non se continuit intra Angliam tyrannis atrox, in Hiberniam quoque progressa & Scotiam complures e Clero sæculari & S. Francisci Familia Martyres cœlo transmissit.

## §. 3.

## Heroicum certamen P. Joannis Ogilbæi.

Verum illustrius nihil fuit, quam Joannis Ogilbæi fortitudo in- 47. trepida, primæ Christianæ ætatis heroem referens. Natus is erat in Scotia nobili genere, atque in patriam redux, cum aliquanto tempore conversioni animarum insudasset, proditus cap- tusque ad Archiepiscopum Glascoviensem ductus est; a quo examinatus, varique interrogatus, tanto ingenii excitati acumine, tanta prudentia, eaque in gravissimis quoque tormentis infracta constantia respondit, ut vel ipsos hæreticos in admirationem rapi- peret, & pudore suffunderet. Inter alia quærebant, cur in Sco- Ogilbæi ex- tiam venisset? ut illam ab hæresi revocaret, respondet. *Illi*, qua men- authoritate id faceret? Divina, sedisque Apostolicæ, inquit. *Illi*: crimen esse læsæ Majestatis, asserere, quod Papa Romanus pote- statem hanc habeat. *Ile*: Articulum fidei esse, quod illam habeat. *Illi*, an Papa possit Regem deponere & dignitate sua privare? *Ile*, legitimum Regem sanctæ Ecclesiæ obedientem non posse depo- ni respondit. *Illi*: quid autem, si fieret hæreticus? *Ile*: ad hoc se nolle respondere: Doctores consulerent. *Illi*: ediceret, quid ipse sentiret. *Ile*: se non esse Judicem inter Papam & Regem, reponit.

Ad conspiracyem deinde pulverariam delapsi, quid de ea sentiret, interrogant. Se illam detestari, respondit. At Jesuitas fuisse complices, inquirunt. *Ile*: malignarum mentium figmen- tum hoc esse, nullo teste probatum, ab omnibus reis negatum. *Illi*: ex Jesuitarum doctrina sequi parricidia, negavit Ogilbæus; & ex Wiclephi aliorumque hæreticorum doctrina illa sequi asse-



ruit: addiditque, conſpirationem Londinenſem fuiſſe paucorum Nobilium: at vero inſtinctu Miniſtrorum Regem, quod in Catholicos videretur clementior, in curia Edenburgenſi occidendum fuiſſe a populo Calviniano, niſi Prætoriani milites eum defendiſſent.

Episcopus poſt hæc ejusque aſſectæ plura de P. Henrico Garneto ingerunt; & quid Ogilbæus de illo exiſtimet, interrogant. Reſpondit ille, inſontem ſibi videri, quia nec debuit nec potuit ea revelare, quæ non niſi ex confeſſione ſacramentali ipſi fuerant cognita.

Ductus inde ludibria inter populi Edenburgum, novis quæſtionibus fuit vexatus: uti, cur in Scotiam veniſſet? *Ille*: ſine culpa ſibi non poſſe patria interdici. *Illi*: apud quos diverſiſſet? *Ille*: nunquam ſe hoc dicturum; quia in perniciem aliorum cederet. Cum autem dein eum vehementer torquerent, ut confeſſionem exprimerent, reſpondit: tamenſi ante voluiſſem vobis aliquid fateri, jam non facerem, ne videar ſenſu vinci. Expedite cataſtas, equuleos, ferrum, ignes, tormenta, & quidquid tyrannis crudelitatis invenit, experimentum dabo, an plura vos & atrociora inferre, an vero ego ſuſſerre cum gratia Dei poſſim. Corpus in veſtra eſt poteſtate, animus liber eſt.

Generoſa reſponſa.

Raptus dein ruruſus eſt Edenburgo Glaſcoviam, ubi Præſectus urbis inter minas ad eum: ſi Rex ego forem, liquato te metallo excoquerem. Cui Ogilbæus: ſi Deus te Regem facere voluiſſet, magis te prudentem & minus barbarum feciſſet. Andreas Knoxius, cum vidiffet, heroem iſtum nullis minis, nullis tormentis flecti poſſe, blanditiis & promiſſis agendum ratus, dignitates & divitias obtulit, dummodo animum induceret, ut patriam religionem amplecteretur.

Quænam hæc eſſet patria religio, interrogavit Ogilbæus: antiquiſſimam per multa ſæcula continuatam religionem patriæ eſſe Romano-Catholicam: novitiam, nuper inductam, eſſe verſatilem, inconstantem, in dies mutabilem, in plures ſectas diſfuſam, ut adeo ſciri nequeat, quænam hodie ſit religio patria.

Paucos ante annos vobis articulus fidei erat, Chriſtum ſolum eſſe caput Eccleſiæ; jam vero jurato aſſeritis, Regem eſſe caput Eccleſiæ. Tu ipſe, Knoxi, publice contra Episcopos & Episcopatus prædicabas, diaboli membrum eſſe, qui Episcopatum ſuſcipiat, omni contumelia afficiendum. Paulo autem poſt ipſemet plures Episcopatus aſſumpſiſti. Similiter Couperus contra ſtatum Episco-

Episcopalem librum edidit. Jam vero ipse Episcopatum ample-  
xus est.

Imò Concilium Ministrorum (pergebat) statum Episcopa-  
lem abominandum & nullo modo tolerandum graviter definivit.  
Jam vero docetis penitus contrarium. Profundius se modo inspi-  
cere veritatem dicebant. Ita est, reposuit Ogilbæus, nam prius  
ceu pauperes Ministrelli vix centum videbatis, nunc autem in Epi-  
scopali censu videtis millia. Prius, dum in Episcopatus invec-  
tistis, verbum Dei vos prædicare jactabatis; nunc hoc verbum fal-  
sum esse dicitis. Quid tum? modo pinguius fumet culina, & cu-  
ticula lautius saginetur, & splendidius exornetur.

Mihi sic loqueris? quærit Episcopus; sape tandem, & con-  
filium meum sequere: blandiri nescio, reponit ille, præsertim  
in hac causa. Malim licetorem ad patibulum sequi, quam tuum  
consilium, quod recta ad infernum ducit.

Tandem postquam multæ id genus quæstiones & responsio-  
nes, quæ diversis linguis prolixius sunt typis editæ, fuerant pro-  
positæ, mortis in eum sententia fuit pronuntiata. Cum ad pati-  
bulum educeretur, prohibitum ei fuit, ne quid ad populum lo-  
queretur. Verum cum per Præconem publice ediceretur, Ogil-  
bæum non propter fidem, sed propter seditionem & rebellionem  
adversus Regem damnatum fuisse, alto clamore id negavit. De Re-  
ge suo etiam apud exterarum nationes honorifice semper ex innato  
amore patrio fuisse locutum, eique optima quæque peroptasse. Id  
unum esse, quod dixisset, Pontifici Romano in his terris potesta-  
tem Ecclesiasticam competere, Regemque hæreticum excommu-  
nicari ab eo posse. Pro hac veritate libenter se mortem subitu-  
rum. Atque mox subiit animo prorsus imperterrito.

## §. 4.

*Regis Jacobi mutatio. Carolus ejus filius abijt in Hispaniam ad  
ducendam Philippi III. filiam. Sed ea relicta ducit  
Ludovici XIII. sororem.*

44.

**R**ex Jacobus, uti pacis amans publicæ, ita in privatos etiam,  
si indoli suæ relinqueretur, mansuetus, alieno potius ductu  
quam suo per plures annos in Catholicos sævit; tandem ve-  
ro anno 1621. sive eventis quibusdam infauftis territus, sive spe Catholici  
desponsandi Carolo filio suo Hispaniam Principem, sive singulari rati.  
Dei,



Dei, in cujus manu sunt corda Regum, instinctu, Catholicis conciliatus, omnes carceres aperiri iussit.

Ægre hæc Regis mutatio hæreticos Angliæ habuit, qui publico etiam in senatu nuptiis cum Hispana se opponebant. Eadem erat Hollandorum machinatio, quæ gubernationem uniti Belgii Carolo offerebant, si ab eo recederetur consilio. At Rex propositi tenax, nec Regi patri nec filio Regis adimendam esse libertatem afferebat, quam vel ipsa natura infimæ etiam hominum sorti communem vellet.

Pacta connubialia.

Actum proin inter Reges de pactis connubialibus, videlicet 1. ut liberi, ex hoc matrimonio nascituri, Catholica Religione a matre imbuerentur ad decimum usque ætatis annum; tum vero libertati suæ relinquerentur.

2. Ut liberis istis asseratur successio hæreditaria in regno, absque discrimine Religionis.

3. Ut haud procul a Regio palatio futuræ sponsæ facellum ædificetur pro Religionis Catholicæ exercitio, utque illud toti illius aulæ ac domesticis pateat, absque omni impedimento.

4. Sponsa Episcopum Londini habeat, cui 24 sacerdotes assistant in facello aulico.

His conditionibus Pontifex motus dispensavit, ut Princeps Catholica cum alienæ religionis Principe matrimonio jungi possit: moxque Carolus in Hispaniam navigavit, ut sponsam suam videret, magnoque apparatu anno 1623. Madriti a Philippo III. Rege totaque aula Hispana exceptus fuit.

Verum siue sponsa non placeret, siue Buckinghamus, qui eum comitatus fuerat, animum averteret, Carolus amores suos in Henricam, Ludovici XIII. Galliarum Regis, sororem convertit, eandemque iisdem ferme conditionibus & pactis nuptialibus, assentiente Pontifice, duxit, in calamitatum abyssum ituram.

Obit Rex.

Mortuus est paulo post (1625.) *Jacobus Rex* anno ætatis 59. Regni Anglici 22. Scotici 58. quia Scotiam cum Anglia conjunxit, primus *Rex Magnæ Britannia* fuit appellatus. Pacis & tranquillitatis publicæ adeo erat amans, ut ad nullum bellum permoveri posset; licet Fridericus Palatinus ejus gener proscriptus Electorali Dignitate & Provinciis fuerit privatus.

## ARTICULUS II.

## Status Angliæ sub Carolo I.

## §. I.

*Praluditur immani tragœdiæ morte Ducis Buckinghami, Proregis  
Hiberniæ & Archiepiscopi Cantuariensis. Galli expelluntur. Rex  
fugit. Hiberni Catholici ei assistunt. Scoti captivum Anglis  
tradunt. Judicio sistitur,  
accusatur.* 45.

**T**urbulentum sane fuit Caroli I. Imperium, Senatu Regni, quem *Parlamentum* vocant, in Regem insurgente. Prima tempestas in Ducem Buckinghamum detonuit, accusatum in senatu, quod Regem, tunc Walliæ Principem, in Hispaniam abduxerit, Papistica fide imbuendum: quod ibidem Catholicum simularit, & Principem induxerit ut Papæ scriberet, eique propensionem suam erga Catholicam Religionem contestaretur, atque *Sanctissimum Patrem* compellaret. Quod sponsalia illa contraxerit ex privatis rationibus in præjudicium regni. Quis jam non videt, per latus Buckinghami Regem ipsum fuisse petiitum, apud quem Buckinghamus singulari valebat gratia; quam ob causam etiam brevi post a milite nefarie fuit interemptus.

Apertius autem Parlamentum aversum suum a Rege & Regina animum demonstravit, dum Gallos, qui Reginæ erant ab obsequiis, ex Anglia amandarunt. Quod acerbè adeo tulit Rex Galliæ, ut Angliæ legatum ab accessu arceret, & per Bassompetrium de injuria quereretur. Responsum a Senatu, propter Gallorum excessus id factum: Catholicos per eos confirmatos, adolescentes in Seminaria extra regnum transmissos, ruri variis in locis conventus habitos, dictam Missam, conciones &c. palatium Reginæ commune esse Jesuitarum diversorium, ab iis persuasam Reginam, ut pedes exiret, ad locum supplicii, ut ibidem Catholicos, ob prodicionem & inobedientiam morte punitos, tanquam Martyres coheret, alique plura esse patrata regni legibus graviter vetita.

Recruduit discordia anno 1629. cum Rex pontibus vestigal quoddam vellet imponere; nam Parlamentum in faciem reclamavit; nec paruit, cum Rex illud vellet dissolvere; sed scriptum publicavit, in quo sancivit, pro hoste Regis regnique habendum, qui



Catholicam religionem conaretur introducere, uti etiam, qui Regi suaderet impositionem vectigalis, aut illud præstaret sine consensu Parlamenti.

**Amici Regis  
occiduntur.**

Nec hoc contenti senatores, postquam Buckinghamum sustulerant, Thomam Wentworthum Staffordiæ Comitem, Proregem Hiberniæ, singulari amicitiae nexu Regi conjunctum, quod minus in Catholicos crudelis esset, magisque, ac vellent, Regi charus, ad mortem condemnarunt. Omnia tentavit Rex, ut Ministrum fidißimum liberaret: sed incassum omnia. Comes publico in foro carnificis manu capite plexus est. (1641.) Fulcra nimirum erant subtrahenda, ut Regem ipsum subruerent.

Quapropter in tertium quoque Regis amicum, Archiepiscopum Cantuariensem, sævitum. 14. erant accusationis capita: inter quæ præcipua, quod Pontificiam velut potestatem exerceret, in Regis Ecclesiæ Capitis præjudicium. Quod Papisticam sectam reducere tentaret, atque ad Ecclesiastica officia assumeret homines, Papistica labe infectos; quod nifus esset Anglicanam Ecclesiam cum Romana conjungere, eumque in finem consilia cum Papa & Jesuitis contulisset. Nulla valuit defensio; sed homo infelix, quod videretur velle sapere, securi ictus periit. (1645.)

**Rex fugit.**

Prælusum sic fuit graviori & inaudita tragoediæ; nam omnis propemodum Anglia in Regem surrexit. Quapropter sui non amplius Londini securus, Eboracum fugit, ubi portæ ipsi fuerunt præclusæ. Arrepta ab utraque parte arma. Nomine Parlamenti copias in Regem duxit Comes Essexiæ. Sed brevi post Thomas Fairfaxius & sub eo Oliverius Cromwellus exercitus Duces sunt electi.

**Rebellio.**

Pugnatum sæpius, Regiis plerumque victis. Nec Rex duntaxat habebatur despectui, sed in ipsum Parlamentum irrupit discordia. Dominatum quippe invasit ex mercatoribus potissimum constans *Domus Inferior*, & Archiepiscopos, qui primas sedes obtinuerant, penitus extruxit; diramque in Catholicos persecutionem instituit, ea crudelitate, ut Elisabethæ tempora redire viderentur. Satis erat ad mortis sententiam, sacerdotem esse.

**Crudelitas.**

De hoc crimine accusati plures e Clero sæculari, ex S. Benedicti, S. Francisci, & Societatis Jesu Religiosis Familiis, suspensio vitam finierunt; quantumvis Catholicorum Principum Legati pro eis intercederent. Quippe Domus Parlamenti Inferior, quæ summam & independentem potestatem usurpabat, magnamque partem ex Calvinistis Puritanis constabat, invisam sibi Religionem funditus excisam volebat.

Reten-

Retentæ ad id usque tempus fuerant pleræque Catholicorum ceremoniæ, vestimenta, altaria, imagines; at nova hæc potestas, plus quam Tribunitia, omnia hæc aboleri præcepit. Intentio erat, omnia ad Calvinismi normam reducere, & detrusa Monarchia populare regimen introducere. Qua de causa præcipuus Londini Advocatus capite luit, quod ausus fuisset dicere, Regem esse supra Parlamentum.

Quantum autem Calvinistæ Regiam Majestatem oderant, tantum Catholici in Hibernia pro illa defendenda certabant. Concursum infestis armis, Catholicis strenue pro Rege (adversæ licet religionis esset) dimicantibus.

Impedire tamen non poterant, quo minus Rex a Fairfaxio obsideretur Oxfordiæ. Ne autem in manus hostium delaberetur, mutata veste ex urbe fugit, atque in Scotiam evasit, ea spe fretus, se in patria sua securum asylum, & apud populares coronæ suæ defensionem inventurum.

At spe sua vehementer falsus est; nam perfidi Calvinistæ An A Scotis tra-  
glicano eum Parlamento tradiderunt, a quo ab una custodia ad al- ditur Rex.  
teram traductus, demum in insula Wichta fuit conclusus.

Cum populus Regem suum captum audiret, pacem cum eo fanciri petiit. Igitur Parlamentum articulos quosdam, in odium maxime Catholicæ Religionis, atque ad stabiliendum Calvinismum conceptos, subscribendos eidem proposuit.

1. Catholicos exarmandos, exercitus utrinque abdicandos. Calvinista-
2. Potestatem & authoritatem Parlamenti, præsertim quantum <sup>rum acroa-</sup>  
ad executionem justitiæ & puniendos delinquentes (Catholicos <sup>mata.</sup>  
nempe) pertinet, illasam conservandam. 3. Catholicorum libe-
- ros Anglicana religione imbuendos, atque in ea educandos. 4.
- Papisticam Religionem cum suis Doctoribus penitus eliminandam.
5. Fœdus ineundum cum Batavis aliisque Protestantium Principi-
- bus & Statibus.

Respondit Rex, sibi non minus ac Parlamento curæ esse, ut vera Religio conservetur, & quamvis Majestatis juribus non possit decedere, pacis tamen amore concessurum Parlamento omnia, quæ fas esset concedere. Domus superior erat ad pacem prona, sed Inferior omnia intervertit. Quippe Fairfaxius, castris ad Londinum locatis, Parlamento libellum, querelarum adversus Regem plenum obtulit.

Bellum civile a Rege concitatum, inquiebat, subditos oppressos, Parlamenti jura succisa, per ejus Episcopos abusus Papi-  
sticos



Fairfax. &  
Cromwel.  
furores.

sticos introductos, Germanos equites, & Hibernos pedites urbium praesidiis impositos, Catholicos Hibernos conductos & sub signa vocatos, a Rege Daniæ belli apparatus petitus, Anglos Scotosque ad defectionem sollicitatos.

Rex captus.

Mox Fairfaxius & Cromwelus Londinum invadunt, expugnantque, Senatu expellunt, quos Regi faventes crediderant, & Calvinistas, juratos ejus hostes, intrudunt. Rex vero captivus Londinum perductus per quatuor dies examini Judicum fuit subiectus.

Examinatus.

Cum ad tribunal fuisset pertractus, accusator Judicii Praesidem allocutus, nomine populi Anglicani, inquit, sisto tibi & accuso Carolum Stuartum de crimine perduellionis & prodicionis patriæ, & ejusdem populi nomine peto, ut accusationis capita ipsi prælegantur. In his eum compellabant tyrannum, proditorem, latronem populi, hostem Reipublicæ. Praeses vero subdebat: Carole Stuarthe! nomine Parlamenti & populi tibi præcipio, ut respondeas & rationem reddas. (anno 1649)

### §. 2.

46. *Carolus Rex a Parlamento condemnatur, & occiditur. Scoti & Hiberni pro Walliæ Principe arma capiunt; sed a Cromwelo praelio victi prostigantur. Tristis fuga Principis.*

*Parlamenti crudelitas. Prædicantium discordia.*

Rex ad mortem  
condemnat  
a subditis.

ANNO 1649. vidit Anglia spectaculum, horrendum, immane, inauditum, cujus exemplum, si totam retro antiquitatem excutias, nullum invenies, & ad cujus aspectum ipsa barbaries inhorrescat. Captus coram subditis ceu reus adstat Rex, ceu reus criminis capitalis per sententiam judicalem ad mortem a subditis condemnatur Rex trium Regnorum.

Maestatur a  
carnifice.

Ante ipsum palatium Regale Witehalense erigitur ferale pegma, funesta securi & atro apparatu horridum. Hunc thronum Majestas scandit Regia; verticem coronatum imponit truncus; carnificis manum exspectat unctus Domini; resecatur caput Regium, quod omnibus gentibus sanctum habetur.

Sic vitam finit Carolus I. Rex Magnæ Britanniae anno 1649. æt. 49 Regnorum 24. defuncti Manibus immolabantur tristes reliquæ

quæ Dux Hamiltonus aliique amici trucidati Regis; Regina vero cum filiis, scepro natis, exulatum abiit.

Et hoc est æternum monumentum Calvinianæ hæresis, truculentæ, sanguinaræ, impiæ. Legite, si lubet, annales mundi. Multas ille cruentas tragœdias lufit; tam funesta Catastrophe nullam clausit. Multi Imperatores, Reges, Principes, aut insidiis, aut latrocinio, aut furore militum, vel ab hoste violenta morte sublati sunt; at per formam judicialis processus, per juris ordinem, ut isti præferebant, a propriis subditis per tam atrocem & barbaram sententiam damnatum, atque carnifici publice mactandum nullum unquam coronatum caput traditum legimus.

Calvinianæ modestiæ hoc debetur portentum, quod vel Scythæ & Brasilo terrorem incutiat. Per insignem calumniam Regicidas Calvinistæ compellant Catholicos; dum ex illorum manibus digitisque Regius cruor destillat. Injuriam faciunt, mentiunturque, dum facinus suum, in oculis orbis patratum, nobis imponunt. Propria hæc est Calvinistarum indoles, dejecta Regum Majestate ad popularem regiminis formam gubernationes reducere, prout factum in Hollandia, & Anglia.

Quippe post nefariam Regis cædem ejus interfectores sub poena capitis vetuerunt, ne quis regium nomen usurpet, aut Monarchiæ formam reducere attentet. Carolus Walliæ Princeps & Respublica Jacobus Dux Eberocenſis, Regis interempti filii, ab omni jure Calviniana ad coronam excluduntur: Superior Parlamenti Domus exauctoratur: ex Inferiori 40 Regentes electi, quos inter primus Cromwellus, Fairfaxius vero armis fuit præfectus. Cusa moneta cum inscriptione: *Respublica Anglicana*: sigilla vero regia fuerunt confecta: bona regia sub hasta vendita. Si quis contra hæc vel mutaret, actus in exilium.

Hiberni interea, maximam partem Catholici, in partes Caroli Walliæ Principis transferant, duce Ormondo Comite. In Scotia divisi erant animi. Missi a majori parte Bredam ad Carolum legati, qui cum eo tractarent de regno recipiendo. Carolus ipse in Scotia magna cum veneratione fuit receptus & Rex salutatus. At Parlamentum Anglicanum Cromwelum (Fairfaxio præfecturam abdicante) cum valido exercitu misit; qui & Scotos & Hibernos vicit. (1650.)

Anno sequenti Carolus justo cum exercitu in Angliam penetravit, multique ei se jam conjunxerant, sed a Cromwelo rusticæ acie victus ad Worcestriam, a Catholicis subtractus, rusticatus.

Pars IX.

E e

que

Fugit.

Walliæ Princeps victus a Cromwelo.



que veste indutus, & in excavata quercu custoditus, per varias tandem ambages in Galliam evasit, atque Parisiis a matre sua totaque aula amicissime fuit exceptus.

Corbaeus &  
Morsæus truci-  
cidati.

Parlamentum tantis victoriis rerumque successu ferox crudelissimam in omnes, qui regias partes fuerant secuti, aut adhuc sequi videbantur, tyrannidem exercuit, feralibus instrumentis ubique stridentibus. Vehementius nihilominus in Catholicos sæviebatur; quorum plures cum Rodulpho *Corbaeo* & *Henrico Morsæo*, Societatis Jesu Sacerdotibus, ferali e trabe pendere jussi sunt.

Synodus De-  
ninghensis.

Minus crudeliter scæminæ in Ministros Prædicantes sæviebant. Res lepida est, quæ hac tempestate in Scotia contigit. Calvinianos inter Prædicantes ortum est schisma. Pars una celebravit *Synodum Deninghæ*, atque ad hanc citavit confratres sibi adversos, rationem reddituros, &, nisi comparerent, excommunicandos & officiis privandos.

Uxores Prædicantium, qui fuerant ad Synodum citati, colloato inter se consilio, 120 numero, præfixa die ad Concilium, maritorum loco, iter ineunt, fustibus armatæ, præeunte tibicine. Cum ad templum venissent, in quo Synodus celebrabatur, mulieres in cœmeterio circumstantes templum cingunt.

Exterritus pro periculi magnitudine venerabilis Patrum chorus, cum Amazones istas cerneret, quærit, quid sibi velint, & an earum mariti ad Concilium sint venturi? Scæminæ agminatim in templum irrumpunt: clamore & fustibus circumtonant; cum, ecce! Patres congregati, viri gravissimi, cursu incitato, qua data porta, quisque diffugiunt, ut fustigationem evadant, relictis in manibus mulierum 12 equis & omnibus impedimentis. Atque sic per sacrilegam imbellis sexus audaciam sacra ista Synodus dissoluta fuit, earumque mariti ab excommunicatione liberati. (*Ha-zart in Hist. Angliæ part. 9. cap. 16.*)

### ARTICULUS III.

#### *Status Angliæ sub Cromwelo Protectore.*

47. *Cromwelus Angliæ Protector: suprema cum potestate. Agnitus etiam ab exteris. Ejus agendi ratio cum legatis. Obit. Succedit filius & abdicatur. Quackerorum secta.*

**P**ostquam Cromwelus Scotos & Hibernos acie victos dissipavit, Regiamque Dignitatem antiquavit, inducta est quædam Rei-publicæ

publicæ forma, quam rectius Anarchiam aut tyrannidem dixeris, a Parlamenti Inferiore Domo constitutam. Non diu popolare hoc regimen vixit; quippe Cromwelus ad supremam potestatem aspirans, simulavit, velle se armorum præfecturam abdicare; nec id ingratum fuisset multis. Alii vero aut beneficiis deliniti, aut amittendi officia, quæ obtinuerant, periculo impulsæ, aut pretio, vel promissis empti, *Protectorem* illum *Angliæ, Scotiæ & Hiberniæ* proclamarunt, porrectis regni sigillis, ense, & *Altitudinis* titulo attributo. (1653.)

Itaque Regis instar palatium Witehalense ingressus legem Cromweli tulit, qua perduellionis reus denuntiabatur, qui negaret, summam potestatem penes Protectorem & Parlamentum esse, aut ullum cum Domo Stuarta commercium haberet; simulque acerbissima in Catholicos edicta instauravit; tantamque potestatem exercuit, quantam vix ullus ante eum Regum.

Mirum sane, ab Europæ Principibus agnitum Protectorem, & *Altitudinis* titulo honoratum, quin imo prensatam adeo illius amicitiam, ut, quis legatorum alterum præveniret, esset contentio; quamvis vili & deirito satellitis instar vestitu indutus cum fastu & despectu illos eo majore exciperet, quo majorum Principum erant legati. Vilibus vero personis insolitos honores exhibuit.

Absona & paradoxa hæc agendi ratio multos Nobilium offendit, qui veterem splendorem Regum, sub quo Nobilitati & Illustribus Familiis sua dignitas constabat, revocare nitebantur. Unde frequentes conspirationes, & appulsus Colonia, ubi exulaverat Carolus Walliæ Princeps, cum aliqua copiarum manu in Scotiam, curas Protectoris intendebant. At Scoticam tempestatem facile discussit per Monchium, dum Angliam & Scotiam unam esse Rempublicam declaravit, & 30 Scotos in Parlamentum assumpsit, Carolus vero successu desperato Coloniam rediit; ubi etiam Henricus frater ejus natu minimus Dux Glocestriæ degebat; aliis Statibus, ne Anglos offenderent, hospitium negantibus. (anno 1655.)

Quamvis autem multi præsentis regiminis in Anglia pertæ Regium tituli, varias turbas & seditiones excitarent, structis etiam, Cromwelum recusant. lo (pulvere nitrato palatio Withalensi supposito) vitæ insidiis, Parlamentum tamen anno 1657. coronam illi & sceptrum cum regia dignitate offerebat. Verum Cromwelus, probe gnarus, quantam inde apud populum invidiam sibi constaret, veritusque, ne inimici sui eum apicem in præcipitum verterent, regium nomen, ut Julius olim Cæsar, recusavit. At, sicut ille, supremam abs-



que provocatione potestatem sub Protectoris titulo, per omnia tria regna publicato, exercebat.

Obit.

Nihil proin Cromwelo felicius. Verum dum maxime blandiebatur infida fors, ut ferunt res humanæ, subito vitam finiit, & quidquid contulerat ampullata vanitas. (*anno 1658. post 5. annos usurpati imperii.*) Successorem & hæredem testamento scripsit Richardum, filium suum natu maximum; qui etiam mox Protector est renunciatus, tametsi nec ingenio, nec calliditate, nec belli peritia, aut rerum experientia ullo modo comparandus patri. Unde Britannia procellosum mare, turbinibus in fluctus agitatam, referebat.

Angliæ stu-  
ctus.

Quatuor autem potissimum, quibus æstuabat, erant factiones. Duces militiæ regimen ad Republicæ formam, qualis in unitis Belgii provinciis, aut apud Venetos visitur, reduci postulabant. Alii cum Lamberto, Richardo patris potestatem ex integro tribui volebant: alii maris eum Præfectum constitui, Succisquæ succurri; alii denique Regiæ Stuartorum familiæ adhærebant cum Monckio, Scotici exercitus Ductore.

Richardus fi-  
lius Cromw.  
exautoratus.

Istos inter dum disceptaretur, militares Duces *Pledwodum* sibi elegerunt supremum belli Præfectum, fractis Cromweli insignibus, coactoque Richardo ejusque fratre Henrico, quem pater Hiberniæ Protectorem constituerat, dignitatem Protectoris abdicare, palatium Wichehalense cum aliis Regiis ædificiis vendiderunt in stipendium militum: Parlamentum vero exauktorare conati sunt.

Interea vero multi, dum patriam susdeque verti cernerent, foedere inter se inito, pro *Carolo Stuarto* Rege constituendo conjurant; at isti ab exercitu, a Parlamento immisso, victi fugatique sunt. Tandem vero Superis placuit, quod amici Regiæ familiæ non poterant, felicem ad exitum perducere, Regemque exulem revocare. (*anno 1660.*)

Quackeri.

Dum Olivierus Cromwelus in Angliā potestate plus quam regia dominabatur, sectæ omnes impunes erant, præter Catholicam. Sub annum 1655. orti sunt *Quackeri*, qui etiam *Tremantes* appellabantur, novum & absurdum prorsus hæreticorum genus. Nudi propemodum per plateas cursitabant; in triviis, Angiportibus, pontibus concionabantur, & somnia sua atque phantasmata coelestes velut revelationes palam exponebant. Interrogati de Secta sua hanc confessionem edebant.

1. Scripturas novi & antiqui testamenti non esse verbum Dei, aut lumen ad salutem. Nec refutare eos poterant ex suis principiis alii hæretici.
2. Omnes homines per se ipsos jam esse illuminatos.
3. Hominem non indigere alio lumine.
4. Nec cœlum esse nec infernum pro hominibus.
5. Nullam resurrectionem mortuorum fore.
6. Bona omnia debere esse communia.

Cromwelus prohibuit quidem phanaticis istis novatoribus concionari; noluit tamen molestiam ipsis facessi, quamdiu regimini se non opponant.

Verum tanta erat eorum insolentia, ut *Nailotum* eorum caput, sub Fairfaxio & Cromwelo militem, capi, & excisa propter blasphemias lingua, flagris cœsum, carceri mandari oportuerit. Quamvis autem ridicula prorsus sint, quæ de hac facie hominum narrantur, ita tamen in Anglia aucti sunt, ut in hanc diem extirpari nequierint. Quin imo in Hollandiam quoque, Galliam, Germaniam digressi, sectam suam propagare laborabant. Cum aliis hæreticis vix aliud commune habent, quam pertinaciam.

#### ARTICULUS IV.

##### *Status Angliæ sub Carolo II.*

48.

*Monckius Scotorum Dux pro Rege feliciter laborat. Missa legatione revocatur ad regnum. Magno apparatu excipitur, & coronatur. Iudices iniqui puniuntur. Bellum cum Hollandis. Oates persecutionem excitat in Catholicos. Seditiones & insidia Regi & Eboracensi structæ. Rex obit Catholicus.*

Postquam per decem annos sub Parlamento primum, sub Protectore deinde fluctuavit Imperium Magnæ Britanniae, turbas inter, cædes, seditiones, tumultus, bella civilia, fessis tandem rebus succurrit providum Numen, quod ab exilio revocandi Regem suum animum ingessit subditis.

Plurimum ad eam rem momenti attulit Monckius, Scoti-Rex revocatur Monchii Lamberto & Fledwodo, Protectoris in Republica Dignitatem am-  
bientibus, fortiter se opposuit, & primum gentis suæ animos expugnavit, tum vero in Angliam profectus Londini in Parlamento,  
E c. 3 quod



quod novum fuerat constitutum, expulsa face, quam Cromwelus intruserat, pro reducendo Rege adeo potenter peroravit, ut legatione honorifica Bredam, ubi Princeps tunc versabatur, missa, ad capeffendum regnum eundem invitaret. Inter legatos novi Parlamenti erat Fairfaxius, Dux olim exercitus contra Regem, qui tamen belli præfecturam brevi deposuit, & nunc in genua coram Principe provolutus, veniam rogavit, non ante surrecturum se professus, donec illam obtinuisset.

Hagæ Comitum Hollandiæ Ordines Carolum convivio Regali honorarunt. A dextris ipsi assidebant Elisabetha amita, Frederici V. Electoris Palatini vidua, prætenfa olim Regina Bohemiæ, & Jacobus Dux Eboracensis frater: ex parte læva Maria soror, Wilhelmi II. Auriaci vidua; Dux Glocestrensis frater, cum Wilhelmo III. Principe Auriaco nepote.

Antequam autem Carolus II. navem Regiam conscenderet, Londini Rex Angliæ, Scotiæ, Franciæ, Hiberniæ, atque Protector fidei fuit proclamatus, contractis Cromweli, Fledvodii, & Reipublicæ insignibus. Regiæ domus atque palatia, Westmonasteriense, Wittehalense, Somersetense, San-Jacobæum, reparata, Regio rursus splendore exornabantur, bona regia reducta, Regicidarum vero Fisco addicta. Liberati e carceribus, qui Regi adhæserant, Cromwellistæ officiis publicis privati. Reposita Statua Caroli I. cum inscriptione: *Carolus I. secundus Monarcha Magnæ Britanniæ, Rex Franciæ & Hiberniæ*. Regi viginti Sterlingiorum millia a Parlamento decreta, Jacobo vero Duci Eboracensi, ejus fratri, totidem floreni.

Regicidæ puni-  
ti.

Excitabant equidem turbas, qui Cromwelo, Fledvodio aut veteri Parlamento erant addicti, sed multitudine bonorum facile comprimebantur, Judices vero & interfectores Regis Caroli I. ex Anglia fugerunt, aut publicatis bonis ad carceres & mortem sunt damnati.

Anglia sic ad excipiendum Regem suum Carolum II. undecim annorum exulem, præparata, ineunte Junio 1660. in Regnum suum venit; quanto autem apparatu, solennitate. & pompa, Londinum fuerit deductus, ibique coronatus, haud facile, quin majora & augustiora fuerint omnia, describi possunt.

Regnum auspicatus, religionem, ab ayo & patre ceremoniis & ritibus externis cultam, a Calvinistis vero sub Cromwelo dejectam, instauravit, Episcopis, organis, aris, imaginibus, superpel-

perpelliceis restitutis. Quackeris tamen etiam sectæ suæ libertatem fecit, dummodo non turbarent quietem publicam.

Monckius porro, primus Regiæ restitutionis motor, præcipuis muneribus & dignitatibus a Rege auctus est. Contra vero in eos, quos culpa cædis patrata gravabat, severa fiebat a Parlamento inquisitio. Alios inter Hugo Petersius, Calvinianus Præco, auctor & incentor, laqueo periit. Cromwelli cadaver e sepulchro effossum, & e patibulo suspensum est. *Lambertus & Fledvodus*, quorum uterque Protectoris dignitatem prensabat, & populum in partes traxerat, capitis damnati sunt.

Dum Carolo II. serenior jam dies affulgeret, nubes aliqua plenum gaudium temperavit, dum mors illi hoc eodem anno 1660. Henricum, Glocestriæ Ducem, Principem omnibus dotibus ornatissimum, fratremque charissimum abstulit anno ætatis 20.

At solatium rursus attulit Catharina, Joannis IV. Lusitaniae Regis filia, anno 1662. eidem conjux data. Vixit illa ad annum 17. hujus sæculi: sed, quod dolendum, thoro sterili.

Quamvis autem Rex magna populorum gratulatione fuerit receptus, multique adversæ factionis publico supplicio fuerint sublati, frequentioribus nihilominus conspirationibus & seditionibus in Angliā & Scotia fuit tumultuatum, tum a Calvinistis, quietis impatientibus, tum a Quackeris aliisque fanaticis, qui a Deo se missos dicebant, ut Monarchicum regimen subvertant, & populare introducant. Aliqui horum audaciam capite luebant, alii exilio. Reducti in Scotiam quoque Archiepiscopi & Episcopi non sine tumultu Calvinistarum.

Anno 1665. Rex Carolus Batavis bellum denunciavit, quod navigationes & commercia turbarent, ac gravia Britonibus damna intulissent. Prætextus hic videri poterat, re ipsa a domesticis turbis subditos avertere fuit animus. Batavorum classis a *Jacobo Duce Eboracensi* Angliæ Archi-Thalasso gravi clade affecta est. Triumphavit Londini victor, quamvis ob religionem multis exosus esset. Promota insuper in Africam & Americam temporali Anglorum felicitate, Rex discordias, superiorem inter & plebejam Parlamenti Cameram exortas, composuit, melior Christianus quam Politicus.

Cum anno 1672. Galliæ Rex Hollandis bellum denunciaisset, Britannia Rex in partes venit, a sorore sua Henrica, Aurelianensi Duci nupta, quæ in Angliam transmiserat, ut creditur, persuasus. Anglica classis, cui rursus Eboracensis præerat, cum Gal-

Jacob. Dux  
Eboracensis  
triumphat de  
Batavis.



Alterum cum  
his bellum.

Gallica, quam Estræus ducebat, conjuncta, Hollandicam, a Ruitero gubernatam, fuit aggressa. Æquali ferme Marte bis terve dimicatum; donec Rex Angliæ anno 1672. cum Batavis pacem inire a suis subditis, id bellum ægre gerentibus, fuit compulsus. Oderat nempe Gallos Natio, quos Carolus Rex amabat. Atque inde turbarum semina; quarum tamen præcipua causa fuit Religio Catholica, cui Rex favere visus est, liberam permittendo; Eboracensis autem ejus frater etiam amplexus fuerat.

Religio in-  
visa.

Hinc Parlamentum ægerrime tulit, quod hic Mariam Eleonoram, Alphonfi IV. Mutinæ Ducis filiam duxerit conjugem, atque adeo exarsit, ut a Rege importune postularet revocationem facultatis liberæ, quam Catholicis dederat. Imo nedum officiis eos privari, sed & exilio multari voluit, qui alienam ab Anglicana religionem profiterentur. Quo factum, ut multi, præcipuæ etiam Nobilitatis viri, regno excederent. (1673.) Quin imo vix non coactus fuit Rex, ut Gallis bellum indiceret.

Oatis per-  
fidia.

Recruduit persecutio anno 1679. propter hominis unius vilissimi mendacium impudens. Erat is Titus Oates, a Calvinistis ad Catholicos transgressus, atque a Patribus Societatis Jesu in seminarium Vallisoleti primum, dein sancti Audomari in Belgio admissus, sed ob perversos mores inde dimissus. Hic homo nefarius, vindictæ cupiditate flagrans, Catholicos meditatæ in Regem Carolum prodicionis reos egit, & calumnias suas atroces juramento confirmavit, atque apud plebejum Parlamenti ordinem id effecit, ut septem Societatis Patres, quos inter Provincialis Angliæ & Rector Londinensis, ad mortem fuerint condemnati, cum Staffordiæ Comite, & multis aliis Catholicis, partim morte affectis, partim in exilium ejectis. Sed brevi post fraudes Oatis & perjuria detecta sunt; propter quæ publica fustigatione aliisque probrosis pœnis correptus est. Crimina sua & machinationes in mortem Regis, quas hæretici bene multas adornaverant, Catholicis intorserunt.

Quare Ebo-  
racensis fu-  
git.

Vix enim unquam conquievit rebellionis in Anglia spiritus; sed duce Salisburiensi Comite multi, Calvinistæ præsertim, in vitam Regis & Eboracensis conspirarunt; sed dum a Catholicis indicia ad Regem deferuntur, conjurationis auctore in Hollandiam profugiente, suffocata sunt machinationes parricidales. (1682.) Anno nihilominus sequenti instaurata a conjuratis bis fuerunt insidiæ. Sed illis detectis, Regis vita provide fuit servata. Eboracensis

censi tamen Duci in Belgium discedendum fuit, ut furori se subtraheret.

Foris etiam rei Christianæ perniciem Angli attulerunt; nam Tingitanam in Africa arcem prævalidam, superioribus annis strenue defensam, munitionibus exutam barbaris reliquerunt, qui tamen munimenta mox restituerunt. (1684.)

Proprius quoque Regis filius insurrexit adversus patrem & patrum. Erat in Dux *Montmuthius*, qui sequiori licet thoro <sup>Sed Rex eum</sup> progenitus, regnum tamen affectavit, confusus Calvinistarum ope, <sup>successorem</sup> quorum sectam profitebatur. Nec spes erat inanis; nam multos <sup>promulgat.</sup> ex illis sibi adhærentes habuit. Rex autem natalium vitio infectum a regno arceri professus, Eboracensem fratrem publico in Parlamento successorem promulgavit, addita Proregis Scotiæ dignitate, & Vicaria per omnes terra marique ditiones procuratione.

Frendeabat invidia, odiumque Catholici nominis, quod proferi Jacobum non ignorabant hæretici, quæ una causa fuit, cur Montmuthium multi Regem optassent; sed Carolus Rex conspirationes, conjurationes, seditiones prudentia sua ita fregerat, ut non auderet amplius rebellio caput attollere.

Sequenti anno 1685. mortem, quam prævidisse visus est, oppetiit Londini, ætatis 55. regni vero 25. Fuit Carolus II. prudentia, mansuetudine, charitate in rebelles toties subditos, amore pacis, aliisque regiis virtutibus Princeps clarissimus. Duo tamen vitio dabantur; quod in Gallos propensior Dunkercam eis vendidisset, nec obstitisset crescenti Ludovici XIV. potentia, & quod voluptatibus deditus plures proles, nullam tamen ex legitimo thoro suscepisset. Catholicis quod esset indulgentior, multas passus est injurias, seditiones, insidias. Proscripsit quidem illos, sed a Parlamento coactus. Caterum pro occulto Catholico ab Anglis habebatur, certumque ex documentis relictis videtur, de peccatis confessum & reliquis sacramentis perceptis Catholicum obiisse.





## ARTICULUS V.

*Status Angliæ sub Jacobo II.*

## SUMMARIUM.

49.

*Quamvis aperte Catholicus Rex renuntiatur. Montmuthii in Regem rebellio. Querelæ Prædicantium, quod Rex Catholicis fa-  
veret. A Wilhelmo Auriaco, genero suo & nepote accito, de-  
turbatur throno. Desertus a suis in Galliam fugere cogitur.  
Trinam in Britanniam expeditionem tentat, at conatu irrito.  
Obitus.*

Jacobi fata.

**J**acobus Dux Eboracensis communia ferme cum fratre Carolo fa-  
ta habuit. Erat uterque fortunæ pila, jactatus in altum, rur-  
susque decidens. Sceptro uterque natus, ad coronam educa-  
tus. Ac patris ruina utrumque involvit. In toto regno suo nec  
mapale ipsis supererat. Fuga in exilium morti utrumque subtra-  
xit. Carolo fratri in Regnum reducto ibat comes frater, sortis  
prosperæ deinceps & adversæ socius. At fratre Rege fatis defun-  
cto majora multo utriusque fortunæ ludibria tulit.

Nam imprimis, quamvis propter fidem Catholicam, quam  
etiam publice professus fuerat, vivente adhuc Carolo fratre, mul-  
tas magnasque persecutiones tulerit, bis electo exilio, ut patriæ  
quies redderetur; nihilominus tamen post illius mortem ab omni-  
bus regni Proceribus Magnæ Britannæ Rex fuit salutatus, in Oxo-  
nienſi quoque Academia, Angliæ præcipua, Doctoribus omnibus  
in eam euntibus sententiam, discrimen religionis neminem, sce-  
ptro natum, a regno arcere, neminemque propterea, sine per-  
duellionis crimine subtrahere posse obtemperandi obsequium.

Montmuthii  
rebellio.

Sed aurora ista, splendore fulgens, nubilum brevi diem  
trahit, in imbres denique, turbines & procellas abiturum. Prima  
tempeſtas a Jacobo *Montmuthio* Duce, Caroli II. filio naturali pri-  
mogenito intonuit. Is etenim vivente adhuc patre, dum Jacobus  
patruus ſucceſſor in regno fuiſſet denuntiatus, tumultum concita-  
vit, ſed compreſſus ſanguine luiſſet ſcelus, niſi Regem habuiſſet  
patrem. Exilii tamen, ne porro turbaret, poenam tulit.

At vero mortuo patre in ſpes priſtinas aſurgens, Britan-  
niæ ſe Regem dixit; habuitque, quod hæreticus eſſet, non paucos  
aſſeclās. His igitur conſiſus, præmiſit ex Hollandia Argylium Com-  
item

mitem in Scotiam cum copiarum manipulo. At victus a Regiis, captus, & ultimo supplicio cum aliis rebellibus affectus est Edenburgi.

Non desperavit ex iniquo eventu Montmuthius, sed collecta alia turba in Scotiam, & Angliam veniens, idem fatum ex-Occiditur: pertus est, Londini carnificis manu cadens; ubi Regni Comitia Majestatis reos dixerunt, qui publicam quietem turbarent. (1685.)

Verum non diuturna fuit malacia, in horrendam brevi tempestatem, pro variabili gentis indole, exastuans. Quippe, Jacobi fervor dum Jacobus edicta, contra Catholicos lata, abrogaret, ad publi-religionis. ca officia illos adhiberet, libertatem religionis concederet, Castellenium Romam ad Pontificem mitteret, suo & aliorum Catholicorum nomine obedientiam contestaturum, atque majori, quam tempora & hæreticorum genius ferret, ardore Religioni Orthodoxæ postliminii jure reducendæ studeret, gentis, errori suo pertinaciter in hærentis, animos a se avertit.

Episcopi & Prædicantes de pinguedine sua & uxoribus actum rati, si avitæ religionis rigor restitueretur, conferre inter se capita, murmurare, ex suggestibus contra Regem & Catholicos detonare, ferendum non esse, ut Romana superstitione dominetur: Missas vix non palam dici, erigi scholas, capellas aperiri, Jesuitarum turmas impune circumvagari, Regem ad hæc non modo connivere, sed exemplo præire, & superstitionem, legibus damnatam, civitate donare; quorsum hæc alio spectarent, quam ut everfa religione patria & Ecclesia Anglicana, invisus rursus Papatus in throno collocetur.

Hi Prædicantium, & iis incentoribus, plebis clamores, ac Querelæ gen- sparsis variis etiam libellis, querelæ erant. Nobilitatem insuper tis. ambitio, & rerum novandarum pruritus accendit. Parlamentum denique Regibus, nisi eos ad omnia obsequentes haberet, semper infestum fuit.

Quod autem mireris, Rex Jacobus nullos majores hostes experiri debuit, quam Clarendonii & Rochestriæ Comites affines suos, &, quod adhuc indignius, Wilhelmum Arausicanum Principem, uniti Belgii Governatorem, generum suum, & ex sorore nepotem, in quem Britones, ut Catholicorum hostem, oculos suos reflexerant, quin ad regnum capeffendum invitarant. Neque is (ex Calvini utique disciplina) veritus est, contra Jacobum, & Regem legitimum, & Avunculum, & Socerum suum, quem ut patrem colere debuerat, hostilibus armis insurgere.



Præmissis igitur in Britanniam edicto, venturum se ut religionis atque libertatis, quas Jacobus eversum iret, defensorem spondebat. Nec minus male, quam promisit, implevit. Quippe anno 1688. cum classe, 13000 Hollandis militibus instructa, ex Hollandia solvit. Verum, indignantibus elementis, cum jam in altum proventus esset, ventorum turbine ad littus Batavum rejectus est.

Felicior illi fuit altera navigatio; nam pelago transmissis, nemine prohibente, in Angliam appulsus est, & velut Rex exceptus.

Hæc ubi ad Regem Jacobum fuerant perlata, pro periculi magnitudine territus, quo se verteret, ignorabat. Habebat quidem sub signis suis navalem & terrestrem exercitum, sed cui fidere non poterat; Londini autem ea erat rerum conditio, quæ præsentiam ejus requireret. Statuit tamen ad exercitum se conferre. Prius tamen convocatis aulae suæ Ministris, aliisque, quibus munera publica commiserat, exposuit, convocatum fuisse a se Parlamentum, quod esset omnino liberum: libertatem Anglicanam religionemque omnino tutam fore. Si quid ultra a se desideretur, paratum se esse, in vota Parlamenti populiue concedere. Oblatas sibi a Rege Galliarum copias, sed, ne videretur subditis suis diffidere, eas non esse acceptatas.

Ab Arausico  
genero suo  
Regno pelli-  
tur.

Quis non credidisset, tantam Regis optimi demissionem ferreos etiam animos expugnaturam? At Proceres, multis licet gratiis acceptis devincti, liberaliter quidem omnia promiserunt, sed fide Punica. Nam occultis tunc consiliis cum Arausicano consentiebant, & parum abfuit, quin Churchillius, grandium beneficiorum debitor, Regem in ejus manus traderet.

Dum autem Rex cum exercitu usurpatori obviam prodiret, plerique, eo deserto, ad Arausiacum defecerunt. Quare Londinum regressus, conjugem cum filio Jacobo in Galliam velut asylum misit. Obtulit dein genero suo Wilhelmo optimas conditiones pacis, sed despectus, gratiæ loco habere debuit, quod e regno suo per magna pericula fugæ locum tandem invenerit in Gallia, ubi, instructo ad S. Germanum palatio, Rex Christianissimus eum excepit, non ut fugitivum, sed Monarcham.

Sola ferme Hibernia, ex Catholicis potissimum constans, in fide Regis persistebat, atque exercitum aliquem constabat. Unde Jacobus cum Gallicis suppetiis trajiciens Dublini receptus fuit; Londonderium tamen frustra obsedit, (1689.) Schombergio urbi succurrente.

Anno sequenti Wilhelmus ipse in Hiberniam exercitum, quadraginta millibus numerosum, duxit, ut Jacobum Regem, vix *Victus* viginti millibus instructum, ejiceret. Confertum prælium, quo Jacobus victus multitudini cedere, & in Galliam redire debuit. Hibernia vero tota propemodum victoriæ præmium fuit. (1690.) Solum Limericum diuturnam sustinere oppugnationem est ausum.

Copias amisit Jacobus & urbes, sed non animum. Quare cum classe Gallica reversus, in Angliam, ubi apud plures adhuc causæ melioris sectatores habuit, penetrare tentavit. Verum a Rysselio Angliæ Archithalasso navali prælio victus, ad internecionem prope cæsus est. (Anno 1692.)

Ultimum conatum adhibuit anno 1696. quo Anglorum quidam pro reducendo eo clam laborabant. Instruxit iterum eum in finem Gallia classem. Ipseque Jacobus, illam conscensurus, Caletum jam pervenerat; sed detecto consilio ad S. Germanum rediit, ubi anno 1701. pientissime obiit, atque ad regnum in cælis certius *Obit*. meliusque transit, cujus non erit finis. 68. ætatis annos inter ærumnas implevit. quatuor duntaxat in regno, jure Natalium sibi debito, sed iniquissime erepto. Victima religionis fuit, aut martyr: regnum temporale reliquit, ut æternum consequeretur.

## ARTICULUS VI.

*Status Angliæ sub Wilhelmo Auriaco.*

## SUMMARIUM.

*Articuli a Parlamento eidem proposti. Jacobi filius per calumniam dictus illegitimus. Wilhelmus in Belgio Fœderatorum Dux. Ejus gesta, & obitus.*

**P**ostquam Wilhelmus III. Princeps Auriacus (*Arauscanus, Oranienfis*) uniti Belgii Governator, Wilhelmi I, qui Author fuerat defectionis Batavicæ, abnepos, Jacobum II. natalium jure legitimum Britannicæ Regem, focerum suum & avunculum, Regno expulerat, Thronus vacuus ab Ordinibus Angliæ declarabatur, atque ad Mariam, Jacobi spoliati filiam, Wilhelmi conjugem devolutus; Wilhelmus vero titulo uxorio Rex Magnæ Britannicæ renuntiabatur.

Antequam autem inauguraretur, sequentes articuli fuerunt *Novæ leges*.  
propositi. 1. Dispensationem in legibus, aut dilationem executionis



nis esse invalidam, nisi consensus Parlamenti accedat. 2. Potestatem Ecclesiasticam Regi non competere (*sic Papam suum & Caput Ecclesiæ Anglicanæ venerabantur.*) 3. Non posse Regem sine consensu Parlamenti exercitum colligere, aut populum tributis onerare. 4. Singulis minimum trienniis Parlamentum congregandum. 5. Nullam personam regii sanguinis Catholicæ personæ matrimonio jungendam. 6. Officia non esse vendenda.

Hæc postquam Wilhelmus confirmaverat, una cum conjugate coronatus est. Nec multo post etiam Scoti eundem Regem renuntiaverunt, missa per legatos corona. Ac proin soli ferme Hi-berni Jacobo Regi suo constanti fide adhæserunt, donec a Wilhelmo armis subacti, ad indebitum obsequium adacti sunt.

Ex quibus toti orbi manifestum est, Jacobum II. unice propter Religionem regno fuisse spoliatum. Et cur alias Jacobum Edvardum, legitimum ejus filium, ex Eleonora Estensi Mutinæ Ducis filia anno 1688. susceptum, exclusissent? Cur sorores, multo inferiori matre natas, prætulerunt? Cur in extraneæ stirpis Principem hæreditarium Stuartæ Familiæ regnum devolverunt?

Fabula de  
natalibus Jac.  
II.

At ecce commentum, uti multo levissimum, ita Nationi honestæ turpissimum! Absque ulla causa, contra omnem veritatem, per injuriam & calumniam atrocissimam finxerunt, Jacobum Edvardum illegitimo thoro fuisse prognatum, ac proin successionis hæreditariæ incapacem, ut hoc mendacio propaginem omnem Stuartam etiam in radice extirpent, atque a successione removeant. Dignum profecto Calvinistis inventum; quod si locum inveniat, Principibus omnibus est exitiale.

Wilhelmi  
gesta in Bel-  
gio.

Porro Wilhelmus III. modo, quo dictum, creatus Rex, devicto fugatoque Jacobo, rebusque suis in Britannia compositis, neminem timebat, nisi Ludovicum XIV. Igitur accedens magno contra eundem foederi, anno 1691. in Belgium, pecunia & milite a Parlamento liberaliter instructus, abiit, ibique foederatorum Dux Montes Hannoniæ obsidione Gallorum liberare frustra tentavit, prout etiam postea Namureum.

Anno 1692. virtuti suæ & copiarum multitudini confusus, ut nomen suum æternitati consecraret, Luxemburgum Gallorum Ducem in castris ad Stenkirchium aggressus est; sed adveniente cum suppetiis Boufflerio, fugam arripuit.

Sequenti anno Luxemburgus vices reddidit, & meliori fortuna Wilhelmum, castris munitum invasit, atque post per- tinacem pugnam victum in fugam compulit.

Anno

Anno 1695. Namurcum deditione recepit; Gallis Dux-  
titudam aliaque oppida expugnantibus.

Denique anno 1697. a Gallis quoque in pace Rificensi Rex Magnæ Britanniæ fuit agnitus, & Gentilitium suum Principatum Araucanum in Gallia recepit. Jacobi vero Regis exulis in pace illa nulla est ratio habita, Gallis propria commoda alienis præhabentibus.

Ne autem per mortem Caroli II. Hispaniarum Regis, quæ magnis passibus imminere cernebatur, novum gravissimumque bellum exardesceret, Wilhelmus cum Anglis & Batavis partitionis Hispanicæ (de quo in Hispanicis) tractatum iniit anno 1700. At vero Hispaniarum Monarcha eodem anno decedente, Gallia illius testamentum, spreta divisione facta, apprehendit. Wilhelmus vero inito cum Cæsare & Batavis adversus Franciam foedere, cum Obitu quo in venatione lapsus, accedente febris in Anglia extinctus est, anno 1702. ætatis 52. regni 13.

Creditur in Hollandiam Belgiumque reliquum sæpius ex Anglia discessisse, atque fœderati exercitus præfecturam assumpsisse, ut Britannorum effugeret insidias, quas pro mobili gentis indole, vitæ ipsius struxisse feruntur.

CAPUT VII.

STATUS TRANSYLVANIÆ  
SÆCULO XVII.

## ARTICULUS I.

*Betblemus, inito cum Bobemis fœdere, Hungariam discerpit. Cæ-  
sus Ragózi, Dux Betblemi; qui a seditiosis Rex proclamatur. Tam-  
píer & Buquojus cadunt. Betblem pacem init, quam mox  
frangit. Turcas evocat. Rursus pacem  
obtinet.*

Compositis anno 1606. cum Turca induciis, quieta utcunque  
mansit Dacia atque Pannonia: donec novi tumultus orirentur  
a Transylvania, flagris, ut solet, sanguineis furente hæ-  
ressi.



refi. Plures in ea brevi tempore Principes, aut tyranni potius dominabantur.

Transylv.  
Principes.

Quippe post Sigismundum Bathorium, varium atque versatilem Principem, ditione pulsus, frater ejus Andreas primo Regiminis anno a rusticis est interemptus (1599), Stephanus Botskaius altero anno Principatus occubuit (1606), Sigismundus Ragozius non ultra annum fasces tenuit. Gabriel Bathorius quinto anno a subdito suo *Gabriele Bethlema Gabor* fuit obtruncatus (1613.).

Bethlema per  
fidia.

Hic autem *Bethlemus Gabor* per multos nimium annos turbulentum actorem egit in mundi proscenio, dolis ac fraudibus summos quoque Principes involvens. Nam primò foedus petiit a Mathia Cæsare, obtinuitque ea lege, ut Hungariæ rebus se non immisceat, eosdemque (Turcam exceperit) cum Cæsare hostes habeat. A Bohemis autem rebellibus, religionis sociis sollicitatus, numerosum scripsit militem, evulgato rumore, adversus Bohemos pro Cæsare Ferdinando II. (cum quo foedus renovaverat) bellum parari.

Crudelitas.

At ille ambitione elatus, Regnoque Hungariæ inhians, percusso clam cum Bohemis foedere, junctusque cum rebellibus Hungaris, repente in Hungariam irruit, admotisque ad Cassoviam octodecim millibus, eandem extorquet: Boczio Præfecto capto, & in Transylvania misere pereunte.

Hungariam  
diripit.

Hæc irruptio ingenti terrore Catholicos perculit, sectariis vi, cædibus, rapinis sævientibus. Fit passim fuga, sacrorum maxime hominum: in quos atrocía & foeda dictu facinora barbarorum more edebantur.

Ita Hungaria turbinis instar decursa, patentibus ubique ferme portis, quas aut metus, aut hæreticus favor referaverat. Resistentibus Jaurino & Comorra; partem exercitus in Moraviam, Bohemiamque Palatino misit (nam in Monte Albo octo Hungarorum millia pro eo pugnabant) parte altera Pofonium expugnavit, subsidiis trium millium a Buquoio ex Bohemia missis, ferme deletis.

Jamque Bethlemus ad Viennæ usque mœnia exercitum & terrorem spargebat, provinciis omnibus hæreditariis exitium minatus, cum subita Ragozii Ducis sui clades in Hungariam eundem retraxit.

Cæsar Rago-  
zius Dux  
Bethlemi.

Quippe *Humanajus*, Hungariæ Dynasta, sub adventum Bethlemi in Poloniam abierat, ibique collecto exercitu in patriam rediit. Occurrit illi Ragozius, quem Gabor Cassoviæ præfectum reliquerat, pellitque Humanajum, sed cum is cum validioribus copiis

copiis rediret, committitur rursus praelium, quo in biduum extracto, simulant Poloni fugam: cum autem Hungaros ordinibus solutos ad prædam discurrentes adverterent, regressi incompósitos aggređiuntur, magnaue clade afficiunt. Peditatus omnis ferme deletus: equitatus cum Ragozio in fugam coniectus.

Hac suorum clade nuntiata, Bethlemus, ex Austria redire coactus, Redejum Ferentium, rebellem Hungarum, adversus Humanajum cum parte copiarum misit, ipse vero cum altera Posonium contendit, coactisque Comitibus Hungariæ Principem se ipsum renuntiat, (1619.) eo ipso tempore, quo Ferdinandus II. legitimus Hungariæ Rex Francofurti dictus fuit Imperator.

Cum autem ea res multos, fidos adhuc Ferdinando Hungaros, graviter offenderet, timeretque, ne plures a Rege Poloniae venirent copiae, ad simulationem compositus, inducias inivit cum Cæsare, ut Polonos, sui securos, eo certius opprimeret, resque suas interea firmaret. Nam sollicitato Turca, renovatoque cum Bohemis foedere, Neosolium comitia indixit, in quibus a rebellibus sectariis Rex Hungariæ est proclamatus, postquam Bohemi Pa-

latinum Regem dixerant. (anno 1620.) Cæsar, tot hostibus undique obsessus, Tampierium ex Bohemia adversus Bethlemum in Hungariam misit: ubi, dum Posonium oppugnat, glande ictus occubuit. Cæsarei autem casu percussis, re infecta discesserunt. Fuit Henricus Comes Tampierius, seu Tempetrius, gente Lotharingus, militaribus artibus celebratus belli Imperator, Domuique Austriacæ in paucis fides.

In supremum jam felicitatis apicem elatus sibi videbatur Bethlemus, folio sublimis, diademate redimitus, sceptrique potens. Sed aliam mox fortunam expertus, fatale sibi nuntium de Palatini & Bohemorum, in quibus spei summam collocaverat, clade accepit. Versis igitur alio consiliis, Turcas & Tartaros invitavit in communem adversus Austriacos societatem: opimas Hungariæ Germaniæque provincias patere in prædam. Litteræ hæc in manus Procerum Hungariæ sunt delapsæ, quibus illi gravissime offensus, deserto, quem Regem paulo ante dixerant, Bethlemo, privatim cum Cæsare sunt conciliati. (1621.)

Adhæc Buquojus, Bohemia subacta, cum exercitu in Hungariam profectus, Bethlemum in Transylvaniam repulit, majoremque Hungariæ partem recuperavit. At, dum Posonio recepto Neosolium oppugnat, ab hostibus est interemptus. (1621.) Natione Belgæ, patrem habuit Longevallium Vauxii dominum, Alex-



andro Farnesio comprimis charum; cujus commendatione comitis dignitatem ex Bucquojo, gentilitia in Artesia ditione, a Philippo II. Hispaniarum Rege accepit. Mortuo patre, Alexander Wallo- num turmæ Carolum præfecit, atque ad militiam ita excoluit, ut celebres inter heroes bellicque Imperatores censi mereatur, vir- tute, fide, continentia, rerumque gestarum gloria inclitus.

Datum tunc fuit mox perspicere, quantum momenti viri unius auctoritas & secunda fama in bello possit. A morte Bucquoji retrolapla Cæsaris in Hungaria fortuna Bethlemum, jam ferine pro- stratum, denuo erexit. Is quippe cum novo exercitu e Transylva- nia progressus, cum Turriano & Jägerndorfio populationem late per Hungariam circumtulit. Expugnata Tyrnavia, tentatoque necquicquam Pofonio, in Moraviam effusus, truculenti instar Tar- tari sævit.

Sed cum audiret, viginti Tartarorum millia, auxilio sibi ventura, a Polonis esse cæsa, Jägerndorfium, maxima copiarum parte a Cæsareis & Saxonis intercepta, tota Silesia ejectum, ad- hæc Esterhassium, Wallensteinium, Donavium, Tribunos Cæsareos valido cum milite sibi imminere, ad pacem respicere coactus, le- gatos ad Cæsarem misit.

Gabor pa-  
cem init.

Cæsar, bellis in Germania novis novisque succrescentibus, alienus non erat a pacis consiliis, quin pinguiores etiam, quam expectare debuerat, Bethlema concessit. Nam *Nicolopoli* transa- ctum in has leges: retenta Cassovia, septemque in Hungaria di- tionibus, atque nonnullis in Silesia, Principis Imperii titulo con- tentus, depositaque corona, cæteris Hungariæ urbibus cederet. Status vero Religionis ac Patres Societatis in eum locum restitue- rentur, quo ante bellum fuissent. (1622.)

Quam mox  
frangit.

Verum Bethlemus Gabor pro ambitione sua & versatili in- genio quiescere non diu potuit: addentibus, ut turbaret, stimu- los Mansfeldio & Brunsvicensi, aliisque Germaniæ Protestantibus. Cum propriæ vires non sufficerent, ut bellum inferret Cæsari, grandi usus mendacio Portam Ottomannicam pulsavit: fingit ad ordines Hungariæ litteras, velut ab Imperatore Romano scriptas: quod viro Palatino ejusque Ducibus, in Valachiam, Bosniam, Græciam, & si cederet, Thraciam, ipsamque Sultani regiam, bellum sit illaturus. Has a se fictas, ceu interceptas mittit Sulta- no; & crebris Ferdinandi victoriis accensa invidia fidem fecit.

Turcas men-  
dacio evocat.

Quapropter Mustapha, quamvis alias pacis amantior, mi- sit in Hungariam sexaginta Turcarum & Tartarorum millia: qui- bus

bus Bethlemus cum sectariis se junxit, atque Hungariam rursus Moraviamque miserum in modum devastavit. Sed affuit causæ meliori Numen propitium: barbarus exercitus ter cæsus ab Esterhasio: atque Mustapha, de impostura Bethlemi certior factus per Legatum Cæsaris Curtium, suos revocavit, factasque cum Cæsare inducias in plures annos prorogavit. (1623.)

Gabor, ubi se desertum vidit, Mansfeldium insuper & Bruh-Rursus pavoricensem socios cæsos, pacem rursus a Cæsare petiit. Et obtinuit ea conditione, ut Hungaria abscedat, captivos, & ablata restituat.

## ARTICULUS II.

*Ferd. II. Religioni consulit. Ejus filius Rex Hung. Bethlem tertium bellum inchoat, juvante Turca. Cæsus iterum, pacem obtinet. Moritur. Ragozi invadit Hungariam. Cæsus Principatu deponitur, Redajo suffecto.*

**P**acata tantisper Pannonia, ea Cæsari cura fuit, ut Ferdinandus filius Rex Hungariæ renuntiaretur. Poscebat eam provisionem eo temporum statu & Religionis incolumitas, & Domus Austriacæ salus. Quippe Bethlemus Religionem Catholicam, sacrosque ejus cultores, gravissime est persecutus. Neque procul erat ab interitu, nisi pientissimus Cæsar in ejus conservationem curam omnem intendisset.

52.

Auxilio comprimis fuit Petrus Pazmannus, Cardinalis & Rex Ferd. Archiepiscopus Strigoniensis: qui erectis Viennæ, Strigoni, Tyrnaviæ, aliisque in locis Collegiis, in quibus juventus Hungarica litterarum disciplinis erudiretur, id effecit, ne animabus amplius idonei deessent pastores.

Cum Religione rediit Hungarorum in Cæsarem, Regem suum, ejusque Domum amor, ut adeo Procures quidam mentionem de filio ejus in Regem & successorem cooptando ingererent, ut Religioni successore jam certo, nemini spes esset novandarum rerum. In dicta igitur a Cæsare regni comitia Edenburgum. Ad quæ ipse cum conjuge & liberis atque Caraffa Nuntio Apostolico, qui hæc scripsit, se contulit.

In Comitibus inquisitum de fonte tumultuum, qui hæcenus regnum tantopere concusserant, atque de eorum remediis. Dein-



de, cum plures Christiani, inductis pluribus uxoribus, Mahometanorum more matrimonii sanctitatem temerare non erubescant, quomodo hoc probrum coercendum.

Tum vero a Strigoniensi, Esterhasio, aliisque paucis ad Regni successorem deflexa oratio. Acatolici palam repugnabant, maxime, qui præsentes aderant, Legati Bethlemii: rationem electionis ad modum libertatis Polonicæ reducendam contendentes. Sed cum Legati Sclavoniæ, Croatiæ, & Dalmatiæ, Catholici prope omnes, advenissent, per majora suffragia fuit decreta electio. Hoc cum cernerent reliqui, unanimi omnium ordinum voto dictus est Rex Ferdinandus, atque allata singulari prorsus cum pompa Posonio S. Stephani corona a Strigoniensi Archiepiscopo ornatus. Eodem tempore Esterhasius electus fuit Palatinus seu prorex Hungariæ. (1625)

Ferd. II. filius  
electus Rex  
Hung.

Uisit Bethlemi invidiam hæc coronatio, cum ipse eandem ambitione jam præcepisset. Adhæc amplissima nuptiæ cum Electoris Brandenburgici filia, sumptuosissimo apparatu, Orientis & Occidentis Imperatorum Legatis præsentibus, celebratæ, spiritum hominis, alias arrogantem, & quiescere nescium inflaverant. Denique incitabant Christianus IV. Daniæ Rex, qui bellum Cæsari indixerat, cæterique fœderati, cum Budæ Præsfecto, Cæsari inlenso.

Horum singula poterant hominem levem nulliusque fidei ad tertium bellum Hungariæ inferendum permovere: præsertim cum Austriam tumultuantem, Cæsaremque gravissimis procul a Pannonicis abstractum bellis videret.

Tertium  
Bethlemi bel-  
lum.

Juvante Tur-  
ca.

Irrupit igitur rursus valido cum exercitu in Hungariam, in qua multos amicos habebat, quos aut hæresis aut novandi cupiditas ei conjunxerat. Nec regni hujus rapinis satur, in Moraviam quoque & Silesiam, ubi conjunctionem cum Mansfeldio condixerat, populationem extendit. Ex altera parte Turca Hungariam invasit, Damaschio expugnato, & Novigrado obseffo. (anno 1626.)

At Cæsar, Dano jam fracto, Wallensteinium cum copiis in Hungariam misit, qui nominis sui terrore, & Turcas Novigrado depulit, & Bethlemum, cum Mansfeldio & Vinariensi conjunctum, in fugam conjecit.

Ad Tartaros pro more recurrens Bethlemus, 40000. millia sibi promissa expectabat, sed ii in Polonia ita sunt contriti, ut non nisi cladis nuntium acciperet. Turca, Babylonico bello involutus, suos retraxit. Mansfeldius & Vinariensis privatas prædas agebant.

agebant. Brevique Mansfeldius, funestus Germaniæ, Bohemiæ, & Hungariæ titio, Budæ inter Turcas extinctus est.

Bethlemus undiquæ desertus, spe abjecta, in Transylvani- Cæsus pacem  
am suam recessit, obnixque a Cæsare pacem petiit. Concessit il- iterum obti-  
le homini, quamvis toties perfido & perjuro, his legibus: Hun- net.  
garia cedat. Belli concitatores aperiatur. Mansfeldium & Vinarien-  
sem dimittat. Tartarico aliisque fœderibus renuntiet. Restitutio-  
nem Damascii a Turca impetret. Captivos, & a Turcis in ser-  
vitutem abstractos, reddat. Promisit Bethlemus prolixè omnia,  
quasvis conditiones bello, toties infelicitè tentato, potiores, du-  
cens. (1627.)

Biennio post turbulentus hic actor de theatro vitæ humanæ Obit.  
abscessit: postquam 16. annis fraudibus, insidiis, perfidia involu-  
tam tragœdiam lussit, totique Europæ illussit. Natus est in Tran-  
sylvania loco nobili anno 1580. in aula primum Gabrielis Bathorii,  
dein Constantinopoli aliquot annis educatus: ac inde redux, ope  
Turcarum dejecto atque interempto Bathorio altore suo ac domi-  
no, Principatum Transylvaniæ invasit, conspiransque cum Domus Effigies.  
Austriacæ hostibus, quas diximus, tragœdias dedit, personam  
etiam Hungariæ Regis agens. Uti fidei, ita Religionis nullius fuit,  
nisi ea dicenda sit Religio, quod Catholicos immani odio sit per-  
secutus. Obiit anno 1629. ætatis 50, regiminis 16, prole nulla re-  
lictæ.

Successorem in Transylvania habuit *Stephanum Bethlemum*  
fratrem, sed eo mox dejecto, Georgius *Ragozius* electus est, cu- Ragozius.  
jus jam pater Principatum gesserat. Is cum Bethlemo Gabrielis  
fratre inimicitias primum, dein bellum gessit. Bethlemus modicis  
a Turca auxiliis instructus, atque bis victus, in Thraciam rejicitur.  
Denique amicorum opera conciliantur. (1636.)

Anno 1644. idem Ragozius, haud dubie a Suecis incitatus, Hungariam  
cum 70000 Armatorum in Hungariam irrupit: causam præferens, invadit.  
Hungariæ libertatem violatam a Cæsare: multa contra priorum  
annorum pactiones immutata. Cassoviam itaque aliaque nonnul-  
la loca invadit. Ejus impetum Comes Buchheimius cum Cæsareis,  
& Hungarorum fida manu strenue sustinuit, donec anno sequente  
pacem petiit, quam eo pronius Cæsar concessit, quo majore Suedi-  
ci Gallicique belli pondere premebatur.

Ejus filius regni cupiditate pariter ebrius, cum Hungaricam Filius a Po-  
non posset, Polonicam coronam prensavit. Accendit spem Caro- lonis cæsus,  
lus



Ius Gustavus Rex Sueciæ, ut ad societatem belli Polonici eundem attraheret, promissis large omnibus, quæ ambitio petebat.

Dehortabatur eum non modo Cæsar cum Proceribus, sed ipse adeo Tartarorum Chamus, ne huic bello se immisceat: noratque, quam severis minis Aula Ottomannica Georgium parentem a Suecorum societate bello Germanico abstraxerit. Sed ne salubri monito aures daret, Barzajus, primæ admissionis Aulicus, effecit. Dudum homo versipellis principatum ambiebat, consiliis id agens omnibus, ut præcipitem indole Principem deturbaret.

Sueci vero missa Bizantium Legatione acriter Turcam incitabant, ut Cæsari in Hungaria bellum faciat: ferro & igne excindendos, qui lignea ac triticea simulacra pro Numinibus colant. Sed æquior Sultanus extrema minatur Ragozio, si quid in Poloniam suscipiat, quacum ipsi amicitia intercederet. Verum obscuruit ad hæc miser, regnandique insania sui impos, fœdus percussit, sibi, Cæsari, Hungariæ, reique Christianæ exitiosum. (1657.)

In afflictam  
Transylvani-  
am fuga eva-  
dit.

Nam Poloniam multo cum exercitu ingressus, ingenti clade prostratus est, amissis in acie quinque suorum millibus, pluribusque in fuga a Polono equite trucidatis. Quapropter traditis Keminio cladis reliquiis, in lucro ponere debuit, quod caput, quod coronæ insertum ibat, acinaci Sarmatico potuerit subtrahere, atque per invios calles & montium prærupta in Hungariam præcipiti fuga evadere.

Nec Keminio fortuna melior. Per Valachiæ alpes fugam rimatus, a Tartaris captus est, exercitu ejus aut trucidato, aut in servitutem abstracto. (1657.)

Quibus animis a Transylvanis exceptus sit infelix Ragozius, cogitatu pronum; cum nemo ferme esset, ad quem non pars aliqua cladis pertineret: auctusque dolor, cum immensa auri vis pro captivis redimendis a Tartaris exigeretur. Nihil certe propius erat, quam ut in ipsis comitiis a Keminii filiis trucidaretur.

Turcarum  
minis a Prin-  
cipatu depo-  
nitur.

Verum longe atrocior tempestas misero Principi incubuit a Mahomete IV. Sultano, quod se Suecico fœderi illigare, & Poloniæ coronam ambire sit ausus: nec iram barbari placabat, quod fugitivus, rebus exutus, domi invisus, foris spretus temeritatem luisset: sed funditus illum perditum ibat. Atque e vestigio Budensi cæterisque limitum Præfectis mandat, ut ad Temeswarinum copias ad expeditionem paratas habeant. Remningerum vero Cæsareum Constantinopoli oratorem monet, nuntiaret Viennam, non alio hæc arma, quam ad castigandam perfidi hominis con-  
tuma-

tumaciam spectare. Securum Hungariæ, atque amicitia esse jubere Cæsarem. Mittitur & ad Transylvaniæ Ordines, Albæ Comitiae habentes, qui denuntiaret, Ragozium illico provincia expellerent, Turcicumque præsidium Jenæam admittant: secus extrema omnia expectarent. (1658.)

Facile advertit Ordines, quo hæc irarum in Ragozium simulatio collimaret: Principatum potius, quam Principem a Turcis peti. Sed quid facerent terrore attoniti, milite, foederibus, opibus, amicis, fide, rebus omnibus destituti? Monent Ragozium, cederet tantisper tempori, atque, ne furens Turca libertatem adimat, patriæ dignitatem condonet.

Abdicat se haud gravate. Moxque Franciscum *Redaium* Redajus fuf- Principem renuntiant, virum primæ inter suos Nobilitatis, egre- ficitur. gia & pacata indole, dignumque meliori tempore.

At Ragozium privatam vitam non ferens, solutis vixdum comitiis, & dimisso Bizantium Legato, egentium ac perditorum hominum delectibus habitis, brevi tempore decem hominum milia collegit. Permulti Nobiles, pro mobili Nationis genio, eos conatus clam promovebant. Redaii modestiam pro ignavia carpunt. Ea fiducia, crescente in dies adhærentium numero, datis ad Or- Ragozium ar- dines litteris postulat restitui. Mittitur ad eum, quæ dissuaderet, mis se resti- legatio, at incassum. Vi doloque intrusum Redajum clamat. In- tuit. vitis etiam Ordinibus & ringentibus Turcis se Principem fore. Nec intra minas hæsit, sed Comitii copias admovet. Quare perterriti Proceres, in ejus verba denuo jurant: Redaio æquabili animo Magistratu abeunte. (1659.)

### ARTICULUS III.

*Ragozi a se ipso restitutus; sed a Turcis Barzajus intruditur. Ragozi Cæsarem implorat. Barzajum dejicit. A Turcis occiditur. Paradinum a Turcis expugnatum.*

Gravissime Turca id accepit, nullis muneribus a Ragozio se placari passus, Legato illius obruncato. Quare Ragozium in 53. Turcicam ditionem progressus, populationibus late omnia cas. implevit, donec Budensis Prætor, quem *Bassam* vocant, cum 15000 occurreret. Configitur mox acri prælio; victus castrisque exutus Turca.

Sed



Sed Turcæ  
aucti Barza-  
jum intru-  
dunt.

Sed victoriæ latitiam absterfit nuntius de adventu 45000 Turcarum. Tradita Jenæa Turcis, *Barczaji* fraude, ut ea ad Principatum sibi viam sternat. Missus idem ad Vezirium Legatus, apud quem valebat gratia, ut pacem ab eo exoret. Avocato in Orientem opportune Turcarum exercitu, ubi Aleppi Prætor gravi seditione Syriam miscebat, datæ induciæ hac lege: *Barczajus Principatum obtineat, at Caransebiam & Lugosium (duas munitas urbes limitaneas) Turcis tradevet: Ragozium, vivum aut mortuum, cum Valachia & Moldavia Principibus, Sultano transmitterent. Duplum tributum annuum pendant. Nobiles quatuor obsidum loco apud Vezirium maneant.* Atque ita Barczajus Principatum, tot sceleribus quæsitum, est consecutus, execrabilis patriæ, & Religionis proditor. (1659.)

Auxilia a Cæ-  
sare frustra  
petit Rago-  
zajus.

Ragozajus, spe necdum dejectus, a Leopoldo Imperatore rogat auxilia, Barczaji impietatem, Turcarum incrementa, & despoticum in Transylvaniam dominatum, ferendum non esse Cæsari: summum inde Hungariæ rei que Christianæ enasci periculum. Decem modo Germanorum millia sibi mitterentur, retrudendæ in Thraciam Turciæ se parem fore. Asiaticis turbis satis negotii Vezirio objectum iri. Affore Moldavos, Valachos, Cosaccos, Hungaros; neque ob missas auxiliares copias pacem a Cæsare violandam.

At Cæsar, sparsis per Daniam adversus Suecos copiis, non id esse tempus existimabat, quo cupidam belli Turciam irritaret. Ungaro militi parum tribui posse, qui multus quidem affluat, sed facile rursus disfluat, velitationibus, quam statariæ pugnæ aptior. Cæterum in ambiguo esse, an Barczajo, an Ragozio plus fidendum: parem utriusque ambitionem, utrumque imperandi vesania abreptum, quidvis admissurum.

Cum igitur nihil opis expectare juberetur Ragozajus, cum Barczajo transiegit: securam in Transylvania habitationem, sessionem & votum in Comitibus, regressum ad dignitatem, cum per Turcam licuerit, pactus.

Neque his pactis Vezirium emolliit Ragozajus, neque Mayenbergii legati Cæsarei ad Sultanium oratio. Variæ tam implacabilis iræ causæ ferebantur. Verissima fuit cupiditas Turcarum, subigendi penitus Transylvaniam, atque invadendi Hungariam; unde minaces illæ Sultani ad Cæsareum Legatum voces. Ut quid Cæsar in terris suis hominem, *Fulgida Portæ* adeo invisum, sustineret. Sibi eum bello persequendum, ubicunque eum morari contigerit.

Nequ

Neque latebat Leopoldum, bellum a Turcis quæri. Quare, ut Hungarorum animos pertentet, coactis Comitibus, quid ab illis expectandum foret, explorat. Magno consensu non modo annonam Germano militi, verum & regnum omne in armis fore, prolixè promittunt. Sed promissis exigua postmodum fides respondit.

Cæterum ea fuit Barczaji vœcordia, avaritia, & servilis erga Turcas subiectio, ut Transylvanis jam vilis & exosus, Ragozius contra, eœ liberalis & splendidus, in pretio esset & amorbis. Preparatis ita animis, Ragozius cum milite in Transylvaniam profectus, magna ab omnibus voluntate jam tertium Princeps acclamatur. Barczajus vero arrepta fuga Temeswarinum ad Bassam evasit, de Ragozii & popularium injuria multa conquestus.

Ea rerum conversione Constantinopolim nuntiata, Sultanus Transylvanis servitutem & ultimam vilitatem comminatur, nisi recepto protinus *Barczajo* Ragozium expellant: Cæsari vero per Legatum scribi petit, pro belli denuntiatione se habiturum, si vel tantillum opis rebellis præstaret. Temeswarini Præfectus cum 15000 reducere Barczajum jubetur, qui magna clade Ragozium affligit.

Tum vero is, sumpto a desperatione consilio, ut Princeps non inultus moriturus, cum 6000 suorum ad Claudiopolin incredibili ferocia in numerosum Turcarum exercitum irruit, ingentique strage illorum edita, in confertum hostium globum se injicit, multisque vulneribus acceptis concidit, atque spirans adhuc Varadinum deportatur: ubi, ejurato Calvino, magno pietatis sensu Catholicus obiit: felicior morte quam vita.

Familia natus fuit nobilissima ac pervetusta, avo & patre Transylvaniae Principibus. In bello fortis potius miles, quam Dux providus. Initio Principatus Basilium Moldaviae Regulum ditione exuit. Polonica vero expeditio perniciem ei attulit. Felici esse licuisset, nisi perdidisset ambitio. Filium ex Sophia Bathorea reliquit Franciscum, in Hungariae hæreditarios fundos cum matre se recipere coactum. (1660.)

Ragozii morte necdum quies Transylvanis reddita. Quippe dum, Jani Kemini, Principatum ambientis, machinatione, detrectant Barczajum recipere, Sultanus Halyum Bassam ad Varadini oppugnationem dimittit. Susa, Dux Cæsareus, quanta cuperent, Varadinensibus auxilia offert. At illi satis sibi propugnatorem esse respondent, Calviniano Præcone pro concione clamante,

Pars IX.

Hh

te,

Ragozius  
Barczajum  
dejicit Prin-  
cipatu.

Vulneratus  
a Turcis obit  
Varadini Ca-  
tholicus.



te, ne se arcemque Papistis Germanis crederent, satis animorum viriumque ad defensionem esse Hungaris.

Responso hoc abrupto ad Sufam delato, convocatis Hungariæ Ordinibus deliberatum, qua ratione occurrendum periculo. Una fuit omnium sententia, non committendum, ut tanto præsidio Turcæ potiantur: cum non Hungariæ modo sed Christiani orbis sit propugnaculum. Quippe Transylvaniæ, Valachiæ, Moldaviæ salutem unius Varadini mœnibus contineri, frænūque Turcis injici, ne in provinciæ formam eas regiones redigant. Hactenus procul, atque in ipsam adeo Asiam ad stativa deducendum fuisse Turcis militem, capto Varadino, ex provinciis istis, frumenti feracissimis, sustentandos. Rudolphum Cæsarem ad hunc locum conservandum gravissimo bello se implicuisse, eumque vindicasse. Et quamvis utriusque Imperii consensu is ad Tibiscum & Samosium tractus Transylvaniæ Principibus sit concessus, non tamen propterea a suprema Regum Hungariæ, in cujus solo est situs, fuisse sub tractum. Ipsam Transylvaniam semper Hungariæ partem fuisse habitam, Principibus fidem Regi jurantibus. Quod Turcis tributum pendant, tyrannide potius quam jure fieri.

Varadinum  
a Turcis ex-  
pugnatum.

Verum, ut inquit ille, dum Romæ deliberatur, Saguntum perit. Varadinum, ob præsidii paucitatem, machinatorum imperitiam, prodiciones incolarum, magna Christianæ rei jactura, 47. oppugnationis die Turcis est traditum, Bizantio magnis plausibus excipiente victoriæ nuntium, & clavem in Christianorum terras ab Halyo inventam gratulante. Sufæ autem Halyus denuntiat, nisi finibus protinus excedat, venturum se cum victore exercitu, & pauculos Germanos internecioni daturum.

#### ARTICULUS IV.

*Barczajo deposito Keminius intrusus: hoc pulso Abaffius. Pax cum*

54.

*Turcis. Abaffi invadit Hungariam. Transylo. ad Cæsarem.*

*Herbevill Ragozianos cædit. Hung.*

*vastata.*

Dejecto ite-  
rum Barczajo  
Keminius  
Princeps.

**M**ajori interea, quam unquam, intemperie æstuabat Transylvania. Durante Varadini obsidione Barczajum, ne quid turbaret, in custodia tenebat Halyus: tum in Principatum remisit ea lege, ut Turcis cedat Claudiopolim, & 500 aris millia numeret. Cumque impotentius pecuniam exigeret Barczajus, Transyl-

Transylvani eo deserto *Keminium* Principem renuntiarunt. Barc- Barczajus in-  
zajus vero, cum Turcam per litteras invitasset, oblatis rursus dua- terfectus a  
bus, quas vellet, urbibus, Ordinum voluntate cum fratre est in- suis.  
terfectus, belli calamitatum Princeps auctor. Ragozium herum,  
ut ejus dignitatem obtineret, in pernicioſa conſilia præcipitavit,  
ſpem Regni Polonici inſecit: Turcas in vindictam concitavit, Jenæ-  
am pollicitus, Caranſebiam, & Lugofium tradidit; Varadinum ma-  
chinationibus ſuis perdidit. Ante mortem monetam cudit, cum  
lemmate: *ſalva nos: perimus.* Et in parte averſa: *de profundis cla-*  
*mavi.* Deleta ſtirps omnis. Uxor mendicato vivere coacta.

Amoto hoc probro Chriſtiani Nominis, Halyus, agni vel-  
lere vulpem teſturus, Keminium Temesvarinum amice invitat,  
ut ſolenni inauguratione Principatus inſignia capiat. At non ita  
ignarus erat Turcicarum artium, quin reſtim ſibi paratam intellige-  
ret. Viennam igitur legatos mittit, rogatum auxilia, ſe, totam-  
que Transylvaniam Cæſaris fidei permittens.

Benevole accepti ſunt legati, atque ſpe pleni remiſſi. Ad  
Sultanum & Halyum directi Legati a Cæſare, tentaturi, ſi qua  
ratione absque bello conſuli Keminio & Transylvaniae poſſit. Uter-  
que reſponſum accepit, Keminium vivere amplius non poſſe: ſi ejus  
cauſam Cæſar ſuſcipiat, pacem violatam videri. Itaque jam ſerio  
bellum apparatur.

Interim vero, dum Cæſarea auxilia, & modica & lenta,  
conveniunt, Keminus Transylvania a Turcis pellitur. Michael Keminio pul-  
*Abaffius* vero, qui ruri vitam degebat, ab iisdem accitus, ad ſo Abaffius  
mortem ſe duci credebat, cum Princeps Transylvaniae renuntia- Princeps.  
tur. (1661.) Keminus collecto milite contra eum, comitantibus  
2000 Cæſareorum, duxit, ſed affluentibus Turcis, & Transylva-  
nis prodentibus, victus eſt, & trucidatus.

Ex quibus apparet, omnes iſtos Principes Transylvaniae,  
ex Calvini diſciplina homines fuiſſe ambitioſos, turbulentos, &  
ſanguinarios, qui vix Principatum adepti Rempublicam tumulti-  
bus, ſeque ipſos alternis velut cædibus involverunt, aut Turcis  
per factiones ſuas maſtandos præbuerunt.

Devoluto ad Abaffium Principatu per interitum Keminii,  
ſolliciti erant Transylvani, qua ratione Germanos, quos enixis Transylvani  
precibus paulo ante advocaverant, ex urbibus denuo, quas præſi- Turcis mixti  
diis tenebant, expellerent, prout a Sultano imperatum fuerat Claudiopolin  
Abaffio. Et miſerunt eam in rem Legatos ad Cæſarem, qui ſe obſident, a  
abducturum copias recepit, niſi in manus Turcarum venirent. Cæſareis ſtre-  
Cum nue deſenſam.



Cum igitur hoc metu Cæsarei in munimentis persisterent, Transylvani Turcis mixti Claudiopolin oppugnant. At Cæsarei Redanæ Præfecto, civibus Calvinicis exarmatis, adeo strenue urbem defendebant, ut hostis re infecta abscedere fuerit coactus. (1662.)

Pace cum  
Turcis inita  
Abaffius con-  
firmatus.

Grave dein bellum Cæsar cum Turcis gessit propter Transylvaniam, ne tanta provincia in eorum potestatem laberetur. Parta Cæsari *San-Gotbardana* victoria, Vezirius pacem petiit, qua conventum, ut uterque Imperator copias suas Transylvania deduceret, liberamque Ordinibus potestatem Principem sibi eligendi relinquat. Keminii & Ragozii hæredibus armatus in Transylvaniam ingressus interdictus: Abaffio sua relicta dignitas. (1664.)

Abaffius in  
Hung.

Porro Abaffius & Transylvani, quacunque ope poterant, rebellibus Hungaris succurrebant, atque asylum præbebant. Anno 1675. Kaloum, Tokainum, Zatmarinum, tanquam veteres essent Principum Transylvaniae possessiones, repetebat, velut inique a Ragozio in Cæsarem alienatas; cum tamen ab omni ævo in Hungaria Regum ditioe fuissent, atque ad tempus duntaxat fiduciario jure Ragozio concessæ.

Igitur cum 12000 Armatorum movet in Hungariam, auriferis montibus inhians, omnemque late regionem devastavit, Scythensensem præsertim agrum.

Cum dein *Pedipolius* ad Transylvaniae Principatum aspiraret, bellumque inferret, totum se Abaffius ad rebelles Hungaros applicuit, eorumque opera victoriam retulit; cumque Pedipolius, instaurato e Valachis exercitu, novum prælium pararet, mandatum cum minis a Sultano accipit, ut arma ponat. Abaffius vero, ut Hungaris pro submissis subsidiis gratiam referret, totidem ad fovendam promovendamque rebellionem, Töckelio ductore, consignat milites, atque acceperat. (anno 1678.)

Turcis se ad-  
jungit.  
Transylvania  
in provinci-  
am a Cæsare  
redacta.

Exorto subin bello Turcico, totum se Ottomannis applicuit Abaffius, donec anno 1687. prævalentibus Cæsareis armis, a Leopoldo Cæsare in provinciae formam redacta est Transylvania. Quippe Carolus, Dux Lotharingiae, parta *Mobacensi* victoria, susceptam in Transylvaniam expeditione, Claudiopolim, Cibinium, Hebam Juliam, totumque Principatum deditione accepit, his legibus; munita provinciae loca præsidium Cæsareum reciperent, illudque alerent. Abaffio ærariae ac civilis rei administratio, fundi, jurisdictio, comitia convocandi autoritas salva maneat. Religionum libertas ne turbetur. Magistratus suis legibus moribusque vivant.

vivant. Si Turcæ aut Tartari transitum extorqueant, gubernatoribus id mature significarent, & Christianis opem ferant.

Tentata quidem est postea sæpius a Turcis Transylvania, sed armis Cæsareis strenue vindicata, in fide perstitit ad initium usque hujus sæculi: ubi occasione belli Hispanici Hungarica seditio denuo exarsit. Nam eo ex incendio in Transylvaniam quoque flamma sparsa est; quam tamen *Rabutinius* Gubernator cura sua vigili tantisper compressam tenuit, senatoribus Cibinio conclusis. (1703.)

Verum anno sequenti Ragozius, missis in Transylvaniam sex Hungarorum millibus, pleraque ad defectionem prona invenit. Volitabant mox per provinciam perduellionis vexilla. Rabutinius, interclusis omnibus subsidiis, Claudiopolim, quia servari non poterat, dejecta muri parte, deseruit, atque Cibinium residuas vires collegit. Indeque prorumpens grandi clade Transylvanos Hungarosque multavit.

Ragozius nihilominus sub initium anni 1705. Ductore Forgatio Hungarorum ad 40000 immittit, quibus ad 10000 Transylvanorum se adjunxere. Obsessa mox Deva, Fogarasia, Corona, Mediesinum, & ipsum denique etiam Cibinium, triginta hominum millibus urbi circumfusis.

In arcto res erant positæ; tota ferme provincia in hostium potestate; Varadinum & Giula, Transylvaniae claustra longa obsidione ad famem redacta; viæ cæsis arboribus, objectis aggeribus, ductoque perpetuo vallo præpeditæ; omnia ad exitium, quod Rabutinius, Felsius, Beckerus virtute, fide, constantia morabantur, inclinabant; cum Herbevillius longo & difficillimo itinere ducto in Transylvaniam exercitu, tutelaribus velut genius, rebus afflictis succurrit.

Vallo adhuc aggerique struendo intentum hostem *Herbevillius* ad Siloam aggreditur. Difficilis pugna: hostis & numero multo superior, & aggere valloque defensius. At enisa Germanorum virtus plenam victoriam retulit. Cæsi 4000, tormenta 28, signa 50, annonæ & impedimentorum currus omnes victori in prædam cessere. Enituit virtus Schlickii, Glöcklspargii, Langleti, Drafcovicii.

Mox alia tum rerum facies. Peramplus & quæstuosus Principatus a præsentissimo exitio servatus, atque in fidem Cæsaris assertus. Claudiopoli jam stabant triumphales arcus, magnificis epigraphis, *Victori, Patriæ vindici, Germanorum Domitori*, insi-



gniti, multusque apparatus cernebatur ad solennem pompam, qua tertia post die Ragozius inaugurandus erat Transylvaniæ Princeps. Jam vero cives urbis claves obviam victoribus supplices tulerunt. Vis annonæ grandis reperta; captivi Germani signis suis reddit, rapti ad supplicium transfugæ. (1705.)

Vastata ab  
Hungaris  
Hungaria.

Restitutam sibi Rempublicam, coactis more veteri comitiis, sapientissime Rabutinus gubernavit: cum accipit Vienna literas, quibus cum majori legionum parte in Hungariam superiorem jussus est migrare, Stahrembergio futurus auxilio. Difficillima erat profectio; quia perduelles omnes regiones, quibus trans-eundum erat, igne ferroque vastaverant, cibariis aut avectis, aut defossis, aut corruptis, ut Cæsareis desertam solitudinem relinquerent. Debresinum, urbs amplissima, inventa est hominibus & rebus penitus vacua: ardentes vici & tristia busta ubique viscebantur. Adeo nempe boni isti cives in patriæ suæ, veluti matris viscera, grassabantur.

Remisso cum 2000 equitibus in Transylvaniam *Tigeo*, qui vicario nomine provinciam regeret, post anni dimidii miseram peregrinationem Budam tandem Rabutinus attigit: sub finem vero anni 1707. in Transylvaniam, graviter laborantem rediit; postquam de ea deferenda jam plures in Senatu Aulico sententiam dixerant, de inhibendis excursionibus in Austriam & Moraviam solliciti.

Visa proin est hæc sententia privata potius spectare comoda, quam bonum publicum Josepho Cæsari, qui tam amplam pinguemque provinciam, tantis impendiis partam, licet longinqua sit, & nova supplementa exigat, neutiquam omittendam censebat, eaque perduelles aut Turcas potiri; maxime, postquam Rabutinus & Tigeus eam totam ad obsequium Imperatoris reduxissent.

Rabutino

Laborabat tamen Rabutinus, Gallicæ originis homo, post res tam præclare, tantaque fide, solertia, constantia, & bellica virtute gestas, apud Proceres Viennenses invidia. Quapropter, missione impetrata, Viennam concessit, articulari etiam morbo afflictus, nactusque est in Transylvania successorem *Kriechbaumium*, qui domitam equidem provinciam accepit, sed brevi expertus est, quam ardua gubernatio sit demandata, Katolyo irruente, supplementis, vestibus, annona deficientibus, incolis vero, qui molliissime erant habendi, parum contribuentibus. (1708.)

Subrogatur  
Kriechbaumius.

Heistero, copias Transylvanicas ad Tibiscum in Hungariam duci cupienti, mos geri non potuit, Ragozio & Carolyo, 14000 armatis circumtonantibus per provinciam, Varadino ab iis obfeso, cui annuis subsidii succurrendum. Et, si cætera abessent, in illa gentis mobilitate, Nationum ac Religionum colluvie longius a specula abesse non licuit.

Ad hæc Rascianis, partes licet Cæsaris sequerentur, confidi non potuit, utpote qui, sibi relictis, amicos juxta hostesque spoliabant, dicente Wilsono Hyberno, Aradiæ Præfecto, Rascianum, si vel ad inferos prædam videat, adequitaturum. Nec puniri poterant, ne in seditionem agantur, essentque in illa Germanorum paucitate necessarii. (1709.)

Sequenti anno, gravi per Transylvaniam pestilentia sævient, nihil ferme belli fuit; nisi, quod Rabutinus, paternæ legionis Pro-Tribunus, populatorium Baloghi agmen oppresserit, captis signis 10. equis 153. Ragozianis 40.

Kriechbaumio, curis & laboribus immortuo, in Transylvaniæ Præfectura surrogatus Steinvillius Lotharingus: qui multos Nobilium, ad Cæsarem redeuntes, benigne suscepit. Illud autem suspectum atque periculi plenum videbatur, quod Protestantes Transylvaniæ Ordines viginti aureorum millia obtulerint, si Abassius & Bethlemus Comes e Viennensi custodia domum remitterentur.

Alter metus a Turcis erat, qui Russorum victoriis commoti, tam potentem vicinum crescere volebant, Regemque Sueciæ, Benderi post Pultawanam cladem exulem, restitui postulabant. Quapropter omnia ad bellum apparabant. Timebatur proin, ne flamma in vicinam Transylvaniam & Hungariam erumperet. Nec vanus omnino metus, ne Turcæ, a Ragozianis & Legato quodam (ut fertur) interpellati, aliud simularent, aliud acturi essent. At metum absterisit Thalmannus, Cæsaris Byzantii Interpres, suspicionem de invadenda Hungaria nullam apparere. Et sane mirum est, Turcas in illis Hungariæ, sursum deorsum euntis, turbis Carolovicenses inducias servasse, nec ullis precibus a Ragozianis exorari se passos, datam ut fidem rumperent: exemplo sane, Christianis imitando.

Anno tandem 1711. Transylvania quoque Hungariæ paci inclusa est: ejuratus cum factione sua Ragozius. Magnates ac Nobiles, ejus partes secuti, atque in Moldaviam profugi, restituuntur. Leges & statuta pristino loco stare jussa. Captivis libertas asserta.

CAPUT



# CAPUT VIII.

## STATUS HUNGARIÆ

### SÆCULO XVII.

#### ARTICULUS I.

*Seditio Calvinistarum. Bellum Turcicum. Cum Vicoarino multa loca amissa. Sant-Gottbardana victoria. Causa properata pacis.*

55.

Susa in Transylvaniam,

**T**ransylvanica bella Hungaricum cum Turcis post se traxerunt. Nam cum isti nihil æqui admitterent; Cæsari autem committendum non videretur, ut Sultanus pro arbitrio Transylvaniam, Hungariæ Regno veteri jure innexam, versaret, bello decreto, *Susam* Hungariæ rebus præfecit, Montecuculum vero supremum belli Imperatorem in Transylvaniam misit, ut Keminio novo Principi adversus Ottomannos assistat.

Invitus omnino Dux sapiens eam expeditionem suscepit, probe gnarus, quantis cum difficultatibus per ardua tot itinera, ob annonæ defectum, Turcarum frequentiam, suorum paucitatem, Transylvanorum inconstantiam, depugnandum foret. Et revera nullo confecto negotio, cum interea Transylvani a Keminio ad Abassium, novum Principem, ab Halyo datum, defecissent, in Hungariam, cum acciso morbidoque exercitū redire coactus est. (1661.)

Sed neque in Hungaria meliores successus habuit Susa. Ad decem Hungarorum millia coegerant Esterhasius, Nadaštius, Bathianus, Bucheimius Comites: sed præter inutiles excursiones, & Palankas aliquot (exigui operis munitiones) exustas, nihil admodum actum. Quid? Ne hyberna quidem Hungari concedebant Cæsareo militi, sed ex sua gente Regem deposcentes, in ejus perniciem conspirabant. Calvinistæ potissimum, *Vesselenio*, Hungariæ Palatino incentore, has turbas machinabantur, Ministellis pro concione oleum flammæ non perfunctorie infundentibus: Papistas præ Mahometanis expellendos. Quapropter Leopoldus Cæsar in superiore

Sed redire coactus. Calvinistas in Hungaria rebelles habuit.

riore Hungaria, maiorem partem Orthodoxa, hyberna Montecuculo assignavit.

In Posoniensibus quoque Comitibus, ad sanandos regni morbos, & bello Turcico apparando, a Cæsare indictis, nihil ex æquo decerni poterat, ob induratum Protestantium repugnandi voluntatem. Detrectabant illi ulla de re prius consulere, quam omnia In ipsis etiam templa, ab anno 1619. sibi ablata, restituta forent. Distinctum regni Comitum præterea a cæteris regni Ordinibus collegium postulabant. Ne-que Catholici omnes erant integri. Ut Germani ex Hungaria abducerentur, omnes postulabant, privilegia pro more ingem- nantes.

Cæsar, qua erat facilitate, partem copiarum quamprimum in Austriam reduci jubet. At illi audaciores deposcebant, Regiis litteris testaretur Cæsar, præter jus fasque abs se actum, quod contra Comitiorum auctoritatem exercitum in Hungariam duxisset. Denique insalutato Cæsare se omnes subdlexerunt. Unde Cæsar quoque, gravissime offensus Viennam rediit. Nec mitius actum cum Germano milite, aliis, quod tectis excluderentur, frigore pereuntibus, aliis a rusticis trucidatis.

Hoc animorum habitu eo sollicitius, misso Constantinopo- Cum Sultano-  
lim Perisio, de pace agebat Cæsar. Duo potissimum Turcæ oppo- acta.  
nebant: Quod Cæsar necdum Transylvania deduxisset copias: no-  
vumque Zrinus extruxisset propugnaculum. Cæsar vero petiit,  
ut secundum pacta, a Solymanno cum Ferdinando I. inita, libera  
Transylvanis esset facultas Principem sibi deligendi.

Moram iniecit mors *Chiuperlii* Vezirii: qui præcipuus fue- Turcæ ad  
rat belli incentor, Ragozii Keminiique juratus hostis: homo adeo bellum se  
truculentus, ut sex eminentiorum capitum millia a se resecta glo- præparant.  
riari sit auditus: Sultano autem mire charus, ut, quod rarum,  
Vezirii dignitatem etiam in filium transferret. Qui Astrologiæ ha-  
ætenus impensus, bellique imperitus, ratas inducias mox habuit:  
pacificacione ad Halyum, Temesvariensem Bassam, resecta.

Christianis pacis expectatione otio torpentibus, Turcæ bel-  
lum strenue præparabant. In exteris Principibus, bellis ubique  
ferme flagrantibus, spes nulla. Comitibus Ratisbonensibus more suo  
lente incedebant: nec deerant ex civitatum legatis, qui dicerent:  
Hungariam & Transylvaniam nihil pertinere ad Germaniam: sua  
oportere quemque defendere; satis albere illas regiones Germa-  
norum offibus: nec æquum, ut unius utilitati omnes militent. Pa-  
lam etiam lentitudo Portiæ, & Aulæ Viennensis frigus accusaba-  
tur.



tur. Tandem 6000 militum decreta, sed 4000 tantum sub finem Novembris, ad hyberna videlicet, in Hungariam venere: Cæsarei vero ad variarum urbium & provinciarum defensionem adeo sunt distributi, ut Montecuculo non plures, quam 4000 equitum, & 2000 peditum superessent. Hac modica manu contra 100000 Turcarum Christianorum causa erat agenda, ut adeo Mantecuculus ad Cæsarem scriberet, se post 36. annos militiæ eo redactum, ut 4000 equorum cursoria acie Croatam velitemque agere necesse habeat. Id saluti fuit, quod barbari tantam debilitatem aliquamdiu ignorarent.

Misera conditio Hungariæ. Vezirius, cum Leopoldus in tributum, a Ferdinando I. Turcis dependum, consentire noller, pacis tractatione abrupta, grandi cum exercitu movens in Hungariam, Vivarium (Neuhäusel) oppugnare decernit. At vero Forgathius, munimenti Præfectus, cum intellexisset, tria Turcarum millia appropinquare, obviam illis egressus ad 20000 invenit, consertoque, cum evitare non amplius posset, prælio, victus est fugatusque, multis suorum in acie amissis, multis captis, & barbara crudelitate trucidatis, dicente Vezirio, sibi non esse panem pro canibus.

Neosolium amissum.

Partitis inde agminibus, alii Hungariam populati, alii in Moraviam effusi, cultissimam provinciam, 14000 in diram servitutem abductis, solitudinem fecerunt: alii Vivarium oppugnabant, orta que in urbe seditione militum, deditionem deposcentium, expugnarunt.

Graviter perculit tam muniti loci jactura, quibus Christiana res curæ erat. Acerbe laceratus Aulæ Viennensis tepor, Legiones velut alta pace alio mittentis: Ministrorum genius, qui grandia bella cum potentissimo hoste suscipienda suadeant, nec tamen necessaria provideant. Quasi vero cum sex millibus adversus centum & ultra millia bellum administrari queat. At facilius erat convictari, quam opitulari.

Et aliæ multæ urbes.

Eodem post Vivarium captum impetu Nitria, Leva, Novogradum, aliæque urbes arcesque occupatæ, Turcis immani barbarie populationem & provinciarum vastationem circumferentibus, ut adeo quidam ex Hungaris, jugum subire & Sultano tributum pendere cogitarent. (1663.)

Superioris anni languor intendit utcunque fervorem sequentis. In comitiis Ratisbonensibus triplum Romani mensis decretum, in subsidium belli Turcici. Octo Equitum, quadraginta peditum millia hoc juxta computum Imperii conficiebat. Sed statim multorum

torum ortæ querelæ, nimium se prægravari, temperandam prius pro ratione facultatum matriculam. Ardua magis hæc erat postulatō, quam ut ea tempestate perfici posset. Satiū visum Cæsari connivere, ut vix tertia pars fuerit exhibita.

Neque tamen illa etiā Cæsaris voluntati permīssa, sed lecti Duces, qui Imperii auspiciis copias ducerent. Rhenani maxime fœderis Principes consilium hoc urgebant, Gravello Franciæ legato annitente, ne Cæsari libera esset potestas utendi Imperii auxilii. Ea tamen fuit Ludovici XIV. magnanimitas, ut Duce Colli-<sup>Lud. XIV. 6000. milit. Colignio Duce.</sup> gno sex Gallorum millia, ex Italia, quo adversus Pontificem missa fuerant, ob violatum, ut credebat, Legatum, in Hungariam adversus Turcas melioribus auspiciis dimitteret.

Decem millia Pontifex coegerat, illaque, cum Franciæ Rege conciliatus, in sacri belli subsidium destinaverat. Sed cum tempore convento nemo Cæsareorum Romæ aut Anconæ esset, qui subsidia Pontificis eas suppetias exciperet, Itali omnes missione donati sunt. Grandi tamen ære Pontifex rei Christianæ subvenit, data etiā potestate, ex Ecclesiarum fundis amplam pecuniam colligendi. Eo liberalitatis exemplo excitati Italiæ Reguli varia subsidia contulerē.

Media hyeme Zrinius expeditionem suscepit in Turcas, quam Zrinski expe-<sup>ditio.</sup> summis alii laudibus; vituperiis alii, præsertim Montecuculus, Gonzaga, Susa, & peritiores belli Duces exceperunt. Obscuriora non pauca oppida interceptit, aut flammis delevit, Essekium pontem exussit. Quinque Ecclesiis primum, dein ipsi etiam Canisæ oppugnationem admovit. Sed grandibus sumptibus impensis, terris vastatis, ad rei summam vix aliquid effecit.

Susa vero majori cum emolumento suscepta expeditione, Nitriam primo expugnat; victis dein ad Csernicium acie Turcis, duo eorum millia cecidit. Victoriæ fructus Leva fuit, deditione accepta. Mox tamen rursus ventum ad manus. Susa Ordines obequitans hortabatur, quam nuper pauci & debiles inchoassent victoriam, nunc aucti firmitque absolverent: framearum fulgore, & incondito barbarorum clamore ne percellantur: hostium quidem plures esse, sed Tartaros, Moldavos, Valachos, coactum militem, numerum duntaxat facere. Perferrent fortiter primum impetum; tum vero confertis ordinibus strenue signa inferrent.

Septem solummodo nostrorum millia erant, Turcarum viginti. Dextrum cornu Valachis & Spahiis attributum, Moldavis & Tartaris sinistrum: Janisfari in medio stabant. Anceps diu erat prælium, nostrique victis propiores, cum Ducum virtute restituta



acies barbaros in fugam coniecit, cæsis eorum, ut fertur, octo millibus.

*Strozzius* quoque ad Muram tria Turcarum millia interne-  
cione delevit. Sed parva victoria subita glorie petitor oc-  
cubuit, tristi silentio castrorum communis velut omnium pater de-  
ploratus.

Expugnato dein Neozrinio Vezirius, multitudini suæ con-  
fusus, decretoriæ pugnae fortunam committere statuit. Nec abnu-  
it Montecuculus. Quapropter ad San - Gothardum congressus est  
uterque exercitus.

Turcarum copias, 60000 æstimatas, ducebant, præter Ve-  
zirium Imperatorem, Damasci, Aleppi, Armeniæ, Bosniæ, Præ-  
tores. Nostorum haud plures 30000 erant, ex variis nationibus  
collecti. Univerſo exercitui præerat *Montecuculus*: equitatu Adol-  
phus Sulzbacensis: peditatu Cæsareo Sabaudus Marchio Pio: Im-  
perialibus copiis Leopoldus Marchio Badensis, cui Legatus Comes  
Waldeccius, &c.

Initio Imperiales Tyrones, qui ad eam diem Turcicum aci-  
nacem non viderant, terrore percussi, solve re ordines, fugam  
circumspicere, arma abjicere, in genua procumbere, supplicum  
gestu manibus elevatis vitam deprecari. Plerisque, quo erant ha-  
bitu, in genua provolutis, demessa capita. Submissis mox a Mon-  
tecuculo veteranis subsidiis, repressoque hostium impetu, restitu-  
ta acies.

Sex horis acerrime dimicatum: cum pactis velut induciis  
utrinque respiratum tantisper. Tum vero Montecuculus animato  
milite copias simul omnes in hostem duxit, tanta fortitudine irru-  
entes, ut prima statim impressione loco mota hostium acies, at-  
que missilium pilarumque grandine in effusam fugam sit coniecta.  
2000 Turcarum aquis hausta: in ipso campo 6000 interfecta. Alii  
16000 occisa tradunt. Signa 140 capta, cum ingenti præda.

Montecuculus *Generalis locum tenentis* dignitate ornatus.  
Badensis, Waldeccius, Holachius, Colygnius cum suis Gallis,  
summis laudibus celebrati, atque a Cæsare aurato torque donati.  
Quo minus fugientibus insisteretur, grandes imbres, inundationes,  
defectus pulveris bellici, & annonæ obstiterunt.

His aliquantum provisi, cum de novo prælio cum Turcis  
conferendo, ageretur, stupentibus nuntiatur, pacem per Rennin-  
gerum cum Vezirio, illam petente, in pago *Vasvarino* esse com-  
positam: & quidem in has leges: In 20 annos induciæ tenento.

Transyl-

Wagn.

Sant-Got-  
hardana vi-  
goria.

Articuli pa-  
sis.

Transylvania uterque miles deducitor. Antiquum Principis eligendi jus penes Ordines esto. Zeckelhyda diruitur. Keminii atque Ragozii hæredibus, proprio vel alieno milite armatis, Transylvaniam ingredi nunquam fas esto. Zatmariensis, & Zabolciensis, comitatus sit penes Cæsarem. Loco Vivarini novum munimentum extruere Cæsari liceat. Nullus ad fines exercitus consistat. Solenni legatione robor pactis & celebritas addatur. Dona utrinque, tantis Principibus digna, afferrentur. (1664.)

Cur pacem Vezirius festinaret, nemo mirabatur. Nam Germanorum virtutem expertus, totque præliis victus, verebatur, ne sinistra ulteriori belli alea Sultani gratia excidat, amplum belli præmium ratus, quod Varadinum & Vivarinum retinere queat.

At vero, cur Cæsar victor inopinatam adeo pacem concesserit, magnæ vulgo admirationi erat. Vivarinum certe, quod e Viennæ mœnibus prospicere propemodum liceat, in Turcarum manibus relinqui non debuisse. Verum illi, quibus notum erat, quot difficultatibus obnoxium hoc bellum fuerit, quot rædia Cæsari absorbenda, quot querelæ ad eum delatæ, quanta Ratisbonæ tergiversatio, quantæ exceptiones & oblocutiones, quæ spes in Tyro-ne milite, aut Gallicis copiis, quis Hungarorum in Cæsarem animus, quantæ tot inter Duces, pro arbitrio bellum gerere volentes, discordiæ & contentiones, quantæ commeatuum difficultates, quamque immania ærarii exhausti onera, quibus, inquam, hæc erant perspecta, non admodum videbatur mirum, quod Cæsar tot difficultatibus per honestam pacem se expediret.

Missus dein a Cæsare Constantinopolim Legatus Comes *Leslaus*. *Leslaus*, nobilissima in Scotia familia natus, sed Religionis causa exul, comparatis in Styria amplissimis fundis, domicilium fixerat: toga sagoque clarus, per 30 jam annos trium Imperatorum fidis-simus Minister. Complures e prima Nobilitate ibant cōmites. Strigonii, Budæ, Belgradi, Adrianopoli, Constantinopoli magnis honoribus exceptus. Multi ab eo servitute redempti: commerciorum ratio inita: Jesuitis, ne Præfectorum injuriis exagitentur, publicis litteris cautum: Franciscanis sacrorum Jerosolymis locorum possessio, unde a 30 annis exacti fuerant, in integrum restituta. Turcici legati Viennæ multo alia erat vivendi ratio, cruda, avara, sordida. Cæterum Sultanus Cæsarem Imperatorem Germanorum compellabat; nam Romanum Imperatorem se ipsum esse prætendit.



## ARTICULUS II.

## SUMMARIUM.

*Hungariæ fertilitas, genius, querelæ. Hæresis fax turbarum. Protest. Intercessionēs. Perfidia. Vesselenii artes seditiosæ. Ragozium & Nobilitatem ad rebellionem concitat. Zrinii, Nadaszi, Frangipani, Tattenbachii in Leop. Cæsarem conjuratio. Detecta. Capti. Ultimo supplicio affecti.*

56.  
Hung. ferti-  
litas.

**Q**uod de Gallis dicitur, aut foris bella quærentibus, aut domi habentibus, id de Hungaris militari & acrioris indolis natione, spiritu armorum, cholero sanguine, & generosa quadam ferocia ad inquieta & turbulenta quandoque consilia impellente, dici posset; præsertim cum incredibilis soli fecunditas, in vina præstantissima, armenta boum, piscium abundantiam, altitium, ferarum, fructiferarum arborum luxuriam multo fertilissima, & quod consequi inde necesse est, victus levissimo parabilis, ingentem otiosorum hominum multitudinem, paratam semper miscendis regnis materiam, nutriat.

Indoles.

Quippe miranda patriæ glebæ clementia quam abundantes earum rerum, quas natura profert, tam earum, quæ labore & artificii parantur, inopes facit. Raræ artificum officinæ: præter vini, tritici, salis, pecorum nativa commercia, vix aliud negotiationis genus: nec egrediuntur, ut vendant, sed expectant, donec veniant, qui emant. Agriculturam ipsam ignave, & per solos ferme Sclavos, quos servorum instar habent, exercere solent. In tanto autem desidioforum hominum numero nihil pronius, quam ciendo turbas, rapinarum occasionem & impunitatem quærere.

Querelæ.

Nec desuerunt Nobiles, qui spiritu elati, tumultuum auctores multitudini se præberent, aut officio se præteritos indignati, aut averse & odio in Domum Austriacam turgentes: ferendum non esse jugum dominationis exteræ, nec extra Regnum Regem quærendum. Barbaros velut & Scythas haberi Hungaros, quod in molles & voluptuarios aliorum mores immigrare nolint. Austriæ consiliis de capite & fortunis suis decerni: opulentissimas Præfecturas a Germanis occupari: præter leviora quædam munia nihil administrationis sibi concedi, nec præter obsequii & cæcæ servitutis gloriam quidquam esse reliquum: ferenda Reipublicæ onera, nec sentiri ejus commoda: exedi sibi medullam, ut exteri pinguescant.

Info-

Insolens id genus murmur ambitiosorum & turbulentorum hominum calidioris sanguinis nationem facile in iras & conspirationes movere poterat: maxime, cum cuilibet comitatu fas sit, privatum in concilium coire, in quo tributorum, litium, Regionum mandatorum ratio ineatur. Sit, qui in tanta loquendi libertate querelas ejusmodi publice proponat, aut injuria quapiam, seu vera seu ficta, se affectum lamentetur, jam ad vindictam accenduntur omnes, privatam etiam causam suam faciunt: velut in copia, & accendi facili materia, serpit flamma, conferuntur capita, jaciuntur conjurationum & seditionum fomites, exterorum etiam Austriæ hostium flabellis non raro in apertum incendium eventilati. Quibus si accedat insita pectoribus a Germanis, lingua, habitu, moribus tantopere discrepantibus, animorum aversio (cum alias usuvire solear, ut limitanei populi ac finibus proximi, animis longissime distent, atque convitiis se mutua dicacitate insectentur) cogitatu primum est, in populo facile irritabili facile cieri turbas.

Sed inter tot seditionum incentiva, nullum tamen hæresis, *Hæresis fax* face illa Regnorum, & formidanda imperantibus furia, potentius *turbarum.* Hæreses quippe omnes alieno natæ sunt sanguine: nec ullum Principem in solio suo securum relinquunt. Cum enim sacra magnam Reipublicæ partem constituent, nunquam illa sola convelluntur, sed in coronata etiam capita furor grassatur, ex ipsa hæresis indole, rebelli, turbulenta, sanguinaria, sua.

Ludovico jam Rege in Hungaria gliscere cœpit exitiale hoc malum. Primus Franciscus Perenius hospitium illi præbuisse fertur. Ingentibus deinceps sub Austriacis Regibus incrementis diffusum, in Transylvania maxime, quod alias memoravimus, sedem fixit, sectarum colluvie ad omnem fœditatem contaminata: Tibisci quoque in Hungaria tractu præ reliquis infecto, eo majori contagii pertinacia, quo major accolarum ruditas, morumque distortio.

Hac usi Ministelli, ab siva ferme & aratro ad Regnum illud animorum emergentes, feram illam ac prope barbaram Tibiscanam gentem fraudibus suis aptam nacti, turbulentis suis concionibus, magicis velut incantationibus adeo dementarunt, ut pro oraculis haberentur. Calvinii sectæ hi erant potissimum, cujus secta dominationis ferme impatientes facit, & nescio, quam majorem impietatem, audaciamque sanguinariam suis cultoribus inspirat. Anabaptistæ pauciores, & opificiis intenti, sunt quietiores.

Allaboratum equidem a Ferdinando I, ut Catholicissimum olim Regnum pristino Religionis nitore reddatur, sed, prout est in



Protest. Prin-  
cipum inter-  
cessionibus.

in perniciem suam ingeniosa improbitas, imploratis Principum Pro-  
testantium intercessionibus, elusa prope sunt pientissima Cæsarum  
consilia; cum ea tunc essent tempora, quibus tribui haud parum  
oportebat iis, sine quorum auxilio ægre stetisset res Austriaca.  
Certe vix ad bellum Turcicum aliquid contulerant, cum graviter  
instarent, ut Hungaris credendi libertas concedatur. Qua in re  
plus sibi, quam Cæsari, potestatis esse volebant.

Ferreo denique, quo prece aut pretio pervadere non pote-  
rant, extortis variis permissionibus, penetrarunt, templis occu-  
patis, constitutis scholis, petere etiam ausi, ut separatim a Ca-  
tholicis statum ipsi constituerent. Turcarum dein auxilium implo-  
rare, imperia contemnere, vicinos populos ad pervicaciæ societa-  
tem invitare: opprimi libertatem, retento post bella in Hungaria  
Germano milite vociferantes.

Perfidia hæ-  
ret.

Indignissime siquidem Acatbolici ferebant, iis excubiis li-  
centiæ suæ effusæ frenum injici, neque tantum a se fieri posse, quan-  
tum hæreticus spiritus ausus fuerat. Verum hi ipsi conatus impii  
id effecerant, ne Cæsares faciles aures refractariis darent: præser-  
tim ubi Leopoldus per Leslaum ex Budensi Prætor, Christianis  
parentibus olim nato, intellexit, infidos omnino Christiano Cæsari  
esse Hungaros, ut a quorum nonnullis arces aliquot & præsidia Sul-  
tano sint oblata, si in clientelam reciperentur. Promississe insuper  
filios obsides missuros Budam: consilium ab iis sibi suggestum, ut  
montibus auriferis & tractu Neosoliensi potiretur. In hac autem  
proditionum atrocitate privilegia nihilominus sua jactabant, in per-  
fidia videlicet instrumenta ea vertentes, quæ olim ob fidem erant  
concessa.

Vesselenii  
artes.

Propius jam ad ipsas conjurationes adversus Cæsarem Do-  
mumque Austriacam, quæ ex obtentis his causis descenderunt, ac-  
cedendum. Turbarum præcipuus author fuit *Vesselenius*, Hun-  
gariæ Palatinus, seu Prorex, homo simulandi & dissimulandi arti-  
bus, calliditate, popularitate, omnibus acceptus, sed clam Domui  
Austriacæ infensissimus. Ejus instinctu oblata velut Ordinum no-  
mine querelæ, quod insciis Hungaris pax cum Turca esset inita.  
Sine Regni consensu tantum negotium confici non debuisset. Quæ  
autem hæc pax esset, per quam tanta spolia in hostium manibus  
essent relicta? Germanum militem ex Hungaria deducendum, sibi-  
que regni custodiam permittendam: nisi forte contra suam liber-  
tatem ea comparata essent militum præsidia.

Respon-

Responsum per Lobkovicium, supremum post Portiam Austriacæ Cæsareæ Præfectum, mansuere. Non tamen acquievit Vesselenius, cujus prima erat cura, Principes Regni familias in conspirationem attrahere. *Ragoziani* nominis magna ex opum amplitudine apud Hungaros erat Authoritas. Surculus supererat unicus, *Franciscus* sub matris tutela: huic uncam Nicolai Zrinii filiam junxit, eumque ad seditionem concitat, ingerens, quo patre, quibus avis natus esset: num pateretur, a Germanis se velut captivum teneri? Hungariæ oculos in eum, velut liberatorem verti: esse opes novasque cum sponsa amplissimas clientelas, quibus magna ad posteritatis omnis memoriam possit agere. Aggressus dein Zrinium, Nicolai in venatione occisi fratrem: utrumque verborum lenicinio in casses egit: adjectis Tibiscanis Calvinii affectis, ad omnia audenda projectis. (1665.)

*Zrinus* igitur, Banni Croatiae dignitate negata æger, cœptis insilens, socios conquisivit, quos ad rebellionem proniores existimabat. Hos inter erat Comes *Nadasti*, pollens opibus & audacia, iratus Cæsari, quod, mortuus nuper Vesselenio, quem primum conjurationis incentorem diximus, Palatini dignitatem, efflictim ambitam, non sit consecutus. Statuerat quippe Cæsar, eum Magistratum, nomine tuendi leges, Regibus gravem, antiquare.

Collatis consiliis, statuunt, Cæsari insidias struere, eumque, cum comitantibus paucis Nobilibus Schottviennam ad salutandam sponsam, ex Hispaniis adventantem, dissimulata persona, alieno habitu esset excursurus, per locatos in insidiis Pottendorfensi ex arce milites intercipere.

Saluti Leopoldo fuit, quod ante Schottvienna discesserit, quam 500 sclopetarii, quos inter arbusta abdere constituerant, essent collecti. Latuit hoc scelus, donec conjurati postea, antequam de iis supplicium sumptum, confessione sua illud vulgassent: prout etiam, quod fontem aulicum, unde aqua in cibaria petebatur, veneno infecissent. (1666.)

Frustrato hoc ictu, non tamen finit conjuratio, sed machinatore Zrinio majora multa incrementa sumpsit, adeo quidem, ut de bello Cæsari inferendo grandes apparatus fierent. Tentata Ragozii mater, quæ in arce Mongatensi se tenebat, quo mariti, Transylvaniæ olim Principis, amplissimas opes, vel justo exercitui pares, congesserat. Dudum huc oculos verterant conjurati, unicum velut factionis nervum: stimulabantque Ragozium, quem jam

Seditiosæ.

Ragozium &amp;

alios Nobiles

ad rebellio-

nem conci-

tat.

57.

Insidias in

Cæsarem

præparatæ.

Nadasti.

Nova conju-

ratio.



ante in partes suas pertraxerant, ut hæreditatem paternam matri extorqueret. Jamque vi armata arcu imminabant; cum mulier, fida Cæsari, disponi tormenta in subeuntes jubet. Filio vero cordate denuntiat, spem omnem potiundæ hæreditatis ponat, donec conspirationi nuntium mittat: nolle se esse proditoris matrem. Non tamen ille a turbulentis consiliis pedem retraxit, sed Tokainum, Germanorum præsidio occupatum, expugnare est conatus.

Ejus molimina.  
Frangipani.

Crescebat in dies factio, Ministrorum seditiosis concionibus ad arma excita. Sed multo maximum incrementum ex *Frangipani* Comitis accessione accepit. Opes juveni nobilissimis natalibus orto, fundique in Croatia ad Dalmatiæ fines amplissimi. Nulla is injuria accepta, a Zrinio in eundem vorticem abreptus, Monachum Constantinopolim ablegat, quanta maxima posset auxilia a Turcis petiturum: atque, ubicunque poterat, rebellionis semina spargebat. (1667.)

Cæsar, allaturus publico jam malo remedium, comitia cogit. Sed irrita fuit oblata clementia, vanus labor: Ordinibus aperte clamantibus, nisi creato Palatino haberi non posse comitia: neque admittendos Germanos Præsides. Protestantes restitutionem fanorum, & libertatem religionis regerebant: moxque domum redierunt. Effectum proin nihil, nisi quod in plures sit propagata rebellio, atque totum denique regnum pervaserit.

Quin de industria Turcicis finibus cum Ragozio populationem intulerunt, ut irritati arma in Húngariam Turcæ convertant. Ut autem argentum pro milite parent, opulentissimos ex Catholicis diripiunt.

Tattenbach.

Neque Germania immunis fuit a contagio. Erasmus Comes *Tattenbachius*, amplis in Styria opibus fundisque locuples, atque in sacratiori ibidem consilio locum obtinens, Ravesteinii item comitatus in Franconia potens, eo vefaniæ devenit, ut, Cillejæ provinciæ spe ostentata, in rebellionis societatem a Zrinio se trahi sit passus, sacramento etiam fidem obligans.

Progressus  
conjuratio-  
nis.

Factio sic roborata, missa rursus legatio ad Turcas, promissum tributum annuum. Consultatum in Divano. Petita a Vezirio Rakotianæ arces: promittunt. Sed cum illæ Germano defenderentur præsidio, sicque promissis stare non possent, Vezirius rem totam Casanovæ, Cæsareo legato aperuit, qui illico Viennam nuntiavit.

Nec tamen omissa a Cæsare leniora remedia, oblata ad obsequium redituris præteritorum venia. At incassum omnia. Conjuratio-

jurationis capitibus & Ministellis faces subdentibus, in omne nefas laxata audacia. Jamque 8000 equitum, & 4000 peditum, e Valachia, Moldavia, Transylvania, & Ragozii fundis collecta convenerant, pluresque in dies prædandi licentia aggregabat, cum Præceteres propria autoritate Cassoviæ comitia agunt, de belli ratione consulturi. Missus Rothaldus ad disjiciendum hoc comitium: fas non esse absque Regis consensu comitia cogere. Quid eæ copiarum sibi vellent? Responsum ferociter, patriæ causa se convenisse: nec pro pecudibus haberi se passuros. Copias ad limitum custodiam ductum iri. (1668.)

Cum rebellio jam undique in apertum prorumperet, Divini factum providentia Numinis, Austriacam Familiam in Leopoldo Cæsare (præter bimum infirmumque in Hispania infantem) unico superstitite conservantis, ut periculosissima conjuratio in tempore detegeretur.

Primus Tattenbachius, qui ultimus accesserat, in casses <sup>Detecta.</sup> incidit. Habebat domi hominem rei conscium. Hunc furti insinulatum carceri dedit. Is aut vindictæ aut pœnæ vitandæ causa, seriem conjurationis aperit, productis binis commentariis, Tattenbachii manu scriptis. Willius, Urbanus Græcii Judex, re Vienne delata, & accepto inde mandato, consilium ingressuro, ut gladium ponat, & custodiam subeat, Cæsaris nomine mandat. Captivus in arcem ductus: excussa domus, arma pro 6000 hominum inventa. Rogatus, cui fini sint destinata, sine ambagibus cum gemitu execranda consilia fatetur.

Non minus liquida in Zrinium indicia in scriniis Tattenbachii exstabant. Præterquam, quod palam in armis esset: frequens ejus palatium Turcis. Frangipanium quoque propriæ litteræ prodiderunt, ad Csolnitium centurionem scriptæ, quas iste, sceleris immanitate cohorrescens, protulit. Inter alia hæc verba erant inserta: multis Zrinius me evocat, statuendo tempori, quo auspicemur expeditionem. Ego sane milite accinctus, jam nunc pileum Cydari Turcica mutare exspecto impatiens. Volitabunt Germanorum capita, pœnasque durturnæ tyrannidis dabunt. Hodie jaciendæ aleæ dies constituetur. Si vacaverit, Bosnia Bassam coram invisam, digesturus, quæ adhucdum ambigua. (1669)

Cæsar iterum iterumque, litteris toto regno sparsis, veniam <sup>Cæsar venit.</sup> offert omnibus, qui uti velint. At superbe responsum, ab armis <sup>am offert.</sup> neminem discessurum, nisi Germani tota Hungaria æternum accendantur: Calvinistis cederentur templa: Hussaris solvantur stipendia.



Sed bellum  
reponunt.

Desperata igitur saniore mente Spankavius cum sex Germanorum millibus veteranae militiae adversus octo Zriniana millia in Croatiam progreditur. Sed non opus erat multo certamine. Zriniani viribus diffisi, ad Herbersteinium, Carlostadii Gubernatorem plerique transeunt. Turcarum nemo comparuit, neque Croatarum, qui semper Austriacis Regibus fidi manserant. Rakotianis satis negotii Sporckius cum altera exercitus parte faciebat.

Vincuntur.

Profigatus igitur, pene antequam in acie consisteret, Zrinius, arci invalidae se inclusit cum Frangipane: sed Spankavio arcem acriter verberante, desperata defensione noctu per aversam portam in fugam erumpunt, atque rerum omnium nudi per sylvas errantes, quo se verterent, ignorabant. Viennam tandem recta petere, & rogata suppliciter venia se totos gratiae clementissimi Caesaris permittere decernunt. Sed male providi ad Kerium comitem ex via declinant, qui eos captos inter armatos Viennam deducit, superum hominumque fidem nequidquam inclamantes.

Ragozio da-  
tur venia.

Eadem velocitate in superiore Hungaria debellatum est a Sporckio, veteri ac multarum palmarum Duce contra Ragozium, qui, matre bene merita apud Caesarem intercedente, in gratiam fuit receptus, traditis tamen omnibus suis arcibus, Mongatsino quoque ipso, Caesari, veniam vitamque solam precatus. Capitibus rebellionis fractis sequebatur vulgus. Recepta passim in urbes & munimenta Germanorum praesidia: iis, quos male conscius animus in desperationem egerat, primo in Transylvaniam ad Abafsum, non obscurum rebellium Patronum, dein vero, prohibente Turca, ne rebellibus asylum praeberet, in Moldaviam & Poloniam exulatum euntibus.

*Muranum* supererat, arx Vesseleniae gentis, situ inexpugnabilis, totius conjurationis officina, in qua & consilia cudebantur, & litteraria monumenta asservabantur. Datum ejus expugnandae negotium Carolo Lotharingo, rudimento hoc grandibus heroum facinoribus praefuro. Inerat Vesselenia, Palatini vidua, omnium mariti scelerum complex. Territa illa arcem, re omni bellica multo instructissimam Lotharingo tradit, seque Caesaris clementiae permittit. Reliquos rebellium nidos Heisterus excussit.

58.  
4. Comites  
capti.

Inventae in arce Murana litterae, totius conspirationis indices, quibus maxime convictus *Nadastius*: exaratæ ejus manu epistolæ ad Ragozium, quibus Hungariæ coronam pollicebatur: ad Vezirium item, quibus auxilia urgebat. Cum Pottendorffii securus sui dormiret, ab Ursembeccio subito cum militibus irrumpente captus,

captus, Viennam in custodiam abductus est: Zrinius vero & Frangipanes Neostadium, proditi iisdem litteris alii quoque rebellionis complices, Töckelius, Petrocius, &c.

Indicta componendæ Hungariæ alia rursus comitia: sed agi Comitibus turpitate nil poterat. Audiebantur effusæ Protestantium voces: Religionis & regionis libertatem everti: iudicium captorum comitum ad Ordines regni pertinere, bona eorundem arbitrio distribuenda. Quietam non fore Hungariam, dum Germanica præsidia superessent. In id videlicet A catholici collaborabant, ut, subtracto fræno, pro libidine grassari, omniaque miscere queant. (1670)

Causam interea suam agebant capti comites. Sed difficilis erat defensio criminum, quæ propriis eorum litteris, confessione sociorum, & moto aperte bello erant manifesta. Annus tamen pene integer concessus. Consultæ Academiæ, Ingolstadiensis, Turingensis, Lipsiensis, Spirensis tribunal. Concessi reis Jureconsulti, ut obstruantur obtrudentium voces, opes captivorum præcipuum eorum crimen esse.

Zrinius, conjurationes ignorari ratus, prolixum commentarium Cæsari obtulit. Hungaros indigna multa perpeffos. Occupata regni præsidia Germano milite. Tributis exhaustam plebem, conculcatam nobilitatem. Negatos ad regem accessus. A ministris Viennensibus, odio nationis flagrantibus, alto supercilio contemptos reiectosque. Sumpta tandem, consumpta patientia, arma, non adversus Majestatem Regiam, sed regni legumque necessariam defensionem. Præterquam quod lege publica, jam inde ab Andrea illo Hierosolymitano lata, Hungaris concessum sit, etiam adversus ipsum Regem arma capeffere, si leges aut privilegia nationis violatum eat. Turcas a se accitos pluraque alia negavit.

At ubi Frangipanis confessione, productisque ab eo litteris, aliisque instrumentis, ac testibus se convictum vidit, longe alios vultus induere, confiteri, quæ inficiatus fuerat, ad solam clementiam appellare, Ministros aulæ, quos acerbe antea perstrinxerat, in commiserationem afflictæ fortunæ vocare. Tattenbachius quoque, non unam se mortem commeritum dicere, a Deo, Cæsare, Græcensi urbe, quam prodere decrevisset, veniam precari.

Nadastius contra negare omnia, imo jus sibi dici postulare. Verum, postquam suas ad Turcas & Ragozium litteras in manibus Judicum vidit, in gemitus effusus, non jam justitiam, sed



misericordiam imploravit: quæque in vitam Cæsaris & Imperium designasset, distincte fatetur. Nec desistebant captorum uxores precibus ac lachrymis Cæsareum thronum pulsare. Pontifex ipse intercessit, pro Zrinio maxime & Nadaasio, de re Christiana in Turcas æque ac sectarios optime meritis.

Et certe vix a Clementia sua obtinere poterat mitissimus Cæsar, ut mori eos juberet, qui Imperium vitamque ipsi eripere attentaverant. Sed urgebant cunctantem Imperii Principes, legatus Hispaniæ, Ministrorum fidissimi. Præposteram hanc clementiam Austriacæ ac Christianæ rei exitialem fore, tam atrocium scelerum impunitate audaciam armatum iri: feras magnas nec claustris mitescere, nec concludendas, ut emittantur. Quem Principum securum fore, si Majestatis crimina non vindicentur. Hæsurum captivitatis sensum, in exulceratis pectoribus, perenne irarum molitionumque irritamentum.

Sententia  
mortis.

Lata tandem mortis sententia, ut capite manumque dextra truncarentur. Bona fisco addicta. Atrociore multo sententiæ ab Academiis conceptæ. Nadaasius ferale nuntium fortiter excepit: ex Nobilium albo deletus, senatu & provinciæ curia motus: confracta gentis insignia, erasi tituli: filiis, quos undecim numerabat, Dominorum de Cruce nomen inditum. Tum vero in lachrymas effusus, eripite, inquit, honores, famam, vitam: at liberis innocuis parcite. Facta supremum filios alloquendi copia uti noluit, ne sibi illisque dolorem intenderet. Nocte dein tota tractandis cum Deo animæ rebus insumpta, ad ferale pegma deductus, summa pietatis in Deum ejusque matrem atque fortitudinis laude securum excepit.

Idem supplicium eadem die Neostadii Zrinus & Frangipanes subierunt. Tristior huic nuntius mortis accidit, quod veniam adhuc speraret: ætati quid & judicii infirmitati condonandum ratus. Quas ad Cōsolinum dedisset litteras, juvenilis potius levitatis quam perduellionis reas. Fortior Zrinus fatalem sententiam excepit, postaque rerum humanarum cogitatione, totum se expiandis confessione peccatis, Deoque placando dedit. Idem factum a Frangipanio. Facta pridie mortis mutuo salutandi copia, neque enim se hætenus viderant. in genua provoluti, veniam mutuo rogarunt, Zrinio se authorem tantæ calamitatis profitente. Remissa dein dextræ abscissione, tristibus ceremoniis nobilitate exuti, in urbis armamentario carnificis manu capite plexi sunt, magna animi, in Deum erecti, constantia. Corpora in principe templo condita.

Suppe.

Supererat Tattenbachius, cujus supplicium per semestre adhuc fuit dilatum, donec lis de Reinsteinensi comitatu Brandenburgum inter & Brunsvicensem finiretur. Mortis nuntium adeo molliter accepit, ut incondita vociferatione & infirmi gestu mente motus videretur: quare humi se volutans laniatus potius est, quam obtruncatus. (1671.)

Atque hunc tandem vitæ exitum sortiti sunt quatuor viri, nobilitate, & opibus amplissimis primos inter spectandi, turbulentis consiliis in eam calamitatum abyssum præcipitati. Paternas opes plerasque Cæsaris liberalitas Zrinii & Nadaßii liberis concessit. Hujus vero arx Portendorffiana Montecuculo donata. Zrinii filius in parentis prope miseriam postea successit.

### ARTICULUS III.

#### SUMMARIUM.

*Antiquata Palatini Dignitas. Prædicanium calumniæ & rebellio incontentore Witniedio. Conviçti. Majestatis damnati. Cæsaris Clementia. Eorum furor. Principum Protestantium querelæ. Cæsarea responsio. In apertum bellum prorumpunt Calvinistæ. Insurgit Töckelius. Electus rursus Palatinus.*

59.

**R**efectis licet Principum capitibus, non tamen tristis hæc scena Necdum quies. seditionum tragœdiæ finem imposuit, sed, uti ex Egmontii<sup>es</sup> quondam Horniique cæde auctum Hispani nominis odium, firmatumque foedus Batavicum, ita per Hungariam diffusa rebellio: haud paucis tristem telam pertexere laborantibus, grandi Christianæ rei detrimento, quod civiles Hungariæ turbines in Turcica bella desinere consueverint.

Publicata a Cæsare condonatio omnium, quæ in eam diem fuerant patrata. Rediere ad obsequium multi: aliis, quibus in turbido piscari volupe, veniam periculosam dicentibus, quod a Palatino, Magistratu ordinario non esset subscripta.

Viennæ deliberatum, qua tandem ratione Hungariæ firma Antiquatum reddi posset quies. Decretum, penitus antiquandum Palatini officium: quis enim esset, qui non abuteretur, justisque Regum decretis, tribunitiæ instar illius potestatis, non intercederet, ejus loco nominandum Regni Gubernatorem, cui adjungendum e viris primariis consilium, absque tamen potestate quid gravius decernendi



nendi absque Regia autoritate. Novo muneri delectus Ambringenius Teutonici ordinis Magister. Sancita Regni sumptibus stata ac perpetua militia, quæ hyemem in præsiidiis, æstatem sub tentorii ageret, in omnem partem, qua scintilla erumperet, occurrere. Sapiens consilium & Austriæ salutare, si constanter fuisset servatum. Quoties enim amota hæc armorum repagula, in priorem ferociam rediisse experientia docuit.

Sic, ubi Cæsar anno 1672. bello Batavico fuit implicitus, copiasque ex Hungaria abduxit, tumultuari mox rursus indigenæ, conjurare, accire Turcas, cum Abaffio & Transylvanis societatem pangere, Cæsarem ac Germanos diris omnibus devovere.

Prædicanti-  
um Calvin.  
rebellio.

Ad sectarios potissimum continuata hæc rebellio pertinuit: fax & instrumentum furoris Ministelli, maxime Calviniani, inquit semper & turbulenta natio: quæ non cessabat populum, præsertim Tibiscanum, erroribus suis involutum, ad seditiones & arma concitare. Id quod tum palam seditiosis concionibus faciebant, tum ex geminis epistolis *Witniedii*, nobili loco nati, & Catholicorum osoris acerrimi, constat.

Duce Wit-  
niedio.

Multum ejus vafritie usus est Nadaastius, quod autoritate apud sectarios valeret. Post illius necem totum Regnum oberravit: Pastoribus, jam alias currentibus, addit calcaria: consilia cum Gallis & Turcis miscet, rebellionem ubique accendit.

Scripserat, quod dixi, geminam epistolam, alteram ad Nicolaum Bethlemum in Transylvaniam, qua significat, certum esse Hungaris, communes cum Transylvanis rationes habere, Turcis tributum pendere: Franciam subsidiorum spem facere: admonendos Transylvaniæ Ministros, ut ad corripienda arma plebem excitent: Evangelicum statum rite esse dispositum, Sopronienses & Kőlegienses Ministros Trans-Danubiam Hungariam in præcinctu tenere: Eperiesinum, Leutsoviæ, Trenschinum, Arvam, Liptoviam, Turoczium, a locorum Superintendentibus mire obsequentes haberi: Papistas canes facile ad officium redigendos.

Continuata  
Ministello-  
rum rebellio.

Altera, ad Kezerum Eperiesinum consulem data, scribit, cum Pastoribus rem ad amissim esse ordinatam: a Superintendentibus Ecclesias secreto armatas: fratres in Moravia, Silesia, Bohemia, Austria, cum Zolnensi Pastore consilia communicare: a Turaluckiensi tractu, Ministri opera, egregium peditatum submitti: Posonium cum liberis civitatibus optime esse comparatum animis, armisque: Pappæ, Jaurini, Vespriinii, Sopronii, opus a Pastoribus strenue urgeri. Eadem ex superiori Hungaria ab Evangelicis per-

scribi:

scribi: a Pastoribus, ut in obsequio retineant plebem, rem verbo egregie geri: animandum pro concione populum, sed circumspecte, idque Religionis & Reipublicæ specie.

Ex his interceptis a Cæsareis litteris sane videas, seditio-  
num faces ubique a sectariorum Ministrellis fuisse prælatas, ut vide-  
licet more Apostolico Religionem propagarent. Et consensiebant  
facta verborum petulantia. Vocatus in subsidium harum machi-  
nationum Turca: Budensi Bassæ 50000 aureorum promissa, ut sa-  
cerdotes Catholicos quam plurimos interciperet. Cum autem pec-  
cunia barbaro non præsentaretur, litteras, ut erant Ministrorum  
nominibus ac sigillis signatæ, ad Comonæ Gubernatorem misit.

Cæsar, seditione tot indiciiis manifestisque documentis com-  
perta, sectariorum Ministellos in quæstionem vocari voluit. Illi  
inficiari omnia: nil de Witniedo, nil de Turcis scire. At suismet Rebellionis  
litteris, sociorum fassione, factique evidentia convicti, a Protestan-  
tibus etiam Judicibus variorum criminum sunt condemnati, re-  
bellioni fovendæ auxilia a Turcis petiisse: Levam, Jaurinum, Ve-  
sprinum prodere iisdem meditados: traditis in perfidiæ pignus sa-  
crofandis hostiis, e Catholicorum templis furto subductis. Jura-  
mento in Catholicorum & Germanorum cædem se mutuo obstrin-  
xisse: ad externos Cæsaris hostes velut legatos commēasse: plebem  
fidei sacramento solutam seditiosis concionibus ad perduellionem  
incitasse: clandestina conventicula cum rebellibus de cædendis to-  
to regno Germanis habita: infames libellos in Cæsarem sparsos:  
pluribus in locis Magistratus abrogatos: carceribus effractis capti-  
vos liberatos. Milites ac Præfectos Regios ex insidiis trucidatos:  
novem Catholicos sacerdotes interfectos, alios Turcis venditos.  
Templa plurima per vim Catholicis erepta: alia sacris vasis con-  
fractis, discerptis imaginibus foede vastata. Atque his tot crimi-  
nibus perduellionis ac læsæ Majestatis reos, mortemque commeriti-  
tos videri.

Et horrendum.

Æquissimam hanc Judicum sententiam multum lenivit Cæ-  
sar: nempe, Ministrorum, Pastorumque nomine se abdicarent, damnati.  
nec scholas publicas aperirent, neque de Religione clam aut palam  
verba facerent: manu propria delicta fateantur, quod conspiratio-  
nis in Cæsarem convicti, veniam ab eodem petierint, & impe-  
trarint, ut in Hungaria tuto vivere sibi liceat. Huic clementissi-  
mæ sententiæ 236 Ministrelli nomina sua subscripserunt: uti in Po-  
soniensi Archivo hodieum existant.

Cæsaris in-  
reos confes-  
sionis clemen-  
tia.



**Refractario-  
rum furor.** Refractarii vero, alii proscripti, alii in carcerem coniecti, alii triremibus additi. Horum 29 Tergeſtum miſſi. Tempſa, Catholicis erepta reſtitui juſſa. Uſurpata hæc eſſe, non uſucapta, cum toties a Catholicis ſint in Jūdicio repetita, & per vim mala fide retenta. (1674.)

Poſonienſes ſectarii templum ac Gymnaſium ædificabant. Nuntiavit novum opus Epicoſpus: inhibita a Cæſare fabrica: illa nihilominus abſolvitur. Cæſar Catholicos in poſſeſſionem mittit. Sectarii, campanæ ſonitu conglomerati, arma corripunt, mandata Cæſaris diſcerpunt, omnia tumultibus implent. Verum a ſuperveniente Cæſareo milite exarmatus furor. Templum ac Gymnaſium Jeſuitis datum, pietatis & bonarum artium futura ſedes. Habito Tyrnaviæ judicio 30 Authores turbarum Majeſtatis rei, capitis damnati. Quam pœnam Cæſar mitigavit, injuncta multa pecuniaria. Similem armatam ſeditionem ſectariorum Spankavius Caſſoviæ compeſcuit.

**Principum  
Proteſtanti-  
um querelæ.**

Tot ſclerum rebellionumque ſectarii luce palam cum eſſent rei, mirum proſecto, Principes Regesque Proteſtantes eorum ſuſcepſiſſe patrocinium: quos inter Suecus Aulæ Vienneniſis crudelitatem, illatasque injurias acerbo ſcripto accuſavit adverſus Oſnabrugensem pacem actum videri.

**Cæſarea re-  
ſponſio.**

Reſponſum Oxenſtirnæ Legato, Cæſarem neque, quid in Suecia fiat, ſollicitum, neque res Hungariæ ad alium pertinere, neque de illis in pace Oſnabrugeniſi quidquam actum, cum nihil commune habeant cum Germaniæ negotiis. Propter Religionem nemini vim illatam: in perduelles legibus actum: nemini tamen propterea rationem redditurum, quam parum Rex Sueciæ, Angliæ, aut Batavorum Reſpublica Cæſaris referre arbitrentur, quid in ditionibus ſuis cum Catholicis agant.

**Paradoxum.**

Et ſane mirum, quod Proteſtantes in Suecia, Anglia, aliisque ſuis terris Catholicos ſacerdotes graviffime ſint perſecuti, nemine Catholicorum ſe contra movente: quamprimum vero Cæſar aut alius Catholicus Princeps in rebelles ſectarios Regni ſui agit, mox capita & conſilia conferant, precibusque, etiam armatis, intercedant.

**Nova Cæſa-  
ris indulgen-  
tia.**

Saxonis, Brandeburgi, Luneburgicorum interventioni datum, ut abducti nuper Tergeſtum ad Triremes Miniſtelli libertati ac patriæ redderentur. Ut autem Proteſtantium legatis locus eſſet, quo ſacrorum cauſa Vienna excurrerent, data eſt temporaria facul-

facultas, ut Sopronii seu Oedenburgi in ædibus privatis duo Ministri ritus suos obirent.

Edito subin de restituendis, quæ a Protestantibus ablata fuerant, templis decreto, 20000 eorum e Tibiscano tractu coorta, Eperiesinum, Sendream, Castoam, civium Acatholicorum proditione ceperunt. Sed Coppus, collectis 14000 armatorum, cæsis 800, reliquos in fugam coniecit. Receptoque Eperiesino, iterata clade eos affligit ad Cassoviam. Animadversum in rebelles & proditores, alii adacto per medium corpus palo hamato sublato, ferro alii unco suspensi. Nec tamen posuit ferocia. Conglobati rursus ter mille, directis pagis atque dirum in modum afflictis Catholicis, in Turcicam ditionem, cum multis Calvinianorum familiis se receperunt. Atque ex eo asylo perpetuis latrociniiis regionem infestam habuerunt. Oppressa 4000, cæsis 800. e Töckelii cohorte. Plura alia commissa a Cæsareis secunda prælia: sed, velut Lernæa illa hydra, resectis capitibus alia succrescebant.

Cæsar, bello Gallico abstractus, imposito munitis locis præsidio, paucos in campum poterat educere. Rebelles vero, Parthorum more pugnantes, atque equorum velocitati, insidiis, subitis procurfionibus confisi, cum vis ingrueret, in Turcicum agrum, aut Transylvaniæ latibula refugi, nullo loco consistebant. Atque hac ratione bellum volatile ad decimum usque annum produxerunt.

Anno 1676. viribus aucta crevit rebellio, & sopita alicubi flamma, erumpebat alibi. Straßoldus, qui Spankavio, forti ac felici duci, curarum mole oppresso, successerat, cladem a rebellibus accepit. Reddita illis a Bargozio, & Coppo, Ducibus Cæsareis. Vidisses perniciousis equis undique stricto acinace circumvolitare rebelles, atque cædibus, populatione, incendiis omnia complere: *Labanzios* ubique immani rabie persequentes. *Labanzii* & *Curuzii* autem vocabantur, qui in civilibus bellis Regias partes sunt secuti, cum contra rebelles *Curuzii* dicerentur.

Anno 1677 sex millia Polonorum, a Bethunio conductæ, Bohamo comite ductore, cum Tartaris & Transylvanis, rebellibus Hungaris venerunt auxilio, ut adeo 20000 sub signis haberent. Schmidius Tribunus octo homines, fide accepta, in eorum castra immanitas. ablegat, veniam & præmia Cæsaris nomine oblaturus. Accepti humaniter convivio omnes obruncantur.

Schmidius, temere cum Bohamo prælio congressus, ex modico, quem habebat exercitu, plus 1500 amisit. Quibus sane



calamitatibus factum, ut promptius Cæsar Neomagensem pacem iniret.

Töckelius  
insurgit.

*Töckelius* interea, qui nova e Transylvania supplementa recens adduxerat, totius exercitus Dux & Imperator a rebellibus proclamatur. Fuit Emericus *Töckelius*, de quo plura nobis deinceps memoranda veniunt, Nobilis Hungarus, animo vivaci & prompto ingenio. Parens ejus *Nadaſtiana* conjurationi adhæſerat, eique continuandæ reliquum poſtea ætatis exegit. Emericus filius fuga in Poloniam ſe ſubduxit; indeque in Transylvaniam delatus, atque in *Abaffii* amicitiam receptus, copias ab eo ad perdendam patriam accepit.

Dux totius exercitus creatus, viginti facile millium exercitum circumducebat, atque arces complures expugnavit, tentato nequidquam *Mongatſio*. *Eperieſinum* cum *Neofolio* civium Catholicorum conſpiratione traditum recepit: adjunctoque ſibi, quem *Bohamus* ducebat, Polono milite, mira celeritate Hungariam percurrit: incolis lapſum velut cælo genium, & patriæ liberatorem ſalutantibus.

Auxit fiduciam hominis, armorumque ſecundos progreſſus, Cæſarei militis paucitas, & imperii militaris a *Coppo*, experto ac forti Duce, in *Würm*ium primum, dein *Leſſlæum*, felices minus Ductores, translatio. Cum igitur, abducto necdum a *Rheno* milite, tantæ multitudini ſe objicere non auderent Cæſarei, legatione ad *Töckelium* miſſa inducias offerunt.

Arrogans e-  
jus reſponſio.

Reſpondit ille, ſe ſuosque in Cæſaris fore poteſtate, ſed ferri non poſſe, ut novi Magiſtratus legesque, abrogatis antiquis, patriæ obtrudantur; niſi *Palatinus* crearetur, libertas religionis & templa reſtituantur *Proteſtantibus*; & certum ſacerdotum genus (*Jefuitæ*) regno pellantur, *Reipublicam* conſtitui non poſſe. Simul tamen eodem tempore cum *Budenſi Baſſa* conſilia contulere. Viſti autem mox prælio a *Würmio*, inducias admiferunt. Quas tamen *Leſſlæus* ſucceſſor reſcidit. (1678.)

Ambringe-  
nius Guber-  
nator Hung.  
obit.

Anno ſequenti gravis peſtilentia Hungariam afflixit, quæ tacitas velut inducias imperabat, & *Ambringenium Gubernatorem*, (inviſum Hungaris nomen) diſcedere coegit. Is, translato in *Ludovicum*, Ducem *Neoburgicum*, ſupremo Ordinis *Teutonic*i Magiſterio, rebus præclare geſtis, haud multo poſt obiit, vaticinari auditus, fore, ut Cæſar, domita rebellionē, totam Hungariam, alioquin ſuam, novo belli jure ſibi aſſereret.

Cum

Cum Turcæ magnos belli apparatus facerent, & palam etiam Hungarorum rebellionem foverent, Cæsar Comitia Sopronium indixit, ibique ad Ordines latina lingua facundam orationem habuit; atque, ut gentem placaret, Estherasium regni Palatinum Palatinus eligi indulgit. Duo maxime capita movebantur, alterum de Religionis a Protestantibus, alterum de educendis ex Hungaria Germanicis copiis, ab omnibus.


Ministros suos indigne habitos proscriptosque querebantur sectarii. Respondebant Catholici: Judicium, quorum dimidia pars ex Protestantibus delecta, æquissima sententia fuisse condemnatos, non propter Religionem, sed flagitia. Conjuratorem nullam fuisse, nullas domi forisque turbas, quarum non auctores aut participes fuissent. Nullum crudelitatis, sacrilegii, perfidiæ genus nimium ipsis videri, modo Catholica sacra eversum eant.

Tandem Cæsar liberum A. C. exercitum permisit, atque ut Posonii, singulisque comitatibus fanum pro eo ædificetur. Reliqua vero templa ea conditione, qua anno 1670 fuissent, relinqui voluit.

Reprehendebant Catholici hanc inexpectatam Cæsaris indulgentiam, velut ea in re a Majorum suorum, Religione nihil antiquius habentium, instituto recessisset Leopoldus. Querebatur, hoc pacto plus 70 fana, publico ære construenda, sectariis concedi: ægreque adduci poterant, ut subscriberent.

Reducta per Cæsaris clementiam, varia indulgentis, ad concordiam videbatur Hungaria, cum Töckelius, ad Regnum aspirans, omnia rursus turbavit. Misit ad eum Cæsar Legatum, ut amplis promissis pertinaciam frangeret. Simulat obsequium. Sed imbibita penitus Turcia, cum Budensi Bassa in Cæsaris perniciem conspirat: ductaque juniore Ragozia, Montgatsum, sedem suam veluti regiam, ingreditur, eamque multo belli apparatu implet. Auget exercitum, Hungaris ad eum, præsertim Calvinistis, magno numero confluentibus.

(1681.)





## ARTICULUS IV.

## SUMMARIUM.

*Töckelii grassatio. Velut Rex comitia celebrat. Hungariam Turcis prodit. Bellum Turcicum. Viennam obsidet Turca. Vincitur. Vezirius strangulatus. Turca sepius caesi. Amnestia in Hungaria. Buda frustra obsidetur. Töckelius a Turcis in carcerem. Seraskierus relegatus. Buda tandem expugnata. Victoria ad Mohazum. Expeditio in Transylvaniam, & Sclavoniam. Hungaria Regnum hæreditarium: quod præstat Electivo.*

60.

Ejus progressus.

Coharii virtus.

Töckelius velut Rex Comitia celebrat. Turcis Hung. tradit.

**A**nno 1682. dum Caprara, legatus Cæsaris, Constantinopolim missus, de induciis, in vicennium producendis, tractat, Töckelius cum Turcis, Transylvanis, Valachis, Moldavis, & rebellibus Hungaris, Zattmarinum, Cassoviam, Onodium, Tokainum, Scepulium, Leutloviam, Zendream, aliasque urbes & arces occupat, ut adeo Cæsari in Hungaria parum admodum merneret reliquum, Germanis induciarum spe suspensis, & Reunionum causa, captaque Argentina attonitis. Enituit tamen Coharii virtus excellens & fides infracta. Is quippe, defenso fortiter Filekino, Bassæ traditus, & ab hoc Töckelio donatus, nullis promissis, minis, ærumnis, carcerumque squaloribus ad defectionem permoveri poterat. Quin Töckelium proditorem patriæ, & Mahometanorum mancipium in os compellavit. Duobus post annis, capto a Cæsareis Pattakino, e profunda turri effossus, ad novam veluti vitam est renatus.

Töckelius interea, velut Hungariæ Rex Cassoviæ Comitia habuit, Transylvano & Turcico legato ad utrumque latus assidentibus. Orationem ad Proceres rebelles habuit, de Religionum, legum, privilegiorum, libertatis excidio, de Germanorum crudelitate, Turcici Imperii suavitate. Applauditur; Sultano se regnumque dedunt: & adduntur deditionis pacta. Töckelius, e Bethlemiorum stirpe oriundus, sit Princeps Hungariæ, Sultani tamen tributarius: ejus legati more Regio habendi: mortuo sine hæredibus Töckelio, integrum sit Hungaris, alium Principem sibi deligere, talem tamen, qui Turcis non displiceat. De cætero ex captis Hungariæ locis Turca nihil retineat: & Hungaros suis legibus & moribus vivere permittat. Pax San-Gothardiana suo loco relinquatur.

Cum

Cum igitur bellum evitari non posset, & Turcæ immanem copiarum multitudinem ex toto Imperio Ottomannico cogerent, Cæsar ad Cæsar quoque, conquestis undique fœderibus atque auxiliis, ad bellum se parare bellum se comparavit. Elector Baviaræ cum 12000, & cum totidem Saxo se affuturum promisit. Suevicus, Franconicus & Rhenani circuli magnos delectus habuerunt. Pontifex, Hispanus, Italiae Reguli haud parum contulere. Summi insuper momenti erat novum fœdus, cum Joanne Sobieskio Rege Poloniae iſtum, vi cuius Cæsar 80000, Rex 40000. educeret.

Mahometes IV. Sultanus pacis equidem quam belli erat amantior, quia tamen, a Janitfariis maxime (selecto peditatu Præteriano) & Effendiis (sic Jureconsultos & litteratos appellant) infimulabatur, quod voluptates inter obtorpesceret, & Kara Mustapha, qui in Vezirii dignitate Chiuperlio successerat, bellum vehementer suadebat, in Divano illud, licet finitæ necdum essent induciæ, fuit decretum, Mustio licet, ob violatas juratas inducias, Divinas iras intentante.

Equi proin cauda ad palatii fores pro more appensa, ultra 230000 Belgradum, indeque per Hungariam Viennam usque moverunt, non aliud tanta populorum mole dignum præmium rati. 14 Julii 1683 universus hostium exercitus Viennæ se circumfudit. Ad 12 usque Septembris tenuit obsidio, cruenta sane ac vehemens. Sed Rudigerus Starembergius cum valido præsidio strenue ac fortiter urbem defendit: Cæsare cum familia jam ante digresso.

Jamque haud procul ab expugnatione urbs aberat, cum opportune Rex Poloniae, adductis 15000 armatorum cum Lotharin-Vincuntur. go & Electoribus, Bavaro & Saxone, se conjunxit, atque Turcas aggressus, celeberrimam victoriam reportavit. (1683.)

Turcarum tum in obsidione Viennæ, tum in pugna 70000 occubuisse feruntur. Castra, omni opulencia plena, direpta. Quod Turcarum reliquum erat, pleno impetu in Hungariam fuga elapsum est. Victores insequi veriti, in ipsis hostium castris noctem ovantes exegerunt.

Capta 30000 Papilionum: Vezirii tentorium Regi Poloniae Præda. obtigit, cum grandi Mahometis vexillo, & aureorum nummorum duobus millionibus. Præterea victoribus cesserunt 3000 tormenta bellica, Camelorum 5000, boum 10000, equi innumeri, supellectilis & annonæ vis ingens.

Sultanus Belgradi tristem cladis nuntium accepit: majorem iterum ad terrore perculsus, cum intelligeret, suos iterum 9 Octobr. ad Barcanum castrum.



canum ingenti cæde prostratos, multosque Danubio haustos: ut adeo ex 14000 Spahiis, & 12000 peditibus, non nisi 3000 evaserint. Et hac ratione affatim vindicata est clades, quam pridie Poloni ad idem Barcanum acceperant.

Præmium victoriæ fuit *Strigonium*, ab exercitu Cæsareo-Polonico expugnatum. Tum vero in hyberna concessum, quæ, variis locis interceptis, ampliora sibi fecerunt Dünewaldus & Heisterus. Rex Poloniæ vero, postquam irritò conatu perduelles Hungaros conciliare cum Cæsare satagebat, in Poloniam gloriosus cum suis rediit, relicto in Germania perenni fortitudinis & beneficii monumento.

Vezirius  
strangulatus.

Kara Mustapha Vezirius autem, qui plurimos crudeliter occiderat, & totum Occidentem sub jugum mittendum credebat, Belgradi zonam e serico, a Sultano sibi missam, collo inferuit, & fervorum opera se suffocavit. (1683.)

Anno sequenti Veneti ad fœdus accesserunt, ea lege, ne bello ante absteretur, quam Cæsar Hungariam, Poloni Camineum, Veneti Moream receperint: nec pax fiat, nisi communi consilio.

Amnestia  
Hung.

Nec parum res nostras adjuvabat perduellium Hungarorum ad obsequium reductio; quippe Cæsar, indicis Posonium comitiis, universalem amnestiam, fundos, honores addixit omnibus, qui veniam peterent. Amplexi sunt gratiam plerique, licet Töckelius, Turcarum & Tartarorum turbam secum trahens, vehementer obfisteret.

Turcæ bis  
casi.

Turcæ, magnopere licet fracti, impigre tamen bellum reparabant. 50000 in Poloniam, 20000 in Peloponesum, 70000 in Hungariam destinantes. Sed a Cæsareis gemino prælio, altero ad Strigonium, ad Vaciam altero cæduntur.

Ad Budam  
impegit. for-  
tuna.

Tum vero, ut tot tantisque victoriis dignum præmium referrent, Budam oppugnare decreverunt. Verum, prout expedire prioris anni tristissimum initium, jucundissimum autem finem habuit, ita posterioris principia secundissima in calamitatem magnam, pro variante belli fortuna, desiere. Ad Viennam conquassata Otomannica ferocia: ad Budam Christiani exercitus gloria impegit, dum eandem incausum oppugnavit, amissis viginti ferme hominum millibus.

Felicius bellum in Sclavonia administravit Leslaus contra Bassam Bosnia, & Schulzius in superiori Hungaria adversus Töckelium & perduelles. (1684.)

Anno

Anno 1685 prospera magis fortuna usus est Christianus mi- Casi Turcæ.  
les. Nam reportata insigni ad Strigonium victoria, capta sunt  
11000 Papilionum, majores machinæ 25, signa militaria 50, omnis-  
que generis ingens præda. Cæsa Turcarum 12000, partim in obsi-  
dione Strigonienfi, quam tentaverant, partim in prælio.

Fructus victoriæ fuerunt, liberatum Strigonium, expugna-  
tum *Vivarinum*, in quo præter alium bellicum apparatus ingen-  
tem inventæ sunt 98 machinæ. Maximilianus II validissimum  
hoc munimentum anno 1573 intra ambientes paludes construxerat,  
adversus Turcarum incursiones, quibus superiori bello cum Vara-  
dino relinqui debuit.

Seraskierus (sic appellatur Turcici exercitus Imperator,  
qui in absentia Vezirii copias ducit) ad Budam sparsi exercitus re-  
liquias collegit: multis, qui primi in fugam se dederant, pro  
more trucidatis: & sibi rebusque suis diffusus pacem petiit, Töcke-  
lium captum tradere pollicitus. At Cæsarei illam in medio victo-  
riarum cursu denegandam existimabant.

Turcæ vero Töckelium, ceu belli infelicis facem, in vin- Töckelius a  
Turcis  
captus.  
eula conjectum, Adrianopolim abduxerunt. Qua re commoti plu-  
res ex rebellibus Hungaris, ad obsequium reduces, *Cassoviam* Ca-  
præ dederunt: expugnato jam antea per Schulzium *Eperiesino*:  
pluribus aliis munitis locis cum Onodino & Zolnokino aut vi aut  
deditione occupatis: adacto pariter *Abassio*, Transylvaniæ Princi-  
pe, qui cum Turcis hætenus colluserat, ad tributum servitutem. Urbes re-  
ceptæ.

Nec hyberna quieta erant. Nam Heislerus, Varadinensi  
& Temesvariensi Bassis, qui Christianos imparatos opprimere ten-  
taverant, certamine victis, *Aradinum*, grandi præda locuples,  
intercepit.

Nec minus felices erant Herbersteinus, qui cum Croatis,  
fida Cæsari gente, complura oppida cepit, & Leslæus, qui Esse-  
kino ponte exulto, Turcisque certamine victis, magna præda Es-  
sekini potitus est. Seraskierus vero ob rem male ad Strigonium  
gestam, capitis primum damnatus est; tum autem, quia biennio Seraskierus  
relegatus.  
ante Budam strenue defenderat, vita donata, ad insulam depor-  
tatus.

Anno 1686 Lótharingus Oeniponto, quo, tradito Capra-  
ræ imperio, excurrerat, redux, de futura expeditione cum Cæ-  
sare contulit. Visum, expugnationem Budæ, ante biennium fru-  
stra tentatam, esse suscipiendam. Conquisita igitur a Germaniæ  
Principibus auxilia. Venerunt cum lectissimo milite Elector Ba-



variæ, Brandenburgici sub Schöningio, Luneburgici, Hassi, Svevi, Francones. Lustrato exercitu censa sunt Cæsareorum & sociorum octoginta ferme millia, non numeratis Hungarorum & Croatarum viginti millibus. Scherffembergio, Piccolomineo, & Veterano decreta 12000 ad redigendam in ordinem Transylvaniam: Caraffæ & Heislero 10000 ad præsidium superioris Hungariæ: Schulzio 7000 ad rem agendam in Sclavonia. Reliquus exercitus sub Lotharingo & Baviaræ Electore ad *Budam* ductus.

*Buda expugnata.* Dictu incredibile, quantæ molis fuerit scopuli istius expugnatio: quanta fortitudine a 12000 Turcarum defensibus, atque a Cæsareis expugnatus: quanto utrinque sanguine steterit: quot cuculis, tormentis, eruptionibus actum: quoties assaultum, quoties vis repressa.

Accurrebat cum 60000 exercitu Vezirius, ut urbem obsidione liberet. Ter castra Cæsarea invasit, ter grandi cum suorum strage rejectus est. Tandemque post bimestrem acerrimam oppugnationem cruento assaultu capta est, præsidariis prope omnibus cum Gubernatore concisis.

*Cum Segedino.*

Appendix Budæ *Segedinum* fuit, a Valissio deditione acceptum, postquam Veteranus gemino certamine Turcas fregit; & Quinque Ecclesiæ, cum Siclosio, & Caposvarino, a Ludovico Badiensi occupatæ.

*Victoria ad Mohazium.*

Fœcundior adhuc erat anni 1687 expeditio. Quippe, castigata per Caraffam Hungarorum nova conjuratione, quam Töckelius, a Turcis in hunc finem liber dimissus, denuo excitaverat, & proditione Finkiana Budensis civitatis per Christianum adolescentem, apud Turcas servientem, feliciter detecta, Lotharingus cum Maximiliano Baviaræ Electore præclaram de Turcis ad *Mohazium* victoriam retulit, geminis eorum castris expugnatis.

Vezirius, qui nuper minabatur, se Christianos canum instar abacturum, horum moribus ita est laceratus, ut tum in pugna, tum fuga, tum rupto Dravi ponte, viginti suorum millia amissa doleret. A liberata Vienna nulla hac victoria clarior. Præda ingens relicta, tormenta variæ formæ 80, alia spolia ultra quinque milliones æstimata. Vezirii papilio, cum tabulario, & arario castrensi, Electori, qui pars magna fuit victoriæ, obtigit. Id unum ad gloriæ fastigium defuit, quod Turcæ nunquam aut ignavius aut imperitius pugnarint, dum Janitsari & Spahii ne primum quidem nostrorum ferrent impetum.

Ut Lotharingus amplum victoriæ, Turcis timore & viribus fractis, fructum legeret. Slavoniæ provincia Dünewaldo decreta, arduam expeditionem in Transylvaniam, Turcis hætenus Expeditioni in vestigalem, magisque, quam Christianos decet, animo manibus-Transylva- que inhaerentem, suscepit: ubi ad Tibiscum perventum, Prote-niam, stantes progredi ultra reculabant, piaculum rati, si in fratres suos irent. Relicti igitur in Hungaria, Veteranii agmine Cæsareo exercitui adlecto.

Cum copiæ Transylvaniam fuerant ingressæ, veniunt obviam: Abaffii & Ordinum legati, aurum quidem polliciti, sed urbium præsidia, & stativa suo in agro deprecantes. At ubi vim addiderunt, conditionibus, quas supra recensuimus, se dediderunt, admissio præsidario milite cum stativis, ingenti certe Hungariæ levamento; pars tamen exercitus Tockainum, Zatt-mariam, & Debresinum, tunc temporis pagum, decem domorum millibus frequentem, in hyberna concessit. Lotharingus vero, tot tantisque rebus gestis Oenipontum rediit.

Non minori felicitate in altero Danubii litore fines protu- Et Slavonia-  
lit *Dünewaldus*. Siquidem post Mohaziensem cladem tantus barba-niam felix.  
ros terror invaserat, ut *Essékium*, urbem ad Danubii & Dravi confluantes, munitam, Slavoniæ principem, Belgradi & Sirmii clavem, 161 annis possessam, Turcæ defererent, absque ulla vi admota, imo ne quidem ullo præsentis hoste. Reperta in ea 50 tormenta aenea, annona pro 10000 sufficiens.

Secutæ mox sunt *Petrovaradinum*, *Carlovicium*, *Illokia*, ac denique etiam *Possëga*, cum tota Slavonia (excepta Gradisca) unius mensis intervallo: ut adeo unius victoriæ fructus fuerint duæ amplæ provinciæ, longissimo inter se tractu distantes, Cæsari affertæ, una cum *Agria*, longæ obsidionis fame debellata. 4000 Hungaria-  
Turcarum Temesiam migrarunt. 600 Christiana Religione initiati. hæreditaria.  
Nihilque ex Hungaria reliquum mansit barbaris, præter Varadinum & Temesvarinum.

Magna hæc erant Domus Austriacæ incrementa, sed stabiliorem multoque amplissimum ex tot victoriis fructum inde est consecuta, quod Hungariæ Regnum, per electionem ad Austriacos *Wagnerus*. hætenus delatum, in hæreditarium stabili lege transferit, Josepho Archiduce, Leopoldi Cæsaris filio per solennem inaugurationem hæreditatem amplissimam adeunte: atque hoc pacto Regnum ad primævam suam naturam rediit.



Hæreditari-  
um regnum  
præstat ele-  
ctivo.

Quippe regnum istud a prima sua institutione per hæreditariam successionem ad proximos semper decedentis consanguineos fuit devolutum, donec Mathias Corvinus novo exemplo fuit electus, Ordinibus liberæ electionis jus deinceps sibi arrogantibus.

At vero anno 1687, cum Leopoldus Cæsar Hungariam victricibus armis e barbarorum manibus eripuisset, Posonensibus in Comitibus Strattemannus, Cæsaris Cancellarius, facundam ea de re ad Ordines orationem habuit, nascique Regem, quam eligi ad salutem Reipublicæ præstare persuasit.

Tum enim felicia esse regna, cum supremi eorum moderatores Rempublicam non vaga duntaxat & fluctuante possessione velut rem alienam, sibi commodatam & creditam ad tempus, sed certo & stabili patrimonio, tanquam rem suam ad posteros transmittendam intuentur; inde etenim consequi, quod studio intentione stabilem ejusdem felicitatem consequantur, subditos tanquam filios sincerius teneriusque ament, eorumque commoda, ceu propria, porrecta in omnem partem paterna sollicitudine, contra adversos incursus tueantur protegantque.

Constantius etiam, procul habitis factionibus, ambitu, privatisque affectibus, quæ regna illa ambulancia non raro versant, regnatricem diligi a civibus familiam; atque hoc pacto mutuo nexu colligatos Imperantem & populum certare officiis, illum beneficiis & mandati suavitate, istum obsequio: amore & publici boni studio utrique.

Hoc & rei natura & experientia adeo persuasum gentibus, ut florentia magis per orbem terrarum regna nativos Reges, quorum Majestatem vel in cunis jam adorarunt, adscititiis, & post noxia sæpe atque turbulenta interregna per emptâ, aut extorta suffragia evectis, præferendos putarint.

Idem inclitæ Hungarorum nationi jam inde a condito per Divum Stephanum regno sanctum fuisse: injuria dein temporum interruptum, barbaris gentibus aperuisse januam, & decumanis patriam calamitatibus opplesse.

Jam vero si bene de Hungaria, sibi restituta, meritam, si poteatem, si suavi imperio gubernantem familiam cupiant, quam aliam mallent hæreditariam præ Austriacâ, præque Leopoldo, ejusque filio natu maximo Josepho? Nullam prope munitam esse urbem, quam ille de barbarorum manibus non vindicaret; ut adeo, licet ex Annæ Reginae sanguine non esset prognatus, jure belli suum posset regnum dicere. Nolle autem hoc uti nomine, sed hæ-

redi-

reditarii regni declarationem liberis Ordinum voluntatibus deferre.

His dictis datum deliberationi spatium. Pauculi quidam ex Statuum hac Protestationibus, quibus Austriaca pietas sudes in oculis, repugnare de re Decretum. Conditumque decretum hujus sententiæ. *In perpetuum porro recolendorum beneficiorum tantorum memoriam Regni Status declarant, quod in posterum neminem alium, quam S. Majestatis propriis ex lumbis descendendum masculorum hæredum primogenitum in perpetuum, id ipsum etiam statuentibus articulo V. anni 1547. aliisque superinde extantibus, pro legitimo suo Rege & Domino sint habituri.* Idque in casum deficientis proles masculæ ad Hispani etiam Regis natu maximum extenderunt.

Wagn.

Postmodum anno 1723. cum extincta jam Hispanica pro-  
pagine, Carolus VI. timeretur absque prole mascula decessurus, Etiam ad fœ-  
in publicis Regni comitiis statutum, ut Hungariæ regnum Domui minas devol-  
Austriacæ absolute esset hæreditarium, post emortuos masculos ad vendum.  
fœminei sexus Archiduces devolvendum.

Abrogatum quoque in comitiis anni 1687. (in quibus hæreditariam regni successionem stabilitam diximus) Andreæ II. Regis decretum, quo concessa fuerat Hungaris facultas, resistendi & contradicendi Regi, si leges violaret. Facile enim advertebant Ordines, quam periculosum telum turbulentis hominibus daretur in manus, regnumque cum Majestatis contemptu, pro libidine misceendi occasio, violatarum legum obtentu, si multitudini censoria & judiciaria in Regem ipsum detur potestas, nemo tamen unquam perduellionis postulari, aut puniri queat.

His rebus ita compositis, Josephus Archidux anno ætatis nono solitis ritibus hæreditarius Hungariæ Rex est inauguratus.





## ARTICULUS V.

## SUMMARIUM.

*Constantinopolitanae turbæ. Sultanus depositus. Captum Mongazinum, Belgradum, Sigetum. Bellum Gallicum. Badensis belli in Hungaria Imperator. Salankemensis victoriam & tres alias reportat. Dünewaldi fatum. Pax Turcis improvide negata. Res retrolapsæ. Belgradum ad Turcas. Languentium expeditio. Turcæ pacem respuunt. Badensi succedit Croyus, huic Caprara, huic Augustus Elector Saxonie, huic Eugenius. Veteranius in Transylvania casus. Eugenii victoria ad Zentham. Pacificatio. Fructus belli.*

61.  
Turbæ Cpo-  
litanæ.

**T**riumphis Vienna exultante, cædibus ac seditionibus mistum est Byzantium. Strangulantur Vezirius & urbis Præfectus. Mahometes IV. Sultanus, postquam 46 annos Imperio præfuerat, a furenti milite depositus in carcerem mittitur; Solymannus ejus frater e carcere ad solium evehitur. Sed necdum posuit seditio. Janitsari Spahique velut lymphati arma, rapinas, cædes per captam veluti urbem circumferunt. Immanem pecuniæ summam exigunt, quam ærarium, bellis exhaustum, sufficere non poterat. Novus Vezirius cum aliis Proceribus frustatim dissecatur. Hanc poenam dedit proditor Sultani, qui seditionis auctor fuerat. Placari non poterat rabies, nisi producto Mahometis, quod Divinitus ipsi datum existimant, vexillo, atque ad palatii fores a Mustio suspensio. Duo tamen adhuc interempti Vezirii, quibus Mustapha successit. (anno 1688.)

Mongazi-  
num. ca-  
ptum.

Quamvis autem turbæ istæ Byzantinæ opportunam rem bene gerendi occasionem suppeditarent, languidius tamen a Polonis & Moscis bellum administrabatur: Veneti autem in obsidione Corynthis militem & pecuniam frustra consumpserunt. At vero Casarei occasione utendum rati, rigente hyeme arcem *Mongatzinam* receperunt. Francisco, Ragozii filio, Cæsar factus tutor. Töckelii bona in fiscum redacta. Capta subin a Caprara *Alba Regali*; & a Caraffa *Lipa*, consultatum est, an Temesia, an vero Belgradum expeditionis fructus statueretur; posterius placuit, ut via in Turciam, Epirum & Macedoniam aperiretur. Certe in tanta Imperii Ottomannici perturbatione ex Europa submoveri potuisse Turcas

Turcas est creditum, nisi lentus copiarum adventus, annonæ & vecturarum defectus ultiores progressus inhibuissent.

Lotharingus febris detinebatur. Igitur Maximilianus Emanuel Bavarie Elector supremus belli Imperator, trajecto summa arte & fortitudine Savo, *Belgradum* oppugnat, tantaque virtute & constantia operi instat, ut breve intra tempus celeberrimum dum hoc monumentum ac Turcie clavem magnanima irruptione ceperit.

Accessit deditio *Sigetbi*, aliorumque locorum munitorum, Cum Siget quæ fame potissimum expugnabantur. Ulteriusque progressura fuisset victoria, nisi & annonæ curruumque inopia, & ortus ad Rhenum bellicus turbo spes nostras evertissent.

Orto quippe bello Gallico, Lotharingum cum magna copia-Bello Gallorum parte ex Hungaria Serviaque recedere oportuit, *Ludovico* <sup>co exorto,</sup> *denfi* ad bellum Turcicum relicto. Is, licet in toto exercitu non <sup>Lud. Baden-</sup> plures quam viginti quinque millia haberet, hostem nihilominus, <sup>sis Dux supremus.</sup> quamvis numero multum prævalentem, trino prælio fudit, ad *Moravam* primum equestri certamine, dein ad *Patossinum*; ad *Nissam* denique, cum 40000 hosti essent, nostris vero tantum <sup>Tres ejus</sup> 16000, celeberrimam reportavit victoriam, *Nissa* mox in præmi <sup>victoriæ.</sup> um cedente, strangulatus Vezirius, quod prælio abesset. Suffe- <sup>Nissa, Orso-</sup> tus Cuprogius. Nissæ deditionem secuta est *Orsova* & *Vidin-* <sup>va, Vidi-</sup> *um* <sup>num captæ.</sup> expugnatio, multa cum Turcarum cæde. Perfracta Bosniæ claustra, Rasciani & Epirotæ, ob copiarum paucitatem, in legiones lecti; *Canisa* tandem debellata. (anno 1689.)

Turcæ, tot cladibus afflicti, altera jam vice, quod ab ortu Turcæ ire-Ottomannici Imperii inauditum, pacem flagitant, & quidem ex rum pacem formula *uti possidetis*: id solum rogantes, ut *Belgradum* *Temesia* petunt. permutetur. Sed prout anno 1630. continuata Ferdinandi II. felicitas pacis consilia interrupit, ita hoc quoque tempore relatæ a modico exercitu victoriæ spes ampliores suggerebant.

Sed fuit, quod pœniteret. Nam imprimis *Strasseri* teme- <sup>Male nega-</sup> ritate magna clades accepta, erectique Turcarum animi. <sup>tam.</sup> Töckelius dein, cum viginti Turcarum & Tartarorum millibus in Transylvaniam irrumpens, Heislerum profligavit. Ejectus quidem inde a Badensi, sed interim, armis in Transylvaniam & superio- <sup>Nam res re-</sup> rem Hungariam, are vero in bellum Gallicum & comitia Augu- <sup>tro lapsæ.</sup> stana averis, Vidinum, Orsova, Nissa, imo & *Belgradum* ad Turcas redierunt. Quippe, cum nostræ copiarum morbis & secundis etiam præliis adeo essent accisæ, ut princeps exercitus vix decem millia



Ingens Tur-  
carum exer-  
citus.

millia expleret, Mustapha Cuprogius, novus Vezirius, vir sagax & industrius, negata a Cæsareis pace, ingentem ex Asia, Ægypto, & Turcia Europea exercitum collegit, eumque, contra morem Turcarum, in tres partes divisit, quarum primam ipse in Serviam ducebat: alteram Töckelius in Transylvaniam, & superiorem Hungariam, tertiam Seraskierius cum instructissima classe ducebat, ut hac ratione Christianus exercitus, quem ad manipulum quodammodo redactum noverant, in totidem partes divisus resistendo impar esset.

Belgradum  
perit.

Ita enimvero evenit. Hinc tantæ acceptæ clades. Quamvis casus Belgradi maxima ex parte casui aut proditioni debebatur. Nam quo die Croyus Aspremontio Gubernator urbis successerat, pluribus locis in pulveraria conditoria ignis illapsus totam vix non urbem evertit, ædiumque ac murorum ruinis tot milites oppressit, ut ex quinque præsidiariorum millibus vix quingenti superessent, qui, qua cuique patebat via, diffugerunt: tantusque metus fuerat diffusus, ut etiam Viennæ trepidaretur. Leopoldo Cæsari non tam urbis, licet summi esset momenti, jactura doluit, quam *Veterani*, Turcarum hactenus toties victoris, & Hungariæ liberatoris militis. Aspremontius in suspicionem tractus, quod dolore amissi imperii ignes injecerit. Absolutus tamen Viennæ ab ea ignominia.

Wagn.

Hunc exitum habuit annus 1690. quam disparem a superiorum annorum fortuna! *Sed quid aliud expectandum ab exercitu tenui, suisque sine nervis flaccido*, interrogat Wagnerus, *avario per voracissimas Augustæ solennitates in eam penuriam redacto, ut nec Strasserianus ille biatus expleri, nec tempestivis supplementis refici legiones, neque Buda, Effekinum, Belgradum paulum communi possent.*

62.

Felicior Venetis fuit expeditio, nam navali prælio victores, *Naupliam*, Peloponesi civitatem principem, expugnarunt. Tartari vero Poloniam crudeliter sunt populati, & injectis Camenecio com meatibus obsidionem difficilem fecerunt.

Salankemen  
his victoria.

Plus Christiano orbi latitiæ attulit expeditio anni 1691; nam *Guidobaldus Staremburgius*, præclaris in hoc bello gestis celebratus, Effekinum virtute non minus, quam astu strenue defendit, & Badensis belli Imperator cum 100000 Turcarum ad *Salankemenum*, iniquissimum licet sibi locum, congressus, eximiam prorsus retulit victoriam: de tanto numero hostium non nisi 30000 Belgradum evasisse scribuntur. Cecidit ipse Vezirius *Cuprogius*, anima & spiri-

spiritus Ottomannici Imperii, superioris anni calamitatum auctor. <sup>Cadit Cu-</sup>  
Sed neque nostris incruenta fuit victoria, dextro cornu, dum si- <sup>proglus.</sup>  
nistrum tardius pugnam inchoat, jam pene fuso. Magnum ad  
victoriam momentum attulit, quod Hoffkirchius comes, tradu-  
ctis clam in aversam partem duabus dimacharum legionibus cum  
Hussaris & Rascianis, Barbarorum castra, ea ex parte aperta, a  
tergo sit adortus. Quæ res novi speciem exercitus ingessit, &  
Turcas, duos inter ignes attonitos, in fugam compulit.

Præerat sinistro cornui *Dynewaldus*, Saxo genere, gestis *Dunewaldus*  
clarus, & summis belli Imperatoribus comparandus, sed antiqua <sup>accusatus</sup>  
eum Badensi æmulatione collisus, accusatus fuit, quod de indu-  
stria tardius militem in pugnam duxerit: evocatus Viennam, in  
itinere obiit.

Turcæ Christianos a Mahomete excæcatos prædicabant,  
quod non illico levem equitatum cum castrensibus machinis ad  
impediendum Savi tractam miserint: tum enim omnes Turcas  
deleri potuisse: quin tanta in perturbatione triginta millibus Ger-  
manorum Belgradum ipsum potuisse recuperari.

In Transylvaniam cum prædatore exercitu sæpius irrupit  
Töckelius, captivum secum Heislerum trahens, sed strenue a Ve-  
teranio retusus est. Croyus vero, quæ post Belgradi casum amissa  
fuerant in Slavonia, fortiter recuperavit. (anno 1691.)

Toto hoc bello nunquam minus ad rei summam actum est,  
quam anno 1692 propter morbos in utroque exercitu grassantes.  
Unde *Languentium expeditio* appellabatur. Ab Heusslero tamen *Languentium*  
liberato *Varadinum*, superioris Hungariæ caput, & Transylvaniæ expeditio.  
clavis, post lentam obsidionem expugnatione occupatum. Dedi-  
titi Turcæ retenti sunt, donec Christiani, a Turcis contra pacta  
capti, libertati fuerint redditi. *Fleurius* quidam, homo Sabau-  
Fleurii clas-  
sus, inquit, & insignis pyrata, classiculam construxit, qua Da-  
nubio potiretur, ad arcendos Turcas, ripas defendendas, atque  
ad militem, annonam, aliumque belli apparatus devehendum.  
Explosum initio consilium, postea ex parte executioni datum, non  
omni commodo caruit. Sed *Fleurius*, qui classiculam illam supre-  
ma cum potestate regere volebat, invidiæ tandem victima ce-  
cidit.

Neque a Turcis aliquid majoris momenti actum. Cupro-  
Turcæ pa-  
glio ad Salankemenum caelo surrogatus Vezirius *Halyus*, Bassa <sup>cem respu-</sup>  
Messopotamiæ; qui cum Kara Mustapha Viennam oppugnaverat. <sup>unt.</sup>  
Sed brevi deposito successit *Caimacanus*.



Crojus succedit Badensi.

Anno 1693, cum per Angliæ & Hollandiæ legatos pax peteretur, Turcæ cum acerbo scomate illam negarunt. Victos Germanos nunc pacem petere, quam nuper tanto cum supercilio respuissent. Nisi Buda reddita nullam esse cogitationem pacis.

Suscipienda igitur nova expeditio, pro more tamen sera, quia pecunia deerat ad emendum panem.

Belgradum frustra oppugnat.

Ludovico Badensi ad Rhenum translato, Dux *Crojus* Pannonicis copiis præficitur, e Marschallis vetustissimus. Is dignum se tanto munere monstraturus, rem magnam suscipit: trajecto quippe Savo Belgradum oppugnat. Sed magna cum clade rejicitur: rebus nostris ad tantam urbem, a Turcis interea munitam, vindicandam non satis præparatis, id tamen fructus tulit hoc consilium, ut Vezirius, in Transylvaniam magno cum exercitu irrupturus, retraheretur.

Caprara succedit Crojo.

Anno 1694. Hungaricum exercitum *Caprara* regebat, qui triginta quinque millia armatorum complectebatur. Septembri primum mense in campum prodibant. Brandeburgici vero, Dani, & Luneburgici ineunte primum Octobri, ad hyberna nempe, veniebant.

Ad Petrovaradinum Vezirius castris castra opposuit, nostraque adortus, tempestate tandem, inundatione, frigore, re tractus est. Tota expeditione nostra in defensionem abeunte.

Giula capta.

Ad deditionem tamen fame compulsa est *Giula*, ultima civitas, quam Barbari in Hungaria occupatam tenebant, probe munita, ad Varadini & Transylvaniæ securitatem, atque coercendas perduellium evagationes, opportuna. Præsidio Temesiam abire permissum.

Displicuit Cæsari, tam exilem fructum expeditionis haustum eo tempore, quo Turcicum Imperium vehementer turbatum fuerat seditione Arabica. Quippe ex regionis *Emiris* seu regulis quidam eminentior finitimos Turcas aggressus prælio vicit, atque Bassoram, Arabiæ desertæ provinciam, subigit, Byzantio non levi terrore concusso; eoque magis aucto, quod Babylonæ, Mesopotamiæ, ac Syriæ defectio timeretur.

Jamque Emir post plures victorias Imperatorem se dixerat, cum Mustius cum sacrificulorum choro legatus ad eum decernitur. Is argumento a religione ducto, rogabat, ut parceret Mahometis asseclis, quorum tot millia a Christianis quot annis martyres mactarentur, ni arma poneret, certam exspectaret a Mahomete vindictam. Mirum! ferocem victoriis barbarum tumentes

adeo

adeo deposuisse istum telo illo spiritus, ut velut fascinatus lupum rapacem in agnum mansuetum mutaret; grandi certe Christianis documento, ut Religionem suam sanctam Divinamque sanctius colant.

Singulis prope annis optima rei bene gerendæ occasio fuit elapsa ob tardum nimis copiarum adventum; unde adulta primum æstate, aut ineunte autumno, dum altero jam oculo hyberna respiceret miles, inchoanda fuit expeditio. Ut tanto malo obviam iretur, cogitatio de construendis ad Savum castrensibus tuguriis est suscepta. Cum enim Rasciani, alique ad Savum populi, nulas domus ædificent, sed æstate & hyeme in specubus subterraneis habitent, copię in remotiores Hungariæ plagas erant reducendæ, non sine finium periculo & expeditionis sequentis retardatione. Sed cum materia deesset, ædificii forma induci non potuit.

Anno 1695 aula Turcica magnam mutationem subiit. Mortuo *Achmete* Sultano nepos ejusdem *Mustapha*, Mahometis IV. de-*Mustapha* positi, & in carcerem detrusi filius, ad solium evectus, Martio Sultanus in vir spiritu, emissis quaque versum ad provinciales litteris, gran-*Transylva-* dem exercitum evocavit, quem ipse, deposito Vezirio, in Tran-*niam*, sylvaniam duxit, raptaque Lipa cum aliis quibusdam munitis locis, ac dirutis, Veteranium, Transylvaniæ Gubernatorem, quin-*Veteranium* que duntaxat millibus stipatum, oppressit. Cæsi plerique, atque cædit. inter eos Veteranus, summis belli Imperatoribus suppar, magno cum Cæsaris & Christiani orbis luctu. Sultanus, velut ingenti parta victoria, relicta in manibus Christianorum Transylvania, nulla re alia gesta, Byzantium triumphans regressus est.

Christiano exercitui præfuit hoc anno *Electo Saxonie*, cui *Electo Sa-* jus consilia, de Temesia aut Belgrado expugnando, varii dubique *xoniæ belli* hostium motus everterunt. Nam cum ambiguum esset, quo Ot-*Imperator.* tomannicus turbo irrupturus esset, Cæsareus exercitus ad Petrovaradinum primo castra fixit, ut hostium motus, an in Slavoniam, Hungariam, vel Transylvaniam tenderent, observaret. Magnis dein & incommodis itineribus ad Tibiscum & Transylvaniæ fines movit; serius tamen advenit, quam ut Veterano posset succurrere.

Cum Sultanus Valachiam incendiis vastatam cerneret, & Töckelianos calamitatis auctores intelligeret, Töckelium Con-*Töckelli fa-* stantinopolim abduci jussit, ubi in obscuro Judæorum vico dein-*tum.* ceptis contabuit.



Anno 1696 consultatum rursus Viennæ, quæ demum ratio iniri posset, ut hyberna prope hosticum solum figi possent, ne imensis itineribus fessus miles autumnales duntaxat expeditiones susciperet. Typum Aurspergius exhibuit: sed in æris præsentis ac commeatuum penuria, superius remedio malum fuerat.

Augustus Saxonæ Elector, supremus denuo belli Imperator, 14000 adduxerat; jamque Temesiam adortus, a Sultano in pugnam abstrahitur. Hæc promiscua adeo turbataque fuerat, ut velitationum potius congeries, quam justum prælium videretur. Cæsi utrinque multi, relicto dubio, quis vicisset, victusque fuerit. Cecidit alios inter *Heislerus* (quem Heidershemium quidam appellant) per omnes militiæ gradus ad summos honores eluctatus heros: militibus juxta ac provincialibus multo acceptissimus. In ejus locum *Vorsterus* suffectus. Elector, tradito Capraræ Imperio, Viennam abiit, Polonicæ coronæ felix Candidatus.

Eugenius  
belli Impera-  
tor.

Vincit ad  
Zentam.

Præda in-  
gens.

*Wagn.*

Anno 1697 Hungariæ militiæ Imperator a Cæsare dictus Princeps *Eugenius*, Dux Sabaudia, qui ad triumphos natus, jam antea ad Budam, Belgradum, Mohazium illustre documentum dedit, quantus Dux esset futurus. Et profecto sensit mox malo suo Ottomannica potentia præsentem Eugenium. Quamvis enim acisum, rerumque penuria laborantem accepisset Christianum exercitum, Sultanus vero ingenti, ex Europa, Asia, & Africa collecta multitudine, eaque rebus omnibus instructa, superbiret, ad *Zentam* nihilominus inaudita ab hominum memoria clade Turcæ sunt profligati, viginti minimum millibus eorum cæsis.

Quippe, dum imposito Tibiscum ponte, in superiorem Hungariam & Transylvaniam irruere conantur, superveniens trajicere parantibus Eugenius, vallo, quem tumultuarie construxerant, superato, incomparabilem victoriam refert, ad noctem usque cædendo & mactando continuatam, multis quoque millibus in Tibiscum præcipitatis, ut adeo tellus & undæ cadaveribus tumerent.

Capta præda ingens & penus bellica: centum tormenta, duo bubalorum millia, cameli, verveces, boves, equi, immani numero, caudæ equinæ, Prætoria nempe insignia, septem, signa majora 60, cum principe Janitsarorum vexillo: Sultani papilio, cum innumeris tentoriis. Cæsos inter Vezirius, & multi Bassæ inventi. E Christiano exercitu pedites 473 occubuerunt, equites 140, plures gloriosis vulneribus fuerunt ornati.

Sultanus, immanitate cladis amens, ejulansque, cum equitatu, qui jam ante Tibiscum trajecerat, citato cursu primum Temesiam, dein Belgradum fugit.

Pote-

Poterat tunc, concusso tam vehementer Ottomannico Imperio, peditatu ad internecionem conciso, hærente in ossibus terrore, Temesia aut Belgradum victoribus præmium cedere, si argentum, vecturæ, machinæ, aliaque ad oppugnationem necessaria præsto fuissent. Horum autem inopia, ne nullus legeretur fructus, Eugenius in Bosniam irrupit, atque per illam, interceptis multis oppidis, populationem late circumtulit, pingui inde præda reportata.

Gemina hoc anno seditio orta est; altera Asiatica, brevi composita, quæ Turcas exercuit; altera Tibiscana, quæ non modico Cæsareorum & Hungarorum sanguine stetit, a Vaudemontio denique compressa, ultra millenos e rebellibus cæsis.

Vihaczium, Croatiae Turcicae caput, a Bathianio Croatiae Banno & Aurspergio nequidquam oppugnatum, Croatis & Cæsareis non levi accepta clade repressis.

Pörfli, Zenta diei itinere distante vico, Deiparæ Virginis, <sup>Imago Dei-  
paræ la-  
chrymans.</sup> Divinum infantem gestantis, rudi penicillo depicta effigies per duos menses lachrymas visa fundere. Ad miraculi novitatem infinita hominum multitudo confluit: coactique sectarii vel inviti facti veritatem, quæ nonnullos ad Religionem nostram convertit. Leopoldus Cæsar prodigiosam iconem, solenni cum veneratione Viennam translata in S. Stephani Basilica publico cultui exposuit.

Anno demum 1698 *Carlovizii*, ignobili ad id usque tempus Sirmii vico, pax iniri cœpta. Legati eo abs Cæsare Wolff. <sup>Legati ad  
pacem Car-  
lovicensem.</sup> Comes Oetinganus, Aulici Consilii Præses, & Leopoldus Comes Schlikius. A Polonis quoque, Moscis, & Venetis legati adfuere. Anglus & Batavus, volentibus etiam novo exemplo Turcis, pacis conciliatores sunt delecti. Missi a Sultano *Reis-Effendius*, seu Imperii Turcici Cancellarius, atque Maureordatus, Græcus genere.

Polonum inter & Moscum importunum de loci prærogativa dissidium longiorem rebus gerendis moram iniecit, non sine Turcarum risu, & reliquorum impatientia. Hoc utcumque composito, uterque conciliatores, & fundamentum pacis, quod formula *uti possidetis* definiebatur, admittere reculavit. Quippe Polonus <sup>Varia con-  
tentiones.</sup> *Cameneum*, quod pluribus annis frustra oppugnaverant, repetebat, Moscus *Kerczam*, munitam ad Borysthenem arcem.

Cum Cæsareis oratoribus dein contentio. Nam Turcæ Transylvaniam in eum, quo ante bellum fuerat, statum reponi volebant, ut scilicet Princeps sub utriusque Imperatoris clientela



provinciam regeret. Verum cum hoc postulatum jam structum pacis fundamentum eversum iret (nam Cæsar totam Transylvaniam tunc possidebat) præcise negatum est, prout etiam tributum, quod Sultanus inde petebat.

Præsertim de  
Temesiæ  
finibus.

Acrior de Temesiensis Bannatus finibus fervebat disceptatio. Nam Cæsar Caransebia, Lugosio, Almasiensi agro, Lipa, Clana-dia, Sablia, Bôrtho, aliisque oppidis & arcibus Temesiensem provinciam undique circumseptam tenebat. Intolerabile hoc visum Turcis; quapropter loca ista, velut ad Temesiensem ditionem pertinentia, cedi sibi postulabant. Verum hoc pacto fundamentum pacis, possessione præsentis circumscriptum, subruï, opponebant nostri. At illi, sententiæ suæ inhaerentes, dissolutionem totius negotii minitantur, atque e loco congressus se proripiunt. Vicit tandem pertinacia: atque Cæsarei memorata superius oppida arcesque diruenda concesserunt, nulla unquam ætate restauranda.

Cedunt Cæ-  
sarei.

Quia pax  
necessaria.

Fundamento, *uti possidetis*, semel labefactato, audaciores Turcæ, plura contra jus fasque in Syrmio quoque, Croatia, & Bos-niensiibus limitibus exigebant, tandemque obtinebant. Siquidem Cæsar, ingravescente in dies Caroli II. Hispaniarum Regis afflicta valetudine, utroque oculo Monarchiam illam respiciens, pacem cum Turcis necessariam sibi existimabat, eaque propter nolebat, minoris momenti controversiis obiecem eidem & moram poni. Factum inde, ut, cum de limitibus postea definiendis per Marfilium comitem, & Effendium quendam (ita Jurisconsultos suos Turcæ appellant) ageretur, varia indulgerentur.

Verum minora hæc erant, quam ut negotium pacis, eo usque proVectum, deberent evertere, & continuatum per viginti jam annos sumptuosum bellum protrahere. Si decem ante annos, dum Belgradum, Nissam, Vidinum, Orsovam &c. occupata tenebamus, pax Turcis petentibus data fuisset, pinguiorem haud dubie acceperissemus, atque immensis sumptibus fuisset parsum. Sed reservata fuit Eugenio illa gloria, ut Temesiam & Belgradum in triumphum duceret.

Ingentes ta-  
men relati  
fractus belli.

Licet autem minutiora quædam, quæ ad rei summam non multum adeo facerent, Turcarum pertinaciæ sint remissa, ingens tamen fuit hoc bello Leopoldi Cæsaris felicitas, qui tot gloriosis partis victoriis captisque provinciis Domum suam in immensum auxit. Nam cum ante e Viennæ mœnibus prope conspicerentur lu-nata vexilla, tota exactus Hungaria atque Transylvania, quibus occupandis ducendos annos impenderat, in Serviam atque Vala-chiam

chiam bello uno retusus est Turca. Quæ sane gloria nulli ante Liberata Leopoldum Magnum Cæsari obtigit, secuturo exemplum Carolo Hungaria, ad-  
filio, ditionemque in amplius multo spatium exporrecturo. jeſta Tranſyl-

Missus denique Byzantium legatus, qui pacem *Carlovizii* vania.  
composuerat, Comes Oetinganus, cum donis amplissimis. Cau-  
tum captivis & Religioni, etiam in Palæstina. Ibrahimus, ortu  
Genuenſis, a Sultano vicissim orator Viennam missus.

Dum tractatus pacis cum Cæsareis Legatis conficiebatur,  
vehementior adhuc Turcas inter, Moscos, Polonos, & Venetos Moscos bien-  
fervebat disceptatio. Moscus relicto sibi, quod occupaverat, Af- nes inducias  
sovio, Kerczam, in Crimæa, seu Taurica Chersoneso munitam ur- pangit.  
bem, ad Tartarorum Chamum, sub Sultani clientela constitutum,  
spectantem frustra repetiit. Unde relictis fociis biennes inducias  
pactus, rem omnem in statu, quo tunc erant, reliquit. Polo- Polonus Ca-  
nus restitutionem tandem Kameneci, munimentis suis vallati, ob- menecum ob-  
tinuit. tinuit.

Difficultatem summam attulit res Veneta, adeo quidem,  
ut commotis vehementer animis semel iterumque conventus sit  
solutus. De *Peloponeso* maxime erat contentio; Venetis ad fun- De Morea  
damentum pacis, fixamque in præliminaribus normam provocan- contentio.  
tibus, Effendio oppida quædam reposcente, itaque obfirmato, ut  
cedere oportuerit Venetum, ne totum negotium obrumpatur.

Superatis tandem innumeris difficultatibus, 26 Januarii  
1699. pax ab omnibus legatis fuit subscripta, in 25 annos porrecta:  
atque 14 Martii a Principibus ratihabita: universo simul operi ma-  
nus suprema imposita. Juvat, ejusdem summam hic breviter in  
synopsin colligere.

## ARTICULUS VI.

### *Pax Carlovicensis.*

1. **T**ransylvania Austriaci juris esto, cum veteri Valachiam ver-  
sus & Podoliam limite.
2. Temeswariensis vero civitas Sultano maneat: circumſita vero  
munimenta diruuntur. Uſus fluminum communis esto.
3. Regio Danubium inter & Tibiscum Cæsaris esto. Novæ tamen  
Tituli urbe munitiones ne eriguntur.
4. Trans Tibiscum Titulo ad Istrum, indeque ad Savum linea  
ducatur, quæ utramque ditionem definiat.

5. Savus



5. Savus utrique genti sit communis.
6. Commissarii terminos figant; qui nunquam moveantur.
7. Urbes suas munire utrique parti fas esto: iis exceptis, quæ expressim sunt nominatæ.
8. Omnes direptiones severe prohibentor.
9. Neutra pars alterius rebelles foveat.
10. Moderni tamen Cæsaris rebelles, qui veniam non consequentur, habitare poterunt in Turcia, remotius tamē ab Hungaria: a qua perpetuo proscripti sunt.
11. Si controversiæ inter subditos ratione limitum oriantur, per Deputatos deciduntor.
12. Captivi vel lytro soluto, vel commutatione restituuntor.
13. Hominibus sacris in templis & monasteriis Jerosolymæ & per totam Turciam pristina libertas salva esto.
14. Commercia utriusque Imperii ad pristinum statum, qui fuit ante bellum, reducuntor.
15. Omnes antiquæ pactiones, nisi quid hic sit immutatum, ratæ habentor.
16. Utraque pars, in amicitia testimonium, legatos mittat.
17. Quibus more pristino honor deferatur. Nec ad certum vestimenti genus sint adstricti.
18. Commissarii 22 Martii conveniant, & intra bimestre fines determinent.
19. Pacis hujus articuli 30 intra dies ab utroque Imperatore subscripti, ratihabentor.
20. Hæ induciæ ad 25 annos extenduntor, & Tartaros pariter obligantor.



# CAPUT IX.

## DE

# STATU BOHEMIÆ

SÆCULO XVII.

ARTICULUS I.

*Status sub Rudolpho II.*

SUMMARIUM.

*Ultimis vitæ annis magnas faciunt molestias Rudolpho II. Frater Mathias, & Protestantes, barbarum auctores. Litteras Majestatis extorquent. Eorum furor. Leopold. Archid. in Bohemiam. Fabula de armatis Passav. in Clementino. Obitus Rud. II. ejusque Elogium.*

**Q**uam lata erant atque angusta prima mediæque Rudolphi II. Cæsaris tempora, tam tristia & acerba ultima. Geminò ex fonte malum profluxit: ex Hussitarum & Protestantium tumultibus, atque ex Mathiæ fratris inquieta indole, & regnandi cupiditate.

Illi, prout alias per Europam provincias seditione & rebellibus miscebant, ita etiam Bohemiam; ac si idem esset, a Catholica Religione deficere, & patriæ ac Reipublicæ quieti bellum denuntiare. Et quidem immanem Hussitarum furorem ex iis, quæ ad sæculum XV. retulimus, abunde licet perspicere. Cum autem illi ad pacem aliquam & obsequium se viderentur componere, Lutherani & Calvinistæ, ad tumultuandum semper accinctum hominum genus, incendium excitarunt, quod per omnem deinceps Europam est propagatum.

Atque imprimis ægerrime illos habuit, quod Archiepiscopus anno 1605 in Synodo Pragenſi Canones & Decreta Concilii Tridentini promulgarit. Cumque hoc ad negotium Rudolphus Cæsar operam suam & auctoritatem attulisset, & alias novis sectis,

Pars IX.

OO

quam

64.

Protestantes.  
turbarum  
auctores.



quantum poterat, obtinisset, ab eo aversi Protestantes, ad Archiducem Mathiam, Rudolphi fratrem, quem indulgentiorem sibi fore credebant, respexerunt.

Mathias in  
fratrem.

Quamvis autem Mathias optimo esset in avitam Religionem animo, quia tamen ægre secundo loco consistebat, & dominari quam parere mallet, Protestantium favore utendum ratus, iniquius, quam pro fratre, cum Rudolpho egit. Nam, licet ab eo administrationem Hungariæ, Austriæ, & Moraviæ, cum suprema belli Hungarici Præfectura, accepisset, quia tamen alieno nomine atque auspiciis fratris omnia possideri gerique non ferebat, ac insuper ea imbutus erat suspicione, id agi, ut in Ferdinandum patruelem, Styriæ Ducem, Hæreditariæ Domus Austriacæ provinciæ transferantur, non desit inertiam Rudolphi, abjectis ferme Imperii curis, intra Pragensæ palatium otiose delitescentis, apud fratres, Maximilianum & Albertum, atque alios traducere.

Quapropter, inita licet anno 1606 cum Turcis pace, copias tamen armatas retinuit, permittaque in Comitibus Polonienfibus Religionis libertate, anno 1608 cum Protestantibus Hungaris, Austriacis, & Moravis foedus percussit, rectaque cum hostili exercitu adversus fratrem inermem ad Pragam movit, eique Hungariam, Styriam, Carynthiam, & Moraviam extorsit. Nec multo post Rudolphus Hungarici Regni insignia eidem in castra misit, Bohemicæ quoque successionis sponsione facta.

Protest. in-  
solentia.

Protestantes vero in Bohemia, cum desertum prope Regem suum viderent, ferocius elati, præter autonomicam Religionis libertatem, ne Ecclesiastici ad regni negotia adhiberentur, postularunt, ne matrimoniales causæ eorum iudicio definirentur, ne bonis immobilibus fruantur: ne in conferendis regni & provinciarum Præfecturis Religionis ratio habeatur, atque, ut, si Regni Burgravius sit Catholicus, Judex Regni sit A Catholicus: Neque enim subsidia se collaturos, nisi hisce postulatis annueretur.

Constantia  
Rud.

Sed ea erat Rudolphi constantia, ut neque precibus neque minis adduci se passus sit, quo in eorum vota concederet, per integrum adhuc annum, cum Majestatis, & vitæ etiam periculo, cum illis colluctatus, absque exercitu, senio fractus, solo Deo. & Religionis sanctæ zelo munitus. Preces publicas junxerunt Præsules cum ordine Ecclesiastico, instituta quoque Pragæ sacra ad consultandum rebus in arctis Synodo. Decretum voto unanimi, concedendum nihil A Catholicis; quo plura indulgeantur, hoc plura postulantis, ad Religionis & Majestatis detrimentum. Privilegia,

gia, si quæ per Concilium Basileense & compactata Hussitis sint concessa, ad Lutheranos & Calvinistas nihil pertinere, utpote alterius multo sectæ homines.

Verum sequenti anno 1609 majori longe furore tumultus recrudit. Plura armatorum millia per urbem discurrebant, supremum Catholicis exitium minitantium, Societatis Jesu præsertim Patribus, per quos Regem a Protestantium postulatis aversum putabant.

Rudolphus itaque ab A Catholicis undique circumseptus, ac Literæ Majestatis. necessitati parendum ratus, Religionem secundum Bohemicam Calixtinorum seu Hussitarum confessionem, Diplomate, quod *Litteras Majestatis* appellant, permisit, cum facultate, suo in fundo erigendi templa, utendi Consistorio, & Academia Carolina, *Directoribus* item & *Defensores* ex tribus Regni Ordinibus sibi constituendi. Nullis tamen minis adduci potuit Lobkovicus Regni Cancellarius, ut subscriberet, salva id fide se facere non posse, palam testatus.

Prospectabat nempe vir sapientissimus, quod secuta mox Constantia: tempora atroci scena exhiberunt, rictum hæresis non satiari, sed Lobkovicii. in Religionis Regisque pernecium irritari. Quippe mox, licet severe cautum esset, ut religio *sub utraque*, & Religio *sub una*, prout in litteris Majestatis appellantur, quiete inter se viverent, nec altera alterius homines turbaret, A Catholicis tamen omni ope collaborarunt, ut Regis latus fidissimis Ministris, quos Catholicæ fidei addictiores credebant, nudarent, proscripito etiam Heidelbergi veteris urbis Primate, & Jesuitas, quos rebus suis minime opportunos existimabant, bonis spoliatos toto regno ejicerent. Mirum, Protest. suor. quot direptiones, calumnias, atque calamitates sint perpeSSI, præsertim a Calvinistis, eorumque Symmystis Picarditis.

Quantumvis enim sola confessio Bohemica, quam Calixtini seu Hussitæ sequebantur, fuerit permessa, tamen, sicut sub nomine confessionis Augustanæ variæ sectæ se occultaverant, ita etiam sub eo nomine confessionis Bohemicæ. Appellati sunt etiam *fratres Boleslavienses* a Boleslavia Juniore, ubi Picardi principem suam Synagogam habebant: ac si fratres essent Hussitarum, qui in Regno tolerabantur.

Anno 1610 celebratus Pragæ conventus Electorum, & quorundam Principum, ut ineatur ratio concordie Rudolphum inter Cæsarem & Mathiam fratrem. Conclusum inter Principes, ut hic per Legatum flexis genibus a Rudolpho fratre veniam actorum, du-



Atque per tumultum in Bohemiam exercitus, precaretur. Deprecatores a Mathia rogati sunt, Maximilianus frater, & Ferdinandus patruelis, Archiduces.

Mathias  
deprecatur.

His in conspectum Cæsaris venientibus, stabat ille sub conopæo: cumque hi procidere in genua coram eo pararent, detracto galero obviam eis processit, dixitque, nolle se, ut exstet exemplum, quenquam de Austriaca Domo eo deesse, ut coactus sit flexis genibus a Cæsare veniam precari. Tum vero latus ac hilaris, ac si nihil fuisset offensus, perhumane & amice habitos, magna cum honoris significatione dimisit. Honoribus Principum ab Academicis producta in Theatrum pro genio illius ætatis Eliæ Prophetæ vita, & in cælum raptus, tragoedia, summa omnium voluptate spectata.

Quies tantisper videbatur reddita; cum anno sequenti (1611) major subito procella incubuit, quæ rem Catholicam, ipsumque Rudolphum Regem supremo discrimini exposuit. Et quidem, quod mireris, ab ipsis Catholicis, dum vel maxime & Regi & Religioni consultum volebant, initium duxit, a tumultu videlicet, uti appellabatur, *Passaviensi*.

Leopold. Archid. in Bohemiam.

Quippe Leopoldus Archidux, Passaviensis & Argentinensis tunc Episcopus, Ferdinandi (postea Cæsaris) frater, quem Rudolphus in Regno Bohemiæ successorem sibi optaverat, ut spes suas promoveret, atque provincias, a Mathia Archiduce abstractas, ad Cæsarem reduceret, cum novem peditum, & quatuor equitum armatorum millibus per Austriam superiorem, transmissis ad Lincium Danubio, in Bohemiam repente se infudit, occupatisque Crumlovio, Budovicio, Berauna, aliisque oppidis, militari præsidio munitis, ad Pragam ipsam exercitum admovit, atque effractis portis urbem Minorem cepit.

Sectariorum  
rabies.

Tum vero sectarii, quasi cœnobitæ cum Passaviensibus conspirarent, iis direptionibus, cædibus, lanienis sacrorum hominum per veterem novamque civitatem sunt grassati, ut Ziscæ ac Taboritarum tempora revocasse viderentur. Nihil crudelitatis & contumeliæ omissum; perque obvias Religiosas domos sparsus furor.

Commentum  
de armatis  
Passav. in  
Clementino.

Et imminebat Clementino Societatis Jesu Collegio exitium: cum diffusus esset rumor, trecentos Passavienses milites in eo latere absconditos, cum grandi bombardarum, pulveris igniarii, & bellici apparatus copia. Et irruisset plebs effera, nisi Wratislavius furori se opponens, nostros servasset; hortatus tamen amice: sinant inquiri, secus salvum esse collegium non posse: se quidem

dem alienæ esse Religionis, memorem tamen beneficiorum, quæ scholas nostras frequentando perceperit, vel capitis sui periculo cauturum, ne ea investigatio fraudi esset.

Bis excussum totum collegium, omnesque latebræ examinata. Sed cum armorum nihil esset inventum, frendens recessit plebeja rabies, quod saviendi & prædandi spe fuisset dejecta. Cum autem illa de latentibus in collegio armis fabella per alias etiam late provincias fuisset disseminata, Regni ordines, quorum plerique erant Acatolici, publico Instrumento commenti vanitatem, Patrumque innocentiam sunt contestati.

Miles Passaviensis, qui Rudolpho Imperatori opitulatum venerat, majorem in eundem tempestatem concivit. Nam Bohemæ Ordines Mathiam Archiducem, Leopoldo patrueli alioquin infensum, vocarunt in auxilium: qui collectis ex Hungaria, Austria, Moravia, Silesia, octodecim armatorum millibus, Ductore Herbersteinio, in Bohemiam movit. Subsecutus mox ipse, summa Ordinum gratulatione Pragæ fuit exceptus: cumque fratrem Rudolphum Imperatorem desertum passim ab omnibus cerneret, eo usque, quamvis renitentem, compulit, ut non modo consentiret, Mathiam Regem quoque Bohemæ coronari, sed id ab Ordinibus etiam peteret.

Mathiæ in  
fratrem Imp.  
sevitia.

Eo videlicet redacta fuerat summa per orbem Majestās, quam & Turcæ, & Tartari, & Mosci, & Persæ legationibus honoraverant, ut, relicto solo Imperatoris nomine, provinciis omnibus nudaretur, ac ipse sibi viventi & videnti velut funus maneret superstes. Rex autem Mathias, ordinatis Bohemæ rebus, progressus primum in Lusatiam, Budissinæ, tum in Silesiam, Wratislaviæ juratam provincialium fidem recepit.

At Rudolphus Imperator fatis suis & calamitatibus non diu vixit superstes, anno sequenti (1612.) ineunte apoplexia tactus, animi tamen rationibus pridie rite initis, Pragæ occubuit anno ætatis sexagesimo. Natus quippe fuit Viennæ anno 1552. ad omnem vitæ probitatem educatus in Hispania; ubi eum Catholicæ Religionis fervorem imbibit, quem tota dein vita nunquam sibi est passus eripi, Austriacæ pietatis monumentum perpetuum.

Obit Rud.  
Imp.

Septem & triginta annos Regnum Bohemæ est moderatus, sede perpetua collocata Pragæ, quam ædificiis variis ita exornavit, ut dicerent Bohemi, Pragam, quam Libussa ligneam condiderat, Carolus IV. marmoream effecerat, a Rudolpho auream propemodum fuisse relictam.



Elogium.

Gloriosissimus certe, si quis unquam, fuisset Imperator, dummodo ultima tempora respondissent primis. Quantus fuerit litterarum artiumque æstimator & amator, alias diximus. Propter sapientiam, aulæ splendorem, peregrinorum, doctorum præsertim hominum, ex tota Europa affluxum, auri gemmarumque copiam, Salomon Bohemicus dicebatur. Sed vergente in senium ætate, nihil quidem de studio virtutis & Religionis, cui omnia posthabuit, remisit, documento tamen fuit, nihil in mundo esse stabile, summamque etiam gloriam esse mortalem.

## ARTICULUS II.

*Status sub Mathia.*

## SUMMARIUM.

*Mathias Rex. Sæctarii templa construunt in alieno solo. Tres Ministros Regis ex arce præcipitant. Jesuitas proscribunt. Arma corripunt Turriano ductore. Moravos, Lusatos, Silesios ad defectionem trahunt. Mors Mathiæ.*

65.  
Sub Mathia  
Rege.

**M**athias, superiore jam anno coronatus Bohemiæ Rex, quietum tantisper auspiciatus Imperium, magna sapientiæ laude gubernabat Republicam. Sed cum inquieta & turbulenta sit adeo Novatorum indoles, ut tranquilla diu non possit subsistere, jam anno 1614. in atras nubes coit, eamque parturit tempestatem, quæ non modo in Bohemiæ stragem, sed Germaniæ, quin Europæ omnis ruinam se se effudit.

Templum  
construunt  
Acath. in a-  
lieno solo.

Cœperunt videlicet A catholici eo, quem dixi, anno templum ædificare *Clostergrabii* in Archiepiscopi Pragensis solo. Nuntiavit is novum opus ceu loci Dominus, atque Præcones inauspicatos expulit. *Defensores* contra fabricam jubent prosequi: publica urbibus affigunt decreta, violatas *litteras Majestatis* proclamant: querelas ad regni Moderatores deferunt. Quasi vero litteræ illæ aliena invadere, atque insontes spoliare permittant.

Vetat Rex.

Alterum templum collatitio ære moliantur in oppido ad abbatem Brunoviensem spectante. Cum autem moniti non desisterent, desertur querela ad Mathiam Regem: sed neque hujus jussu coeptum opus intermisere: Quapropter cives aliqui Brunovienses in custodiam dati sunt, & templum Brunovienſe vi injecta conclusum.

Commo-

Commoti ea re Proceres A catholici, magno numero in Academia Carolina conveniunt. Deliberatum de conservatione privilegiorum, exstruendi ubique templa, ut dicebant, libertate, & dimittendis e custodia Brunoviensibus, quos injuste attineri querebantur. Reprehensi a Rege, quod se inscio invitoque seditiosos conventus agerent, iussique abstinere, adeo non acquievere, ut anno 1618. cum turbulentis concionibus populum ad libertatem & effrænem licentiam vocassent, in ipsam arcem irruperint, in qua de publicis tum Regni negotiis consultabant Ministri Regii. Cum <sup>Ejus Mini-</sup> <sup>stros ex arce</sup> <sup>præcipitant.</sup> *tam, Martinizium, & Fabricium*, violente arreptos per fenestras arcis in subjectam aream dederunt præcipites. Ubi nihil lapsu præalto læsos animadvertunt, sclopis petiti, Divina rursus ope incolumes sunt servati, & amicorum dein opera furori hæretico subtratti.

Mox rebus novandis factum initium. Electi triginta *Dire-* <sup>Diretores.</sup> *tores*, qui Rege absente habenas capefferent. In horum verba civis & præfidiarius miles sacramento adactus. His arcis & portarum claves traditæ. Aperti carceres, & dimissi Brunovienses. Inclusi, qui his se opponebant. Conclamatum denique ad arma. Collecti undique milites, pecunia, bellicque apparatus.

Edito interim in lucem scripto contestantur, nihil se adversus Regem suum moliri. Quod tres pacis publicæ turbatores ex arce defecerint, more Majorum esse factum. Quæ mutassent, ad suam defensionem & regni quietem pertinere.

Addita proscriptio Patrum Societatis Jesu e regno Bohemiæ. <sup>Jesuitæ ex-</sup> <sup>pulsi.</sup> Intra octiduum finibus iussi excedere. Sancita capitis poena in regressos, eosque, qui pro illis auderent intercedere. Crimini datum, quod pacem turbent: impugnent privilegia Religioni data, immensas corradunt opes; Regum vitæ insidias struant: concionibus seducant plebem: odium ingerant Religionis Evangelicæ, omniaque sub jagum Pontificium mittere nitantur, consiliis & conatibus omnibus in perniciem Evangelicorum directis.

Hæc aliaque Patres, postquam violentiæ temporumque iniquitati cedentes, Regno exceßerunt, modesta apologia confutaverunt: nunquam se contra pacem & privilegia quidquam dixisse aut egisse: Religionis Catholicæ veritatem atque summi Pontificis <sup>Apologia:</sup> in Ecclesiasticis auctoritatem, publice privatimque asserere, ac contra heterodoxos defendere, sui muneris esse & Instituti: neque ulla Regni lege hoc esse vetitum. In concionibus suis damnasse Religionem.



ligiones contrarias sine adhaerentium contumelia. In toto Regno quinque esse Collegia, ære alieno omnia gravata, quorum annui proventus decem aureorum millia non excedant: has esse immensas illas opes, quæ publicam invidiam mereantur. De cædibus Regum & Principum antiquam esse calumniam, multorum jam scriptis confutatam, atque adeo ipsorum etiam Principum, quorum vitæ insidias struxisse per summam contumeliam arguerentur, testimonio.

Arma corripiunt rebelles.

Cæsar intellectis, quæ Pragæ acciderant, Turrianum autem Comitem, rebellium caput, volitare per provincias cum militum turba, atque ad defectionem omnes sollicitare, cum admonitiones & lenia remedia frustra consumpsisset omnia, cœpit & ipse ad arma respicere: scriptoque ad Ordines Imperii libello, mandat, rogatque, ne per duellibus milite aut subsidiiis ullis opitulentur.

Silesii, Moravi & Lusatiæ, ad defectionem trahi.

Mox Henricum, Comitem Tampierium, cum aliquot copiis mittit ad fines Bohemiæ, ac postea majori cum imperio Carolum Longuevallium Comitem Buquoyum: cui Albertus Belgarum Princeps, Mathiæ Cæsaris frater, duo equitum, sex millia peditum addidit. Verum Bohemorum exercitus ad 30000 jam excreverat, tractis in armorum rebellionisque societatem Silesis quoque, Moravis, & Lusatiis. Ernestus insuper Mansfeldius, a militia Sabaudica exauthoratus, suam secum legionem ad Bohemos traxit: primoque Pilsam expugnavit. In fidem Bohemiæ Directorum sacramento adacti cives.

Doluit Cæsari jactura fidæ urbis, atque post Pragam ferme præcipuæ: respexitque rursus pacis consilia: Polonum, Bavarum, Saxonem, conciliatores ejusdem adhibuit. Sed jam latius grassatum fuerat incendium, quam ut facili opera restingui posset, hæresi pro more suo ventilante sanguineas faces, quibus omnia conflagrarent. In Austriam quoque, atque ad ipsam adeo Viamnam, Cæsaris regiam, illata flamma: Protestantibus Austriacis, cum Bohemis non segniter illam spargentibus.

Spiritus-Protest. non est Evangelicus.

Num spiritum istum Evangelicum dicam? Num ita Apostoli prædicarunt Evangelium? An primi Christiani ita in Imperatores Ethnicos insurrexerunt? Num Thebæa illa Mauritiæ legio hac defensione est usa? Quinam unquam ex Catholicis adversus Principes & Dominos suos propter Religionem arma corripuerunt? Est profecto, est hæc nota hæresi omnino propria, prout universim sæva est & turbulenta, ita in Dominos suos & summos etiam Magistratus solet insurgere. Testis Germania, Gallia, Belgium, Pedemon-

demonium, Anglia, Hungaria, Bohemia, Moravia, Silesia, Lusatia. Animadverterunt pro officio omni ætate legitimi Magistratus Catholici in Novatores, qui hæresin in Ecclesiæ agro disseminare nitebantur. Sed, quod Catholici armis adversus legitimum suum Dominum ac Magistratum correptis Religionem suam aut propagarint, aut defenderint, exemplum nullum in orbe terrarum exstat. Proprius omnino, quod dixi, hic spiritus est hæresis: sed quam diversus a spiritu Evangelico!

Sicut autem Rudolpho Imperatori, sic etiam Mathiæ hic spiritus vitam elisit: dum ob eam Bohemorum rebellionem animo æger anno 1619. Viennæ decessit, ætatis 62. Deversa jam ætate matrimonio sibi junxit Annam, Ferdinandi Archiducis Oenipontani filiam, patruelem suam: liberos tamen nullos suscepit. Junior Belgicis se tumultibus immiscuit, suscepto contra Hispani & Cæsaris Rudolphi voluntatem Gubernatoris officio. Alenfonii artibus inde amotus, vitam privatam dominandi desiderio ægre tolerabat, nec destitit fratrem persequi, donec provinciis eundem exueret.

Has adeptus, creatusque Imperator, fortitudine, magnanimitate, pietate, Religionis studio, cæterisque Regiis virtutibus, superioris vitæ maculas prorsus delevit.

### ARTICULUS III.

#### *Status sub Ferd. II.*

#### SUMMARIUM.

*Ferd. II. Rex agnitus & coronatus. Protest. per Bob. Moraviam, Austriam ad Viennæ usque moenia armis grassantes. Mansfeld. a Buquoio victus. Frid. Palatinus Rex intruditur. Maxim. Dux Bavaria in Austriam & Bob. Pugna Pragensis. Fructus Victoriæ. Exacti Ministelli. Reducta Religio. Mansfeld. & Jägerndorff. Rebelleum Ductores. Recepta Bohemia.*

**M**athias Imperator, cum senium & corporis infirmitas haud longam amplius vitam promitterent, de successore sollicitus, jam anno 1617 Bohemiæ Ordines Pragæ convocaverat, iisque Ferdinandum Archiducem, patruelem suum, quem in filium adoptaverat, successorem proposuit: cedentibus jure suo Ferd. Rex renuntiatus.

66.

*Pars IX.*

Pp

Maxi-



Maximiliano & Alberto, Mathiæ fratribus. Paucis quibusdam primum refragantibus, postea vero silentio probantibus, majore haud dubie suffragiorum numero Rex dictus est Ferdinandus, atque corona Regumque insignibus magno plausu & celebritate ornatus.

Turriani fu- illi multo vehementius bellum continuabant. Quippe *Turrianus*,  
ror. multitudo & unione Protestantium fretus, in Moraviam irruens, plures in ea urbes cepit. In Austriam Inferiorem deinde irrumpens, ad Viennæ suburbia duxit exercitum.

Nunquam majori in discrimine fuit res Austriaca: Proceribus & civibus Lutheranis cum Turriano conspirantibus. Sed opem  
Victus a Bu- promisit e cruce Deus. Victus acie in Bohemia a Buquoio Mans-  
quojo feldius. Revocatus a Regni Directoribus Turrianus. Tempestas  
Mansfeld. ab Austria averſa.

Verum eo gravius Bohemiæ incubuit, quæ, machinam totam versantibus A catholicis, Imperium Austriacum penitus evertere nitebatur. Disceptatum, num Batavorum Helvetiorumque exemplo, Rempublicam liberam, an Regiam, cui hætenus consueſſent, gubernationem mallerent.

Victi hæc sententia: eligendum Regem, qui gratus sit multitudi-  
Friderici Pa- latini intru- fio. dini, propriis quoque viribus Regnum tueri possit. Propositi Danus, Sabaudus, Saxo, Bavarus, & maxime Palatinus: simulque Ferdinando abrogatum Imperium, quod a Mathia intrusus, litteris quidem confirmari Religionis privilegia, re ipsa autem everterit. Jam vero inducto peregrino milite hostilem in modum Regnum persequatur. Nec mora: Bohemiæ, Moraviæ, Silesiæ, & Lusatiæ Proceres diem novæ electionis decernunt.

Elektus Fridericus V. Elector Palatinus, magni Regis gener, & unionis Protestantium Princeps. Is, dehortantibus frustra variis Principibus, electionem acceptavit, atque cum conjugē & liberis abiit Pragam, ubi novo ritu inauguratus est Rex Bohemiæ, suisque infusus, quibus deinceps oppressus est, calamitatibus.

Max. in Bo- abiit. Maximilianus etenim Dux Baviariæ, asserta Cæsari Austria,  
hem. cum exercitu in Bohemiam movit, Saxo vero Cæsaris nomine in Lusatiam. Cœptum ab utroque bellum expugnatione urbium. Sed cum hæc ratio belli gerendi lentius procederet, simulque cum ma-  
jori

jori provinciarum strage esset conjuncta, nihil visum expeditius Maximiliano, quam prælio de rei summa decernere. Una victoria multas urbes & arces capi, ad quas, divisis accisisque copiis, circumduci lente deberet bellum. Adhæc hyems instabat, com-  
meatus autem procul ex Bavaria petendi: Austria aut exhausta, aut in partes Bohemorum proclivis.

Statutum igitur Bavaro, Buquoio non nihil dissentiente, ipsum Bohemiæ caput, Pragam petere; quo haud dubie colligen-  
dæ essent hostiles copiae. Itum igitur ad illam, progredientibus <sup>Pugna Pra-</sup>  
ad latus Bohemis; qui dein montem ad Raconitium leniter acclivem, sed fossa operibusque munitum, occupaverant. Cum autem  
Cæsarei ad Pragam tenderent, Montem Album Bohemi stationi suæ delegerant. Constituerat autem Maximilianus eo ipso in loco, quamvis arduo, hostes aggredi.

Equo primum Marte pugnatum: tum vero capto juniore Anhaltino, Hungarisque, qui Bohemis subsidio venerant, in fugam con-  
jectis, nutare Bohemorum acies, & instantibus acriter Cæsareis, quæ via patebat, in fugam effusa est: unius horæ spatio exercitu admodum numerofo plenam Cæsareis victoriam relincente.

Patuit mox ingens fructus victoriæ. In Silesiam profugus <sup>Fructus vi-</sup>  
Palatinus: Praga victoribus dedita; reductæ ad obsequium Pro-  
vinciæ: restitutus clerus, restaurata templa, cultusque sacrorum  
postliminio reductus: Moravia, Silesia, & Lusatia, a Saxone domita, exemplum Bohemiæ sequente. Prolixiorem horum tracta-  
tionem parte VIII. dedimus.

Interim vero, dum Palatinus etiam ex Silesia profugeret, <sup>Mansfeldius</sup>  
res ejus prolapsas in Bohemia utcunque sustentabat, <sup>Mansfeldii</sup>  
astu maxime, dolisque, quibus valebat. Nam cæteris ferme ur-  
bibus ad Dominum suum redeuntibus, Pilsam adhuc & Taborem  
præsidio tenebat, multis e fuga eo dilapsis. Dumque Cæsareis  
spem facit, accepta pecuniæ summa, tradendi eas urbes, atque  
relinquendi Bohemiam, pactus eam in rem aliquot hebdomadam  
induciis, totum illud tempus reparando bello soterter impendit.

Tum vero, dispositis per hyberna Cæsareis, repente pro-  
volans, Schlackenvaldam, Tachaviam, aliæque oppida invadit.  
Ejusque exemplo excitatus <sup>Jägerndorffensis</sup>, Brandenburgicus Mar-  
chio, Silesiam Moraviamque crebris incursionibus infestam habuit, si rebellio.  
nihil tæritus editis, quibus Cæsar utrumque proscriperat.

Interim autem Princeps Liechtensteinius, Bohemiæ Guber-  
nator a Cæsare dictus, in rebellionis auctores inquisivit.

Citati Rebelles pu-  
edicto niti.



edicto absentes, & ubi præfixo die se non stiterant, contumaciæ damnati, omnibusque officiis & bonis privati sunt. Ad Directores maxime iudicium illud pertinebat: qui munere illo abusi, rebellionis incentores, & promotores, in potestatem Cæsaris venerunt, atque habita quaestione, morte scelus luerunt. Tres & quadraginta hac poena Pragæ sunt condemnati, quorum aliquos Cæsaris Clementia supremo supplicio exemit. Ex directoribus novem capite plexi. Idem supplicium Oeniponti subiit Tieffenbachius, Moravicæ rebellionis reus.

Ministelli  
exacti.

Religio resti-  
tuta.  
Caraffæ ope-  
ra.

Insuper Præcones, qui multa indigna in Catholicos ipsumque Cæsarem ad populum dixerant, ac etiam scripserant, Regno pulsi; Catholici vero sacerdotes reducti, vineam illam horrescentem cultu impigro fertilitati reddiderunt, instaurata, Josiæ exemplo, a pientissimo Cæsare per omnes provincias re Divina, & animarum cultura. Nec sanctum illum Religionis avitæ zelum ullæ, magnorum etiam Principum, intercessionibus sufflaminare poterant. Insignem in hanc rem operam præstitit Carolus *Caraffa*, Episcopus Averfanus, summi Pontificis ad Cæsarem Legatus, qui non modo res Ecclesiasticas præclare ordinavit, sed erudite etiam scripsit, edito opere, quod *Germaniam sacram restauratam* inscripsit.

Thabor re-  
cipitur.

Sub finem anni 1621. tota Bohemia ad fidem Cæsaris reducta est: expugnata ad extremum Tabore. Urbem hanc profundo vallo ac triplici muro Zisca circumdedit, indito nomine a monte Tabor; unde & *Taborita* dicti, qui ejus factioni adhærebant. Mansfeldiani locum, spe liberationis, diu defenderant. At Mansfeldio in Palatinatum digressio, præfidiarii, bimestre stipendium pacti, munimentum tradiderunt. Cives pecunia multati, Nobiles iudicio Cæsaris reservati. Taboris deditionem residua castella secuta sunt.

#### ARTICULUS IV.

*Saxo invadit Bohemiam. Expellitur. Wallensteinii cædes. Pax Pragensis. Sueci Bob. Moraviam, Sileham vastant. Pragæ Minorem capiunt. Major strenue defenditur. Pax West. Reflorescit Religio. Elector Bohemæ ad Comitatus receptus.*

Saxo Bohemiam invadit.

**F**rueretur posthac Bohemia per decennium pace, quoad sacra & politica a Cæsare sapientissime ordinata, donec post pugnam Lipsiensem Saxo per *Arnbemium* eandem invasit, capto Leutomeri-

tomericio, Praga, Egra, aliisque minoribus oppidis. Ad Budovi-  
cium hæsit victoria, a Marrodio strenue defensum. Superveni-  
ens, restituto militari Imperio, Wallensteinus, Saxonibus pulsus, Wallensteinii  
Bohemiæ liberavit. At biennio post contigit Egræ Wallensteinii cædes.  
cædes. Post victoriam vero Nordlinganam pacificatio Pragensis Pax Pragen-  
cum Saxone. sis.

Anno 1639. Bannerius, Suedicæ militiæ Imperator, arma Sueci Bohe-  
per Bohemiæ circumtulit, intercepto Leutomericio & Brandi-  
mio. Ejectus inde a Leopoldo Archiduce, Ferdinandi III. Cæsaris  
fratre.

Sed Torstensohnus, Bannerii successor, anno 1642. cum exer-  
citu rediit, percuraque Lusatia, in Silesiam irrupit, atque Glo-  
goviam majorem, in quam Cæsarei magnam frumenti bellicique  
apparatus vim comportaverant, expugnavit. Cæsi præsidarii pro-  
pe omnes, & magna civium pars. Urbs ipsa hostilem in modum  
direpta. Victo dein Lavenburgico, tota propemodum Silesia a Tor-  
stensono est subjugata.

Flexa mox in Moraviam expeditione, illam quoque provin-  
ciam cum Olomucio omnem ferme occupavit, grandi ubique præ-  
da potius. Brinna stitit volantis victoriæ impetum, a Souchio  
strenue defensa.

At anno sequenti, cum Torstensohnus arma in Danum  
avertisset, Silesiam atque Moraviam, Glogovia & Olomoucio ex-  
ceptis, Cæsari recuperandi spatium dedit. Verum cum ille, Da-  
no ad pacem compulsus, in Silesiam rediisset, Jankoviensi victoria  
elatus, Silesiam, Moraviam, Bohemiæ, ipsamque Austriam cum  
victore exercitu percurrit. Iterum Brinna saluti fuit, a Suecis fru-  
stra oppugnata.

Anno 1646. ut tristibus læta inferantur, Ferdinandus, Cæ-  
saris Ferdinandi III. filius, solenni ritu Rex Bohemiæ est coronatus  
Pragæ, præsentis ipso Imperatore, & magno Procerum numero.  
Pridie Imperii Ordines in arce novo Regi juramentum fidelitatis  
præstiterunt. Die ipsa Cæsar cum Rege inaugurandus, omniumque  
Ordinum comitatu ad templum princeps progressus, sacro Missæ  
officio, ab Harrachio Archiepiscopo & Cardinale, assistentibus 16  
Episcopis & Prælatibus, celebrato, interfuit. Sub ipso sacro Rex ad  
pedem summæ aræ in genua procumbens, ab eodem Archiepisco-  
po veteri more inunctus est, & coronatus. Tum vero supremus  
Regni Burgravius ad populum conversus Regem coronatum alta  
voce denunciavit. Sacro peracto Rex in solio collocatus aliquot,  
Pp 3 educto



educto ense leviter tactos, Nobiles creavit. Solennitatem finit convivium, Legatis datum atque Nobilibus, inter applaudentem tormentorum fragorem, ignes artifices, aliaque publicæ lætitiæ signa.


Sueci Prag- Sed brevi versa iterum rerum scena, Praggæ gaudia excepit  
gam mino- tristis aspectus; dum Königsmarckius, cæso ad Augustam Melan-  
rem capiunt dro, Imperatore Cæsareo, in Bohemiam irrumpens, captis aliquot  
urbibus, assumptisque mille ac ducentis peditibus cum turma  
equitum, 26 Julii 1648. sub diluculo repente Pragmam minorem,  
arcemque Regiam, in ea sitam, aggreditur, & priusquam pauci,  
qui aderant, præsidarii concurrerent, in potestatem redigit. Ca-  
pti præcipui e Nobilitate Bohemica: quibusdam, qui resistere con-  
nabantur, interfectis. Urbs militi, præter paucas domos, in præ-  
dam data, opulentam omnino & præpinguem.

Coloredus præsidii præfectus ægre per pontem in urbem ve-  
Major stre- terem se subtraxit, omniaque ad defensionem comparavit; cives  
nue. defensa. & Academici ad arma vocati; suæ quibusque stationes distributæ.  
Tantaque alacritate ab omnibus suscepta propugnatio, ut, licet  
Wittenbergius, Dux Sæcus, ex Silesia prope cum auxiliis ac-  
currerit, & Carolus etiam Gustavus numerosa ex Suecia subsidia  
adduxerit, magno tamen animo & memorabili virtute conatibus  
Usque ad pa- omnibus itum obviam; donec tandem sub initium Novembris de  
cem West. pace inita nuntiatum est: relicto dubio, an ferocia oppugnantium,  
an virtus oppugnantium vicisset.

Quamvis autem Protestantes in pacificatione Osnabru-  
geni vehementer instarent, ut Bohemis Religionis libertas permit-  
teretur, nunquam tamen piissimus Imperator Ferdinandus III. ad-  
duci potuit, ut consentiret. Leopoldi autem Magni industria ager  
hic latissimus ita cultus est, ut, suffocatis zizaniis, in lætissimos  
Religio re- Orthodoxæ Religionis fructus effloresceret, prout hodie cum  
floreſcit. omnium, recte sentientium, solatio est cernere.

Tempore Josephi Imperatoris Bohemiæ Regnum aliquam mu-  
tationem subiit. Nam ab antiquissimis eisdem temporibus Rex  
Electo- Bo- erat Elector Imperii, sed diversa a cæteris Electoribus ratione, ar-  
tisque potestatis finibus. Si quando duas in partes æquales ibant  
suffragia, cui is accedebat, hujus rata erat electio. Sed per Bul-  
lam auream Cap. 4 §. 3 votum absolutum eidem in omnibus ele-  
ctionibus Cæsareis est datum, & quidem loco tertio, post Trevi-  
rensem & Colonienſem, inter Electores sæculares primo.

De cætero a collegio Electorali habebatur exclusus. Ne-Suffragii ab- que ad conscribendas capitulationes aderat, neque in comitiis festi soluti jure fionis & suffragii jus, aut pro Camerali judicio deputandi assesso-gaudet. rem, dabatur. At vero anno 1708. omnia reliquorum Electorum jura, atque in omnibus conventibus, tam Electoralibus, quam Comitibus Statuum Imperii, sententiam dicendi potestas est concessa, æquato per omnia cum reliquis Electoribus jure. Hæc res equidem jam anno 1699. cum de nono Hannoverani Electoratu tractaretur, a Leopoldo Cæsare est agitata, sed eo demum, quem dixi, anno perfecta.



## CAPUT X.

DE

# STATU LOTHARINGIÆ SÆCULO XVII.

### SUMMARIUM.

*Lotharingia vetus. Media. Nova. Caroli III Ducis fata. A Gallis & Suecis invaditur. Plures cum Gallis tractatus init. Ducatum fratri Nicolao Francisco cedit. Interest prælio Nördlingano. Nicolæam repudiat. Sociat se Hispanis. A quibus in custodiam abducitur. Obiit Colonia. Carolus Leopold. reservato jure suo relinquit Ducatum in Gallorum manibus. Fos. Leop. restituitur.*

**D**e Lotharingia in partibus præcedentibus sparsim dicta sunt aliqua; hic autem juvat pauca colligere. Divisa olim fuit in *superiorem*, quæ ad Mosellam sita hodieum Lotharin- Antiqua Lo- giæ nomen obtinet, & *inferiorem*, quæ in Brabantiam, Leodien- char. sem, Mosæ & Scaldis tractum excurrerat. Utraque ex Alberone descendens Mærovingicis Franciæ Regibus parebat, donec Inferioris Lotharingiæ Duces, inter quos Ansegisus, Pipinus Heristallus,



lus, Carolus Martellus, Pipinus Brevis, Majores Domus, tanta Auctoritate increverent, ut deturbatis throno Mærovingicis Regibus, Carolingicam Regum stirpem fundarent.

Lotharius I. Ludovici Pii filius has ad Mosam & Mosellam provincias in partitione obtinuit, & post eum filius Lotharius II. a lite cum Theutberga conjuge, & Waldrada concubina satis notus. Ab ejus nomine *Lotharingia* est appellata. Carolus III. Lotharii Franciæ Regis frater ab Ottone M. Imperatore Inferiorem Lotharingiam in feudum accepit, exclusus propterea a corona Galliæ.

Post extinctam stirpem Carolingicam Lotharingia Inferior ad Bullionios pervenit, quos inter gestorum gloria eminuit Godofredus Bullionius Rex Jerosolymæ. Ad Lovanienses dein comites devoluta est Lotharingia Inferior, qui deinceps Brabantia Ducis sunt appellati.

Lotharingia superior, cum Mærovingici Reges Franciæ Regnum inter se dividerent, ad *Austrasia* regnum pertinebat, sede Regia Metis locata. Sub Carolingicis spectabat ad Regnum *Lotharicum*; magna autem tunc contentione disputabatur, an Lotharingia ad Germaniam, an vero Galliam pertineat, donec Imperatores prævaluerunt, qui pluribus viris nobilibus illum tractum in feudum concesserunt, quibus Ducum *Mosellanorum* nomen adhæsit.

Denique Gerhardus, Landgravius Alsatia anno 1048. superiorem Lotharingiam obtinuit, in cujus familia ad nostra usque tempora permanlit. Sæculo XV. Jolantha, Renati I. Ducis Andegavensis Regis Neapolitani filia, matrimonio juncta Friderico Valdemontio ejusdem familiæ nupsit; per quod matrimonium sublata est de successione contentio; nam Renatus II. ex eo matrimonio natus, Domus Lotharingicæ, Valdemontia, & Andegavensis in Gallia bona conjunxit, cum prætensione in Neapolim, Siciliam, Arragoniam, Jerosolimam.

Media.

Hic Renatus II. victo Helvetorum opera Carolo Audace, potente illo Burgundiæ Duce, duobus filiis suis *Antonio* & *Claudio* ineunte Sæculo XVI. ditiones suas ita distribuit, ut priori eveniret Lotharingia, Valdemontium, Barrum, Mussipontum, alteri ditiones Andegavenses in Gallia, videlicet Guisla in Picardia, Aumalia & Ellebovium in Normannia, Meduana (*Mayenne*) in Insula Franciæ. Unde Antonius deinceps lineam Lotharingicam, Claudius vero plures Gallicas, in Historia notas, propagavit, *Guissiam* videlicet, Meduanam sive *Mayennam*, *Aumaliam*, *Elboviam*, *Harcuviam*, *Lilleboham*, & *Harcuviam Armanach*; ex quibus, extinctis reliquis, sola Elbovia & Armacana supersunt. Porro

Porro Henricus Dux Lotharingæ anno 1624 sine prole mascula mortuus, reliquit duas filias, *Nicolæam* & *Claudiam*. Cum Nova autem haberet fratrem Franciscum, comitem *Valdemontium*, orta est controversia, an ultimi possessoris filia, an vero frater succederet. Dirempta lis est per nuptias inter duas filias Henrici, & duos filios Francisci, Carolum & Franciscum. Quia igitur Nicolæa fuit primogenita Henrici Ducis Lotharingæ, & Carolus primogenitus Comitis Valdemontii, cessavit quæstio, an foemina in Lotharingia succedant.

Si quis unquam Princeps fatis asperis fuit jactatus, is certe fuit *Carolus III.* Dux Lotharingæ. Et quidem anno 1631. Gal-  
*Caroli III.* li, irruptione in Lotharingiam facta, Moyenvieum expugnarunt, fata. quod Dux asylum præbuisset Matri Regis, Duci Aurelianensi, & omnibus, qui Galliam deseruissent, quodque arma sua Cæsari adversus Suecos sociasset. Dux igitur, ad avertenda majora mala, tractatu inito promisit abdicare omne commercium, quod Regi aut Suecis, Galliarum foederatis, posset esse præjudicio, solisque Gal-  
*A Gallis in-* lis liberum per terras suas transitum concedere, atque iis copias *vaditur* suas conjungere, Marsaliæ munimentum in fidei pignus tradere. Rex vero Duci protectionem spondet, & intra triennium restitutionem Marsaliæ.

Cum autem anno 1632 Sueci fines Lotharingæ urerent, & Suecis. Dux armatus adversus illos processit, sed interdictum a Gallis accepit, ne quid moveret. Cum illi Barleducum occupassent, & Nancæjo jam imminerent, Dux novo tractatu promisit, priorem ad amissum observare, & Claremontium cum arce & Stenæ Franciæ cedere, ratione Barrensis Ducatus Regi homagium præstare, nullaque in re rationes suas a Gallia disjungere.

Anno 1633. Dux Parisios in jus vocatus est, quod homagium, ratione Ducatus Barrensis Regi non præstitisset. Sunt, qui scribant, Ducem id non recusasse, nisi, quod simul a Nicolæa conjuge esset petatum, cum tamen foemina in Lotharingia, vi testamenti Renati II. successionis sint incapaces. Parlamentum pronuntiavit, occupandum esse Ducatum. Dux Lunevillam ad Regem profectus, ubi vidit, libertatem suam periclitari, Nancæjum, urbem suam principem, Gallis tradidit, 4 annis depositi instar tenendam.

Anno 1634. Dux Carolus, barbarum pertæsus, Lotharingiam in fratrem suum Nicolaum Franciscum Cardinalem trans-  
*Fratri Ducem* tum cedit. lit, qui, deposita purpura, Claudiam, Nicolææ sororem, sibi de-



spondit, ut gemino jure se tueretur, & suo & Conjugis. At novi Conjuges Nancæi in custodiam a Forcæo perducti, mutato habitu evaserunt, primum in Burgundiam, tum Florentiam, denique Viennam. Carolus vero, relicta in manibus Gallorum Lotharingia, cum copiis in Germaniam abiit, ubi pars non parva fuit

Nördlinganæ  
pars victo-  
ria.

Nördlingensis victoriæ, & aliarum expeditionum socius.

Repudiat Ni-  
colæam.

Anno 1637. prout erat versatili in omnes partes ingenio, repudiata uxore sua *Nicolæa* duxit Beatricem *Cussanciam* viduam, se a patre suo Valdemontio coactum Nicolæam, a venefico baptizatam, sibi despondisse. Nicolæa ad Urbanum VIII. querelam detulit, qui separationem impetravit, donec causa esset discussa; cum autem Dux non pareret, excommunicationis sententia in eum fuit pronuntiata (anno 1642.) Tandem vero Innocentius X. matrimonium posterius irritum declaravit.

Tractatus  
cum Gallis.

Anno 1641. Dux Carolus, instigante Cussantia, Parisios abiit, cum Rege de reditu suo in Lotharingiam tractaturus. Præscriptæque illi hæc leges: Dux homagium præstet: Nancæjum, Clermontium, Stenæa, Jameicum, Dunum, cum omnibus eo pertinentibus in proprietatem & dominium Regis transeant. Marsaliæ munimenta diruantur: reliqua Duci restituantur, qui toties arma sua cum Regiis conjunget, quoties requisitus fuerit: donec causa matrimonii finita fuerit, solvet annuatim Dux Nicolææ 120000 librarum: juramento confirmet hunc tractatum in Capella Regia.

Redux in Lotharingiam ingenti subditorum gratulatione & acclamatione exceptus est; verum, cum videretur, fidem datam non satis liberare, vim rursus inferente Gallia, iterum exulatum ivit, relictis tamen urbium Præfectis, qui, quantum possent, Gallis resisterent; quod maxime factum, dum turbæ domesticæ Galliam miscerent, misso etiam Lignevillio cum copiis, quæ Ducatum tueantur.

Ad Hispa-  
nos.

Post pacem West. cum in ea Lotharingia non esset comprehensa, Dux Hispanis se addixit, & cum prædatorum exercitu Imperii etiam Principibus gravis exstitit, ut adeo vix non bellum decernerent. Tandem vero, cum Hispanis, ne ad Gallos se applicaret, & pro arbitrio copiis uteretur, non sine variis contra eum querelis, Bruxellis detentus, primum Antverpiam, Toletum dein in Hispaniam fuit deportatus, ubi 6 annos velut captivus hæsit, ad pacem videlicet usque Pyrenæam.

Captus.

Franciscus Dux fratris Caroli libertatem ab Hispanis petiit; sed cum eam non obtineret, offensus ad Gallos transit. Secutus est

est post pacem Pyrenæam Carolus, novamque cum Mazzarino transactionem suscepit. Convenit in ea, ut Nancæjæ munimentis nudetur, nunquam amplius reparandis: Rex retineat Moyenvicum, Clermontium, Stenæum, Jamecium: Barrensis Ducatus Carolo reddatur, exceptis 30 locis; salva etiam via, duabus leucis lata, per Lotharingiam. His conditionibus remissus est Dux in suas provincias.

Anno 1662. Carolus aliam cum Rege conventionem confecit, qua, nullo fratris Francisci respectu habito, Franciæ Regem Lotharingæ hæredem renuntiavit, promissa Marsalia in pignus si dei. Rex vero permisit Duci libertatem, de 100000 thalerorum redditibus annuis disponendi, in cujuscunque favorem fuerit luitum; simulque omnes Principes Domus Lotharingicæ coronæ & sanguinis Principes declarat, successionis in regno Galliæ capaces in casum, quo linea Borbonica esset exspiratura. Hinc Carolus ad Condeum Principem jocando dixit, se uno calami ductu fecisse 24 Principes sanguinis, Condeum contra unicum facere potuisse.

Tractatus iste vehementer displicuit Duci Vindocinensi, Domui Curtenacensi, Paribus & Ducibus Franciæ, atque ipsis etiam Principibus Regii sanguinis; quippe omnes isti existimabant, per tantam Domus Lotharingicæ, quæ in multos ramos, per Galliam maxime, erat diffusa, Dignitatis prærogativam obscurari suam, Regem Franciæ non posse facere Principem sanguinis, nisi cum Regina, legitima sua conjuge.

Neminem autem magis hæc tractatio afflixit, ac Carolum Leopoldum, Nicolai Francisci Valdemontii Ducis filium; sive enim foemina succedant, sive non succedant, tanquam proximus agnatus unicus & Caroli, & Nicolæ jure proprio debebat succedere, utpote utriusque nepos, illius ex fratre, hujus ex sorore. Non poterat igitur Carolus III. Dux jure quæsito, & per pacta Familiæ, providentiam Majorum, sanguinem, & perpetuam consuetudinem roborato eum privare; prout etiam ex usu, in omnibus Regnis & principatibus hæreditariis elucet.

Videtur hoc attendisse Parlamentum Parisiense, quod eum tractatum noluit habere ratum, nisi sub conditione, si omnes, quorum interest, sint consensuri, probe gnarum, Carolum Leopoldum nunquam assensurum, ut hæreditate sua avita privaretur. Quod factò ipso mox ostendit, dum, ne cogeretur assentire, ex Gallia clam profugit ad Leopoldum Imperatorem, apud quem summi belli Imperatoris officio functus, ductaque ejus sorore, con-



senuit, nunquam vilo patrimonio suo, Lotharingia; quia pace Neomagensi tales conditiones ei a Gallia sunt propositæ, ut jus potius suum reservandum sibi censeret, quam ut eas ineundas sibi putaret.

Cæterum nec Galli ipsi in eo, quem dixi, donationis contractu magnum ponendum esse momentum existimarunt, nec Carolus Dux aliud, quam joculari visus est; nam eo titulo, quod non omnes, quorum interest, consentiant, in patriam redux, Marsaliam tradere recusavit, atque contractum, a se leviter initum, complere.

Interea autem Carolus III. Dux, quamvis jam prope sexagenarius, de novis nuptiis cogitare cœpit; siquidem Nicolæa prima legitima conjuge anno 1657 mortua, a Cusantia concubina, quam antea deperierat, abhorruit tantopere, ut nec ad conspectum eam amplius admitteret. Suaserunt illi quidam Galli, ut quandam Pajotam duceret, humili quidem loco natam, sed dotibus præstantem; nec abnuvit Dux, sed Rex se opposuit, timore forsan, ne liberos ex ea gigneret, & sic tractatus initus in majores adhuc difficultates devolveretur.

Rex enim ejus implementum urgebat, & cum Dux tergiversaretur, Marsaliæ Gallicum præsidium recipere, Rex Forcæum cum exercitu in Lotharingiam misit. Dux serio rem agi cernens, anno 1663. novum rursus contractum iniit, quo promissit, Marsaliam intra triduum Regi tradere. Quod etiam factum.

Bello dein Belgico fervente Dux copias suas Regi tradere coactus, ab Electore Palatino impetratus est. Carolus autem novis delectibus habitis, Principem Lillebonum misit, qui victoriam retulit, sed Elector fructum, Gallo se miscente.

Loth. ad  
Gallos.

Anno denique 1670. Galli totam Lotharingiam occuparunt, perscriptis ad comitia Imperii Ratisbonam his rationibus: inconstantia Ducis, mala fide, prævaricatione, tractatum pactorumque frequenti infractione, molitionibus contra Franciam, coactum Regem mittere cum copiis Crequium, qui ad tria capita eundem pro publica quiete obtinenda adstringeret, 1. ut militiam dimittat. 2. Pro centum violationibus pactorum satisfaciât. 3. Idoneam cautionem pro futuro præstet.

Accusabatur præterea, quod sociare se voluerit Triplici Fœderi: mercatores Gallos, per ejus terras transeuntes, vectigalibus opprefferit, aut eorum merces *arresto* subjecerit: copias auxerit: in diversis Germaniæ locis plures legiones habeat: propterea Regem

Regem ipsi diffidere, ac provincias ipsius in tutelam recipere. Proxima causa videtur, quod Rex, præparans bellum adversus Batavos, ad Mosellam poneret aggerem iis, qui Hollandis auxilium essent allaturi.

Crequius voluit ipsum etiam Ducem comprehendere; verum ille quatuor duntaxat personis stipatus evasit in Germaniam, nusquam sui satis securus, Lotharingiam vero reliquit in Gallorum manibus. Bello Hollandico anno 1672 exorto, Cæsaris partes secutus, in Burgundia & ad Rhenum militavit.

Tandem vero, postquam varias urbes exul oberravit, mor- Caroli III.  
uus est Colonia Agrippinæ, ubi publica pietatis vere Christianæ obitus.  
exempla toti urbi complura dederat, frequens in Ecclesiis sine comitatu; cum sacra Eucharistia ad ægros deportaretur, plebi se immiscere solitus, & Corollam Marianam recitare, vanitatem mundi, ut nemo alius, expertus.

Obiit autem anno 1675, æt. 71. Ex Nicolæa, legitima conjugæ, nullam prolem suscepit, ex Cussantia vero Principe reliqui Carolum Henricum, Comitem Valdemontium, qui declaratus illegitimus, anno 1698 a Rege Hispaniæ designatus est Gubernator Mediolani; filius vero ejus Thomas, Cæsarem secutus, jam anno 1704. in pugna ad Ostiliam in Italia occubuit, pater vero primum anno 1723.

Quidam Genealogistæ notant, Carolum III. Ducem post mortem Nicolæ, & Cussantiæ duxisse Aspremontiam, nullos tamen ex ea liberos suscepisse.

Habuit autem, quod supra memini, Carolus fratrem Nicolaum Franciscum, qui primum Episcopus Tullensis, dein Cardinalis, denique Nicolæ sororem juniorem Claudiam sibi despondit, atque ex ea genuit Carolum Leopoldum, inter præcipuos bellicos Heroes numerandum, cujus illustria contra Turcas & Galliam gesta alias recensuimus.

Huic igitur (mortuo patre Nicolao jam anno 1670) post obitum Caroli III. debebatur Lotharingia, sed tota vita sua nunquam Carolus Leo-  
in possessionem venit. In pace Neomagensi anno 1679. restitueba- pold.  
tur, sed iis conditionibus, quas, jure suo sibi reservato, non acceptandas putavit. Relicta quippe eidem optio, an juxta modulum pacis Pyrenææ vellet restitui, relictis videlicet Galliæ Barrensi & Claremontano Ducatu, urbibusque munitis, Stenæ, Marsalia, Moyenvico, an vero Franciæ cedere velit Nancæj cum suis confinibus, cum quatuor viis, Leuca dimidia latis, quarum una du-



ceret Nancæjum, altera Nancæjo in Alsatiam, tertia Nancæjo in Comitatum Burgundiæ, quarta Nancæjo Metas, ita, ut omne spatium, viis istis comprehensum, ad Regem spectaret, prout etiam Longvicum.

Utramque, quod dictum, respuit conditionem Dux Carolus Leopoldus, quarum prima absorberet dimidiam partem Lotharingiæ: altera præcipuam partem & communicationem Ducis cum suis terris, cum viæ illæ essent totidem aggeres, aut vincula, quibus esset ligatus.

Obit Carol.  
Leopold.

Obiit Dux Carolus Leopoldus anno 1690, Welfii in Austria, dum Oeniponto Viennam tenderet, ætatem, si annos spectes, non altam (47 agebat); si gesta, profundissimam implevit. Viennensis, Barcana, Strigonienſis, Mohazensis excellentes victoriæ, Buda expugnata, Transylvania & Hungaria Cæsari assertæ, perpetua sunt trophæa Lotharingicæ gloriæ.

Leopold.  
Joseph.

Ex Eleonora conjuge, Leopoldi Cæsaris sorore, Regis Poloniæ vidua reliquit quinque præstantes Principes, quibus omnibus Josephi nomen impositum. Et quidem *Leopoldus Josephus*, natu maximus, successit in jura patris, restitutaque est ei Lotharingia per pacem Risvicensem in eo statu, quo Carolus III. ejus propatruus ante annum 1670 eam possederat. Josephus Ignatius Electoratum Trevirensis est consecutus. Reliqui tres Cæsari militabant.

Leopoldus Josephus anno post restitutam Lotharingiam matrimonio sibi junxit Elisabetham Ducis Aurelianiensis filiam, ex qua 13 proles genuit. Reliquæ præmatura ætate sunt defunctæ. *Franciscum Stephanum* Augustissimum Imperatorem nostrum veneramus: Elisabetha Carolo Emmanueli, moderno Regi Sardinie fuit nupta. Carolus est Gubernator Belgii, & supremus Ordinis Teutonici Magister. Anna Carolina cœlibem vitam elegit.





## CAPUT XI.

DE

STATU POLONIÆ  
SÆCULO XVII.

## ARTICULUS I.

## SUMMARIUM.

*Suecos ad Rigam vincunt Poloni. Smolenscum expugnant: brevi  
tamen ad Russos rediit, & Cozimum ad Turcas. Obit Sigism.  
III. succedit Ladisl. filius. Livonia ad Suecos. Casimiri Re-  
gis fata. Cosacci deficiunt. Pax sæpius illis data: sæpius fracta.  
Sueci discerpunt Poloniam, & Ragozius. Hujus fata.*

**S**igismundum III. Poloniæ Regem, Joannis Sueciæ Regis filium, 68.  
a Carolo Sudermanniæ Duce, patruo suo, throno Suecico de-  
jectum anno 1600, indeque bellum diuturnum enatum esse,  
in Suecicis memoravimus.

Anno 1605 Poloni Sudermanniæ Principem, qui Carolum Polonorum  
IX se dixit, a *Riga*, quam obsederat, depulere, cæsis ad novem <sup>victoria de</sup>  
Suecorum millibus; tantaque fuit fugientium confusio, ut deleri <sup>Suecis.</sup>  
ad internecionem potuissent, si Poloni alacrius acriusque suam ef-  
sent persecuti victoriam. Polonorum pauci, si cum Suecis com-  
parentur, fuerunt desiderati.

Involuta dein Polonia etiam cum Russis bello, Demetrios,  
qui Joannis Basilidis filios se dicebant, throno Russico imponere  
conata est. Felix Sigismundo fluxit annus 1611, quo *Smolenskum*, <sup>Smolenskus</sup>  
munitissimam in Lithuania ad Boristhenem urbem, post biennem <sup>ad Polonos.</sup>  
oppugnationem expugnavit. Ultra centum Moscorum millia eo  
biennio periisse dicuntur. Mirum videri posset, quod Sigismun-  
dus hoc tempore Moscoviam sit adortus, & non potius, concilia-  
tis sibi Russis, toto pondere in Sudermannum usurpatorem Sue-  
cosque incubuerit, ut Regnum avitum repeteret. At feliciores  
fuere Sueci, quod ipsi Russos nacti sint socios; quamvis Danus Po-  
lonis accesserit adversus Suecos.

Anno



**Ruffus ad  
Ruffos.** Anno 1612, dum Sigismundus ceremoniis *Investitura* Borufficæ, Brandeburgo impertiendæ otiofe immoratur, Poloni victi ex Mofcovia pulsi funt; & quod dolendum maxime, Smolenscum, quod tanto sanguine sumptuque Polonis confiterat, milite & re armamentaria parum provifum, in Rufforum manus fuit relapfum.

Anno 1620 Poloni a Moldaviæ Principe, a Turcis de- pofito, implorati, 8000 miferunt, quæ tamen a Turcis & Tartaris partim concifa, partim in fugam funt compulfæ.

**Turcæ cafi.** Anno fequente Osmanus cum innumerabili exercitu Polonos & Cofaccos, castris munitis circumvallatos, eft aggreffus, fed tanta fuorum ftrage repulfus eft, ut pacem refpiceret, hac lege conceffam, ut Tartarorum & Cofaccorum procurfiones & rapi- næ fevere cohibeantur. Vaivada Moldaviæ fit Chriftianus, fed a Chozim ad **Turcas.** Sultano nominandus. *Chozimum* a Polonis eidem reftituatur.

Dum autem Polonorum arma in Turcas erant abtracta, Gu- ftavus Rex Sueciæ, fractis induciis, Livoniam invafit, Riga aliis- que locis expugnatis. Tum vero novas cum Sigismundo inducias pepigit.

**Obit Sigism.** Anno 1636 obit Sigismundus III, Poloniæ Rex, & jure pa- terno etiam Sueciæ; fed a patruo corona fpoliatus. Unde bellum, quod diu, fed fatis frigide gefsit. Facla cum Suecis pace, occa- fionem Guftavo dedit, in Germaniam irruendi. Vixit annos 66, rexit Poloniam 44, Sueciam 7. Duas fucceffive fiores habuit con- juges Annam & Conftantiam, Caroli Archiducis filias, Ferdinandi II. Imperatoris fiores. Ex prima genuit Uladiflaum IV, qui pa- tri in Regno Poloniæ fucceffit: ex fecunda joannem Cafimirum, cui poft fratris mortem fceptrum obtigit.

**Uladiflaus IV.** Uladiflaus igitur, qui jam antea adverfus Ruffos & Turcas præclara fortitudinis fpecimina ediderat, Regnum adeptus, remis- fiffus illud, ac fpem præbuerat, adminiftravit; nam deferto, cum maxime opus haberet, auxilio, Ferdinando Cæfare, avunculo fuo, inducias, cum Suecis a patre initas, Sturasdorffii in 26 annos prorogavit, ea quidem lege, ut Sueci Boruffiam Poloniæ reftitue- rent, Livoniam autem retinerent ad tempus induciarum.

**Livonia ad  
Suecos.** Anno 1648 mortuus eft Ladiflaus IV, æt. 53, Regni 16. Duas conjuges habuit, primam Renatam, Ferdinandi II. Cæfaris filiam, fecundam Mariam Nivernenfis & Mantuani Ducis natam. Ex neu- tra reliquit liberos: unde fucceffit per electionem *Joannes Cafimi- rus* frater, qui duxit Mariam Nivernenfem, fratris Uladiflai reli- ctam viduam, difpenfante in impedimento affinitatis Pontifice.

**Cafimiri fi-  
ra.**

Cafi-

Casimirus, optimæ quidem indolis Princeps, sed instantis, cum junior adhuc esset, a Rege Hispaniæ Prorex Lusitanæ fuerat electus, sed in itinere a Gallis captus est. Ad fratris Uladislai instantiam liber dimissus, societati Jesu animum adjecit, Novitiatum Romæ ingressus. Inde vero extractus Cardinalium Collegio a Pontifice est aggregatus, & post mortem fratris a Polonis Rex electus.

Summum ei negotium fecerunt Cosacci, genx ferox & scutum hætenus Poloniæ adversus Tartaros Turcasque; nam, cum acerbius a Polonis, quorum erant subditi, se haberi crederent, *Kmielnicio* in centore defecerunt, vocatis in auxilium Tartaris, solitis ad hæc usque tempora suis hostibus. Ad Korsum Polonos, quos Potokius ducebat, profligant, rursusque ad Constantinovum. Ecce initium belli diurni, Polonis funesti, & Casimiro Regi calamitosi.

Cosacci deficiunt.

Anno 1649. bis cruento prælio victa a paucis Polonis innumerabili Cosaccorum & Tartarorum multitudine pax confecta est. Casimirus solvet Chamo pensionem, quam Uladislaus negaverat: veniam dabit Cosaccis, privilegia confirmabit, augebit eorum millia ad 40000 capitum: permittet in Regno exercitium Religionis Græcanicæ: Palatinus Kioviæ semper sit ejusdem ritus: Chamus defendet fines Poloniæ: Kmielnicius de genu rogabit a Rege rebellionis veniam. Hæc pax vix annum tulit; barbaris rursus contra Polonos coeuntibus.

Cæsi sæpius.

Anno 1651. Casimirus Rex cum centum millium exercitu in campum Martium progressus contra trecenta Cosaccorum & Tartarorum millia, pugna, ad Bereteskolum commissa, eos vicit, & 6000 in acie cæsis, in fugam egit. Sed hydræ Erimanthæ instar succrescebant: licet paulo post iterum ad decem barbarorum millia sint cæsa, iterumque tria millia in Lithuania, in quam irruerant.

Pax sæpius data.

Concessa petentibus rursus pax: rursusque Kmielnicius veniam rogavit; sed eo animo, quo antea, nempe, ut, instauratis copiis, in aciem iterum prodire posset, isto etiam cum Moscis fœdere, qui una cum Cosaccis & Tartaris sequenti anno in Lithuaniam irruerunt, omnemque propemodum Poloniam barbarum in morem devastarunt.

Sæpius rupta.

Anno 1654. Mosci post trimestrem obsidionem Smolenscum expugnarunt. Anno vero sequenti, cum omnia in Polonia miscerentur, etiam Carolus Gustavus, Rex Sueciæ, ruptis absque causa



induciis, bello repentino eandem obruit, & jam alias laceram dilaniare non erubuit. (anno 1655.)

Sueci in Polonia.

Jamque potissimam Poloniæ partem victoriis emensus, Borussia quoque, Lutheranis scatentem, in potestatem redegit. At vero inclita natione Polonica se respiciente, & peregrinæ dominationis pertæsa, Casimirus Rex e Silesia, quo confugerat, in Regnum suum rediit, accepto nuntio, a subditis in favorem suum arma fuisse correpta.

At vero Suecus, ubi vidit, Polonos in se armatos, Electorem Brandenburgicum socium alcivit, concessa ei & confirmata Borussia Ducali, adjectis ex alieno tribus Poloniæ Palatinatibus. Portuum autem Balthicorum proventus voluerunt esse utrique communes.

Calamitas Poloniæ.

Sed Zarnescus, Polonorum Ductor, Suecos ad Jaroslaviam adortus, aciei campo & impedimentis exiit. Verum Posnaniam inter & Gnesnam Polonis clades est reddita. Illi nihilofecius Varsoviam receperunt. At mox casu rursus amiserunt. Sueci vero Brandenburgicis juncti, Massoviam devastarunt, obliquis oculis eos progressus aspicientibus Danis, Moscis, & ipsis adeo Hollandis, qui classem Balthico immiserunt, pro libertate navigationum defendenda.

Ragozi cæsus.

Anno 1657 Ragozius quoque Transylvaniæ Princeps, Suecorum socius, cum 3000 in afflictam Poloniam irruit, injuriam se passum caussatus, quod Casimirus in electione sibi esset prælatus. At vero, cum Polonia undique discerperetur, Moscus & Danus bellum Suecis denuntiarunt; Cæsar quoque copias auxiliares Polonis misit. Quare Suecus, relicta Polonia, in Danum, hostem sibi proxime imminentem movit, atque Ragozium Cæsareis atque Polonis cædendum permisit. Et sane cæsus est egregie, atque, Moldavis & Valachis, Sultani jussu, eum deferentibus, ad pacem petendam adactus.

Pax ei data.

Data est hæc illi, ea lege, ut fœderi Suecico renuntiet, a Casimiro Rege offensam deprecetur: quadringenta thalerorum millia Casimiro & Regi Hungariæ solvat, & insuper 15000 Tartarorum Chamo, qui & ipse, quod mirum, ex hoste amicus factus, Poloniæ fatiscienti subsidio venerat: Ecclesiasticis Transylvaniæ bona erepta restituat: Poloniæ, quoties requisitus fuerit, succurrat. Atque sic Princeps iste, ambitione turgens, coronam somniatam, & denique, ut alias dictum, & Principatum Transylvaniæ & vitam amisit, irato Sultano, vel iram simulante, quod se non consulto arma in Poloniam vertisset.

ARTI-

## ARTICULUS II.

## SUMMARIUM.

*Polonia respirat. Pax Olivenfis, victis Suecis fecunda. Casimirus abdicat Regnum. Eligitur Coribut: post hunc Sobieski, qui rem restituit. Viennam liberat. Irruptio in Turciam minus felix: obitus & elogium Sobieski. Eligitur Augustus.*

**I**nter hæc autem Sueco in Daniam averso, requiescere aliquantum 69.  
Poloniæ licuit; ut adeo etiam in Daniam, cum reliquis fœdera- Rerum con-  
tis, Cæsare, Brandenburg, & Batavis, copias auxiliares pos- versio.  
set mittere, quibus ita contritus est Carolus Gustavus, ingens il-  
lud belli fulmen, ut pacem petere, quin & mortem, rerum con-  
versarum tædio, oppetere coactus fuerit.

Ad pacem dein serio respiciente Suecia, Gallia intervenien-  
te, eam obtinuit. Electus illi conficiendæ locus in Borussia Polo-  
nica, Monasterium videlicet Olivæ, haud procul Gedano remotum;  
unde & *Pax Olivenfis* dicitur.

Conventum in hos articulos, devictæ Sueciæ nimium pro-  
pitios.

1. Sit amnestia perpetua inter Polonos, Danos, Brandenburgum, Pax Oliven-  
Batavos ex una, & Sueciam ex altera parte. fis.
2. In civitatibus Borussia Regalis omnia sacra & profana in statu  
antiquo conserventur.
3. Casimirus Rex Poloniæ renuntiat omni juri, quod habet in Sue-  
ciam & Finnam.
4. Livoniam & Estoniam Poloni cedunt Suecis. Religio tamen Polonis no-  
x.  
maneant libera.
5. Sueci restituant Polonis loca, quæ in Borussia Regali præfidiis  
adhuc suis occupata tenent.
6. Curlandia Polonis maneat.
7. Spondent pro hac pace Principes contrahentes, & Gallus Me-  
diaror.
8. Si injuria inferatur, satisfiat; alias licebit armis prosequi.
9. Gallus præcipue est fidejussor, & obligat se ad defendendam  
hanc pacem. (anno 1660.)

Mosco non admodum placuit hæc pacificatio, quod Suecis  
addicta esset Livonia, cujus partem ipse jam occupasset; unde Po-  
lonos rursus est aggressus: sed a Zernicio & Sapieha, Polonis Du-  
cibus,



cibus, gravi clade affectus recessit: alteram cladem anno 1661. accepit a Lubomirskio Principe, qui dein cum pluribus Magnatibus seditionem movit adversus Casimirum Regem, cum Moscis autem 30 annorum induciæ sunt contractæ, relictis illis interim Smolensko & Chiovia magno Poloniæ detrimento. Confecta etiam pax cum Tartaris.

Anno 1667. obiit Varsoviæ Ludovica Gonzaga seu Nivernensis, duorum fratrum, Uladislai & Casimiri successive uxor: quæ nativum suum affectum in Galliam nunquam deposuit.

Casimirus  
abdicat Re-  
gnum.

Anno 1668. Casimirus Poloniæ Rex, rerum adversarum tædio, Magnatibus ab eo averfis, corona in comitiis Varsoviensibus deposita, in Galliam abiit, ubi a Rege, ut sustentari possit, plures Abbantias accepit, felicior futurus, si primæ vocationi insitisset, & extra rerum humanarum, sursum deorsum euntium, turbines, solum cælorum Regnum, nullis curis, nullique mutationi obnoxium, quæsisset.

Factus sti-  
pendiarius.

Coribut.

Anno sequenti Poloniæ Rex electus est *Michaël Coribut*, Wisnoviskius, præteritis magnis competitoribus, Philippo Wilhelmo Duce Neoburgico, qui Annam Casimiri sororem habuerat conjugem: & Carolo Leopoldo Lotharingo, magno bellatore.

Novo Poloniæ Regi nullatenus quieto esse licuit; nam Tartari rebellibus Cosaccis sociati Poloniam rursus invaserunt. Missus in eos Joannes Sobieskius, qui pluribus inclarescens victoriis coronæ præludebat.

Camene-  
cum  
ad Turcas.

Verum anno sequenti Turcæ quoque insurgentes, *Camene-cum*, Principem Podoliæ urbem, & unicum prope adversus barbarorum incurfus in iis partibus munimentum, Polonis extorserunt: qui cessa Sultano *Podolia*, certaqué annua pensione promissa, pacem emerunt. Verum probrosus hic tractatus executioni non fuit mandatus: mox enim bellum cum Turca, Tartaro, & Cosacco recrudit.

Obit Casi-  
mirus & cum eo  
familia Ja-  
gellonica

Anno 1672. Niverni in Gallia turbis humanis exemptus est Joannes *Casimirus*, Rex olim Poloniæ, affabilis, ad omnium promptus obsequia, id velle solitus, quod alii, & præsertim uxor, eum volebant velle: extincta cum illo est Jagellonica Familia, per tria secula Poloniæ dominata.

Coribut.

Anno sequente Casimirum secutus est *Coributus* Rex Poloniæ, æt. 33, Regni 4. Ejus vidua Eleonora, Leopoldi Imperatoris soror, nupta postea est Carolo Leopoldo, Duci Lotharingiæ, præmium hoc decernente Cæsare Heroi invicto: qui non procul absuit

abfuit a corona Polonica, Imperatore & Lithuanis faventibus, at obfiftente Gallia.

Poloni vero inclinabant ad Joannem Wilhelmum, Ducis Neoburgici filium, crediturque, eligendum fuiſſe, ſi Eleonoram, Regis Coributi viduam, Polonis pergratam, naſtus eſſet conjugem. At illa ad Lotharingum reſpexit. Inter reliquos Candidatos eminebant, frater Regis Daniæ, Princeps Electoralis Brandenburgicus, filius Zari, Abaſſius Princeps Tranſylvaniæ, omnes pro corona Religionem Catholicam parati aſſumere. Mirum ſane, tot procos hanc coronam appetere tot ſpinis cinctam. Sed tamen corona eſt.

Tandem vero, cum in omnium recenti memoria eſſent *Joannis Sobieſki* grandia geſta & in Rempublicam merita, maximeque *Sobieſki Rex* relata nuper ad Cozimum inſignis a Turcis victoria, ipſaque urbs Cozimum permunita ad Poloniam reducta, perorante pro eo Palatino Ruſſiæ, ſentientibus ſuffragiis Rex electus eſt. (anno 1674.)

Nec poenituit Polonos; quia novus Rex multas urbes & op- *Gesta.*  
pida Turcis extorſit, negato etiam tributo, quod Anteceſſores Sultano annuatim perſolverant. Coſaccos quoque ita attrivit, ut Ucraniam prope totam ad Poloniam reduceret.

Verum Turcæ & Tartari, majori numero venientes, Sbarraſum obſederunt. Præſidio huic urbi erant impoſita 5000 Ruſticorum, qui, cum Præſectus nollet eandem dedere, de mœnibus eum præcipitarunt. Baſſa, urbe dedita, immane hoc facinus eis exprobravit, & occiſis ſenioribus, reliquos in ſervitutem abſtraxit.

Pax Regi erat neceſſaria; cum quinque duntaxat, dilapſis *Generoſitas.*  
reliquis, ei ſupereſſent armatorum millia; ſed cum Turcæ Podoliam & annuum tributum peterent, Ucraniam Dorozensko, qui jam ante caput ſuſtulerat, tradi, tanquam feudum Portæ Ottonianicæ poſſidendam, omnes denique belli ſumptus ſibi refundi, experrecti Poloni indignatique, collectis viribus in hoſtem ducti *Pax honeſta*  
ſunt, atque Turcæ & Tartarus gemina clade affecti, ferocia poſita, *cum Turcis.*  
haud paulo mitiores conditiones pacis, Zurani ad Borifthenem conſectæ, admiferunt. Abolitum probroſum pactum tributi annui. Retenta Podolia, & Ucraina cis Borifthenem; relictæ Turcis pars altera, quam Dorofencus detinuerat. Promiſit inſuper gens Muſulmanna protectionem Religionis Catholicæ in terris ſuis, reſtitutionem Ordini S. Franciſci, cui Schiſmatici ſacrum ſepulchrum in Palæſtina eripuerant, aſſiſtere Polonis contra omnes eorum hoſtes. Detrectavit Sultanus hæc pacta confirmare, niſi poſt-



quam Vizirius ei persuasit, nihil prosperum agi posse contra Polonos, donec Sobieskium fortuna secunda deferat.

Viennam li  
berat.

Sed laudem omnem Regis Joannis superat liberata a Turcarum jugo *Vienna*; quippe cum Sultanus Hungariam esset aggressus, cum Imperatore Leopoldo foedus pepigit, Bethunia conjuge, ut scribitur, quamvis Francica, persuadente, quod speraret, Jacobo filio archiducem nupturam. Quum dein Cara Mustapha Viennam arcta obsidione cingeret, quindecim aut (prout alii scribunt) viginti Polonorum millia selecti militis adduxit, atque junctus Lotharingo Turcam, praelio caesum, Vienna depulit. Varii scriptores hic nescio quantum, beneficium, Caesari impensum, memorant: & fuit; sed quid Polonia fuisset futurum, si Turca Austriam, aut etiam Hungariam tantum suam in potestatem redegisset, non satis considerant. Licet ergo Polonus magnum Austriacae Domui beneficium contulerit, una tamen securitati Regni sui consuluisse, nemo prudens est, qui ambigat. Poloniam bello Turcico non adjutam a Caesare opponunt; sed qui poterat, bello gravissimo in Occidente districtus? Cur silent de missis auxiliis, cum Polonia a Suecis opprimeretur? Caeterum Papam Innocentium XI non parum contulisse, ut Polonus in hujus societatem belli veniret, apud omnes est omnino certum; nam pecuniam etiam non parca manu submitit, ut conscriberentur auxiliares copiae.

Avrigny.

Initiit etiam Rex Joannes anno 1686. foedus cum Zaro, non satis ex usu & honore Poloniae; nam pro duobus thalerorum millionibus cessit ei Ducatum Kioviensem, Zernicoviensem, Severiensem, cum Smolensko, sed tanquam depositum pro eo solummodo tempore, quo bellum contra Turcas esset gesturus, quos si aggrediretur ad Boristhenem atque in Tartaria Crimæa, mutuo sibi essent auxilia; Zarus invitaret etiam Franciam, Angliam, Daniæ. Hollandiam, ut junctis viribus adversus Infideles procederent.

Meditabatur nempe Rex in Moldaviam & Valachiam irruere, easque provincias Domui suae hereditarias reddere; quam in rem cum Caesare pactum arcanum contraxerat. Displicuerunt Republicae hæc pacta, prout etiam, quod in comitiis filium suum natu maximum proximo sibi loco collocaret. quæ res carebat exemplo, & cum libertate sua pugnare Magnatibus visa est, quasi Sobieskii eis vellet ostendere, quem post se Regem essent habituri. Quare Jacobo filio, ut animi pacarentur, Grodno recedendum omnino fuit.

Ut

Ut autem Rex consiliis suis effectum daret, anno 1686. Irruptio in mense Julio, quo solent Poloni ad bella procedere, expeditionem Turciam in Moldaviam suscepit, Jassoque, principe civitate occupata, a provincialibus fidei juramentum recepit. Cumque hostem nullum inveniret, statuit, per Bessarabiam ad mare usque nigrum penetrare. Verum cum procederet, alimenta omnia a Tartaris combusta vidit; quare iter reflectere coactus, nec leve damnum a Tartaris passus, in Poloniam pervenit, expeditione plus splendoris quam utilitatis nanciscante. Ad tamen commodi attulit Casari, ut, Tartaro in Polonos averso, suas in Hungaria facilius posset prosequi victorias.

Nec annorum sequentium expeditio venit feracior, deficientibus, milite, re armamentaria, machinarum magistris; unde Camenecum frustra obsessum.

Anno tamen 1694. propitium Polonis sidus affulsit, dum ad Boristhenem 50000 Tartarorum Turcarumque exercitum fuderunt, 4000 in loco pugnae occumbentibus, & 5000 curribus interceptis.

Sed annus 1696. grave vulnus inflixit Poloniae, dum Joannem III Regem, meritis in Regnum, & totam Christianitatem plenum sustulit, ætatis 72, Regni 22, Principem vivacis spiritus, bonarum artium sapientumque amantem, facundum, belli gnarum, fortemque, qui gloriosis, a Turca Tartaroque relatis vitam signavit victoriis. Vivet nomen Sobieskii, quamdiu Vienna stabit.

Obit Sobieski Rex.

Ex Bethunia, quam in Francia duxit, genuit Parisiis Jacobum Ludovicum, quem, ut successorem haberet, omni studio curaque frustra contendit, gratitudine beneficiis non respondente. Jacobus porro, cum Imperatricis filiam non obtineret, sororem duxit ejusdem Hedvigem, Philippi Wilhelmi, Ducis Neoburgici Electoris Palatini filiam, ex qua suscepit *Clementinam*, Jacobo III. Angliæ Regi, quem *Prætendentem* appellant, collocatam. Jacobus porro, spe regni dejectus, excessit patria, & Olavii in Silesia sedem fixit.


Reliquit etiam Rex Joannes, præter duos filios, Alexandrum & Constantinum, Theresiam Cunigundam, Maximiliano Emmanueli Electori Bavariae nuptam anno 1695.

Anno 1697. Cardinalis Radsevicus Archiep. Gnesnensis, Primas Poloniae, ad electionem novi Regis faciendam convocavit Nobiles. Ultra duo millia convenisse dicuntur in campo ad Varsoviæ, oblatamque coronam Electori Bavariae, qui eam recusasset,



Augustus  
Rex.

set, ne Belgio subtraheretur. Duo autem erant magni competitorum, Augustus Elector Saxoniae, jam ante biennium ad sacra Catholica transgressus, & Franciscus Ludovicus Borbonius, Princeps Contius. Uterque se stitit, uterque Rex fuit proclamatus, favente Primatu Contio; sed prevaluit Augustus, ea tamen adjecta conditione, ut abdicet Ministros Lutheranos, munera publica Polonis conferat, Camenecum & Podoliam ad coronam reducat, libertates Regni *Electivi* conservet, pecuniam distributam ne repetat, damna per militem suum illata farciat. Testimonium exhibeat, se coram Principe Saxo-Citico, Episcopo Javarino, professionem fidei Catholicae edidisse, eamque deinceps omni studio conservet, atque etiam conjugem suam ad eandem perducere allaboret.



## CAPUT XII.

DE

# STATU SUECIAE SÆCULO XVII.

### SUMMARIUM.

*Sigismundus ob Religionem Regno Sueciae privatus. Bellum diuturnum. Gustavi Adolphi initia, progressus, finis. Christina filia succedit. Regnum abdicat, convertitur. Ejus elogium. Carolus X. Bipontinus in Polonos, Danos. Cæsus ubique pinguem tamen pacem Olivæ invenit. Ejus effigies. Carolus XI. Galliae adhæret. Omnia in Germania amittit bello: omnia recuperat pace. Ejus liberi.*

70.  
Sigismundus  
Regno pri-  
vatus.

**J**oanni Sueciae Regi, in Religionis negotio nutanti, anno 1592. mortuo, successit filius *Sigismundus*, a Catharina, Sigismundi I. Poloniae Regis filia, in Religione Catholica pie educatus. Sed

Sed quia is etiam Rex Poloniæ fuit electus, Carolus, Sudermanniæ Princeps, rebellione adversus nepotem mota, Sueciæ Regnum eidem rapuit; accedente eidem populo, cui Sigismundus, Princeps optimus, propter solam Religionem fuit exosus. Enatum inde bellum grave ac diuturnum patrum inter & nepotem, qui tandem Regno & hæreditate paterna per insignem injuriam omnino excidit.

Anno 1601. Radzivilius Princeps egregiam a Suecis victoriam retulit, cæsis duobus eorum millibus. Dux Sudermanniæ, <sup>Bellum.</sup> ut se vindicaret, incendiis & rapinis in terras Polonorum est grassatus. Zamolcius autem expugnavit Volmerum, capto Carolo, Sudermanni notho, urbis Præfecto.

Anno 1604 Ordines Sueciæ Nortköpingæ coronam detulerunt Carolo Duci Sudermanniæ contra jus manifestum Sigismundi nepotis, Regis legitimi, qui cum suis liberis in odium Religionis perpetuo fuit exclusus, statutumque, ut fœminæ potius Lutherana, deficientibus masculis, succedant, quæ tamen nubant aut Sueco aut Germano ejusdem Religionis, cum assensu Statuum. Mirum profecto, quod avita Religio de throno deturbet, novella vero viam ad eundem sternat.

Anno 1605. Sueci magna cum strage ab obsidione Rigæ a Polonis depulsi sunt. Anno vero 1611. etiam Dania bellum indixit Sueciæ, illudque contra Carolum IX. tam feliciter egit, ut ad desperationem eum prope adigeret. Certe brevi post tædio, quod creditur, obiit 30. Oct. anno ætatis 61. dejecti nepotis & administrati Regni 11.

Magnus fuit in filio *Gustapbo Adolpbo*, quem in Regno & bello Polonico successorem habuit. Is, ut Polonos acrius posset opprimere, anno 1613. cum Danis pacem iniit. Hi restituant Colmarum & insulam Oelandiam. Suecus promittit abstinere titulis, qui in præjudicium Daniæ Regis cedunt.

Anno 1617. Gustavus cum Russis quoque pacem pepigit. <sup>Gustavi A.</sup> Cesserunt eidem cum Kexholmia urbe provinciam Ingridiæ: <sup>dolphini initia,</sup> pro-  
stante contra hanc cessionem Sigismundo Rege Poloniæ, quod Moscici res alienas donarent.

Anno 1621. Gustavus, fracta cum Polonis pace, Livoniam invasit, rapuitque, Sigismundo gravi cum Turcis bello involuto. Initæ tamen rursus induciæ.



Verum anno 1626. inito cum Dano & Saxoniae Inferioris circulo foedere, Borussia Polonicam, trajecto exercitu est aggressus, direpta Elbinga, Marienburgo, aliisque locis.

Visus jam tunc est agitare consilia adversus Ferdinandum Imperatorem, & crescentem in dies potentiam Domus Austriacae; hinc obtulisse Sigismundo pacem dicitur, & consensisse, ut Regis Sueciae titulum praeferat, illudque Regnum ad filios Sigismundi transeat, si nullum ipse masculinum heredem relinqueret: at renuisse Sigismundum, ea spe fretum, se a Ferdinando Imperatore post devictos hostes adjutum iri, ut Regnum Sueciae, patrimonium suum, consequatur.

Verum pariori adversus Suecos fortuna usi sunt Poloni, anno 1627. ad Casamartham caesi a Gustavo. Prælium vero ad Gedanum, eo non leviter vulnerato, nox diremit. Tertia pariter pugna fuit anceps, parte utraque canente victoriam.

**Census.** Verum anno 1629. Gustavus Adolphus experiri debuit, neque heroes esse securos ab adversae icu fortunae; nam prælio ad Maneverdam a Polonis, quibus Ferdinandus Imperator suppetias adjunxerat, profligatus, Marienburgum profugit in Borussia. Dissensio inter Polonos & Germanos spatium victo dedit, ut ibidem exercitum suum contritum repararet.

*Bivotus* Baro, qui Regem Daniae in summum vitae discrimen adduxerat, prope etiam erat, ut Gustavum, quem non cognoverat, scopi explosione interimeret, fallente icu equum, cui insederat, prostravit. Quidam scriptores referunt, Bivoti glandem non aberrasse, sed incidisse in pileum Gustavi, qui tamen singulari virtute fuerit munitus, ut globus in caput non penetraret.

**Inducias cum** Non mediocrem fuisse Suecorum cladem, ex eo quoque **Polonis init.** elucet, quod Gustavus, Conciliatoribus Francia & Anglia, ingentes Imperatoris progressus obliquis oculis aspicientibus, in sex annorum inducias cum Polonis consenserit, fatales omnino Caesari, totique Germaniae.

**Ejus postu-** Nam anno 1630. scripta ad Electores Imperii epistola con-  
**lata.** questus adversus Imperatorem, quod Polonis hostibus suis misisset auxilia, postulavit, ut Caesareae copiae ex Inferiori & Superiori Saxonia decedant, munimenta ad Balticum constructa diruantur: Megapolitani Duces restituantur: Stralsunda liberetur &c.

**In Germani-** Verum, cum Caesar, tot tantisque victoriis munitus, Sue-  
**am irrui.** cos non admodum timendos putaret, negligi visa est ejus postulatio. Quapropter Gustavus suum militem, & genio soli nativi & diu-

& diurno bello Polonico probe duratum subactumque, pulsis Cæsareis in Rügiam Insulam exponit, indeque in Pomeraniam, isto cum Bogislao fœdere, irrumpit.

Percussum pariter fœdus cum Gallia, ad restituendos Im-<sup>Fœdus Gal-</sup>perii Principes. Illa offert pecuniam, Suecia milites. Religioni<sup>licum</sup> cavetur, & Ligæ Catholicæ, si quiescat. Pactum ad 6 annos porrigitur.

Anno 1631 Protestantes Germaniæ accedunt *Lipsiæ* Regi Sueciæ. Francofurtum ad Viadrum Cæsareis eripit. Cüstrino & Lipsiacum. & Spandavio imponit præsidium cum Electoris consensu. Rex vero Galliæ secretum init fœdus cum Maxim. Electore Baviariæ ad mutuam possessionum defensionem, in 8 annos. Sequitur excidium Magdeburgi, Sueco non afferente promissa auxilia. Suecus<sup>Progressus.</sup> Lipsiensem reportat victoriam. Oxenstirnius suadet Regi, ut recta Viennam tendat. At ille declinat in Franconiam, ubi pingua sunt sacerdotia. Herbiopolim expugnat, Saxo Pragam, & reliquam Bohemiam. Hailbronna Suecis ultro aperit portas. Moguntia vi capitur.

Anno 1632. Tillius ad Lycum vulneratus obit. Suecus Augustam intrat. Ingolstadtum frustra oppugnat. Bavariam vastat, Monachium ingreditur. Ad Norimbergam, dum castra Bavari & Wallensteinii aggreditur, plura millia perdit. Prælio Luzensi occiditur, anno ætatis 37, Regni 21. Prædicatur ceu heros incomparabilis & Alexander sui sæculi. Verum adversus Polonos non adeo magnos progressus fecit, & Germaniæ ruinæ ab uno ferme prælio Lipsiensi dependebant. Quod autem magnorum fuerit spirituum Princeps, & immensæ ambitionis, nemo est, qui eat inficias. Ex Electoris Brandenburgici filia genuit *Christinam*, quæ, *Christina* licet 6 duntaxat esset annorum, proclamata est Regina Sueciæ, succedit. Ex pellice autem Gustavo Adolpho natus est filius, qui *Gustavus Gustavi* dicebatur, propter Episcopatum Osnabrugensem, quem usurpavit, in Historia notus.

Anno 1633. Sueci, sollicitante Oxenstirnio, Regni Cancel-<sup>Renovatur</sup>lario, cum Gallia & Protestantibus Hailbrunnæ renovarunt fœdus. Gallia promisit in annos singulos millionem librarum, Catholicæ tamen Religioni in locis occupatis cautum voluit, licentiam quoque stipulata, Electori Baviariæ & reliquis Ligæ Catholicæ sociis, partes neutras amplectendi. Solus Saxo, *Joannes Georgius*, licet Saxo dissen-<sup>fœdus.</sup>efflictim Lutheranus, quietæ tamen indolis, & Germani pectoris tit. Princeps, qui Suecos, & Domum Vinariensem oderat, subscribere noluit,



noluit, excipiens, hæc pacta videri cum constitutionibus Imperii pugnare.

Sueci autem, mortuo licet Rege, hoc fœdere confirmati, direpta per Hornium Alfatia, atque Heidelbergæ Cæsareis abstracta, per omnem prope Germaniam truculentam vim & grassationem porrexerunt. Wallensteinus tamen non ignobilem de Suecis victoriam reportavit ad *Steinaviæ*, omnemque prope Silesiam ad Imperatorem reduxit. Constantiæ quoque urbis virtus enituit, dum *Hornium* Suecum, pertinaciter eam obsidentem, constantia sua fregit. Hornius iram suam effudit in Sueviam, & Bavariam, quam tamen cum Vinariensi deserere coactus est post amissam Ratisbonam.

Mutatio re-  
rum post pu-  
gnam Nörd-  
lingensem.

Anno 1634. Suecis ad *Nördlingam* cæsis, alia rebus facies induta est. Et vix non debellatum credebatur, nisi Gallia succurrisset Suecis, novo cum illis tractatu inito, quo simul, cum hæctenus in Lotharingia atque ad Rhenum copias detinuissent, bellum Cæsari intulerunt, præsertim post captos Treviros & Electorem. (anno 1635.) Induciæ Suecorum cum Polonis, cum horum auxilio summo opere indigeret Germania, in 26 annos sunt prorogatæ.

Saxo concil-  
liatus.

Anno 1636. Suecia novum cum Gallia fœdus iniit Wismaricæ, conventumque, ut hæc ad Rhenum, illa in Bohemia & Silesia bellum gereret, eum in finem, ut Principes spoliati restituantur in integrum. Gallia quot annis Suecis numerabit millionem librarum Gallicarum. Fœdus tres annos vigeat. Saxo post pacem Pragensensem in Suecos irruens, Magdeburgum illis eripuit; sed ad *Wistochium* a Baniero cladem accepit. Anno 1638. Suecia unionem cum Gallia iterum renovavit Hamburgi, de bello omnibus viribus prosequendo, ita, ut Galli in superiore Germania, Sueci vero in Saxonia & Marchia Brandenburgica illud circumferant.

Alia Suecorum gesta retulimus in relatione de Statu Germaniæ, prout etiam bellum, anno 1644. Daniæ illatum. Ragozium quoque Sueci adversus Domum Austriacam ad rebellionem concitarunt.

71.  
Cartesius.

1650. Obiit Holmiæ Renatus Cartesius, vocatus eo ex Gallia a Christina Regina, cui Philosophiam explicuit, sed ab ea, quæ in scholis hæctenus erat usitata, plurimum diversam, per quam multo magis inclaruit, quam per militiam, quam antea secutus fuerat. Quippe vix nata erant ejus turbinum vorticumque systemata, cum tota Peripatus, quæ ad id usque tempus in scholis regna-

regnauerat, bellum eidem denunciavit. At ille numerosam brevi  
sectatorum catervam in aciem eduxit, qui tamen pruritum novi-  
tatis secuti, Samsonicarum instar vulpium, diversas rursus sectas  
fundarunt, in eo convenientes, ut antiquitati canos evellant.

Baillet aliquæ integra volumina laudibus Cartesii impleve-  
runt, ampla adjecta panegyri de ejus Divino ingenio, meditatio-  
nibus, diu noctuque continuatis, industria humanam transcenden-  
te, Systemate adorando de motibus rapidissimis in summa quiete, <sup>Ejus Syste-</sup>  
corporis extensione essentiali, animæ essentia cogitante, globulo- <sup>mata.</sup>  
rum raptu, turbine, & stupenda syntaxe, de primis mentis ideis,  
prorsus infallibilibus, de impossibilitate vacui, licet nihil sit medi-  
um, anima in sola glandula pineali hospitante, principio admira-  
bili, de omnibus rebus & veritatibus, quantumvis evidentibus, du-  
bitandum, nihil credendum, sed sensuum experientia explorandum,  
& ingenii acie penetrandum. Quæ sane omnia adeo rapiunt intel-  
lectum, bene dispositum, ut illi etiam indignentur, tam Divino  
viro thus non adoleri, qui nihil unquam in ejus libris legerunt.

Obiit hoc naturæ & gratiæ miraculum in Sueciæ, anno æta-  
tis 54, magno, etiam mulierum, ejus Philosophiam adorantium,  
luctu: atque, ut reliquias saltem ejus venerari præsentibus possent,  
ossa in patriam fuerunt deportanda.

Anno 1650. Ordines Sueciæ consenserunt, ut Joannes Casi-  
mirus Comes Palatino Cleburgensis, ex linea Bipontina, qui soro-  
rem Gustavi Adolphi habebat conjugem, Christinæ in Regno suc-  
cederet, si contingeret, illam absque prole mascula decedere. Sed,  
Casimiro paulo post mortuo, filius ejus, Carolus Gustavus, hujus  
fructum consensus retulit.

Nam anno 1654 Christina, raro in orbe exemplo, Regnum <sup>Christina</sup>  
abdica vit, illudque in Carolum Gustavum Bipontinum, patruelem abdicat Re-  
sum, transtulit, reservata sibi pensione annua. Tanti operis ma- <sup>gnum.</sup>  
chinam movebat Religio, quam a Patribus societatis Jesu, sub ha-  
bitu sæculari latitantibus, fuerat edocta, non parum etiam ad id,  
ut pie credi potest, Pimentelio, legato Hispano, & Burdoloro,  
Medico Gallico, cum quibus frequentius conversabatur, contri-  
buente.

*Carolus Gustavus*, acerrimæ indolis Princeps, quietis per- <sup>Carolus X.</sup>  
tæsus, cum Poloniam a Tartaris, Cosaccis, Moscis vastari cerne- <sup>in Polonos.</sup>  
ret, ut in partem spoliolum veniret, fractis induciis, irrupit in  
Poloniam (anno 1655.) ut Casimirum non modo paterno Sueciæ  
Regno, sed & Polonico, depelleret, fretus & suo ingenio & vete-  
rano



rano bellisque affueto milite, & Procerum quorundam averſo a Caſimiro animo, ſibiſque addiſto.

Et ſane amplam ambitioni ſuæ meſſem invenit: occupata quippe Cracovia; magnam Poloniae & Maſſoviae partem, aut ultro deditam, aut vi expugnatam accepit; inde in Boruſſiam effuſus, omnia, ſi Gedanum exceperis, ſub jugum miſit.

At evigilavit tandem Polonia, ſequē reſpiciens, vicinorum Principum auxilia imploravit. Caſar 16000 armatos miſit, Moſcus Rigam in Livonia obſedit, Tartari Ragozii, Suecorum ſocii, *In Danos.* copias attriverunt, Danus autem prius omnino Suecis bellum denuntiavit, quos propterea e Polonia adverſum ſe excivit, magnasque ab iis clades eſt paſſus, ut ad pacem *Rotſchildenſem*, quamvis, ob ceſſionem plurium locorum, ſibi pernicioſam, fuerit compulſus.

Verum non ſtetit ea Suecus; ſed, Regem Daniae penitus Haſſniam ex-oppreſſurus, *Haſſniam*, ſedem Regiam, oppugnavit. Periclitanti Daniae & ad extremam prope ruinam redactae, ſuccurrerunt Caſar, Brandenburgicus, Poloni, Moſci, Hollandique, qui, immiſſa in Balthicum claſſe, magnam Suecis cladem attulere, eoque, *Caeſus ubique.* poſt Nyburgenſem praefertim pugnam, atque direptam a Brandeburgo Pommeraniam Suecorum res ſunt redactae, ut magnus ille totius paulo ante Septentrionis Domitor, qui duos jam Reges potentes prope ſub jugum miſerat, pacem rogare ab iis fuerit coactus.

Interceſſit pro Sueco Gallus, veteris amicitiae nexu adhucdum conjunctus, quadraginta armatorum millia comminatus, niſi honeſta pace ſinis bello imponeretur, reſerturque Lionnaeus ad Bernclovium Sueciae oratorem dixiſſe, *ſe eidem ſex paces* dare: cum Caſare videlicet, Dano, Brandeburgo, Polono, Batavo, Moſco; cum quibus omnibus Sueco erat dimicandum.

*Obitus & effigies.*

Rebus Sueciae, paulo ante tam florentibus, jam vero acciſis & in ſummum diſcrimen adductis, Carolus Guſtavus, volubilem fortunae rotam expertus, anno 1660 ineunte, animi moerore & taedio obiit, æt. 38, Regni 6, indole Martia, natus bello Princeps, poſitis ſub Dorſtenſonio militiae rudimentis, ad palmas & lauros adoleverat, magno populorum, quos oppreſſit, malo. Sueciae Regnum, Chriſtinae ceſſione adeptus, bellum decrevit ante, quam hoſtem designavit, Danum, an Moſcum, an Polonum invaderet, deliberans. Poloniam delegit, lento cum Caſareis & Moſcis bello jam attritam, Procerumque factionibus & Regis infirmitate fatiſcentem. Quo rerum ſtatu veterano bellisque durato mili-  
ti

ti facile erat, vel unius anni expeditione Regnum amplissimum percurrere potius quam expugnare, cum, Rege in Silesiam profugo, vix esset, qui resisteret.

Carolo Gustavo successit filius, Carolus XI. ex Hedvige Gottorpenſi natus, quinque tunc annorum puer. Suecia autem, tot hostibus impar, votis omnibus pacem respexit, quam, Conciliatore Gallo, opimam obtinuit, bello victa, *Olivenſi* pace victrix. Pax Olivenſis. Nam Caſimirus, abdicato jure paterno in Sueciam, Livoniam & Estoniam eidem cessit (*vid. Polon.*)

Cum dein Gallia Hollandiam invaſiſſet, Suecus primum conciliatoris munus aſſumpſit; cum autem pax non poſſet coaleſcere, in Gallia gratiam Eleſtoris Brandenburgici ditiones invaſit; quare cedit Gallia. Batavi, Hiſpani, & Dani ei bellum denuntiarunt.

Anno 1676. commiſſa in Balthico pugna navalis, qua a Danis & Batavis victi ſunt Sueci. Complures Sueciæ urbes victoria præmium fuere. Sueci nempe non amplius erant Sueci: ſive, quod deficeret veteranus duratusque miles, ſive quod Duces deeſſent, ſive quod otio in torporem deferbuerint. Hinc ne deſperatio eos deſiceret, Francia Dania bellum indixit, prout etiam Brandenburgico, qui Pomeraniam Suecicam aggreſſus, Anclamum, Lokenicum, ac poſtea Stetinum, Stralfundam, Rügiam, Gripswaldam, totamque Pomeraniam Suecicam, incredibili celeritate expugnavit. Danus in Scaniam effuſus non modicos armorum progreſſus fecit. Luneburgici aliiſque ſocii Ducatum Bremensem & Principatum Verdenſem abſtraxerunt, ut adeo Suecis in Germania nec palmus ſuper-eſſet. Sed profuit Galliaæ fœderatæ favor; nam pacificatione Neomagenſi aliſque omnia Sueciæ debebant reſtitui, Bremenſis tamen & Verdenſis ditio cum certa limitatione.

Anno 1689. Romæ pientiffime obiit Chriſtina, Regina olim Sueciæ, magni Guſtavi Adolphi filia, nata anno 1626, Regina 1632, abdicat coronam 1654, eodemque anno proſtitetur fidem Catholicam. Obitus Chriſti-næ & eligium. Bruxellis.

Vix invenias in Hiſtoria ſceminam Principem (Elifabetham Angliæ Reginam ſi excipias) tot laudibus ſuper aſtra exaltatam, totque vituperiis ad inferos depreſſam. Doluit nempe Proteſtantibus tam illuſtre converſionis exemplum; hinc atro carbone eandem depingunt ceu levem, inconstantem, libertinam, vagam, ſceminas omnes, quaſi ſexus puderet, exoſam, cum ſolis viris converſantem, virili habitu indutam, ut varia regionum luſtratione oculos & curioſitatem paſceret, Regnum abdicantem, ac vagantem.

Alii



Alii vero meliori jure prædicant ejus virtutes, integritatem, pudicitiam, cœlibatum, ingenium, sapientiam, in Religione Catholica, propter quam Regnum, patriamque deseruit, immotam ad mortem usque constantiam. Certe fuit doctissima, & supra conditionem sexus, omnibus artium scientiarumque disciplinis multo ornatissima. Varias præter Græcam & Latinam linguas callebat, tamque apte & concinne loquebatur, ac si nativæ essent. Lectio illi perpetua & cum sapientibus conversatio. Litteraturæ humanioris elegantia, oratorum eloquentia, Poetarum nitor, Philosophorum, antiquiorum & recentiorum systemata, Historicorum multifaria eruditio, Chymix miracula, diu noctuque habebant occupatam; nec tamen Religionis officiis defuit, ut adeo alteram Reginam Saba, aut decimam, vel omnino primam Musam quidam eandem deprædicent. Si quis hæc animi excelsi ornamenta curiositatem, levitatem, aut omnino nugas appeller, nescio sane, cujus spiritus esse debeat, certe rudis, hebetis, humilis, & abjecti, qui indignus sit, ut artium liberalium scientiarumque innocentiam dulcedinem perferenscat.

Interea autem Sueci, vibicibus adhuc lividi, quieverunt ad mortem usque Caroli XI, quæ contigit anno 1697, æt. 42, Regni 37, postquam Regnum in summas calamitates præcipitaverat, non eruendum, nisi advolasset Genius ex machina.

Ex Ulrica, Friderici III. Daniæ Regis filia, reliquit tres liberos, memoria dignos. 1. Hedvigem Sophiam, Friderico V. Ducis Holsato-Gottorpiensi nuptam, ex quo suscepit Carolum Fridericum, Annæ Petrowinæ conjugatum, patrem Caroli Petri Ulrici, Moscovix Imperatoris; qui nuperrime throno dejectus, subito ex hoc mundo disparuit.

2. Carolum XII, 15 tunc annorum Principem, qui desideriis & fama totum mundum implevit, fortuna utraque notissimum.

3. Ulricam Eleonoram, Reginam postea Sueciæ, desponsam Friderico Hassiæ Principi, cui Regnum cessit.

Carolus, quem dixi, spirituum exæstuantium Princeps, patri successit in throno Sueciæ, quem pene amisit, dum alios suo deturbare voluit.





CAPUT XIII.  
DE  
STATU DANIAE  
SÆCULO XVII.

SUMMARIUM.

*Dania vetus. Dania nova, ad Oldenburgicam Domum. Christianus IV tria bella gessit, duo cum Sueco, unum cum Ferd. II. Casare, pace Lubecensi finitum: Frid. III. duo cum Suecis, pace Rotshildensi & Olivensi terminata. Regnum facit hæreditarium. Christianus V varia fortuna cum Suecis configit. Pace Risvicensi coactus, omnia Suecis restituere.*

**D**ania, olim Cimbria appellata, a Dano, primo suo Rege nomen accepit, circa annum mundi 3000, dicunturque 26 Reges ante Christi nativitatem ibidem imperasse, Suibda-  
gerum tria Borealia Regna conjunxisse, a Fronthone etiam Angli-  
am & Hiberniam adjectas.

Seculo IX post Christum natum Haraldus & Ericus Danici Principes Moguntiae sunt baptizati, & S. Anscharius Religionem Christianam in Septentrionem propagavit.

Cum Henricus auceps sec. X. Schlesvicensem Marchionatum ad fines Imperii defendendos erigeret, Gormo III bellum eidem intulit. Haraldus VIII Otto M. persuasit, ut Christianam Religionem susciperet, atque subditos quoque ad eandem adduceret.

Canutus M. Angliam & Norvegiam subegit, & singulis ex tribus filiis Regnum reliquit (Sec. XI.)

Ericus III Archiepiscopatum Lundensem ineunte Sec. XII fundavit; nam ad id usque tempus Episcopi Daniae Bremensi Archiepiscopo fuerant subiecti. Waldemar I Vandalis Insulam Rugiam aliaque eripuit.

Waldemar II a Comite Suerinensi captus est ob violatam conjugem. Ericus VI a fratre suo Abele interfectus. Dania, a comitibus Hollandiae & Anteaicis civitatibus vastata (Sec. XIII.)



Cum Waldemar III prolem masculam non haberet, successit filia Margaretha, facta etiam Regina Sueciæ & Norvegiæ; lataque est lex, ut omnes tres coronæ in uno capite perpetuo manerent unitæ (*Sec. XIV.*)

Ericus X Pomeranus a Margaretha Regina agnata hæres declaratus, tria Regna obtinuit, sed omnia tria rursus amisit, in Pomeraniam fugatus. Christophorus Bavarus ab omnibus tribus Regnis assumptus in Regem propter matrem, Olai Regis filiam. At hoc anno 1448 sine liberis mortuo, extinctum est stemma Dani, a Dano perpetua serie propagatum, sic tamen, ut deficientibus masculis etiam fœminæ, & fœminarum filii ad coronam vocarentur.

Throno itaque vacante translatum est sceptrum ad Domum Ad Oldenburgicam, in qua hodiedum floret. Et primo quidem electus est a Danis Christianus I, Comes Oldenburgicus, a Norvegia quoque & Suecia in Regem postmodum assumptus, qui Holsatiæ Comitatum, materna hereditate acceptum, in Ducatum mutavit, & Hassniæ Academiam fundavit. Successit in trino Regno filius Joannes. (*Sec. XV.*)

Hujus filius Christianus II, seu Christiernus, pessimæ vitæ Princeps concubiniarius, patrata Holmiæ sanguinaria Nobilium, Procerum, & Sacerdotum laniena, primus ad Lutherum defecit, atque accersitis ex Saxonia Præconibus, populum pervertere satagebat. Throno dejectus 27 annos in carcere contabuit, ultimus, qui omnia tria Regna conjuncta possederat; nam Suecia non amplius uniri poterat. (*Sec. XVI.*)

73.  
Bellum cum  
Sueco pri-  
mum.

Christianus IV Daniæ Rex Sudermanniæ Duci, quem Sueci post dejectum Sigismundum Carolum IX dixere, bellum anno 1611 denuntiavit, quod is Norvegiæ dimidium sibi arrogaret, subditis suis toto Balthico piscandi copiam faceret, atque varios sibi titulos attribueret, qui in præjudicium Daniæ cedant, uti Regis Laponiæ &c. Spem felicitis eventus haud dubie Christiano fecerunt bellum Polonicum & domesticæ Suecorum discordiæ, & bene se dabant initia; siquidem Danus Colmatum expugnavit, pluresque Sueco clades intulit. Irritatus animoque æger Carolus Christianum ad duellum provocavit; at respondit is, desperationis hoc argumentum esse: indigere Suecum, quo cerebrum purget, helaboro. Carolus brevi post tædio obiit.

Anno 1612. Hollandi cum civitatibus Hanseaticis fœdus percusserunt, in id maxime intentum, ut Danus adigatur telonium Sundi-

Sundicum abolere, & navibus ex Oceano in Balthicum liberum sine veſtigali curſum permittere. Verum hoc erat Dano pupillam oculi tangere. Abolendum tamen tantisper fuit.

Anno 1613 Rex Chriſtianus IV cum Guſtavo Adolpho pacem fancit. Ille reſtituit ablata: hic abſtinebit titulis, Daniae inviſis. Miſcuit ſe deinceps Danus turbis Germanicis & Bohemicis, Alterum cum Friderici V partes ſecutus; intra ſiparium tamen adhuc latuit, Caſare. donec anno 1626 theatrum belli aperuit; quippe foedere cum Hollandis, Suecis, & circulo Saxoniae Inferioris percuſſo, a quibus eſt electus caput & Imperator belli, Ferdinando II Caſari inferendi.

Scriptiſt etiam ad Moguntinum, Bavarum, alioſque Catholicos Electores litteras publicas, quibus ſignificavit, ſe arma corripuiſſe, neceſſitate compulſum, ut libertatem Germaniae defendat, a Domo Auſtriaca oppreſſam. Sed nescio, an minus fortunae, an artis bellicae attulerit. Nihil ex composito procedebat. Caſus eſt ad Luteram a Tillio, & in Holſatiam repulſus: iterumque a Wallenſteinio ad Wolgaſtum.

Tandem anno 1629 pacem *Lubecenſem* iniit. Renuntiavit Rex foederi Proteſtantino, & amiſſa recepit.

Quiete deinceps fruebatur Dania, bello Suecico in Germaniam detonante ad annum uſque 1644. & quia inviſam habebat crescentem vicinae gentis potentiam, plura egit, unde Sueci cauſam belli eidem inferendi allegabant. Terra marique infelix fuit Dania, donec, pluribus locis in hoſtium manu relictis, obtinuit pacem.

Anno 1648 deceſſit Chriſtianus IV Daniae & Norvegiae Rex, æt. 72, Regni 60. Bellum cum Imperatore Ferdinando primum, ſubinde cum Suecis geſſit, ab utriſque caſus. Ex Electoris Brandenburgici filia ſuſcepit Fridericum III, qui in Regno ei ſucceſſit.

Anno 1657, cum Suecus, jam alias per pacem Weſt. pluribus in Germania provinciis dilatatus, ambitioni ſuae & creſcendi cupiditati terminum non poneret, ſed Poloniam quoque devorare viribus omnibus contenderet, vicini Principes, potentiam vaſtam, in omnem partem exporrectam, veriti, alia ſibi conſilia ineunda putarunt.

Quare Daniae Rex, ruinæ vicinior, ut Regno ſuo provideat, Sueco bellum indixit, conſiſus Caſareis, Ruſſicis, & Hol- landicis ſubſidiis. Et primo quidem mari tentata belli alea pugna- tum acriter, pari ferme utrinque damno. Congreſſi ruruſ Sueci,



a Danis victi sunt. Sed mox cladem Dani receperunt; tantaque deinceps Sueci fortuna usi sunt, ut per concreta glacie maria, ausu stupendo penetrantes, ad ipsam propemodum Haffniam pertingerent.

Quare Dano, ni perire vellet, nihil erat reliquum, nisi ut *Rotschildensem* pacem iniret, quantumvis sibi perniciosam: per eam etenim Sueco permisit Scaniam, Bleckingiam, Hallandiam, Bornhelmiam, vectigal Oresundicum, Nidrosiam, Bahusiam.

Quintum.  
Haffnia ob-  
fessa.

Verum hac pace mox fracta, Carolus Gustavus in Zeelandiam penetravit, & *Haffniam* oppugnavit. Accurrerunt igitur ad liberandam sedem Regiam copiae Casareae sub Montecuculo & Sufa, Polonicae sub Zernicio, cum classe Hollandica, quam Obdamus ducebat, atque in Balthico cum Suecica feliciter conflictit. Cæso dein a foederatis Suecorum exercitu, Carolus Gustavus non modo obsidionem Haffniae compulsus est solvere, sed etiam pacem rogare: quæ *Olivæ*, Borussiae Regalis Monasterio, anno 1660 conclusa est. Restituta Dano, quæ a Suecis fuerant ablata, de cætero ad pacem Rotschildensem fuit remissa.

Pax Olivæ.

Annus 1660 felix videri poterat gemina pace, quæ arctos plagas pace Olivenfi, & meridianas occiduasque Pyrenæa pacavit. Sed Daniæ propterea etiam exoptatus venit, quod Ordines, Haffniae collecti, Regnum ex electivo fecerint *hæreditarium*, cum suprema & independente potestate Friderico III. Regi delata, quamvis jam ante sanguini potius, quam electioni, fuerit debitum, jam inde a Dano primo Rege derivata profundissima origine, perpetuaque successione continuata in regnatrice Domo, & si masculi defuissent, a colo etiam deducto stamine, donec jam ante 300 annos ad Oldenburgicam Germaniæ Familiam sceptrum translatum, atque in hanc usque diem continua serie fuit protensum.

Regnum sit  
hæreditari-  
um.

Actum sane ex usu Daniæ, ut ex hac Domo non eligantur, sed nascantur Reges, quæ Oldenburgum, Delmenhorstum, magnam Holsatiæ partem, Slesvicensem Ducatum adjecit Daniæ. Fridericus autem Rex eo etiam gentis studia sibi adstrinxit, quod Haffnia adversus Suecos præstanti virtute defensa, magnis Regnum suum foederibus communierit.

Bellum Sex-  
tum.

Fatis tandem concessit Fridericus III anno 1670, æt. 61, Regni 22, successorem, jam hæreditarium, nactus est Christianum V, filium, ex Sophia Lüneburgensi susceptum. Bello is Hollandico magno foederi accessit, & anno 1676 juncta classe sua cum Hollandica, prælio navali Suecos profligavit. Ulus victoriæ fructibus,

bus, Coronam, Elsenburgum, Christianopolim expugnavit, Suecis leviter resistentibus.

Verum anno 1676 Lundense prælium Suecis restituit, quid in Scania Danis accefferat. At anno sequenti pugna maritima Dani Suecos vicerunt haud procul Rostochio, navibus horum aliis captis, aliis laceratis. Sed paulo post Suecus vices reddidit: & multo magis anno 1678, quo Königsmarchius in Insula Rügen 7000 Danorum clade internecina delevit. At Dani, viribus instauratis, in Scaniam trajecti, Helsenburgum denuo expugnarunt: Bahusium autem incassum oppugnarunt, amissis ad hoc munimentum aliquot millibus. Mox Dani juncti Brandenburgicis in Insulam Rügen exscenderunt, propulso inde Königsmarchio. Sed pace Risvicensi tam Danus quam Brandenburgus omnia, quæ Suecis eripuerant, restituere coacti sunt.

Anno 1699 obiit Christianus V æt. 54, Regni 29, successit filius Fridericus IV.

## CAPUT XIV.

DE

# BORUSSIA

SÆCULO XVII.

### SUMMARIUM.

*Investitura Borussia a Polono collata. Lutherus cum Calvino commutatus. Dominium directum Borussia cum utili consolidatum. Elbinga ad Borussum jure hypothecario. Fridericus Wilhelmus magnus actor sui sæculi Suecos in Balticum propellit: sed omnia cogitur restituere. Succedit Frid. III.*

**A**nno 1611 Sigismundus Rex Poloniæ Electori Brandenburgico  
*Investituram Borussia contulit. Anno 1619 obiit Joannes* 74.  
 Sigismundus Elector Brandenburgicus, Dux Borussia, qui  
 primus



Lutherus primus Lutherum cum Calvino permutavit, hujusque sectam, cum Calvino quantum poterat, introduxit, reclamantibus Lutheranis. Successus sit *Georgius Wilhelmus* filius, qui anno 1622 cum Hollandis foedus iniit. Alet pro illis militum 3000, ut in plenam Juliacenſis Ducatus possessionem mittatur.

1640 obiit *Georgius Wilhelmus*, eique successit *Fridericus Wilhelmus*, qui percussio cum Suecis foedere, Poloniam, sub Casimiro Rege jam alias misere afflictam, invasit, licet ratione Ducalis Borussia illius esset vasallus.

Borussia a  
Polonis man-  
umissa.

Verum, cum magnum adversus Suecos foedus coalesceret, plus spei in hoc collocans, socius accessit, stabilitum cum Polonia pacto, quo hæc ei *Elbingam* tradit cum aliis quibusdam locis, ita tamen, ut Poloniae integrum sit, eam ducentis thalerorum millibus redimere: simulque Rex & Respublica, abdicato directo in Borussiam Ducalem dominio, supremam & independentem potestatem de ea disponendi eidem concessit. Suecos dein Borussia in Pommerania, quam divisam ægerrime tulerat, Cæsaris auxilio armis aggressus, totam propemodum occupavit, Stettino tamen frustra oppugnato. Secuta anno 1660 *Olivenſi pace* restitui quidem Sueco debuit sua Pomeraniæ portio, soluta tamen Borussia Poloniæ clientela, & directo dominio a Casimiro abdicato.

Cum anno 1672 Rex Franciæ Lud. XIV Batavis bellum illaturus, per Clivienses terras transiret, pluresque urbes interceptisset, *Fridericus Wilhelmus*, Elector Brandenburgicus, ut Hollandis succurreret, Cliviamque reciperet, cum Imperatore & Batavis foedere inito, ad Rhenum movit, atque agrum Monasteriensem & Coloniaensem devastavit; sed imminente Turenio trans Visurgin se recepit, relicto Gallis etiam Marchiæ comitatu.

Verum, ut provincias suas reciperet, anno 1673 cum Gallis pactum iniit, quo promisit, neutrius se partis fore, donec Imperium maneret illasum. Sed cum Franci procul abessent, arma resumpsit, magnumque pro potentia sua pondus addidit magno adversus Gallos foederi, grandi Batavorum, jam ferme consumptorum, commodo.

Electoris ge-  
sta in Pom-  
merania.

Verum anno 1675 Suecus, a Gallis persuasus, in provincias Electoris irrupit, sed tam lento gradu, ut Electori sufficiens spatium concederetur, copias suas traducendi. Mox autem, postquam traduxit, in Pomeraniam Suecicam illapsus, Anclanum aliasque in ea urbes eis eripuit. Impegit tamen ad Stettinum, quo vota ejus potissimum ferebantur; nam postquam 5000 ollas igniaras

rias eidem injecit, & ultra 2000 hominum amisit, obsidionem solvit.

Felicio Electori fuit annus 1677, quo Stettinum post quinque mensium obsidionem Suecis eripuit, fame ad deditionem compellente. Sueci cor suum e corpore evulsum, & Elector novam sibi animam inspiratam putabant.

Sed longe felicissimus Electori venit annus 1678, quo magna sane fortitudine Stralsundam, scopulum illum Wallensteinii, ad quem ejus olim virtus & fortuna impegit, brevi temporis spatio expugnavit, cedente in gloriae partem Gripsvalda, ultimo, quem Sueci in Pomerania habuerant, loco.

Mira profecto rerum humanarum vicissitudo! Marchio Brandenburgicus, mediocris haud ita pridem potentiae Princeps, quam Suecia vix attentione dignam judicaret, per ipsam potissimum Sueciam in pace Westph. tot accessionibus auctus est, ut de universa jam, domitrice illa Germaniae, Sueciae Majestate triumpharet, nec pugillo terrae relicto in Germania, quo pedem figeret. Sic eunt humana: revolvuntur terrarum Imperia, & quod haud ita pridem tot Europae erat formidandum, paulo post vel ab uno obscuri antea nominis Principe vincitur. Exempla & causas asserre invidiosum fuerit. Satis oberrant oculis.

Sed ecce novas rerum vices! Fridericus Wilhelmus, Elector Brandenburgicus, tam gloriosus Suecorum victor, redhibere mox debuit omnia, quae tanta fortitudine tantoque impendio occupaverat; quippe artibus Galliae dissoluto magno foedere, anno 1679 pax Neomagi confecta est, qua jubebatur Suecus restitui.

Noluit subscribere Elector. Sed desertus a sociis, Crequio jam Cliviam ingressus, suo milite ab eo caeso, quum videret, totas Galliae & Sueciae vires in se unum convertendas, cumque alia promissa nihil proficerent, tractatu ad S. Germanum inito, dilectum sibi Stettinum, Stralsundam, totamque Pomeraniam citeriorem Suecis reddere debuit, ira in Caesarem innocuum versa, qui tali paci restitit, quantum poterat, sed desertus a sociis, maris potentibus, ab Hispania, a Sabaudia, pacisci necesse habuit.

Anno 1688 obiit celebratus hic Heros *Fridericus Wilhelmus* æt. 68, Regiminis 48, Marchiae suae Brandenburgicae adjecit Ducatum Pomeraniae trans Viadrum, Magdeburgensem Principatum, Mindowensem, Halberstadensem. Borussiaem Ducalem a Poloniae jure directo abstraxit, per conjugem Auriacam semina jecit ad novas accessiones. Succesit filius *Fridericus III.*, ex Auriaca susceptus.

Hic


Cogitur  
omnia resti-  
tuere.



Elbinga.

Hic anno 1698 Elbingam petiit a Polonis, jure pignoris sibi debitam, donec creditum restituatur, prout stipulatum esset anno 1657, moxque urbem occupavit, Augusto Rege graviter conquerente; cumque res bellum spectare videretur, Cæsare, Suecia, & Dania interveniente, conventum est, ut Elector urbem redderet, sed, si intra tres menses hypotheca pecunia soluta (ducenta thalerorum millia prætendebat) non relueretur, sibi fas esset, Elbingam cum dominio adjacente rursus occupare.

Quæ porro gesserit Elector Brandenburgicus in bello tricenali; quomodo accesserit fœderi Lipsiaco, ac dein transactioni Dresdensi; quantum auctus sit per pacem Westphalicam, quomodo divisa Pomerania; quæ ab eo acta in causa Juliæensi, pluraque alia in Germanicis sunt relata.



## CAPUT XV.

DE

## RUSSIA

## SÆCULO XVII.

## SUMMARIUM.

*Russia vetus: nova. Comœdia cum quatuor Demetriis. Ad Domum Romanoviam. Alexius Michaelovicius tres reliquit liberos, qui omnes imperarunt. Frequent bellum cum Turcis, Tartaris, Suecis & Polonis. Conjuratio in Petrum Zarum detecta. Sophiae sororis, & Gallicini tutoris pœna.*

75.  
Antiqua Russia.

**S**æculo VI, gens Sclavonica in eas regiones, quas Moscoviam hodie dicimus, migrasse memoratur, ductore *Ruffo*, fratre Zechi & Lechi; unde & nomen *Russiae* derivatur. Tres autem *Russiae* designantur, *Alba*, *Rubra*, & *Nigra*. Prima ad Lithuaniam, altera ad Poloniam spectat, tertia Moscoviam complectitur. Sæculo X. Wolodomirus Christianam Religionem suscepit.

Sæculo

Sæculo XIII. Tartari *Ruffiam* subegerunt, primusque *Dani-  
lovus*, *Magni Ducis* nomine assumpto, sedem in urbe *Moscua* fi-  
xit; unde *Ruffi* *Moscovita* appellari cœperunt. *Joannes Basilides*  
I sæculo XV jugum Tartarorum excussit; *Lithuani* autem *Ruffiam*  
*rubram*, & *Poloni* *albam* ad se traxerunt.

Sæculo XVI. *Basilius Czari* nomen, quod magnum Princi-  
pem denotat, assumpsisse dicitur. Ejus vero filius *Joannes Basili-* Nova.  
*des II*, immanis tyrannus, Regnum *Astracanum* ad mare *Caspium*,  
& *Calanum Tartaris* eripuit, & *Ruffiæ* adjecit. Hujus filius *Theo-*  
*dorus* anno 1598, cum absque liberis decessisset, seriem antiqui  
stemmatis clausit.

Habuerat autem *Theodorus* fratrem *Demetrium*, quem  
*Boris* interfecerat, seque ipsum throno intrusit. Quindecim dein-Comœdia  
ceps annis omnia in *Moscovia* sursum deorsum voluta sunt. Quip. cum 4. De-  
pe quatuor successive erant deceptores, qui *Demetrium Theodori* metriis.  
fratrem mentiebantur, atque *Joannis Basilidis* filios.

Et primus quidem fingebat, se esse *Demetrium Theodori*  
fratrem, *Boridis* crudelitati subtractum, aliumque adolescentem  
clam fuisse substitutum in suum locum. *Palatinus Sendomiriæ*,  
conciliata illi Regis & *Polonorum* gratia, propriam filiam ei de-  
spondit. Conducta decem *Polonorum*, & totidem *Cosaccorum*  
millia, quibus *Boris* cum centum millibus occurrit. Victus qui-  
dem est prælio *Demetrius*; plures tamen urbes illius partes sunt  
secutæ. Mors *Boridis* faciliorem ei ad solium gradum substravit.

Nam anno 1605 *Moscua* fuit coronatus, postquam eum  
*Joannis Basilidis* vidua, per lepidam sane comœdiam pro filio suo  
agnovit. Verum non diu tenuit *Demetrii* hujus Regnum, nam  
anno sequenti (1606) cum grande symposium *Proceribus* instru-  
xisset, a conjuratis *Moscis* trucidatus fuit, & cum illo 1700 *Po-*  
*loni*. Ferunt amorem *Demetrii* in *Polonos* fuisse conjurationis  
causam. *Basilidis* vidua noluit amplius esse mater: necessitate co-  
gente salutatum a se filium asserens. Cæterum vero nomine *Gri-*  
*lica* appellatus dicitur, humili loco natus.

*Suiskius*, conjuratorum princeps, cui *Demetrius* vitam  
donaverat, renunciatus est *Zarus*. Sed haud multo post tempo-  
re comparuit alius, qui verum *Demetrium* se ferebat, cui pariter  
favit *Sigismundus*, haud dubie, ut *Ruffis* hostibus suis domi nego-  
tium faceret. *Sueci* vero *Suiskio* venere suppetias.

Tandem vero, postquam cum quatuor *Demetriis*, instructi-  
tibus comœdiam quibusdam *Polonis*, satis lufum est, & corona  
Pars IX. Uu Ruffica



Russia ad Russica aliquot capita levi saltu pertransiit, Mosci anno 1613 Zandomum Romanorum sibi elegerunt *Michaëlem Fæderovicium* ex *Romanowia* Familia, qui Smolenskum recepit, & Polonos ex Russia ejecit, postquam illi, expugnata Novogrodo, in viscera Moscoviæ penetrantes, ipsam urbem Moscuam, Ducum sedem, suæ potestati subjecerant. Cladem subin gravem passus Moscus, cum Polonis & Suecis pacem composuit, & ad mortem usque servavit. Obiit autem anno 1645, æt. 49, Regiminis 33.

Successit filius *Alexius Michaelovicus*, qui vindicaturus clades, a Polonis illatas, cum Cosacco & Tartaro, id est, cum Megera & Tisphone, juncta opera in Lithuaniam & Poloniam irruens, Regnum nobilissimum misere discerpsit.

Cum autem Suecus quoque superveniret in partem spoli, Moscus in Livoniam, quam Sueci Polonis eripuerant, arma convertit, sed pro gentis illius tunc adhuc temporis imperitia, modico progressu, donec post pacem Olivensem Sueci ab aliis hostibus expediti, atque in Russos conversi, Livoniam liberarent, & pacificatione anno 1661 subsecuta sibi firmarent. Alio videlicet Alcide opus erat, qui Herculi hanc clavam extorqueret.

Alexii 3. filii.

Anno 1676 decessit *Alexius Michelovicus*, æt. 55, Regim. 31. tres ille filios reliquit, qui omnes imperarunt, videlicet Theodorum, Joannem, & Petrum, qui proin *Alexiovicii* dicti sunt, id est, Alexii filii.

Theodoro anno 1681 mortuo successit *Ivan* seu Joannes Alexievicius frater natu proximus. At mox graves tumultus Moscoviam concussere. Nam corporis custodes, *Strelizios* appellant, Theodorum veneno enecatam suspicati, Magnatum cædibus omnia complebant, Regia quoque ipsa & ærario expilatis. Postquam dein Joannes, mente & corpore debilis ac propemodum cæcus, fratrem juniorem *Petrum Alexievicium* (cui nihil ad regendum nisi ætas deerat) in consortem Imperii adlegisset, duobus annis satis tranquille Russia conquiescebat, sub *Gallicinio*, utriusque fratris tutore.

Conjuratio in Petrum.

Tum vero quietem turbavit *Sophia* soror, tracto etiam in conjurationis societatem ipso Gallicino tutore. In Petrum præcipue cudebatur faba, acris ingenii & vivacis Principem, sub quo, si ætas maturesceret, auctoritatem suam defluxuram facile prævidebant. Indignum igitur esse murmurabant, juniorem fratrem habenas capeffere; majoris natu solius hanc esse prærogativam. Sperasse dicuntur, Petro amoto a gubernaculo, ob Joannis infirmitatem,

mitatem, totam penes se permanfuram regendi potestatem, atque, ut nexus firmitior effet, conventum, ut Sophia Gallicini filio nuberet, quo pacto prouideretur, ut Sophia sororem in Monasterium, Gallicinos in exilium misit, Joanni tenacius adhærentes capite plexi. Retinuit ille quidem nomen Zari, sed nomen duntaxat, auctoritate penes Petrum residente: hanc liberius adhuc exeruit, postquam Joannes frater anno 1696 obiit. Quanta autem rerum gestarum gloria Petrus Alexievicius toto orbe inclaruerit, parte sequenti referetur.

At Petrus, conjuratione detecta, Sophiam sororem in Monasterium, Gallicinos in exilium misit, Joanni tenacius adhærentes capite plexi. Retinuit ille quidem nomen Zari, sed nomen duntaxat, auctoritate penes Petrum residente: hanc liberius adhuc exeruit, postquam Joannes frater anno 1696 obiit. Quanta autem rerum gestarum gloria Petrus Alexievicius toto orbe inclaruerit, parte sequenti referetur.

## CAPUT XVI.

DE

## STATU TURCIÆ

SÆCULO XVII.

ARTICULUS I.

## SUMMARIUM.

*De Mahometanorum & Turcarum origine, variisque nominibus barbarorum gentium, ad Alcoranum confluentium. Epitome de Imperatoribus Turcicis. Comædia de Jacaja.*

**D**e Turcarum Imperio sparsim quidem in hoc apparatu facta est mentio, hic tamen aliqua in unum cumulum conjiciemus de origine & progressu barbaræ hujus gentis. Sæculo VII ineunte Mahomet Arabs, homo impius, prophetam mentitus, novam Religionem cudit, ex Christiana, Judaica, & Gentili conflata, quam ab auctore suo Mahometanam dicimus. 76.

Propter novam hanc sectam Mahomet ex Mecca, Arabiæ urbe, pulsus est; eamque fugam Turcæ Hegyram appellant, atque ab ea epocham suam ducunt. Dicti etiam Mahometis sectatores sunt Saraceni; quia a Sara se oriundum ferebat. Alii ab Agar Agarenos nominant.



**Et Turcarum  
origo.**

Sæculo VIII *Turcæ*, ab extrema Asia profecti, cum Saracenis se conjunxerunt, atque promiscuo deinceps nomine *Turcæ*, Saraceni, Agareni, & postea ab Ottomanno primo suo Imperatore etiam *Ottomanni* sunt dicti, & *Mahometani* a Mahomete.

Grassatorum initio & prædonum erat manipulus, per Arabiam & Syriam vagans; sed quia illis Mahomet rapinas, carnis illecebras, omnemque vitæ licentiam indulgebat, globi instar nivei, e monte devoluti, in immensum sunt aucti, totumque prope Orientem in Asia & meridiem in Africa implebant. Denique, cum omne suum jus in armis circumferrent, etiam in Europam effusi hinc Thraciam, Macedoniam, Græciam, nobilissimas Romani Imperii provincias, occuparunt, inde Hispania rapta, atque Italia & Gallia devastata.

Negligi initio à Christianis videbatur prædator hic populus, donec una post alteram abstracta provincia, impares viribus Orientis Imperatores, expugnata Constantinopoli, totum Imperium amiserunt, Christianis Principibus, quod deplorandum, inter se collisis, & de pugillo terræ dimicantibus.

Visus quidem sæculo XII, & XIII, expergisci Occidens, dum hortatu Pontificum cruciatus in Palæstinam expeditiones suscepit; sed tandem Christianorum discordia fortiter gesta ac strenue parta rursus evertit, plaudente & in immensum se exporrigente barbaro, Christiani nominis hoste immanissimo.

In primordiis equidem gentis, dum Arabiæ & Syriæ sinibus **Calyphæ.** continebatur, ab uno omnes Principe, quem *Calypham* compellarent, regebantur, postea vero singulis, quas Christianis rapuerant, provinciis suis erat Calypha, donec anno 1303 *Ottomannus* novum in Natolia Principatum constituit, qui denique omnes Calyphas subegit. **Ottomannus.** Ottomannus autem noluit appellari Calypha, sed *Sultanus*, & Imperium suum a suo nomine *Portam Ottomanicam*, aut etiam *Portam Fulgidam*, sedem autem suam fixit in urbe Bursa.

**Sultanus.**

*Orchanes* ejus filius, ut titulum in Orientis Imperium unde unde conquireret, Joannis Cantacuzerri Imperatoris Græci filiam duxit conjugem. Concessit illam Imperator, ut, quem timebat, amicum habeat, præsentium magis sollicitus quam futurorum.

**Turcarum  
Imperatores.**

Amurathes I certum genus pedestris militiæ *Janizaros* vocant) introduxit, ex Christianorum, ut fertur, liberis, conflatum.

Bajazethes I a Tamerlane Tartarico Tyranno cavæ ferreæ inclusus, capite cratibus impacto, misere periit, ingens ambitionis trophæum.

**Mahomet.**

Mahomet I tres fratres suos, natu majores, trucidavit.

Amurathes II memoriam meretur propter insignem vigetiam, quam ad Varnam anno 1444 retulit ab Uladislaio, Hungariæ & Poloniæ Rege, qui cum multis Christianorum millibus in acie cecidit. Dicitur Amurathes invocasse Christianorum Deum, dum nutante pugna fugam jam circumspiceret, ut vindicaret injuriam, pace fracta sibi illatam.

Mahometes II anno 1353 Constantinopoli expugnata, finem imposuit Græcorum Imperio.

Selimus I eo tempore, quo Lutherus Septentrionem Europæum vastare cœpit, Ægyptum subjugavit, quam Caliphæ hæctenus gubernaverant.

Solymanus II Turcarum Imperator, omnium potentissimus, Rhodum, Belgradum, Budam, (quanta munimenta!) expugnavit; sed ab obsidione Viennæ anno 1529 depulsus est. Imperavit 46 annis.

Selimus II anno 1570 Venetis Regnum Cypri eripuit.

Achmetes I legatum Viennam misit, qui pacem ad viginti annos extenderet, oblatis conditionibus, quæ a nullo unquam Turcarum Imperatore Cæsares obtinere potuerant; quippe concessit Sacerdotibus & Religiosis, ut in provinciis Turcicis Ecclesias construere, & officia Divina in iis peragere possint.

Ut autem pacem peteret, & indulgentem adeo Rei Catholicæ se præberet, impulere Achmetem turbæ domesticæ. Nam Jacaja se filium Mahometis III fratremque Achmetis seniore ven- ditabat. Matrem suam fuisse Christianam, & rumore sparsisse, Jacajam filium suum esse mortuum, ne vitam amitteret: translatum fuisse in Peloponesum, ac dein in Macedoniam, ubi baptizatus esset, & ut securius lateret, habitu Monachi indutum.

Cum autem Jacaja non haberet in Turcia, qui sibi assisteret, percurrit Poloniam, Germaniam, Italiam, Galliam, obtestans Christianos Principes, ut datis subsidiis ad Majorum suorum thronum se, Christianum Principem, promoveant; se memorem tanti beneficii toti Christianitati, quantum posset, gratiam relaturum. (*d'Avigni Memoires Chronologiques pour servir a l'Histoire prophane de l'Europe*) sed non legitur, Christianos Principes quidquam pro eo movisse; fortassis, quia fabulam credebant, & Jacajam talem esse Imperatoris Turcarum filium, quales Demetrii Magni Russiæ Ducis.



Hæc perfunctorio opere attingere brevissime placuit, ut rudis idea tyronibus eruditionis exhibeatur. Ad sæculum jam XVII procedimus, & ea, quæ memorabilia magis videntur, uberiore aliquantulum calamo adumbrabimus, in quantum in tanta rerum vastitate breve compendium patietur.

## ARTICULUS II.

*De recentiore Turcia.*

## SUMMARIUM.

*In Moldaviam & Valachiam sibi jus Sultanus arrogat. Frequens transitus a throno ad carcerem, & e carcere ad thronum. Irruptio in Italiam. Cæsi a Polonis. Osmannus strangulatus, & Mustapha, ac Ibrahim. Venetorum de Turcis victoriæ. Candiam tamen amittunt. Bellum cum Polonis, a quibus adiunguntur ad pacem petendam. Post Viennam tentatam ubique confisi Turcæ a Cæsare & Polonis. Pax Carlovicia.*

77.

**R**es Turcarum gestas, quæ Hungariam & Transilvaniam spectant, suo loco recensui; reliqua, quæ magis videntur digna, hic perstringam. Et quidem anno 1612 *Moldavia & Valachia* a gente illa fuit turbata. Siquidem Sultanus Constantinum provinciarum illarum Principem deposuit, eique Thomam surrogavit. Constantinus a Polonis petiit auxilia, & obtinuit 15000 Armatorum; sed gravem ab Ottomannis cladem passus est, quæ Turcam in possessione constituit, nominandi Moldaviæ & Valachiæ Principem, quem *Hospodar* aut *Woywodam* appellant.

Sultanus in  
Valachiam &  
Moldaviam  
jus sibi arro-  
gat.

Anno 1617 obiit Achmetes I, ætatis 30, Imperii 14, præterito ejus filio Osmanno, a Janizaris e carcere ad thronum ductus est Mustapha I, Achmetis frater. Sed anno 1618 hoc dejecto, & in Monasterium intruso, Osmannus ab iisdem Janizaris Imperator fuit proclamatus. Misit is Legatum in Franciam, deprecaturum injuriam, quam Mustapha Legato Gallico intulisset.

Anno 1620 Turcæ in Apuliam irruerunt, in qua Manfredoniam occuparunt, & expilarunt. Verum novo Vizirio in bellum Polonicum abrepto, Italia ab ulterioribus invasionibus conquivit, quamvis Triremes Gallicæ, Florentinæ, & Melitenfes magnum navium numerum Turcis eripuerint.

Anno

Anno 1621 Osmannus II, cum ducentis, aut trecentis, ut alii scribunt, millibus, Polonos invasit; sed amissis sexaginta millibus, ultro in pacem consensit, recepto tamen Chozimo, & jure nominandi Principem Moldaviæ & Valachiaë eidem asserto, Christianum tamen.

Mutata mox rerum scena, Osmannus, qui nuper trecentis <sup>Sultanorum</sup> satellitum millibus stipatus inceserat, a Janizaris strangulatus est, <sup>miseria.</sup> Mustapha vero ejus patruus e carcere deductus ad thronum, qui mox Viennam, in Poloniam, Venetias Oratores misit, ut pacem confirment. Dicuntur Janizari ad rebellionem & enorme parricidium concitati, quod Osmannus hoc militiæ genus, tam seditiosum, atque Imperatorum & Viziriorum capitibus tam periculosum, abrogare, sedemque Imperialem Constantinopoli Cairum in Ægyptum transferre conatus sit.

Sed neque Mustaphæ diuturnum fuit Imperium, quippe anno vertente Amurathes IV, Achmetis I filius, frater Osmanni II, Cydarim Turcicam induit, Mustapha in carcerem abducto, ac postea iaqueo suffocato. Ex quibus sane videas, quantam Turciæ spiraret barbariem, quantumque sit paradoxum, supremum, independentem, & quasi omnipotentem esse tot populorum Dominum, & tamen in perpetuo vivere periculo capitis, aut saltem, ne a summo rerum apice in extremam miseriam præcipitetur. (*anno 1623.*)

Has inter turbas Cpolitanas *Tartari*, gens prorsus barbara <sup>Tartari.</sup> & indomita, pacem, cum Polonis conclusam, impune violare se posse rata, cum triginta grassatorum & latronum millibus in Poloniam irrupit, sed a generosa Natione tot cladibus fuit concisa, ut dimidia ne quidem pars ad gurgustia sua posset aufugere.

Cosacci, Poloniæ subjecti, uno tantum gradu minus barba- <sup>Cosacci.</sup> ri, quam Tartari, ut injuriam, ab his illatam vindicarent, in Tartariam Turcicam irrumpentes, populationem & incendia late spargebant, urso ursum devorante. (*1624.*)

Anno 1640 periit Amurathes IV, æt. 32, Imp. 17, successit Ibrahim frater, brevi a Janizaris strangulandus. Amurathes, contra morem Turcarum, ei vitam reliquit, quia amentem credidit, & ineptum ad imperandum.

Anno 1645 Vizirius Candiam seu Cretam, nobilissimam Veneretorum insulam invasit. Occasionem dederunt Melitenses Equites, qui direptas Turcarum naves, Cairum tendentes, interceperunt, atque in portum Venetum invexerunt. Turcæ, cum in Me- <sup>litenses</sup>



litenſes vindictam non poſſent exerere, in Venetos illam vertērunt.

Bellum cum  
Venetis.

Anno ſequentē Veneti prælio ad Rettimum a Turcis caſi ſunt. At anno 1648 munimentum Cliffæ expugnarunt. Cum autem Turcis bellum minus proſpero curſu procederet, & Ibrahim Sultanus ſceptro geſtando minus idoneus videretur, anno 1648 a Janiſſaris depositus & laqueo ſuffocatus eſt. Succēſſit ei nepos ex fratre Solimanno II, *Mahometes IV.*

Nec huius initia fuere magis proſpera; nam Veneti clāſſem ejus partim merſerunt, partim ſparſo incendio delerunt. Anno ſequenti Turcæ obſidionem Candia ſolverunt, poſtquam 10000 ad eandem amiſerant.

Anno 1654 Veneta clāſſis in Hellesponto Turcicam aggreſſa inſignem eidem cladem intulit, & multo majorem anno ſequenti, commiſſo intra ipſas Dardanellas prælio.\*

Bella Turcarum cum Cæſare in Hungaricis deſcripſi. Celebre eſt illud, quod propter Tranſylvaniam cœptum, per Victoriā Gothardenſem, & ſubſequam pacem Temēſienſem anno 1664 finitum eſt. Dicitur Divanum hanc pacem petiſſe, ut eo fortius Perſis, rebellibus in Ægypto, & Venetis poſſit reſiſtere.

Anno 1666 Venetis ad Cameam damnum paſſis, Vizirius cum numeroſo exercitu in Candiam movit, eamque infeſtare cœpit. Anno 1668 in aquis Cretenſibus conſerta navali pugna, quinque triremes Venetæ a Turcis captæ, & una demerſa.

Candia ad  
Turcas.

Tandem anno 1669 Turcæ (dimicantibus inter ſe Chriſtianis Principibus) expugnarunt *Candiam*, poſtquam ultra biennium eandem oppugnaverant, amiſſis centum millibus hominum. Venetis relicta in illa duæ ſolummodo urbes, Suda & Spinalonga, una cum Cliffa & pluribus aliis in Dalmatia locis. Remiſſum tributum, quod ratione quorundam locorum Sultano pendere oportuit. Permiſſus egreſſus Chriſtianis cum magna machinarum bellicarum copia, ſuſpenſio armorum in 13 annos decreta. Atque ſic finiit

\* Dardanellæ appellantur duæ munitæ arces in Hellesponto, Seſtus & Abydus, quarum illa in Europa, hæc in Aſia, anguſto freto Gallipolitāno ſejunctæ, Propontidem inter & Archipelagum; atque hæc veteres *Dardanella* vocantur. Mahomet IV autem anno 1658 duo alia caſtella conſtruxit, ad initium freti, ex quibus ingreſſus navium in ſerum & Propontidem tormentis æceri poteſt. Et hæc appellantur *Dardanellæ novæ*.

finiit bellum, per multos annos inter Venetam Rempubicam & Turcas, immanibus impensis gestum.

In Polonos deinceps versa sunt Turcarum arma, fortuna varia. Cozum amissum, receptumque. Persis in Oriente bellum moventibus, mitius in Christianos sevitum.

A Persis reditum in Polonos, nimis prospero successu sub Ladislao & Coributo, qui etiam vestigalem Turcis fecit Sarmatiam. Verum Sobieskius, Rex electus, quas jam ante retulerat, strenue prosecutus victorias, tanta fortitudine barbaros, Turcas, Tartarosque profligavit, ut in pacem, Polonis gloriosam utilemque, consentire sint coacti. Deletum tributi dedecus. Retenta Podolia cum Ucraina cis Boristhenem. Consultum Religioni in Turcia. Promissa Poloniae defensio. Dicitur Sultanus hanc pacem noluisse approbare, donec ei ostensum fuisset, Sobieskio faventem magis fortunam assistere, quam ex usu sit gentis Ottomannicae, bellum contra eundem gerere.

Vertit postea arma in Caesarem, atque Cara Mustapha Duce ultra ducenta Turcarum millia ad obsidendam Viennam misit. Sed praelio cæsi, non modo ex Austria, sed ex Hungaria quoque & Bella varia. Transylvania sunt propulsi. Vizirius laqueo suffocatus, Mahometes IV, anno 1687 throno dejectus, in carcerem detruditur, Solimannus III, ejus frater, e carcere ad solium evehitur.

Hic bella, contra Caesarem, Venetos, Polonos, Moscos, eladesque, a fratre relictas, prosecutus, pacem post amissum Belgradum, Nissam, Widdinum, petiit. Et utinam fuisset tunc concessa, antequam gravis procella ab Occidente ingrueret; qua confusus deinceps barbarus, quamvis attritus, ferociorem se exhibuit.

Nec diu tamen ei tumultuari licuit; nam anno 1691 decedens, thronum vacuum reliquit fratri juniiori Achmeti II, quem frater in carcerem ante detruferat.

Anno 1694 Comes Jablonoski Polonorum, & Sapieha Li-Mira victor-  
thuanorum Dux, 50000 Turcarum & Tartarorum ad Boristhenem ria.  
aggressi, plenam de iis victoriam reportarunt, cæsis in acie cam-  
po 4000, captis 5000 curribus, munitionibus, annona, mercibus,  
& argento, Camenecum destinato, onustis. Dicuntur, eo praelio  
12 solummodo cæsi, & 40 sauciati. Quod si verum est, victoriam  
non multum fuisse disputatam necesse est.

Veneti quoque bellum in Mediterraneo, Archipelago, & ipso Hellesponto adversus Musulmannos fortiter sunt prosecuti,

*Pars IX.*

*XX*


*cæsis*



cæsis non raro nauticis eorum copiis, captis urbibus, ipsaque etiam Peloponneso Peninsula in potestatem redacta.

Anno 1695 obiit Achmetes II, Imperii 4, a Cæsare, Polono, Venetis, Mosco, contusus egregie. Successit nepos, Mustapha II, Mahometis IV filius, non magis felix, facileque tota Europa exturbandus, si Christiani Principes consensissent; imo, si aliqui non impedissent.

Tandem anno 1699 Carolovicum pacem reduxit, cum Polonis perpetuam, cum Cæsare ad 25 annos protensam, illis Cæmecnecum cessum, huic Hungaria & Transylvania, Venetis Morea. Töckelio Turæ Widdinum & Caransebes tradiderunt, in præmium navatæ operæ. Angli Hollandique interpositorum officio functi sunt; qui dein etiam inter Moscos & Portam pacem conciliarunt, ad 30 annos extensam.



CAPUT XVII.  
CONCILIA ORIENTALIA  
contra  
PROTESTANTES CELEBRATA.  
ARTICULUS I.

*Vani Lutheranorum conatus apud Jeremiam  
Patriarcham.*

78.  
Lutherano-  
rum vani co-  
natus.

**L**utherani, ut ecclesiam suam arctis ad Septentrionem limitibus inclusam dilatarent, grandi mendacio, emissis, quibus fœcundi sunt, libellis, in vulgus sparserunt, Orientalem seu Græcam Ecclesiam, in dogmatibus fidei secum sentire, atque ne manifeste mendaces deprehenderentur, omnem moverunt lapidem, ut Augustanæ Confessionis suæ approbationem a Græcis extorquerent.

Mar-

Martinus Crusius, linguæ Græcæ Professor Tubingæ, primus aleam sibi tentandam ratus, contribules suos famosi nominis eo permovit, ut Stephanum Gerlachium, Cæsarei oratoris Constantinopoli ministrum, rogarent, Confessionem, quam diximus, offerret *Jeremia* Græcorum Patriarchæ Constantinopolitano, in Græcum jam ante traductam. Provinciam sibi demandatam lubens suscepit Gerlachius, nihilque non egit, ut Patriarchæ persuaderet, eam doctrinæ orientali esse conformem.

At Patriarcha aperte contestatus, Confessionem Augustanam Catholicæ fidei Deique verbo e diametro opponi, tribus doctissimis libellis, ad eos missis, errores confutavit, tandemque, cum missis epistolis patientiam Præfulis fatigarent, ne sibi amplius molesti essent, monuit, cum pervicacibus in errore nihil sibi deinceps fore negotii.

Quamvis autem Lutherani machinationibus suis caput vehementer impeerint, Calvinistæ tamen sæculo sequenti nequaquam absteriti, ut auctoritatem sectæ conciliarent, omni ope sibi connitendum putabant, ut Europæ eam persuasionem ingererent, Græcam Orientalium Ecclesiam eandem secum religionem profiteri, quo & amplitudinem, & antiquitatem, & visibilitatem novellæ suæ Ecclesiæ extenderent.

Sed cum veritas manifesta obnixo desiderio obstaret, ad malas artes ventum & fraudes. *Cyrillum Lucar* Hollandi pecuniâ *Cyrillus Lucar* largitione in Patriarchatum Constantinopolitanum intruserunt, hoc minem venalem ac nefarium, qui, ut gratiam patronis redderet, confessionem Calvinianam secreto confarcinasse dicitur, in Hollandia dein typis datam, ac pro sincera Græcorum fide per Europam vulgatam. Pulchra enim vero strophæ, & Calviniano digna ingenio! Sed mendax vafrities se ipsam in casses induit, & coram orbe palam prostituit.

Nam *Lucar* pseudo-patriarcha, princeps in hac fabula persona, propter scelera a Selimo deturbatus, atque Euxino merfus misere periit, & Græci, doctrinam suam Calvinianæ conformem haberi indigne ferentes, pluribus habitis synodis, eam injuriam a se sunt amoliti, proposita sua, & damnata Calvinistarum doctrina. Quæ res cum ad noscendam utriusque partis doctrinam plurimum valeat, eruditionis interesse existimo, prolixius aliquantum, quid in Orientalibus istis actum synodis, representare.



## ARTICULUS II.

*Concilium Constantinopolitanum I. contra Calvinistas.**Anno 1638.*

79 Cum Orientales Græcique Præsules acceperint, quid Cyrillus Lucar attentasset, quidque de sua fidei doctrina per Occidentem spargeretur, Synodum congregarunt, atque præsensibus Alexandrino & Hierosolymitano Patriarchis, 23 Episcopis, & universo Clero Byzantino, Cyrillo Lucari ejusque Confessioni Calvinianæ anathema una voce dixerunt, hominemque exauctoratum, sede, quam inique per Simoniacam pravitatem invaserat, deturbarunt; suffecto in illius locum Cyrillo, Beroensi ante Episcopo.

*Synodus Constantinopolitana II. contra Calvinistas,**anno 1642.*

Cyrillo Beroensi Patriarcha Constantinopolitanus subrogatus est *Parthenius*, qui alteram ex Orientalibus convocavit synodum, ut Cyrilli Lucaris & Calvinistarum confessio iterato condemnaretur. Prolata Calviniani erroris multa capita, & tanquam hæretica anathemate profligata. Juvat ex iis aliqua seligere, cum synodi censura.

1. Dicunt, Calvinistas abuti sacra scriptura, contra interpretationem SS. Patrum & Conciliorum Generalium.
- Calvinista- 2. Rejici ab eis Traditiones, quibus per totum mundum sit pretium errores. & sine quibus, secundum doctrinam S. Basilii, fides sit imperfecta.
3. Deum iniquissimum fieri a Calvinistis, tyrannica potestate utentem, cum dicunt, eum sola sua voluntate alios prædestinare ad gloriam, alios in poenam mittere, nulla operum habita ratione. *Quo quid magis impium proferri possit?*
4. De Divina providentia blasphemare eos loqui, dum mala, quæ permittit, eidem ceu auctori attribuant.
5. Nullum hominem esse sine peccato mortali, ne quidem B. V. Mariam. *Hoc alienum a fide nostra judicatum est*, inquam.
6. Negant intercessionem sanctorum & custodiam angelorum, precesque, quæ a sacerdotibus per totum mundum fiunt. *Quibus Ecclesiam conservari credimus.*

7. Docent,

7. Docent, fidem salvare sine operibus: cœlestem & terrestrem Ecclesiam confundi. Tolli potestatem Episcopalem, & cum ea totam perfectionem Ecclesiæ. *Quo quid perturbatius esse possit?*
8. Ajunt, solos prædestinatos esse membra Ecclesiæ: hanc errare posse. *Quod, ut impium est damnatum a synodo.*
9. Afferere, quod bona opera nullam partem habeant in negotio salutis, esse contra S. Scripturam. Libertatem arbitrii tollere, esse naturam humanam evertere.
10. Quinque sacramenta ab illis negari. Reliqua vero duo non recte explicari. Divinam Eucharistiam ita convelli, ut nihil nisi nudam figuram ipsi relinquant, quasi adhuc in umbra veteris legis serviremus. *Hoc autem omni impietate plenum esse.* Neque enim dixisse Jesum: *hoc est figura corporis mei: sed: hoc est corpus meum: hic est sanguis meus.*
11. Repudiant solennes nobis ac legitimas pro defunctis commemorationes, per quas speramus requiem illis, & respirationem ab acerbitatibus, quæ illos premunt, a Deo esse concedendam.
12. Ad hæc omnia venerabilium & sanctarum imaginum cultum relativum respuunt, quem sancta oecumenica Synodus VII confirmavit.

Post errores istos recensitos Synodus, graviter quæsta, quod orientali Ecclesiæ per incredibilem proterviam impingantur, omnes solenni dicto anathemate tanquam hæreses condemnat. publice contestata, eos a sua Græca Ecclesia quam longissime abesse; nunquam se ista credidisse, nec unquam credituros.

Subscripserunt huic condemnationi cum Patriarcha omnes Episcopi, inter quos Petrus Mogilas, Primas Russiæ; omniaque Synodi acta cum litteris Synodalibus Parthenii Patriarchæ Jassi in Moldavia typis sunt publicata.

### ARTICULUS III.

*Synodus Constantinopolitana III, contra Calvinistas*

*anno 1672.*

**D**ionysius Patriarcha hanc indixit. In ea Orientalis Ecclesia proficitur septem sacramenta, videlicet *Baptismum*, per quem homo a peccatorum sordibus purgatus, spiritualiter regeneratur. Sacramentum *Chrismatis*, quo Christianam fortitudinem accipimus, profitendi etiam externe fidem, quam in baptismo ac-

X x 3

cepimus.



cepimus. Sacramentum *Eucharistia*, qua nutrimur ad virtutem, & unionem cum Deo. *Penitentia*, per quam remittuntur peccata hominis, post baptismum lapsi. *Matrimonii*, quod ipse etiam Apostolus sacramentum appellat. *Ordinis*, per quem formantur pastores animarum, conferturque gratia ad vitam clericalem. *Extrema unctionis*, pro salute corporis & animæ.

Verbis clarissimis confitetur *Transubstantiationem*, seu conversionem veram & realem panis in corpus, & vini in sanguinem Christi in sanctissimo altaris sacramento, in quo offerens & oblatus est Christus, qui integer a Fidelibus recipitur. Baptismum omnibus, etiam infantibus, absolute esse necessarium &c.

Ecclesiæ, ordinatione Divina, Episcopis opus esse, quorum, tanquam vicariorum suorum, officio Christus, summus sacerdos, utatur. A nemine, nisi Episcopo sacerdotem aut Episcopum consecrari posse. Necessariam esse Hierarchiam & subordinationem in Ecclesia.

Cœlibem vitam, teste apostolo, matrimoniali præstare. Catholicam Ecclesiam esse infallibilem, perpetuo visibilem. Sanctos venerandos, & tanquam Intercessores apud Deum, invocandos; hoc pluribus locis S. scripturæ doceri. Falso asseri, per cultum sanctorum honorem Dei minui. Se cultum sanctarum imaginum, ceu ritum ab Apostolorum temporibus transmissum, juxta Ecclesiastica monumenta, prorsus amplecti.

Penes Ecclesiam esse potestatem instituendi jejunia, & abstinentiam a carne præcipiendi. Hanc Ecclesiæ orientalis confessionem fidei subscripsit Patriarcha cum multis Episcopis.

#### ARTICULUS IV.

*Synodus Hierosolymitana contra Calvinistas*

anno 1672.

81.

**P**rolixa, sed lectu dignissima est hæc Synodus, a Dositheo Patriarcha Hierosolymitano celebrata, qua Calviniana hæresis profligatur, & Orientalis Ecclesiæ doctrina fidei, toto cœlo opposita, asseritur, adjunctis omnibus, quæ in hac causa contra Cyrillum Lucarem & Calvinistas a Cyrillo Beroensi, Parthenio, & Dionysio Patriarchis Constantinopolitanis acta sunt.

Et

Et imprimis acerbè conqueritur Synodus, Calvinistas frangere tantopere atque pudorem omnem exuisse, ut non sint veriti, suas hæreses Orientali Ecclesiæ mendacio execrabili affingere, necdumque cessent, imposturas suas defendere.

Cum enim, inquit Synodus, homines isti vaniloqui, novatores, mendaciorum architecti, ab occidentalibus jam recesserint, seque ab omni Ecclesia Catholica longe fecerint, manifestissime se probant Hæreticos, imò & Hæreticorum coriphæos; nam falsa non modo dogmata, sui supra modum amantes, induxere; si tamen dogmata fabellas licet appellare, &, formidantes, ne misere deceptæ mentes ad veritatem redeant, ut nihil ad impudentiam deesset, ad fraudes & mendacia confugere, Orientalium Christianorum fidem hæresibus suis obtendentes.

Verum quemadmodum lucis ad tenebras, aut Christi ad Belial, societas esse non potest, ita nec una adversariorum nostrorum cum Ecclesia Orientali sententia, quamdiu hæresiarcham Calvinum voluerint habere Magistrum.

Recenset dein Concilium grandem numerum articulorum fidei, in quibus Calvinistæ ab Orientalibus dissentiant; ex quibus Dissentio O. Orientalis Ec. manifeste elucet, Græcos (etiam schismaticos) retinere doctrinam Romano-Catholicam de Divina providentia, prædestinatione & reprobatione, voluntate salvandi omnes, libero arbitrio, possibilitate servandi præcepta: de merito & remuneratione bonorum operum, septem sacramentis, invocatione sanctorum, cultu sacrarum imaginum, verbo Dei tradito, auctoritate conciliorum &c. In omnibus his articulis Orientalis cum Occidentali Romana consentit Ecclesia, & penitus contradicit Calvinistis, quos blasphemos, deceptores, hæreticos appellat.

Non potest Protestantibus incognita esse Orientalis Ecclesiæ doctrina fidei (pergit synodus) postquam Martinus Crusius alique Lutherani suam confessionem ad Jeremiam Patriarcham Constantinopolitanum misit, qui tribus doctissimis responsis omnem eorum hæresim Theologice ac Catholice confutavit, hæc Jeremiæ scripta latine & Græce in Germania fuisse edita, anno 1584, quam hæc illi non attendissent, qui nuntium pietati penitus remisissent.

Jam ante Jeremiam Joannem Nathanaëlem, Presbyterum Constantinopolitanum in Tractatu de Missa, Gabrielem Moteanum, Archiepiscopum Cretensem in libro de septem sacramentis, uti  
&



& Petrum Archiepiscopum Kiöbensem, cum multis aliis, totam Ecclesiæ Orientalis doctrinam exposuisse, ut adeo ignorare non potuerint Protestantes illius fidem, sed ex summa impudentia ad simplicium ruinam eidem affinxerint prorsus alienam. Neque enim in 18 capitibus, sub nomine Lucari editis, contineri suam fidem, sed esse supposititium Calvinistarum partum, cum ipse Cyrillus negaverit esse suum, & in Homiliis suis contrariam prorsus doctrinam populo proposuerit: damnatum autem fuisse eundem Lucarem, quod articulos illos, sibi affictos, confutare nollet, eaque re suspectum se reddiderit, & pro hæretico sit habitus, prout tot Anathematismi a Conciliis in eum jacti satis declarant.

Anathema  
Lucari.

Nam sæpius a Patribus exclamatum: Cyrillo Lucari, calumnianti, Orientalem Christi Ecclesiam cum Calvinistis consentire, Anathema! Cyrillo dogmatizanti, sanctam Ecclesiam errare posse, anathema! Cyrillo dogmatizanti, non esse septem sacramenta, anathema! Cyrillo dogmatizanti, panem & vinum non converti in corpus & sanguinem Christi, anathema! Cyrillo, neganti liberum voluntatis arbitrium, anathema! Cyrillo, neganti meritum bonorum operum, sanctos esse invocandos, anathema! Cyrillo dicenti, Deum aliquos æternæ morti devovere, absque ullo respectu ad eorum mala opera, anathema! Cyrillo, venerandarum imaginum cultum ac relativam adorationem improbanti, anathema! Cyrillo, novo Iconomacho, anathema!

His anathematismis jam pridem subscripserant Cyrillus Berœnsis Patriarcha Constantinopolitanus, Metrophanes Patriarcha Alexandrinus, Theophanes Patriarcha Hierosolymitanus, cum universali Orientis synodo.

Postquam Concilium Hierosolymitanum, sub Dositheo Patriarcha congregatum, hæc omnia enarravit, adjunxit acta Concilii Constantinopolitani, sub Parthenio Patriarcha habiti, contra Lucarem, & Calvinianam ejus doctrinam, quod supra memoravimus.

Addit denique Synodus Hierosolymitana symbolum suæ fidei, Calviniano prorsus contrarium, Romano-Catholico prorsus conforme, solo articulo de processione Spiritus sancti ex Patre *Fihoque* excepto.

1. Itaque capite profitentur Mysterium SS. Trinitatis.
2. Credimus, inquit, sacras scripturas a Deo fuisse revelatas, eisque

eisque propterea, non quidem, ut libuerit, sed secundum Ecclesiæ Catholicæ traditionem & interpretationem adhibendam esse fidem, omni dubitatione majorem: adduntque, idem esse, sacram scripturam & Ecclesiam Catholicam audire; quia Spiritus sanctus utriusque est auctor, & etiam Ecclesiæ columna & fundamentum veritatis. Contra vero Ecclesiam Calvinistarum esse communitatem Hæreticorum.

3. Profitentur libertatem humani arbitrii cum Divina gratia, hominem videlicet libere Divinæ gratiæ cooperari. Impiam esse hæresin, si dicatur, Deum prædestinare & condemnare absque omni respectu ad bona vel mala hominum opera. Blasphemiam esse & apertam insaniam, si dicatur, Deum, absque alia causa, esse auctorem æternæ damnationis, cum Deus omnes homines velit salvos fieri.
4. & 5. Profitentur, Deum nunquam esse auctorem mali, sed omnia, quæ a Deo sunt, bona esse. Solum autem peccatum esse malum.
6. Peccatum originale, & 7. Incarnationem Filii Dei, & alia, quæ in symbolo Apostolorum habentur, Catholico prorsus modo.
8. Sanctos esse nostros intercessores apud Deum, & ante omnes Immaculatam ejus Matrem, uti etiam Angelos, ad nostram custodiam destinatos, Apostolos, Prophetas, Martyres, Episcopos, omnesque sanctos, quos Deus tanquam fideles servos gloriosos fecit; qui, sicut Prophetæ, ea, quæ in terris geruntur, per Divinum lumen & revelationem cognoscunt.
9. Per fidem, quæ operatur per charitatem, id est, per Divinorum præceptorum observationem, nos justificari.
10. Credunt sanctam, Catholicam & Apostolicam Ecclesiam, quæ ordinatione Divina per Episcopos a Spiritu sancto regatur. Quod autem Calvinistæ dicant, nullum esse discrimen inter Episcopos & simplices sacerdotes, absque Episcopis posse Ecclesiam subsistere, non ab Episcopo duntaxat, sed etiam a sacerdote sacerdotem posse ordinari, & a pluribus sacerdotibus Episcopum &c. hoc enimvero longissime, ut credat, ab Ecclesia Orientali abesse, quæ semper certum habuerit, Episcopos ordinatione Divina Ecclesiæ esse necessarios, magnumque, non tantum quoad potestatem Jurisdictionis sed etiam ordinis, inter Episcopum & alios sacerdotes intercedere discrimen. Nunquam

Fides Orientalium.



à sacerdote, qui non sit consecratus Episcopus, posse Episcopum consecrari, imo neque alium sacerdotem &c.

Sacerdotem, ab Episcopo ordinatum, conferre baptismum, extremam unctionem, offerre SS. sacrificium, præbere populo corpus & sanguinem Domini, assistere matrimoniis, prædicare populo; sed chrisma a solo Episcopo consecrari, sacrosque ordines conferri, ligari, solvique ab eo altiori potestate, excommunicari hæreticos, mitti ab eo prædicatores, sine cujus ordinatione non possent esse legitimi animarum pastores.

11. Omnes & solos fideles profitentur esse membra Ecclesiæ, etiam si sint peccatores, quia in istos etiam Jurisdictionem exercet.
12. Ecclesiam, a Spiritu S. illustratam, atque per Præpositos secundum sacra concilia edoctam, errare non posse.
13. Hominem non per solam fidem justificari, sed per fidem vivam & efficacem, quæ per charitatem operatur, id est, per fidem atque opera. Quod autem fides justitiam Christi veluti manu apprehendat, ac sola ad salutem sufficiat, longissime a veritate abesse credunt, alias enim quemlibet, modo credat, salvatum iri: sed recepturum quemque, prout gesserit in corpore suo, sive bonum, sive malum.
14. Per peccatum originale sublata quidem fuisse homini dona supernaturalia atque indebita, non autem quæ sunt ipsius naturæ, relictumque liberum voluntatis arbitrium, ut opus aliquod moraliter bonum viribus naturæ facere possit, secundum illud Apostoli: *gentes naturaliter ea, quæ legis sunt, faciunt*. At vero ad actum salutarem, ad vitam æternam conducentem, requiri gratiam supernaturalem, cui tamen homo per liberum suum arbitrium possit resistere, aut consentire, prout voluerit.
15. Credunt septem sacramenta; hæreticæ autem dementiæ fœtum, ajunt, alium sacramentorum numerum, nec enim minus, quam cætera fidei Catholicæ dogmata, septenarius ille in Evangelio statuitur numerus, & ex ipso colligitur. Postquam dein singula in specie enumeravit, singulaque, adductis ex S. scriptura textibus, probavit, addit, ea non esse vacua signa Divinarum promissionum, alioquin nullam a circumcissione differentiam habitura, quod scandalosum foret dicere, sed esse instrumenta gratiæ, quam digne suscipientibus conferunt. Sacramentum Eucharistiæ non consistere in ipso actuali usu duntaxat,

taxat, sed jam ante usum & sumptionem per verba consecrationis fuisse perfectum.

16. Credunt, baptismum, a Christo institutum, & in nomine SS. Trinitatis collatum, absolute esse necessarium, etiam parvulis, quia peccato originali sunt infecti; cum Christus universaliter de omnibus dixerit, *nisi quis renatus fuerit ex aqua & Spiritu S. non intraturum in Regnum celorum.* Quamvis autem ordinarius Minister hujus sacramenti sit sacerdos, in casu tamen necessitatis a quolibet homine, rationis compote, conferri posse, modo rectam intentionem habeat. Effectum baptismi esse extinctionem peccati originalis & actualium. Infantes, post baptismum mortuos salvari, per baptismum, sicut per ordinem imprimi characterem, unde reiterari non possint; peccata vero, post baptismum commissa, remitti per sacramentum poenitentiae.

17. Credunt sacramentum Eucharistiae, veramque transubstantiationem his verbis: In hujus itaque celebratione sacramenti Dominum nostrum Jesum Christum credimus esse praesentem, non quidem secundum figuram aut imaginem --- neque penes conjunctionem, qua proposito Eucharistiae panis verbi Divinitas substantialiter uniatur, quemadmodum inscite juxta ac misere Lutherani arbitrantur, sed vere realiterque, quatenus panis & vinum facta consecratione transmutentur, transubstantientur, convertantur, transeant, panis quidem in ipsum corpus Domini verum, quod natum est in Bethlehem ex semper virgine &c. vinum vero in ipsum Domini sanguinem verum converti & transubstantiari. Item facta panis & vini consecratione, nec panis nec vini manere amplius substantiam credimus, sed ipsum corpus & sanguinem Domini sub panis & vini speciebus, id est, sub panis accidentibus.

Item & ipsum distribui Domini corpus & sanguinem purissimum, inque communicantium, sive piorum sive impiorum, os ac stomachum introduci, illis ad vitam, his ad mortem; Christum ut Deum ac hominem sub minimis etiam specierum particulis integrum & indivisum contineri. Cum multae simul Missae leguntur, Christum modo supernaturali in multis simul locis realiter esse praesentem, absque ulla sui divisione. Comprehendi hoc quidem a nobis non posse, credi tamen posse tanquam veritatem nobis revelatam, sicut plura alia Mysteria (uti summae

Y y 2

Trini-

Transub-  
stantiatio.



Trinitatis & Incarnationis) credimus, licet illa non comprehendamus.

Corpus & sanguinem Christi summo cum honore adorandum; cum Christus, Deus & homo, uno supremo latriæ cultu simul sit adorandus. Credunt, verum ac propitiatorium esse sacrificium, quod pro fidelibus omnibus, tum vivis tum defunctis, nec non & pro utilitate omnium offertur. Credunt, verum Corpus Christi in tabernaculo & sacris vasis asservari; atque ad ægrotos deportari. Neminem autem hoc sacramentum posse conficere, nisi sacerdotem, ab Episcopo consecratum.

Hanc esse epitomen doctrinæ orientalis Ecclesiæ de hoc sacrosancto sacramento, hanc confessionem & antiquissimam traditionem, de qua nihil detrahi patiantur, qui recte credunt, & ab impiis hæreticorum erroribus abhorrent. Et, qui Traditionem contemnunt, eos damnari & anathematizari a sancta Christi Ecclesiâ.

**Purgatorium.**

In 18 denique Capite confitentur Purgatorium, seu locum tertium, in quo illi, quibus culpa quidem & æternæ pœnæ reatus per contritionem aut confessionis sacramentum remissus est, sed tamen, quia per orationem, lacrymas, eleemosynam, castigationem corporis, aliaque bona opera, justitiæ Divinæ necdum ex integro satisfecerunt, ob residuum reatum pœnæ, temporali supplicio puniuntur, a quo per eleemosinas, preces Fidelium, & præcipue incruentum Missæ sacrificium, quod ab Ecclesiâ quotidie pro vivis atque defunctis offertur, ex summa Dei bonitate & misericordia liberantur.

**Solvit objectiones.**

Postquam Concilium Orientalis Ecclesiæ hæc 18 capita Calvinianis Cyrilli Lucaris 18 articulis opposuit, respondit etiam ad quatuor illius quæstiones; atque ad 1. quidem, non esse consultum, ut quilibet sacram scripturam vulgari idiomate legat, quia indocti illam non intelligant, & eadem abutantur, ut adeo Ecclesiâ provide ac prudenter ejusmodi lectionem promiscuam & illimitatam prohibuerit.

Ad 2. an S. Scriptura omnibus sit clara, respondet: si omnibus adeo clara foret, Paulum non fuisse scripturum de gratia ac dono interpretandi: non fuisse dicturum Petrum, in epistolis Pauli esse quædam difficilia intellectu. Sensem Scripturæ sæpe esse sublimem; interpretationem ad viros, a Deo illuminatos, pertinere.

Ad 3.

Ad 3. quoniam libri ad S. scripturam pertineant, respondet Synodus, eos quoque, quos Calvinistæ tanquam apocryphos rejiciunt, uti librum Sapientiæ, Ecclesiastici, Judith, Tobia, Macchabæorum, quod a Conciliis & antiquissimis Patribus tanquam authentici ac Divini agnoscantur, quos Cyrillus Lucar insipienter, inscite aut magis malitiose apocryphos vocasset.

Ad 4. quid de sacris Imaginibus earumque veneratione sentiendum, respondet Orientalis Ecclesia, cum Sancti sint amici Dei nostrique Intercessores, merito eos a se coli, & quidem sanctis-<sup>Sanctorum invocatio.</sup> simam Dei Matrem ac Virginem Mariam cultu *Hyperdulia*, quia omnibus Angelis, Prophetis, Apostolis & Martyribus est sanctior & excellentior: alios vero Sanctos cultu *Dulia*. Insuper se venerari lignum crucis, in quo pro salute mundi Salvator noster passus est, quin & ejusdem crucis signum venerari se & adorare.

Præterea coli a se Imagines Christi & Sanctorum, secundum eam, qua quibusdam Patriarchis & Prophetis apparuissent, formam; denique & Spiritum sanctum sub ea, qua visus est, columbæ specie, oculis pingendo subjici. Eam porro, quam Sanctis & eorum Imaginibus cæterisque prædictis venerationem adhibeant, idololatriam esse, si qui dicant, id ceu ineptissimam & inane calumniam, nihili omnino a se fieri.

Confutant denique Calvinistarum objectamenta, dicuntque, in S. Scriptura vetitum esse idola sculpere, aut creaturæ Divinos honores deferre. Sanctorum autem Imagines non esse idola, cum nullum falsum Numen repræsentent, nec Divino honore eos coli, sed longe inferiori, eoque relativo, cum respectu ad sanctum, quem repræsentant; qui usus jam ab Apostolorum temporibus in Ecclesia perpetuo vigerit, ut ex actis Synodi VII constet, quæ contra Iconomachos est habita.

De Calvinistis autem dicit hæc in Synodo congregata Orientalis Ecclesia: *quas vero novitates induxere Calvinistæ, tum circa Deum, resque Divinas blasphemando, cum sacram scripturam perperam interpretando, decurtando, & injuriose tractando, diaboli sophismata esse dicimus & inventa.* Neque minus inepte garriunt, non posse Ecclesiam a quibusdam cibis abstinentiam & jejunia constituere: enimvero recte admodum, ad carnis & omnium mortificationem passionum &c. &c.

Tandem vero ita concludit Synodus: Taceant igitur inepti narratores, & novitatum artifices hæretici, & mutillas tum e



Scriptura, tum ex Patribus adversum nos sententias, quibus mendacium exstruant, furari ne moliantur, atque hoc loquantur unum, sese nimium excusantes excusationes in peccatis, injurias in Deum, & in sanctos evomere blasphemias instituisse.

Atque hæc ex multis dixisse sufficiat ad plenam calumniæ, Ecclesiæ nostræ Orientali illatæ, confutationem. --- Ea porro, quæ diximus, non solam nostram adversus Hæreticos, nobis obtrectantes, apologiam esse volumus, verum etiam fidei regulæ instar obtinere: ex qua nova eorum emendentur dogmata, & ad Catholicam & Apostolicam Ecclesiam ipsi reducantur, quandoquidem Majores illorum olim in illa meruerunt.

Synodo huic subscripserunt anno 1672 16 Martii in urbe Jerosolyma 70 Patres Orientalis Ecclesiæ, & quidem Dositheus Patriarcha Orientalis Ecclesiæ his verbis: *Dositheus miseratione Divina Patriarcha sanctæ Jerusalem totiusque Palestina: assero & confiteor, hanc esse fidem Orientalis Ecclesiæ*, & ita alii.

Quid jam vobis videtur, Domini Calvinistæ? An adhuc ad nuditatem vestram tegendam gloriamini, Græcam Orientalem Christianam Ecclesiam, eandem vobiscum profiteri doctrinam fidei? Certe insignis fuit impudentia, ita palam in orbem mentiri. Quid in tota hac confessione non est apprime Catholicum? Romanæ Ecclesiæ Theologum loqui crederes. Agnoscant Græci Processionem Spiritus sancti a Patre *Filioque*, & Primatum Romani Pontificis; & paries, inter Orientem & Occidentem medius, brevi facileque erit sublatus. Eandem autem, quam Græci, tota profitetur Moscovia.

*Concilium Farfense in Italia anno 1685.*

82.

Complura sæculo XVII in Italia celebrata sunt Concilia, Provincialia & Dioecesana. Solus Cardinalis, Maria Vincentius Ursinus, Archiepiscopus Beneventanus, ad summum postea Pontificatum admotus, 34 Provincialia Beneventana celebravit, ut Cleri potissimum mores ad Ecclesiasticæ disciplinæ normam componerentur. Imitati illustre hoc exemplum alii Italiæ Præsules, zelo Domus Dei flagrantius, Synodos egerunt, puta, Federicus Borromæus, Nepos S. Caroli dignissimus, Mediolanensem, Card. Taurusius Senensem, Card. Patricius Aësinensem, Ameri-

nam

nam Gratianus Episc. Aſſienſem Nerlius Card. Bononienſem Boncampagnus Card. Caſenatenſem Card. Denoſt. Lunenſem & Sarzanenſem Card. Lomellinus &c. &c.

Quia tamen harum aliarumque Synodorum idem ferme eſt argumentum, omnium inſtar juvat recensere ſummatim canones Concilii *Farfenſis*, clariffime diſciplinam Italiæ ſeculi XVII explicantis, in celebri Abbacia B. V. Farfenſi Ord. S. Benedicte, in Ducatu Spoletano habiti a Carolo Barberino Card. præſente etiam Franciſco Albano, ſummo poſtea ſacrorum Antiftite.

*Capite 3.* præcipit *Concionatoribus*, ut Jeſum Chriſtum verbum veritatis, non ſe ipſos, prædicent, bono exemplo præeant, ſequæ animarum ſaluti, non gloriolæ aut lucro temporali inhiare oſtendant. Parentibus gravem obligationem inculcent, liberos ſuos pie & Chriſtiane educandi, ad Chriſtianam doctrinam mittendi, vitia generatim reprehendant &c.

*Cap. 9.* Tractat de *Euchariftia*, monetque parochos, ne quosvis indifferenſiter ad S. Communionem admittant, uti publice excommunicatos, concubenarios, meretrices, blaſphemos, maleficos, uſurarios publicos, ac publice criminoſos, itemque eos, qui in inimicitia cum ſcandalo proximi perſeſerant, ac conjuges, ſine cauſa legitima cohabitare nolentes, niſi hi omnes certum prius pœnitentiæ & vitæ emendandæ ſignum dederint.

*Cap. 11.* Agit de ſacramento *pœnitentiæ*, mandatque Confeſſariis, ut reſtitutioni famæ aut rerum obnoxios de ſua obligatione exacte commoneant, nolentibus abſolutionem negent, nec vanis pollicitationibus, ſemper effectu carentibus credant. Idem de illis, qui pravæ conſuetudines deſerere nolunt, niſi confeſſarii ſpem moraliter certam habeant, eos firmum eaſdem deſerendi propoſitum concepiffe: nec pro peccatis graviffimis leviffimas pœnitentias injungant, ſequæ alienorum criminum per hoc participes efficiant. Inferit etiam S. Synodus actis ſuis Decreta Alexandri VII & Innocentii XI, quibus laxas Caſuiſtarum aliquorum ſententias damnarunt, morumque doctrinæ puritatem omni modo commendat.

*Cap. 18.* de *Fæſtorum obſervantia* præcipit parochis invigilare, ut dies feſti rite obſerventur, in applicatione ad Divinam, & operis ſervilis ceſſatione, omiſſione computationum, ſaltationum, ſpectaculorum ludicrorum, comœdiarum profanarum, luſum.



*Cap. 19. De Jejunio* præcipit exactam ejus observantiam, prohibetque, ne tempore quadragesimæ fiant spectacula, choreæ, comœdiæ, tripudia, comotationes, convivia.

*Cap. 21. de vita & honestate Clericorum*, præcipit eisdem, ut libros pios crebro legant, scurriles & impuros ne nominari quidem permittant: sub pœna suspensionis a Divinis, ipso facto incurrendæ vetat, ne aleis, aut foliis lusoriis ludant, aut domum ad ludendum commodent: ne clamorosis venationibus intersint, aut conviviis secularium, choreis, spectaculis. Fœminarum ædibus aut familiaritate abstineant: negotiationem non exerceant nec per se nec per alios: aliena prædia non conducant: nullis personis sæcularibus, præsertim fœminis, in procurandis negotiis, vel domus gubernatione famulentur: raro per publicum & modeste oculis demissis incedant, totoque corporis habitu gravitatem clericalem præferant.

*Cap. 40. de usuris & illicitis contractibus* præcipit parochis, ut contractuum naturam, justitiam, æquitatem, tum ipsi legendo probatos auctores addiscant, & parochianos doceant, atque confessarii in hoc negotio, quo vertitur præjudicium tertii, severi sint officii exactores.

O. A. M. D. G.

# APPARATUS ERUDITIONIS

PRÆSERTIM  
AD

## JURISPRUDENTIAM,

In quo

Præter Juris Universalis Principia

JUS NATURÆ, GENTIUM, DIVINUM,  
APOSTOLICUM, & PONTIFICIUM, JUS  
SYNODALE OECUMENICUM, NATIONALE  
AC PROVINCIALE,

Unacum

Provinciarum ac Regnorum Ecclesiastico & Politico  
Statu, Disciplina Ecclesiæ, Hæresibus exortis &c. continua sæculo-  
rum serie ad præsens usque tempus deductum, insertisque pro re  
nata multis observationibus criticis, ac controversiis  
Juridicis, Publicis, ac Polemicis,

*METHODO HISTORICO - DOGMATICA*

*colliguntur, & brevi ac clara idea delineantur,*

In utilitatem eruditionis amantium, quibus vasta Conciliorum, Decretorum,  
Historiarum &c. volumina perlegendi aut occasio aut tempus deficit,

AUTHORE

P. JOSEPHO BINER, S. J.

PARS X.

Complectens

STATUM ECCLESIASTICUM ET POLITICUM  
SÆCULI XVIII.

CUM APPROBATIONE.

---

*Augustæ Vindelicorum & Friburgi Brisgoe*

Sumptibus Fratrum Ignatii, & Antonii Wagner, Bibliop. MDCCLXV.



# APPARATUS ERUDITIONIS

IN

## JURISPRUDENTIAM

JUS NATURAE, GENTIUM, DIVINUM,

ANALYTICUM & SYNTHETICUM,

SYNOPSIS UNIVERSITATIS NATURALIS

AC HISTORICAE

DISCIPLINAE

PROVINCIARUM AC REGNIUM ECCELESIASTICUM & POLITICUM

SCRIPTIS, TABULIS, PICTURIS, MONUMENTIS, ET C.

PER JOSEPHUM BIERER, AUCTOREM

ET JOSEPHUM BIERER, AUCTOREM

METHODO ANALYTICAE & SYNTHETICAE

INSTITUTIONUM

INSTITUTIONUM UNIVERSITATIS NATURALIS AC HISTORICAE

DISCIPLINAE

AUCTOR

P. JOSEPHO BIERER, & C.

P. A. & K.

Carolinum

STATUM ECCELESIASTICUM & POLITICUM

SECUNDUM XVIII

CONSTITUTIONE

Imprimatur & Auctoritate & Auctoritate & Auctoritate



## PRÆFATIO.

**P**ervenimus tandem ad sæculum ultimum, cujus vel dimidium res tam varias, multas, grandesque protulit, ut gesta plurimum sæculorum complecti videatur. Turbulenti Janfenistarum & Appellantium motus, Quesnelli præsertim centum & una Propositiones erroneæ, Bulla *Vineam Domini*, Constitutio *Unigenitus*, Noallii aliorumque Episcoporum quorundam diuturna tergiversatio, Lutheranorum, Calvinistarum & Waldensium machinationes in Gallia, Pedemontio, Helvetia, Silesia, Hungaria, Transylvania, Superiore Austria, Salisburgensi in Archidiœcesi, Curlandia, causa Religionis Palatina, Bipontina, Thorunensis, Hohenlœensis, Bärenthalensis, Toggenburgensis, Clausula Risvicensis &c., quantas in Ecclesia procellas excitarunt!

Quid memorem causam Coddæanam, Alberoniam, Coscianam, Bichianam, Aquilejensem, Comaclensem, aliasque, quæ Romanas curas intenderunt? quantum disciplinæ Ecclesiasticæ per Concilium Romanum aliaque plura restaurandæ studium? quot saluberrimæ constitutiones Pontificiæ in rem hanc sunt editæ? Erecti novi Archiepiscopatus, Episcopatus, Patriarchatus. Geniti Sanctæ Matri Ecclesiæ filii, præter totam Domum Electoralem Saxoniam, ex Domo Saxo - Citica Mauritius Wilhelmus, Christianus Augustus,



## PRÆFATIO.

stus, Mauritius Adolphus : Ex Brandenburgica, Sophia Christiana, & Wilhelmus Ernestus : Ex Domo Brunsvico-Welferbytana Antonius Ulricus, ejusque filia Augusta Dorothea, & Henrica, cum nepte Elisabetha Christina Imperatrice, & Maximiliano Wilhelmo, fratre Georgii I, Duce Hannoverano : Ex Domo Bipontina Gustavus Samuel cum sorore Maria : Ex Domo Birckenfeldensi, nunc Bipontina, Christianus & Fridericus. Doms Wirtembergica Stuttgardiensis cum Duce Alexandro Friderico fratre, & Ulrico Duce Oelfensi : Ex Domo *Hassellana* Fridericus, modernus Landgravius regnans : Ex *Darmstadiana* 4 fratres cum tota Linea Philippina. Ex Domo *Holsata* Fridericus Wilhelmus, Carolus Ludovicus, Dorothea Hedwigis, Leopoldus cum suis liberis : Ex Domo *Nassovia*, Wilhelmus Hyacinthus Siegenensis Princeps, cum fratribus & liberis, totaque Familia Nassovio-Hadamarensi, quæ Religionem orthodoxam priore sæculo receptam, in hoc quoque continuavit.

Jam vero si Statum Politicum dimidii hujus sæculi spectemus, quam varius ille, quam implexus, quot aspectibus horridus! quantæ, quam assiduæ, quamque cruentæ populorum, provinciarum, regnorumque collisiones, revolutiones, atque de gente in gentem translationes! Hispaniam, Angliam, Neapolim, Siciliam, Sardiniam, Mantuam, Parmam, Florentiam, Lotharingiam, Novocomum, Bremam, Frisiam, Silesiam, Poloniam, Slesvicum, Sueciam, Livoniam, Ingriam, Curlandiam, Russiam, Serviam, Moream, Persiam, Acadiam, Canadam &c. cogitate, ad alias manus sunt delapsæ.

Quam sanguinariam autem imaginem nobis exhibent tot bella, totius Europæ viribus gesta, atque ab extremis Gadibus hinc ad Tanain, ad Oceanum inde Hyperboreum usque exporrecta! Aut quis Rex est in Europa, quod regnum, quæ natio, quæ bellum non fuerit passa, aut amarus ejus fructus non senserit, atque

## P R Æ F A T I O.

quæ pertulerit? sed quid Europam nomino? quænam in orbe universo major Provincia, in quam turbo bellicus non incubuerit? quantis motibus impetita vel sola successio Austriaca in Hispania & Germania?

Quot conferta ineunte jam sæculo prælia sanguinolenta, ad Fridlingam, Montem Nolanum, Höchstadium in *Germania*: ad Clarium, Crostollum, Luzzaram, Cassanum, Taurinum, Bitontum, Parmam, Guastallam, Campum Sanctum, Placentiam, Rottosfredum &c. in *Italia*: ad Exeram, Ramilliacum, Aldenardam, Malplaquetum, Denainum, Tornacum, Recoux, Laffeldam, in *Belgio*: ad Alamancam, Almenaram, Cæsaraugustam, Villamvitiosam in *Hispania*: ad Molvicium, Zaslaviam, Strigoviam, Soram, Kessfeldorffium in *Silesia & Saxonia*: ad Dettingam prope Mœnum: ad Cliftonum & Callodum in *Scotia*: ad Petrovaradinum, Belgradum, Kroskam in *Servia*. Quantas res gessit *Eugenius* Princeps in Italia, Germania, Belgio, Hungaria? quantas *Marleburgus* in Germania & Belgio! quantas *Stabrenbergius* in Italia & Hispania, *Vendomius* in Italia, Belgio, Hispania! quantas *Bervicus*, *Mauritius Saxo*, *Löwendalius*!

Septentrio quoque quantis bellis concussus, quoties suis emortuus cardinibus! *Carolus XII*, turbinem illum Borealem considerate; quanto impetu in Livoniam, Poloniam, Saxoniam incubuit! quantus bellator ad Narvam, Dunam, Cliftonum, Mohiloam! sed palmas incidit & lauros decussit Pultava. *Petrus* ille Magnus Victoris Victor heroem prostravit.

De bello novissimo quid memorem? quodnam majore æstu, majore virtute, majoribus artibus gestum fuit unquam? quis enumeret victorias Magni Friderici? Magni Daunii, Magni Laudonis? Loquantur prælia ad Lobosicium, Pragam, Planian, Rosbacum,



## P R Æ F A T I O.

Wratislaviam, Lissam, Hochkirchium, Lignicium, Torgaviam, Strehlam, Freybergam. Quam locuples Maxena præda! quanto ardore cum Russis concursum ad Jägersdorffium, Zorndorff, Kunnersdorff. Quoties sub armorum pondere Bohemia, Silesia, Lusatia, Saxonia, Thuringia, Marchia, Pomerania, Borussia, altum ingemuit!

Nec minor procella Rhenum & Visurgim pressit. Quantis viribus congressæ adversæ acies ad Hastenbecum, Crevelt, Sangershusium, Lutterbergam, Fillingshusium, Grebensteinium, Grümbergam, hinc sub Estræo, Subisio, Richelio, Claremontano, Conrado, Broglio, inde sub Duce Cumbrio, & Ferdinando Duce Brunsvicensi, fortuna alternante, atque Hassia, Westphalia, Saxonia Inferiore, & Episcopatibus præsertim Catholicis belli molem sentientibus.

Prætereo minores velitares pugnas, quia sunt innumeræ, tranata flumina, sulcata maria, nautica certamina, expugnatas urbes. Vix in Europa celebre munimentum est, quod dimidio hoc sæculo ignibus, virtuti, aut astutiæ non cesserit. Landavia, Brisacum; Friburgum, Ulma, Kuffsteinium, Ehrenberga, Scharnicium, Taurinum, Casale, Verva, Mediolanum, Mirandola, Cajeta, Messina, Barcellona, Sarragossæ, Valentia, Gibraltaria, Portus Magnus, Praga, Egra, Stetinum, Colberga, Stralsunda, Neussa, Schweidnicium, Gloggovia, Zittavia, Budissa, Dresda, Torgavia, Sonnensteinium, Wittenberga, Lipsia, Ingolstadium, Stada, Hammelia, Welferbytum, Montes, Namurcum, Insulæ, Athum, Tornacum, Menina, Ostenda, Bruxellæ, Antverpia, Berga ad Zomam, Trajectum ad Mosam, Temesvária, Belgradum, Orsova &c. quanta nomina!

Bella finita sunt per Tractatus pacis. Exhibebitur igitur Pax Ultrajectensis, Badensis, Viennensis I cum Hispania, Viennensis

## P R Æ F A T I O.

sis II cum Anglia, Præliminaria Parisiensis, Viennensis III cum Gallia, Wratislaviensis cum Boruffo, Füffenfis cum Bavaro, Aquisgranensis universalis, Dresdensis cum Boruffo, Araviensis, Passarovicensis, Belgradensis, Rantstadiensis, Lublinensis, Holmienfis, Finnica, Aboensis, Travendalensis, Stargardienfis, Parisiensis, Hubertsburgensis: Tractatus Hannoveranus, Hispalensis, Gertrudenbergensis, Hagenfis, Wormatiensis, Tractatus Repagulorum, Fœdus Triplum & Quadruplum, Sanctio Pragmatica.

Accedunt causæ controversæ, Juliacensis, Matrimoniales, de proxima agnatorum tutela, de substitutionibus, de subfeudis, de retrovenditione, de testamentis, de Judicio Aulico & Camerali, de Vicariatu Imperii, de Reverfalibus, de voto Bohemico, de navigatione Ostendana, de Langharum Feudis. Causæ item, Mantuana, Montferratensis, Novocomensis, Bullionica, Slesvicensis, Meinungensis, Vinariensis, Pleinsteinia, Camachienfis, de Castro & Ronciglione &c.

Denique novum in Europa Regnum, novus in Imperio Electoratus, complures novi Imperii Principes, illustres Ministrorum aliorumque ruinæ, Ordinationes Provinciarum, Regnorum competitores, Reservata Imperatoris, Postarum Imperialium Regale, aularum ad invicem aspectus, res Monetaria, Divortia Matrimoniorum, turbæ Corsicanæ, Fœdera, Commercia, Transactiones, Decreta commissoria, Comitiorum deliberationes, Conclusa, Recessus, Capitulationes Cæsareæ, Jura Principum, Processus Judiciales, sententiæ, executiones, proh quanta materiarum seges!

Hæc ego non pro rerum dignitate extendam (ad hoc enim pluræ volumina non sufficerent) sed pro instituto meo breviter attingam, nihil tamen omitturus eorum, quæ ad substantiam pertinere arbitror.

Scio



## P R Æ F A T I O.

Scio equidem, quam delicatum sit de viventibus scribere: ne adulationis aut offensionis notam scriptor incurrat. Ego autem, qui me civem totius mundi existimo, singulari in id studio incubui, ut neminem usquam offenderem; hinc etiam a crisi- bus, quæ alias sal esse solent Historiæ, pennam coercui, veritatem tamen assequi conatus sum, quam si alicubi, prout in defectu scriptorum de rebus adeo recentibus, contingere potuit, non inveni, Lector benevolus condonabit.

Diu apud me deliberabam, an ad ultima hæc tempora descendendum esset; sed cum apparatus eruditionis profitear, turpe existima- vi, de Homeri Patria, aut de Baptismo & Donatione Constantini multum disputare, & temporis sui Historiam silentio præterire. Compiler sum, excerptor sum, relata refero, ut eruditioni quali- cunque serviam; quod genus studii litteralis innoxium esse confido, revocaturus publice, si quid falsum insertum, aut vel minimam of- fensionem datam intellexero.





# P A R S X.

## CAPUT I.

De

## Statu Germaniæ

SÆCULO XVIII.

Art. I.

*Cæsaris Fœdus cum Anglo - Batavis. Neapolitana controversia.  
Germaniæ Dissidia.*

**P**ostquam anno 1700 Carolus II Rex Hispaniarum obierat, Philippus Andium Dux relictam testamento hæreditatem, post Philippus homines natos maximam, adiit, confisus armis atque potentia magni Avi, Ludovici XIV, Galliarum Regis, qui id effecit, ut omnes passim Hispanicæ Monarchiæ provinciæ nepotem recipient. At vero Leopoldus Cæsar, tam pingue Domus Austriacæ patrimonium, in alienas, quas minime vellet, manus delabi non passus, cum inferiorem tanto competitori se cerneret, fœdera undique, necessarium adversus potentiorum præsidium, per omnem Europam circumspicit.

Pars X.

A

Et



Fœdus.

Et imprimis quidem ad Anglos & Batavos, qui partitionis suæ consilio se delusos ingemiscebant, oculos convertit. Nec difficile erat, in fœdus eos pertrahere, quibus perspicuum fatis, quantum salutis suæ totiusque Europæ interesset, ne Borboniorum potentia, jam per se ipsam tanta, tam immensis accessionibus augeatur.

Quapropter Cæsar, Angli, Batavique, quod Ludovicus Rex Hispaniarum Monarchiam universam, nominatim Insulæ, beneficiariam Romani Imperii provinciam, Belgiumque, Batavicae Reipublicæ aggerem, occupavit, Gadibus magnam classem habeat, aliam in Americam miserit, atque adeo Anglorum Batavorumque commerciis Mediterraneum Indiasque intercludere paret, neque obscure duobus e regnis unum, unumque in Europa Imperium fundare meditetur, in hæc capita fœdus ineunt.

Ejus Conditiones.

1. Apud Christianissimum Regem mutuis officiis agunto, ut Cæsari de successionis juribus, Anglis vero Batavisque de navigationum & commerciorum securitate idoneo pignore caveatur.

2. Si post bimestre cassâ fuerint officia, Italicae Belgicaeque provinciae armis Cæsari vindicantur.

3. Anglo-Batavis fas esto, quot valuerint, Americae regiones urbesque, sed intacta religione, capere.

4. Pax ne ante fiat, quam & Cæsari satisfactum, cautumque sit, nunquam eundem Franciæ & Hispaniæ Regem, vel Americam Gallicæ ditionis fore.

Pars utraque petit investituram Neapol.

Uti autem Batavorum consilia in Belgii recuperationem, ita Cæsaris in Italiam ferebantur: atque ut bellum gravissimum evitaretur, Clemens XI Pontifex Maximus arbitrium obtulit. Non respuit Leopoldus, ea conditione, ut Mediolanum, & Neapolis sequestro tradantur; non acceptavit conditionem Ludovicus, totam Monarchiam nepoti se asserturum, contestatus, simul clientelare Regni Neapolitani beneficium pro eodem petit, Cæsar vero per Lambergium pro Archiduce. Negavit Pontifex, fas sibi esse in alterutram partem decernere, donec causa gravissima diligenti juris cognitione fuerit discussa.

Ne ad universum Patrum senatum referretur, intercessit Lambergius. Dedit igitur Pontifex causæ cognitores e Cardinalibus quatuordecim, ex aliis Prælati sex, Divini humanique Juris peritissimos, qui a partium studio maxime alieni censebantur.

Cæsarei Jureconsulti hoc præcipue argumento utebantur; hanc esse feudorum rationem, gentium usu constitutam, ut præ fœminis mares, alterius etiam lineæ, succedant, nec aliud unquam Argumenta. circa Regnum Neapolitanum observatum.

Gallicani vero Advocati ea maxime ratione usi sunt, quod, licet Regnum Neapolitanum clientelæ jure Romanæ Ecclesiæ sit adstrictum, eaque sit feudorum indoles, ut extincta seniore linea mascula, ad juniorem, ex primo acquirente descendente, devolvatur, alia tamen sit Neapolis conditio, quæ Regno Arragoniæ sit innexa, ac proin ad legitimum istius hæredem pertineat.

Has aliasque rationes, ultro citroque ab Advocatis propositas, cognitores a Pontifice dati, accurato examine discusserunt: tenuitque cognitio ad belli usque initium. Ægre autem Pontifex tulit, Discutiuntur a Cardd. cum in fœderis tabulis legeret, Anglos Batavosque, nisi Neapoli restituta Cæsari, bello non excessuros, velut si nationes istæ de Pontificio patrimonio arbitrandi jus sibi arrogarent: neutram tamen in partem, quamvis molestissime prensatus, se pertrahi est passus, paterno utramque amore complexus, idque vehementer dolens, christianum orbem gravissimo bello discissum iri.

Omnia namque bellum spectabant, per Italiam, Hispaniam, Belgium, Germaniamque diffundendum. Habebat Cæsar sub signis octoginta millia veterani militis. Horum triginta millia in Italiam, Armantur exercitus. viginti ad Rhenum, cæteri ad provinciarum præsidia, destinabantur. Ad levandam ærarii penuriam centesima omnium proventuum provinciis & ordinibus omnibus imperata, ludorum & pomparum sumptus constricti.

Imperii ordines, quamvis alias haud multum sua interesse putaverant, quid fieret Hispania, alias Austriæ, alias Germaniæ esse rationes existimantes; nemo tamen erat, qui non perspiceret, quid futurum esset, si Borbonia gens, quæ occupaverat, retineret, duoque Imperia a duobus quidem capitibus, uno tamen spiritu



ritu regerentur: rerum arbitrio & Europæ Monopolio in unam Domum abeunte. Ad hæc acerbè ferebant, Rîsvicensè pacem necdum a Ludovico Rege executioni datam: retineri adhuc Brisacum, Palatinum, & Mûmpelgardensè necdum in integrum restitutos, captivos adhuc teneri, novum institutum ad Hunningam vestigal.

Germaniæ  
facies.

Sed dissidiis adeo horrebant omnia, ut facile Cæsar sentiret, difficulter ordines ad commune decernendum bellum permotum iri. Bavarus & Coloniensis neutras partes præferebant, Guelferbyti Dux aperte alienum se ostendebat. Hasso-Cassellanus ob Rheno-felsam ægro erat animo: Danus cum Holsatò bello collisus: Mechlenburgici de jure successionis litigabant. Palatinus, Wormatiensis, Campidunensis, Religionis & quartî articuli causa cum Protestantibus in Comitibus luctabantur. Nec parum negotii injecit novum Brandenburgî Regnum, novusque Hannoverani Electoratus.

### Art. 2.

*Novum Borussia Regnum. Novus Hannoveræ Electoratus.*

3.

Quippe *Fridericus*, Elector Brandenburgicus, excelsi Princeps animi, uti hætenus pro tuendis ampliandisque Electorum prerogativis omnium acerrime depugnaverat, multaque moverat, quibus non modo Regibus æquarentur, sed imperatoriæ quoque Dignitati detraheretur, ita post exsolutam clientelari Poloniæ nexu Borussiam, ad coronam & sceptrum aspirabat: nec dubitabat, se omnibus Protestantibus rem gratam facturum.

Fridericus  
sibi ipsi co-  
ronam im-  
ponit.

Causas  
affert.

Igitur *Regiomonte*, principe Ducalis Borussiae urbe, sibi ipsi coronam imponit, ascito Regis nomine. Legatos ea de re per Europam circummittit, qui facti rationes edoceant. Borussiam olim Reges habuisse: nihil proin novi assumptum, sed postliminii jure reductam Dignitatem. Cuivis summo imperanti integrum eess, ditionis formam nomenque pro arbitrio moderari. Rodolphum Burgundiæ comitem, Rogerium Neapolis & Siciliae, Boleslaum Poloniæ Duces, a se ipsis Reges creatos: Henricum VIII. Angliæ Regem Hybernæ Ducatum in regnum extulisse; & jam Aristobulum suamet auctoritate Regem appellatum. Provincias sibi esse opeisque, tanto fastigio pares.

Boru-

Borussiam omni ætate divisâ a Germania finibus juribusque habitam. Nihil proin mutationis Imperium propterea subiturum: prout nihil accepit detrimenti, dum Oldenburgici Comites Daniæ, Bipontinus Sueciæ, Saxo Poloniæ regna sunt adepti: quin decus ingens accedere Germaniæ, tot Regibus fulgenti. Neque obscurari Regium splendorem pacto, cum Polonia inito, ut Electoris hac stirpe extincta, feudi nexu agnati hæredes rursus sint adstringendi: nam & Neapolis Regnum clientelari jure possideri. (1701.)

Visum nonnullis in Viennensis aulæ senatu, non committen-  
dum, ut Protestantium nomen tanto ornamento augeatur. Alii gem salutat.  
æmulationes, & orituras in Cæsarea electione turbas timebant: Cæsar tamen, ne potentem belli socium amitteret, missio Paario comite, Regem Borussiæ salutavit. Ille vero decem armatorum millia ad bellum obtulit. Cæsaris exemplo, si Gallum & Hispanum demas, Reges & Respublicæ pleræque novam dignitatem gratulabantur. Ordo vero Teutonicus, cujus alias Borussia erat, publica protestatione juribus suis cavit.

Plus difficultatis habuit novus Hannoverani Ducis Electoratus. Ita habet. Introducto per Pacem Westph. octavo Electoratu, eminentiores quædam Principum Domus, Würtembergica, Hassiaca, <sup>4.</sup> Hannoverana, <sup>Hannoveranus fit Elector.</sup> Luneburgica, eandem dignitatem ambiebant: & quidem Ernestus Augustus, Dux Hannoveranus, in Comitibus Augustanis 1690. palam, haud multum reclamantibus, qui tunc aderant, legatis.

Biennio post suscitatur causam, & Cæsarem, gravissimis bellis implicatum, haud paulo magis faventem invenit. Exquiruntur clam Electorum sententiæ. Moguntinus, Bavarus, Saxo, Brandenburgicus assentiuntur, certis tamen pactis: primi duo eam conditionem adjecerunt, ut, extincta Wilhelmina Baviariæ stirpe, alius ex agnatis Catholicis Elector subrogetur, (contra ac Westph. tabulis fuerat sancitum) semperque numero vincant Catholici. Igitur 22 Martii 1693 subscribitur, atque Ernestus Augustus Imperii Elector, & Archiepiscopus salutatur.

Pacta autem hæc erant.

1. Calenbergæ (seu Hannoveræ) Cellæ, Grubenhagæ Principatus uniuntur, & indivisi patrimonium Electoris sunt. Quibus pactis.

A 3

2. Quæ



2. Quæ ad suffragandi ordinem, locum in Comitibus pertinent, cum Imperii statibus expediuntur.

3. His compositis novus Elector in Collegium Electorale introducit.

4. Novus Elector, præter quingenta Imperialium millia, sex armatorum millia, suis sumptibus & supplementis conservanda, Cæsari ad bellum Hungaricum per biennium submitto, deinceps vero, dum bellum tenuerit, duo millia; suam nihilominus ratam trium millium ad Rhenum teneto.

5. Domus Austriaca, & Luneburgica perpetuæ unionis fœdere conjunctæ sunt. Adversa fœdera ne ineunto: sed junctis consiliis agunto.

6. Jus primogenituræ Luneburgicorum, aliaque Archidux defendito.

7. Bello petitos quatuor millibus auxiliorum adjuvato.

8. Luneburgici Electores in electione Cæsarea pro Archiducibus nunquam non suffragium ferunt.

9. Cum in Hungaria, vel Hispaniæ causa bellum fuerit, duo millia præstanto, vel æquam argenti æstimationem.

10. Operam danto, ut Bohemiæ Rex eadem cum cæteris Electoribus potestate augeatur: Archiducum Legati pari cum Electoralibus Legatis honore tractentur.

11. Denique Hannoveræ ac Cellæ Catholicorum usibus Ecclesiæ, Scholam, Cœmeterium construi patiuntur.

Oppositiones.

Quamvis autem negotium hoc arcanum sit habitum, brevi tamen, ubi erupit, cum multa complurium Principum indignatione fuit acceptum. Ratisbona querimoniis impletur. Privatam gratiam publicam omnium injuriam interpretati, protestationes opponunt, tria maxime questi, novitatem istam Bullæ Auræ, Paci Westph. Principum Collegio, repugnare.

Wagn.

Et primo quidem Bullam Auream de septem duntaxat Electoribus statuere: additum Osnabrugis octavum, sed, quod habent tabulæ, summa necessitate urgente, & communi omnium Statuum consensu. In præfenti nec necessitatem fuisse, nec ordines consensisse. Violatum

tum illud solenne Pacis scitum : gaudeant (status Imperii) jure suffragii in omnibus deliberationibus super negotiis Imperii. Quod autem negotium majus, quam quo ipsa Reipublicæ forma in re gravissima immutatur: imminui hoc pacto infirmarique magis magisque Principum senatum, alias ferme negligi solitum, Electoralem vero, ut inferioribus Collegiis dominetur, attolli augerique.

*Responsum* ad hæc: hanc esse Sacræ Cæsareæ Majestatis præro-*Responsum.* gativam, summamque potestatem, ut, quod Statibus pacto non fuit communicatum, id uni Imperatori competat. Imperatoria jura tot hæcenus capitulationum vinculis fuisse constricta, nunquam tamen jus illud Regium, Dignitates erigendi, fuisse circumscriptum. Collatum Electoratum Hannoverano cum consensu Electorum, quorum res agebatur in assumendo novo Collega. Si vel hodie, extincta familia, vacaret Electoratus, solum Imperatorem Electorum consilio provisurum, nullius ex Principum Collegio rogata sententia. Si soli Electores Imperatorem designent, cur non Imperatori juncti Electorem possint eligere?

Bullæ Auræ vim nullam fieri. Septem Electores, qui tunc erant, recenseri, nusquam autem vetari plures adjungi. Suffragii jus haud dubie Principibus competere, quando de bello vel pace, ferendis, abrogandis, interpretandis Imperii legibus, aut similibus est consultatio: jura tamen plura Imperatori esse reservata, alia Electoribus propria, alia Imperatori & Electoribus communia, alia toti Imperio.

Osnabrugis adhibitum assensum Statuum, quia erant præsentes, compaciscentes, & alias ad pacem perveniri non poterat; reapse autem totum negotium de octavo Electoratu Cæsareos inter Legatos & Suecos jam antea convenisse, postea autem ordinum consensum accessisse. A solo etiam Cæsare Ferdinando II, re cum Electoribus communicata, Maximilianum Bavarum renuntiatum Electorem. Prout autem ibi, sic etiam hic rogari ordines, ut creatum recognoscant.

Neque inde, five uno plures, five pauciores in Republica sint senatores, illius formam mutari. Ne autem quid inde Collegium Principum detrimenti patiatur, Cæsarem provisurum, *Votum ejus curia-*



curiatum tanti ponderis fore, quanti antea. Cæterum, si hæc totius Imperii sit deliberatio, ad universa comitia fuisse referendum, quin extra illa quidam Principum se opponant.

Quinam  
Opponentibus?

Non acquirunt Principes (*Opponentium* nomine appellati) sed inita inter se unione, diu ac vehementer repugnarunt. Hos inter ex Præfulibus erant, Salisburgensis, Herbipolensis, Bambergensis, Monasteriensis, Paderbornensis, Eustadianus, quibus postea accesserunt, Constantiensis, Fuldensis, Ordinis Teutonici Magister: e Principibus sæcularibus, Saxo-Gothanus, Altenburgicus, Hasso-Cassellanus, Anhaltini, Badensis, Durlacensis, Gustrovio-Mechlenburgicus, Holfato-Glückstadianus, maxime vero Guelpherbytani fratres, Rudolphus Augustus, & Antonius Ulricus, id causati, ex ea provinciarum conjunctione in suum præjudicium passionem familiæ vetustissimas convelli, erigi potentiam, metuendam cæteris. Contra eandem Hannoveræ Cellæque conjunctionem, introductumque jus Primogenituræ, ipsi etiam Georgii Ludovici Hannoverani fratres, Maximilianus & Christianus, solenniter sunt protestati-

Catholico-  
rum querelæ,

Opponentibus igitur Regem Sueciæ, Westphaliæ sponso-rem alterum, vindicias pacis violatæ postulant, haud æquis auribus auditi. Catholici insuper summum Pontificem appellarunt, rem Cæsare indignam rati, Protestantes tantæ dignitatis ac potestatis accessione augeri. Timendum, ne veniat atas, qua consilii perniciem sentiant orthodoxi. Ferdinandum III, quamvis difficillimis Reipublicæ temporibus, adduci nunquam potuisse, ut Protestantibus Electoralem Dignitatem redderet, nisi & Catholico eandem stabiliret.

Anno 1695 Opponentibus Francofordiæ conventum celebrarunt, de mediis consulturi, quibus Hannoveranus in ordinem redigeretur. Verum, cum Suecus non faveret, & Galli opem, bello adhuc fervente, implorare nimis odiosum esset, ad finem usque belli quiescendum esse statuerunt. Nec in subsecuta Risvicensi pacificatione quidquam moverunt.

& commu-  
nes Princi-  
pum.

Anno 1699, cum Cæsar, mortuo Ernesto, Georgium ejus filium Electoralibus insignibus investisset, Opponentibus magnopere questi sunt, nullo se loco haberi: atque ineunte anno 1700, novo Goslaræ conventu celebrato, renovarunt unionem, 1692 Ratisbonæ cœptam,

ceptam, Francofordiæ 1695 instauratam, facta testaque servanda Principum jura, statuunt: duosque Viennam legatos mittendos, qui proponant, nonum Electoratum noxium, contra leges Imperii, a solis Electoribus, spreto Principum intercessione, decretum, non admittendum. Si cunctetur Cæsar, Legatis. Principum a Comitibus Ratisbonensibus abstinendum, proque irritis habenda, quæ nihilominus decernerentur. Si ne tum quidem satisfiat, implorandos Franciæ & Sueciæ Reges, Westphalicæ sponsores.

Ad universa Imperii comitia causam remittebat Cæsar, ubi suffragiorum numero facile vinceret. At illi negabant, in hac re, quæ Religionem formamque Imperii concernat, secundum majora pronuntiandum, aut saltem Electores, quibus multa in Collegio Principum suffragia, a Comitibus interim arcendos.

Quantum dein congressum Norimbergam indicunt. In hoc mutua sibi spondent auxilia, legatosque denuo ad Cæsarem mittunt; qui illo maxime argumento usi sunt: Electores non suo, sed communi statuum omnium nomine & auctoritate Cæsarem eligere, velut Legatos, Vicarios, & mandatarios totius Imperii: nisi igitur Principes & status mandent, non posse augeri numerum legatorum. Alia adjecta contra Electorum præpotentiam.

Cum nihil impetrarent, Galliæ Regem appellarunt: qui respondit, æquum videri, ut in tanto jurium suorum discrimine adjuventur, ut integra conservetur Westphalica. Jam Rîsvici eam terpellant, labem se perspexisse, sed ipsis silentibus dissimulasse. Officiis se primum acturum apud Cæsarem, quæ si cassa fuerint, non defuturum vindicis muneri. Villario Legato responsum a Cæsare: paucos interpretationem Westphalicæ sibi vendicare. Hannoveranum ab Electoribus, quorum interfit, Electorem receptum; eumque non ante in Electorale Collegium introductum iri, quam Principibus excipientibus fuerit satisfactum.

Orto dein ob Hispaniam bello Opponentem quintum Francofordiæ conventum habuere; id tempus esse rati, quo Cæsarem, auxiliorum adversus Borbonios indigum, in vota flectant. Id ut efficiant, inter se statuunt, Comitibus abstinere, nec transitum, nec delectum militum in ditionibus suis concedere, pro viro uno, consiliis iisdem, fide summa standum omnibus, donec major Principum ratio habeatur.



Nulli autem acrius repugnabant, quam *Guelpherbytani* fratres, qui communi consilio atque potestate, mira concordia, provincias regebant, unionem illam *Cellensis* & *Calenbergensis* Principatus, sub titulo primogenituræ introductam, familiæ suisque rationibus juribusque pugnare, causati. Et quidem *Antonius Ulricus* defensivum fœdus icit cum Gallia, quo Domus suæ Sociorumque jura adversus *Hannoveranum* tueretur, quin tamen, si bellum commune decerneretur, ratam suam Imperio præstare prohiberentur Socii. Atque eo nomine Rex certa subsidia *gratificationis* nomine largiebatur.

Armantur.

Vincuntur.

Ulricus Cæsari & Deo jungitur.

Ad duodecim armatorum millia *Ulricus* sub signis habebat, nec cessabat delectus facere. Quæ res cum periculosa videretur Germaniæ, *Hannoveranus*, consentiente Cæsare, per hyberna disperfos, sui que securos, noctu opprimit, plerosque in potestatem redigit, *Guelpherbytum* obsidet. Ad *Brandenburgicum* & *Hasslo-Castellanum* defertur arbitrium: qui in hæc capita pronuntiant: *Rudolphus* abdicato fœdere Gallico ad magnum fœdus transeat: 2200 pedites, 800 equites Cæsari submittat: domi ne plus 4000 peditum, 50 equitum habeat. *Ulricus*, viribus jam destitutus, easdem conditiones ratas habere coactus est (1702.) singulari dein amicitia junctus Cæsari Domuique Austriacæ; quin Imperatricis avus fieri meritus, &, quæ summa felicitas, *Orthodoxæ Religionis* redditus.

Ludovici Badensis sententia.

Quamvis autem deinde, fervente jam bello, & *Coloniensi* provincia a Gallis occupata, publicum Reipublicæ periculum ple-rosque ex Opponentibus a domesticis istis controversiis, ad communem causam Cæsaremque pertraherent, aliqui nihilominus, cum *Ludovico Badensi*, Domus Austriacæ alioquin studiosissimo, perstabant in sententia; cum Cæsar erecti Electoratus tabulas salva dignitate abolere nequeat, suspendendum tamen Electorale *Hannoverani* officium, & inter Electores sessionem, atque suffragium, donec *Wilhelmina Baviaræ* stirps deficiat, novoque Electori locum faciat.

Hannoverani introductio.

Denique vero potissima jam Germania ad Cæsarem traducta, & minitante *Hannoverano*, ni Gallos prensare Opponentem desinant, eodem se jure *Anglos Batavosque* in subsidium vocaturum, nihil ultra repugnandum rati, belli communis curis se dederunt.

Han-

Hannoveranus vero postea anno 1708 ad sessionem & votum Electorale publicis in Comitibus Ratisbonæ est introductus, mitigato paulatim per externas formidines resistendi studio.

### Art. III.

#### *Associationis Fœdus. Decretum ab Imperio bellum.*

Adversus Borboniorum potentiam tota prope Europa, ad commune velut restringendum incendium, in auxilium est vocata. Cum! Anglis Batavisque fœdus jam erat istum. Palatinus, Brandenburgus, & Hannoveranus accefferant, Danus 12000 Hollandis; Cæsari 8000 grandibus stipendiis locavit. Saxo 8000 addidit, præter non modica Saxo-Gothani auxilia, magno deinceps usui futura. 5-  
Collectæ  
copiæ.

Ad Imperii Circulus missus *Löwensteinius*; qui periculi magnitudinem, abreptum Austriacis avitum Hispaniæ patrimonium, abstractam ab Imperio Longobardiam cum Burgundiæ Circulo, Germaniæ discrimina, ob oculos posuit. Opus esse præsentis consilio, neque rem tardas Comitiorum moras ferre. Socii.

Pro belli denuntiatione id nequaquam accipiendum; quemadmodum Gallus se hostem neget, etsi Hispanicorum auxiliorum nomine universam regni sui potentiam Nepoti impendat, & nuper auxiliorum Burgundicorum obtentu Coloniensem provinciam occuparit.

Quamvis autem Suevicus & Franconicus Circulus fidem dederant Electori Baviaræ, neutras se partes secuturos, ipsum Electorem etiam communis exercitus, ad defendendum trinum illum Circulum, Imperatorem designarint, nihilominus cum utroque Rhénano, & demum etiam Westphalico, fœdus associationis, prout vocabant, interunt, ac magno fœderi subscripserunt. His tot Sociis auctus Cæsar, 15 Maji 1702 Franciæ bellum indixit. Idem eadem die Angli & Batavi fecere: sequentibus post sequestre Imperii Comitibus. Fœdus.  
  
Bellum Gal-  
liæ indici-  
tur.

Remoram his injecere, quas meminimus, Opponentium de Electoratu Hannoverano contentiones, aliæque dimicationes intempestivæ.



Contentio  
de nomine  
*sanctæ* Rom.  
Eccles.

Præfuit Comitibus pro Cæsare Josephus Lambergius S. R. E. Cardinalis, idemque Episcopus Passaviensis. Movebant ei, quam jam antea Thunio Archiepiscopo Salisburgenſi, itidem Cardinali moverant, Protestantes litem de nomine: negabant religiosi homines, *Sanctæ* Romanæ Ecclesiæ Cardinalem a se appellari posse; sicut enim in Lutherana Ecclesia nihil sanctum agnoscant Catholici, ita neque se in Romana: ac proin neque Ecclesiæ, neque Pontifici *Sanctitatis* elogium posse tribui.

Responsum a Cardinale, non passuros Catholicos ab vetustis formulis, & mille amplius annorum possessione se dejici a Novatoribus. Publicis in monumentis passim Ecclesiæ *Sanctæ* nomen extare, & in Capitulationibus summum Pontificem *Sanctissimum* appellari. Protestationibus denique utrinque interpositis, lis in medio relicta est, & ad deliberationes itum.

Legati Ratisb.  
amandantur.

Ante omnia autem *Noveforgius*, Burgundici Circuli pro Carolo II legatus, atque ab Andegavensi confirmatus, Ratisbona facessere jubetur a Cæsare. *Chamaeo* quoque *Oratori Gallico* denuntiatur, cum Rex Colonensem in provinciam copias induxerit, alias vero occuparit, diffidiis Germaniam misceat, nec Legatus ea, qua par est, modestia agat, intra triduum Ratisbona, deinceps Imperii solo excedat.

Gallici legati  
oratio.

Negavit, Legatum, ad Imperii comitia missum, a solo Cæsare abigi posse. Quin prensans Legatos singulos ingerit, suspicionibus & timoribus Europæ motum Regem, testamentum partitioni, qua Francia non modice augeri potuisset, prætulisse. Nihil eum ex tota hæreditate sibi aut regno suo vendicatum cupere. Ne duo regna coalescant, periculum nullum fore. Cautum ea de re in ipso testamento, caverique adhuc magis posse. Hispanos, moribus, lingua, vestitu, regnique ac dignitatis suæ rationibus, a Francis penitus dissidentes, nunquam commissuros, ut iisdem consiliis auspiciisque regnum utrumque gubernetur. Velle Regem copias suas illico e Germaniæ solo deducere, Andegavensem vero Mediolanum, aliasque provincias beneficiario jure ab Imperio recipere, quin illius juribus quidquam detractum cupiat. Absisterent proin bello gravissimo, Germaniæ forsan exitiali. Consistere in Belgio 70000, in Alsatia 80000, in Italia 40000, in Hispania 28000, præter Hispanam classem, bellicas 90, triremes 50. Favere paci Pontificem,

Vires Borb.

Sa.

Sabaudum dedisse fidem, Venetos, oblata Mantua, facile conciliatum iri: Hispaniam totam pro Andegavenſi armatam ſtare. At minitante Lambergio, ni ocius Ratiſbona abſcedat, in vinculis eduſtum iri, Monachium abiit.

Minus probata eſt *Opponentibus* hæc ratio, arguebantque, non rite actum a Cæſare, quod jam 15 Maji, re in Comitiiſ necdum definita, bellum denuntiarit, ſuaque unius ſententia Chamæum Ratiſbona ejecerit. Ad quæ Lambergius, Cæſarem non Imperii, ſed Auſtriæ & Sociorum nomine pro deſenſione bellum denuntiaſſe. Nunc autem comitiorum ſuffragia rogari. Quin per capitulationes, ſi copiæ alienæ ditionem Imperii inſalerint, etiam inconfultis Comitiiſ depellendi juſ eſſe.

Proteſtantes detrectabant ire in ſuffragia, niſi controverſia de <sup>4tus Artic.</sup> *quarto Rivoicenſi articulo* ante componeretur. Sed Lambergii dexte-<sup>Riſvic.</sup> ritate res odioſiſſima in opportuniuſ tempuſ rejecta eſt.

Hiſ ſuperatiſ, poſtquam Bavaruſ jam Ulmam cepiſſet, 6 Oct. 1702 comitiorum ſententia bellum in Regem Franciæ, ac Philip-Comitia pum Andegavenſem decernitur. Fœduſ cum Anglo-Bataviſ pu-bellum de-blice ſancitur. Centum ac viginti millium exercituſ designatur.cernunt. Ludovicuſ Badenſiſ ad Rhenuſ ſuperiorem exercituſ Imperator deligitur: cui ea ex parte deſenſio placuit: ac proin Suevi, quibꝯ Francones deinde acceſſerunt, valliſ, per longum ad Rheni oram tractum ducendiſ, aggeribuſque ſtruendiſ, occupantur.

#### Art. IV.

*Belli Germanici initia. Motuſ Colonienſeſ & Leodieneſeſ. Landavia capta, & Ulma. Pugna ad Fridlingam. 1702.*

Cum ſuſpecta eſſet fœderatiſ menſ Colonienſiſ, in ejꝯ pro-<sup>6.</sup> vinciam militem induxerunt. Irritatuſ ea re Elector, cui aliaſ cum Colonienſiſ Canonicorum Collegio, ipſaque urbe Colonia, non bene conve-<sup>Gallica præ-</sup> niebat, Gallica præſidia in munitioeſ ſuaſ urbeſ, Bonnam, No-<sup>ſidia recipit.</sup> veſium, Rhenobergam, Zohnium, Leodium recepit; hunc autem militem *Burgundicorum auxiliorum* nomine Elector compellavit, nec Galloſ, ad mitigandam invidiam, dici voluit; quia Gallicarum partiuſ ſtudiuſ teſtuſ adhuc cupiebat. Sed nemo erat, qui non ſuſpicaretur, quo hæc tenderent, præſertim, ubi *Meaniuſ,*



Ecclesiæ Leodiensis Decanus, Namurum in custodiam fuit abstractus.

Batavorum  
motus.

Graviter perculit Cæsarem, & Fœderatos hoc nuntium, maxime Batavos, qui Gallos Inferioris Rheni potentes, seque a Germaniæ auxiliis interclusos dolebant. Quapropter, missis quindecim cohortibus, cum Brandeburgicis junctis, Coloniensem agrum ingressi, Cæsaris Verdam expugnarunt, soloque æquarunt. Accessere brevi Venlona, Ruremunda, ipsumque Leodium, Cohornii maxime, Batavos inter machinatores facile principis, artibus expugnata.

Electo Colonienfis Viennam fuit citatus, ut respondeat ad hæc accusationis capita. 1. Quod violaverit juramentum Cæsari & Imperio præstitum. 2. Quod fœdus inierit cum hostibus Imperatoris. 3. Quod receperit Gallica præsidia. 4. Quod egerit contra leges Imperii. 5. Quod curaverit Decanum Leodiensem captivum abduci a Gallis. 6. Quod se opposuerit executioni Cæsareæ.

Ejus Respon-  
sio.

Respondit Elector, si neutrius partis esse finatur, discessuras illico copias Circuli Burgundici. Publicavit etiam *Manifestum*, in quo jurasse se ait Imperatori, non vero Archiduci Austriæ. Distinctionem istam contineri in præfatione Bullæ Aureæ, & in Capitulatione ipsius Leopoldi Cæsaris *Art. X.* Bellum hoc esse Domus Austriacæ cum Gallia, non vero totius Corporis Germanici. Ludovicum proin non posse proprie appellari hostem Imperii post Tractatum Rysvicensem. Sicut Archiducem Austriæ, sic etiam alios Imperii Principes inire posse cum exteris fœdera. Si quid actum videatur contra conventionem Episcopi Leodiensis cum Capitulo, sciendum, illam ante P. W. turbatis illis temporibus fuisse extortam, ab Innoc. XII. tanquam abusum improbatam, & Episcopum juramento solutum. Captivitatem Decani Leodiensis nihil ad se pertinere. Cæsarem non posse Electorem proscribere, executionem militarem contra eum præcipere, subditos a juramento fidelitatis absolvere sine consensu Imperii. Crimen suum unice in eo consistere, quod noluerit provincias suas sacrificare rationibus privatis Domus Austriacæ. (*Davringy Hist. Prof. ad anno 1707.*)

Ad superum Rhenum Badensis citerius litus egregio vallo muniatur; sed quia Anglo-Batavi pacti fuerant, ut Germania non solum.

solummodo se defenderet, sed bellum etiam inferret, *Landaviam*, permunitam *Allatiæ* urbem, ac præcipuum *Vaubonii* opus, oppugnare statuit. *Melacus*, invisum ab incendiis Germanis nomen, *Landavia* urbi præerat, instructus omnibus, ad repellendam aggressionem, expugnata. paratibus. Fœderatis multa deerant, quæ ex *Suevia* & *Franconia* lentius sunt convecta, unde ipsam etiam oppugnationem lentam esse necesse fuit.

Ubi autem *Josephus*, Romanorum Rex, in castra venit, tanta omnes alacritate, exemplo præeunte ipso, operi incumbabant, ut septima Septembris ad dedicationem *Landavia* fuerit adacta.

Postridie ejus diei, octava videlicet Septembris, Elector *Maximilianus Emmanuel* inopinato *Ulmam* astu cepit. Quod sic contigit. *Bavariæ Electoris consilia.* Ejus filius *Josephus Ferdinandus*, ex *Maria Antonia*, *Leopoldi Cæsaris* & *Margarethæ Hispaniæ* primogenita, susceptus, *Hispaniæ Monarchiæ* hæres publice fuerat designatus; jamque iter in *Hispaniam* apparaverat *Parens*, cum filius fatali morbo sublatu, spes grandes *Patris* repente destituit.

Privatus igitur & filio suavissimo & regno amplissimo, cujus Administrator ipse erat futurus, ad proximum sanguinem respexit, *Causæ Philippi Nepotis accedit.* ad *Philippum* videlicet *Andium Ducem*, suum ex sorore nepotem, cui & testamentum favebat, & tota *Franciæ* potentia. Nec deerant magna hujus promissa; quibus allectus *Belgium*, quod pro *Carolo II* gubernaverat, *Philippo Nepoti* in manus consignavit.

Adhæc urebat *Magnanimi Principis* animum, quod *Leopoldus* focer *Saxonem*, *Brandeburgum*, *Luneburgicum*, tot honorum ornamentis cumulasset, cognati vero sanguinis, generique sui, post tot merita, gloriosas expeditiones, exercitus, bello *Hungarico* pro *Domo Austriaca* impenso sumptus, nullam rationem habuerit. *Quare.*

Proximam secessionis causam allegabat, quod *Suevicus* & *Franconicus* *Circulus* secum convenissent, ut ex tribus circulis neutrarum partium exercitus collectus, pro defensione ab ipso duceretur. Jam vero duos hos populos fracto fœdere, se destitutum reliquisse. Providendum igitur de vicino munito loco, ut *Bavariam* suam ab irruptione tutam præstaret.

Quam-



Quamvis autem neutrarum partium adhuc studium præferret, Borboniorum tamen causam sequi certus, ineunte Septembri, positus ad arcem Lichtenbergensem castris, 20000 recensuit. Ex iis cohortes aliquot, *Becmanno*, Prætorianæ legionis Protribuno, Ductore, ad intercipiendam Ulmam expedit. Vario habitu per avia Ulmæ imminet; rusticos, puellas, anus induti, alii per urbem sparguntur: alii foris præstolari jubentur ad anserinam portam, quam minus custodita plebs rusticæ suas merces importare solebat.

3.  
Ulmæ inter-  
cepta,

Hæc porta ubi aperta fuit, Bavari milites rusticorum specie, olera aliasque res capite, aut dorso deferentes, aliis permitti intrant. Extimum excubitorem *Becmannus* ipse pugione interimit. Arreptis, quæ præ foribus pendebant, armis, vigilas cæteras intra stationariam causam concludunt. Junguntur; qui jam ante sparsi fuerant, Boii; occupatur porta, pyrobolarii cum dimachis irrupunt.

Orto tumultu præsidarii, ac cives, veteri more in 28 cohortes distributi, arma attoniti arripiunt: quosdam, eosque inter *Becmannum* (nisi errante pila a suis sit stratus) interimunt. Sed jam magis invaluerant Boii, quam ut illis possent resistere. Quare misso ad Ductores homine, quid ea vis sibi velit, quærunt. Responsum, Electori ad securitatem suam, & ne ad jungenda arma ab associatis cogatur, hoc Danubii claustro opus fuisse. De cætero urbi sua jura, leges, religionem, ditiones salvas fore. Post brevem inde consultationem se dediderunt, octava Sept. 1702.

Et Memmin-  
ga.

Facti novitas Comitia, Germaniam, ipsamque Bavariam attonitam habuit. *Württembergicus* cum *Suevis* & *Franconibus* a *Landa* via, pridie capta, ad suos penates trepide se refert. Cæsar adhortatur, cœptis absisteret: suam *Ulmen*sibus civitatem redderet, *Avocatoriis*, ut vocant, pareret. At Elector eam, quam diximus, *Franconia* & *Suevia* a se defectionem, impensas, in *Hungariam*, Imperium, & *Belgium* causatus, a *Suevia* ordinibus pro copiis sustentandis contribui petiit, & 1 Oct. *Memmingam* expugnavit.

Pugna Frid-  
lingana.

Etsi autem *Badensis* interea *Rheni* littus diligenter communierit, invenit tamen *Villarius* locum, quo *Rhenum* transiret. Intrepide cum octo duntaxat millibus obviam *Badensis* processit. Medio Octobri conferitur ad *Fridlingam* prælium. Anceps utriusque victoria. In fugam actus eques Germanus, pedes Gallicus. Signa cum machinis

chinois capta, amissaque. Parisiis tamen victoriæ lætitiæ celebratæ, ac Villarius Franciæ Mareſchallus renuntiatus. Ex Germanis ceciderunt Carolus Fürſtenbergius, Franciſcus Hohenzolleranus, Staufenbergius, Gemmingius. Badenſis poſt pugnam, collecto ex fuga equitatu, Friburgum inter & Neoburgum caſtra locavit. Villarius vero trans Rhenum ſe retulit, fruſtrato cum Bavaro ſe conjungendi conſilio.

## Art. V.

## Bellum Bavaricum anni 1703.

Nunquam res Auftriaca in majus diſcrimen adducta videbatur, quam ſæculi hujus anno tertio. Exercitus duò caſi: Briſacum, & Landavia amiſſa. Hungaria tota perduellis. In Italia res anguſta: argenti magna egeſtas. Provinciæ tributis feſſæ. Cæſaris conſilium diſcordiis conſuſum. Inde Hungarus, hinc Bavarus Gallusque Auftriæ imminens. Tyrolis ruinæ proxima.

Hoc rerum ſtatu non deerant, qui ſuaderent, Huſſarorum legiones Baviariæ, regioni patenti, immittendas, quæ populatione, incendiis, deportatis incolis, bellum civile reſtinguerent. Sed hoc a pietate Leopoldi longe erat alienum. Badenſis aliique deferendam omnino Italiam cenſebant, copiasque in Baviariam traducendas, ut extincto inteſtino patriæ bello, liberius dein exterum geratur. Sed & hoc reſectum.

Dum Viennæ deliberatur, Elector 30 Januarii Neoburgo ad- vet exercitum, & 3 Febr. expugnat. *Iſſelbachio* Præſecto liber ab- tus conſeſſus, præſidio (2000) more militari capto. Sed cladiſ aliquid, a *Styrumbio*, *Gronſfeldio* & *Palfyo* accepit ad *Altmylam*, Dietfurtum inter & Neoforum, captis 800, totidem ferme Bojorum caſis. Neoforum præmio fuit.

*Schlickius* comes primus cum Saxonibus & Hannoveranis in Baviariam irrupit, atque *Riedam*, elegans oppidum, cepit, ſed mox rurfus deſeruit. Elector vero, veterana prudentia miles, cum octo millibus *Schardinga* erumpens, eundem aggreditur, pugnaque ad *Iſembiram* conſerta, gravi clade proſſigat. Cæſi aut capti mille, relictis omnibus impedimentis, & 16 equeſtribus ſignis.

Pars X.

C

Dedito

9.  
Status Au-  
ſtriacæ  
Domus.

Conſilia.

Neoburgum  
occupatum.

Clades ad  
Altmylam.  
Amiſſum  
Neoforum.

Pugna ad  
Iſembiram,  
cæſus Schli-  
kius.



Ad Lengenfeldam Styrumbius. (28 Martii.) Dedito mox castro Neoburgensi ad Oenum sito, summa cele-  
ritate Elector in superum Palatinatum abiit, atque ad *Lengenfeldam*  
Styrumbius. (28 Martii.)

Justitium Comitiorum. Mox Elector ad Danubium rursus flectititer, pontique acpor-  
tæ Ratisbonensi occupatæ præsidium imponit, ocius illud deduce-  
re pollicitus, si civitati Cæsaris venia neutri esse liceat. Noluit  
Leopoldus, ne exemplum in alias civitates eat. Quapropter neque  
Elector Legatis abitum concedere voluit, nisi suis etiam Legatis lo-  
cus, & suffragium in Comitibus relinquatur. Ejus rei mentionem cum  
Cæsar non ferret, ad finem usque belli *Comitiorum justitium* inter-  
cessit.

Electores Villarij. Villarius interea, misso ad distinendum Badensem *Tallardo*,  
Villingam se occupata Kehla, per Hercyniam & Kizingensem vallem penetrans,  
jungit Villario. *Villingam & Dillingam* pervenit. Ubi cum Electore se conjunxit.

Hujus postulata. Cessa illi Ulma-  
Petiit *Villarius*, ut Elector Ulmam, Ingolstadtium, Brunovium,  
Gallicum præsidium recipiat; summumque copiarum imperium sibi,  
ceu Regis Legato, cedat. Conventum denique, ut Ulmam Galli  
præsidio tenerent, & absente Electore Villarius exercitum duceret,

Ingens ab hac conjunctione per Sueviam, Franconiam, Bohe-  
miam, ipsamque adeo Austriam sparsus terror. Sed Elector, præte-  
ritis apertis istis campis, consilio minus felici Tyrolensem expe-  
ditionem suscepit, ut, cum *Vendomio* etiam Italiaque se conjunge-  
ret; prout sequenti §. exponetur.

Villarii & Badensis castra inter Dillingam & Lavingam. Inter hæc vero, dum Elector in Tyroli aberat, *Villarius* in  
munitis, *Dillingam* inter & *Lavingam* castris se detinuit; trans rivu-  
lum ad Haunshemium ex adverbo Badensis metatus est, per Junium  
Julique dimidium re nulla tentata; nominis etiam famam lacerari  
passus, quod, decem licet millibus hoste superior, Bavaria intacta,  
otiosus aspiceret. At sapiens Princeps, permunitis in castris Vil-  
larium aggredi temerarium ducens, nolebat Rempublicam unius  
prælii ancipiti atæ committere; cum, si pugna vinceretur, bello  
victam eo rerum statu Germaniam crederet.

Lathur ad Munderkingam oppressus. Ut autem pabulationes Gallorum impediatur, *Lathurium*, a Ba-  
varicis signis ad Cæsarea nuper transgressum, cum tribus equitum  
millibus Ehingæ Danubium transire jubet. Ea re explorata, quinque  
Gal.

Gallorum millia Ulma emissa ad *Munderkingam* eundem oppressum in fugam unt. Christianus, Hannoveranus Princeps, Electoris frater, Danubii vadum pertentans, in medio flumine glande ictus periiit.

Mense Augusto Badensis 28 cohortes, 54 turmas *Styrumbio*, ex Marefchallis vetustissimo, attribuit. Is ex castris Haunshemiensibus egressus, imminente hinc *Dilinga Uffonio*, illinc *Donaverda* *Styrum* ad Electore & Villario; *Höchstadium* inter & *Schwenningam* in medio *Schwennin-* *deprehenfus*, commissa pugna, quam alii *Höchstadianam*, *Schwen-* *ningensem* alii dixere, magna clade afficitur. Plus enim cædis quam pugnae fuit; cum *Styrumbiani*, terrore perculsi, sub ipsum jam conflictus initium fugæ locum circumspicerent. Capta 4000, cum impedimentis & tormentis omnibus, prius, quam vel unam pilam in hostem evibrassent, dictitante Villario, ludibundo obvenisse victoriam, nec tam ad prælium se quam prædam venisse. Exercitus reliquæ continenti fugæ *Nördlingam* pervenere.

Badensis virium dimidio amisso, quamvis non amplius 16000 Badensis censeret, 6000, *Bibra* Gubernatore, Augustæ imposuit; *Eridber.* *Fridbergam* deditione accepit; *Mercy*um vero cum Hussaris & levioris ar. capit. maturæ equitibus, ad populandum *Bavariæ* agrum immittit. Castra vero haud procul *Lyco* figit, hoste prope eundem metante.

Elector, misso ad *Bavariæ* tutelam *Arco*s, ut *Badensem* ab Elector Augustæ detraheret, per *Sueviam* flectit iter, tanquam *Stolbosensem* *Campido-* *aggerem* invasurus, & hyberna in agro *Würtembergico* quæsiturus: nam, captaque *Campidona*, Villarium in Galliam redeuntem comitatus, *Marfinium*, ejus loco præfuturum, cum pecunia excepit. *Badensis* vero, cum nihil ex sententia succederet, corpore & animo ager, suffecto sibi *Thingenio*, domum concessit. At Elector ea præclari Et ipsam Ducis absentia usurus, cum Cæsareos a *Vindelicia* abstraxisset, *Augustam*. ineunte Decembri Augustam oppugnare cepit. 13 Decembris *Bibra* sub conditione, salvum educendi præsidium, urbem dedit.

Meliori Cæsareorum fortuna res gesta in Palatinatu *Bavarico*. Nam imprimis *Rottenberga*, arx ad *Norimbergensium* fines permu- *Rottenberga* nita, *Franconibus* dudum invisa, devicto *Maffio*, qui subsidio ab *Austriacis* venerat, ab *Aufflessio* fuit expugnata, ac penitus diruta, contra, diruta. ac loci Præfecto promissum fuerat. *Ambergensi* dein Consilio, de violata



violata publica fide expostulanti, respondit Auffessius: in tabulis exstare, in quantum suæ potestatis sit. Sed Franconum ordinibus aliter visum.

Chambium  
& Ambergæ  
capta.

*Herbevillius*, qui ad fines Bohemiæ excubabat, & solus sine hoste & clade fuit, *Chambium*, haud immunitam urbem, deditione caput, cum 200 præsidariis: inde vero ipsam *Ambergam* cum reliquo Palatinatu. *Zolleranus* Comes urbi, provinciæ *Auffessius* Gubernator impositus.

Badensis  
criminationes  
diluit.

Badensis, cum laboraret invidia, quod, absente per trimestre Electore, Villarium non fuerit aggressus, nec aliud egerit, Styrum, quid facto opus, non caute docuerit, pugnandi occasionem neglexerit, Campidonam & Augustam prope sub oculis capi permiserit, Cæsari per litteras se purgavit, difficilem Ducis esse conditionem, Provinciam maxime militem, e tyronum supplementis collectum, & quidem diversarum adeo Nationum, regentis. Temeritatis labem, cum summo Reipublicæ discrimine conjunctam, non fuisse se effugitum, si hostem, veteranis stipendium, & munitissimis castris se tuentem, invasisset: id autem suo otio effecisse, ne Galli Sueviam diriperent. Quod per Ductores res male sit gesta, illis tribuendum, qui largitionibus, commendatione, & gratiis potius, quam propriis meritis, bellicque experientia ad prima militiæ munia attolluntur. Illa vero tot Principum, Ductorumque, in diversa tendentium, fastidia, exceptiones, imperii detractiones, quam vel optimis consiliis sint noxia, centies deploratum. Vix esse oppidulum, quod sibi non leges dicet. Hollandicos nullam belli disciplinam pati, a rapinis, ingluvie, stationum desertione, & quidquid lubet, agendi libidine, coerceri non posse. Coactum se adeo Goorium, aciei structorem, in vincula conjicere. Sibi quidem, quoad militiam faciat, nullam expeditionem plus difficultatis ac tædii attulisse. Amicissimis litteris solatus est eum Cæsar, actaque ejus probavit.

## Art. VI.

### *Bellum Tyrolense 1703.*

10.  
Electores in  
Tyrolim

Bavariæ Elector, postquam Provinciarum suarum tutelam Gallicis commendaverat, in Tyrolim, quæ ad Bojariam olim spectabat, expeditionem suscepit, acceptis secum 9000 Boiorum, 2500 Gallorum,

lorum, selecto milite. Diversis itineribus Wasserburgo, Rosenhemio, Tegernsee *Kuffsteinium*, arcem monti impositam, situque & opere munitissimam, feruntur. 400 præfidiariis Wolkensteinus Gubernator præerat: qui dum domibus hortisque, arci aditis, ignem ad-movet, flamma, reflante vento, in arcem propulsa, penu bellica in auras evibrata, homines, arcem, oppidum, misere combussit. Wolkensteinus in arcem properans, cum scalas ligneas igne jam correptas videret, cum 200 militibus Ratenbergam se recipere coactus est.

*Kuffsteinium capit*

Tutabatur tamen seipsam montis præcipitis natura, donec Boii alia via, minus custodita, in arcem sunt enisi, atque munimento, quod invincibile videbatur, simulque Tyrolis ea ex parte clavi facili manu potiti, interfectis aut captis, qui supererant, præfidiariis, 19 Junii.

Kuffsteinii fortunam mox subiit alterum Tyrolis propugna. Ratenbergum *Ratenbergam*, cuius arci, rupi ad Oenum impositæ, Janus centurio præerat, fortiter initio resistens, sed ea brevi conditione ad deditionem compulsus, ne contra Electorem & fœderatos duos Reges eo anno militarent.

Pubes agrestis, ignibus per montes pro more accensis, convocata, dubitabat, an in Nobiles primum, Magistratus suos, a quibus discordiis diffidebant, an vero in hostem bellum moveret. Sed sacerdotis hortatu patriæ prius consulendum rata, magno numero ex montibus & vallibus se conglomerat, atque Lodronium Comitem ductorem eligit. Adjungunt se Academici Oenipontani 400. Sed ubi, capta Ratenberga, imminentes armatos milites viderunt, via relecta ad sua redierunt.

Abeuntium vestigiis hærens Elector, Sebatum (*Schwazium*) *Schwazium*, oppidum argenti venis dives, *Halamque*, sale ex montibus derivato, urbem inclitam, cum exercitu ingressus est. Oenipontani vero, obviam progressi, cum urbem apertam defendere non possent, claves tradiderunt. Recepit eos Elector in fidem, ea conditione, ut simul *Scharnizium*, permunitum in Bavariam transitum, eumque, coeuntibus montibus, angustum, dederent. Dediderunt (quid enim facerent) ut urbem ferverent?

*Halam,*

*Oenipontum,*

*Scharnizii fauces,*



Electoꝝ 26 Junii Oenipontum ingressus, in æde principe solennes Deo grates persolvit, relictisque in pristino dignitatis gradu Proceribus, magna in omnes clementia est usus, severitate militari interdicens, nequa vis aut noxa fiat. Quamvis, Galli maxime, non ita potuerint coerceri, ut manus cohiberent. Invisit subinde arcem *Ambrosiam*, armis, signis militaribus, monetis, picturis, variisque thesauris & antiquitatis monumentis celebrem. Pretiosa magis jam ante in Carynthiam fuerant aucta: alia vero postea Monachium.

Cum autem agrestes pontem ad *Schönbergam* montem demoliri niterentur, missus eo Tauffkirchius illos dissipavit, intercepto Cum Ehren-  
berga. Wolkensteinio. Lüzelburgius vero *Arcem Ebrebergensem*, natura invictam, extorsit Rostio Præfecto, quem circumstantes rustici populationis metu, de rupe præcipitatos minitantur, ni munimentum dederet.

Stetit hic Electoris in Tyroli felicitas; nam, ut Vendomio cum 25000 Gallorum ex Italia Tridento jam imminenti, se jungeret, per *Fünsterminzam*, angustum inter Tyrolim & Grisoniam transitum, viam aperire tentavit: incolarum in se fide confisus. Sed Martinus quidam *Sterzingerus*, Landeggenfis, populares suos adhortatus, fistulatores in adverso utroque, quem Oenus interfuit, monte, disposuit arbores inter, saxa, & vepreta quam occultissime se tenere iussos, donec signum aggressionis ederetur.

*Tauffkirchius* & *Neubausus* duo armatorum millia eo ducebant, qui Landeggio, Prutioque Gundiacum usque absque suspitione profecti, cum in insidiarum locum venissent, glandium repente imbre, devolutisque ex montibus saxis obruuntur. Nullus erat virtuti locus: sentiebant strata passim agmina, audiebantque cachinantem hostem, sed non videbant. Neuhausius cum Tauffkirchio cum 40 equitibus fuga elapsi, ad *Stambfensem* pontem ab agricolis capti sunt. Portia Comes pecudis instar securi impacta mactatus: superstites vario tormentorum genere enecti. Multa præda ab immiti victore capta.

Clades ad  
Prennerum. Nec melius excepti Bavari, dum *Prennerum* montem, Stein-  
achium inter & Sterzingam situm, superare contendunt. A latitan-

tantibus pariter inter arbusa & cavernas agrestibus magna clade affecti. Mille prope viri interfecti memorantur.

Perstitit nihilominus *Luegii* ad pedem *Prenneri* Elector, donec de Hala, Scharnizio, & Ratenberga a rusticis captis nunciaretur. *Hala Veritas* Comes asperius, quam tempora, & gentis indoles *Verita Hala* ferebant, agrestes ad muniendam civitatem adigebat. Numerosus *caesus*, igitur globus irrupit, obvios quosque Bavaros milites, istosque inter etiam Præfectum urbis Comitem *Veritatis*, crudeliter contrucidat.

Elector a *Prennero* redux *Oenipontum* agrestibus amnestiam *Reditus Ele-* offert, & gratiam. At illi tot prosperis eventibus feroces, *Leo* *floris Oeni-* poldum Dominum suum inclamant. Severitatem igitur expromit in *pontum*. eos, qui ad montem prope *Zirlam*, *Martini parietem* appellant, (*Maximiliani I* periculosa venatione famosum) velut obsessum tenebant propinquum *Oenipontum*.

Sub *Heindlio* 150 Legionarii cum 800 rusticis montem, quem *Vici agrestes* dixi, occupaverant: 400 alii in *transœnana* ripa se obvallaverant. ad *Zirlam*, Hos, fortiter licet resistentes, Elector primum fudit.

Difficilior cum agmine altero, quod in monte inter fruteta stationem ceperat, erat confictus. Peritissimi venaticæ sunt ex *Tyrolensibus* multi, atque ad scopum collimare apprime docti. Hos inter *Schandlius Ferdinandum Arcoum*, quem e vestium ornatu Electorem existimabat, ad latus Electoris obequitantem, pila prostravit, lateque per Europam fama Electorem enectum circumtulit. Superata nihilominus tandem loci ardui natura, hominumque pertinacia. Capti 60 Legionarii, totidemque fere, qui tardius se receperant, rustici, atque ad vindictam, aliosque absterrendos, *Zirla accen-* variis suppliciiis enecti: *Zirlense* autem oppidum subiecta flamma in sa, cineres redactum.

Accenderunt magis hi ignes agrestium animos. Quinquaginta Bavaros, *ponti Müblensi* præsidio impositos, ex edito irruentes concidunt *Stubacenses* revecta de *Prennero* Electoris impedimen- *Magis ac-* ta, interfectis custodibus, diripiunt. Tres cohortes, inde reduces, *centi*, sistulatores abditi prope delent.



Electo-  
dit in Bava-  
riam.

Imminebat cum suis agminibus *Guttensteinus*, *Solarius*, & expeditionis Dux *Heisterus*: Tyrolenses ubique in armis erant. Cre-  
scebat in dies periculum, ne intra infidas cautes nullus amplius ad  
receptum pateret exitus. Quare Elector exarmatis civibus Oeni-  
pontanis, simulataque Oenana nova expeditione, cum exercitu suo  
& impedimentis per *Zirlensem* montem *Seefeldam* evadit, caesis, qui  
obstiterent nitebantur, Tyrolensibus. *Scharnizium*, nupero incendio  
lacerum, facile superatum est, soloque æquatum.

Haydon ob-  
deditam  
Ehrenber-  
gam capite  
plexus.

Tyrolenses fugato, ut interpretabantur, Bavaro, lætitia  
triumphantes conjurant, non acquieturos ante, quam *Kuffstei-  
nium* & *Ehrenbergam* e Boiorum manibus vindicaverint. *Copenba-  
gius* igitur, *Württembergicæ* legionis centurio, cum ingenti rusti-  
corum multitudine *Ehrenbergam* aggressus est. Tormenta, Lyco-  
nuper demersa, extrahunt, atque humeris in montem, atque  
*Ehrenbergam* deportant, iisque arcem verberant. Territus loci  
Præfectus *Haydonius* properatæ deditiois culpam capite luit: reli-  
quis Ductoribus ignominia notatis. *Heisterus* vero e Tyrolis per  
*Scharnizensem* vallem in Bavariam irrumpens, *Mediam Sylvam*,  
*Paterkirchium*, *Murnaviam* expilavit.

Vendom.  
Tridentum  
oppugnat.

Inter hæc autem, dum Elector Oenanam vallem subigere  
conabatur, *Vendomius*, quamvis serius, ex Italia in *Athesinam*  
infusus, captis compluribus arcibus oppidisque, *Tridento* copias  
admovit, in propinquo colle metatus, unde 500 pilas ex igniariis  
ollis urbi iniecit. Sed cum audisset, Electorem e Tyrolis recessisse,  
variosque Casareos Duces cum Legionariis & rusticis appropinqua-  
re, iter in Italiam reflexit.

Receptum  
tandem  
etiam *Kuff-  
steinium*.

Supererat Electori e Tyrolis solum *Kuffsteinium*, hoc oppugna-  
re aggressi, mixti cum Legionariis agrestes, cum tormenta met-  
allina deficerent, e terebratis arboribus, vinculis ferreis firmatis,  
ignitas pilas evibrarunt, in oppidum maxime, arcis subjectum. Ten-  
tatus in ipsum castrum assultus, sed *Seefeldii* Præfecti opera fortiter  
rejeclusus. *Heisterus* autem, supremus in Tyrolis copiarum Ductor, in  
*Hungariam* accersitus, *Guttensteinium* oppugnationi præfecit,  
additis, qui *Rattenbergæ*, *Scharnizii*, & *Ehrenbergæ* munimenta  
reficerent, *Zumjungenio*, *Wezelio*, & *Heindlio*, qui ad ingenium  
agrestium se fingens, toto hoc bello Tyrolensi insignem operam con-  
tulit. *Kuffsteinium* vero primum anno 1704, postquam in Bavaria fuit  
debellatum, se deditit.

Art.

## A. VII.

## Bellum Rhenanum 1703.

Villario ad Dillingam metante, & Electore in Tyrolin digressus, Tallardus, Friburgi obsidione simulata, effecit, ut Brisaco haud modicæ copiæ cum bellico apparatu extraherentur, quo Friburgo succurratur. Tallardus igitur, quod volebat, assecutus, re-  
flectit iter, militemque expugnando Brisaco admovent. Vixdum ad  
vallorum sepimentum promoverat, cum tanti operis munimentum,  
quod Vinariensi annuo elim oppugnationis labore constiterat, de-  
ditur.

II.

Tallard.  
Brisacum  
expugnat.

Badensis castram Thingenio commisit. Comes Philippus Arcous, urbis Praefectus, & Marsilius in vincula conjuncti, primum Arcous capite Philippoburgum, dein vero Brigantium abducti sunt; ubi causa cognita te plexus.  
te Arcous, quod citra necessitatem opera extima deferuerit, ac  
præpropera deditio, contra officii ac juramenti rationem egerit,  
e legum militarium formula ferali sententia, ut capite plectatur,  
condemnatur.

Causam suam Christo, cujus imaginem manu gestabat, commendans, mortem fortiter tulit. Marsilius, duo tribuni cum suis  
subtribunis, octo centuriones, procenturiones septem, totidemque  
signiferi, quod suo suffragio deditioem comprobarint, aut ignominia  
notati, aut exauctorati sunt.

tionis rei  
ignominia  
notati.

Hodieum viget persuasio, cum tantæ dignitatis viro, præclare alias merito, durius actum, futurumque, ut mitius plecteretur, si Thingenius minus properasset, aut litteras, vitæ gratiam nuntiantes, resignasset.

Capto Brisaco, Tallardus Landaviam, anno superiore amissam, recuperatum ibat. Sed dum Hassio-Cassellanus, Nassovius, Vehlenus, cum foederatis copiis se opponunt, ad Spiram, seu potius ad  
Spirbachium fluvium, ad prælium devenitur. Tallardus illustrem  
reportavit victoriam 6000 Foederatorum caesa scribuntur: impedi-  
dimenta signaque grandi numero erepta.

Pugna ad  
Spirbachi-  
um.

Friesenius nihil secius Landaviam fortiter defendit, donec pul-  
veris ignarii defectus ad deditioem coegit. Liberi, qui super præmium  
rant, præsidarii dimissi sunt.

Meliori fortuna usi sunt foederati ad Rhenum Inferiorem; Sed foedera-  
nam Borussici diuturna obsidione Rhenobergam, Batavi vero, Cohor-  
tio Rhenobergam & Trar-



bachium ca-  
piunt.  
Conflictus  
ad Eckeram. nio machinatore, vi ignium *Trarbacum* cepere. Sed ad *Eckeram*  
cladis aliquid acceptum. Obdamus, Batavorum Ductor, fuga e  
conflictu elapsus, Hagam terrore complexit. Sed inferiores Duces,  
restituta acie, dubiam Boufflerio Gallisque victoriam fecere.

## Art. VIII.

*Bellum Bavaricum 1704.*

12.  
Electo Pas-  
saviu occu-  
pat.  
Ineunte Januario Elector *Passavio* exercitum admovit. Urbs est  
perampla, ad Danubii, Oeni & Ilzæ confluentes, arce prævalida  
munita. Sed quia Gronsfieldius duo tantum habebat præfidiario-  
rum millia, & Cardinalis Lambergius S. R. I. Princeps & loci Epi-  
scopus urbem, ædificiis & præstanti Basilica illustrem, nolebat in  
cineres redigi, Bavaris fuit dedita: terrore non levi Viennam,  
Pragam, Salisburgum diffuso.

Cum Tallar-  
do & Mar-  
sinio se con-  
jungit.  
Mense Majo Elector ad *Hercyniam* profectus, cum *Tallardo* &  
*Marsinio* se junxit, atque Gallicis suppetiis auctus, ad fines Bava-  
riæ iter remensus est.

Nec minus Angli Batavique Badensi venerunt auxilio, addu-  
ctis ex Belgio in Germaniam, quadraginta armatorum millibus.

Neque diu quietus hæsit, qui eos adduxerat, *Marlebourgus*.  
Nam decimo, postquam ad Danubium venerat, die, (2 Julii) per-  
tracto in sententiam Badensi, duodecim Bavarorum millia, quæ in  
monte *Schellenbergen* ad Donawerdam se communire occeperant,  
altera ante solis occasum hora aggressus est. Incredibili ardore  
mortisque contemptu, pilarum inter procellas, Angli in jugum  
enituntur, alterumque in aggerem impressionem faciunt. Super-  
veniens *Badensis*, cum suis pariter eluctatus, ea parte irrupit, qua  
agger necdum erat perfectus. Cum Boji prælium huc maxime ver-  
terent, Angli occasionem nacti sunt, qua novo impetu irruerent,  
aggeremque superarent. Tum vero strages immanis edita: fugien-  
tium multi ad Donawerdæ portas a *Mercyo* & *Cusano* interfecti,  
alii Danubio hausti. Septem millium jactura fuisse fertur, fœdera-  
torum vero 5000. Hos inter *Styrumbius* Marefchallus, *Beveranus*  
*Princeps*, *Goorius* & *Beinheimius*, primi Batavorum Ductores.  
Altera die Donawerdam ingressus victor exercitus, incendium, a  
Gallis parum, extinxit.

Electo,

Electoꝝ, intellecta ea suorum clade, desertis Dilinganis castris, ad *Augustam* novis operibus se communiit, nova a Tallardo auxilia præstolaturus. Is, tentata frustra in transitu Villinga, 5 Aug. cum novis copiis in castra Augustana venit.

*Eugenius* Princeps, qui ex Italia accitus, ad Rhenum curabat, *Eugenius* atque *Stolhofensem* aggerem, Sueviæ & Franconiæ scutum, tutabatur, in Germania eodem ferme tempore cum Tallardo ad Danubium venit, atque cum Badensi & Marlebourgo se conjunxit.

Deliberatum hos magnos inter Duces, quæ belli ineunda ratio. *Eugenio* & Marlebourgo prælium quærendum placuit, non item Badensi, qui nunquam in eam adduci potuit sententiam, ut Rempublicam unius prælii decretorii fortunæ exponendam censeret. Decernitur pugna.

Prævalentibus reliquis statutum, omni ope & arte providendum, ut hostis ex munitis suis, quæ ad Augustam habebat, castris proliciatur. Decreta proin Ingolstadii oppugnatio, quam lubens Badensis suscepit, ut nullam partem habeat, si infelici pugna in exitium detur Germania. Badensis Ingolstad. obsidere iussus.

Cum necdum hostis se moveret, *Eugenius* cum parte exercitus a Marlebourgo recessit, atque ad Apershoffium prope Donawerdam castra fixit, Marlebourgo ad Rhainam, ubi *Lycus* cum Danubio confluit, metante: ut Elector, divisos aggrediendi cupiditate, prælii occasionem daret.

Obtentum, quod sperabatur; Elector, ut *Eugenium* opprimeret, relicta Augusta, præsidio firmata, ad castra Dilingam inter & Lauingam rediit (11 Aug.) re cognita Marlebourgus, Donawerdano ponte mox Danubium transgressus, ad Apershoffium *Eugenio* se jungit (12 Aug.)

Cum autem exploratores referrent, Gallo - Bojos, Dilingam & Höchstadium transgressos, a Danubio & adito *Plintbemo*, *Luzingam* proximamque sylvam usque, duarum ferme horarum intervallo aciem explicasse, certi Duces federati prælio decernere, milite corpora curare iussu, primo diluculo (13 Aug.) cum universo exercitu *Schwenningam* profecti in hostium conspectum venerunt.

Structa confestim acies. Dextrum *Eugenii* cornu, Cæsareis, Danis, Borussia constans lævo Electoris & Marfinii opponebatur. Acies. Lævum vero Marleburgii, ad Danubium protensum, atque ex Anglis, Batavis, Luneburgicis, Hassis, Würtembergicis conflatum, dextero Tallardi cornui adversum stabat.



Ingens sollicitaque expectatio spe ac timore Europam suspensam tenuit, in quam partem dies illa decretorium certamen verteret. Duces erant ea ætate summi, populi potentissimi, lectissimi exercitus: ut adeo totius Europæ hoc prælium, victoria, aut clades foret.

13.  
Pugna ad  
Höchst-  
adium.

Eugenius ad sylvam deflexus, indeque eluctatus, prima a meridie hora Bavaros invadit, non admodum auspicato; nam tres cataphractæ Cæsaris legiones, Bojorum vim non ferentes, in sylvam, unde prodierant, fuga se recipiunt. Cohortes, equestri auxilio nudatæ, eadem fortitudine labefactantur, & in eandem sylvam dispelluntur.

Equitatus  
Cæsar. ter  
fugatus.

Eugenii Ducumque solertia retractus & in ordinem redactus miles, conflictum resumit: sed non majori constantia. Equitatus Cæsareus vehementi Bavarorum incursione, & tormentorum e Luzingensi colle detonantium vi adactus, fuga præcipiti rursus terga vertit. Idemque post dimidiæ horæ dimicationem tertio facit.

Bojus collem  
deserit.

Bojus, situ & pugna superior, ut percussis insistat, e colle tam opportuno se dimittit. Quo comperto Eugenius omni vi in eum collem enititur, atque capta tormenta in Bavaros obvertit, redeuntibus ad certamen, qui fugerant, Cæsareis.

Et tandem  
receptui ca-  
nit,

Perstiterunt nihilominus Bavari, incredibili fortitudine in hostem investiti, donec Elector, qui summi Ducis partes omnes impleverat, & victoriam jam ferme partam habuerat, de dextri Gallorum cornu fuga & Tallardi captivitate edoctus, ne universus hostium exercitus adversus se unum colligeretur, lento & ordinato gradu se retrahit.

Postquam  
Gallus fugam  
ceperat.

Citius in dextro Tallardi cornu fuerat debellatum. Nam licet Anglici ægre amniculum, gemino exercitui interjectum, pontonibus & vimineis fascibus trajecerint, & secundo a Gallis fortiter repressi sint, adeo quidem, ut equitatus trans amniculum se fuga receperit, tertia tamen impressione, perrupto Gallorum equitatu, decem cohortes interclusæ, a Cassellensi Principe magna clade funduntur. Jamque ita laxati tenuatique erant ordines, ut Anglorum vim non ultra ferrent, sed, qua cuique via patebat, diffugerent; ponte Plinthemiensi ab Anglis victoribus intercepto, 26 cohortes primum in ipso pago se obvallare sunt connixæ, sed brevi, defensione desperata, se dederunt captivos. Tallardus, locorum ignarus, dubioque Danubii flexu deceptus, dum fugit, in angustias se induit, e quibus, obsistente a fronte & lateribus Danubio, a tergo

Tallard. cum  
12000 ca-  
pris.

tergo vero premente hoste, eluctari nequirit. Captus proin cum 12000. Multi Danubio hausti; ut adeo ingens, & post Crostiacam stragem maxima, Gallis sit illata.

25000 aut cæsa feruntur aut capta: 127 machinæ, 4000 papi-Ingens clationum, signa militaria 135, currus annonarii 1500 in prædam vedes-nerunt.

Sed multo major tantæ victoriæ fructus erat liberata ab hoste gravissimo Germania. Galli quippe Bojique continuo cursu ad Rhenum se receperunt. Augusta, Memminga, Passavium, Straubing-Fructus ga confestim deditæ. Ratisbona, Ulma &c. expugnata, ac demum victoriæ. etiam Landavia a Josepho Romanorum Rege, & Ludovico Baden-si, Eugenio & Marlebourgo castra sua ad Weissenburgum Villaregii castris, ne urbi auxilio veniret, opponentibus. Tentatum etiam a Winckelhofio, Friburgi Gubernatore, Brisacum, stratagemate, quod Bojis Ulmam pepererat. Jamque in ipsam urbem penetratum fuerat, cum, ingeminante quodam retrocedendum, timore Pannico afflati Cæsarei præcipiti fuga se proripiunt.

Bavaria interea, Electore digresso, magnam mutationem incurrit. Nam Electrix cum Josepho Rege Landavien-sibus in castris pacta Bavarica. his pactis per Mörmannum Baronem transegit.

1. Bavari ex omnibus locis munitis, præsertim Ingolstadio, Kueffsteina, Neoburgo ad Oenum, præsidia educunt, eaque Cæsari cum penu bellica tradunt.

2. Milites se non amplius contra Cæsarem arma gesturos jurant.

3. Avecta ex Tyroli restituntur.

4. Captivi dimittuntur.

5. Monachium cum tota Camera Monacensi & omnibus pro-ventibus Electrici & Principibus liberis reservatum esto.

6. Armamentarium tamen Monacense Cæsari traditor.

7. Electrici pro corporis custodia 400 Prætorianos habere fas esto.

8. Tributorum autem exactio per Bavariam reliquam penes Cæsarem esto.

9. Si Electrix conjugem sequi velit, secure deducitor.

10. Statibus Provincialibus, Nobilibus, & populis Baviaræ sua jura, privilegia, & status, quem sub Electore obtinebant, salvus & integer conservator.



Bavaria in fi- Quia autem Bavari, Principi suo Maximiliano singulari amore  
dem adacta. ac fide erant addicti, adduci ægre poterant, ut alteri Domino se  
subjicerent, Princeps Eugenius, ab Landavia cum milite redux, pro-  
vinciam in Cæsaris fidem adegit, Ingolstadio, Brunovio, Schar-  
dingæ &c. imposito præsidio.

Marlebourg creatus Imp. & per Hassio Castellum Principem Trarbacensem arcem medio  
Princeps Decembri tandem expugnasset, Imperii Principem creatum, Min-  
Mendelhe- delbemiensi Dynastia donavit.  
mio donatur.

## Art. IX.

*Obitus Leopoldi Imperatoris. Initia Josephi. 1705.*

84-

Parta grandi illa ad Höchstadium victoria, hosteque potentis-  
simo ad Rhenum submoto, Leopoldus Magnus Imperator, post-  
quam vitam omnem gravissima inter bella, summasque virtutes exe-  
gerat, pientissimo tandem fine eandem coronavit 5 Maji 1705, æta-  
tis 65, Imperii 47, Regni Hungarici 50, Bohemici 49, natus 1640,  
ex Ferdinando III & Maria Anna, Philippi III Hisp. Regis filia.

Conjuges & Regis filiam, ex qua genuit duos filios & duas filias, omnes in  
liberi. primo ætatis flore demortuos, dempta Maria Antonia, Maximiliano  
Emanueli Bavarie Electori conjugata.

Altera fuit Claudia Felicitas, Ferdinandi Caroli Archiducis Oeni-  
pontani filia: ex qua duas sœmellas suscepit, eodem, quo natæ  
sunt, anno mortuas.

Tertiam duxit Eleonoram Magdalenam, Philippi Wilhelmi, Neo-  
burgici Ducis, ac postea Electoris Palatini, primogenitam; decem  
liberorum subin matrem: inter quos Josephus & Carolus, postea  
Cæsares, Maria Elisabetha Gubernatrix Belgii, & Maria Anna Lu-  
sitaniæ Regina.

Sicut dignitate Leopoldus summus fuit in orbe terrarum Prin-  
ceps, ita omnigenæ virtutis ornamentis multo clarissimus: pietate,  
religione, fide, integritate, magnanimitate, æquabili in utraque  
fortuna vitæ tenore toti Europæ admirandus. Quapropter pleri-  
que Principes ceu patrem amabant, colebantque. Ludovicus ve-  
ro XIV, quocum gravissima tria bella gessit, dixisse fertur, non ti-  
mere se arma Cæsaris, sed miracula. Certe DEUS multas illi pro-  
digio

digio similes contulit victorias, atque ex præsentī non raro vitæ discrimine insidiisque confidentem eripuit.

A juniore ætate aris destinatus, omni disciplinarum genere ingenium excoluit, amator eruditorum hominum, si quis alius, & æstimator, quin & censor æquissimus. Stupendum illud Bibliothecæ opus, quod filius Carolus absolvit, ipse inchoavit, plures non raro horas erudito in musæo cum *Lambecio* conversari solitus. Linguas, Latinam, Italicam, Hispanam, Gallicam apprime callebat. Præter alias per Germaniam academias, Olomucensis, Oenipontana, Wratislaviensis, ejus auspiciis sunt erectæ.

Statura corporis fuit potius infra mediocrem, labiis more Austriaco extantibus, barba supra labium retorta, cum barbula in Corporis menti medio: fronte majestate plena: habitu Burgundico, manicis habitus. diverso sapius colore a tunica: præsci sane adhuc moris Princeps, non ascititio splendore, sed regiis virtutibus animique ornamentis se ipsum metiens.

Quamvis autem res magnas gesserit Leopoldus, Turcis ex Hungaria & Transylvania, Suecis ex Polonia & Dania, Gallis e Germania submotis, omnique prope Europa in magnum adversus formidandam Borboniorum potentiam fœdus ascita; maximam nihilominus gravissimi belli partem filio Josepho, Romanorum jam ante Regi, reliquit.

Conflagrabat bellō civili Hungaria, renascente identidem vel ex 15. ipsis cladibus suis seditionis malo. Reducenda Insubria, Neapolis, Sicilia, Sardinia, Hispania, America: perfringenda concatenata Flan- Status re-  
driæ, Brabantia, Hannoniæ claustra: decertandum ad utrumque Rhe-  
num, atque ut hostile etiam solum belli moles premat, penetran-  
dum, si qua via aperiri queat, in ipsa Franciæ viscera.

Incumbant toto pondere in hæc consilia, præter Cæsarem & Imperium, Dania, Prussia, Anglia, Batavia, Lusitania, Sabaudia. Spes grandes inflammabant veterani ad bella durati, & vincere assueti exercitus, rebus gestis, fama, nominisque magnitudine clarissimi Duces, Eugenius, Badensis, Marlebourgus, Stahrenbergius, Heisterus: vires hostium, cladibus jam attritæ.

Et sane, quam breve, tam gloriosum fuit Josephi Imperium. Sex quippe vitæ annos, quibus ad rerum clavum sedit, grandibus victoriis & triumphis implevit, plus ultra porrecturus illustres palmas, ni præmatura falx, uti corporis compagem, ita fœderis nexum rescidisset.



## Art. X.

*Bellum ad Rhenum 1705, 1706, 1707. Bavarix tumultus.  
Mors Badensis.*

16. Anno 1705 præter captum a Villario *Homburgum*, a Badensi *Hagenoam*, circumductosque mutua arte exercitus, haud multum ad rei summam est actum. *Marlebourgus* equidem, ut in Franciam bellum transferretur, expeditionem *Mosellanam* evincere nitebatur, sed cum paratus ad eandem deficeret, & Badensis id consilium non probaret, non sine tædio cum Anglo-Batavis in Belgium recessit. Badensis vero, timidi velut cunctatoris, fama per Europam lacerabatur: nec deerant, qui eum Fabio, adversus consilium Scipionis, bellum in Africam vertendi, in senatu peroranti, compararent.

Bavariam hoc anno graviter concussit agrestium tumultus. Electrix Theresia Cunigunda, ut ad matrem, Poloniæ Reginam, inviseret, *Venetias* iter inierat, cumque ad limites pervenisset, qui Tyrolin a Veneta ditione separant, interdictum, ne in Bavariam rediret, a Cæsare accepit; simulque Monacensis Præfectura, ipsius & liberorum sustentationi pactis anni superioris addicta, velut commissæ eripitur.

Pactiones illas minus ex fide servatas arguebant Austriaci: ex spoliis Tyrolensibus complura fuisse retenta; Monachii ac *Wasserburgi* defossa arma ac bellicas machinas; oblatam Hungaris seditionis societatem; sollicitatos per litteras Bohemos.

Doluit ea Monachii ditionisque coherentis jactura Genti Boicæ, quæ alioquin, fide & amore in veterem suum Principem necdum exuta, novi Domini imperium impatientius ferebat. Cæsarem Protestantibus nimis innexum credebant. Videbant apud se Danos, Brandenburgicos, Würtembergicos, aliosque Lutheranos, quos nulla satis disciplina cohibere poterat, quo minus ludibria, uti in Bavaram Nationem universam, ita & in Catholica sacra, ritusque spargerent.

Gens itaque, non minus Religionis Orthodoxæ, quam fidei in nativos suos Principes, tenacissima, conferre clam capita, agitare consilia liberandæ patriæ & liberorum Principum, designare urbes, ope civium interciendas.

Erupit conspiratio, quando *Herbevillius*, armorum per Bavariam Præfectus, præsidium Monachio imponere nitebatur. Tum enim cives ad arma conclamare, portas venienti occludere, tormenta

16.  
Capta Ha-  
genoa.

Marlebourg  
in Belgium.

Electrix Ve-  
netias.

Wagn.

17.  
Bavarix mu-  
tatio

Ob tumultum.

menta stationesque per mœnia disponere, omniaque ad defensionem instruere.

Monentur, ne perire velint. Ni portis apertis præsidium recipiant, urbem in cineres redigendam. Minis territi parent. Juben-Præsertim tur arma publicum in forum comportare. Authores tumultus dan-Monachii tur in vincula, illosque inter duo Consiliarii, quorum inter chartas tota conspirationis series deprehensa fertur.

Nec tamen propterea destitutum a cœptis alibi: sed partitis agminibus *Kehlheimium*, *Wasserburgum*, *Burgbusum*, *Brunovium*, *Schar-dingam* occuparunt. Tum vero junctis viribus Monachium ipsa *Natali Domini* nocte aggredi decernunt. Sed re per *Stahrenbergium*, e vinculis elapsum, ad *Löwensteinium*, *Bavariæ Administratorem*, deici-*Natali Do-* ta, a præfidiariis cum gravi clade repulsi, a *Dewendio* & *Kriech-*mini. *baumio*, quamvis in genua supplices procumberent, immitius, quam moderatio postulare, sunt habiti. Deditæ, quas ceperant, urbes. *Brunoviæ* munimenta, quæ *Ferdinandus Maria Elector* erexerat, diruta. Armis omnes exuti. Authores quadrifariam secti, variis locis ad terrorem suspensi sunt.

Anno 1706, dum bellum maxime in Italia & Belgio ferveret, frigidum prope ad Rhenum erat, copiis maximam partem alio tractis. *Badensis*, qui reliquiis militis Imperialis ibidem præerat, quamvis ob exiguas vires defensionem intendere fuerit coactus, impedire tamen non potuit, quin *Villarius Hogenoam* recuperaret.

Villar. Hogenoam recuperat.

Ab hac expeditione *Ludovicus Wilhelmus Marchio Badensis* aliam majoris multo momenti suscepit in orbem alterum. Natus fuit *Paris* 1655, successit *Ferdinando patri* 1669, ex *Francisca Sibylla juniore Julii Francisci*, ultimi *Ducis Saxo Lauenburgici*, genuit 1702 *Ludovicum Georgium Sympertum*, & 1706 *Augustum Georgium*. In quorum secundo thoro serenissima *Domus Catholica* spes suas habet repositas.

13.  
Obitus Ludov. Baden-  
sis.

Fuit *Ludovicus magnus militiæ Princeps*, per præcipuos gradus ad summi belli Imperatoris apicem elatus. Nam posito 1676 ad *Philippoburgum* illustris militiæ tyrocinio, mox *Cæsareæ legionis Tribunus* renuntiatus, a *Viennensi obsidione Promareschallus*, sub *Lotharingo* imperatorias artes condidit. A capto *Belgrado*, trium millium agmine fuis ad *Bosniæ fines* quindecim *Turcarum* millibus, *Mareschallus* & exercitus Imperator dictus, egregias de *Turcis*, numero multo potioribus, retulit victorias, atque subacta cum *Vidino* & *Nissa*, *Servia*, fines ad *Epirum* propemodum protulit. Parta subin præclara ad *Salankemenem* victoria, ad Rhenum tractus,

Gesta.

Pars X.

E

ductus,



Ceu cun-  
ctator tra-  
ductus.

ductus, summis Gallorum Ducibus fuit oppositus, quorum artes viresque non raro fregit. *Landaviam* bis expugnavit; *Schellenbergen- sis victoria* pars magna fuit. Ultimis denique annis Imperii copiis ad Rhenum praefectus, mirum, quæ tadia molestiasque pertulerit, quantasque eam ob rem querimonias Princeps blandiri nescius ad Cæsarem perscripserit: jam parce seroque ab ordinibus Imperii submissum militem, jam decerptas alioque traductas copias, iterum neglectam suam sententiam, & detrectatum a Ductoribus tot diversorum statuum obsequium, iterumque defectum stipendii, penusque militaris, discerptam denique famam suam, acerbè questus. Quapropter animo & corpore æger, tradito *Thüngenio* imperio, ad aquas Schwalbacenses semel iterumque discessit, ac denique 4 Maji 1707 obiit, ætatis 52, Princeps Cæsarum ac Reipublicæ studiosissimus, ideoque meliori tempore ac forte dignissimus.

Reliquit im-  
perium  
March. Ba-  
ruthano.  
Villarius in  
Sueviam.

Sensit mox Germania anno 1707 malo suo, quantum in Baden-  
denigraverat. Nam Christiano Ernesto *Marchione Baruthano*, Ma-  
reschallorum Imperii antiquissimo, pro more regendis ad Rhenum  
copiis praefecto *Villarius* tecta de industria suorum paucitate, simu-  
latoque majori longe numero, Rhenum & *Stolhoffensem* aggerem  
transgressus, sparso terrore Imperiales copias in præcitem fugam  
avertit, atque *Gamundiam* & *Elvacum* usque propulit, *Würtem-  
bergiam* interea omnemque propemodum *Sueviam* immani contri-  
butionum exactione emungens, intercepto etiam *Schorrendorffio*  
& *Biberaco*, *Durlaco* vero, ob incendiarii lytri moram, militum  
direptioni permisso. Mox in *Palatinatum* irrumpens, grandem pe-  
cuniæ vim extorsit.

Dissenfiones  
Ducum.

Accessit ad calamitatum cumulum Ducum inter se contentio.  
Quippe Cæsar *Baruthano* legatum dedit *Thüngenium*, quo munere  
jam apud *Badensem* perfunctus fuerat: quia autem strenuum hunc  
bellatorem ingravescentes cum ætate morbi non raro a castris ab-  
strahabant, *Sibertum Comitem Heisterum*, *Pannonicis* trophæis cla-  
rum præstantemque bello Ducem adjunxit; voluitque, quo major  
esset auctoritas, ut, qui belli *Hungarici* summus jam fuisset impe-  
rator, absente per morbum *Thüngenio*, primus a *Baruthano* ha-  
beretur.

Ad suam id injuriam pertinere interpretati antiquiores Imperii  
*Mareschalli*, *Nassovius*, *Zolleranus*, *Gronsfeldius*, negabant, a prisco  
more & antiquitatis ordine fas esse recedere. Quapropter, ne  
æstus

æstus ille rei communi esset noxius, Heisterus morbi obtentu e castris abiit.

Marchio autem Baruthanus, expertus belli misérias, missi-  
onem petiit, atque impetravit. Septembri subrogatus Georgius Baruthano  
Ludovicus, Elector Hannoveranus, magnæ postea Britanniae Rex, succedit  
Etlingæ permunita castra invenit, & egregium militem. Mox no-  
vum tutandæ Sueviæ aggerem orsus, reliquis item ad Rhenum lo-  
cis, Friburgo maxime, provisum ibat, sed excipiente Würtem-  
bergico, & rerum penuria premente, brevi sensit, quam diffici-  
lem provinciam suscepisset; praefectoque exercitui Thüngenio, do-  
mum rediit.

### Art. XI.

*Bellum ad Rhenum 1708, 1709, 1710. Acta Comititalia.*

*Variae conversiones, & obitus.*

Sequenti anno 1708 Francofordiæ convenerunt summi belli  
Imperatores, Hannoveranus, Eugenius (bello Italico jam prope  
confecto) Marlboroughus, de expeditionis ratione consulturi. In  
promptu erant optima consilia, non modo defensionem opponendi,  
sed in hostile quoque solum irruendi, non autem media, eadem  
exequendi.

Solis ferme quatuor associatis circulis belli Rhenani moles erat su-  
stentanda, reliquorum copiis in Belgium, Hispaniam, aut Hunga-  
riam majori luero dimissis. Visum nihilominus, duos instruendos  
exercitus, quorum primum ad Rhenum superum Hannoveranus,  
alterum ad Inferum aut Mosellam Eugenius in hostem duceret.

Verum, cum Marlboroughus in Belgio res foederatorum non  
ita comparatas offenderet, ut solus sufficeret, invitavit Eugenium;  
qui alioquin sterile Rheni solum pertactus praeliique cupiditate fla-  
grans, copias sibi commissas in Belgium trajecit, indignante haud  
leviter Hannoverano, seque delusum desertumque amare quæso.  
Cum igitur minores haberet vires, quam ut bellum inferret, de-  
fensione expeditionem finit, ægerque animi, quod non tam Im-  
petoris, quam speculatoris & stationarii excubitoris munus obire  
coactus sit, domum concessit, Thüngenio, Nassovio, Gronsfeldio  
hybernis præesse jussis.



Qui in collegium Electi introduci-  
tur.

Uti etiam  
Rex Bohem-  
iæ in Com-  
itiis.

Palatinatus  
superior ad  
Joan. Will.

Leuchten-  
berga ad  
Lamber-  
gium.

Palatina co-  
pia.

20.  
Christianus  
Dux Silesiac.  
obit.  
Post P. W.  
conversus,

Et Ludovica,  
ob fidem  
throno Angli-  
co exclusa.

Id tamen solatii tulit, ut tandem hoc anno, post acrem vigin-  
ti prope annorum disceptationem, Ratisbonæ in Collegium Electorum  
solenni ritu sit introductus. Limbachio legato vices ejus subeunte.

Eadem die (7 Sept.) Josephus Imperator, ceu Elector Bohe-  
miæ, per Kinskium possessionem in Imperii Comitibus cepit. Licet enim  
Bohemici Reges semper fuerint Electores Imperii, a Comitibus tamen  
abstinebant, neque oneribus Imperii erant obnoxii: hoc vero an-  
no in omnia Electorum jura & onera sunt assumpti.

Joannes Wilhelmus autem Elector Palatinus (proscripto jam an-  
no 1706 per Josephum Imperatorem Electore Bavariæ) S. R. I.  
Archidapifer hoc anno 1708 est renunciatus, collato in feudum  
superiore Palatinatu, ac quinto inter Electores loco assignato.  
Addidit Cæsar, quæ pro commissis habuit, duodecim ejusdem Pa-  
latinatus oppida, tanquam feuda Bohemica clientelari jure pos-  
sidentia.

Leuchtenbergensem vero Landgraviatum Leopoldo Mathiæ Lam-  
bergio, novo Imperii Principi Cæsar donavit: translata jam ante in  
Marlebourgum Mindelhemienfi Dynastia, sub nomine Principatus.

Cæterum Elector Palatinus, superiori Palatinatu auctus, S. Hu-  
berti ordinem Equestrem, a Gerardo Juliæ & Cliviæ Duce an-  
no 1444 fundatum, instauravit; & prout partes Austriacas toto  
hoc bello omni ope adjuvit, ita hoc anno septem suorum millia ex  
Italia in Cataloniam Carolo Archiduci submisit. Reliquæ vero  
ejusdem copiarum sub Principe Eugenio in Belgio militarunt.

Obiit hoc anno Christianus Augustus, Dux Solisbacensis, æta-  
tis 86, regiminis 63, omnium Imperii Principum vetustissimus.  
Dum Augustanam confessionem adhuc sectabatur, cum agnato suo  
Duce Neoburgico variis ob sacra litibus collisus est, quæ in execu-  
tione pacis Norimbergensi vehementer sunt agitatae. Verum an-  
no 1655 ad Majorum sacra reversus, orthodoxam Religionem in  
provinciam postlimino reduxit: quæ hodie sub serenissimo  
ejusdem Pronepote, Electore Palatino, ad solatium floret. Paulo  
post ex eadem familia in Gallia decessit Ludovica, 86 pariter ætatis  
anno, omnium sœminarum Principum antiquissima: quæ cum fratre  
Eduardo itidem ad avitam fidem rediit; præterita propterea & ipsa,  
soror ejus junior Sophia Angliæ hæres est declarata.

Obiit denique hoc anno Fridericus Hassio-Darmstadiensis Prin-  
ceps, qui cum tribus fratribus, Georgio, Philippo, & Henrico,  
Catholicam Religionem amplexus, Leznenfi in prælio lethale vulnus  
accepit.

accepit. In ejus favorem Petrus Magnus Moscoviæ Dux Catholicum templum construxit.

Anno 1709 pacis quædam scintilla promicabat. Quapropter associati quatuor Circuli, Suevicus videlicet, Franconicus, & uterque Rhenanus, Hæilbronnæ congressi, Viennam scripsere, <sup>Postulata 4.</sup> Neomagenſi & Risvicenſi pace ſe expertos, modicam ſui curam <sup>Circularum.</sup> haberi, quique belli molem præ reliquis portarint, poſtremo loco haberi. Poſtulare proin ex æquo, ut interpoſita Alſatia, ſecurus ſibi a Gallis limes ſtatuat. Fœdere ipſo cum Anglo-Batavis Nöſd-lingæ inito, conventum, ne arma ponantur ante quam omnes urbes & regiones ad Moſellam & Moſam ab Imperio avulſæ, cum omni tranſrhenana Germania Corpori ſuo fuerint unitæ.

Sed pacis conſiliis in belli ſtudia verſis, Hannoveranus Elektor, cum hoſtem numero vinceret, acie etiam victurus, irruptio- nem in Alſatiam decrevit. Præmiſſo itaque cum 7000 Mercyo Pro- mareſchallo, veterano & acri Ductore, cum reliquo exercitu inſe- qui conſtitutum habebat.

Sed *Mercyus* per Baſileenſium fines in Alſatiam progreſſus, a Burgo, per Harcurium, Alſatiæ Gubernatorem, immiſſo, ita ex- ceptus eſt, ut relictis 3000 aut caſis aut captis, celeri fuga ſe <sup>Mercius</sup> <sup>caſus.</sup> reciperet. Hannoveranus autem, ſaſtidio plenus e caſtris abiit, re- liſto *Gronsfeldio* Legato. Quippe Joannes Carolus Thyngenius, ſtre- <sup>Obiit Thir.</sup> nuus in paucis bellator, ac Mareſchallus, idemque accerrimus di- <sup>gen.</sup> ſciplinæ militaris vindex, ſenio & morbis conſectus diem ſupre- mum obiit.

In Comitibus Ratiſbonenſibus a Collegio Principum hoc iterum anno vehementer agitatum eſt negotium de conſicienda capitula- tione ſtabili & perpetua, de creatione & introductione novorum Principum: de abolitione quarti Risvicenſis articuli, quam Prote- ſtantium Ordines importune urgebant. Complures, quæ præſenti bello paſſi ſint, damna recenſebant, ut vel partem aliquam ex Ba- varicis aut Colonienſibus provinciis obtinerent, vel a contributionis præſtatione ſe excuſarent. Elektor Palatinus ultra tredecim mil- liones florenorum jacturam ſuam æſtimabat: Dux Württembergicus autem ultra quindecim milliones: Durlacenſis Marchio ultra novem milliones. Saxoniæ Elektor ob Thuringiam, Marchionatum Miſiſiæ, & Magdeburgenſem Burgraviatum, ac Miſnenſem, quatuor in Comitibus ſuffragiorum jus expetiit, contradicentibus aliis. Haſſo- Rhenofenſis vero Landgravius queſtus eſt, quod in Præliminari- bus munimentum Rhenofenſe Caſtellano ſit attributum.

Varia in Co-  
mitibus poſtu-  
lata.



Quia theatrum belli post pugnam Höchstadianam in Belgio maxime erat apertum, & plerique Germaniæ Principes, Borussia, Saxo, Luneburgici, Hassi eo copias suas dimiserant, Anglorum & Batavorum stipendiis militaturas, torpebat ad Rhenum, ubi Germaniæ defensio solis ferme associatis quatuor circulis, relinquebatur; alioquin jam exhaustis: multaque ad expeditionem deficiebant; quare Elector Hannoveranus nulla amplius ratione adduci potuit, ut anno 1710 belli Praefecturam denuo susciperet. Quapropter ad *Gronsfeldium*, Mareschallorum vetustissimum, est delata.

*Gronsfeldius*  
ad Rhenum  
praeficitur.

Invitus eandem acceptavit, probe gnarus, quam ardua & gloria vacua provincia sibi imponeretur, ubi miles paucus, omnes imperarent, & ne quidem Electoris auctoritas extorquere poterat obsequium. Cum igitur minus esset paratum, quam ut bellum inferre posset, defensione annum finit. Sed neque Harcurio aggrediendi animus, submissis, cum Picardiae bellum jam immineret, validioribus in Belgium copiis, ad tyronum paucitatem redacto.

Protestan-  
tium motus.

His annis Lutherani Palatini (qui ad 50000 excreverant) Hildesenses, Nassovio-Siegenses, varias querelas Ratisbonam ad Comitata detulerant, adversus Principes & Dominos suos Catholicos, quod jure reformandi (per Westphalicas tabulas, diserte adeo art. V. §. 30 sibi asserto) sint usi. Elector Hannoveranus Protestantium more ad vim conversus, Peinam munimentum, urbemque ipsam *Hildesiam* armis invasit, & occupavit. Wilhelmus Hyacinthus vero Nassovio-Siegensis Princeps Catholicus exulare coactus est, donec anno sequenti ab Electore Palatino, Imperii Vicario, fuit restitutus.

Siegensis  
exul.

Hoc anno (1710) Catholicam Religionem publice professus est Antonius Ulricus, Dux Brunsvico-Guelpherbytanus, 77 ætatis anno, cum mortem imminere sentiret: secutus exemplum Neptis suæ, jam anno 1707 conversæ; postquam ab ipsis Lutheranis Ministris intellexerat, in Catholica Religione salutem æternam se posse consequi.

Conversio  
Antonii  
Ulrici.

Seditiosus  
Præco  
Hamburgi  
ad carceres.

*Hamburgi* Krumholz, Lutheranus Præco, quod cives adversus senatum in seditionem concitasset, discordias turbulentis concionibus in plures annos fovisset, atque eo spiritu Lutherico magnas urbi calamitates usque eo induxisset, ut, ne intestinis turbis periret tanta civitas, committente Cæsare Suecicus, Borussia, & Brunsvicensis, Inferioris Saxoniae copias præsidio recipere necessum fuerit

fuerit, ex Academia Tubingensis sententia ad perpetuos carceres fuit condemnatus.

## Art. XII.

*Obitus Josephi Cæsaris. Electio Caroli VI. 1711.*

Quod annus 1711 memorandum maxime habuit, fuit obitus <sup>21.</sup> Josephi Imperatoris, & electio Caroli. Profecto, si quæ unquam <sup>Obit Jose-</sup> tempora gloriosa Cæsaribus illuxerunt, fuerunt ea, quibus <sup>phus Imp.</sup> Josephus Imperii est moderatus; quippe spatium id omne grandibus victoriis, regnis & provinciis partis signavit.

Sed hæc, quantumvis magna, aliena a se putasset, atque Ducum militumque dextris fortiter gesta, nisi auspiciis suis, sapientibusque consiliis fuissent animata. Licet enim Princeps in aciem non prodeat, ceu primus tamen motor omnia ciet, ordinatque.

Nec excelsæ mentis Principi deerant grandes virtutes propriæ, <sup>Virtutes.</sup> in quarum partem nemo alius venit, magnanimitas, constantia, fides, religio, & in Superos pietas. Nemo illo in pauperes afflictosque liberalior: &, præcipitis licet iræ esset, domitor sui fortior, in vulgus <sup>Wagn.</sup> etiam popularis magis. Quamvis etiam ab elegantiore sexu non abhorreret, sollicitè tamen cavet, ne quid offensionis præbeat. Adjunxit virtutum ornamentis scientiarum decora, <sup>Decora.</sup> quinquelinguarum peritiam, Philosophicas, Mathematicas, Historicas, Juridicas disciplinas, quarum omnium positiones per plures horas scitissime propugnauerat. Musica excelluit & delectabatur, prout etiam ludis equestribus, theatralibus, venatu, aliisque innocuis Nobilitatis exercitiis.

At vero, cum vigeret ætatis flore, nona Aprilis subita eum febris invasit; accesserunt postmodum variolæ, fatale adultioribus <sup>Pia mors.</sup> malum. Quod ubi sensit, *Vale*, inquebat, *Imperator*: accersitoque, quo e Societate Jesu utebatur, conscientiæ arbitro, totius vitæ naves sincera confessione expiavit. Noluit deinceps, ut longiorem vitam, sed felicem, ad quem omnia comparabat, exitum præcarentur. Hunc consecutus est, sacris omnibus munitus, 17 Aprilis, 34 ætatis anno, Imperii 6, Regni Rom. 21, Hung. 24.

Natus ex Leopoldo Cæsare & Eleonora Neoburgensi 1678 conjugem duxit 1699 *Wilhelminam Amaliæ*, Joannis Friderici <sup>Conjux & liberi.</sup> Ducis Hannoverani, jam dudum antea ad Catholicam Religionem reversi, filiam. Ex ea 1699 suscepit Mariam Josepham, Friderico Augusto



Augusto, Saxoniae Electori & Poloniae Regi, 1719 desponsam: Leopoldum Josephum, brevi demortuum; & Mariam Amaliam 1701, Carolo Alberto, Electorali Bavariae Principi ac postea Imperatori, 1722 connubio junctam.

Mater Regens.

Josephus Imperator paulo ante mortem Augustam Matrem Austriacarum provinciarum pro absente in Hispania Fratre Carolo Regentem renuntiavit, adjunctis pro consilio *Eugenio*, *Trautsonio*, *Schönbornio* Imperii Procancellario, *Wratislao* Bohemiae, & *Seilero* Austriae Cancellariis.

Horum cura tum princeps fuit, Carolum Archiducem ad culmen Imperii per Electores evehere. Quamvis autem tunc multa ageretur quaestio, an expediret, eundem & Imperatorem & Regem esse Hispaniae, Heinio in ea conjunctione libertatem Europae verti affirmante, Petroburgo vero Mûlordo in contrariam sententiam non sine minis abeunte: non magnae tamen molis opus erat, Electores permovere, ut Carolum eligerent.

Eugenius electionem protegit.

Villarius complures equidem copias ex Flandria ad Rhenum, (ubi Imperialibus copiis Würtembergicus hoc anno praerat) ad infestanda Comitata adduxit; sed Eugenius cum Caesareis insecutus, positus juxta castris quietem electioni praestitit. Capitulatio disceptationis aliquid habuit, electio vero concordanti omnium voto peracta est (12 Oct.) missusque ab Electoribus Carolus, Imperatricis Germanus, qui in Italiam jam appulso nuntium perferret.

Eligitur Carolus.

Protestante Colonienfi & Bavaro.

Quippe Carolus Archidux, relicta in Catalonia conjuge cum Stahrenbergio, Anglo-Batava classe Genuam vestus, indeque, ab Italia Principibus salutatus, Tortonam, Mediolanum, atque per Tyrolin recta Francofurtum ad capeffenda Imperatoria insignia profectus est. Colonienfis autem & Bavarus Electores, datis ad Moguntinum aliosque Electores litteris, graviter conquesti sunt, quod ad electionem non fuerint invitati, interposita etiam contra eundem protestatione.

Mox post Imperatoris mortem claudebatur Judicium Imperiale Aulicum; Vicarii vero Imperii ex Aureae Bullae sententia, tribunalia sua aperiebant, & quidem Elector Palatinus pro Rhenanis, Suevicis, & Franconici Juris provinciis, Saxo vero pro Saxonici Juris regionibus. Comitiales Legati subfisterant equidem sede vacante Ratisbonae collecti; sed Recessus seu lex Imperii formari non poterat.

## Art. XIII.

*Modus Electionis & Coronationis. De Capitulatione.*

Quod porro actum electionis, & coronationis spectat, more <sup>22.</sup> veteri solenniter est peractus. Moguntinus Imperii Cancellarius, <sup>Præparatoria.</sup> nuntiato Electoribus Cæsaris obitu, diem 20 Augusti edixit. Is cum Trevirensi & Palatino Francofurti præsens aderat; Bohemus, Saxo, Brandeburgicus, & Hannoveranus per Legatos. 10 Oct. peregrini ex urbe sunt amandati, clavesque Moguntino traditæ. 12 Oct. Electores, ad templum S. Bartholomæi equis vestiti, solenni sacro interfuerunt; at Saxo, Brandeburgicus, & Hannoveranus, <sup>Missa.</sup> contra præscriptum Auræ Bullæ, post Evangelium secesserunt, nec nisi post communionem redierunt.

Sacro finito Electores ad aram juramentum emiserunt, Ecclesiastici manu pectori admota, reliqui tactis Evangeliiis. Jurarunt autem, se idoneum caput Christiano populo electuros, nullo pretio aut promisso indutos.

Processum dein in aditum conclave; ubi facta in manus Moguntini jurata sponse, more pristino vota majora valitura, <sup>Electio.</sup> electio intra horæ quadrantem fuit absoluta, suffragiis omnibus in Carolum collatis. Bohemicus autem Legatus, potestatem sibi factam exhibuit, Capitulationem, antea conscriptam, ejusdem nomine acceptandi; juravitque in animam electi, eandem observatum iri.

Publicata in templo per Decanum Moguntinæ Ecclesiæ electione, laudatoque per Hymnum Ambrosianum Imperantium Domino, Carolus Dux Neoburgicus, Electoris Palatini frater, in Italiam <sup>Adventus Caroli.</sup> ad nuntiandam Carolo electionem fuit ablegatus, eundemque Francofurtum (quia Aquisgranum ob belli tumultus minus erat tutum) ad coronam accipiendam est comitatus, quo 17. Dec. pervenit.

Dimidio ab urbe milliari ab Electorali Collegio exceptus, solutis ex mœnibus centum machinis, recta in templum S. Bartholomæi fuit deductus: ubi solenni officio & Hymno interfuit, indeque in palatium suum concessit.

Attulerant interea Aquisgranenses & Norimbergenfes Imperialia ornamenta: illi videlicet ensẽ Caroli M. librum Evangelio-<sup>Insignia.</sup> rum latina lingua aureis characteribus conscriptum, & cistulam cum terra, S. Stephani sanguine conspersa: isti vero coronam Caroli



M. ensẽm S. Mauritiĩ, sceptrum & Pomum Imperiale, cum Alba, Cingulo, Stola, Dalmatica, Pluviali, Chyrothecis, Sandaliis, Imperialis habitus insignibus.

Antecedentia Coronationem.

22 Dec. peracta est coronationis solennitas. Cæsar cum Electoralibus a Palatio suo ad S. Bartholomæi princeps Catholicorum templum equo vectus, a Moguntino, & Trevirensi, totoque clero ad portam fuit exceptus, atque ad aram deductus, ubi cantatis lytaniis Moguntinus, qui consecratoris munereungebatur, pontificali habitu indutus, ex electo Cæsare quærebant:

Puncta juranda,

1. An Catholicam Apostolicam fidem servare & custodire vellet?

2. An fidelis Advocatus & Protector esse sanctæ Ecclesiæ, ejusque Ministrorum?

3. An Imperium, a Deo concessum, secundum Majorum suorum justitiam regere, & fortiter defendere?

4. An jura regni, & bona Imperii, injuste avulsa, reducere, atque ad utilitatem Regni & Imperii fideliter administrare?

5. An justum Judicem divitum & pauperum, atque defensorẽ viduarum & pupillorum se præbere?

6. An sanctissimo Patri in Christo ac Domino, Romano Pontifici, & sanctæ Ecclesiæ decenter obedire, & reverenter obsequi?

Ad quæ interrogata singula Cæsar respondit: *Volo*: ac postea ad altare juramento confirmavit, hæc omnia se impleturum.

A Protestantico Imperatore aliena.

Ex quibus sane perspicuum est, quam hæc promissa & juramenta, quæ ab Imperatoribus a tempore antiquissimo fieri debent, a Protestantico Imperatore essent aliena & abhorrentia. Profecto non Aurea modo Bulla, sed etiam vetustissimæ consecrationis formulæ ac solennes ceremoniæ, manifeste supponunt, non nisi Catholicum eligi & ungi posse Imperatorem.

Unctio.

Jurejurando, quod diximus, edito, Imperator a Moguntino consecratore inunctus est sacro oleo, in vertice, intra scapulas, in cervice, pectore, brachio dextro, manibus, & carpo: pronuntiatis ad singulas inunctiones verbis: *ungo te in Regem oleo sacro in Nomine Patris &c.* Unctus Imperator habitu Imperiali, quem Norimbergenſes attulerant, fuit indutus; Trevirensis vero porrexerat gladium Caroli M. quo Palatinus, Electorali vestitu ornatus, eundem cinxit. Insertus digito annulus, sceptrum in dexteram, pomum Imperiale in sinistram traditum. Moguntinus vero & Trevirensis juncta opera coronam capiti imposuerunt. Coronatus ea

Coronatio.

ratione Imperator ad aram in genua procumbens tactis sanctis

Evan-

Evangeliiis denuo juravit, latina primum lingua, tum germanica, se leges, justitiam, pacemque sanctæ Ecclesiæ Dei conservaturum, ac defensurum, subdito populo justitiam administraturum, jura Imperii, prout de consilio Principum & Imperii sibi visum fuerit, protecturum, sanctissimo Romano Episcopo, Romanæ Ecclesiæ, cæterisque Episcopis & servis Dei competentem honorem exhibiturum, quæque a Regibus & Imperatoribus Ecclesiæ aut Ecclesiasticis personis concessa aut collata sunt, integre conservaturum, nec commissurum, ut violentur: Prælatos, Status, & Vassallos Imperii congruo honore prosecuturum.

Atque hæc omnia sub initium Missæ solennis a consecratore Moguntino sunt peracta, inter varias precum formulas, quæ plane non nisi in Catholicum, Romanæ Ecclesiæ addictum, Imperatorem cadunt.

Post Evangelium Protestantes legati iterum recesserunt: Imperator vero ad altare processit, & donum obtulit. Dum sacrificium Missæ deinde perageretur, suo in oratorio devotissime ad sacram communionem se præparavit, eamque, corona deposita, e manibus consecrantis Moguntini summa cum reverentia accepit, submoto etiam pulvillo, quod genibus substraverant.

Finito sacro Imperator in throno collocatus, gratulationes recepit. Dum autem solenni Hymno Laudes Deo canerentur, ense Caroli M. a Saxone porrecto, 31 Equites creavit. Aquisgranenses vero Legati Canonicatum in Ecclesia sua Cathedrali eidem more veteri offerebant, quem acceptavit, fidemque ac protectionem junxit.

Peracta solennitate Imperator habitu Imperiali indutus e templo ad curiam pedes sub conopeo, a decem senatoribus Francofurtensibus deportato, procedebat. Palatinus Pomum Imperiale prætulit, Saxo ensẽ, Brandenburgicus sceptrum; coronam Cæsar capite gestabat. Moguntinus & Trevirensis ad utrumque Cæsaris latus extremitatem chlamidis sustentabant. In curia Imperator mensæ assedit, & officiales muneribus suis ad Auræ Bullæ præscriptum fungebantur.

### De Capitulatione.

Promittit Imperator protegere Christianam Romanam Sedem, Papam, & Christianam Ecclesiam, tanquam ejus Advocatus, Electores item eorumque primogenituram, ac reliquos Status, cum



immediata Imperii Nobilitate. Nullumque Statum sessione & voto privare sine consensu Statuum: nullum assumere in Statum Imperii, nisi dominio sufficiente sit provifus, & taxam communem possit folvere, atque alicui Circulo adfcribatur, cum consensu illius Collegii, ad quod admittitur: omnia Statuum jura defendere. Augustanæ autem Confessionis Electores nolunt Cæsarem obligare ad Advocatiam Romanæ Ecclesiæ.

Spondet augere Imperium, neque illud unquam hæreditarium facere; servare Pacem Profanam, Religiosam, Westphalicam, Auream Bullam, cum extensione Electoratus ad Domum Brunsvico-Luneburgicam, & quod de reditu Electoratus ad Palatinatum in Pace West. statutum: defendere & servare Recessus Imperii: nullas leges novas facere sine consensu Imperii, imo neque illas interpretari sine consensu Statuum: neque committere, ut contra alterutram Religionem scribatur.

Licet Electores non facile Romanum Regem debeant eligere, si tamen velint, Imperator turbare non debet, neque Electores, convenire volentes. Vicariatus Imperii in suis juribus defendet, & acta Vicariorum confirmabit. Electorum Legati omnibus aliis præcedant, exceptis Regiis, cum quibus æqualis honor ipsis deferatur.

Nullum bellum geret, nec fœdera inibit sine consensu Statuum aut saltem Electorum. Nec taxam ordinabit, nisi cum consensu Statuum in Comitibus, nullumque Statum eximet a communi taxa. Quilibet Status possit cum externis inire fœdera, non tamen contra Imperatorem aut Imperium.

Commercia promovebit. Nulla monopolia concedet, nec nova vestigalia sine consensu Electorum, neque jus cudendi monetam sine consensu eorundem Electorum, & Circuli illius, in quo conceditur. De Imperio non tantum nihil alienabit, sed alienata reducet: unde disquiret de feudis Italiæ: & , si ipse Cæsar de Imperio quid possideret, restituet.

Feuda vacantia non nisi cum consensu de novo conferantur, & quidem Electoralia cum consensu Electorum, Principatus cum consensu Electorum & Principum, urbes cum consensu Electorum & urbium: sed a Cæsare retineantur pro sustentatione sua & Imperii, tanquam Imperio incorporata. Neque deinceps dentur expectantiæ sine consensu. Circulos redintegrabit. Si Comititia cessarent, singulis decenniis Diæta habenda; aut sæpius, si Electoribus videatur.

Faciet

Faciet, ut observentur Concordata Germaniæ: nec permittet, ut causæ civiles ad Nuntios Apostolicos aut Romam trahantur. Statibus nullum subditum per privilegium eximet: neque facile audiet querelas subditorum contra Principem suum. Defendet e contra Principes contra rebelles suos subditos.

Iustitiam omnibus administret. Lite pendente nulla repressalia concedat. Judicium Camerae defendat; neque admittatur appellatio ab ea ad Judicium Aulicum. Ministri Caesarei se non immisceant in res, ad Judicium Aulicum pertinentes. Sententiam Iudicii Aulici ac Camerae ocius exequatur: salvo tamen beneficio Revisionis & Supplicationis. Faciat tamen, ut Revisores brevi absolvant. Res iudicatas contra omnes externos defendat.

Nullum eximet a Jurisdictione Imperii. Exemptos vero defendet. A Iudicio Rottwilano & Weingartensi detur appellatio ad Aulicum & Wezlarientem. Abusus horum tollet. Ad nudam instantiam subditorum nulla dabit mandata, sed prius audiet Principes ac Dominos.

Nullum banno feriet, nisi cum consensu Statuum, & prius auditum. Bona Banniti non Domui suæ sed Imperio incorporabit. Infantes tamen agnati succedant in feudo.

Si Vasalli Statuum feuda amittant, non trahet ad fiscum Caesarem, sed relinquet ea Dominis Territorialibus. In numerum Principum, Comitum &c. non referet, nisi dignos, & qui cum dignitate talem titulum sustinere possint &c.

## Art. XIV.

### Prosecutio Belli Germanici.

Quamvis Carolus VI Imperator per Pacem Ultrajectensem esset a foederatis exteris desertus, statuit nihilominus vel solus, adiuvantibus Imperii Ordinibus, uti sperabat, bellum adversus Franciam proseguere. Imperiales ducebat Eugenius, Gallos Villarius. Isti *Landavia*, quam Alexander Würtembergius strenue propugna-  
ta, expugnata, Rhenum transgressi, *Friburgum*, ab Harschio defensum, capta Lan-  
cum geminis arcibus, ceperunt, praesidiis libero abitu permisso. *davia & Friburgo.*

Tum vero, ne Galli, perfractis jam claustris, in Sueviam se rursus effunderent, duo supremi belli Praefecti, *Eugenius & Villarius*, Eugenius & negotium pacis confecturi, ad *arcem Rastadiensem* se contulerunt, Villarius  
anno 1713, ibique *Praeliminaria* (ut vocant) Pacis formarunt, ne-  
mine *praeliminaria*



Rastadii con-  
ficiunt.

mine in negotii conficiendi societatem admissio. Quamvis autem moris Germani sit, ut Tractatus pacis lingua Latina aut Teutonice concipiantur, quia tamen Villarius eas minus callebat, Gallico idiomate usi sunt, quin tamen id trahi possit in exemplum.

Altero dein anno (1714) 6 Martii tractatus ibidem fuit conclusus. Sequebatur 17 Martii Casarea, 6 Aprilis Gallica confirmatio. 37 Articulis constabat, quos hic peculiariter non enumero, quia in pace Badensi sunt repetiti.

Badena pro  
pae decer-  
nitur.

Ut enim pax esset publica, solenniore congressum decernere placuit. Igitur Cæsar pro eo celebrando tres Helvetiæ civitates proposuit, Schaffhusium, Frauenfeldam, & Badenam. Rex istam elegit. Quinta Junii 1714 primus fuit congressus habitus, 7 Sept. ultimus, & Pax omnibus necessaria tandem conclusa. Enejus epitomen.

## Art. XV.

*Pax Badensis in compendium contracta. 1714.*

24.

1. Pax Rastadiensis sit universalis, & perpetua, qua teneantur etiam successores. Prohibentur omnia damna, quocunque prætextu inferenda. Neutra pars alterius rebelles foveat; sed contra mutuo se defendant.

2. Æterna sit omnium in bello actorum amnestia; nec quisquam propterea ullo modo prematur.

Restitutio

3. Basis & fundamentum hujus pacis sit pax Westph. Neomagensis & Risvicensis; omniaque restituantur secundum Risvicensem, nisi hic aliquid expresse aliter statuatur.

Brisaci,

4. Rex restituit Domui Austriacæ Vetus Brisacum cum juribus appertinentibus.

Friburgi,

5. Item Friburgum cum tota Brisgoia & Sylva Nigra, salvo tamen jure Diocesis Constantiensis.

Kehlæ,

6. Cæsari & Imperio reddit munimentum Kehlense, cis Rhenum a Gallis exstructum. Reliqua ad Argentinam, & in Rheni insulis propugnacula constructa diruantur. Navigatio per Rhenum sit libera, nec augeantur vestigalia.

7. Prædictæ urbes reddantur Cæsari cum armamentariis.

8. Gallia demoliatur omnia propugnacula, e regione Hünningæ in Imperii solo constructa, regio vero Domui Badensi reddatur.

Diru-

Diruantur pariter omnia munimenta, in pace Rîsvicensi nominata, excepto munimento *Ludoviciano*, quod Regi salvum manet.

9. Nominantur alia loca, ad Rhenum diruenda, nec amplius ædificanda.

10. Intra 30 dies post ratificationem dictæ urbes tradantur plene cum Instrumentis, &c. & alia in pace Rîsvicensi sancita executioni dentur.

11. Intra duos menses omnia sint diruta, quæ sunt diruenda.

12. Rex omnibus Imperii membris, statibus, vassallis, clientibus, nominatim Trevirensi, Palatino, Ordinis Teutonici Magi-<sup>Statuum</sup>stro, Episcopo Wormatiensi, Spirensi, Domui Wûrtembergicæ, Imperii, ac præcipue Duci Mompelgardensi, utrique Domui Badensi, Duci Lotharingiæ, *omnibusque aliis*, ex pace Rîsvicensi restituendis, restituet omnia, hoc bello ablata, aut alias restituenda.

13. Collatam a Cæsare Domui *Hannoveranæ Electoralem* Dignitatem Francia agnoscit.

14. Contra vero Cæsar & Imperium cedunt Galliæ *Landaviam* eo modo, quo jam in Rîsvicensi eidem fuerat cessa, cum omnibus appertinentiis.

15. Electores *Coloniensis* & *Bavarus* plene restituuntur in omnibus, cum plena omnium actorum amnestia. Renovationem tamen <sup>Coloniensis</sup> feudorum petant a Cæsare; & Bonnæ pacis tempore præsidium mi-<sup>& Bavarus</sup>litare nullum imponatur; sed cives vigilias agant. Belli vero tem-<sup>restituuntur.</sup>pore imponantur, quot Imperio videbitur.

16. Hac amnestia fruuntur omnes officiales, alique cujuscunque status, & in dignitates pristinas, bona & jura restituuntur.

17. Intra mensem fiat hæc restitutio. Intra quod tempus etiam Elector Baviaræ Cæsari restituet ea, quæ *in Belgio* possedit.

18. Si Elector regiones suas velit permutare cum aliis, Rex non obstat.

19. *Belgium*, Batavis datum in depositum, Rex Domui Austriacæ addidit eo modo, quo Hispani, præsertim Carolus II, post pacem Belgium *Au-*Rîsvicensem illud possederunt, cum omni jure successionis: salvo striacis, tamen tractatu limitanco, cum Batavis ineundo. *Geldria* civitas ve-<sup>Geldria Bo-</sup>ro cum annexis Borussio obveniat, salva tamen *Religione Catholica*, russo.<sup>ibidem</sup> conservanda.

20. *Renuntiat Ludovicus* omnibus Belgii urbibus, quas Carolus II usque ad mortem possedit, consentitque, ut a Batavis post pacem conclusam Cæsari extradantur.



21. Similiter Ludovicus eidem tradit *Tornacum, Meninam, Ipram, Urbes restit. Düxmüdam, Furnas, Lucke, Russelaes, Poppering, Warneton, Commi-*  
*nes, Warwick &c.* conceditque, ut hæc omnia a Batavis, quorum  
 fidei sunt credita, Cæsari extradantur.

22. Navigatio *Lysæ* in Flandria à teloniis sit libera.

23. Belgæ omnes plena fruantur amnestia.

24. Belgis consuetudines sæ maneat, & in locis, a Rege  
 cessis, jus illis esto, intra annum alio commigrandi.

25. Dignitatibus, bonis, juribus exuti belli tempore, restituan-  
 tur, prout etiam exules, cassatis sententiis, in contrarium latis.

26. Ut autem omnis discordia ratione finium in Belgio tolla-  
 tur, commissarii utrinque conveniant, & eosdem amice deter-  
 minent.

27. Constituti a Ludovico in locis cessis Ecclesiastici permaneant;  
 Religio. semperque *Religio Catholica* ibidem conservetur: nec Magistratus a ii  
 ac Catholici tolerantur. *Bona autem Ecclesiastica* restituantur.

28. Urbes Belgii cessæ relinquantur in eo jure, quo apud Gallos  
 utebantur.

29. Ecclesiastica Beneficia iis maneat, qui durante bello ea-  
 dem canonice obtinuerunt.

Italia.

30. Cæsar in Italia quiete possideat Regnum *Neapolitanum, Du-*  
*catum Mediolanensem, Regnum Sardinia, Portus Hetruscos*, prout Re-  
 ges Hispaniæ possederant: sic tamen, ut neutralitas Italiæ Princi-  
 pum, in pace Ultrajectensi stabilita, non turbetur.

31. Cæsar Principibus Italiæ, qui sunt Vasalli Imperii, nomi-  
 natim Duci *Gualthæ, Pico Mirandulano*, Principi de Castilione  
 promptam justitiam administret.

Remissio  
 particula-  
 rium præ-  
 tensionum.

32. Cum autem non omnia possent examinari, quæ *particulares*  
*personas* concernunt, ad aulam Cæsaream & Gallicam remittuntur, ut  
 ibidem causas suas proponant, sic tamen, ut eæ pacem istam non  
 turbent.

33. Omnes utrinque captivi dimittantur liberi, & copiæ ocuis  
 abducantur ex urbibus cessis; prout etiam Cæsar militem suum quam-  
 primum ex ditionibus Bavaricis & Coloniensibus deducet.

34. Mox post ratificatam pacem prohibita tempore belli *com-*  
*mercia* libera sunt utriusque nationis hominibus, Anseaticis nomi-  
 natim civitatibus, cum antiquis ubique privilegiis.

35. Omnia, quæ contra hanc pacem obtendi posse viderentur,  
 nulla & irrita sunt.

36. Huic

36. Huic paci omnes includuntur, qui post permutata pacificationis instrumenta utriusque partis consensu nominabuntur.

37. Utriusque partis Plenipotentarii spondent, hoc pacis instrumentum a suis Principalibus intra sex hebdomades ratificatum iri.

38. Utriusque partis legati subscribent huic paci, nec ulla adversus eandem protestatio admittenda.

Subscripserunt autem legati Plenipotentarii

*Eugenius de Sabaudia.*

*Petrus Comes de Goës.*

*Joan. Frideric. Comes de Seilern.*

*Duc de Villars.*

*Comes de Luc.*

*de S. Contest.*

Appositus fuit Articulus specialis: cum Rex Christianissimus aliquos, quibus Imperator utitur, titulos, ratihabere nequeat, ad nulum faciendum jus aut præjudicium eos apponi.

Hæc pax 10 Oct. ejusdem anni 1714 Ratisbonæ in Comitibus ratihabita fuit.

Plurimi ex Italia, Germania, Borussia, Suecia, Lotharingia &c. Regum, Electorum, Episcoporum, Ducum, Principum legati Badenam confluerant: sed juxta Articulum 32 omnium Prætensiones ad Imperatorem aut ad Regem Galliarum remissæ sunt.

Cernimus hic, in toto tractatu nullam de Hispania factam esse mentionem; implicite tamen prohibitum videtur, bellum propter eandem moveri. Ommissa etiam fuit Sicilia; & hinc cum legatus Sabaudicus eandem Domino suo confirmari peteret, Vienna & Ratisbona abscedere jussus est, uti scribit Hübnerus supplemento 7, ad an. 1714.

De Hisp. & Sicilia nulla mentio.

Comitia Imperii, quæ ob pestem grassantem superiore anno Augustam fuerant translata, hoc anno 1714 Ratisbonam reducta sunt.

Confecta licet jam pace Cæsar copias non dimisit, prælagus quodammodo belli instantis Turcici, diciturque Princeps Eugenius, id dedisse eidem consilii, ut constanter 100000 armatorum nutriat; videlicet 20000 in Hungaria, 8000 in Regno Neapolitano, 14000 in Ducatu Mediolanensi, 23000 in Belgio, in reliquis provinciis hæreditariis 35000.

Eugenii consilium de copiis.



## Art. XVI.

Gesta ab anno 1716 ad annum 1720.

25.  
Eug. Gub.  
Belgii.

ANNO 1716 Princeps *Eugenius* renuntiatus est *Gubernator Belgii*; in *Præfectura* vero *Mediolanensi* eidem successit *Löwensteinius*, qui *Bavariam* antea administraverat, & postea *Comitiis Ratisbonensibus* *Commissarius Principalis* præfuit.

Eodem anno natus est *Imperatori Carolo* filius *Leopoldus Josephus*, sed ingenti omnium luctu eodem adhuc anno obiit.

Princ. Elect.  
in Italiam.

*Carolus Albertus*, Princeps *Electoralis Bavariae*, qui Patre in *Gallicia* & *Belgio*, Matre vero *Venetii* absentibus, tum *Clagenfurti* in *Carinthia*, tum *Græcii* in *Styria* cum fratribus studiis vacaverat, hoc anno 1716 peregrinationem in *Italiam* suscepit, sub nomine *Comitis de Trausnitz*, *Venetii*, *Bononiae*, *Romæ*, *Neapoli*, *Florentiæ*, *Genuæ*, *Mantuae*, magno cum honore exceptus, præsertim *Romæ* a summo Pontifice *Clemente XI*.

Mompelgardensis divortium.

*Leopoldus Eberhardus* Dux *Würtembergicus* lineæ *Mompelgardensis*, postquam a *Sabina*, Comitum de *Sponeck* dignitate cum fratribus a *Cæsare* ornata, & ex qua liberos jam genuerat, primum quodam mensam & thorum, dein auctoritate *Consistorii Mompelgardensis*, dissoluto etiam vinculo, se separaverat, duas sorores de *Esperance* duxit, & ex utraque plures liberos reliquit. Quo jure *Canonico* *Protestanticum* *Consistorium* ista concesserit, ipsum viderit. *Meliori* exemplo *Mauritius Adolphus* Dux *Saxociticus* *Romana* *sacra* suscepit.

Saxocitici  
conversio,

ANNO 1717, cum Dux *Saxociticus*, *Principalis Imperatoris* in *Comitiis Ratisbonensibus* *Commissarius*, *sanctæ Romanæ Ecclesiæ* *Cardinalem* se merito scriberet, *Protestantium* *legati* *conscientiæ* sibi ducebant, hunc titulum ei tribuere, *piaculi* se reos existimantes, si *Romanam Ecclesiam* dicerent *sanctam*. Cæterum *Imperator Cardinali Concommissarium* addidit *Baronem de Kirchner*, qui *Consilarii Aulici* munere prius erat *Viennæ* functus.

Et Princ.  
Elect. Saxo-  
nia.

*Religionem Catholicam* hoc anno *Viennæ* publice professi sunt *Fridericus Augustus Princeps Electoralis Saxonie*, (quam jam anno 1712 in *Italia* assumpserat) & *Mauritius Wilhelmus Dux Saxociticus*, quamvis prævideret, se administratione *Naumburgensi* spoliandum. Sed defecit constantia, uxore pervertente.

Hoc eodem anno extincta est stirps masculina *Eggenbergica*, *Eggenbergi-*  
quam Ferdinandus II anno 1623 in Collegium Principum adopta- *ca stirps ex-*  
verat. Ad eam pertinebat *Gradiſca* in Carniola. Contra vero 13 *tinæ.*  
Maji felici sydere lucem aspexit *Maria Theresia*, in spes magnas Do- *Nata Maria*  
mus Austriacæ nata, Familiamque Augustissimam deficientibus ma- *Theresia.*  
sculis optata fecunditate propagatura.

ANNO 1718 orta est Ratisbonæ Protestantes inter legatos  
gravis contentio de *Directorio* Corporis Evangelici, ut ipsi appel-  
lant, quo functus haftenus erat Elector Saxonæ. Cum autem tam  
ipse quam Princeps Electoralis ad sacra Catholica rediisset, confer-  
re Protestantes capita, detrectare ejus præsidium, quamvis legatus ef- 26.  
set Lutheranus, de alio Directore circumspicere. In Brandeburgi- *Lis de Di-*  
cum maxime & Hannoveranum conjecti sunt oculi. At Saxo tan- *rectorio*  
tis rationum momentis jus suum, editis etiam publicis documentis, *Evangel.*  
deducebat, ut pristino res statu fuerit relicta. Cæterum novimus  
Directorem Imperii, Directores trium Collegiorum, Directores  
Circulorum; at Corpus Evangelicum, aut ejus Directorem non no-  
runt Pax Westphalica aut aliæ Imperii Constitutiones.

Alia gravior controversia Comitibus exercuit. Anno 1708 Offi-  
cium *Archidapiferi* a Josepho Imperatore in Palatinum fuerat trans- *Et Officio*  
latum, munus vero *Archithesaurarii*, ab hoc a tempore P. W. pos- *Hannovera-*  
sessum in Hannoveranum. Cum autem vi pacis Badenæ Bavaro *ni.*  
cum Electoratu etiam Archidapiferatus esset restituendus, Palatinus  
pariter Archithesaurarii Dignitatem repetebat. Laboratum igitur,  
ut Hannoverano novum Imperii Officium inveniretur, sed conve-  
niri non poterat. Unde propter id genus lites Comitibus ferme va-  
cabant.

Cum in Camera Imperiali lites adeo accrescerent; ut annuatim *Camera.*  
quingentis augerentur, & plura millia adhuc jacerent indecisa,  
augmentum assessorum, & salariorum petierunt.

Ignatius de Lowina, Vallesianus, qui fuerat Informator Caroli  
Imperatoris, creatus est hoc anno Episcopus Neostadiensis.

Cæso in Norvegia Carolo XII Rege Sueciæ, *Gustavus Samuel* *Gustavi*  
proximus agnatus possessionem Bipontini Ducatus & annexorum *Samuel. con-*  
hæreditario jure adiit, atque abjecto Luthero *Catholicam Religionem* *versio.*  
professus est. Ecce! quot Principes ad Majorum sacra redierunt;  
cum tamen a 150 annis ne unus quidem, a Catholicis parentibus  
natus, ad Protestantes desciverit.



Rhenofelsa  
restituta.

Gravis hoc tempore orta fuerat contentio inter Domum Hasso-Cassellanam & Rhenofelsensem. Illa tempore belli *Rhenofelsam* occupaverat, eique in pace Ultrajectensi fuerat adjudicata, in Badensi vero nulla fiebat mentio. Rhenofelsenfis Rottenburgensis Landgravius in aula Cæsarea urbem repetit, & pronas aures invenit. Obistente Castellano, Circulo Rhenano Inferiori executio demandatur. Tandem, cum plures finitimi Circuli evocarentur, Hasso-Cassellanus munimentum cum annexis tradidit.

In *Academia scientiarum* Borussica *Leibnizio* Præsēs successit *Gundlingius*. Legatus Suecicus in Comitibus Imperii prætendit triplex votum, ratione citerioris *Pomeraniæ*, *Bremæ* & *Verdæ*, neque enim moris esse in Imperio, ut quis ob ereptas per injustam vim provincias, voto privetur. At opposuit se *Hannoveranus*.

1719. *Fridericus Augustus, Princeps Electoralis Saxonie*, Viennæ Nuptiæ Sax. duxit *Mariam Josepham*, primogenitam *Josephi Imperatoris* filiam, *Flemmingio* procurante, qui etiam Principis sui nomine renuntiavit juri in hæreditarias Domus Austriacæ provincias. Ducta inde a sponso *Dresdam*, solenni pompa fuit excepta.

Bavaricæ.

14 Martii *Philippus Mauritius*, Elector Bavariæ secundo genitus, electus fuit Episcopus *Monasteriensis*, postquam biduo ante Romæ fuerat mortuus. Frater ejus *Ferdinandus Maria* duxit *Eleonoram*, *Philippi Palatini* & *Annæ Mariæ Lavenburgicæ* (quæ secundo nupsit *Joanni Gastoni Florentiæ Duci*) filiam. Quartus Princeps *Clemens Augustus* loco fratris *Philippi Romæ* mortui electus est mox Episcopus *Monasteriensis*, & brevi post etiam *Paderbornensis*. Quintus vero frater *Joannes Theodorus Ratisbonensis*.

Clemens  
Episc. loco  
fratris.

27.  
Controver-  
siæ Palatinæ  
ob Cate-  
chismum  
Heidelberg.  
& templum.

Hoc eodem anno *Carolus Philippus Elector Palatinus* prohibuit *Catechismum* Calvinianum, in quo dicebatur, Missam esse abominandam idololatriam. Dein templum *S. Spiritus Heidelbergense* pro se & aula sua a Calvinistis petiit, paratus, aliud eisdem exstruere: & cum obtinere nil posset, eisdem eripuit. At mox Anglia, Borussia, Hollandia, Hassia, vehementer se opposuit, querela ad thronum quoque Cæsareum delata. Ab hoc anno sequenti fluxit Rescriptum, quo Elector jubebatur templum Calvinistis subditis suis restituere. *Catechismus* etiam liber fuit eis permissus, ea tamen conditione, ut quæstio 80.ª, in qua Missa idololatria appellabatur, omitteretur. Hic procedendi modus *Heidelbergensium* tantopere displicuit Electori, ut sedem suam *Manhemium* transferret, ingenti *Heidelbergæ* detrimento. Displicuit etiam, quod *Reckium* ceu Commissarium Cæsareum in ditione sua tolerare debuerit.

Electo-  
r Manhe-  
mii.

Plura

Plura alia Religionis gravamina Protestantes in Comitibus proponebant, quæ tamen re ipsa non erant gravamina, sed jura, virtute Clausulæ Articuli IV pacis Rysvicensis, per pacem Badensem confirmatæ, exercita ad Rhenum, & præcipue in Palatinatu, ubi data a Catholicis opera, ut Religio in eo statu conservetur, quo tempore pacis Rysvicensis a Gallis fuerat relicta.

Gravamina præsentia.

Hinc illæ Protestantium lachrymæ, querelæ, coitiones, minæ; hinc expulsi a Brandeburgo *Hadmerslebii* Monachi, hinc alibi sævitus in Catholicos: hinc clamores seditiosi & arma jam circumsonabant; hinc tot scripta & Manifesta, ut appellantur, per orbem sparsa; hinc denique hæc illa gravamina, in Comitibus Ratisbonæ proposita, quæ sequentibus annis ad centum accreverunt.

Motus. Protest.

Cæsar graviter querebatur, in suum supremi Judicis involari Officium: restituenda ante omnia spolia, quæ a Protestantibus *Repressalia* dicebantur, & *retorsiones juris iniqui*; simul tamen inquire jussit, atque mandata dedit ad Moguntinum, Palatinum, aliosque Catholicos, ut, si quid actum foret contra Constitutiones Imperii, emendetur, quo motus Protestantium conquiescant.

Audiebantur insuper in Comitibus Protestantium querimonie contra Cameram Imperialem, quod sibi jus arrogaret judicandi causas matrimoniales, & alias Ecclesiasticas Protestantium.

Causæ Matrimon.

Christophorus Matthæus *Pfaffius*, Professor Theologiæ & Cancellarius Academiæ Tubingensis, hoc tempore systema quoddam unionis in doctrina Protestantibus suis proposuit: sed nulli parti placuit. Quin imo multæ contra eum pennæ acuebantur, quæ eum ceu Adiaphoristam & Libertinum explodebant. Desperata nempe est unio, ubi nullus agnoscitur Judex Controversiarum.

Pfaffii synthesis.

ANNO 1720 *causa Mechlenburgica* vehementer agitabatur Ducem inter *Suerinum*, *Carolus Leopoldum*, & *Statum Equestrem*, seu *Nobilitatem*. Sic habet: status Equestris Mechlenburgicus, prout etiam civitas Hanseatica Rostochium, eximia privilegia a Ducibus suis acceperant, præsertim circa tributa, quæ modica conferebant. Cum autem succedentibus temporibus rerum omnium pretia plurimum augerentur, plus etiam tributi exigere se posse Duces putabant. Anno 1701 inita quidem Hamburgi fuit transactio, a Cæsare etiam confirmata; sed cum Dux Frid. Wilh. anno 1708 novam ordinationem Ecclesiasticam vellet introducere, etiam Nobiles in partem autoritatis venire volebant. At Dux, inita cum Brandeburgo hæreditaria unione, legionem ab eo recepit, ut Nobiles compesceret.

28.  
Causa Mechlenburgica.



Carolus  
Leopoldus  
Nobilitatem  
gravat.

Cum Friderico anno 1713 frater *Carolus Leopoldus* succederet, bellumque toto Septentrione flagrarat, Dux quoque se armavit, tributo non modico Nobilitati & Rostochio imposito. Id cum præstare detrectarent, causa ad Imperatorem ejusque Judicium aulicum fuit delata.

Sed quia res in longum trahebatur, Dux, accepta in Conjugem *Catharina*, Joannis *Alexieviz* Moscoviæ Ducis filia, Russorum auxilio statum Equestrem vi ad obsequium flectere aggrediebatur. At Nobilium præcipui, relictis bonis & patria sub Hannoverani protectione causam in *Judicio Aulico* urgebant, unde varia Rescripta Dehortatoria & mandata poenalia ad Ducem sunt missa.

Executio.

At ille his parum motus relictis Nobilium bonis fruebatur, conductoque duodecim millium exercitu, Rostochio quoque & Dömitio munitis, ad omnem vim repellendam se parabat. Et sane, cum Cæsar *Hannoverano* & *Welferbyitano* executionem anno 1719 demandasset, Ducis copiarum strenue resistebant. Verum, cum plures circulares copias timeret, militem suum dimisit, totamque provinciam, solo Dömitio retento. Quod ipsum etiam postea reliquit, dum anno 1720 Viennam profectus est, rebus suis consulturus. At remissus ad mandata Cæsarea & Commissionem, Rostochii institutem, brevi iterum Viennam deseruit, atque Dömitium rediit, quod solum præsidio suo adhuc obtinebat, reliquam provinciam milite Circulari occupante. Anno 1721 Dux abiit Dantiscum, ubi mandatis Cæsareis & subdelegatæ Commissioni Rostochiensi contumaciter obstrictans, per plures annos nest commoratus: uxor vero cum filia Petroburgum discessit, Megalopoli militi extero permissa.

Dux Geda-  
num.

*Philippoburgi* & *Keblenfis* munimenti Præfecti ad Comitata retulerunt, quanta damna Rhenus attulisset; nisi reparentur, utrumque Germaniæ aggerem periturum. Remotiores circuli volebant hoc onus *Suevico* imponere. At ille respondit, se millionem ferme florenorum in hanc rem suppeditasse, petiitque, ut a reliquis compensetur. Decreti tandem *duo menses* protectionis *Romana*.

29.  
Sanctio Prag-  
matica.

Imperator hoc anno 1720 convocatis Statibus successionis ordinem proposuit, (quem *Sanctionem Pragmaticam* deinceps appellarunt) quemque observari vellet, si sine hæredibus masculis esset decessurus. *Primo* loco vocat Mariam Theresiam filiam natu maximam, ejusque descendentes. *Secundo* Mariam Annam, ejusdem sororem. *Tertio* duas Imperatoris Josephi filias, Mariam Josepham, & Mariam Amaliam. *Quarto* tres suas sorores Imperatoris Leopoldi

di filias. Quinto reliquos consanguineos Domus Austriacæ secundum  
prioritatem lineæ & gradus.

## Art. XVII.

Gesta ab anno 1721 ad 1725.

ANNO 1721 Frobenius Princeps Fürstenbergius munus Judicis <sup>Judex Ca-</sup>  
seu Præsidis Camerae Imperialis, quo pluribus annis laudatissime <sup>meræ.</sup>  
functus erat, abdicavit, illudque Cæsar Philippo Carolo Hobenbiensi  
lineæ Bartensteinia contulit. Fridericum vero Baronem Seckendorff-  
sum, Mareſchallum, ex Sicilia reducem, Comitis dignitate auxit.  
Est is frater Viti Seckendorffii, ab *Historia Lutheranismi* celebris.

1722. Postquam Törringius comes Viennæ desponsationis Nuptiæ Ca-  
& renuntiationis negotium perfecerat, Carolus Albertus Princeps <sup>roli Alberti</sup>  
Electoralis Bavariae nuptias celebravit cum Maria Amalia, Josephi  
Imperatoris secundogenita.

Hoc anno, petente Cæsare, consentiente Pontifice, qui & Pal-  
lium misit, *Episcopatus Viennensis* in *Archiepiscopatum* est commutatus; <sup>30.</sup>  
fuitque primus Archi-Præful Sigismundus Comes *Colloniensis*, si- <sup>Archiepic.</sup>  
cut ultimus erat suæ familiæ. Suffraganeus ei assignatus Episcopus <sup>Viennensis.</sup>  
*Neostadiensis*. Passaviensis vero & Salisburgensis Præsules jurisdictionem  
suam in reverentiam Cæsaris sunt passi diminui.

In Holfatia Comes de Ranzau in venatione fuit occisus. Frater <sup>Ranzavi</sup>  
ejus junior in authorem cædis inquisivit, promissa illi pecunia, <sup>casus.</sup>  
qui eundem proderet, quin preces publicas indici curavit, ut de-  
tegeretur. Dum autem a Danis fit inquisitio, compertum est,  
eum ipsum fuisse aut authorem aut complicem. Quare, licet op-  
poneret exceptionem, fori Danici declinatoriam, & ad Cæsarem  
appellasset, atque is illum, tanquam Comitem Imperii, immediate  
sibi subiectum, repeteret, a Danis nihilominus comprehensus, ju-  
dicatus, & ad perpetuos in Norvegia carceres fuit condemnatus.  
Forum apud Danos sortiri dicebatur ratione Ordinis equestris, cui  
esset adscriptus, & Regi subiectus.

ANNO 1723. *Liechtensteinus* Princeps, postquam in Circulo <sup>Lichtenstein</sup>  
Suevico immediata Imperii bona (*Vaduz & Schellenberg*) sibi com- <sup>ad Comitiam</sup>  
paravit, in scamno sæcularium Principum ad *sessionem & votum* ad- <sup>& Rohan.</sup>  
missus est. *Episcopus* etiam *Argentiniensis*, Cardinalis de Rohan, ad  
Comitia rursus admissus est tanquam Princeps Imperii. Tempore  
belli autem sedes illa in Comitibus vacaverat. Marchio vero de  
Craon,



**Craon Princ. Imp.** *Craon*, primus Lotharingæ Ducis Minister Princeps Imperii a Cæsare dictus est.

**Colonienfis obit.** Obiit hoc anno Bonnæ *Josephus Clemens*, Elector Colonienfis, 52 ætatis anno. Successit *Clemens Augustus*, ex fratre nepos, priore jam anno a Capitulo Colonienfi postulatus Coadjutor. Dispensavit Papa, quia jam alias duas possidebat sponfas, Monasteriensem videlicet & Paderbornensem Ecclesiam; cui anno

**Succedit Clemens.** sequenti accessit *Hildefensis*, Capitulo interim regnante, & postea etiam *Osnabrugensis*. Leodiensis vero alium sibi sponsum delegit, nempe Comitem de Berghes. Passavii mortuo Comite Rabata, **Lamberg. Ep. Pass.** Episcopus est postulatus Comes *Lambergius*, Episcopus ante Secovienfis, cui successit Baro Firmian.

ANNO 1724 Catholici secundum *Calendarium Gregorianum* 16 Aprilis *Pascha* celebrabant, Protestantes autem 9 Aprilis. Quæ res magnas confusiones, perturbationes, & in Camera Imperiali & Comitibus disputationes excitabat.

Cum Brandeburgus ferme dimidium *Citerioris Pomeraniae* Suecici eripuisset, horum Legatus in Comitibus petiit, ut etiam in Matricula pars onerum eidem imponeretur. Equum postulare visus est.

Reerudit inter *Abbatissam* & *Lindavium* vetus de juribus controversia. Condemnata a Camera Imperiali civitas.

Obiit hoc anno Norimbergæ Joannes Baptista *Hobmannus*, qui mappas Geographicas plurimum illustravit. Familia autem Comitum de *Tilly* omnino extincta est. Herbipoli in locum *Schönbornii* demortui suffectus est *Huttenus*.

**3r. Natus Elect. Palat.** In spes magnas natus est *Carolus Philippus Theodorus* ex Joanne Christiano, Theodori Ducis Solisbacensis secundo genito, & Maria Anna, Francisci Egonis Marchionis Bergensis ad Zomam filia hærede.

**Divortium Bipontini.** *Gustavus Samuel* Dux Bipontinus superiore jam anno a *Dorothea Veldentina* se separaverat, matrimonio ob consanguinitatem in tertio gradu a Pontifice declarato irritum. Dein vero duxit *Dorotheam Hoffmann*, rei venatoriæ Præfetti filiam; postquam hæc Catholicam Religionem fuerat professæ. Eam postea Imperator in Comitum Imperii numerum retulit.

Verum jam eo tempore de eventuali successione Bipontina litem in Aula Cæsarea movit Christianus III, Comes Palatinus *Birckenfeldensis*, seque futurum hæredem declarari petiit, allegans pacta familiae, & testamentum *Wolfgangi*, a quo omnes posteriores Comites Palatini descendunt. Eidem *Birckenfeldensi* natus est hoc anno

anno filius *Fridericus*, cum jam anno 1722 *Christianum* suscepisset. Natus Frid. Birckenfeld.

Obiit anno superiore *Leop. Eberbardus Dux Mompelgardenfis*. 32.  
 Filius ejus *Georg. Leopoldus Comes de Sponeck* pro hærede se gessit, Obitus Mom-  
 totiusque provinciæ possessionem apprehendit, legitimatus a Re- pelgard.  
 gente Galliæ. Graviter id tulit Domus Württembergica, præsertim  
*Studgardenfis*, conquesta propterea apud Cæsarem, qui omnia Lis de suc-  
*Sponeckii* acta irrita declaravit, & eum cum fratribus & sororibus ali- cessione.  
 mentis contentum esse jussit. Mandata Cæsarea executus est Würt- Sponeck  
 tembergicus, missoque milite *Sponeckium* expulit, & *Investituram* pulsus a  
 ab Imperatore accepit, dissimulante Gallia, quantumvis *Sponeckio* Studgarden-  
 faveret, qui *Catholicam Religionem* fuerat amplexus. fi.

Litis quoque aliquid intercessit inter Domum Palatinam & Baden-  
 sem ratione *Comitatus Sponheimensis*; quia defuncto jam anno 1437 Lis Spon-  
 Joanne ultimo Comite, hæreditas pervenit ad duas filias, quarum heim.  
 una Palatino, altera Badensi erat desponsa. Cum autem Badenses  
 quererentur, a Birckenfeldensi, post extinctam lineam Veldenti-  
 nam, loca plura, ad Badenses spectantia, fuisse occupata, faven-  
 tem a Judicio Aulico sententiam retulerunt.

Landgravus Hassio - Castellanus *matrimonia clandestina* declaravit  
 irrita. Mirum! Concilio Episcoporum Protestantes negant potesta-  
 tem statuendi impedimenta matrimonii, quam tamen Principi laico  
 facile concedunt.

Demum hoc anno *Fridericus, Dux Holfato - Gottorpiensis*, Gottorpien-  
 duxit *Annam, Petri I, Moscoviæ Ducis filiam primogenitam*. sis ducit  
 Moscam.

## Art. XVIII.

### *Pax Viennensis cum Hispania.*

Cum per Pacem Badensem de Hispania nihil fuerit decretum, 33.  
 ac proin, cessante licet bello, dominium illius inter Carolum VI,  
 & Philippum V, manserit controversum, quin imo Hispanus Sici-  
 liam fuisset & Sardiniam aggressus, atque successio etiam Florentina, Cum Cam-  
 Parmensis, & Placentina, timeretur bellum novum motura, Hi- raci conveni-  
 spania insuper Gibraltariam, & Minorcam repeteret, indictus est ri non pos-  
 ad lites istas componendas Congressus *Cambracum*, ubi Legati Cæsa- fet.  
 ris, Galliæ, Hispaniæ, Angliæ, Sabaudix, Hollandiæ per plures  
 annos moras trahentes convenire non poterant.



Cum igitur Cameraci negotium pacis Universalis sine fructu hæreret, Carolus & Philippus, morarum pertæsi, privatam Viennæ pacem inierunt anno 1725.

Pax Viennensis est inita.

Factum initium ab Hispano, qui clam Legatis Cameracensibus Baronem de Riperda Viennam misit, Conditiones pacis oblatum. Placuit propositio Legati Cæsari, & per Principem Eugenium, Comitem Sinzendorffium, Aulæ Cancellarium, & Gundacarum Stahrenbergium negotium cum Riperda confecit in hos articulos.

Articuli.

I. Pax sit perpetua inter Imperatorem & Regem Hispaniæ.

II. Fundamentum sit Tractatus, anno 1718 Londini initus.

III. Renuntiat Cæsar omnibus provinciis, Philippo per pacem Ultrajectensem attributis, ea tamen lege, ut Regna Galliæ & Hispaniæ nunquam coalescant.

IV. Agnoscat Cæsar Philippum Hispaniarum & Indiarum Regem, omnesque ejus descendentes, masculos & fœminas sinet iis pacifice frui.

V. Contra vero Philippus suo & successorum nomine renuntiat omnibus ditionibus, quas Cæsar in Italia & Belgio possidet, & olim ad Monarchiam Hispanam pertinuerant. Inter quas etiam est Marchionatus Finalensis, quem Cæsar anno 1713 Genuensibus cessit. Renuntiat item regno Siciliæ, ad quod sibi regressum ante reservaverat.

VI. Cæsar consentit, ut primogenitus Reginæ Hispaniæ succedat in Ducatus, Florentinum, Parmensem & Placentinum, a Cæsare tanquam feuda Imperii recipiendos, postquam Imperio fuerint aperti. Si primogenitus (Carolus) cum suis descendentibus masculis defecerit, recipiet illos sub eodem nexu feudali secundogenitus, ejusque posterius masculi.

Portus Liburnus semper maneat liber. Portum Longum & partem Insulæ Elvæ, quam Philippus possidet, filio suo tradet, quando is Hetruriæ Ducatum fuerit adeptus, renuntiatque omni juri & prætensionem in hos Ducatus, ut ne quidem tutor Principis esse possit. Quamdiu autem moderni Ducatum possessores vivunt, nulli milites introducantur.

VII. Renuntiat Philippus juri reversionis Siciliæ ad Hispaniam; reservato tamen jure reversionis in Sardiniam.

VIII. Promittitur defensio mutua.

IX. Sit universalis amnestia, omnibusque reverti ad sua bona & iis uti frui liceat, cuicumque parti adhæserint. Dignitates hinc inde collatæ maneant, mutuoque agnoscantur.

X. Tituli utrinque retineantur, quamdiu Carolus & Philippus vivunt. Successores vero eorum regnorum duntaxat & provinciarum, quas possident, titulos gerant.

XI. Dux Parmæ defendatur in suis possessionibus. Discordiæ vero ortæ eum inter & vicinas Cæsareas provincias amice per arbitros componentur.

XII. Approbatur statutus utrinque modus succedendi, pro utriusque sexus hæredibus.

XIII. Circa dotes, Imperatricibus Mariæ & Margarethæ ex Hispania adhuc debitas, conventum est, ut loca propterea Cæsari oppignorata restituantur Philippo Regi, Cæsari vero certa pecuniæ summa eo titulo solvatur.

XIV. Debita contracta solvantur ab eo, qui illa contraxit.

XV. Palatium Hagense compenfetur cum Viennensi, Romani vero dimidium pretium Rex solvat Cæsari.

XVI. Pace hac comprehensi sunt, qui intra annum utrinque nominabuntur.

XVII. Pacem sic conclusam ratihabitu iri promittunt contrahentes.

XVIII. Subjunguntur hic Instrumenta renuntiationum, de quibus Art. 3. & 5. actum.

Accessit Cæsarem inter & Regem Philippum peculiare *foedus amicitia & defensionis mutæ*, his sex articulis comprehensum. Foedus amicitia.

I. Sit utrinque constans & sincera amicitia, ita ut alter alterius commodum promoveat, & damna avertere satagat.

II. Cæsar nequaquam obsistet, quo minus Anglia Gibraltariam, & Minorcam cum Portu Magonis Hispaniæ restituat; quin imo bona sua officia ad hoc impendet.

III. Rex omnibus navibus Imperatoris ejusque subditorum ingressum liberum in portus suos promittit, liberamque in omnibus Hispaniæ Regnis commercandi facultatem, cum omnibus privilegiis, quibus Galli aut Angli fruuntur.

IV. Si naves subditorum Cæsaris cis vel trans Æquatorem hostiliter invaderentur, Hispania causam cum Cæsare communem faciet, ut damnum reparetur. Idem vicissim promittit Cæsar.

V. Quamvis per Foedus quadruplex utriusque terris cautum sit, ut tamen arctius adhuc sit vinculum, Rex Cæsari, si invaderetur, quindecim bellicis navibus, & viginti armatorum millibus assistet, vel pecuniam Genuæ pro iis repræsentabit, nempe pro mille peditibus quot mensibus octo florenorum millia, & pro mille equi-



equitibus viginti quatuor florenorum millia. Si autem 15 naves non mitteret, decem armatorum millia superaddet.

Vicissim Caesar, si Rex in Europa invaderetur, 20000 pedum & 10000 equitum succurret.

VI. Hoc speciale amicitiae foedus intra tres menses ratificandum.

Accessit Tra-  
ctatus Com-  
mercialis,

1725 fuerat percussum, prima dein Maji accessit Foedus Commerciale, 47 Articulis comprehensum; quibus statutum, ut utriusque subditis liceat adire commercii causa omnes alterius provincias, littora, portus, frui omnibus juribus & privilegiis, quibus amicissimae nationes fruuntur.

## Art. XIX.

### *Tractatus Hannoveranus.*

34. Pax Viennensis, sine arbitro composita, neminem ægrius habuit, ac Regem Angliæ, qui illam ad injuriam suam & commercii Anglicani discrimen pertinere existimabat. Conquirenda igitur contra eandem aliunde foedera, evertenda Ostendana commercia.

Faciles aures præbuerunt Gallia & Borussia, cum quibus Rex Georgius Hannoveræ, ubi præsens aderat, foedus iniit, quod *Tractatus Hannoveranus* dici consuevit, sequentibus octo articulis conceptum.

I. Sit firma & constans pax inter tres coronas contrahentes, ad tuitionem propriæ salutis.

II. Cavent sibi mutuo de omnibus possessionibus, intra vel extra Europam sitis, promittuntque socialia auxilia.

III. Exigente necessitate Gallus parata habeat duodecim armatorum millia, totidem Anglus, Borussus quinque millia. Hæcauxilia si non sufficerent, majoribus læso assistent, imo etiam, si necesse, declarato bello adversus lædentem, donec satisfactio præstetur.

IV. Nullus ex foederatis tractatum inibit huic contrarium, sed omnia cum sociis communicentur, ut ea decernantur, quæ ad conservandum Europæ æquilibrium & pacem opportuna videbuntur.

V. Pax Westphalica communi opera præstetur salva.

VI. Hoc foedus 15 annos subsistat.

VII. Alii etiam Principes, præsertim Ordines Generales foederati Belgii, ad illud invitentur.

VIII.

VIII. Ab omnibus tribus Regibus approbetur, & ratificetur, intra duos menses.

Actum Hannoveræ 3 Sept. 1725.

Subscripserunt

*Townsbend.*

*Broglie.*

*Wallenrodt.*

Additi sunt tres separati Articuli.

I. Tres Reges cavent pro pace Olivenli, &, si quid per turbas nuperas contra illam actum esset, curabunt, ut reparetur.

Hic articulus ejusdem sit efficaciam ac reliqui.

II. Si propter hunc Tractatum Galliæ ab Imperio denuntiaretur bellum, Reges Angliæ & Borussia nihil ad illud contribuent, vel saltem non plus, quam debent; sed tanquam membra Imperii pacem procurabunt.

III. Casu, quo bellum esset in Germania, Galli ditionibus duorum Regum non nocebunt. Si autem contra duos Reges aliquid ab Imperio moveretur, Gallus eis assistet.

Per duos Tractatus, Viennensem, & Hannoveranum, systema Europæ plurimum est immutatum. Pars utraque certabat, plures alteri socios præripere. *Viennense* fœdus præter Status Imperii plerosque attraxit Moscoviam; *Hannoveranum*, Hollandos, Sueciam, Daniam.

Obiit hoc anno 1725 *Cardinalis Saxo-Citicus*, Archiepiscopus Strigoniensis, Principalis Commissarius per novem annos in Comitibus Ratisbonæ. In ejus locum a Cæsare susceptus est *Frobenius Saxo*.

*Princeps Fürstenbergius*, qui ante Dignitatem Judicis in Camera Imperiali gesserat.

*Frobenius*  
Commiss.  
Princ.

*Maria Elisabetha* soror Imperatoris hoc anno in Belgium profecta est, ut illud gubernaret. Princeps vero *Eugenius*, Gubernator ante Belgii, *Vicarius Generalis Italiæ*, id est, omnium, quas ibidem Cæsar possidebat, provinciarum, est renuntiatus.

*Elis. Gub.*  
*Belgii.*  
*Eugen. Vicar*  
*Italiæ.*



## Art. XX.

*Fœdus Cæsaris cum Suecia & Moscovia.  
Pax universalis.*

35.

Fœdus Cæs.  
cum Mo-  
scis.

Anno 1726 Imperator accessit Holmiensi Tractatui, novumque fœdus defensivum cum Suecia iniit; prout etiam cum Moscovia in sequentes articulos.

- I. Constans utrinque sit amicitia.
  - II. Catharina Moscoviæ Imperatrix accedit Paci Viennensi.
  - III. Cæsar vero Neostadiensi & Holmiensi.
  - IV. Legati in aulis consilia conferant.
  - V. Seditiosis subditis ne assistatur, sed potius eorum machinationes fideliter detegantur.
  - VI. Hostiliter invasa parti pars altera 30000 armatorum subsidio mittat.
  - VII. Communibus consiliis bellum geratur.
  - VIII. Si classis sit necessaria, illi ingressus in portus Cæsareos patet, uti etiam in Hispanos, si Rex huic Tractatui sit accessurus.
  - IX. Polonia ad hoc fœdus invitetur.
  - X. Et si illa nollet, Rex tanquam Elector Saxonix invitetur.
  - XI. Utriusque opera pax inter Poloniam & Sueciam concilietur.
  - XII. Ratione Ducatus Schlesvicensis Cæsar iis consentit, quæ in pace Travendalensi continentur, & speciali transactione partium.
  - XIII. Qui voluerint, intra annum huic tractatui accedant.
  - XIV. Intra tres menses ratificationes Viennæ commutentur.
- Obiit Elect. Bavariæ, Obiit anno 1726 *Maximilianus Emanuel Elector Bavariæ*, utramque, si quis alius, fortunam expertus: in utraque heros magnanimus sibi que constans.

Junioribus annis grandia bellicæ fortitudinis exempla dedit. In Hungaria adversus Turcas, cujus Buda & Belgradum expugnata sunt argumentum.

Ex prima conjuge Maria Antonia, Leopoldi Cæsaris Filia, genuit Josephum Ferdinandum, coronæ Hispanicæ destinatum: ex altera Joannis *Sobieski* Poloniæ Regis filia, Carolum Albertum, postea Cæsarem, Ferdinandum, Clementem, Theodorum, ad summam Dignitates erectos. Obiit magnus hic Princeps anno ætatis 64, æterna dignus memoria.

Obiit

Obiit hoc anno pariter *Sophia Dorothea*, mater *Georgii II* Regis Angliæ, quam *Georgius I* repudiavit. Vixitque adhuc 32 annos repudiata. *Max. Wilhelmus* frater ejusdem *Georgii I* Catholicam Religionem amplexus Viennæ decessit, testamento sua bona in pias causas convertit, fundata pro infirmis belli officialibus domo &c. Tantum erat *Lutheranos inter & Calvinistas odium*, eaque in doctrina discordia, ut Rex *Borussiæ* severe prohiberet, ne quis suorum subditorum *Wittenbergæ* studiis operam daret.

Et *Sophia Dorothea*, repud. *Georg. I.*  
Et hujus frater *Max. I.*  
Wilh. Cath.  
Odium inter Luth. & Calv.

Cum per duos jam annos omnis prope Europa abiisset in partes, vel *Viennense* vel *Hannoveranum* foedus amplexa, ac proin universale bellum esset timendum, *Congressus Aquisgranum* fuerat indictus. Sed cum negotium parum procederet, anno 1727 a legatis Cæsareis, Gallicis, Anglicis, Hollandicis sequentibus 12 Præliminaribus articulis Parisiis subscriptum fuit.

I. Cum Cæsar videat, *Ostendæ* commercium apud vicinas Nationes emulationem & turbas excitare, quietis in Europa conservandæ gratia consentit, ut ad septem annos illud suspendatur.

Præliminaria pacis universalis Parisiis inita.

II. Omnia, quæ contrahentes vi pacis *Ultrajectensis*, *Badensis*, & quadruplicis Fœderis, aut aliorum ante annum 1725 initorum contractuum (qui Cæsarem aut Hollandos non concernunt) tanquam propria possederunt, iis salva maneant. Si quæ autem mutata, aut necdum executioni fuissent data, in proximo generali congressu erunt ordinanda.

Susp. Commerc. Ostend.

III. Galli, Angli, Batavi fruantur omnibus privilegiis & libertate commerciorum in Hispania & Indiis, quibus vigore Tractatum ante annum 1725 sunt gavissæ.

IV. In Borealibus regnis & provinciis pax & quies a fœderatis eorum procuretur.

V. Cesset omnis hostilitas. *Naves Ostendæ*, in Indias jam dimissæ, nulla molestia afficiantur, & abreptæ cum omnibus mercibus restituantur. Similiter classes Hispanæ secure eant & redeant. Angli ab obsidione *Portus Belli*, aliorumque portuum Hispanorum infestatione abstant, & Hostierus copias in Angliam reducat.

VI. Hæc cessatio hostilitatis duret, quamdiu suspensio navigationis *Ostendæ*, ut interea jura possint examinari, & pax universalis constitui.

VII. Damna, quæ interea inferentur, sunt reparanda.

VIII. Intra



VIII. Intra 4 menses a subscriptione horum articulorum initium detur *Congressui Aquisgranensi*, in quo singulorum jura discutiantur, & pax universalis componatur.

IX. Singuli legati comitatum duobus Nobilibus, duobus ephelis, & sex famulis circumscribant.

X. Ut evitentur molestiæ, circa prioritatem loci oriri solitæ, nulla ceremonialia observentur. Protestari tamen licitum esto.

XI. Jubeantur legati negotium maturare.

XII. Intra duos menses articuli isti ratificentur.

*Actum Parisiis 31 Maji 1727.*

Obiit Rex Angliæ. Has inter curas, dum *Georgius I Rex Angliæ* ad Hannoveranas suas provincias proficisceretur, in via morbo correptus Osnabrugæ extinctus est: Princeps magno animo, & artibus politicis probe imbutus. 1708 Introductus in Collegium Electorum, Rex Angliæ 1714, ob Sophiam matrem. Duxit Sophiam Dorotheam, patruelem suam, quam post natum Georg. II repudiavit.

Obiit quoque Comes *Harrachius* Archiepiscopus *Salisburgensis*, cui successit *Firmianus*.

Memorabilis comprimis est obitus Comitissæ *Metternichii*, Electoris Brandeburgici ad Comitata Ratisbonensia legati; qui, dum mortem imminere sentiret, *Catholicam Religionem* amplexus est Ratisbonæ, exemplo suo demonstrans, in qua fide sit tutius mori.

## Art. XXI.

*Gesta anni 1728.*

36. Anno 1728 *Carolus VI. Imperator*, hereditarias suas provincias, *homagium recepturus*, cum Imperatrice, & filia Maria Theresia, atque Francisco Stephano, Duce Lotharingiæ & præcipuo aulæ comitatu, invisit. Vienna Neostadium, Græcium, Clagenfurtum, Labacum, Tergestum abiit, ubique magno cum apparatu exceptus in Styria, Carinthia, Carniola, Istria. Placuerunt hic comprimis portus Tergesti, Fluminis, Buccari, a *Teichmanno*, natione Dano, ad omnem navium & commerciorum opportunitatem, adaptati. *Gratiscam* post extinctam Domum Eggenbergicam ad se devolutam *Strafoidum* misit, sacramentum fidei suo nomine suscepturum.

Ratis-

Ratisbonæ inter legatos ventilabatur adhuc lis de nomine & Officio Imperiali Electoris Hannoverani. Statuit quidem Cæsar, ut Elector Palatinus avitam Dignitatem Archithesaurarii reciperet: sed pro Hannoverano varii proponebantur tituli; sed de nullo conveniri poterat.

Quia etiam sæpius controversiæ inter Principes oriebantur de prioritare loci, decrevit Imperator, 1. Ut ii, qui sessione & voto in Comitibus fruuntur, omnes alios Principes, licet antiquiores sint, antecedant. 2. Ut inter illos non attendatur antiquitas Principalis tituli, sed obtenti voti & sessionis. 3. Ut Principes, qui non habent sessionem & votum, incedant secundum antiquitatem obtenti tituli Principalis, sive sint Principes regnantes, sive nati juniores, ita, ut hi præcedant etiam regnantibus Principibus, si familia eorum serius in numerum Principum fuit relata. 4. Idem ordo servetur inter Principes fœminas. 5. Principes viduæ cedant regnantibus. 6. Præcedant tamen non regnantibus.

Cum novo Archiepiscopatu Viennensi bene multæ parochiæ aliæque Ecclesiæ, quæ ad Episcopatum *Passaviensem* pertinuerant, Diœcesis adjicerentur, is *querelam ad Papam* & Comitibus Ratisbonensibus de *Passav. exempta*, & *Pallium* ipsi mitteretur, Cæsaris voluntati adquevit.

Cæsar varia aulæ & militiæ officia distribuit. Inter alia Bertholdum, Abbatem *Meliciensem*, *Pro - Episcopum* Viennensem, & Consiliarium suum Intimum esse voluit. Baroni *Kettlero* vigiliarum Præfecto legionem Arnani, & Præfecturam Brisacensem contulit; *Wurmbrandio* vero legionem Herbersteiniam.

Obiit Baro *Bentenviderus*, anno æt. 50, legatione ad congressum Londinensem & Cameracensem clarus.

Suspensa Ostendana navigatione Cæsar ad alia emporia sua traduxit commercia, ad *Isiriam* nempe, *Neapolin* & *Siciliam*, ita quidem, ut Messinæ & Constantinopoli haberet curias mercato-  
rias, atque in Adriatico & Mediterraneo 12 naves bellicas, 14 triremes, aliasque pro commerciis permultas, cura & industria Teichmanni fabricatas, obliquis licet limisque oculis id aspicientibus Venetis, Anglis, Hollandis, qui nolunt in Germaniam in-  
vehi rerum agendarum nervum.

In Domo Palatino-Solisbacensi duo fratres suas conjuges amiserunt, videlicet Josephus Carolus Elisabetham Augustam, Caroli Philippi Electoris filiam; & Christianus Mariam Annam, bac.  
Marchionis Bergenensis ad Zomam filiam hæredem, postquam ex



ea genuit Theodorum, quem avia Bergam ad Zomam educandum abduxit.

Dresda hospitem habuit Regem Borussia; amisit vero magnum Ministrum, Comitem *Flemingium*, Viennæ apoplexia tactum, cum legatione ibidem fungeretur. Dum Borussia palatium Wackerbarti, urbis Præfecti, incoletet, noctu totum cum omnibus pretiosis conflagravit.

Obiit Christianus Fridericus, ex Domo Lippensi Bückeburgica vir famosus & mirabilis. Repudiavit is uxorem suam Hohenloensem, quamvis ex ea jam liberos genuisset: atque ut posset ducere Gallam, puellam Tyrolensem, Romam profectus est, ut demonstraret, matrimonium suum cum Hohenloensi fuisse invalidum, eo quod illam non aliter, ac secundum suæ religionis (Calvinianæ) usum separabiliter duxisset, ita, ut intentio sua non fuerit alia, nisi ut illam rursus possit repudiare. Hoc cum jurasset, matrimonio irritato declarato, Gallam duxit, magnis promissis allectam. Sed eo defuncto Hildeshemium migrare coacta est a mariti filio Alberto, qui matrem suam Hohenloensem ex Anglia, ubi morabatur, revocavit.

37.  
De Matrimo-  
nio Comitiss  
Lippensis.  
  
Observatio  
de matrim.  
hæret.

Profecto si Fridericus habuit intentionem absolutam & prævalentem, Hohenloensem non aliter ducendi, nisi sub conditione dissolubilitatis quoad vinculum, matrimonium erat invalidum ex defectu consensus, quem alligavit conditioni impossibili; cum indissolubilitas quoad vinculum pertineat ad substantiam matrimonii, præsertim consummati; adeoque præfracte voluit contrahere eo præcise modo, quo contrahere non potuit. Etidem dicendum de aliis acatholicorum matrimoniis; quamvis non sit præsumendum, quod adeo præfracte alligent suum consensum conditioni dissolubilitatis quoad vinculum, ut absolute & per intentionem fortiolem nolint contrahere nisi sub conditione dissolubilitatis.

Cæterum habentur quidem conditiones impossibiles, matrimonio adjectæ, pro non adjectis, quia præsumuntur non esse serio & absolute ita adjectæ, ut consensus illis alligetur. Aliud tamen esset, si talis præsumptio elidatur per rei veritatem, & ejusmodi conditioni serio & absolute alligatus esset consensus; tunc enim matrimonium esset nullum, præsertim si conditio sit contra substantiam matrimonii, qualis est ista.

Obiit *Ernestus Augustus*, Georgii I superiore anno defuncti Clem. Osnab. Angliæ Regis frater natu minimus, sub titulo Episcopi *Osnabrugæ* Epif. *Administrator*; cui nihil nisi Religio & consecratio Episcopalis defuit.

In ejus locum ex Catholicis, secundum introductam ibidem alternationem, a Canonicis electus est *Clemens Augustus*, Elector Coloniensis, Plettenbergio negotium urgente.

*Firmianus* Archiepiscopus Salisburgensis querelam Ratisbonam detulit, quod Episcopus Passaviensis Jurisdictioni suæ Archiepiscopali se subtraxisset, totamque suam Diocesin ab ea exemptam fecisset, cum magno suæ Ecclesiæ Archiepiscopalis præjudicio. Sed non legimus, aliquid propterea motum; cum hæc res ad summum Pontificem pertineat, & Romano Imperio nihil fuerit detractum. (*Videatur Bulla exemptionis in Italicis.*)

Obiit *Federspihlus* Episcopus *Curienfis*; cui per electionem *Josephus Benedictus de Rost*; & *Ruperto Bodmanno* in Abbatia Principali *Campidonensi* *Anselmus Reichlinus* Baro de *Meldegg* successit. *Heidershemii* vero Magnus Ordinis *Melitenfis* Magister electus est *Nesselrodus*.

## Art. XXII.

*Gesta anni 1729.*

Anno 1729 *Hispanensi Tractatu*, inter Galliam, Hispaniam, & Angliam inito, sancitum erat, ut *Carolus Hispaniæ Princeps* quantocius cum sex *Hispanorum* millibus in Italiam trajiciat, munitis *Florentiæ* & *Parmæ* locis imponendis. Indigne tulit *Cæsar*, se clam de Imperii feudis, & quidem viventibus adhuc ducatum illorum possessoribus, contra Art. V Quadruplicis Fœderis, & VI Pacis Viennensis, disponi. Quare, missis in Italiam copiis, ad impedendam trajectionem illam impigre se parabat: prout ad annum sequentem referetur.

Ad sanctius arcanum consilium asciti *Eberhardus Comes Solmenfis*, *Antonius Stahrenbergius*, *Rudolphus Sinzendorffius*, *Sigismundus de Turri* & *Valsassina*, *Michael Imperialis Princeps de Francavilla*. *Camerarii* autem renunciati sunt 59 ex Illustribus omnes *Familiiis*.

Obierunt autem ex aula Cæsarea: *Joannes Bapt. Colloredo* supremus aulæ *Mareschallus*: cui successit *Martinizius*: & *Richardus Daunius*, *Consiliarius Intimus*, ac rei tormentariæ *Præfectus*: *Carolus* item *Comes Bartensteinus*, ex Domo *Hohenloensi*, *Camerariæ Imperialis* per septem annos *Judex integerrimus*: cui successit Baro *Ingelbeimius*.



Obit Mo-  
guntinus.

Schönbor-  
nii.

Ex Ecclesiasticis vero defuncti sunt 1. *Lotbarius Franciscus Comes Schönbornius*, Elector Moguntinus & Episcopus Bambergensis, ætatis anno 73, Electoratus 34. Successit illico *Franciscus Ludovicus Comes Palatinus*, jam anno 1710 electus Coadjutor Moguntinus. In Electoratu Trevirensi huic successit *Franciscus Georgius Schönbornius*, Præpositus Trevirensis, nepos defuncti Lotharii. Alter vero ejusdem nepos *Fridericus Carolus*, Vice-Cancellarius Imperii, jam ante electus Coadjutor Bambergensis, successit patruo in hoc Episcopatu.

2. Obiit *Christophorus Franciscus Huttenus*, Episcopus Herbipolensis, 51o. anno Episcopatus. In ejus locum electus est idem *Fridericus Carolus Schönbornius*. Qui tamen, quamvis esset Episcopus Bambergensis, & Herbipolensis, atque Dux Franconia, retinuit adhuc tribus annis munus Procancellarii Imperii, quod alias incompatible videbatur.

39.  
Ordo Eque-  
stris S. Ge-  
org. in Bav.

*Carolus Albertus* Elector Bavariae cum approbatione summi Pontificis instituit Monachii *Ordinem Equestrem S. Georgii*, ad defendendam *Immaculatam Conceptionem B. V. M.* in eumque non alios suscipi voluit, atque antiquæ & præcipuæ nobilitatis viros. Symbolum illius: *In Fide, Justitia, & Fortitudine.*

Equites.

Magnus Ordinis Magister erat ipse serenissimus Elector. Magni Prioris 1 *Carolus Maximilianus Josephus*, Princeps Electoralis. 2 Ejus frater *Josephus Ludovicus*. 3 *Ferdinandus* Electoris frater. Magni Crucis Commendatores 1 *Maximilianus*, *Ferdinandi Ducis* filius. 2 *Clemens* ejus frater. 3 *Comes de Thierheim* Consiliarius Intimus, supremus Camerae Præfectus. 4 *Maximilianus* Comes de Preising, supremus stabuli Præfectus. 5 *Comes de Rechberg*, supremus rei venatoriæ Præfectus, Campi Mareschallus. 6 *Comes Törting de Jettenbach*, rei tormentariæ, & supremus vigiliarum Præfectus.

Commendatores, *Felix Preisingius*. *Königseckius* in *Aulendorff*. *Seinsheimius*. *Taufkirchius* Gubernator *Ingolstadiensis*. *Freybergius*. *Baro de Clofen*. *Fuggerus de Zünneberg*.

Equites, *Piofasquius*. *Neuhausius*. *Josephus Preisingius*. *Maximilianus Törting de Falckenstein*. *Sazenhofius*. *Jos. Neuhausius*. Hi omnes festo S. Georgii, Electore Colonienfi in æde B. V. solenniter sacris operante, creati sunt.

Festo dein Immaculatæ Conceptionis facta nova promotio, nominatque: Magnus Crucis Commendator Princeps *Hohenzollerano-Sigmaringanus*. Commendatores alii: *Jos. Taufkirchius*.  
Gum.

Gumpenbergius. Seinsheimius. Guido Tauffkirchius. Comes Spreti. Hundius de Lauterbach. Törring de Seefeld. Seyboldstorffius. Haslangus. Thürheimius.

Eodem anno incendium incomparabili Monacensi palatio gravissimum damnum attulit.

Causa *Zwingenbergica* non parum molestiæ Aulæ Palatinæ fecit. *Causa Zwingenbergica.* Zwingenberga, urbs, castrum & 10 pagorum Præfectura, olim ad Hirschhorniorum familiam, anno 1632 quoad masculos extinctam, pertinuit. Ultra 160 annos dein Göhleri & Wiseri de successione litigabant, juri sanguinis utrique innixi. Illos Cæsar, hos Elector Palatinus protexit. Wiserus tandem per sententiam possessione motus, & Göhlerus in eam est introductus. Sed Elector arcem præsidio suo occupatam tenuit, superioritatem territorialem, & Jurisdictionem criminalem, quam *centenam* vocant (das Cent-Gericht) prætendit, atque ut Wiseri sumptus, in litem facti, compensarentur. Baro Göhlerus autem, actis typo impressis, querelam ad Comitatus Ratisbonensia, ipsamque adeo aulam Cæsaream propterea detulit. Elector præsidium ex arce quidem deduxit. Reliqua autem adhuc suspensa manebant.

Ex Domo Palatino-Sulzbacensi magno cum dolore totius fere-  
nissimæ Familiæ conjugem suam ad æternitatem secutus est *Obit Jos. Dux Sulzbac.* *Josephus Carolus Emmanuel*, 35 ætatis anno, vivo adhuc patre Theodoro, ex Elisabetha Augusta, Electoris Caroli filia suscepit duos filios, præmatura morte abreptos; reliquit vero tres Filias, de quibus deinceps frequens occurret mentio. Solabatur mœstam Domum Christianus defuncti frater, hujusque filius Theodorus, in spes magnas quinque abhinc annis genitus.

Cum Carolus Leopoldus, Dux *Mechlenburgicus*, cum subditis *Administra-* suis diuturna jam discordia collisus, Executioni Cæsareæ se nollet *tio Mechlen-* subjicere, *Christiano* ejus fratri commissa est *burgica.* *Administratio* Ducatus. Verum Leopoldi amici quæstionem Ratisbonæ movebant, an possit Cæsar, non consultis Statibus Imperii, Principem, provinciis suis privare? sed responsum fuit, Mechlenburgicum nec fuisse privatum dominio, sed administratione duntaxat, neque voce activa nec passiva in Comitibus Imperii. Cæsarem autem posse Statum inobedientem coercere, & ejus ditiones administrandas interim alteri, præsertim proximo Agnato, provisionaliter committere. Sed executores petebant refusionem sumptuum, qui supra millionem Thalerorum ascendebant, non excessuri provincia, donec hæc debita fuissent expuncta. Cæterum hoc anno *Suerini* totum Ministerium



extinctum est; & quidem Schumannus Superintendens in ipsa cathedra, dum concionaretur, repente mortuus concidit.

Causa Fri-  
siae Orient.  
praesertim  
Emdenae.

In *Frisia Orientali* subditi adversus Principem suum insurrexerant, praesertim *Emdenae*. Missa commissio Caesarea. Sed nec isti civitas parebat. Unde bona illius sequestro sunt commissa. Hollandi, qui non modicam pecuniae vim provinciae & comprimis Emdenae mutuum dederant, praesidium militare jam in turbis prioris saeculi eam in urbem introduxerant, atque Commissioni se opposcentes, causam primum Sueffionem ad Congressum deferrebant, dein vero Tractatui Hispalensi accedentes, a tribus coronis promissionem satisfactionis sunt stipulati. Sed respondit Caesar, se nihil aliud egisse, quam id, quod ratio supremi in Imperio Judicis exigeret. Emdenam, sicut totam Frisiam Orientalem, ad Imperium pertinere: Hollandicum praesidium sine Imperatoris & Imperii consensu fuisse introductum. Caesaris esse, contumaces adversus Dominos suos subditos ad officium adigere, & pacem conservare.

### Art. XXIII.

*De Tractatu Hispalensi lis in Comitibus Imperii. Causa Senensis, & Königssteinensis in puncto substitutionis.*

Anno 1730 Comitibus Imperii Ratisbonensibus non parum negotii iniecit *Tractatus Hispalensis*, quo Caesar suam auctoritatem & Imperii jura laesa credidit, quod tres coronae se praeterito de feudis Imperii disponerent; hinc per Frobenium Principem Fürstenbergium, Principalem suum Commissarium, *Decretum Commissorum* Statibus proposuit.

Comitibus  
proponitur  
querela con-  
tra Tract.  
Hisp. quo  
6000 Hisp.  
animiteban-  
tur.

Memorat in hoc Princeps, quanta sollicitudine statim post pacem Badensem in id curam Caesar intenderit, ut etiam cum Hispania pax conficeretur; eum in finem accessisse Tractatui, anno 1718 Londini concepto, & a Gallia & Hispania acceptato (*Quadruplex* videlicet *Federi*) formatumque desuper anno 1722 Recessum Imperii, nihilque omissum, quo Europae quies tandem redderetur, etiam cum propriae Domus detrimento.

Missos propterea magnis sumptibus *Cameracum* Legatos. Traditas litteras expectativas, pro Carolo Principe Hispaniae, eventualem ejus Investituram in Florentiae & Parmae Ducatibus, continentibus. Initam, cum Cameraci nihil concluderetur, anno 1725 cum

cum Hispania pacem Viennemensem, in quadruplo fœdere fundatam. Expedita anno 1728 ad Commissarium Plenipotentiarium Italiæ Cæsareæ executionis & inmissionis Decreta in casum mortis eorum, qui Ducatus illos possident, ut adeo post tot liberalis amicitiae signa nemo suspicari potuisset ea in renovationem.

Nihilominus tamen contra omnem expectationem prodixisse clancularium trium coronarum Tractatum Hispalensem, quo contra priores conventiones, de manifestis Imperii feudis tanquam re sua propria disposuissent, quin consensum Domini Directi, in quadruplo fœdere expressim reservatum, requirerent.

Adhæc eosdem Tractatus Hispalensis conditores in domestica Imperii se miscuisse, uti in causam Frisiæ Orientalis, & quidem se obligando; in causam subfeudi Senensis, cum despectu Imperatoris & Imperii; contra omnia jura.

Cum autem Majestas sua Cæsarea Romanum Imperium Nationis Germanicæ necdum in eum statum redactum existimet, ut talia decussatis veluti brachiis sustinere debeat, a Statibus Imperii expectari resolutionem, vindicandis Imperii juribus, & authoritati Cæsareæ opportunam.

Præiisse Imperatorem exemplo, & aliquot Legiones misisse in Italiam, non, ut cuiquam vim inferant, sed ut jura Imperii & tractatus initos, cum modernis possessoribus, contra quemcunque aggressorem defendant. Expectari proin ab Ordinibus Imperii, ut omnem in eam rem opem sint collaturi.

Adjunctæ fuerunt complurium Instrumentorum copiae, puta, articulus V Tractatus Londinensis 1718, litteræ eventualis Investituræ de Florentia & Parma, datæ Carolo Principi 1723, Reversales Philippi V super his feudis 1724, sponsio Regis Angliæ & Galliæ de hac re 1724, Articulus IV pacis Viennensis 1725, Potestas a Cæsare collata Borromæo, in casum mortis Ducum, nomine Caroli Principis capiendi possessionem Ducatum 1728, litteræ Cæsaris ad Magnam Ducissam viduam, ne post mortem fratris Carolum a capienda possessione impediatur 1728, Litteræ ad Senatum & subditos Florentiæ, ut post mortem Gastonis pro Domino suo agnoscant Carolum, 1728, Litteræ Cæsaris ad Daunium, Mediolani Gubernatorem, ut in eventum introducat Carolum, militari etiam, si opus sit, manu, Extractus Conventionis Hispalensis.

Paulo post prodierunt observationes pro hoc Decreto Commissorio; quibus auctor incognitus ostendere intendit, Tractatu Scripta pro Hispalensi contineri res, Recessui Imperii de anno 1722 omnino Decreto con-



Commissio-  
rio.

contrarias. Itum contra tractatus priores initos & pacta publica, in re magni momenti, quæ concernat successiones Principum. Si nullæ essent mutationes factæ per tractatum Hispalensem, cur Rex Hispaniæ tantopere urgeret ejusdem executionem? concludit denique, provide actum a Cæsare, quod hoc negotium ad Comititia detulerit, & in eventum aggressionis auxilia Imperii petierit, cum causa hæc non sit propria Domus Austriacæ, sed toti Imperio communis. Promissam eventualem successionem cæsari posse, & Vicarium constitui, atque proventus ad utilitatem Imperii applicari.

Contraillud. rium aliud scriptum lingua Gallica, quod *Chavignius* Legatus Galliæ, ejusdem Auctor, inter Legatos distribuit, quo Hispalenses contrahentes defendebantur. Negabat tractatum Londinensem per Hispalensem fuisse mutatum. Id unum actum dicebat, ut, quæ in illo fuerant disposita, per hunc magis firmarentur. Cæsarem parum fuisse sollicitum, ut eventualis Caroli successio provisionaliter stabiliretur, quamvis propterea ei cessâ fuerit Sicilia. Extorquendas fuisse eventualis Infeudationis litteras. In Londinensi tractatu non fuisse expressum, quid circa assecurationem successionis aut introductionem Caroli fieri oporteat. Imperium in Recessu 1725 negotium præsidii Florentini pro re indifferente habuisse. Cæsarem in articulo IV pacis Viennensis recessisse ab articulo V tractatus Londinensis, nihilominus Imperium eidem censuisse conformem. Sic etiam Hispalenses, cum nulla substantialis mutatio sit facta, non censuisse necessarium novum consensum Imperii: sed unice Carolum in jure jam quæsito (per Hispanum præsidium) assecurare & firmare voluisse.

Cæsarem fuisse requisitum, ut ultimam operi manum imponat, testes esse Legatos trium Regum, Cæsarem invitare jussos, cum fiducia, quod is, si opus videretur, Statibus negotium esset communicaturus. Imperatorem ipsum Seviliensibus fœderatis hanc viam indiguisse. Nec quidquam moturum fuisse, si certæ conditiones, Domum ipsius contingentes, fuissent addictæ.

Non verti commodum Imperii; & modernos possessores Ducatum vigore Londinensis tractatus fuisse obligatos, præsidia recipere. Obligationem feudalem ad certum casum restringi. Hispalensem tractatum eo tendere, ut priores conventiones & pacta impleantur: quæritque, an per præviam Cæsarei militis introductionem secure provisum foret? Badenam pacem non fuisse imple-

tam;

tam: Electorum etiam propositionem circa Mantuam, & alia Imperii feuda Italica, effectu caruisse.

Galliam circa causam Frisiæ Orientalis & Mechlenburgicam nihil aliud desiderare, quam id, quod singuli Status, & Imperator ipse optare debeat; nec derogatum propterea Cæsaris auctoritati aut juribus Imperii, quod tertio cautum esset de suis juribus. Viderent proin Ordines, quid sibi faciendum existiment, an propter diffidentiam, non fundatam, & circumstantiam levem, nemini nocivam, periculo se committere debeant. Hoc certum, Hispalensibus fœderatis nunquam eam fuisse mentem, ut quidquam contra Cæsaris aut Imperii jura statuerent, sed eo unice collimatum, ut pax duratura comparetur. Scriptum hoc confutatum rursus fuit per alias observationes impressas, ostenditque auctor inter alia, quam indigne objiciatur cessio Siciliæ, Cæsaris armis parta, & adhuc cum Sardinia commutata; quam leve hoc sit pretium pro tot regnis Domus Austriacæ, cessis Borbonicæ.

Addit, articulum V quadrupli fœderis per consensum Statuum & approbationem Cæsaris transiisse in legem Imperii, a qua neutra pars sine altera possit recedere, nec Hispalenses fœderatos salva fide data; quidquid isti per secretum Articulum inter se conclusissent.

Agitata etiam in Comitibus est *Senensis Controversia*. Nam Imperator Ducem Florentiæ monuerat, ut ratione Senarum Investituram <sup>41.</sup> *Causa Senensis* petat. Hoc Galliæ & Hispaniæ Ministris visum est cum quadruplo fœdere pugnare, vi cujus in Hetruria omnia interim in statu quo essent relinquenda. Unde id a Chauelino Sigillifero Galliæ, & a Pazio, Secretario status Hispaniæ, Kinskio & Königseckio Cæsareis Legatis, ceu attentatum, objectum est. Cum autem plures Status Imperii informationem peterent, quænam esset hujus subfeudi conditio, Aula Cæsarea hanc dedit.

Carolus IV Imperatorem equidem anno 1347 *Urbi Senensi* <sup>Historia</sup> *Vicariatum Imperii hujus civitatis*, & regionis, ad illam pertinentis, <sup>causæ.</sup> largitum esse, sed a Carolo V in poenam rebellionis rursus illo fuisse privatam, atque anno 1554 Philippo II filio fuisse collatum, cum clausula, ut ejus filii & descendentes, secundum ordinem primogenituræ perpetuo sint Vicarii Imperii hujus urbis.

Anno 1556 eundem Imperatorem filio suo dedisse potestatem, ut etiam tertium subinfeudare possit. Cum hoc jure Philippum III, IV, Carolum II, a Rudolpho II, Ferdinando II, III, & Leopoldo fuisse infeudatos sub prædicta clausula.



Jus in feudandipertinere ad Imperatorem, jus subinfeudandi ad Archiduces.

Vi hujus juris a Philippo II 1557 Cosmum II Florentiæ Ducem fuisse subinfeudatum cum masculis suis descendantibus, Portu Herculis, Orbitello, Argentaro, Telamone ad Senensem Vicariatum pertinentibus sibi reservatis.

Hoc porro jus subinfeudandi per mortem Caroli II ad Leopoldum, Josephum, Carolum VI Imperatores fuisse devolutum, & ab isto anno 1712 fuisse exercitum, dum Cosmum IV subinvestivit. Cum vero hic 1723 obiisset, Joannem Gastonem ejus filium Investituram a Carolo VI petiisse. At Regem Hispaniæ per P. Ascanium, suum Florentiæ Ministrum, se opposuisse, eo quod hoc subinfeudandi jus ejus antecessoribus, Hispaniæ Regibus, fuisset collatum. Cosmum III autem anno 1712 fuisse investitum a Carolo, non qua Imperatore, sed quatenus tunc adhuc Regem Hispaniæ se dixisset. Postquam autem Carolus anno 1725 Hispaniæ renuntiasset, hoc jus ad Regem Hispaniæ Philippum V indubitato fuisse devolutum.

Quamvis autem Dux Gasto hanc Philippi V prætensionem confutasset, censuisse nihilominus P. Ascanium, hanc causam ad Congressum Cameracensem deferendam. Galliam & Angliam judicasse, hoc jus ad neminem, nisi Imperatorem pertinere.

Hoc explorati juris esse, jus infeudandi spectare ad Cæsarem, cum Carolus V Senarum Vicariatum filio suo in feudum Imperii dederit, illudque sequentes Hispaniæ Reges ut tale agnoverint, & propterea singuli ab Imperatore confirmationem illius & Investituram petierint; cum ergo Philippus V id non fecerit, etiamsi jus aliquod habuisset ad feudum, ac proin etiam jus subinfeudandi amisisse, dum non infeudatus ab Imperatore, Cosmum III defacto subinvestiverit, & filium ejus subinvestire sit conatus.

Accedere, quod, sicut Imperator viquadupli fœderis renuntiavit Hispaniæ & Indiis, sic Philippus Rex Hispaniæ renuntiavit non modo Italiæ, sed omnibus etiam juribus, a Regibus Hispaniæ ibidem possessis (excepto ad tempus Portu Longo) ut adeo, licet hic Vicariatus ad Principes Andegavenfes per mortem Caroli II fuisset devolutus, per eam renuntiationem fuisset omnino jus omne extinctum.

Denique omnes Imperii Vicariatus, etiam Italicos ex sua natura feuda esse masculina, Regalia ac recta, ut ex Sabaudico, Mantuano &c. constat, in quibus fœminæ, earumque descendentes non possint succedere; sed ea, extinctis masculis, Imperatori & Imperio aperiri; ac proin nullo titulo Senensem Vicariatum, feudum

dum Imperii, Domui Andegavensi competere, consequenter neque jus subinfeudandi. Ita quidem Viennensis informatio; quam eruditionis gratia referre volui.

Carolus VI Imperator, commercia in Istria ad majorem adhuc florem perducturus, celebres *Tergesti mundinas* anno 1730 insti-<sup>Tergestina</sup> tui curavit, remissis vestigalibus, per terras hæreditarias. Frequens <sup>Nundina.</sup> igitur mercatorum multitudo ex Germania, Italia, Turcia ibidem convenerat. Idem sua liberalitate *Monasterium Neoburgense*, duobus milliaribus Vienna distans, vetustate jam squalidum, construxit. <sup>Mon. Neob.</sup> Fundatum illud fuerat a S. Leopoldo, atque in eo cum Agnete Conjuge pluribusque Marchionibus Austriæ sepultus est. Quod proin Aula Cæsarea non raro, præsertim die S. Leopoldo sacra, pia peregrinatione solet invisere.

Rex Poloniæ, Elector Saxonæ, splendida hoc anno *castra*, ad omnem magnificentiam & ostentationem ingentibus impensis haud procul *Mühlberga* exornavit. Accurrit ad hoc spectaculum ludi <sup>Castra Mühl-</sup> cum non modo omnis late vicinia, sed cum Rege Borussia multi <sup>bergensia.</sup> per Europam Principes. Longum foret enarrare exercitia militum, festivos ignes, comædias, spectacula super Albim exhibita, venationes, mensarum, conviviorum, vestium &c. apparatus. Risit, credo, Rex Borussia, dum spectavit. Accessit novus pons, qui novam Dresdam cum Veteri committit. Huic nullum in orbe parem existimant Saxones.

Celebrabant etiam Lutherani alterum sæculum *Confessionis Augu-* <sup>subilæuna</sup> *stanae*, Carolo V porrectæ. Sed tria sunt, propter quæ luctum po- <sup>C. A.</sup> tius debebant induere. 1 Quod primum ante duo sæcula sit. nata. 2 Ab Imperatore rejecta. 3 Iterum mortua; solo nomine relicto.

*Causa Königsteinensis*, jam a ducentis prope annis Moguntinam inter Ecclesiam, & Stolbergenses Comites agitata, hoc anno in Judicio Aulico sudabat. Comitatus Königsteinensis, haud procul Francofurto ad Moenum situs, ad Comites olim Münzenbergicos, jam anno 1255 extinctos, pertinerat. Inde ad Falkensteinios & Epsteinios est devolutus. Eberhardus ultimus hujus familiæ, cum liberis careret, testamento 1535 Ludovicum sororis suæ filium, <sup>Causa substit-</sup> *Stolbergium* Comitem hæredem instituit, substitutis Philippo & Christophoro, Ludovici fratribus. <sup>tutionis.</sup>

Ludovicus igitur Stolbergius capta possessione 1548 a Carolo V Investituram obtinuit. Cum autem 1574 sine liberis decederet, successit frater Christophorus, hæres substitutus; ille quoque 1581 sine liberis obiit. Tum vero, cum tam institutus, quam duo sub-



stituti fratres sine liberis decessissent, quartus eorum frater succedere voluit, qui nec institutus, nec substitutus erat.

At vero Daniel, Elector Moguntinus, cui jam anno 1557 Maximilianus II in casum apertionis Comitatum promiserat, feudi jam aperti possessionem adiit: Stolbergenibus causam ad Judicium Aulicum deferentibus. Transactione tunc inita, Elector trecenta florenorum millia obtulit.

Sed Christophorus Junior, in cujus minori ætate hæc acta sunt, cum majorem ætatem adeptus, sui juris factus esset, ultra dimidium se læsum, & terminos solutionis non observatos, questus, stare transactione nolens, causam ad Ducem Württembergæ seu Judicem Austregalem per modum reconventionis detulit, anno 1616. Interveniente dein tricennali bello, Sueci arcem Königsteiniam & regionem occupatam Stolbergio tradiderunt; Cæsarei vero recuperatam Electori. Agitatum fuit dein negotium in pace Westphalica, & iterum in Judicio Aulico, hoc præsertim anno, jussu Electore intra sex mensium terminum, respondere.

### Art. XXIV.

*Nova pacificatio seu Tractatus Viennensis cum Anglia. Navigatio Ostendana tollitur. Sanctio Pragmatica ab Anglo & Hispano acceptatur. In Comitibus de illa dissensio.*

42.

Amicitie  
Tractatus  
inter Cæsarem & Anglum.

Superiore anno negotium immissionis sex millium Hispanorum in Ducatus Tusciæ & Parmæ bellum cum Hispalensibus contrahentibus attracturum videbatur, atque propterea complures Cæsareæ Legiones in Italiam jam missæ fuerant, ut Hispanos aditu prohiberent; at anno sequenti 1731 rursus mutata est rerum scena; cum Rex Angliæ per *Robinsonum* Viennæ *Amicitie tractatum* iniit cum Cæsare, invitatis etiam Ordinibus fœderati Belgii, ut eidem accederent.

1. Statuitur in illo, ut perpetua sit amicitia, inter Imperatorem, Regem Angliæ, & Hollandos; simulque omnes priores conventiones confirmantur, exceptis iis, quæ hic mutantur. Cavent sibi mutuo de omnibus, quæ possident.

Anglia spondet pro  
Sanct.  
Pragm.

2. Anglia & Hollandia cavent spondentque defensionem *Sanctionis Pragmaticæ*, prout eam de ordine successionis Cæsar in omnibus hæreditariis suis provinciis anno 1713 publicavit.

3. Con-

3. Contra vero Cæsar consentit in pacificam introductionem 6000 Hispanorum in Ducatus Florentiæ, Parmæ, & Placentiæ, in bonum Caroli Infantis Hispaniæ; promittitque intra duos menses consensum Imperii promoveri. Cæsar consentit in Introductionem 6000 Hisp.

4. Omnes articuli adeo firmi maneant, ut nulli parti ab illis vel minimum recedere liceat.

5. Promittit Cæsar, omne commercium & navigationem in Indiam Orientalem toto Belgio in perpetuum tollere, uti etiam in aliis locis, quæ tempore Caroli II ad Hispaniæ coronam spectabant, ita tamen, ut Ostendana societati duas adhuc naves semel in Indiam mittere liceat. Ostend. commerc. tollit.

Compaciscentes vero promittunt, commerciorum tractatum pro Belgio Austriaco Antverpiæ cum Imperatore erigere.

6. Tractatus cum aliis Principibus sint salvi, in quantum huic non sunt contrarii: omnesque controversiæ pacifice componantur.

7. Angli & Hollandi, in Sicilia negotiantes, tractentur, sicut tempore Caroli II, & sicut inter amicas Nationes consue- tum est.

8. Hoc tractatu comprehendantur, qui intra 6 menses communi consensu nominabuntur.

9. Intra sex hebdomades ratificationes commutentur.

Actum Viennæ 16 Martii 1731.

Subscripserunt

Princeps Eugenius de Sabaudia.  
Phil. Lud. Comes de Sinzendorff.  
Gundacar. Comes de Stabrenberg.  
Thomas Robinson.

Additæ sunt aliquot observationes, uti 1, articulum primum de cautione & assistentia non esse intelligendum de casu belli Turcici; volunt igitur Angli & Hollandi assistere Cæsari & ejus successoribus contra Christianos Principes, sed non contra Turcam. Excepto casu belli Turc.

2. Noluit Cæsar consentire in introductionem Hispanorum in munita loca Florentiæ & Parmæ, nisi Angli & Hollandi declarassent, per Hispanensem tractatum non fuisse derogatum Articulo V quadrupli Fœderis, & Juribus Imperatoris atque Imperii rursus caverent.

3. Declarat Cæsar, si relicta vidua Ducis Parmensis nullum ex eo filium pareret, se Carolum Principem in possessionem introdu- turum, abductis suis copiis. Declaratio- nes.



4. Hispani rursus abscedant, postquam Carolus ad quietam possessionem trium Ducatum pervenerit.

5. Quamvis Minister Hollandorum ex defectu mandati subscribere non potuerit, tamen eos tanquam partem contrahentem fuisse inclusos, nec dubitari, eos pro quiete publica accessuros

43.  
Causa Fri-  
sæ.

6. Ut autem certius accederent, Cæsar eis diffidentiam, quam propter *Frisiam Orientalem* conceperant, exemit, dum *Embdenæ* civitati & ejus adherentibus amnestiam & ablatorum restitutionem promisit, simulque, sollicitum se fore, ut *Batavis Capitale* cum censibus ab *Orientalibus Frisus* solvatur.

In fine hujus tractatus Viennensis subjuncta fuit Sanctio Pragmatica Cæsaris de successione. 1 Ejus filiarum. 2 Neptum. 3 Sororum. 4 Remotiorum consanguineorum, secundum ordinem primogenituræ.

Difficuit hæc conventio Gallis, absque suo consensu inita, quod defensionem Sanctionis Pragmaticæ contineret. At acceptissima fuit Hispanis, cum per eam, quod optaverant, essent consecuti. Quare Rex Catholicus 6 Junii eidem accessit, cum ea tamen conditione, ut Rex Angliæ Carolum cum 6000 Hispanorum in Italiam deducat.

Et spondet  
pro Sanct.  
Pragm.

Quin imo secundum *Viennæ Tractatum* tres isti magni Principes inierunt, quibus conventum, 1 Ut quadruplum fœdus & pax Viennensis per hæc confirmetur, cum circumstantia sex millium, in Italiam mittendorum. Rex *Hispaniæ* acceptat *Sanctionem Pragmaticam* ejusque defensionem spondet. 2 Anglus pariter omnia denuo spondet, nominatim introductionem sex millium. 3 Curetur, ut Dux Florentiæ consentiat. 4 Cum assécuratione, nec ipsi nec subditis fore præjudicio.

Subscripserunt, præter supra memoratos, Joan. Lud. Comes de *Königseck*, & Jacobus Dux de *Liria*.

Adjecti sunt duo Articuli separati: 1 Promittit Rex Hispaniæ, se 6000 Hispanorum sustentaturum. 2 Si Dux Florentiæ via amabili permoveri non posset ad recipiendos Hispanos, Cæsar se non opponet, quo minus vi executio fiat.

44.  
Sanctio  
Pragm. Sta-  
tibus com-  
mendatur.

Proposuit dein Cæsar Tractatus istos Comitibus Imperii, quæ illos quoad negotium Italicum acceptarunt, cum Angliæ de Articulo V quadrupli fœderis seu tractatus Londinensis caverit: ac proin nallum amplius sit periculum, ne auctoritas Imperatoris aut jura Imperii lædantur.

Circa alterum autem articulum, quantum ad acceptandam Sanctionem Cæsaris Pragmaticam spectat, magnæ sunt ortæ difficultates. Ostendit Cæsar per suum Commissarium Principalem, quanti interfit Imperii, ad ejusdem defensionem, ad æquilibrium in Europa conservandum, atque ad arcendum hostem Christiani nominis, ut Domus Austriacæ, quæ sit murus Christianitatis, potentia maneat conjuncta.

Ordinem successionis statutum inniti privilegiis, sciente Imperio, jam ab aliquot sæculis obtentis, pactisque hæreditariis, accedente cautione externorum & etiam complurium Imperii Principum. Petitam Imperii sponsonem in neminis læsionem aut præjudicium cedere; sed unice ad conservationem proprii, ad emolumentum Imperii, arcendamque ejus concussionem, & avertenda pericula. Confidere proin Cæsarem, Electores, Principes & Status, ad exemplum externarum Potentiarum huic successionis ordini haud gravate communi Imperii concluso subscripturos.

Adjuncta huic Decreto commissorio fuit tum ipsa Sanctio Pragmatica, tum renuntiatio Josephinarum Archiducum, Electricum Saxonie & Bavarie.

Missus quoque ad Electores & Principes *Kueffsteinus* Consiliarius Intimus, ut apud eos intensionem Cæsaris promoveat. Prodierunt etiam in utramque partem scripta, quæ, cum odiosa sint, non refero. Urgentibus autem licet Ministris Cæsareis, ad nullum hoc anno Imperii conclusum devenit. *Loco Ingelheimii* Comes *Vir-* Opponentibus se quibusdam, nihil a Comitiis conclusum.  
*mondus Camera* Imperiali præsidere iussus. Baroni *Wensero*, Viennam avvocato legatus, apud Grifones suffectus est Joannes Franciscus Comes *Wolckensteinus*, Dietrichsteinus, Rubinius, Stahrenbergius, Uzeda, Salantradius, Waldsteinus, in Consilium Intimum assumpti, Harrachius Auditor Rotæ Romæ missus a Cæsare. Maximilianus Hasso Casselanus, Regis Sueciæ frater, ad militiam Cæsaream transfuit. Georgius Knorr, Ducis Quelferbytani prius Viennæ legatus, nunc creatus Consiliarius Aulicus. Comes de *Metsch* pro Schönbornio, donec is Viennam rediret, substitutus *Vice Cancellarius* Imperii.

Bavarie Elector creavit 6 novos Equites S. Georgii, Notastum, Mayrhoferum, duos Marhofenos, duos Fuggeros. Comes *Perousa* missus legatus Dresdam, Baro *Mörmannus* Viennam.

Electores



Electo Palatinus, qui novam Manhemii arcem, deportatis eo Düsseldorfio pretiosis, incolere cepit. Novos Ordinis S. Huberti Equites creavit Joannem Christianum Solisbacensem, Joannem Principem Birckenfeldicum, ejusque fratrem Wilhelmum, Michaellem Principem Radzivilium, Comitem Goldsteinium, Comitem Polheimium, Aulæ Marefchallum apud Alexandrum Episcopum Augustanum. Baro Buschius a legatione Viennensi rediit, factus Secretarius Status. Bothmarus eidem Viennæ substitutus. Aulæ Praefectus Baro Sickingius. Comitatum Meegensem Elector Baroni Schallio donavit.

Nuptiæ Solisbac.

Joannes Christianus Comes Palatinus Solisbacensis secundis nuptiis sibi junxit Eleonoram Philippinam, Hasso-Rothemburgensem, ex aula Sardica accitam.

Tridenti obiit Antonius Dominicus Comes Wolckensteinus, ei-que in Episcopatu successit Antonius Dominicus Comes de Thun.

## Art. XXV.

*Transactio in causa Bipontina & Veldentina. Causa successionis Oetinganae, & Rittbergensis ob Ostfrisiā.*

45.  
Obiit Gustavus Samuel.

Anno 1731 ad catholicam fidem pridem conversus obiit Gustavus Samuel, Dux Bipontinus, nepos ex fratre Caroli Gustavi Regis Sueciæ, ac Ducis Bipontini. Usque ad annum 1718 Samuel tenui fortuna vivere debuit; at Carolo XII in Norvegia occiso, nulla relicta prole, Ducatum ceu proximus agnatus est consecutus. Duxit primo Leopoldi, ultimi Veldentiæ Ducis, filiam; sed ea repudiata propter consanguinitatem, sibi junxit Dorotheam Hoffmanniam.

Lis de successione in Ducatu Bipont.

Cum autem nullos liberos suscepisset, acris de successione in Ducatu Bipontino jam pridem agitata est controversia Domum inter Electoralem & Birckenfeldiam. Elector tanquam caput familiæ prioritatem Neoburgensis lineæ juris sui fundamentum posuit, jus primogenituræ Rupertina constitutione jam anno 1395 confirmatum asserens. Hæc Wolfgangi abavi (a quo omnes tunc viventes Comites Palatini descendebant) testamentum opposuit, quo cautum esset, ut in iis provinciis Palatinis, quæ ad Electoratum non spectarent, fieret successio secundum jus commune, adeoque proximus agnatus succederet. Cum igitur tam Carolus Philippus Ele-

ctor,

stor, quam Christianus III Birckenfeldensis, a Wolfgango, communi stipite, æquali gradu, nempe quarto distent, non posse Electorem totum Ducatum prætere. Asserebat insuper, Wolfgangum voluisse, ut juniores duæ lineæ, Bipontina & Birckenfeldensis, sibi mutuo succederent, substitutione reciproca inter eas introducta. Constitutionem Ruperti merum fuisse *projectum*, ut vocabant, nunquam in usum deductum fuisse.

Cum igitur controversia ista in litem excreveret, Imperator Ducatum Landgravio Darmstadiensi & Abbati Fuldensi in *Sequestrum* dedit. Europa velut in partes ivit. Protestantes magno studio assistebant Birckenfeldensi, utpote suæ religionis Principi. Catholici vero Electori optabant victoriam. Pars utraque proluxa deductione jura sua publice produxit.

Tandem anno sequenti transactione sis est dirempta, prout etiam *ausa Veldentina*, quæ inter utramque ejusdem Domus lineam controversa, ferme eisdem principiis nitebatur; nisi quod Birckenfeldensis ex testamento Wolfgangi nullum hic subsidium accersere posset, quia Veldentini Comites Palatini ex illo non descendebant, sed ex Alexandro, jam anno 1514 defuncto, communi stipite, Wolfgangi avo; a quo tamen rursus æquali gradu, id est, sexto, distabant.

Transactione autem illa conventum est, 1. Elector reservat sibi *Veldentium & Lautereckium*, & quæcunque de Veldentinis regionibus possidet. Cedit vero Birckenfeldensi partem suam Comitatus Lützelsteinii & Guttenbergæ: sic tamen, ut Domus Solisbacensis, quæ eodem jure hæreditario nitebatur, dimidiam partem Comitatus Lützelsteinii obtineret.

2. Veldentinum Imperiale & Circulare votum sit penes Electorem, quoad vivet. Post ejus mortem Domus Solisbacensis & Birckenfeldensis alternent.

3. Elector agnoscit *Birckenfeldensem* tanquam *Ducem Bipontinum* Regentem, illumque ad possessionem, fructum, & homagium recipiendum admittit; Præfecturam tamen *Stadeckensem* sibi & successoribus suis in Electoratu reservat.

4. Utraque tamen pars stipulatur liberum *Religionis exercitium* pro locis cæsis in *statu quo*. Aliquam tamen exceptionem Dux facit, circa solennes in urbe processiones, portationem Venerabilis, Capellam Aulicam, & aliquos redditus Ecclesiasticos.

5. Conveniunt de *appanagio*, Principibus *Gelnhusianis*, ex Bipontina linea, assignando.



6. Causa Wildfangiatus juxta tractatum Landaviensem aliosque regulatur. Tractant dein de pactis dotalibus Sulzbacensibus, de solvendis debitis, &c. renuntiantque liti, Viennæ introductæ. Anno dein 1733 Elector & Dux propriæ manus subscriptione hanc transactionem firmarunt. Et Dux Biponte sedem fixit.

Francisco Ludovico, Electori Moguntino, ob negotium Satisfactionis Pragmaticæ Viennam invitato, Cæsar ipse, ejusdem nepos, curru obviam processit, eumque tota aula magnifice excepit.

Bonnæ, ubi Elector magnificum palatium construxit, Manderfcheidio in Officio Aulae Mareschalli successit Ferdinandus L. B. Plettenbergius.

Salisburgensi in ditione secta prodiit rustica plebecula, quæ ignorantia tenebris cæcutiens, hausto ex libris, Ratisbona clam illatis, veneno, varios in errores est abrepta. Addidit contumaciam, & refractariam seditionem; quam ut compesceret Archiepiscopus, a Cæsare sex millia virorum obtinuit.

46.  
Nova Secta  
Salisburg.  
rusticorum.

Quamvis autem rudes isti homunciones ipsi nescirent, quid crederent, nihilominus Corpus Evangelicum, quod appellant, Ratisbonæ mox altum clamare, minari, de pace West. violata ad Cæsarem queri, localem commissionem exposcere; quamvis Archiepiscopus emigrationem ipsis concederet.

Excesserunt autem ex sterilibus suis montibus, feraciores terras quasituri, non pauci, Protestantium promissis illecti. Nam & Kauffburæ, & Augustæ, & præsertim Ratisbonæ, ubi Gazophylacium pro ipsis erat erectum, liberaliter excipiebantur: in Hollandiam inde, Angliam, & Americam, spebus magnis ebrii, sunt deportati.

Nec Lutherani erant, nec Calviniani ex integro, nec Catholici, sed quartum quoddam sectæ genus, mixtum ac varium, constituebant; unde, licet jus emigrandi ipsis fuisset negatum, nihil habuissent Protestantes, quod de pace læsa conquererentur.

Wormatiensis etiam civitas querelam Ratisbonam & Viennam detulit, quod Venerabile ad ægrotos publice deportaretur, contra usum anni Normalis. Verum Franciscus Ludovicus, Elector Moguntinus & Episcopus Wormatiensis, contra prætensum hoc gravamen utrobique exceptiones suas opposuit.

Ulricus Dux  
Oelsensis  
conversus.

Ex Domo Würtembergica Religionem Catholicam amplexus Christianus Ulricus, Dux Oelsensis in Silesia, atque hoc anno in Italiam profectus, a Magno Florentiæ Duce cum honore singulari exceptus

ceptus est. *Grævenizia* ab Aula Stuttgardenſi dimiſſa, & *Joanna* Conjux ab *Eberhardo* Duce recepta.

*Fridericus* Rex Sueciæ Haſſiam ſuam inviſit. Ex *Wanſridenſi* Haſſo - Rheinſelſenſi linea obiit *Wilhelmus* ſine liberis. Succeſſit proin *Chriſtianus* frater, qui *Eſchwegæ* ſedem fixerat, duxitque *Mariam* ex *Hohenloenſi Bartenſteinia* Familia.

Inter Electores Saxoniæ & Hannoveræ, præter unionem hæreditariam, jam anno 1687 concluſam, initum eſt hoc anno 1731 fœdus deſenſivum: cujus fide indigeret hodie Saxonia.

Obit *Auguſtus Wilhelmus* Dux Quelferbytanus ſine liberis. Succeſſit *Ludovicus Rudolphus*, Dux Blanckenburgicus, Imperatricis pater: atque hoc pacto Brunſvicenſem, Quelferbytanum, & Blanckenburgenſem Ducatus conjunxit, brevi poſt lineæ Beveranæ eoſdem reliſturus.

*Carolus Leopoldus* Dux *Mechlenburgicus*, de cujus cum ſubditis diſcordiis alias dictum, adhuc reluſtatur Decretis Cæſareis: delata Mechleninterim Chriſtiano fratri adminiſtratione, & ſubdelegata Commiſſio burgica. ne excedere recuſante, donec ſumptus refunderentur. Fidebat videlicet Dux favori Aulæ Ruſſicæ; cum Imperatricis ſororem haberet conjugem, quæ ab eo ſeparata Petroburgi degebat.

Obiit *Albertus Erneſtus Princeps Oetinganus*, ultimus lineæ Aca-  
tholicæ. Sed ſupererant tres lineæ Catholicæ, Spihlbergentiſis, Wal-  
lerſteinia & Balderana. Omnes tres volebant ſuccedere: ex *Spihl-* 47.  
*bergenſi* *Franciſcus Albertus*; quia erat ex prima linea Comitum, & Obiit Prin-  
ceps Oetin-  
ganus.  
ſenior totius Familiæ: ex *Wallerſteinia* *Antonius Carolus*; quia a de-  
functo Principe fuerat inſtitutus hæres, & poſſeſſionem jam cepe-  
rat: ex *Balderana* *Crato Antonius*, qui initio teſtamentum acceptavit,  
quia in eo *Wallerſteinia* lineæ erat ſubſtitutus; ſed deinde, cum  
teſtamentum ut invalidum a *Spihlbergenſi* impugnaretur, voluit,  
ut hæreditas in tres æquales partes diſtributa, inter tres Comites  
ex æquo divideretur, eo quod omnes tres æquali gradu a defun-  
cto Principe diſtarent.

Proceſſus igitur Judicialis, & pretioſus & diuturnus in Judio  
Aulico inſtitutus inter lineam *Spihlbergenſem*, & *Wallerſteiniam*.  
Illa ad unionem hæreditariam, anno 1522 initam, ſe referebat, vi  
cujus bona immobilia, a defuncto reliſta, tanquam fideiſcommiſſa  
Familiæ ſint conſideranda; de quibus proin Princeps defunctus  
non potuerit libere diſponere, præterito ſeniore & primogenito  
totius Familiæ. At Judio Aulicum, reliſto *Wallerſteinio* in  
poſſeſſorio, *Spihlbergenſem* ad petitorium magis probandum remiſ-  
ſio.



fit, quod potestas testandi de bonis immobilibus in Domo Oetigana locum non habeat.

48.  
Causa Rit-  
bergenfis.

Nec minus agitata fuit causa *Ritbergenfis* inter Carolum Albertum Principem Frisiæ Orientalis, & Maximilianum Comitem Kaunizium. Sic habet. Enno III, Comes Frisiæ jam sæculo XVI conjugem habuit Walpurgim, *ultimi Comitis Ritbergenfis* in Westphalia filiam hæredem; quæ duas filias genuit, Sabinam & Agnetem: illa nupsit Joanni patruo suo: & ex hoc matrimonio descendit Ernestina, *Kaunizio* desponsa, multorum liberorum mater.

Agnes Gundacaro *Lichtensteinio* tradita, hujus stemma propagavit, & in partem hæreditatis venire volebat. Lis inter Domum Kauniziam & *Lichtensteiniam* transactione fuit composita, cessa Kaunizio 1724 hæreditate Comitatus, cum tribus annexis prædiis.

At vero opposuit se vehementer transactioni Princeps Ostfrisiæ (descendens ex eodem Ennone, sed per secundas ejusdem nuptias ex alia matre) qui tria prædia sibi vendicavit eo titulo, quod tam Walpurgis, quam ejus filiæ renuntiatione jurata illa cesserint Ennoni, Abavo suo, jusque suum proluxa Deductione, Comitibus Ratisbonensibus hoc anno porrecta, probare conatus est. Duæ hic quæstiones moveri poterant, 1 an prætenfa ejusmodi renuntiatio sit facta? 2 an valide sit facta; cum tam donatio inter conjuges, quam renuntiatio filiarum alias de jure sint irritæ.

Illud ex Lutheranis quæri posset; quomodo Sabina matrimonium cum patruo suo inire potuerit, cum ipsi in tali consanguinitatis gradu contractum jure Divino invalidum statuatur.

In causa *successionis Lauenburgicæ*, cum Domus Hannoverana esset in possessione, Saxonica, & alii prætendentes ad petitorium remissi sunt. Prout etiam contigit Comiti Manderscheidio, Comitum Falckensteinium reposcente a Domo Lotharingica. Hujus feudum erat Comitatus, a Carolo III Duce Valdemontio, filio suo naturali, collatum, post hujus autem mortem Domus Lotharingica illum consolidavit, quam Consilium Aulicum hoc anno in possessione confirmavit, petitorium autem reservavit Manderscheidio.

Causa Lauen-  
burgica, &  
alia.

## Art. XXVI.

*Sanctio Pragmatica ab Imperio per Majora acceptata, uti etiam ab Dania & Hollandia. Domus Sulzbacensis. Obitus Moguntini. Abbas ad S. Emeranum Princeps Imperii renuntiatus. Penatio infelix.*

Anno 1732.

Anno 1732 Negotium Sanctionis Pragmaticæ fervebat in Comitibus Imperii, tandemque per majora acceptatio illius & sponsio accessit; protestantibus contra illam Electoribus, Bavaro, Saxone, & Palatino. Eandem cum sponfione acceptarunt Dania & Hollandia.

Dania & Hollandia accedunt Sanctioni Prag.

Comitia autem in suo concluso memorarunt; postquam Decretum Commissorium ad Principalem Commissarium a Cæsare sit missum, & per publicam *Diffaturam* communicatum, tria Collegia de illo more consueto deliberasse, atque percepisse, quod Cæsarea Majestas ordinem successionis, anno 1713 declaratum, in omnibus hereditariis suis provinciis in forma *fideicommissi perpetui*, indivisibilis & inseparabilis, cautione Imperii firmari exigat, prout ab Anglia per art. 2 tractatus Viennensis firmatus fuit, ideo cum si quies Europæ sperari possit, Imperium defensionem illius suscipiat.

Ut etiam Comitibus Imperii.

Imperator hoc conclusum Imperii summa cum voluntate suscepit, & approbavit, atque sic in Recessum, seu legem Imperii excrevit; quamvis non deessent scripta contraria, quæ illud quoque in questionem deducebant, an in cautionibus & sponfionibus Imperii majora valere debeant. Illud quoque notandum, vel fratres in hoc negotio non convenisse; nam Elector Moguntinus frater Electoris Palatini, & Coloniensis frater Bavari, pro Sanctione Pragmatica suffragium dederunt.

Dissentiente Bavaro, Saxone, Palatino.

Mortuo Francisco Ludovico Electore Moguntino lis antiqua re-creduit; nam tempore sedis vacantis tres Electores *Colonienfis*, *Trevirensis*, & *Saxo Directorium* Imperii sibi vendicabant. Omnes tres invitarunt Status ad congressum. Sed nullus comparuit, donec per Electionem *Elzii* novi Electoris Moguntini controversia cessavit. Seckendorffius Philippo-Burgi, & Pfulius, Kehlæ Præfectus, crebrioribus litteris instabant apud Comitibus, ut ruinæ utriusque limitanei munimenti subsidiis occurrerent. Sed ad rei summam parum pro-  
vectum.

Mortuo Moguntino, lis de Directorio Imperii cessavit electo Elzio.



In *Consilium Intimum* Cæsaris adlecti, Daniel de Mayern Archiepiscopus Pragensis : Mauritius Adolphus Dux Saxo. Neostadiensis, Episcopus Reginæ Gradeciæ : Harrachius Legatus Bohemicus Ratisbonæ : Pio Legatus Venetiis : Sassenhofius primus ante Minister Moguntinus : Kinskus Regius Vicarius in Bohemia : Rothalius : Weissen-Wolffius, Jörgerus, Gundemarus Stahrembergius, Hohenfeldius.

Electoꝝ Bavarix cum Saxonico per Comitem Perusa amicitix & mutux defensionis fœdus Dresdæ iniit.

Obit Theodorus Dux Sulzbac. Liberi.

Ex Domo Palatina obiit *Theodorus* Dux Sulzbacensis 71 æt. anno, filius Christiani Augusti, qui Catholicam Religionem amplexus fuerat. Conjugem habuit ex Domo Rheinfelsensi. Ex ea genuit 1 Josephum, Electoris Palatini filix desponsum. 2 Joannem Christianum, moderni serenissimi Electoris Palatini Patrem. 3 Christianam Abbatissam Thornensem & Essensem. 4 Ernestinam, nuptam Wanfrideni. 5 Annam, moderno Regi Sardinix collocatam. Multis annis proximus ex sæcularibus fuit Dignitati Electorali; nec unquam adduci potuit, ut de suo, & liberorum suorum eventuali in Juliacenses & Montenses Ducatus jure quidquam remitteret. Successit Joannes Christianus, primogenito sine liberis masculis jam mortuo, brevi & ipse moriturus, relicto filio, spe magna Domus.

Obit Elect. Mog.

Ex eadem serenissima Domo obiit Vratislaviæ *Franciscus Ludovicus*, Elector Moguntinus, Electoris Palatini frater, anno ætatis 68, Regiminis Moguntini quarto. Fuit electus Episcopus Vratislaviæ in Silesia 1683, Wormatiensis, & Præpositus Elvacensis, atque Teutonicus Ordinis Magister 1694, post obitum fratris sui Ludovici Antonii, Coadjutor Moguntinus 1710, Elector Trevirensis 1716, Elector Moguntinus 1729, æternitatis incola 1732. Epitaphium sibi hoc inscribi voluit: *Hic jacet peccator Franciscus Ludovicus: orate pro eo.*

Electus in eius locum fuit *Philippus Carolus de Elz* ex Rhenana Nobilitate, qui Erfordix Vicarium constituit Warsbergium.

Abbas S. Emmerami Princeps Imperii.

Obiit Rhelingius Princeps Abbas Berchtolsgadensis: electusque Notthafftus. Anselmus de Gordon Abbas ad S. Emmeramum Ratisbonæ cum omnibus suis successoribus a Cæsare renunciatus est Princeps Imperii.

Venatio Cæsaris infelix.

Princeps *Schwarzenbergicus*, Aulæ Mareschallus, cum Imperatorem Pragam comitaretur, eumque in Crumloviensi suo Ducatu splendide exciperet, in venatione fortuito globo, ab amica sed incauta manu emissio, percussus occubuit; summo dolore Cæsaris. Filius, tunc duodennis, summa dein gratia apud eum valuit.

Art.

## Art. XXVII.

*Obitus Regis Poloniæ. Electio turbida. Bellum propterea  
inter Cæsarem & Gallum. Cui accedunt Hispanus &  
Sardus. Varii obitus. Alex. fit Dux Würtemb.  
Investitura Bremensis & Verdensis. Mech-  
lenburgica & Hobenloensia.*

Anno 1733 obiit *Augustus, Rex Poloniæ*. De electione autem  
novi Regis gravissimæ tum in Regno, tum extra illud ortæ sunt <sup>50.</sup> *Obitus Re-*  
contentiones. Pars magna Optimatum elegit *Stanislaum Leszcynski;* *gis Poloniæ.*  
pars altera *Fridericum Augustum*, Regis defuncti filium. Miscebant  
se negotio Imperator, Russia; & Gallia. Illi Socerum Regis Galliæ *Electio liti-*  
vicinum veriti pro Saxone stabant: hæc pro Stanislaio; omnes li- *giosa.*  
beram electionem prætexentes.

*Russi* cum copiis in *Poloniam* movebant; Cæsarei in Silesia at-  
que finibus Poloniæ consistebant. Galli, injuriam, ut dicebant,  
vindicturi, transmissio Rheno, *Keblam* expugnarunt. Omnes, ut  
justitiæ suæ causæ tueantur, & persuadeant orbi, *Manifesta* sua,  
ut vocant, publicarunt.

Atque imprimis Gallia, inito cum Hispania & Sardinia fœde-  
re, objiciebat, post mortem Regis se imploratam a Republica, ut  
liberam electionem protegeret. Polonos, exclusis exteris, vo-  
luisse *Stanislaum* eligere. Opposuisse se Cæsarem, quia esset  
Socer Regis Galliæ. Quamvis autem Cæsareæ copię non sint  
ingressæ Poloniam, metum tamen e propinquo incussum, & mi-  
nas intentatas: atque *Russos* ac *Saxones* incitatos, ut in Poloniam  
irrumperent, libertatem electionis turbaturi. Electum nihilominus  
*Stanislaum* liberis suffragiis, impeditum tamen, quo minus quie-  
tam regni possessionem consequeretur. Coactum igitur Regem,  
arma corripere, ad vindicandam injuriam, socero & sibi illatam.

Querelis istis Cæsarei prolixam Deductionem opposuerunt, in  
qua memorant, Cæsarem & *Russos* a Primate *Potokio* ejusque *Cæsareum.*  
fratre *Kiovia* Palatino fuisse initio requisitos, ut copias ad fines  
collocent, libertatem Reipublicæ defensuras. Cæsarem nemini de  
hoc debere rationem reddere, sicut nullas petat a Gallia, modo  
finibus suis non egrediatur. Necesse fuisse, ut Silesia tunc a rapi-  
nis tuta præstetur.



Electiōni Stanislai nemini se fuisse oppositurum, si quiete, libere, sine factionibus & violentia fuisset peracta, nec liberum Veto, anima Reipublicæ, eversum. Prætextum hunc fuisse Galliæ, jam a biennio turbas quærentis, ut Sanctionem Pragmaticam elideret, & provincias austriacas dissecaret. Fas proin fuisse Cæsari, media licita adhibere, ut is, liberis tamen suffragiis, promoveretur, quem e re sua magis fore censeret. A Gallis contra eos, qui coactæ electiōni obsisterent, male tractatos.

Oratio in  
Comitiis.

Misso etiam *Decreto Commissorio* Ratisbonam Imperator Comitibus proposuit: Badensem pacem per hostilem in Imperium irruptionem ruptam, prætextu electiōnis Poloniæ Sabaudiam eo tempore, quo homagium Viennæ ratione feudorum præstitisset, cum Galliæ foedus iniisse, ut Imperatorem in Italia aggredierentur. Cæsarem nec militem immisisse Poloniæ, sed tantum in Silesia fines custodire: nullam igitur Galliæ belli inferendi causam datam. Galliam Polonos, obtrudendo Stanislaum privare conatam eligendi libertate, se vero seu sponsorem illam conservare. *liberum Veto* extortis juramenti violatum. Propterea varios Poloniæ Magnates implorasse Cæsaream & Russicam assistentiam.

A Primate Turcas & Tartaros fuisse sollicitatos per Legatum Gallicum. Russos Poloniam ingressos tanquam amicos, qui libertatem defenderent. Stanislaum anno 1717 sub sponsione Russica *ineligibilem* declaratum. Ex his satis patere, quis sit aggressor. Sicut igitur Cæsar jam Angliam, Daniam, Borussia, Hollandiam imploravit, ut pro ratione fœderis auxilia submittant, ita non dubitari, Status per Conclusum Imperii bellum Galliæ denuntiaturus.

Protestantes postulabant, ut, antequam negotium istud susceperetur, *Clausula Articuli IV* pacis Rysvicensis aboleretur. Sed cum Catholici Status se opponerent, ad nullum hoc anno Conclusum deveniri poterat.

Interea vero Galli non omittebant, Decretum Cæsaris *Commissorium* proluxa *Deductione* confutare, illud inter alia commemorantes: Imperatorem non Stanislaum solummodo propter arctam affinitatem cum Galliæ Rege a throno exclusisse, sed initio etiam Electorem Saxonie, donec is Sponsorem Sanctionis Pragmaticæ se dedisset.

Cæterum exercitus Cæsareus *Pilsam* inter & *Egram* castra locaverat, donec exeunte Octobri in *Sueviam* sunt translata Ductore Brunsvico-*Beverano Principe*. Cum autem copię viginti diuntaxat mil

millibus constarent, hyems conscribendis militibus impigre impensa est: obeuntibus interea Electorum & Principum aulas, hinc *Kueffsteinio* Legato Cæsareo, inde *Blondello* Gallico: illo, ut eos cum Imperatore suo conjungat: hoc, ut abstrahat.

Cæsar autem multos renuntiavit militiæ Duces: & mortuo *Hobenzollerano* Comiti, *Friburgi* Præfesto, subrogavit Baronem *Tillierum*, qui prius *Petrovaradino* in Hungaria præerat.

Obiit *Joannes Christianus* Comes palatinus, Dux *Sulzbacensis*, anno ætatis 33. Ex prima conjuge, Maria Anna, Francisci Egonis Marchionis *Bergensis* ad *Zomam* Filia hærede, reliquit Carolum *Philippum Theodorum*, modernum Electorem Palatinum, qui tunc sponsalia contraxit cum Maria *Elisabetha*, patruuele sua, Caroli *Philippi* Electoris nepte.

Decessit quoque *Eberhardus* Dux *Wirtembergiæ*, cui, cum nullam prolem masculam relinqueret, successit *Carolus Alexander*, agnatus proximus. Quia autem hic ad Catholicam Religionem fuerat conversus, cum Statibus Provinciæ *Assurationis tractatum* inire coactus est: quod nempe religionem in statu quo relinquat: aliam, ne quidem simultanee, introducat, nec templa aut Monasteria ædificet: Theologicum Stipendium, & Scholas *Tubingæ* conservet: nec in Universitate aut Collegio Illustri mutationem faciat: Ecclesiastica & civilia Officia Lutheranis conferat: prout etiam in Comitibus Imperialibus & Circularibus Lutheranum Legatum habeat, qui secundum principia Corporis Evangelici procedat: iussus renuntiare omnibus Pontificiis Dispensationibus, Indultis, restrictionibus, exceptionibus doli & persuasionis, aliisque Juris subsidiis. An hæc non sint contra Pacem *Westph.* quæ Jus reformandi Statibus Imperii *Art. 5 §. 30* aperte tribuit, alii judicent.

*Mühlbusli*, civitate Imperiali in *Thuringia*, cives adversus Senatum *Turbæ* insurgent; resque eo processerat, ut Imperator Commissarios *Mühlbusli* designaret, qui causam examinarent, demandata executione *Circuli Inferioris Saxonie* Directoribus. Igitur *Brandenburgicæ* & *Lüneburgenses* copiæ admoventur urbi; quæ in arbitrium *Saxo-Gothani Ducis* compromittit. At Cæsar, rescisso eo, compromisso, iussit Executores procedere, & a Commissione Cæsarea causam cognosci. Auctores rebellionis publico in foro carnificis manu ultimo supplicio sunt affecti. Denique, cum plures civium reorum diffugissent, citatio curiæ fuit affixa, qua sistere se jubentur, secus ceu convictos & confessos condemnandos.

Obiit Christianus Dux Sulzbacæ  
Eberhardo Würtemb. succedit Alex.  
Reversales extortæ.

Pœna.



Hannover.  
Invest. in  
Bremensi  
& Verd.  
Ducatu.

Götting.  
Acad.

Hoc tandem anno Elector *Hannoveranus Investituram Bremensis & Verdenfis Ducatus*, unaque cum illa *duo vota* in Comitibus obtinuit, Bremensis Civitatis immedietate salva. *Coinvestita* est Domus Brunsvicensis, certis tamen in eventum extinguendæ familiæ Hannoveranæ conditionibus, refundendæ nempe hæredibus allodialibus pecuniæ, quæ ab Hannoveranis in eos Ducatus comparandos fuerant expensæ. Gymnasium *Göttingense* hoc anno in *Academiam* mutatum, accedente confirmatione Cæsarea, & privilegiis impertitis. Beverana Domus duplici matrimonii vinculo innexa fuit Borussicæ.

Mechlenb.

*Mechlenburgi Ducatum* graves adhuc turbæ miscunt. Carolus Leopoldus, quamvis Cæsareis se mandatis pariturum scriberet, aliud tamen fœdus cum Gallia initum loquebatur. Christianus frater, designatus Administrator, cum fratre certabat; dum Lüneburgicæ, Brunsvicenses, & Brandenburgicæ interim copiæ provinciam depaſcebantur.

Hohenloen-  
sis transactio.

Inter tres fratres Hohenlo - Bartensteinenses, arbitratore Episcopo Bambergensi & Herbipolenſi, transactio fuit inita. Post mortem patris, quæ contigit anno 1729, Senior Carolus Philippus solus jure primogenituræ regnare volebat; quia duo fratres juniores Statui Ecclesiastico se addixerant. Hi autem *corregentes* esse cupientes causam ad Consilium Aulicum deferrebant. Sed jubente Cæsare per Bambergensem res ita fuit composita, ut duo fratres seniores in *Bartenstein* communiter gubernarent, minimus autem natus Rupertus *Pfädelbachii* regeret, adjecta Præfectura Sindringensi. Comes Styrumbius duxit Carolinam, Ottonis Comitissæ Hohenloensis in Schillingsfürst filiam.

Comes *Lippenſis Detmoldensis lineæ* a Camera Hannoverana mutuo accepit quingenta thalerorum millia sub hypotheca Sterenbergensis Præfecturæ.

Plettenberg.  
dimissus.

Ferdinandus *Plettenbergius*, ab Imperatore Carolo VI in Comitum numerum relatus, supremus Aulæ Colonienſis Minister, gratia Electoris excidit, atque dimissus est, quod majorem Domus Austriacæ, ut spargebatur, quam Bavaricæ in negotio Sanctionis Pragmaticæ habuisset rationem.

## Art. XXVIII.

*Bellum contra Galliam per Majora in Comitibus decernitur.*

*Clausula Riscvic. Bervici mors. Causa Nassovio-Siegenfis.*

*Hyacinthi Principis fata. Spilbergensis Princeps Imperii.*

Anno 1734, cum Protestantes in Comitibus urgere pergerent abolitionem invicem sibi *Clausula Riscvicensis*, Cæsar, indulgendum alii *Claus. Riscvic.* quid ratus, pronuntiavit, quæ mutata essent, secundum constitutiones Imperii in pristinum statum reductum iri. Tum vero negotium belli, adversus Galliam declarandi in tribus Imperii Collegiis propositum, deliberatumque, an, & quomodo bellum esset gerendum.

Per Re- & Correlationem in duobus superioribus Collegiis re expedita, & cum Collegio civitatum communicata, formatum est hoc conclusum, a Directorio Moguntino Commissario Principali traditum, atque ab hoc ad Imperatorem pro ratihabitione transmissum, ut in Recessum Imperii evadat: hæc autem summa.

Cum Gallia, præter alias violationes pacis, Imperium nunc, Bellum contra Galliam occupando *Keblam* invaluerit, Cæsareæ Majestati pro cura & sollicitudine agendas gratias, atque, secundum Decretum Commissorium *Imp. decernitur.* Ejusdem, Galliæ, Sardinia, & omnibus eorum adhaerentibus bellum nomine Imperii denuntiandum esse, juxta normam anni 1681, 1689, 1702, 1704. Nemini, ut neutrarum sit partium, permittendum. In occupandis aut recuperandis locis in statum omnia pristinum restituenda. Rogandum Cæsarem, ut consueta *Avocatoria, Inhibitoria*, ad eos, qui apud hostem militaribus aut civilibus muneribus funguntur, prout etiam *Mandata penalia* propter exportationem equorum, alimentorum, munitionum, armorum, prohibitiones item Commercii realis ac litteralis, in hostiles terras dirigat.

At vero Electores, *Colonienfis, Bavarus, Palatinus*, & Episcopus Ratisbonensis, contra Conclusum istud exceperunt: notorium esse, præsens bellum ex ea duntaxat causa fuisse exortum, quod Stanislaus a corona fuerit repulsus, quin ea de re ad Imperium referretur. Hinc Galliam irritatam, permotamque, ut vindictam fumeret: non igitur pro aggressionem habendum, quod fecisset Gallia, sed pro reparatione honoris læsi. Non videri consultum, bellum decernere, quamdiu maritimæ nationes quiescunt.

Opponent  
se Bavarus,  
Palat.  
Colon.



Cæsarem in Decreto Commissorio anni 1714 factum, sine auxilio Angliæ & Hollandiæ non posse bellum contra Galliam utiliter continuari; cum tamen res Imperii in Italia tunc floreret, & Gallia multis gravissimis cladibus esset attrita. Pacem quoque Westphalicam exigere, ut mitia ante remedia tententur. Factu optimum videri, si Imperium Mediatoris suscipiat partes, donec appareat, an Gallia, secundum Blondelli promissa, Kehlam sit restitutura, & damna illata reparatura. Si restitutio difficultatem pareret, posse interim munimentum indifferenti præsidio committi.

Cum nihilominus conclusum esset bellum, memorati tres Electores non tantum contra Conclusum, sed etiam contra obrogationem clausulæ ad Protocolum per Legatos suos sunt protestati; illud quoque addentes, clausulam illam esse fundamentalem legem Imperii, quæ sine consensu omnium Statuum non possit aboleri.

Bello igitur tubas inter & tympana Ratisbonæ declarato, ulterius decretum est, ut Imperiales copiæ triplo, seu centum viginti virorum millibus constarent: Princeps *Eugenius* hunc exercitum duceret, tanquam supremus belli Præfectus. Cui tres Imperii Campi Marechalli ceu Legati adjuncti sunt, Alexander Dux Würtembergiæ, Ferdinandus Albertus Dux Beveranus, Leopoldus Princeps Dessavius. Quatuor insuper renuntiati Rei Armamentariæ Præfecti, Julius Comes de Marck, Maximilianus Hassö-Cassellanus, Adolphus Saxo-Weissenfelsensis, Ferdinandus Dux Bavarie.

Gall. progressus sub Bervico,

Quantum vero ad ipsum bellum spectat, Dux Beveranus castra ad Heilbrunnam posuit, Dux *Bervicus* vero Gallorum Duxor ad Landaviam; indeque movens *Spiram* aliaque loca ad Rhenum opportuna occupavit. Expugnatum *Trarbachium* cum Grævenburgo, arce munita. Superato dein Rheno, & Etlingensi linea, in Durlacensem provinciam Gallicus exercitus se effudit; atque inde *Philippoburgum* expugnavit, quod *Wügenavius* strenue propugnabat.

Erat in propinquo cum exercitu Princeps *Eugenius*, obsidionem soluturus; sed Galli viciniam urbis ita obseperant atque munierant, ut sine ingenti exercitus detrimento accessus nullus pateret.

At

At caro Gallis Philippoburgum stetit; dum, ut fertur, præter 7000 armatorum, Jacobum, Ducem *Bervicensem*, magnum bellatorem, & a victoria Alamancensi aliisque gestis clarum, amiserunt, globo tormentario, dum vias obsidionales lustraret, stratum. Filius erat naturalis Jacobi II Regis Angliæ, Franciæ Marschallus, Jacobi Ducis de Liria pater.

Bervico substituti sunt duo Duces, *Noallius & Asfeldius*. Ille Wormatiam, Oppenheimium, Franckenthalium progressus, Moguntiaë imminabat, sed providentia Eugenii retrocedere coactus, ad Sylvam Nigram, ut transitum prohiberet, se obvallavit. Non dubitabatur, quin Galli Friburgum aut Brisacum essent aggressuri, sed utrumque insigne munimentum solerter provisum videntur. Wormatia capta a Gallis, tum ab Imperialibus, & iterum a Gallis, Schmettavo cum 3000 excedente.

In hyberna ubi concessum, Eugenius, cujus vix non fama laborabat, Viennam abiit, præfectura exercitus *Alexandro Würtembergio* commissa.

Cæterum hoc anno Firmianorum Familia in Comitum numerum fuit relata. In Intimum Consilium a Cæsare assumpti, Blasius Bender Abbas S. Blasii, Prælatus omnibus virtutum ornamentis clarus, Enckenvortius, Hohenfeldius, Oedtus, Questenbergius, Firmianus, Archiepiscopi Salisburgensis frater: Metschius Vice-Cancellarius Imperii renunciatus: suprimi castrorum Præfecti Vicarii, Welseckius, Succovius, Fürstenbuschus, Zungenbergius, Hoheneimbisus: Consilii bellici Præses Max. Stahrenbergius, loco Königseckii, in Italiam missi ad regendum exercitum: Hamilton Gubernator Temesvariensis: Baro Jodoci, qui fuerat Legatus Austriacus Ratisbonæ, & Director Collegii Principum, creatus Concommissarius, loco Baronis Kirchneri mortui. Legatus Comitialis Austriacus Palmius, Bohemicus Coloredus loco Kueffsteini: Kevenhüllerus Legatus Haffniam, Osteinius Petroburgum, Wafnerus in Lusitaniam *Fablonowskii* cognatus Stanislai, Viennæ custoditus, cum Esterhasio, Argentinae detento, commutatus.

*Pallavicinus*, Cæsareus Archithalassus, *Tergestum* munire jussus, & ripas tormentis instruere, ad arcendas naves Hispanas & Gallicas, si forte in Istriam tentarent irrumper. Jussi omnes Galli & Sabaudi Vienna excedere. Juvenis *Ragozius* non jussus excessit, & Venetias fugit.



Bellum ad  
Rhenum.

Moguntinus Elector Eugenium de periculo suæ urbis monuit, qui misso primum Petraschio cum valida cohorte, tum exercitu secundo Rheno imminente Asfeldium avertit. Moguntia datus Gubernator *Seckendorffius*, *Wigenavio* Mantuam misso.

*Trevirenses* ditionem cum urbe principe Galli occupabant, Electore Hermansteinium se recipiente, & Archivio primum Confluentias, dein Coloniam translato.

*Coloniensis* Elector, licet contra bellum sit protestatus, copias tamen pro rata Imperio contulit; hyberna Borussia coactus pecunia redimere. A Gallis autem nihil incommodi pertulit.

Dum Mars alibi flammam spargit, casus fortuitus Leodiense Episcopi palatium in cineres redigit.

Princeps Abbas Fuldensis, Baro de Dalberg, Academiam fundat, quatuor Facultatibus ornatam, & a Cæsare approbatam.

*Kevenhüllerus*, Canonicus Augustanus & Olomucensis, ad Episcopatum Neostadiensem favore Cæsaris promotus.

Bayarica.

Quamvis Aula Viennensis & Parisiensis per Legatos suos Electorem Bavarie in partes suas inclinare conabantur; ille tamen, cum bellum jam ante improbasset, indifferentem se declaravit. Quia autem bellum ab Ordinibus per majora erat decretum, atque ut nulla indifferentia permittatur, Status Provinciales Müldorffii, præsentem Firmiano, congregati, ad contingentem se portionem (3475) paratos exhibebant. Sed cum Elector circa suam ratam (1700 viros) difficultatem injiceret, nemo hoc anno ad exercitum Rhenanum accessit. Quia autem magni fiebant delectus, Austria fines suos Bohemicos & Tyrolenses custodiebat; licet Elector assereret, ad defensionem duntaxat regionum militem suum esse intentum. Equites S. Georgii creati, Lüzelburgius & Murbachius.

Palatina.

Cum Galli ad *Necaravium* Rhenum transissent, non modica Viennæ in Electorem Palatinum suspicio cadebat; sed ille per suum Viennæ Legatum est contestatus, cum transitum repente, nec se nec subditis suis conscis, esse susceptum. Interim autem Manheimium munebatur, imposito 6000 præsidio.

Obit Manheimii Fortunatus Baro *Iselbachius*, Imperialis & Palatinus Rei Tormentariae Præfectus, Gubernator urbis Manheimii. Successit in hoc munere *Zobelius*. Copiis vero præfectus fuit *Haxfeldius*. Cum hoc anno controversiæ, inter Domum Electoralem & Birckenfeldensem, ratione Bipontini & Veldentini Ducatus diu agitata, ultima manus per transactionem fuisset imposita, Christianus

stianus III, Dux Birckenfeldensis Ducatus *Bipontini*, Elector vero *Veldentini* possessionem quietam adiit. Transactionem supra retulimus.

In *Saxonia* obiit Augustus Christophorus Comes *Wackerbartus*, summis apud Electorem multis annis muneribus perfunctus, privilegio suo adoptato; qui nomen adoptantis assumpsit. Comes vero *Hoymius*, primus Aulæ Minister, gratia excidens, in arcem *Königsteiniam* deductus est.

Elector affecurationem Religionis subditis suis tradidit, quam promisit, statum religionis Confessionis Augustanæ, ejusque confortes nunquam turbatum, sed omnia secundum pacem Westphalicam conservatum iri.

Elector Hannoveranus 6000 armatorum Cæsari ad Rhenum misit, quæ novem legiones conficiebant.

Alexander Dux *Württembergicus*, Director Circuli Suevici, Castrorum Præfectus, & Legionis *Dimacharum*, copias suas ita auxit, ut 18000 armatorum complecterentur, præter Martiam pu-  
Alex. Würt. armatus.  
 bem, ex stiva excitam, & in ipsa provincia ad arma tractanda exercitam. Amisit vero duos hoc anno fratres suos, *Henricum* Fridericum ad Rhenum, & *Fridericum* Ludovicum in pugna ad *Gua-*  
allam, 44 æt. anno.

Obiit *Christianus Ulricus*, lineæ *Bernstadiensis*, jam anno 1723, *Bernstad.*  
 Romæ ad fidem Catholicam conversus. Liberi tamen ejus *Stutt.* conversus  
 gardiæ educabantur, ut a patre degenerarent. obiit.

*Ernestus* *Rhenofelfensis*, Cassellensi transactione concessit, ut *Rhenofelsa* præsidio Cassellensi teneretur, reservata tamen sibi superioritate territoriali, & vestigali *Rhenano*. *Philippus Darmstadiensis*,  
Hassica.  
 a pluribus annis Gubernator *Mantua*, *Viennam* advocatus. Successit *Witgenavius*, qui *Philippoburgum* prius defenderat.

*Mechlenburgica* causa propter renitentiam *Caroli Leopoldi Ducis*, qui *Sverini* se detinebat, semper fit deterior, dum nunc etiam *Hol-*  
Mechl.  
*sato-Gottorpienses* & *Schwarzenburgicæ* copiae immigrarunt, & sumptus semper augerentur.

Obiit Princeps *Lobkovitijs* *Philippus*, Dux *Sagani*, Eques *Aurei Velleris*, Aulæ Imperatricis supremus Moderator; successit *Wenceslaus* primogenitus.

*Nassoviæ* Domus, *Ottomanæ* stirpis, post extinctam *Auriam*, prima ac principalis familia *Siegenfis* fuit. Hæc in duas li-  
Hyacinthi  
 neas divisa est; quarum prima ac senior est *Catholica*, ejusque caput *Siegenfis*  
 Princeps *Wilhelmus Hyacinthus*, cui mala administratio fuit objecta, facta.  
 atque



atque ab ea remotus 1708, sed ab Electore Palatino restitutus 1711. Cum autem ei cum subditis non conveniret, in Hispaniam discessit; administratio vero (præteritis duobus fratribus intermediis) delata est *Emmanueli*, fratri natu minimo.

Linea *Acatbolica Siegensis* extincta est hoc anno in Principe *Fridrico Wilhelmo*. Successio spectabat haud dubie ad lineam Catholicam, *Hyacinthum* nempe & ejus fratres; sed remotiores lineæ, *Dillenburgerensis* & *Diezensis* in partem venire volebant. At *Cæsar* administrationem *Acatolicæ* etiam portionis detulit *Emmanueli*; cujus frater *Alexius*, *Canonicus Colonienfis* & *Leodiensis* hoc anno mortuus est.

Obiit quoque *Georgius Albertus* Princeps *Frisiæ Orientalis*, relicto filio hærede *Edzardo*, stemmatis ultimo.

*Spibenberg.*  
creatus Princeps Imp. cum filio *Joanne Aloysio* in Principum numerum a *Cæsare* relatus est.

In carcere *Norvegienfi* obiit infelix Comes *Adolphus Wilhelmus Ranzovius*, ultimus suæ lineæ. Bonorum relictorum partem potissimam cepit *Rex Daniæ*, allodialibus forori defuncti permissis, cum onere solvendi ejus debita.

## Art. XXIX.

*Continuatio Belli Germano - Gallici. Russica auxilia.*  
*Præliminaria pacis Viennensis cum Gallia. Gallia*  
*accedit Sanctioni Pragmaticæ. Varii obitus*  
*Principum. Causa Rochefortiana.*

<sup>52.</sup>  
*Rossica auxilia.* Anno 1735 Imperator, ut trium Coronarum potentia resistat, ab *Anna*, *Russiæ Imperatrice*, cui foedere erat conjunctus, accepit octo legiones, quæ tredecim circiter peditum millibus constabant, & ab *Electore Saxonie* sex millia.

*Copiarum numerus.* *Coygni.* *Eugenius Princeps* 13 Maji in castra, ad *Etlingam* posita, venit. Miles in 60 legiones erat distributus: præter eas 6000 armati ad *Moguntiam* stabant, & 10000 ad *Bruchsaliam*. Gallorum exercitus 120 cohortibus, & 130 equitum turmis definitur, summo belli Imperatore *Marchione Coimo*, qui superiore anno in Italia gubernaverat. *Russi*, more suo tardi, mense primum Augusto

sto in castra venerant. *Belilius* vero copias Gallicas novis suppetiis auxit.

Tantis exercitibus, immensis sumptibus, & populorum sudore, comparatis, præter varias traductiones militum & aliquot velitationes, nihil admodum actum. Nullum commissum justum prælium, nullum munimentum expugnatum, arte bellandi artem eludente. *Moguntiam* quidem Galli tentaverant; nec deerat proditio; sed ea mature detecta, repulsi sunt.

*Eugenio* inde *Viennam* regresso, præfectoque iterum copiis *Alexandro Würtembergio*, 20 Octobris de induciis nuntiatum est, atque in hyberna utrinque concessum.

Maritimæ siquidem *Potentia*, quæ neutras in hoc bello partes fuerant secutæ, cum trium Coronarum vires, in Italia præsertim, prævalere cernerent, ne Europæ tolleretur æquilibrium veritæ, bonis pacem officiis suadebant, propositaque idea tandem persuaserunt.

Misit igitur Rex Christianissimus *Nierotum & Baunium* *Viennam*, qui cum Ministris Cæsareis ita tractarent, ut *Stanislao* suis honor & Galliæ emolumentum constaret. Jacta igitur *Vienna Præliminaria*, fundamentum pacis inter Cæsarem & Galliam, cujus articuli sunt sequentes, magni momenti.

1. Socer Regis Galliæ *Stanislaus* Rex *Poloniæ & Dux Lithuaniæ* agnoscatur, titulumque gerat, atque bona illi & conjugi restituantur; coronæ tamen renunciât.

2. Plena amnestia publicetur & singulis bona sua restituantur. *Polonis* omnia sua privilegia confirmentur, uti etiam electio Regis in perpetuum libera.

3. *Stanislao* cedatur Ducatus *Barrensis*, prout a Ducibus *Lotharingiæ* fuit possessus.

4. Domus *Lotharingica* obtineat Magnum Ducatum *Florentiæ* post mortem Magni Ducis: sed tunc *Stanislao* etiam *Lotharingiam* cedat.

5. Eo casu *Stanislaus* utrumque Ducatum (*Barri & Lotharingiæ*) possideat ad tempus vitæ. Post ejus vero mortem in perpetuum uniantur *Galliæ* regno. Quia autem aliqua sunt feuda Imperii, Cæsar consensum ejusdem Imperii procurabit.

6. Tam Rex autem, quam fover ejus renuntiant *Sessioni & Voto* in Comitibus Imperii.

7. *Augustus* Elector *Saxonie* ab omnibus, qui huic paci sunt accessuri, agnoscatur Rex *Poloniæ & Dux Lithuaniæ*.



Hæc prima fuit Transactionis pars, Stanislaum & Poloniam concernens. Pars altera tractabat de Italia, videlicet

1. Ut Dux Lotharingæ Magnum *Tusciæ Ducatum* pro cessa Lotharingia obtineat; & de eventuali successione ipsi caveatur ab omnibus, qui in partem hujus tractatus venerint.

2. Ad securitatem Hispanæ copiæ educantur, & *Cæsareæ inducantur*. Prout de neutralibus copiis in quadruplo fœdere fuit conventum.

3. *Reditus Ducatus Barrensis* Cæsar Domui Lotharingicæ tamdiu compensabit, donec possessionem *Hetruriæ* adeat, quia Dux propter quietem publicam Barrum cedit. Lotharingiam vero usque ad mortem Magni Ducis possideat.

4. Portus Liburni maneat liber.

5. *Neapolis & Sicilia* Principi Carolo obveniat, & Rex utriusque agnoscat.

6. *Portum Longum & Statum Præsidii* pariter obtineat, prout Pater ejus tempore quadrupli fœderis possedit.

7. Publicatione amnestiæ bona sua consequantur, qui in hoc bello parti alterutri adhæserunt.

8. *Rex Sardinie* potest pro lubitu eligere *Novaram & Vigevanum*, vel *Novaram & Tortonam* cum suis districtibus, de Ducatu Mediolanensi ipsi cedendis.

9. Quæ autem ex istis elegerit, cum aliis Ipsius provinciis uniantur; sic tamen, ut tanquam *feuda Imperii* recognoscantur; cum de statu Mediolanensi, qui est feudum Imperii, sint abscissa.

10. Terras *Langbarum*, secundum designationem, a Marchione Solario anno 1732 Viennæ factam, tanquam *subfeuda* possideat, easque pariter ceu feuda Imperialia agnoscat.

11. Insuper, secundum laudum arbitratorum de anno 1712, habeat hæc 4 bona, *S. Fidelis, Torre Forti, Gravedo, & Campum Majorem*.

12. Fas est Regi, in locis cæsis munimenta pro lubitu construere.

13. Cætera omnia in Italia restituantur Domui Austriacæ, quæ ante bellum possedit: & insuper *Parmae & Placentiæ Ducatus* ipsi cedantur.

14. Cæsar vero se obligat, incorporationem Ducatus *Castri & Comitatus Roncilionis* non prosequi.

15. Domui *Guaftalla* ratione Ducatus Mantuani juxta 32 articulum pacis Badensis justitiam ministret.

16. Con-

16. Contra vero Rex Christianissimus Cæsari & Imperio omnia ablata hoc bello sine exceptione restituet.

Pars tertia complectitur *Sanctionem Pragmaticam*, pro qua Rex Gallie cavet spondetque, respectu omnium locorum, quæ Impera Gall. cavet tor possidet, aut vi hujus Tractatus possidebit. Fines autem in pro Sanct. Alsatia & Belgio per Commissarios secundum pacem Badensem de-Pragm. terminentur. Hi articuli secreti habeantur, donec intra mensem confirmantur.

Actum Viennæ 3 Oct. 1735.

Subscripserunt

Philip. Lud. Comès Sinzendorffius,  
& Joannes Bapt. Baunius.

Additi sunt tres separati articuli.

1. Imperatrix Russiæ & Augustus Rex, tanquam partes contrahentes, in quantum Poloniam spectat, ad futurum Congressum invitentur: in quo, brevi finiendo, nullæ aliæ materiæ tractentur, quam eæ, quæ partes bellantes immediate contingunt. Cæsar autem conabitur consensum Imperii impetrare circa omnia, quæ illius interfunt; cum præsens status non concesserit tempus, eum petendi.

2. Cum aliqui tituli non agnoscantur, nulli sint præjudicio.

3. Prout etiam, quod hæc Præliminaria lingua Gallica sint concepta, quamvis alias in tractatibus Imperatorem inter & Galliam usus latinæ linguæ sit consuetus. Subjungitur Specificatio bonorum Langhensium, Regi Sardinie cessorum.

Quia autem in horum omnium executione variæ occurrebant difficultates, Baro Schmerlingus Parisios Cæsareus Minister abiit, du Theilius vero Gallicus Viennam.

Comitia Imperii priore jam anno Cæsari 30 menses profectio- nis Romanæ promiserant, sed quia aliqui parum, alii nihil de rata sua solvebant, debita pro exercitu facta ultra millionem florenorum ascendebant, & pro anni hujus expeditione multa adhuc opus erat pecunia, prout Imperator Comitibus proposuit.

Frobenius Ferdinandus Princeps Fürstenbergius, septuagenario jam major, munus Commissarii Principalis, quo per plures annos ma- Frobenio Ratist. suc- cepit Jos. Fürt enberg. gna cum prudentia fuerat perfunctus, deposuit atque Möskirchium rediit. In ejus locum a Cæsare suffectus est Josephus Wilhelmus Prin- cept Fürstenbergius, Stültingensis linæ.



Castra ad  
Ingolst.

Electoꝝ Bavariae ad *Ingolstadium castra* posuit, 14000 viris circiter constantia. Ad ea Princeps Eugenius a Rheno redux invisit, magna honoris significatione ab Electore exceptus. Ordinis S. Georgii Magnae Crucis Commendatores renuntiati Carolus Comes Königseckius, Felix Preisingius, Max. Seinsheimius.

Palatinus Elector, quamvis neutrum se declaraverat, ingentia ab utroque exercitu damna passus est.

Obiit Bi-  
pont.

Obiit *Christianus III Dux Bipontinus* & Birckenfeldensis. Reliquit duos filios, *Christianum IV*, qui successit, & *Fridericum*, adhuc impuberes, sub tutela Palatini Electoris. Provinciam vero administravit mater vidua ex Domo Nassovia.

In Saxonia supremus armorum Praefectus renunciatus Joannes Adolphus Dux *Weissenfelsius*.

Et Lud. Rud.  
Welferbyti.

3 Filiae.

Welferbyti obiit Dux regnans *Ludovicus Rudolphus*, 64 ætatis anno, Regiminis quarto; nam successit fratri 1713. Conjugem habuit Christinam, Alberti Ernesti I Principis Oetingani filiam. Ex ea genuit tres filias, 1 Elisabetham Christinam, Carolo VI Imperatori nuptam, postquam Catholicam fidem Bambergæ anno 1707 fuit professæ. 2 Carolinam, desponsam Alexio Principi hæreditario Russiæ. 3 Antoniam Ferdinando Alberto Duci Beverano collocatam.

Succedit ter-  
tia linea  
Beverana.

Quia autem nullum genuit filium, successit agnatus proximus, prædictus *Ferdinandus Albertus*, lineæ Beveranæ; factus repente dives. Sed post aliquot mensium Regimen pariter mortuus est. Successit igitur in Brunsvicensi, Welferbytano, & Beverano Ducatu *Carolus* filius, qui moderni Regis Borussiae sororem habet conjugem, ex qua hoc anno genuit Carolum Wilhelmum, hodierno ad Visurgim bello celebrem; cujus patruus est Princeps Ferdinandus, exercitus Anglo-Hannoverani supremus hodie Imperator.

Mechl.

Cum Carolus Leopoldus Dux Mechlenburgicus Cæsareis mandatis parere adhuc contumax detrectaret, Schwarzburgicæ copiæ, quibus executio fuerat demandata a Cæsare, Sverinum munitam urbem, ac sedem Ducis, expugnaverunt, Duce in Saxoniam primum, dein Wismariam profugiente. Dõmitium autem frustra obsidebatur.

Heching.

Ex Domo Hohenzollerana, *Hechingensis* lineæ, obiit *Fridericus Wilhelmus*, anno regiminis 64, æt. 72. Successit *Fridericus Ludovicus* filius, etiam in munere Imperiali supremi Equitum Magistri.

Siegen.

Ex Domo Principum Nassovio-Siegenium Catholica obierunt duo fratres, Franciscus Hugo in Hispania, & Emanuel Ignatius, Administrator Principatus pro fratre natu maximo, Hyacintho, ab administratione suspenso, qui solus ex Catholica hac Familia superest,

est, brevi illam finiturus. Cæsar autem novos Administratores constituit, Dillenburgeribus & Diezanis, prædæ jam inhiantibus, copias suas ex Siegeni ditione iussit abducere. Duo Principes hære-Nuptiæ. ditarii, Carolus *Fridericus Möskirchenfis*, & Joannes *Aloysius Spibbergenfis*, matrimonium hoc anno contraxerunt cum duabus sororibus, ex Ducali *Holsato-Wiesenburgensi* Familia.

Ex Catholica *Löwensteinia* Wertheimenfi Familia obiit Princeps Dominicus Marquardus caput Familiæ; eique successit ex 5 filiis Senior Carolus Thomas.

Ex Domo *Rechbergica* defunctus est Gaudentius, Colonienfis & Bavaricus Consiliarius Intimus, Præses consilii bellici, copiarum Bavaricarum supremus Præfectus, Gubernator Monachii, & Aulæ Marefchallus.

Lis annosa in Camera Imperiali fuit ventilata inter Domum *Löwensteiniam* & *Stolbergiam* ratione *Rocheforti* Comitatus in *Lu-Lis de Ro-* xemburgicis. Cum enim Ludovicus *Stolbergius* sine filiis obiit, *cheforto*. Comitatum illum reliquit filiæ Annæ, quæ Comiti *Löwensteinio* nupta, Comitatum illi in dotem attulit. Repetebant eundem *Stolbergii*, contra pacta familiæ, ut dicebant, in *Löwensteinios* alienatum. Tandem post 150 annos, quibus lis in Camera aut fervebat, aut frigeat, pro *Stolbergiis* lata est sententia.

*Löwensteinii* acquiescendum non putabant, sed tanquam graviter læsi petebant restitutionem in integrum adversus sententiam: Episcopus vero *Leodiensis*, se feudi Dominum gerens, causam ad Imperii Comitiam detulit, atque excipiens contra forum, sententiam ceu irritam accusavit; neque enim primam Instantiam ad Cameram, sed curiam suam feudalem pertinere. Hoc forum præteriri non potuisse, prout satis ex ordinatione Cameræ constat.

Petit igitur, ut executio sententiæ, contra suum jus clarum a Judice incompetente latæ, inhibeat, atque *Stolbergii* ad primam Instantiam remittantur; Judicium Camerale vero moneatur, ne deinceps terminos suæ Jurisdictionis transcendat.



## Art. XXX.

*Nuptiæ Mariæ Theresiæ. Præliminarium mutatio & executio.*  
*Stanislaus Dux Lotharingiæ. Lotharingus Dux Florentiæ.*  
*Accedit Imperium. Clausula Risvic. Obitus Eugenii Principis,*  
*& aliorum. Extincta Domus Wartenbergia,*  
*& Hanovia &c.*

53.  
 Nuptiæ Mariæ Theresiæ. Annus 1736 nihil majus habet aut magnificentius, quam nuptias Francisci Stephani Ducis Lotharingiæ cum Maria Theresia Augustissimi Imperatoris Caroli VI Filia, natu maxima, Benedictionem iis impertiente Passioneo Nuntio Apostolico. Et benedixit ex alto Deus Regali Thoro, in numerosam seriem Archiducum fecundo.

Tractatus Executivus. Cum variæ difficultates occurrerent circa executionem Præliminarium, initus est hoc anno *Tractatus Executivus*, qui figit tempus, quo exactio contributionum cessare debeat, & commutanda loca, utrinque cessa, evacuandæ urbes Philippoburgum, Kehla, Treviri, Mediolanum, procurandus egressus Russorum e Polonia. Mutatum etiam aliquid circa Præliminaria; nam actum de Stanislaobrevi in possessionem mittendo non tantum Ducatus Barrensis, sed etiam Lotharingici, cum annexis & allodialibus, Falckensteinio Comitatu excepto. Nec Stanislaus tamen, nec Rex subjectionem exigat, a quibus Dux Lotharingiæ illam non exegit, neque unio-  
 Mutatio ali- qua Præliminarium. num systema locum habeat: Lotharingiæ vero Duci Francisco Stephano omnia bona Ducatus Florentini, cujuscunque sint conditionis, procurentur.

Decretum commissorium de Prælim. In *Decreto commissorio*, quo Cæsar ad Status Imperii Ratisbonæ retulit de initis Præliminaribus pacis, memorat, se dudum conventionem cum Gallia initam fuisse communicaturum, ut communium consensu peragerentur, nisi necessitas secreti aliud exegisset; nunc autem peti, ut in Præliminaria consentiant, atque ad communem pacis tractatum concurrant, prout factum anno 1714, & 1722.

Imperii jura manere illa. Se non modo providisse, ut status in sancienda pace libero gaudeant suffragio, sed etiam ut Gallia ratione Lotharingiæ rebus Imperii nullatenus se immisceat, aut adversus Status sub prætextu Reunionum, aut Dependendarum jus ullum sibi arroget.

Ratione

Ratione Thuscæ, Parmæ, & Placentiæ multo melius esse consutum Imperio, majusque bonum accrevisse, quam ex amissa Lotharingia. Circa ea, quæ addita sunt Regi Sardinæ, jura Imperii manere illæsa. Quoad terras Langharum jam tempore Ferdinandi II, & Leopoldi Domui Sabaudicæ spem esse factam. Cum igitur Cæsar & Dux Lotharingiæ pro quiete & bono Imperii publico tam multa obtulerint, non dubitare se, quin Ordines Imperii sint accessuri.

Deliberatum dein in Comitibus, an accedendum Præliminariis, & an Imperatori plenum pacis consuecendi negotium, sicut factum in pace Rastadiensi, sit deferendum. Conclusum tandem, agendas Imperatori gratias; *acceptanda Præliminaria*: permittendum, ut Cæsar pro hac vice, cum Gallia plenum pacis tractatum ineat, sine præjudicio tamen suffragii liberi in pacificationibus, Imperium concernentibus, & ita, ut nullus Status, ratione cessæ Lotharingiæ, in juribus suis turbetur.

Comitia  
acceptant  
Prælimin.

Agunt etiam Comitibus Duci Lotharingiæ gratias pro cessis in bonum publicum provinciis, voluntque integrum ipsi relinqui suffragium in Congressibus Imperialibus & Circularibus propter *Nomercy*, & regiones reliquas immediatas in Imperio.

Antequam hoc conclusum Imperii fuerat conceptum, Protestantes iterum moverunt tricas contra memoratam sæpius *Clausulam Risvicensem*, ejusque abolitionem paci inferi petebant. Respondit Cæsar, statutum se verbo, &, uti hætenus, curaturum, ut omnia ad rectam Constitutionem Imperii disponantur.

Tricæ de  
Clausula  
Risvic.

Quia vero timebant, ne Gallia, quæ auctor erat illius clausulæ, abolitioni se esset oppositura, Angliam, Daniam, Sueciam, Hollandiam, quin & Russiam interpellarunt, ut Regem Christianissimum in vota sua flecterent; quod illi diligenter præstitere. Prodiit etiam Catalogus, quo 1323 urbes, oppida, pagi recenscebantur, atque 600 templa Protestantium, in quibus a tempore illius clausulæ simultaneum fuisset introductum. Summus Pontifex vero Clemens XII Moguntinum aliosque Principes Catholicos monuit, viderent, ut clausula illa salva maneat. Quid autem hortatio ista, & quid Protestantes suis postulationibus effecerint, dicetur ad annum sequentem.

Proposita etiam fuit in Comitibus querela de re *Monetaria*, adeo Res Monetaria corrupta, ut aliqui cudendo monetam, a justo pondere & valore intrinseco deficientem, usque ad 20 pro 100 lucrari, vel potius publicum defraudare audeant, cum magno commercii detrimento.

Quæ-



Quæsitum ja a 200 annis tanto malo remedium, sed necdum ex integro inventum, pluribus privatam potius utilitatem, quam bonum Reipublicæ spectantibus.

Obit Princeps Eugenius. Caesar hoc anno 23. Consiliarios Intimos actuales, & 158 Camerarios creavit. Amisit autem summum ea tempestate belli Imperatorem, *Principem Eugenium* Franciscum, rebus gloriose gestis toto orbe clarissimum Heroem, anno ætatis 73. Natus quippe est 1663 ex Eugenio Mauritio Comite Sueffionensi, cujus avus erat Carolus Emmanuel I Dux Sabaudia.

Victoria. Fuit Eugenius Generalis Locumtenens Imperatoris & Imperii, Præses Consilii bellici, Belgii Gubernator, Vicarius Italia. Victorias celeberrimas repartavit anno 1697 ad Zentam in Hungaria, 1704 ad Höchstadium in Germania, 1706 ad Taurinum in Italia, 1709 ad Bavacum in Belgio, 1716 & 17 in Pannonia. Cum autem cælibem vitam egisset, nullumque testamentum reliquisset, successit hæres ab intestato *Ludovica Victoria de Carignan*, Eugenii ex fratre neptis: Principi Hildburgshusio postea nupta, sed ab eo rursus separata. Supererat adhuc *Emmanuelis Thomæ* (Sueffionis Principis, Eugenii nepotis) *Vidua*, ex Domo *Lichtensteinia*, Mater Eugenii junioris (qui anno 1734 in apparatu nuptiarum obiit) quæ Collegium Sabaudicum, aut Lichtensteinium Viennæ fundavit.

Wartembergia Domus extincta. In Bavaria obiit Etallæ 18 ætatis anno *Maximilianus Emmanuel*, *Wartenbergicæ Familiae ultimus*. Descendit ea Domus ex Ferdinando, Wilhelmi V Bavarie Ducis fratre, justo quidem, impare tamen thoro. Bona relicta ad Electoralem Domum redierunt.

Obit Philippus Darmstad. Ex Domo Hasso - *Darmstadiensi* Viennæ obiit, in Catholica, quam assumpserat Religione, *Philippus*, Generalis Castrorum Præfectus, Gubernator olim Mantuæ. Filius ejus Josephus est Episcopus Augustanus, filia vero Theodora Duci Guastallæ nupta.

Extincta Familia Comit-Hanoviz. Succedunt Casell. prætensio Darmstad. Obiit Joannes Comes *Hanovia*, nulla relicta prole mascula; quare ex pacto unionis successit Domus *Hasso - Cassellana*, & quidem Wilhelmus, quia Fridericus Rex Sueciæ frater natu major in ejus favorem renuntiaverat: quia autem Princeps *Darmstadius* Ludovicus unicum filiam defuncti Comitum conjugem habuit, & plures ex ea liberos, partem amplissimi Comitatus prætendit, & nominatim Præfecturas Münzenbergam atque Bolenhusum, cum bonis mobilibus, causa ad Consilium Aulicum Viennam delata.

Eustadii obiit Episcopus Franciscus Ludovicus ex Comitibus Schenckii de Castell. Electus vero Joannes Antonius ex Baronum Freibergiorum Familia. Cæsar ad eam electionem ablegavit Comitem Coloredum.

### Art. XXXI.

*Bellum Turcicum propter Moscoviam. Responsum Cæsaris de clausula Rivoic. Aula Monacensis. Obit Alexander Dux Württembergiæ. Lis de proxima agnatorum tutela. Episcoporum & Abbatum obitus.*

Cum bellum *Russiam* inter & *Turciam* altero jam anno flagrasset, & Cæsar Conciliatoris Officia incaſſum adhibuiſſet, muneris ſui eſſe cenſebat, ex fœdere, quo decem jam annis *Rusiæ* erat conjunctus, bellum *Turcis* indicere, conſilio, ſi ex eventu ſit metiendum, non optimo.

*Cauſas belli* Principalis Cæsaris Commiſſarius Joſephus Princeps Fürſtenbergius per publicam Dictaturam Ratiſbonæ propoſuit anno 1737, *Ruſſiam* videlicet eſſe partem læſam. Omnem Cæsaris conatū animos conciliandi fuiſſe fruſtraneum. *Turcam* nec ſatiſfactio- nem de præterito, nec ſecuritatem de futuro voluiſſe præſtare. Aulam *Turcicam* ab aliquot jam annis in id laboraſſe, ut fœdus, Cæsarem inter & *Ruſſiam* anno 1726 percuſſum, diſſolveret. Si unitæ hæ vires, & bellum *Perſicum* non inhibuiſſent, Sultanum jam anno 1734 Paſſarovicenſem pacem fuiſſe fraſturum. *Niemerovenſem*, Muſſulmannis arcum nimis tendentibus, congreſſum eſſe fruſtratū. Imperatricem Ruſſorum fœderis fidem exigere.

Auxilia Cæsarea non poſſe in *Ruſſiam* transportari; alibi proin divertendum hoſtem potentiffimum, ne totum pondus *Moscovitis* fœderatis incumbat. Cum igitur contra juratum Chriſtiani nominis hoſtem regiones, quæ pro muro ſunt Romano Imperio, ſint defendendæ, conſidere Cæsarem, Ordines pro ſuo Divini honoris zelo, & amore Chriſtianitatis, ad hoc bellum liberaliter eſſe contributuros.

Diu in Comitibus deliberatum, tandem vero ſub finem anni 50 *Menſes Romani* ſunt promiſſi. Quamvis Proteſtantes non admodum lubentes conſenſerint, ægri animo propter reſponſum, quod eis *Menſes in Romani.*

Pars X.



in causa *Clausula Risivicensis* Cæsar Religiosissimus dederat ; nimirum :

Resp. Cæs.  
de clausula  
Risivic.

Requisitam fuisse Galliam , ut ea clausula revocaretur ; verum Galliam Ultrajecti eo adduci non potuisse , & necdum cogi posse , ut clausula , duobus solennibus pacis Instrumentis illata , eradatur. Cæsari igitur objici non posse , quod non obtineant Protestantes , quæ ipsis præstari non possint. Non peti a parte Catholica , ut , quæ in eorum favorem sunt statuta , abrogentur. Eandem rationem eorum , quæ Catholicis favent , esse patientur : nec negent aliis , quod sibi velint concedi. Pacis fœdus , cum Gallia initum , ad nullius offensam pertinere , sed ad totius Europæ quietem esse intentum. Atque hinc optari , ut ii Principes , qui eam ob clausalem Imperatorem tantopere interpellarunt , remotis impedimentis , pari zelo ad hunc finem obtinendum conferrent. Romani Imperii felicitatem & securitatem verti in membrorum concordia. Ad hanc conservandam aut instaurandam omnia callimare Cæsaris consilia.

Mansit igitur clausula ille salutaris integra ; nec sperare poterant Acatolici , in Definitivo pacis cum Gallia Tractatu aliud iri dispositum.

Conatus  
corrigen-  
di num-  
mariam.

Revocata ad *incudem causa Monetaria* , conclusumque in Comitibus Imperialibus , ut severe prohibeantur omnes nummorum sortes , quæ justo leviores , aut valore intrinseco sunt destitutæ , & reos Cæsar castiget. Secundum normam *Lipsiacam* , Thalerus duobus & Ducatus 4 florenis quoad pretium extrinsecum interim valeat , donec universalis rei nummarie ordinatio fiat. Ad hunc finem Ratisbonam , ut secundum valorem intrinsecum externum statuunt , accersiti Nummarie periti ; ex Austria , Bavaria , Suevia , Franconia , utraque Saxonia , Rhenanis provinciis , convenerunt quidem loco , sed non animis & sententiis ; unde ad rei summam nihil admodum actum.

Mareschall.  
Imp. Franc.  
Dux Loth.

Loco Alexandri Ducis Wûrtembergici defuncti eligendus erat *Generalis Imperii Mareschallus Catholicus*. Candidati erant quatuor , *Dux Lotharingæ* , gener Imperatoris , Princeps *Hobenzollernus* , *Ferdinandus Dux Bavariæ* , & Comes *de Marck*. Prælatus ob sua & Majorum in Imperium merita *Lotharingus*.

Mareschalli  
Cæsarei.

A Cæsare dicti *Generales Mareschalli* Ferdinandus Dux Bavariæ , Comes Philippus , & Andreas Comes Kevenhüllerus. Lichtensteinus Equitum Magister. Metschio Vice - Cancellarius Imperii subrogatus Rudolphus *Coloredus*. Ingelheimius Judex Camerae in Comitum Dignitatem evectus. Alexandri Wûrtembergici Defultorium legio

Coloredus  
Procancell.  
Imp.

Iegio collata Würtembergio Neostadiensî, pedestris Kolovrato : Wutgenavica Reizensteinio, Guidostarenbergica Halweilio : qui dein in infelici ad Banialuckam certamine occubuit.

Dominica Martinizia, quæ post sponsalia cum Windischgræzio matrimonium promissit Richecourtio, Lincium in Monasterium missa ad agendam pœnitentiam.

De bello Turcico, per *Seckendorffium* Lutheranum, exercitus Cæsarei Imperatorem, hoc anno 1737 haud satis ad votum gesto, de substituto alio belli Præfecto, in Hungaricis dabitur relatio.

Elector Baviaræ cum Ferdinando fratre piæ peregrinationem *Lauretum* instituit, ibique obtulit lampadem & calicem aureum : Aula *Monasterii* Oetingæ veteris vero Statuam argenteam, quæ Electoralem Principis, cipem repræsentabat.

Dictus Consilii Aulici Præses *Hennenbergius*, Pro-Præses *Herwartus* : Vice-Dominus Landishuti *Frauenhovius* : Max. *Freisingius* Moderator Principis Electoralis : *Santinius*, *Portia*, & *Valesius* Consilarii Intimi. Ordini S. Georgii adscripti Comites *Lodron*, *Max. Törringius*, *Truchsessius Waldburgicus* : *Max.* & *Jos. Fuggeri*, cum Baronibus *Jos. Dopor Moravizkio*, & *Franc. Gumpenbergio*.

Obierunt ex Domo *Seinsheimia* tres Comites, *Jos. Max. Camerarii*, & *Franc. Ant. Consiliarius Intimus*, Moderator Principis Electoralis, Præses Consilii Aulici, relicta unica filia. *Notbaffius* Consil. Intimus & Vice-Dominus Landishuti.

Ex Domo Palatina obiit *Alexander Sigismundus Episcopus Augustanae*. *Augustanae*. *flavus*, Electoris frater, 74 ætatis anno, Episcopatus 47. Nova electione non fuit opus ; nam illico successit anno ætatis 79 *Joannes Franciscus L. B. Schenck de Stauffenberg*, Episcopus Constantiensis, qui jam anno 1714 electus fuerat coadjutor, & ob infirmitatem *Alexandri* Episcopatum Augustanum aliquot jam annis magna cum potestate administraverat, Coadjutor simul & Coadjutus.

Post mortem *Alexandri* lis de Successione *Juliacensi* recrudivit. *Causa Juliacensis*. *Anglia* enim, *Hollandia*, *Brandeburgus*, aliique Protestantes metuebant, ne Dux *Solisbacensis* eventuale homagium, exemplo *Alexandri*, reciperet. *Angli* *Hollandique* institerunt, ut vivente adhuc Electore Palatino ea causa definiretur. Idem urgebant Saxo & *Brandeburgus*, quorum prætensiones *Part. VIII* attulimus.

Gallia vero cum Imperatore illis proposuit, optimum factu videri, *Solisbacensi provisionalem possessionem* spondere, donec hoc tam gravi de negotio amice conveniretur.



**Hanoviensis.** Ratione *Successionis Hanoviensis* lis enata est inter *Moguntinum* & *Wilhelmum Casselanum*. Ille quasdam ditiones privative petebat, hic condominium, atque a Camera mandatum *de non turbando* in compositione obtinuit. Dein vero, re examinata, Camera per sententiam Electori privativam possessionem addixit. Hassus vero ad Petitorium remissus, negotium ad Comititia detulit.

**Lites Statuum non pertinere ad Comititia.** At Caesar negavit, Judicium de *Controversiis Statuum* inter se ad Comititia pertinere; Conventum Ratisbonensem non esse Judicium feudale Imperii, sed hoc esse *Reservatum* Majestatis Cæsareæ, atque privatas Statuum inter se lites ad suprema Imperii tribunalia spectare.

**Obit Episc. Basil.** Obiit Joannes *Conradus Reinachius*, ab anno 1705 Episcopus Basileensis, electusque Ariesheimii ex eadem Baronum Familia *Jacobus Sigismundus* Præpositus, juri suo jam quæsito renuntiante Joanne Bapt. illius cognato, qui Coadjutor electus fuerat.

**Lis Fuldenfis in causa retrovenditionis,** Obiit quoque Adolphus *Dalbergius Princeps Fuldenfis*. Successit Amandus *Busseckius* Baro, qui fuerat Decanus. Adolphus gravem litem intentaverat Saxoniae Ducibus *Meinungenfi* & *Eisenacensi*, propter Præfecturas, *Salzungensem* & *Lichtenbergensem*, quas Abbas Fuldenfis anno 1366 vendiderat, sed adjecto pacto *retrovenditionis*. Volebat igitur Dalbergius oblato pretio illas redimere.

At Duces exceptionem præscriptionis 400 prope annorum opponebant. Fuldam equidem anno 1625 recurrisse ad Cæsarem Ferdinandum II, atque Rescriptum in favorem suum impetrasse: verum dein rursus per 100 annos tacuisse, donec an. 1724 rursus pro se Rescriptum obtineret. Porro hanc causam non summarie tractandam, sed coram judicio *Austregali* processu ordinario terminandam esse. Negari sibi nec posse nec debere beneficium, omnibus Statibus concessum.

**Necesse decisa.** Cum igitur querelam ad Comititia detulissent, Imperator per Con-Commissarium significavit, gratum sibi fore, si causa per arbitros Compromissarios finiretur. Habitus tum quidem in Comitatu Hennebergico congressus, sed ne quidem de eligendis arbitris & formula Compromissi conveniri poterat.

Fatalis fane hic annus Principibus fuit Abbatibus; nam præter *Fuldensem*, etiam *Corbeyensem* & *Stablo-Malmediensem* sustulit.

Comendatione Saxoniae Electoris, *Brüblensis*, & *Sulkovskia* Familia Dignitate Comitum S. R. I. a Cæsare auctæ. Hubertus Florianus Baro *Wessenbergius*, ad aulam Saxonicam vocatus, Consiliarius Intimus, & Moderator Principis Xaverii fuit renuntiatus. Lutherana

na Aulæ capella in cubile verſa. 8000 Saxonum Ductore Sul-8000 Saxo-  
kowskio Cæſari in Hungariam adverſus Turcas miſſa. nes in Hun-  
gariam.

Elector Hannoveranus in nova Academia Göttingenſi primum  
Reſtoratum Magnificum ſolenni cum pompa acceptare dignatus eſt.  
Antonius Ulricus, Ducis Brunſvicenſis frater ad ſummas militares  
Dignitates in Ruſſia fuit evectus.

Ludovico-Burgi obiit Carolus Alexander Dux Wirtembergiæ, anno Obiit Alex.  
ætatis 54, Regiminis 4, non ſine ſuſpicionem veneni: Princeps magno Dux Wür-  
animo & virtute militari præſtans, Cæſareus & Imperialis Mareſchal-  
lus, qui plura in favorem Catholicæ Religionis ordinaturus time-  
batur, & ſperabatur.

Vidua reliquit Mariam Auguſtam, Anſelmi Franciſci Principis Uxor & li-  
de Taxis filiam, atque ex ea tres filios, Carolum Eugenium, moder-beri.  
num Ducem regnantem, Ludovicum Eugenium, & Fridericum Euge-  
nium, hodieſum florentes: atque filiam Auguſtam Eliſabetham,  
Carolo Anſelmo Principi de Taxis nuptam.

Cum autem hi Principes adhuc eſſent impuberes, Alexander  
teſtamento tutricem illis dedit Matrem, ſimulque adminiſtrationem pro-Mater tutrix  
vinciæ, addito in conſortium Episcopo Bambergensi. ex teſtām.

At vero Carolus Rudolphus, Neofladienſis lineæ, profeſſionis  
Lutheranæ, tanquam proximus agnatus, impugnato teſtamento, tu-  
telam & adminiſtrationem ſibi vendicavit, receptoque a Statibus ho-  
magio, poſſeſſionem adiit. Lis de pro-  
xima agna-  
torum tutela.

Delata fuit propterea ad Aulam Cæſaream querela. Sed cum  
cauſa delicata ibidem hæreret, tranſactum fuit ea lege, ut Rudol-  
phus Adminiſtrationem Ducatus obtineret ſolus, Mater vero ſola pu-  
pillorum tutelam gereret, aſſumpto tamen ultro in tutorem hono-  
rarium Rege Poloniæ, excluſo Bambergensi, qui contra tranſa-  
ctionem iſtam, teſtamento contrariam, eſt proteſtatus. Additum  
fuit tranſactioni, ſi Rudolphum mori contingeret, adminiſtrationem  
ad Ducem Oeſenſem ex tertia linea devolvendam fore. Aſſignati  
annuatim matri pro dotalitio 20000 floreni, pro tutela 16000, to-  
tidemque fere Adminiſtratori.

Auguſtus Marchio Badenſis Ludovici regnantis frater, magno  
cum iuſtu amiſit filium Ludovicum, ſpem Catholicæ Familiæ, in  
duobus duntaxat capitibus ſuperſtitis.

Leopoldus Megapolitanus & hoc anno Wiſmaria, urbe Suecica,  
ſubſtitit. Homines autem, qui ejus contumaciam fovere crede-  
bantur, conſentiente Sueciæ Rege, a latere ejus avulſi, in cuſtodi-  
am ducti ſunt, prohibitumque ſevere omne ſubditorum cum Duce  
commercium.



Natus Prin-  
ceps de  
Taxis.

*Alexandro Ferdinando S. R. I. Principi de Taxis natus est filius, Franciscus Alexander. Amisit vero fratrem Christianum Adamum, Tribunum Cæsareum, in Hungaria mortuum.*

Obit Guido Teutonici Ordinis Eques & Commendator in Austria, Consil. In-  
Stahrenberg- timus, Marefchallus, Gubernator Sclavoniæ. In bello Hispanico, tum in Italia; tum in Hispania summus Cæsarei exercitus Imperator, grandes res gessit, inter summos Heroes numerandus, Magni Eugenii æmulus.

### Art. XXXII.

*Seckendorffius ob rem male in Hungaria gestam missus in custodiam. Bavariæ funera. Nuptiæ Regis utriusque Siciliæ.*

*Administratio Württembergica. Judæi Suis supplicium.*

*Obitus Durlacensis. Causa Salmensis.*

55.

Anno 1738 *Definitious* inter Cæsarem, Imperium, & Galliam *Tractatus* tandem confectus est; sed quia anno sequenti primum per ratihabitionem capitum robur suum accepit, illius relationem differimus.

Generales Marefchalli a Cæsare renuntiati sunt, Carolus Princeps Lotharingiæ, Fridericus Princeps Waldeccius, Augustus Princeps Saxo-Gothanus. Knorrius Consil. Aulicus duxit Bartensteiniam. Obit Hamiltonus, Consil. Intimus, Magister Equitum, Gubernator Temesvariensis. *Passioneus* per plures annos Viennæ Nuntius Apostolicus, locum reliquit *Paoluccio*, Dresda illuc translato.

Seckendorff  
in custodia.

Urbes, quas Sylvestres vocant, Rhenosfelda, Seckinga, Laufenburgum, Waldshutum, Helvetis pignori assignabantur pro sex-  
qui - millione, ad bellum Turcicum suppeditata. Comes *Seckendorffius*, infelix prius in Hungaria belli Imperator, a Viennensi custodia in Græcensem abductus est; ut a violentia populi esset securior. Causa interea illius fuit examinata.

Bavariæ fu-  
nera.

*Bavaria* duo funera magno cum luctu extulit; imprimis *Maximilian* Francisci, 28 æt. anno variolis extincti; Principis summæ spei, quem tota Bavaria deploravit. Secutus est post aliquot menses filium Pater *Ferdinandus* Maria, Electoris Frater, Princeps æterna dignus memoria, relicto filio unico, *Clemente Francisco*, quem hodie-

hodie dum superstitem veneramur. Elector 6400 milites Cæsari in Hungariam submisit.

Elector Palatinus accepit conclusum Imperatoris, Franciæ, Angliæ, & Hollandiæ, ut Princeps Solisbacensis, moriente etiam Electore, in Ducatus Juliacensis & Montensis quietâ possessione maneat, sésio. donec causa Hagæ esset discussa.

Saxonia celebrius nihil habuit, quam desponsationem Mariæ Amaliæ cum Carolo, utriusque Siciliæ Rege. Dux vero Josephus Saxe-Nuptiæ Rexo-Hildburgshufius duxit Ludovicam Victoriâ, divitem Principis ur. Sileciæ. Eugénii neptem & hæredem.

Würtembergici Ducatus Administrationem Rudolphus Dux Rud. Würt. Neostadiensis transtulit in agnatum suum Ducem Oelsensem, qui administrat. ad hunc finem ex Silesia venit Stuttgardiam. transfert in Oelsensem.

Furca suspensus est famosus per Germaniam Judæus, Joseph Süss Oppenheimer, repetundarum reus, ob defraudationem, ut insimulabatur, ærarii publici.

Obiit Carolus Wilhelmus Marchio Durlacensis, 59 ætat. anno, Cæsareus Mareschallus, cui successit Carolus Fridericus, ex filio Obiit Durlac. præmortuo nepos; quia autem pupillari adhuc erat ætate, testamento datus est ei tutor & administrator Carolus Augustus agnatus.

In judicio Aulico agitata est controversia Salmensis. Quippe Princeps testamento hæredem scripsit Leopoldum Agnatum, præteritis aliis, eodem gradu ipsi conjunctis; qui proin querelam deferebant, in partem admitti petentes. Causa hoc anno necdum finem accepit.

Obiit quoque Viennæ Carolus Antonius Comes Oettinganus in Wallerstein, æt. 59. Successit filius Joannes Carolus Fridericus.

## Art. XXXIII.

### Tractatus Definitivus Pacis Viennensis.

Continet is 20 Articulos.

1. Statuitur pax & amicitia inter Cæsarem, Imperium & Regem Franciæ.
2. Omnes subditi & captivi restituantur in integrum.
3. Pax Westph. Neomag. Ratisvicensis, Badensis, & Fœdus quadruplum sint fundamentum hujus tractatus.

4. Prout



4. Prout etiam Præliminaria anni 1735, Tractatus Executivus 1736, cum conventionione de cessione *Barri & Lotharingiæ*. Causa autem *Gueſtallæ* futuræ transactioni reservatur.

5. Cæſar iterum promittit, ſe nunquam incorporationem *Caſtri & Roncilionis* tentaturum.

6. Continentur Acta abdicationis *Stanislai*, reservato ſolo titulo *Regis Poloniæ*. item Acta, quibus *Gallia & Ruſſia Auguſtum* agnoſcunt *Regem Poloniæ*.

7. Exhibentur Declarationes & Diplomata, quibus Cæſar *Neapolin & Siciliam* in *Carolum Principem* transfert: hic vero & *Hiſpanus Parmam & Placentiam* in Cæſarem, & eventualem ſucceſſionem *Florentinam* in Ducem *Lotharingiæ*.

8. Documenta, quibus Cæſar *Sardinia* tradit *Tortonam & Novaram*, cum *Langharum* feudis: quibuſque *Sardus* accedit *Præliminariis*.

9. Mutua ſponſio pro *Lotharingia & Tuſcia*.

10. *Gallia ſpondet* Cæſari pro *Sanctione Pragmatica*, quæ eſſet medium æquilibrii, in Europa conſervandi.

Reliqui articuli tractant de reſtituenda Domo *Würtembergica*, in certas Præfecturas, ſitas in territorio Gallico, quæ ante ad *lineam Mümpelgardenſem* pertinerant; *Gallia* autem *Comiti de Sponeck* attribuere voluerat, aut *Esperanciis liberis*, *Eberhardi*, ultimi poſſeſſoris, illegitimis liberis.

Item de finibus *Alſatiæ & Belgii* determinandis. De debitis *Camere Enſhemianæ* liquidandis, prout dudum fieri oportuerat juxta Art. 84. P. W. de finibus *Lotharingiæ* regundis. De commerciis. De bonis in *Lotharingia* Ordini *Teutonico* referendis. De incluſis huic tractatui Statibus Imperii, & nominatim *Episcopo Baſileenſi*.

Hanc conventionem ab anno 1735 elaborarunt *Comites*, *Philippus Sinzendorffius*, *Gundacarus Stahrenbergius*, *Raymundus Harrachius*, *Adolphus Metſchius*, cum *Marchione Mirapinio* (ſeu *Mirepoix*) Gallo.

Anno 1739 hujus tractatus acceſſit confirmatio; prout etiam ſinis belli *Turcici*, minus feliciter geſti; uti in *Hungaricis* refertur. *Mareſchallos* Cæſar renuntiavit *Weiffenſelfium*, *Hildburgſhuſum*, *Hohenzolleranum*, *Lobkovitzium*.

Obit *Darmſt.* *Erneſtus Darmſtadienſis* anno æt. 72, *Regiminis* 60, ſucceſſit *Ludovicus* filius, cum quo *Caſtelle* ſis continuavit litem de ſucceſſione *Hanovica*, reſcuſum ad *Comitia* ſibi licitum propugnans.

Obit

Obiit quoque *Carolus Fridericus Dux Holsatæ-Gottorpiensis*, natus 1700. Conjugem duxit *Annam*, Petri I Moscorum Imperatoris filiam; atque ex ea genuit *Carolus Petrum Ulricum* 1728, futurum *Gottorpiensis*, Imperatorem *Russiæ*. Ex ordine proximæ agnatorum tutelæ provinciam pro isto administravit *Adolphus Fridericus*, hodiernus *Rex Succiæ*. *Carolus Fridericus*, quod ex *Magdalena Bipontina* descenderet, in partem successionis *Juliacensis* & *Clivenfis* venire volebat.

Lites, inter *Gottorpiensem*, *Danum*, & *Hannoveranum* propter *Steinhorstium* exortæ, in transactionem tandem desierunt, manente in possessione *Hannoverano*, & pecunia illam redimente.

Obiit *Bruxellis* *Anselmus Franciscus Princeps de Taxis*, Eques *Aurei Velleris*, supremus *Postarum Præfectus*, anno æt. 60, successit *Alexander Ferdinandus* filius, qui hoc anno conjugem quoque suam, *Sophiam Baruthanam*, 1733 ad *Catholicam Religionem* conversam, amisit.

Eandem æternitatis viam adiit *Christianus Princeps Dillenburgeris*, cumque nullos reliquisset liberos, *Principatus Dillenburgeris*, & *Comitatus Hadamarensis*, cum civitate *Herborna* ad agnatum proximum ex linea *Diezensi*, *Principem Auriacum*, translati sunt.

#### Art. XXXIV.

*Obitus Caroli VI. Caesaris. Borussi in Silesiam irruptio.*

*Præfensio Electoris Bavarici. Vicariatus Imperii simultaneus. Causa Heristallensis. Obitus Schenckii*

*Episcopi Constant. & August. in celebritate*

*Jubilæi Möskirchensis.*

Dies 20 Oct. 1740 toti *Europæ* luctum indixit, dum *Carolus VI Romanorum Imperator* sustulit, anno ætatis 56. *Imperii* 29. Princeps fuit magnanimus & more *Austriaco* pius, primis Imperii sui annis potentissimus & invictus, sequentibus dein annis felix minus, in *Italia* & *Hungaria* multa passus, semper tamen magno animo, & utriusque fortunæ Dominus.

Nihil autem inter res magnas gestas ita sollicitum habuit, atque *Sanctio sua Pragmatica*; pervicique, ut illa a plerisque *Europæ* Statibus non modo acceptaretur, sed insuper pro eadem sponderetur.



Secundum hanc Sanctionem ex asse hæres erat *Maria Theresia*, filia defuncti primogenita. Sed plures amplissimam hereditatem aut petebant integram, aut in partem venire volebant. Superfedeo, varia Documenta, Instrumenta, Testamenta, Codicillos, Manifesta, recensere, recentiora illa sunt & notiora, quam ut hic produci debeant, & fortasse magis odiosa, quam ut expediat.

Arma primus corripuit *Rex Borussiae*, atque Silesiam invasit. Tota dein prope Europa in partes distracta, gestumque bellum in Bohemia, Austria, Bavaria, Italia, Belgio.

Cum de novo eligendo Imperatore tractaretur, multa erat contentio de *Voto Bohemico*, quod pro ea vice quiescere volebant alii, alii jura Bullæ Aureæ & exempla voti, per maritos exerciti, opponebant.

*Carolus Albertus Elector Bavarie* successionem in terris Austriacis prætendit, se referens ad testamentum & præcipue Codicillum *Ferdinandi I* Imperatoris. Quæ autem per *Comitem Peroufa*, *Bavarie Legatum*, *Viennæ circa collationem exemplarium*, & alias acta sint, abunde sunt notoria.

Interea autem, dum vacaret Imperium, *Vicarii* regebant more veteri, *Saxo* & *Palatinus*, quibus tamen alienatio & collatio feudorum majorum est interdicta. *Bavarus* autem & *Palatinus communi Consilio* Vicariatum administrabant, prout inter utramque Domum, aut potius unius Domus utramque lineam, alias etiam communes rationes habentem, fuerat conventum, non tamen sine murmure quorundam *Ratisbonensium Legatorum*.

*Administrator Württembergicus* urget traditionem novem ditionum, ad Ducatum *Mümpelgardensem*, prout dicebat, pertinentium, quas, cum *Sponeckiani* & *Esperancii Eberhardi* liberi, negantes, se in systemate Protestantium illegitimos, prætenderent, *Rex Gallie* sequestro subjecerat, atque cum in *Burgundico territorio* essent sitæ, ad tribunalia sua vocabat, dans optionem *Administratori*, an coram *Consilio Regis Aulico*, an vero coram *Parlamento Parisiensi* causam velit agere; neque enim, quæ in *Tractu Definitivo* de controversis his locis essent acta, aliter esse intelligenda, ac salvo jure tertii.

*Fridericus Princeps hereditarius Hassio-Cassellanus* ducit *Mariam*, *Georgii II Angliæ Regis* filiam. Hic, in Germanicas suas provincias advectus, conciliatione sua componit litem, non armis minus quam calamis inter *Moguntinum* & *Cassellanum* agitatam in puncto juris ligandi, quod *Hanovienses* prætendebant.

Frideri-

Fridericus novus Rex Borussia, cum ab *Herstallo* homagium ei negaretur, armata manu ditionem Leodiensem invasit. Epi- Causa Her-  
scopus Leodiensis, Dominus directus *Herstalli*, contra hanc vim, stallana.  
a Vasallo sibi illatam, Ratisbonæ conquestus, tandem, ut talem vicinum arceret, porrectis Regi 150000 Thaleris, dominium utile cum directo consolidavit.

Dum Frobenius Princeps Fürstenbergius Möskirchii duplex Jubilæum solenniter celebrat, matrimonii nempe sui, & Regiminis, aderat *Joannes Franciscus Baro Schenck de Stauffenberg*, Episcopus *Constantiensis* Obiit Episc. ab anno 1704, & Augustanus ab anno 1737, qui ibidem subita Const. & morte fuit oppressus, ætatis 83. A capitulo Constantiensi regnante August. ductus in custodiam *Weinbachius* novator, primæ admissionis Minister. *Christophorus*, frater Religiosus, ædilis, in aula potens, jam ante aufugerat.

Constantiæ successit *Damianus Hugo*, Comes *Schönbornius*, Cardinalis, & Episcopus *Spirensis*, jam anno 1722 electus Coadjutor. Successores. Augustanus vero Episcopus electus est *Josephus* Princeps *Hasso-Darmstadiensis*, Landgravii *Philippi*, Cæsarei *Mareschalli* & *Mantua* olim Gubernatoris, filius.

### Art. XXXV.

*Lis de Voto Bohemico, cessare jussu. Prætensio Bavariæ, Saxoniae, Hispaniæ, Sardiniae, Borussia, in provincias Austriacas. Responiones Austria.*

Toto adhuc anno 1741 vacavit Imperium, Vicariis Augustæ & Dresdæ exercentibus Jurisdictionem. Legati Electorales *Francfordiæ*, Principes Protestantes *Offenbachii* ad Dietam per legatos conveniebant, de iis, quæ Electoribus ratione futuræ Capitulationis Cæsareæ essent proponenda, consulturi. De Voto Bohemico, pro hac vice cessare jussu, multa contentio. *Brandavius*, Legatus *Francisci Stephani Magni Ducis Florentiæ*, cui, in *Con-* Regentem assumpto, Votum Bohemicum commiserat conjux *Maria Theresia*, Regina *Hungariæ*, &c. a conventu exclusus, tum quod negarent, suffragium Electorale familiæ posse competere, tum quod eandem *Bohemiæ* heredem differerentur, aut dubitarent.

57.

De Voto  
Boh cessare  
jussu conten-  
tio.



Bavarie  
prætenſio.

Nam 1. *Bavaria* ad pacta dotalia, Testamentum, & Codicillum se referebat, quo Ferdinandus I per substitutionem, post extinctam masculam suam stirpem, Annam filiam suam, Alberto V Bavarie Duci nuptam ejusque posteros ad hæreditatem vocasset. Renuntiationem vero anno 1722 tantum respectu conjugis suæ esse factam, non autem jura antiqua Domus Boicæ fuisse abdicata. Eadem mente Sanctionem Pragmaticam 1726 fuisse acceptatam; nempe, in quantum conjugem concerneret. Primos Marchiones Austriæ usque ad Henricum *Jasemergott*, primum Ducem, atque ab eo usque ad Fridericum Bellicosum fuisse ex gente Boica, ex Arnulpho Malo ejusque filio Eberhardo descendentes: ac proin Friderico Bellicoso mortuo successionem ad alteram Bojarie Ducum lineam, per Arnulphum, alterum Arnulphi Mali filium, propagatam, pertinuisse, ac privilegium successionis fœminæ, a Frid. I Jasemergotto concessum, nullatenus Familie Habsburgicæ sed Boicæ Austriacæ fuisse concessum. An. 1156 Conradinum, cum in Italiam expeditionem susceperet, omnia sua in Suevia Ludovico Severo tutori & avunculo suo donasse in casum, quo improlis obiret, &c.

Saxonie  
prætenſio.

2. *Saxonia* Elector duplici titulo jus succedendi in universam hæreditatem prætendit, ratione *sui* videlicet, & ratione *Conjugis*. Ratione sui quidem, quod linea recta descenderet ex *Constantia* Sorore *Friderici Bellicosi*, ultimi Ducis Austriæ ex familia Bambergenſi, anno 1246 sine liberis mortui. Ratione Conjugis vero, quod Imperator Leopoldus anno 1703 eum in Domo sua successionis ordinem statuisſet, ut, si filii sui Josephus & Carolus sine masculis obirent, eorum filie secundum ordinem *primogenituræ* succederent. Nec obſtare renuntiationem suæ Conjugis, anno 1719 factam, utpote profectam ex ignorantia sui juris, & dispositionis Leopoldinæ. Sed neque acceptationem Sanctionis Pragmaticæ obſtare ſucceſſioni Saxonicæ, ut quæ non aliter poſſit intelligi, niſi ſalvo jure cujuſcunque tertii, & cujus Sanctionis nunc nemo rationem haberet, neque Carolum VI diſpoſitionem ſui Parentis potuiſſe evertere.

Regis Hiſp.  
prætenſio.

3. *Rex Hiſpaniæ* Philippus V pariter totam hæreditatem prætendit, jus ſuum deducens ex Anna, *Maximiliani II Imperatoris filia*, *Philippo II Hiſpaniarum Regi nupta*, ex qua ipſe descenderet. Carolus V autem Cæſarem, Germanicas Domus Austriacæ provincias, Austriam, Stiriam, Tyrolin, Alſatiam, Briſgoviam, fratri ſuo Ferdinando ceſſiſſe quidem, ſed ſub ea conditione, ut, ſi  
ma-

mascula ejus progenies deficeret, Hispanica linea succederet. Cum igitur in Carolo VI hæc defecerit, succedere Hispanicam, cujus ipse sit caput, ex Anna descendens, & Caroli II hæres.

Eandem esse rationem Hungariæ & Bohemiæ, quarum Maximilianus II, ex matre hæres, jus succedendi filiæ suæ Annæ (jam memoratæ) reservavit in casum, quo Masculina series Teutonica deficeret. Idemque a Ferdinando II anno 1617 Pragæ fuisse confirmatum. His autem juribus, dudum quæstis, Carolum VI per Sanctionem suam Pragmaticam non potuisse præjudicare. Hæc Montichius legatus Hispaniæ per aulas Germanicas late dispersit.

4. Rex Sardinia non totam quidem hæreditatem, Ducatum ta-<sup>Regis Sard.</sup>men Mediolanensem prætendit, ex ea ratione, quod Carolus V <sup>Prætenſio.</sup>anno 1549 successionem in eo ita ordinavit, ut deficiente propagine mascula Philippi II filii, succedant filiæ, earumque masculi secundum ordinem primogenituræ. *Primogenitam autem Philippi II fuisse Catharinam, Carolo Emmanueli Duci Sabaudia nuptam, ex qua ipse descendat*, ac proin sit hæres legitimus. Domui Sabaudicæ jam eo tempore, quo Carolus II Rex Hispaniæ decessit, jus competitse, multo magis nunc, tota masculina Domus Austriacæ stirpe extincta.

5. Rex Borussia prætendit successionem in quatuor Silesia Ducatus, <sup>Regis Boruf.</sup>Lignician, Briegam, Woblaviam, & Jägerndorffum. Et quidem jus in <sup>Sia præten-</sup>prioribus tres Ducatus fundavit in pacto Confraternitatis, anno 1537 <sup>fio.</sup>inito inter Joachimum II, Electorem Brandenburgicum, & Fridericum II, trium illorum Ducatum possessorem, vi cujus mutua sit statuta successio, sub nexu tamen antiquo feudali cum Regno Bohemiæ: qui nexus nullatenus impediatur Confraternitatem, atque hoc pacto eventualem alienationem, cum Bogislaus III, anno 1329 suos Principatus Joanni Luxenburgico, Regi Bohemiæ, subjecerit quidem, jure clientelari a se possidendos, reservato tamen jure eos alienandi, ac proin pactum illud Confraternitatis fuisse omnino validum, quin illius confirmatio esset necessaria.

Jägerndorffum anno 1524 a Georgio Marchione Brandenburgico fuisse emptum; ab ejus vero filio, cum anno 1603 improlis obiret, Joachimo Friderico Electori fuisse legatum: ab hoc vero juniore filio suo Joanni Georgio relictum; quem dein, partes Friderici V in turbis Bohemicis sequentem, Ferdinandus II anno 1623 proscriptum Ducatu spoliavit. Jure igitur postliminii illum cum fructibus perceptis & percipiendis reposci.



*Responsiones Austriacorum.*

His omnibus responderunt Austriaci.

*Contra Bay.* Ad I. Annam, Alberto V Bavariae Duci nuptam, in eum summmodo casum fuisse substitutam, quo ex tribus Ferdinandi I filiis nullus superesset *hæres*, legitimo matrimonio natus. Atqui plures adhuc superesset tales *hæredes*, & inter eos *Mariam Theresiam*, Caroli VI ultimi possessoris filiam primogenitam, cui vi privilegii, a Friderico I concessi, vi Sanctionis Pragmaticæ, anno 1726 ab Electore acceptatæ, vi denique rationis & ordinis naturalis, jurisque Divini & humani, paterna hæreditas competat.

Neque ab antiquis temporibus jus aliquod derivari posse, cum antiqui Marchiones & Duces Austriæ non fuerint *stirpis Boicæ*, ab *Arnulpho Malo* descendentes, sed stirpis *Bambergensis* sive *Babebergen-sis*; ex qua familia Albertus I *Elisabetham* duxisset, omnium Archiducum matrem. Privilegium successionis fœminæ a Frid. I Imperatore fuisse concessum Henrico *Jasemergott* ejusque in eodum *Ducatu* successoribus, nec non terræ *Austria*. Idem privilegium confirmatum fuisse a Rudolpho Habsburgico, cum consensu Electorum; etiam Ludovici Severi, Bavariae Ducis & Electoris Palatini: & postea ab Alberto I, Henrico VII, Carolo IV, Wenceslao, Sigismundo, Friderico III, Carolo V, & ipso etiam Ludovico Bavaro Imperatore.

Quantum ad Hungariam, Ferdinandum I ne quidem potuisset de successione libere disponere. Patere ex juramento, quod Reges præstare sint soliti, eos non habuisse manus liberas. Primum an. 1687 ab Hungaris Leopoldo, ob res adversus Turcas præclare gestas, successionem masculinam fuisse firmatam, & anno 1723 ad fœminas secundum normam Sanctionis Pragmaticæ extensam. Posteriori testamento Ferdinandum I, cum ex Maximiliano filio jam nepotes haberet, de successione filiarum nullam factam mentionem, nisi quod singulis centum florenorum millia assignaret pro dote. Denique Sanctionem Pragmaticam ab ipso etiam Electore anno 1722, & 1728 absolute fuisse acceptatam &c. Hæc aliaque *Bartensteinus* Secretarius attulit; amplior autem deductio *Knorrio* fuit de-mandata.

*Contra Sax.* Ad 2. *Fridericum Bellicosum* habuisse fratrem seniore *Henricum*, ex quo descendat *Elisabetha*, Alberto I Imperatori nupta, ac mater omnium Archiducum. *Constantiam* autem, Marchioni Mißnensi nuptam, fuisse ejusdem Friderici Bellicosi sororem natu minorem; merito

merito autem præponi progeniem fratris natu majoris propagini fororis, & quidem natu minoris. Dein a Rudolpho Habsburgico post devictum Ottocarum, Austriæ incubantem, Albertum filium Austriæ feudo fuisse investitum, consentientibus Electoribus, ob magna in Imperium merita.

Josephi Imperatoris filiam natu majorem, Saxonie Electoris conjugem, utique successuram fuisse, si Josephus supervixisset Carolo, quæ mens fuerit Leopoldi Cæsaris, non vero, dum Carolus supervixerit. Tunc enim prolem succedere patri præ nepte ex fratre. Denique Josephinas Archiduces renuntiasse secundum normam Sanctionis Pragmaticæ, a toto Imperio & plerisque Europæ Statibus approbatæ.

Ad 3. Responderunt Austriaci, secundum privilegia, a Fridrico I, & II anno 1156, & 1245 concessa, & ab aliis Imperatoribus confirmata, filiam Archiducis *ultimi possessoris* succedere. Regem Hispaniæ hunc succedendi ordinem anno 1725 in pace Viennensi art. 12 cum sponcione approbasse, & an. 1731 denuo confirmasse. Hoc ipsum privilegium etiam a Carolo V Imperatore & Rege Hispaniæ fuisse confirmatum. Contra Hisp.

Carolus V, cum provincias Germanicas Ferdinando fratri cederet, eam solam adjecisse conditionem, ut, si stirps Germanica mascula extingueretur, succederet Hispana mascula; hanc autem in Carolo II defecisse. Regem Philippum non per masculam sed fœmineam duntaxat propaginem a Carolo V, & Austriacis descendere: fœminis autem Hispanis nullum esse jus quæsitum in terras Germanicas. Annam quidem, Philippi II Conjugem, sibi jus reservasse, sed tantum in eum casum, quo masculina & fœminina in Germania series deficeret. Philippum quoque III in contractu domesticito, anno 1617 Pragæ cum Ferdinando II inito, pro *solis masculis* suis jus successionis sibi reservasse in terris, a Carolo V cæssis, si mascula Ferdinandi I linea deficeret.

Adversus Regem Sardinie Austriaci nullam Deductionem protulerunt, sed potius eum, ab Hispanis, Mediolanum prætentibus, irritatum, lucrari, & in partes suas trahere conabantur. Hoc certum putabant, quod Sanctioni Pragmaticæ subscripserit, sicque juri suo renuntiavit. Cont. Sard.

Ad Argumenta denique Regis Borussie responsum fuit a *Kanengieffero* Consiliario: *Boleslaum* Ducem anno 1329, & 1331 Lignicum & Briegam tanquam *hereditaria feuda* Regno Bohemiæ subjecisse, jure clientelari deinceps a se & masculis suis hæredibus possidenda; Cont. Boruss.



denda, cum expressa declaratione, etiam a filiis Boleslai approbata, ut, si mascula ejus stirps deficeret, Principatus isti Regi Bohemiae ejusque haeredibus & successoribus aperirentur, atque cum corona Bohemiae consolidarentur, cum ea tamen reservatione, ut pro casu necessitatis unam vel alteram urbem aut arcem Regi, vel si is nollet emere, alteri vendere liceat. Potestatem proin aliquid ex iis feudis alienandi ad casum necessitatis esse restrictam.

Equidem a Rege Uladislao anno 1511 Duci Lignicensi *Friderico II* factam potestatem libere testandi; idque a Rege Ludovico 1522, & 24 fuisse confirmatum; sed eas litteras sub & obreptitie fuisse impetratas, ex falsa allegatione, quod Duces vi primae infeudationis potestatem liberam alienandi habeant, & reticentia consolidationis in casum deficientis stirpis masculae, Regi Joanni & coronae additae, & juramenti Regi, accrescentia ejusmodi bona sine consensu Bohemiae Statuum non alienandi.

Igitur *Fridericum II*, qui Lignicium, Briegam, & Wohlaviam possidebat, non potuisse in praedictum Regis & Regni Bohemiae disponere, & cum *Joachino II*, Electore Brandenburgico, pactum haereditarium Confraternitatis inire: sed Status regni jure a Ferdinando I Rege petiisse, ut illam declaret irritam. Quod & factum anno 1546, postquam partes legitime citatae, litem contestatae, eorumque probationes ultro citroque audita & expensae fuissent, protestante licet Electore contra sententiam, nullitatis declarationem.

Duces tamen acceptasse sententiam, & anno 1596 revocasse Confraternitatem. Ipsum etiam Brandeburgi Electorem *Joannem Georgium*, successorem Joachimi, agnovisse aequitatem sententiae, ac propterea Rudolpho II Regi supplicasse, ut unum sibi Principatum ex gratia concederet; quod tamen negatum fuerit. Ab anno dein 1593 usque 1683 per 90 annos a Domo Electorali nihil motum, ne quidem anno 1675, quo mortuus est Georgius Wilhelmus, ultimus Dux ex Piaistorum Stemmata. Oblatam autem *Friderico Wilhelmo* Electori ab Imperatore Leopoldo fuisse pecuniam, alienum esse a veritate; quin imo rescriptum ab eo, Electorem nihil posse praetendere, sed post ultimi Ducis mortem tres Principatus sibi ac regno Bohemiae accrescere.

Nihilominus tamen Leopoldum Imperatorem anno 1686 premente bello Turcico & turbis in Imperio, cum opera Electoris indigeret, ad preces *Friderici III* Electoralis Principis *Svibysianum* circulum Electori ultro dedisse, per litteras Reversales spondente *Friderico*.

Friderico Principe, se post mortem patris eundem restitutum. Dici proin nullatenus posse, Freytagium Cæsaris Legatum has litteras per fraudem extorsisse. Puffendorffium, qui ex Archivio Brandenburgico scripsisset, nequaquam, si quis dolus intervenisset, fuisse taciturnum.

Post cessionem dicti circuli, & prætensionis Lichtensteinianæ in Principatum Frisiæ Orientalis, Fridericum Wilhelmum Electorem omni prætensioni in memoratos Principatus non modo pro se, sed etiam hæredibus & successoribus suis, erecto instrumento, renuntiassè, factumque verbis conceptis, eidem instrumento insertis, prætensiones suas non fuisse fundatas, ac propterea omnia documenta ea super re irrita ac nullius roboris fuisse a se declarata, atque Freytagio restituta.

Mortuo anno 1688 Friderico Wilhelmo Electore potuisse Cæsarem, vi Reversalium, quas in manu habuisset, possessionem Svibufianam rursus capere; sed in respectum Domus cum novo Electore novum iniussè tractatum, quo conventum, ut Svibufium restitueret Elector, Cæsar vero Electori *Ducis Borussiae* titulum (absque præiudicio tamen Ordinis Teutonici) tribueret, una cum *expectativa* gratia ad *Frisiam Orientalem*, ac promissio, virum Protestantica Religionis in iudiciū Aulicum assumendi. Tum vero anno 1695 Svibufium una cum litteris feudalibus, aliisque documentis Cæsari fuisse restitutum: nec postea ultra 40 annos mentionem ullam de prætensione Brandenburgica esse factam. Quin imo eundem Electorem Fridericum anno 1700, cum Imperator Leopoldus eum Regem Borussiae agnovisset, omni prætensioni in Principatus Silesiæ iterato renuntiassè, pro se & omnibus suis successoribus.

Nulla igitur ratione capi posse, quo jure aut æquitate Fridericus II Rex Borussiae Silesiam invadere vi armata potuerit, contra jus gentium, absque ulla prævia denuntiatione belli.

Quantum ad Principatum *Jägerndorffium* spectat, nec illum esse feudum simpliciter hæreditarium, aut vendibile, aut alias alienabile, sed feudum rectum masculinum. Neque sub alia qualitate a *Georgio* Marchione Anspacensi fuisse anno 1524 obtentum a *Ludovico* Rege, & quidem pro se, fratre & filiis tantum. *Georgii* filium *Georgium Fridericum* a Ferd. I anno 1557, & a Max. II anno 1567 eo fundè investitum tanquam feudo masculino. Cum autem cerneret, Franconicam Marchionum Brandenburgicorum veterem lineam masculinam secum emorituram, adeoque nullos superesse feudi capaces, omnemque de eo dispositionem sibi esse præcisam,



apud Rudolphum Regem instituisse, ut illud Joachimo Friderico Electori Brandeburgico, agnato suo, donare liceat. At Rudolphum legibus Regni Bohemiæ fuisse constrictum, quo minus posset, reversa ad coronam feuda alienare.

Marchionem nihilominus *via facti* Jägerndorffium cum quatuor aliis ditionibus in Electorem per *donationem mortis causa*, erecto instrumento, an. 1595 transfuisse, contra jus omne & æquum: cumque an. 1603 obitus Marchionis fuisset secutus, Electorem in illis belli turbis possessionem invasisse, eamque filio suo Joanni Georgio tradidisse, ad quam neuter fuerit habilis.

Rudolphum autem Regem perpetuo eis negasse Investituram, & Principatum cum fructibus perceptis repetisse: Ferdinandum II Joanni Georgio an. 1623 non tam propter crimen felonix Principatum ademisse, quam propter injustam ejusdem possessionem, quod ex linea Franconica, unice infeudata, non descenderet.

Hanc Deductionem Austriacam, quam brevi compendio obiter retuli, confutare jussus Baro Coccejus, Borussiae Minister, prolixum scriptum edidit; id potissimum probare conatus, Boleslaum Ducem, cum in clientelam Joannis Bohemiæ Regis se dedidisset, libertatem alienandi sibi reservasse, atque a prima Investitura eos Principatus fuisse feuda hæreditaria, libera ac promiscua, non autem masculina. Ejusmodi feuda hæreditaria post extinctam masculam stirpem non aperiri domino directo, si vassallus per actum inter vivos aliter disposuerit. Fatentibus ipsis Bohemiæ Regibus; Duces de his liberis feudis hæreditariis potuisse disponere; ac proin Confraternitatem hæreditariam & validam & licitam fuisse, ejus vero cassationem irritam, & consequenter post ultimi Ducis mortem feuda illa coronæ Bohemicæ non fuisse aperta, sed dominium utile ad Domum Brandeburgicam fuisse translatum, remanente cum regno nexu feudali. Jägerndorffium pariter fuisse feudum improprium, simpliciter hæreditarium, dispositioni Ducis subjectum, ideoque a linea Franconica legitime ad Marchicam fuisse translatum. Propter feloniam autem Joannis Georgii non fuisse puniendos liberos & agnatos innocentes.

Hæc Deductio rursus ab Austriacis fuit confutata; pluraque alia scripta in utramque partem per Europam sunt dispersa; ex quibus brevissimam syncopem pro eruditione aliquali Historica extraxi, quin ullo modo judicium meum interponam, cum minor sim, quam ut de Juribus magnorum Principum quidquam possim definire.

## Art. XXXVI.

*Borussus in Silesiam. Legatum Viennam mittit. Regina  
 responsum. Neupergius pugna ad Molvicium vin-  
 citur. Römeri virtus. Schnöllandorffensis  
 conventio, sed non servata.*

Audita vix morte Caroli VI Imperatoris, antequam hæc scri-  
 pta ederentur, Rex Borussiae Fridericus II validum exercitum Silesiæ,  
 adversus talem tantumque hostem non satis præparatæ, nulla belli  
 denuntiatione facta, infudit, atque anno 1740 exeunte jam duos siam invadit.  
 Principatus, Saganum videlicet, & Glogaviam, in quos nullam un-  
 quam prætensionem formaverat, expugnavit; Glogaviam autem,  
 permunitam urbem, dum milite cinctam habebat, Gotterum Vien-  
 nam misit, qui Reginæ proponeret; timendum esse, ne Gallia &  
 alia quædam Aula Silesiam occuparent; hinc Regem paratum esse,  
 Germanicas Reginæ provincias omnibus suis viribus defendere, ini-  
 turum se cum illa, uti & Russia, Anglia, Hollandia eam in rem  
 foedus. Effecturum, ut Conjux ipsius Dux Lotharingiæ eligatur  
 Imperator: simulque daturum Reginæ duos florenorum milliones.  
 Pro his tamen conditionibus cedendam sibi Silesiam Inferiorem.

58.

Ejus propo-  
sitiones.

Respondit Regina, quodlibet membrum corporis Germanici  
 esse obligatum, parti invasa succurrere, idque non tantum propter  
 Imperii communem nexum, sed etiam in præsentī casu propter  
 Sanctionem Pragmaticam, cui totum Imperium sponsor accesserit.  
 Foedus cum Russia, & potentiis maritinis jam alias subsistere, & sub  
 stitisse, antequam Rex Silesiam invaderet. Electionem Imperato-  
 ris secundum B. A. debere esse liberam, nihilque magis impedire  
 eam libertatem ac turbas in Imperio excitatas. Oblatos duos mil-  
 liones multum excedi damno, per irruptionem in Silesiam illato.  
 Caterum staturam Reginam Sanctione Pragmatica, nec quidquam  
 cessuram de Silesia. Si autem Rex illa excedat, paratam esse reno-  
 vare cum illo amicitiam. Atque hac ratione abscissa tractatione  
 legati domum sunt revocati, Borussusque pleno velut alveo Sile-  
 siam inundavit.

Responsum

Reginæ.

Per Europam autem nuntiari jussit, suum in Silesiam ingressum  
 nullatenus oriri ex hostili adversus Reginam intentione, multo  
 minus ad turbandum Imperii quietem, sed unice ad vindicanda ma-  
 nifesta sua in Silesiam jura, in contractibus & Confraternitatibus

Rex causas  
publicat.



cum prioribus Ducibus fundata. Præsentes temporis circumstantias celeritatem exegisse, ne alii, qui successionem sibi vendicarent, prævenirent. Quamvis igitur non potuerit prius cum Regina ea super re conferre, non omisurum tamen Domum Archiducalem fulcire.

Praeslaviam  
occupat,

Interea autem Rex, Sagano & Glogavio Principatu occupato 28 Dec. ad *Uratislaviam* admovit exercitum. Regina 5000 in praesidium huic urbi obtulerat; at illa obtendens sua privilegia, recipere recusavit; quo in rem suam Rex usus, urbi *neutralitatem* obtulit, quam illa acceptavit, sub conditione plenæ immunitatis ab omni onere, & militari praesidio. At mox 3000 in aedes Ecclesiasticas introducta sunt, atque officiales Austriaci cum Schaffgotscho migrare iussi.

Aliasque ur-  
bes & pro-  
vincias.

Sub initium anni 1741 expugnata *Olavia & Olmacevio*, ad *Neissam*, urbem Silesiæ munitissimam, ductæ copiæ. At *Rotbius Baro* tam strenue eam defendit, ut cessante oppugnatione, corona duntaxat cingere eandem oportuerit, prout etiam munimenta *Briege & Glogavie*. Expugnatae autem *Oppolis*, *Namslavia*, *Troppavia*, *Jägerndorffium*, cum munito *Jablunæ* transitu, ut Hungari ingressu prohiberentur; atque sic Rex, qui quatuor solummodo Principatus sibi vendicaverat, duos intra menses utramque Silesiam rigente bruma armis percurrit, *Moravia* quoque contributione indicta.

Commisso dein *Schwerino* exercitu Rex 29 Januarii ovans Berolinum ingressus est. At altero jam mense reversus, tot copias adduxit, ut in Silesia ultra sexaginta armatorum millia sub signis haberet; cum quibus appetente jam vere expeditione coepta, primo *Glogaviam*, quam Wallisius propugnaverat, per *Dessavium Anhaltinum* noctu expugnavit 8 Martii, praesidio 800 virorum more militari capto.

Pugna ad  
Molvicium.

Römeri for-  
titude.

Inter hæc *Neupergius*, quem Regina copiis suis præfecerat, collecto in Moravia exercitu, in Silesiam movit, atque 10 Aprilis ad *Molvicium*, pagum non plus milliari Briega distitum, stetit. Rex, pugnam confecturus, obviam processit; instructaque utrinque acie acerrime est dimicatum. Singularis in hoc prælio virtus enituit *Römeri*, qui sinistrum cornu Austriacorum regebat. Is enim cum *Dimachis* & *cataphractis* tanta vi districto gladio in dextram Borufforum alam quinque fuit inductus, ut ordines primum turbaret, dein vero totum cornu retroageret: sed *Dessavius & Schwerinus*, celeberrimi Duces, ita restituerunt aciem, ut cadente Römero, fortitudinis

dinis suæ victimâ, post quinque horarum cruentum conflictum, Neuperg Neupergius receptui caneret, Borussio in acie persistente. Vitio receptui datum, quod dextro Austriacorum cornu serius adventante, sinicanit. itrum initio solum universis hostium viribus fuerit objectum; nihilominus tamen reportandam fuisse victoriam, si eandem pedites, quam equites fortitudinem objecissent, hostes ipsos fuisse confesos. Ipsi etiam Römero culpæ datum, quod in hostiles acies ardore nimio irrupisset, antequam acies in ordinem fuissent redactæ.

Victoriæ fructus erat Briega, quam Octavius Piccolominus defenderat, a Borussis expugnata, libero abire permissio præsidio, cum promisso tamen, per duos annos non militandi adversus Regem. Briega deleta. Nec multo post Rex *Uratislaviam*, urbem Silesiæ principem, quantumvis neutralitas ei fuerat promissa, præsidio octo millium occupata, eo obtentu, quod Syndicus Austriacos advocasset, scriptis ad Neupergium litteris, a Borussis interceptis.

Cum autem *Protestantes* passim, fidem, Domui Austriacæ datam, ejurarent, & homagio præstito se Regi subjicerent, *Canonici* tamen id recusarunt, quod fundatio sua sit a Polonis, solique Episcopo suo & summo Pontifici essent subiecti, & si id facerent, Ecclesiæ bona sua in superiori Silesia, & Moravia essent amissuri. Protestant. perfidia. Ecclesiæ constantia.

At Rex, hoc responso irritatus, eos, ademptis bonis, *Vratislavia* expulit; bonorum etiam jacturam comminatus omnibus Inferioris Silesiæ incolis, si militiam Austriacam non ocius defererent. Philippum Ludovicum vero *Sinzendorffium*, Cancellarii Aulici, viri celeberrimi, filium, S. R. E. Cardinalem & Episcopum *Vratislaviensem* *Ottmachovio* captivum abduxit, & post 6 dies *Viennam* dimisit.

Venerant interea in castra Regis *Hindfordus* & *Robinsonus* Angliæ, *Ginckelius* Hollandiæ, *Bellatius* Galliæ, & *Mentichius* Hispaniæ Legatorum Legati, priores suafuri pacem, posteriores dissuafuri, atque ad studium fœdus Gallo-Boicum pertracturi.

Rex cum utraque parte transiegit; & cum Austriacis quidem *Conventio* 9 Oct. 1741 *Conventionem Schnöllendorffensem* clam inivit, qua promissum sit inducias pro cessione superioris Silesiæ, moxque exercitum *Neißdorsensis* admovit, quæ ad speciem duntaxat aliquot diebus se defendens, *Neißæ* dedicationem fecit.

Regina Hungariæ, &c. hac pactione ex illa parte se tutam rata, copias suas, e Silesia & Moravia extractas, in *Bohemiâ* ruptæ inducias. adversus Fœderatos irrumpentes duxit. Verum Rex, nulla induciarum ratione habita, in superiore etiam Silesiam, *Glacensem*



**Olonacium** Comitatum, a Fœderatis sibi addictum, & in Moraviam, ubi **Olonacium** expugnavit, movit; contestatus nihilominus per Legatum Ratisbonæ, se Pacem West. exacte servaturum.

### Art. XXXVII.

*Electoꝝ Bavarie, Gallie & alioꝝ fœderatoꝝ auxilliis  
adjutus, superiorem Austriam & Bobemiam occupat,  
& Rex proclamatur. Hannoveranus neuter.  
Causa Wuꝛtembergica in puncto subseudi.*

59.

**Magnum  
Fœdus.**

Ex altera parte adhuc potentior procella in Reginam incubuit, quippe, postquam *Electoꝝ Bavarie* ampla Deductione, a Joanne Adamo *Ickstadio*, Professore olim Herbipolensi composita, Domus suæ jura, ex Gente Boica, ante Habsburgicos in Austria regnante, ex Testamento & Codicillo Ferdinandi I Cæsaris, atque ex Donatione Conradini, Sueviæ Ducis, petita, allegaverat, nihil autem obtinere posset, opportuna auxilia circumspexit, inito cum Regibus *Gallie, Hispanie, Polonie, utriusque Sicilie, Borussia, Electoꝝ Colonensi, & Palatino* fœdere.

**El. Gallis  
junctus,  
capto Pas-  
savio,**

**In Austriam,**

**Et Boh. mo-  
vet.**

His viribus confusus *Electoꝝ* 31 Julii anni 1741, per Tribunal *Minucium Passavium* occupavit. Postquam autem Gallicæ copiæ, ad 40000 æstimatæ, tum *Passavii*, tum *Schardingæ* Bavaricis se junxerunt, *Electoꝝ*, commissa Bojarie administratione *Electrici & Baroni Unerthio* 17 Sept. Monachio profectus, supremum totius exercitus imperium suscepit, atque Austriam superiorem, recedentibus Austriacis, breve intra tempus occupavit, receptoque Statuum 2 Oct. homagio *Lincii*, in Inferiorem Austriam progressus, recta Viennam petiturus credebatur; sed flexo itinere in *Bobemiam* movit, relictis ad præsidium superioris Austriæ, sub *Minucio & Segurio* 12000 armatorum.

**Pragam ca-  
pit.**

**Rex procla-  
matur.**

*Electoꝝ* cum sociali Gallorum exercitu *Pragam* usque progressus, 24000 Saxonum invenit; cum quibus triurbem, tribus locis impetitam, 26 Nov. expugnavit; *Ogilvio* urbis Præfecto cum 2780 præsidiariis captis, Austriacis vero, qui urbi succurrere volebant, *Budweisium* usque prope ad fines Bohemiæ propulsis. *Carolus Albertus* vero *Rex* proclamatus, & a fœderatis agnitus. A Statibus Bohemiæ fidei sacramentum & homagium solenniter recepit, postquam sua illis jura & privilegia confirmavit. *Keisersteinus* dictus regi

regni Cancellarius, *Kolowrat* Præses Justitiæ, *Comes de Bavaria* Præfector, *Broglia* vero militiæ. Comitatus *Glacensis* Boruffo cessus. Quibus confectis *Carolus Albertus* Monachium rediit 29 Dec. inde *Francofurtum* profecturus ad electionem Cæsaream.

Prius tamen copiis Bavaricis præfecit *Törringium*, locum-tenentes vero *Max. Fuggerum*, *Theodorum Moravitskium*, *Carolum Piosasquium*, *Ludovicum Fürstenbergium*, *Josephum Fridericum* Principem *Hohenzolleranum*.

Electo *Palatinus* septem suorum millia cum Gallicis copiis & decem *Colonienfium* millibus ad *Düffeldorpium* conjunxit. Saxo pariter, a *Bellio* persuasus, editis prætensionis suæ, quam supra attingimus, monumentis, magno fœderi accessit, & expugnata Præfector pars magna fuit, *Mauritio* fratre prælucente victoriis, quas hoc bello deinceps reportavit.

Electo *Hannoveranus* 24 Junii, inito cum Regina fœdere, causam Austriacam defendere promisit, atque in eam rem triginta millium exercitum collegit, geminis castris ad *Nienburgum* & *Hannover* meliam locatis. Verum, cum *Mallebæus* cum majori exercitu in *neutralita-* Westphaliam irumperet, & provinciis *Lüneburgicis* minitaretur, tem promit- atque *Brandenburgicæ* etiam copię, ad *Gentinum* collectæ, terro- tit & Votum rem incuterent, 27 Sept. *Neutralitatis* Tractatum iniit, quo pro- Bavaro. misit, se nulla Reginæ præstiturum auxilia, nec *Boruffis*, *Boiis*, aliisve fœderatis obstiturum, quin imo in electione Cæsarea Electo- ri *Bavariæ* Votum daturum. *Mallebæus* vero spondet, se in ter- ris *Hannoveranis* hyberna non capturum; & *Boruffus*, se castra *Gentiniana* soluturum.

Hoc eodem anno *Maria Augusta*, *Alexandri*, *Würtembergiæ* Ducis, Vidua, a Rege *Boruffiæ* in *Ordinem Equestrem Nigræ Würtember-* Aquilæ fuit suscepta, & invitata cum tribus filiis suis; consilio ne- genfes Prin- scio quo, *Berolinum*, ad Regem eos misit educandos. Fortassis cipes *Bero-* id factum suasu Ducis *Oelsii* tutoris *Lutherani*, arrepta ansa ex linum. controversia cum Regina *Hungariæ*, quæ, ceu universalis *Caroli VI* patris sui hæres, etiam Ducis *Würtembergiæ* titulum cum insignibus assumebat.

Displicuit hoc tutori, qui obtendebat, cum stirpe Austriaca mascula jus omne in *Würtembergiam* fuisse extinctum: cum enim *Maximilianus I* Imperator anno 1495 *Wormatiensibus* in Comitibus Causa Wür- *Würtembergiam* in Ducatum erigeret, Comitibus *Beutelsbacensis* ori- tembergica ginis in feudum masculinum pro Imperii more fuisse concessum, nec puncto sub- feudi. unquam hanc feudi recti naturam fuisse mutatam.

Quippe



Quippe, licet Carolus V Württembergiam a Fœdere Suevico (quod Ulricum Ducem ea privaverat) emerit, & anno 1519 fratri Ferdinando cesserit, Ulricum tamen post pugnam Lauffensem, ope Philippi, Hassiæ Landgravii, an. 1534 fuisse restitutum. Et quamvis in Tractatu Cadavensi fuerit conventum, ut Domus Württembergica Ducatum a Ferdinando tanquam *sub-feudum masculinum* recipiat, anno tamen 1599 a Rudolpho II hoc subfeudum fuisse sublatum, & solum jus reservatum succedendi, si stirpem Württembergicam masculam extingui contingeret. Semper autem consideratum fuisse ceu feudum masculinum, quam qualitatem ne quidem utraque Domus sine Imperii consensu potuisset mutare: neque ex ullo contractu haberi, quod etiam fœminis Domus Austriacæ eventualis successio competat; consequenter Regina neque titulum amplius Würtbergicum neque insignia competere.

Hæc tutor nomine pupilli per suum Viennæ Legatum proposuit, & proluxa Deductione publicavit. Non tamen, quod sciam, fuit responsum; quia majoribus tunc Vienna negotiis fuit distracta. Titulis tamen & juribus paternis Regina uti perrexit, etiam vigore Sanctionis Pragmaticæ, a toto Imperio acceptata.

Wilhelmus Hassiæ Landgravius armata manu *Holzhusum* occupavit, quod ad Comitatum Hannovium pertinere prætendebat. Oppidum hoc tempore tricennalis belli *Reigerfpergio*, Cancellario Moguntino, in feudum a Cæsare fuerat collatum; Elector autem Anselmus illud Ingelheimianæ suæ Familiæ emit, quæ, oblato licet pretio, tradere Wilhelmo noluit. Inde violenta invasio.

Henricus  
Darmstad.  
obit Catho-  
licus.

Ejus filio Friderico natus est hoc anno ex Maria Angliæ Regis filia Wilhelmus. Ex Darmstadiensis vero linea obiit *Henricus*, Catholicam Religionem amplexus. Fuit is Philippi, Mantuæ olim Gubernatoris, frater.

Carolo Leopoldo Duci Mechlenburgico spes affulsit recipiendi suum Ducatum, cum Anna ejus filia ad Russiæ regimen fuit evecta. Sed cum brevi rursus fuisset dejecta, evanuit, maxime postquam Saxo, Imperii Vicarius, Christiano fratri administrationem confirmavit.

## Art. XXXVIII.

*Electio Electoris Bavarie in Imperatorem, unctio & coronatio,  
prout etiam Imperatricis.*

Annum 1742 celebrem reddit electio Caroli Alberti Electoris  
in Regem Romanorum & Imperatorem. Peractum negotium ritu con- Carol. Alb.  
sueti. Præstitum Electorali Collegio a Senatu & civitate Franco- eligitar Im-  
furtensi securitatis iuramentum. 21 Jan. indictum peregrinis, ut pridie perator.  
electionis urbe excedant. 24 Moguntinus & Coloniensis, qui  
præsentes aderant, & reliquorum Electorum Legati, ex Curia ad  
Ecclesiam S. Bartholomæi se conferebant, reliqui equites, Mogun- Ordo ele-  
tinus propter senium curru vestus. Cantatum solenne de Spiritu ctionis.  
Sancto officium ab Osteinio Proepiscopo Moguntino. Post Evan-  
gelium, Protestantes Legati recesserunt contra Aureæ Bullæ præ-  
scriptum, nec redierunt ante Communionem. Post Missam editum  
iuramentum consuetum, ab Ecclesiasticis Electoribus apposita pe-  
tori manu, a secularibus Legatis tactis sanctis Evangeliiis. Tum  
concessum in Conclave, ubi intra horæ quadrantem totum electio-  
nis negotium fuit absolutum, cadentibus omnium præsentium Vo-  
tis in Carolum Albertum, Electorem Bavarie. Acceptata a Lega-  
tis Bavarie Königsfeldjo & Seinsheimio capitulatio. Promulgatus ele-  
ctus primum ab Electore Moguntino in Conclavi, dein a Decano  
Moguntino in Ecclesia, resonantibus & reboantibus lætitiæ & gra-  
tulationis instrumentis.

Electus, qui interea Manheimii subsisterat, nuntio per Comi-  
tes Elzium & Pappenheimum Imperii Vice-Mareschallum accepto,  
30 Jan. publico cum applausu Francofurti exceptus, primo Eccle-  
siam, dein Conclave ingressus in Articulos Capitulationis iuravit,  
dictoque solenni hymno ab Electoribus & Legatis in palatium suum  
deductus est.

Facta dein præparatio ad solennem coronationem, quæ 12 Febr.  
coram innumerabili Nobilium multitudine summa cum pompa ab  
Electore Coloniensi, cedente pro hac vice jus suum Moguntino, Ordo unctio-  
peracta est. Ritus ac ceremoniæ eadem adhibitæ, quæ in corona- nis,  
tione Caroli VI, eademque interrogationes, quæ a vetustissimis  
temporibus aliis Imperatoribus propositæ: an Sanctam, Catholi-  
cam, & Apostolicam Ecclesiam conservare & defendere velit, ejus-  
que Ministros protegere? Imperium secundum justitiam regere &



tueri? bona alienata reducere ad Imperium? sanctissimo in Christo Patri ac Domino, Romano Pontifici, & S. Romanæ Ecclesiæ decenter obsequi? &c. ad singula autem respondit: *Volo*. Quomodo hæc convenirent Imperatori A catholico, facile patet.

Consecratio fiebat in vertice, pectore, humeris, & brachio dextro, pronuntiata formula: *ungo te in Regem oleo sacro in nomine Patris* &c. alia longior formula fuit adhibita in unctione manuum. Ita unctus Imperialia ornamenta induit. Moguntinus porrexit ensẽ Caroli M. Colonienfis consecrator annulum digito inseruit, sceptrum autem dextræ, & Pomum Imperiale sinistræ.

Et coronationis.

Norimbergenses Legati ad altare deferebant Pallium Imperiale, quod pro hac vice ei circumdedit Legatus Brandeburgicus. Electores vero Moguntinus & Colonienfis, cum Legato Trevirensi, juncta opera coronam capiti imposuerunt, consecratore ad singulas has actiones ritu veteri certam formam pronuntiante, & Choro per intervalla respondente, præmissis Lytaniis, sub quibus Catholici genua flectebant, Protestantes vero recesserunt.

Coronatus ita Imperator coram altari, tactis sacris Evangelis, iterum juramento, primum latina lingua, tum germanica, promisit, se leges, justitiam, & pacem sanctæ Ecclesiæ servaturum ac defensurum. Perfectum tum in sacro Missæ Officio. Cantato Evangelio liber Imperatori ad osculum oblatus, thusque adolitum. Sub symbolo ad oblationem altare accessit. Cum ad sacram communionem ventum, deposita corona, super nudum pavementum flectens SS. Eucharistiam sub utraque specie, a Colonienfi, fratre suo, Consecratore & Officiatore, sibi porrectam, devotissime sumpsit.

Missæ finita Throno fuit impositus. Facta a consecratore communi nomine gratulatio, & hymnus Ambrosianus cantatus, sequente publico applausu. Creatisque per ensẽ Caroli M. 71 Equitibus, Capitulum Aquisgranense more Majorum in Ecclesia sua ei Canonicatum per Legatos obtulit.

Denique, postquam hæc solennitas in Ecclesia ad secundam usque fuerat protracta, Imperator in curiam regressus (quam *Römer* appellant) mensæ accubuit, Officialibus Imperii hæreditariis pro more muneribus suis fungentibus, *Archipincernam*, cum Bohemia pro hac vice fuisset exclusa, egit Cæsareæ Aulae Præfectus *Törringius*.

Sex dein hebdomadis post, octava videlicet Martii idem Archiepiscopus Colonienſis iisdem ferme ceremoniis coronavit etiam *Mariam Ananiam Imperatricem*, præſentibus Legatis Moguntino & Trevirenſi, cum Abbatibus, Fuldenſi, Imperatricis Archicancellario, & Campidonenſi, ejuſdem Archi-Mareſchallo, qui officiis ſuis ſungebantur.

Coronatio  
Imperatricis.

Proceſſum ex Palatio Cæſareo eodem ferme ritu ad Eccleſiam S. Bartholomæi ad ſolenne Miſſæ ſacrificium. Unctionem peregit *Colonienſis*, coronam vero a Fuldenſi porrectam, impoſuit cum Legatis Moguntino & Trevirenſi. Sceptrum autem & Pomum Imperiale, a Campidonenſi ſibi porrectum, ſolus Conſecrator Imperatrici in manus tradidit. Collocata in Throno ad latus Imperatoris. Menſæ benedicebant duo illi Abbates. Legati Electorum aſidebant. Comites Imperii inſerviebant.

### Art. XXXIX.

*Rerum grandis mutatio. Recepta Austria. Capta Bavaria. Harcurii ſuppætiæ. Kevenbüllerus & Törringius. Huic ſuffectus Minucius, & huic Seckendorffius. Harcurio Mauritius. Verſa alea. Recepta Bavaria.*

Apicem gloriæ ſummæque in terris felicitatis attigiffe videbatur Carolus Albertus, proclamatus Rex Bohemiæ occupatæ, electus, coronatusque tanta, quam vix unquam videre licuit, pompa & accurrentis Nobilitatis frequentia, S. R. I. caput Auguſtiſſimum; Hiſpania, Gallia, utraque Sicilia, Boruſſia, Ubii, Saxonia, Palatinatus ſtabant in ſœdere.

61.

Rerum ſta-  
tus.

Regina vero Hungariæ excluſa a ſuffragio, deſerta ferme ab omnibus, quin undique armis impetita, Auſtriam, Bohemiam, Siſeſiam, Moraviam, Italiam, jam prope amiſerat, & in Germania ſui vix ſecura, cum vagiente in cunis filiolo in Hungariam velut aſylum profugit.

Sed proh quanta brevi mutatio! Eodem adhuc anno 1742 recepta Auſtria, Moravia, Bohemia, & occupata Bavaria, a natiſ ſuis provinciis excluſus Imperator, Francofordiæ velut exul ſubſiſtere debuit. Qua id ratione contigerit, perſtringendum breviter.



Austria recepta.

*Kevenhüllerus* Comes, supremus belli Imperator a Regina renunciatus, summa hyeme, copiis Hungaricis, quæ decem millibus constabant, auctus, expeditionem in Austriam superiorem adversus Gallo-Boios, qui prope ad ipsa Viennæ mœnia jam procurrebant, suscepit, proturbatisque ultra Anisn primis eorum ordinibus, munitiones, quas excitaverant, locaque omnia ad *Lincium* usque occupavit. Urbs hæc, superioris Austriæ caput, quod 10000 præsidio sub *Minucio* & *Segurio* teneretur, longiorem injectura moram credebatur. Verum *Magnus Florentiæ Dux*, qui in castra venerat, admoto sub finem Januarii 1742 exercitu, tribus eam locis tanta vi oppugnavit, ut obsessi brevi eandem dederent, liberum discessum pacti, qui ea lege fuit concessus, ut intra annum contra Reginam non militarent. Atque hoc pacto 24 Januarii, qua *Carolus Albertus* ab octo Electoribus electus fuerat Imperator, Austriam amisit. Erratum in eo, quod traductis in Bohemiam plerisque copiis, hoc latus prope nudatum sit relictum.

Bavaria invasa,

Quare non stitit hic cursum victoria. 26 Jan. *Passavium* venienti *Bernclavio* portas aperuit. *Platinus* urbis Præfectus *Straubingam* ductus, capite plexus est. *Menzelius* autem *Schardingam* & *Vilshovium* cepit. Uterque una cum *Trenckio* magna cum severitate grandes contributiones exegit; ut adeo tres isti Duces hodieum in Bavaria etiam rusticis sint notissimi. Adduxerat quidem *Törringius* 1300 ex Bohemia armatos; sed pauciores erant, quam ut cladem evaderent, per hostium cuneos penetrantes.

Et cum Monachio maximam partem capta.

Sub finem Januarii & initium Febr. *Kevenhüllerus* cum toto exercitu in Bavariam irrumpens, *Brunavium*, *Burgbushum*, *Deckendorffum*, *Dingelsingam*, *Landisbutum*, *Wasserburgum*, occupavit. 13 Febr. *Menzelio* deditum *Monachium* his pactis, ut præsidio liber abitus *Ingolstadtum* concedatur: arces voluptuariæ, supellex, Archivium, Bibliotheca conserventur integra, prout etiam *Salinæ Traunsteinii*, & *Halæ Divitis*. *Bernesius* Comes urbi *Gubernator* impositus. 20000 supra millionem florenorum exacta ab urbe, contributionibus aliis per totam Boiariam severe indictis; nam & *Menzelius*, capta *Fridberga*, ad *Augustam* usque omnia occupavit.

Collegit quidem ad *Meymburgum* *Törringius* copias, sed a *Bernclavio* interceptus, fususque est. Ex altera parte e *Tyroli* erumpens *Stenzius*, disiectis Boiorum munitionibus, *Rosenheimium* & *Traunsteinium* cum aliis locis cepit: cumque ad *Kelheimium* fœderati rursus convenissent, Austriacis imminetibus, *Donawertham* recesserunt. Austriaci vero etiam in Ducatum *Neoburgicum* infusi, ducenta

centa florenorum millia exegerunt; quod Elector Palatinus partes Imperatoris adjuvaret.

Wurmbrandus 6 Apr. *Straubingam* infestare cœpit; sed *Harcourtio* cum 20000 imminente, 11 ejusdem obsidionem solvere coactus est. Meliori fortuna usi sunt Austriaci, dum *Halam Divitem* expugnarunt, præsidio 1302 virorum capto, & apparatu salino, ducentis, ut fertur, florenorum millibus æstimato, inde abstracto. *Bernclavius* etiam *Ingolstadtum* milite cingere orsus est. Verum Gallis imminentibus recessit.

Eadem *Harcourtii* suppetiæ id quoque effecerunt, ut occupatō *Deckendorffio* Danubius eo usque Bavaricus flueret, magno annonæ advehendæ emolumento; *Isaræ* quoque ostia clausa tenebantur. *Törringio*, *Francofurtum* a Cæsare avvocato suffectus est *Minucius*, qui ad *Straubingam* cum *Harcurtio* se conjunxit. At tota ferme æstate ibidem in castris hæsit exercitus, *Harcurtio* pugnam detrectante, quod mandatum non haberet. *Velitationibus* igitur actum, inter quas erat, quæ ad *Hilgersbergam* accidit, dum fœderati, eam arcem intercipere conati, cum clade repulsi sunt.

Denique uterque Dux *Augusto* mense successorem est nactus, & *Minucius* quidem Dux Cæsareus *Seckendorffium*, *Harcourtius* vero *Mauritium Saxonem*, qui, *Kevenhüllero* cum copiarum parte in *Bohemiæ* digressio, in *Palatinatum* superiorem abiit, ut ibidem cum *Mallebæo* se conjungeret, atque fœderatis in *Bohemia* auxilium ferret. *Seckendorffius* vero ad *Isaræ* profectus, *Landisbutum* intercepit.

*Berenclavius* se *Monachii* non amplius securum ratus, 8 Oct. cum 6000 urbe excessit, atque ad *Oenum* contendit *Schardingam* versus. *Monachium* vero 7000 *Bojorum* ingressi sunt; brevique *Burghusum* quoque & *Brunavia* recepta, *Austriacis* ad fines *Austriæ* propulsis.

Haud dubie fœderati hyberna in *Austria* superiore potuissent figere, nisi *Kevenhüllerus* 27 Oct. e *Bohemia* rediens progressum stitisset. Venit cum eo Princeps *Carolus*, Dux *Lotharingiæ*, cum *Königseki* legato, novisque copiis, quæ *Brunaviæ* oppugnabant, sed a Ductore *Broglie* repulsi, ita in hyberna distributi sunt, ut *Austriam* protegerent, & communicationem cum *Passavio* & *Bohemia* conservarent. Fœderati vero in *Bavaria*, jam tota prope modum recuperata, hyemarunt.



## Art. XL.

*Nec minor mutatio in Bohemia. Post prælium Zaslavienſe  
pax cum Boruffo, & Saxone. Praga tandem recepta,  
Gallis in Palatinatum fugientibus; Mallebæo  
ſuccurrere fruſtra conante.*

62.

Egra tan-  
dem expu-  
gnata.

Bohemia quoque magnas hoc anno 1742 mutationes ſubiit, quas hic ſubjicere placuit, quia cum Bavaricis & ſtatu Germaniæ connexionem habent. Et initio quidem anni res fœderatorum præſpero curſu ibant. Tota ferme Bohemia erat occupata: *Egra*, tota hyeme cincta, ac dein oppugnata, atque 20 Aprilis a Comite Mauritio Saxone expugnata. Procurſum in Moraviam, ubi Saxones & Brandeburgici ſe conjunxerunt; ſed Auſtriacis in Bohemia auctis, poſtquam victoricia arma per Bavoriam circumtulerant, recedere coacti ſunt; Gallo-Boicis variis velitationibus, morbis, reſreſſu in Bavoriam ita imminutis, ut vix 20000 conficerent.

Pugna Zaslaviensis.

Princeps Carolus Lotharingus, pugnae cupidus, Boruffos ex Moravia diſcedentes inſecutus, 17 Maji ad *Zaslaviam* in Bohemia cruentum cum iis prælium conſeruit, in quo victoria quidem penes Boruffos ſtetit, utrinque tamen multi cecidere, plures tamen apud victos. Secuta eſt *Pax cum Boruffis*, de qua infra.

Carolus princeps, ab hoſte tam potente liber, cum Lobkovicii exercitu ſe conjunxit, atque *Piſeckum* & *Piſſenam* expugnavit, præſidio capto. Tum vero 25 Jun. majus & ad poſteritatis commendationem memorabile opus aggreſſus, Pragæ videlicet obſidionem. Venit in caſtra frater Caroli *Dux Florentiæ*, & copiarum imperium recepit. Tormenta Vienna & Olomucio adveſta ſunt.

Obſidio Pragæ.

*Dux Broglie* cum parte Gallorum extra mœnia in aggere & vallo ſub tutela tormentorum ſtetit, *Bellilius* in urbe imperabat. Exarmati cives. 26 Julii urbs ignibus inſeſtari cœpta. 28 viæ obſidionales apertæ. Multæ vehementes eruptiones tentatæ, cum clade obſidentium, diſjecta opera. Tormenta adactis clavis fruſtrata. Arctiores tamen in dies res in urbe fiebant. Ingentia erant cibariorum pretia, &, quod conſequens eſt, fames invaleſcebat, ut adeo Galli urbe, quin tota Bohemia ſe exceſſuros ſponderent, ſi liber cum rebus ſuis abitus concedatur. Sed obſidentes poſtulabant, ut captivos ſe tradant; cujus conditionis adjectæ eos poſtea pœnituit,

nituit, cum audirent, *Mallebæum* cum exercitu novo imminere, ut urbem obsidione liberaret.

Igitur postquam ingens pilarum vis in urbem frustra fuisset coniecta, cessatum est, *versaque 12 Sept. oppugnatio in circumvallationem*; majori vero cum parte exercitus itum obviam *Mallebæo*, ad *Egram* fines *Bohemiæ* jam ingresso. Et sane, postquam *Kevenhüllerus* novas ex *Bavaria* adduxerat copias, ea erat *Austriacorum* virtus, ut *Mallebæus* urbi non posset succurrere, sed in *Palatinatum* superiorem regredi fuerit coactus. *Mallebæus cum novo exercitu.*

Ea spe destituti obsessi fame pressi consilium inibant, qua ratione ex urbe evadere, & liberos se salvosque præstare queant. Et quidem *Dux Broglie* cum aliquot *Gallorum* milibus 27 Oct. occasionem nactus est, evadendi in *Saxoniam*, atque inde in *Palatinatum* ad *Mallebæum*: relictis tamen *Leutomerici* octingentis ad præsidium, qui capta 25 Nov. urbe, in *Lobkovicii* potestatem venere. *Galli Prægam dederunt.*

Cum autem interea fames *Pragæ* ingravesceret, *Bellilius* quoque viam invenit, qua 15 Dec. cum 11000 peditum, & 3000 equitum *Egram* atque in *Palatinatum* posset eluctari. At multi ab hoste capti, multi in itinere frigore & fame sunt enecati, multi quoque *Ambergæ* & in reliquo *Palatinatu* perierunt; ut adeo *Franciæ* Regi hæc expeditio incredibili omnino militum & pecuniæ damno steterit.

Causa tantæ calamitatis non minima erant *Borussi* & *Saxones*, a *Borussis* qui inita cum *Austriacis* pace, socios *Gallos*, in medio velut confectus desertos, universis *Austriæ* viribus objecerunt, *Bellilio* frustra ad utrumque Regem excurrente. *& Sax. deserti.*

Porro post *Broglie* & *Bellilii* *Pragæ* discessum *Chevretus*, qui residuis in urbe *Gallis* præerat, sub finem Decembris deditionem fecit, id solum pactus, ut præsidio *Egram* libere abire liceat. Acceptavit conditionem *Lobkovicus*, ignarus paucitatis in urbe superstitis, sed cum ea limitatione, ut ægroti captivi maneant, & obsides, a *Bellilio* abstracti, restituantur.

*Moravia* facilius quam *Bohemia* ab hostibus liberata fuit. Rex *Moraviæ*, *Borussiarum*, *Glazio* per *Deßlavium* expugnato, *Olomucium*, quod corona cinxerat, ad exercitum suum abiit, omnemque circa regionem severæ, quod consueverat, contributioni subiecit, in *Austriam* usque, quo *Schwerinus* procurrebat, exporrectæ, levis armaturæ militibus ad ipsa adeo *Viennæ* mœnia prædas agentibus. *Saxones* pariter varia *Moraviæ* loca occupaverant, donec utrique pacem oblatam respicerent.

Art.



## Art. XLI.

## Pax Uraislaviensis cum Boruffo.

63.

Postquam Rex Borussiae Silesiam & Comitatum Glazensem occupaverat, Hindfordio Angliae legato conciliatore, cum Regina pax Uraislaviae 11 Junii 1742 composita, 16 constat articulis.

I. Rex Borussiae retinet Superiorem & Inferiorem Silesiam cum independentia a corona Bohemiae, cui ab anno 1355 constanter fuerat incorporata. (Domus tamen Austriaca retinet Titulum, & aliqua in superiori Silesia sibi reservat.)

II. Praeterea 10 loca, quae ad Moraviam pertinerant.

III. Comitatum Glazensem cum independentia a Bohemia.

Domus Austriaca retinet in superiori Silesia 1 Principatum Teschen, cum octo dominiis appertinentibus.

2. Urbes principes Troppavium, & Jägerndorfium.

3. Olbersdorfium, & Hennersdorfium cum bonis appertinentibus. Reliquis articulis comprehenduntur limites.

Renuntiat insuper Rex omnibus ulterioribus praetensionibus.

Alia pacta. Obligat se ad Religionem Catholicam in statu quo relinquendam. Recipit in se summam debiti, ratione Silesiae anno 1735 apud Anglos & Hollandos contracti; sic tamen, ut ea, quae hi ipsi debent, compensare liceat.

Omnibus subditis sit integrum, intra quinquennium emigrare. Rex omnia archiva & documenta cessarum regionum consequatur, & titulum Silesiae & Glazii praeferat, tanquam supremus Imperans, sine nexu feudali cum Bohemia. Eodem titulo Silesiae Domini supremi utatur Austria.

Denique mutuo promittunt, sub nullo praetextu hostes alterius juvare. Nec foedus pangere huic paci contrarium; sed fovere insolubilem amicitiam; nec ullam hostilitatem directe aut indirecte exercere: omnes captivos sine lytro remittere: limites per Commissarios determinare; commercia libera relinquere.

Huic autem paci includunt Regem Angliae, qua Electorem Hannoveranum, Russiae Imperatricem, Regem Daniae, Status Generales, Regem Poloniae, etiam qua Electorem Saxoniae, ea tamen conditione, ut intra 16 dies post hujus pacis notificationem copias suas a Gallis separet, & Bohemia educat.

Hanc pacem Rex, præsentibus etiam Wilhelmo & Henrico fratribus, festo eucharistico Uratislaviæ in templo Cathedrali voluit condecorari, Sinzendorffio Cardinale & Episcopo ad concionem dicente, Schafgotschio vero Præposito habitu Pontificali solenne Missæ Officium celebrante.

Rex solenniter pacem celebrat.

Cum igitur Silesia non amplius a Bohemia dependeret, sed supremo eam jure gubernaret, regiminis ordinem haud parum immutavit. Duo quippe tribunalia juri dicundo erexit, alterum Uratislaviæ, Glogaviæ alterum, ad quæ causæ in prima *Instantia* deferrentur, appellationes vero Berlinum ad supremum Dicafterium, atque inde supplicatio ad Regem. Duæ item erectæ Camerae, in duabus, quas dixi, civitatibus, quibus cura contributionum in-cumberet.

Cum autem quidam Silesiæ Ducatus proprios adhuc haberent Principes, eos Rex Vasallos suos esse voluit, clientelari jure sibi subiectos. Non tamen eos privavit jure pristino (quod *Jus Principum* appellant), quo videlicet causæ, inter Silesiæ Principes controversæ, judicabantur: simulque Uratislaviensi civitati omnia jura & privilegia confirmavit, tertiamque dignitate in suis provinciis esse voluit.

Cardinalem Sinzendorffium non modo omnibus in Silesia, sed in aliis etiam terris suis degentibus Catholicis præesse voluit, confirmato, quem vocant, *Vicariatu Generali*. Protestantibus vero duo consistoria erexit, alterum Uratislaviæ, alterum Glogaviæ.

## Art. XLII.

*Obit Elector Palatinus. Caesar Monachium redit. Imperium ordinat. Variæ promotiones. Idea pacis rejicitur. Anglus Reginæ partibus accedit, & Duce Stairio cum exercitu ad Rhenum movet.*

Palatinus-Elector Carolus Philippus Manhemii obiit hoc anno 1742. 31 Dec. ætatis 81, natus Neoburgi ad Danubium ex Philippo Wilhelmo Electore, 1661. 27 annis S. R. J. Elector & Archi-Thesaurarius: Princeps fortitus animam vere bonam, summa religione, probitate, fide, integritate, clementia, liberalitate, & facilitate in omnes incredibili. Ante Electoratum Gubernator fuit pluribus annis in Tyroli, ubi hodie dum ejus grata viget memoria:

Pars X.

S

Ele-

63.  
Obit Carolus Elector Palatinus.



Uxores &  
liberi.

Electōr, pauperum pater, subditorum & omnium bonorum amor, solis instar ad infimorum etiam vota se inclinans.

Conjuges duas habuit ex Polonia, *Radziwiliam* & *Lubomirskiam*. Ex prima genuit *Elisabetham* Augustam, Josepho Emmanueli, Principi Solisbacensi nuptam: qui ex ea suscepit tres filias, hodieum superstitēs, *Elisabetham* Augustam, moderno Electōri; Mariam Annam, Clementi Bavariæ Duci; Dorotheam, Friderico Duci Bipontino desponsatam.

Fratres defunctus Electōr habuit novem, & inter eos duos Electōres, sorores octo, atque ex iis Imperatricem & duas reginas: atque ex tot fratribus nec unicus relictus est masculus, qui succederet.

Successit igitur ex proxima agnata linea Solisbacensi *Carolus Theodorus*, totius stirpis *Neoburgicæ*, paulo ante tam numerosæ, unicus superstes Surculus, in Aula Palatina in eam spem educatus, 18 tunc annorum Princeps, utpote qui natus fuerat anno 1724 ex Christiano Duce Solisbacensi & Maria Anna Marchionatus Bergæ ad Zomam hærede.

Neostad.  
linea ex-  
tincta.

*Württembergico-Neostadiensis* linea extincta hoc anno est in *Carolo Rudolpho* Duce, qui aliquanto tempore administrationem & tutelam gesserat *Stutgardiensium* Principum cum *Matre*, quæ ad filios *Berlini* inivit.

Landgravius Hassiæ *Wilhelmus* Hannoveriæ Comitatum a Rheno superioris circulo separare conabatur. 6000 militum Anglico stipendio alendos tradidit. De ejus filio *Friderico*, Angliæ Regis genero, ad thronum Suecicum evehendo agebatur.

Electōr Hannoveranus, cum *Mallebœus* per Westphaliam transiret, 14000 armatorum castra ad *Nienburgum* collocavit, ut provincias suas protegeret.

Hallæ Saxonum obiit *Hoffmannus*, Medicus celeberrimus.

Imp. Mona-  
chium.

Anno 1743 19 Aprilis *Carolus VII* Imperator *Monachium* Francofurti rediit. Anno jam superiore ibidem Judicium Aulicum erexerat; cui Præsidem dedit *Osteinium* Comitem; & quia ad ipsa usque Ratisbonæ mœnia arma circumsonabant, comitia quoque Imperii Francofordiam invitaverat cum Principali suo Commissario *Josepho Fürstenbergio*, & Barone de *Raab* Con-Commissario. Archivium etiam Imperii, quod Viennæ adhuc detinebatur, a Comite *Königsfeldio* Vice-Cancellario Imperii, & ipso etiam Electōre *Moguntino*, qua Imperii Archicancellario, fuit petitum, sed non impetratum.

Im.

Imperator præter 22 Comites, in Consilium Intimum adlectos, quinque creavit S. R. I. Principes, *Stollbergium*, *Solmensem*, *Grim-Promotio-bergium*, & duos fratres *Wild- & Rbeingravios*: quatuor item Comites Imperii, *Bünavium*, *Osteinium*, *Schmettavium*, *Stubenbergium*: *Virmondum* vero, mortuo *Inglheimio*, Judicem Camerae Imperialis, *Wuchererum*, *Kreitmeyerum*, Comitem *Spillbergensem*, Consiliarios Imperiales Aulicos: & jam ante pro scamno Nobilium, *Seydevicium*, *Bünavium*, *Bredavium*, *Morawizkium*, & pro scamno Doctorum, *Kleeum*, *Fritschium*, *Habermannum*, *Linckerum*, *Cramerum*. *Seckendorffius* præfectus copiis, postquam Legionem Austriacam, quam habuerat, abdicavit.

*Josephus* Princeps *Fürstenbergius* gravissimum Officium Principalis Commissarii cum Dignitate Supremi *Aulae Cæsareæ Moderatoris* Princeps de commutavit. Illud vero suscepit *Alexander Ferdinandus Princeps de Taxis* *Commiss. Principis*, qui nomine Cæsaris Comitibus Imperii *Frankofurten-* palis. *palis* hortatus est, ut pacem & quietem concilient, atque in hunc finem exercitum colligant.

Conciliandam quietem in Electorum & Principum Collegiis facile fuit conventum, quo autem modo hoc esset perficiendum, diversæ fuerunt sententiæ. Plures privatim hoc esse bellum atque Consilia domesticum inter Domum Bavaricam & Austriacam, ad Imperium Comitum non pertinens censebant, ac proin neutras partes sunt amplexi. rum.

Cum autem dein Comes *Stairius* cum *Anglicano exercitu* e Belgio ad Mænum moveret, Rex Galliarum *Noallium* cum copiis eidem opposuit. His transitum concedi, illis negari volebant Cæsarei, reclamantibus in Comitibus *Hannoveranis*, Galliam novos identidem novosque per terras Imperii exercitus ducere pro Domo Bavarica; cur Angliæ vetitum esset, Domui Austriacæ assistere, cum id fides Sanctionis Pragmaticæ, a toto Imperio acceptatæ, postulet?

Imperator Ludovicum Carolum Augustum *Fouquet*, Ducem de Bella Insula (*Belleisle*) quem *Bellilium* hætenus appellavimus, omni conatu pro se laborantem, S. R. I. Principem renuntiavit. Nuntio Apostolico vero *Georgio Doria*, allatum ab abbate *Amal-do* Cardinalium insigne, Biretum imposuit. Quo ornatus, & pretiosa admodum cruce donatus, discessit, Franciscum *Stoppani* successorem nactus. *Montebius* Hispanus, & *Blondellus*. Galliarum apud Cæsarem legatus, Parisios discesserunt.

Actum quoque de concilianda pace; nam & *Haslangus* Baro Cæsaris Londini Legatus, ideam illius, qua partitio continebatur, *Chartereto*, Status Secretario, proposuit: & Cæsar ipse *Wilhelmo*



Casellano Landgravio potestatem fecit, cum Rege Angliæ tractandi, sic tamen, ut Cæsareæ Dignitati nihil indecorum promitteretur.

Idea pacis.

Propositum igitur, Cæsarem copias Gallicas ex Imperio remissurum, si Regina Hungariæ suum exercitum e Bavaria abduceret, & omnes peregrini milites ab Imperii solo recederent: lis de Austriaca successione jure componeretur: universalis amnestia publicaretur: captivi utrinque restituerentur: Cæsari in singulos menses certa pecunia penderetur, ut Aulam, & militiam sustentare possit.

Rex Angliæ has conditiones Reginæ proponendas in se recepit, eo tamen pacto, ut omnes Galli prius Germania excederent: simulque Cæsari trecenta florenorum millia suppeditaturum se promisit. Verum cum Parlamentum Angliæ dissentiret, & Regina, prosperis armorum suorum successibus confisa, nihil cederet, Imperator cum Gallia & Hispania fœdus renovavit, adpromittens, se absque earum consensu conventionem nullam initurum.

Austria autem & Anglia, ut Regem Sardiniae firmitus adhuc, propter Italiam maxime, sibi adstringerent, *Wormatiensem Tractatum* cum eo inierunt; quem vide in *Italicis*.

### Art. XLIII.

*Minucius ad Brunoviam captus. Ab Austriacis occupatus  
rursus Bavaria, & Palatinatus, Bojis & Gallis  
Bavariam deferentibus. Imperator Franco-  
furtum abiit. Boii ad Wembdingam. Cadit  
Ingolstadtium.*

Hyberna.

Lobkovicius, commissa Festeticio Egræ obsidione, in superiore Palatinatum, Gallos fugientes Praga infecutus, Neoburgi potissimum hyemem transegit, Kevenhüllerus vero Schardingæ in Bavaria; ita tamen, expugnata Weidena, hyberna sua extendunt, ut extimi utriusque exercitus se se contingerent, & Egræ obsessæ omne commercium absunderent.

Ex parte Gallorum Broglie, qui post discessum Mallebœi præfuit, Straubingæ, ut ope Danubii cum Pedeponto & Palatinatu communicationem servaret, morabatur: Comes de Saxonia Deckendorffii: Seckendorffius Landishuti. *Minucium* cum 8000 Hassis,

Hassis, copiis auxiliaribus, *Bernclavius* concubia nocte *Pfarkirchii* inopinato oppressit; & velitum Præfectum de Cruce, (*la Croix*) famosum procurforem, multis cæsis, captivum abduxit.

Præledium hoc erat; nam 9 Maji Princeps Carolus & Comes *Minucius* *Kevenhüllerus* *Minucium*, cum 8000 Hassorum & Palatinorum haud ad *Brunavio* obvallatum aggressi, 4000, ut fertur, cæsis, cum *Brunavium* cæsis multis aliis ceperunt; *Seckendorffio* cum reliquiis *Landishutum* & captus. profugiente; Gallis in stationibus suis immotis.

Funeſta hæc clades Baviarum hostibus omnino aperuit, dum victricia eorum signa per provincias volitabant. *Dinglinga*, & *Landavum* a *Daunio* expugnata; *Burghusium*, *Oetinga*, *Müldorffium* a *Nadaſtio*, cæsis ad *Dorffenam* equitibus. Cum autem *Auſtriaci* *Landishuto* imminerent, *Seckendorffius* *Ingolſtadium* profugit. Occupatum proin a *Bernclavio* *Landishutum*, a Principe *Carolo* & *Hohenembſio* *Deckendorffium*, a *Gaisruckio* *Hala* *Dives*. *Stenzius* cum *Croatibus* & *Panduris* e *Tyroli* irrumpens ea ex parte *Bavariam* vaſtavit. Occupatum mox *Rosenheimium* & *Waſſerburgum*. *Occupata* *rurſus* *Bavaria*.

Quibus oculis Imperator aspexerit fumantes circum pagos, urbes, oppida, partim ab hostibus, partim a Gallis, ne in manus hostiles reciderent integra, flammis tradita, facile est coniecere. Igitur *Monachii* non amplius se tutum ratus, 9 Junii cum *Aula* *Augustam* diſceſſit.

Sequenti mox die *Huſſari* & *Licani* *Monachium* acceſſerunt, quibus, cum præſidio eſſet deſtitutum, portæ ultro apertæ, & claves traditæ ſunt. Galli ægroti capti, promptuarium militare direptum. 10ma *Berenclavius*, & 11ma *Nadaſtius* urbem ingreſſi ſunt. Quid civitas inde paſſa ſit, & Religioſæ præſertim *Domus*, præſtat ſilere. *Cum* *Mo.* *nachio*.

*Nadaſtius* 12 Julii cum aliquot millibus *Fridbergam* movit, urbisque deditionem poſtulavit. Cum illa negaretur, ſuburbium combuſtum, & urbs tormentis impetita eſt. Quapropter multi Officiales bellici, 150 Galli dimachæ, 1060 partim *Cæſarei*, partim *Halli*, & ſe ipſos, & urbem, & rem armamentariam, captivos tradidere, ingenti *Cæſaris* diſpendio, & *Bavariæ* jaçtura. *Fridberga*.

Interim vero ex altera parte Princeps Carolus *Deckendorffio*, & *Lobkovicius*, eieſtis *Amberga* & *Neoforo* Gallis, ex *Palatinatu* *Amberga*. moventes, Gallos, ſecundum *Danubium* munitos propellebant, capto *Pedeponto*, *Kellheimio*, *Neofladio*. Quapropter *Dux* *Broglia* & *Seckendorffius* ad *Ingolſtadii* mœnia non amplius ſecuros ſe exiſtantes,



Cæsarei &  
Galli Bava-  
riam dese-  
runt.

mantes, primum *Neoburgum*, ac dein, cum Elector Palatinus neutrum se declarasset, *Donauverdam* fugerunt, Galli, atque inde *Nördlingam*, ad *Nicarum* & *Rhenum*, Cæsarei vero per *Augustam*, *Dillingam*, reliquamque *Sueviam*. *Segurius* quoque, qui *Montem Nollanum* cum 10000 occupaverat, *Broglum* secutus, cum eo ad *Spiram* trans *Rhenum* se recepit, Cæsare apud Regem *Galliæ* conquirente contra *Duces Gallos*, quorum primus exauctoratus est.

Cæsarei ad  
Wemdingam.

Imp. Franco-  
furtum  
redit.

Munimenta  
expugnatur.

Hoc rerum Articulo Cæsar inducias & neutralitatem obtulit; convalueruntque *Schönfeldæ* *Seckendorffius* & *Kevenhüllerus* 27 Junii, transacturi. Sed cum Regina conventionem rescidisset, Imperator copias suas, ad *Wemdingam* collectas, neutras ac *Circulares* declaravit, exauctoratoque *Seckendorffio* *Lutherano*, *Piofasquium* Comitem eis præfecit: atque 28 Junii relicta *Augusta*, hostibus circumfusa, *Francfordiam* rediit. *Austriaci* vero munimenta *Bavarix*, fortius resistentia, expugnarunt, & primo quidem *Brunovium* 1 Julii, præsidio capto: tum vero 20 Julii *Straubingam*, quam 300 Cæsarei & 1600 Galli defenderant, qui, Capitulatione cum *Bernclavio* inita, liberi dimissi sunt, Cæsarei quidem *Wemdingam* ad exercitus reliquias, Galli vero *Spiram*.

Solum in *Bavaria* supererat *Ingolstadtum*, hætenus virgo, quia nunquam expugnatum. Erant præsidio 360 Cæsarei, cum 3000 Gallis, quibus *Grandvillius* præfuit. *Bernclavius* 16000 armatorum admovit, omnemque comeatum interclusit. 26 Aug. viæ obfionales sunt apertæ, & utrinque tormentis & pilis ignariis vehementer certatum. Tandem vero 1 Oct. hæc virgo cecedit. *Bavaris* in *Sueviam*, Gallis ad *Rhenum* liberis abire concessum. Atque hoc pacto tota *Bavaria* cum *Superiore Palatinatu* in *Austriacorum* potestatem venit.

Regina utrique *Goesium* Comitem præfecit, qui 16 Sept. *Moenachii*, *Landshuti*, *Straubingæ*, atque *Burghusii* juramentum fidelitatis recepit, protestante Imperatore.

## Art. XLIV.

*Princeps Carolus cum exercitu ad Rhenum superiorem :  
Rex Angliæ ad inferiorem. Pugna Dettingana.  
Sponsalia Caroli cum Regina sorore.*

Sed necdum finit anni hujus 1743 tragœdia. Gemina adhuc scena 65.  
supererat, ad Rhenum acta. Cum enim post infelix ad Brunaviam  
prælium omnia in Bavaria ad casum inclinarent, divisus est Austria-  
corum exercitus: & pars altera sub Bernclavio, aliisque Ducibus <sup>Ad Rhenum</sup>  
relieta est, ad persequendas belli Bavarici reliquias; pars altera <sup>sup.</sup>  
sub Principe Carolo & Kevenhüllero cum 70000 8 Julii ex Bavaria  
per Sueviam ad Rhenum movit; atque 14 Aug. Brisacum attigit,  
Rhenum inde trajectura. Primus transitum tentavit *Trenckius* cum  
suis Licanis & Croatis, alter Princeps *Waldeccius* cum 5 cohorti-  
bus: sed cum rustici militibus mixti magno numero in adversa ripa  
excubarent, cum non levi suorum jactura repulsi sunt. Cum igitur  
trajectus spes non esset, & alioquin autumnus jam inclinaret,  
19 Octobris pleræque copiæ in Bavariam hyematum redierunt, re-  
lieto in Brisgovia cum aliquot legionibus Waldeccio. Et hæc qui-  
dem ad Rhenum superiorem.

Cruenta magis scena ad Inferiorem Rhenum aperta est. Quip-  
pe 50000 Angli, Austriaci, Hassi sub initium veris ex Belgio in Angli ex  
Germaniam profecti sunt, *Arenbergio* Principe & Comite *Stairio* Du- <sup>Belgio.</sup>  
toribus. Postquam autem in Ubiis Rhenum transierant, mense  
Aprili Moguntiam, Francofurtum, & Hannoviam usque se expli-  
cabant. Galli, quos *Noallius* ducebat, ad 50000 æstimati, pariter  
Rhenum trajecerant. Variis munitionibus & profectionibus con-  
sumptus Majus. 19 Junii Rex ipse Angliæ cum filio, Duce Cum-  
briae, in castra Fœderatorum venit, periculum sui in acie facturus.

28 Junii ad *Dettingam* pagum, haud procul *Aschaffenburg*o, ven-  
tum ad manus, confertumque prælium pertinax & sanguinolentum. Pugna Det-  
tingana.  
Novem quippe horis pugnatum acerrime; diuque nutabat victoria.  
Anglico equitatu jam ferme profligato. At tandem, postquam fœ-  
derati, fugam simulantes, Gallos ex opportuna statione in locum  
insidiarum traxerant, tanta ignium pilarumque vi in eos actum, ut  
*Noallius* receptui, fœderati victoriam canerent. Strages utrinque  
fuit magna, dubitesque, ex qua parte major.

Galli



Menzel.

Galli Seligenstadium ac inde trans Rhenum se receperunt, Rex vero cum exercitu Hanoviam concessit, ubi cum Georgio Principe Casselano, & viginti Hollandorum millibus, in auxilium, post longas moras, ex fœdere missis, se conjunxit. Nihil tamen admodum majoris momenti amplius gestum: famosus *Daniel Mentzelius*, Hussarorum Dux equidem cum 3000 in Lotharingiam excurrit, & Metas usque atque Nancejum prædas egit; conatus etiam Landavi promptuaria annonaria Gallorum comburere, sed in fossam lapsus pedem fregit; atque Bipontem est deportatus. Rex Angliæ Hannoveræ hyemem egit.

Sponsalia  
Principis  
Caroli.

Dum res Austriæ tam prospero cursu procederent, festiva Viennæ gaudia personabant. Nam & Dettingensis victoria solenni hymno in Ecclesia S. Stephani est celebrata; & Hymenaus Epithalamium cecinit, cum *Princeps Carolus*, Dux Lotharingæ, Ducis Magni frater, *Mariam Annam*, Reginæ sororem unicam, sponsalibus sibi jungeret 19. Nov. postquam illa secundum ordinem Sanctionis Pragmaticæ renunciaverat. Accessit solennis ludus equestris Reginæ, & aliarum feminarum Principum, quæ, Amazonum habitu indutæ, in hippodromo decurrebant.

## Art. XLV.

*Obitus Moguntini, Constantiensis, Leodiensis, Hyacinthi Principis Siegensis. Saxonis Fœdus cum Regina. Unio Francofurtensis. Carolus Princeps Rhenum trajicit. Irruptio Borussi in Bohemiam. Exercitus Austriacus revocatur. Galli Constantiam capiunt, urbes Sylviaticas, & Friburgum. Imperator redit Monachium. Recuperata Bavaria.*

66.  
Elzio succedit  
Ostein.

Obiit 20 Mart. 1743 Philippus Carolus Comes Eltz, Elector Moguntinus, hydropæ, æt. 78, Regiminis 11, justitiæ & pacis amans. Quamvis autem plures & potentes essent competitores, etiam exteri, electus tamen 23 Aprilis est ex gremio Joannes Fredericus Carolus Comes Osteinus, qui Custos fuerat, & Ecclesiæ S. Bartholomæi Francofurti Præpositus, 15 Sept. ab Archiepiscopo Colonienſi consecratus.

Fuit

Fuit electio hæc ad Votum Reginæ Hungariæ & Regis etiam Angliæ. Hinc mox Moguntiam gratulatum accefferant, Arembergius, Neupergius, Stairius, ac dein ipse etiam Rex Angliæ, postquam Elector ad ipsum inviserat.

Acceptavit is (quod Antecessor recusaverat) scriptum, quo Regina protestabatur contra electionem Casaream, suspenso Voto Bohemico factam, atque ad Dictaturam dedit. Graviter id tulit Imperator, conquestus de Electore, quod absque consensu Electorum id genus protestationis recepisset, & Imperii Protocollo inferuisset, contenditque, illam ab actis Imperii rejiciendam. Plura in hanc rem scripta ultro citroque volabant.

Moguntinum Electorem ad beatam perennitatem 20 Aug. fecutus est *Damianus Hugo S. R. E. Cardinalis, Episcopus Spirensis* & Card. Schön-  
*Constantiensis*, 67 ætatis anno. Spirensi Ecclesiæ datus Franciscus born,  
Christophorus Huttenus, Constantiensi vero *Casimirus Antonius Ba-* Sicking.  
*ro Sickingius*, Præpositi antea functus dignitate.

Sed necdum funeribus fatiata mytris & pedis inhians superba  
falx, duos adhuc Episcopos mense Decembri demessuit, videlicet  
6 Dec. Episcopum *Leodiensem*, Georgium Ludovicum de *Bergbes*, 81 *Bergbes*.  
æt. anno, 20 Regiminis; & *Basileensem*, Jacobum Sigismundum de  
*Reinach* 16 Dec. æt. 60, Regiminis 6.

Elector Palatinus Philippus Theodorus, cum Junio Anglo-  
Austriaci imminerent, neutralitatem amplectens, copias suas a Cæs. Palat. neu-  
fareis separatas revocavit. Variolis dein periculose laborans Divi- tralis.  
no favore subditis suis fuit servatus.

Elector Saxonie novum *Fœdus cum Austria* iniit: quo præter ami-  
citiæ firmatur Sanctio Pragmatica, vi cuius post Descendentes *Fœdus Saxo-*  
Caroli VI primus ordo tangit Principes Saxonie utriusque sexus, *Austriacum*.  
ex Josephi Cæsaris Primogenita nascentes. Renovatur Fœdus  
anni 1733, cavetur de assistentia, & defensione mutua. Nullum  
contractum, huic contrarium, inibunt. In Dietis Imperialibus &  
Circularibus privatæ suæ ac mutuæ, atque communis in Imperio  
utilitatis rationem habebunt. Russiæ Imperatricem & Angliæ Re-  
gem ad hoc fœdus invitabunt. Limites per Commissarios deter-  
minabunt.

Quæ in Domo Holsato - Gottorpiensi & Mechlenburgica me-  
morabilia hoc anno contigerunt, opportunius in actis Suecicis &  
Russicis dicentur.



Præter 4 Episcopos, supra memoratos, obierunt hoc anno  
 1 Wilhelmus *Hyacinthus*, Princeps Nassovio-*Siegenfis*, ultimus li-  
 neæ *Catholicæ*, anno æt. 77, varia per vitam suam expertus, quæ  
 sparsim supra attigimus. Successit *Diecentis* Princeps Auriacus,  
 omnium ditionum lineæ Ottonianæ jam possessor, &, quod gau-  
 dium complevit, auctus filia Carolina, cujus patrini Rex Angliæ  
 & Borussia.

Succ. Die-  
 centis.

2. Christoph. Franc. Josephus L. B. *de Rodt*, Gubernator urbis  
 Friburgensis in Brisgovia. 3. Oeniponti Tribunus Comes Waldseg-  
 gius. 4. Comes Czerninus Pragæ. 5. Franc. Ant. Stahrenbergius,  
 Aulæ Viennensis Moderator, cum coronationi Reginæ assisteret  
 Pragæ. 6. Eleonora Princeps *Oelfensis*, ad Catholicam Religionem  
 conversa.

Oelfensis  
 conversa.

Anno 1744 inita est *Unio Francofurtensis* inter Carolum VII  
 Imperatorem, Regem Borussia, Electorem Palatinum, Landgra-  
 vium Hassiæ, cui Gallia & Hispania accessit, postquam Rex Fran-  
 ciæ, qui hætenus copiarum auxiliarium nomine Cæsari adstiterat,  
 Reginæ Hungariæ, Angliæ, & Sardinia bellum denuntiavit.

Unio Fran-  
 cofurtensis.

Unione autem illa conventum 1, ut finis illius sit conservatio  
 Imperii secundum illius leges fundamentales: pax reducenda: de-  
 fensio Dignitatis & Auctoritatis Majestatis Cæsareæ.

2. Bonis Officiis efficiendum, ut Aula Viennensis Imperato-  
 rem agnoscat, Archivia Imperii extradat, eidemque provincias  
 suas restituat.

3. Curandum, ut lis de successione Austriacæ, vel a toto  
 Imperio amice componatur, vel via juris, sancitis interea in-  
 duciis.

4. Cavent sibi invicem de terris possessis.

5. Omnibus Statibus liberum sit, huic Unioni accedere: spe-  
 cialiter vero invitentur Electores Colonienfis & Saxo. Circumfe-  
 rebatur etiam Articulus privatus, qui Cæsarem inter & Borussum  
 ferebatur initus, quem tamen hi negabant.

Colonienfis  
 fratrem de-  
 ferit.

Colonienfis neutrum se professus est; quin Regi Angliæ 6000  
 Stipendiarios dedit. Saxo vero Fœderi suo cum Regina inhære-  
 bat, prout etiam Russia.

Per Comiticia Imperii acria adhuc scripta volitabant. Propone-  
 batur inter alia, si Protestatio Austriacæ ab Actis Imperii rejicere-  
 tur, Reginam provincias suas a nexu Imperii, prout vi privilegii  
 facere posset, sejuncturam. Sed non sunt refricanda vulnera, quæ  
 dudum cicatricem obduxerunt.

Cum

Cum Gallia Regiæ bellum denuntiasset, Carolus Princeps, cui Traunius Legatus additus, ad *Schreckium* in Marchionatu Duri- Carolus Rhe-  
lacenſi cum 70000 *Rhenum trajecit*. Superataque linea Lauterbur- num trajicit.  
genſi, *Weissenburgum, Hagenoam, Tabernas*, aliasque urbes cepit.  
Jamque Argentinæ imminebat, cum geminus eum tristis nuntius, Nova Scena.  
& de *Adventu Noallii & Harcurii* cum subsidiis, & de *irruptione Bo-*  
*russi* in Bohemiam, Rhenum remetiri coegit, cum jactura non mo-  
dica, Gallis postremam ejus aciem carpentibus.

Cæsareus dein exercitus in *Bavariam* movit Ductore *Secken-*  
*dorffio*, Galli vero *occupata Constantia* & urbibus *Sylvaticis, Brigantia* *Constantia*  
*tentarunt*, sed gravi cum jactura sunt repulsi. Speraverant *capta*,  
quidem Cæsar & Borussus, eos Austriacos infecuturos. Sed ad  
*Friburgum* in *Brisgoja* hæserunt, eamque oppugnabant.

11 Oct. Rex ipse, postquam a morbo, quo Metis periculose  
decubuerat, convaluit, in castra venit, in colle *Lauretano* vir-  
tutis spectator & hortator. *Coignius* oppugnabat, *Damnizius* stre- Et Fribur-  
nue propugnabat. Tandem tamen 7 Nov. urbs se dedere coa- gum.  
cta est, præsidio in arces, extra urbem monti adhaerentes, se re-  
cipiente. Quæ tamen & ipsæ, capto præsidio, ad deditionem com-  
pulsæ sunt. Miserrimum erat, quod Galli non tantum pulcherrima  
castella (quæ tamen ipsi olim construxerant) sint demoliti, sed  
urbem etiam ipsam munimentis omnibus reliquis exuerint.

Austriacus exercitus a Rheno in *Bavariam* & *Palatinatum*  
superiorem movit; interceptum *Neoburgum* ad *Danubium* & *Solis-*  
*bacum*, imperatæ contributiones, quia Elector Palatinus vi Unio-  
nis *Frankofurtensis* copias suas cum Cæsareis & Hassicis conjun-  
xerat iterum. A *Rothenbergæ* obsidione Austriacos Comes S.  
*Germani* *Tribunus Cæsareus* depulit, ac postea *Donawerdam* occupa-  
vit, servato adhuc ponte, quem *Bernclavius* accenderat. *Mona-* Bavaria re-  
chium hic cum 10000 abiit, sed cum *Seckendorffius* immineret, *cuperata.*  
primo *Monachium*, dein etiam *Landishutum* deseruit, ut *Bruno-*  
*vium, Schärdingam* & *Passavium* defenderet. Expugnatum a  
*Bojis* *Burghusium, Roggendorffio* cum præsidio Austriaco  
capto.

Venerat interea *Imperator* *Frankofurto Monachium*, atque ad  
exercitum *Vilsbovium* profectus est, ubi hyemis rigor subsistere  
copias coegit. A *Tribuno Segur* intercepta *Amberga*, sed adve-  
nientibus ex *Bavaria* & *Bohemia* Austriacis iterum amissa, sicut  
etiam *Pedepontum* ad *Ratisbonam*.



spondente  
securitatem  
Anglo.

Imperator autem cum ingenti populi devoti lætitia exceptus Monachii, interveniente Rege Angliæ a Regina assecurationem accepit, quod in urbe sua principe sit futurus tutus, etiamsi arma Austriaca in Bavaria rursus prævalitura forent.

Imperium  
ordinat.

Principes  
creat.

Cæterum ordinavit Imperium, ejusque suprema tribunalia, Judicium Aulicum, cui Præsidem dedit Comitem Truchesium Zeilensem, pluresque Assessores, & Cameram Wezlariensem, cui, mortuo Comite Virmondo, Domus suæ ultimo, Judicem præfecit Montfortum. Comitem Isenburgo-Birsteinium, Comites item Hobenloenses Waldenburgensis lineæ, in Bartensteinios & Schillingsfürstos divisam, S. R. I. Principes enuntiavit.

### Art. XLVI.

*Borussi Manifestum. Viennensis Responsio. Rex Pragæ capit; at veniente Carolo deserit. Recuperata Silesia superior, Saxone socio. Nuptiæ Principis Caroli. Varii obitus. Bellilius captus.*

67.

Borussi Ma-  
nifestum.

Antequam Rex Borussię in Bohemiam denuo irrumperet, per Comitem Dohna, suum Viennæ oratorem avocatum, declarari jussit, Regem equidem suum promississe, quod litibus Reginæ cum aliis Principibus se non sit mixturus, per hoc tamen nullatenus abdicatum nexum & obligationem, quam S. R. I. Elector habet erga Imperatorem & Imperium. Nequaquam indifferentibus oculis spectari posse, Imperatorem, legitime electum, atque ab omnibus (Austria excepta) agnitum, provinciis suis exutum, contemptum, exulem, ejusque copias, novo in Historia exemplo, ultra Romani Imperii fines propulsas, Dignitatem Cæsaream oppressam, spretum Collegium Electorale.

Hoc fuisse, cur Rex unionem cum potentibus quibusdam Imperii statibus inierit, ut oppressa Cæsarea Majestas vindicetur, cum omnia bona officia nullas aures invenerint. Arripienda igitur arma, ut Imperio libertas, Cæsari sua Dignitas, Europæ quies restituatur. Hanc dein declarationem, cum Bohemiam invaderet, publico scripto manifestavit.

Respon-

Respondit Aula Viennensis, si Rex tanto ardore sit intentus <sup>Viennæ re-</sup> conservandis aliorum Statuum juribus, cur non tangeretur iis, quæ <sup>sponsio.</sup> Bohemico ad electionem legato & contra votum Bohemicum Francofurti acciderant? cum Regina fundamentalibus Imperii legibus, Aurea Bulla, Pace Publica & Westphalica nitatur, insimulari non posse delatâ constitutione Imperii. Pacis propositiones non fuisse tales, ut acceptari potuerint: *Secularizando* bona Ecclesiastica, uti Salisburgum &c., dissolvi compagem Imperii. Germaniam non amplius esse Theatrum belli. Non cupere Reginam crescere, sed indemnitatem & in futurum securitatem.

Quomodo unio Francofurtensis & ejus præsertim articulus privatus, cum juribus Imperii & pace Uratislaviensi combinari possit, non facile dispici. Primo statim hujus articulo promissum a Rege, se hostibus Reginæ nulla præbiturum auxilia sub quocunque demum prætextu, nec fœdus conclusurum huic paci contrarium. Si tantus sit Regi pacis amor, cessaret arma minitari; duas tam arcto sanguinis vinculo conjunctas Domos per se ipsas, absque interventu tertii, conciliari posse, & electionis negotium ad præscriptum Auræ Bullæ componi.

Sed a verbis & calamis ventum ad gladios & catapultas; nam Rex in 10 Aug. Rex, trifariam diviso exercitu, qui 90000 hominum <sup>Bohemiam.</sup> constituisse dicitur, Bohemiam invasit. Primam partem ipse per Saxoniam ducebat, alteram per Lusatiam *Deßavius*, tertiam ex Silesia per Glacensem Comitatum *Schwerinus*, cum magno rei tormentariæ apparatu. Praga erat centrum, in quo tot hastæ debebant concurrere.

Regina, comperto tanto motu, *Festeticum* cum sex velutum millibus ocius ex Bavaria & Palatinatu in Bohemiam properare iussit, eique *Bathianum* cum 20000 submisit, defensuros Pragam, quæ, refectis antiquis & erectis novis munimentis, diu noctuque operi instabat, ut hospes condigne excipi possit. Armata tota civitas, Gubernatore *Ogylvio*, *Harschbio* vero rei armamentariæ, & propugnationi præfecto.

Borussi, certamine *Beravensi* superiores, 2 Sept. ad Pragam sta- <sup>Pragam ca-</sup> bant, tantaque vi eandem impetebant, ut 16 Sept. 16000 præsepit, dium captivum se cum triurbe tradere compulsus fuerit. Relicta civitati sua jura, præterquam quod magna pecuniæ summa fuerit exacta ad redimendas campanas, eo quod tempore obsidionis fuissent pulsatæ. *Ogylvius* & *Harschbius*, data fide Nobili, se sistendi, dimissi Viennam abierunt, rei gestæ tristes nuntii. Urbi præ-



**Sed veniente** **Carolo** festus *Einsidlus* cum 10000 praesidio; cum reliquo exercitu Rex Bathiano obviam processit. At is, pugnam declinans, cum imparibus omnino esset viribus, in Prachinum circulum regressus, 2 Oct. cum Principe Carolo, a Rheno advecto, feliciter se conjunxit, ut adeo Austriacus exercitus 66000 praeter Croatas, & alios levioris armaturae permultos, constaret. 22 Oct. dein cum 24000 Saxonibus, quos ex foedere Dux Weissenfelsius in auxilium adducebat, se univit, ut adeo Borussis pares viribus censerentur.

**Rursum de-**  
**ferit,**

**Et in Sile-**  
**siam se re-**  
**cipit.**

Certe Borussi, rebus suis diffusi, mense Novembri non modo Taborem, Bechinum, Frauenbergam, Budvisium, aliasque, quas occupaverant, urbes, sed ipsam adeo *Pragam* deferuerunt, fugientium instar in Silesiam se recipientes, relicta non modica praeda, etiam tormentaria. Quamvis grandia etiam damna, armamentariis praesertim, intulerint, apparatu bellico aut contrafacto, aut in Moldavam projecto. Cuniculi autem feliciter detecti sunt. Kolowratius *Pragae*, tam facile receptae, praefectus. Missus Thüngenius cum valida manu in circulum Pilsensem, adversus Gallos, in superiori Palatinatu circumstrepentes, invigilaturus.

*Judaei* propter perfidiam, tempore obsidionis pro indole sua innata exercitam, solum vertere jussi, atque non *Praga* solummodo sed toto Regno excedere. Verum propter importunas Anglorum & Hollandorum intercessionem executio fuit dilata.

Interea autem, dum in Bohemia duorum mensium spatio res tantae gestae sunt, Marvicus *Uratislaviae* Praefectus, & Dux *Holsato-Becensis*, relicti in Silesia, occupato *Jägerndorffio* & *Tropavia*, jussi sunt in *Moraviam* movere, & *Olomucium* expugnare; sed *Keilius* urbis Praefectus eam defensionem opposuit, ut urbem aggredi non ausi, circumlata per provinciam populatione, & ipsi inglorii in Silesiam redierint.

**Recuperata**  
**Silesia su-**  
**perior.**

Princeps Carolus fugientium Borussorum vestigiis insistens, occupato Comitatu *Glacensi* (cujus urbem principem *Nadaustus* corona cinctam habebat) in Silesiam irruit, *Troppavium*, *Jägerndorffium*, *Oppeliam*, *Ratiborium*, totamque Silesiam superiorem in Reginae potestatem redegit (*Kosela* duntaxat & *Neissa* exceptis) ut adeo spes optima affulgeret, Silesiam totam recuperandi. Quapropter Regina scripto, ad Silesios dato, Regi objecit, fractam pacem *Uratislaviensem*, istum foedus cum hostibus, *Bohemiam* invasam, ademptum Silesii praecipuum decus *Dietam* Principum, immanibus exactionibus oneratos Ecclesiasticos, omnes provincias in perpetuum mancipatum redactas.

Hæc

Hæc postquam acta sunt, Rex, commisso Dessavio imperio Berolinum abiit, Princeps vero Carolus cum Traunio, relicto in Silesia superiore Hohenembio, Viennam.

Elector Saxonie, quamvis sæpius invitatus ad Unionem Francofurtensem, e re sua non censebat eidem accedere: sed cum Domino Austriaca arctius se conjunxit. Passus dein per provincias suas transitum exercitus Borussia in Bohemiam, cum 24000 armatorum infecutus est, & cum Austriacis conjunctus, gessit ea, quæ diximus, <sup>Saxone</sup> focio. ductore Weissenfelsio Principe.

Dux Saxo-Vinariensis prohibuit Præconibus, ne ratione confessionis aliquid exigant; voluit tamen, ut singuli quater in anno aliquam confessario suo oblationem faciant.

Elector Palatinus, antequam Imperator Francoforto discederet, eidem valedixit; & cum Heidelbergam transiret, per primum suum Ministrum Marchionem Itterum eundem salutavit, atque ceu focius Unionis Francofurtensis in recuperanda Bavaria fideliter adjuvit.

Austria velut ambidextra brachium alterum ad Danubium & Rhenum, ad Moldavam, Albim, & Viadrum alterum extendit, cum duobus potentissimis Regibus decertans, quorum alterum Germania, alterum Bohemia ejecit, ad proprios utriusque lares invisens.

Inter Martios tamen fragores, lituos & tympana, auditus etiam Hymenæus, dum Carolus Alexander Dux Lotharingiæ, hoc Connubium sibi superatis, sibi despondit Mariam Annam Archiducem, Regi Caroli cum nâ sororem. Peracta nuptiarum solennitas Viennæ 7 Jan. hujus sorore Re- anni 1744, Paoluccio Nuntio Apostolico sponfos conjungente, & ginæ. benedicente. Addidit Regina dotem 100000 florenorum, pro or-

natu vero, supellestili, scatula, itinere, œconomia instruenda, multo plura, adeo quidem, ut liberalitas ad millionem florenorum ascenderet. Secutæ sunt Illustre exemplum, impari quamvis gressu, devoto tamen studio Provinciæ Hæreditariæ, 444000 florenis contributis: additoque aliquot millium aureorum nuptiali dono. Enituit pariter largitas Belgii, cujus Gubernatio serenissimis conjugibus a Regina fuit attributa, brevique ad eam capeffendam, Praga, Dresda, Lipsia, Guelpherbyto, Bruxellas sunt profecti.

Expedito hoc nuptiarum negotio, Magnus Dux Hetruriæ creavit 16 Aurei Velleris Equites, inter quos Princeps Esterhassius, reliqui Comites. Regina vero Comitem Christiani, Placentiæ antea Gubernatorem, Cancellarium Mediolanensem dixit.



Obit Keyen-  
hüller.

Luxit Austria magnos viros, 1 Ludovicum Andream Comitem *Kevenhüllerum*, Senatus Bellici Vice-Præsidem, Sclavoniæ Gubernatorem, & Viennæ Præfectum; de quo jure dici potest, quod alter velut Fabius restituit rem, non quidem cunctando, sed magna celeritate liberando Austriam, occupando Bavariam, hostem extrahendo e Bohemia: quæ sane basis fuit omnium actuum deinceps prospere, prout Regina ipsa Augustissima grato animo est contestata. Cum bellicarum artium esset peritissimus, reliquit commentaria, comprimis opportuna, eaque Comiti *Leopoldo Daunio*, rei armamentariæ tunc Præfecto, legavit, quem etiam, non minus fidum, quam rei militaris gnarum Regina moriens commendavit. Implevit annos 61.

Aliique  
Ministri.

2. Comitem *Leopoldum Herbersteinium*, consiliarium Intimum, variis legationibus celebrem. Obiit in Thermis Carolinis anno æt. 48. Secutus est agnatus ejusdem *Cajetanus*.

3. Joannem Comitem *Clarium* Altringerum Bohemiæ Vicarium, Pragæ extinctum anno æt. 54. 4 *Oliverium* Comitem *Wallisium* castrorum Præfectum. 5. *Gundaccarum* Comitem *Dietrichsteinium*. 6. *Josephum Kaunicium*.

Circulorum  
querelæ.

Quamvis *Suevicus* & *Franconicus* *Circulus* neutrarum se partium sint professi, non tamen belli calamitatibus propterea sunt liberati. Transitus frequentes, hospitationes, annonæ procuratio, neglectus disciplinæ militaris, & præsertim occupatio Anterioris Austriæ, a Gallis facta, erant querelarum materia, crebrius a Conventu Ulmenfi ad Imperatorem *Francfurtum* delata.

Sed negabat ille, regiones Anterioris Austriæ in tractatu neutralitatis esse comprehensas; & cum pars adversa in circulo *Suevico* omne genus hostilitatis adversus Cæsarem & auxiliares ejus Gallicas copias exercuerit, sufficientem fuisse datam causam, ditiones illas Austriacas, alioquin a circulo se eximentes, occupandi, maxime cum hac via Imperatori aditus in Bavariam, ab hoste detentam, aperiri videatur. Intercepta etiam *Schmettavii* ad Imperatorem epistola de non toleranda circulorum indifferentia strepitum in Comitio Ulmenfi excitavit, *Ramschwagio* Reginae Ministro strenue illa in rem suam uso. Sed quid? Galli post captum *Friburgum* *Sueviæ* quodammodo dominabantur.

Col. & Mog.  
dant Anglo  
copias.

*Clemens* Augustus Elector *Colonienfis*, relictis hoc anno partibus fratris sui Imperatoris, cum Anglis & Hollandis *Tractatum* iniit, quo istis 6000 armatorum promisit pro 18000 *Sterlingarum* sub-

subsidiis. Eadem consilia iniit Ofteinius Elector Moguntinus, Anglo apte ad persuadendum dicente.

Obiit Leopoldus Comes *Firmianus* Archiepiscopus *Salisburgensis* Obiit Fir-  
at. 65, Reg. 17. Immigrarunt mox copiae Austriacæ, Cæsare acer- mian. Arch.  
be conquesto. Hujus frater Joannes Theodorus, Episcopus Ra- Salisb.  
tisbonensis & Frisingensis, mortuo Berghensi, postulatus est ad  
Episcopatum *Leodiensem*, commendante Imperatore, & postulatio- Theod. Et  
nem admittente Pontifice, quæ res frigoris, aliquid in Aulam Bon- Leod. Ep.  
nensem induxisse videtur; propior enim quisque sibi est, quam  
fratribus suis.

Capitulum Cathedrale Arlesheimense, defuncto Rheinachio,  
Episcopum *Bajleensem* elegit Georgium, Josephum, Wilhelmum,  
Aloysium L. B. Rinck de Baldenstein.

In Electoratu *Hannoverano* contigit aliquid, quod multis ser-  
monibus & querimoniis occasionem præbuit. Notissimus orbi  
Franciæ Marechallus Dux Bellilius, (*de Belle Isle*) Aurei Velleris Bellilius  
Eques, dum cum fratre suo Berolinum ablegatus fuerat, *Elbinger* captus &  
*de*, *Hannoverana* civitate, captus, adeptis, quas penes se ha- Londinum  
bebat, litteris, *Osterodam* primum, dein *Londinum* abductus est. abductus.  
Gravissime capturam hanc tulerunt Imperator & Rex Franciæ, jus  
Gentium in Legato læsum questi, cui innoxius modico cum comita-  
tu transitus non fuisset tanta pœna luendus. At negabant Angli,  
Legati eum munere fuisse perfunctum, & ex ejus litteris nescio quæ  
arcana detecta spargebant.

Extincta est hoc anno in Carolo Friderico Principe Dômus *Linea Mös-*  
*Fürstenbergicæ linea Mös-kirchen*, cum 30 duntaxat annos natus *kirch.* succe-  
ex conjuge Holfato - *Wisenburgensi* nullos liberos reliquisset. Suc- dit *Stillinga-*  
cessit igitur pientissimo Principi, sola jam ex amplissima olim Fami- na.  
lia superstes, *linea Stillingensis*, cujus caput *Josephus Wilhelmus*, qui  
*Doneschingæ* sedem fixit.



## Art. XLVII.

*Obitus Caroli VII Imperatoris. Fœdus Varsaviense, oppositum Unioni Francofurtensi. Borussus prælio Sirigaviensi, Sorano, & Kesseldorffensi Victor. Dresda &c. dedita. Fœdus Angliæ cum Borussis.*

68.  
Obit Carolus VII.

Anno 1745 communi omnibus mortalibus, summisque etiam capitibus, fato concessit Monachii Carolus VII Romanorum Imperator 20 Jan. æt. 48, Imperii 3, Electoratus 19: Princeps Religione, animi fortitudine, mentis excelsæ perspicacia, in utraque fortuna constantia admirabili. In faciem a privatis sibi objici patiebatur Heros magnanimus, quæ privatus a privato non ferret. Obiit autem pietissime, omnibus morientium sacramentis ad constantius Imperium accinctus, & coronam gloriæ. Polypus in corde, & lapis in renibus, gravissimos inter, quos fortissime tulit, dolores magnam hanc animam separarunt a corpore.

Liberi.

Ex Maria Amalia Augustissima Coniuge, Josephi Imperatoris filia reliquit 1 Maximilianum Josephum, Electoralem Principem, quem, cum adhuc duo menses deessent, venia ætatis concessa, Majorem declaravit, ut adeo sine tutore aut curatore in Electoratu succederet, & Vicariatum Imperii administraret. 2 Mariam Antoniam Waldpurgam, Friderico Electorali Saxonie Principi 1747 nuptam. 3 Mariam Josepham Augustam, Marchioni Badensi 1755 desponsam. 4 Josepham Antoniam 1739 natam.

Electori unioni adhereret.

Magna erat Europæ expectatio, in quam partem novus Elector se verteret: trahentibus hinc Gallo, Borussis, Palatino, inde Austria, Saxonia, Anglia, Hollandia. Francofurtensis unio, mutato tantopere per mortem Caroli VII systemate, hiatum passa, omni ope contendebat, ut jura sua persequeretur, promissis in singulos menses quingentis librarum Gallicarum millibus: eviceruntque; nam Elector vias Paternas inire tandem statuit.

Fœdus Varsaviense.

Contra Unionem vero Francofordiensem Austria, Saxonia, Anglia, & Hollandia, novum inter se fœdus inierunt, quia Varsaviæ coaluit, Fœdus quadruplum Varsaviense appellatum. Ejus hæc sunt capita.

1. 2. Spondent sibi mutuū auxilium, & defensionem provinciarum.

3. 4. Saxo renovat sponfionem pro Sanctione Pragmatica: & pro defensione Bohemiæ promittit triginta armatorum millia.

5. 6. Quamdiu hæc defensio erit necessaria, Anglia annuatim pendet Saxoni 100000 Sterlingarum, Hollandia vero 50000. Periculo autem a Bohemia & Saxonia dispulso, Saxo tradet Angliæ & Hollandiæ 10000 militum pro 330000 florenis.

7. 8. Saxonia, si invaderetur, a reliquis contrahentibus servetur indemnis. in adquirendis partem suam habeat. Et in futura pace commoda hujus Domus curæ sunt.

9. 10. 11. Etiam post confectam pacem fœdus hoc perseveret. Invitentur ad accessum Russia, Polonia, Ordines Imperii, omnesque, quibus Germaniæ libertas cordi est. Ratificationes intra duos menses commutentur.

*Actum Versaviæ 8 Jan. 1745.* Subscripserunt, *Thomas Villiers* pro Anglia: *Comes Esterhazy* pro Austria: *Comes Brühl* pro Saxonia: *Cornelius Calkoen* pro Hollandia.

Hoc fœdus Unioni Francofurtensi vehementer, ut facile creditu, displicuit, Regi præsertim Borussia, qui hanc fabam, propter irruptionem Bohemicam, in se potissimum cusam, arbitrabatur. Visus est timere propterea, atque ad pacem animum inclinare, invocata etiam Moscoviæ conciliatione. At cum Regina Hungariæ Silesiam repeteret, ad arma & belli continuationem consilia conversa sunt.

Quanta autem felicitate & celeritate anno superiore Borussi ex Bohemia & superiore Silesia fuerant depulsi, tam adversa fortuna Austriaci sub Principe Carolo, & Saxones sub Weissenfelsio Duce, hoc anno sunt usi. Gemina infelix pugna mali fons & origo: *Strigaviensis* nimirum seu *Fridbergensis*, in qua cæsi primo Saxones, qui in lævo cornu stabant; dein etiam Austriaci, ingenti utrinque strage. Fœderati in Bohemiam regressi, ad Regino-Gradecium castra locarunt.

Altera commissâ fuit ad pagum *Sora*, victoribus rursus Borussis. Velites tamen Hungari *Ærarium Regis* bellicum, in quo 80000 Aurei inventi dicuntur, cum litteris arcanis ceperunt. Hyeme autem appetente Rex in Silesiam rediit. At ubi comperit, Fœderatos Lusatiæ imminere, occultis itineribus eo properans, per *Winterfeldium* tres legiones Saxonicas oppressit. Austriacis in Bohemiam reverti compulsi. (*Menfe Novembri*)



Et Kesseldorffensis,  
decretoria.

Tum vero Borussi, occupata utraque Lusatia, Saxones persecuti, Lipsiam, Misniam, atque Torgaviam occuparunt. Saxonicae copiae, cum Grünii Austriacis cohortibus ad Kesseldorffium, pagum haud procul Dresda disitum, opportuno admodum loco, se munierunt. Dessavius nihilominus eas aggressus, plenam victoriam reportavit, quamvis multo milite sibi constantem. Rex Borussiae & Princeps Carolus, qui cum Austriacis auxilio venerat, huic praelio non erant praesentes, sed ille haud procul Misnia, hic autem ad Dresdam stabat, se mutua observatione continentes. Pugnam autem moderabantur ex una parte Rutoskius & Grünus, & altera Dessavius & Geslerus.

Principes  
Sax. rece-  
dunt.

Cum post cladem istam foederati infirmiores essent, quam ut robori Borussico se opponerent, versus Bohemiam recesserunt, relicta suo fato Dresda. Rex Poloniae cum conjugē & duabus filiabus senioribus jam ante Pragam discesserat: tres Principes seniores Norimbergam, duo Principes cum sororibus, natu minimis, Dresdae remanebant.

Dresda de-  
dita.

Cum Dresda, ab exercitu destituta, adversus Borussorum potentiam defendere se non posset, 18 Dec. Regi se tradidit, praesidio capto. Tanto stetit miserae Saxoniae Varlavienae foedus.

Hannovera-  
num foedus  
Anglo-Bor-  
ussicum,

Rex Angliae primus illius auctor, primus ab eo jam ante descevit, dum 26 Aug. Hannovera, consilio cum suis confederatis ne quidem communicato, conventionem cum Rege Borussiae iniit. In hac art. 1 & 2 addicitur illi Silesia secundum Tractatum Uratislaviensem, sine ulla mentione refusionis immanium damnorum & sumptuum, quos irruptione in Bohemiam causavit. Spondet art. 3, cavetque insuper ei Anglus pro eadem Silesia, promittitque etiam sponsonem Batavorum.

Contrarium  
Varsoviensi.

4. Saxo eidem cessionis actum ratione Silesiae tradat. 5. Si Regina hanc conventionem acceptat, Borussus in electione Caesarea Ejusdem Conjugi det suffragium. 6. Regina & Borussus sibi reciproce de provinciis suis caveant: reliqui articuli continent alia, Borussis tradenda.

Graviter di-  
splicet  
Reginae &  
Electori.

Gravissime tulerunt Regina Hungariae & Elector Saxoniae hunc tam celerem & inopinatum Angli recessum a foedere, nuper primum inito, quod debebat esse perpetuum, eumque insciis suis confederatis de bonis & fortunis eorum disposuisse. Rejesta igitur hac conventionem, bellum, eo usque prospere gestum, placuit proseguere: sed eventum, quem vidimus, infelici; cum ultimis duobus anni men-

sibus

sibus exercitus, Silesia, Lusatia, & Saxonia sint amissæ, & immensæ contributiones a Borussis exactæ.

Respectum igitur ad pacem, quæ 25 Dec. *Dresdæ* est inita, Anglo conciliatore, & auctore amissæ Silesiæ.

### Art. XLVIII.

#### *Pax Dresdensis Austriaca.*

I. Sit amicitia insolubilis inter Reginam Hungariæ &c. & Regem Borussiarum. Pars neutra alterius hostibus assistat.

II. Articuli Præliminares pacis Uratislaviensis, & subsequens Tractatus Definitivus de anno 1742 atque Conventio Hannoverana, sint basis. Regina renuntiat Silesiæ, prout Rex omnibus aliis prætensionibus.

III. Sit amnestia. Hostilitas & confiscatio cesset. Copiæ post ratificatam pacem educantur.

IV. *Tierbutum* in Brabantia Regina restituit Regi.

V. Captivi sine litro dimittantur.

VI. Ereptæ ab Ostendanis Borussicæ naves restituantur. Commercium reparetur.

VII. Rex Borussiarum conjugem Reginæ agnoscit Imperatorem, & votum Bohemicum cum omnibus annexis. Regina autem nomine Imperatoris Regi addicit sua jura & prærogativas, etiam eas, quas a Carolo VII accepit.

VIII. IX. Cavent sibi reciproce de suis provinciis, curabuntque cum Angliâ, ut non tantum Hollandi, sed omnes Ordines Imperii, & pacis universalis ineundæ consortes pariter caveant.

X. &c. Saxo, Hannoveranus, Castellanus, Palatinus, huic paci includuntur, sed hic ea conditione, ut Imperatorem & votum Electorale Bohemicum agnoscat.

Subscripserunt pro Regina Fridericus Comes Harrachius Cancellarius Bohemiæ: pro Rege Henricus Comes Podevillius.



## Art. XLIX.

*Pax Dresdensis Saxonica.*

Eadem die etiam hæc pax Saxoniam inter & Borussiam fuit conclusa per Bilovium, & Stubenbergium, Status Ministros, nomine Saxoniae, & Podevillium nomine Borussiae. Ejus summa hæc est.

1. & 2. Sit firma pax, & amicitia, cum plena amnestia, sine damnorum reparatione.

3. Præter contributiones usque ad 22 Dec. indictas, Saxoniae Status & præsertim Lipsia Borussiae solvent *millionem Thalerorum*. Borussiae autem excedent e Saxonia.

4. Captivi sine litro dimittantur.

5. Saxo acceptat conventionem Hannoveranam.

6. Regina Poloniae renuntiat pro se & suis hæredibus *juri in Silesiam*, ratione Sanctionis Pragmaticæ, eventualiter ipsi competenti.

7. Saxo cedit Borussiae *vestigal Fürstenbergense* ad Viadrum, hæctenus litigiosum, pro æquivalenti.

8. In utriusque provinciis conservetur Religio Protestantica secundum normam Pacis West.

Reliqui articuli concernunt commercium, liberum transitum Saxonis in Poloniam per Silesiam cum rebus huc aut illuc de-  
vectis &c.

## Art. L.

*Austriaci Bavariam invadunt. Ad Pfaffenbosium Gallos & Palatinos opprimunt. Pax Füssensis. Aulae Monacensis ordinatio. Vicariatum Rhenanum, alternatione decreta, solus pro hac vice gessit Elector Bavariae.*

70.

Austriaci in  
Bavariam.

Cum Elector Bavariae post mortem Patris Imperatoris Unioni Francofurtensi inhærere statueret, Duces Austriaci ante omnia Bavariam sibi debellandam censebant; maturius igitur, quam Unionis Francofurtensis focii, Gallus, Borussia, Palatinus, & Hassus crediderant, hybernis *Bathyano* Duce egressi, 21 Martii transito Oeno, unitoque exercitu, cujus dexteram alam *Bernclavius*, laevam *Brunius* regebat, *Griesbacum*, *Vilsbovium* (ubi Croatae, invitis Ducibus

cibus Austriacis, immaniter sæviebant) *Pläulingam*, *Landavum*, *Dinglingam*, prædiis potissimum captis, occuparunt.

*Straubingenfes* præsidarii, imminente *Tripſio*, urbe exceſſerunt; prout etiam Galli *Kehlbeimio*. Cumque ad Monachium vires eſſent contrahendæ, ad principem eam urbem defendendam, *Landisbutum*, *Burghuſum*, *Waſſerburgum*, *Hala Dives* hoſtibus relictæ ſunt.

Comes *Segurius*, qui Gallos ducebat, *Geiſſenfelda Pfaffenbovium* movit, unde, unitus cum *Palatinis*, Monachium tendebat, ut cum *Segour* *Pfal-*  
Bavaris & Haſſis, ibidem metantibus, ſe conjungeret, ſed ab ex-  
ercitu Austriaco, 15 *Aprilis*, inopinato oppreſſus, conſerto certa-  
mine, victoriam, rem tormentariam, impedimenta, multumque  
militem amiſit.

Licet autem non admodum magnum, decretorium tamen *Pfaffenhovienſe* hoc erat prælium; quippe Galli & Palatini *Rayna*, & *Donawerda* in *Sueviam* ſe receperunt, *Tripſio* *Günzburgum* uſque, non levi illato damno, illos perſequentem.

Cum jam univerſus Austriacus victor exercitus Bavaris & Haſſis, a fociis deſtitutis, atque *Fridbergam* interea digreſſis, immineret; Haſſi, quibus *Brandius* præerat, *Neutrales* ſe declarantes, a Bavaris ſe ſepararunt, *Lechbuſum* dilapſi. Sed Austriaci eos interceptos belli more captivos detinuerunt, donec tandem, compoſitis diſſidiis, menſe Julio libertati ſunt redditi. Idem Palatinis accidit, qui cum Gallis necdum auſugerant.

Electore Bavarix, licet bellum cum Boruſſo adhuc ſerveret, a fociis jam dereliſtus, ne totam belli molem ſolus ſuſtineret, & provincias ſuas hoſtili potentiæ in prædam relinqueret, incerto in futurum eventu, ad pacem reſpexit.

Rudolphus Comes *Colloredus* Reginae Miniſter, proſpiciens, quod futurum erat, *Oeniponti* ſubſtitit, donec oliva viſceret. Tum vero per *Ehrenbergienſia* *Clauſtra Fuſſam*, *Auguſtanæ* ditio- nis in *Algovia* urbem, ad *Lycum* & pedem montis poſitam profe- ctus, cum Principe *Fürſtenbergio* *Aulæ* Moderatore, *Seckendorffio*, *Looſio*, Miniſtro Saxónico, *Droſto* *Colonienſi* Canonico, qui ab Electore mandatum acceperat, pacis negotium ſuſcepit. Quod, cum adhuc occulte tractaretur, & hæreret, certamen *Pfaffenhovianum* 22 Apr. abſolvit. Summam ſubjicio.

Art.



## Art. LI.

*Pax Füssensis.*

I. Regina agnoscit defunctum *Carolus VII Imperatorem*, ejusque Viduam Imperatricem.

II. Restituit Electori totam *Bavariam*, prout ante annum 1741 a Patre illius fuerat possessa.

III. Nullam damni compensationem exigit.

IV. Elector pro se & suis hæredibus ac successoribus renuntiat omnibus prætensionibus *Successionis Austriacæ*, Sanctioni Pragmaticæ contrariis, tituloque Archiducis aliisque assumptis. Agnati pariter renuntiabunt. Eandem Sanctionem acceptat.

V. Renuntiat pariter locis, quæ in Anteriori Austria a Gallis detinentur, cohortemque suam *Günzburgo* avocabit.

VI. Agnoscit *Votum Bohemicum* cum annexis in quacunque electione Cæsarea.

VII. Promittit Reginæ Conjugi in proxima electione Cæsarea suum suffragium.

VIII. Accedet *Associationi* quinque Circulorum Imperii, si sit absolvenda, & nihil aliud, ac quietem & securitatem Imperii intendet.

IX. Usque ad electionem Cæsaream *Ingolstadio* imponantur neutrales copiæ, *Brunavio* vero & *Schardingæ* Austriaci, prout etiam regioni, inter *Oenum* & *Salzam* sitæ, absque civili tamen gubernatione & proventibus.

X. Omnes captivi sine litro dimittantur.

XI. Res tormentaria cum annexis, quæ adhuc in munimentis *Bavaricis* extat, aut *Viennam* abducta est, atque ante annum 1741 ad Electorem spectabat, post futuram pacem universalem Electori restituetur, si *Gallia Friburgensem* restituat. Quod evincere Elector conabitur.

XII. Bona, fisco addicta, subditis utrinque restituantur.

XIII. Auxiliares copiæ, quæ in *Bavaria* fuerant, ab obligatione nexu absolvantur.

Reliqui articuli contingunt discessum copiarum ex *Bavaria*, Tractatum Definitivum erigendum, limites figendos, navigationem oenanam, telonia, transfugas non extradendos, commutandas *Salisburgi* intra 14 dies Ratificationes horum Præliminarium.

*Actum Füssæ 22 Apr. 1745.*

Secuta

Secuta mox 2 Maji Ratihabitione, Elector Monachium reversus est, atque in id. curam suam intendit, ut, soluto stipendio, exercitus abdicaretur, & exhausta bellis Bavaria ad pristinum omnigenæ felicitatis florem reduceretur.

Dum autem Elector cum Domo Austriaca ita componitur, Legatus Gallia *Chaviignius*, & Hispania *Bentius* discesserunt, Austria- Mutationes. co & Sardo succedente. *Stoppanius* autem Nuntius Apostolicus ad electionem Cæsaream Francofurtum abiit, & *Seinsheimius* Comes a legatione Hollandica ad *Viennensem*. Comites vero *Josephus Preysingius* & *Christophorus Minucius* ex sua bellica captivitate Monachium redierunt. *Felix Törringius* quoque, ex prædiis suis rediit, ad Aulam rursus inivit.

Aulam autem suam, Matrisque, Elector, reductis quibusdam minus necessariis, ad parcendum sumptibus, officiis ordinavit. *Josepho Principi Fürstenbergio*, ad Dignitatem Principalis Commissarii in Comitibus Imperii a novo Imperatore rursus assumpto, in supremi Aulæ Præfeti munere suffectus est *Maximilianus Preysingius*, huic vero in supremi Camerarii officio *Königsfeldius*. *Lercbenfeldius* Aulæ Marschallus creatus: *Tattenbachius* supremus stabuli Præfectus &c.

Quod *Vicariatum Imperii Rhenanum* spectat, cum illum post mortem *Caroli VII* *Bavarus* & *Palatinus* Electores communiter Vicariatum gessissent, alternatione jam introducta, *Bavarus* solus pro hac vicariatu Imp. solus ce illum administravit, erecto *Monachii* *Judicio Aulico* Imperiali, cui gerit El. Bav. Præsidem dedit *Truchsessium Zeilensem*, cum 11 Assessores, quos inter *Kreitmeierus*, *Cramerus*, *Ickstadius*, *Münchius*, quos S. R. I. Barones creavit, Comites vero *Ponikavium*, *Hasslangum* Legatum *Londinensem*, *Ravenheimium*, & duos ex Familia *Franconica* de *Leonrodt*. Regi *Borussiae* *Frisia Orientalis* Investituram contulit, contradicente licet Electore *Hannoverano*.

## Art. LII.

### De Electione Imperatoris.

Mortuo *Carolo VII* Imperatore novus *Bavariae* Elector per 71. *Sickingium* Baronem nuntiavit hoc factum Electori *Moguntino*; qui Invitatio. per *Kesselstadium* Præpositum, *Trevirensen*, *Coloniensem*, *Bavarum*, & *Palatinum*, Electores, per *Erthalium* vero Baronem, *Borhemum*, *Saxonem*, *Brandenburgum*, & *Hannoveranum* ad 1 Junii invitavit *Francofurtum* ad electionem.

Pars X.

X

Interea



Consilia.

Interea autem varius erat animorum habitus. Unio Francofurtensis (quæ prius Imperii Circulos neutros esse nolebat, sed, ut Imperatori suo assisterent, voluit cogere) novum Baviaræ Electorem in partes suas initio trahebat. Regina, Saxo, Anglus, Hollandi, Unioni Francofurtensi fœdus suum Varfaviense opposuerunt. Ab hoc, ut Gallus & Borussia Saxonem abstraherent, Coronam Cæsaream ei obtulerunt, sed acceptare recusavit, nisi omnes Electores voce unanimi libere omnino se eligerent.

Galli admoto exercitu sub Principe Contio (qui Mallebœum sublevaverat) electionis libertatem adversus Austrios defensuros se prædicarunt. Moguntinus, neque petere Imperium, neque indigere tali defensione, respondit. Sed potentius ad persuadendum dixit exercitus *Pragmaticus*, ex Belgio ab *Arumbergio* adductus, quem copiae Austriacæ post pacem Bavaricam plurimum auxerant, quemque dein ipse *Franciscus Stephanus*, Magnus Dux Florentiæ moderabatur. Nam Galli Rhenum remetientes, liberam electionem reliquerunt.

Sub finem Augusti convenerunt Francofurti Legati Electorales: videlicet *Moguntini*, Kesseltadius, Stadionus, Erthalus, Benzelius. *Trevirenses*, Ingelheimius, Leyensis, Spangenbergius. *Colonenses*, Hohenzolleranus, Droftus, Sierstorffius. *Bobemi*, Wurmbbrandus, Kevenhüllerus, Prandavus. *Bavarici*, Seinsheimius, Ravenheimius. *Saxonici*, Schönbergius, Wessenbergius, Losius. *Brandenburgici*, Danckelmannus, & Pollmanus. *Palatini*, Schæzbergius, & Menschenius. *Hannoverani*, Minchhusius & Hugo.

Votum Boh.

Quamvis autem hi essent congregati, Legati tamen *Brandenburgicus* & *Palatinus* (pace Dresdensi necdum composita) electioni obicem posuere. Negabant illi, Votum Bohemicum, Conclusionem Electorali quiescere iussum, sine consensu omnium Electorum potuisse suscitari; perperam igitur actum a Moguntino, qui ad Vota Electorum, privatim conquisita, Votum illud a quiete sua dimovisset.

Brandeb. &amp; Palat. respond.

At responsum, Votum Bohemicum tantum pro ea vice, qua electus est Carolus VII, fuisse iussum quiescere; non opus igitur ulla suscitatione; cum more veteri secundum præscriptum Bullæ Auræ cursum suum & activitatem habeat; prout plerique Electores facile agnoscant. A Pragmatico exercitu nullum libertati electionis inferri præjudicium (nam & hoc objiciebatur) sed eam, ne ab aliis turbetur, defendi. Cum Mallebœus terras Ecclesiasticorum Electorum premeret, Unionis consortes altum filuisse; cur nunc,

nunc, dum Germanæ copiæ ad solam protectionem pertinerent, tantopere clamarent?

4 Aug. Kesselftadio nomine Moguntini Præsides habita est prima præliminaris collatio, ad quam tamen Brandeburgicus & Palatinus non comparuere, sed contra Votum Bohemicum, quod in illa est agnitum, scripto sunt protestati.

13 Aug. 500 Rheni superioris circulares milites Francofurti ad custodiam sunt recepti. Aliquot dein sessionibus *Pollmannus* & *Discedunt*. *Menschenius* erant præsentēs, ex ultima autem, 11 Sept. habita, discesserunt, protestatione interposita. Revisâ tum Capitulatio Cæsarea, ad normam illius, quæ Carolo VII proposita fuerat, paucis mutatis, concepta. Collegium Principum sua circa illam monita per Directorium Salisburgense obtulit Electoribus. Duo addita puncta: primum, ut alternatio *Vicariatus* Rhenani, inter Electores, Bavarum & Palatinum statuta, ab Imperatore & Imperio confirmetur: secundum, ut Dux Sabaudia de Ducatu Montis Ferrati infeudetur, & in Vicariatu Italiae defendatur.

Alternatio  
Vicariatus.

Pridie electionis more Majorum omnes Legati Regum & Principum, etiam Imperii, cum omnibus peregrinis ex urbe dimissi sunt, solis Electoralibus remanentibus, ex quibus tamen Brandeburgicus quoque & Palatinus Hanoviam discesserunt. S. Severino ægrotanti indultum, ut remaneret, sed adhibita ædibus militari custodia.

13 Sept. processum more veteri ex curia ad Catholicum S. Bartholomæi templum. Celebrato solenni Missæ sacrificio, edito- *Eligitur Imperator*. que juramento, in Conclave concessum, ubi, Electore Moguntino præsentē ac Præsides, *Franciscus*, *Magnus Hetruriæ & Lotbaringia* Dux a septem Electoribus electus est Imperator; gaudio gestiente & applaudente tota civitate. Perlatum illico Nuntium *Heidelbergam*, ubi interim electus hospitabatur, atque ad exercitum, pone mantem. 25 Sept. Imperator insigni cum solennitate ingressus est Francofurtum, ante portas a Moguntino & Electoralibus Legatis exceptus, atque ad templum S. Bartholomæi deductus, ubi in Capitulationis capita juravit, quæ hic compendiose inferenda duxi.



## Art. LIII.

*Capitulatio Cæsarea Francisci I, synoptice relata.**Art. I.*

- Protestio.**
1. Promittit Imperator in vim liberi pacti, Christianitatem, Sedem Romanam, Pontificem, & Christianam Ecclesiam tanquam ejus Advocatus protegere.
  2. Nationem Germanicam, Rom. Imperium, Electores tanquam præcipua ejus membra & columnas fundamentales Imperii, & nominatim Domos Electorales sæcularium in sua primogenitura, reliquosque Principes, Prælatos & Status (comprehensa immediata Imperii Nobilitate) in suis Dignitatibus relinquere.
  3. Nullum Statum a Sessione & Voto excludere sine consensu Ordinum.
  4. Nec jurisdictione aut gubernatione territoriali privare, siue provisorie, siue in contumaciam.
  5. Neque in Statum assumere, qui non sit provisus sufficienti immediato dominio, & congruam taxam solvat, nec sine consensu Electorum, & collegii, ac circuli, cui adscribitur.
  6. Nec sine consensu Electorum & Principum jus Sessionis & Voti ad aliam lineam extendere.
  7. Principum & Statuum, ab anno 1654 assumptorum qualitates examinare.
  8. Juri territoriali in negotiis religionis, politicis, judicialibus, nihil derogare.
  9. Confirmare jura, privilegia, uniones hæreditarias Statuum, contraria cassare.
  10. A. C. Consortes nolunt Imperatorem obligatum ad Advocatiam Romanam, neque hanc tractatibus initis derogare.
  11. Iisdem juxta Instrumentum Pacis, Executionis Recessum Norimbergensem, arctiorem modum exequendi, aliasque constitutiones Imperii promptam exhibere justitiam: religionis gravamina secundum easdem constitutiones tollere. Idem promittit Catholicis.

*Art. II.*

1. Volumus Imperium pro viribus defendere & augere.
2. Successionem hæreditariam Imperii nullatenus prætere.

3. Bullam

3. Bullam Auream cum extensione ad Electoratum Brunsvico-Luneburgicum, Pacem Publicam, Religiosam, Recessum de anno 1555, præsertim vero Pacem Westph. maxime *art. 5 §. 2 & art. 8*, sicut etiam *art. 7 §. unanimi quoque &c.* posteriores insuper Reccessus, servare, nec, sub quocunque prætextu, absque consensu Statuum contraire, nec permittere, ut contra illa directe vel indirecte agatur.

Constitutio-  
nes.

4. Nec aliquid ex illis mutare.

5. Neque se solo novas ordinationes, pacificationes, leges, aut earum interpretationes facere, neque Judicio Aulico aut Cameræ id permittere, sed omnia hæc ad Comitia remittere.

6. Non permittere, ut Pax West. scriptis impugnetur: Protestationes contra illam rejicere.

7. Nec permittere, ut Judicium Aulicum, aut Commissarius librorum Francofurti, uni parti magis faveat, quam alteri.

8. Fiscali non permittere, ut contra libros symbolicos Protestantium, aut eorum editiones aliquid moliat. Idem respectu librorum Catholicorum observetur. In libris autem omnis male-dicentia evitetur.

### Art. III.

1. Electores, tanquam intima membra & columnas, peculiari Electores-consideratione prosequi.

2. Eos titulo *Reverendissimi & Serenissimi* honorare.

3. In rebus magni momenti sine eorum consilio nihil suscipere.

4. Ipsis conservare specialia sua jura, præeminentias, & prærogativas.

5. Electoratum Brunsvico-Luneburgensem tueri, & curare, ut convenienti Archi-Officio eidem provideatur.

6. Prout etiam Unionem Electorum Rhenanam, tam communem, quam particularem, approbare & confirmare.

7. Salvo tamen Instrumento Pacis, ceterisque Imper. Constitutionibus, & aliorum Statuum juribus.

8. Coronam pro more recipere; imploratis Electoribus, ut officio suo fungantur.

9. Salva transactione, inter Moguntinum & Coloniensem inita.

10. Libertatem electionis permittere.

11. Et cum Ratisbonæ Electores inter & Principes fuerit conventum, ut vivente Imperatore non facile Rex Rom. eligatur, nisi Electio videlicet Imperator diu extra Imperium versaretur, aut propter se Regis Rom. nium vel invaletudinem præesse non posset, vel aliunde necessitas publica



publica urgeret, hoc casu vero Electores ad electionem procedere possint, cum vel sine consensu Imperatoris, debite tamen requisiti, Imperator hoc conclusum ratum habebit.

12. Conceduntur Electorum liberi conventus ad expedienda negotia Imperii,

13. Licet id non fiat auctoritate Cæsarea.

14. Libertatem Senatui Electorali Cæsar relinquet.

Vicarij. 15. Jura Vicariorum Imperii inviolata conservabit, ut tam post mortem Imperatoris, quam etiam in diuturna illius absentia, vel si alias regere non posset, munere suo fungi possint.

16. Ita, ut lites etiam, in Judicio Aulico pendentes, ad suum tribunal advocare possint.

17. Finito tamen Interregno Vicariorum Acta ad electum Cæsarem mittantur, ut per Moguntinum, vel ejus Vice-Cancellarium ad Acta Imperii reponantur.

18. Cum Domus Bavarica & Palatina anno 1745 convenirent, ut deinceps alternatim Vicariatum Imperii gererent, idque a Collegio Electorali fuerit approbatum, Imperator eam alternationem toti Imperio proponet, & approbationem illius promovebit.

19. & 20. Quæ a Vicariatu Rhenano & Saxonico tam in causis justitiæ quam gratiæ acta sunt, confirmabit.

21. & 22. Cum ab aliquo tempore Legati Rerumpublicarum in Aula Cæsarea prioritatem loci ante Legatos Electorum prætenderint, hoc porro ne concedatur, sed isti ante omnes Legatos non Regios & ipsos etiam Principes personaliter præsentés, præcedant.

23. Comites Imperii, qui sessione & voto gaudent in Comitibus, omnibus aliis Comitibus & Consiliariis, atque Camerariis Cæsareis præcedant, statimque post Imperii Principes incedant.

24. Electorum Vicariis seu Officialibus hæreditariis debitus honor habebitur, ac permittentur suis muneribus fungi, quin Officiales Cæsarei se immisceant: &, si in illorum absentia isti vices gererent, Officialibus Electorum nihilominus omnia emolumenta obveniant.

25. Cum Archimareschalli Officio competat, in erectione potitiæ & taxarum Directorium gerere, & ordinationes nomine Cæsaris publicare, a Mareschallo Aulico aut aliis ne impediatur.

## Art. IV.

1. In omnibus deliberationibus de negotiis Imperii, præsertim <sup>Bellum.</sup> iis, quæ in Instrumento Pacis sunt expressa, permittemus Statibus liberum suffragium, & absque eo nihil de iis statuemus.

2. Erga finitimos pacifice nos geremus, nec Imperium exteris bellis implicabimus, nec fœdera inibimus sine Statuum aut saltem Electorum omnium, ubi in mora est periculum, consensu, & postea cum omnibus Statibus communicanda.

3. Nec aliter bellum Imperiale geremus, nisi secundum præscriptum Constitutionum, assumptis ex utraque religione pari numero bellici Senatus Directoribus, Consiliariis, Ducibus &c.

4. Nec se miscebit Consilium bellicum Aulae Cæsareæ &c.

5. Si autem Imperator ratione Imperii invaderetur, omnibus mediis uti potest, quæ Imperio non sunt præjudiciofa.

6. Nulla in regionibus Statuum munimenta eriget, nec lapsa restaurabit; cum hæc ad Dominum Territorialem spectant.

7. Sine consensu Statuum nullos delectus militum in imperio instituet, nec milites in Imperium ducet, nec permittet, ut alii ducant exterum militem per terras Imperii.

8. Nec sine eodem consensu militiam extra Imperii fines deducet, sed ad defensionem Imperii & Statuum adhibebit.

9. Neque Status hospitationibus aut transitu militum onerabit sine eodem consensu.

10. Præsertim locus, in quo est Camera Imperialis, ab ejusmodi hospitationibus sit libera, salva compensatione æqua, iis facienda, quorum interest.

11. Nullum pacis tractatum inibit sine consensu Statuum, nisi vera actualis necessitas urgeret; quo casu interim, donec res ad totum Imperium deferatur, saltem Collegii Electoralis consensum procurabit, antequam aliquid statuatur. Nec privabit aut privari permittet Status jure Deputationis ad tractatus pacis, sed inter Legatos Cæsareos & Deputatos Imperii, sicut in aliis Deputationum Dietis, consuetus tractandi modus servabitur. Quantum autem spectat congressus cum fœderatis, vel aliis exteris, præsertim cum quibus pax componenda, Deputatis Imperii liber accessus pateat, nec sine illis aliquid tractabitur. Si autem Status Imperatori plenam tractandi potestatem impertirentur, ea non aliter utetur, nisi prout verba potestatis collatæ præferunt.

12. Curabit, ut ablata ab hoste, aut in Ecclesiasticis aut politicis mutata, in statum pristinum, juxta fundamentales leges Imperii,



perii, & pacificationum conclusa reponantur (quo nomine tamen Protestantes Pacem Risvicensem intelligi nolunt, Catholici vero hanc reservationem suo loco relinquunt.)

13. Præsertim vero servabit Pacem West. nec alios sinet contra eandem agere.

14. Si exteris delectus militum concederetur, curabit, ut Imperium viribus non nudetur, atque ne Status & subditi transitu, aut hospitationibus graventur.

15. Proin etiam Cæsareæ propriæ aut auxiliares copiæ non aliter, nisi requisito prius consensu, per Statuum terras innoxium transitum suscipiant, atque ex propriis vivant, omniaque necessaria pecunia numerata solvant.

16. Idem de officialibus bellicis statuitur; ne alimenta ulla, sicut & gregarii, præendant, solo diversorio contenti.

17. Atque in hanc rem transeuntes idoneam cautionem præstabunt.

18. Curabit, ut Statibus, ejusmodi transitu gravatis, succurratur, & Immedietas ipsorum inviolata conservetur.

19. Atque in his omnibus defensionem & tutelam promittit.

#### Art. V.

1. Promittit Imperator, Status, per taxas Cancellariæ, tributis & vestigalibus non onerare absque necessitate.

Contributio-  
nes.

2. Contributiones non nisi de consensu Statuum in Comitibus determinare.

3. Easque a deputatis Circularum Officialibus recipere, ac morosos ad solutionem etiam præteritorum urgere.

4. Atque de receptis (nisi ad liberam dispositionem Cæsaris sint concessa) Imperio rationes reddere.

5. Nec ea ad alium finem, quam ad quem fuerant concessa, impendere.

6. & 7. Neque provincias hæreditarias, aut Statum quemcunque ab hoc onere contribuendi eximere.

8. Neque assignationes aut compensationes in hoc negotio admittere.

9. Neque exemptiones aut moderationes taxarum, in Matricula conscriptarum, alicui concedere sine consensu Statuum.

10. Sed curare, ut punctus Redintegrationis Circularum, Moderationis Matriculæ, & Pæraquationis, atque exemptionis er-

rores

rores in Comitibus vel speciali Dieta, intra biennium, si fieri possit, expendantur.

11. Omnes Status ad ea, quæ obligationis suæ sunt, præstanda adigere, & adversus contumaces juxta executionis ordinem procedere.

*Art. VI.*

1. Nullum in negotiis Imperii cum aliis in-vel externis fœdus Fœdera.  
inire sine Comitiali consensu.

2. Aut saltem Collegii Electoralis conjuncti, si publica salus & utilitas moram non ferret.

3. Nullum etiam fœdus ratione propriarum Ditionum cum præjudicio Imperii.

4. Status possunt inire fœdera inter se vel cum externis ad propriam securitatem & utilitatem, modo non sint contra Imperatorem & Imperium, aut contra ejusdem constitutiones, salvoque jramento, quo Status quilibet Casari & Imperio est obstrictus.

5. Nec aliter externa petenda auxilia, nisi secluso Imperii damno & periculo.

*Art. VII.*

1. Servabit ordinem politiæ, in Comitibus statutum vel statuendum, atque commercia terra marique pro viribus promovebit.

2. Commerciales civitates, præsertim Lubecam, Bremam, Hamburgum proteget.

3. Societates vero mercatorias & monopolia abrogabit.

4. Nulla dabit Privilegia monopolis.

5. Neque aliis politiæ Statuum præjudiciosa, quæ apud priores Imperatores non fuerint consueta, neque concessa renovabit.

6. Si in vicinis regionibus importatio mercium prohiberetur, providebit, ut prohibitio abrogetur, secus vero curare, ut neque ex illis in Imperium merces invehantur.

*Art. VIII.*

1. Spondet, nulla nova telonia concedere, nec antiqua pro-Telonia.  
rogare vel extendere: neque pro se ipso novum erigere vel augere.

2. Nisi unanimi omnium Electorum consensu collegiali hæc fiant.

*Pars X.*

*Y*

3. Et



3. Et audito circulo, in quo novum telonium esset erigendum, transferendum, augendum, aut prorogandum, & finitimis, quorum interest.

4. Nec petentibus id genus telonia dare litteras Promotoriales ad Electores, sed ad horum collegium conjunctum remittere.

5. Quo casu respiciendum etiam, ne nova telonia antiquis sint præjudiciosa.

6. Neque ad Rhenum aut alios fluvios, navium capaces, aliquid admittere in præjudicium commerciorum, aut Statuum.

7. Neque committere, ut per structuram aliquam navigatio per flumina impediatur.

8. & 9. Si quis novum telonium absque debitis requisitis erexisset, auxisset, aut extendisset, per mandata sine clausula, aliisque urgentibus mediis, illud abrogare & cassare.

10. Neque permittere, ut quis propria auctoritate novum telonium erigat, augeat, transferat, aut erecto utatur.

11. & 12. Tollere abusum, quo ante portas civitatum mercibus imponuntur sub variis nominibus & prætextibus vestigalia, & contributiones.

13. 14. & 15. Jubentur puniri abutentes teloniis. 16. Et cuivis Statui sit licitum, se suosque talibus gravaminibus liberare.

17. 18. 19. 20. Quia autem voci telonii aliud non raro nomen substituitur, uti juris *stapula*, *axis*, *commæatus*, *comitatus*, *pedagogii*, *pontivegii*, *depositionis mercium* &c. omnes ejusmodi impositiones, tanquam usurpationes, in ruinam commerciorum tendentes, sint abolitæ, & cassatæ, neminique absque consensu Electorum concedendæ.

21. Salvis tamen privilegiis, ab Imperatoribus eo tempore, quo consensus Electorum per pacta & Capitulationes necdum fuerat introductus, concessis, vel alias quiete possessis.

22. 23. Nulla amplius privilegia *stapula* concedantur, nisi cum prædicto consensu, & illegitime obtenta aboleantur.

24. 25. Nullæ dentur in præjudicium Statuum exemptiones a vestigalibus & teloniis legitime erectis, & illegitime concessæ aboleantur.

26. 27. Electores eorumque domestici & familiares immunes sint a solvendis vestigalibus, de novo concessis, auctis aut prorogatis: denturque Electoribus Reversales de hac immunitate.

28. 29. Imperator informationem petet & specificationem a Circulorum Directoribus de legitimis Vestigalibus, vel si Directores

res ipsi essent de illegitimis teloniis suspecti, a vicinis Statibus gravatis, ut illegitima ocius abolere possit.

30. 31. Eam specificationem & informationem prædicti tradent. Status autem eorumque Legati ad Deputationes Collegiales, & congressus circulares, ubique, etiam in terris hæreditariis Cæsaris, cum rebus suis immunes sint a teloniis, & aliis exactionibus, prout etiam mortuorum legatorum hæredes & successores, si res suas avehere velint, non tamen alienas.

### Art. IX.

1. Curam impendet cum Ordinibus, ut rei Monetariæ defectus corrigantur.

2. Eaque media adhibere, quæ Recessu de anno 1570 ad statuta Res Monetarias in quovis circulo tres urbes monetarias, & in Comitibus anni 1603, aliisque de inducenda conformitate tam in Imperio quam cum finitimis, & punitione contravenientium fuerunt proposita.

3. Et in Comitibus in futurum proponentur.

4. Postquam anno 1737, & 1738 in Comitibus varia sunt tractata, & a sequentibus Imperatoribus confirmata, tum vero adhuc tractanda restant, curabit, ut omnia ad effectum deducantur, conclusa per valuationis tabellas publicentur, & ab omnibus, præsertim iis, qui monetandi Regali gaudent, curate observentur.

5. Monetariæ Dietæ in circulis diligentius observentur, & juxta numarium ordinem numi externi non recipiantur majori pretio, quam juxta Imperialem taxationem valeant.

6. Nemini jus monetandi concedet sine assensu Electorum.

7. Cum experientia constet, eos Status, quibus Regale ac privilegium cudendi monetam fuit indultum, contra Edicta & constitutiones numarias eodem per se vel per alios abutantur, ac proin jus monetandi ipso facto amiserunt, Imperator ipsis cusionem monetæ prohibebit, uti etiam iis, qui jus monetandi non sunt legitime adepti, executione Circulis demandata.

8. Nec ejusmodi Status, privilegio monetandi privatus, restituitur, nisi de consensu Statuum in Comitibus.

9. Præter privationem privilegii, talis Status, qui eo contra Constitutiones Imperiales abusus est, suspendendus est a Sessione & voto (modo tamen Art. 1 hujus Capitulationis indicato) nec nisi in Comitibus, satisfactione præstita, restituendus.

10. Si vero mediatum Imperii subditus, sive Landsassius privilegio numario abuteretur, Dominus territorialis adversus ipsum procedat, eique privilegium adimat.



11. Ejusmodi Mediatis Imperator non dabit jus monetandi, nisi cum consensu Electorum, & audito circulo, aliorumque, quorum interest.

*Art. X.*

*Alienatio.*

1. Promittit Imperator, nihil de Imperio alienare, pignori aut hypothecæ subicere, onerare, nisi de consensu Statuum.

2. Nulla exorbitantia privilegia concedere.

3. Sed potius omni studio providere, ut perperam alienata, caduca, aperta, confiscata ad Imperium reducantur.

4. Status tamen in possessione quieti pignorum Imperialium relinquere absque relictione juxta Instrumentum Pacis, usque ad aliam compositionem Imperatorem inter & Status.

5. In determinationibus limitum Imperii sine hujus & Statuum, quorum interest, consensu nihil suscipere.

6. Inquirere intra annum in alienationem fendorum Italiae, & informationem ad Cancellariam Moguntinam mittere, ut Statibus communicetur.

7. Et ea de re deliberari, ac statui possit.

8. Curam impendere, ut Ordini Equestri S. Joannis bona, in Imperio & bellis Belgicis adempta, restituantur, salvis tamen Pace West. & cujusque juribus.

9. Et si ipse Cæsar aut sui aliquid retinerent, spectans ad Imperium, illud eidem restituere, si absque justo titulo possideatur.

10. Curare, ut omnia feuda Imperii in & extra Germaniam, præsertim in Italia, juxta Recessum anni 1722, illæsa servantur, de bitis casibus recipiantur ac renouentur, atque Vassalli contra omnem vim iniquam defendantur.

11. Cæsar quoque sua feuda recipiet, vel, si hoc commode fieri non possit, per Reversales Imperio securitatem & recognitionem præstabit.

12. Neminem ultra æquum contributionibus onerari patietur.

*Art. XI.*

*Feuda.*

1. Feuda & litteras feudales secundum priorem (nisi circumstantiæ aliud exigant) tenorem sine contradictione Vassalli Imperii extradere.

2. Neque sub prætextu non editorum pactorum familiæ, aut illiquidarum taxarum feudalium vel laudemiorum moram injicere.

3. Neque obligationem feudalem ad suam Domum dirigere.

4. Ec-

4. Ecclesiastici Electores & Principes possint per Ecclesiasticos ex gremio Capituli, vel per sæculares delegatos, feuda Imperii coram throno Cæsareo recipere.

5. Minores per tutorem aut curatorem feuda recipient, & juramento fidelitatis non aliter obstringantur, acsi illud post susceptum regimen ipsimet præstitissent.

6. Postquam autem Majorennitatem fuerint adepti, non exigatur ab illis nova receptio feudi aut nova taxa.

7. Eadem ratio est de feudis, a Vicariis Imperii vigore Bullæ Aureæ collatis; nam & hæc habeantur rata.

8. Litteræ feudales, & expectantiæ deinceps in sola Cancellaria Imperii expediantur.

9. Infeudationes & expectantiæ, quæ priorum Imperatorum datis & confirmatis expectantiis, & confirmatis hæreditariis unionibus sunt præjudicio, nullæ sint.

10. Si deinceps vel per obitum vel per feloniam feudum Imperio aperiatur, quod aliquid notabile importat, Electoralia cum consensu Electorum, Principalia cum consensu Electorum, & Principum, civitates insuper cum consensu civitatum, conferantur; nullæ vero de illis expectantiæ impertiantur.

11. Sed pro emolumento Imperatoris Imperio incorporentur.

12. Salvis tamen expectantiis legitimis, a prioribus Imperatoribus secundum Constitutiones illius temporis Statibus bene meritis concessis.

13. 14. 15. Si in futurum Imperatori bona obtingant, Contributionibus Imperialibus obnoxia, vel actu illa possideret, jura sua præstabit Imperio pro more Circuli, ad quem spectant, secluso omni prætextu exemptionis. Terris autem istis & bonis adquisitis sua jura & privilegia relinquuntur.

16. Steuras Imperiales civitatum aliosque proventus, aliis obligatos, ad Imperium reducet, & ad illius utilitatem impendet.

17. Ac intra annum designationem illorum ad Cancellariam Moguntinam mittet, ut Statibus communicetur.

18. Nec permittet, ut Imperio subtrahantur.

19. Nisi Collegiali Electorum consensu id factum esset.

20. In posterum autem non nisi ex consensu Electorum, Principum & Statuum fiat.

21. In negotiis magni momenti Consilium Electorum exquiret.



## Art. XII.

## Circuli.

1. Redintegrationem Circulorum promovebit, cavebitque, ut nullus eis Status subtrahatur, aut se ipsum separet.
2. 3. Restitutos Circulos Statusque reductos in sua Immediatione & juribus defendet, ut in statu suo relinquantur.
4. Non permittet, ut tribunalia Imperii in statum bellicum, civilem, aut æconomicum Circulorum se immisceant, aut cognitionem de eo prætendant.
5. Nihil mutabit circa executionem Imperialem & Ordinationes Circulares, nisi in Comitibus ab omnibus Statibus id approbetur.
6. Idem de ordinariis Deputationibus Imperii, quibus suus cursus relinquetur.
7. Salva tamen auctoritate Cæsarea.

## Art. XIII.

## Comitia.

1. Si præsentia Comitibus cessarent, singulis 10 annis, & quoties publica necessitas exigeret, illa indicet cum assensu Electorum.
2. 3. Deliberanda a Directorio Moguntino proponantur; deliberationes & conclusa mature expediantur.
4. Status non teneantur ad servandum ordinem punctorum, in propositione contentorum.
5. Cæsar ad Conclusa Imperii suam declarationem & Decreta quamprimum communicabit Statibus.
6. Non impediet, quo minus Moguntinus querelas Statuum ad Collegium Electorum vel etiam alia deferre, & ad deliberandum proponere possit, nec alias Archicancellario & Imperii Directorio limites ponet.
7. 8. Neque impediet, quo minus oblata decenter Memorialia ad Dictaturam tradantur, & sic Statibus communicentur: & postea a Directorio Imperii ad propositionem & deliberationem deducantur.
9. Cum post obitum Imperatoris, aut ejusdem Minorennitate aut diuturna absentia extra Imperium regimen ad Vicarios Imperii pertineat, Comitibus pro more indicant, eaque dirigant sua auctoritate.
10. Statibus Imperii & Circulorum liberum sit, etiam extra Comitibus Generalia Collegiales aut Circulares Conventus celebrare, quoties necessitas vel utilitas exposcit.

## Art. XIV.

1. Curam apud curiam Romanam impendet, ut *Concordata Germaniæ*, Episcoporum & Capitulorum privilegia, statuta, consuetudines, observentur, nec Gratiis, Rescriptis, Provisionibus, Annatis, multiplicatione fundationum, Reservationibus, Dispensationibus, Resignationibus, Collationibus, Coadjutoriis, Judicatura super statu Nobilitatis, vel aliis modis in præjudicium Fundationum Ecclesiasticorum vel Juris Patronatus aliquid agatur. *Concordata Germ.*

2. Aut parte altera non audita Romæ judicium præcipitur.

3. Sed juxta Acta in Comitibus Augustanis de anno 1530 gravamina tollantur.

4. Nec permittere, ut causæ civiles ad Nuntios Apost. aut curiam Romanam deducantur.

5. Curare, ut causæ Ecclesiasticæ & civiles bene distinguantur, nec altera pars in alterius forum ingrediatur.

6. Salvis iis, quæ A. C. consortibus in pace Religionis & West. fuerunt concessa.

## Art. XV.

1. Mediatorum tutelam assumere, atque ad obedientiam, Domini Mediat. nis suis territorialibus præstandam, adstringere.

2. Nec aliquem ab hac aut præstandis oneribus eximere.

3. Nec concedere, ut Status Provinciales circa Steuras soli cum exclusione Domini territorialis dispositionem usurpent.

4. Si mediatum subditus ad Imperatorem, Judicium Aulicum aut Cameram, ut a debitis oneribus se subtrahat, recurreret, non facile audiatur; sed a limine Judicii ad debitam partitionem, Domino suo territoriali præstandam, remittatur.

5. Sub. & obreptitæ obtenta a mediatis subditis privilegia, protectoria, exemptiones, cum omnibus clausulis & declarationibus, ac confirmationibus, sicut omnes inde dati contra Constitutiones Imperii Processus, Decreta, Mandata, prævia summaria causæ cognitione, pro irritis habenda, nisi petita prius scripto & accepta a Domino territoriali informatione.

6. 7. Omnes subditorum coadunitiones, fœdera, conspirationes contra Status tolluntur.

8. Fas esto Statibus, se & jura sua, etiam cum assistentia vicinorum, contra subditos defendere.

9. Si autem lites ad Judicem legitime deferentur, quamprimum expendantur.

Art.



## Art. XVI.

Judicia Imperii.

1. Unitatem & pacem plantabit, justitiam, sine acceptatione personarum, administrabit, etiamsi propriam Domum causa tangat, omnia more Majorum.

2. Neminem extra Imperium in jus vocare, neque ad acceptanda feuda: sed omnia intra fines Imperii juxta Constitutiones Imperii peragere.

3. Nullum novum Imperii tribunal erigere, nisi de consensu Statuum in Comitibus.

4. In Judicio Aulico & Camera Justitiam indifferenter administrare.

5. Curare, ut lite pendente nullus Status alterum repressaliis aut arrestis oneret.

6. Ordinationes Judicii Aulici & Camerae observare.

7. Neutrum Judicium in alterius Jurisdictionem involet, aut Processus avocet, nec Aulicum de sententiis & judicatis Camerae cognoscat, neque huic manus ligentur, quo minus ad Comititia referat.

8. Sed Camerale Judicium in suis juribus defendendum.

9. 10. Constitutiones Imperii & ordinationes servandæ.

11. Quidquid huic Capitulationi contrarium est, irritum esto.

12. Ministri & Consilarii Cæsarei negotiis Imperii, quæ ad Consilium Imperiale Aulicum pertinent, se non immisceant, multo minus eidem limites præscribant.

13. Processus, Mandata &c. non alibi, quam in Judicio Aulico resolvantur & expediantur: secus nulla sunt.

14. Imp. Judicium Aulicum proteget adversus Consiliarios & Ministros.

15. Votum Judicii Aulici Cæsari referatur in præsentia Præsidis, Vice-Cancellarii, Referentium, & Consiliorum ex utraque religione, si causa utriusque consortes tangat.

16. Quæ in Judicio contradictorio, cum debita causæ cognitione, decisa sunt, nusquam alibi ad novam cognitionem vocentur, salva tamen Revisione & Supplicatione.

17. Causæ in Camera pendentes non avocentur ad Judicium Aulicum.

Art.

## Art. XVII.

1. Sententiæ latæ mox executioni dentur.
2. Quamvis beneficium *Revisionis* & *Supplicationis* locum habeat, ne tamen lites sint immortales, celeriter sunt expediendæ, absque effectu suspensivo.
3. 4. Visitatio Camerae suscipienda per Deputatos, a Moguntino vocandos.
5. 6. 7. 8. 9. De Visitatione & Deputatis ad istam tractatur.
10. Impetrantes Revisionem, ad illam prosequendam intra 4 menses Moguntino & Camerae se sistunt, sub pœna desertionis.
11. Durante tamen visitatione Camera non cesset, sed operationes suas prosequatur.
12. 13. Agit de Decreto commissorio provisionali, & salario Assessorum Camerae.
14. Quantum ad *Supplicationem*, loco Revisionis in Judicio Aulico consuetam, refert se ad Art. 5 §. quoad processum, & Ordinationem Judicii Aulici.
15. Nullus Status in rebus, quæ præviam causæ cognitionem requirunt, & ad Judicium Aulicum spectant, Decretis Arcani Concilii oneretur.
16. Res Judicatæ Imperii contra omnem vim externam defendantur, & executioni dentur.
17. Taxa Cancellariæ &c. in Comitibus determinanda, nec augenda.
18. Taxæ Feudales secundum præscriptum Auræ Bullæ exigendæ. Et tamen quis plura feuda recipiat, una tantum taxa est solvenda.
19. Neque laudemis aliisque insuetis exactionibus Status sunt onerandi.

## Art. XVIII.

1. Neminem a Jurisdictione Imperii & Judiciis eximere.
2. Illos tamen Status, qui exemptionem vel contractum cum Imperio, vel privilegio, vel alias legitimo titulo, ab Imperatori Privilegiis obtinuerunt antehac, & in ejus possessione hæcenus persistunt, in sua exemptione relinquere, ac defendere, simul tamen illos, ut pacta servant, adstringere, atque ut Imperio præstent, ad quæ eorundem vigore obligantur.
3. Omnes Status (comprehensa semper Immediata Imperii Nobilitate) eorumque subditos in Imperio, in Juribus suis relinquere.



Exemptio-  
nes.

4. Prout etiam in sua Immediatione, privilegiis de non appellando & evocando, tam in civilibus, quam criminalibus & feudali-  
bus causis, electionis fori, item jure Austregarum, tam legalium  
quam conventionalium vel Familiarium in prima Instantia, subla-  
tis omnibus, quæ fortassis quocunque prætextu acciderant, con-  
traventionibus, inhibitoriis &c.

5. Nec ullum commissionibus, mandatis, ordinationibus con-  
trariis gravare, nec permittere, ut per Jud. Aulicum vel Came-  
ram gravamen inferatur. In specie vero in decernendis commissio-  
nibus servare ordinationem in P. W. art. 5 §. in *Convent. Deputat.*  
factam: si causa inter utriusque religionis consortes vertatur, pa-  
ritas Deputatorum, quantum fieri potest, observetur. Nullum  
autem Commissarium deputare, cujus interesse sit involutum.

6. Privilegia de non appellando, non evocando, Electionis  
fori, aliaque id genus, quæ ad minuendam Jurisdictionem Imperii,  
Statuumque antiquioribus privilegiis aut tertio præjudicare possunt,  
non facile concedere.

7. Neque jus Austregale extendere ad eos, qui hætenus eo  
caruerunt.

8. Cum adversus Cæsareo - Aulicum Judicium Rottwilense,  
Weingartense, & alia Provincialia a multis annis variæ querelæ sint  
propositæ in Imperii Conventibus, eorumque abolitio fuerit peti-  
ta, curabit Imperator, ut ejusmodi querelis obviam eatur, & ra-  
tione abolitionis aliquid certi in Comitii statuatur. Interim vero  
abusus tollantur, & in eum finem indifferentes Status deputentur.

9. Statuum vero ab ejusmodi Dicafteriis exemptio defendatur.

10. Et ab iis cuicunque gravato appellatio ad Judicium Auli-  
cum vel ad Cameram libera sit.

11. Atque exemptio Electorum & aliorum ab istis tribunalibus  
manuteneatur.

## Art. XIX.

1. Quæ violente abrepta, vel vigore Pacis West. adhuc resti-  
tuenda sunt, restituantur juxta Edictum restitutionis, arctioris mo-  
di exequendi, Nørimbergensis Recessus executionis.

2. Idem præstandum Cæsari, si aliquid restituendum.

Justitia.

3. Iis Statibus Immediatis, qui in Imperatoris aut Electorum,  
Principum, ac Statuum territoriis domicilium fixerunt, pariter ju-  
stitia administrabitur.

4. Statuum gravatorum processus non impediuntur.

5. Nulla

5. Nulla mandata emanent pro teloniis, absque consensu Electorum noviter erectis.

6. Si Status Provinciales ac subditi contra Dominos suos territoriales querelas proponant, præsertim contra Regalia, jura collectarum, armaturæ, sequelæ, defensionis provinciæ, præsidiorum in munimentis, ad nudam instantiam subditorum nulla mandata, protectoria, aut conservatoria impetiri, sed ad Judicium Austregale prius remittere.

7. Ubi vero Jurisdictio est fundata, antequam mandata emittantur, accusatum Magistratum cum sua informatione prius audire. Secus non teneatur mandatis parere.

8. Commissarii & cognitores causarum pœnaliū de pœna nihil participant.

*Art. XX.*

1. In causa proscriptionis seu banni se conformabit Paci Osnab.

2. Nemo sine justa causa, aut non auditus, aut sine assensu <sup>Bannum.</sup> Statuum proscribatur.

3. 4. Ordine procedatur, & ubi ad Conclusionem in Judicio Aulico vel Camera devenit fuerit, Acta ad Comitata deferantur, & a Deputatis ex omnibus tribus Collegiis examinentur; eorumque responsum Statibus ad concludendum in causa referatur.

5. Hoc Statuum Conclusum si Imperator approbaverit, suo nomine illud publicabit in Circulo, ad quem proscriptus pertinuerat, & exequetur, secundum Ordinem executionis.

6. Bona proscripti non attribuantur Domui Cæsaris, sed Imperio; ante omnia autem parti læsæ ex iis satisfiat.

7. Salvo jure Domini Directi, si proscriptus particularia feuda mediata habuit.

8. Salvo item jure agnatorum innocentium aut expectativam habentium: nec valeat hic principium, agnatos etiam innocentes propter feloniam proscripti feudo privandos.

9. Violente spoliatus pendente lite Banni restituendus.

10. Proscriptio, quæ hoc modo & forma non perageretur, sit nulla.

11. Bannum contumaciæ abolitum esto; civilia autem coercendi & compellendi media adhibeantur.



## Art. XXI.

Vasalli.

1. Jura Feudalia Statuum inviolata conservabit.
2. Et licet Vasalli eorum aut subditi ex crimine læsæ Majestatis aut alias iis excidissent, se non immiscebit.
3. Non autem caduca ejusmodi feuda ad Fiscum suum Cæsareum trahet.
4. Neque allodialia eorum bona sed Territorialibus Dominis dispositionem de illis relinquet.
5. Nec sub specie justitiæ eos turbabit.
6. Sed ad viam Juris in tribunalibus Imperii prætensiones remittet.
7. Nec ullam violentiam contra Constitutiones Imperii in his permittet.
8. Et si damnum inferretur, illico curabit, ut illud reparetur per arbitros vel Comitia.

## Art. XXII.

Status exaltatio.

1. In dignitatem Principum, Comitum &c. non referre, nisi bene meritos, Imperii incolas, & talibus mediis provisos, quibus talem dignitatem sustinere queant.
2. Neque ita evectis Votum & Sessionem concedere, nisi sub conditionibus & modo, Art. 1 hujus Capitulationis relatis.
3. Nec in præjudicium antiquiorum Familiarum Principum noviter evectos titulis aut insignibus ornare.
4. Neque ex impari matrimonio, aut illegitime natos ad patris dignitatem, titulos, insignia evehere, multo minus successionis capaces declarare, & si antea hoc factum esset, pro irrito habere.
5. Neque Status exaltatio cujusunque Domino territoriali aut ejus Jurisdictioni ulli sit præjudicio.
6. Et si ullus Status in hac re esset gravatus, gravamen tollere.
7. Omnes expeditiones Cæsareæ, Diplomata, Nobilitationes, Palatinatus, Consiliariorum Imperii, cum omnibus privilegiis, quæ sub nomine Imperatoris conferuntur, in nulla alia quam Imperiali Cancellaria expendantur, prout ab antiquo consuetum est.
8. Diplomata &c. aliter expedita irrita sunt.
9. Expeditæ in Cancellaria Imperii literæ, gratiæ, Status exaltationis, privilegiorum, aliis Cancellariis Cæsareis intimatæ, ab his gratis omnino & sine nova taxa recipiantur, agnoscantur, novusque titulus impetrantibus tribuatur.

10. Ad solum Archicancellarium Imperii pertineat, taxas moderari.

11. Si litteræ gratiales intra tres menses e Cancellaria Imperiali, soluta taxa, non redimantur, gratiæ a Cæsare concessæ, nullæ sunt.

12. Si nihilominus iis gratiis & titulis uti attentarint, a Fiscali Imperii puniantur.

13. Prout etiam qui falso prætendunt, se ejusmodi gratias ab Imperatore accepisse; aut litteras, taxa Cancellariæ soluta, non redimunt.

*Art. XXIII.*

1. Imperator in Imperio residebit, nisi circumstantiæ temporum aliud exigant.

2. Statibus eorumque Legatis celerem audientiam & expeditionem impertiet.

3. In negotiis Imperii solius germanicæ aut latinæ linguæ usus vigeat, nisi negotia extra Imperium essent tractanda.

4. Officia Imperialia, uti Protectionis Germaniæ, Legationum, Aulæ Præfecti, Camerarii, Marechalli, Corporis Custodiæ &c. ex Germanis potissimum constituet.

5. Atque illis sui honores, dignitates, salaria, conserventur.

*Art. XXIV.*

1. Consilium Aulicum ex hominibus idoneis utriusque religionis ex Circulis desumptis constituet.

2. Qualitatibus debitis sint ornati.

3. Nulli Statui, minus externis Potestatibus, obligatione adstricti. Consilarii

4. Nulla contra eos querelæ relinquatur occasio.

Aulici.

5. Ordinationem perficiet Consilii Aulici.

6. Decreto Commissorio exquiret Consilium Statuum de modo visitandi Consilium Aulicum, & Concluso vim dabit.

7. Interea vero visitabit Moguntinus tertio quoque anno, & Acta Comitibus exhibebit.

8. C. A. vero procedet secundum ordinationem veterem, donec nova conficiatur.

9. Qui prior est in officio Consilarii Aulici, præcedat juniores.

10. De cætero incedent sicut statutum est in ordinatione C. A.

11. Præses ac Vice-Præses sit Princeps Imperii aut Comes vel alius, qui in Imperio bona possideat.



12. Præsidi soli in Judicialibus competat Directorium, nec alius se misceat.

13. Omnes causæ in pleno Senatu tractentur, nec ad ullam Deputationem vel Commissionem trahantur.

*Art. XXV.*

1. Constitutio Cancellariæ Imperialis, Vice-Cancellarii, Referendariorum, Secretariorum, omniumque aliarum, ad Cancellariam pertinentium personarum, sit penes Archiepiscopum Moguntinum, qua Archi-Cancellarium Imperii per Germaniam, sine ullo obice.

2. 3. Cassatis contrariis omnibus.

4. Causa Imperii, Comitiorum negotia, Instructiones Cæsareorum Legatorum, ipsorum relationes in rebus Imperii, negotiationes belli & pacis, per manus Imperii Vice-Cancellarii eant, non vero ad Cancellariam Aulicam Provinciarum hæreditariorum trahantur.

5. Salaria Consilio Imperiali Aulico exacte solvantur, tum ex Camera Aulica, tum ex mediis ab Imperio provenientius.

6. A teloniis aliisque oneribus Consilarii Aulici, sicut Camerales, sint immunes.

7. Prout etiam, sicut Statuum Legati, Residentes, Agentes, a Jurisdictione Regionis Præfectorum, aliisque obsignationum, Inventuræ, editionis testamentorum, liberorum tutelæ &c. personarum oneribus.

8. Si velint discedere, liber eis abitus cum suis bonis, sine ulla exactione, concedendus, cum litteris salvi conductus.

*Art. XXVI.*

1. Regi Sardinia, tanquam Duci Sabaudia juxta P. W. Instrumentum feudum Montis Ferrati conferre, prout jam olim Ferd II Victori Amadeo Duci Sabaudia illud contulit, secundum jus Feudale, sine infuetis clausulis reservatoriis aut salvatoriis.

2. Nec Infeudationem illam differre sub quocunque prætextu.

3. Sed pœnalibus mandatis inhibere, ne quisquam se opponere auit.

Vicar. Italia: 4. Vicariatum Italia Domui Sabaudica confirmare ac defendere, non obstantibus, quæ in favorem Mantuæ quondam acta sunt.

*Art. XXVII.*

1. Cum a prioribus Imperatoribus externis quibusdam Potestatibus litteræ Protectoriæ super aliquos Status ac civitates sint concessæ, vel ipsi externij protectionis sibi arrogarint & usurparint, vel ipsi etiam Status aut urbes protectionem illorum implorarint, non sine gravi Imperii præjudicio in civilibus & judicialibus, Imperator tales litteras protectoriales non amplius dabit, nec concedet, ut quis tales petat aut acceptet, nec acceptas confirmabit.

2. Sed curabit, ut jam datæ vel acceptæ revocentur, aut saltem ad primum tenorem restringantur.

De externa  
protectione.

3. Omnes vero Status ac membra, absque imploratione externæ protectionis & assistentiæ, sub tutela Imperatoris & Imperii, atque administratione justitiæ in sacris & profanis secundum constitutiones Imperii censerventur & protegantur.

4. Cum etiam ab aliquo tempore per abusum causæ Judiciales ab Ordinariis Judicibus ad externas potestates non raro evocentur, præsertim sub prætextu Bullæ Aureæ Brabantinæ, cum non modico Statuum præjudicio, Imperator id genus evocationes penitus tollet, & per dictam Bullam Brabantinam gravatis jure retorsionis assistet.

*Art. XXVIII.*

1. Non concedet, ut externæ Potestates, aut earum Legati, negotiis Imperii se immisceant.

2. Neque permittet, ut Legati apud Deputationes, aut in aliis Imperii conventibus, aut apud Aulam Cæsaream, cum armata equitum & peditum custodia plateas oberrent.

*Art. XXIX.*

1. Cum adversus ordinatas in Imperio Postas non leves querelæ sint allatæ, atque illæ ad mentem P. W. ad Comitia sint remissæ, Imperator non permittet, ut in Statuum regionibus & ditionibus, in quibus ejusmodi Cæsareæ Postæ sunt constitutæ, locentur personæ, quæ non sunt Imperii subditi, & quorum fides non est affe-curata, quæque (excepta personali immunitate) etiam a realibus oneribus sint exemptæ.

De Postis.

2. Præterea Generalem Imperii Postarum Magistrum adstringet, ut ipsius Postæ omnibus necessariis sint bene provisæ, epistolas pro justa taxa, quæ in omnibus Postarum domibus sit affixa, secure promoveat, ut nullus querelæ sit locus.

3. Con-



3. Contra vero provincialibus & civitatum Imperialium cursoribus interdictum sit, ne epistolas ferant, equos mutant, personas, aut fasciculos assumant; sed civitatum alique cursores Cæsareis Decretis & Rescriptis de anno 1616, 1620, 1636 se conforment. Ac proin nuntii isti neque Moguntinæ Postarum Imperialium protectioni, nec Generali Postarum Imperialium hereditario Præfecto sint præjudicio.

4. Curabit Imperator, ut Generale Cæsareum & Imperiale Postarum Officium in suo vigore ubique conservetur, atque ad illius diminutionem nihil suscipiatur, concedatur, vel conniveatur, ac proin illud in Imperio in quietâ possessione permaneat.

5. Hic tamen articulus tandiu sit ratus, donec Imperium aliud ordinauerit.

#### Art. XXX.

1. Hanc Capitulationem Imperator Consilio Aulico, Cameræ, Juramentum. Ministris, Consiliariis jurandam & exacte servandam proponet.

2. Negotium Capitulationis perpetuæ (ubi tamen Electores reservant sibi jus *accapitulandi*) in Comitibus suscipiet, & ad perfectionem deducet.

3. Collegii Electoralis consilia, ad se directâ, observabit.

4. Cum propter absentiam non potuerit jurare in puncta Capitulationis, Commissariis suis plenam potestatem dedit, in animam Imperatoris jurandi.

5. Promittit autem, se adhuc ante coronationem in propria persona juraturum.

6. Antea vero Regimini se non immiscere, sed Vicariis continuationem administrationis relinquere.

7. Hæc omnia se servaturum iterato promissit, renuntiando omni dispensationi, absolutioni &c.

8. In horum testimonium novem exemplaria majori sigillo suo obsignata confecit, & cuivis Electori unum tradidit, Francofordiæ 13 Sept. 1745.

Coronatio  
præsentem  
Conjuge &c.

Quarta dein Oct. consueta solennitate unctio & coronatio Imperatoris ab Electore Moguntino assistente Trevirensi fuit peracta. Aderat etiam Imperatrix & Regina Maria Theresia, qui istamen noluit coronari, quod moris non esset in Imperio, ut duæ essent Imperatrices coronatæ. Auxerunt celebritatem mater Imperatricis

ratricis & Imperatoris soror. Die septima Octobris vero gratulatum supervenit Elector Colonienfis.

16 Oct. utraque Cæsarea Majestas Viennam discessit. Cum consensa Ulmæ navi per Bavariam transfirent, Elector *Mozingæ* eos veneratus, atque *Straubingam* comitatus mensæ hospites adhibuit, renovata firmataque magis Domus utriusque cognatæ amicitia.

Imperator ad Imperii curas mox conversus, constituit Consilium *Aulicum* rursus *Viennæ*. Præsidem eidem dedit *Wurmbrandum*, Vice-Præsidem Comitem *Hartig*; Procancellarius Imperii renunciatus *Colloredus*.

Comitia Imperii rursus *Ratisbonam* *Frankofurto* translata, eisque Imperium Principalis Commissarius iterum præpositus *Josephus* Princeps *Für.* ordinat. *Sternbergius*, *Palmius* vero Con-Commissarius. Initium deliberationum a securitate Imperii, ordinanda collapsa remonetaria, negotio Capitulationis perpetuæ, toties jam agitato. In iisdem porro Comitibus comparuerunt, *Sternbergius* pro Bohemia Legatus, *Cobenzelius* pro Austria, eoque ad Aulam Coloniensem digresso *Blumenbergius*. Venit quoque, novo exemplo, *Kaiserlingius* Legatus Russicus.

Quatuor Imperii Circuli, Suevicus, Franconicus, & uterque 4<sup>us</sup> Circuli Rhenanus, neutri belligerantium parti se addictos profitebantur. neutrales. Augebant tamen in omnem eventum copias. Palatinus autem Elector contra Austriacos fuit conquestus, quod terras suas depascerent. Cumque Elector Moguntinus *Mailebæum* moneret, ut cum *Querelæ*. Gallis suis Germano solo decederet, respondit, id se non ante facturum, quam Austriaci e provinciis Palatinis excessissent. Quare associatio 4. circulorum, & motus copiarum ad Rhenum, quam *Ramschwagius* Ulmæ vehementer urgebat, perfici non potuit; sed placuit neutralitas. Interea autem belli tempestas in Silesia, Belgio, & Italia detonuit. Conciliatio vero inter Domum Austriacam & Palatinam facta 25 Dec. per pacem *Dresdensem*, cujus articulo XII Elector fuit inclusus.



## Art. LIV.

*Lichtenstein Archiep. Salisburg. Acta Herrenbusana.  
Nuptiæ Principis de Taxis. Obitus Rupertii Principis  
Hobenloensis.*

72. 13 Jan. Salisburgi novus Archiepiscopus electus est Jacobus Lichtenstein Ernestus Comes *Lichtensteinus*, commendatione Regina, quam, cum Arch. Salis- esset Episcopus Olomucensis, Pragæ coronaverat. Carolus VII Imperator graviter eam electionem tulit, quod absque præsentia legati Cæsarei esset peracta. Unde per Cardinalem Borgesium apud Pontificem institit, ne illam confirmaret. Sed mortuo paulo post Cæsare causa fuit composita. Olomucii per electionem capituli suffectus est Episcopus Comes Ferdinandus Troyer Tyrolensis.

Acta Herrnhusii.

Electo *Hannoveranus*, postquam cum Harringtono, Status Secretario, *Herrenbusum* venit, cum Borusso Hannoveranam Conventionem procudit, deserto Varsoviensi fœdere. Sub finem tamen anni pacem Dresdensem conciliavit. Herrnhusii ad eum invisit Maria filia, & Fridericus gener, *Hassæ* Princeps, qui, inito post mortem Caroli VII Tractatu subsidario, 6000 armatorum duxit in Belgium, ac dein adversus Prætententem in Angliam. *Conciliata* etiam Domus *Cassellensis* cum *Austriaca*. Darmstadianus Landgravius novam ad Rhenum urbem condidit, quam *Freystadium* appellavit, omnibus tribus religionibus communem.

Obiit Berolini Princeps *Homburgicus*, Generalis in Russia castrorum Præfectus, anno ætatis 41, nulla ex Cantiminia, quam duxerat, relicta prole. Constantinus Rheinfelsensis, Rothenburgensis lineæ, sibi despondit Stahrenbergiam, Hyacinthi Principis Siegensis viduam: neptem vero suam Rohano Principi Subisio.

*Academia Helmstadiensis* a fundatore suo Julio dicta est hætenus *Julia*, jam vero, cum Hannoveranus suo in eam communijure cessisset, appellata est *Julio-Carolina*, in honorem Caroli Ducis Guelpherbytani regnantis.

Carolus Leopoldus Dux Mechlenburgicus a Vicariatu Saxónico & Ordinibus Imperii petiit restitui, sed, cessante necdum contumacia, incassum.

Princeps Alexander Ferdinandus de *Thurn & Taxis*, Baruthana Coniuge jam anno 1739 defuncta, Parisiis secum copulavit Ludovicam de *Harcourt Armagnac* ex Domo Lotharingica. Ejus vero Frater

Frater unicus Christianus Adamus, supremus apud Cæsarem Vigiliarum Præfectus, Comes itineris obiit.

Obiit Rupertus Princeps Hohenlœnfis Pfeilbaci, cui successerunt duo fratres seniores, Carolus Philippus Camerae Wezlariensis Domus Judex, & Josephus Antonius, Argentinæ, Augustæ, Salisburgi, Hohenlohe-Coloniæ, & Elvacii Canonicus; quorum ille Bartensteinii, hic Pfeilbaci domicilium elegit. Horum propatruus vero Ludovicus in Schillingsfürst, & hujus filius Philippus in Wilmersdorff residet; duplici vinculo familiæ Limburg-Stirumbicæ innexus. Omnes autem hæ lineæ Domus Hohenlœnfis Religionis sunt Catholicæ.

### Art. LV.

*Annus 1746. Acta in Comitibus. Trenckius & Cantacuzenus in carcere. Electoris Bavarie sponsalia. Tractatus Subsidiorum. Causa Palatina & Bipontina. Obiit Schönborn Episcopus Bambergensis & Herbipolis. Lis de Directorio. Abbas S. Blasii Princeps S. R. I.*

Bello in Belgium translatò, major Germaniæ data quies; quamvis multæ in illud & Italiam transmittendæ fuerint copiæ, eventu dispari, secundo in Italia, ex qua depulsi hostes, visitata ipsa Gallia, in Belgio vero, amissa Flandria & Brabantia, minus felici.

Conclusum quatuor circulatorum, Rheno propiorum, suppeditandi triplum ad tuitionem finium, a Principe Fürstenbergio, supremo Cæsaris ad Comitibus legato, fuit confirmatum. Verum, cum Gallia & Borussia ad neutralitatem hortarentur Imperii Ordines, atque pericula, quæ ex copiarum motu impenderent, per Legatos suos proponerent, nihil admodum actum est; quamvis Hannoveranus, quantum poterat, negotium urgeret.

Per electionem Francisci in Imperatorem vacabat Dignitas Generalis Imperii Marescalli Catholici. Collata ea est voce unanimi Ejusdem Fratri Carolo.

Agitatum rursus in Comitibus est negotium de statuenda Capitulatione Cæsarea perpetua; nec alienos se præbebant Electores, qui alias nullos sibi in hac re figi volebant terminos. Sed, cum Elector Colonienfis, ceu supremus Ordinis Teutonicus Magister, ju-

73

Carolus  
Loth. Mares-  
schallus  
Imperii



Acta Comi-  
talia.

ra sua in Borussiam Capitulationi inferi peteret, atque Elector Brandenburgicus vehementer se opponeret, totum negotium hæsit.

Kaiferlingius, Russiæ Legatus, scriptum Imperatricis suæ Comitibus obtulit. Sed, cum in eo simpliciter expressum esset *Romanum Imperium*, omissa voce *sacrum* & loco *Electorum* nominarentur solum *Principes*, displicuit. At excusavit Legatus, errorem esse Cancellariæ Russicæ, deinceps non amplius committendum, sed juxta Comitiorum stylum ponendum: *Sacri Romani Imperii Electores, Principes, & Status*. Quo facto Comitibus Russiæ Regenti *titulum Imperatricis & Majestatis* detulerunt, & Maria Theresia Imperatrix & Regina fœdus defensivum cum eadem renovavit; quod, quamdiu illa vixit, fideliter est servatum.

Advenerunt novi ad Comitibus Imperii Ratisbonam Legati, Baro Schneidius, Bavaricus ratione Leuchtenbergæ: Pollmannus Borussicus, Menschengius Palatinus, Bibra Herbipolensis, Bachovius Danicus: Oexelius Auerpergica, Schwarzenbergica, Lichtensteinia, & Prælatorum Suevica atque Rhenana mandata exhibuit. Gallicus quoque Francosurto se insinuavit, sed quia ipsius Rex Franciscum necdum Imperatorem agnoscebat, non fuit admissus. Principes Taxis & Lobkovicius, Comites item Esterhasius & Stampa renuntiati Intimi Cæsaris Consilarii.

Viennam venerunt novi Legati Sorbellonius Pontificius: Po-devillius Borussicus, Diedo Venetus, Rosenfeldius Bavaricus, qui instrumentum accessionis Palatinæ ad pacem Dresdensem ferebat, Marius Genuensis non fuit admissus.

Trenckius in  
custodiam.

Baro *Trenckius*, famosus levis & irregularis militiæ Dux, Viennæ missus in custodiam, quod in Sclavonia seditionem concitare conatus esset, atque depredationibus & rapinis infamem se reddidisset, cum non levi exercitus turbatione; id quod in pugna præsertim Sorrana contigisset: quod denique Comitem Cosa ad duellum verbis indignis provocasset.

Et Cantacuzenus.

Constantinus Princeps *Cantacuzenus*, Valachiæ Hospodarii, Cpoli strangulati filius, in Neostadiensem carcerem ductus, quod Turcas adversus Domum Austriacam, & Hungaros ad seditionem concitare fuisset conatus.

Palatium Suburbanum, quod *Favoritam* appellaverant, Patribus Societatis Jesu Regina tradidit, pro erigendo Collegio *Theresiano*, & Academia Nobilium.

Sponsalia  
gemina.

Electo *Bavariæ* *Dresdam* abiit, ubi gemina sponsalia sunt contracta, videlicet inter ipsum Electorem Maximilianum Josephum, &

& Mariam Annam, Regis Poloniæ secundogenitam: prout etiam inter Fridericum Electoralem Saxonie Principem, & Mariam Antoniam, Caroli VII Imperatoris filiam, natu maximam. Anno vero sequenti solennes Monachii & Dresdæ celebratæ sunt nuptiæ.

Franciscus Comes *Hollensteinus* renuntiatus est Vicarius Superioris Palatinatus, Clemens Topor vero Comes de Morawitski Provicarius.

Initus *Subsidiorum Tractatus*, vi cuius Bavaria 7000 armatorum tradit Confœderatis, Austriacis, Anglis & Hollandis. Collectæ ad *Subsid. tract. Bav.* Donawerdam hæc copię in Belgium profectæ sunt. Peculiare insuper fœdus & unionem Elector cum Regina iniit, qua pax Füssensis & Tractatus subsidiorum confirmatur, atque amicitia adhuc magis stabilitur.

Comes de Riva Mantuanus, Electori a cubiculis, duxit Monachii Eleonoram Gonzagam, Principis Sigismundi Gonzagæ, Vescovati Marchionis, qui in Aula Bavarica versatur, filiam.

Ut Justitia securius administretur, Revisorium Senatum Monachii Elector instituit, cuius Ipse Præsidium gereret.

Postquam Elector *Palatinus* paci Dresdensi accesserat, & Franciscum I Imperatorem agnovit, recesserunt copię Austriacæ, quæ in ejus terris hybernauerant. Transtulerat quidem sedem Manhemio Düsseldorfium; sed, cum anno sequenti tabulatum & tegu. *Palatina.* men cubilis, a quo, Deo protegente, tunc absens erat, decideret, Manhemium rediit. Emit a Göhlerianis hæredibus ditionem Zwingenbergicam quadringentis florenorum millibus, sed protestante Nobilitate Equestri Franconica, & querelam ad Consilium Aulicum deferente, jus collectandi, quod in ea haberet, hoc contractu sibi esse ablatum.

Fridericus, Princeps *Birkenfeldensis* & *Bipontinus*, Catholicam *Frid. Bipont.* Religionem amplexus, nuptias contraxit cum Francisca Dorothea, *conversus.* Electricis Palatinæ sorore, defuncti Principis Solisbacensis filia tertia. Elector Fridericum supremum copiarum suarum Ducem *Nuptiæ.* declaravit. Post 9 menses natus est ei Princeps, *Carolus Augustus* *Natus Caro-* cognominatus. *lus.*

Academia *Moguntina* illustrata auctaque est ab Electore nova Bibliotheca, Hippodromo, theatro Anatomico, horto botanico.

*Coloniensis* Elector in tres annos renovavit subsidiorum cum Anglis tractatum. Loco Comitum *Archinto*, Varsoviæ digressi, venit Coloniam *Spinola* Nuntius Apostolicus.

*Herbipoli* obiit *Fridericus Carolus* Comes *Schönbornius*, *Bamber-* *Obit Frid.* *gensis* & *Würzburgensis* Episcopus, æt. 72, vir magni nominis; qui *Schönborn.*



multo tempore fuit Procancellarius Imperii. *Bambergenſe Capitulum*, cum ſede vacante ad illud transferatur Jurisdictio & Adminiſtratio, Directorium Circuli Franconici volebat exercere, ſed *Baruthano* & *Onolſbacenſi* ſe opponentibus, Conventus Circuli quievit, donec novus electus fuiſſet Episcopus, qui fuit Baro *Franckenſteinii*. *Herbipoli* vero electus eſt *Ingelheimius*, cujus pater fuerat Judex Camerae Imperialis.

Abbas S.  
Blasii Prin-  
ceps Imp.

Abbas S. *Blasii* Franciſcus Schachtelinus cum omnibus ſuis ſucceſſoribus Principis dignitate ornatus eſt.

In *Saxoniam* obiit Saxonici Ductor exercitus, Dux *Weiffenſelfus*; cumque extincta eſſet masculina linea, ſucceſſit hæres in omnibus bonis Elector, uti in Principatu *Querfurtenſi*, Comitatu *Barbyo*, Præſectura *Weiffenſelfæ*, *Langenſalzæ*, *Sangershuſii*, *Freyburgi*, *Weiffenſæ*, *Eckartsbergæ*.

## Art. LVI.

*Annus 1747. Cauſa Meinungenſis, & Zwoingenberg. Associatione 4. Circulorum. Tergeminæ Nuptiæ Saxonica. Cauſa Gleichemia. Prætenſio Haſſii in Brabantiam. Obitus Principum, Salisb. Brixin. Campid. S. Blasii, Leopoldi Mechlenburg.*

74.

Genuit hoc anno Maria Thereſia, Auguſtiſſima Imperatrix & Regina tertium Archiducem, *Petrum Leopoldum*. Ruſſiæ Imperatricis patriniæ vices obiit Carolus Princeps Lotharingiæ. Archiduci *Joſepho*, cum annum ætatis ſeptimum jam impleſſet, datus eſt Moderator Generalis Mareſchallus Comes *Bathyani*, qui in caſtris Belgicis tunc verſabatur.

Complures Principes Imperii hoc anno feuda ſua renovarunt, uti Baro *de Lilien* nomine Principis de *Thurn & Taxis* ſuper ſupremo ac Generali Poſtæ Imperialis Officio hæreditario, quod *Feudum Regale* Carolus VII Imperator declaraverat: Episcopus item *Auguſtanus*, *Conſtantiensis*, *Euſtettensis*, *Bambergenſis*, *Herbipolenſis*, *Brixinenſis*, *Curienſis*, *Leodiensis*, *Baſileenſis*: Principes quoque Abbates, *Campidonenſis*, *Fuldensis*, *S. Gallenſis*, *Einfidlenſis*, *Berchtolsgadenſis*, *Stabulensis*.

In Comitibus Ratisbonensibus fervide agitata est lis, jam diu pendens, de successione Saxonico-*Meinungensi*. Sic habet: Antonius *Causa Mei-Ulricus*, Dux *Meinungensis* & *Coburgensis* anno 1713 matrimonium *nungensis*. contraxit inæquale cum centurionis Hassiaci filia, atque ex ea complures liberos progeniit. Hos Carolus VI anno 1727 per speciale privilegium ad Principum Imperii dignitatem evehit, protestante Domo Saxonica, præsertim contra capacitatem successionis, quam eis etiam Carolus VII absolute negavit. Mortuo autem illo Dux Antonius Ulricus causam ad Comitibus Imperii detulit, quæ hoc anno per Conclusum Comitiale declararunt, Ducis liberos propter imparitatem natalium esse incapaces successionis in *Meinungensi* & *Coburgensi* Ducatu, feudis Imperii. Nec aliud pro his a Carolo VI fuisse obtentum, quam Dignitatem Principum, prout ipsemet 1735 Consilio Aulico propria manu declarasset. Hoc Imperii Conclusum Franciscus I confirmavit, litemque pretiosam finit.

In Consilio Aulico ventilata est causa *Zwingenbergensis*, superiore jam anno introducta. Imperator illam potestate delegata quibusdam commisit. Petitus, ut Elector Palatinus aliquid æquivalens *Causa Zwingenberg*. affligeret, quo juri collectandi Nobilitatis Equestris satisfaceret. At Elector respondit, emptionem esse talem, cui nihil solidi possit opponi: Göhlerianos hæredes seu venditores in se recepisse non modo evictionem, sed etiam æquivalens, Nobilitati præstandum pro suo jure.

Imperator in numerum Principum retulit Abbatem *Ochsenbusa-num* ejusque successores. Kettlerus & Grünus Comitibus accensi. *Ochsenhu-* Barones creati Leon, Thavonatus, Wolffius, Pencklerus, qui *sanus Prin-* Cpoli residebat. Königseckius ex linea Rottenfelsensi dictus *supre-* cepus. mus Aulæ Moderator: Lichtensteinius Viennæ Gubernator. Kuefsteinus Inferioris Austriæ Vicarius.

Obiit Sigismundus Rudolphus *Sinzenдорffius*, A. V. Eques, Grandis Hispaniæ, supremus Aulæ Moderator, æt. 78; hæredem ex æsse scripsit filiam Mariam Annam sub ea causâ, ut Prospero agnato nuberet. At illa, relicta pingui hæreditate, Hamiltonem prætulit.

Tandem *Associatio* Circulorum Rhenensium coaluit, accedente tribus reliquis etiam Suevico, contradicente licet Duce Würtem-*Associatio.* bergico, Directore Circuli, cui Gallia 9 *Mompelgardenses* ditiones, hætenus retentas, extradidit. Enituit hic industria & studium pro Domo



Domo Austriaca Francisci Conradi L. B. de Rodt, Præpositi, qui legatus Episcopi Constantiensis Con-Directoris aderat.

Tergemina  
Nuptiæ.

Sponsalia, superiore anno in Saxonia contracta, in tergeminum connubium abierunt: primum erat Friderici Christiani, Electoralis Principis, cum Maria Antonia, sorore Electoris Bavariæ, natu maxima, Archinto Legato Apostolico nuptiis benedicente.

Alterum Mariæ Annæ, Regis Poloniæ secundogenitæ (nam primam Carolus Rex utriusque Siciliæ jam ante duxerat) cum Maximiliano Josepho Electore Bavariæ.

Tertium Mariæ Josephæ, tertiæ ejusdem Regis filiæ, cum Ludovico Franciæ Delphino. Quanta autem solennitate Dresdæ, Monachii, Parisiis Regales hæ nuptiæ sint celebratæ, longum fuerit describere.

Ducem Saxo-*Meinungen*sem lis de successione suorum liberorum anno lapsò exercuit, hoc vero causa aliena. Sophia Comes *Solmensis*, infœcia matre vidua totaque Illustri Familia, cum Pfaffenrotho nobili juvene *Meinungam* profugit, ibique matrimonium cum eo contraxit, sub protectione Ducis Antonii Ulrici, qui sponsum Regininis sui Consiliarium assumpsit, sponsam vero, ceu Comitem Imperii, primum in gynæceo locum habere voluit.

Causa Gleichenia.

Ferre hoc, pro muliebri ambitione, non poterat Christina, *Gleicheniæ* rei venatoriæ Præfecti uxor, & ubique poterat, præcurrens Sophiæ locum digniorem præripuit. Quamobrem ei Dux Aula sua interdixit. At illa, vindictam coquens, famosos (ut credebatur) in Sophiam libellos sparsit; & quia maritus complex putabatur, Dux, crematis per carnificem libellis, utrumque conjugem custodia detinuit, ultiores pœnas, in famosæ chartæ auctores statutas, comminatus.

At illi, ad tribunal *Camerae* Imperialis appellantes, duo mandata pœnalia impetrarunt adversus Ducem, quibus, accepta cautione *de Judicio fisci*, jubebatur eos dimittere liberos, causæque merita ad legum placita, exactius cognoscere, delata, si refragaretur, Duci Saxo-Gothano executione. Cum autem non pareret, *Gothanæ* copiæ in *Meinungen*sem ditionem irruerunt, Walsunga vi occupata.

Dux, qui Coburgum confugerat, dimissis e custodia *Gleicheniis* conjugibus, querelas suas contra eos, *Cameram*, & *Gothanos*, ad Comitiam Imperii Ratisbonam detulit, frustra conatus, istos vi armata Walsunga-depellere. Varia interim hac de re Comitibus oblata

oblata sunt scripta. Camera vero Duci Gothano, ceu Commissario, duas Præfecturas Meinungenfes possidendas addixit, donec Antonius Ulricus sumptus, in executionem impensos, qui ad decem thalerorum millia ascendebant, resudisset.

*Hassiacis* quoque controversis scriptisque perstrepebant Comitibus, dum Cassellensis urbem & Præfecturam *Braubachensem* cum arce *Marsburgensi* aliisque locis a Darmstadiano petiit. Quin imo *Koppus* Cassellensis Procancellarius longa Deductione Juris etiam Ducatum *Brabantiam* *Hassiacæ* Domui vindicavit, a 400 & ultra annis repetens juris originem, ab Henrico II videlicet, Duce *Brabantia*, qui filio seniori *Brabantiam*, juniori autem, Henrico Infanti, ex quo *Hassiacæ* Landgraviæ descenderent, *Hassiam* & *Thuringiam*, ratione matris *Thuringicæ* debitam, anno 1247 reliquisset.

Extincta autem anno 1355 seniori masculina *Brabantina* linea in Joanne III jus succedendi ad juniorem lineam, nempe *Hassicam*, pertinuisse; sed Ducatum invasum a *Joanna*, ejusdem Joannis filia, & ab ea anno 1404 contra fas institutum hæredem Antonium *Ducem Burgundiæ*, atque a Domo *Burgundica* ad *Austriacam* pervenisse, prævalente Familiae utriusque potentia.

Renuntiasse quidem *Bruxellis* Henricum Infantem; sed eam renuntiationem non pertinere ad ipsum Ducatum *Brabantinum*, sed allodialia duntaxat aliqua bona & adquisita. Neque potuisse renuntiare Henricum, qui præjudicare nequiverit juri suorum filiorum, cum illud non ab ipso, sed ex pacto & providentia Majorum a primo acquirente acceperint. Quasi vero omnia bona sint fidei commissa Familiae.

Ludovico Darmstadiensi Landgravio per Rescriptum Gratiae concessum est ab Imperatore privilegium de non appellando.

Obiit 12 Junii Ernestus Comes *Lichtensteinius*, Archiepiscopus *Salisburgensis*, æt. 58, Regiminis tertio. Electus autem in illius locum Obiit *Salisb.* cum est 10 Sept. a Capitulo Ecclesiæ illius Præpositus, Andreas Jacobus Comes *Dietrichsteinius*, 1689 natus: vir cordatus & probus, ac pater pauperum.

Ad perennem pariter in cælis vitam 31 Jul. transit Episc. *Brixinensis* *Calparus Ignatius Comes de Kimigl*, æt. 75, Reg. 45; successit *Brixinensis*, *Canonicorum* sui fragiis Decanus *Leopoldus Maria Josephus de Spaur*: *Campidonæ* vero *Anselmo L. B. Reichlin de Maldegg defuncto* *Campidon.* Principi Abbati *Engelbertus L. B. de Sirgenstein*, absque nova electione, quia Coadjutor jam fuerat electus. Mortalem denique vitam hoc anno clausit *Franciscus Schachtelinus Princeps Abbas* ad *Pars X.* *B b.* *S. Blasii*,



S. Blasii.

S. Blasii, æt. 77, Reg. 20, suffectus eidem Cœlestinus Voglerus Wölf-  
fachenensis, qui prius Oberriedæ in Brisgovia Prioris munere erat  
functus.

Verum non tantum in Principes Ecclesiasticos Libitina defecit,  
sed Martios etiam heroes, quibus plumbeus grando pepercit, mors  
prostravit. Hos inter erat Leopoldus Princeps *Deßavii*, Mare-  
schallorum Imperii & Borussia antiquissimus, totius Familiæ *Anba-  
line Senior*, Magdeburgi Gubernator, æt. 71, Reg. 44; successit se-  
cundum Jus Primogenituræ introductum Maximilianus filius. Ex  
eadem Domo lineæ Servestanæ (*Zerbst*) obiit Christianus Augu-  
stus, *Marschallus & Gubernator Stettini*. Ejus filia Sophia nupta est  
Carolo Petro Ulrico Duci Holstatiæ, qui mortua nuper Elisabetha  
Russorum Imperatrice, Moscoviticum thronum conscendit, sub  
nomine *Petri Federavici*, atque deserto fœdere absque ullo cum Fœ-  
deratis suis communicato consilio, cum Borussis privatim tracta-  
vit. Uterque Conjug Græcam fidem juravit. Hoc est pretium  
Belgradi amissi, tot millionum consumptorum, tantique sanguinis  
propter Russiam profusi.

Obit Leop.  
Dux Mech-  
lenb.

Vitam turbulentam clausit *Carolus Leopoldus Dux Mechlenburgicus*,  
Sverinensis lineæ, cum Statibus suis Provincialibus primum colli-  
sus, tum Administratione privatus, copiis alienis, quia flecti no-  
luit, per tot annos regionem depascentibus. Uxorem duxit *Die-  
zensen Frisonis* filiam, ea vero repudiata, Catharinam Joannis *Za-  
ri Moscoviæ* filiam, Annæ Imperatricis sororem; ex qua suscepit  
Catharinam Christinam, throno Russico destinatam, sed Elisabetha,  
Petri filia, ad eundem evecta, cum Coniuge Antonio Ulrico Prin-  
cipe *Beverano & liberis*, in spem Imperii natis, reliquum ætatis  
in custodia transigere debuit, donec anno 1746 obiit.

Successit Carolo Leopoldo, masculis heredibus destituto, fra-  
ter *Christianus Ludovicus*, qui jam ab anno 1728 Ducatum Sverinen-  
sem pro fratre exauclorato Cæsaris voluntate administraverat.

Art.

## Art. LVII.

*Pax Aquisgranensis. Protestationes. Princeps de Taxis Commissarius Principalis. Causa Vinariensis. Miles Austriacus perpetuus. Bavarie prætenso. Causa Pleinsleinia.*  
Annus 1748.

Hoc tandem anno, quo Galli Trajectum ad Mosam, urbem permunitam ad deditionem compulerant, Præliminaria pacis (Bredæ antea frustra tantatæ) Aquisgrani jacta sunt, primum inter Galliam, Angliam & Hollandiam 29 Aprilis. His Præliminaribus amore pacis per Kaunizium accessit Imperatrix & Regina Hung. &c. 25 Maji. Rex Sardinie 31 Maji. Hispania & Genua 28 Junii: prout refertur in Supplemento Hübneri 41. c. 3.

Præliminaria autem in eodem summatim ita recensentur.

1. Pax Westph. Neomag. Riffvic. Bredana, Ultrajectensis, Badena, Tract. Madritanus, Hagense Fœdus Triplum de anno 1717, Præliminaria Londinense Fœdus Quadruplum de anno 1718, Pax Viennensis de anno 1738, pro fundamento jaciuntur & confirmantur.
2. Omnia, quæ durante bello in Europa & utraque India tempore belli occupata sunt, restituantur.
3. Dunkerka, qua parte continentem contingit, munita maneat, ex ea, qua Oceano alluitur, secundum tractatus pristinos.
4. Parma, Placentia, Guastalla, Hispano Principi Philippo cedantur; in casum vero, quo is sine prole mascula decederet, aut ipse vel ejus successores Regnum utriusque Siciliæ, aut Hispaniæ obtinerent, Parma & Guastalla ad Austriacos, Placentia ad Regem Sardinie recidant.
5. Dux Mutinensis restituitur in integrum.
6. Prout etiam Genua.
7. Rex Sardinie retineat, quæ anno 1743 Regina Hungariæ eidem cessit, videlicet Vigevanum, partem Paviæ, & Comitatum Anghieræ.
8. Rex Angliæ hic includitur.
9. Ut ei ab Hispania solvatur prætensum debitum, Gallia & Hollandia curabunt.
10. Tractatus de Æthiopibus ex Africa in Americam transportandis, (der Affiento Tractat) anno 1713 initus inter Hispaniam & Angliam,



Angliam, extenditur ad tot annos, quot Anglia ejus commodis frui non potuit.

11. Regi Angliæ corona de novo confirmatur.
12. Causa Palatino-Pleysteiniana ad universalem pacis congressum rejicitur.
13. Prout etiam controversia de Magisterio Aurei Velleris.
14. Imperator ab omnibus agnoscitur.
15. Definitio finium Hannoniæ & Abbatæ S. Huberti ad Congressum generalem & Tractatum Definitivum rejicitur.
16. Hostilitates terrestres cessent post 6 hebdomades, nempe a tempore subscriptionis, maritimæ eo tempore, quo anno 1712.
17. Ei, qui his articulis non accedit, nihil restituetur: & eatenus articulus 2 restringitur.
18. Cessiones & Restitutiones, atque introductio Principis Philippi eodem tempore fiant.
19. Sponsio Sanctionis Pragmaticæ de anno 1713 renovatur, excepta Silesia, & iis, quæ in Italia Principi Philippo ceduntur.
20. De Silesia & Comitatu Glazensi Regi Borussiæ cavetur.
21. Decernitur amnestia; & ii, qui huic tractatui accedunt, suas terras & bona, fisco addicta, rursus consequuntur.
22. & 23. Omnes ad accessum huic tractatui invitantur.
24. Ratificationes intra tres septimanas a die subscriptionis commutabuntur.

*Actum Aquisgrani 29 April. 1748.*

Ægre habuit plures Principes, bello implicitos, aliosque, se infciis, in hos articulos fuisse conventum, variasque propterea protestationes opposuerunt. Regiæ Hungariæ doluit, de Silesia Regi Borussæ fuisse cautum, Parmam & Guastallam sibi fuisse ereptam. Rex Sardinæ difficulter inducebatur, ut Ducatu Placentino, & Finariensi Marchionatu, per tractatum Wormatiensem sibi addictis, cederet.

Protestationes.

Protestati sunt etiam contra hanc conventionem 1. summus Pontifex, quod de Parma & Placentia disponderetur, quæ essent feuda Romanæ Ecclesiæ. 2. Eduardus Stuartus, Princeps Walliæ, nomine patris sui Jacobi III, quod Domus Hannoverana in regno Angliæ sit confirmata. 3. Domus Austriaca & Hispana propter Magisterium Ordinis Aurei Velleris, quod utraque sibi vendicabat. 4. Domus Condæ ratione Ducatus Monferratenis, præensione deducta

deducta ex tritavia. 5. Domus Boica propter Mirandolam & Concordiam, Mutinensi attributam, ut postea dicetur.

Gallia quidem obtinuit, ut gener Regis tres in Italia Ducatus obtineret, Domui Borbonicæ ea ratione insertos; at totum Belgium Austriacum restituere, & partem Fœderatis, tanto labore totque impensis partum, non adeo facile acciderat. Verum cum triginta quinque Russorum millia Belgio Galliæque imminerent, & Fœderati copias suas plurimum augerent, satius duxit, mediis in victoriis pacem conficere, quam tempora, magis fortassis ardua exspectare.

Post Præliminaria 29 Aprilis composita subsecutus est Definitivus Tractatus 18 Oct. quem, cum a Præliminaribus non abludat Pax. quoad substantiam, necesse non existimo, hic repetere. Mutinensi dominium Arad in Hungaria adjicitur. Tractatum de Nigris Africanis Hispania in favorem Angliæ ad 4 annos prorogat. Causa Pleysteinensis ad Commissarios remittitur. Angliæ Regi etiam de Germanicis suis provinciis cavetur.

Subscripterunt: nomine Galliæ Comes de Severin, & du Theil.

Nomine Angliæ Sandwich & Robinson.

Austriæ Comes de Kauniz.

Hispaniæ Sottomajor.

Sardinia Osorius, & Chavannes

Hollandiæ Bentick, Wassenæ, Hasselaer.

Genæ Marchio Doria.

Borussiæ Ammon.

Mutina Comes Monzonus.

Josephus Wilhelmus Princeps Fürstenbergius amplissimum munus Commissarii Principalis ad Imperii Comitia, quod sub tribus Imperatoribus laudatissime gesserat, abdicavit, illudque Cæsar in Alexandrum Ferdinandum S. R. I. Principem de Thurn & Taxis transfudit, qui illo in hodiernum usque diem magna omnium satisfactione præclare fungitur.

Delata ad Comitia causa Saxo-Vinariensis in puncto tutelæ Principis Ernesti. Gothanus eam prætendebat ex testamento patris, Coburgensis Saalfeldius ceu proximior agnatus. Ratisbona causam Viennam ad Judicium Aulicum fuit translata. Pronuntiatum pro Coburgensi. Verum cum Rex Borussiarum per Gotterum pro Duce Gothano apud Aulam Cæsaream se misceret, transactio tandem est inita, vi cujus Gothanus Ernesti tutelam gereret, & Isenacum ac



Jenam solus administraret, Coburgensis vero Erneſti ſororum curam ſuſciperet cum Vinarienſi adminiſtratione.

Tandem induſtria Cobenzeli Comitis conſecta eſt Unio ſeu *Fœdus Deſenſivum* quinque Circulorum, Auftriaci, Suevici, Franco-  
nici, & utriusque Rhenani, ſalvis per omnia Imperii juriſibus.

Miles per-  
petuus.

Quamvis bellum & controverſia de ſucceſſione Auftriaca per pacem Fūſſenſem, Dreſdenſem, & Aquisgranenſem fuerit finita, Auguſtiſſima tamen Regina exercitus ſuos non abdicavit, ſed voluit, ut ſtationarius miles 180000 capitum, per regna & provincias hæreditarias divideretur, facta inter illas ſubſidiorum, quæ ad 16 florenorum milliones excurrerent, partitione: id, quod jam dudum Princeps Eugenius ſuaſerat.

Cum Carolus Comes Bathiani ex Belgio, ubi ſupremam armorum Præſecturam geſſerat, Viennam rediiſſet, Archiduci Joſepho Moderator datus eſt.

Bavariæ præ-  
ſenſio.

Electoꝝ Bavariæ, cum Aquisgrani pacificatio ageretur, per Spohnium Legatum ſuum ratione Mirandolæ & Concordiæ Mutinæ Duci addiſtorum, proteſtationem interpoſuit; quippe eos Ducatus jam anno 1637 ab Imperatore Ferdinando III Bavariæ Electoꝝ Maximiliano I fuiſſe promiſſos in caſum, quo extincta Piccorum Familia Imperio eſſent aperiendi. Hoc promiſſum a ſequentibus Imperatoribus fuiſſe confirmatum, nominatim a Carolo VI anno 1726. Quamvis igitur Dux Mutinæ anno 1710 eos florenorum milione emerit, & anno ſequenti a Joſepho Imperatore fuerit inveſtitus, actibus tamen his juri Bavariæ non potuiſſe derogari, ſed cum Domus Piccorum anno 1747 in Franciſco Maria exaruerit, promiſſam Inveſtituram eidem deberi.

Cauſa Plei-  
ſtenſis.

Cauſa *Pleyſteina*, quod dictum ſupra, in Præliminaribus ad Tractatum Definitivum, in hoc vero ad Commiſſarios fuit remiſſa. Illa ſic habet: Pleyſteinium urbs cum arce & diſtrictu in ſuperiore Palatinatu, ad Comites olim Leuchtenbergenſes pertinens, anno 1350 Coronæ Bohemicæ in feudum fuit conceſſum. Illa autem abdicante, Fridericus IV Electoꝝ Palatinus eſt inveſtitus. Cum vero hujus filius Fridericus V crimen Feloniæ incurreret, Ferdinandus II Imperatoꝝ Alberto Bavariæ Duci anno 1623 hoc feudum contulit. Albertus anno ſequenti illud cum conſenſu Imperatoꝝ Wolſgango Wilhelmo Duci Neoburgico vendidit, qui pro ſe & maſculis ſuis deſcendentibus eodem fuit a Cæſare inveſtitus, excluſis tamen hæredibus collateralibus.

Carolus

Carolus Philippus Elector Palatinus anno 1720 apud Carolum VI instabat, ut feudum Pleysteinianum ad Domum Solisbacensem extenderet. At ille anno 1725 Comiti Sinzendorffio, Aulæ suæ Cancellario, infeudationem eventualement contulit. Mortuo dein anno 1742 Electore Palatino, modernus Elector anno 1743 Pleysteinii possessionem cepit. At 1745 prævalentibus in Palatinatu Austriacis Sinzendorffius in illam introductus est. Quapropter hæc controversia tum ad Aulam Cæsaream, tum ad congressum pacis Aquisgranensem deducta, sed ab eo ad Commissarios remissa. Elector inter alia ad pacem Dresdensensem se retulit, qua anno 1745 in integrum est restitutus.

Carolus Eugenius Dux Württembergiæ duxit Elisabetham, Friederici Marchionis Baruthani filiam unicam, quamvis A catholicam, plaudentibus Lutheranis. Sed non videtur benedixisse cœlum his nuptiis.

### Art. LVIII.

*Obitus Episcopi Herbipol. & Argent. Elis. Imperatricis Viduæ.*

*Anglus movet negotium electionis Regis Rom. opponit se Borussus. Tractatus subsidiorum Bavariæ. Causa Hoben-*

*lœnsis, cui se miscet Corpus Evang. invito Cæ-*

*sare. sensus P. W. Obit Mauritius Saxo,*

*Navigatio Embdana. Obit Hoben-*

*zolleranus.*

Anno 1749 obiit Anfelmus Comes Ingelheimius, Episcopus Herbipolensis, tertio anno Regiminis. Ejus in locum electus est Greiffenclavius. 76.  
Obitus Ep.  
Herbip.

Secutus est Armandus Gaston de Rohan Princeps Soubisus, Cardinalis & Episcopus Argentinensis, æt. 75, Reg. 45. successit Armandus de Rohan, prioris Agnatus & Coadjutor, pariterque S. R. E. Cardinalis. Ratione duarum Præfecturarum cis Rhenum in Ortenavia, Oberkirch, & Eternheim, est Vassallus Imperii, atque propterea vi pacis Ratisvicensis & Badensis habet Sessionem & Votum in Imperii Comitibus. Et Argentin.

Finiit quoque vitæ suæ comœdiam famosus Baro Franciscus Trenckius in arce Spihlbergensi, Brünæ apud Capucinos sepultus. Gente erat Hungarus, cohorti inconditæ Licanorum, cui omnem præ-



prædandi licentiam permiserat, præfectus, atque propter enormes grassationes (qualis erat Chambiana) fundis bonisque, quæ ampla in Hungaria habuisse fertur Fisco addictis, ad perpetuos carceres damnatus.

Annus 1750 non minus ferax erat magnorum funerum; primum erat Joannis Wilhelmi Comitis de Wurmbbrand, qui anno 1722 ad fidem Catholicam conversus, ab anno dein 1728 Consilio Aulico magna cum laude præfuit, donec octogenarius pientissime decessit.

Imperatrix  
vidua.

Wurmbbrandio in amplectenda vera Religione dudum antea illustri exemplo præluxerat Elisabetha Christina, jam anno 1707 Bambergæ, abjecto Luthero, Romanis sacris initiata, quibus ad hunc usque annum, quo vitam clausit, quam ad 60 annos perduxit, constantissime adhæsit. Fuit Ludovici Rudolphi Ducis Brunsvico-Welpherbytani, & Christinæ (quæ erat ultimi ex Seniori stirpe Principis Oetingani soror) primogenita filia: Caroli VI Imperatoris conjux, Augustissimæ Imperatricis & Reginæ Nostræ Mater.

Optasset illa haud dubie, Josephum Archiducem Nepotem suum adhuc videre Romanorum Regem; nam præcipuum hoc erat negotium, quod hoc anno agitabatur, a Rege Angliæ comprimis, qui, ut turbæ & pericula, quæ in electionibus Imperatoris suo tempore possent occurrere, hoc consilium suggessit. Placuit Reginæ Matri, nec alieni ab eo erant Electores Moguntinus, Trevir, & Bavarus.

Electioni  
Rom. Regis  
se opponit  
Borussus.

Verum acriter se opposuit Rex Borussia; cum enim Cæsareæ Majestates per Comitem de Puebla, suum Berolini Ministrum, pro suffragio se insinuassent, respondit: cum Imperator optima florebat ætate atque valetudine, non apparere necessitatem, aut causas, quæ ad hanc electionem secundum ipsius moderni Imperatoris Capitulationem requirantur, adhuc juxta articulum VIII Pacis Westph. hoc esse totius Imperii negotium. Si contingeret, Imperatorem mori, quæ deinde fors Imperii sub decenni impubere, & sub tutoribus constituto Imperatore? expectandam proin Majorennitatem Principis, ubi omnia melius ad Constitutiones & dignitatem Imperii possint confici.

In eundem sensum Rex ad Electores scripsit. Bavarus & Hannoveranus Electores rescripserunt: per electionem Romani Regis futuris incommodis ad conservandam quietem Imperii posse obviari; nec tempus ad hoc esse opportunius, quam præsens, quo

quo tota Europa tranquilla fruatur pace: &, quamvis optandum foret, ut Archidux Josephus ætate esset provectior, nihil tamen in hac florente ætate & sanitate Imperatoris esse periculi. Si autem humanitus quid ei contingeret, satius fore, juvenem Imperatorem, quam nullum habere, cui, si necesse sit, provida tutela succurri posset.

Non adquevit Rex Borussæ, sed datis ad Moguntinum litteris, ad art. VIII §. III pacis West. potissimum se referens, quæstionem præliminarem, an eligendus sit Rex Romanorum, ab omnibus Imperii Statibus definiendam esse, inquebat; nec Status unquam huic juri suo renuntiasse, ac proin non posse illos ab Electoribus excludi.

*Nota.* Memorato §. 3 tractatio de Rege Romanorum, vivente Imperatore eligendo, ad proxima Comitua Imperii remissa est. In iis nihil definiri potuit, Electorum Collegio pro juribus suis pristinis stante, Principibus vero antiquiorum Domuum in partem, quoad quæstionem *An venire volentibus.*

Antiquum Electorum jus privativum expressum est in Capitulatione Mathiæ Imperatoris, in qua art. 24 dicitur, *Electores omni tempore, quoties in subsidium Imperatoris, aut sacro Romano Imperio necessarium vel utile visum fuerit, Romanorum Regem, vivente Imperatore, cum hujus consensu vel sine illo posse eligere.* Qui textus in sequentium Imperatorum electione repetitus est.

Cum dein §. 3 laudato, suggerente Gallia & Suecia, statueretur, ut in proximis Imperii Comitibus ea de re decerneretur, Principum Collegium anno 1653, quando de electione Ferdinandi IV agebatur, & anno 1658 in electione Leopoldi, ejusque Capitulatione concipienda, his ista acriter movebatur. Sed Electores insistebant juri & formæ veteri.

Anno 1665 de temperamento Viennæ deliberatum, quo Electorum & Principum Collegia conciliarentur. Hoc Archiepiscopus Salisburgenfis, Principalis Cæsaris Commissarius, anno 1667 Comitibus Ratisbonæ proposuit. Cautum eo, ut *Electores non facile ad electionem Regis Romanorum vivente Imperatore procederent.* Quod tandem anno 1671 est acceptatum.

Necdum tamen penitus sublata est controversia; nam cum anno 1689 de eligendo Josepho in Regem Romanorum tractaretur, protestantibus licet Principibus, non adesse casum necessitatis, electus est nihilominus a Novemvirali Collegio. Tandem anno 1711 in electione Caroli VI loco formulæ, a tempore Mathiæ Cæsaris usi-



tatæ, memoratum paulo ante temperamentum Capitulationi Casaræ fuit insertum; quod deinceps etiam in Capitulatione Caroli VII & Francisci I est observatum.

Traſtatus

Subſidiorum.

Sereniſſimus Elector Bavarix Traſtatum hoc anno cum Anglia & Hollandia ſubſidarium, accedente Imperatrice, per Haſlangum Legatum Hannoveræ iniit, his articulis comprehenſum.

1. Sit conſtans amicitia inter partes contrahentes.
2. Anglia & Hollandia tribuent Electori annuatim 40000 Libras Sterlingarum, ſeu 200000 thaleros Imperiales. Anglia duas tertias, Hollandia unam ſolvat.
3. Elector vero ſex millia peditum parata habebit, ſubmittenda, quando requirentur.
4. Hic tamen miles nunquam contra Imperatorem aut Imperium ſerviat.
5. Elector negotium de electione Romanorum Regis tam in Comitibus, quam Electorali Collegio promovebit.
6. Si Elector ratione huius traſtatus a quopiam eſſet impugnandus, Potentiæ Maritimæ illi ſuccurrent, & indemnem præſtabunt.
7. Hic Traſtatus ſex annis ſubſiſtat.
8. Instrumenta confirmationis intra quatuor meſes Hannoveræ commutabuntur.

Cauſa Hohenloenſis.

In hunc quoque annum 1750 incidit celebris *cauſa Hohenloenſis*. Ampla Domus Hohenloenſis in Franconia, duas principales in ſtirpes eſt diviſa, *Neuenſteiniam*, Lutheranam, & *Waldenburgicam*, quæ, Pfedelbacenſi excepto Stamine, circa annum 1667 ad Catholicam Religionem reverſa eſt, atque anno 1744 a Carolo VII ad Principum Dignitatem eveſta, Comitatu anno 1757 in Immediatum S. R. I. Principatum cum omnibus Dignitatibus & prærogativis a Franciſco I Moderno Imperatore converſo.

ſtirps utraque in varias lineas eſt ſubdiviſa; & quidem Waldenburgica in Bartenſteiniam, Pfedelbacenſem, & Schillingsfürſticam. Mortuo anno 1728 Ludovico Gottfrido Comite Pfedelbacenſi, Lutheranæ, ſucceſſerunt Comites Catholici, proximi agnati ex ſtirpe Waldenburgica. Hi nimium Catholici videbantur alteri ſtirpi Neuenſteinix, Lutheranæ. Quapropter anno 1740 Bartenſteinio 18, Schillingsfürſtio vero 29 gravamina objecit, eaque ad Conſilium Aulicum detulit.

Mandarunt dein anno 1744 Waldenburgici Principes, ut Lutherani eorum subditi, ad varia incommoda turbasque evitandas, cum Catholicis pascha celebrarent. At detrectarunt imperium Lutherani, instigantibus Prædicantibus, quorum quinque depositi aut ab officio suspensi sunt. Altius tunc elatus clamor, extortumque anno 1748 a Consilio Aulico Decretum comminatorium executionis, a Directoribus Circuli Franconici faciendæ, nisi gravamina tollerentur.

Principes Hohenlœenses hoc Concluso se graviter læsos questi, scriptum pro *Informatione prævia* inter Legatos Comitiales Ratisbonæ distribuerunt, petito etiam remedio Restitutionis in integrum adversus conclusum. Hæc petitio cum Viennæ locum non inveniret, pro Revisione Cæsari supplicarunt; quæ tandem impetrata est, dilata executione, ad quam Marchio Baruthanus, pro ea vice (nam cum Anspacensi alternat) cum Episcopo Bambergensi Director Circuli, jam stabat accinctus.

Pendente autem Revisionis negotio, Protestantes Principes, Corpus Ev. sub nomine Corporis Evangelici, se miscuerunt, tantoque ardore Comitum causam propagnarunt, ut scriptis ad Cæsarem litteris peterent, executionem illico decerni, ne obligentur, secundum patris Westph. Sanctionem Comitibus armatam opem ferre. Nec intra minas res stetit, sed 29 Aprilis 1750 statuerunt ad executionem procedere, quam commiserunt Marchioni Onolsbacensi, ad quem vices Directoris Circuli tunc redierant, & Baruthano seu Duci Circuli, præterito Episcopo Bambergensi, perpetuo Condirectore, imo ipso Imperatore, supremo Judice; & quidem pendente in Iudicio Aulico revisione, id, quod Principes Hohenlœenses in Comitibus Ratisbonensibus vehementer questi sunt.

Onolsbacensis igitur, autoritate Corporis Evangelici, quod vocant, armatus, misit primum in ditiones Principum Commissarios, atque ut illis pondus adderet, centum pyrobolarios, qui destituti s Prædicantes restituerunt, & Waldenburgenses Principes ad solvenda executionis debita & alias pœnas condemnarunt.

Graviter accepit Imperator hunc privatum Protestantium exequendi modum, eumque penitus irritum declaravit, Constitutio-  
nis Imperii, & Cæsareæ Majestati, supremo Judici, præjudicio sunt. Revisionem tamen seu non satis fundatam rejectit, omniaque in pristinum statum restitui voluit, salvo Principibus jure adversus executionem Onolsbacentem, quam tamen Protestantes defendendam susceperunt.



*Nota.* Quod dicitur de privata & armata sui tuitione, tanquam sensus §. cit. in pace Westph. fundata, secundum arbitrariam Protestantium interpretationem dicitur: pax illa loquitur de executione eorum, quæ tunc in pacificatione illa statuta & restitui iussa sunt, & quidem cum pluribus limitationibus, nullatenus vero de futuris temporibus, quibus lites oriantur; nam quoad ista omnem vim armatam sæpius prohibuit, sub pœna fractæ Pacis, sed voluit, ut omnia legitimis iudiciis definiantur. De corpore aliquo Evangelico in toto Instrumento nulla prorsus fit mentio.

Hoc eodem anno Carolo Eugenio Duci Württembergensi Catholico ex Elisabetha Baruthana nata est filia Friderica, in cuius baptismo 36 patrini & patrinæ utriusque Religionis sunt adhibiti.

Carolus Fridericus Marchio Durlacensis Italiam ipsamque adeo Romam invisit; ubique pro Dignitate Personæ acceptus.

Obit Mauri-  
tius Saxo.

Obiit hoc anno Comes Mauritius de Saxonia, filius naturalis Augusti II Electoris Saxonie & Regis Poloniæ, quem anno 1696 ex Königsmarkia suscepit. A teneris annis militia imbutus, primum in Belgio meruit, dein vero anno 1720 Gallie se addixit, ibique ad summos honores Mareschalli Franciæ, & supremi belli Imperatoris, quamvis esset Lutheranus, fuit evehctus. Grandia Herois istius facinora, victorias, urbesque, in Belgio præcipue expugnatæ, in decursu narravimus. In juventute uxorem duxit, quam tamen, facto divortio, a se dimisit, alteri dein nuptam. Obiit Chambordi in arce sua anno ætatis 54, illud supremum elocutus: *Sumus in fine pulchri somnii.* Corpus Argentinam ad sepulchrum deportatum est.

Christianus Ludovicus, Dux Mechlenburgicus, Sverinenfis lineæ, fratris Leopoldi, cui successerat, exemplo, cum Statu Equestri, qui semper magis magisque se eximere conabatur, colissus est. Causa ad Cæsarem fuit delata, petitaque Commissio.

Navigatio  
Embdana.

Rex Borussiae possessionem Frisiæ Orientalis vix adierat, cum de commerciis & navigatione in Indias cogitare cœpit. Opportunus ad quæstuosum hoc negotium visus urbis Embdenæ portus, ubi Emsa in Dollartum locum se effundit, atque Oceano jungitur. Ut autem uberius floreret commercium, Societatem mercatorum hoc anno instituit, multis privilegiis ornatam, cum jure, duas quot annis naves mittendi in Chinam. Mirum, quod hic tacuerint vicini, qui adversus navigationem & Societatem Ostendanam tam altum clamaverant.

Obiit

Obiit Fridericus Ludovicus Princeps Hohenzolleranus lineæ <sup>Obit Roberti</sup> Hechingensis, Cæsareus Generalis Campi Mareſchallus, legionis Cata-zoll. phraſtæ, & Equitatus Imperialis Præfectus, æt. anno 62; & cum cœlibem vitam duxiſſet, ſucceſſit ei patruelis Joſephus Wilhelmus Princeps.

Carolus Joſepum L. B. de Palm, Concommiſſarium in Comitibus Imperii Cæſar ad Dignitatem Comitum S. R. I. evexit.

### Art. LIX.

*Post varias lites Fuldensis Abbatia in Episcopatum erigitur.*

*Novum Conſtantia Dicasterium. Templum Dresdenſe*

*conſecratur. Obitu. Geraldii Princ. Murenſis: Kol-*

*loniſii Card. primi Archiep. Vienn. & Ferdi-*

*nandæ viduæ, Regis Sueciæ.*

Anno 1751 negotium de eligendo Romanorum Rege tum in Comitibus Imperii per varia oblata ſcripta, tum in Aulis Electorum & Principum rursus fervide eſt agitatum. Auſtriacæ intentioni acceſſerunt Colonienſis quoque & Saxo, ut adeo ſolus Brandenburgicus & Palatinus, votum ſuum negarent; ad quos brevi Colonienſis rediit.

*Cauſa Fuldensis* optatum finem accepit. Principalis hæc Abbatia, toto orbe celeberrima, jam anno 744 a S. Bonifacio pro Illuſtriſſimo Ordine S. Benediſti fundata, a Zacharia ſummo Pontifice anno 751 Sedi Apoſt. immediate fuit ſubjecta. Faſſi ſunt hoc Metropolita-nus Moguntinus, & Episcopus Herbipolitanus, ſed eam exemptionem ad univerſum populum & clerum etiam ſæcularem extendendam negabant, atque eas terras, quæ cis Fuldam fluvium (qui ad Mundam Brunsvicenſem Werræ junctus Viſurgim efficit) Haſſiæ imminent, Diœceſis eſſe Moguntinæ, quæ vero trans Fuldam Orientem reſpiciunt, ad Herbipolenſem ſpectare, contendebant. Abbas vero provincias ſuas exemptas, nulliusque eſſe Diœceſis volebat, ſibi que poteſtatem quaſi-Epiſcopalem vindicabat.

Anno 1662 inita eſt *concordia*, qua Moguntinus, qui ſimul erat Episcopus Herbipolenſis, agnoſcit Jurisdictionem Abbatis Quaſi-Epiſcopalem in prima Instantia, ſalvo tamen Jure Metropolitico, & appellationis in ſecunda Instantia. Eandem Jurisdictionem Quaſi-Epiſcopalem Abbatis in ſuos ſubditos agnoſcit Moguntinus,



qua Episcopus Herbipolensis, absque jure tamen appellandi ad Herbipolensem. Semper ex gremio eligendus Abbas, factaque electio Moguntino & Herbipolensi significanda &c.

Mortuo Philippo Archiepiscopo Moguntino & Episcopo Herbipolitano, successor Herbipoli Concordia inita stare noluit, sed causam ad Romanam Curiam detulit, in qua anno 1702 eadem invalida fuit declarata, quod Philippus non potuerit jura Ecclesiae Herbipolensis sine consensu Sedis Apost. abdicare & alienare, neque adfuerit legitima causa, necessitas nempe, aut evidens Ecclesiae utilitas. Fulda possessionem quadragenariam obtendit: Herbipolis immemoriam requisivit.

Suppl. Hub-  
neri 44.

Fuldensis  
Abbatia in  
Episcopatu  
tum erigitur.

Anno 1722 inter Herbipolim & Fuldam rursus facta est transactio; quæ tamen & ipsa Romæ non placuit. Tandem vero hoc anno fuit conventum, ut Romæ in id laboraretur, quo Herbipolensi impetraretur usus pallii, cum jure crucem præferendi, Fuldensis vero Abbatia in Cathedrali Ecclesiam & Episcopalem erigeretur. Quod a Benedicto XIV fuit impetratum.

Supererat dein adhuc contentio cum Moguntino, qui jus suum Metropoliticum hac mutatione lædi existimavit. At Pontifex se declaravit, intentionis suæ nunquam fuisse, juri Metropolitano quidquam detrudere: fore proin Fuldensem Episcopum Moguntini suffraganeum, atque a subditis Fuldensibus ad Metropolitam appellari posse, salva exemptione passiva Fuldensi, & subiectione ad Sedem Apostolicam. Consensit etiam in erectionem Episcopatus Imperator, sic tamen, ut novus Episcopus qualitatem Abbatialis in Comitibus & aliis Imperii Conventibus retineret.

Obiit Princeps  
Murensis.

In Principali Abbatia Murensi in Helvetia obiit Præsul *Geraldus* Haimb Stühlingensis, ætatis anno 73, 29 Regiminis, Princeps virtute & doctrina excellens, qui gloriosi sui antecessoris insitens vestigiis, ab eo cœpta ad summam perfectionem perduxit. Successit *Fridolinus Kopp* Rhodofeldensis, Director Cancellariæ, vir eruditissimus, prout demonstrant *Vindiciæ Actorum Murensium*, adversus *Marquardum Herrgott*, ob præstantem doctrinam orbi literato notissimum, ex S. Blasii sacra Familia, magnorum semper virorum altrice.

Novum Con-  
stantiæ Dica-  
sterium.

Separata sunt hoc anno Sævicæ Domus Austriacæ provinciæ ab Oenipontano Regimine, erecto pro illis Constantiæ novo Representationis, & Cameræ Dicasterio, cui Præses datus L. B. de Summeray. Tribunal istud translatum postea in Comitatus Friburgum Brisgovia.

Susceptum quoque negotium determinandi Austriacæ Domus, & Venetæ Republicæ limites controversos, Wolckensteinio Comite & Corrobo Roboretum in hunc finem missis.

Dresdæ a Nuntio Apostolico ritu Catholico consecratum de Templum dicatumque est templum Aulicum, per plures jam annos magnifice constructum, dicentem eam Cathedræ Regis confessorio.

In alteram vitam migravit Sigismundus Comes Kollonitschius, primus Viennensis Archiepiscopus, S. R. E. Cardinalis, anno æt. 74, Princeps, Religionis zelo flagrantissimus. Obiit Kollonitschius.

Successit ejusdem Coadjutor Joannes Josephus princeps Trautsohnus, de quo nescio, cur scribat continuator Hübneri *Suppl.* 44, Protestantibus sibi multa bona promittere.

Defuncta quoque est Maria Anna, filia Philippi Comitis Palatini, & Franciscæ Lauenburgicæ, vidua Ferdinandi Ducis Bavarie, quæ filium suum Clementem heredem universalem instituit. Er Ferdinanda.

Obiit pariter Fridericus Rex Sueciæ, unde successit ei frater natus maximus Wilhelmus in Hassiæ Landgraviatu, quem per plures jam annos nomine fratris administraverat.

## Art. LX.

*Controversia de Postis Imperialibus, & Provincialibus.*

Bellum ultimum variis querelis & deliberationibus in Comitibus Imperii materiam & occasionem dedit, Hassiæ Landgravius sæpius fuit conquestus, per cursum Postæ Imperialis juri suo territoriali injuriam damnumque inferri. Idem Brandenburgicus, Hannoveranus, Brunsvicensis querebantur. Unione propterea inter se inita, Postas per suas provincias erexerunt a Gedano usque in Hollandiam.

Multa in hanc rem ex utraque parte scripta sunt edita, de Reservatis Cæsareis & Postarum Regali, atque de Postis Provincialibus ex Jure Territoriali prætensis tractantia.

Illa inter est liber, cujus Titulus *Aquila Gloriosa*, a magni cujusdam Principis Ministro, qui se *Cæsareum Turvianum* appellat, conscriptus, atque Leopoldo Imperatori anno 1694 dedicatus. Proflitur in hoc Auctor, se ex Jure communi, Recessibus Imperii, Actis Publicis, Tractatibus Pacis, Capitulationibus Cæsareis, Electorum ac Principum Mandatis & Edictis defensurum Postarum Regale per totum Romanum Imperium omnesque ejus provincias S. C. Majestati esse reservatum.

Atque imprimis Postarum originem ad Cyrum Persarum Regem & primos Romanos Imperatores refert, qui ad promovendum celerius



celerius faciliusque litterarum commercium equos veredarios & vehicula per intervalla disposuerint: a Friderici IV vero temporibus hoc jus Illustrissimæ Familiæ de Turri Vassallina & Taxis, quæ primum Baronum, dein Comitum, ac denique S. R. I. Principum Dignitate fulget, ab Imperatoribus fuisse collatum, primo quidem tanquam Officium, dein vero a Mathiæ Cæsaris tempore tanquam Feudum Imperii.

Edicta Imp.

Exhibet Auctor ad hoc probandum, & demonstrandum, Postarum per Imperium ordinationem pertinere ad *Reservata* Imperatoris, Constitutionem Caroli V de anno 1522, de anno 1542, & anno 1543, (quo hoc munus Leonardo de Taxis contulerit) Ferdinandi I de anno 1561, Rudolphi II de anno 1576 & 77, (quo ad querelas Lamoralii Baronis de Taxis lanionibus, aliisque, prohibuerit, veredarios cursus suscipere, iisque Postarum Regale turbare) addit, cum anno 1579 Principum quidam Postas per Italiam & Belgium ordinare tentasset, id ab eodem Imperatore Rud. II fuisse interdictum, monitumque anno 1595 Tassium, ut Officio suo, ne ab aliis impediatur, aut turbetur, invigilaret.

Mathiam vero Imperatorem, Rudolphi fratrem, bis omnes extraordinarias ejusmodi cursorias vecturas, & Postas Provinciales severe vetuisse, simulque Comiti Tassio Postarum Regale anno 1615 in Feudum Imperiale contulisse: confirmatum anno 1621, a Ferd. II cum Mandatis inhibitoriis, ad urbes, Coloniam, Francofurtum, & Norimbergam, aliosque anno 1624 missis, ne Generali Postarum Imperialium Præfecto ullum obicem ponant, aut damnum inferrent. Eademque Mandata inhibitoria anno 1628, & 35, fuisse renovata.

Comitiorum.

Ferdinandum III pariter, re cum Electoribus & Principibus collata, anno 1637 ad omnes Imperii Ordines dedisse Mandata, ut extraordinarios cursores veredarios abrogarent, nihilque contra supremum Regale Cæsareum fieri patiantur. Atque hoc Mandatum, nemine contradicente, fuisse acceptum: quin imo anno 1641 ab electoralibus ad Comitum Legatis ad Imperatorem fuisse rescriptum, Imperiale Postarum Officium quoad totum Imperium jus quælitum & fundatum habere, idque infertum Recessui Imperii ejusdem anni §. 69 cum Edicto, ut Cæsareum Postarum Regale in sua integritate conservetur, nec quidquam ad ejus diminutionem suscipiatur, aut quacunque via indulgeatur. His conformiter Cæsarem in Ducatu Brunsvicensi & Lüneburgensi ad facilitandum commercium Francofordiam inter &

& Hamburgum Postarum aliquot stationes collocasse, Duce ipso nullatenus dissentiente.

Sub pacificatione quidem Osnabrugensi Norimbergenses Deputatos Sueci & Statibus inspirare conatos, ut Postarum usum singulis territoriis proprium facerent. At Imperatorem anno 1646 Norimbergenses reprehendisse, ac declarasse, nec eos, nec Status alios in Cæsareo Postarum Regali ullam partem habere, nec commissurum se, ut sibi aut Comiti de Tassis, infeudato Generali Postarum Præfecto hæreditario, ratione Postarum mensura ulla præscribatur. Cum autem Sueci non desisterent, erectionem Postarum P. W. Provincialium urgere, Imperatorem anno 1647 Legatis suis mandasse; ne quidquam in hac re in præjudicium Reservati sui Regalis cederent, operaque Legatorum, Moguntini, Coloniensis, Bavari, aliorumque Statuum accedente, effectum, ut in Instrumento Pacis contra Cæsareum Postarum Regale nihil decerneretur, nec art. VIII, quo Statuum jura recensentur, mentio fieret, sed id duntaxat articulo IX infereretur, ut *immoderata Postarum onera tollantur*, seu, ut litterarum taxa moderamen accipiat, quo usus ipse Postarum sit confirmatus, & jus quoad substantiam agnitum, solumque in moderatione taxæ desideratum remedium.

Post reductam dein pacem, cum in quibusdam, Borealibus præsertim, provinciis, ob belli furores, Postarum cursus fuisset interruptus, Imperatorem anno 1649 ad omnes Electores & Status Imperii dedisse litteras, quibus petierit, ut Comiti de Tassis ejusque Officialibus in suis terris omne præsidium & opem præstent, qua Postarum Directores ibidem stationes collocent, suis privilegiis, exemptionibus, usibus, libere & absque turbatione fruantur, atque Postarum negotium sine impedimento administrare valeant.

His autem mandatis Circulorum, etiam Saxoniarum Inferioris, Status sine contradictione se accommodasse, stationesque cursorias fuisse dispositas Brunsvici, Nienburgi, Zellæ, Lüneburgi, Hannoveræ, Hameliæ, Guelpherbyti, Osterodæ, Mündæ, Göttingæ, Cassellis, eisque Postarum magistros impositos. Nec minus Electores, Saxonicum & Brandenburgicum, promptos se exhibuisse.

Equidem anno 1658 Francofordiæ in electione Leopoldi Imperatoris a Statibus Protestantibus *Monitum* fuisse porrectum, ut Statibus invitis nulli exteri Postarum Præfecti, aliive Officiales obtruderentur, neque a Jurisdictione territoriali, aut communibus oneribus essent exempti; sed Electorale Collegium in Capitulatione Cæsarea nullam illius rationem habendam duxisse, prout ex art. 35 ap-



pareat. Displicuisse id quidem Principibus quibusdam Protestanti-  
bus, sed responsum ab aliis, Jus Postarum esse Jus Regale Majestatis,  
soli supremo Imperii Capiti proprium, quod proin sine Caesaris injuria  
diminui aut restringi non possit. Collatam ab Imperatoribus Postarum  
Præfecturam Familiæ de Tassis in feudum Imperiale; sicut igitur Status  
in feudis suis, a S. C. Majestate acceptis, turbari nolint, sic ne-  
que prædictam Familiam in feudo suo turbari oportere, eo mi-  
nus, quod omnis injuria redundet in Imperatorem, supremum feu-  
di Dominum.

Leopoldum porro Imperatorem, Prædecessorum insistentem  
vestigiis, anno 1659 Edicto, ad omnes Electores & Principes mis-  
so, Postas omnes Provinciales prohibuisse, nemine reclamante;  
Brandenburgico Electore excepto, cujus Legatis in congressu Lü-  
neburgensi Circuli Saxonie Inferioris, reliquos ad communem cau-  
sam faciendam incitantibus, conceptum sit per Majora conclusum,  
pro defensione Postarum Provincialium.

Verum Imperatorem, negotio cum Moguntino, Postæ Im-  
perialis Protectore, aliisque Electoribus collato, non destituisse,  
jus suum Majestaticum tueri, misso etiam ad Principes Saxonie  
Inferioris Comite Gronsfieldio, mandatisque anno 1663, 78, 80,  
82, 84, 85. ad Status Imperii directis, quibus a plerisque debitum  
sit præstitum obsequium.

Assignat  
regulam.

Ostendit ulterius Auctor, sicut antiquum Romanum Imperium,  
sic etiam instauratum a Carolo M. Occidentale fuisse plene Monar-  
chicum, sub absoluta dominatione Caesarum. Quos hodie venera-  
mur Duces, Marchiones, Landgravios, Comites, Officiales fuisse  
Imperatoris. Additam subin ab ipsis Caesaribus proprietatem, do-  
minium, jurisdictionem; erecta feuda, concessum bene meritis  
aut gratia valentibus dominium utile, retentum supremum & dire-  
ctum; donec tandem ad eam, quam hodie cernimus, magnitudinem,  
auctoritatem, potentiam perventum. Promanasse tamen omnia  
a Casarea Majestate velut radios a sole.

Hoc posito fundamento infert, quidquid non inveniatur ab  
Imperatoribus Imperii Ordinibus concessum, id censi reservatum,  
& velut Majestatis ossibus inhærere, confirmatque ex receptis Juris  
principiis & presumptionibus: uti: olim Dominus etiam hodie Domi-  
nus præsumitur. Mutatio non præsumitur. Ex possessione præterita inferitur  
possessio de præsentis. Possessio continuata præsumitur; nam qui semel possessor,  
semper possessor. Quod stetit, cur stare prohibetur? consequenter, quid-  
quid Imperatores potestatis a se non abdicarint, aut in membra

Im.

Imperii transfulerint, vel eisdem communicarint, id hodieum tanquam jus Regale ac Majestaticum Reservatum ab eisdem etiamnum possideri.

Atqui non inveniri ullum actum, contractum, concessionem, privilegium, donationem, quibus Imperator supremo ac generali per Imperium Postarum jure se abdicarit, aut illud Ordinibus communicarit; nec Bullam Auream, Pacem Publicam, Westph. Neomagensem, Risvicensem, Badensem, nullam Capitulationem, nullum Recessum, aliamque Constitutionem aut legem Imperii, de hac cessione ullam mentionem facere, sed semper Imperatores hoc suum Regale contra omnes invasiones, cursores extraordinarios & Postas Provinciales defendisse: quinimo Maximilianum II ab omnibus Statibus fuisse rogatum, ut hoc suum Regale tueatur: atque propterea omnes Juris Publici Interpretes (ne quidem Hippolyto a Lapide negare aucto) hoc Regale seu Cæsareum Reservatum agnoscere.

Omnes quippe Jurisconsultos, Publicistas, & Politicos cum Lampadio jura Imperii in tres classes dispescere. 1 In Reservata Imperatori, quorum 20 enumerentur, & inter ea jus Postarum generalium per totum Imperium. 2 In communia Cæsari cum Electoribus. 3 In communicata omnibus Statibus: illos vero, qui Postarum jus inter Cæsarea Reservata collocant, simul tamen Statibus commune faciant, sibi ipsis contradicere.

Adducit autem auctor libri prædicti etiam argumenta, quæ pro Postis Provincialibus a quibusdam scriptoribus afferuntur, videlicet:

1 in statu quidem Monarchico potestatem omnem Postas per totum Imperium pro arbitrio ordinandi penes solos Imperatores steterisse: jam vero, mutatis tantopere rebus, etiam Statibus fas esse easdem per provincias suas erigere.

Quippe 2. Statibus in suo territorio omnia licere, quæ non abdicata aut lege publica adempta inveniantur; ac proinde stare in duobus Argumentis pro Postis Provincialibus, contra Imperatoris potestatem.

3. Ut adeo regula sit, competere Statibus in suo territorio, quidquid competat Cæsari in toto Imperio.

4. Hanc Statuum potestatem fundari in superioritate, & omnimoda jurisdictione territoriali, ipsis concessa.

5. Feuda Statuum esse antiquiora feudo Tassiano, ac proinde per istud non potuisse illis derogari, neque enim hanc infeudationem



nem potuisse fieri, nisi salvo jure Statuum; atque ante id tempus Jus Postarum ab iisdem fuisse exercitum.

6. Electores in Comitibus anni 1637 Cæsari significasse, Statibus jus in suis terris Postas disponendi competere: idque per Recessum Imperii de anno 1641, per Instrumentum item pacis, sub nomine possessorum antiquitus Jurium Regalium; per Capitulationem denique Cæsaream art. 35 fuisse confirmatum.

7. Domum Austriacam in hæreditariis suis provinciis (extra Tyrolin & anteriorem Austriam) jus Postarum exercere per Comitum de Paar. Ergo alios etiam Status in suis regionibus id posse facere. Idque ex Protocollis quoque Electoralis Collegii constare, ex Capitulatione videlicet, anno 1658 concepta.

8. Præscriptione quoque & consuetudine immemoriali Status esse munitos; quandoquidem jam ante Carolum Magnum, ipsisque adeo Julii Cæsaris temporibus apud Germanos fuisse Duces & Comites, cum potestate jurisdictionis præpositos; idque etiam post Carolum M. usu observatum. Respondit ad hæc auctor: & quidem

Resp. aucto-  
ris.

Ad 1. Cum Regimen fuerit plene Monarchicum, & Imperator sit caput ac fons omnis jurisdictionis, quæ in membra Corporis Germanici emanat, qui jus aliquod, mutationem, aut privilegium aliquod prætendit, uti jus Postarum, id ei probandum esse: quod enim non mutatur, cur stare prohibeatur? Unde

Ad 2. ait, cum constet, olim omnem potestatem fuisse penes solum Imperatorem, eum esse in possessione sui juris, donec probetur, quod hoc jus suum abdicarit, aut in alios transtulerit.

Ad 3. Falsam esse hanc regulam, si etiam ad Reservata Cæsarea se extendat, quale sit jus Postarum.

Ad 4. Jus Territoriale se non extendere ad Reservata Cæsarea; alias enim Imperatori nihil amplius reliquum fore.

Ad 5. Per collationem Feudorum & Regalium non esse collata Reservata Cæsareæ Majestati. Jus Postarum autem, Imperatori competens, antiquius esse omnibus feudis, & Jurisdictione Territoriali Statuum.

Ad 6. Talem declarationem Collegium Electorale non dedisse, sed id tantum voluisse, ut, ubi nullæ sunt Postæ Imperiales, lanionibus & civibus cursum relinqui posse; verum mandata Cæsarea mox emanasse, ut Postarum Regale, sibi suoque Clienti Beneficiario factum testumque relinquatur; atque his mandatis Status

tus obtinuerat, ac anno 1641 declarasse, Comitem de Taxis quoad totum Imperium habere jus quæsitum & fundatum. Neque per Instrumentum pacis huic juri fuisse derogatum.

Ad 7. Domui Austriacæ in provinciis hæreditariis non competere potestatem Postarum ratione juris territorialis, sed ratione specialis privilegii, ab Imperatoribus concessi: quo ipso confirmetur Jus Cæsareum de suo Regali disponendi, illudque pro summo arbitrio vel per se vel per alium exercendi. Ex actis Capitulationis Cæsareæ de anno 1658 aliud non constare, quam Statum quemdam ex jure territoriali Postarum jus voluisse erueri; pleraque autem suffragia pro Regali, Cæsari proprio, stetisse, nemine Electorum contradicente. Non autem attendi oportere unius vel alterius Status desideria, sed quid conclusum fuerit.

Ad 8 ait, eas Germaniæ provincias, quas Romani occupaverant, summa ab Imperatoribus potestate fuisse gubernatas: translata a Romanis ad Francos Germania Galliaque plene Monarchicam fuisse formam Regiminis, Rege omnia gubernante pro arbitrio tum per se ipsum, tum per Duces & Comites (qui justitiam administrabant nomine Imperatorum) Officiarios suos & Ministros, qui non aliam habuerint potestatem, quam ab Imperatoribus accepissent, testante Vadiano l. 1 de Colleg. Monast. in Germ. vet. non suam, inquit, seu propriam, sed publicam regni ditionem administrabant: non sui juris erant Duces & Comites, sed Regum atque Imperatorum Officarii atque Ministri. Quamvis autem eorum Officia non essent hæreditaria, cœpisse tamen paulatim Imperatores filios in paternis muneribus confirmare. Erecta subin feuda, Beneficiario seu Clientelari jure possidenda.

Addit, suprema Cæsareæ Majestatis Jura, tanquam intrinseca, coronæ inherentia, ac personalissima per nullam usucapionem præscribi posse: præsertim ubi, intervenientibus tot Cæsareis mandatis, constitutionibus, & protestationibus, videatur deficere titulus, bona fides, & possessio sit interrupta.

Subjungit idem Auctor Apologiam pro Ludovico ab Hornick contra Emeranum Ackolt, Juris Licentiatum. Scriptum ille edidit *de Reservato Cæsareæ Majestati Postarum Regali*. Hunc confutavit Hornick *vin-* dicatus. Hunc aggressus est Ackoltus, sed Hornickium vindicavit Auctor *Aquila Gloriosa*. Verum in tribus his scriptis nihil admodum diversum ab iis, quæ hætenus relata sunt, occurrit.

Hornickius contendit, Statibus fas non esse Postas erigere.

1. Quod non competant eis Jura Majestatica. 2. Quod observan-



tia circa Postas Cæsari suffragetur. 3. Quod Status ipsi in Comitibus declararint, Postarum Regale soli Cæsareæ Majestati competere, illiusque usum eidem commendarint. 4. Quod sine præjudicio Postæ Imperialis fieri non posset, ut Princeps in suis terris Postas adornaret.

Contra:  
Ackolt.

Ackoltus intentionem suam fundat in superioritate Territoria-  
li, Statibus Imperii concessio cum Regalibus. Non tamen negat, Imperatori competere jus Postarum per totum Imperium; sed negat illud esse *privativum*, cum etiam Statibus sit commune in suis territoriis.

Apologista vero Hornickii distinguit inter Regalia, Statibus *Communicata*, & inter ea, quæ Cæsareæ Majestati *privative* sint *Reservata*; & inter hæc etiam Regale Postarum collocat. Denique Diplomata Cæsareæ, Constitutiones Imperiales, & Comitiales, aliæque documenta, Postarum negotium concernentia, in extenso adjungit.

Recentior:  
Bellus.

Anno 1759 Viennæ typis impressum est alud scriptum, quo non negatur quidem Statibus usus Postarum Provincialium, sed restringitur ad ejusque Status territorium, ita ut ultra illud excurrere non liceat. Simul tamen propugnatur Jus Regale Cæsareum, cum ea differentia, quod Postæ Provinciales intra territorium ejusque Status sint constringendæ; Postis vero Imperialibus per omnes Imperii Provincias liber patere campus debeat.

In utilitate  
& convenience  
fundat.

Atque ad hoc demonstrandum, præter Edicta & Constitutiones Imperiales, Comitiales, Collegiales adducit in signem pro toto Imperio utilitatem, quin & necessitatem, tum ad singularum Imperii provinciarum litterale commercium, tum ad assecurandam cum exteris etiam regnis & nationibus communicationem, & epistolarum per totum Imperium securum trajectum: quod inter tot Provinciales Postas, & tabellarios cursores, a cujusque Provincie Domino dependentes, obtineri non possit.

Si enim vel unus Status Postas nollit erigere, vicino vero per suum territorium transitum neget, totum cursum interceptum iri. Et quam confusionem fore, si taxa litteralis tot inter Status esset dividenda, quam singuli pro arbitrio possent statuere. Si litteræ deperdantur aut pecuniæ, a quonam ratio exigenda: & quid futurum tempore belli, aut inimicitie inter vicinos?

Solos quatuor esse Status, Brandeburgum, Hannoveranum, Guelferbytanum, & Hassio-Castellanum, qui communione inita, erectisque non modo per suas terras, sed etiam alienas, Postis, Imperia-

periales Postas eliminare, aliosque etiam Status sollicitare, & in societatem consilii pertrahere nitantur. Quanta autem inde confusio, quanta incommoda oriantur, cum eversione Regalis Cæsarei, Auctor libelli prolixius deducit. Plura alia ab utraque parte scripta sunt edita, & querelæ in Comitibus Ratisbonensibus sæpe propositæ, quæ longum fuerit recensere.

Hæc ego in hoc eruditionis apparatu non nisi historice relata velim, quin ullo modo Principum iuribus discutiendis me immisceam; quamvis id Juris Publici scriptores, præsertim Protestantes, passim faciant.

### Art. LXI.

#### *Alia quædam negotia in Comitibus proposita.*

Præter Postarum negotium ultimis hæc annis curas Imperatoris & Comitiorum exercuerunt res *Monetariæ*. Ad plures Status, præsertim Civitatum, quæ aut cuderunt nummos valore deficientes, Res Numm. aut cursum iis liberum permiserunt, nec transgressores punierunt, *ria*. Mandata Cæsarea pervenerunt. Francofordiensi ad Mænum civitati executio Directorum Circuli Superioris Rhæni a Cæsare est intentata.

De *Mensibus* quoque *Romanis* non una Ratisbonæ contentio, consentientibus plerisque Catholicis, ex Protestantium quibusdam Mandati defectum excusantibus, Plotho Legato Brandenburgico, *Menses Roman.* Gemmingio Hannoverano, cum fociis aperte, non sine minis, reclamantibus. Verum ad majora Statuum suffragia Cæsar ratum habuit conclusum.

Aliud Decretum Commissoriale Imperator Ratisbonam misit, quo Ordinibus commendavit causam Electoris Colonienfis, qui contra Hannoveranos conquestus fuerat, quod Episcopatus suos occuparint, iisque gravissima onera imponant, non alia ex causa, quam quod Elector Concluso Imperii & Mandatis Cæsareis obtemperarit. At Hannoverani regerebant, Electorem fuisse partem belli, suum hostem, addictum Gallis; mirum proin non esse, quod belli incommoda experiri debeat.

Verum, antequam Clemens Augustus, Elector Colonienfis, Dux Baviaræ, Episcopatus suos reciperet, ex hac vita ad æternam quietem migravit 6 Febr. 1761. Iter in Bavariam fuerat ingressus, *Causa Colonienfis.* sed postquam Hermansteinii ad Electorem Trevirenssem inviserat, *Obit Elect.* Obiit ibidem obiit, anno ætatis 61, Electoratus 37; natus quippe est anno 1700. Episcopus Monasterienfis & Paderbornenfis anno



anno 1719. Coadjutor Colonienſis 1722. Eleſtor 1723. Epiſcopus Hildeſienſis 1724. Præpoſitus Leodienſis 1725. Epiſcopus Oſnabrugenſis 1728. Supremus Ordinis Teutonici Magiſter 1732. Corpus deportatum Bonnam ac inde Coloniam. Galli vero Bonnæ præſidium imponebant.

6 Aprilis eleſtus eſt ad Canonum normam a Capitulo Maximilianus Fridericus Comes *Königseckius*, Rothenſenſis lineæ, anno 1708 natus, conſecratus Archiepiſcopus 16 Aug. 1761. Miſſus a Cæſare ad hanc eleſtionem Comes de Pergen. Reliquos Epiſcopatus, quos Clemens Auguſtus viduatos reliquerat, necdum Hannoverani finebant ſucceſſore inſtrui.

Carolo Theodoro Eleſtori Palatino natus eſt anno 1761 filius, ingenti totius Aulæ omniumque fidelium ſubditorum gaudio & ſolatio, quin totius Europæ melioris gratulatione. Sed, quæ eſt rerum humanarum volubilis inconstantia, publicam lætitiâ triftis mox luctus excepit, cum ſæva Libitina florem hunc vix ortum matura nimium, ſi humanas rationes penſemus, falce demeſſuit.

Cum anno 1761 pacis Auguſtæ componendæ conſilium eſſet publicatum, in Comitibus Ratiſbonenſibus multiplex erat diſceptatio, an Cæſari plena poteſtas indulgenda, nomine Imperii paciſcendi? an Weſtphalica aliæque Pacificationes pro fundamento ſubſternendæ (Proteſtantiſtus pacem Riviſienſem ob inviſam ſibi Clauſulam excipientibus) an Gravamina, a Boruſſicis in Circulo Inferioris Saxoniz commerciis illata, in Pacificatione proponenda? an & quomodo Boruſſicis conductionibus militum per Imperium, ab aliquibus Imperii Statibus, præſertim a Civitatibus Imperialibus, & quibusdam Status Equeſtris, cum præjudicio vicinorum, nimium facile diſſimulatis aut indultis, obviari poſſit?

Controverſia in Comitibus.

Quomodo damna, quibusdam Ordinibus hoc bello illata, ſint compenſanda? quomodo indemnes præſtandi, qui ob Boruſſicam monetam, nimis levem, ſunt læſi? quomodo Cameræ Imperiali ob non ſolutam a Brandeburgicis ratam, ſit ſuccurrendum?

Cæſaris que rela.

Hæc aliaque Cæſari, cum ad Pacificationem deventum fuerit, commendanda, plerique Status, maxime Catholici, cenſebant. Mens Proteſtantiſtus varia. Brandeburgicus, Hannoveranus, Brunſvicenſis, Caſtellanus, belli Socii negabant, pluralitati Votorum, ubi res ſingulorum agitur, deferendum, ſed *itoni in partes* locum eſſe. Pomerania citerior, Culmbacenſis, Würtembergicus, via media incedendum putabant. Darmſtadius, & Sverinenſis abolitionem Clauſulæ Riviſienſis urgendam. Alii defectum mandati obtendebant.

Quia

Quia autem duo superiora Collegia post *Re- & Correlationem* factam per Majora convenerant, Cæsari pro hac vice, & sine præjudicio in futurum, plenam paciscendi potestatem relinquendam, accessit etiam Civitatum Collegium, atque sic formatum Conclufum, quod Imperator ratum habuit, protestante licet cum aliis Magdeburgensi. Verum totus apparatus ad pacificationem Augustanam corruit.

Imperator vero intellectis, quæ Comicia turbaverant, dissidiis, ad Con-Commissarium Comitem Seidevicium dedit litteras, publice promulgandas, quibus docuit, quantas curas pro pace Augustæ reducenda, & Imperio universim impenderit: relictum arbitrio Ordinum, an quosdam ad Congressum velint deputare, an vero Cæsari pacificationis negotium committere. Per multo majora, etiam Protestantium complurium, suffragia relictam Imperatori plenam tractandi potestatem.

Verum a Comitibus Legatis, Brandenburg, Hannoverano, Brunsvicensi, Vinariensi, Eisenacensi, Gothano, Onolsbacensi, Casselano, Durlacensi, inficiis, & reclamantibus Saxonico-Electorali, Würtembergico, Darmstadiensi, Mechlenburgico, Pommerano-Suecico, Votum quoddam privato congressu per *Majora Protestantium* fuisse conceptum, atque tanquam commune Evangelicorum oppositum, ut *itio in partes* prætendi posset, tantasque eo prætextu turbas concitatas, ut actum *Re- & Correlationis* abruptum oportuerit, atque in aliud tempus differri: auditasque Brandenburgici minas, demonstratum iri Catholicis, quid sit *itio in partes &c.*

Conatus istos eo collimasse, ut Status Protestantici a Catholicis separarentur: sed id liquido sibi fuisse solatio, inquit Cæsar, quod de Collegio Electorali Saxonico, de Principali Pommeranus Ceterior, Darmstadius, Sverinensis, Güstrovienfis, Würtembergicus, Gottorpiensis, Mompelgardenfis, Schwarzburgicus, concepto illi privatim Voto constanter contradixerint, protestatione sua Protocollo inserta, se nolle ullam in eo habere partem, nec esse auditum, tot Protestantibus exclusis, Votum commune Corporis Evangelicorum formari posse. Invitatos quidem postea fuisse Protestantes omnes, ad commune Evangelicorum Votum formandum, sed, quos dixi, legatos constanter protestationi suæ inhæsisse.

Sperare se proin, subjungit Imperator, Principes legatorum suorum commentis & falsis relationibus nullam fidem habituros, eorumque acta, tanquam sine Mandato attentata, improbaturos.

Annus quoque sequens (1762) non sine contentionibus Comitibus abiit. Petiit Imperator per Principalem suum Commissarium



Causæ exi-  
gendi.

tium novam pro exercitu Imperiali pecuniæ contributionem, ad 40 mensium Romanorum rationem. Commemorat in litteris, oblatas a Gallis æquas conditiones rejectas ab Anglis, Congressus Augustani spem intercisam, omnia bellum continuandum, novamque expeditionem spectare: ararium in tot belli sumptus exhaustum; 30, 20, 40 Menses ad quinquennem expeditionem nequaquam suffecisse. Plures provincias auri loco ferrum obvertere; ex fidis alias esse in hostium manibus, alias belli calamitatibus, & hostilibus exactionibus oppressas. Ex reliquis nec dimidiam partem representatam: se ipsum ad duos miliones pro exercitu Imperii ex proprio impendisse, & in dies, ne exercitus ille intercideret, plura addere.

Vehementer sibi dolere, in sextum jam annum sub armorum pondere patriam gemere, sed bello huic intestino nec a se, nec ab Imperatrice Regina occasionem aut causam datam, plures vero exercitus & immanes sumptus impensos in bonum Imperii, ut vis ab Ordinum cervicibus propulsetur. Idem a Rege Christianissimo pro Imperio esse præstitum. Tantos vero sumptus, tantum sanguinem fufum, tot res fortiter gestas, tantasque spes conceptas, fructu suo destitutum iri, nisi junctis viribus animisque expeditio, ut sperandum, ultima, animose suscipiatur, rerumque agendarum nervo instruat.

Legati  
Brand. mi-  
næ.

Cum hoc Decretum 11 Junii in Comitibus Ratisbonensibus proponeretur, L. B. de Plotho, Legatus Brandenburgicus, ut pagellæ publicæ, & Relationes Francofordienses memorant, seorsim Moguntino Directoriali Legato insinuavit, dolendum esse, quod de nova Romanorum Mensium concessione agatur, protestationibus suis non attentis: Regem suum cum Russis & Suecis pacem jam confecisse, cum Saxoniz Electore aliisque belligerantibus actu tractare. Si Status consentiant in novam exactionem, pro nova belli declaratione id eum habiturum, & pace negata in singulos acerbè vindicaturum. Viderent proin, quid sibi faciendum existiment.

Causa Ha-  
noviensis.

Typis prodit anno 1762 scriptum, cujus titulus & summa: De ductio juris, cur Landgravius Hassio-Casselenis se non obstrictum credit Renunciatione, qua post suam ad Catholicam Religionem conversionem anno 1754 Primogenito suo cessit Comitatum Hanoviz. Fundat autem suam intentionem in eo, quod successio sibi debeatur ex pacto & providentia Majorum, secundum ordinem Primogenituræ, & Art. 15 Pacis West. quo argumento semper sit usæ Domus Casselenis adversus Darmstadianam. Landgravius causam ad Imperatorem & Imperium detulit.

# CAPUT II.

## Status Italiæ

### SÆCULO XVIII.

#### Art. I.

*Clemens XI Pontifex edit Bullas Vineam Domini & Unigenitus. Pacis studia. Eugenius in Italiam. Pugna ad Clarium, Crostollum, Luzzaram. Vendomius Tridentum infestat. Sabaudi transitus. Pedemontii invasio. Pugna ad Cassanum.*

**I**n locum Innocentii XII anno 1700 26 Sept. electus est 23 Nov. 79.  
Joannes Franciscus Albanus, Urbinas, qui nomen Clementis XI. assumpsit. Humaniori non minus litteratura, latina & græca, quam Theologiæ ac Jurisprudentiæ peritia excelluit, inter Pontifices, de Ecclesiâ optime meritos, jure nummandus, Ecclesiasticæ disciplinæ & Immunitatis vindex imperterritus: eloquio potens populum publice docebat: confitentibus in sacro Pœnitentiariæ tribunali aures frequens præbuit, omnibusque zelo virtutis, constantia, vitæque integerrimæ splendore præluxit.

Janfenistis magna virtute se opposuit, per Constitutionem Janfeni pro maxime *Vineam Domini Sabaoth*, qua non externam solummodo flagat obedientiam præcipit, sed internam quoque, atque sinceram: per Bullam insuper *Unigenitus*, toto orbe notissimam, centum & unam Janfenistarum & Quiesnellistarum propositiones erroneas profligavit. Verum de ejus Constitutionibus postea plura.

Cum bellum gravissimum ob successionem Hispanicam incumberet, intercessit, operam ad partes conciliandas offerens; nec detrectavit Conciliatorem Leopoldus Cæsar, ea conditione, si Neapolis, Mediolanum, Belgium, sequestro traderentur, donec jure fuisset disceptatum. Inde enim appariturum, an Galli serio pacem Bellum cuperent. Verum Ludovicus media hyeme immissis per Alpes legationibus Mediolanum occupavit; atque Investituram Neapolitanam



nam pro Nepote petiit a Pontifice; quod cum etiam Cæsar faceret, is neutri concessit.

Galli eo argumento sunt usi, Philippum Ducem Andegavensem legitimum Arragoniæ Regem esse, igitur etiam Neapolis: Cæsarei vero, hanc esse feudorum indolem, usu gentium constitutam, ut mares præ fœminis succedant: extincta, Caroli V stirpe mascula, superesse e Ferdinando I stirpem Austriacam masculam, cujus juri quæsito per testamentum præjudicari non potuerit, quoad regnum præsertim clientelare.

De Sabaudia Duce in partes trahendo magna inter competitorum erat contentio. Prævaluit initio Gallia, gemino oblato connubio. Veneti velut ex orchestra spectabant. Parmensis pariter neutras partes fuit amplexus: Mutinensis accessit Cæsari Mantuanus Gallo, ejusque præsidium in urbem recepit, prout etiam Mirandulanus.

Eugenius in  
Italiam.

Exeunte Majo 1701 Eugenius Princeps cum octo & viginti armatorum millibus per Tyrolin Roboretum venit, inde vero superatis montibus Veronam in Venetorum fines, ubi exercitus Gallicus sub Catenato, belli Imperatore, in adversa Athesis ripa stetit. Fluvio hoc trajecto Eugenius Gallos ad Carpos cædit, Athesinque suæ potestatis fecit. Catenato revocato suffectus a Ludovico Villaregius.

Pugna ad  
Clarium.

Eugenius fugienti hosti insistens, trajecto Mincio, Castillonem Stiverorum occupavit, cum Godofredi castello, Principe in fidem Cæsaris recepto. Villaregius, adductis novis supplementis ex Gallia, transitoque Ollio flumine, pugnae se accinxit. Commissa ea est ad *Clarium*, ac victoria penes Cæsareanos stetit, haud magno tamen operæ pretio, propter annonæ & pecuniæ inopiam. Subin vero variis procurfionibus & velitaribus pugnis feliciter tentatis, captum Ustionum, Burgum forte, Governolum, atque transmissa Pado Guastalla & Luzzara: Brixellum Mutinensis tradidit. Parmensis Romanæ Ecclesiæ clientelam obtendit. Mirandola ultro est tradita. Infelicem vero successum habuit consilium Comanum lacum occupandi.

Anno 1702 pluribus e Nobilitate instantibus multa fuit de expeditione Neapolitana habita deliberatio; jamque Cæsar exulum precibus inclinatus annuerat, ut decem millia ablegarentur; sed Princeps Eugenius ea Longobardiæ, prius expugnandæ, necessaria esse demonstravit; unde ea missio dilata est.

Incidit

Incidit in hunc annum *irruptio Cremonensis* per canalem, quam *irruptio*  
in Gallicis descripsi. Cæsarei, quos Viscontius ducebat, a Ven- *irruptio*  
domio ad *Croftollum* acie vincuntur, numero obruti. Mutinensis *Cremonensis*  
Ducatus a victoribus subigitur. Sequitur pugna ad *Luzzaram*, *Pugna ad*  
cujus victoriam pars utraque sibi attribuit. Si ex effectu metiaris, *Croftollum*.  
vicere Galli; qui mox *Luzzaram* & *Guaftallam* occuparunt, cum *Ad Luzzaram*  
Borgo forti, ut adeo, accedente cibariorum & æris penuria, Cæ-  
sareani magnas in angustias sint redacti.

Contra Clementem Pontificem & Lambergius Cæsaris & Jan-  
sonus Fourbonus Ludovici Regis Romæ Orator querebantur, quia  
pars utraque Pontificem totum habere suum volebat, ille vero *Papæ studia*  
communem utriusque patrem se exhibere. Quin pacis studio *pacis*.  
Viennam, Parisios, Madritum Legatos destinavi, ut pacem suade-  
rent. Renuit Imperator Spadam Legatum admittere, ne fœderatis  
suis, Anglo-Batavis præfertim, sinistra suspicio ingeratur.

Anno 1703 Vendomius, cum Electore Bavarix se conjun- *Vendom.*  
cturus, Tridentum usque penetrat, injectisque 500 ollis igniariis, *Tridentum*.  
postquam intellexerat, Ducem Sabaudix ad Fœderatos transisse,  
in Italiam rediit, ibique ad Sechiam Starenbergium, qui Eugenio  
in Germaniam digresso, paucis, quæ supererant, copiis erat præ-  
fectus, angusto loco conclusum frustra aggreditur. Brixellum  
tamen fame potius, quam vi hostili coactum, se dedit, capto  
præsidio cum Gubernatore Deventhio.

Rebus Cæsareis in Italia afflictis subvenit Victor Amadeus Dux *81.*  
Sabaudix, qui, cum Vendomio suspectus esset, ut aliquas urbes *Sabaudi trans-*  
Gallico præsidio permetteret, postulatus, ad Imperatorem & Fœ- *situs.*  
deratos eo pacto transiit, ut sibi Ducatus Montisferrati cum Ale-  
xandria & Dertona traderetur, cum auxilliorum viginti millibus,  
certoque stipendiorum numero. Exarmavit Vendomius ejus, quos  
apud se habebat, milites; Dux quantum poterat, vices reddidit,  
capto, quidquid Gallorum erat in suis terris; nec segniter novos  
magno numero conducit milites, Lucernensis vallis incolas ad ar-  
ma vocat, auxilia promissa exigit. Viscontius cum equitum turma  
a Stahrenbergio missus, ad *Serravallem* cladem accepit; prout etiam  
ad Bormidam occubuerunt Solarius & Lichtensteinus, insignes  
Duces. Impedire tamen non poterant Franci, quo minus Ger-  
mani se jungerent Sabaudis.

Stahrenbergio cum copiarum parte anno 1704 in Pedemontium  
ad Ducem digresso, vix ultra octo armatorum millia ad Sechiam  
& Ostiliam sunt relictæ; quibus præfuit primum quidem Trautmans-  
dorffius



dorffius, tum vero Vaudemontius Princeps (cum Stahrenbergio nuper dictus Mareſchallus) qui reliſta Sechia, Revera, & Oſilia, febrī maligna extinguitur: eique in copiarum imperio ſuccedit Herberſteinus, & huic Leiningius, qui pauculas, quas habebat, copiarum reliquias in Venetorum ditionem & fines Tyrolis reducit, cum Aſtallius Ferrariæ Gubernator in ditione Pontificia locum negaret.

Copiarum  
ſtatus.

Leiningius Imperatori Hōchſtadianam victoriam gratulatus rogavit, ut ejusdem fructus in Italiam quoque deſertam porrigeretur: dolore ſe confici, quod ſe duce copiarum Italia ſint deſectæ, copiaque facta Magno Priori (Mediolani Gubernator is Vaudemontio ſeniori ſuffectus fuerat) Vendomio fratri magna in Pedemontium auxilia mittendi. Non modicam autem res laſas reſtituendi oportunitatem eſſe: Gallos lue confici, præſidia urbium vix ad portarum cuſtodias & ſolitas excubias ſufficere, vim omnem in Pedemontium averſam. At in tanta militis paucitate abſque pecunia confici nihil poſſe. Deſcribit dein triſtem copiarum ſtatum, atque, veteranas tot palmarum legiones, cibariis, veſtibus, equorum paubus deſtitutas, inedia, macie, ſquallore contabere.

Pedemontium  
invaſum.

Interea autem Galli Mirandolam quoque, quæ unica in Longobardia Germanis ſupererat, expugnarunt. Nec melior multo in Pedemontio rerum facies. Quippe poſt Ducis ad Fœderatos tranſitum Vendomius & Fëvillada potiffimas vires in illud vertunt, tantaque vi incubuerunt ut Vercellas, Juream, Suſam, Auguſtam Prætoriam, Montmelianum, Nicæam, Villaſrancam, ac demum etiam Verrucam & Clavaſſum, præſtantiffima munimenta, expugnarent, nihilque Duci ſuper'eſſet ferme, niſi Taurinum; quod ipſum etiam haud dubie cecidiſſet, ſi non ſuccuriſſet Eugenius cum Germano exercitu.

Pugna ad  
Caſſanum.

Anno 1705 Eugenius cum novo exercitu in Italiam proſectus, ad Caſſanum cum Vendomio, Magno Franciæ Priore conſeruit pugnam acrem, de qua pars utraque triumphum cecinit. Tantam tamen cladem paſſus eſt Germanus miles, ut intra Venetorum fines reliquo anni tempore fuerit concluſus, ob magnam præſertim rerum omnium penuriam.

Quamvis autem Eugenius in Pedemontium penetrare hoc anno nequiverit, hoc tamen Duci commodum attulit, ut Gallorum magna parte in Longobardiam contra ſe excitæ, obſidionem Taurinensem impederet.

## Art. II.

*Pugna Taurinensis. Solutio obsidionis. Italiae evacuatio. Mantuani infelicitas. Expeditio in Galliam. Neapolitana felicio. Sardinia recepta. Pontifex invasus. Pax. Ira Borbon. Principum Italiae fata. Lis de Langbarum feudis. Causa Mantuana. Cardd.*

Anno 1706, antequam Eugenius veniret in castra, Vendomius <sup>32.</sup> ad Calcinatum Germanos & Danos subito oppressit, magnaue clade <sup>Solvitur</sup> affecit. At versa mox alea. Ludovicus Vendomius, excellens belli <sup>obsidio Tau-</sup> Imperator, post Ramilianam lanienam in Belgium avocatus, Ducem <sup>nensis.</sup> Aurelianensem successorem in Italia habuit, qui cum Marlinio Legato suo obsidionem Taurinensem ingenti vi auspicatus, jam prope ad deditionem urbem compulerat, cum Eugenius Princeps, milite Cæsareo, Borussico, Palatino, Hasso, Gothano, stipendiisque Anglicis & Hollandicis auctus, cum exercitu accurrit, commissoque acerrimo prælio victor, Gallis in fugam actis, obsidionem solvit.

Tota propemodum Italia hac victoria vertebatur; nam Sabaudiae Duci restitutum Pedemontium, adiectusque Monferratensis Ducatus, Casali expugnata. Mediolanum portas aperuit, Novara, Laus Pompeia, Alexandria, Tortona &c. occupatae: Mantua, Sabione. <sup>Effectus</sup> da, Cremona, Mirandula &c. pacto universalis evacuationis tra- <sup>victoriae.</sup> ditae. Atque sic Gallis uno fortunæ ictu periit sex annorum ingens labor & immanis sumptus; quin amissio utriusque etiam Siciliae, totiusque Italiae huic prælio debentur.

Infelicitissimus omnium fuit *Carolus IV Dux Mantuae*, qui Gallos in urbem receperat, indignationem propterea Caesaris incurrens. <sup>Dux Man-</sup> Cum post prælium Taurinense intelligeret, Gallos Mantua demi- <sup>tuae.</sup> graturos, Venetias se recepit. Postquam autem accepit, urbem Cæsareanis traditam, & suam uxorem, Ellbovii Principem, ultro cum Vaudemontio in Galliam rediisse, gravem in morbum incidit. Solaturus exulem, Principatu & bonis omnibus exutum, Franciae ad Venetos Legatus, centum scutorum millia in annos singulos, ejusque restitutionem inter prima fore pacis capita, Regis sui nomine promisit. At ille paucos intra menses pientissime obiit, adeptus



ptus regnum, cuius non erit finis. Cum prole careret, agnati Ducatum sibi vindicabant, sed labore frustraneo.

**Expeditio in Galliam.** Anno 1707 post exactos Italia Gallos constitutum Fœderatis Franciam in Francia debellare. Angli Telonem Martium invadendum duxere, post frangatam per Gibraltariam & Portum Mahonis Hispaniam, Gallorum etiam commerciis compedes iniecerunt. Alienus ab eo consilio fuit Eugenius, expeditionis eventum prospiciens, & oculos suos ad Neapolim & Siciliam dirigens. Sed parandum erat fociis, rerum arbitris, atque suscipienda, jam alias infelicitè tentata expeditio, immanibus expensis & laboribus comparata. Quippe Telone frustra oppugnato cum acciso exercitu recedendum fuit in Italiam.

**Neapolitana felicior.** Felicior fuit, quam Daunius cum octo duntaxat armatorum millibus susceperat, Neapolitana expeditio, animis gentis jam alias in Austriacos pronis. Occupata primum Capua, tum regni caput Neapolis, denique Cajeta princeps munimentum, vim experiri ausum, expugnata. Facile accessere reliqua. Promota ad Statum Præsidii victoria. Daunius a Cæsare dictus Prorex. Cui postea successit Cardinalis Grimanus Venetus. Imperatori addictus efficitur. Confirmata incolis privilegia. Duces Hispani paulo acerbius habiti, atque in varias custodias abducti.

**Sardinia capta.** Anno 1708 cum a sicula expeditione, quam Cæsar optabat, copiarum paucitas abstergeret, Sardinia haud magno opere est occupata. In Pedemontio vero Dux per suum & Cæsareum militem Exillas, Castellum Barræ, Sezanam, Sestrieram, Brianzonem, Fonestrellam &c. cepit.

**Lis cum Pontifice.** Incidit in hunc annum, quod non debuerat, aulam inter Romanam & Viennensem dissidium; cui Comaclum maxime (*Comasbio*) in Ducatu Ferrariensi duo inter Padi ostia oppidum, aut causam aut occasionem dedit. Cum Ferraria illud in Romanæ Ecclesiæ possessionem transiit. Imperiales autem Jurisconsulti Beneficiario nexu Imperio obnoxium contendebant. Lis minime opportuna temporis, quo de regnis conquirendis agebatur. Certe ipsi Protestantes, cum Cæsare fœderati, improbarunt, novi in Italia jaci belli semina. Initium offensionis a tribus legionibus Cæsareis, in agro Ferrariensi hyberna capientibus. Stativis præfuit Alexander Bonnevallius, jam tum execrandum adeo nomen, ut, si quem malum notare vellent, Bonnevallianæ religionis hominem dicerent.

Is eo progressus est, ut Comaclum cum arcibus circumjacentibus praesidio occuparet. Roma vim opponendam ducens, se armat. Non in Italia tantummodo, sed & Avenione delectus fuit. Praeficiuntur Galli Duces, Archistratego Marfilio, Brigantii ob Brisaci deditionem ignominia notato. Caesarei Ferrariam obsident, in Bononiensem, Faventinum, Ravennatensem agrum effunduntur.

Tandem vero Priæo Marchione Romam Legato, in hac capita-  
ta pax sancita. 1 Pontificiae copiae ultra 5000 ne angeantur. 2 Pro Pax.  
Mutinensi Duce ne quid moveatur. 3 Legiones ex statu Ecclesiastico deducuntur. 4 Quaestores Pontificii cibaria & pabula procurant. 5 Caesareis per territorium Romanum Neapolin transitus innoxius ultro citroque permittitur: sed legiones singulae eunto & redeunto & quidem via brevissima. 6 Padi navigatio libera esto. 7 Structa munimenta diruuntur, nec nova aedificantur. 8 Comaclum interim Caesar retinet, donec de jure fuerit cognitum in Judicio Imperiali Aulico. 8 Sex legionibus Caesareis hyberna in ditione Pontificia designantur. 9 Pontifex Carolum Hispaniae Regem recognoscat.

Hæc pacificatio Galliam & Hispaniam adeo male habuit, ut fra Borbonio-  
Thesæus & Dux Uzeda Legati Roma discesserint, & Nuntio Apost. rum.  
Aula Madritensi sit interdictum. Sic filii discerpunt patrem. Austriacis fuit nimium Borbonius, Borboniis nimium Austriacus, dum communem se exhibuit patrem. Certe nimium a veritate abhorret insulsum scoma Hübneri, a Breitingero Præcone Tigurino descriptum; auditum fuisse Clementem dicere, non posse se infantem adulterinum cum legitimo sub corde suo gestare. Quis a tanto Pontifice levia adeo verba profecta credat? Hübneri inventum sunt, scoma.  
sicut multa alia de Pontificibus figmenta, & scomata, viro litterato plane indigna.

Caesarei hoc anno Principi Sorano ademerunt Principatum Plombinum, in littore Hetrusco situm, bonis etiam Neapolitanis fisco additis, quod Gallicas partes esset secutus. Idem fatum cum Principes Italicae.  
Duce Mirandulano plures alii subierunt. Dux vero Guastallæ, neutras partes secutus, Principatui suo est restitutus, & pro jure suo, in Mantuam prætenso, Bozzolo, & Sabioneda investitus a Caesare. Dux Parmæ, in bello neuter, jussus Imperiale feudum agnoscere, protestante Pontifice. Per conventionem autem Romanam causa ad juris disquisitionem remissa est. Pars Pontificia non tantum allegavit antiquissimas Donationes, sed possessionem etiam quietam, Pars X. F f multo



multo antiquiorem anno 1545, quo Paulus III Parmam & Placentiam Petro Aloysio Farnesio in feudum Rom. Ecclesiæ contulerit: festum id esse Leopoldum Cæsarem cum Consilio Aulico, litteris anno 1691 14 Dec. & 1697 27 Jul. ad Innocentium XII datis.

Addit scriptor Gallus (*Avrignius*) Imperatorem Josephum, cum Principes Italiæ hyberna negarent, jussisse inquiri in jura Italiæ, eaque reduci ad Imperium, quæ pertinuisse olim ad illud deprehenderentur; atque hac ratione Pedemontium, Sabaudiam, Venetias, Genuam, Florentiam, Mutinam, pariter fuisse involutas, nisi ostenderent, cum consensu totius Imperii fuisse alienatas. Si non valeat multorum sæculorum præscriptio, ad Orientis Imperatorum dominatum esse redeundum, nec amplius Gallis obijci posse unionum & reunionum systema, neminemque amplius esse securum. Quærit deinde, an Mediolanum cum consensu totius Imperii ad Viscontios, Sfortios aliosque fuerit translatum.

At Gallus iste mentem Josephi Imperatoris non bene inspexit; non volebat ille Principes Italiæ spoliare possessionibus suis, sed Imperii feuda respici, nec universim hoc negotium urgebat.

Anno 1709 in Italia plus forensis quam castrensis belli fuit *Lis de Lang-* Cæsari cum Duce Sabaudie. Præcipua contentio fuit de *Langbarum* feudis, ab Ottone Magno Marchioni olim Montisferrati collatis, postea vero in varios Comitatus, Dynastias, Marchionatus dissectis, vario dominii genere; quod alii Montisferratenensibus Marchionibus, alii Mediolanensibus Ducibus, alii soli Imperatori, alii simul Imperio se obnoxios dicerent.

Has terras jam Leopoldus Imp. Sabaudie Duci anno 1690 clientelari jure possidendas tradiderat, & Josephus 1706 cum Montisferratenfi Ducatu, & Vicariatu Imperii per Italiam. Cum autem asperius ac more veteri se haberi putarent incolæ, querimoniis Aula Viennensis & Taurinensis personuit.

Cæsar causæ cognitores Taurinum mittit, qui publicato Decreto solverunt omnes juramento, quo nuper Duci se adstrinxerant, donec causa tota discussa de singulorum juribus decerneretur.

Ussit vehementer Decretum istud Ducem, conquestum propterea Hagæ Comitum apud Anglo-Batavos, qui tempori pactisque minime illud convenire rati, causamque Ducis calide urgentes, Decretum antiquari voluerunt. Litigatio hæc in multis postea annos fuit extracta, non sine indignatione Ducis.

Daunius exercitum per Tarantasiâ vallem & Mauriennam in Bellum Sabaudiam duxit; sed inde in Pedemontium in hyberna rediit, id sterile. emolumenti confectus, ut multa Gallorum millia a Rheno & Catalonia abstraheret.

Obierunt hoc anno 4 Cardinales, Cencius Romanus, Astius Rom., Sperellus Spoletanus, & Ludovicus Portocarrerus Hispanus, Cardd. Archiep. Toletanus, æt. 74, ex Historia successionis Hispanicæ notissimus. Franciscus Maria Medicæus vero, frater Cosmi III Ducis regnantis, purpuram cum Guastallæ Ducis filia commutavit, ut Domus perennitati consuleretur. Sed aliud superis placuit. Franciscus paulo post improlis obiit, & in Cosmi filiis stemma defecit. Quamvis autem plures galeri vacarent, Pontifex duos tantum Cardinales creavit, Gozzadinum Bononiensem, suum Secretarium, & Sanvitalem Parmensem Archiep. Urbinatem.

In littore Florentino Plombinum Orbitellum, & Portus S. Stephani & hoc anno manebant in potestate Cæsaris, Portus Longus vero, & Hercules Philippi V.

Venetis Aloysio Mocenigo mortuo successus est Joannes Cornarus, cujus frater est Cardinalis, & filius Reipublicæ Londini Legatus. Non sunt passi Veneti, ut Cardinalis Ottobonus civis suus esset Protector Gallie.

Anno 1710 bellum in Pedemontanis alpibus plus difficultatis quam emolumenti habuit, Duce ob forenses de Langhis controversias tepescente. Deferenda Sabaudia, Daunio in alpestribus qualecunque bellum, ut Gallie vires distraherentur, prosequente.

Mota iterum apud Fœderatos causa Mantuana a Guastallæ Duce, agnato proximo, & Venetis, ab Austriaca circumfusa potentia sibi metuentibus. Demortuum Ducem, ajebant, satis pœnarum dedisse, nec criminis Feloniæ insontem Guastallensem eodem supplicio multandum.

Responsum a Legato Cæsareo, Longobardicis & Imperialibus feudorum legibus effancitum, non solum Vassallos, Majestatis reos, damnari, sed & agnatorum jus omne Felonia extingui. Nihil igitur juris Gonzagarum Familiæ esse reliquum: ex Imperii insuper more, & Capitulationis Cæsareæ capite 29 proscriptorum Vassallorum bona, vel ad sustentationem Aulae Cæsareæ, vel alteri bene merito fiduciario jure possidenda, cum Electorum assensu attribui. Quæ autem gens de Imperio melius esset merita, quam Austriaca? aut cui fideliori custodi committeretur hæc Italiae janua, ne unquam fiat Borbonica? Constare satis, quantum inde mali effusum in terras Au-



striacas, quantum inde bellum retardatum. Remittendum Guastallensem ad Consilium Imperiale Aulicum, quo causa ista pertineat; ceu proprium suum forum.

*Cardd. mor-  
ui & creati.* Sacrum Cardinalium Collegium amisit hoc anno Marcellum Durazzo, & Vincentium Grimani, ad purpuram promotum commendatione Domus Austriacæ, cui gratiam referre toto vitæ tempore est conatus, dictus propterea a Cæsare Prorex Neapolitanus, quam Dignitatem prospera inter & adversa ad mortem usque retinuit. Successit Carolus Borromæus Mediolanensis.

Anno 1711 ad vitam meliorem transierunt 5 Cardinales, 1. Caprara Bononiensis, 2. Gabrielli Anconitanus, 3. Archinto Mediol. 4. Santacrucius Rom. 5. Tournonius Pedemont. Sinensis Visitator. Purpuram vero induerunt, Hannibal Albani, Davia Bonon. Cusani Mediol. Nuntius Paris. Piazza Nuntius Vien. Zandani Senen. Nuntius Madrit. Armandus de Rohan Princeps Subifus Episc. Argent. Comes de Schrattenbach Episc. Olomuc. d'Acunha Lusit. Priuli Venet. Tolomei Pistojenfis S. J. Tomasi Siculus Theatinus. Casini de Arezo Capucinus. Sanctorum numero adscripti fuerunt Pius V, Andreas Avellinus, Felix de Cantalicio, Catharina Bononiensis.

Fœderatus exercitus iterum per montes & valles excurrit in Sabaudiam, ut prospectaret in Galliam; nam ea visa eminus, in Pedemontium rediit, Bervico insistente. Cæterum Sabaudix Duci multa fuit cum Aula Romana de Beneficiis præsertim Ecclesiasticis, de Jurisdictione &c. contentio.

### Art. III.

*Italix mutatio. Pax Sabaudica. Res Florentinæ & Parmenses. Bellum Venetum cum Turcis. Mirandola. Coreyra. Alberoni. Prætendens. Res Siciliæ & Sardinia. Bellum. Löövenstem obit. Cardinales. Clemens XI obit. Succedit Innoc. XII.*

85.

Anno 1712 Porcius Hercules Hispanico adhuc tenebatur præsidio; unde illud Zumiungenius Dux Cæsareus expugnat. Investituram Mutinæ, Rhegii, & Mirandolæ a Cæsare petit Dux Mutinæ. Obtinet, protestante licet Duce Pico, ad quem Mirandola spectaverat. Contra

trā vero Guastallæ Duci negatur. *Ottobonus* Cardinalis Protector Galliæ deligitur, graviter id ferente Republica Venetorum, & insignatis vindicante, quæ non vult suos id genus muneribus publicis occupari.

1713 Genuenses emerunt a Cæsare portum & ditionem *Finslem*. Sabaudia Dux, cui hæc emptio non admodum erat grata, coronatus est *Rex Siciliae*, quam pax Ultrajectensis ei addixerat, invito Papa & Cæsare, illo ut Domino *Directo*, hoc *Utili*.

Pax autem *Ultrajectensis* Duci Sabaudia tribuit Sabaudiam & Nicæam restituendam, Pragelas, Exillas, Fenestrellam, Ulsæ, Se-Pax Sabaudianæ, & Bardonnachæ Valles, munimentum Delphini, cum Redica. gno Sicilia. Gallia approbat cessionem, a Cæsare Leopoldo anno 1703 factam Sabaudia, videlicet Ducatus Montisferrati, & ex Ducatu Mediolanensi, Alexandria, Valentia, regionis Lomellina, cum Valle Sesia, & Vigevano. Agnoscit etiam Gallia successionem Domus Sabaudicæ in Hispanica Monarchia in casum, quo Domus Andegavensis extingueretur.

Reliqua spectant amnestiam, commerciorum libertatem, jus ædificandi munimenta, vendendi bona, quæ Dux in Gallia possidet: captivos, contributiones & confiscationes tollendas: confirmationem pacis West. Pyrenæ, Neomagensis, Risvicensis, in quantum huic non repugnant.

Princeps Emmanuel, Thomæ Comitis Sueffionensis filius, Eugenii Principis nepos, hoc anno duxit Theresiam, prædivitem Principis Lichtensteinii filiam.

Obiit Ferdinandus, Cosmi III Magni Hetruriæ Ducis filius, 50 jam annos natus. Conjugem habuit Violantam, Bavariæ Electoris sororem. Nullos reliquit liberos. Declaravit igitur Cosmus <sup>86.</sup> *Res Florentiæ.* pater, jam septuagenario major, ut post mortem suam succedat Joannes Gasto, junior filius, & post eum, spe liberorum carentem, Maria Anna filia, Joanni Wilhelmo Electori Palatino nupta.

Vincentius Dux Guastallæ Investituram Guastallæ, Luzaræ, & Sabionedæ a Cæsare obtinuit, non autem Mantuæ.

Porro Princeps Eugenius erat Gubernator Mediolanensis. Archiepiscopo Cardinali Archinto subrogatus est Erba: Borromæo Daunius, Prorox Neapoli.

Anno 1714 Achmetes III Turcarum Imperator Venetis, propter Peloponnesum maxime, bellum indixit. Genua Ducem elegit Justinianum. Legati Ducis Sabaudia Vienna & Ratisbona dimissi sunt, propter Siciliam, quam Cæsar & Dux sibi vendicabant.



Sed Ddx illius possessionem priore jam anno adierat, tractatui Ultrajectensi innixus, contra quem tamen Cæsar protestabatur.

Et Parma.

Domui Farnesiæ singularem hoc anno honorem habuit Philippus V Rex Hispaniæ, dum defuncta prima conjuge, Sabaudia Ducis filia, sibi copulavit *Elisabetham*, Odoardi II Parmæ Ducis filiam; unde magna in futurum jacta rerum semina. Quippe exspiratura videbatur Medicæ & Farnesiæ Familia, sola Elisabetha remansura utriusque furculo; nam & filia erat Parmæ & Placentiæ Ducis, & propterea Margarethæ, Cosmi II Florentiæ Ducis filiæ. Quapropter haud gratum erat Cæsari hoc Elisabethæ cum Philippo V matrimonium; quia haud vane prævidebat, facile posse contingere, ut nobilissimi tres Ducatus (quamvis feuda masculina crederet) ad Domum Borbonicam devolvantur.

Obiit Vincentius Dux Guastallæ octogenarius. Successit filius Antonius Ferdinandus. Philippus Darmstadiensis Princeps regnantis frater renuntiatus a Cæsare Gubernator Mantuæ. Zandedarius a Pontifice Archiepiscopus Senensis, præsentante Cosmo III.

37.  
Venetorum  
apparatus.

Anno 1715 Turcæ occupata *Morea* Italiæ imminabant. Veneti excitati ad vim repellendam strenue se armabant, conducto exercitu, quadraginta capitum millibus æstimato, quorum 22000 ex sola Germania conscripta narrantur. His copiis Schulenburgium, Teutonicus generis Comitem præfecerunt. Nec electionis pœnituit. Rei maritimæ Grimanus præfectus. Insula Coreyra, Italiæ clavis magis munita. Præcipuum adjumentum Cæsar attulit, a Pontifice ad arma Turcis inferenda persuasus. Nec sacris thesauris parcitum, ad periculum a Christianis cervicibus avertendum.

Dux Sabaudia amisit Victorem Amadeum filium natu maximum. *Carolus Emmanuel*, Princeps Augustæ Prætoriae (seu *Aosta*) nunc appellatus Princeps Pedemontii, prout primogenitus appellari consuevit.

Dux Genuæ Justinianus per electionem successorem habuit Centurionium; qui propter ademptum gladium Cæsareo Officiali Bellico Aulæ Viennensi satisfactionem præstare debuit.

*Picus de Mirandola*, quia Philippo V adhæserat, Cæsaris gratia excidit, & amisso Ducatu, in Ducem Mutinæ per venditionem translato, factus est stabuli Præfectus apud Regem Hispaniæ, cum pensione annua 36000 aureorum.

Obiit Romæ Cardinalis Bullionius Princeps Turenus, Decanus sacri Collegii, cujus fata alias descripsimus.

Ex Germanis Cardinalis creatus est Damianus Hugo, Comes Schönbornius, nepos Electoris Moguntini, a Rege Poloniae praesentatus: ex Gallis Henricus Bussi Episcopus Meldensis, strenuus Bullae Unigenitus in Gallia propugnator: & cum iis septem Itali: duo Caraccioli Neapolitani, Scottus Mediolanensis, Marinus & Spinola Genuenses, Patricius Romanus, Nazzius Archiep. Nicænus.

Anno 1716 Turcarum triginta millia *Corcyram* aggrediebantur, & extensione in Insulam facta urbem ipsam, bene munitam, op- *Corcyra.* pugnarunt; sed ingenti suorum clade repulsi sunt. Schulemburgius Venetiis, velut olim apud Romanos, ovans belli Imperator fuit exceptus.

Genuæ Centurionio Dux successit Benedictus Viale. Corsis arma adempta propter varias cædes patratas. Löwensteinius, qui Bavariam administraverat, & cum postea Ratisbonæ Comititis præfesset, S. R. I. Princeps creatus, hoc anno dictus est Gubernator Mediolani, Principe Eugenio Belgis præfesto.

Anno 1717 Veneti instructa gemina classe, cui etiam Pontificiæ & Genuenses naves se adjunxerant, terra marique gemina relata Victoria, adversus Musulmannos impigre bellum prosequiebantur, Cæsare in Servia triumphante. At turbavit posteriores spes optimas *Alberoni*, Sardinia intercepta, ex amico & socio, qualis credebatur, factus hostis, cui soli Turcæ erant debitores. Hanc gratiam *Alberoni,* retulit summo Pontifici, qui paulo ante eum purpura donaverat; qua sanctius usi sunt Borromæus Mediolanensis, & Zackys Hungarus, eodem ornati.

Clemens XI ac melior orbis, gravissime tulit hoc prorsus inexpectatum Alberoni facinus, incidentis palmas Pannonicas, & Morcæ amissæ rei. Nec valuit apud eum ulla paternæ hortatio, ut male cæptis desisteret. Sed graves sedi Apostolicæ etiam in aliis molestias intulit. Aula quoque Cæsarea mirum in modum se erga Pontificem exhibuit, quod suspicaretur, illum ad pellendos Italia Germanos cum Alberonio & Hispanis clam colludere.

Cum post Triplum fœdus *Jacobus III.*, Jacobi II Angliæ Regis filius, etiam Avenione deberet excedere, Papa in amplexum ex- *Prætendens.* lis explicavit brachia, demonstrans luculente, commune Christianis Romæ esse domicilium, quin & Patrem & patriam, filiis afflictis & desertis ab agnato etiam sanguine, paternæ providentem. Is, ut Romæ omnia recto ordine florerent, Falconierium urbi Gubernatorem dedit.

Plus



Torba seu-  
la.

Plus negotii Pontifici fuit cum novo, quod Victor Amadeus Rex constituerat, Tribunali Sicilia. Hoc Ecclesiasticas etiam causas ad se trahebat, & Clerici, opposcentes exceptionem fori declinatoriam, aut Romam appellantes, exilio plestebantur. Idem patiebantur, qui Pontifici obsequentes Interdictum ab eo latum observarunt. At anno sequenti Sicilia ad alios transit.

Sardinia autem jam hoc anno, expugnata Calari, urbe principe, a Marchione Ledeo, Hispanorum Ductore, fuit occupata, Ru- byo Prorege Cæsareo in Corsicam profugiente.

Anno 1718 Passoravici cum Turcis pax fuit conclusa, qua illis Morea fuit relicta, Venetis autem loca quædam in Dalmatia & Albania cessa sunt; prout in Hungaricis memoratum.

Et bellum.

Hispani 30000 armatorum sub Ledeo Marchione in Siciliam effundunt, & plerasque urbes qua vi, qua ditione Maffeo, Sabaudia Ducis Proregi, resistendo impari, eripiunt. Castagneta vero cum navali exercitu Insulam aggreditur. Sed Bingius Anglicæ classi præfectus, adjunctis sibi sex Cæsarianorum millibus, gemino navali prælio victos Hispanos penitus dissipavit, capto etiam Castagneta Archithalasso, lethaliter saucio. Nihilominus tamen Ledeus in continente Sicilia, (quam Dux Sabaudia in manus Imperatoris consignaverat) bellum prosequabatur, Messina quoque in ditionem Hispania redacta. Duo tunc erant in Sicilia Proreges, Cæsareus nempe Dux de Monteleone, & Marchio de Leede Hispanus. Quamvis autem quadruplo fœdere sancitum sit, ut Sabaudus loco Sicilia Sardiniam obtineat, Hispanus tamen istam hoc anno retinuit.

Interea vero Cæsareæ copiae, finito bello Turcico, magno numero per Italiam Siciliam versus tendebant, non sine relictis itineris sui vestigiis.

Löwenstein.

Obit Maximilianus Carolus Princeps Löwensteinus, Mediolani Gubernator; cujus familia ex Friderico I Electore Palatino, legitimo quidem, impari tamen thoro descendit. Bavariam decennio administraverat: Principalis dein Ratisbonæ ad Comitum Imperii Commissarius, Mediolani denique Gubernator vitam, magna in Cæsares fide, transactam finit. Successit ei Comes Colorado.

Cosmus III Dux Hetruriae 78 ætatis anno & 50 Regiminis aspicere debuit, de suo Ducatu per Fœdus Quadruplum, exclusa etiam filia, disponi, & alienos milites in eo velut pro arbitrio dominari. Protestatus propterea per Legatum Viennæ, Parisiis, Londini.

Anno

Anno 1719 Cæsareæ copiæ in Siciliam penetrarunt, Ductore *Mercio*, Anglicis navibus vectæ, ibique Messinam cum arce tandem expugnarunt, non tamen sine multorum capitum impendio.

Neapolis hoc anno tres habuit Proreges: 1. Daunium, quicquam dignitatem abdicavit. 2. Gallaschium, qui Cæsareus ante fuerat Romæ Orator; cui brevi mortuo successit Comes Schrattenbachius, Olomucensis in Moravia Episcopus. Neapolitanis bellum non erat, apparatus tamen ad Siciliam Hispanis extorquendam præbere oportuit.

Obierunt Cardinalis Casinus Aretinus, ex sacro Cappucinatorum Ordine 1712 assumptus, Acciaiolius Adduanus, & Spinola; novi vero creati, Gevrens & Mayllius Galli: Georgius Spinola Genuensis, qui fuerat Nuntius Viennæ: Bentivolius Ferrariensis, Nuntius Parisiis: Bossu de Alfatia Archiepiscopus Mechliniensis: Beluga Hispanus: Comes de Althan Germanus: Peyrera Lusitanus: Salernus Neapolitanus S. J. commendante Rege Poloniæ. Cardinalis autem *de Judice* a partibus Hispanis ad Cæsareas transiit, recepitque, quæ in regno Neapolitano amiserat. Multis etiam Hispanis, qui partes Austriacas secuti fuerant, sedes in eodem regno aut etiam Viennæ sunt assignatæ; sicut Italis, Borboniæ Domui adhærentibus, in Hispania.

Anno 1720 numerus Cardinalium ad 70 ascendit. Obierunt autem Priulus, Cafonus, & Tremollius, Gallicus Romæ Orator, priore primum anno Archiepiscopus Cameracensis renuntiatus. Eorum vero loco tres alii purpuram receperunt: Barberinus Venerus, Episcopus Brixienfis, Borgia Hispanus ex Gandia, Archiepiscopus Toletanus, Cienfuegus S. J. Hispanus, qui singulari apud Cæsarem gratia pollebat.

Cardinalem *Alberonium*, ex Hispania ad Genuenses profugum, Pontifex ad dicendam causam Romam citavit. Sed contumax comparere recusavit.

Jacobo III Sobieskya genuit hoc anno *Carolus Eduardus*, in spem Anglicæ coronæ natus. Nec defuit Pontificis, Hispaniæ, & Cardinalium liberalitas.

Hispani ex *Sicilia* recesserunt. Cæsari, tanquam Regi Siciliæ, Panormi præstitum homagium. Dux de Monteleone, Neapolitanus ex Domo Pignarellia, dictus Prorex. Ad continendos Siculos re-  
tenti in regno 16000 milites.



*Sardiniam* pariter, inito tractatu, cui *Mercius*, *Ledeus*, *Bingius* subscripserunt, *Hispani* deferebant, eamque *Octavius de Medicis* nomine *Cæsaris Sabaudico* Proregi tradidit.

*Mocenigus* *Provisor Dalmatiæ* finium regundorum opus hoc anno cum *Turcis* absolvit: atque redeunti *Constantinopoli* *Ruzzino* Legato, subrogatus a *Venetis* est *Emo*. Qui *Cardinali Ottobono* omnia bona, ob *Protektoratum Galliæ* ablata, restituerunt.

Obit Clem.  
XI.

Anno 1721 pientissime, ut vixerat, obiit *Clemens XI* Pontifex *Maximus*, genere *Albanus*, patria *Urbinas*, plenus dierum & meritum, ætatis anno 71, Pontificatus 21, prudentia, fide, morum gravitate, zelo, cura pastoralis, vitæ innocentia & integritate multo clarissimus. *Janfenianam* hæresin per *Constitutionem Vineam Domini*, *Quesnellianam* per *Bullam Unigenitus* profligavit. *Jura Ecclesiæ* strenue defendit, difficillimis sane temporibus. 67 *Cardinales* elegit, virtute & doctrina conspicuos.

Rege exule recepto, causa *Aurelianensi* æquissimo arbitrio composita, pace inter filios, de coronis certantes, conciliata, paternæ sollicitudine in omnem partem exporrecta, calamitatibus temporum magno animo toleratis, æternam sui reliquit memoriam.

Multas edidit *Constitutiones*; quas sequenti parte referam. *Bullam* autem *Unigenitus* cum *Observationibus* hic interferendam putavi.

#### Art. IV.

*Bulla Unigenitus seu Propositiones 101 per Constitutionem  
Unigenitus a Clemente XI profligatæ  
Anno 1713.*

89.

*Unigenitum Dei filium* nos admonuisse, inquit Pontifex, ut attenderemus a falsis Prophetis, qui veniunt ad nos in vestimentis ovium, quorum nomine potissimum demonstrentur Magistri illi mendaces, qui splendida pietatis specie prava dogmata latenter insinuantes, introducunt sectas perditionis sub imagine sanctitatis, utque facilius incautis subrepant, quasi deponentes lupinam pellem, & se se *Divinæ legis* velut quibusdam ovium velleribus obvolventes, sacrarum scripturarum verbis, quæ multipliciter in suam aliorumque perniciem depravent, nequiter abutantur, antiqui videlicet,

cet, a quo progeniti sunt, mendacii parentis exemplo ac magisterio edocti, nullam omnino esse expeditiorem ad fallendum viam, quam, ut, ubi nefarii erroris subintroducitur fraudulentia, ibi Divinorum verborum prætendatur auctoritas.

His se Divinis monitis instructum, pergit Pontifex, ubi accepisset, librum quemdam Gallico idiomate olim impressum, & in plures tomos distributum sub titulo: *Le Nouveau Testament en François avec des reflexions morales sur chaque verset &c. a Paris 1699.* Aliter vero: *Abrege de la morale de l'Evangeliè, des Actes des Apotres, des Epitres de S. Paul; des Epitres Canoniques, & de l'Apocalypse, ou: Penſees chretiennes sur le texte de ses livres sacrez &c. a Paris 1693 & 1694,* tametsi alias a se damnatum, ac revera Catholicis veritatibus pravarum doctrinarum mendacia multifariam permiscentem, adhuc tamen, tanquam ab omni errore immunem a pluribus haberi, ac Christi fidelium manibus passim obtrudi, quaquaversum disseminari, etiam latine redditum, ut contagium transeat de gente in gentem.

Versutus hujusmodi seductionibus atque fallaciis creditum sibi gregem in viam perditionis sensim abduci summopere se dolere, ait. Quapropter se pastoralis non minus curæ stimulis, quam frequentibus orthodoxæ fidei zelatorum querelis, maxime vero complurium, præsertim Galliæ, Episcoporum litteris ac precibus excitatum, gliscienti morbo validiore aliquo remedio obviam ire decrevisse.

Cum autem summa libri hujus pernicies ideo potissimum invalescat, quod ea intus lateat, & velut improba sanies non nisi secto ulcere foras erumpat, cum liber ipse primo aspectu legentes specie quadam pietatis illiciat, nihil propterea opportunius salubriusque, quam si fallax libri doctrina, generatim solummodo antea indicata, pluribus singillatim excerptis propositionibus, distinctius & apertius explicaretur, atque universis Christi Fidelibus zizaniorum semina, e medio tritici, quo tegebantur, educta, velut ob oculos exponerentur, Episcopis & Christianissimo in primis Rege, cujus eximius in tuenda fidei Catholicæ puritate, extirpandisque erroribus zelus laudari non satis possit, id flagitantibus.

Hinc extractas summa fide propositiones, a compluribus in sacra Theologia Magistris, pluribusque Cardinalibus, accurate discussas, coram ipso dein etiam summo Pontifice quam maxima diligentia ac maturitate, singularum insuper propositionum cum ipomet libri textu exactissime facta collatione, pluries iteratis congregationibus



expendi & examinari Papa mandavit. Hujusmodi autem propositiones sunt sequentes.

Propositio I.

*Quid aliud remanet animæ, quæ Deum atque ipsius gratiam amisit; nisi peccatum & peccati consecutiones, superba paupertas & segnis indigentia, hoc est, generalis impotentia ad laborem, ad orationem, & ad omne opus bonum.*

*Reflexio.* Sensus est clarus: nihil post amissam gratiam (utique sanctificantem) remanet animæ nisi peccatum, & impotentia ad omne opus bonum. Ergo amittit & fidem, & spem, earumque habitus. Tridentinum autem dicit anathema, si quis dixerit, amissa per peccatum gratia, simul & fidem semper amitti. Ergo amittit etiam characterem sacramentalem. Ergo desinit esse sacerdos, imo & Christianus. Et sic confirmabitur articulus 30 Joannis Huls: *Nullus est Episcopus, dum est in peccato mortali &c.*

Sequitur ulterius, peccatorem post amissam gratiam sanctificantem ad pœnitentiam & justitiam redire non posse: quia in eo generalis est impotentia ad omne opus bonum. Sequitur denique, inutiliter a Deo in sacris scripturis præcipi pœnitentiam, operationem salutis, orationem, aliosque actus bonos moraliter, imo etiam supernaturales, quod dici non potest; licet enim homo in statu peccati mortalis non possit elicere actus meritorios vitæ æternæ, potest tamen elicere actus supernaturales, uti fidei, spei, contritionis. Alias enim nunquam amplius posset justificari.

Denique in homine post peccatum remanet ratio, libertas, cognitio Dei, capacitas recipiendi gratiam, fides in Christum, spes remissionis peccatorum per sacramentum pœnitentiæ, gratiæ actuales, quæ facienti quod est in se non denegantur. An hæc sint peccata? An non sunt dona Dei? An non remanent gratiæ externæ, exhortationes, sanctorum exempla, orationes?

Rursus, si in peccatore datur generalis impotentia ad omne opus bonum, non tenetur actiones suas referre ad Deum, Deum diligere, ejusdem præceptis obsequi, aut ullas obligationes muneris sui præstare. Imo peccator omni naturali, Divina, humana obligatione absolvetur. Denique hæc est prima propositio Jansenii damnata, videlicet, aliqua Dei præcepta hominibus esse impossibilia.

Heu quam enormes sequelæ ex hac prima Quesnelli propositione! quam falsæ! quam scandalosæ! quam hæreticæ! nam Trid. Sess.

Sefs. 6 can. 7 ait: *si quis dixerit, opera omnia, quæ ante justificationem sunt, quacunque ratione facta sint, esse peccata &c. anathema sit.*

### Propositio 2.

*Jesu Christi gratia principium efficax boni cujuscunque generis, necessaria est ad omne opus bonum; absque illa non solum nihil fit, sed nec fieri potest.*

*Reflexio.* Etiam hæc propositio coincidet cum prima Janseniana, quia ait, sine gratia efficaci nihil fieri posse; adeoque eliminatur omnis gratia mere sufficiens, quia omnis gratia semper esset efficax, seu obtinens effectum. Non posset igitur homo elicere actum virtutis, etiam præceptum, quem omittit, nec vitare peccatum, quod committit; quia non habet gratiam efficacem. Excusabilis ergo esset omnis peccator. Verum quidem est, quod sine gratia efficaci nemo operetur bonum, ad salutem conduens, sed falsum est, quod non possit; habet enim potentiam operandi, &, si uteretur hac potentia, gratia esset efficax.

### Propositio 3.

*In vanum Domine præcipis, si tu ipse non das, quod præcipis.*

*Reflexio.* Sensus est: vana & inutilia sunt præcepta Dei, si per gratiam efficacem non dat, quod præcipit. Eliminatur igitur rursus gratia sufficiens, & arguitur Deus a Quesnel'o imprudentiæ & injustitiæ, quod imponat nobis præcepta vana, quæ observare nullatenus possumus. Quoties enim ea non observamus, toties secundum Quesnellum observare illa non possumus, ex defectu scilicet gratiæ efficaci, quæ, ut ait, non tantum ad actualem operationem, sed etiam potentiam operationis simpliciter est necessaria.

Diffiliat penna blasphema! Deus non in vanum seu inutiliter vel imprudenter imponit præcepta. Serviunt ad finem, a Deo intentum, nempe ad manifestandam ejus misericordiam, bonitatem, liberalitatem, clementiam, si observentur, ad justitiam vero vindicativam, si non observentur. Nam ex culpa & perversa voluntate hominis non observantur: Deus dat gratias sufficientes ad observationem præceptorum, & quidem cum seria voluntate omnes salvandi, nolens aliquos perire, sed omnes ad poenitentiam reverti. Sibi imputet homo, si sit servus nequam, virgo fatua, si sit rebel-



lis lumini, si Spiritui Sancto resistat, si stanti ad ostium & pulsanti non aperiat, si vocanti non respondeat, si opera misericordiæ non exerceat, si ficulnea infructuosa excindatur & in ignem mittatur, si Betſaidæ ingrata & refractariæ vae intentetur: si fiat anathema, qui non amat D. N. J. Christum.

#### Propositio 4.

*Ita, Domine, omnia possibilia sunt ei, cui omnia possibilia facis, eadem operando in illo.*

*Reflexio.* Sensus re ipsa est, præcepta tunc tantum impleri posse, cum implentur, non autem tunc, quando violantur. Unde hæc propositio incidit in priores; nullam dari a Deo gratiam, nisi efficacem; consequenter, peccatores nullam habere gratiam, qua observatio mandatorum ipsis fiat possibilis, omnesque reprehensiones & adhortationes, ad peccatores in S. Scriptura directas, esse meras ludificationes; ad quas profecto sequelas horrendas piæ menti ambæ aures tinniant. Accedit, quod propositio asserat omnia possibilia fieri per actualem operationem, cum tamen hæc præsupponat possibilitatem per gratiam etiam prævenientem.

#### Propositio 5.

*Quando Deus non emollit cor per interiorum unctionem gratiæ suæ, exhortationes & gratiæ exteriores non inserviunt, nisi ad illud magis obdurandum.*

*Reflexio.* Loquitur Quesnellus rursus de gratia efficace; neque enim aliam agnoscit. Et sic per se patet virulenta ejusdem sanies. Quid? exempla Christi, prædicationes, exhortationes, præcepta, oratio, passio, mors, instituta ab eo sacramenta, aliæque gratiæ exteriores, iis, qui non sunt conversi, ad nihil inservierunt, inserviuntque, nisi ad illos magis obdurandos? os blasphemum: si ita est, peccator neque concionem accedet, nec exhortationes audiet, neque Missæ sacrificio assistet, nec orabit, ne magis obduretur.

#### Propositio 6.

*Discrimen inter fœdus Judaicum & Christianum est, quod in illo Deus exigit fugam peccati, & implementum legis a peccatore, relinquendo illum in sua impotentia, in isto vero Deus dat peccatori, quod jubet, illum sua gratia spuriſicando.*

*Reflexio.* Falsum est, quod Deus in fœdere veteri peccatores reliquerit in sua impotentia. Erat David peccator; an Deus eum reliquit? an filius, qui secutus est patrem peccantem, non etiam sequi potuisset pœnitentem? Si Deus reliquit peccatorem in sua impotentia, absque omni auxilio, etiam sufficiente, quomodo ab eo exigere potuit fugam peccati, & implementum legis. Tyranni est, Quesnelle, exigere, quod est impossibile.

*In isto vero Deus dat peccatori, quod jubet: id est, omni peccatori dat gratiam, vel efficacem vel sufficientem, non autem determinate efficacem, præter quam tu omnem negas. Si omnes haberent gratiam efficacem, omnes converterentur; non autem omnes convertuntur: ergo aliqui, imo plurimi habent gratiam mere sufficientem.*

#### Propositio 7.

*Quæ utilitas pro homine in veteri fœdere, in quo Deus eum reliquit propriæ infirmitati, imponendo ipsi suam legem? quæ vero felicitas non est, admittere ad fœdus, in quo nobis Deus dat, quod petit a nobis?*

*Reflexio.* Propositio hæc consonat priori. Amplior est Divina providentia, amorque erga naturam rationalem, quam ad vitam æternam condidit, atque redimere ab æterno statuit, quam ut eam infirmitati suæ relinquat, imponendo ipsi legem, quam servare non possit. Aliud loquuntur sacræ scripturæ veteris etiam testamenti, aliud sanctorum veteris quoque legis exempla. Quantum ad novum fœdus spectat, an Deus omnibus dat gratiam efficacem ad faciendum id, quod a nobis petit?

#### Propositio 8.

*Nos non pertinemus ad novum fœdus, nisi in quantum participes sumus novæ ipsius gratiæ, quæ operatur in nobis id, quod Deus nobis præcipit.*

*Reflexio.* Antiquam nobis cantilenam, aliis aliisque verbis fucatam, occinit Quesnellus, ad exterminandam gratiam sufficientem, & statuendam solam efficacem, cum cooperatione nostra conjunctam. An infans baptizatus non pertinet ad novum, id est, Christianum fœdus? At ille non habet gratiam actualem, utpote consistentem in illustrationibus intellectus, & bonis inspirationibus voluntatis. Et loquendo etiam de adultis, an omnes adulti, in quibus gratia non operatur, quod nobis Deus præcipit, non pertinent ad hoc novum fœdus? non sunt Christiani? non sunt membra Ecclesiæ? peregrinum sane est hoc idioma. Quamdiu in homine manet habitus fidei, tam-



tamdiu manet Christianus, atque ad fœdus novum, id est, Ecclesiam Christi pertinet: habitus autem fidei non extinguitur, nisi per formalem hæresin, aut peccatum grave contra fidem.

### Propositio 9.

*Gratia Christi est gratia suprema, sine qua Christum confiteri nunquam possumus, & cum qua nunquam illum negamus.*

*Reflexio.* Sensus obvius & naturalis est: omnis gratia est Christi gratia suprema, semperque efficax. Nam propositiones indefinitæ in materia dogmatica sunt universales, prout etiam definitiones, qualem hic Quesnellus nobis vult proponere, & hinc rursus excludit gratiam sufficientem, negatque peccantibus omnem gratiam.

### Propositio 10.

*Gratia est operatio manus omnipotentis Dei, quam nihil impedire potest, aut retardare.*

*Reflexio.* Si omnis gratia est operatio, si nihil hanc operationem impedire potest, ubi libertas? ubi gratia sufficiens? cur S. Stephanus Judæis exprobravit: vos semper Spiritui Sancto resistitis? cur Dominus conqueritur de vinea, de ficulnea? cur dicit: vocavi, & veniistis; curavimus Babylonem, non est sanata: extendi manus ad populum non credentem & contradicentem? Si omnis gratia esset operatio, nemo peccaret. Cur Tridentinum sess. 6 can. 4 anathema dicit illi, qui dixerit, liberum hominis arbitrium, a Deo motum & excitatum non posse dissentire. Si Deus vellet agere tanquam omnipotens & absolutus Dominus, utique semper sequeretur operatio; at supposita concessione libertatis hominem non cogit, neque necessitat. Habet tamen in thesauris suis tot gratias congruas, ut, salva etiam libertate voluntates humanas semper possit ad bonum flectere.

### Propositio 11.

*Gratia non est aliud, quam voluntas omnipotentis Dei jubentis, & facientis, quod jubet.*

*Reflexio.* Recoquit Quesnellus antiquam crambem, perpetuoque contendit eliminare gratiam sufficientem, & libertatem, seu cooperationem liberam hominis, omnesque actus bonos vult esse necessarios homini, aut impossibiles; quod est ipsum pus Janfenii, & Calvini. S. Augustinus vero lib. de gratia Christi cap. 14 in illa ver-

verba, omnis, qui didicit, venit ad me, scribit: quis non videt, & venire quemquam ad Patrem, & non venire, ex arbitrio pendere voluntatis?

Errat denique Quesnellus etiam in eo, quod gratiam nihil aliud esse velit, quam voluntatem Dei, cum tamen sit donum Dei, non anima receptum, adeoque a voluntate Dei distinctum, nempe illustratio intellectus, & pia inspiratio & excitatio voluntatis humanæ. Hi autem sunt actus hominis, menti humanæ a Deo inditi, non autem sunt ipse Deus, aut voluntas Dei, quæ est ipse Deus.

### Propositio 12.

*Quando Deus vult salvare animam, quocunque tempore, quocunque loco; effectus indubitabilis sequitur voluntatem Dei.*

*Reflexio.* Falsum hoc; nam Deus vult omnes animas salvari, ut innumeris locis testatur Sacra Scriptura. Sic Deus dilexit mundum, ut filium suum Unigenitum daret; nolens aliquos perire, sed omnes ad pœnitentiam reverti. Ipse enim est propitiatio pro peccatis totius mundi: illuminat omnem hominem, venientem in hunc mundum. Nolo mortem impij, inquit, sed ut convertatur & vivat: convertimini, convertimini, ingeminat: quid potui vinctæ meæ facere, & non feci? quoties volui congregare filios tuos, quemadmodum gallina congregat pullos suos sub alas, & noluiisti.

An tam patheticæ expressiones non sunt satis manifesta signa voluntatis Divinæ salvandi omnes. Quare ergo plurimi non salvantur? quia noluerunt: quia fuerunt rebelles lumini: quia resisterunt Spiritui Sancto: quia dereliquerunt fontem aquæ vivæ, & foderunt sibi cisternas dissipatas, quæ continere non valent aquas. Deus dat omnibus sufficientia gratiarum auxilia, & quidem cum optima intentione salutis, quibus possent, si vellent, cooperari, & salutem consequi; quod non cooperentur, non stat per Deum, sed per voluntatem hominis refractariam.

Ex his patet venenum impiæ & scandalosæ propositionis Quesnellianæ, quod omnes salventur, quos Deus vult salvari, consequenter innumeros, qui non salvantur, non velit salvari. Videantur, quæ de hac re scripsi in Theologia Jansenistica cap. 8 & 9.

### Propositio 13.

*Quando Deus vult animam salvam facere, & eam tangit interiori gratiæ suæ manu, nulla voluntas humana ei resistit.*



*Reflexio.* Est idem Sirenis cantus, ad abjiciendam salutis curam intentus, omniaque forti prædestinationis relinquenda. Sequitur enim, eos, qui non salvantur, interiori gratiæ manu non fuisse tactos, adeoque salutem ipsis fuisse impossibile; quod est contra omnes scripturas, contra finem creationis, incarnationis, redemptionis, contra sanctitatem, misericordiam, bonitatem, suavem providentiam Dei, imo & contra justitiam; quomodo enim iustissimus Deus ad ignes æternos damnare poterit innumeros homines, quibus absolute fuit impossibile, salutem operari; cum sine gratia, & quidem supernaturali, nullum opus salutare, seu ad æternam vitam conducent, præstari possit, talis autem gratia (proxima & remota) ipsis defuerit, nec medium ullum habuerit, eam consequendi. Nescio sane, quem Deum sibi fingant Calvinistæ eorumque progenies, Jansenistæ & Quesnelliani. Si boni estis, sentite de Domino in bonitate.

#### Propositio 14.

*Quantumcunque remotus a salute sit peccator obstinatus, quando Iesus se eidem videndum exhibet lumine salutari suæ gratiæ, oportet, ut se dedat, accurrat, sese humiliet, & adoret Salvatorem suum.*

*Reflexio.* Oportet, id est, necesse est. Ubi ergo libertas? Cain, Pharaon, Judas, latro blasphemans in cruce, obstinati peccatores, Deus se vobis videndum præbuit lumine suæ gratiæ; cur necessitati non parvultis? Utinam omnes, quos Deus gratia sua visitat, ita promptum exhiberent obsequium, nemo damnaretur; quia omnibus lumen gratiæ affulget. *Illuminat omnem hominem venientem in hunc mundum. Joan. 1.*

Sed videte vafritiem hominis versipellis! utitur voce æquivoca oportet, quæ & decentiam significat, & necessitatem. Ipse vero hanc intelligit, ut ex toto ejus systemate manifeste constat; adeoque & libertatem & gratiam sufficientem captiosa sua propositione tollit, ad exemplum Magistri sui Jansenii.

#### Propositio 15.

*Quando Deus mandatum suum & suam externam locutionem comitatur unctione sui spiritus, & interiori vi gratiæ suæ, operatur illa in corde obedientiam, quam petit.*

Re-

*Reflexio.* Bono animo estote peccatores! dormite in utramque urem. Si veniat illa gratia, evigilabitis certo, & obedientiam restabitis: si non veniat, actum est de vobis, quidquid conemini. Nihil ergo vobis superest, nisi, ut curam salutis abjiciatis, & byssum Divinorum iudiciorum expectetis in vestris sceleribus, scandalosa doctrina! secundæ Jansenii propositioni damnatæ conformis: *Interiori gratiæ in statu naturæ lapsæ nunquam resistitur.* Uterque excludit gratiam sufficientem, solamque agnoscit necessitantem; qua si quis careat, impossibile est salutem operari: ita novelli hi Magistri in Israel. Nos autem Catholici tenemus, nullum esse hominem, cui non detur gratia, saltem sufficiens, remote vel proxime; multos autem homines vitio suo gratiæ non obedire.

#### Propositio 16.

*Nullæ sunt illecebræ, quæ non cedant illecebris gratiæ; quia nihil resistit omnipotenti.*

*Reflexio.* Utinam hoc verum esset! sed tristis experientia monstrat contrarium. Heu! quoti miseri mortales, quibus non deest gratia, cedunt illecebris carnis, illecebris oculorum, & superbiæ vitæ. Canit Quesnellus identidem, mutatis aliquantum vocibus, antiquum melos de gratia sua necessitante. Nos fatemur, nullum esse hominem, ita obduratum, quem Deus non possit convertere, dando gratias illi tam fortes, atque in tam opportunis circumstantiis, ut, licet illis posset resistere, non tamen sit restitutus. Et sic salvatur Divina omnipotentia in corda hominum, simulque libertas humana, quam Deo ad merendum placuit concedere.

#### Propositio 17.

*Gratia est vox illa Patris, quæ homines interiorius docet, ac eos venire facit ad Christum Jesum. Quicumque ad eum non venit, postquam audivit vocem exteriorum filii, nullatenus est doctus a patre.*

*Reflexio.* Mirum sane, homines istos, qui Christiano, imo & Catholico nomine, gloriantur, adeo in Deum O. M. esse impios, ut non crudellem tantum eum nobis repræsentent, sed peccata etiam humani generis, & obstinationem in malo eidem tribuant, defectui nempe Divinæ gratiæ interioris: *nullatenus est doctus a Patre*, inquit hic homuncio; cum tamen, sacra testante pagina, illuminet omnem hominem venientem in hunc mundum. Ipse tu Quesnelle sufficienter



cienter doceris a Patre, & illuminaris; sed es rebellis lumini, & omnibus viribus contendis, verbo Dei, Ecclesiæ, Conciliorum, Patrum, ac Theologorum unanimi doctrinæ, contradicere, atque innumeris hominibus omnem viam ad salutem æternam, ad quam tamen conditi sunt, intercludere, dum omne gratiæ auxilium interius, sine quo tamen ad illam non possunt pertingere, pervicaciter eis negas: contra vero prædestinatos gratia necessitante, & hoc ipso tolente libertatem arbitrii, instruis. Mi bone! hæc non es doctus a Patre cælesti, sed ab alio.

### Propositio 18.

*Semen verbi, quod manus Dei irrigat, semper affert fructum suum.*

*Reflexio.* Semen verbi omnibus spargitur, etiam tibi Quesnelle, sed tibi non affert fructum suum, quia culpa tua illud suffocas, & frontem obduratam obtendis veritati, quæ docet, semen verbi Dei, quamvis irrigatum gratia cælesti, vitio agri non semper afferre fructum suum.

### Propositio 19.

*Gratia Dei nihil est aliud, quam ejus omnipotens voluntas. Hæc est idea, quam ipse Deus nobis tradit in omnibus suis scripturis.*

*Reflexio.* Nova prorsus gratiæ definitio! novum dogma! novusque error, & quidem duplex! voluntas Dei est ipse Deus; neque enim in Deo datur quid distinctum a Deo. An gratia actualis, animæ humanæ a Deo inserta, est ipse Deus? Voluntas Dei est æterna & immutabilis, una & simplicissima, gratia est donum Dei, productum in tempore, multiplex, ac transiens; aliud est causa, aliud effectus: nihil est causa sui ipsius: voluntas Dei est causa, gratia effectus. Voluit Deus mundum condere; an propterea mundus est voluntas Dei? vel, ut alia Quesnelliana gratiæ definitione utar, gratia est irrigatio seminis; an autem aqua irrigans nihil aliud est, ac voluntas irrigantis?

Falsissimum est secundo, quod Deus hanc ideam gratiæ nobis tradat in Sacris Scripturis. Tertius error, isque gravissimus est, quod etiam hic Quesnellus conetur solam gratiam necessitantem adstruere.

## Propositio 20.

*Vera gratia idea est, quod Deus vult, sibi a nobis obediri, & obeditur: imperat, & omnia sunt: loquitur tanquam Dominus, & omnia sibi submissa sunt.*

*Reflexio.* Nova sane & paradoxa rursus idea gratiæ, omnibus hactenus bonis Theologis incognita, certe falsissima, temeraria & scandalosa, imo innovans omnes Jansenii hæreses. Nam secundum hanc ideam, qui præceptis Divinis non obediunt, nullam accipiunt gratiam, nullum salutis remedium: ergo servare præcepta ipsis est impossibile: ergo præcipit Deus impossibilia: Deus pro eis non est mortuus, & tamen demerentur, faciendo id, quod non possunt non facere: contra vero qui obediunt, necessario obediunt: ergo nulla datur libertas indifferentiæ: & tamen merentur; ergo ad merendum & demerendum non requiritur libertas a necessitate. Quot hæresum monstra, toties profligata!

## Propositio 21.

*Gratia Jesu Christi est gratia fortis, potens, suprema, invincibilis, utpote quæ est operatio voluntatis omnipotentis, sequela & imitatio operationis Dei incarnantis, & resuscitantis filium suum.*

*Reflexio.* Propositio Quesnelli in materia dogmatica est iterum universalis, omnis gratia est suprema, invincibilis. Igitur excludit omnem gratiam sufficientem, distinctam ab efficaci, quæ juxta eum est necessitans, ut proin plurimis actus salutaris sit absolute impossibilis, aliquibus vero necessarius. Utrumque est error in fide, damnatus in Jansenio.

## Propositio 22.

*Concordia omnipotentis operationis Dei in corde hominis cum libero ipsius voluntatis consensu demonstratur illico nobis in incarnatione, veluti in fonte, atque archetypo omnium aliarum operationum misericordiæ & gratiæ, quæ omnes ita gratuite atque ita dependentes a Deo sunt, sicut ipsa originalis operatio.*

*Reflexio.* Pulchra enim vero concordia gratiæ necessitantis cum libero voluntatis consensu! quid tam contrarium libertati, quam absoluta necessitas? & quid tam contrarium necessitati, quam libertas? calorem & frigus, nigrum & album, dulce & amarum facilius componas. Verum est, gratiam gratuitum omnino esse donum Dei, sicut Incarnatio est gratuitum donum Dei; sed liberum est homini, hæc dona ad fructum applicare, ut adeo, qui non applicat per bonam operationem, id sibi imputare debeat, nullatenus vero Deo, qui omnibus sua dona, ad salutem necessaria offert.



## Propositio 23.

*Deus ipse nobis ideam tradidit omnipotentis operationis suæ gratiæ, eam significans per illam, quæ creaturas e nihilo producit, & mortuis vitam reddit.*

*Reflexio.* Chorda eadem semper oberrat exoticus hic vitiligator, ad exterendam gratiam sufficientem, & libertatem hominis, gratiam vero necessitantem inducendam. Ita enim re ipsa, fucatis licet verbis argumentatur: sicut homo non potest resistere sui productioni ex nihilo, aut mortuus restitutioni vitæ, sic homo non potest resistere operationi gratiæ. Deinde, si hæc est vera idea operationis gratiæ, homo nunquam cooperatur gratiæ, sicut non cooperatur sui creationi, aut mortuus sui resurrectioni ad vitam; sed solus Deus omnia agit. Ubi ergo libertas? ubi actus virtutis? ubi meritum aut demeritum?

## Propositio 24.

*Iusta idea, quam centurio habet de omnipotentia Dei, & Jesu Christo in sanandis corporibus, solo motu suæ voluntatis, est imago ideæ, quæ haberi debet de omnipotentia suæ gratiæ in sanandis animabus a cupiditate.*

*Reflexio.* Si Deus animas sanaret solo motu suæ voluntatis, omnes sanarentur; nam habet seriam voluntatem sanandi & salvandi omnes. Experimur autem mortales, quod Deus motu suæ voluntatis solo non omnia vulnera nostra sanat, sed requirat cooperationem voluntatis nostræ sæpe difficilem. Quanta enim pars adhuc nobis relinquitur, ut superemus cupiditatem, generi nostro congenitam, ad cooperationem nostræ voluntatis cum voluntate Divina, quanta lucta, quantum certamen, quanta difficultas nobis superest, in vincendis tentationibus, carnis illecebris, præceptis Divinis observandis, aliisque virtutum actibus non raro arduis exercendis.

Expertus est Apostolus, qui ingenue faretur, datum sibi stimulum carnis, se tamen bonum certamen certasse, amplius omnibus laborasse. Addit autem, non ego, sed gratia Dei mecum: & alibi: unusquisque propriam mercedem recipiet secundum suum laborem; Dei enim adiutores sumus. Piget plura addere contra fabulatorem in re manifesta, contra mentem & propriam experientiam loquentem, nisi frantum contra vitia plene laxaverit.

## Propositio 25.

*Deus illuminat animam & eam sanat æque ac corpus sola sua voluntate, jubet, & ipsi obtemperatur.*

*Reflexio.* Eandem exorbitantem revolvit orbitam Quesnellus, contra verbum Dei, Ecclesiæ definitiones, Patrum doctrinam, & propriam cujusque manifestam experientiam. Bene habet peccatores! indormiscite! nihil agite: Deus sola sua voluntate facit omnia; jubet, & ipsi obtemperatur, quin voluntas humana cooperetur; imo obtemperat necessario, quin aliquid agat; quia Deus sola sua voluntate operatur omnia. Vah! monstra doctrinæ!

## Propositio 26.

*Nullæ dantur gratiæ, nisi per fidem.*

*Reflexio.* Quomodo ergo homo pervenire potest ad ipsam fidem, si nullæ dantur gratiæ, nisi per fidem? certe ad fidem supernaturalem prærequiritur gratia. Semipelagianum est dicere, nullam prærequiri gratiam ad fidem: & Tridentinum intorquet anathema, si quis dixerit, sine præveniente Spiritus S. inspiratione, atque ejus adjutorio hominem credere posse, sicut oportet. Deinde sequitur, quod infideles nullam accipiant gratiam, quia fidem non habent, neque gratiam disponentem ad fidem. Ad quid ergo exprobrationes, toties in S. Scriptura iteratæ contra incredulos? si ante fidem nullum habuerunt gratiæ adjutorium, impossibile ipsis fuit credere, sicut oportet.

## Propositio 27.

*Fides est primâ gratia & fons omnium aliarum.*

*Reflexio.* Eandem prorsus rotam versat excentricam. Prima gratia, quod dictum, datur a Deo ad ipsam fidem, tanquam dispositio ad illam eliciendam. Infideles accipiunt gratiam sufficientem, licet non habeant fidem. Ergo fides non est prima gratia, sed prima est, quæ disponit ad fidem. Est equidem fides initium salutis, fundamentum & radix omnis justificationis; sed hoc intelligendum est de initio salutari, seu meritorio vitæ æternæ. Præcedit tamen gratia illustrationis, & sanctæ inspirationis, supernaturalis quidem, sed non meritoria.

Pro-



## Propositio 28.

*Prima gratia, quam Deus concedit peccatori, est peccatorum remissio.*

*Reflexio.* Quomodo hæc concordant? in propositione proxima dictum est, quod fides universaliter sit prima gratia: in hac autem, quod prima sit peccatori (quales omnes in mundum intramus) sit peccatorum remissio. At non est prima fides peccatorum remissio, sed in homine post baptismum lapsa prima gratia est, quæ datur ad fidem, secunda ipsa fides, tertia contritio & detestatio peccati cum proposito non peccandi de cætero, quarta confessio salutaris vel actus perfectæ charitatis, quinta demum remissio peccatorum.

## Propositio 29.

*Extra Ecclesiam nulla conceditur gratia.*

*Reflexio.* Quomodo ergo pervenire possunt ad Ecclesiam Infideles, atque ad veram fidem? An per vires naturæ? at hoc Pelagianum est dicere. Dein quomodo observare possunt jus naturæ, si nullum accipiant a Deo adiutorium gratiæ, quod secundum Quesnellum absolute est necessarium ad servanda Dei præcepta? quomodo evitare possunt peccata, si ad ea evitanda nullum accipiant gratiæ auxilium?

## Propositio 30.

*Omnes, quos Deus vult salvare per Christum, salvantur infallibiliter.*

*Reflexio.* Hic error jam sæpius a nobis fuit confutatus. Est autem hoc Janseii & Quesnelli systema: voluit Deus omnes homines & Angelos salvare ante lapsum, deditque eis gratias sufficientes ad perseverandum in iustitia originali, si voluissent gratis cooperari, iisdem auxiliis etiam gavisi fuissent posteri, si Adam non peccasset. At eo lapsa, omne auxilium mere sufficiens sublatum est. Pauci ad salutem sunt electi, pro quibus solis Christus est mortuus, quosque solos vult salvari, reliquis omnibus in massa damnationis, sine omni gratia atque salutis remedio, derelictis. Electis autem, seu prædestinatis dantur non nisi gratiæ efficaces, quibus resistere non possunt. Hinc inferunt, omnes salvari, quos Deus vult salvari, quia eos, qui non sunt prædestinati, non vult salvari. En puris virulenti compendium.

Catholica autem veritas est, quod Deus etiam post lapsum Adæ omnes & singulos homines velit salvare voluntate, antecedente peccata,

peccata, voluntate autem *consequente*, seu consequenter ad peccata, & finalem impœnitentiam velit sceleratos pœna æterna per iustitiam vindicativam plectere: sicut Princeps terrenus vult, ut omnes subditi leges servant, & felices vivant, consequenter autem ad crimina vult facinorosos morte punire.

Voluntas porro illa antecedens salvandi omnes est seria, & *af-fectiva* efficax, imo etiam aliquo modo *effective*; nam ex hoc omnes salvandi desiderio propter nos homines & propter nostram salutem descendit de cœlis, & incarnatus est, crucifixus, & mortuus: pro omnibus pretiosum suum sanguinem fudit, pro omnibus sacramenta, salutis fontes, instituit; omnibus dat gratias & media salutis sufficientia, & quidem ea intentione optima, ut iis utantur, & cooperentur ad salutem. Reliquit tamen voluntatem liberam, his mediis utendi vel abutendi, cum voluntate, consequenter ad peccata sceleratos & impœnientes damnandi.

### Propositio 31.

*Desideria Christi semper habent suum effectum: pacem intimo cordium infert, quando eis illam optat.*

*Reflexio.* Eandem Quesnellus rotam versat, atque Christum sua desideria ad solos prædestinatos direxisse; quod sapius jam est confutatum. Plenæ sunt Sacra Scripturæ energicis expressionibus, quibus Christus Jesus enixum suum desiderium salvandi omnes nobis manifestat. Quam efflictim desiderabat congregare filios refractarios Jerusalem! venit pastor ille bonus quærere perditam oviculam: venit, quærere & salvum facere, quod perierat: atqui totum humanum genus perierat. Quod autem Christi desideria sæpe suo destituantur effectū, nimium quantum demonstrat tristis experientia. Impium plane est, dicere, quod Christus non omnium animarum salutem optet, atque desideret.

### Propositio 32.

*Iesus Christus se morti tradidit ad liberandum pro semper suo sanguine primogenitos, id est, electos, de manu Angeli exterminatoris.*

*Reflexio.* Non tantum electos, sed omnes, etiam eos, qui ex culpa sua sunt reprobi. Meretur igitur Quesnellus censuram, quam Magistri ejus propositio quinta, dum scripsit: *Semipelagianum est dicere, Christum pro omnibus omnino hominibus mortuum esse, aut sanguinem fudisse.*



## Propositio 33.

*Probl* quantum oportet rebus terrenis & sibi met ipsi renuntiassent, ad hoc, ut quis fiduciam habeat, sibi, ut ita dicam, appropriandi Christum Jesum, ejus amorem, mortem, & mysteria, ut fecit S. Paulus dicens: qui dilexit me, & tradidit semetipsum pro me.

*Reflexio.* Lupus hic se vestimentis ovium vult contegere, ut eo certius mactetur, & perdat. Sed vel ex cauda propendente dignoscitur. Amorem & mortem Christi solis electis, imo solis, qui terrenis rebus & sibi met ipsis renuntiaverunt, appropriat, quasi ad alios mors Christi nihil pertineat. Certe Paulum dilexit, antequam rebus terrenis & sibi met ipsi renuntiavit. Mundum, in maligno positum, sic Deus dilexit, ut filium suum unigenitum daret. Et Christus non venit vocare justos, sed peccatores. Matthæum, Zachæum, Magdalenam, Latronem in cruce, Saulum cogita, persequentem Ecclesiam.

## Propositio 34.

*Gratia Adami non producebat, nisi merita humana.*

*Reflexio.* Conditus fuerat Adamus ad finem supernaturalem, celestem videlicet beatitudinem; unde Deus media ad hunc finem proportionata eidem suppeditavit, gratias nempe supernaturales; dependenter ab his gratiis elicit actus supernaturales, meritorios & conducentes ad supernaturalem beatitudinem, donec propter lapsum privatus fuit justitia originali, gratia nimirum sanctificante, dono immortalitatis, immunitate a rebellionē concupiscentiæ. Falsum ergo omnino, gratiam Adami non produxisse nisi merita humana. An Pelagium hic fortassis aliquem olfacimus? an solis viribus naturæ Adamus merita posuit? an gratia Dei nihil egit? an merita humana seu naturalia sufficiebant ad finem supernaturalem creationis?

## Propositio 35.

*Gratia Adami est sequela creationis, & erat debita naturæ sanæ & integræ.*

*Reflexio.* Hic enim vero Pelagius factore suo se prodit. Gratia, quæ debetur naturæ, seu sequela creationis, est gratia Pelagiana, certe non est supernaturalis; imo non est gratia; nam gratia est donum gratuitum, quod autem debetur naturæ, non est gratuitum. An ergo Adamus conditus est in statu puræ naturæ? &, licet Quesnelius addat, naturæ sanæ & integræ; nam nec huic Deus debet gratiam,

gratiam, sed bonitati suæ, elevanti hominem ad finem supernaturali-  
lem. Et hinc propositio ista jam damnata fuit in hac 21 Bajana: *ele-  
vatio naturæ humanæ ad participationem naturæ Divinæ debita erat integri-  
tati naturæ humanæ.*

### Propositio 36.

*Differentia essentialis inter gratiam Adami & status innocentia, ac  
gratiam Christianam est, quod primam unusquisque in propria persona rece-  
pisset, ista vero non recipitur, nisi in persona Jesu Christi resuscitati, cui  
nos uniti sumus.*

*Reflexio.* Certum est, omnem gratiam, quæ hominibus con-  
fertur, aut unquam collata est, conferri ex meritis Christi; un-  
de merito dicitur *gratia Christi*. Sed quod illa recipiatur in Chri-  
sto, non autem in nobis, falsissimum. Sive enim loquamur de  
gratia *habituali* seu sanctificante, definitum fuit a Tridentino *Sess. 6  
Can. 11*, illam per Spiritum S. diffundi in cordibus nostris, no-  
bisque inhaerere, contra Calvinum, qui dixit, nos formaliter ju-  
stos fieri per justitiam, qua Deus ipse justus est, quatenus ea  
nobis imputatur.

Si autem Quesnellus velit, quod gratia *actualis* non recipia-  
tur, nisi in persona Christi, cui nos uniti sumus, iterum graviter  
hallucinatur; nam non sumus uniti Christo, nisi moraliter, gratiæ  
autem physice nobis uniuntur. Deinde infideles & peccatores nul-  
lam reciperent gratiam, quia Christo non sunt uniti.

### Propositio 37.

*Gratia Adami sanctificando illum in semetipso erat illi proportionata:  
gratia Christi nos sanctificando in Jesu Christo est omnipotens, & digna  
filio Dei.*

*Reflexio.* Paulo ante Quesnellus dixerat, gratiam Adami fuisse  
naturæ debitam, adeoque ordinis naturalis; quomodo autem talis  
potuit Adamum sanctificare? Erat illi *proportionata*, hoc est, ipsius  
naturæ debita; gratia Christiana est *omnipotens*, id est, juxta Ques-  
nellum, resisti ei non potest. Confundit gratiam habitualem &  
actuaalem, ut non satis dignoscas, utram intelligat. Sanctificare  
est effectus formalis gratiæ habitualis; dum autem ait, esse omni-  
potentem, videtur loqui de actuali.



## Propositio 38.

*Peccator non est liber, nisi ad malum, sine gratia liberatoris.*

*Reflexio.* Ego alias ostendi, (Part. VIII de Theol. Pars.) posse actum liberum, moraliter bonum, elici absque gratia supernaturali liberatoris: & tales actus naturaliter honestos exercitos etiam fuisse a gentilibus, quos teste S. Aug. Deus Græcis & Romanis etiam remuneratus sit præmio naturali ac terreno, uti potentia & divitiis. Mereri non potest peccator præmium supernaturale; sed quod ad nihil sit liber, nisi ad malum, sine temeritate dici non potest. Potest, quod dixi, operari naturaliter honeste; ut nihil dicam de actibus indifferentibus, quodque multi principium illud, *facienti, quod est in se, Deus non denegat gratiam*, intelligant de faciente per vires naturæ.

## Propositio 39.

*Voluntas, quam gratia non prævenit, nihil habet luminis, nisi ad aberrandum, ardoris, nisi ad præcipitandum, virium, nisi ad se vulnerandum: est capax omnis mali, & incapax ad omne bonum.*

## Propositio 40.

*Sine gratia nihil amare possumus, nisi ad nostram condemnationem.*

*Reflexio.* Propositio hæc utraque idem melos insonat, videlicet, sine gratia Christi supernaturali hominem nihil posse, nisi peccare, eum in omni opere peccare, nihil naturaliter honestum, cum adjutorio gratiæ ordinis naturalis, posse peragi. Peccare filium, si ex naturali motivo amet parentem; peccare eum, qui ex naturali charitate & commiseratione erga pauperem, dat ei eleemosynam; omnes virtutes morales gentilium, qui fidem non habent, esse mera peccata: imo omnes homines, qui gratiam efficacem non habent (quam solam Quesnellus admittit) necessario in omnibus operibus suis peccare: opera omnia, quantumvis lumini naturæ conformia, esse mer a peccata. Si non adest gratia efficax, nihil possumus nisi peccare, & agere ad condemnationem nostram. Si autem adsit gratia efficax, actum est de libertate: mereri nihil possumus. Quid ergo conemur declinare a malo, & facere bonum: necessitas & impossibilitas non habent legem. Permittamus nos fato nostro: abijciamus curam salutis inutilem, & sinamus rotam volvi. En! quo tendant tot scandalosæ propositiones Quesnellianæ; quales etiam sunt duæ sequentes.

## Propositio 41.

*Omnis cognitio Dei, etiam naturalis, etiam in Philosophis ethnicis, non potest venire a Deo, & sine gratia non producit, nisi presumptionem, vanitatem, & oppositionem ad ipsum Deum, loco effectuum adorationis, gratitudinis, & amoris.*

## Propositio 42.

*Sola gratia Christi reddit hominem aptum ad sacrificandum fidei; sine hoc nihil, nisi impuritas, nihil nisi indignitas.*

*Reflexio.* Ita pergit crocitare hic corvus, ad exterminandos omnes actus moraliter honestos, ad convertendam justitiam, pietatem erga parentes, officia & virtutes, secundum jus naturæ ex lumine rationis profectas, in mera peccata, præsumptiones, vanitates, impuritates, indignitates: ad negandam gratiam sufficientem, evertendam libertatem, & omnia reducenda ad absolutam necessitatem, aut impossibilitatem. Te ipsum compello, Quesnelle? an habes gratiam efficacem Christi, quam solam agnoscis, vel non habes? si habes, actum est de tua libertate, quia absolute necessitaris, non potes resistere, nihil mereris: si autem non habes, te ipso iudice, nihil es; nisi impuritas, indignitas, vanitas, malitia, nihil habes luminis, nisi ad aberrandum, nihil ardoris, nisi ad præcipitandum, nihil virium, nisi ad te vulnerandum, capax es omnis mali, & incapax ad omne bonum: hæc tua in te est sententia: credamne? hoc credo & scio, quod gratiam habeas sufficientem ad emendandam vitam tuam: te vero gratiæ pervicaciter resistere, & contra verbum Dei, contra sententiam Ecclesiæ, contra Conciliorum decreta, contra Patrum doctrinam, contra Pontificum definitiones, contra Theologorum unanimum consensum, temerarios, male sonantes, piarum aurium offensivos, scandalosos, & hæreticos errores obtrudere non verearis.

## Propositio 43.

*Primus effectus gratiæ baptismalis est facere, ut moriamur peccato, adeo, ut spiritus, cor, sensus, non habeant plus vitæ pro peccato, quam homo mortuus habeat pro rebus mundi.*

*Reflexio.* Si ita est, homo baptizatus non potest amplius peccare: sicut homo mortuus non potest amplius se miscere rebus mundi. Secundum sanam Theologiam, & doctrinam Ecclesiæ, in



verbo Dei fundatum, baptismum comitatur triplex effectus. 1 Si non ponatur obex, confertur gratia sanctificans, cum habitibus virtutum. 2 Remittuntur peccata omnia, quoad culpam & penam. 3 Imprimitur character indelebilis, signum hominis Christiani, quo simul tribuitur jus ad reliqua sacramenta suscipienda. At quantum illum effectum Quesnellianum, quo homo ita moriatur peccato, ut non amplius possit peccare, sicut homo mortuus, in nullo Theologo legi. Mirum profecto, homines istos eo devenire impudentia, ut audeant didactice asserere, quæ sunt contra manifestam omnium experientiam, quæ demonstrat, homines, etiam baptizatos, quotidie peccare. Aliud sane S. Joannes 1, 8 nobis proponit: *Si dixerimus, quoniam peccatum non habemus, ipsi nos seducimus, & veritas in nobis non est.* Et quomodo hæc propositio concordat cum prioribus, quibus dicitur, quod homo sine gratia efficaci ad nihil sit aptus, nisi ad peccandum. An omnes baptizati semper habent gratias efficaces? O! utinam!

#### Propositio 44.

*Non sunt nisi duo amores, unde volitiones & actiones nostræ omnes nascantur: amor Dei, qui agit omnia propter Deum, quemque Deus remuneratur, & amor quo nos ipsos, ac mundum diligimus, qui, quod ad Deum referendum est, non refert, & propter hoc ipsam sit malus.*

*Reflexio.* Amor Dei perfectus, quo Deus amatur propter Deum, principalis quidem est virtus, quam Deus præcipue remuneratur; sed sunt præterea multæ aliæ virtutes, ut fides, spes, justitia, temperantia, prudentia, fortitudo, aliæque virtutes, quæ Deo sunt gratæ, atque ab eo remunerantur, & amari debent. Ergo non tantum dantur duo amores, quo amatur Deus propter Deum, & quo amatur mundus, sed multi alii, Deo grati ac meritorii. Deinde præceptum Domini habemus, ut diligamus proximum & etiam nos ipsos: *diliges proximum tuum sicut te ipsum*: salutis amorem æternæ, & fruendi cælesti beatitudine desiderium, quatenus etiam nobis bona est, atque spes & amor concupiscentiæ appellatur, an malum dicemus?

#### Propositio 45.

*Amore Dei in corde peccatorum non amplius regnante, necesse est, ut in eo regnet carnalis cupiditas, omnesque ejus actiones corrumpat.*

*Reflexio.* Jam dixi, præter Charitatem, dari etiam multas alias virtutes inferiores, quæ non sunt carnalis cupiditas, nec actiones nostras corrumpunt, sed illas meritorias reddunt. Certe non tantum charitatem; sed alias etiam virtutes ex præcepto Domini tenemur exercere.

#### Propositio 46.

*Cupiditas aut charitas usum sensuum bonum, vel malum faciunt.*

*Reflexio.* Ita est, sed non solæ istæ; nam etiam aliæ virtutes sensum bonum faciunt. Hæ excludi non debent. Temperantia, mortificatio, sensuum rigida custodia, an non faciunt sensum bonum?

#### Propositio 47.

*Obedientia legis profluere debet ex fonte, & hic fons est charitas. Quando Dei amor est principium illius exterioris, & gloria Dei ejus finis, tunc purum est, quod apparet exterius, alioquin non est, nisi hypocrisis & falsa justitia.*

*Reflexio.* Excludit rursus omnes virtutes, a charitate distinctas; ac si hæ essent hypocrisis & falsa justitia; quod jam ante in propositione 16 Baji fuit damnatum, dum dixit: non est vera legis obedientia, quæ sit sine charitate. Si quis legem Dei servet ex timore Dei vindicis, aut ex amore æternæ mercedis, an est hypocrisis & falsa justitia? aliud definit Tridentinum Sess. 6 can. 31. ibi: Si quis dixerit, justificationem peccare, dum intuitu æternæ mercedis bene operatur, anathema sit.

#### Propositio 48.

*Quid aliud esse possumus, nisi tenebræ, nisi aberratio, & nisi peccatum, sine fidei lumine, sine Christo, & sine charitate?*

*Reflexio.* Ex hac propositione sequitur, quod omnes Infidelium actiones, quamvis naturaliter honestæ, & secundum lumen rationis & naturæ exercitæ, nihil sint, nisi peccata.

#### Propositio 49.

*Ut nullum peccatum est sine amore nostri, ita nullum est opus bonum sine amore Dei.*

*Reflexio.* Intelligit semper amorem Dei perfectum, seu quo amatur Deus propter Deum, prout expressit propos. 44. Igitur neque



que fides, neque spes, neque alia virtutes, etiam supernaturales, erunt bonæ, quas tamen S. Scriptura toties nobis commendat, & præcipit. Neque dici potest, omnes virtutes esse amorem Dei perfectum, cum quælibet suum objectum formale, seu motivum, per quod specificantur, distinctum habeat; & alias omnes virtutes peccatorem, etiam extra sacramentum poenitentia, justificarent, sicut amor Dei perfectus.

#### Propositio 50.

*Frustra clamamus ad Deum, Pater mi, si spiritus charitatis non est ille, qui clamat.*

*Reflexio.* Per fidem, spem, aliasque virtutes, uti etiam per orationem Dominicam, non frustra clamamus, dum præcipiente Domino oramus: adveniat regnum tuum: dimitte nobis debita nostra: & ne nos inducas in tentationem, sed libera nos a malo; licet hæ preces respiciant amorem nostri.

#### Propositio 51.

*Fides justificat, quando operatur, sed ipsa non operatur, nisi per charitatem.*

*Reflexio.* Fides præcedit charitatem, quia est radix & origo omnis justificationis; & in peccatoribus, imo & iustis, non semper operatur per charitatem: potest enim etiam peccator fidem supernaturalem elicere (recitando e.g. symbolum Apostolorum) cum habitu fidei, in baptismo accepto, & gratis etiam actualibus non careat, quin tamen hæ fides semper operetur per charitatem.

#### Propositio 52.

*Omnia alia salutis media continentur in fide, tanquam in suo germine & semine, sed hæc fides non est absque amore & fiducia.*

*Reflexio.* Gratia, quæ dantur ad eliciendam ipsam fidem, sunt salutis media, & tamen non continentur in fide, quam præcedunt: unde fides non est semen harum gratiarum, sed hæ gratia sunt semen fidei. Deinde hæ gratia etiam dantur Infidelibus, qui non habent fidem, quomodo ergo possunt contineri in fide? Qui graviter peccant, amittunt charitatem, non tamen amittunt fidem (nisi contra ipsam fidem peccent) ergo tunc fides est absque amore. Item, qui de salute desperat, potest retinere fidem. Ergo tunc fides

fides potest esse absque fiducia. Hinc Alexandre VIII damnavit hanc propositionem, ordine 12: Quando in magnis peccatoribus deficit omnis amor, deficit etiam fides, & etiamsi videantur credere, non est fides Divina, sed humana.

## Propositio 53.

*Sola charitas Christiano modo facit (actiones Christianas) per relationem ad Deum & Christum.*

*Reflexio.* Ergo fides, spes, & virtutes morales non faciunt Christiano modo, non sunt actiones Christianae, imo virtutes sunt vitia. Sine fide impossibile est placere Deo, ait sacer codex: spe salvi facti sumus: time te eum, qui & corpus & animam perdere potest in gehennam: initium sapientiae timor Domini: diligite iustitiam: beati mites, beati mundo corde: beati misericordes; bonum est jejunium cum eleemosyna. Sed haec omnia non faciunt Christiano modo, non sunt virtutes Christianae. Quis non videt, insana haec eo tendere dogmata, ut virtutes Deo probatae, commendatae, praeceptae, penitus ex albo virtutum dealeantur?

## Propositio 54.

*Sola charitas est, quae Deo loquitur, eam solum Deus exaudit.*

*Reflexio.* Quid evidentius, quam, quod omnes alias virtutes, Theologicas & morales, extritum eat, contra manifesta verbi Divini oracula? Creditit Abraham, & reputatum est ei ad iustitiam. Rom. 4. Adjavit eos Dominus & liberavit eos, quia speraverunt in Domino. Psal. 36. In te Domine speravi, non confundar in aeternum, ait Propheta: in te speravi, salvum me fac: propter misericordiam inopum, & gemitum pauperum, nunc exurgam, dicit Dominus. Oratio est actus Religionis, an Deus illam nunquam exaudit? petite, & accipietis, inquit. Quot aliis virtutibus mercedem aeternam promittit?

## Propositio 55.

*Deus non coronat, nisi charitatem, qui currit ex alio impulsu, & ex alio motivo, in vanum currit.*

*Reflexio.* Antiquam Iyrat Iyram hic virtutum hostis. Quantum Deus vel solis operibus misericordiae, spiritualibus & corporalibus mercedem promittit? vel potum aquae sitienti praebens non carebit mercede sua: quantam patientiae, & tolerantiae tribulationum?



num? *Quod in presenti est momentaneum, & leve tribulationis nostrae, supra modum in sublimitate æternæ gloriæ pondus operatur in nobis*, inquit Apostolus 2 Cor. 4. Omnes videlicet virtutes, excitante & adjuvante gratia Divina, ex proprio etiam cujuslibet motivo elicitæ, augent in iustis gratiam sanctificantem, quæ est semen gloriæ, peccatores vero ad pœnitentiam & justificationem disponunt. Falsissimum proin, scandalosum, & hæreticum est dicere, quod in vanum curat, qui ex impulsu & motivo harum virtutum operatur.

### Propositio 56.

*Deus non remuneratur, nisi charitatem; quia charitas sola Deum honorat.*

*Reflexio.* Vos piæ ac devotæ in terris animæ! nolite deinceps exercere actus virtutum, actus fidei, spei, adorationis, justitiæ, misericordiæ, mansuetudinis, patientiæ; procul vota religiosa, paupertatis, castitatis, & obedientiæ; cessate ab oratione, ab operibus misericordiæ, ab operibus pœnitentiæ: nolite credere octo beatitudines, promissas a Christo, pauperibus spiritu, mitibus, humilibus, mundis corde, misericordibus, pacificis, iustis persecutionem patientibus. In vanum curritis, Deus his virtutibus, his vestris operibus non honoratur; ista non remuneratur.

Deum immortalem! cujus hæc loquela, impia, blasphema, hæretica, ad quam omnes piæ aures cohorrescant? Quesnelli est. Mirum sane, hominem tam effrontem, insanum, impudentem, impium invenire sectatores ac defensores; sed stultorum plena sunt omnia.

### Propositio 57.

*Totum deest peccatori, quando ei deest spes: & non est spes in Deo, ubi non est amor Dei.*

*Reflexio.* Paulo ante spes nihil valuit; jam totum deest, quando deest. Sed vide! spem præcedit fides, & fidem gratia Dei ad fidem. Quomodo ergo totum deest peccatori, cum deest spes? Deinde amor benevolentiae, quo Deus amatur pure propter Deum, non involvit spem. Ergo, si quis elicit actum amoris benevolentiae, abstrahendo a spe, non totum deest, quando deest spes, cum habeat charitatem perfectam. *Et non est spes in Deo, ubi non est amor Dei.* Atqui spes & amor sunt separabiles. Spes manet in peccatore, non autem amor: in comprehensore non manet spes, manet autem amor Dei.

## Propositio 58.

*Nec Deus est, neque religio, ubi non est charitas.*

*Reflexio.* Ergo peccator non est Christianus, quia non habet charitatem. Audi Tridentinum sess. 6 can. 28: *Si quis dixerit, amissa per peccatum gratia, simul & fidem semper amitti, aut fidem, quæ remanet, non esse veram fidem, licet non sit viva, aut eum, qui fidem sine charitate habet, non esse Christianum, anathema sit.* Atqui ubi non est religio, non est fides. Ergo si in peccatore non est religio, neque est fides. Consequenter Quesnellus hoc anathema incurrit. Deinde fides, spes, adoratio, aliæque virtutes Christianæ sunt actus Religionis Christianæ; hi autem elici possunt etiam a peccatore absque charitate.

## Propositio 59.

*Oratio impiorum est novum peccatum; & quod Deus illis concedit, est novum in eos iudicium.*

*Reflexio.* Possetne aliquid dici impium magis, & execrabilius? quid ergo faciat miser peccator? Oratio est ipsi novum peccatum. An novum peccatum est, si oret, cum dolore de commissis, & fiducia in Deum, dimitte nobis debita nostra? An Publicanus novum peccatum commisit, dum oravit: *Deus propitius esto mihi peccatori?* An latro in cruce, dum oravit: *Domine memento mei dum veneris in regnum tuum?* Verum est, peccator, quamdiu privatus est gratia sanctificante, mereri per orationem nihil potest ad salutem æternam conducens, impetrare tamen potest a misericordissimo Deo gratias actuales, quibus ad salubrem pœnitentiam se disponat. An, etiam hæ gratiæ Divinæ sunt novum in eos iudicium?

## Propositio 60.

g. Propositio  
nes de timo-

*Si solus supplicii timor animat pœnitentiam, quæ magis est hæc violenta, re-  
eo magis ducit ad desperationem.*

*Reflexio.* Contrarium docet S. Scriptura, dum ait, timorem Domini initium esse sapientiæ. item, dum jubet, ut timeamus eum, qui corpus & animam potest perdere in gehennam. An timor, qui animabat pœnitentiam Ninivitarum, eos duxit ad desperationem? & cum veteris testamenti homines juxta Quesnellum omnes fuerint mancipia per timorem (Propos. 55.) an omnes desperarunt? Contrarium pariter docet Tridentinum, quod sess. 6 can. 8 ait: *Si quis dixerit, gehennæ metum, per quem ad misericordiam Dei de peccato dolendo*



*confugimus, vel a peccando abstinemus, peccatum esse, aut peccatores peiores facere, anathema sit.*

*Sess. 14 c. 4 addit: illam vero contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter concipitur, si voluntatem peccati excludat, cum spe veniæ, declarat, non solum non facere hominem hypocritam, & magis peccatorem, verum etiam domum Dei esse, & Spiritus S. impulsam.*

#### Propositio 61.

*Timor non nisi manum cohibet; cor autem tandiu peccato addicitur, quamdiu ab amore justitiæ non ducitur.*

*Reflexio.* Timor æternæ damnationis non tantum manum cohibet, sed etiam cor, cum sciat, ad evitandam gehennam etiam voluntatem peccandi excludi debere.

#### Propositio 62.

*Qui a malo non abstinet, nisi timore pœnæ, committit illud in corde suo, & jam est reus in corde suo.*

*Reflexio.* Qui timore gehennæ abstinet a peccato, potest animum peccandi absolute deponere, seu habere propositum firmum & absolutum non peccandi de cætero, cum sciat tale sincerum & serium propositum esse absolute necessarium ad evadendam gehennam; adeoque non committit illud in corde suo; nec reus amplius est in corde suo. Nam, qui timet Dominum, odit malum. Proverb. 8. conditionem autem illam, si infernus non esset, scit esse hypothesin impossibilem; unde propositum non est conditionatum, sed absolutum; sicut qui detestatur peccatum ex motivo spei, non habet animum peccandi, si cælum non esset.

#### Propositio 63.

*Baptizatus adhuc est sub lege, sicut Judæus, si legem non adimpleat, aut adimpleat ex solo timore.*

*Reflexio.* Exoticum dogma! an ergo homo baptizatus, si a peccato abstinet ex motivo timoris, sit Judæus? an non amplius manet Christianus? Si adhuc est sub lege, tenetur observare leges Mosaicæ, etiam ceremoniales. Quis sanæ mentis unquam tam stulte deliravit?

## Propositio 64.

*Sub maledicto legis nunquam fit bonum; quia peccatur, sive faciendo malum, sive illud non nisi ob timorem evitando.*

*Reflexio.* Jam dixi, baptizatos, etiam si peccent, non esse subiectos legi Mosaicæ. Quod autem homo peccet, peccatum ex timore pœnæ evitando, ex terminis absurdum, & jam refutatum est.

## Propositio 65.

*Moyses, Propheta, Sacerdotes, & Doctores legis mortui sunt, absque eo, quod ullum Deo dederint filium, cum non fecerint, nisi mancipia per timorem.*

*Reflexio.* Non paucos fuisse in lege veteri sanctos homines, non mancipia, sed filios Dei, per charitatem Deo conjunctos, S. Scriptura testatur; uti Abraham, Isaac, Jacob, Joseph, Moisen, Samuel, David, Ezechiam, Josiam, Eliam, Elisæum, Isaiam, Jeremiam, Ezechiel, Daniel, Mathathiam, Eleazarum, 7 fratres Machabæos, cum eorum matre, Zachariam, & Elisabeth, eorumque filium Joannem Baptistam, Simeonem & Annam Prophetissam, Josephum, B. V. M. sponsum, pluresque alios Patriarchas & Prophetas. Deinde si isti nihil aliud fuerunt, ac mancipia per timorem, profecto per timorem facti sunt sancti; sed injuriam sanctis istis hominibus facit Quesnellus, qui non tantum per timorem, sed per fidem, spem, charitatem, aliasque virtutes fuerunt Deo conjuncti.

## Propositio 66.

*Qui vult Deo appropinquare, nec debet ad eum venire cum brutalibus passionibus, neque adduci per instinctum naturalem, aut per timorem, sicut bestia, sed per fidem & amorem, sicuti filii.*

*Reflexio.* Comparat hic homo inficetus timorem salutarem cum brutalibus & bestialibus passionibus, supponitque, quod operans ex timore pœnæ æternæ, operetur ex instinctu mere naturali, non autem per aliam virtutem possit appropinquare Deo, nisi per fidem & amorem. Omnia tria membra sunt falsa. Timor Domini non est bestialis passio: non est dependens ab instinctu mere naturali, sed sæpe secundum Trid. ex instinctu Spiritus Sancti. Præter fidem & amorem sunt etiam aliæ virtutes, per quas appropinquamus Deo.

Aliud longe loquuntur de timore Divina oracula: *sapiens timet, & declinat a malo, Prov. 14. qui timet Dominum, faciet bona.*



## Propositio 67.

*Timor servilis non representat sibi Deum, nisi ut Dominum durum, imperiosum, injustum, intractabilem.*

*Reflexio.* Timor, etiam servilis, non representat sibi talem Deum, sed ut justum scelerum vindicem, qui infligat pœnam, quam merentur scelerati, & hoc salubri terrore perculsi, sæpe ad viam salutis redeunt, adjuvante Divina gratia, aguntque pœnitentiam, & fructus ferunt dignos pœnitentiæ.

## Propositio 68.

De justificatione.

*Dei bonitas abbreviavit viam salutis, claudendo totum in fide & precibus.*

*Reflexio.* Protheum & Vertumnum videmus: qui prius per multas propositiones omnia tribuit charitati, nunc autem omnia fidei & precibus; ad exemplum Lutheri & Calvini, totum salutis negotium sola fide definiunt: quasi vero nullæ aliæ essent virtutes, nulla charitas, Regina virtutum, nulla pœnitentia, nulla justitia, nulla sacramenta, jejunia, sui ipsius abnegatio. Arctam alias Janseuisti faciunt salutis viam, sed hic nimium quantum eam dilatant, Quietismum velut aliquem inducentes. Aliud dicit Christus: *non omnis, qui dicit mihi: Domine! Domine! intrabit in regnum celorum.* Oportet unam virtutem ita extollere, ut reliquæ non deprimantur, vel omnino supprimantur.

## Propositio 69.

*Fides, usus, augmentum, & præmium fidei, totum est donum liberalitatis Dei.*

*Reflexio.* Si hoc totum est, nihil aliud est liberalitatis Dei, non aliæ virtutes supernaturales, non ipsa vocatio ad fidem, non gratia excitans, ad fidem prærequisita. Deinde hic excluduntur nostra bona opera ac merita. Verum quidem est, primam gratiam non cadere sub meritum; si tamen primæ gratiæ cooperemur, fides nostra est meritoria novæ gratiæ atque augmenti fidei, & præmii fidei. Sunt tamen etiam opera nostra salutaria & merita, Dei gratia ac dona liberalitatis Divinæ, quia descendunt ex prima gratia, prorsus gratuito concessa. Ex hoc tamen non sequitur, quod non etiam opera nostra bona sint merita nostra, quibus Deus toties mercedem æternam promittit. *Non ego, sed gratia Deimecum,* ait Apostolus. Gratia Dei

Dei est causa prima ac principalis actus salutaris, meriti, ac præmii, nos vero dum libere actus salutares elicimus, causa secundaria, præventa & adjuta per gratiam: hinc illa vox: Gratia operatur totum, sed non totaliter, quia etiam voluntas nostra excitata & adjuta per gratiam cooperatur gratiæ. Unde Tridentinum sess. 6 can. 31: Si quis dixerit, inquit, hominis justificati bona opera ita esse dona Dei, ut non sint etiam bona ipsius justificati merita, aut ipsum justificatum bonis operibus . . . non vere mereri augmentum gratiæ, vitam æternam . . . anathema sit.

### Propositio 70.

*Nunquam Deus affligit innocentes; & afflictiones semper serviunt vel ad puniendum peccatum, vel ad purificandum peccatorem.*

*Reflexio.* Infantes Innocentes utique fuerunt innocentes, & tamen martyrium passi sunt. B. V. Maria fuit sine peccato, originali & actuali, & tamen quantas afflictiones tulit, dum ipsius animam pertransiit gladius. Jobi, & Josephi afflictiones non tribuuntur eorum peccatis. Sæpe Deus piis hominibus afflictiones immittit, ut eorum virtus probetur, & coronetur. Quia acceptus ergo DEO necesse fuit, ut tentatio probaret te, inquit Angelus ad Tobiam. An omnes sancti Martyres propter peccata sua tantas persecutiones & afflictiones passi sunt? De cæco a nativitate interrogabant Apostoli, quis peccaverit, ut cæcus nasceretur. Respondit Christus: neque hic peccavit, nec parentes ejus, sed ut manifestentur opera Dei in illa. Deus varios habet fines, cur etiam servos suos afflictionibus visitet.

Persecutionem & afflictionem te passum esse & socios tuos, inquis Quesnelle; an fateris, propter peccata tua tibi immixtas? certe.

### Propositio 71.

*Homo ad sui conservationem potest sese dispensare ab ea lege, quam Deus condidit propter ejus utilitatem.*

*Reflexio.* Scandalosum assertum! Eo usque nullus unquam Casuistarum, quamvis laxissimus, progressus est. Deus omnes leges condidit propter hominum utilitatem; nam omnis lex ex essentia sua tendit in bonum subditorum. Ergo homo ad sui conservationem potest se ab omni lege, quam Deus condidit, naturali & divina, dispensare. Bella enim vero doctrina! alias apud omnes Jureconsultos scitum est certissimum, quod dispensatio sit actus Jurisdictionis Superioris in subditum. Sed juxta Quesnellum quilibet privatus potest dispensare,



fare, & quidem etiam in lege naturali & Divina, in qua etiam publica humana potestas dispensare non potest. Quomodo velata Janfenistarum austeritas ita larvam ponere, & seipsam prodere potuit?

Propositio 72.

7 Proposi-  
tiones de  
Ecclesia.

*Nota Ecclesia Christiana est, quod sit Catholica, comprehendens & omnes Angelos cæli, & omnes electos, & iustos terra, & omnium seculorum.*

*Reflexio.* Hoc est, Wicleffi, Hussi, Lutheri & Calvini exemplo Ecclesiam facere invisibilem; quis enim scit, quinam sint iusti, quinam electi? Et hoc est insigne artificium horum hominum, sibi fingere Ecclesiam invisibilem, a qua propter hæreses suas nunquam judicari possint. An peccatores, quorum multi sunt firmi in fide Catholica, non pertinent ad Ecclesiam Catholicam? & quodnam esset caput Ecclesiæ hujus invisibilis? an vero est acephala & anarchica? Ecclesia Catholica Christi ordinatione pro visibili suo capite veneratur Romanum Pontificem, S. Petri in cathedra successorem, & Christi in terris Vicarium. Cur iste filetur? nempe homines isti exleges esse volunt, & tamen Catholico nomine sibi blandiri; hinc comminiscuntur Ecclesiam, quam nemo scire, nemo invenire possit, contra Divinæ Scripturæ oracula, contra omnem sacram auctoritatem.

Propositio 73.

*Quid est Ecclesia, nisi cætus filiorum Dei, morientium in ejus sinu, adoptatorum in Christo subsistentium in ejus persona, redemptorum ejus sanguine, viventium ejus Spiritu, agentium per ejus gratiam, & expectantium futuri sæculi.*

*Reflexio.* Pulchra verba! sed sensu vacua, & infucato poculo propinquantia venenum, dum iterum Ecclesiæ visibilitatem adimit, & eos, qui post baptismum peccant, ab ea excludit, ac si non amplius essent Christiani; cum tamen Christus comparet Ecclesiam agro, in quo tritico mixta sunt z zania: sagenæ, missæ in mari, & ex omni genere piscium congreganti: decem virginibus, inter quas quinquæ sunt fatuæ.

Propositio 74.

*Ecclesia, sive integer Christus, incarnatum verbum habet ut caput, omnes vero sanctos ut membra.*

## Propositio 75.

*Ecclesia est unus solus homo, compositus ex pluribus membris, quorum Christus est caput, vita, subsistentia, & persona; unus solus Christus, compositus ex pluribus sanctis, quorum est sanctificator.*

*Reflexio.* Exoticis his locutionibus, rursus Ecclesiam invisibilem asserit, quæ tamen est civitas supra montem posita, ut ab omnibus conspici possit: comparatur luci, quæ non absconditur sub modio, sed supra candelabrum ponitur, ut luceat omnibus, qui in domo sunt. Excluduntur ab Ecclesia peccatores; cum tamen nemo, qui per baptismum ingressus est Ecclesiam, ex ea egrediatur, nisi per formalem hæresin. Licet autem peccatores pertineant ad Ecclesiam & maneant Christiani, Ecclesia tamen est sancta, tum propter multitudinem sanctorum, tum propter sanctam professionem, tum propter sanctitatem fundatoris & capitis; nam Christus est caput Ecclesiæ invisibile, supremum, independens, & sub eo caput morale visibile, subordinatum, & dependens.

## Propositio 76.

*Nihil est spatiosius Ecclesia Dei, quia omnes electi & iusti omnium seculorum illam component.*

*Reflexio.* Si peccatores non excluderes ab Ecclesia, esset multo spatiosior. Ergo aliquid est spatiosius tua Ecclesia.

## Propositio 77.

*Qui non ducit vitam dignam filio Dei, & membro Christi, cessat, interiorius Deum habere pro patre, & Christum pro capite.*

*Reflexio.* Ergo nullus peccator potest orare, ac dicere: *Pater noster*, qui es in cælis? filius prodigus non potest dicere: *surgam, & ibo ad patrem* - - *Pater mi! peccavi &c.*? ergo Christum peccator non potest habere pro capite, ex quo defluant in membra gratiarum rivi? quid ergo faciendum peccatori? desperandum.

## Propositio 78.

*Separatur quis a populo electo, cuius figura fuit populus Judaicus, & caput est Iesus Christus, tam non vivendo secundum Evangelium, quam non credendo Evangelio.*



*Reflexio.* Tam non vivendo secundum Evangelium &c. igitur peccator (& quis non est peccator?) sicut infideles, separatur a corpore Ecclesiæ, Christum non habet caput, Deum non habet Patrem. Ergo, cum corda hominum inspicere non possimus, invisibilis esset Christi Ecclesia: pastor non posset cognoscere suas oves, nec oves pastorem. Nesciretur, quinam sint veri Episcopi, parochi &c. quanta confusio! separantur aliqui ab Ecclesia per potestatem Ecclesiasticam per excommunicationem, aliqui se ipsos separant, & per hæresin egrediuntur ex Ecclesia; sed quod omnes peccatores separantur ab eadem, error est Wicleffi, Hussi, Lutheri, Calvini, Janßenii, Quesnelli: qui, ut Judicia potestatis Ecclesiasticæ eludant, fabricant sibi Ecclesiam incognitam.

### Propositio 79.

7 Propositiones de lectione S. Scripturæ. *Utile & necessarium est, omni tempore, omni loco, & omni personarum generi, studere & cognoscere spiritum, pietatem & mysteria sacre Scripturæ.*

### Propositio 80.

*Lectio S. Scripturæ est pro omnibus.*

*Reflexio.* Itane? omni tempore? omni loco? omni personarum generi? opifici & mercatori in taberna? Judici in tribunali? rustico in agro? fœminæ ad colum? ita: omni tempore, omni loco, omni personarum generi legenda S. Scriptura, eique studendum. Sed multi non habent S. Scripturam, legant tamen: multi ne quidem sciunt legere: legant: sunt incapaces penetrandi mysteria, sæpe recondita: legant, studeant. At multi vel ex imperitia, vel malitia ac protervia, omnium hæresiarcharum exemplo venenum ex salutis fonte hauserunt; legant tamen omnes, omni tempore, omni loco. Quæso! an hoc omni personarum generi est necessarium necessitate medii vel præcepti? ubi hoc præceptum?

### Propositio 81.

*Obscuritas sancta verbi Divini non est laicis ratio dispensandi se ipsos ab ejus lectione.*

*Reflexio.* Sed quid juvat legere, quod non intelligis? aut quod perperam intelligis? tot insunt locutiones tropologicae, allegoricae, metaphoricæ, tamque sublimes sensus, ut doctorum ingenia fatigent, rudium vero capacitatem longissime transcendant. Securius a pasto-

a pastoribus & Doctoribus expositum fideles verbum Dei percipiunt.

Propositio 82.

*Dies Dominicus a Christianis debet sanctificari lectionibus pietatis, & super omnia sacrarum scripturarum. Damnosum est, velle Christianum ab hac lectione retrahere.*

*Reflexio.* Aliud est iudicium & adhibita cautela a Concilio Tridentino, experientia edocto. Auditione concionis, pia exhortationis, catechesis; sacrificio Missæ, confessione & communione, vespers, visitandis ægris, piis colloquiis, bene sanctificatur dies Dominicus.

Propositio 83.

*Est delusio, sibi persuadere, quod notitia mysteriorum Religionis non debeat communicari feminis lectione sacrorum librorum; non ex seminarum simplicitate, sed ex superba virorum scientia ortus est scripturarum abusus, & natae sunt hæreses.*

*Reflexio.* Hinc, quia ex lectione incauta ortus est frequens Scripturarum abusus, & tot natae sunt hæreses, Ecclesiæ visum est, eam lectionem aliquot Regulis Indicis temperare, & cautelas præscribere. Quesnellus autem alique Jansenistæ, Lutheri, Zvinglii & Calvini exemplo, pervicaces Ecclesiæ, omnia repagula pertregerunt, & erga devotum fœmineum sexum nimis devoti, in sancta sanctorum illum promiscue induxerunt, ut ex re sanctissima, temeritate sua & prævaricatione, errores sibi procudant. Maximillas, Priscillas, Margarithas, & Joannas, Navarrae Reginas legimus. Etiam ex arbore scientiæ boni & mali fructus nobis omnibus fatales sibi decerperunt primi parentes nostri.

Propositio 84.

*Abripere e Christianorum manibus novum Testamentum, seu eis illud clausum tenere, auferendo eis modum, illud intelligendi, est illis Christi obsequiare.*

Propositio 85.

*Interdicere Christianis lectionem S. Scripturæ, præsertim Evangelii, est interdicere usum luminis filii lucis, & facere, ut patiantur speciem quandam excommunicationis.*



*Reflexio.* S. Scripturam legere, Hebraice, Græce, aut Latine scriptam, nemini est interdictum: versiones vero, ab hæreticis factas, sæpe corruptas, legere est prohibitum; alias translationes in linguam vulgarem, Ecclesia cum certis limitationibus permittit. Quod autem interdicat versionem & reflexiones in Evangelium Quesnellianas, non est obturare os Christi, sed Anti-Christi, seductoris, & corruptoris hæretici.

An nullus alius est modus, quo Christus loquitur? an non loquitur per suas gratias, per sanctas suas illuminationes, & inspirationes? an non loquitur per os Ecclesiæ, per Doctores & pastores?

Post Christi in cælum ascensum per plures adhuc annos nullum erat scriptum Evangelium. An tunc os Christi fuit obturatum? an usus luminis filiis lucis tunc fuit interdictus? an patiebantur Christiani speciem quandam excommunicationis? quot anni abierunt, cum nulla Scriptura fuit translata in linguas vernaculas? harum lectionem promiscuam prohibere, non est interdicare usum luminis, sed cavere abusus, quos nimis frequentes experta fuit Ecclesia. Verum de lectione S. Scripturæ plura dixi Part. VIII in Theologia Jansenistica, & proprio libello de verbo Dei contra Præcones Tigurinos.

#### Propositio 86.

*Eripere simplici populo hoc solatium, jungendi vocem suam voci totius Ecclesiæ, est usus contrarius praxi Apostolica, & intentioni Dei.*

*Reflexio.* Exigit hic Quesnellus, ut Officia Divina, Missa, Canon Missæ, & ipsa etiam consecrationis verba, in linguam vernaculam translata, a toto populo, etiam mulieribus (quas tamen Apostolus in Ecclesia vult tacere) alta voce recitentur cum sacerdote, contra usum & praxin Apostolicam, totiusque Ecclesiæ. An, cum Christus in ultima cœna verba consecrationis: *Hoc est corpus meum*, protulit, omnes Apostoli eadem verba cum Christo protulerunt? ubi hoc legitur? Apostoli, eorumque successores non nisi lingua Hebraica, Græca, aut Latina Missam celebrabant, etiam apud gentes, quæ linguas illas ignorabant, atque hunc usum perpetuo retinuit Ecclesia. Sed novissimi isti Magistri in Israël novum omnino ritum in Ecclesiam introducere conantur, incurrant licet anathema, quod Concilium Tridentinum Sess. 22 Can. 9 intavavit in eum, qui dixerit, *Ecclesiæ Romanæ ritum, quo submissa voce pars Canonis, & verba consecrationis proferuntur, damnandum esse, aut lingua tantum vulgari Missam celebrari debere.*

Pro-

## Propositio 87.

*Modus plenus sapientia, lumine & charitate est, dare animabus tem- De poeniten-*  
*pus portandi cum humilitate, & sentiendi statum peccati, petendi Spiri- tia.*  
*tum poenitentia & contritionis, & incipiendi ad minus, satisfacere iustitiæ*  
*Dei, antequam reconcilientur.*

*Reflexio.* Universaliter hic docetur, gravibus peccatoribus negandam a Confessario absolutionem, donec emendatio re ipsa sequatur, interim vero in statu peccati relinquantur miseri. Si homo iste propositionem suam restrinxisset ad certos casus, e. g. ad occasionem proximam, in qua peccator hæret, ad consuetudinem graviter peccandi, ad restitutionem famæ, ærisque alieni obstrictos, ad pertinax in proximum odium & spiritum vindictæ, aliosque ad gratiam absolutionis recipiendam necdum dispositos, neminem ex sanis Theologis habuisset contrarium. At vero, dum universaliter sine exceptione dicit, omnes peccatores in statu suo misero, cui interim possunt immori, esse relinquendos, profecto nimium dicit. Rigor iste nimius non conducit ad salutem peccatoris, sed ad eum magis indurandum, & desperandum, vel certe ad absolutionem sacramentalem contemnendam, prout iis, qui multas confessiones audiunt, experientia demonstrat.

## Propositio 88.

*Ignoramus, quid sit peccatum, & vera poenitentia, quando volumus statim restitui possessioni bonorum illorum, quibus nos peccatum spoliavit, & detrectamus, separationis istius ferre confusionem.*

*Reflexio.* Multi peccatores satis agnoscunt statum miserum suæ animæ, veniuntque ad confessionale, ex remotis sæpe locis, animo vere contrito, & cum proposito serio, non peccandi de cætero. An hos promiscue repellamus sine absolutione? quid hoc aliud est, quam peccatores a Sacramento poenitentia, alias difficili, Janseniano more avertere, atque fideles gratia justificante privare? egregii hi directores animarum per menses & annos sinunt poenitentes in peccatis suis computrescere. Non ita egit pater in Evangelio, qui filium suum prodigum, poenitentem, illico recepit. Et quid fuit ille pater, nisi figura Patris nostri cælestis, qui cor contritum & humiliatum non despicit? & quid in sensu Quesnelli proderit peccatori, si statum peccati agnoscat, & pectus interea, dum expectat absolutionem, percutiat? vel enim in statu gratiæ hæc faciet;



& non agnoscet magis statum peccati: si autem non sit in statu gratiæ, secundum Quesnellum omnia sunt peccatum & turpitudine, quæcunque agit.

#### Propositio 89.

*Quartus. decimus gradus conversionis peccatoris est, quod, cum jam sit reconciliatus, habet jus assistendi sacrificio Missæ.*

*Reflexio.* An ergo omnis peccator est excommunicatus, ut non possit assistere Missæ? novum plane dogma, & hætenus inauditum! commoda sane res peccatori; diebus Dominicis & festis non amplius tenetur assistere sacrificio Missæ. Quis unquam, nisi hæreticus, talia docuit? docet Quesnellus; post reconciliationem primum habet jus assistendi. Næ! peccatores non multum urgebunt, ut a peccatis absolvantur, ut diutius hoc privilegio frui possint.

#### Propositio 90.

*Ec lesia auctoritatem excommunicandi habet, ut eam exerceat per primos pastores, de consensu, saltem præsumpto, totius corporis.*

*R. flexio.* Evertit hæc thesis Hierarchiam Ecclesiasticam, Primatum & Jurisdictionem in terris supremam Romani Pontificis, potestatem Episcopalem; quia non possunt contumaces cœercere sine consensu totius corporis, id est, omnium laicorum, nobilium & rusticorum: addit, ad tegendam nequitiam, saltem præsumpto, ut ex una parte propositio nequam minus absone incurrat. in oculos, ex altera parte, ut eludere possit censuras Romanas, quas nullas esse dicet, quod præsumi non possit consensus Jansenitarum, melioris, ut ipse putat, partis Ecclesiæ, quia aperte dissentient. Nos autem firmiter tenemus, potestatem ligandi & solvendi datam esse Petro, ejusque ex providentia Divina, in cathedra successoribus, & quibus illi contulerint.

#### Propositio 91.

*Excommunicationis injusta metus nunquam nos debet impedire ab implendo debito nostro, nunquam eximus ab Ecclesia, etiam quando hominum nequitia videmur ab ea expulsi, quando Deo Jesu Christo, atque ipsi Ecclesiæ, per charitatem affixi sumus.*

*Reflexio.* Hic Quesnellus Judicem se constituit, an excommunicatio sit injusta. Altioris hæc quæstio est fori. Ad privatum hominem, qualis est Quesnellus, non pertinet judicare de justitia censuræ; alias omnis ligandi potestas Ecclesiastica esset frustranea, quia semper is, qui censura fuit notatus, dicere posset, eam esse injustam. Aliud foret, si aperte & notorie esset injusta, aut manifeste contineret errorem intolerabilem.

### Propositio 92.

*Potius pati in pace excommunicationem, & anathema injustum, quam prodere veritatem, est imitari S. Paulum: tantum abest, quod sit se erigere contra auctoritatem, aut scindere unitatem.*

*Reflexio.* Nunquam legi aut scivi, S. Paulum fuisse excommunicatum, aut anathema injustum passum esse in pace. Deinde, an adeo res vilis est, excommunicari, privari sacramentorum, sacrificii Divini, & commercii cum fratribus communione, ut contemptu quodam stoico excipi debeat? an non omnibus viribus connitendum excommunicato, ut absolvatur, & fidelium communioni restituatur?

### Propositio 93.

*Jesus quandoque sanat vulnera, quæ præceptis primorum Pastorum infligit festinatio, sine ipsius mandato; Jesus restituit, quod ipsi inconsiderato zelo rescindunt.*

*Reflexio.* Christus ligandi & solvendi potestatem Ecclesiæ suæ tradidit, una cum potestate clavium; unde non sanat vulnera, per censuram inflicta, præsertim hominis contumacis, & potestati Ecclesiasticæ pervicaciter resistentis; tua inquam Quesnelle, & Sodalium, qui, quemadmodum Lutherus Bullam Leonis X, sic censuras Innocentii X, Alexandri VII, Clementis XI, & Episcoporum Galliarum sibi, iisdem infordecens, exploditis. Talia profecto vulnera Jesus non sanat, quamdiu frontem obduratis, & medicinam respuitis. Certa nempe animalia lapidem ammordent, quo petuntur.

### Propositio 94.

*Nihil pejorem de Ecclesia opinionem ingerit ejus inimicis, quam illi dominatum exerceri supra fidem Fidelium, & foveri divisiones propter res, quæ nec fidem lædunt, nec mores.*

Re-



*Reflexio.* Nihil meliorem de Ecclesia debet opinionem ingerere, etiam inimicis ejus, quam si videant, doctrinam fidei & morum conservari integram, & adhiberi cauterium adversus discolos, & abscindi schismaticos ac hæreticos, ne corpus reliquum inficiant. Quis fovet divisiones, nisi qui ab Ecclesiæ doctrina recedunt, & pervicacia sua inflexibili se ipsos ab illa separant? Itane vero? hæreses Jansenianæ & Quesnellianæ nec fidem lædunt, nec mores?

### Propositio 95.

*Veritates eo devenerunt, ut sint lingua quasi peregrina plerisque Christianis, & modus eas prædicandi est idioma velut incognitum; adeo remotus est a simplicitate Apostolorum, & supra communem captum Fidelium. Neque satis advertitur, quod hic defectus sit unum ex signis maxime senectutibus senectutis Ecclesiæ, & iræ Dei in filios suos.*

*Reflexio.* An Donatum aliquem hic audimus, Ecclesiam Christi, supra petram fundatam, columnam & firmamentum veritatis, contra quam portæ inferi non prævalebunt, cum qua Christus manet omnibus diebus, usque ad consummationem sæculi, quam Spiritus S. docet omnem veritatem, defectionis accusantem? corrui petra, cecidit columna, eversum est firmamentum veritatis, Christus & Spiritus eam deseruerunt, prævaluerunt portæ inferi, evacuatae sunt promissiones Evangelicæ. Hæc lingua omnium hæreticorum satis nota est, qui, ut apostasiæ suæ fucum illinant, Ecclesiæ, quæ in doctrina est sine ruga, sine macula, senectutis arguunt.

Ita est, Ecclesia nostra est senex, jam ante 1700 annos a Christo fundata, semper tamen eadem, eodem vigore florens; vestra autem est valde juvenula, nuper primum abortiva fecunditate in mundum exiit.

### Propositio 96.

*Deus permittit, ut omnes potestates sint contrariae prædicatoribus veritatis, ut ejus victoria attribui non possit, nisi Divinae gratiæ.*

*Reflexio.* Per prædicatores veritatis intelligit Jansenistas & Quesnellistas, quibus se opponebant Potestates Ecclesiasticæ & Politicæ ex publico, quod gerebant officio. Quales autem heterodoxi illi fuerint prædicatores veritatis, prolixè ostendit P. Jacobus Fontaine Professor Theologiæ Lovanii, in amplissimo & eruditissimo suo opere de Constitutione Unigeniti Theologicè propugnata, Tomo præsertim quarto, in quo charactere proprio homines istos signat.

Pro-

## Propositio 97.

*Nimis sæpe contingit, membra illa, quæ magis sancte, ac magis stri-  
cte unita sunt Ecclesiæ, respici atque tractari tanquam indigna, ut sint in Ec-  
clesia, vel tanquam ab ea separata; sed iustus ex fide vivit, & non ex opi-  
nione hominum.*

*Reflexio.* Quid hoc aliud est, quam jugum omne abjicere, se  
ipsum judicem constituere, & adversus omnes Ecclesiæ correctio-  
nes & pœnas medicinales, contumaciam ostentare? Cum hac obsti-  
nati animi tui pervicacia quomodo potes ex fide vivere, quæ jubet  
obedire & subjacere præpositis, eos audire, tanquam Christum au-  
dient, & omnia, quæ dixerint, facere? Consolatur hic suos con-  
fodales & contribules, ut legitimos suos superiores bona conscien-  
tia spernant, omnemque obedientiam denegent.

## Propositio 98.

*Status persecutionis & pœnarum, quas quis tolerat, tanquam hæreticus,  
flagitiosus & impius, ultima plerumque probatio est, & maxime meritoria,  
utpote quæ facit hominem magis conformem Jesu Christo.*

*Reflexio.* Hoc dicunt omnes hæretici, ab Ecclesia proscripti.  
Persecutiones appellat justas pœnas, quas potestas Ecclesiastica insi-  
git contumacibus hæreticis, & potestas Politica exequitur. Se ip-  
sum & socios suos, Christi Vicario perduelles, comparat Christo, qui  
Præpositis obedire jubet. Judicem rursus homo privatus se ipsum  
constituit. Omnium hæreticorum hic est character.

## Propositio 99.

*Pervicacia, præventio, obstinatio in nolendo aliquid examinare, aut  
agnoscere, se fuisse deceptum, mutant quotidie quoad multos in odorem mor-  
tis id, quod Deus in Ecclesia sua posuit, ut esset in ea odor vitæ, v. g. bonos  
libros, instructiones, sancta exempla &c.*

*Reflexio.* Pervicacia, præventio, & obstinatio ad Quesnellum  
& Symmistas pertinet, non ad summos Pontifices & corpus majo-  
rum Pastorum, a quibus propter errores & hæreses fuerunt puniti.  
Quesnellus est, qui non vult agnoscere (aut potius fateri) se  
fuisse deceptum, & alios decepisse. Bonos libros: nempe Reflexio-  
nes Quesnelli in novum Testamentum, hoc est, pestilentum par-  
tum, lue, scabie, fanie, toxico scatentem: *Instructiones*, pestiferas  
in animarum ruinam: *sancta exempla*: O sanctum genus hominum!



totum ad simulandum, & decipiendum compositum. Sub vestimentis ovium contegere se satagunt: intus autem &c. imo non tantum intus.

### Propositio 100.

*Tempus deplorabile! quo creditur honorari Deus, persequendo veritatem, ejusque discipulos. Tempus hoc advenit - - haberi & tractari a Religionis Ministris tanquam impium & indignum omni commercio cum Deo, tanquam membrum putridum, capax corrumpendi omnia in Societate Sanctorum, est hominibus piis morte corporis mors terribilior. Frustra sibi quis blanditur de intentionum suarum puritate, & zelo quodam Religionis, persequendo flamma ferroque viros probos, si propria passione est excæcatus, aut abreptus aliena, propterea quod nihil vult examinare; frequenter credimus, nos sacrificare Deo tanquam impium, & sacrificamus diabolo Dei servum.*

*Reflexio. Crocodilum audimus, gementem, ut devoret incautos; & antiquos suos questus contra Potestates Ecclesiasticas & seculares, hæreses eliminare, & lupos ab ovili Domini repellere conantes, ingeminantem. Hæccine est reverentia, quam mens pia, quæ non modo Christiano, sed & Catholico nomine vult gloriari, summo sacrorum Antistiti, Episcoporum Ordini, & Regibus, Dei ministris debet? servum Dei immolant diabolo, inquit. At sinamus ranam, ex palude Batavica, in qua se abscondit, coaxare.*

### Propositio 101.

*Nihil Spiritui Dei & doctrinæ Jesu Christi magis opponitur, quam communia facere in Ecclesia juramenta; quia hoc est multiplicare occasiones pejerandi, laqueos tendere infirmis, & idiotis, & efficere, ut nomen & veritas Dei aliquando deserviant consilio impiorum.*

*Reflexio. Hoc apophthegmate Quefnellus rursus bilem evomit in Romanos Pontifices & Episcopos Galliae, qui Formulæ notissimo subscribi cum juramento jusserant. Consilium impiorum appellat homo reverens. Quod plures Jansenistæ juraverint, & jurando pejeraverint, credo facile. Hauserunt hoc ex disciplina suorum Magistrorum. Æquivocationum alias hostes insensissimi, ut apparere volunt, hic largi fuerunt, approbantes juramenta fidei, licet animus dissentiret. Sed hæc perjuria tam parum obsunt Formulæ, quam præceptis Decalogi peccata hominum.*

## Art. V.

*Innocentius XIII Pontifex. Dulcignotorum rapinae. Lis de Florentia & Parma. Investitura Neapol. Archiep. Vienneſis. Obitus Coſmi III. Succedit Gaſto filius.*

Altero post mortem Clem. XI mense electus est Michael Angelus Conti, qui *Innocentii XIII* nomen assumpsit. Spinolam dixit 90.  
 Secretarium Status, Orighium Praesidem Congregationis Concilii, Ruffum Legatum Bononiae, Paolucium Vicarium Generalem, Corradinum *Dataria* Praefectum. Decanus vero Collegii Cardinalium fuit Tanara. Additi tres novi, Contius, frater Innocentii, Dubois, Archiepiscopus Cameracensis, & primus Minister Galliae, atque Alexander Albanus, Clementis XI nepos, cujus frater Hannibal jam antea dignitate illa fuerat ornatus. Erant autem hoc tempore 68 Cardinales: & hos inter Alberonius, cui post electionem a novo Pontifice interdictum est, ne Roma discederet, donec causa ejus esset finita.

*Dulcignoti*, Turcicus in Dalmatia populus, raptò vivere assuetus, Venetorum Republicam, non procul abfuit, quin novo cum Turcis bello committeret; cum enim pyrae isti, quod Adriaticam rapinis infestum redderent, à Venetis essent castigati, Turcae infractionem pacis dicebant. Sed res iterum fuit aliquali satisfactione composita.

Genuenses statuerunt, ut nullus in senatum assumatur, qui 35 ætatis annum necdum compleffet, & in aliis etiam Reipublicæ muneribus fuisset versatus. Biennio exacto, novus pro more electus est Dux.

Victor Amadeus Rex Sardiniae, Dux Sabaudiae, Pedemontii, & Montisferrati, quiete tandem provinciis suis fruebatur. Ejus gener Dux Carignanensis, idemque ex linea collateralis proximus agnatus, obortis, nescio quibus, cum focero dissidiis, cum Conjugem in Gallia per aliquot jam annos degit.

Mediolanensi in Ducatu inquisitum in fraudatores ærarii publici, ut speculatus crimen eliminetur. Quo pacto camerales proventus ita aucti sunt, ut Cæsar notabilem contributionum summam posset subditis remittere, gaudio exultante populo.

Hoc tempore in Academicis agitabatur quaestio, scriptis quoque ventilata, an Hetruria seu Magnus Ducatus Florentiae sit feudum ab Imperio dependens, quod Cæsar volebat: an vero ab omni nexu feudali sit liber & independens, prout Cosmus prætendebat.



sum multis, non aliam esse conditionem Hetruriæ ac Infubriæ, aliarumque provinciarum, quæ ad regnum olim Longobardicum pertinuerant. Similis ferme lis vertebatur, an Parma & Placentia sint feuda Pontificia, an vero Imperialia. Biennio post Dux illa a Pontifice per Marchionem Sachettum, præstito fidei sacramento, accepit.

Anno 1722 Alberonius in jus vocatus, in Monasterium velut custodiam missus est ad quinque menses.

Investitura  
Neap.

Collatum tandem Cæsari ab Innocentio Pontifice feudum Neapolitanum, quod hæcenus Borbonii impederant, dum jus esset controversum. Observatus ritus antiquus. Oblatus Pontificia Colonna, Comite Stabuli, sonipes cum bursa, 7000 scutis, Canone annuo referta. Contigit id pro more 28 Junii, SS. Petri & Pauli Vigilia. Idem Pontifex concessit Imperatori, ut Episcopatus Viennensis in *Archiepiscopatum* erigeretur, Salisburgensi & Passaviensi hæcenus obsistentibus.

Archiepisc.  
Vienn.

In Sicilia Duci de Monteleone Proregi surrogatus est Marchio Almenara. Copiis præfectus Abumada Hispanus, Messinæ Wallifius. Neapolis vero Prorox fuit Cardinalis Althaus.

Cornaro Duci Venetorum mortuo suffectus Aloysius Moce-nigus, qui generalis Dalmatiæ Provisoris munere fuerat functus.

Zundedarii Itali defuncti in locum Magnus Ordinis Melitenfis Magister electus est Almeida Lusitanus, qui Turcicam classem Melitæ appulsam, evocatis Equitibus, strenue depulit.

Anno 1723 Rex Sardinie *Codicem Juris Victorianum*, suo mandato a Jurisperitis compositum, subditis suis promulgavit.

Cosmus III  
obit.

Obiit *Cosmus III* Magnus Dux Florentiæ, 82 ætatis anno, Regiminis 53. Conjugem jam anno 1661 duxit Margaritham Ludovicam, Gastonis Joannis Baptistæ, Ducis Aurelianensis, filiam, Ludovici XIII ex fratre neptem. Ex ea genuit 1. Ferdinandum, Violanthæ Beatricis Bavaræ maritum, qui jam anno 1713 improlis obiit. 2 Mariam Annam, Joanni Wilhelmo, Palatino Electori nuptam, sed thoro sterili. 3 Joannem Gastonem, qui jam anno 1697 duxit Franciscam, Julii, ultimi Ducis Lavenburgici filiam natu majorem, Philippi Palatini viduam: quæ thorum pariter sterilem nacta a Gastone discessit, & in Bohemia reliquum ætatis exegit.

Hos tres steriles liberos postquam Margaritha Aurelianensis Cosmo genuit, abiit in Galliam patriam suam, ibique ad 30 annos, a viro suo separata, vixit ad annum usque 1721, quo decessit.

Quanto

Quanto vero tædio aspicere debuerit Cosmus, de sua viventis hæreditate & patrimonio ab exteris disponi, alias dictum fuit. Successit autem ei tunc *Gasto* filius, ultimus Domus Mediceæ surculus, *Gasto* successit, 52 annos natus, qui, a matre in testamento ab hæreditate excluditur, causam in Gallia fuit lucratus.

## Art. VI.

*Gesta sub Pontificatu Benedicti XIII. Cosciam creat Cardinalem. Jacobo Stuart nascitur alter filius. Comacinium restitutum. Fleuri fit Cardinalis. Lites cum Sabaudis composita. Domus Farnesia. Principes Italiae Familiae &c.*

Anno 1724 obiit Innocentius XIII tertio Pontificatus, ætatis 69. Vacavit sedes duos menses. Tum vero a 53 Cardinalibus, Romanæ præsentibus, electus fuit Cardinalis Vincentius Maria *Orsini*, ex Illustrissimo Prædicatorum Ordine assumptus, qui, ad extinguendam Petri de Luna Antipapæ memoriam, *Benedictus XIII* appellari voluit. 91.

Ex nobilissima & antiquissima Orsina, Romana Familia, natus, 75 ætatis annos jam impleverat, & 50 Cardinalatus; Manfredoniæ primum, dein Cæsena, Beneventi, in regno Neapolitano, tandem Episcopus, insigni vitæ sanctimonia, supremo Dignitatum apice se dignum reddidit. Quia Cardinalium erat antiquissimus, jam bis eum ordo ad Collegii Decanatum vocaverat, sed quia in Archiepiscopatu suo Beneventano absens erat, post Bullonium Astallo, & Tanaræ is honor obtigit. Et cum hoc anno Tanara obiisset, Decanus sacri Collegii successit Cardinalis de Judice. Paolucius dictus Secretarius Status, seu primus veluti Minister Pontificis. Cardinales creati Altierus, Falconerius, Marefoschius, Petra, Pipia, Dominicanorum Generalis. Pontificis nepotem Ducem Gravina Cæsar S. R. J. Principem creavit.

Edita Venetiis fuit Ferdinandi Ughelli *Italia sacra*, a Nicolao Coletto adeo aucta, ut decem tomos impleret.

Anno 1725 obierunt ex Cardinalibus, 1 de *Judice*, antea pluribus annis potens in Aula Hispanica, tum vero ad partes Cæsareas transiit. Ejus loco Decanus sacri Collegii simulque in annexo mortui. Ostiensis Episcopatu successit *Paolucius*. Cardin.



2. Franciscus *Aquaviva* pariter Neapolitanus, qui constanter Philippo V adhæserat, pluribus annis Protector, & ab anno 1716 apud Sedem Apostolicam Orator Hispaniæ. In quo munere ei successit Cardinalis *Bentivolius*.

3. Cardinalis *Saxo-Citicus*, Archiepiscopus Strigoniensis, & Principalis Commissarius in Comitibus Ratisbonensibus.

4. Valemannus.

*Coscia* fit  
Card.

Eorum vero loco creati 1. Nicolaus *Coscia*, Beneventanus, qui singulari apud Benedictum XIII pollens gratia, varia deinceps facta fuit expertus. 2. Nicolaus de Judice, defuncti nepos, Principis Cellemarii frater.

Jac. III alter  
filius.

Jacobo III Stuardo hoc anno conjux Sobieskya alterum filium genuit, quem ipse Pontifex baptizavit, atque *Henricum Benedictum* nominavit. Mater vero paulo post a conjuge Jacobo in Monasterium secessit; nec persuaderi poterat, ut tunc rediret.

Comachium  
restitutum.

Restituit Cæsar Pontifici *Comachium*, quod jam anno 1708 Cæsareus miles occupaverat, tanquam esset feudum Imperii. Cu vero per pacem Viennensem Parmæ & Placentiæ Ducatus feuda Imperii essent declarati, Pontifex, celebrato prius Consistorio, est protestatus.

Mortuo Barbarigo Venetorum Patriarchæ successit Grandenicus: Coloredo vero Forojulienti, Viennam ad munus Aulæ Præfæcti avvocato, in Gubernatione Mediolanensi Daunius a Præfectura Belgica translatus.

Cardinales 7  
mortui.

Anno 1726 ex sacro Cardinalium Collegio obierunt 1. Fabricius Paolucius, Decanus & Secretarius Status. 2. Joannes Baptista Tolomeus S. J. probus ex æquo ac doctus. 3. Julius Piazza, Bruxellensi, Lucernensi, Polonica, Viennensi legatione perfunctus. 4. Laurentius Fieschius, Archiepiscopus Genuensis. 5. Galeacius *Mareschottus* Romanus, 99 annos natus, Protector Ordinis Prædicatorum, quod dein Officium ipse Pontifex in se suscepit. 6. Bernardus Scottus Mediolanensis. 7. Joannes Baptista Bussius Viterbiensis, Episcopus Anconitanus.

Novi.

Novi vero creati sunt 1. Hercules *Fleurius*, toti orbi notissimus, Præceptor olim Ludovici XV, ac dein primus Minister. 2. Nicolaus Lercarius, quem Papa Secretarium Status antea renunciaverat; sed cum Regum Oratores sua cum eo negotia nollent communicare, Cardinalem fecit. 3. Laurentius Cozza, Ordinis Minorum Generalis.

Jacobum III Hispani in Scotiam ducere conabantur, sed cum Angli Hispaniam invaderent, tota classis re infecta rediit, proprios Penates defensura. - *Lucensis Episcopatus* in Archiepiscopatum fuit conversus. Cæterum Luccana Respublica quovis bimestri sibi Præsidem eligit, quem *Consolomerium* appellant. Regimen autem est Aristocraticum, sicut Venetiis & Genuæ.

Venetiis obiit Finius, Procurator S. Marci, quod Officium in illa Republica magnæ est dignitatis, adeo quidem, ut Cardinalis Quirinus in vita sua, a se ipso scripta, gloriatur, ex familia sua plures fuisse Procuratores S. Marci.

Anno 1727 Cardinales defuncti sunt Sacripantus, pauperum pater, Protector Scotiæ & Hiberniæ: Joannes Patricius, & Fabronius. Novi vero subrogati, Angelus Maria Quirinus, ex Ordine S. Benedicti, Episcopus Brixienfis, peregrinationibus in Germaniam, & epistolis, ad Protestantes zelo optimo scriptis, celebris; Sigismundus Comes Kollonitschius, Archiepiscopus Viennensis, S. R. I. Princeps: Cespedes Hispanus, Archiep. Toletanus. Motha Lusitanus: Sinzendorffius Episcopus Jaurinensis.

Hoc anno Sobieskia ad Jacobum III conjugem rediit, cum eodem reconciliata.

Similiter controversiæ, quæ ab aliquot annis Aulam inter Pontificiam & Sabaudicam, ratione Immunitatis, Beneficiorum Ecclesiasticorum, nominationem Cardinalis, Sardinæ, seu feudi Romanæ Ecclesiæ, gliscebant, hoc anno fuerunt transactione compositæ, vacansque diu Ecclesia Taurinensis Archiepiscopum iterum accepit. Sardinia autem per Proregem, qui Sassari degebat, gubernabatur.

Venetorum Respublica jucunda pace florebat, Schulenburgio adhuc armorum Præfecto, qui visitandis muniendisque variis locis hætenus fuerat intentus. Cunigunda Theresia post mortem Electoris Baviaræ sui conjugis Venetias rediit, reliquumque ætatis ibidem transegit. Filius vero ejus Clemens Augustus Elector Colonienfis Viterbii ab ipso Papa est consecratus Archiepiscopus. Romæ ad Sobieskiam amitinam suam inivit.

Genuenses inter & Regem Sardinæ vix non bellum exarserat, quia illi navem Oneglianam, merces vetitas vehementem, interceptant: vis ultro citroque illata. Sed Comes Daunius, Mediolani Gubernator, se nomine Cæsaris interposuit, litemque sopivit.

Veneti



**Bucen-  
taurus.**

Veneti novam fabricarunt navem Prætoriam, quam *Bucen-  
taurum* appellant, auro large obductam, atque ad omnem splendorem  
vario opere exornatam, quæ tamen magnitudine bellicam nullate-  
nus æquat. Prostat cum aliis navigiis & omni apparatu bellico, in  
magno armamentario (*Arsenale* vocant) quod propter amplitudinem  
justæ magnitudinis urbem dixeris. Dux quot annis cum Senatori-  
bus & Legatis festo Ascensionis Domini Bucentauro vectus, demis-  
so in mare annulo, Adriaticum sibi despondet, in signum appre-  
hensæ possessionis atque dominii.

Mantua Theodora, Philippi, Darmstadiani Principis ac Duca-  
tus Mantuani Gubernatoris filia, Augustani Episcopi soror, nubit  
Antonio Ferdinando Duci Guastallæ, qui tamen lapsa biennio im-  
prolis obiit.

92.  
**Domus Far-  
nesia.**

Decessit quoque Franciscus *Farnesius*, Dux Parmensis, qui du-  
xerat Dorotheam Palatinam, Odoardi fratris sui viduam, Elisabethæ,  
Hispaniæ reginæ, matrem. Sed nullos ex ea reliquit liberos. Unde  
in Ducatu successit *Antonius*, Odoardi & Francisci frater natu mini-  
mus, ultimus *Farnesianæ* masculinæ stirpis furculus, qui tamen &  
ipse quadriennio post exaruit, relicta Henrica Mutinensi, improli  
vidua.

**Domus Prin-  
cipes.**

Cæterum, præter Pedemontanos, Parmenses, Mantuanos,  
Mutinenses, Florentinos, multi hoc tempore erant in Italia Duces  
& Principes, uti 1. *Picus de Mirandola* & Concordia; cujus ditio,  
quia Gallicas partes fuit secutus, anno 1711 Mutinensi in feudum  
fuit a Cæsare data. *Urbini* vero Principatus jam ante cum dominio  
directo Ecclesiæ Romanæ fuit consolidatus.

2. *Grimaldus* Princeps Monocci, Dux Valentinus in Delphinatu.
3. *Cibo* Dux Massæ & Cararæ.
4. *Doria* Dux Melphitanus.
5. *Boncampagnus* Princeps Soranus & Plumbinenfis. Hic autem  
Principatus (*Piombino*) ab Apiana & Ludovisia Domo ad Boncam-  
pagnam per matrimonia devolutus, a Cæsare fisco fuit addictus, sed  
per pacem Viennensem restitutus.
6. *Spinola* Genuensis Dux Sestensis & Sanseverinus.
7. *Aquaviva* Dux Atrienfis in regno Neapolitano.
8. Ex Domo *Colonna* Principes Pagliani, Sonnini, Carbanani,  
Bassanelli, Palestrini.
9. Ex Domo *Sfortia* lineæ collateralis Duces Cesarini, Segnien-  
ses, Laviniani.
10. Ex Domo *Ursina* Romana Dux de Gravina, & Monte  
Mileto.

11. Ex

11. Ex Domo *Pignatellia* Neapolitana Dux de Monteleone.

12. Ex Domo *Ottobona* Veneta Dux Fianus in statu Ecclesiastico.

13. Ex Domo *Odoschalco* Dux Braccianus.

14. Ex Domo *Conti* Dux Poli.

15. Ex Domo *Caraffa* Dux de Matalone.

Anno 1728 obierunt Cardinales: *Priulus*, Venetus, Episcopus Pergamenſis: *Caracciolus*, Neapolitanus, Archiepiſcopus Capuanus: *Gozzadinus*, Bononienſis, Episcopus Fori Cornelli, ſeu Imola: *Gualtierus*, Urbevetanus, qui fuerat Pro-Legatus Avenione, Cardinales Nuntius Pariſiis, Protector Angliæ: cujus Regi Jacobo pretioſa legata reliquit.

Creati vero ſunt *Finius*, Romanus, Theologus Pontificius: *Anſideus*, Peruſinus, Aſſeſſor S. Officii: *Proſper Lambertinus*, Bononienſis, Secretarius Congregationis Concilii, poſtea Pontifex: *Sellerius*, Peruſinus, ex Ordine S. Dominici: *Banchierus* Piſtorienſis, Secretarius Status: *Collicola*, Spoletanus, Theſaurarius: *Gottus*, Bononienſis, ex Ordine S. Dominici: *Porcia*, Foro-Julienſis, ex Ordine S. Benedicti: *Accorambonus*, Spoletanus: *Caraffa*, Neapolitanus, Secretarius Congregationis Episcoporum & Regularium.

Neapoli Prorex *Althano* ſucceſſit *Harrachius*: Portocarero de *Almenara* vero *Saſtagus* Prorex Siciliae. Portus Neapolis & Siciliae ad augendum commercium declarati ſunt liberi. Ad Cameram reſtricta bona, quæ tempore Caroli II fuerant avulſa. Mediolani *Colpiis* Caſareis præſicitur Comes Montecuculus, Daunio Gubernatore. In re monetaria facta eſt magna mutatio, pretio depreſſo; unde murmur ſubditorum.

Antonius Dux Parmenſis duxit Henricam, Reinaldi Mutinæ Ducis filiam, præſentibus Jacobo III Stuarto, Duce Guſtallæ, & Principe Darmſtadio, Gubernatore Mantuæ. Cum autem Dux Antonius debili & infirmo eſſet corpore, Legatus Hiſpanus ab eo petiit, ut illa, quæ de ejus provinciis pace Vienneniſi, & quadruplo etiam ſœdere, eſſent ſancita, haberet rata. Sed ſpe liberorum conſepta permoveri non poterat.

Anno 1729 ex ſacro Collegio deceſſerunt Cardinales *Cozza*, *Sellerius*, *Salernus*, *Neallius*, recepta Conſtitutione *Unigenitus* cum Eccleſia reconciliatus.

Novos autem Cardinales Benedictus XIII creavit, Camillum Cibo, Antonium Borgheſium, Vincentium Ferrerium.



Gonzaga.

Ex Domo *Gonzaga* obiit *Ferdinandus, Dux Guastalla*, relicta improli vidua *Theodora*, Darmstadiensi Principe, Episcopi *Augustani* sorore; *Mantua* Gubernatoris filia. Successit frater unicus *Josephus Maria*. Ejusdem *Gonzagana* Domus linea *Novellerana* superiore jam anno fuit extincta; unde Imperator possessionem hujus Principatus adiit.

Obiit denique anno 1730 *Benedictus XIII*, Summus Pontifex, vitæ integritate, & Ecclesiasticæ disciplinæ zelo laudatissimus. Præter complura Beneventana celebravit Romæ Concilium, quod hic interferendum putavi.

## Art. VII.

Concilium Romanum, in *Basilica Lateranensi* anno *Jubilæi* 1725. & *Benedicto XIII* celebratum.

93.

Inter gesta *Benedicti XIII* celeberrimum est Concilium Romanum, quod, convocatis Provinciæ Romanæ Episcopis, celebravit anno Pontificatus sui primo. Continet 32 Titulos, ad normam Decretalium. Tituli dividuntur in Capita. Quæ pro instituto summatim attingo.

## Titulus I.

*De Summa Trinitate & Fide Catholica.*

Cap. 1. Statuitur, ut Professionem Fidei emittant 1. Episcopi, & Clerici, Beneficiis Eccles. provisi, aut sacris Ordinibus initiati, in Diœcesana Synodo, primo celebranda. 2. Dignitates & Canonicatus obtinentes, post adeptam possessionem, tum in manibus Episcopi, vel ejus Vicarii, tum in Capitulo intra trimestre. 3. Vicarius Generalis, & Foranei, 4. Procuratores & Promotores Fisci Episcopalis, Cancellarii, alique ministri curiæ. 5. Novi Concionatores. 6. Confessarii. 7. Docentes publice vel privatim. 8. Medicinam aut Chirurgiam exercentes.

Cap. 2. Constitutio *Unigenitus* Episcopis commendatur. Male de ea sentientes aut loquentes puniant, perveraces ad Sedem Apost. deferant. Libros contrarios sibi tradi mandent, Papæ denuntiandos.

Cap. 3. Episcopi per seipsos concionentur.

Cap. 4. *Parochorum obligationes*, populum in fide & moribus instruendi, Sacramenta ministrandi, visitandi infirmos, pro populo orandi,

orandi, præluendi verbo & exemplo, pueritiam catechizandi ex libello Card. Bellarmini, a Clem. VIII præscripto.

Cap. 5. Quomodo instruendi rustici & ignorantes adulti intra Missarum solennia, de Signo Crucis, SS. Trinitate & Incarnatione, Symbolo Apost. Oratione Dominica, Salutatione Angelica, præceptis Decalogi, præceptis Ecclesiæ, septem Sacramentis, actu contritionis.

Cap. 6. Theologalis Præbenda, ad Trid. præscriptum erigenda.

Cap. 7. Cui & quomodo illa conferenda. 40 saltem lectiones quot annis in Ecclesia esse habendas.

Cap. 8. Sacra Scriptura exponatur.

Cap. 9. Cui intersint Canonici, Parochi, Confessarii.

Cap. 10. Concionatores constituantur docti, eruditi, maturi, fortes, probi, etiam ex Regularibus.

## Titulus II.

### De Constitutionibus.

Cap. 1. Archiepiscopi sua in provincia, Episcopi in sua Diocesi ad Synodos habendas excitantur, exemplo Pontificis, qui in Ecclesia Beneventana 38 Diocesanas & 2 provinciales habuit.

Cap. 2. In virtute S. obedientiæ præcipitur, ut præter annuas Synodos, quovis triennio provinciales celebrentur.

Cap. 3. Diocesanae Synodi semel saltem in anno celebrentur.

Cap. 4. Ecclesiarum capitula, si non habent antiqua statuta, nova conficiant, Tridentino, & Constitutionibus Pontificiis consentanea, ab Episcopis examinanda. Consuetudines non nisi rationabiles tolerantur.

Cap. 5. In Statutis exprimatur, quænam sint Ecclesiarum origines, foundationes, insignia, jura, consuetudines, redditus, onera & munera, nihilque in eis sit, quod a juris dispositione, Congregationum Decretis, usuque recepto & approbato exorbitet.

## Titulus III.

### De Rescriptis.

Cap. Unic. Quoniam Decreta superiorum tribunalium Episcopis sæpe non suo loco & tempore importune & crude obtruduntur, statuitur, ut deinceps non ipsi Episcopo, sed ejus Fiscali, aut Cancellario extradantur.



## Tit. IV.

*De supplenda negligentia Prælatorum.*

Statuitur, ut Abbates Regulares perpetui ab Episcopo Diœcesano benedicantur.

## Tit. V.

*De Temporibus Ordinationum.*

Cap. 1. Qui habent privilegium, ut possint ordinari a quocunque Episcopo extra tempora, ordinari non possint, nisi a proprio Episcopo.

Cap. 2. Regulares habentes privilegium, sive expresse, sive per communicationem, ut extra tempora ordinari possint, tuto illo possunt uti.

## Tit. VI.

*De ætate & qualit. Præfic.*

Cap. 1. Disquisitio de admittendis ad primam tonsuram.

2. Certæ Ecclesiæ servitio adscribantur.

3. Ad sacros Ordines non nisi vere digni probatique promoveantur.

4. Ordinandi ad Beneficium alienæ Diœcesis, ab Episcopo domicilii examinentur, & litteris testimonialibus ab eo sint instructi.

5. Circa promovendos ad Canonicatus & Beneficia simplicia justitia distributiva observetur.

## Tit. VII.

*De Officio Judicis Delegati.*

Cap. 1. Episcopi diligentem curam suæ Diœcesis gerant, visitent, executioni Decretorum invigilent, & corpore licet absentes, spiritu tamen cum Apostolo sint præsentés.

2. Episcopus in oppidis insignibus Vicarios Foraneos constituat, doctrina, probitate, & prudentia præditos.

## Tit. VIII.

*De Officio Judicis ordinarii.*

Cap. 1. Episcopi quot annis totam Diœcesin diligenter visitent, aut saltem, si ampla sit Diœcesis, singulis bienniis, & quidem per se ipsos, si fieri possit.

2. Epi-

2. Episcopus in Vicarium Generalem non eligat fratrem suum, aut nepotem, vel civem urbis Episcopalis.
3. Pro pauperibus in quavis civitate constituantur procuratores vel advocati, qui gratis eorum causas agant, curentque Episcopi, ut in sua civitate erigant Confraternitatem S. Ivonis, prout Romæ est instituta, magno cum pauperum solatio.
4. Clerici Episcopo solvant Cathedraticum, quod est duorum solidorum, in signum honoris & subjectionis erga Cathedralem Ecclesiam. Nec potest Episcopus illud ex integro remittere.
5. Regulares, in quorum Ecclesiis defuncti tumulantur, parochis quartam funeralium solvant.

## Tit. IX.

*De Majoritate & obed.*

- Cap. 1. Episcopi exempti, qui sibi Metropolitanum necdum elegerunt, illum tandem secundum præscriptum Trid. eligant, & provinciali illius Synodo intersint.
2. Non tamen in Metropolitanum eligi potest Archiepiscopus, qui Provincia & suffraganeis caret; quia talis non potest Synodum provincialem cogere.
3. Ut Clerici sub Episcoporum disciplina contineantur, exemptioni modus ponatur.

## Tit. X.

*De Foro competente.*

Ut omnis cupiditatis suspicio a foro Episcopali dimoveatur, in causarum expeditionibus taxa servetur. Si nulla habetur taxa, in prima Diocesana Synodo conficiatur, & ad Papam pro confirmatione mittatur.

## Tit. XI.

*De Feriis & Festorum observantia.*

- Cap. 1. Dies festi cultui Divino & devotioni impendendi, non vero otio, aleis, choreis, comestationibus, aliisque vanitatibus. Missa sub gravi præcepto audienda, & abstinendum ab opere servili.
2. Messis tamen & vindemiæ tempore, aliaque simili urgente necessitate, cui tunc aliter provideri non possit, potest Episcopus licentiam dare, servile opus faciendi, Missa saltem prius audita.



## Tit. XII.

*De Fide Instrumentorum.*

Cap. 1. Bonorum Ecclesiast. Inventaria infra annum conficienda, atque ab Episcopis recognoscenda.

2. Authenticum Inventarii exemplar unum custodiendum in Archivio Apostolico, alterum vero in Episcopali.

3. Custodiatur Archivium Episcopale, & in ordinem disponatur; ubi vero non habetur, erigatur; atque in eo omnia Instrumenta causarum, processuum, aliaque documenta, ad Diœcesin pertinentia, reponantur.

4. Moriente Episcopo vel peregrinante Archivium bene custodiendum.

5. Decernuntur pœnæ in violantes Archivium.

6. Quælibet Ecclesia Archivium loco tuto habeat & instruat.

## Tit. XIII.

*De Jurejurando.*

Cap. 1. Episcopi servant juramentum visitandi limina Apostolorum.

2. Prohibetur, ne juramentum de veritate dicenda exigatur a criminaliter inquisitis.

## Tit. XIV.

*De Appellationibus.*

Cap. 1. Non deferendum appellationibus, quæ ad injustitias & dissidia fovenda usurpari videntur.

2. Constituitur Romæ Procurator pro Episcopis & Regularibus Superioribus, a quorum sententia in causâ criminali a reo fuerit appellatum.

## Tit. XV.

*De celebratione Missæ, Sacramento Euch. & Divinis Officiis.*

Cap. 1. In his approbati & præscripti ritus observandi.

2. Observandum Decretum Clementis XI circa usum Altaris portatilis, & Oratoria privata, sublata insuper cuivis in privatis cubiculis, ubi dormire solet, celebrandi facultate.

3. Refertur Decreti Clementini declaratio, ab Innocentio XIII facta, circa personas Episcoporum, iter agentium.

4. Anni-

4. Anniversarium pro summis Pontificibus infra octavam commemorationis omnium defunctorum celebrandum in Capella Pontificia, & Ecclesiis Patriarchalibus saltem & Collegiatis Urbis.

5. Idem fiat in singulis Diœcesibus pro defunctis Episcopis.

6. Vetatur indecorus concentus musicus, & organorum pulsatio in Missis pro defunctis, item tempore Adventus & quadragesimæ, exceptis Festis.

7. In festi Corporis Christi processione, præter consueta lumina, 4. laternæ accensæ deferantur.

8. Cassinenſibus datur facultas super Missarum reductione, certis tamen conditionibus. Eadem facultas datur Episcopis hujus Concilii.

9. Clerus quater saltem in mense conveniat ad discutiendos alternatim Rituum & conscientiæ casus,

### Tit. XVI.

#### *De vita & honest. Cleric.*

Cap. 1. Episcopi præluceant, & juxta Ordinationis tempus alius alii deferat locum & honorem.

2. Consuetudine Sæcularium Dignitatem suam ne deprimant, præsertim in aulis Principum, quas non oportet accedere, nisi suadente necessitate, pietate, vel utilitate Ecclesiæ, nec iis discumbentibus ipsi stent.

3. Clerici studiis & sacris litteris se exerceant: sacros ritus, rubricas, cantum Gregorianum, ceremonias calleant: Divina munia in Ecclesia obeant cum pietate & majestate: a profanis, venationibus, ludis indecoris, mulierum familiaritate, abstineant.

4. Curialibus laicis toga Clericalis nigra conceditur, non autem collare, clericis proprium.

5. Clerici in sacris singulis 15 diebus confiteantur & communent intra Missarum Solennia: Clerici vero inferiores quolibet saltem mense.

### Tit. XVII.

#### *De Clericis non resident.*

Cap. 1. Refertur Decretum Concilii Trid. de Residentia Episcoporum.

2. Episcopi post mensem a sua electione ad Ecclesias suas conferant.

3. Fa-



3. Facultates Episcoporum absentiae a Congregatione super Episcoporum Residentia examinentur & corrigantur.

4. Stylus Congregationis Concilii quoad hoc observetur.

5. Quid aliud præter testimonium Medici pro licentia absentiae requiratur, ad Congregationem remittitur.

6. Parochi ultra biduum absque Episcoporum licentia non absint.

7. Ad residentiam obligati ne diutius in urbe commorentur.

### Tit. XVIII.

#### *Ne Sede Vacante &c.*

Cap. I. Sede vacante Vicarii Capitulares disciplinæ invigilent.

2. Intra annum Sedis vacantis ne dentur Dimissoria.

### Tit. XIX.

#### *De Rebus Ecclesiae non alien.*

Immobilia Ecclesiarum bona ultra triennium aut quadriennium ne dentur in emphyteusm aut locentur (nisi evidens Ecclesiae utilitas id exigeret) absque spe renovationis. Ne laudemium pro primo ingressu majus recipiatur in præjudicium annui canonis. Completo concessionis tempore, seu adveniente casu devolutionis ne fiat amplius renovatio emphyteusis aut locationis, sed bona incorporentur rursus Ecclesiis.

### Tit. XX.

#### *De Testamentis.*

Cap. I. Testamenta, quæ Parochiani coram duobus vel tribus testibus a Presbytero suo conficienda mandarint, rata sunt & valida: nisi obstet Statutum, auctoritate Apostolica in forma specifica confirmatum, quo Juris civilis dispositio servari mandetur. Testes eodem numero adhibeantur, si quædam ad pias causas coram confessorio legentur, legansque coram testibus dicat, se ita velle observari.

2. Laudatur consuetudo, qua Episcopi aliquid applicant de hæreditate pro anima defuncti, qui intestatus decessit.

Tit. XXI.

*De Regularibus.*

1. Regulares ad subdiaconatum promovendi authenticum testimonium de solenni emissâ professione, & factis exercitiis habeant.
2. Regulares non nisi ab Episcopo propriæ Diœcesis ad Ordines promovendi, servata forma Decreti Clementis VIII.
3. Tractatur de Monialibus, earumque paupertate. Constitutio Clementis VIII de largitione munerum innovatur.
4. De puellis in asceteriis Monialium pie educandis.

Tit. XXII.

*De Statu Monachorum & Eremitarum.*

Cap. 1. Eremitarum status, olim tam florens, reparandus cura Episcoporum.

2. Quam in rem præscribuntur regulæ.

3. Quot annis Episcopus eos convocet, de Ecclesiis, quarum servitio sunt deputati, de eremis, elemosynis, & in via spirituali profectu rationem reddituros.

Tit. XXIII.

*De Religiosis Domibus &c.*

Cap. 1. Episcopi laicorum Confraternitatibus curam suam impendant, ut in omnibus Constitutionem Clementis VIII observent.

2. Episcopi rationem administrationis quot annis ab eis exigant, aut Minister saltem ejusdem sit præsens.

Tit. XXIV.

*De Jure Patronatus.*

Cap. Unicum. Episcopi inquirent, quinam Patronatus sint legitimi, & iusto titulo acquisiti, atque ad Sedem Apost referant.

Tit. XXV.

*De Consecratione Ecclesiæ &c.*

Cap. 1. Curent Episcopi, ut altaria, necdum perfecta, perficiantur, & solenniter consecrentur.



2. Atque Encænïa seu anniversarium Dedicationis quot annis celebretur.

3. Si dubitetur, an Ecclesia vel altare sit consecratum, absolute consecrentur.

### Tit. XXVI.

#### *De Bapt. & Confirmat.*

*Cap. 1.* Benedictio fontis baptismalis bis in annò perficiatur, & solennius ministretur.

2. Baptizati candida veste induantur, in signum regenerationis & novæ innocentiae.

3. Catechismus baptizandorum extra Ecclesiae janua peragatur, baptismus vero in Ecclesia ministretur.

4. Confirmationis sacramentum magna devotione & reverentia conferatur & recipiatur.

### Tit. XXVII.

#### *De Ecclesiis ædificandis &c.*

Ecclesiarum Cathedralium & Collegiatarum fabricis fructus dimidii primi anni de quolibet Beneficio applicentur.

### Tit. XXVIII.

#### *De Immunitate.*

*Cap. 1.* Confirmatur Constitutio Cum alias nonnulli Gregorii XIV.

2. Laicos, qui Clericorum immunitatem violare, eos ad suum tribunal citando, aut eorum Jurisdictionem turbando, non verentur, Episcopi censuris Eccles. perstringant.

3. Uti etiam laicos prohibentes, ne juvenes absque sua licentia statum Ecclesiasticum amplectantur, & ipsos talem facultatem petentes.

4. Laici Officiorum Divinorum tempore ne ingrediantur intra septa presbyteriorum & altarium.

### Tit. XXIX.

#### *De Accusationibus.*

In Conciliis provincialibus testes synodales eligantur, qui in ea, quæ in Dioecesi correctione aut reformatione indigent, inquirent, & ad Episcopum deferant.

Tit. XXX.

*De Magistris.*

*Cap. 1.* Circa Seminaria jam erecta observentur, quæ Trid. ordinavit: circa erigenda vero, quæ Bened. XIII. Constitutione peculiari disposuit.

2. Omnes, ad sacros Ordines promovendi, per sex saltem menses continuos in Seminariis vel Episcopis commorari debent, ubi Theologia Morali, sacris ritibus, Catechismi Romani doctrina, atque sacris Exercitiis sunt imbuendi.

Tit. XXXI.

*De Sent. Excomm.*

*Cap. 1.* Ubi alia suppetunt Juris remedia, non est descendendum ad excommunicationem, utpote qua caute utendum Episcopis.

2. Censuras, ab uno Episcopo latis, etiam alii observent, præsertim Regulares.

Tit. XXXII.

*De Penit. & Remiss.*

*Cap. 1.* Excommunicatur Medicus, si tertio ad ægrotum invisat, antequam sacramentum penitentiae susceperit.

2. Regularibus Episcopus non committat munus Confessarii, nisi a suis superioribus aptitudinis testimonium habeant.

3. Pueri circa sacramentum penitentiae instruantur, sed ita caute, ut nihil mali, quod nesciant, discant.

4. In Cathedralibus constituatur Præbenda pro Penitentiario, qui statis diebus & horis in Ecclesia Cathedrali in sua sede Confessionali sit præsens; & tunc, & non alias, si Canonicus erit, fructus integros faciat suos, acsi choro interesset.

*Subscriptiones.*

Huic Synodo subscripserunt 32 Cardinales. 4 Cardinalium Procuratores. 44 Episcopi. 3 Abbates. 23 Episcoporum, & 5 Abbatum Procuratores. Præter hos interfuerunt Concilio 48 Theologi, 31 Decretalistsæ, 7 Historici, Chronologi, & Geographi Sacri. 2 Promotores Fiscales. 2 Secretarii. 7 Magistri Ceremoniarum. 2 Notarii Apost. 3 Scribæ. Cum aliis pluribus officialibus.



*Appendix.*

Addita proluxa appendix de explicanda doctrina Christiana : De Præbenda Theologica & Pœnitentiaria : De Obligatione Abbatum suscipiendi Benedictionem ab Episcopis, in quorum Diœcesi sunt electi. De Clericis laicali habitu incedentibus. De Quarta funeralium, parochis solvenda a Regularibus : De conficiendis Inventariis : De Archiviis. De Relatione status Ecclesiarum conficienda in visitatione sacrorum liminum.

De Appellationibus : De celebratione in Oratoriis privatis. De conventibus Clericorum hebdomadariis ad casus conscientie enucleandos, & sacros ritus. De vita & honestate Clericorum. De locatione & emphyteusi. De eremitis certæ Ecclesiæ servitio addicendis. De mediis fructibus primi anni fabricæ applicandis. De Ecclesiarum Immunitate locali. De Seminariis erectis & erigendis. De instructione puerorum pro sacra Confessione, & Communione.

Hæc omnia una cum Decretis recensitis collecta sunt in libro, anno 1726 Augustæ Vind. edito, juxta Exemplar Romanum.

## Art. VIII.

*Gesta sub Pontificatu Clementis XII. Cardinales. Motus in Corsica. Abdicatio Regis Sard. Domus Farnesia extincta.*

*Bichi tandem Cardinalis. Cæsarei in Corsicam.*

*Gastonis dispositio de Florentia, invito Cæsare.*

94.

Anno eodem, quo Benedictus XIII obiit (1730) a Cardinalibus, post varios motus, quos sæculares maxime Principes per suas *exclusivas*, ut vocant, concitaverant, magno tandem consensu electus est Laurentius Corsini Florentinus, *Clementis XII* assumpto nomine.

Cardinales,

Mortui autem sunt eodem anno Cardinales: Barbarigus, Venetus, Episcopus Patavinus: Ansideus, Perusinus: Augustinus Pipia, Sardus, qui prius erat Generalis Ordinis S. Dominici: Pamphilus, Romanus: Bernardus Conti, frater Innocentii XIII: Caracciolus Neapolitanus: Collicola Spoletanus: Cufanus, Mediolanensis.

Creati

Creati vero a novo Pontifice sunt Grimaldus Genuensis, sub tribus Pontificibus Nuntius Apost. Viennæ: Muffeus Pedemontanus, Nuntius Parisiis: Aldobrandinus Florentinus, Nuntius Venetiis & in Hispania: Ruspolus Romanus, Secretarius Congregationis de propaganda Fide: Corfinus nepos Pontificis. Allemannum autem Salviati, Florentinum, Benedictus XIII adhuc ante mortem renuntiaverat.

*Corfica* intestinis turbis miscetur, incolis adversus Genuenses, Dominos suos, insurgentibus. Nam cum Gubernator pecuniam Turbæ in reposceret, quæ Corfis anno superiore ad coemendum frumentum *Corfica* fuerat suppeditata, & alioquin cum jugo suo agris animis lustarentur, ad 20000 conglobati, ductore *Pampiliano*, Bastiam, urbem Insulæ principem, fusis in tormenta campanis, expugnarunt, Gubernatore *Pinello* in arcem profugiente. Genuenses efferatos animos mollire satagebant; sed Corfi obstinatis in libertatem pectoribus seditioni suæ insisterunt, per 30 jam annos in hanc usque diem continuatæ, ingenti Genuensis Reipublicæ molestia, sumptuque.

Aula Taurinensis magnam hoc anno mutationem subiit, quippe *Victor Amedeus II* translato in filium *Carolus Emmanuel* Regno *Abdicatio* Sardiniae & Principatibus, sub nomine Comitis de Tende *Cambe* *Amedei*. rium in Sabaudiam abiit, privatam ibi vitam acturus, reservatis sibi 25000 thaleris annuis.

Verum anno sequenti pœnitere, & repetiturus sceptrum visus, in arce Rivolio fuit custoditus, conjuge Cevam abducta. Filius autem, lectis egregiis Ministris, Regimen sapientissime est auspiciatus.

Aliquid tamen controversiæ cum Aula Viennensi incidit, ubi in Ducatibus Sabaudiae, Pedomontii, & Montisferrati per Solarium Legatum infeudationem petiit, quæ tamen ceremonias modumque magis eam recipiendi, quam substantiam concernebat. Quo situ corporis Legatus eam reciperet, disputabatur, & an minora feuda coram Judicio Aulico?

De aliquibus feudis etiam cum Aula Pontificia mota est quaestio, an Pontifex ea tanquam Dominus directus, an vero Rex conferret. Rex contulit, Roma protestante.

Anno 1731 obiit *Antonius, Dux Parmensis*, 52 ætatis, Regimen quarto, ultimus masculæ stirpis *Farnesiæ*. Supererat autem ejus ex fratre *Odoardo Neptis Elisabetha*, Regina Hispaniæ, cujus filius *Carolus*, natu maximus, secundum Fœderis Quadrupli & pacis Viennensis placita tunc successisset, nisi *Henrica, Ducis Antonii* vidua,

95.  
Domus Farnesiæ emor-  
tua.



Administratio  
provisionalis. vidua, Ducis Mutinensis filia, prole gravidam se dixisset. Nam interim Cæsar, donec eventus ostenderet, quid rei subit, immisit octo armatorum millibus, Ducatum Parmensem & Placentinum occupavit, & per Comitem Stampa administravit.

Cum autem Henricæ imaginatio & spes prolis disparuisset, Caroli jus nemo amplius disputabat. Quia tamen minorennis adhuc erat (15 videlicet annorum) Imperator Dorotheam Sophiam Palatinam, Elisabethæ, Hispaniæ Reginæ, matrem, Caroli Principis Aviam, provinciarum Regentem, Florentiæ vero Ducem Caroli, donec 18 ætatis annos impleisset, tutorem constituit, recedente Cæsareo milite, & præsidio nationali locis munitis impositis, cui tamen Cæsar Parmæ Löwensteinium, & Placentiæ Witgenavium præfecit, Friderico Wirtembergico militiæ præposito.

Clemens XII comperta Antonii Ducis morte, Oddum Parmam misit, utriusque Ducatus, seu feudum Pontificii, vacantis, possessionem capturum. Et favebant cives; sed ubi Stampa, exercitu admotum, vim minabatur, Castris etiam & Roncioni invadendi mentione injecta, apertis portis, Cæsareum militem receperunt, Oddo solemniter protestante.

Obiit hoc anno 1731 unus tantummodo ex Cardinalibus, nimirum Jacobus Boncampagnus, Ducis Sorani filius. Creati vero sunt, Sinibaldus Doria, Vice Legati Avenionensis, & Archiepiscopi Beneventani perfunctus muneribus: Josephus Firrao, Neapolitanus, Nuntius in Helvetia & Lusitania: Antonius Quadagni, Florentinus, Episcopus Aretinus, Pontificis ex sorore nepos, ex Carmelitano Ordine assumptus: Xaverius Gentili, Romanus.

Bichio Car-  
dinalis.

Ac tandem Vincentius Bichi, Senensis, magnarum contentio-  
num vel auctor vel occasio. Erat quippe Nuntius Apost. in Lusitania. Rex, advocatum licet, noxite dimittere, nisi purpura ornatum: quam tamen Innocentius XIII & Benedictus XIII constanter ei negaverant. Contentio eo usque incaluerat, ut Rex omnes Lusitanos Roma advocaret, commerciumque cum eadem suis interdicere, neque admitteret Firraum, quem Papa Nuntium Bichio substituerat. Denique Clemens XIII cedendum ratus, Bichio Cardinale renuntiato, Regem pacavit.

Cæsarei in  
Còrnucam.

Quamvis Genuenses 4000 milites in Corsicam miserint, sôptre tamen non poterant turbas. Quare 6000 Cæsareorum, quos Wachendonchius Tribunus ducebat, in Insulam transportarunt, suis stipendiis alendos. Verum nec decem ista millia sufficiebant; siquidem Corsi, jam fugiendo in montes, jam majori numero reversi, omnem

omnem operam ludebant: nec movebantur, cum oppida sua conflagrare cernerent.

Conditiones tamen dandæ pacis obtulerant, quas Genuenses acceptare non poterant. Petebant etenim, omnia privilegia sibi restitui. Extraordinarias exactiones, quibus ab anno 1715 contra litteras suæ libertatis fuissent pressi, penitus tolli. Sibi dedi eos, qui talium exactionum causa fuissent. Omnia prædia ex Insula abduci. Adhæc postulabant, magnam ejusdem partem, supremo jure gubernandam, sibi cedi.

Luccana Respublica recusabat, Cervionem, a Pontifice designatum Archiepiscopum, acceptare. Unde Papa ejus Legato accessum prohibuit. Postea tamen cessit quoad personam, & Colloredum eis dedit Archiepiscopum.

Gasto Dux Florentiæ de nulla hæcenus conventionem circa Ducatum suum mentionem fieri voluit. Jam vero animum Gastonis ad Carolum, Hispaniæ Principem, ex Margaretha avi sui sorore descendentem, opera P. Salvatoris Ascanii Capucini, Hispaniæ Internuntii, magis applicuit, & pactum velut Familiæ erexit.

In hoc statuitur, ut, si Magnus Dux sine masculino hærede decederet, Princeps Carolus ei immediate succedat, huic vero filius natus maximus, & si tali careret, frater. Si autem nullus talis superesset, Elisabetha, Regina Hispaniæ, Caroli mater: ac desuper Senatus Florentini subscriptio & juramentum exigatur. Ex parte autem Caroli promittitur solutio debitorum status.

Ecclesiasticum & Politicum Regimen in statu quo conservetur, relictis subditis suis privilegiis. Commerciis cum Hispania fruantur, quibus amicissimæ Nationes. Interea autem Dux regat, quamdiu vivit, sicut antea. Post mortem autem illius omnia bona, mobilia & immobilia, feudalia & allodialia, ubicunque sita, Carolo tanquam Magno Duci obtingant, cum aliis juribus, prout ea Domus Medicæa possederat. De bonis autem hæreditariis, ab avia sua Victoria, ultimi Ducis de Urbino filia, relictis, Gasto sibi reservat liberam dispositionem.

Post mortem Gastonis ejus soror Maria Anna, Electoris Palatini vidua, Magnæ Ducis titulum gerat, & ex publico fundo ejus Aula sustentetur, atque usque ad majorennitatem Caroli tutrix regat: imo etiam, postquam Carolus 18 annos impleverit, omnia ejus consilio dirigantur. Horum denique sponsio ab Anglia & Hollandia petatur.

Ad.



Adjectus fuit separatus articulus, quod Princeps Carolus vi-  
vente adhuc Galtone Florentiam venire, & ibidem suis sumptibus  
degere possit, quin tamen Regimini se misceat: simulque Galto per-  
mittit copiis Hispanicis liberum in Parmensem Ducatum transitum,  
quin tamen in ditione Florentina subsistant.

Non placuit Cæsari hæc conventio, quod per eam de Imperii  
feudo velut libera hæreditate disponderetur, contra tenorem Qua-  
drupli Fœderis, & pacis Viennensis. Sed res ista commoda inter-  
pretatione salvi juris Cæsarei fuit composita, ita quidem, ut Caro-  
lus cum sex millibus Hispanorum in Hetruriam trajiceret.

Obiit hoc anno *Violanta* Beatrix, Ferdinandi Florentiæ Ducis  
jam ab anno 1713 improlis vidua, Senensis Gubernatrix, ætatis  
anno 58. Hæredem scripsit Ferdinandum, Ducem Baviariæ, suum  
ex fratre nepotem.

### Art. IX.

*Coscia in jus vocatus. Pæctio cum Corsis. Carolus Dux Parmæ.  
Lusitania placata. Sententia in Cosciam. Bellum Italicum.  
Carolus Neapolim occupat & Siciliam. Pugna ad  
Bitontum. Papa Investituram negat. Pugna  
Parmensis, & Guastallana. Mercius  
occumbit.*

26. Anno 1732 continuatæ sunt Controversiæ Pontificem inter  
& Aulam Taurinensem, ratione Jurisdictionis & Immunitatis Eccle-  
siasticæ, cum Venetis vero Romæ propter aylum Palatii Ve-  
neti Legati.

Cardinalis Coscia, qui post mortem Benedicti XIII Neapolim  
repperat, citatus est Romam, ut actum suorum rationem red-  
dat. Comparuit, atque ad examen tractus est.

Cardinales obierunt, Prosper Marescoschi, Cornelius Bentivoglio, & Emericus Czacky. Creati vero sunt novi, videlicet  
1. Trajanus *Aquaviva*, Præfectus Palatii Apost. Ducis Atri in Neapolitanis filius. 2. Agapitus *Mosca*, Pisaurus, Camerarius Apostolicus.

Neapoli Dux Coscia, Cardinalis frater, prædium emit a Cardinale Cibo, sed lite apud Cæsarem mota restituere debuit, eo quod esset

esset Fideicommissum Familiae Harrachio Proregi Neapolis suffectus est Julius *Vice-Comes*, primus haecenus Minister Aulae Bruxellensis.

Cum Corsi tumultuari pergerent, Caesar, a Genuensibus impetratus, adhuc 6400 militum in Corsicam misit, sub Ludovico Würtembergio & Shmettavo; a quibus, post varia certamina, cum Corsis Conventio sub Caesarea cautione est inita.

1. Captivi liberentur. 2. Corsi etiam assumantur ad officia militaria, ne quidem suprema belli praefectura excepta. 3. Colla-Pactio cum Beneficiorum sit penes quamlibet Ecclesiam. 4. Praecipuae re-Corsis. 5. gni familiae Nobilitati Genuensi adscribantur. 6. Quatuor ex octo Episcopatibus Insulae Corsis conferantur. 7. Corsis fas sit, scholas & seminaria propriis sumptibus erigere. 8. Mediolani sit tribunal, ad quod Corsi appellare, atque ad Caesarem, seu sponsores, possint recurrere, si Genuenses hos articulos non fervarent.

Quatuor nihilominus seditionis capita, Basiæ capta, Genuam abducta sunt, quo etiam Würtembergius concessit, relictis sub Wachtendonckio aliquot cohortibus, & 2000 Genuensium.

Aloysio Mocenigo Venetorum Duci successit Carolus Ruzzini, Procurator S. Marci, qui Ultrajectensi & Passarovicensi pacificationi interfuerat, de Republica optime meritus.

*Dux Carolus* hoc anno Parmæ & Placentiæ magna cum veneratione exceptus est, Duce de Liria, Hispano Viennæ Legato in id incumbente, ut Caesar Investituram eidem conferret, Roma veniens, ut feudum Pontificium recognosceret. Florentiæ autem Carolus jam ante homagium receperat, invito Caesare, ac protestante. Usus etiam est Carolus titulo Principis Castri & Comitatus Roncioni. At Pontifex sua jura reposuit, hæc Romanæ Ecclesiæ feuda dudum cum Dominio directo fuisse consolidata.

Anno 1733 Galli Avenionem cingebant, quod homines, qui vetitas merces regno intulissent, in illam velut asylum confugissent. At res per Vice-Legatum cum Mallebojo, eorum Duce, brevi fuit composita.

Bichio Cardinale creato, restituta omnino fuerat Sedem inter Apóst. & Joannem V Regem Lusitanæ amicitia. At hoc anno Rex Lusitanæ petiit, ut eorum, qui ad Inquisitionem traherentur, bona fisco addicerentur, & appellatio eorum ad Regem deferretur, atque ut Patriarcha Olyssiponenis deinceps semper Cardinalis esset. Prima duo negabantur; ad tertium responsum, modernum Patriarcham ad Cardinalatum promotum iri.



Obierunt Cardinales, Salviati, Borgia, Banchieri, Doria, Grimaldi: creati vero, Dominicus *Riviera*, Urbinas, commendatione Jacobi III Regis Angliæ: Joannes Bapt. *Spinola*, Genuensis, qui hæcenus fuerat Gubernator urbis: Marcellus *Passeri*, Auditor Palatii Apostolici.

In Cardinalem Coscia lata fuit sententia, ut decennem custodiam in Castro S. Angeli subeat. Beneficiis Ecclesiasticis sit privatus, prout etiam jure eligendi Pontificem. Damnum Camera Apostolicæ illatum compenset, & insuper multam pecuniariam pendat; quod gratia prioris Pontificis abusus, lucri cupidus, munera acceperit, falsi & Simonix reus, injustas opes corraserit &c. Verum rigor hujus sententiæ multum dein est mitigatus, loco carceris Monasterio S. Alexii substituto.

Romæ baptizatus est Princeps Maroccanus.

Rex Sardinix, compositis utcunque circa ceremonias controversiis, per Comitem Solarium Investituram feudalem in Ducatus Sabaudix, Pedemontii, Montisferrati, terras Langharum, & Vicariatum Italiæ, coram throno Cæsareo receperat, cum legatus conqueritur, portam sibi non satis, ut fieri soleret, ad introitum fuisse apertam.

97. Brevi autem post fœdus, cum Gallia & Hispania initum, Rex promulgavit, & edito *Manifesto*, ut vocant, Cæsari bellum indixit.

Gallicus interea exercitus, 40000 constans, Ductore Villario, per Delphinatum & Sabaudiam in Pedemontium profectus, ad Vercellas cum 12000 Sabaudorum se conjunxit. Indeque Rex, supremus, ut tabulæ fœderis statuerant, belli Præfetus in Ducatum Mediolanensem movit: ibique anni hujus expeditione quatuor insignia munimenta, Vigevanum, Paviam, Pizzighetonam, atque adeo ipsam permunitam Mediolanensem arcem cum urbe occupavit. Daunius vero, Mediolani Gubernator, comperta hostium irruptione, cum Archivio Mantuam se recepit, indeque Viennam profectus, gratia Cæsaris excidit, quod Ducatui non melius providisset.

Carolus, Dux Parmensis, particeps tripli fœderis, publicari curavit, se, cum 14 ætatis annum attigerit, a Patre suo *Majorem*, atque Regiminis capacem fuisse declaratum. Quo facto Sophia Dorothea, ejus Avia, & Gasto Dux Florentiæ, qui neutras partes sequebatur, tutelam Caroli posuere, Hispanus autem exercitus, *Montemario* ducente, Liburnum appulsus est.

Sequenti

Sequenti vero anno 1734 suis sumptibus per statum Ecclesia-  
sticum in Regnum Neapolitanum, ipso Carolo Duce supremo Ar-  
chistratego, progressus, Traunium, qui vix ultra 3000 sub signis pol. m. ex-  
habebat, a finibus S. Germani depulit, & Capuam inter & Cajetam pugnāt.  
castra locari coegit. Propulso non minus Caraffa, Duce Casareo,  
a transitu Mignano, per Cajacium & Averfam processit Neapolim us-  
que, quam, expugnatis arcibus, triumphantis more Carolus in-  
gressus est: Vice Comite Prorege Brundisio Anconam trajiciente.

Dux Castropignanus interea cum Marchione *Minasio* in Apu-  
liam movens a Caraffa est victus ad Bovinum; sed Montemario  
cum suppetiis accurren-  
te ad *Bitontum* decretoria commissa est pugna, Pugna Bi-  
tontina.  
qua victus Imperatoris exercitus profugit, Pignatellio, Rodoschio,  
aliisque captis.

Solæ supererant Casari duæ permunitæ urbes, Capua & Ca-  
jeta; verum illam Marfillacus Traunio, hanc Dux de Liria Tatten-  
bachio extorsit; ut adeo unius ætatis expeditione totum Regnum.  
Neapolitanum ab Hispanis expugnaretur.

Imo mense Augusto copiæ in *Siciliam* trajectæ, sub Montema-  
rio *Panormum*, sub Marfillaco *Messinam* occuparunt, sequentibus Et Sicilia,  
exemplum capitum reliquis urbibus, Comite Sasthago Prorege Me-  
litam profugiente. Atque hac fortuna duo regna unius expeditio-  
nis fructus fuere.

Hispanorum victoriâ promoverunt, tum propria virtus  
bellica, tum paucitas Germani militis, tum etiam non omnium in  
Domum Austriacam fides integra.

Pontifex, ut tanquam Pater universalis neutri ex filiis magis  
favere videretur, transitum quidem innoxium per terras suas Hispa-  
nia permissit, pristini tamen possessoris memor, negavit tunc Caro-  
lo Hispaniæ Principi investituram Neapolitanam. negat.

Ex Cardinalibus hoc anno 1734 obierunt, Franciscus Falco-  
nieri Romanus; Didacus Dastorgas de Cespedes, Hispanus; Fride-  
ricus Comes Althanus, Germanus; Franciscus Pignatelli, Archi-  
episcopus Neapolitanus & Decanus sacri Collegii. Eorum vero  
in locum successerunt

1. Pompeus *Aldovrandi*, Bononiensis, Gubernator urbis.
2. Seraphinus *Cenci*, Romanus, Archiepiscopus Beneventanus.
3. Jacobus *Lanfredini*, Florentinus, Secretarius Congreg.  
Concilii.
4. Petrus Maria *Pieri*, Generalis Ord. Servorum B. V. M.  
natione Senensis,



Corfi rursus  
tumultuan-  
tur.

99.

Pugna Par-  
menfis.

Mercii mors.

Königs-  
eckius

Broglum fu-  
gat.

Pugna ad  
Guaftallam.

Fœderati  
Mutinam oc-  
cupant.

Corficani, inſuperhabita conventionē, qua ipſis inſignia pri-  
vilegia fuerant conceſſa, & quatuor etiam, qui capti fuerant, re-  
belles, cum famoſo *Raffaele* fuerint liberi dimiſſi, ſtipulata plena  
amneſtia, rursus, dum Genuenſes tributa conſueſta exigebant, tu-  
multuari coeperunt, *Ginaſtro* maxime & *Ornano* auctoribus, interfe-  
ctis non paucis ex Genuenſibus, & Caſtello Cortenſi expugnato.

Gallo-Sabaudi, Ducatu Mediolanenſi ſubacto, Mantuano immi-  
nebant. Verum Comes *Mercius*, cum 5000 per fines Venetorum,  
qui neutras partes ſequebantur, in Italiam profeſtus, propulſis ho-  
ſtium ſtationibus, Padoque ſuperato, *Mirandolam* cepit, atque in-  
ter Colornum & Parmam caſtra metatus eſt.

29 Junii ad *Parmam* pertinax & cruentum commiſſum eſt præ-  
lium, quo, ut fertur, 6000 Cæſareorum, 4000 Gallo-Sabaudi ce-  
ciderunt. Penes iſtos, opportuno loco dimicantes, victoria ſtetit,  
*Mercio* ipſo, ſupremo Aultriacorum Duce cum Principe *Culmba-  
cenſi* in acie caſo. Cæſarei verſus Mantuam, ut eam defenderent,  
ſe receperunt, atque ad *Quiſtellum* tam opportune ſe locarunt, ut  
fœderati eos non auderent invadere; hoſte utroque adverſam Se-  
ciæ ripam occupante.

Venit interea in caſtra Lotharius Comes *Königseckius*, in ſupre-  
ma belli Præſectura ſubrogatus *Mercio*, qui noctu cum parte exer-  
citus, tranſmiſſa *Secia*, *Broglum*, Gallorum Ducem, nihil tale ſu-  
ſpicantem, oppreſſit, & in tumultuariam fugam egit, multa præda  
reliſta, caprisque non paucis. Quod ſtratagema omnibus Germa-  
niæ pagellis prædicabatur.

19. Sept. propè *Guaſtallam* rursus ventum ad manus, pugna-  
que conſerta acerrima, æquo ferme Marte, in qua cum multis aliis  
cecidiſſet *Ludovicus Württembergius*. Poſt prælium Cæſareus exercitus  
verſus Mantuam, ſervatis tamen ordinibus, ſe recepit, ſuppetias  
ex Tyroli exſpectaturus.

*Mirandolam* Marchio *Mallebois* tentaverat; ſed *Neupergius* Co-  
mes eum ab obſidione depulit. His utrinque geſtis, in hyberna  
conceſſum eſt.

Raynaldus Dux Mutinæ, quamvis ſe neutrum declaraffet, quia  
tamen Cæſarei *Mirandolam* occupaverant, fœderati eum ſuſpectum  
habebant, provinciamque ejus præſidiis tenebant. Ipſe autem cum  
aula ſua Bononiam abiit, Princeps vero ejus hæreditarius primo Ge-  
nuam, dein Pariſios.

Parmam

Parmam & Placentiam Hispanica præsidia occupabant, reliquam ditionem Galli. Carolus vero Dux, post cessionem sui patris, renunciatus est *Rex utriusque Siciliæ*, magna cum solennitate Neapolim, sedem Regiam ibi fixurus, ingressus, singularem in omnes clementiam & liberalitatem exhibuit. Plerique Nobiles fidem ei jurarunt; quibus dein officia distribuit. *Montemarium* vero Principem *Bitontinum* dixit, ad memoriam victoriæ, ibidem relatæ.

Porro Hispanus exercitus, postquam nullus amplius in Neapolitano & Siciliæ regno debellandus supererat hostis, regressus magnam partem in Hetruriam, *Orbitellum*, aliaque, quæ Cæsareis adhuc præsidiis tenebantur, loca expugnavit.

## Art. X.

*Cæsareus exercitus se recipit in Tyrolin. Præliminaria pacis.*  
*Non placent Hispanis & Sardinis. Turbæ Rom. Theodorus personatus Rex Corsicæ. Acceptatio Præliminarium.*

Anno 1735 Königseckius Vienna, quo per hyemem concesserat, redux in Italiam, trium coronarum grandem exercitum conjunctum invenit, suum vero plurimum imminutum. Cum igitur resistendo non esset, ne reditus sibi in Tyrolin, aut communicatio cum illa intercluderetur, primum in Veronenses fauces, dein vero Roboretum se recepit. Secutus est quidem *Noallius*; sed omnes Tyroleos aditus ita obseptos munitosque invenit, ut penetrare nulla ex parte posset.

100.

Receptus Königseck i.

Hispani interea *Mirandolam*, quam Stenzius defenderat, expugnarunt; solaque in Italia Cæsari Mantua erat reliqua. De hac de *Mirandolæ* liberatum inter fœderatos Duces. *Montemarius* eam oppugnari volebat, nolebat Rex Sardinie. Tandem obsidio placuit. Propugnavit autem eandem *Wigenavius*.

Verum dum hæc aguntur, nuntiantur Induciæ & *Præliminaria pacis*, Cæsarem inter & Galliam Viennæ inita. Constant illa septem *Præliminaria Articulis*, quorum Italiam quatuor contingunt, secundus videlicet, *pacis*, tertius, quartus, & quintus.

2. Statuitur, ut Ducatus *Florentinus* post mortem Gastonis obtingat Duci *Lotharingiæ*, pro cessa *Stanislao*, Regi *Poloniæ*, *Lotharingia*.



ringia. Interim autem eductis ex Tuscia Hispanis præfidiis, Cæsarea introducantur. Liburnus tamen portus liber maneat.

3. *Princeps Carolus* retineat regna Neapolis & Sicilia; atque Rex utriusque Siciliae agnoscatur. Possideat etiam Portum Longum, & loca in littoribus Hetruriae, quæ Pater ejus, Philippus V tempore Quadrupli Fœderis possedit. Per generalem amnestiam omnibus restituantur bona & Beneficia Ecclesiastica, qui hoc bello alterutri parti adhæserunt.

4. *Rex Sardinia* ex Ducatu Mediolanensi consequatur aut Novarram & Vigevanum, cum suis districtibus, aut Novarram & Tortonam, prout elegerit, simulque Longbarum feuda, quæ 56 loca complectuntur, sed omnia sub nexu feudali Imperii.

5. Reliqua omnia, quæ ante hoc bellum in Italia possederat, restituantur Cæsari; simulque Parmæ & Placentiæ Ducatus ei ceduntur pro Neapoli & Sicilia. Præensionem vero in Ducatum Castri, & Comitatum Roncilionensem non prosequatur. Domui autem Guastallæ ratione Mantuæ justitiam administret.

Non placent  
Hispanis &  
Sardis.

Hæc præliminaris conventio, a Sinzendorffio & Baunio Viennæ confecta, non placuit Hispanis, qui Tusciam, Parmam, & Placentiam deberent dimittere, neque Regi Sardiniae, qui ad Mediolanum respexerat. Unde Hispani, induciis cum Gallis jam factis, ab *Hildburgbusio* ex agro Mantuano propulsi, Portum Herculis & Status præsidii expugnarunt. In Sicilia vero Rex Carolus magna cum solennitate fuit coronatus, brevique etiam Siracusa & Trepanum, quæ hætenus resisterant, in potestatem Regis venerunt.

Corfi.

*Corfi*, Principum viribus alio abstractis, animosiores facti, jugo omni excusso, novum sibi, qui regnum gubernaret, Senatum constituerunt, in quem lecti sunt *Ciculus*, *Paulus*, *Giafferus*. *Riviera* vero præfectus fuit militiæ.

Veneti Ruzzino Duci suo mortuo subrogarunt Aloysium *Pisani*, cujus loco procurator S. Marci electus est Bragadinus, & loco Vernieri defuncti Zacharias Canale. Patriarcha vero Aquilejensis seu Utinensis Delphinus consecravit Cornerum novum Patriarcham Venetum.

Lud. Card.  
Borbonius.

Oblit Cardinalis Nicolaus Spinola, creati vero sunt Josephus *Spinellus*, qui Pignatellio Archiepiscopus Neapolitanus successerat. Alter, quem Papa ad commendationem Aulae Madritensis purpuræ honore donaverat, erat *Ludovicus Princeps Hispaniæ*, Caroli utriusque Siciliae Regis frater, dictus subin *Cardinalis Borbonius*, etiam Archiepiscopus Toletanus renunciatus, quamvis novem tantum

tum esset annorum. Cum autem ad maturiorem pervenit ætatem, nec Galerius, nec Thiara placuit.

Obierunt quoque duæ Reginæ, Sardinia & Angliæ, videlicet Polyxena, ex Domo Hasso-Rhenofelsensi, & Clementina Jacobi III Conjux.

Anno 1736 magnus Romæ tumultus fuit concitatus. Cum enim Hispani milites frequentes per terras Status Ecclesiastici transirent, contributiones exigent, & homines ad militiam adigerent, plebs Romæ palatium Farnesium invasit, fenestras lapidibus impetiit, & insignia Caroli Regis decussa confregit. Accurrerunt Marchio Crescentius, & ipse etiam Princeps a S. Cruce, Cæsaris Orator extraordinarius ad sedandas turbas; cumque aliqui tumultuantes a Cardinale Aquaviva, Hispano Legato, veniam rogassent, res composita videbatur.

At, cum ad Ostiam quatuor ad militiam coacti Romani, a plebe salinaria, captis officialibus Hispanis, eriperentur, turbo vehementius in Pontificias terras ac subditos incubuit, iussis etiam Cardinalibus Belluga & Aquaviva cum omnibus Hispanis Roma excedere. Obtulit quidem Cæsar, ceu Defensor Romanæ Ecclesiæ, auxilia, sed, recedentibus brevi Hispanis, iis haud opus esse videbatur.

Corsi hoc anno cæperunt exhibere comædiam, satis lepidam. *Theodorus Neuboff*, natione Westphalus, Anglica navi vestus in Insulam splendido cum comitatu, apparatuque bellico, & duobus, ut fertur, thalerorum millionibus instructus, Rex Corsicæ libero in campo eligitur & coronatur, præmissa tamen Capitulatione: qua decernitur, ut regnum etiam ad posteros ejus transeat, 24 tamen habeat ex Corsis assessores, quorum 12 semper in ejus Aula versentur, & sine eorum consensu nihil gravius statuatur: Genuenses, confiscatis eorum bonis, exesse jubeat. Ad honores non nisi Corsos evehat. Ultra 1200 peregrinos milites ne introducat. Academia & Ordo Equestris erigatur. Regi tributum pendatur &c.

Creavit dein Rex Theodorus novos Comites & Barones, atque ex iis Equestrem Ordinem constituit. Cum Genuensibus geminum prælium conseruit. Primo vicit, altero victus est; & cum pecunia jam deficeret, mutato habitu Liburnum evasit, relicto tamen promisso, cum nervo belli novoque apparatu propediem se rediturum.

Rex Sardinia hoc anno Præliminaribus Viennensibus subscripsit, extractisque Mediolano, Pizzigethona, & Cremona præfidiis, *Novar.*

101.  
Theodorus  
Rex Corsicæ.

Sardus accepit præliminaria.



*Novarram & Tortonam cum suis districtibus elegit, simulque cum 4 aliis locis Langharum feuda ab Imperatore recepit. Despondit sibi Elisabetham Lotharingam.*

*Et Hispanus.* Hispani, acceptatis tandem & ipsi Præliminaribus, *Parma & Placentia* excessere: illius, Cæsaris nomine, possessionem cepit *Lobkovitius*, hujus *Wachtendonckius*. Quia tamen cessionis acta necdum fuerant commutata, Hispani adhuc hærebant in *Thuscia*. Dux vero *Mutinenfis* *Bononia* ad sua rediit. Quia autem tempore belli ejus ditiones multa sunt perpeßæ, Imperator ei Ducatum *Novellæ*, fiduciali jure possidendum, tradidit, ut ea ratione damnum ipsi compensaretur.

Novellara  
ad Mutinen-  
sem.

Obiit *Emmanuel Vilbena*, Lusitanus, Magister supremus Ordinis *Melitenfis*, 15 anno Regiminis. Altera mox die Equites elegerunt *Raymundum de Puig*, Nobilem *Majoricanum*. Si intra tres a morte dies Equites non eligant novum Magistrum, jus devolvitur ad Papam.

## Art. XI.

*Regis Theodori fata. Nuptiæ Sardi. Stirps Medicæa extincta.*  
*Succedit Dux Lotbringia. Obiit Dux Mutina*

102.

Anno 1737 Controversia oriebatur inter Pontificem, & Carolum, Regem Utriusque *Siciliæ*, qui nominationem ad Episcopatus & Abbatis prætendit, vetuitque, ne quid ultra ad mortuas, ut ajunt, manus deveniret.

Obierunt 4 Cardinales, 1 Renatus Imperiali, *Genuens*; in duabus electionibus dignus Pontificatu visus, sed Cæsareis non placuit. 2 *Curtius Orighius*, Præses Congregationis Concilii. 3 *Henricus Bissus Gallus*, Episcopus *Melden*. 4 *Antonius Zandedari*, *Senens*.

Creati vero sunt sex. 1 *Thomas Almeida*, Lusitanus, Patriarcha *Olyssiponen*. 2 *Josephus Comes Lambergius*, Episcopus *Passaviens*. 3 *Casparus Molinos*, Hispanus, Episcopus *Malacens*. 4 *Henricus Turenus à Auergne*, Gallus, Archiepiscopus *Viennens*. 5 *Joannes Lipsky*, Polonus, Episcopus *Cracoviens*. 6 *Carolus Rezzonico*, Venetus, natus anno 1693. Dominus conservet Eum!!

Rex Carolus, accepta cessione Cæsaris, factaque pace, ad decem Hispanorum millia dimisit, regnaque sua sapientissime ordinavit. Consilio bellico præfecit Comitem Charnium, Boncampagnum Aulæ, Corfinum Siciliæ.

Corfi Regem suum Theodorum expectabant reducem. At ille Theodori Amstelodami propter debita in custodiam datus; illis vero solutis <sup>fata.</sup> liberatus, latuit, ut nemo sciret, quo devenisset. Genuenses novum in Corsicam miserunt Commissarium, qui turbas componeret; sed *Ortoconi* pervicacia effectum nihil.

Veneti *Eduardo*, Jacobi III filio, ad urbem suam venienti, magnos honores exhibebant; quæ res tam graviter Londini accepta est, ut Legatus Venetus ex regno discedere fuerit iussus. Excusarunt Veneti, se id genus honoris aliis etiam Principibus deferre solitos. Cæterum Respublica a Cæsare permoveri non poterat, ut & ipsa in Turcam arma caperet.

Carolus Emmanuel Rex Sardinia tertium hoc anno matrimonium *Lunevillæ* per procuratorem, Principem Carignanum, agna-Nuptiæ. tum suum, iniit cum Elisabetha Theresia, Francisci Stephani, Lotharingæ Ducis, sorore. Rex illam in Sabaudia excepit, & mox Camberii Archiepiscopus Benedictionem nuptialem illis impertivit.

Imperator, pacificam Mediolani, Parmæ, & Placentiæ possessionem adeptus, omnibus tribus Ducatibus Gubernatorem præfecit Ottonem Ferdinandum *Traunium*, qui prius copiis Cæsareis Neapoli præfectus fuerat.

Florentiæ Acta Cessionis inter Cæsaream & Neapolitanam Aulam fuerunt commutata. Hispanæ copiæ decesserunt; Cæsareæ vero immigrarunt, atque ductore *Wachtendonkio* Pisam, Liburnum, & Portum Ferrarium occuparunt. Francisco Stephano vero Duci Lotharingæ Investitura in eventum est collata.

At brevi post obiit *Joannes Gasto*, Dux Magnus Hetruriæ, 67 <sup>103.</sup> ætatis anno, Regiminis 14, Medicæ stirpis ultimus. Successit <sup>Cum Gastone</sup> (fratre Ferdinando jam mortuo) Cosmo III patri suo 1723. Con- <sup>extincta</sup> <sup>stirps Medi-</sup> <sup>cæa.</sup> jugem, vel quasi talem, habuit Franciscam, Julii Francisci, ultimi Ducis Saxo-Lavenburgici primogenitam, Philippi Palatini viduam, quæ tamen ab eo in Bohemiam ad sua bona jam pridem recesserat, propter impotentiam, ut putabat, impedimentum. Supererat unica soror Maria Anna, Joannis Wilhelmi Electoris Palatini vidua, pariter sterilis: quæ ætate jam provecta quieti & præparationi ad mortem se dedit, mundo muliebri, regia habitatione, & 40000 scutorum annua pensione contenta.



Succedit  
Dux Loth.

Succedit igitur secundum pacta publica in Magno Thuscæ Ducatu *Franciscus Stephanus* Dux Lotharingæ, Imperatoris gener; & Princeps *Marcus de Craon*, Lotharingus, ejus nomine Acta Investituræ populo promulgavit, Ducatusque possessionem cepit, homagio & juramento fidelitatis exacto.

Obit Dux  
Mutinæ.

Obiit quoque *Raynaldus*, Dux *Mutinæ*, ætatis anno 83, Regiminis 44. Commendatione *Jacobi I* Regis Angliæ, qui ejus neptim habebat conjugem, primum factus est Cardinalis, sed cum *Franciscus II* (ejus ex seniore fratre nepos) 1694 sine liberis decessit, deposita purpura, eidem in Ducatu Mutinensi succedit, ceu hæres proximus.

Anno 1696 duxit *Carolinam Felicitatem*, Joannis *Friderici*, *Hannoverani Ducis* (qui Catholicam Religionem professus fuerat) filiam, sororem Imperatricis *Wilhelmine Amaliæ*. Propter quam affinitatem *Raynaldus* semper partes Austriacas fuit secutus.

Quapropter a Gallis bis Ducatu pulsus, videlicet 1703 & 1734. Sed bis iterum restitutus, nempe 1706 & 1736. in compensationem damni *Novellaram* a Cæsare accepit, prout etiam *Aradum* in *Hungaria*. Ducatum autem *Mirandulæ* & *Concordiæ* jam anno 1710 emptione acquisivit a Cæsare, protestante licet *Domo Gonzagana*; in *Ferrariensi* autem Ducatu insignia bona per hæreditatem, defuncto *Marchione Estensi* agnato.

Succedit  
Franc. filius.

Succedit *Filius Franciscus Maria*, natus anno 1698, qui ducta anno 1720 *Carolina*, *Philippi II Ducis Aurelianensis*, Galliarum tunc Regentis filia, ob, nescio quas, dissensiones, a Ministris Aulæ nutritas, a patre *Raynaldo* se separavit, & modo *Genuæ*, modo *Parisiis* cum conjuge degebat. Tempore mortis paternæ bello *Turcico* interfuit; unde provincias interim soror administrabat, donec frater, quem Imperator large *Viennæ* donatum rei tormentariæ per omnes in Italia Cæsareas provincias præfecit, *Mutinam* rediret, & habenas capefferet. Filius ejus *Franciscus Constantinus* priore jam anno sibi desponderat *Theresiam*, *Massæ* & *Carraræ* Principem.

Art. XII.

*Investitura Siciliae. Nuptiae Caroli Regis. Galli in Corsicam. Theodorus in carcere. Alberoni spiritus. Obiit Cienfuegos Card. Tencin fit Card. Obiit Clementis XII.*

Anno 1738 Pontifex, compositis diffidiis, Carolo Regi utriusque Siciliae Investituram contulit, postquam per Cardinalem Aqua-viva juramentum fidelitatis deposuit. Recepit etiam a Colonna Siciliae Comite Stabuli fionipodem cum 7000 aureis annuo canone. Protestati contra hos actus sunt Cardinalis de Judice & Comes Harra-chius, Ministri Caesarei, eo quod Rex Hispaniae necdum subscripisset tractatum pacis initae.

Cardinales mortui sunt 4, nimirum 1 Fabius Olivieri, Pisaurus. 2 Hannibal Comes a Schrattenbach, Episcopus Olomucensis. 3 Franciscus Barberini. 4 Josephus Pereira. Suffecti vero tres. 1 Reinardus Delci, Bononiensis, Nuntius Parisiis. 2 Dominicus Passionei, Fossombrunensis, Nuntius Viennae. 3 Valentinus Gonzaga, Mantuanus, Nuntius Madriti.

Carolus Rex utriusque Siciliae duxit Mariam Amaliam, Poloniae Regis & Saxoniae Electoris filiam primogenitam, splendida ubique veneratione exceptam. Frater ejus quoque, Princeps Electoralis, Romae & Neapolim invisit, sub nomine Comitis Lusitiae, comitibus Wackerbarthio, & Brühllo. Rex, praeter alias solennitates, Ordinem S. Januarii instituit; cujus regulae sunt, defendere Religionem Catholicam: tollere inimicitias: Deo & Regi fidem servare: 19 Sep. Ordinis festo communicare: pro defunctis Equitibus orare: duello abstinere, nec illud acceptare: cultui Divino interesse. In hunc Ordinem, cujus Rex ipse supremus est Magister, primo suscepit Philippum & Ludovicum fratres suos, cum Principe Electorali Saxoniae, dein praecipuos Nobilitate Proceres 48.

Inter Caesarem & Regem Sardiniae orta controversia ratione Serravallis, urbis & transitus in finibus Genuensibus, quem Rex ad Tortonam spectare dicebat, negabat Imperator.

Venit cum sex cohortibus Gallicis Comes de Boissieux in Corsicam, pacem suaturus: sed frustra, praesertim, postquam Theodorus cum novo rursus armorum apparatu in Insulam appulsus est. At hortatus incolas, ne Gallos audiant, fidaeque sibi persistant, Neapolin



Theod. in  
carcere.

polin abiit, ubi captus, datusque Cajetæ in carcerem, brevi rursus liberatus est. *Castaneta* interea & *Hyacinthus Paoli* Gallos & *Genuenses* vicerunt.

Anno 1739 mortuo *Bossio* *Marchio de Mallebois* succedens, novas in *Corficam* adduxit copias, *Corfosque* ita concidit, ut multi cum *Paolo & Giaffero* se submitterent.

Dux Magnus  
in Italiam.

*Franciscus Stephanus Dux Magnus* *Hetruriæ* cum conjugē suā *Archiduce* in *Italiam* profectus 20 Jan. *Florentiam* attigit, rebusque ibi compositis, *Taurini* ad forem invisit. Serenissimum hoc par *Veronæ*, *Mantuae*, *Bononiæ*, *Florentiæ*, *Liburni*, *Pisis*, *Mutinæ*, *Parmæ*, *Placentiæ*, *Mediolani*, *Oeniponti*, quo Mater Ducis *Nanceio* excurrerat, incredibili, ut par est, solennitate exceptum est. Itineris Comes fuit Princeps *Carolus*, Ducis frater.

Cum *Aula Taurinensi* adhuc ferverbat disceptatio de *Serravalle*, an ad territorium *Tortonense* pertineat; tandem tamen Rex tractatui, *Cæsarem* inter & *Galliam* inito, subscripsit.

*Franciscus Maria Dux Mutinæ* *Investituram Novellarae* ab Imperatore accepit. Conjux ejus *Carolina Aglais*, post quinquennem in *Gallia*, patria sua, moram, *Mutinam* rediit.

Alberoni  
spiritus.

In parva *S. Marini* *Repubblica* inter senatum & populum ortis discordiis, hic ad *Sedis Apostolicæ* tutelam recurrit. Quare *Cardinali Alberoni*, *Ravennæ* *Vice-Legato*, injunctum est, ut causam cognoscat, & pro æquitate componat. At ille, adhucdum *Martiis* spiritibus fervens, armato cum milite in urbem irrupit, & *Pontifici* homagium præstari petens juramentum fidei imperavit. At *Pontifex*, re cognita, omnia in pristinum statum reponi iussit.

Cienfuegos  
obit.

Obierunt hoc anno *Cardinales* tres: 1 *Alvarus Cienfuegos*, *Hispanus* *S. J.* anno æt. 82, vir profundissima doctrinæ *Theologicæ*, prout ænigma ipsius *Theologicum* de *SS. Trinitate* satis demonstrat, nec minus tamen politicis artibus clarus. Quapropter eum *Cæsar* suum *Romæ* *Oratorem* esse voluit. Quamvis autem eidem etiam *Montis Realis* in *Sicilia* *Archiepiscopatum* attribuisset, solutis tamen debitis, nihil superfuit. 2 *Carolus Colonna*. 3 *Georgius Spinola*.

Tencin Card.

Subrogati vero sunt quinque: 1 *Cajetanus Stampa*, *Archiepiscopus* *Mediolanensis*. 2 *Petrus Tencin*, *Gallus*, *Episcopus* *Ebrodenensis*, vir magna probitate & doctrina, quam ostendit, dum postea *Romæ* *Gallici* *Legati* munere fungeretur, & *Parisiis* inter intimos *Ministros* assumeretur. 3 *Marcellinus Corio*, *Mediolanensis*, *Gubernator* *Romæ*. 4 *Prosper Colonna*, *Romanus*. 5 *Carolus Maria Sacripanti*, *Narniensis*.

Quan-

Quantum ad Nuntios, Barnius ibat in Hispaniam, loco illius Durini in Helvetiam, Archinto Florentiam, Oddi Venetiis in Lusitaniam, Crivelli Coloniam, Crescentius in Galliam, Stoppani Florentia Venetias.

Anno 1740 obiit *Clemens XII* Pontifex Maximus, ætatis 88, Pontificatus X. Multas Constitutiones edidit, quæ Bullarii Romani Tomum XIII & XIV implent: primam constituunt Regulæ Cancellariæ, quas more aliorum Pontificum confirmavit, & breviter delibandas censui.

### Art. XIII.

#### *Regulæ Cancellariæ.*

Et imprimis quidem renovavit & confirmavit 72. *Regulas Cancellariæ*, similes illis, quibus alii Pontifices a longo tempore auctoritatem, & vim legis impertierunt. Pleræque concernunt Beneficia Ecclesiastica, Reservationes nempe eorum, quæ Joannes XXII in Bulla *Execrabilis* Sedi Apostolicæ reservaverat. Item reservantur Dignitates Pontificales, majores post Pontificales, Beneficia vacantia per assecutionem pacificam alterius Beneficii, vacantia per obitum Cardinalis, aut ejus familiarium, aut per obitum curialium, Collectorum, aut quæ vacant Romæ in Ecclesiis S. Joannis Lateranensis, S. Petri, B. Mariæ Majoris: item Menses Papales, & quæcunque a Prædecessoribus sunt reservata.

Revalidantur gratiæ, ab Bened. XIII ultimo ejus anno concessæ. Revocantur uniones, dismembrationes, suppressiones, quæ suum non sunt sortitæ effectum: item facultates dispensandi in gradibus prohibitis matrimonii, aut retinendi plura Beneficia incompatibilia. Traditur modus & forma expediendi litteras Apostolicas. Reg. 19 traditur *Regula de viginti*, quod videlicet resignatio sit irrita, si infirmus intra 20 dies post resignationem obeat. Idem de Beneficio adhuc viventis, qui asseritur mortuus. In unione exprimendus valor Beneficiorum, & Commissio facienda in partibus, vocatis, quorum interest: Idem in dismembrationibus &c.

Non valeant Commissiones causarum, nisi litteris expeditis. Reg. 36 agit de *Triennali possessione* Beneficii suffragante, si titulum coloratum habeat, nec Simoniace illud obtinuerit, nec fuerit intrusus. Reg. 37 non appellandum ab Interlocutoria, nisi habeat



vim definitivæ, & per hanc gravamen non possit reparari. *Reg. 49.* In dispensationem in gradu consanguinitatis aut affinitatis ponatur in litteris clausula: *Si mulier rapta non fuerit.* *Reg. 50.* In dispensatione in defectu natalium, quod non præjudicetur ob intestato succedentibus.

*Reg. 52* Nulla dispensatio suffragetur, nisi in litteris contineatur.

*53.* In litteris Indulgentiarum ponatur, non valere dispensationem, si in Ecclesia eadem habeantur aliæ Indulgentiæ, de quibus nulla in petitione facta est mentio.

*54.* Nec expediantur *ad instar*, nisi specificentur.

*55.* In Beneficiis obtinendis exprimatur valor annuus, & qualitas: apponaturque in litteris Cancellariæ Clausula: *si est ita.*

*67.* Sub gravibus censuris prohibet Pontifex, ne officiales curiæ pro expeditionibus aliquid exigant ultra taxam.

*68.* Beneficia Sedi Apost. reservata, si vacent Sede Apost. vacante, reservantur Pontifici successori.

*70.* Cardinales in odiosis Regulis non comprehenduntur, nisi exprimantur.

*71.* Regulis Cancellariæ non derogatur in litteris, constitutionibus, & clausulis derogatoriis, nisi earum fiat expressa mentio.

## Art. XIV.

*Electio Benedicti XIV. Coscia absolutus. De Sicilia & Sardinia. Variæ prætensiones. Massa Carrara ad Mutinensem. Obitus Ducis Veneti.*

106.  
Electio Benedicti XIV.

18 Februarii 1740 Cardinales Conclave ingressi, Canones, de electione summi Pontificis latos, observaturos se jurabant, & a Fabricio Colonna, Duce Pagliano, Conclavis Gubernatore, juramentum fidei exigebant. Diu vota inter Aldrovandum & Gottum dividebantur. Nec mirum est, duas tertias non adeo facile nec ita cito in unum caput convenire.

Post semestrem tandem tempus unanimi voce electus est Cardinalis Prosper Laurentius *Lambertinus*, Bononiensis, natus 1675, Cardinalis creatus 1728, Archiepiscopus Bononiensis 1731, & quia a Benedicto XIII purpura fuerat donatus, *Benedicti XIV* nomen assumpsit, vir omni litteratura, sacrorum præsertim Canonum eruditione & doctrina præstans.

Car.

Cardinalis *Coscia*, qui hæctenus Monasterio S. Alexii fuerat in-Coscia abso-  
ciatus, ad electionem in Conclave fuit admissus, & ab electo Pon-lutus.  
tifice voce activa & passiva donatus, ad Palatium suum rediit.

Cardinales hoc anno Benedictus nullos creavit, officia tamen  
distribuit, *Aldrovandus* dictus Secrerarius Status, *Passioneus* Secreta-  
rius Brevium, *Alberonius* Legatus Bononiæ, *Delcius* Ferrariæ.

Defuncti autem Cardinales sunt septem:

Obitus 7  
Card.

1. *Davia*, Bononiensis, Præses Congregationis Indicis.
2. *Gilbertus Borromæus*, Mediolanensis, Episcopus Novarræ.
3. *Seraphinus Cenci*, Romanus, Archiepiscopus Beneventanus.
4. *Joan. Bapt. Altieri*, Romanus, in Conclavi morbo correptus.
5. *Leander Portia*, Foro-Julienfis, Episcopus Bergomensis,

Ord. S. Benedicti.

6. *Petrus Ottoboni*, Venetus, Jubilæus Cardinalis.
7. *Benedictus Odescalculus*, qui antea fuerat Archiep. Mediola-  
nensis.

Cum Camillus Paolucius Nuntius Viennæ mortem Caroli VI  
Imperatoris nuntiaffet, communis Romæ erat luctus, & timor fu-  
tutorum. Mox autem Pontifex Mariam Theresiam Archiducem  
agnovit hæredem, atque Ducem *Doria*, Camerarium suum, Fran-  
cofurtum, electionis locum ablegavit Internuntium, adjunctis  
Mansio & Emaldo, illum, ut Secretarii, hunc, ut Advocati mu-  
nere fungeretur.

Rex utriusque Siciliæ cum Turcis tractatum commercialem iniit, Neap.  
misso Constantinopolim Legato, & Hebræis, qui ab anno 1540 in  
neutro regno tolerabantur, ad 50 annos ingressum concessit, at-  
que Neapoli, Messinæ, Panormi, Synagogam; fore ratus, ut ac  
commercia, ab Anglis abstracta, magis efflorescerent. Hoc anno  
Rex neutras adhuc partes fuit secutus, vetuitque, armatas naves  
suis in portibus recipi.

Rex Sardinæ, audita Cæsaris morte, litteras patentes Vicaria-  
tus sui Italici in omnibus provinciis, ab Imperio dependentibus, Sard.  
affigi iussit, suæque munimenta reparari. Agnovit tamen Mariam  
Theresiam hæredem, prout subscribendo Sanctioni Pragmaticæ  
promiserat.

Henrica Mutinensis, Antonii Farnesii, ultimi Ducis Parmen-  
sis vidua, nupsit Leopoldo Darmstadiensi Principi, Philippi Guber-Mutin.  
natoris olim Mantuani filio.

Anno



Rex Carol.  
accedit fœ-  
deri.

Anno 1741 Carolus Rex utriusque Siciliæ accessit fœderi, contra Mariam Theresiam Archiducem inito; atque munimenta Status Præsidiî milite firmavit. Commercia autem adhuc altius provecturus, cum Duce pariter Tripolitano contractum iniit. *Corsino* Duci S. Colum. bæ Proregem Siciliæ subrogavit Ducem *Castropignanum*, qui fuerat Legatus Parisiis. Excepit Neapoli Legatum Turcicum.

Sard. præ-  
tensio in Me-  
diol.

Rex Sardinie edidit Deductionem Juridicam prætensionis suæ in Ducatum Mediolanensem. Fundavit eam in *ordinatione Caroli V* de anno 1549, qua vocasset ad successionem Philippi II filii sui masculos hæredes, iis autem deficientibus illius filias, & earum legitimos masculos, secundum ordinem Primogenituræ.

Jam vero se descendere recta linea ex *Catharina*, Philippi II filia, Carolo Emmanueli, Duci Sabaudie, atavo suo nupta; ac proin se ante filias Philippi III fuisse vocatum, utpote ex filia primi acquirentis descendentem. Dum Rex ita disputat, amisit tertiam suam conjugem Lotharingam eo tempore, quo ipsi peperit filium Benedictum Mauritium.

Et Domus  
Gonzagæ in  
Mant.

Traunius autem Gubernator Mediolani nomine Mariæ Theresiæ homagium recepit: uti etiam Mantuæ, non obstante protestatione Ducis Guastallæ, Caroli IV Mantuæ Ducis, anno 1768 in banno mortui, agnati proximi: qui propterea prætensionem suam Electoribus Francofurti proposuit, uti etiam alii Domus Gonzagæ Principes, quibus Imperator Josephus, quod in bello Hispanico partes Philippi V sequerentur, Castilionis Principatum ademit, Principatum vero Bozolum & Sabionedam in Ducem Guastallæ transtulit: inde Principum Castilionis & Sulferini prætensiones.

Massa Carrara.

Ducis Mutinensis Princeps hæreditarius *Hercules Raynaldus* sibi junxit Mariam, prædivitem hæredem Domus Cibo, & cum ea Ducatum *Massæ* & Principatum *Carraræ* ad mare Ligusticum, cum pluribus aliis ditionibus. Erat autem Maria Alderandi ultimi Ducis Massæ filia, desponsa antea juniore Principi Eugenio.

Bello majori in Germania exorto, Galli magnam partem Corsica excessere, reliquis præerat Villemurius Marchio. Baro *Droffus*, Theodori propinquus, novas turbas concitare molitus, interceptus, & in custodiam datus est.

*Bouchio* Melitenfium Magistro defuncto successit Emmanuel *Pinto*, Lusitanus, qui hætenus fuerat Cancellarius Ordinis.

Veneta.

Obiit quoque Aloysius *Pisani* Venetorum Dux, cui successit Petrus *Grimani*, Viennæ antea & Londini Legatus Reipublicæ. In locum vero *Correri* defuncti Patriarchæ Veneti & Dalmatiæ Primatis

tis electus est Aloysius Foscarini. Ad Veronam secundum Athesin locabant Veneti 20000, ut fines defenderent. Iis præerat Emo, Schulenburgio ob ætatem invalido.

Neque hoc anno Papa novos Cardinales creavit, quamvis 5 obierint, videlicet 1. Bartholomæus *Ruspoli* ex Domo Marefcotorum. 2. *Lanfredinus*. 3. Laurentius *Aliteri* Cardinalis Jubilæus. 4. Marcellus *Passeri*. 5. Melchior *Polignac* Parisiis, de regno Galliæ & Ecclesiæ optime meritis.

## Art. XV.

*Hispani prætenso in ditiones Domus Austriacæ. Sardus accedit Austriacis, Mutinensis Hispanis; qui Sabaudiam subigunt. In Italia minus felices. Montemario surrogatur Gagius.*

*Tractatus Wormatiensis. Pugna ad Campum Sanctum. 10 Cardd. mortui, 24 creati.*

Anno 1742 Rex Hispaniæ, quia relictam a Carolo VI Cæsare amplissimam hæreditatem sibi vendicabat, Italicas præsertim provincias, exercitum sub Montemario in Italiam misit, cui copiæ utriusque Siciliæ se conjungebant sub Duce Castropingiano. Quæ tamen, quod classis Anglica Neapolin tormentis impetere minaretur, separare se rursus domumque reverti cogebantur, Rege se neutrum declarante. Reliquit tamen aliquot legiones Montemario, Hispanis stipendiis eas jam inde ab ultimo bello sustentatas asserens.

De Rege Sardinia magnis studiis certabatur, Austriacis & Gallo-Hispanis eum in suas partes pertrahere conantibus; quia maximum in eo momentum esse non ignorabant. Sed cum Hispani Mediolanum sibi vendicarent, accessit Austriacis. Permovit eum maxime Rex Angliæ, qui, conventionem 1 Febr. inita promisit, toto belli tempore pro custodia Italiae excubituram classem Anglicam.

Igitur Rex copias suas cum Austriacis, quas Traunius Vicarius ducebat, in Placentino & Parmensi Ducatu conjunxit, atque in ditiones Francisci Mariæ Ducis Mutinensis, qui contra morem patris sui Raynaldi partes Hispanicas fuerat amplexus, Ferrariam & Comacinium, ut fertur, sperans, atque in Venetam ditionem secesserat, exercitum duxit.

107.  
Hisp. prætere  
dit hæred.  
Austri.

Sard. con-  
tilia.

Accedit Au-  
striacis;

Mutinensis  
Hispanis,



Portas *Mutinæ* apertas invenit; at castello vim experiri placuit: sed 1 Julii expugnatum est, & præsidium more militari captum. *Suo damno.* Volebat quidem illud diruere, sed intercedente hæreditario Principe, qui ibidem remanserat, reliquit integrum. *Mirandula* dein vis admota, quæ 23 Julii se dedit, præsidio dimisso libero. Victori- bus præstitum homagium.

Hispani, qui ad solvendam obsidionem accurrerant, hoc com- perto, in territorium Romanum recessere. Insecuti fœderati, Au- striaci & Sabaudi, Neapolin usque propulsuri eos credebantur; cum mutato consilio in Insubriam redierunt.

108.  
Hispani in Sa-  
baudiam.

Causa inexpectati reditus erat, tum quia Rex utriusque Siciliae se iterum declaravit neutrum, tum maxime, quia Hispani ex altera parte cum novo exercitu (quatuordecim millium censebatur) sub *Philippo*, Regis Hispaniæ filio, & Comite *Glimesio* per Delphinatum in Sabaudiam irruerant, Pedemontium, ut videbatur, invasuri. Jamque Camberii a Sabaudis juramentum fidei exegerant, cum Rex Sardinia per montem, quem *minorem Bernardum* vocant, superve- niens, eos ex Sabaudia in Delphinatum expulit.

Displicuit Regi Hispaniæ hæc præceps suorum ex Sabaudia fu- ga, exauctoratoque *Glimesio*, *Minasium* (*de las Minas*) qui exer- citum regeret, cum supplementis misit. Is Gratianopoli in Sabau- diam movens, sub finem anni illam subegit, Rege, non modica clade affecto, per Alpes in Pedemontium recedente. Hispani vero ad lacum Genevensem ita se diffuderant, ut Genevenses Helveti- que non parum commoverentur, atque suspicarentur, eos per Val- lesiam in Mediolanensem provinciam iter molituros. Sed illi, *Mont- meliano* etiam occupato, hyemem in Sabaudia exegerunt, Philippo Principe Camberii sedem figente.

Montemario  
substitutus  
Gagius.

Sicut autem Rex Hispaniæ *Glimesium* præfectura belli privavit, ita etiam *Montemarium* veteranum licet Hispanorum Archistrategum, ob res minus prospere in Italia gestas, quod scilicet Mutinam & Mirandulam eripi velut otiosus spectasset: illique substituit *Gagium* (*Gage*) natione Belgam, arte militari virum præstantem.

Fructus ex-  
peditionis.

Novus hic armorum præfectus, cum tempus rei gerendæ esset elapsum, in castris ad Bononiam munitis se continuit, equitatum vero Imolam (*Forum Cornelii*) hybernatum misit. Austriaci & Sardi tum in Ducato Florentino, Parmensi & Mutinensi, tum ad fluvium Panarum, ad tegendam Mutinam hyberna capiebant. Et hic anno isto fuit fructus & finis expeditionis: Hispani occuparunt Sabaudiam, fœde- rati Mutinam & Mirandolam.

Porro

Porro Franciscus Stephanus, Florentiæ Dux pro suis provinciis *neutralitatem* professus est; voluitque Gallia, ut Tuscia, titulo admoldum, oneroso accepta, in hoc bello intacta remaneret.

Quanta autem Status Pontificius hoc & priore anno a tot militibus, illum percurfantibus, imo & hyberna in eo figentibus, passus sit, facile est æstimare. Pontifex autem a Carolo Alberto suæ <sup>Papa agno-</sup> in Romanorum Regem electionis nuntium accepit, quodque ejus <sup>scit Caro-</sup> opera Articulus IV pacis Risvicensis adhuc integer persistat, non lum VII. obstante multo Protestantium molimine; id quod Papa in publico Cardinalium Consistorio dilaudavit, per speciale dein *Breve* coronam Imperialem gratulatus, conquerente licet Thunio, Legato Austriaco, Electorem Bavariæ tam facile agnitum Imperatorem, cum Regina sua a voto contra fas exclusa fuerit.

Venit etiam Romam Mansfeldius, extraordinarius novi Imperatoris Legatus, a Pontifice magna cum humanitatis significatione ad alloquium admissus. Ordinarius autem Cæsaris Orator Romæ fuit Pompejus Scarlati, & Cardinalis Borghesius Germaniæ Protector. Doria vero, qui ad electionem Cæsaream fuerat ablegatus, jussus est, apud Aulam Imperatoris subsistere.

De Cardinalium Collegio morte abrepti sunt, 1. Vincentius Gotti. 2. Vincentius Ferreri, Episcopus Vercellensis. 3. Cajetanus Stampa, Archiepiscopus Mediolanensis. 4. Marcellinus Corio.

Cardinalis vero Coscia in omnia sua Beneficia fuit restitutus, excepto Archiepiscopatu Beneventano, quem Franciscus Lanti possidebat.

Anno 1743 cum Galli & Hispani cernerent, se difficulter ab Occidente in Italiam evasuros, si Regem Sardiniae potentissimum <sup>Regis Sard.</sup> haberent adversum, omni conatu promissisque eum lucrari, suisque constantia-partibus adjungere laborabant. At ille Domus suæ rationibus magis consentaneum censebat, si Domus Borbonica non nimium potens fieret in Italia; cumque amplissima accederent promissa per tractatum Wormatiensem, totis viribus incumbendum censuit, ut illa ab Insubria & Liguria arceretur.

Quoniam autem *Tractatus* ille *Wormatiensis* celeberrimus, a Re- <sup>169.</sup> gina Hungariæ & Rege Angliæ, Wormatiæ 1 Febr. 1743 cum Rege *Tractatus* Sardiniae initus, Italiam potissimum spectat, non fuerit a *Wormatiensis* scopo alienum, illius summam hic interferere. Constat 18 Articulis.



1. Tres contrahentes mutua sibi promittunt auxilia.
2. Cavent sibi invicem de omnibus provinciis, quas possident, aut possidebunt vi fœderis, anno 1703 Taurini percussi; quod renovant, exceptis iis, quæ hic mutantur.
3. Rex Sardiniae renuntiat prætensionem suam in Ducatum Mediolanensem, spondetque Austriacam Sanctionem Pragmaticam tueri, prout jam anno 1731 spondit, ea tamen conditione, ne Reginae extra Italiam mittere auxilia debeat.
4. Hinc conjunctæ in Italia copiae pergant, terras Reginae tueri.
5. Hunc in finem Regina 30000, Rex vero 45000 alet belli tempore.
6. Rex totius fœderati exercitus summus sit Imperator.
7. Anglia, quamdiu opus fuerit, habebit in Mediterraneo, ad obsequia Austriae & Sardiniae paratam classem.
8. Anglia, quamdiu bellum durabit, quot annis Regi Sardiniae solvat ducenta librarum Sterlingarum millia.
9. Regina de Mediolanensi Ducatu cedit Regi Sardiniae 1. *Vigevanum* cum suo districtu. 2. Partem illam *Ticinesem* seu Papiensem, quæ inter Padum & Tessinum sita est, ita, ut Tessinus sit limes utriusque ditionis, a lacu Verbano seu lacu Majore usque ad locum, in quo cum Pado seu Erydano se commiscet: sola Insula juxta Ticinum excepta, quam Tefinus efficit.
- Insuper 3 territorium *Bobbienſe* cum urbe *Placentia*, & partem hujus Ducatus, usque ad Nuram fluvium porrectam. 4. ex parte *Anchieſæ* terras, quæ cis lacum Majorem porriguntur, una cum dimidio ejus lacus. Has autem terras, partim de Mediolanensi, partim de Placentino Ducatu decerptas, Rex potest unire cum suis provinciis sub feudali tamen nexu cum Imperio.
10. Adhæc Regina cedit Regi omne suum jus & prætensionem ad Marchionatum *Finalensem* & portum, sperans, Genuam pretium emptionis recepturam. Ad hoc tamen refundendum nec Regina, nec Rex se obligat. Portus autem Finalensis, sicut *Liburnus*, sit liber.
11. Tres contrahentes nullam pacem aut inducias se inituros promittunt, nisi cessiones istæ, Regi Sardiniae factæ, & restitutio omnium ablatorum, in iis comprehendantur.

12. Contra vero Rex promittit, se constanter fidem servaturum, donec bellum non tantum in Italia, sed etiam Germania finitum fuerit.

13. Bello in Italia finito, Regina non potest tantum copias suas ex Italia in Germaniam avocare, sed etiam petere, ut Sardiniae copiae sibi ad tutelam Longobardiae cedantur.

14. Nullus omnino tractatus cum hostibus ineatur, nisi consensu & approbationibus omnibus foederatis. Hic tractatus etiam post pacem conclusam ad securitatem foederatorum persistat.

15. Angliae promittuntur commoda & praerogativae commerciorum.

16. & 17. Ad hunc tractatum invitentur Hollandi, & omnes, quibus securitas Europae, Germaniae, & Italiae cordi est.

18. Ratificationes intra sex hebdomades commutentur.

*Wormatiae 13 Sept. 1743.*

Hunc tractatum conceperunt, nomine Reginae Baro *Wosner*: nomine Regis Angliae *Carteratus*: nomine Regis Sardiniae *Osforius*. Ita tamen clam fuit conclusus, ut articuli illius non innotescerent, nisi postquam sub initium anni sequentis Parlamento Angliae erat proponendus.

Cum Gallia videret, Regem Sardiniae nullo pacto a Regina Hungariae posse abstrahi, decem suorum millia cum Hispanis, quorum viginti circiter millia sub Philippo Infante & Minasio militabant, in Delphinatu conjunxit. Omnis industria eo collimabat, quomodo in Italiam penetrare possent. Igitur cum fauces & angustam vallem Augustae Praetoriae Rex haberet obseptam, atque per montem Jovis & Simplonium Vallesiani ac Helveti negarent transitum, per Salutias aditum tentarunt. Verum ad *Castrum Delphini*, cum iniquo loco pugnandum esset, a Rege praelio victi atque repulsi sunt, 8 Octobris. Hyberna dein rursus in Delphinatu & Sabaudia capta.

Alter Hispanorum exercitus, sub Joanne Bapt. *Gagio*, quem Montemario substitutum diximus, jam 2 Februarii ex hybernis Bononiensibus egressus, superato Panaro flumine, in Mutinensem provinciam irrupit. At *Traunius* Austriacorum, & *Aspremontius* Sardorum ductor, quamvis necdum receptis, quae expectaverant, supplementis, obviam ad *Campum Sanctum* processerunt.



Pugna ad  
Campum  
Sanctum.

Commissum ibidem vehemens prælium. Equitatus fœderatorum in fugam jam ferme actus fuerat, cum peditatus, phalangis instar Macedonicæ firmiter consistens pugnam restituit. Pars utraque victoriam sibi attribuit. Verum si ex effectu illa æstimanda venit, facile, penes quam partem steterit, iudicabitur. Nam fœderato exercitu in acie adhuc persistente, Hispani viam relegentes, Bononiam, unde venerant, redierunt. Fœderati vero recedentes infecuti, eos ex Ferrariensi primum agro, dein ex Romaniola seu Flaminia quoque ad mare usque Adriaticum propulerunt, ibique circum Ariminum hyemem exegerunt, utroque exercitu terras Pontificias premente, quæ alimenta eis præbere cogebantur.

Traunio succedit Lobkovitius.

Cæterum in cruento ad Campum Sanctum prælio lethaliter vulneratus est *Aspremontius* Sardorum Ductor, Comite de *Manta* ei substituto. Traunio vero in Germaniam avvocato subrogatus est Princeps *Lobkovitius*, qui Taurinum abiit, de futura expeditione cum Rege collaturus. Conquestus sæpius est Pontifex apud Cardinalem Aquavivæ, Hispanum Romæ Ministrum, de territorio tuo oppresso; at excusatione necessitatis contentus esse debuit.

Pozzobonellus.

Mortuo *Stampa* Archiepiscopo Mediolanensi Regina ceu Dux Mediolanensis Pontifici tres proposuit, sed is, cum nullus ex iis placeret, *Josephum Pozzobonellum* instituit, cui Regina, id graviter ferens, redditus temporales subtrahi voluit.

Nuntiorum mutatio.

*Darinus* Mediolanensis Lucerna missus est Nuntius Lutetiam, ad Helvetos vero *Aciagolus* Florentinus; *Stoppanus* Mediolanensis Veretiis Viennam; Venetias *Caracciolo* Neapolitanus; *Simonettus* a Nuntiatura Neapolitana revocatus, factus est Gubernator urbis; *Gualtierus* vero in ejus locum successit Neapoli. *Emaldus* post visitata Seminaria & Alumnatus Pontificios, quibusdam suppressis, Romam rediit. Quidam Episcopi a Pontifice petierunt, ut aliquot Festæ abrogarentur, & impetrarunt.

10 Card. mortui.

Cardinales obierunt hoc anno omnino decem: 1. *Camillus Cibo* Malaspina, ultimus suæ Domus. 2. *Petrus Maria Pieri* ex Ordine servorum B. V. M. 3. *Andreas Hercules Fleury*, primus Galix Minister. 4. *Nicolaus de Judice*. 5. *Marcellinus Corradini*. 6. *Ludovicus Belluga*. 7. *Prosper Colonna*. 8. *Antonius Fini*. 9. *Ludovicus Pico* de Mirandola. 10. *Damianus Hugo Comes* de *Schönborn*, Episcopus Constantiensis & Spirensis.

Sub Pontificatu Benedicti XIV jam 27 Cardinales obierant, nec tamen ullum haftenus subrogaverat; tandem vero 24 crea-<sup>Creari 24.</sup> vit: videlicet 1 Hieronymum *Burdi*, Florentinum. 2 Joannem Bapt. *Barni* Lodensem, qui fuerat Nuntius in Helvetia & Hispania, virum summa in omnes facilitate, cui Rex ipse Galerum imposuit. 3 Joachimum *Befozzi*, Mediolanensem, Generalem Procuratorem Cisterciensem Congregationis Longobardicae. 4 Marium *Bolognetti*, Romanum, Thesaurarium Camerae Apost. 5 Carolum *Calcagnini* Ferrariensem, Decanum Rotæ.

6. Carolum *Cavalchini* Tortonensem, Sacrae Inquisitionis Præsidentem. 7 *Hieronymum Colonna*, Romanum, Ducis Paghani filium, Auxilæ Pontificæ Præfectum. 8 *Prosperum Colonna*, Ducis Anticoli ex tertia linea hujus Domus filium supremum Camerarium Apostolicum. 9 Marcellum *Crescenti*, Romanum, Legatum Parisiensem. 10 Georgium *Doria* Genuensem, Legatum ad electionem Cæsaream, cui ipse Imperator Carolus VII Galerum imposuit. 11 Cosmum *Girolami*, Florentinum. 12 Franciscum *Landi*, Placentinum, Archiep Beneventanum.

13. Marcellum *Lanti*, Romanum, agnatum Principis de Belmonte. 14. Ludovicum *Lucini*, Comensem. 15. Philippum *Monti*, Bononiensem, Secretarium Collegii Cardinalium. 16. Jacobum *Oddi*, Perusinum, variis Legationibus perfunctum. 17 Dominicum *Orsini*, Ducem de Gravina, viduum. 18 Camillum *Pacucci*, Legatum Viennæ. 19 Joachimum *Portocarrero*, Marchionem de Almenara. 20 Josephum *Pozzobonelli*, Archiepiscopum Mediolanensem. 21 Franciscum *Ricci*, Romanum, Gubernatorem urbis. 22 Antonium *Ruffo*, Neapolitanum. 23 Fortunatum *Tamburini*, Mutinensem. 24 Alexandrum *Tanara*, Bononiensem, Auditorem Rotæ.

In Corsica necdum quies. Theodorus, Anglica navi Olyssipone advectus, ad regnum suum phantasticum invisit. Sed quia Genuenses caput ejus magno pretio fuerant licitati, mox rursus disparuit. Bastiæ obiit Dominicus Spinola, Vicarius Regni, & olim Dux Genuæ, cui successit Petrus Justiniani.

Theod. invisi-  
sticum reg-  
num.

Genuenses protestati sunt contra articulum 10 Tractatus Wormatiensis; nec permoveri poterant, ut portum Finalensem cederent Regi Sardinia, titulo valde oneroso adquisitum.

Art.



## Art. XVI.

*Castra ad Veletras. Philippi Principis progressus, superato Faro. Genuenses Gallo-Hispanis accedunt. Bastia a Corsis expugnata.*

311.  
Castra ad  
Veletras.

Anno 1744 continuatum bellum Italicum. Carolus, Rex Utriusque Siciliae, ex castris ad Veletram, opportuno admodum loco, positus, Romam profectus ad Pontificem invisit, a quo amicissime fuit exceptus. Redux ad exercitum, neutralitate sublata, Hispanum se declaravit. Austriaci, ut eum ex Velitrensibus permunitis castris prolicerent, in Neapolitanas ditiones irruerunt; sed inde repulsi sunt, sollicitatis frustra incolarum animis. Tandem vero, cum tota aestate exercitus ad Veletras adversus stetissent, absque re magna gesta, Lobkovicius in agrum Bononiensem se recepit, Hispani in Ducatum Spoletanum, Neapolitani in suum regnum.

Philippus  
Princeps Va-  
rum superat.

Rex Sardiniae, traditis sibi Placentia, Vigevano, aliisque locis, per tractatum Wormatiensem superiore anno promissis, omnem curam intendit, ut Gallo-Hispanos, prout hactenus strenue fecerat, ab ingressu in Pedemontium arceret. At vero, cum Hispani anno priore frustra ex Sabaudia aditum in Italiam per Alpes tentassent, relictis in Sabaudia sub *Sasio*, qui illam defenderent, tribus millibus, Antipoli cum Gallis, quos *Contyus* Princeps ducebat, conjuncti, *Varumque* transgressi, qui Provinciam ab Italia separant, Nicæam, Turbiam, Montem Albanum, Vilam Francam expugnaverunt, traditis Philippo Principi clavibus, Pedemontanis ad naves Matteusii propulsis, & Onegliam deductis.

Castrum  
Delph. &  
Demont.  
occupata.

Philippus fugientes terrestri itinere insecutus, Onegliam quoque cepit. Verum cum Rex angustas valles, montes & colles valida manu obsessos haberet, armata etiam agresti pube, penetrare ulterius per tot iuga & claustra, arduum omnino opus, imo, nisi exercitum immolare vellent, impossibile videbatur. Relictis igitur, quos occupaverant, locis, solisque Nicæa & Villafranca retentis, in Provinciam redierunt, alia ex parte irruptionem tentaturi. Expugnatum impetu *Castrum Delphini*, non levi tamen cum jactura; prout etiam *Demontium*, insigne monumentum. A Cuneo, quod Baro Leutrum defendebat, cum clade repulsi, Demontio diruto, in hyberna concesserunt, quæ Hispani in Sabaudia & Comitatu Nicensi, Galli vero in Delphinatu & Provincia ceperunt. *Contyus* Parisios, Philippus Camberium abiit.

Sicut

Sicut Austriaci, Sardi & Angli Venetos in partes suas trahere nitebantur, ita Galli & Hispani Genuenses. Sed hoc anno nihil impetratum, Matteusio, qui cum classe sua mare Genuese oberrabat, pilas ferreas minitante, si per suam ripam hostibus transitum permetterent. A Republica Luccensi Menses Romani nomine Cæsaris postulabantur; sed excusabat, eos nunquam fuisse præstitos. In Ducatu Florentino optime Oeconomia ordinabatur, reductis ad ærarium publicum proventibus, qui neglecti fortassis antea fuerant. Rex Theodorus mandata in Corsicam mittebat ex Senensi agro, sed agebat indistans. Dux Mutinæ extorris tum Venetiis, tum in castris Veletrensibus apud Regem Carolum versabatur.

Obierunt, 1 Cardinalis Gaspar de Molina Madriti. 2 Cardinalis Josephus Firraus. 3 Leo de Gevres Gallus Card. 88 ætatis anno. 4 Josephus Sfortia Cæsarinus, S. R. I. Princeps, Dux de Lavinia & S. Flora, Grandis Hisp. & Eques A. V.

Sereniori anno 1745 vultu Gallo-Hispanis in Italia fortuna arrisit, postquam Genuensis Respublica foedus cum illis pacta est, ut <sup>Genuenses</sup> portum & Marchionatum Finalensem, in Tractatu WORMATIÆ Regi <sup>Gallo-Hispa-</sup> Sardinia quodammodo addictum, servaret. Sic enim illis <sup>facilior</sup> erat in Insubriam transitus. Patuit mox fructus.

Nam a Regno Neapolitano removebatur periculum, quia bellum trahebatur in Longobardiam. Gagus Hispanorum Duxor, fortis & prudens, cum exercitu ex Ducatu Spoletano Genuam movit, ubi cum Gallis, quibus hoc anno Mallebaeus præerat, & Philippi Principis se conjunxit copiis.

Pauciores erant Austriaco-Sardinenses copiae, quam ut in <sup>Eorum pro-</sup> aperto campo tantis viribus resisterent. Ad urbes igitur expugnandas <sup>gressus in In-</sup> versa hostium consilia. Capta Arx Serravallis, Tortona, Placentia cum Castello, Parma, Pavia, Valentia, Casalibus cum arce, Asta Pompeja, ac denique Insubriae caput Mediolanum, quod Princeps Philippus cum Duce Mutinensi gloriose ingressus est.

Austriaci, quibus primum Lobkovicus, tum Schulenburgius, denique Lichtensteinius imperabat, numero impares, ad tantos hostium progressus ad Novaram attoniti stabant, Rex vero Sardinia in Pedemontium se receperat, ubique hybernabat, Hispani in Mediolanensi Ducatu, & Galli in Monferratensi.

Genuenses, portu Finaliensi aliisque locis munitione & præsidio firmatis, decem armatorum millia tribus Borbonicis Regibus ad duxere, magnum in occupandis Mediolanensi, Parmensi, Placentino, Monferratensi Ducatibus adjumentum. At Rex Sardinia,



*Bastia capta.* infensus propterea Reipublicæ, *Corsis*, qui sub Comite *Rivarola* rursus arma arripuerant, suam fœderatorumque suorum opem & protectionem adpromisit. Nec inanis fuit promissio. Nam Angli sub Kopo classis Præfecto mari, *Rivarola* vero terra, *Bastiam*, urbem Regni Principem, tam vehementer infestabant, ut ad deditionem fuerit compulsæ, sequentibus exemplum locis pluribus.

*Casus Venetus.* Cum *Henrieta*, *Antonii Ducis Parmensis* vidua, atque *Leopoldi* dein *Darmstadiani* conjux, *Venetis* cum fratre suo Duce *Mutineni* per fenestram prospiceret, a Nobili quodam Veneto, sclopum purgante, in brachio leviter perstricta est, atque deliquio prolapsa. Accusabat quidem *Franciæ Legatus* Nobilem de culpa, si non *Theologica*, saltem *Juridica*; at, quia *Judices casum* fortuitum interpretabantur, a graviore poena absolutus est reus.

Romam venit *Marchio Prius*, *Orator Casareus*; *Gallicus* vero *Rupescaldius Archiepiscopus Bituricensis*. Obierunt, *Cardinalis Lucinus*, & *Dominicus Aquaviva*, *Dux Atriensis*, in *Hispania* *Minister Regius*: quos secutus est *Marchio de Ormea*, primus *Minister Status Regis Sardinia*.

## Art. XVII.

*Insabria ab Austriacis recuperata. Vincunt ad Placentiam & Rottosfredum. Genuam capiunt. Sed ejiciuntur. Borbonii Italia expulsi &c.*

112.

*Bellum æstui marino* sæpe est perfimile: fluunt resluuntque ab uno extremo ad alterum armati exercitus; quod vel hoc bello in *Bohemia*, *Bavaria*, *Germania*, *Italia* videre non raro fuit. Gens *Borbonia* anno superiore totam *Italiam* inundare videbatur: hoc autem accidit refluxus, quo *Galli* & *Hispani* tota *Italia* pellebantur; quin ipsam in *Galliam* fluctus sese effundebant.

*Insabriarecupera-* Quippe *Imperatrix & Regina*, anno 1746 confecta cum Borus-  
so pace, validas sub *Nadaſtio & Bernclavio* in *Italiam* copias misit: *Sardus* vires magnas contraxit; *Anglus* classibus immisissis communem causam fortiter adjuvabat. Quibus sane præſidiis factum, ut hi fœderati *Aſtam Pompejam*, munitam ad *Tanarum* in *Pedemontio* urbem, *Aqui* in eodem agro, *Casalin*, *Monferrati* caput, occuparent, atque conjunctis dein *Lichtensteinii*, *Brunii*, aliorumque  
Du.

Ducum copiis, cum *Pizzigiona*, *Mediolanum* quoque reciperent, liberata arce, quam Hispani corona cinctam hætenus tenuerant.

Eadem dein felicitate capta *Gualtalla*, *Parma*, *Valentia*. Cum autem *Placentiam* obsiderent Austriaci, hostes obsidium soluturi, instructa acie imminebant. Dextrum cornu tenebant Hispani, lævum Galli; Neapolitani & Genuenses medium occupabunt locum. Austriaci, quamvis copiae Regis *Sardiniae* necdum advenerant, in aciem dispositi aggressionem expectabant.

Consertum igitur haud procul *Placentia* memorabile praelium, Austriaci vi- quo victi Foederati magna cum strage, in castra ad *Placentiam* mu- aores ad nita se receperunt. Unitis dein copiis ad *Trebiā*, quibus Rex *Placentiam* & *Rottosfredum*. *Sardiniae* præerat, ad *Rottosfredum* commissa est altera vehemens pugna, qua Austriaci rursus victores, *Placentiam* & *Serravalle* cum aliis locis præmium retulerunt. Quin imo Borbonicus exercitus ita attritus est, ut deserta *Insubria* in *Liguriam* ejusque caput *Genuam* se reciperet.

Secuti sunt Austriaci sub *Brunio* & *Botta*, superatisque tandem in *Liguriā* montium jugis (*Bochettam* appellant) *Genuæ* imminebant; Hispani penetrant. vero, (substituto in locum *Gagii* *Minasio*) ea fato suo relicta, cum Gallis *Nicæam* usque profugerunt, *Sardo* interim *Savonam* & *Finnariam*, *Genuensium* urbes, obsidente.

*Genuæ* resistendo impar, Capitulatione inita, Austriacis se dedidit, iussu, grandem pecuniæ vim pendere. Missus *Viennam* *Marius* ad rogandam aliqualem remissionis gratiam, non est auditus. Verum subito *Genuæ* casus accidit, qui omnia invertit. Nam, cum Austriaci rem tormentariam in Provinciam ad suum exercitum vellent abducere, jamque omnia in suburbio, quod a *S. Petro de Arena* nomen habet, essent parata, (quod hæc potestas in Capitulatione non esset comprehensa) orta est plebis seditio, quæ a jurgio cum machinatoribus & vectoribus cœpit. Conglomeratus magis magisque populus armatus: accurrit miles. Conferitur promiscua pugna eo eventu, ut *Botta* cum suis 6000 Austriacis urbe excedere, & per *Bochettam* in *Insubriam* se recipere coactus fuerit. 113.  
Genuam  
capiant,  
Sed rursus  
deserunt.

Et hoc sane tantæ mutationis *Genuensis* obstaculum magnam partem fuit, cur *Brunius* cum exercitu, ex defectu machinarum, non admodum multum in Provinciam profecerit, atque redire coactus fuerit.



Progreſſus  
Ragis Sard.

Borbonii  
puliſſi Italia.

Florentina.

Joan. Theo-  
dorus Card.

Domus Gon-  
zaganae fata.

Interea autem, dum Auſtriaci cum Genuenſibus, & Gallis in Provincia conſiſtabantur, Rex Sardiniae Genuenſes urbes, agrosque ſtrenue demeffuit, occupatis omnibus uſque ad Varum, ut adeo Borboniis in Italia nihil ſupereſſet (regno utriusque Siciliae excepto) *Tortona & Savona*, quae fortius reſtiterant, in Sardorum pariter proteſtatem redactis. En *fluxum & refluxum*! quo etiam rapiabantur decem illa millia, quae Rex utriusque Siciliae ſub *Vieville* in Lombardiam miſerat. Nam praelio Placentino & Rottorfrenſi haud leve damnum paſſa, cum Gallo-Hiſpani in Galliam ſe recipere, in patriam redierunt, ut eam defenderent. *Vieville* vero, eorum Duſtor, dictus eſt Prorex Siciliae, Duce *Caſtropignano* copiis praefecto.

Imperator, ceu Dux Magnus Florentiae, cum Borboniorum arma in Italia praevalerent, caſtra undecim millium ſub *Chatelet* Marchione ad Piſas locavit, ad ſecuritatem Tuſciae, quamvis neutrae. Poſtquam autem inverſa eſt fortunae rota, periculumque diſparuit, haec caſtra ſoluta ſunt. Caſar autem Annam Charlotam fororem ſuam, Gubernatricem Magni Ducatus renuntiavit.

Benedictus XIV ſummus Pontifex, qui ſuperiore anno Carolo VII Imperatori parentaverat, ejuſque ac totius Domus Bavaricae Religionis zelum, & in Sedem Apoſtolicam obſervantiam publico in Cardinalium Conſiſtorio dilaudaverat, hoc anno Ejusdem Imperatoris fratrem, *Joannem Theodorum*, Ratiſbonenſi, Friſingenſi, & Leodiſenſi Episcopatibus jam antea ornatum, S. R. E. Cardinalem dixit. Per Cardinalem vero Sinzendorffium, Episcopum Uratiſla- vienſem, Regi Boruſſiae pacem initam gratulatus eſt, eique Eccleſiam Sileſiam commendavit; quod gratum Regi accidiſſe legimus. Ex ſacro Purpuratorum Collegio obierunt, Carolus *Cavalchini*, & *Joannes Lipſky*, Cracoviſienſis in Polonia Episcopos.

Ex Domo Gonzaga obiit Joſephus Maria Dux *Guaſtalla*, lineae hujus ultimus. Cum infirmus eſſet, jam anno 1733 adminiſtrationem Ducatus detulit Eleonora Conjugi, ex Familia Hoſſato-Wiſenburgenſi natae. Ducatus autem *Guaſtalla*, cum Principatibus Sabiondae, & Bozoli, atque Marchionatu Oſtiano, ab Aula Viennenſi Ducatui Mantuano rurius unitus eſt, brevi iterum dividendus. Porro ex Familia Gonzagana quatuor adhuc ſuperſunt lineae, *Veſcovatana*, *Luzarana*, *Caſtilionenſis*, & *Solferina*, acerbitate temporum multum paſſae.

## Art. XVIII.

*Obitum Card. Sinzendorffii Rex Borussiae nuntiat Pontifici.*

*Bellum Genuense. Borbonii rursus in Pedemontium. Bastia recepta. Anno 1747.*

Septem omnino S. R. E. Cardinales anno 1747 purpuram posuere. 1 Carolus Marini Genuensis æt. 80. 2 Trajanus Aquaviva Neapol. æt. 52. Archiep. Monrealis in Sicilia, Hispaniae Orator. 3 Vincentius Petra Neapol. æt. 58, libri de Jure Ecclesiastico editis clarissimus. 4 Jos. Accaromboni, Spoletanus, æt. 75. 5 Oswaldus de Toure, Cardinalis Arvenus appellatus, Gallus, æt. 75. 6 Joannes de Motta Lusitanus, primus Minister Status Olyssipone, æt. 63.

7. Philippus Ludovicus Comes Sinzendorffius, Germanus, Inter quos  
Episcopus Uratislaviensis, & Vicarius Generalis omnium Catholicorum in terris Regis Borussiae, æt. 48. Idem Rex Pontifici per suum, Francolinum, suum Romae negotiorum Administrum, hunc obitum nuntiari jussit, adjuncta assecuratione protectionis erga Catholicos, in suis provinciis degentes, prout etiam illis potestatem tum Rex fecisset, in urbe sua Regia Ecclesiam construendi, sumptusque pro Pontifici ea in suis terris colligendi. nuntiat.

Cum dein Catholici per Marchionem Bellonum pro subsidio ad hanc structuram institissent apud Pontificem, is negotium, non sine largo effectu, Cardinalibus commendavit, cum laude benevolentiae Regiae.

Novi Cardinales creati 12. 1 Alvarus de Mendoza Hispanus, Creati 12  
Patriarcha Indiarum. 2 Daniel Delphinus, Venetus, Patriarcha Card.  
Aquileiae. 3 Fridericus Rupefacaldius, Franciae Regis Romae Orator, Archiep. Bituricensis. 4 Armandus de Rohan, Princeps Subisus, Coadjutor Argentinus. 5 Ferdinandus Comes de Troyer, Tyrolensis, Episcopus Olomucensis in Moravia. 6 Jos. Attalaya, Præpositus Ecclesiae Patriarchalis Olyssipone.

7. Cajetanus Albani, Romanus, frater Principis Soriani. 8 Marius Mellini, Romanus, Decanus Rotæ. 9 Carolus Lanzeus, Pedemontanus Abbas. 10 Reinerus Simonetti, Mediolanensis, Gubernator Romæ. 11 Joan. Bapt. Mesmerus, Mediolanensis, Thesaurarius Pontificis. 12 Henricus Benedictus Stuart, Jacobi III Regis Angliæ, quem Prætendentem vocant, filius junior.



Cardinalis *Valenti Gonzaga*, Secretarius Status, dictus Camera-  
rius Apostolicus, postquam Hannibal Albanus hoc officium resig-  
navit: Imperialis Gubernator urbis.

115.  
Bellum  
Genuense.

Italicum hoc anno bellum *Genuam* potissimum exercuit; cum  
enim illa, quo dictum, modo, in liberatam se restitisset, in om-  
nem fortis defensionis partem curas suas exporrexit. Monumenta  
reparata, suggestus tormentis instructi, Bochetta valido firmata  
se armante, manifesto argumento mitis & temperati Regiminis.  
Attulit etiam ex Gallia, Anglis nequidquam mari excubantibus,  
suppetias *Bufflerius*, haud aliter ac cælestis quidam genius ex-  
ceptus *Genuæ*, qui animos ita accendit, ut pluribus velitationibus  
*Austriacos* aggressi, non levia illis damna inferrent.

*Marchio de Botta*, quod minus circumspecte egisse videretur,  
Imperium cedere jussus est *Schulenburgio*; qui tamen, licet Bochetta  
jam esset superata, *Genuam* aggredi non est ausus, donec *Brunius*  
ex Provincia rediisset, & Rex *Sardinia*, qui initio bello *Genuensi*  
se miscere recusaverat, donec nova cum Regina conventionione *Emaria*  
& *Savona* sibi addicta, copias suas jungeret.

*Genuæ*  
liberata.

Verum, cum *Bellilius* in *Pedemontium* irrupisset, revocatus  
est miles *Sardus*; *Schulenburgius* vero abruptis omnibus, quæ ad  
invadendam urbem preparaverat, recessit, *Brunio* quoque cum  
exercitu suo reduce in *Pedemontium* movente. Rustici autem *Ge-  
nuenses* recedentes ex insidiis aggressi, plures eorum mactarunt;  
palatio etiam *Suburbano Doriæ* ab eis exusto, atque *Spinola* cru-  
deliter obtruncato, quod hostibus favisse existimarentur.

Obiit interea *Genuæ Bufflerius* variolis; cui magnifice paren-  
tatum. Successit eidem primo *Bissus*, dein vero *Richelius* Gallo-  
rum, Hispanorum, & *Genuensium* Ductor, qui omnia, si hostis  
deruo irruere tentaret, ad eum excipiendum solerter apparavit.  
*Brignole* autem Dux *Genuensium*, & seniores de senatu, qui  
futurorum metu suspensi, neutros quodammodo, se gesserant,  
eventu tam fortunato animati, omnem operam junxerunt.

Borb. rursus  
invadunt  
Pedemon-  
tium.

*Genuensibus* salutis fuit propria animositas; quæ tamen adver-  
sus hostium potentiam non fuisset in longum suffectura, nisi Galli  
& Hispani *Brunium*, ex Provincia digressum insecuti, *Pedemon-  
tium* invassissent; tum enim ad domesticum restringendum incen-  
dium accurrere necesse fuit. Quippe illi Duce *Bellilio Nicæam*,  
*Montalbanum*, *Villafancam*, *Turbiam*, *Vintimiliam* jam occupaverant,  
simul

simulque sub Vilmurio & Bellilio Equite, Ducis fratre, inter Exillas & Fenestrellam penetrare conati sunt, sed repulsi a Rege, caeso cum multis aliis Bellilio Equite.

Connitebantur quidem tum Rex & Brunius, amissa loca maritima recuperare, atque in Provinciam aut Delphinatum rursus irruere, sed hostis ita sese obvallaverat, ut re infecta in Lombardiam redire, appetente jam hyeme fuerint compulsi. Philippus Princeps vero cum Duce Mutinensi rursus Chamberium hyematum concessit, Minasius, Hispanorum post Gagium Duxor, Madritum, Bellilius Parisios, Mirepōsio in Comitatu Nissenfi & ora maritima ad Vintimiliam usque excubante.

Genua non modo se ipsam, opitulantibus Gallis, ab hoste liberavit, sed *Bastiam* quoque, eorundem opera, in Corsica Rivarolae extorsit. Turbarum etiam aliquid Genuensibus intercessit cum Florentinis & Luccensibus, quod neutralitatem non satis observasse sint visi. Sed motus sunt rursus compositi.

Carolo utriusque Siciliae Regi, quiete hoc anno fruente, ad summum solatium natus est filius, qui Philippus Antonius Princeps Calabriae dictus est, applaudente non modo utraque Sicilia, sed & Hispania, Gallia, Polonia, Saxonia. Dux Medina-Caelius, Legatus extra ordinem, pretiosa Infanti Hispaniae attulit, cum assignatione annuorum proventuum.

Obiit Veronae Mathias Comes Schulenburgius 87 æt. anno. 31 annis apud Venetos armorum Praefecti functus munere. Vitam coelibem cum duxisset, sororis suae filium, rei Venatoriae apud Electorem Hannoveranum Praefectum, heredem instituit. Cæterum Dominus Schulenburgica, ex Geldria oriunda, atque in Albam & Nigram lineam divisa, late per Marchiam Brandeburgicam, Saxoniam, aliasque provincias diffusa est.

Mediolani eandem 87 annorum ætatem clausit Hannibal Vicecomes, Cæsareus Marschallus, & Gubernator arcis Mediolanensis.



## Art. XIX.

*Pgx Aquisgr. ejusque executio. Philippus Parmæ possessionem  
adit. Nuptiæ Amadei Princ. Sard. Obitus Muratorii.  
Causa Aquilejensis.*

116.

Executio pa-  
cis Aquis-  
gran.

Per pacem Aquisgranensem Principibus Italiæ ditiones suæ sunt restitutæ, videlicet Regi Sardinia Ducatus Sabaudia, & Comitatus Nicea, cum omnibus locis, hoc bello ereptis: retinetque, Vigevanum, partem Ticinensis ditionis, & Anchieram. Placentiam vero urbem, aliaque, quæ in eo Ducatu Tractatus Wormatiensis eidem addixerat, Principi Philippo relinquere debuit: prout etiam Savonam & Marchionatum Finariensem cum portu, omnibusque, quæ ante bellum possederant, Genuensibus. Restitutus quoque suis provinciis Dux Mutina. Ducatus autem Parmæ, Placentia & Guastalla Philippo Hispania Principi obtigerunt, Regis Franciæ genero.

Hujus Avia *Dorothea Sophia*, Philippi Wilhelmi Electoris Palatini filia Parmæ obiit, 78 ætatis anno. Ex primo conjugē, Odoardo II Duce Parmensi, genuit Elisabetham Philippo V Hispaniarum Regi nuptam, Caroli, Philippi, & Ludovici matrem, quæ hæreditatem in Hispaniam asportari iussit.

Anno 1749 Papa Jubilæum universale indixit, atque in pervigilio Nativitatis Domini, ipsemet portam Ecclesiæ S. Petri, aureo malleo ter illam pulsando, aperuit, Cardinalibus Ruffo, Corsino, & Colonna ad Ecclesias S. Pauli, S. Joannis in Laterano, & S. Mariæ Majoris, eandem ceremoniam peragentibus. Cardinalis vero Simonettus, Mediolanensis, Episcopus Viterbiensis portam æternitatis aperuit.

Regi utriusque Sicilia Pontifex facultatem impertit, reducendi plura Festa, & donum gratuitum a Clero recipiendi.

Corsi.

Marchio Curiaus cum copiis suis Gallicis, quæ post ultimum bellum in Corsica remanserant, omni ope contendit, ut gentem reluctantem Genuensibus tandem subiceret. At illa sub protectione Regis Gallia recipi petiit; quod tamen eidem negatum. Interea autem Curiaus Bastia, urbe regni principe, Academiam instituit.

Caterum Corsi Legatum Aquisgranum ad pacificationis locum miserant, ubi querelas suas contra Genuenses proposuere: Nobilitatem suam penitus deprimi: a muneribus publicis se excludi, omnes

omnes Episcopatus Insulæ a Genuensibus occupari, iustitiam male administrari, omni cum exteris commercio sibi interdicti. Rogabant igitur Legatos, ut sub protectionem Galliæ sibi liceat concedere; alias enim turbas nunquam finiendas.

Quia circa executionem pacis variæ adhuc difficultates se opponerant, institutus est Niceæ congressus, quo defidia Statuum Italiae componerentur.

Carolus Emmanuel Rex Sardinia portu Finariensi Genuensibus restituto, alios tres instruxit, atque ut commercia magis semper magisque efflorescerent, liberos declaravit; & ut vinculum cum Hispania magis firmaretur, Victorem Amedeum primogenitum suum cum Maria Antonia, Regis Philippi V filia despondit.

Philippus, jam Dux Parmæ, Placentiæ, & Guastallæ, provinciarum istarum possessionem solenni ingressu adiit, atque conjugem suam Ludovicam Elisabetham, quam bellum per aliquot annos ab eo abstraxerat, cum filia Elisabetha Maria, ex Gallia ad se accersivit.

Dux Mutinæ, in provincias suas redux, Sassoli sedem fixit, ac subditos suos, belli calamitates passos, pecuniæ subsidio solabatur.

Princeps Marcus de *Craon*, postquam 12 annis Regimini Florentino, Magni Ducis nomine præfuit, abdicato propter senectam munere, primum Viennam, dein Commmercium in Lotharingiam patriam suam concessit, reliquum ibi ætatis transacturus. Successit Marchio *Steinviilius*, pariter Lotharingus, Magni Ducis antea Parisiis Minister.

Anno 1750 pridie Natalis Domini Pontifex Bened. XIV januam Basilicæ S. Petri rursus solenni ritu clausit, & Jubilæum per reliquum orbem Christianum indixit.

Cardinales vero duo vitam clauferunt: Vincentius Bichi Senensis anno æt. 82, famosus antehac Nuntius in Lusitania: & Nuntius d'Acunha, Lusit. æt. 85.

Rex utriusque Siciliae Carolus, pacis fructus lecturus, urbes portusque maritimos provide reparavit, munitque. Cursum Marchio cum Gallicis suis copiis hoc etiam anno permansit in Corsica, habuitque incolas satis sibi obsequentes. Venetos cum Aula Romana Patriarchatus Aquilejensis collisit, prout in annum sequentem referetur. Cæsari Cattaneo, per biennium pro more Ducis Genuensis munere perfuncto, successus est Augustinus *Viale*. Jacobus *Durazzo* Legatus Viennæ Reipublicæ offensam incurrit, quod Austriacam duxerit conjugem, eique pingue dotalitium assignarit ex Ban-

Nuptiæ.

Parmæ.



co Viennensi. Revocatus propterea Genuam, ut gestæ Legationis rationem redderet, non comparuit, sed Austriacis obsequiis se addixit.

*Sponsa Hisp.* *Taurini* insigni cum celebritate & applausu excepta est Hispana Princeps Maria Antonia, Victoris Amadei Regii Principis conjux. Pactis dotalibus, præter magnam auri vim allatam, & navibus Pedemontanis promissa privilegia, Hispania cessit sua præensione in Ducatum Mediolanensem. In contradotem vero sponsæ pro Vitalitio assignatum est Cuneum (*Coni*) opulenta & permunita civitas, in amœna regione monti imposita.

Harrachio Mediolanensi Gubernatori succēssit Pallavicinus, patria Genuensis, Austriacarum per Italiam copiarum Præfectus. Mantuanus Ducatus a Mediolanensi rursus fuit separatus. Hujus Gubernator renuntiatus Leopoldus Princeps Darmstadius, Comes Christiani Cancellarius Longobardiæ Austriacæ, Vice-Gubernator.

*Muratorii obitus.*

Mutinæ obiit Ludovicus Antonius *Muratorius*, Ducis Bibliothecarius, anno æt. 78, per libros suos magnum apud eruditos nomen adeptus. *Italia Illustrata* ab omnibus celebratur. *Moderamen Ingeniorum in Religionis negotio* videtur immoderatum. Qui proficitur moderamen, non debet sectari extrema. *Votum sanguinarium* non est satis reverens in Conceptionem Immaculatam B. V. Mariæ, & Ecclesiæ de ea sensum. De rebus Paraquariæ relationem, uti animosam, ita veram scripsit.

117.

*Causa Aquilejensis.*

Anno 1751 composita est *controversia Aquilejensis*. Quamvis Patriarchatus Aquilejensis (qui Schismati, propter tria famosa *Capitula* exorto, suam originem debet) in Austriacæ Domus & Venetorum ditiones late fuerit exporrectus, soli tamen Veneti Patriarcham, qui Primas erat Istriæ, constituendi privative sibi jus vendicabant; atque, ut semper Venetus promoveretur ad eam dignitatem, nec ordo providendi ad Domum Austriacam deveniret, cuius Patriarchæ a multis jam annis copiam fecerunt, Coadjutorem sibi assumendi, cum jure successionis.

Indignum hoc videbatur Austriacis, eo etiam ex capite, quod Aquileja in sua ditione esset sita: quare causam ad Sedem Apost. detulerunt, petieruntque, ut alternatio saltem decerneretur, opponentibus se acriter Venetis. Unde Papa ordinavit, ut Spiritualis Jurisdictio in terris Austriacis non per Patriarcham, sed per Vicarium Apostolicum exerceretur. Neque hoc placuit Reipublicæ. Cum autem Pontifex sententiæ inhareret & Carolum Comitem de Attyimis Vicarium renuntiasset, jussus est Capellus Legatus

Legatus Roma discedere, protestatione relicta, quam tamen Cardinalis Valenti, Status Secretarius, ei remisit. Nuntius quoque Apost. Venetiis Ferrariam discessit.

Tandem Cardinalis Rezzonicus (modernus Pontifex Clemens XIII) Benedicto XIV transactionem obtulit, quam Viennæ Ulfeldius Cancellarius Aulicus cum Trono Reipublicæ Legato conceperat. Conventum per illam, ut Patriarchæ Aquilejensis nomen & dignitas penitus extingueretur, Cardinali Delphino, quoad viveret, titulo relicto; loco Patriarchatus autem duo erigerentur Archiepiscopatus, alter Gorizii in ditione Austriaca, alter Utinæ in Veneta: hujus reditus & suffraganei sint ex ditione Veneta, illius ex Austriaca. Ad hunc nominet Respublica, ad illum Archidux, neuterque ab altero dependeret. Pontifex edita Bulla hanc conventionem approbavit, ut infra dicitur. Capellus vero ad Legationem Romanam rediit.

Præter Kollonitsium, supra memoratum, obiit Cardinalis Hannibal Albani, Episcopus Portuensis, anno æt. 70, Cardinalatus 40, quem a Clemente XI patruo suo fuit consecutus. Hæredem instituit Horatium Albanum, Principem Soranum, nepotem suum.

Carolo, Regi utriusque Siciliæ natus est tertius Princeps Ferdinandus Antonius. Idem Rex Capuæ erexit Academiam, ad instituendam juventutem in arte maritima & navali, uti etiam Neapoli Hospitale Regium, & societatem commercialem; atque ut ea magis floreret, cum Hollandis tractavit.

Corfi hoc anno, opera Gallorum, Genuensibus, tanquam legitimis Dominis suis, se subjecerunt. Sed constantia eos destituit.

Victori Amadeo Sabaudia Principi ex Philippi V Hispania Regis filia natus est filius, cui nomen avi Caroli Emmanuelis fuit impositum. Similiter Philippo Parmensi Duci ex Gallia Regis filia Ferdinandus Ludovicus Philippus, magna cognatarum Domuum lætitia, quam auxit Ludovica, eodem adhuc anno Philippo nata.

Natales.



CAPUT III.  
Status Galliæ  
SÆCULO XVIII.

## Art. I.

*Partitiones Hispaniæ. Testamentum Caroli II. Bullionius Card. Regis gratia excidit. Bellum Italicum Universale. Prælia in Italia. Imperator, Imperium, Anglus, Hollandus, Lusitanus, Sabaudus in fœdus.*

118.] Quia Gallia in Italia, Germania, ad Rhenum, in Belgio, in Hispania, in Lusitania bellum gessit, boni consulet lector, siin brevem hic epitomen contraham, quæ propriis locis dicta sunt aut dicentur, ut rerum connexio oculis clarius subjiciatur.

Anno 1698 Hagæ initus Partitionis tractatus, quem vide in *Hispanicis*. Delphino designata Sicilia, Neapolis, Sardinia, portus Hetrusci, Marchionatus Finalensis, Guipiscoa, &c. Archiduci Carolo Ducatus Mediolanensis, reliqua Hispaniæ Monarchia Principi Electorali Bavarix, qui anno sequenti Bruxellis obiit.

Successio  
Hisp.

Igitur anno 1700 altera facta est a Gallis, Anglis, & Hollandis Hagæ divisio, qua addita Delphino Lotharingia, Mediolanum vero Josepho Duci Lotharingiæ assignatum: reliqua Monarchia Carolo Archiduci. Quidam Scriptores existimant, omnes istas partitiones merum fuisse ludibrium, artemque arcanam Ludovici, qua Europæ Principes inter se committat; cum prope sciret, Hispanos Proceres ab omni Monarchiæ divisione abhorreere, neque Imperatorem, ad Italiam maxime respicientem, eidem assensurum.

Testamen-  
tum Caro-  
li II.

Eodem anno 1700 i Novemb. obiit Carolus II Hispaniarum Monarcha, nulla relicta prole. Aperitur *testamentum*, quo memorabatur, Annam Austriacam Amitam & Mariam Theresiam sororem Caroli non renuntiasse successioni, nisi ad evitandum, ne regnum Hispaniæ uniretur Francico. Hoc fundamentum renuntiationis cum non subsistat, jus successionis esse penes proximos consanguineos secundum leges Regni; in casum igitur, quo Carolus sine prole decederet, coronam Hispaniæ debitam fore Philippo, Duci Andegavensi, Delphini secundo genito, secundum ordinem sanguinis & cursum naturæ, hunc proin a se nominari successorem, cum mandato,

dato, ut omnes subditi eundem recipiant & recognoscant pro suo Rege ac Domino.

In casum, quo Dux Burgundiæ Ludovicus obiret improlis, & Philippo regnum Franciæ obtingeret, Carolus Philippo substituit Ducem Bituricensen, tertio genitum Delphini. Post istos tertio loco ad hæreditatem vocat Carolum Archiducem, & quarto Ducem Sabaudia; hortaturque subditos, ne vel minimam sectionem divisionemve Monarchiæ patiantur. Ita d' *Avrigny Hist. Prof. ad an. 1700*, additque, Carolum propria manu signasse, ac declarasse, hanc ultimam suam esse voluntatem; subscripsisse Ministros Status & Justitiæ; missumque illico curforem ad Regem Ludovicum, qui hæc nuntiaret: deliberasse illum, quam sibi rationem ineundam putaret: conquestum Philippum Ducem Aurelianensem, Regis fratrem, se ex Anna Hispana natum in testamento fuisse præteritum: Delphinum declarasse, sibi quidem soli jus successionis competere, sed cum Imperator, & Principes Germaniæ atque Italiæ Tractatui Partitionis nolint assentiri, Hispani autem nolint Monarchiam dividere, abdicare se jus suum in favorem filii secundo geniti, ut possit cum solatio dicere: *Rex pater meus: Rex filius meus.*

Non desunt ex Scriptoribus etiam Gallis, qui hic prudentiam Ludovici Regis requirant, quod deserto partitionis tractatu, quo grandia incrementa accessissent coronæ Franciæ, testamentum acceptarit, quo Gallia nihil luceretur, imensos vero sumptus faciendos prævideret, tantumque sanguinis fundendum fore. Sed voluit sui sanguinis Principem esse Regem Hispaniæ; quamvis non ignoraret, ejusdem stirpis & familiæ Principes non semper in idem consentire.

Hoc anno Cardinalis Bullionius a Consilio Status omnibus suis officiis, dignitatibus, & redditibus fuit privatus. Vitio ei datum, quod, dum Legati munere Romæ fungeretur, non satis urgeret condemnationem libri, quem Fenelonus Archiepiscopus Cameracensis de *Regulis Sanctorum* ediderat, & Bullam eligibilitatis pro Abbate Subisio ad Episcopatum Argentinensem impetrare neglexisset, sed quodque Roma advocatus non statim discessisset, sed adhuc tanquam Decanus sacri Collegii electioni Clementis XI interfuisset. Unde Regis gratia excidit, tandemque Romæ in Domo Probationis S. J. pientissime obiit.

Bullion. gratia Regis excidit.



Anno 1701 abiit Philippus in Hispaniam, reservato tamen sibi & successoribus suis jure ad Coronam Galliae pro casu, quo Ludovicus frater senior sine liberis decederet, aut ejus progenies deficeret. Hollandi Anglique eum Regem agnoverunt, missisque litteris sunt gratulati. Elector Bavariae Belgii urbes tradidit, & in patriam rediit. Mediolanum, Sicilia, Sardinia Philippo homagium praestant, quin & Dux Mantuae praesidium Gallicum recipit.

Eugenius Princeps cum viginti quinque armatorum millibus ad *Carpos* Gallos caedit, Castilionem Stiverorum occupat. Villaregius Catinato succedit, sed non majori fortuna belli. Mox enim ad *Clarium* magna caede profligatus est, caesis duobus Gallo-Hispanorum millibus, quingentis captis. Vix passum faciebant Galli, quem Eugenius non praeverteret. Initum jam erat foedus cum Victore Amedeo Duce Sabaudiae, qui promisit suppeditare pro Philippo, cui Ludovicam Gabrielam filiam secundo genitam despondit, octo millia peditum, & duo millia quingentos equitum. Angli & Hollandi petebant, ut Belgium ipsis tradatur in depositum, & Imperatori satisfiat.

Eugenius in  
Italiam.

Traestatu Hailbrunnensi inter Moguntinum, Coloniensem, Bavarum, & Circulos, Suevicum atque Franconicum conventum de *neutralitate*. At non diu haec tenuit. Interim vero Angli & Batavi Hagae cum Caesare in foedus eunt. Ludovicus vero mortuo Jacobo II ejus filium Jacobum III Regem magnae Britanniae proclamat. Quare Parlamentum Londinense Annam haerodem denuntiat, eique Sophiam substituit. Ne Carolus XII Sueciae Rex Gallo-Hispanis faveat, Angli & Hollandi foedere cavent. Colonienfis Gallica recipit praesidia, tanquam auxilia circuli Burgundici adversus Hollandos, qui armati imminebant, ut electorem in partem trahant. Et decorum visum, Philippum nepotem defendere. Exigebat tamen a praesidiariis juramentum, quod nemini, nisi sibi parere velint, nihil hostile contra Imperatorem & Imperium sint acturi: atque sint recessuri, cum Electori placuerit. Scripsit dein primum Comitibus Ratisbonensibus, dein etiam Caesari, se nihil egisse, quod non sit conforme libertati Germanicae, Bullae Aureae, & constitutionibus Imperii. Colonia contra praesidium Hollandicum recepit.

In Italia, postquam uterque exercitus per bimestre ad Ollium confedit, Eugenius, ut ampliorem pro hybernis haberet locum, occupat Ustacum, Burgum, Governolum, Guastallam, Luzaram, Brixellum, Mirandulam. Neapoli multi Nobiles, Domui Austriacae faventes pro Archiduce Carolo advocando conspirarunt: sed de-

detectis conatibus Eugenius expeditionem Neapolitanam, magnis difficultatibus obnoxiam, & Romæ ingratham, intermisit.

Anno 1702 commune igitur foedus inter Cæsarem, Anglos, Batavos, Brandenburgum, Palatinum, Hannoveranum, & Ludovico Regi bellum denuntiatur. Undique igitur classicum insonat. <sup>Bellum uni-</sup> Dux Burgundiæ cum Boufflerio Cliviam & Juliacum, Tallardus & <sup>versale.</sup> Montrevilius superiorem Rhenum infestant. Quibus Cæsar opponit Ludovicum Badensem, Nassovium, Tillium, Athlonem, cum Imperialibus, & Franconia, Sueviæ, superioris & inferioris Rhæni circularum, in foedus recens attractorum, legionibus. Occupantur ab iis varia loca, interque illa Leodium & Landavia, præsentente Josepho Romanorum Rege.

In Italia Eugenius totum ferme Mantuanum agrum occupaverat, urbe principe excepta, quam aliquamdiu obsessam tenuerat. Mutinensis Berfelli Cæsareum recepit ultro militem. Opportuna autem admodum fuisset *Cremona*, celebris ad Padum civitas. Hinc astu eam intercipere conabantur Cæsarei. Nam 1 Febr. per canalē, unde sordes ex urbe egerebantur, proditione curionis, per cuius cellam canalis ductus fuerat, immissi milites, præstolantibus extra urbem copiis portas aperuerunt. Nox erat concubia. Strepitu excitantur Galli, hostemque, qui urbem jam pene subegerat, retrudunt, ope potissimum Hibernorum. Cæsi captique sunt utrinque multi, & inter alios ipse Villaregius, quem urbem obequitantem Germani interceptum primum Oenipontum, dein Gracium ab <sup>Cremonæ</sup> duxerunt. Dici potest, hoc stratagema utrinque aliquid honoris attentatio, habuisse, & aliquid dedecoris: altera pars facinus astute aggressa, decemque horas fortiter pugnans urbem pene oppressit, Ducemque primum hostium vel victa & fugiens secum abduxit captivum, sed tamen victa fugit. Altera se opprimi passâ propemodum victa vit, sed iactura Ducis, multorumque militum: illi initium felicius, huic finis. Astus felicem creditur habiturus fuisse exitum, si Valdemontius cum altera copiarum parte satis mature potuisset adesse.

Plus damni Cæsareis Vendomius ad *Crozzollum* intulit; perque hanc victoriam Mantuæ obsidionem solvit, per Albergottum Muti-<sup>Prælis.</sup> nam & Rhegium expugnat. Secutum est prælium ad *Luzzaram*: pars utraque triumphum cecinit. Et quamvis plures Galli ceciderint, Vendomius tamen Luzzaram & Guastallam recepit, Tessæus autem Borgosortum, cum aliqua Germanorum clade.

Philippus



Philippus Andegavensis hoc anno venit Neapolim & Mediolanum, ubi homagium recepit; inde vero Genua solvens in Hispaniam rediit; ubi triste nuntium accepit, classem Indicam, auro argentoque onustam a Rookio, Angliæ Archithalasso, fuisse interceptam; Ruremundam, Venlonam, Landaviam & Leodium esse occupatum a Fœderatis. Solata tamen est victoria *Fridlingana*, quam Galli suam, Germani ancipitem dixerunt. Certe illa Villario Franciæ Marechalli dignitatem, & armorum Imperium ad Rhenum contulit.

Tallardus Treviros & Trarbachium capit, Elector Baviaræ Ulmam, Memmingam, Biberacum, Ehingam, Pfullendorffium: Reges Fœderati ei Belgium attribuunt.

Anno 1703 Villarius, Rheno transmissus, Kehlum occupat, & per Hercyniam progressus, Dutlingæ cum Electore Baviaræ se conjungit. Villaregius Tungros, Marleburgus vero Bonam expugnat; Tallardus Brisacum & Landaviam, Fœderati Limburgum, & Geldriam.

In Italia copiæ Cæsareæ, quas Guido Stahrenbergius ducebat, Lusitanus & Sabaudus cum nulla supplementa mitterentur, in magnas angustias sunt redactæ, fervente in Germania belli incendio.

Lusitanus & Sabaudus fœdus. Auctum tamen magnis accessionibus est magnum fœdus, Lusitanæ nempe Regis, & Ducis Sabaudicæ. Arctis hic licet per duas filias illigatus vinculis duobus generis, ac fœdere etiam inito; quia tamen ab Imperatore Montisferrati ei Ducatus, in quantum ad Mantuanum spectabat, ac præterea Alexandria, Valentia, cum terris, intra Padum & Tanarum sitis, aliaque plura offerebantur, ditionis incrementum sanguini & affinitati præhabuit. Galli jam pridem suspectam ejus fidem habebant; at postquam animus patuit, Vendomius ejus copias exarmavit; Dux vero Gallis, quantum potuit, vices reddidit.

Eadem ferme ratio erat Petri Regis Lusitanicæ; initio Gallo-Hispanis favebat, dein autem tractus a fœderatis in societatem fuit sub conditione, ut Lusitanicæ regno accederent Pax Augusta, Alcantara, Albuquerque & Valentia in Extremadura: Bayona, Vigo, Gardia in Galicia, pluresque regiones in America.

(D. Arigny ad an. 1703.)

## Art. II.

*Belli per Europam facies. Gallorum clades. Vervæ cruenta expugnatio. Calvinistarum in Occitania rebellio. Fœderatorum progressus. Pugna Höchstadiana pro Germania, Ramiliaca pro Belgio, Taurinensis pro Italia decisiva. Neapolis quoque amissa. Frustra tamen tentata irruptio in Galliam: quam etiam pugna ad Alamanicam aliquantum recreavit. Causa Ferrariae & Comacini. Oranum amissum.*

Anno 1704 in Sabaudia Fevillada Nizzam & Susam capit, Vendomius Vercellas, Juream. Peculiare fœdus Dux cum Anglis percussit. Quo illi promittunt 4000 armatorum, & annuatim 40000 Sterlingarum. In Lusitania, postquam Philippus V Regi, in fœderatorum partes jam transgresso, bellum denuntiarat, varias illius urbes occupat, multosque captivos abducit. Sed advenientibus fœderatorum copiis ablata Rex recepit; ac insuper Fœderati Gibraltarum, male custoditam, facile expugnarunt. In Belgio atque ad Rhenum vix aliquid memorabile hoc anno actum, quia tota belli procella Danubio incubuit. At victoria Höchstadiana Germaniam bello liberavit. 20000 qua cæsos qua captos fatentur ipsi Galli. Conspecta mox est inscriptio: agnoscat Ludovicus XIV, neminem ante obitum debere aut felicem aut magnum vocari.

Accessit pugna navalis, qua victores pariter erant Fœderati, favente illis maxime vento. Hoc certum, multum utrinque sanguinis fufum & damni allatum; prout etiam in pralio ad Vervam, Gallis fortiter resistentem; quæ tandem Vendomii arbitrio se permittere coacta est. A sæculo non est audita tam diuturna, aut tam cruenta oppugnatio; nec tam urbem, quam bustum & lapidum congeriem Galli ingressi sunt.

Ad calamitates anni 1704 nihil Gallis deerat, quam ut domestico etiam bello premeretur. In Languedociam ac Cebennarum præsertim montes vallesque multi Calvinistæ penetraverant. Hi tributorum collectores suspendio necarant, contractis crematisque sacris imaginibus, vasis sacris profanatis, Ecclesiis incensis, sacerdotibus ad altare jugulatis, exempla Majorum suorum instaurarunt,

Pars X.

U u

bello

Vervæ;

Calvin. rebellio.



bello gravissimo, quo Francia opprimebatur, confisi. Nemini jucundius hoc erat spectaculum, quam Anglis & Hollandis, qui fanaticos istos rebelles fratrum nomine honorabant.

Major erat mali vis, quam ut præfidiarius locorum miles compescendo sufficeret; sed nec Montrevelius Franciæ Mareichallus, cum novis missis copiis par erat. Quare Villarius suppetias ferre coactus alios nece, alios exilio multavit. Sæpius postea regressum tentabant, sed Ludovicus maluit vires suas atteri, quam religionis officiis deesse.

**Hisp.** Anno 1705 Fevillada Villafrancam cepit. Ad Gibraltariam vero quinque Gallorum bellicæ a Leackio Anglo aut captæ aut destructæ sunt. Valentia & Alcantara Gallovaso dedita. Exercitæ in illis Anglorum & Hollandorum in sacra insolentia animos Hispanorum adhuc magis alienarunt. Expugnarunt tamen Fœderati Barchinonem, quo pacto duas provincias, Cataloniam & Valenciam sunt adepti; accessit brevi cum Cæsar Augusta Arragoniæ regnum. Ex altera parte Lusitani, occupata Albuquerque, Extremaduram apertam habebant. Nec Tessæus, ut resisteret, sufficienti milite erat instructus.

**Ital.** Princeps Eugenius, Germania liberata, cum novo exercitu in Italiam rediit, ubi expugnata a Gallis *Mirandola*, vix quidquam Cæsareis erat reliquum. At Eugenius plura mox loca occupat. Ad *Cassanum* haud procul Adda fluvio ventum ad prælium, admodum cruentum. Pars utraque victoriam sibi attribuit: sed utraque jactura gemebat. Summi utrinque Archistrategi Eugenius & Vendomius recessere vulnerati. Galli tamen ultimi perstiterunt in campo Martio. Galli Montmelianum rupi impositum demoluntur, uti etiam Nizzam.

**Belg.** In Flandria Baro de Monte Gubernator Lovaniensis se & præsidium captivum tradidit Fœderatis, antequam isti tormenta in suggestibus collocarent. Captum etiam ab illis Tillemontium. Cæterum Elector Baviariæ, Villarius, & Villaregius ex una, & Marlebourg atque Fœderati ex altera parte mutuis militaribus artibus se in Belgio circumduxerunt.

**Ramiliaca.** Nullus annus majorem Galliæ calamitatem attulit, quam 1706; geminam siquidem cladem, eamque immanem perpeffa est in Belgio & Italia: quippe in illo Villaregius cum Marleburgo Anglo, & Owerkerkio Hollando ad pagum Ramiliam (*Ramillies*) prælio congressus, tanta clade fuit affectus, ut completa Fœderatorum victoria deciderit omnino statum Belgii Hispanici, sicut Höchstadiana Ger-

Germaniæ. Scribitur, tum in prælio, tum in fuga tot Gallos esse caesos captosve, ut ex 60000 vix tertia pars evaserit salva.

Magnitudinem victoriæ loquuntur fructus, qui fuerunt ingentes; nam Gallimox ultro deferuerunt urbes multas insignes, Mechliniam, Lieram, Bruxellas, Gandavum, Brugas, Daman, Aldenardam, quæ omnes Carolo, ceu Hispaniarum Regi se subjecerunt; Flandrique dein Ordines tanquam legitimum Dominum suum eundem promulgarunt.

Antverpia sex Hispanicis & sex Gallicis cohortibus defendebatur. Cum autem per dies aliquot arcte premeretur, Hispani armis positis Gallos quoque ad deditionem permoverunt. Mox Ostendæ, trium illud annorum olim cruentum opus, octidui spatio ab Oberkerchio est expugnata. Excessere 5000 Gallorum. Idem fatum subierunt aliæ urbes munitissimæ, Dendermonda, Athum, Menina.

Alterum lethale vulnus Gallo-Hispanis inflictum est in Italia. Pug. Taurinæ.  
Læta erant anni initia. Vendomius 3000 Germanorum ceciderat, totum Pedemontium, Taurinum si excipias & Cuneum, erat subactum, cum Rex Ludovicus, ut prostratas Belgii res erigeret, novosque militi animos inspiraret, Ludovicum Vendomium (Henrici IV pronepotem) quo meliorem Ducem Gallia non habuit, Italia extraxit, & Villaregio, viro probo artiumque bellandi gnaro, sed infelici, substituit: Vendomio vero in Italia Philippum Ducem Aurelianensem, suum ex fratre nepotem, & Marsinium Marechallum.

Hi, ut conceptas de se spes implerent, *Taurino* oppugnando exercitum admovent. At Eugenius superveniens eos aggressus tantam stragem edidit, ut Aurelianensi vulnerato, Marfinio occiso, tum in acie, tum in fuga confusa, multa Gallorum millia occumberent, aut ad hostem transfirent, relicto in castris 255 tormentorum, 108 mortariorum, alioque apparatu bellico prorsus immani.

Completæ victoriæ fructus erat Italia: partus Ducatus Pedemontanus, Mediolanensis, Mutinensis, Mantuanus, cum permunitis urbibus, Pavia, Soncino, Castilione, Pizzigitiona, Alexandria, Novarra, Tortona, Chiva, Casali, Asto. Quin & regnum Neapolitanum huic victoriæ debetur. En, quantum momenti sit in uno secundo prælio! *Höchstadianum* Germaniam, *Ramkianum* Belgium Hispanicum, *Taurinense* Italiam evacuavit.



Barcino.

Atque ut nulla provincia sit expers cladis, Galli obsidionem *Barcellonæ* solvere coacti sunt, relictis omnibus impedimentis, 106 tormentis bellicis, 47 mortariis, 2000 globis ignivomis, alioque apparatu sane plurimo. Philippus ipse ad Pyrenæos fugit. Accessit jactura Balearium.

Et Italia  
liberata.

Ludovicus Rex, ante hoc sæculum perpetuo victor terrorque Europæ, tantis undique cladibus & calamitatibus pressus pacem petiit; sed frigide & superbe responsum ab Anglo-Batavis.

Anno 1707 cum, accisis viribus, Longobardiam recuperandi spes non esset, velletque saltem Hispaniam nepoti servare Ludovicus, Mediolani cum Eugenio *Evacuationis tractatum* iniiit, quo Gallis liber abitus ex Italia concederetur, qui alias fuissent perdit. Eugenius hoc pactum ineundum putavit, quia alias per biennium bellum per varia munimenta arcesque, quas Galli infederant, adhuc circumferendum fuisset; hæc autem ratione partæ Italiæ gloriæ, exercitusque, alibi mox impendendi, conservationem est consecutus.

Neapolis  
occupata.

Quippe Gallis ex Italia digressis Daunium cum decem millibus armatorum ad occupandum Neapolitanum regnum ablegavit. Capta in itinere Capua, superveniunt Legati Neapolitani, claves urbis Daunio oblaturi, totumque regnum, principis urbis exemplum secutum, sui deditionem fecit. Comes Martinitus datus ei Prorex, Duce de Ascalone, qui ea dignitate fuerat ornatus, Gaetam aufugiente, quam urbem Daunius tertio obsidionis mense impetu cepit, prædamque, aliquot millionibus æstimatam, reperit. Eam quippe in urbem, præclare munitam, tum Prorex, tum alii dynastæ bona sua, tanquam asylum tutissimum, deportarant. Ascalona vero, Cellemarius, præter alios e prima Nobilitate complures cum 2000 gregariis capiuntur.

Irruptio in  
Gall.

Daunius inde cum expedita suorum manu Florentinis portibus imminens Plombinum & Orbitellum, quod commodam navigationem præbet, Gallo-Hispanis eripuit.

Eugenius interea cum Victore Amedæo Duce Sabaudia in ipsam Galliam expeditionem arduam suscepit, cumque Thessius omnia in Delphinatum itinera valido occuparet præsidio, in Provinciam irrumpit, ibique Telonem Martium (Toulon) obsidebat; sed obsidionem solvere coactus viam repetiit, & in reditu Sufam expugnavit. Schovellus Anglus mari Telonem oppugnavit, sed re pariter infecta discessit. Mirum videri posset, quantumvis undique

que Gallus contundatur, nunquam tamen in Gallia theatrum belli figi posse.

Tandem hoc anno post diuturna densa nubila Phœbus Bononiis aliquantum resplenduit; quippe Philippus multo firmatus Pug. ad Alam. milite Fœderatos, quos Gallowæus ducebat, ad *Alamancam* adeo *maneam*. cecidit, ut plenam eamque insignem victoriam *Bervickii* Ducis opera reportaret, cæsis, ut fertur, 6000 fœderatorum, totidemque captis. Altera die ab hac victoria Dux Aurelianensis in castra venit, ac usus victoria, a Bervickio parta, sex intra dies totum Regnum Valenciæ & Arragoniæ in Philippi fidem adegit; tanti refert vel unius pugnae felix an infelix alea.

In Belgio, Vendomio bellum pro rerum præsentis articulo prudenter administrante, tota expeditio variis itineribus & aliquot velitationibus stetit. In Germania Villarius in Sueviam & Palatinatum procurrit, a Mercio dein ultra Rhenum retrusus.

Anno 1708 in *Belgio* Bellona acerbius sæviit. Duces Burgundiæ & Biturigum, Philippi fratres, centum millium exercitum adduxerant, amissa ut recuperent. At spes sua eos fefellit; quippe Eugenio cum triginta millibus Marleburgo se conjungente, tanta ad *Aldenardam* clade affecti sunt, ut 3340 Francorum in acie ceciderint, ad 9000 capta sint, 3000 transfugerint. Galli hunc numerum valde imminuunt; imo dicunt, suos usque ad noctem in acie stetisse, & in receptu damnum aliquod passos; paremque utrinque fuisse jacturam. Insulæ (*L'Isle*, *Ryssel*) victoriæ præmium fuerunt, a fœderatis expugnatae, quamvis a Bouflerio defensæ. Accessit *Wyndensis* Gallorum clades. Visi sunt Galli malle perire, quam Vendomii consilia aut ductum sequi. Ille pertæsus rerum privatus vixit, donec in Hispaniam fuit avocatus.

Ad Aldenard.

In *Italia* Dux Sabaudia suis receptis denuo in Galliam irruit, atque Fenestrellam, Perousam & Exillas occupavit. Imperator ei Investituram Montisferrati contulit, ea lege, ut in fœdere permaneat usque ad universalem pacem; certam pecuniæ summam pendat Mutinensi, donec possessionem Ferrariæ obtineat. Cæsariani occuparunt *Comachium*, & alia loca, ab Ecclesia Romana, jam inde a Pipini, & Aistulphi Regis Longobardorum temporibus possessa. Carolus M. eandem possessionem & proprietatem Ecclesiæ confirmavit. Ineunte sæculo XIV Ferraria & Comachium collata Domui Estensi in feudum, Principesque illius Familiæ tanquam Vasalli Ecclesiæ, dominium ejus directum agnoscentes homagium præstabant.

Comaclum  
captum.



Anno 1597 Alphonso II Ferrariæ Duce sine liberis defuncto Clemens VIII feudum Ecclesiæ apertum declaravit, & dominium utile Ducatus Ferrariæ & Comachii cum directo consolidavit, protestante licet Cæsare Estensi, Mutinæ Duce.

Causa.

Continua dein fuit Ecclesiæ possessio ultra centum annos, usque ad annum videlicet 1708, quo Belliduces Josephi Imperatoris Ferrariam obsederunt, & Comachio præsidarium militem immiserunt. Causæ narrantur 1. quod Clemens XI causæ Borbonicæ addictior videretur, nolletque Carolum Archiducem Hispaniarum Regem publice declarare. 2. Quod Imperator Mutinæ Ducis, qui toto hoc bello partes ejus fuerat secutus, prætensionem faveret. 3. Quod quidam Jureconsulti Germaniæ quoddam *Reunionum* systema Imperatori proposuissent, non modico terrore Principibus Italiæ injecto, ne libertatis jacturam incurrere cogerentur.

Clemens XI cum miles Germanus insolentius in ditionibus Ecclesiæ se gerere videretur, nec arma spiritualia formidaret, vim vi repellendam ratus, milites conducere iussit, suppetias a Catholicis Helvetiæ Cantonibus petiit, atque ad defensionem impigre se præparavit, acceptis ex castro S. Angeli belli subsidii.

Sed cum plures hinc ex Ducatu Mediolanensi, inde ex regno Neapolitano Romæ imminerent legiones, imparem tantæ potentæ se fore facile prospiciens, has tandem conditiones inire coactus est.

Pax cum  
Pont.

1. Ut copias suas Pontifex ad 5000 reducat, Cæsareæ vero ex Statu Ecclesiastico discedant, exceptis sex millibus, quibus sua Sanctitas sustentationem præbeat.

2. Ut Papa abdicet Gallos & Hispanos, quos suo servitio addictos habet.

3. Ut controversiæ inter Pontificem & Ducem Mutinæ arbitris committantur.

4. Ut non assistat hostibus Imperatoris aut ejus fœderatorum, nec Neapolitanis transfugis.

5. Ut Comachium interea in possessione Cæsaris permaneat, donec per Commissarios conveniatur de feudis Cæsareis, sicut etiam de Parma & Placentia.

Quamquam autem in his articulis non fuerit expressum, ut Pontifex Carolum Archiducem agnoscat Regem Hispaniæ; quia ad Cardinalium Congregationem hoc negotium erat remissum; Marchio tamen de Prië Legatus Cæsareus id præcise exigebat; alias totum Tractatum nullum fore.

Opor.

Oportuit igitur opponente se licet Tessæo, Legato extraordinario Gallie, ad cavenda majora mala Nuntium Apostolicum Barcinonem mittere cum Brevi Apostolico. Sed hujus inscriptio: *Nostro Dilectissimo Filio Carolo Catholico Regi in Hispania*, Cæsareis displicuit. Igitur hic erat ponendus titulus: *Nostro Dilectissimo Filio, suæ Majestati Catholicæ, Hispaniarum Regi*.

Graviter Hispani tulerunt hoc Breve Pontificium Madriti. Amandatus Nuntius Apostolicus: prohibitum Episcopis commercium cum *Dataria* Romana: discessit Roma Legatus Hispaniæ, quin Papæ valediceret: Cardinalis del Judice, Coronæ illius Protector Genuam abiit. Nec placabantur, quantumvis Pontifex declararet, nullatenus suæ fuisse intentionis, ullatenus præjudicare Philippo V, etiam Regi Catholico & Hispaniarum. Refert se hic Clemens XI ad Clementinam *summus Pontifex 4. de Sentent. Excomm.* ubi Clemens V ait, licet Papa novum dignitatis titulum cuidam tribuat, per hoc illum in dignitate non approbari, neque novum ipsi jus tribui. (*Franciscus Durenas in continuat. Hist. Eccles. Abbatis Fleuri ad ann. 1708. & Avrigny Hist. Prof. ibid.*) Postmodum Carolus VI pientissimus Imperator tempore Benedicti XIII Comacinium Ecclesiæ restituit.

Offensa Hisp.

Oran.

Hispania, efflicta Catholica, hoc anno magnum damnum incurrit, dum *Oranum*, munitissimam in Africa urbem, amisit. Hæc anno 1509 opera & consilio Cardinalis Ximenez barbaris Algerianis fuerat erepta, at durante hoc de Hispanica successione bello, Anglorum consilio & auxilio Mahometani eandem post semestrem oppugnationem expugnarunt, cum probro non exiguo Christiani nominis, nec ante annum 1732 ad Hispaniam rediit.

Archithalassus Leackius *Sardiniam* & *Minoricam* cum munimentis S. Philippi & Portu Mahonis expugnat, contra vero Hispano-Galli Tortosam, Deniam, Alonam (*Alicante*) recuperant. Ne Galli, quod consueverant, in Germaniam ad prædas agendas possent excurrere, Germani occupati erant in ducenda *Erlingensi* linea.

Art.



## Art. III.

*Hagenses pacis articuli Galliæ duri. Belli prosecutio. Malplaquetana Laniena. Cælus Mercius. Galliæ calamitas. Gertrudenbergensis Conventus solutus &c.*

120.  
Artic. Ha-  
genses.

Anno 1709 *Hagæ* Marchioni Torsyo, quem Ludovicus eo legaverat, proposti sunt 40 pacis articuli, quorum hæc summa. Rex Christianissimus Carolum III agnoscat Hispaniarum Regem. Dux Andegavensis intra duos menses eidem restituat omnia loca, quæ tenet occupata. Hoc si non faciat, Ludovicus XIV se conjungat confœderatis, & cum iisdem armis nepotem cogat. Argentina, Kehl, Brisacum, Landaviam Imperatori tradat. Alsatiæ non alio quam titulo Protectoris possideat, nec aliud, quam jus Præfecturæ in decem Imperiales Alsatiæ civitates habeat, secundum Instrumentum Pacis Westphalicæ. Demoliantur suis sumptibus omnia munimenta, quæ construxit a Basilea Philippoburgum usque, nominatim Hünigam, novum Brisacum, munimentum Ludovicianum (*Fort Louis*) Electorem Brandenburgicum agnoscat Regem Borussia, & Principem Neoburgi (*Neuf-Chatel*) Ducem Hannoveranum Imperii Electorem: Annam Reginam Magnæ Britannia, exigatque Francia personam, quæ prætendit, se esse Regem Angliæ; cedatque huic coronæ, quæ possidet in insula terræ novæ.

Dunkercam demoliatur, & portum illius subruat. Hollandis pro limitum securitate cedat Furnas, Meninam, Ipras, Insulas, Condeum, Tornacum, Malbodium: Duci Sabaudia Ducatum hujus nominis, Exillas, Fenestrellam, Chaumontium &c. Hos autem articulos tantum præliminares esse volunt, singulisque confœderatorum extendere suas præteniones. Causam Electorum Colonia & Bavaria in generali pacis tractatione discutiendam, Electori tamen Palatino salvum fore Superiorem Palatinatum, cum Comitatu Cham, quo jam sit investitus. Namurcum, Montes, Carolo-regium, Luxemburgum, Neoportus, Malbodium, Tornacum, Ipræ mox evacuentur. Arma autem non cessabunt, donec hæc omnia fuerint completa.

Quamvis autem Ludovicus, continuis cladibus bellique infelicis calamitatibus esset attritus, provinciæ milite & pecunia exhaustæ, præsensque Galliæ status pacem omnino deposceret, acerbiores tamen erant, quam ut omnes acceptare posset, præsertim ut nepotem

suum

suum propriis armis ab Hispania depelleret, omnes praedictas urbes ante pacem restitueret, & nihilominus post haec omnia executioni data liberum cuilibet foederatorum esset, quae vellet, in pacificationis tractatu deponere.

Quidam Galli scriptores referunt, Eugenium & Marleburgum, Hagae praesentes, tam arduas condiciones suasse, quas Borbonii non possent acceptare, ut victoriarum gloriam ad summum apicem possent provehere, Galliamque priori saeculo toti Europae tantopere formidandam, ad eum statum redigere, unde non posset resurgere. Et sane non erant ita comparatae res Galliae, ut cum spe emolumentum bellum continuare posset, maxime cum foederatorum exercitus supra centum armatorum millia in Belgio excreveret, multique per Europam Principes in partem victoriarum in illo Martis campo sub Eugenio & Marlebourgo, summis ea tempestate Ducibus, mereri vellent, Galli vero multo essent inferiores numero.

Bello igitur resumpto, expeditionem Foederati inchoarunt ab expugnato Tornaco. Secutum est praelium celeberrimum ad pagum Malplaquet, haud procul Montibus Hannoniae, Ducibus hinc Eugenio & Marleburgo, inde Villario & Boufflerio, commissum. Victoria iterum penes illos stetit. Primi quippe campo excessere Galli, ordinibus quamvis non turbatis. De numero occisorum & vulneratorum nihil dico, quia Scriptores in infinitum quodammodo variant, quolibet augente vel minuente caesorum numerum, prout partium studium suggerit. Quidam scribunt, 16000 Gallorum caesos, captos, aut vulneratos fuisse, Galli vero, multo plus damni Foederatos quam Gallos fuisse perpeffos. Hoc certum, toto hoc bello non fuisse pugnam magis pertinacem magisque cruentam, imo non tam pugnam quam lanienam. Villario propter vulnus in genu acceptum ex acie deportato, Boufflerius praerat. Eugenius etiam vulneratus scribitur. Jacobus III Rex Angliae inter Gallos primos ordines duxit, editis praeclaris bellicae virtutis argumentis.

Expugnati mox ab Wilhelmo Nassovio, Frisiae Governatore, Montes Hannoniae, testes & fructus victoriae Malplaquetanae.

Non tam secundo rerum cursu ibant res foederatorum in Germania & Hispania; nam in illa caesus fuit a Gallis Mercius, qui cum 7000 per agrum Basileensem in Superiorem Alsatiam progressus, ab Harcurio & Bourgo ita exceptus est, ut suorum 3000, vel, ut Galli scribunt, 5000 suorum amiserit, vel caesos, vel captos, vel Rheno submersos.



In Hispania vero Marchio de Bay cum Lusitanis, aliisque confederatis acie congressus, ultra tria illorum millia aut cecidit, aut cepit. Galli 5000 occisa scribunt.

In Sabaudia Daunius expugnavit Anicium, Duce hoc anno quiescente, quia alieniore ab Imperatore erat animo, quod is Langharum in Ducatu Mediolanensi feuda, aliaque a Leopoldo M. ut putabat, promissa, sibi vendicaret.

Privatus hoc anno tractatus Anglos inter Batavosque est initus, quo successio Hannoverana in regnis Magnæ Britanniae fuit stabilita, Batavis vero titulo repagulorum, seu securitatis limitum vix non tota Flandria fuit concessa, in praedictum Domus Austriae & ipsius etiam Angliæ.

Obiit hoc anno Henricus Julius Princeps Condæus, uti etiam Ludovicus Contius, Candidatus olim coronæ Polonicae, & P. de la Chaïse Regis Confessarius anno ætatis 84, cui successit P. Tellier S. J. non sine invidia.

Galliæ calamitas.

Anno 1710 Ludovicus rursus pacem petiit, quam vidit regno suo summo opere necessariam; quippe status Galliæ nunquam erat inferior. Commertium jacebat, populus erat exhaustus, copiarum sine stipendio. Obtulit proinde se paratum ad omnes condiciones, superiore anno sibi propositas acceptandas, implendasque, id unum si excipiat, ne contra naturam cogatur, propriis armis Nepotem de throno Hispanico dejicere. Sed erectis in ultiores victorias Fœderatorum animis, pacemque in Galliæ visceribus quærendam esse dicentibus, Conventus Gertrudenbergensis solutus est. Jactanda igitur Franciæ brachia, quantumvis lassâ, ni perire vellet.

Convent. Gertrud. solutus.

Galliæ populi, qui diuturno gravissimoque onere pressi ante murmuraverant, pacemque importune postulaverant, ubi viderunt, septuagenarium Regem suum eo usque descendisse, ut gloriam suam publicæ tranquillitati immolaret, atque condiciones, licet gravissimas, ab Anglo-Batavis acceptare paratus fuerit, quod paupertas reliquum fecerat, libenter contribuerunt, exacerbati etiam ab Hollandis, dum Polignacus & Uxellius, Galliæ ad Congressum Gertrudenbergensem Legati conquesti sunt, fidem publicam & jus Gentium esse violatum, dum velut captivi detinerentur Gertrudenbergæ, litteræ eorum aperirentur, & accessus ad eos fuisset prohibitus. Fœderati expeditionem hujus anni ab expugnatione Duaci, quod Albergottus propugnauerat, sunt auspiciati; tum vero ad Bethunium, S. Venantii sanum, Comineum & Ariam protulerunt victoriam.

In Hispania Archidux Carolus duas a Duce Andegavensi reportat victorias, primam ad *Almenarum*, pleniorē alteram ad *Cesar-Augustam*, quæ mox capta est. Ductus inde Carolus, Stanhopii consilio prævalente, Madritum, Philippo fuga dilapso. At cum Vendomius & Noallius novas ex Gallia copias adducerent, Stanhopius cum octo cohortibus captivum se tradere coactus est, frustra in auxilium accurrente Stahrenbergio, cuius eximia ars virtusque bellica effecit, ne Gallo-Hispani ad *Villam vitiosam* plena potirentur victoria.

## Art. IV.

*Obitus Delphini, ac Caesaris. Rerum mutatio. Præliminare Londinense pacis. Pugna Deniana. Regiæ Domus funera. Pax Ultrajectensis. Villarii ad Rhenum progressus. Pax Badena.*

Anno 1711 14 Aprilis obiit *Ludovicus* omnium Sanctorum, Delphinus Franciæ, quinquagesimo ætatis anno, Regis filius, Regis pater, Regis avus, nunquam Rex. Nullum tantæ ætatis Delphinum vidit Gallia. Connubio sibi junxit Mariam Annam, Ferdinandi Mariæ, Baviaræ Electoris filiam, anno 1680, ex qua genuit, Ludovicum Ducem Burgundiæ, moderni Galliarum Regis patrem. Philippum Ducem Andegavensem, Regem postea Hispaniæ, moderni Regis patrem: Carolum Ducem Bituricensē. Commendatur in eo maxime ingenua morum probitas, & filialis in Ludovicum XIV & Parentem & Regem observantia. Vidit illum in apice gloriæ, vidit, ut rerum humanarum fert conditio, depressum & cum acerba fortuna luctantem. Vidit filium corona redimitum, sed spinis horrente, & tum adhuc nutante.

Cum Fœderati novas palmas cogitarent demetere, mors Imperatoris Josephi consilia eorum disturbavit. Marleburgus, expugnato Buchaino iussu cursum sistere; inita Londini pacis præliminaria. 1 Ludovicus Annam agnosceret Reginam. 2 Gallia & Hispania nunquam uniantur sub eodem capite. 3 Commertium restitueretur. 4 Hollandis cedantur muniti limites. 5 Munimenta Dunkeræ subruantur. 6 Prætensiones fœderatorum discutiantur.



Anglia rece-  
dit. Hos articulos Regina sociis communicavit, eosque Ultraje-  
dum ad pacificationem invitavit. Carolus inter hæc Archidux, re-  
lictâ Barcinone sua Conjuge, Francofurtum abiit; Stahrenbergius  
vero bellum strenue est prosecutus; quamvis cessantibus Anglis &  
Lusitanis modicæ ipsi superessent copiæ. Victor Amedeus Cambe-  
rium recipit, cum tota ferme Sabaudia, Bervico ob paucitatem co-  
piarum non valente resistere.

Obierunt hoc anno celebres Franciæ Mareschalli, Boufflerius  
& Catinatus, hujus tamen mortem alii ad annum sequentem refe-  
runt.

Rerum  
mutatio. 1712. Elector Bavarix recepit homagium a Ducatu Luxem-  
burgico & Comitatu Namurcensi, quos Philippus ei tanquam pro-  
prios cesserat; nam hos solos Fœderati necdum expugnaverant.  
Adjecit Rex Ludovicus de suo Ipras, Meninam, Dûxmûdam, mu-  
nimentum Knock, Hollandorum præsidio tenendas, si Regi resti-  
tuantur Bethunium, Aria, Duacum, Buchainum, S. Venantii  
Fanum; atque ad demoliendam Dunkercam se offert, si sibi red-  
dantur Insulæ & Tornacum. Verum ex his plura, ut mox videbi-  
mus, fuerunt immutata, maxime cum Anglia copias suas abduxif-  
set; nam tunc Villarius plures in Belgio urbes brevi tempore re-  
cuperavit, uti Duacum, Quercetum, Buchainum, Marchicanam.  
Depulsus Albermarle cum Hollandis ab obsidione Atrebatensi, ma-  
nifesto documento, quantum momenti prius fœderi addiderint  
Pugna Denia-  
na. Angli. Celeberrima autem est victoria *Deniana*, quam Villarius  
a Germanis & Hoilandis reportavit, quos *Albermarlius* duxerat. Ex  
17 cohortibus vix 400 milites evaserunt. Inter captos erat Dux  
ipse Batavorum Albermarlius, Principes insuper Nassovius, Hol-  
satus, Anhaltinus. Galli hoc certamine gloriam suam reparatam  
dicunt. Defuit Eugenius. Quid dixissent, si illum vicissent?

Obitus Prin-  
cipum. Quamvis autem hæc læta fuerit Gallis rerum conversio, nescio  
tamen, an ullus toto hoc bello fuerit Familiæ Regiæ annus luctuo-  
sior. Eodem quippe morbo Versaliis obiit Ludovicus Dux Burgun-  
diæ, 30 ætatis anno, hæres coronæ, cum sua conjuge & filio,  
Duce Britannix sexto ætatis anno, in proximam post patrem spem  
regni natus, superstite fratre bienni, qui tamen & ipse eodem  
morbo tunc periculose laborabat, & quamvis bimus duntaxat ef-  
fet, dicere tamen poterat, se quatuor Delphinos vidisse. Vole-  
bat quippe cælum propitium Ludovicum XIV per adversa ad se  
trahere.

Ludum auxit funus Ludovici Josephi, Ducis Vindocinensis <sup>Ven-</sup>  
 (Vendome) qui in apparatu novæ expeditionis in Hispania ad aliam <sup>domi-</sup>  
 eamque perpetuam vocatus est anno ætatis 58. Fuit Pronepos Hen-  
 ricæ IV ex Estrea, bello in Italia, Belgio, & Hispania Præfectus:  
 Princeps, uti indole mansuetus, popularis, ac militi acceptus, sic  
 consilio, arte & virtute militari Eugenio & Marleburgo, summis ea  
 ætate belli Imperatoribus, suppar. Quamvis enim Gallia annuas  
 hoc bello acciperet clades, nullam tamen, quando ille ceu supre-  
 mus belli moderator exercitum solus gubernabat: expertus tamen  
 & ipse infidas humanæ gratitudinis vices. Obierunt insuper Marchio  
 Noallius armorum Præfectus, Cardinalis frater. Item Franciscus de  
 Rohan Princeps Sibiſius, Dux pariter militaris inclitus, relictis tri-  
 bus filiis; quorum unus Cardinalis & Episcopus Argentinensis.  
 Renuntiavit hoc anno Philippus successionem in regno Franciæ,  
 Dux Bituricensis autem & Aurelianensis in Regno Hispaniæ; quo  
 facto Anglia penitus est conciliata.

Anno 1713 Pax Ultrajectensis fuit conclusa. Rex Christianissi- <sup>Jacobus III</sup>  
 mus abdicavit causam Jacobi III Regis Angliæ, in Gallia hætenus <sup>exul.</sup>  
 exulis, sicut in pace Risvicensi patris Jacobi II. Excessit igitur ex  
 Gallia in Lotharingiam, protestatione Ultrajecti interposita. At  
 Angli apud Lotharingum institerunt, ut eum ditione sua expellat;  
 quasi vero non sufficeret amisisse coronam patrum suorum, nisi &  
 omnis commoratio in orbe Christiano ei interdiceretur. Accepit  
 tandem asylum in communi Christianorum patria. Felicius prote-  
 stati sunt Status Leodienses contra præsidia Hollandorum.

Dux Sabaudia: uti coepit titulo Regis Sicilia:, per pacem ipsi  
 tributæ, & Panormum profectus coronam suscepit, contradicente <sup>Sabaudus</sup>  
 Carolo VI Imperatore, atque in Decreto, quo ejus Legatum <sup>Rex Sicilia:</sup>  
 Vienna dimisit, allegante, quod sanguine Germanorum servatus  
 sit sæpius a totali ruina, & nihilominus, nulla Imperii & Imperato-  
 ris ratione habita, in particularem cum Gallo tractatum descendisset  
 contra fœdus & factas promissiones. Verum non omisit Dux  
 causam suam defendere.

Villarius Landaviam & Friburgum in Brisgovia expugnat; jam-  
 que in Germaniæ viscera erat penetraturus, cum etiam Imperator  
 & Imperium ad pacem coepit respicere, Eugenio & Villario Rasta-  
 dium ad Præliminaria componenda se conferentibus. Hæc autem  
 & pacem Badensem anno 1714 subsecutam supra in Germanicis re-  
 tulimus; Pacem vero Ultrajectensem opportunius recensebimus,  
 cum



cum de statu Hispaniæ tractabitur, eo quod in ea pace præcipue actum sit de dismembratione Monarchiæ Hispanicæ.

### Art. V.

*Conventus Cleri Gallicani damnat 4 propositiones Jansenistarum. Juvencii Historia Societatis male accepta. Molestia ob dimissos e Societate. Dissertatio in Cap. 6. de statu Monachorum.*

122.

Episcopi Galliæ singulis quinquenniis celebrare solent Comitæ Generalia, quæ vulgo dicuntur *Conventus Cleri Gallicani*, & sunt instar Conciliorum Nationalium. Hi simul in unum opus, in sex Tomos dispertitum, collecti, anno 1675 Parisiis in lucem sunt editi sub hoc titulo: *Collectio Actorum, Tiulorum, ac Documentorum, Clerum Gallicanum spectantium*. Congregati autem sunt eum in finem, ut extirpentur sectarum reliquiæ, ut obtineant promulgationem Regiam Concilii Tridentini, ut errores emergentes & laxa morum doctrina proferbantur, atque Ecclesiæ disciplina instauretur, aut conservetur, ut vindicetur ac stabiliatur auctoritas & Jurisdictio Ecclesiastica, ut denique rerum temporalium instituatur apud clerum recta administratio, Regique præbeantur subsidia.

Celebris est Conventus, anno 1700 in Regio palatio in suburbio S. Germani habitus, in quo 127 laxas propositiones, ab Alexandro VII & Innocentio XI jam proscriptas, censura perstrinxit, una cum thesibus, a Jansenistis sparsis.

*Prima* ex his damnatis sic habet: tandem Ecclesiæ & Regnorum Principes ex hoc clarissimo argumento agnoscunt, phantasma Jansenii quæsitum ubique, sed nusquam inventum, præterquam in laborante quorundam phantasia.

*2da*: Constitutione Innocentii X nihil aliud actum, quam ut renovarentur, & exacerbarentur disputationes. . . . In eandem viam pertractus est Alexander VII, ut homo ab hominibus facile impellendus in eas res, quæ parum ejus officio convenirent &c. Innocentius quoque XII cum ex officio teneretur, claram proferre sententiam, generalibus, æquivocisque verbis adhibitis, dat locum existimandi, non ausum esse clarius loqui, tanquam errare metuentem &c. atque illud in sensu obvio ejusdem Pontificis, magis adhuc

huc generale est & vagum, quam verba Alexandri VII : *In sensu, a Jansenio intento &c.* Episcopi denique Gallicani libertates Ecclesiæ Gallicanæ, sub earum asserendarum specie, labefactarunt super suscipienda Constitutione Innocentii X contra Jansenium.

3<sup>ta</sup>: Aliquam huic malo attulisse medicinam videbatur Innocentius XII in Brevis suo die 6 Febr. 1694 &c. verum mitigationem illam præsumptam non parum extenuavit Brevis dato 24 Nov. 1696, ubi Pontifex diserte negat, Constitutionem aut Formularium Alexandri VII Brevis suo alteratum aut reformatum &c. in aliqua minima ejus parte.

4<sup>ta</sup>: Circa condemnationem Augustini Jansenii opus esset collatione regulari, vel coram Judicibus, a Romano Pontifice, vel a Rege datis &c. Nondum interierunt omnes, qui sciunt deliberationes (de Janseniano negotio) quas nunc Episcopi ut regulas suarum hodiernarum deliberationum sumunt, Cleri Gallicani æternum fore præjudicium.

Quatuor hisce propositionibus Jansenistarum Clerus Gallicanus hanc censuram inussit: „ Hæ quatuor propositiones, quibus „ inquieti homines Innocentii X, & Alexandri VII Constitutiones, „ Innocentii quoque XII Brevia æquissima, & ab omnibus appro- „ bata, aperte contemnunt, Episcopos Gallicanos, rebus judica- „ tis adhærentes, incessant maledictis, & causam hanc de integro „ retractari postulant; tanquam tot Constitutionibus Apostolicis, „ etiam accedente Ecclesiarum consensione, causa nondum finita „ fuerit, *falsæ sunt, temerariæ, scandalosæ, contumeliosæ in clerum Gal- „ licanum, summos Pontifices & universam Ecclesiam, Schismaticæ, & „ erroribus damnatis faventes.*

Reprobavit etiam propositionem, semipelagianismum olentem, quæ causam discernendi inter justos & injustos in opera mere naturalia refert: & alteram, quæ pactum comminiscitur inter Christum & Patrem conferendi gratiam facienti quod est in se viribus naturæ. Verum illi, qui principium illud, Deus facienti, quod est in se, non denegat gratiam, sobrie explicant de faciente viribus naturæ, hæc duo non dicunt: sed, quod Deus etiam facienti per vires naturæ, quod est in se ex misericordia & bonitate sua non denegat gratiam supernaturalem, per quam actus supernaturales ponat, & justificetur, respiciendo opera naturalia ut merum terminum, nullatenus vero ut meritum aut conditionem, sine qua non.



Proseripsit denique propositiones aliquas nimium laxas, quod sufficiat attritio, ex metu gehennæ concepta, absque ullo ad Deum offensum respectu. Requirit autem conventus initialem & inchoatam dilectionem Dei in poenitente, quæ videlicet, ut loquitur Tridentinum, *incipit diligere Deum tanquam omnis justitiæ fontem*. Denique hortatur omnes, ne doctrina de usu opinionum probabilium abundantur, & in laxas sententias declinent, sed id, quod est tutius, sectentur.

Editus fuit anno 1710 a *Josepbo Juvencio* Historiæ Societatis Jesu Hist. Juvencii *Partis V Tomus Posterior*, eo sermonis nitore, qui sæculum aureum reprehensa: referat. Sed quantum stylus placuit, & concatenata narrationis series, tantum Gallis quibusdam displicuit, quod author non satis, se in Gallia natum esse meminere: eaque scripserit, quæ plures ante eum innoxie litteris mandarant.

Tria autem reprehensione digna sunt visa. 1 Quod laudasset Gregorium XIV ob missâ *Ligæ* Catholicæ in Galliam adversus Henricum IV, tunc adhuc Hugonotum, auxilia: per quod *Ligam* ipsam approbatam interpretabantur. 2 Quod narrando Jesuitarum exilium & mortem P. Guignardi arguere Judices videretur. 3 Quod *Defensionem fidei*, a P. Suarez contra Regem Angliæ compositam, & in Gallia male exceptam, excusare censeretur.

Parlamentum ultra simplicem suppressionem libri procedere volebat; sed Rex, qui Societatem æstimabat & amabat, vetuit ulterius progredi: unde Parlamentum acquievit Patrum declarationi, quod auctori aliqua verba exciderint, quæ in malam partem accipi possent, se legibus & usibus regni addictos, supremam Regis auctoritatem agnoscere.

123:

Alia molestia major, & quæ ipsum Societatis Institutum tangit, eandem anno 1715 exercuit, & quidem occasione Nobilis cujusdam Juvenis, qui fuit dimissus e Societate. Repetit is a consanguineis sua bona: illi restituere detrectabant. Inde lites in Parlamento.

De Scholasticis Societatis.

Habet hoc Institutum Societatis Jesu, a pluribus summis Pontificibus, & ipso adeo Concilio Tridentino approbatum, ut ii, qui tria *simplicia* post Novitiatum emiserunt, fiant quidem vere Religiosi, possint tamen post plures etiam annos usque ad professionem solennem dimitti a Patre Generali, & solutis votis suis religiosis ad sæculum redire, ibique bonis suis uti frui, ac etiam, si Ordines sacros necdum receperint, matrimonium inire; neque enim Societas se obligat ad eos retinendos, quamvis illi se obligent Societati.

cietati ad remanendum, & Gradum acceptandum, omnia intelligendo secundum Societatis Constitutiones.

Ut proin liberius dimitti possint, qui Societati non satisfaciunt, voluit S. Fundator, ut dominium bonorum retineant, donec fiant professi; nihil tamen de iis disponant, sine facultate superiorum. Jesuita itaque per votum simplex paupertatis neque dominium neque possessionem bonorum suorum abdicat, sed solum usum eorum liberum, a superiorum voluntate non dependentem: sicut pupillus, licet sit dominus omnium, sub tutoribus tamen & actoribus est usque ad præfinitum tempus.

Omnes Europæ Catholicæ Principes introduxerunt aut receperunt Societatem sub eo modo, ut possit juxta suum Institutum & Constitutiones vivere. Nec alia ratio erat in Gallia, usque ad calamitosa illa tempora, quibus a Parlamento Parisiensi proscripta fuit.

Volebat quidem Henricus IV, ut absolute restituatur in integrum; at tandem id dedit adversantium importunitati, ut Societas Edictum anni 1603. titis Scholasticis (ita appellamus eos, qui votis simplicibus ligati necdum certo stabili Gradui sunt adscripti) & Coajutoribus spiritualibus ac temporalibus, jus successione hæreditarium adimeret, sic tamen, ut, si a Societate dimitterentur, in omnia sua jura restituerentur; prout Edicto anni 1603 cautum erat: neque ullum in Gallia extat Decretum, huic Edicto contrarium.

Nihilominus tamen *Aubercourtio* (hoc nomen dimisso e Societate Nobili) injecta est molestia. Parlamentum etenim hac occasione anno 1701 Regi supplicandum decrevit, ut Edictum anni 1603 explicaret, certumque tempus figeret, post quod dimissis e Societate non amplius esset integrum redire ad bona & jus hæreditarium, ne per ejusmodi regressum turbentur familiæ.

Rex noluit causam decidere, sed jussit Parlamentum partibus debitum jus dicere. In longum protractum est negotium. Societas initio se non miscuit; nec deerant, qui dicerent, non esse e re ipsius, ut per spem regressus ad bona, juvenum tentationes, quibus cupiditas, tædium, inconstantia eos incurfat, augeantur, iisque ad egressum porta velut aperiatur.

Sed ratio in oppositum, Instituto ac fini Societatis magis consentanea, visa est potior. S. Ignatius velut punctum substantiale respexit, ut sui Instituti homines bonorum proprietate se non spoliarent ante professionem, ut minori cum molestia noxia aut inutilia membra possit abscindere. Porrecto igitur libello Regem rogarunt



Patres, ut dimissos a Societate ad bona sua redire permittat, sicut in tota Christianitate esset consuetum.

Duo autem maxime capita repræsentabant: & quod Edictum anni 1603 adhuc subsistat, & quod ejus executio nullam insolitam molestiam, nedum injuriam afferat familiis, aut regno præjudicium; non alias nunc versari rationes, ac illas, quibus discussis, Henrico IV visum sit durum & inhumanum, insontibus suum adimere patrimonium, aut eos veluti exhæredare, quamvis nunquam bonis ac juribus suis renuntiarint.

De dimissis.

Ex adversis principis secuturum, parentem viduum non posse ad secundas transire nuptias, ne liberorum primi matrimonii portio hæreditaria minuatur. Eum, qui cælibem vitam ducit, non posse de rebus suis disponere, sed consanguineis debere illas relinquere ad exaltandam ditandamque familiam, & sic omnes personas Ecclesiasticas patrimonio suo & jure hæreditario privandas.

Rationem Jesuitarum in hac parte in Gallia non esse singularem, sed Presbyteris Oratorii & S. Lazari communem; Equites Melitenses longo sæpe tempore differre professionem Religiosam; & ante illam retinere dominium suorum bonorum, atque successionis hæreditariæ esse capaces, quin tamen quis jure possit conqueri, hoc cedere in præjudicium familiæ aut Reipublicæ.

Religiosos, retinentes dominium usque ad tempus Professionis, comparari posse peregrinantibus, qui longiori tempore domo absunt. Redeuntes recipiunt possessionem suorum bonorum, nec excluduntur ab hæreditatibus, imo possessionem saltem civilem semper retinuerunt, dum velut depositum bona sua custodienda traderunt, recepturi possessionem etiam naturalem illius, postquam redierint; nec tamen propterea dicturum quenkum, turbari hoc pacto familias, aut Reipublicæ incommodari. Et licet in peregrinas regiones profectus crederetur jam mortuus, licet etiam hæreditas jam divisa esset inter alios, reduci tamen legitima sua restitui debet. Et quid fieri oportet, si pater jam habeat filium, & post multos annos ei supernascatur alius? an hic privari debet portione hæreditatis, quam integram prior jam spe devoraverat?

Videbatur Rex pronus ad reducendam Societatem in eum statum, quo fruebatur juxta Institutum suum ante exilium. Nam sæpius concessit, ut Jesuitæ post edita vota simplicia ad hæreditatem admitterentur. Ut tamen stabile quid decerneretur, negotium Commissariis demandabat; qui Edictum anni 1603 confirmarunt, ea adjecta declaratione, ut dimissi e Societate ante 33 ætatis annos

Declaratio  
Regia.

com-

completos, bona sua & jura hæreditaria recuperarent; si vero post eos annos essent dimittendi, bonis suis renuntiasse censendi sint.

Illud non raro, qui ad decempedam aliorum Religiosorum Ordinum Societatem metiuntur, objectare solent, per vota simplicia Jesuitas aut non fieri Religiosos, aut incapaces reddi omnis proprietatis. Votum paupertatis & abdicationem proprietatis pertinere ad substantiam religionis, atque in ea (juxta Canones) neque Papam dispensare posse. *Cap. cum ad Monasterium 6 de statu Monach. in fin.*

Sed indubitatum est, Jesuitas per vota simplicia Scholasticorum fieri vere Religiosos, & nihilominus bonorum dominium retinere posse usque ad professionem solennem, vel vota publica Coadjutorum formatorum, prout per plures Bullas Pontificum fuit clare definitum, uti per Bullam *Ascendente Domino* Gregorii XIII &c. neque in hoc ulla apparet impossibilitas. Quid enim aliud est Religio, nisi certus modus colendi Deum? hic autem modus potest esse varius, prout ab Ecclesia ordinatum fuerit. Potuisset status Religiosus institui, quem duo vel quatuor vota constituerent.

Diversa Ordinum & paupertatis ratio.

Potest diversimode paupertas voveri, prout nempe vel strictius vel laxius ab Ordine præcipitur secundum cujusque constitutiones. Franciscani, Capucini, Domus Professæ Societatis Jesu, ne quidem in commune habent dominium; alii Ordines habent. Religiosi Ordinum Equestrium, uti Teutonici, Melitensis &c. non tamen strictam paupertatem voverunt ac alii: prout etiam Episcopi, aut ipse summus Pontifex, ex Religioso Ordine assumpti. Religiosi Societatis Jesu, quamvis ante solennem Professionem retineant dominium, nulla tamen re (in quo perfectio paupertatis consistit) tanquam propria uti possunt, sed in omni usu, & dispositione, a superiorum voluntate penitus dependent.

Religiosus status, seu certus modus colendi Deum atque vovendi certas virtutes, non est Juris Divini aut naturalis, sed Ecclesiastici. Votum equidem, legitime factum, jure Divino obligat; sed hoc jus non præcipit, hoc vel illud, hoc vel illo modo vovere. Ad Ecclesiam spectat, hos vel illos cultus, has vel illas Religiones approbare, improbare, abrogare, mutare, prout ad gloriam Dei videbitur.

Scholastici Societatis aut Coadjutores, qui post biennium Novitatus emittunt vota simplicia, per votum paupertatis non abdicant bonorum dominium, sed tantum liberum eorum usum. Et ratio hujusmodi voti a Sede Apostolica est approbata. Mirum proin est,



aliquos eo provectos audaciæ, ut præfracte impugnent, quod Sedes Apostolica sub pœna excommunicationis latæ sententiæ prohibuit impugnari, asserantque, per prædictum votum paupertatis voveri, quod non vovetur, abdicari dominium, quod neque ex intentione voventis, neque ex Instituto sensuque Societatis, neque ex Constitutionibus Apostolicis abdicatur: imo hæc abdicatio positive excluditur, dum expresse vovetur *Juxta Societatis Constitutiones.*

Sed tales sunt incapaces proprietatis, inquiunt. Hoc jam dividimus. Unde, quæso! ista incapacitas? ante votum fuerunt capaces. Voti vis dependet ab intentione & voluntate voventis. Neque ab hac intentione, neque a mente Ordinis aut Ecclesiæ hunc effectum incapacitatis importat. Sed neque contradictionem ullam importat, habere dominium, & eo non posse sine superiorum licentia uti, prout patet in pupillo, minore, prodigo, cui administratio est interdicta. Aliud est, habere jus, & aliud eo uti. Reservato jure proprietatis potest quis promittere eo non uti, nisi sub certa conditione.

Ad cap. 6 de  
statu Mon.

At obstat, inquiunt, *cap. cum ad Monasterium 6 de statu Monach.* quod ita habet: *Nec æstimet Abbas, quod super habenda proprietate possit cum aliquo Monacho dispensare; quia abdicatio proprietatis, sicut & custodia castitatis, adeo annexa est regulæ Monachali, ut contra eam nec summus Pontifex possit licentiam indulgere.*

Respondetur, Innocentium III *cap. cit.* locutum fuisse in sensu composito, quod scilicet Pontifex non possit licentiam indulgere, ut quis agat contra votum (quia hoc esset intrinsece malum) aut, quod non possit cum Monachatu, seu regulâ Monachali, ut præcipiente abdicationem proprietatis, conjungere proprietatem. Sive, quod Papa non possit facere, ut quis habeat proprietatem & simul Monachatum ut constitutum per regulam abdicationis illius, cum abdicatione proprietatis sit de essentia Status Monachalis, ut includentis abdicationem; alias enim idem esset, & non esset; seu daretur abdicatione proprietatis, & simul in sensu composito proprietas, quod contradictionem involvit. Verbo: fieri non potest, ut quis conjungat proprietatem cum Monachatu, per regulam excludente proprietatem.

Dispensare tamen absolute, & necessitate publica exigente, potest Pontifex in sensu diviso: hoc est: ut quis proprietatem acquirat, sed hoc ipso amittat Monachatum, ut constitutum per abdicationem proprietatis. Quia potest de plenitudine potestatis tollere votum, etiam solenne, paupertatis, quo abdicationem proprietatis vovit, sicut contingere posset, si talis Monachus fieret Papa, ut multoties con-

contigit, aut si Rex fieret, ut de Ramiro, Arragônia Rege, legimus, atque sic jus proprietatis acquireret.

Et ratio est, quia summo Pontifici subjectæ sunt voluntates fidelium, actusque, quibus voverunt, in quantum ad rectam Ecclesiæ gubernationem est necessarium, revocare igitur tanquam Vicarius Christi potest hos actus, sicut parens vota filiorum impuberum; & tunc per se cessat obligatio voti.

Quamvis autem abdicatio proprietatis fuerit de essentia Status Monachalis, ut constituti per tale votum & talem regulam, hodieque sit de essentia solennis professionis Religiosæ, taliter constitutæ; non tamen repugnat alius Monachatus, specie diversus, per alias regulas, aliaque vota constitutus, quæ proprietatem non tollerent. Certè nullatenus repugnat alius ordo Religiosus, qui aliter sit constitutus, cujus votum paupertatis non quidem ipsam bonorum proprietatem, ejus tamen liberum usum excludat. Cum constet, diversas Religiosorum Ordinum esse regulas, vota, eorumque effectus diversos, prout de Equestribus quibusdam Ordinibus diximus: quorum aliqui in Hispania castitatem tantum conjugalem vovere dicuntur. Unde Concilium Tridentinum *sess. 25 c. 1 de Reg.* ait, vota & regulas Ordinum Regularium *ad eorum respectivè essentiam*, observandas esse. Ubi manifeste supponit, diversas esse Ordinum Religiosorum essentias.

Sic Societatis Jesu Scholastici sunt vere Religiosi, ut per plures Pontificum Bullas definitum fuit, & tamen illi non voverunt actualem abdicationem proprietatis, sed tantum abdicationem usus liberi, & a superiorum voluntate independentis; quia ad finem, quem intendit Societas, id genus voti est aptissimum.

Ratio autem est, quam supra attigi; quia introductio Status Religiosi, ejusque ordinatio, forma, regulæ, non descendunt a jure naturali aut Divino, sed Ecclesiastico; unde pertinet ad summum Pontificem supremum Ecclesiæ ac sacrorum Antistitem, diversos Religiosos Ordines auctoritate sua approbare, regulare, formare, quæ ad finem intentum apta videbitur, præscribere. Ad finem autem Societatis, qui est, non modo ad propriam perfectionem, sed proximi quoque salutem per multa diversaque officia incumbere, visum est medium aptissimum, si suos diu multumque probet, minus idoneos rejiciat, eosque retineat, quibus propria sibi munera tuto possit confidere. Ut autem dimissi habeant, quo sustententur, necessarium erat, ut bonorum suorum proprietatem retineant, nulla tamen re, quamdiu in Societate vivunt, tanquam



propria utantur, sed in omni usu & dispositione a superiorum voluntate dependeant, atque parati sint, quocunque tempore P. Generali placuerit, proprietatem bonorum abdicare, & in pauperes aut alios pios usus erogare. Sæpius hic aliqua erant repetenda; quia aliqui nolunt capere.

## Art. VI.

*Obitus Ludovici XIV. Elogium. Testamentum. Hujus mutatio in causa Maynii & Tolosani. De Maintenonia.*

124.

Obit Lud. M.

Anno 1715 obiit Ludovicus XIV ob res præclare gestas cognominatus *Magnus*, anno ætatis 77, regni 72, quot in regno annos nullus unquam Princeps explevit: dies ejus boni & mali; nam dotibus naturæ fuit excellentibus, magnanimus, liberalis, litterarum bonarumque artium protector, Religionis amator cultorque eximius; utraque fortuna heros exercitatus; priori sæculo bellis felix; unus contra omnes, Europæ terror. At sæculo isto se hominem sensit, nihilque in rebus humanis esse tam magnum firmumque, quod deprimi non possit. Unde quidam hoc Chronostico annum mortis ejus expressit: *DIV VICI, DIV LVXI, DIV VIXI, IVI.*

Grandibus virtutibus defectus immiscuit, geminos maxime, continentia & pacis.

Testamentum.

Regni hæredem reliquit Ludovicum XV quinquennem tunc Principem, Pronepotem suum, voluitque testamento, pupillarem ejus ætatem regnumque dirigi a Consilio, ex Ducibus Aurelianensi, Borbonio, Mainio, Comite Tolosano, Cancellario, Marefchallis, Villaregio, Villario, Uxellio, Tallardo, Harcurio, quatuor Secretariis Status, composito; jussitque, omnia ad votorum pluralitatem concludi. Educationi Regis impuberis præfecit Mainium & Villaregium; Fleurium Foro-Juliensem in Provincia Episcopum, instructorem; P. Tellierum S. J. confessarium; qui & ipsi a sacris confessionibus fuerat. Tutelam Religionis summo opere commendavit. At vero, cum postridie mortis in pleno Parlamento coram Ducibus & Paribus Franciæ testamentum aperiretur, tutela Duci Aurelianensi fuit delata, cum Regimine, ceu jure sanguinis debita proximo agnato. Dux etenim Bituricensis Regis patruus & ipse nuper obierat.

Ante

Ante mortem actu solenni natalibus restituit Ducem Maynium & Comitem Tolosanum filios suos, statuitque, ut inter Principes sanguinis Regii ultimum locum occupent, ante omnes tamen alios Principes, atque successione in regno sint capaces, aliisque prerogativis gaudeant, indignantibus licet Aurelianensi, Condæ & Contia Familiis; quibus tres filias, ex Montespina pariter susceptas, collocaverat.

*Causa May-  
nii & Tolo-  
sani.*

Verum post mortem Regis Maynio & Tolosano gravis mota fuit controversia status a Principibus Borbonio, Carolesio, & Contio. Courtenacenses etiam Domini, qui a Ludovico VI descendere prætendunt, Regii sanguinis Principes declarari petierunt.

Cæterum Ludovicus cum *Maintenonia* matrimonium conscientie habuit, illamque publice declaraturus fuisset Reginam, nisi Principes obstitissent. Fuit hæc femina nata in America, indeque in Europam translata Scarroni Poetæ nupsit. Hoc autem mortuo per Montespam Regi innotuit. Post cujus mortem Asceterium, a Ludovico pro illustribus puellis fundatum, ingressa est.

*Maintenon.*

## Art. VII.

*Ducis Aurelianensis cura ærarii publici. Fœdus Triplum, & Quadruplum. Lavrosii fraudes, ut Galliam emungat. Chartaceum commercium. Mentiti montes aurei Mississippici. Pestis Massiliæ. Cartouchius. Obitus magnorum virorum. Turbæ ob Bullam Unigenitus, sponsalia tergemina. &c.*

Ludovicus XV per septennium a Ventadouria educatus, anno 1716 Villaregii curæ commissus est. 125.

Dux Aurelianensis, qui Galliam regebat, omnem curam intendit, ut immensa, quæ Rex reliquerat, debita exsolverentur. Primum aggressus est quæstores, collectores tributorum, dardanarios, & annonæ flagellatores, qui Regis conniventia abusi multos librarum milliones malis artibus corraserant, iisque privatam bursam infarserant. Unde cusa moneta dicitur, quæ una ex parte Ludovicum XIV repræsentabat cum epigraphe: *esurientes implevit bonis*, ex altera parte effigiem Regentis, cum inscriptione: *& divites dimisit inanes*. Certe tam severa erat inquisitio & executio, ut 284 familiæ

*Inquisitio in  
fraudatores  
ærarii publi-  
ci.*



millia intra mensem ad incitas reductæ scribantur, ex Iris Crassi, & ex Crassis iterum Iri; eaque ratione ultra ducentos librarum milliones collecti, atque in ærarium publicum illati. Miserrima eorum fuit conditio, qui opibus male partis statum illustrem, sibi indebitum, compararant. Multi occulta largitione dedecus redemerunt.

Fœdus Triplex.

Anno 1717 initum est *Fœdus Triplex* inter Galliam, Angliam, & Hollandiam, his capitibus.

I. Sit perpetua pax inter tres nationes.

II. Prætendens illico Avinionem amandetur, nec in Galliam aut Lotharingiam redeat. Gallia illi nec directe nec indirecte assistat.

III. Nullus fœderatorum alterius rebelles toleret.

IV. Portus Dunkercæ diruatur, nec ullus alius in vicinia construatur.

V Omnes articuli pacis Rîsvicensis, in quantum cedunt in commodum Fœderatorum, & præsertim successionem in Anglia Protestantium, & in Gallia Regentis, si Rex sine liberis decederet, concernunt, firmi maneant.

VI. Si quis ex tribus fœderatis invaderetur, reliqui duo succurrant, & quidem Gallia cum 8000 peditum, & 2000 equitum: cum totidem Anglia: Hollandia vero cum parte horum dimidia.

VII. Subsidia ista post requisitionem duos intra menses mittantur, sumptibus mittentis, post sopitas tamen turbas refundendis. Si autem hæc subsidia non sufficerent, augeantur, vel aggressori bellum indicatur.

VIII. Intra quatuor septimanas sequatur ratihabitio.

Ex hoc fœdere satis elucet, quemlibet ex his fociis timuisse; Gallum, ne Hispanus successionem in Gallia prætenderet, si Regem mori contingeret: Anglum, ne Jacobus ad thronum evehatur: Hollandum suis commerciis.

Fœdus Quadruplex.

Cum dein Alberonius Europam Italiæ invasione turbasset, & Galli, nescio qua, conspiratione detesta, Cellemarium Legatum Hispaniæ expulissent e Francia, novum *Fœdus Triplex* initum est inter Cæsarem, Gallum, & Anglum, quod postea, accedente Hollando *Fœdus Quadruplex* est appellatum; & accedente etiam Sabauda, *Fœdus Quintuplex* dici potuisset; sed prior nomenclatio mansit.

In Præliminaribus hujus fœderis continebantur ea, quæ Imperatorem & Regem Hispaniæ contingunt, videlicet, ut Hispanus a Sardinia abscedat: coronæ Galliæ & Hispaniæ nunquam uni capiti imponantur; Domus Austriaca Hispaniæ renuntiet, atque Philip-

pum

pum V Regem Hispaniæ & Indiarum agnoscat. Contra vero Philippus abdicet provincias Italiæ & Belgii, quæ olim ad Monarchiam Hispaniæ pertinerant. Ducatus Florentinus & Parmensis feuda Imperii agnoscantur, eaque filiis Philippi V ex conjugæ Parmensi susceptis, conferantur, sic tamen, ut Rex Hispaniæ nunquam eos possideat. Cæsari Sicilia cedatur; pro ea vero Sabauda Sardinia tradatur. Cæsar agnoscat jus successionis Hispanicæ, quod Sabaudus habet in casu, quo posteritas Philippi V esset defectura.

Secutum dein est ipsum Fœdus Quadruplex, quod Londini contractum exhibebo infra, ubi de Angliæ statu tractabitur.

Interea vero Regens Galliæ, ad extinguenda residua adhuc magna coronæ debita, ut pecuniam compararet, usus est opera *Lawfi* hominis Scoti, qui varia illi consilia suggessit; atque inter alia, ut omnis pecunia subditorum ad Regentem deferretur, & recudatur sub effigie & nomine Ludovici XV. Recipiebatur pecunia minuto admodum pretio, & reddebatur chirographum, accepti testimonium. Hoc papyraceum negotium graviter afflixit Galliam, alias per bella exhaustam. Accessit pestis, Massiliæ præsertim, Telone Martio, Aquis Sextiis, aliisque Provinciæ locis sæviens, ac multa mortalium millia depascens. Tertium malum inferebant prædones, qui duce *Cartouchio*, famoso grassatore, Galliam infestabant.

Laws.

Calamitas  
Galliæ.

Parlamentum Edicto Monetario Regentis vehementer se opponebat, illudque approbare actisque inferere recusabat. Unde Regens in Parlamentum secum duxit Regem, eumque throno imposuit, Parlamento parere jussit; cumque obstrepere quidam, eos in exilium misit, reliquis mandato obtemperantibus.

Regens Par-  
lamentum  
coercet.

Obierunt hoc anno 1718 Mater Jacobi III, quem Præterdentem dicunt. Item Stephanus *Baluzius* 88 ætatis anno, libris eruditis clarus: & Henricus Dux Harcourtius, Marechallus Franciæ, non ex Lotharingica, sed Normanica stirpe oriundus. Franciscus Daguefsear vero Cancellarius & Sigillifer gratia Regentis excidit, & muneribus suis, quæ vix annum possederat.

Anno 1719 cum Hispani adhuc Italiam infestarent, Cæsarque & Angli contra eos bellum gererent, Galli quoque illos aggressi, Fontarabiam & Fanum S. Sebastiani in Guipiscoa expugnarunt.

Miram his annis comœdiam aut potius tragœdiam in Gallia luit Joannes Laws, cujus supra mentio injecta est, Regentis, cui varia comparandæ pecuniæ systemata proposuit, favore subnixus. Nam societatem erexit *Mississippicam*, montesque aureos, in America septentrionali ad fluvium Mississippi detectos mentiebatur, regio des-

Pars X.

Z z

nem



nem insuper spatiosam, paradyso non ab similem. Qui pecuniam daret, plusquam centuplum recepturum.

Actie.

Spes ista ingentem attraxit, etiam exterorum, multitudinem, ex societate ista lucrari volentium, præsertim cum Regens magna privilegia eidem contulisset. Pro pecunia 500 librarum dabantur a societate litteræ, quibus cavebatur de pecunia sibi credita: has litteras licitum erat alteri vendere (unde appellabantur *Actie*). Ascendebat autem vel descendebat earum pretium pro variis rerum & temporum circumstantiis. Licebat vero plures ejusmodi pro lubitu litteras emere.

Certatim pro hac papyro ab opulentis & ignobilibus offerebantur pecuniæ, ut proin incredibilis summa coacervaretur, præsertim cum vetitum esset, nequis ultra 500 libras in parata pecunia possideret. Eo usque denique unius litteræ pretium ascendebat, ut 2080 libris emeretur.

Lawfii fuga.

Tandem vero ejusmodi papyracea nundinatio multis cœpit esse suspecta, cadebatque magis magisque litterarum pretium, donec innumeri homines se delusos, atque ad paupertatem redactos experirentur. Unde tanta in Lawfium, auctorem hujus comœdiæ, exarsit indignatio, ut plebs eum fuisset discerptura, nisi in palatio Regentis asylum quæsiisset, ibique per mensem delituisset, donec militari custodia protectus e regno evasit.

Obierunt hoc anno 1719 viri celebres; 1. P. Michael Tellier S. J. Ludovici XIV Confessarius, & ab eo etiam destinatus Ludovico XV, Apostolicæ Sedis contra Jansenistas strenuus defensor.

2. Elias Dupinus scriptor eruditus, sed cum cautela legendus.

3. Tres præstantes Mathematici, P. Mariote, & de la Hir, pater & filius.

4. Henricus a S. Ignatiô, famosus tubicen.

5. Paschasius Quesnellus Prior Ordinis Jansenistici.

6. Maintenonia in Monasterio S. Cyri, fœmina versutissima, quam Ludov. XIV in senectute conjugem habuit.

1720 adaesta fuit Hispania, ut Quadruplici Fœderi subscriberet. Unde indictus est Congressus Pacis Cameracensis. (*vid. Hispanica.*)

Arausium  
purgatum.

Cum Principatus Arausicus adhuc esset in Protestantium potestate, Hugonoti frequentes in illum confluerant; at vero, postquam a Rege Borussia in pace Ultrajectensi pro Geldria Regi Galliarum fuerat cessus, atque Principi Contio priore anno donatus, templum eis hoc anno ereptum est.

Dux Aurelianensis filiam suam Mutinæ Duci collocavit. Abbatem vero *du Bois*, qui anno 1718 Londini Fœdus Quadruplex inierat, ad Archiepiscopatum Cameracensem præsentavit, Cardinalem proxime futurum, & primum Aulæ Ministrum. Abbas vero *Tencinus*, qui famosum Laws converterat, ad Episcopatum Gratianopolitanum fuit promotus.

Non eadem gratia Parlamentum Parisiense a Regente fuit exceptum; nam cum mandatis parere nollet, omnes Senatores in exilium misit, non revocandos, donec imperata facerent, & Bullam genitus regis *Unigenitus* reciperent, atque *Registro* infererent. Quod postquam strata promiserunt, a semestri exilio Lutetiam redierunt.

Obiit P. Bartholomæus *Germon*, S. J. vir eruditus, qui de re diplomatica diu multumque cum doctissimo Mabillonio disputavit. Certe amica eorum concertatione studium istud criticum non parum est illustratum. Sicut autem P. Germon cum collegis suis pro Constitutione *Unigenitus* laboravit, sic appellationi suæ immortalis est Ludovicus Hideux Doctor Sorbonicus.

Anno 1721 Europæ facies non parum mutabatur per sponsalium consilium, quo Ludovico XV destinabatur conjux Anna VI. Sponsalia *Æstoria*, Regis Hispaniæ filia, quamvis tres duntaxat annos esset nattergemina; Principi Asturiæ vero & Carolo ejus fratri Ducis Aurelianensis Gallia Regentis filia. Quæ tamen provide concepta consilia non habuerunt constantiam; quamvis destinatæ sponsæ, ut moribus nationis assuecant, ad sponfos fuerint missæ.

Ludovicus XIV equidem testamento disposuerat, ut P. Tellier esset Ludovici XV Confessarius, sed post ejus mortem ad hoc officium lectus est Abbas *Claudius Fleury*, ab Historia Ecclesiastica scriptor celebris, diversus ab Hercule Fleury, Episcopo Foro-Julienensi, postmodum Cardinale & primo Ministro. Hoc autem anno suffectus est in munere Confessarii P. Lignieres S. J. contradicente licet Cardinale Noallio, Archiepiscopo Parisiensi, & approbationem revocante.

Obiit hoc anno litteratorum decus Daniel *Huetius* prope nonagenarius, libris doctissime scriptis celebratissimus. Postquam tempore Ludovici XIV fuerat Præceptor Delphini, factus est Episcopus Sueffionensis; ingravescente autem ætate abdicato Episcopatu reliquum vitæ inter doctos viros transegit Parisiis in Domo Professa S. J. ubi etiam mortuus est.



Hunc secutus est Franciscus Mailli, Cardinalis & Archiepiscopus Rhemensis, Bullæ Unigenitus adversus Quesnellianos zelosus protector.

Tertius Petrus *Coustant*, Congregationis S. Mauri, editis scriptis sanctorum Patrum, & litteris Romanorum Pontificum clarissimus.

Quartus Franciscus *Pagius*, qui Antonii Pagii, agnati sui, jam anno 1699 mortui, Historiam Criticam in Annales Baronii continuavit.

Viris istis, de republica litteraria optime meritis, subiungi non meretur Cartouchius, famosus Prædonum dux, hoc anno pro merito rota contritus.

### Art. VIII.

*Coronatio Regis. Villaregius ab aula dimissus. Obitus Regentis, ejusque Matris Palatinæ, du Bois primi Ministri, aliorumque magnorum virorum. Nuptiæ Lud. Ducis Aurelianensis cum Badensi Principe.*

126.  
Regis coronatio.

Anno 1722 Cameracensi pacificatione diversas inter disceptationes hærente, Gallia cum ingenti pompa Regem suum Rhemis coronavit. Ingens erat hominum, etiam exterorum, affluxus, quos inter quatuor Baviaræ Principes, & plura Anglorum millia. Fœminis, etiam Principibus, interesse non licuit, excepta Regentis conjuge, & sorore, Duci Lotharingæ nupta. Exclusi etiam sunt Cardinalis Noallius, & Dux Maynius cum fratre, Comite Tolosano. Comitabantur autem Regem Principes Regii sanguinis, Aurelianensis cum filio, Duce Carnutensi, Borbonius cum fratribus Caroleſio & Claromontano, Princeps item Contius.

Unctionis ceremonias peregit pro more Archiepiscopus Rhemensis, accepto ex sacra ampulla oleo, eoque caput, pectus, & scapulas inunxit. Tum vero Rex sacram synaxin percepit pro hac vice sub utraque specie, & quidem omnino jejunos; quia dispensatione uti noluit. Coronatione dein peracta, ad duo millia stru-  
mosorum hominum ad eum accedebant, quos manu attingens dicebat: *Rex te tangit: Deus te sanat.* Ab eo tempore Rex Versaliis degebat; cum antea Parisiis fuisset educatus, a Moderatore potissimum

issimum suo Duce *Villaregio*; qui jam octogenarius, virque integer- Villaregius  
rimus, experiri debuit, fidem, industriam, curamque Regis, di- dimissus ab  
missione propea ab aula, & exilio, Rege invito, compensari. Aula.  
Suffectus ei in Regii Moderatoris munere Bethunius. Cardinalis  
autem Dubojus primus Minister est renuntiatus.

Dux hoc anno fuerunt erectæ Academix: altera Divione in  
Burgundia, altera Pali in Bearnia.

Obiit hoc anno *Carolina Elisabetha*, Philippi II Ducis Aurelia- Obitus Eli-  
nensis, Gallix Regentis, mater, soror unica legitima Caroli, ul- Aurelianen-  
timi Electoris Palatini ex linea Simmerensi, sine liberis defuncti; sis,  
unde præsentio Carolinæ & Domus Aurelianensis in Palatinatum,  
secutumque inde grave bellum, & urbium vastatio. (*Videantur Ger-  
manica.*)

Anno 1723 matrem in domum æternitatis secutus est filius *Phi-* Et Regentis  
*lippos II* Dux Aurelianensis, anno ætatis quinquagesimo, subitanea filii.  
propemodum morte extinctus, postquam ab anno 1715 per octo  
annos Galliam cum magna auctoritate gubernaverat. Conjugem ha-  
buit Franciscam patruelem suam, Ludovici XIV filiam; atque ex  
ea genuit Ludovicum, Ducem hætenus Carnutensem, jam vero  
post obitum patris Aurelianensem, Principem integerrimum; Lu-  
dovicam Duci Bituricensi, Carolinam Mutinensi, Elisabetham Prin-  
cipi Asturiæ, Franciscam Principi Contyo nuptam, & Philippi-  
nam Carolo Hispaniæ Infanti desponsam.

Eodem anno obiit Cardinalis *Du Bois*, qui olim erat Infor-  
mator Ducis Aurelianensis qui clavo rerum admotus ejus opera  
gravissimis in negotiis est usus; nam per eum patre Chirurgo na-  
tum anno 1717 Fœdus Triplex, Galliam inter, Angliam, Hollan- Obiit Dubois  
diam, anno vero sequente Fœdus Quadruplex Londini confecit. Card.  
Anno 1720 creatus est Archiepiscopus Cameracensis, anno 1721  
Cardinalis, anno 1722 primus Minister, anno 1723 funus, post-  
quam 66 ætatis annos inter vivos fuit. In dignitate primi Mini-  
stri illi successit *Condeus Dux Borbonius*, indignante licet Ludovico,  
Duce Aurelianensi, primo sanguinis Regii Principe. Dux vero Maynius  
& Comes Tolosanus non parum fuerunt depreßi, atque a successio-  
ne in regno in perpetuum exclusi.

Obierunt hoc anno 1 Princeps Turenus Ducis Bullionii filius,  
in ipso cum Sobieskia nuptiarum apparatu Argentinæ extinctus, nu-  
ptiali thalamo in lectum funereum, & epithalamio in lectum repen-  
te mutato.



Fleuri.

2. Claudius *Fleury*; quem celebrem faciunt plures lucubrationes, maxime vero Historia Ecclesiastica, ad Concilium usque Constantiense perpetua serie deducta, ab aliis dein ulterius continuata. Titulum Confessarii Regii jam ante abdicaverat, obtento senio, quod ad 83 annos produxit.

3. Memmius Comes Avallius, supremus Parlamenti Præses, in signe Jurisprudentiæ decus. Successit Novionus: qui tamen sequenti anno hoc munus rursus abdicavit, illudque Portello cessit.

4. Pelletierus Status & rei numariæ Director & Regentis Cancellarius. Successorem habuit Dargensonum.

Anno 1724 Rex, præter Equites S. Spiritus, septem creavit Mareschallos Franciæ, puta, Broglio, Roquelaurum, Medavium, Bourgum, Alegrum, Fevilladam, Grammondum.

Nuptiæ Ducis Aurel.

*Ludovicus* Dux Aurellanensis duxit Mariam, Ludovici Badensis, celebratissimi Herois filiam: Princeps vero Turenus Sobieskiam, fratris sui, Argentinæ in ipso nuptiarum apparatu defuncti sponsam, dispensante Pontifice in impedimento publicæ honestatis.

Obit Alex. Natalis.

Obiit 1. P. Natalis *Alexander*, Ordinis Prædicatorum, Doctor Sorbonicus, anno ætatis 86. Præter alia doctissima opera edidit Historiam Ecclesiasticam, quæ plus habet eruditionis, quam venerationis erga Romanam Ecclesiam, summosque ejus Antistites, Indici librorum prohibitorum insertam propterea. Prodiit postea hoc opus cum notis Censorum Sacri Ordinis, & observationibus Constantini Roncaglia, ut aconito opponatur antidotum.

2. Amelotus Consiliarius Status, multis Legationibus commendatus.

3. Abbas Timoleon, ab Historia Ecclesiastica & Politica, Gallice scripta, celebris.

## Art. IX.

*Mutatio sponsæ. Rex Stanislaus cum filia Regina in Galliam.  
Inversio theatri Europæi. Pax Viennensis. Fœdus Han-  
noveranum. Dux Borbonius Primus Minister ab Aula  
dimissus. Rex Aulam ordinat. Præliminare pacis,  
Fleury Card. Tractatus Hispanensis. Natus  
Delphinus. Mors Card. Noallii.*

Annus 1725 vidit magnam mutationem in Aula Gallica & Hi-  
spanica. Septennium jam agebat Maria Victoria, quo sponsalia  
cum Rege contrahi poterant. At Consilium aliud iniit Rex, atque Mutatio  
destinatam sibi sponsam, post triennem in Francia commorationem Sponsæ.  
in Hispaniam ad parentes remisit. 127.

Magna tunc erat expectatio, quam sibi thori consortem elige-  
ret. Sors bona cecidit in Mariam, Stanislai Lescynski, Poloniæ  
Regis, filiam, quæ anno 1703 nata præclara corporis & animi  
ornamenta in dotem afferebat. Contractum proin fuit matrimo-  
nium primum Argentinæ per Ducem Aurelianensem, procuratorem  
Regis, dein vero Fonte Bellaqueo, Cardinale Rohanio benedictio-  
nem nuptialem impertiente.

Stanislaus quoque Reginæ pater, postquam e Polonia exul, Rex Stanisl.  
primum Stetini, dein in Bipontino Ducatu, denique Weissenbur- cum filia in  
gi in Alsatia commoratus fuerat, filiam in Galliam cum familia sua Galliam.  
comitatus, ac regio honore exceptus Chamborensi in castro prope  
Blesas domicilium fixit.

Postquam autem hæc in Hispaniam fuerant perlata, sorores  
quoque Ducis Aurelianensis, Ludovici Regis vidua, & Caroli  
sponsa in Galliam sunt remissæ, indignante Hispania maxime Con-  
dæo, Duci Borbonio, primo Ministro, quem ex æmulatione cum  
Domo Aurelianensi repudii illius auctorem suspicabatur.

Inversum tunc theatrum Europæum. Cæsar & Rex Hispaniæ  
hæstenuß Cameraci maxime inter se dimicabant; cum mox litibus  
compositis privatam Viennæ pacem, fœdusque Commerciale inie- Pax Vien-  
runt. Solutus mox Cameracensis Congressus, & Gallia cum An- neusis.  
glia, & Borussia, conflato Hannoverano fœdere, in partem adver- Fœdus Han-  
sam ibat. (Videatur Status Germaniæ.) noveranum.

Obiit



Obiit 1 Theſſeus, Mareſchallus Franciæ, cum Fevillada, Grammondo, & Medavio.

2. Dionyſius *Sammaritanus* Ordinis S. Benediſti Congregationis S. Mauri, ejusque ſuperior, ab edita *Gallia Chriſtiana* notus.

3. Carolus Ruæus S. J. Orator eloquens, qui præter ſermones ſacros, Virgilium in uſum Delphihi edidit, & tragædias, prorsus excellentes. Vixit 82 annos.

Annus 1726 rursus exhibuit illuſtre exemplum, quæ ſit indoles humanarum rerum. Ludovicus Henricus de Conde Dux Borbonius, qui poſt mortem Ducis Aurelianenſis clavo rerum agendarum admotus primi Miniſtri titulo Galliam per triennium gubernaverat, ſubito gratia Regis excidens, officioque deſectus, ab Aula Chantillum fuit amandatus. De cauſa tam repentinæ mutationis varius rumor. Quidam Hiſpaniæ & Domus Aurelianenſis offenſæ id datum exiſtimabant. Alii paratum Fleurio locum dicebant. Id ſolum Borbonio inſinuatum, Regem ipſum deinceps habenas regni moderaturum.

Ereſtum mox novum Status Conſilium, cui Rex ipſe præſideret, aſſiſtentibus, Aurelianenſi, Contyo, Maynio, Tolofano, Villario, Berwickio, Uxellio, *Fleurio*, quem Papa hoc anno Cardinalium numero adſcripſit.

Obiit Maria Badenſis, Ducis Aurelianenſis Conjux, in flore ætatis, poſtquam genuerat Ludovicum Philippum, Ducem Carnutenſem, modernum Ducem Aurelianenſem.

Anno 1727 cum Europa per pacem Viennenſem & Traſtatum Hannoveranum adhuc in partes eſſet diſtracta, Gallia pacem reducere contendit, inter Angliam præſertim & Hiſpaniam. Præliminares articuli, quos ſupra in relatione de Statu Germaniæ retuli, a Cæſare, Gallia, Anglia, Hollandia, jam erant ſubſcripti; ſola adhuc hærebat Hiſpania, Minoricam cum Portu Magonis & Gibraltariam, quam tunc obſidebat, conſtanter repetens.

Obiit 1. Ludovicus Armandus Conty, ex regio ſanguine Princeps, 32 ætatis anno. Per tres annos litem habuerat cum ſua Conjuge, Ludovici Henrici Ducis Borbonii ſore, quæ a marito ſe ſeparavit, & in monaſterio Sancyrano fuit commorata; tandem vero reſipuit, & cum viro ſuo rursus fuit conjuncta. Filium reliquit Ludovicum Franciſcum, virtute militari inclitum, & copiis ad inferiorem Rhenum hodieum præfeſtum.

2. Philippus Dux Vendomius, ultimus suæ stirpis, ab Henrico IV deductæ: frater magni illius herois, qui in Italia, Hispania, Belgio exercitibus præfuit.

Anno 1728, postquam Rex Hispaniæ Præliminaribus subscripserat, coeptus est Congressus *Suessionensis*. Aderant legati, Cæsareus, Sueffionem Gallus, Hispanus, Anglus, Hollandus, Russus, Danus, Suecus, sis. Bavarus, Palatinus, Lætharingus, Mutinensis, Parmensis. Conabantur quidem Protestantes in Comitibus Ratisbonensibus evincere, ut ex suo corpore Sueffionem mittatur; sed Sinzendorffio ab Imperatore & Imperio delegata est tractandi potestas. Idem & Fleurius oratione eloquenti sessionem inchoarunt.

Galli, Angli, Hollandi volebant abolitam societatem Ostendanam. Hispanus, præter successionem Caroli Principis in Thuscia & Parma, petiit restitutionem Minoricæ & Gibraltariæ, cum compensatione damni ereptarum navium, alii alia. Cum igitur tot controversiæ componi non possent, Hispania anno sequenti Hispanensem Tractatum cum Gallia & Anglia iniit, quo introductio Tract. Hispani stipulabatur; opponente se Cæsare, atque ad Fœdus Quadruplex & pacem Viennensem atque ad Jus suum supremum feudale, appellante. Missæ propterea in Italiam copiæ, ut excensionem impedirent. Fœderi Seviliensi accessit Hollandia. Congressus vero Sueffionensis est dissolutus.

Dux Borbonius duxit Carolinam Hasso - Rhenofelsensem Principem. Obierunt autem 1 Camillus Comes Tallardus, 77 æt. anno, a prælio Höchstetensi & captivitate Anglicana notus. 2 Claudius Le Blanc, Status Secretarius. 3 Argensonus Burdegalensis, & Demaretus Auscianus Archiepiscopi. 4 P. Gabriel Daniel S. J. 81 æt. anno, libris doctissimis editis & Historia Franciæ clarus.

Summum vero gaudium attulit anno 1729 Universæ Franciæ nativitas Ludovici *Delpbini*, congratulantibus undique Europæ Principibus, Legatis vero Franciæ Natalem illum festive celebrantibus. Natus Delphinus.

Obiit Ludovicus Antonius Cardinalis *Noallius*, & Archiepiscopus Parisiensis, postquam anno superiore Bullæ *Unigenitus* tandem subscripserat. Etatem usque ad 78 annos perduxerat. Matigno. Obiit Card. Noallius. nius vero Mareschallus Franciæ & Gubernator Rupellæ ad 83 annos.

Anno 1730 natus est Galliarum Regi alter filius, Dux Andegavensis. Eodem anno præcipui quidam Duces & Principes Galliæ



Cardinalem Fleurium a rerum clavo depellere nitebantur ; muneri-  
bus suis privati , & ab Aula dimissi propterea.

Dux Lotharingæ Investituram Feudalem in Barri Ducatum  
Versaliis a Rege accepit, præsentibus, Aurelianensi & Borbonio,  
hujusque fratribus Comite Charolesio & Clarimontano, Principi-  
bus, Contyo & Dombensi, Comitibus Augensi (Eu) & Tholo-  
fano, Regii Sanguinis Principibus.

Varia.

Ad commercia domi forisque magis perficienda Rex Consilium  
Commerciale erexit, cui Aurelianensem & Fleurium præfecit.

Obierunt, 1 Princeps Courtenacensis (*de Courtenay*) ultimus  
fuxæ Familiæ, ex Regio Sanguine oriundæ. 2 Franciscus Dux Vil-  
laregius, notissimus Franciæ Marefchallus, qui filios, nepotes, &  
pronepotes vidit. 3 Marchio Richelius, relicto filio Armando Lu-  
dovico.

Anno 1731 nuntiatus fuit tractatus, Cæsarem inter & Angliæ  
Regem initus. Non displicebat, quia Hispalensi non fuit contra-  
rius. Id solum minus placebat, quod adjungeret acceptationem &  
sponsionem Sanctionis Pragmaticæ.

Anno 1732 soror Ducis Aurelianensis nupta est Ludovico  
Francisco Principi Contyo, cui Rex Principatum Auriacum donavit,  
& Ordinis S. Spiritus insignia impertit. Mallebæus & Bellilius supremi  
copiarum Præfeti; Luxemburgus ex familia Mommorantia, & Tre-  
mollius Marefchalli Franciæ sunt renunciati, Ludovicus Constan-  
tinus, Ducis Rohanii frater Coadjutor Argentinensis.

Cum Fleurius propter senium laboribus Primi Ministri esset  
impar, adjunctus est ei Chauvelinus, sigilli custos.

Rex Parisiis fundavit Academiam Chirurgicam, 70 membris  
constantem, in quam etiam exteris ingressus patet. Calvinismus  
novo Edicto vetitus, proscriptis sectatoribus.

## Art. X.

*Bellum Polonicum. Chauvelinus exul. Nuptiæ Philippi  
Principis cum Primogenita Regis Franciæ. Obiit  
Fleurius Card. Tencinus succedit, extincto tamen  
Primi Ministri titulo.*

Anno 1733 Novum belli theatrum, mortuo Rege Poloniæ, 128.  
sepe aperuit. Stanislaus Lescynski, focer Regis, mutato habitu <sup>Bellum</sup>  
ex Gallia in Poloniam evasit. Cum autem Imperator copias suas <sup>Polonicum</sup>  
in Silesiam mitteret, Gallus petiit ab Anglo ex lege Conventionis  
Hispalensis auxilia. Sed negavit iste, hunc esse casum fœderis;  
neque enim Silesicam illam militis professionem pro invasione aut  
pacis læsione haberi posse; cum Principi cuivis integrum sit, copias  
per provincias suas pro arbitrio distribuere, maxime, quod Cæsar  
contestetur, se pacem sancte servaturum. Minus grata cum esset  
Galliæ hæc responsio, Hispaniam & Sardiniam in partes suas per-  
traxit.

Suscepta expeditio, junctis sociorum viribus, in Italiam, cui  
præfectus *Villarius* Ludovicus Hector, anterioribus jam bellis omni-  
bus notus: Legati eidem adjuncti, Asfeldius, Coignius, Broglio,  
Mallebœus; manipulorum Ductores, Buslerus & Luxenburgus.  
Exercitus, in Germaniam missi, Imperator Bervicus. Directa quo-  
que classis, ut Gedano subveniret, in Balthicum. Reliqua, quæ  
ad hoc bellum pertinent, videri possunt in relatione de Italia,  
Germania, & Polonia, in quibus gestum est.

Nata est Regi filia, & alia denata. Sed luctum non levem in-  
duxit Dux Andegavensis, Regi ante biennium natus, hoc vero  
anno mortuus. Mœrorem temperavit tamen nata brevi filia, quæ  
*quinta* dicebatur (*Madame la cinquième*) sicut priori anno nata appel-  
lata est *quarta*. Kehlæ expugnata præfectus Fittæus. Antinus &  
Estreus in Consilium arcanum asciti. Anianus Delphino quinquen-  
ni, e gynecæo extracto, datus Moderator; Episcopus Sylva-  
nestensis Præceptor.

Eidem Delphino ab urbe Parisina pro more veteri oblata sunt  
arma, gladius, fistula, duo sclopeta manualia, quorum pretium  
ad centum thalerorum millia ascendisse dicitur.



Principi Contyo natus est ex Diana Aurelianensi filius Ludovicus, cui titulus Comitis de Marchia (*de la Marche*) fuit adjectus. Obiit autem Philippina Aurelianensis, ante 12 annos Carolo Hispaniæ Principi desponsa, sed iterum remissa.

Ad continuandum bellum Status Ecclesiasticus contulit 12 miliones librarum, totidemque ordo S. Spiritus. Huic adscripti Bellius, Memmius, Ravignanus, Periganus, agnatus Fleuri: in Ordinem vero S. Ludovici Cadrieus, ob rem in pugna Guastallana fortiter gestam: & Marchio Valcurtius. Renuntiati Generales locum-tenentes 125, Marechalli Campi 61, Manipulorum Ductores (*Brigadiers*) 83. Rothenburgo suffectus Vaugrenanus Legatus in Hispania. Marchio de Monti in deditione Gedani a Russis captus. Javelierus Philippoburgo præfectus. Seneterranus Legatus ad Aulam Sardiniam, Fenelonus Hagam.

Villarius  
obit.

Obiit Ludovicus Hector Dux Villarius Gubernator Provinciæ, 82 æt. anno; natus quippe fuit anno 1652 Taurini, ubi pater legatione fungebatur, inter præcipuos, quos Gallia habuit, Heroes numerandus. Jam octogenarius adhuc expeditionem Italicam belli Imperator suscepit. Sed senio & morbis confectus redire debuit, & fato suo caput, quod tot ballistis & catapultis obtulerat, tandem concedere. Filium reliquit unicum Honoratum, paternæ virtutis & fortunarum hæredem. Obiit pariter Bassompetrius, Marchio, suæ familiæ ultimus. Carolus autem Subisus Princeps, ex Illustri Rothana Familia, matrimonio sibi junxit Ludovicam Bullionii Ducis filiam. (*Anno 1734.*)

Anno 1735 promicabant aliquæ pacis ineundæ scintillæ. In vindicando Stanislai honore versabatur difficultas. Propositum Systema de cedenda illi ad tempus vitæ Lotharingia, & post ejus mortem unienda Galliæ, Lotharingiæ vero Duci destinanda Thufcia. Non displicuit Aulæ propositio: sancitæ induciæ: concepta Præliminaria. (*Videantur Germanica, Lotharingica, Italica.*)

Obiit Alexander Comes Rothenburgus, Marechallus, & Legatus olim in Hispania. Cum cœlibem vitam duxisset, instituit hæredes Ecclesias & pauperes.

Anno 1736 Rex Stanislaus ex Polonia redux, Versaliis salutavit generum & filiam, atque inde Meudonem ad palatium, sibi destinatum, concessit, ubi reliquum anni exegit præparando ingressum in Lotharingiam. Donec autem ea in possessionem missio esset confecta, morabantur Galli, Kehla, Philippoburgo & Treviris excedere.

Domus Regia aucta est sexta filia, minuta vero Ludovico Mayennæ (du Mayne) Ludovici XIV filio, qui obiit anno æt. 66, relictis ex Ludovica Condea duobus filiis Principe Dombensi & Comite Augi. Anno sequenti secutus est frater, Comes Tholosanus Archithalassus Franciæ, anno ætatis 59; filium reliquit hæredem Ludovicum Ducem de Penthièvre: cum autem hic 12 duntaxat esset annorum, Rex munus Archithalassii Duci Antino, officium vero supremi venatorum Præfetti Principi Dombano commisit, donec Ludovicus adolesceret. Hujus autem tutelam gessit Dux Aurelianensis.

Anno 1737 Delphino nomen Ludovici, & tribus senioribus sororibus sua pariter fuerunt imposita, patrinis ex Regio sanguine Principibus. Accessit nova soror, *Madame la Septieme* appellata interim, donec maturiori ætate, suppletis ceremoniis, nomen aliud sortiretur.

Chauvelinus, sigilli custos & Minister Status, hoc anno gratia Regis excidens, ab Aula fuit relegatus. Causas, quæ ferebantur, exul nolo memorare.

Gedano in compensationem damni, quod propter Stanislaum passum est, Rex quingenta librarum millia supra millionem transmissit.

1738 plures in Parlamento mutationes a Rege susceptæ sunt. Consilii autem Regii Status Secretarius renuntiatus est Comes de *Mauvepa*: ex 55 manipulorum Ductoribus creati totidem Campi Marefchalli: & 32 Generales locum-tenentes; qui prius erant Campi-Marefchalli, seu castrorum Præfetti.

Obiit 1 Carolus Joachimus Colbertus, Episcopus Montis Pefulani, 71 æt. anno, 42 Episcopatus, pertinaciter Constitutioni *Unigenitus* obluatus. 2 Ludovicus Bonacus, ex variis Legationibus notus. Principes, Lichtensteinius Cæsareus, & Cantimirus Russicus Legatus venerunt Parisios.

Godefredus Bullionius Regi vendidit Vice-Comitatum Turenium quatuor millionibus librarum Gallicarum.

Annum 1739 illustrem fecerunt nuptiæ inter Philippum, Regium Hispaniæ Principem, anno 1720 natum, & Ludovicam Elisabetham, Nuptiæ Pat. lippi. Galliarum Regis primogenitam, natam 1727. Marchio Minasius, Hispanicus extra Ordinem Legatus, nomine Philippi illam in sponsam petierat. Dux Aurelianensis procuratorio nomine eandem Philippo despondit, benedictionem nuptialem impertiente Cardinale Rohano, tota Aula, & tribus aliis Cardinalibus, Arverno, Fleurio, & Polignaco præsentibus. Deducta dein in Hispaniam nuptiale fœdus



cum Philippo præfente renovavit. Incredibile dictu, quanta in utraque Aula folemnitate hæc acta fint. Solus ornatus fponfæ dicitur 1500000 libris conftitiffe.

Obit Dux  
Borbonius.

Anno 1740 obiit Ludovicus Henricus Dux Borbonius, æt. 47, ab anno 1723 ad 1726 Primi Miniſtri munere perfunctus. Reliquit quadrimum filium, Principem Condeum hætenus appellatum, ſub tutela Comitſ Charoleſii patrui. Burgundiæ vero gubernatio Aniano interim, donec majorennem ætatem attingeret, fuit commiſſa.

Petrus Guerinus *Tencinus* ab Ebrodunenſi Archiepiſcopatu ad Lugdunenſem fuit tranſiatus. Illum obtinuit Bellilius ex Familia Fouquetana. Villenovano Conſtantinopoli Legatus ſuffectus eſt Marchio Caſtellanus.

Regina Hungariæ nuntiavit Regi mortem Patris ſui, eumque ſanctionis Pragmaticæ admonuit; ſed ex dubio reſponſo apparuit, nubes ſe in tempeſtatem contrahere. Interim Gallia, cum audiret, Portum Bellum ab Angliſ obſideri, claſſem Breſto & Telone Martio in Americam miſit, quæ Hiſpanos adjutura videbatur, ſed anno ſequenti rediit.

Anno 1741 Rex geminum exercitum adverſus Domum Auſtriacam, quam diviſam volebat, miſit, alterum in Italiam, alterum in Germaniam & Bohemiam, ſed non eo, quem ſperaverat, eventu: prout alias dictum.

*Fleurio*, cum vires fatiſcerent, adjuncti Cardinalis *Tencinus*, & *Argenſonus*, qui in partem laborum venirent.

Cum Principes Regii Sanguinis in Gallia naſcuntur, privatim baptizantur; quando autem ad rationis uſum pervenerunt, publice magna cum ſolemnitate ſupplentur Ceremoniæ, atque nomina imponuntur; prout hoc anno contigit cum Principe Condeo ſeu Borbonio ſeptenni, qui Ludovicus Henricus eſt cognominatus, & Comite Marchiæ, Principis Conty filio, pariter ſeptenni, qui Ludovici Franciſci nomen accepit.

Obit Card.  
Fleurius.

Anno 1743, ſicut dierum, ſic meritorum plenus, ætatem 90 annorum clauſit Andreas Hercules Fleurius, anno 1653 Lutetia in Occitania natus, primum Foro-Julienſis (*Freius*) in Provincia creatus Epicoſopus, ſubin Præceptor Regis, anno 1726 loco Ducis Borbonii primus Regni Miniſter, ac Cardinalis. Hæreditatem, quæ fuit modica, reliquit Duci Fleurio, ſuo ex ſore nepoti. Dicuntur, proventus primi Miniſtri in ſingulos menſes ad 50000 libras aſcendere. Pingue hoc ſalarium Fleurius reſuſavit. Laudes ſummi hujus viri in ſolemnibus exequiſ P. Neuwillius S. J. prædicavit.

Quam-

Quamvis autem titulus Primi Ministri supprimeretur, Cardinalis tamen Tencinus magna apud Regem valebat gratia, & in rebus gerendis auctoritate. Negotiorum molem augebat gravissimum bellum, quod minus prospere in Germania succedebat; quippe Galliae & Bavaria pulsae, & Dettingensi clade attriti, ultra Rhenum se recipere sunt coacti, & proprios fines defendere.

Dux Carnutensis (de Chartres) Aurelianensis Ducis filius Ludovicus Philippus duxit Henrieta, Principis de Conty filiam.

## Art. XI.

*Rex Angliæ & Austriae bellum denuntiat, cum Auxiliares tantum copias hactenus Bavariæ præbisset. Morbo, quo Metis correptus fuerat, liberatus, Austriacos ex Alsatia pellit, Friburgum expugnat. Delphino sponsam Hispanam jungit. Gloriosam expeditionem in Flandria animat. Stuartum in Scotiam dirigit. Austriacos Provincia depellit. Anglos mari vincit.*

Anno 1744 cum Galli ex Bohemia, Bavaria, atque omni parte Germania essent expulsi, immanem hominum & pecuniæ jacturam passi, jamque ceu bello victi haberentur contemptui, Rex Christianissimus id non ferendum ratus, ut orbi, quantæ Franciæ superessent vires, demonstraret, Angliæ & Austriae bellum denuntiavit: illi quidem 15 Martii, huic vero 26 Aprilis.

Angliæ quidem objiciebatur; licet Rex Franciæ post mortem Cæsaris nihil sibi vindicasset, tentatisque frustra omnibus amicæ transactionis remediis, debitas duntaxat fœderatæ Bavariæ auxiliares copias misisset, ab Anglia tamen Aulam Viennensem a pacificis fuisse consiliis abstractam, turbata contra solennia tot pacta publica, contraque jus gentium Galliae commercia. Initum 1741 neutralitatis tractatum, post Gallorum ex Westphalia discessum, a Rege Angliæ ruptum, in omnem occasionem intento, qua plures in Galliam hostes concitare posset. Portum Toulonensem ab Anglis clausum, direptas spoliatasque naves. His motum Regem, ut Regi Angliæ & Electori Hannoverano bellum terra marique denuntiaret.

Anglia



Anglia 9 Apr. indicto pariter bello vices reddidit. Gallia tres exercitus expedit, primum ad Rhenum sub Coignio, alterum in Flandriam sub Noallio, tertium in Hannoniam sub Harcurtio. Immenfis hi sumptibus stabant. Sed Rex ex solis reductis officiis 126 librarum milliones comparasse dicitur.

*Et Austria.* Indicti Austriae belli hae causae allegabantur. Licet Rex, si partem belligerantem facere voluisset, facile fines suos potuisset protendere, aut conditiones ab Austria oblatas acceptare, nisi sanctior sibi fuisset fides, Bavariae data. Quo major autem fuerit Regis moderatio, eo acerbius cum Gallis processum, captivos dure habitos, virulenta scripta sparsa, Alsatias ad defectionem sollicitatas, contemptum Regem, &c. atque per haec adactum se, Reginae Hungariae bellum denuntiare. Simulque per suum ad Comitum Imperii Francofurtensium Legatum Ordines hortatus est, ut Imperatori suo adversus Reginam assisterent.

Aula Viennensis indicto vicissim bello querebatur, Galliam toto hoc bello ad id tota vi incubuisse, ut Domus Austriaca everteretur, prout Circularibus suis Rescriptis abunde sit demonstratum. Cum Fulgida Porta moveri non potuisset, in Septentrione excitatum incendium. Haslangianas prioris anni propositiones non fuisse tales, ut acceptari potuissent. Galliam anno 1738 per Tractatum Definitivum ad defendendam Sanctionem Pragmaticam se obligasse, & Imperium jam anno 1732 per R. I. fidem desiderari &c.

Interea vero Anglicae classes Galliae littora circumibant, quantumque poterant, vastabant, exili ad rei summam momento. In America naves & oppida ultro citroque rapta, nullo tot sumptuum & operae pretio.

Expeditionem Belgicam Rex ipse suscepit, cujus uberes fructus in Belgicis representabimus. In castris ad Meninam Rex creavit Mauritiū supremi Ducis Legatos Richelium, Momorancium, Pontium, Estræum, cum 4 aliis, & 12 castrorum Praefectis: Mauritiū de Saxonia Mareschallum Franciae: Argensonum Status Secretarium loco Ameloti, praefecit.

*Friburgi expugnatio.* Cum nuntiatum fuisset, Austriacos transmissio Rheno in Alsatiā irrupisse, Rex cum parte exercitus e Belgio accurrit; sed cum Metas pervenisset, periculoso morbo correptus fuit. At postquam convaluit, Argentinam, indeque ad oppugnationem Friburgi concessit, eaque urbe in potestatem redacta, Versalias gloriofus rediit, atque futuram expeditionem solerter ordinavit.

Anno

Anno 1745 venit in Galliam Delphini sponsa Maria Theresia, Philippi V Hispaniarum Regis filia. Post celebratas autem maxima Delphini cum solennitate & apparatu nuptias, Rex rursus expeditionem Bel-nuptiæ-gicam suscepit, cui summa cum potestate praefecit Comitem Mauritiæ, Regis Poloniae fratrem naturalem, totaque ætate in Belgio substitit, tot expugnationum testis, & Archistrategi sui contra invidiam protector, subactaque tota Flandria Austriaca 1 Sept. Ver-salias rediit. (*vid. Belgica*)

Incidit in hunc annum trajectio Principis Caroli Eduardi in Sco-tiam, cui pater Jacobus Stuartus, quem *Pratendentem* vocant, jus suum in Magnam Britanniam cesserat. Jam anno priore tentata fue-rat hæc transportatio, sed tempestatum procellis impedita. Hoc vero anno scum classicula, cui 360 tantummodo personæ (Galli, Stuartus in Scoti, Hiberni) erant impositæ, ex portu S. Lazari solvit. 14 Ju-Scotiam-li cum Comite Murrae Scoto. Ex Insula Bella dein adjuncta est ipsis pro tutela navis bellica cum 600 viris. Occurrerunt autem illis tres Anglorum Bellicæ 20 Jul. Cum his dum pugnat Gallica, evasit clas-sicula, atque feliciter appulsa est ad littus Lochabriæ, Scoticæ pro-vinciæ. Noluit tamen videri Gallia, in hac traiectione partem ha-buisse. (*Quid autem in Scotia-actum, in Anglicis referetur*). (*De capti-vitate vero Bellilii, dictum in Germanicis*).

Obiit Dux de Broglie, Marefchallus Franciæ & Gubernator Ar-gentinae anno ætatis 74. Grammondus autem pariter Franciæ Mare-schallus in prælio Fontenacensi cecidit. Villenovanus quoque Mar-chio, humili genere natus Marfiliae, defunctus est æt. 70. Fuit mul-tis annis Gallicus Cpoli Legatus, & an. 1739 pacem inter utrumque Imperatorem conciliavit, ab utroque donatus propterea. Carolus Princeps Subifus tertiis nuptiis duxit Victoriam Hassio-Rheinfelsen-sem. Löwendahlus Marchionatum Cressy emit.

Anno 1746 captis Bruxellis, Rex, comitante Henrico Bene-dicto, Juniore Jacobi Stuarti Angliæ Regis filio, ad Belgicam rur-sus expeditionem profectus est, atque Antverpiam, Montes, Ca-rolus-Regium, Namurcum &c., per Duces suos expugnavit. Re-dux in Galliam Eduardum Walliæ Principem, ab infelici expeditio-ne Scotica, cum pluribus Milordis Gallicis navibus advectum cle-mentissime excepit, & utrique fratri annuam pensionem liberaliter assignavit.

Austriaci ex Italia, superato Varo flumine, in Provinciam irruerunt; sed tentata frustra ob defectum rei tormentariæ Antipo-Austriaci in-li, concurrentibus pluribus Galliae copiis, ac deficientibus alimentis, Galliam.



viam in Italiam relegere coacti sunt, amissis rursus munimentis S. Honorati & S. Margarethæ, quæ ope classis Anglicanæ occupaverant. (vid. Ital.) Mallebæo, quod Austriacis transitum Vari permisisset, abrogatum imperium & delatum Bellilio.

Mari bis victi sunt Angli a Gallis; Insulam tamen *Capitis Bretonici* seu *Regiam* recuperare non poterant, classè non tam ab Anglis quam ventis & tempestatibus *Brestam* redire coacta.

## Art. XII.

*Obit conjux Delphini. Nuptiæ cum Josepha Saxonica. Belgicæ victoria. Pax Aquisgranensis. Stuartus Avenionem.*

*Natus Delphino Dux Burgundiæ, pluresque postea Principes.*

130.

Luctum Aulæ indixit obitus Mariæ Theresiæ, anno superiore Delphino nuptæ; quæ femellam enixa in puerperio extincta est. Ut stirps Regia propagaretur, conjecti oculi ad Aulam Saxonicam, quæ præstantes animo & corpore viragines educabat.

Bellefondo Archiepiscopo Parisiensi defuncto, Rex ad hanc dignitatem nominavit Christophorum Bellomontium (*Beaumont*) virum cordatum, & intrepidum Jurium Ecclesiasticorum Defensorem, qui prius erat Archiepiscopus Viennensis.

Obierunt præterea 1. Joan. Bapt. *Colbertus* Marchio de Torcy, Status Minister, Cancellarius Regius, Postarum omnium Præfectus, octogenario major. 2. Marchio *Fenelonus* de Salignac, a legatione sua Hollandica omnibus notus, ex vulnere, in pugna Leodiensi accepto. 3. Princeps *Tingrius* Mareschallus Franciæ, Gubernator Valencenis. 4. *Damwillius*, dum classem in Americam duceret. 5. Cæsar *Phæbus* de Bonneval, infelicis ad Turcas transfugæ frater, copiarum Ductor.

Anno 1747 Regia solennitate celebratæ sunt nuptiæ secundæ Delphini cum Maria Josepha Poloniæ Regis tertia filia, Principe, quam admirari non satis poterant Galli. Hac celebritate peracta Rex in Belgium rursus abiit, anima sui exercitus, qui, cum Hollandi copias suas ab Anglis & Austriacis nollent separare, totam Flandriam Batavicam occupavit, reportata insigni ad *Laffeldam* in Leodiensi agro victoria, cujus fructus Bergæ ad Zomam, quamvis cruenta expugnatio.

Nuptiæ alteræ Delphini.

pugnatio. (vid. Belg.) In mari autem Americano Angli aliquot bellicas Gallis ademerunt.

Argenson Status Secretario est subrogatus Puiffæus, a legatione Hollandica avocatus, quam Abbas Villanus suscepit. Mauritius Saxo ob res fortiter gestas renuntiatus Gubernator Belgii conquisti.

Anno 1748 Rex singulari usus moderatione pacem Aquisgranensem composuit, redditis, quæ in Belgio occupaverat, in eo tamen, quem tunc obtinebant, statu, dirutis videlicet pluribus munimentis, id unum assecutus, ut Philippus gener tres in Italia Ducatus obtineret.

Princeps Eduardus Stuart e Gallia vi pacis migrare iussus, Frburgum Helvetiorum primum sedem sibi destinaverat, protestante licet Anglo; at consilio mutato Avenionem, Pontificiæ ditionis in Gallia urbem, abiit.

Quamvis autem pax esset reducta, quia tamen immensis sumptibus bellum constiterat, ut debita extinguerentur, pars vigesima proventuum exigebatur, cum antea decima fuisset tribuenda.

Albemartius Legatus Angliæ dicitur cum Rege luisse, & duos librarum Gallicarum miliones perdidisse.

Anno 1751 natus est Delphino Princeps Lud. Jos. Xaverius, quem Rex Ducem Burgundiæ compellavit. Tota Gallia gaudio exultabat. Nec minorem lætitiā ad exterās Aulas Legati publica solennitate sunt contestati. Nox ignibus festivis illuminata, cusa nova moneta, sparsa in vulgus pecunia, remissa subditis pars tributorum, hymnus undique Divinus personuit. Sed quantum in natiuitate hujus Principis erat gaudium, tantus decennio post, cum moreretur, luctus.

Sicut Ludovicus XIV grande nosocomium *Invalidorum*, pro infirmis videlicet militibus ingenti sumptu construxit, ita Ludovicus XV Academiam Regiam militarem pro 500 Nobilibus, ut arte bellica imbuantur, erexit, Academiam item Chirurgicam, & Marinam ad ediscendam rem nauticam & classariam. Vires autem maritimas ita adauxit, ut 76 bellicis constarent, ultra quatuor tormentorum millia instructis.

Cardinali Tencino, & Puiffæo Status Secretario, ab Aula recedentibus, suffecti sunt Status Ministri Comes Florentinus, Marchio Vrillierus, cum Rovilæo, & Contesto, qui Legatione Haggæ fungebatur. Dagensonus autem, Franciæ Cancellarius & sigilli custos.



custos octogenarius obiit, cum Comite Seguro, ex ultimo bello Bavarico noto, & Mommorantio, Franciae Mareschallo.

Funus Mauriti Saxonis Franciae Mareschalli Argentinam deductum est, ut more Lutherico ibidem sepeliatur. Hares ejus Comes Bellegardus, Regis Poloniae Taurini Orator, Chambordi hereditatis possessionem adiit.

Ab anno 1751 ad 1760 numerosa sobole augebatur Domus Regia, quippe ex Ludovico Delphino, ejusque serenissima conjuge Maria Josepha Poloniae ac Saxoniae Principe nati sunt 1. Ludovicus Augustus *Dux Bituricensis* anno 1754, baptizatus solenniter 1761. 2. Lud. Stanisl. Xaverius *Comes Provincia* 1755, bapt. 1761. 3. Carolus Philippus *Comes Artesiae* 1757, bapt. 1761. 4. Clotildis Xaveria 1759, bapt. 1761, & hi quidem hodieum sunt superstites, Deusque conservet sospites. Ante hos vero lucem aspexerunt quatuor proles, 1. Maria Theresia. 2. Maria Zephyrina. 3. Dux Burgundiae. 4. Dux Aquitaniae. Quos tamen vernantes flores praematura falx demessuit.

Anno 1756 collisa est Gallia cum Anglis gravi bello, quod septem annis in omnibus quatuor orbis partibus varia sorte gestum est, prout postea prolixius aliquantum narrabitur. Fortunatum Gallis initium: eiectus prope in Oceanum ex Germania hostis: expugnata a Richelio Insula Minorica, res aliae prospere gesta. Sed progressus initii minus respondit; amissis in America praesertim pluribus locis, quorum tamen aliqua per pacem recepta sunt.

## Art. XIII.

*Concilium Ebrodunense, anno 1727.*

(131.)

Concilium hoc Provinciale celebravit Petrus *Tencinus* Archiepiscopus tunc Ebrodunensis, praesentibus 15 suae Provinciae Episcopis. Praeter statuta saluberrima de doctrina & disciplina Ecclesiae, agitata est causa *Sanicensis Episcopi*, qui 80 annorum senecio litteras Pastorales ediderat, quibus Reflexiones Quesnelli approbabat, Constitutionem vero *Unigenitus* confutare praesumpsit. Citatus propterea ad synodum, solitis appellantium tergiversationibus & effugiis se subtraxit.

C A P U T IV.

Historia Janseniana & Quesnelliana

SÆCULI XVIII.

Originem & Progressum Jansenismi in Belgio

& Gallia Parte VIII recensuimus ad Sæculum usque XVIII, nunc ea, quæ hoc, quod vivimus, sæculo acta sunt, breviter perstringemus.

Art. I.

*Coddei, Archiepiscopi Sebasteni, Apostolici in Hollandia Vicarii, suspensio a sacris. Quesnelli, Brigodi, & Gerberonis captivitas. Eorum effigies.*

Anno 1702 Coddeus, Archiepiscopus Sebastenus, *Vicarius Apostolicus in Hollandia*, a sacris functionibus fuit suspensus. Res ita habet. 132

Coddeus, Oratorii Berulliani Presbyter, anno 1686 Nercasselio mortuo in Vicariatu per unitas provincias Batavicas fuit suffectus, datusque Catholicis Episcopus, lupus ovibus. Quippe Jansenistarum capitibus singulari amicitia illigatus, novellas eorum opinionones disseminare omni ope adlaboravit, nunquam se adduci passus, ut formulæ Alexandri VII & Cleri Gallicani subscriberet.

Sub tali pastore quomodo provisum fuerit ovili Christi inter hæreticos, facili conjectura est assequi. Sacerdotes plures, ventri servientes, administrabant sacramenta, & preces Ecclesiæ recitabant lingua vernacula, talisque corruptio invaluit, illamque Missionem turbavit adeo, ut Catholici magno numero querelas ad Sedem Apostolicam deferre cogerentur.

Innocentius XII causam 12 Cardinalium Congregationi examinandam commisit, quæ Coddeum Romam citavit, ut per se ipsum accusationi respondeat. Nihil non egit *Vaucelius* Jansenistarum Ordinarium Romæ Legatus, cum aliis in Gallia & Belgio Coddei amicis, ut Congregationem disturbaret, fulmenque averteret. At illa constans denunciavit, nisi veniret, alium Vicarium suffectum iri. Vaucel.



Delbec.

Ingressus igitur iter est anno 1700 cum P. *Delbecque* Dominicano amico zeloſo. Bruxellis tranſiens noluit conferre cum Gerberonio, ut Romæ poſſit dicere, nihil ſibi eſſe cum illo commercii. At vero cum Patavium veniſſet, inviſit ad eum Hiacyntus Serry, magnam Quesnelli æſtimationem præſeferens, totiusque ſanctæ Familiæ; qui favor ſpes ejus auxit, præſertim cum intellexiſſet, mortuum eſſe Innocentium XII, eique ſubrogatum Cardinalem Albanum.

Et ſane non omnis eum ſpes ſefellit. Nam Clemens XI cum magna benevolentiæ ſignificatione ipſum excepit, ſi Novellis Hollandicis fides. At cum Cardinalium Congregatio 26 accuſationis capita ei diluenda proponeret, conſcientia mordente territus, cœpit cauſæ diffidere.

Sufpenſio.

Ultima Congregatio habita fuit præſente Papa 7 Maji 1702, omniumque ſuffragia ſuſpensionem ab officio decreverunt. Vix autem ea, quæ Romæ contigerant, in Hollandiam nuntiata fuerant, cum de Clero quidam, doctrinæ rigidæ, & vitæ laxæ, cui ſub tali Rectore jam aſſueverant, homines, atque Janſeniſmi tabe jam infecti, ſæcularem adverſus executionem Hæreticorum poteſtatem implorantes, Heinſium Penſionarium & Conſules Amſtelodamenſes convenerunt, qui in vota ſupplicum faciles, *Cockio*, quem Papa interim Vicarium ſubſtituerat, omni functione & adminiſtratione interdixerunt: contra vero *Huſſenum*, quem Coddeus Provicarium conſtituerat, officio fungi voluerunt.

Quesnelli  
conſilium.

Hic, cum a Papa eſſet ſubjectus Interdicto, dubitavit, an eo teneretur. Conſultum Oraculum (*Quesnellus*) e Delphico velut tripode reſpondit: pergeret ire vias ſuas, ſine reſpectu ad ea, quæ Romæ eſſent acta. Sebaſtenum Archiepiſcopum contra omnes æquitatis regulas eſſe condemnatum: judicium de hac cauſa ad Generales Ordines pertinere: Romam majorem dominationis amplificandæ quam Religionis rationem habere: Antichriſtum unum ex Romanis fore. An hæc vox hominis, qui ſe Catholicum & Eccleſiæ filium proſtitetur? Lutherum aliquem aut Calvinum audimus blaterantem.

Pontifex de omnibus informatus ſcripſit ad Catholicos, in Bateria & vicinis regionibus degentes, hortatusque eſt, ne ſeduci ſe paterentur a tumultuantibus: hos eſſe paſtores, non ad cuſtodriendas, ſed maſtandas & perdendas oves intentos, ad ſcindendam inconſultilem Chriſti togam, ad poteſtatem Eccleſiaſticam funditus evertendam: affectari ab illis exiſtimationem ſeveræ doctrinæ, at ſatis patere, quo conſilia & conatus eorum tendant.

Seba-

Sebastenus remissus quidem est in Hollandiam, sed ab officio Vicariatus penitus depositus. Quod sectarios adeo in furorem egit, ut *Breve Pontificium* infame & seditiosum dicerent, atque, ut supprimeretur, ab Hollandis peterent. Credi vix potest, quot quam-<sup>Furor Jans.</sup>que insolentes libelli mox prodierint, quibus absque pudore decidebatur, Coddeum non obstante Romana depositione pollere plena autoritate, quam Innocentius XI eidem tribuisset, dum Vicarium Apostolicum denunciavit. Cusa in ejus honorem numismata, incisa aeri imago, quæ exhibebat S. Petrum in cælos eundem recipientem.

Obiit mirabilis hic sanctus anno 1710, an autem S. Petrus clavibus suis cælum eidem aperuerit, non constat. Qui claves con-<sup>Obitus Cod-</sup>cedo, credo, cæli janitorem tam promptum non invenit. Certe successor S. Petri pro ejus anima orare prohibuit, ut qui suæ ob-<sup>dei.</sup>stinationi & errori fuisset immortalis.

Tanta autem erat Jansenistarum in omnes hominum ordines, atque potestates, sibi adversantes, impudens petulantia, ut anno 1703 tres eorum principes, Quesnellus, Gerberonus, & Brigodus Bruxellis merito sint comprehensi & in custodiam dati.

P. *Paschasium Quesnellum* Oratorii Berulliani Sacerdotem, Jansenismi veneno plenis visceribus hausto, adversus superiores suos contumacem, poenarum metu jam anno 1685 in Belgium, ubi liberiorum auram se captaturum crediderat, profugisse, ibique, Religioso exuto habitu, veste laica latitasse, supra diximus. Et quidem initio Bruxellis cum Arnaldo se occuluit. Inde 1690 Lugdunum Batavorum, tum in agrum Leodiensem, ac dein rursus Bruxellas secreto concessit, ibique grandem libellorum numerum conscripsit, quorum plerique Romæ, in Gallia & Belgio fuerunt condemnati, plures manu carnificis in ignem projecti.

Labores ipsius crescebant, ubi mortuo Arnaldo succedens patriarchatum inivit, commercium litterarum cum omnibus Jansenistis, per curias, aulas, Academias, Religiosas domos, Monialium claustra, communitates sæculares, per Europam distributis, sedulo nutriendis, ac partibus suis augendis ubique intentus.

Archiepiscopus Mechliniensis, cum tot sparsos ab eo noxios libellos, animarumque crescentem in dies ruinam cerneret, de mediis sistendi impetum apud se deliberavit. Jam anno 1702 ad Congregationem S. Officii eum detulerat. At Roma parum poterat adversus homines, sacra Vaticani fulmina omnemque autoritatem Ecclesiæ cachinanti sibilo explodere assuetos. Brachium igitur sæ-  
culare



culare implorandum ratus, a Rege Catholico obtinuit, ut Marchioni Bedmario, qui pro Electore Bavariae Belgium administrabat, Quesnellum ac socios capiendi mandatum daretur.

Captus.

Comprehensus igitur anno 1703 Bruxellis a militibus in suo cubiculo, in Archiepiscopalem custodiam ductus est. At ecce! nobilis quidam Gallus perfoſſo noctu muro illum liberavit: fuiſſetque plenum gaudium, ſi litteræ etiam illius & ſcripta per eandem rimam potuiſſent evadere. Ex his ſcriptis multa fuerunt detecta iniquitatis myſteria, Eccleſiaſticis & Politicis Poſteſtatibus ſumme injurioſa, fraudes, cuniculi, machinationes, totiusque ſectæ inſanæ ſubſtructiones, ipſa adeo maligna animorum errantium ſenſa, eorum quoque, qui pro ſinceris Catholicis habebantur.

Evadit.

Scripta.

Quamvis autem ſummum Janſeniſtarum in Jeſuitas odium alias plurimis argumentis manifeſte fuerit proditum, ex ſcriptis tamen iſtis multa in lucem fuerunt producta, quæ tenebris alias manſiſſent involuta, colluſiones etiam cum Catholicis in Societatis exitium.

Profeſto, ſi Queſnellus ejusque ſocii cum ſcriptis ſuis arcanis non fuiſſent comprehenſi, neſciret orbis obligationes, quibus Societatis Jeſu adverſarii, etiam Catholici, Janſeniſti ſunt obſtriſti, nodumque, quo cum illis erant conſtriſti. Quis e. g. ſciret, quantum Hiacyntus Serry iis debeat, ut Hiſtoria Congregationum de *Auxiliis* poliretur & ederetur? quis, Seminarium Miſſionum exter-  
narum Pariſienſe uſum Queſnelli calamo ad denigrandas Ceremonias Sinenſes & Jeſuitas?

Vix e custodia Queſnellus eruperat, cum nimbum injuriarum effudit, in Archiepiſcopum maxime Mechlinienſem, captivitatis ſuæ auctorem. An S. Petrus, e custodia liberatus, vel in Herodem ſic egit?

Hæ calumniæ, multaque crimina, de quibus ex propriis aliorumque ad eum litteris erat convictus, Mechlinienſem Archiepiſcopum permoverunt, ut publice eum citaret ad reſpondendum; cum non compareret, contumaciæ condemnatus, & excommunicatus per ſolennem ſententiam eſt denuntiatus.

Brigoli do-  
loſa conver-  
ſio.

Cum Queſnello eodem in loco & tempore comprehenſus fuit Arnoldus Joſephus *Brigodus*, qui poſt ſeſtrem carcerem ea converſi animi dedit indicia, ut viſæ ſint tenebræ lucem aſſuſiſſe; nam Archiepiſcopo libellum ſupplicem porrex-  
it, in quo faſſus eſt, præcipuum ſuum fuiſſe officium a pluribus jam annis, curare, ut libri Janſeniſtarum imprimantur & diſtribuantur.

Petiit

Petit veniam, exemplo usus Divinæ in pœnitentes misericordiæ. Archiepiscopus liberavit captivum ea lege, ut ederet professionem fidei, formulæ subscriberet sine distinctione, sacris exercitiis 15 dies impenderet, generali confessione animum expiaret, his præstitis e Diœcesi Mechliniensi exulatum discederet. Nequam omnia promissit: servavit nihil. Sed quid aliud a Jansenista expectes?

Tertius Bruxellis interceptus est P. *Gabriel Gerberon*, ex Congregatione S. Mauri Religiosus, qui plures in Gallia libellos sparserat, hæresi faventes, dandus propterea mandato Regis in custodiam, ad Corbeiense Monasterium jam anno 1682 profugit. Inde Sanctissimo suo Ordini rebellis, in Hollandiam evadens, Roterodami substitit, assumptoque nomine Augustini *Kergre*, Unitas Provincias Flandriamque diluvio libellorum de gratia inundavit. Jansenismi non alius defensor ardentior; ut adeo inter Patriarchas Janseniani Ordinis censeri sit meritus: spesque affulsisset, post mortem Arnaldi Abbatem fore, nisi singularibus opinionibus inhærens suos non raro contribules invasisset, Arnaldum adeo & Quesnellum. Id maxime vitio illi dabant, qui ejusdem mentis erant, quod sensa sua nimis aperte proloqueretur, majori arte & circumspectione proponenda rati, ut verba ambigua, prout occasio tulerit, in omnem partem circumagi queant.

Postquam interceptus fuerat, clementiæ Archiepiscopi se submit, paratus, ut asserebat, ad omnes, quas irrogare placuerit, pœnas. Institutus juris Processus: 29 *Interrogatoria*, ut vocant, proposita: convictus docuisse hæresin, præsertim postquam abjecto Religioso habitu laicum induisset; profcidiſſe Papam contumeliis, Principes, omnesque, quos adversari sibi credidisset: condemnatus est ad emittendam professionem fidei, signandam formulam, abjurandam & propositionum doctrinam, ad regressum in suum Monasterium, ubi inclusus maneat, donec Ecclesiæ sit satisfactum, & de emendatione vitæ & doctrinæ constet.

At quamvis ante submissionem promiserat, post sententiam tamen latam doctrinam suam retractare & formulam signare noluit sine restrictione. Quæ pertinacia Regem Christianissimum permovit, ut eum ceu subditum suum ex Belgio reposceret, ac primum in Ambianum, dein Vincennarum carcerem mitti juberet.

Ergastuli rigor emollire non poterat pluribus annis induratum peccatus senis octogenarii; tandem vero gratia Dei potentior flexit pervicaciam.



Quippe anno 1710 obtulit se ad signandam formulam: retractavit doctrinam erroneam, falsus, defensas a se propositiones damnatas. Eandem retractationem habuit ratam, postquam ex Vincennensi carcere liberatus in Monasterium S. Germani ad fratres suos fuerat translatus. Paucis vero post mensibus lethali morbo correptus poenitens obiit, postquam dimidium & ultra sæculum rebellis fuerat, Ecclesiæ plene subiectus.

## Art. II.

### *Clementis XI Constitutio Vineam Domini Sabaoth adversus Jansenistas.*

133.

Anno 1705 Clemens XI occasione *Casus Conscientiæ*, quem Parte VIII retulimus, & a 40 Doctoribus approbatum diximus, edidit Bullam adversus Jansenistas celeberrimam, cujus initium *Vineam Domini Sabaoth* (cujus Synopsis subjicio.) In hac memorat, ab Innocentio X quinque famosas propositiones, ex libro Jansenii excerptas, fuisse confixas, atque hanc Constitutionem, ad publicam tranquillitatis perturbatorum subtili tectas calliditate machinationes penitus evertendas, ab Alexandro VII confirmatam, novarumque declarationum accessione constabilitam.

Infertis dein horum Pontificum Constitutionibus Clemens XI prosequitur: *Causam* equidem esse finitam, non tamen sic, ut par erat, finitum errorem, Apostolico toties mucrone percussum. Neque enim defuisse & adhuc deesse homines, veritati non adquiescentes, & nunquam Ecclesiæ contradicendi finem facientes, qui variis distinctionibus, seu potius effugiis, ad circumventionem erroris excogitatis, Ecclesiam ipsam turbare conantur, quodque deterius est, ipsamet Apostolicæ Sedis Decreta, præsertim Clementis IX, & Innocentii XII in erroris sui patrocinium advocare, temerario plane ausu, non erubescunt, perinde, acsi memoratus Clemens aliquam in tam gravi negotio exceptionem, seu restrictionem, quam nullam se unquam fuisse admitturum protestatus fuit, re ipsa admisisset, Innocentius XII vero, dum prædictas 5 propositiones in sensu obvio, quem verba ipsa exhibent, damnatas esse pronuntiavit, non de ipsomet obvio sensu, quem in Jansenii libro habent, quive ab eodem Jansenio intentus, ac ab Innoc. X & Alex. VII damnatus fuerat, sed de alio quodam diverso sensu cogitasset, dictasque Constitutiones temperare & restringere voluisset iisdem ipsis litteris, quibus eas in suo robore fuisse & esse, seque illis firmiter inherere verbis apertissimis asserbat.

Pra-

Præterea iidem inquieti homines, inquit porro Pontifex, ſparſis undequaque ſcriptionibus ac libellis, exquiſita ad fallendum arte compoſitis, non ſine gravi Sedis Apoſtolica injuria, maximoque totius Eccleſiæ ſcandalo docere non ſunt veriti, ad obedientiam, Conſtitutionibus Apoſtolicis debitam, non requiri, ut quis Fanſeniani libri ſenſum, in diſtis 5 propoſitionibus damnatum, interius ut hæreticum damnet, ſed ſatis eſſe, ſi ea de re obſequioſum Silentium (ut ipſi vocant) teneatur. Quæ quidem aſſertio, quam abſurda ſit, & animabus fidelium pernicioſa, ſatis apparet, dum fallacis hujus doctrine pallio non deponitur error, ſed abſconditur: vulnus tegitur, non curatur: Eccleſiæ illuditur, non paretur, & lata denique filiis inobedientiæ via ſternitur ad fovendam ſilentio hæreſin, dum ipſam Fanſenii hæreſin, quam a Sede Apoſtolica damnatam Eccleſia univerſalis exhorruit, adhuc interius abjicere, & corde improbare detrectant.

Quin etiam eo impudentiæ nonnullos deveniſſe compertum eſt, ut veluti naturalis honeſtatis, nedum Chriſtianiæ ſinceritatis obliti, aſſerere non dubitaverint, formulæ, ab Alexandro VII præſcriptæ, ſubſcribi licite poſſe, etiam ab iis, qui interius non judicant, in Fanſenii libro doctrinam hæreticam contineri, quaſi vero liceat Eccleſiam jurejurando decipere; dum loquuntur, quod Eccleſia loquitur, quod tamen ſentit ipſa, non ſentiunt, ſequæ parere Conſtitutionibus Apoſtolicis proſitentur, quibus animo contradicunt.

Hinc eſt, quod nos ad opportunum & efficax tam exitialis morbi, qui ut cancer ſerpit, & quotidie in deterius vergit, remedium adhibendum - - primo quidem præinſertas Innocentii X & Alexandri VII Conſtitutiones, omniaque & ſingula, in eis contenta auctoritate Apoſtolica confirmamus, approbamus, & innovamus.

Ac inſuper, ut quævis in poſterum erroris occaſio penitus præcidatur, atque omnes Catholici Eccleſiæ filii Eccleſiam ipſam audire, non tacendo ſolum (nam & impii in tenebris conticeſcunt) ſed & interius obſequendo, quæ vera eſt hominis orthodoxi obedientia, conſciant, hac noſtra perpetuo valitura Conſtitutione obedientiæ, quæ præinſertis Conſtitutionibus Apoſtolicis debetur, obſequioſo illo ſilentio minime ſatiſfieri, ſed damnatum in 5 propoſitionibus Fanſenii ſenſum, quem verba illarum præſeferunt, ab omnibus Chriſti fidelibus ut hæreticum, non ore ſolum, ſed & corde rejici ac damnari debere, nec alia mente, animo, aut credulitate ſupra dictæ formulæ ſubſcribi licite poſſe, ita, ut, qui ſecus aut contra, quoad hæc omnia & ſingula, ſenſerint, tenuerint, aut prædicaverint, verbo vel ſcripto docuerint aut aſſeruerint, tanquam præſatæ Conſtitutionum Apoſtolicarum transgreſſores omnibus illarum cenſuris & pœnis omnino ſubjaceant, eadem auctoritate Apoſtolica decernimus & declaramus.



Tametsi autem hæc Bulla adeo clara sit atque dilucida, ut solis radiis scripta videatur, non tamen deerant excacatæ mentes, quæ obscuritatis eandem accusarent, dicerentque, circa punctum principale nihil fuisse decusum. Alii ex Jansenistis, cum omne aliud effugium sibi præclusum viderent, ad vituperia, calumnias, Sedisque Apostolicæ contemptum versi sunt. Ex illis Withus Licentius Lovaniensis non exhorruit petulanti ore effutire, opus esse tenebrarum, Antichristo dignum, quo vera Christi gratia destrueretur, & Pelagianismus stabiliatur.

At, ringentibus hæreticis, alius multo sensus erat orbis Catholicæ, qui Bullam, ut par est, summa veneratione recepit. Rex Christianissimus illico iussit, eandem in Acta Parlamenti referri, ac toto Regno promulgari, additis litteris, executionem imperantibus.

Solus Episcopus S. Pontii in Occitania tergiversatus est, allegans exemplum 23 Episcoporum, qui anno 1667 pro obsequioso silentio stetissent. At mandatum ipsius, ad Diocesanos missum, anno 1709 fuit condemnatum; cum epistola ad Atrebatensem scripta.

Quamvis autem Episcopi Galliæ receperint Constitutionem, displicuit tamen Pontifici modus. Nam (præterquam quod Noalius dixisse feratur, Ecclesiam non esse infallibilem in decidendis quæstionibus facti, etiam dogmatici, si non sit revelatum) Archiepiscopo Rothomagensi duce conventus Cleri pronuntiasse dicitur, Constitutiones summorum Pontificum obligare totam Ecclesiam, postquam fuissent acceptatæ a corpore Pastorum, atque hanc acceptationem ex parte Episcoporum fieri per viam Judicii.

Hac clausula offensus Papa anno 1706 ad Regem scripsit, quod Episcopi non tam fuerint congregati ad recipiendam Bullam, quam ad restringendam auctoritatem sanctæ Sedis, aut potius extendendam.

Cum igitur Rex vellet, ut Papæ satisfaceret, Cardinalis Noalius, qui conventui præfederat, cum aliis sex Archiepiscopis & 5 Episcopis, qui omnibus deliberationibus interfuerant, 1710 explanationem processus sui verbalis Romam misit. Addidit epistolam anno sequenti, in qua magno cum dolore se intellexisse ait, Sanctitatem suam judicare Constitutionem contra errores Jansenianos non fuisse cum debito respectu & submissione, quæ eidem debetur, receptam; cum tamen conventus anni 1705 crediderit, se eandem re-

Quomodo  
Bulla sit ac-  
ceptata in  
Gallia.

recepisse cum eadem veneratione, qua Antecessores sui Bullas priorum Pontificum super illa ipsa materia.

Quando Conventus dixit, quod Constitutiones summorum Pontificum obligent totam Ecclesiam, *postquam acceptata fuerint a corpore Pastorum*, non intendisse dicere, acceptionem esse necessariam, quæ sit *solemnis*, neque alio fine id dictum, quam ut Jansenistis omne præcludatur effugium, quo elabi essent conaturi. Neque eam fuisse mentem, ut Conventus velut Judex Constitutionem examinaret, aut tribunali suo subjiceret, sed ut conformitatem suæ doctrinæ cum Apostolica, magno cum gaudio accepta, significaret.

Conventum habuisse sibi persuasissimum, nihil deesse Bullæ, quo minus totam Ecclesiam obliget; nullaque ratione ab ea appellari posse, neque ulli mutationi esse obnoxiam.

Sub finem rogat, ut sua Sanctitas bene sentiat de Ecclesia Gallicana, sicut S. Bernardus, qui Innocentio II scripisset, quod illa sit firma in fide, pacifica in unitate, semper submissa & obediens Sedi Apostolicæ. Talem adhuc hodie esse animum omnium Episcoporum. *Quantum ad me*, addit Noallius, *semper primus ero in exhibenda obedientia debita. Religio, gratitudo, & respectus, quo ex imo corde feror erga Romanam Ecclesiam, frequenter in memoriam mihi reducant obligationes, quibus Apostolicæ Sedi obstrictus sum: neque est, quod me obfirmem in hoc proposito perfectæ obedientiæ; sufficit aspicere purpuram, qua me placuit vestire.*

Hæ litteræ argumento manifesto sunt, quod Episcopi Galliæ non prætendant judicare judicium summi Pastoris, conformiter iis, quæ Zosimus Papa olim scripsit ad Episcopos Africæ, quod *traditio & Patres tantam attribuerint Sedi Apostolicæ auctoritatem, ut nemo disputare debeat de ejus sententia.*

Eodem tempore Rex quoque scripsit Pontifici, eumque certum esse jussit, se semper paratum fore, auctoritate sua tueri venerationem, Capiti Ecclesiæ, & Jesu Christi in terris Vicario debitam.

Academia Lovaniensis, recepta Bulla *Vineam Domini*, iterum damnavit Casum conscientiæ, a Jansenistis propositum, declarat- Acad. Lovan. judicium.  
que 1 Ecclesiam infallibiliter judicare posse de sensu librorum.

2. Doctrinam de gratia intrinsece efficace & prædestinatione gratuita esse plurium scholarum, & etiam suam; sed eam defendi posse modo hæretico, prout faciant Jansenistæ, qui negant gratiam sufficientem, per quam observatio præceptorum fiat possibilis.

C c c 3

3. Agno-



3. Agnoscunt obligationem, omnes actiones virtualiter referendi ad Deum; improbant tamen opinionem, quod detur præceptum particulare, quamcunque actionem referendi ad Deum *per amorem actualem*.

4. Opinionem eorum, qui exigunt contritionem perfectam ad sacramentum pœnitentiæ, sibi non videri conformem principiis fidei, neque naturæ sacramenti.

5. Assistere sacrificio Missæ in peccato mortali non esse novum peccatum mortale.

6. Sibi videri, quod fautores Janfenistarum parum faveant cultui B. V. ejusque immaculatæ conceptioni.

7. Rejiciunt libros, quorum lectionem 40 Doctores, de quibus supra, approbaverant.

8. Prout etiam versionem S. Scripturæ in linguam vulgarem, præsertim novi testamenti Montensem.

Papa summa voluptate accepit hæc Acta Universitatis Lovaniensis, laudavitque scriptis litteris; hortatus simul, ut pergerent esse defensores & ornamentum Ecclesiæ Belgicæ. Nec novas atque peregrinas opiniones patiantur doceri.

### Art. III.

#### *De Abbacia Portu - Regia Janfeniana.*

134.

Frequens hætenus facta est mentio Portus-Regalis, ejusque incolarum, Janfenianis erroribus efflicti faventium. Unde fortassis lector in hoc Eruditionis Apparatu expectabit enucleatorem hac de re explicationem.

Fuit igitur Portus Regalis Abbatia Ordinis Cisterciensis Monialium, sex miliaribus Parisiis distans, anno 1204 fundata. *Angelica* Arnaldina Abbatissa, celeberrimi Doctoris Antonii Arnaldi foror, anno 1626 communitatem suam Lutetiam transtulit, ibique sub directione Joannis Vergerii, Abbatis San-Cyrani, novum domicilium fixit, quod *Portus Regius Parisiensis* appellabatur, ad distinctionem a Portu Regio *Campestri* seu rurali, ad quem locum vacuum variæ conditionis homines, doctrina etiam conspicui, se receperunt.

Anno

Anno 1647 quædam Moniales ex Portu Regali Parisiensi in Campeſtrem cum conſenſu Archiepiſcopi migrarunt, ea tamen lege, ut Abbatiffa Parisiensi manerent ſubjectæ.

Erat autem Cœnobium utrumque a viris eo confugientibus ſæde corruptum, atque Janseniana tabe infectum. Quippe formula pure & ſine diſtinctione ſubſcribere noluerant; licet Harduinus de Perefixo Archiepiſcopus Pariſienſis fidem tantum humanam circa factum requireret. Quin ſcriptum eidem obtulerant, in quo iis, quæ ad fidem pertinent, aſſenſum promittebant; circa ea autem, quæ ſunt facti, ſilentium tantummodo.

Archiepiſcopus proin Abbatiffam Pariſienſem aliasque 12 Moniales abduci juſſit, & in varia clauſtra diſiſit, reliſque in utroque Monasterio Sacramentorum uſu interdixit; donec tandem anno 1669 compoſitio aliqua fuit inita, ſororibus exemplo 4 Episcoporum Clementis IX declaratione abutentibus. Cumque aliquæ abſolute ac pure ſubſcripiſſent formulari, aliæ vero cum reſtrictione, ortum eſt eas inter ſchiſma ac diſcordia, ut neceſſe fuerit, utrumque Cœnobium cum bonis & redditibus omnino ſeparare, data utriſque Antiſtite, ab altera independente.

Conſtitutioni *Vineam Domini* anno 1707 ſe rurfus oppoſuerunt, atque Abbatiffis ſuis inobedientes Pontificis & Regis mandato, iterum per varia monasteria ſunt diſperſæ, Domo Campeſtri penitus ſublata, & cum Pariſienſi unita.

Fœminæ iſtæ, tum indole ſua refractariæ erant & novitatum cupidæ, tum a viris, quorum directioni ſe commiſerant, pietatis ſpecie ſeduſtæ ſunt. Hos inter erant Abbas Sancyranus, Arnaldus (qui plures Janseniſtas ad Portum Regium, magna patrimonii ſui parte a ſe ditatum, adduxerat) Petrus Nicolius (alias ſub nomine Guilielmi Wendrockii latens) Theologiæ Baccalaureus, Arnaldi ſocius, qui plures famoſos libellos penna virulenta conſcripſit. Blaſius Paſchalis, Litterarum Provinciæ conſarcinator, & calumniator notorius, intimus Arnaldi amicus. Godefridus Hermant, quia Arnaldo adhærebat, a Sorbona exclusus, Jansenianos errores pluribus ſcriptis defendit. Claudius de S. Martha, conſeſſarius Monialium Portus Regalis: Ludovicus le Nain de Tillemont, famoſi pariter ſcriptores Janseniſtæ, qui omnes ſub nomine *Dominorum aut Doctorum de Portu Regali* compellantur.

Art.



## Art. IV.

*Papa damnat Reflexiones Morales Quesnelli in Novum Testamentum, a Noallio approbatas. Turba propterea orta. Bulla Unigenitus, qua 101 propositiones Quesnelli damnantur.*

135-

Quesnellus  
projicit po-  
mum discor-  
dia.

Quesnellus tacito nomine suo librum edidit famosum, in 4 tomos divisum, sub hoc titulo : *Le nouveau Testament avec des reflexions morales sur chaque verset &c.* Qui sermonis Gallici elegantia & pietatis specie multos decepit, magnisque deinceps in hanc usque diem motibus Galliam Belgiumque concussit. Auctor illum dedicavit anno 1693 Noallio, tunc adhuc dum Episcopo Catalaunensi, postmodum ad Archiepiscopatum Parisiensem & S. R. E. Cardinalatum assumpto, qui opus hoc splendenti elogio exornavit, & approbavit.

Noallius, cum audisset, librum a multis reprobari, Theologis illum de novo examinandum tradidit, notandumque, si quid correctione indigeret. Verum tot erroribus scatebat, ut quacun- que correctione & interpretatione adhibita, multum adhuc veneni superesset.

Multis interim editionibus opere recusato, eo usque in dies crescebat malum, ut querelæ Romam deferrentur. Cardinales & Theologi, quibus Papa librum examinandum commisit, post exactam discussionem, lectionem illius prohibendam censuerunt, quod textus, ad imitationem versionis Montensis, multis locis essent corrupti, notæ vero & reflexiones textibus appositæ qualibet pagina exhiberent doctrinam seditiosam, temerariam, perniciosam, erroneam, jam condemnatam, & manifeste Jansenianam.

Hoc fuit fundamentum Decreti, per quod Papa non tantum prohibuit sub pœna excommunicationis, ipso facto incurrentiæ, lectionem, impressionem & distractionem libri; sed insuper jussit, omnia exemplaria deferri ad Ordinarium loci, aut Inquisitores, ut publice comburantur.

Ubi hoc Decretum, anno 1708 editum, in Galliam pervenit, auctor *de la Clef du Cabinet des Princes*, seu Diarium Verdunense, ut honorem Quesnelli, ejusque Approbatorum defenderet, sinxit, opus per editiones, Protestantium in terris factas, fuisse corruptum, ac proin merito condemnatum. Displicuit ipsis etiam Jan-  
senistis

senistis tam apertum mendacium, cum constaret, nunquam a Protestantibus fuisse recusum. Igitur in malignas curiæ Romanæ affectiones retulerunt, & factionem Cardinalis Fabroni, qui magis esset Jesuita, quam ipsi Jesuitæ, opus tenebrarum, & attentatum scandalosum appellantes Decretum.

Quamvis autem hoc decretum (ex respectu credo erga Cardinalem Noallium, qui *Novum Testamentum cum Reflexionibus Moralibus* Quesnelli approbaverat, & grandi, quod diximus, elogio honoraverat) non fuerit statim universaliter receptum in Gallia, plures tamen Prælati *Reflexiones Morales* proscripserunt; alios auctoritas Noallii retinuit.

Cum autem hoc negotium in dies agitaretur ferventius, Rex Christianissimus Papæ supplicabat, ut de libro Reflexionum solenniter & modo maxime authentico pronuntiaret, propositiones, censura dignas, assignando; &, cum obtinere a Noallio revocationem suæ approbationis non potuisset, anno 1711 per Decretum sanctioris sui consilii prohibuit novam libri editionem, ejusque distractionem.

Præterea tres Episcopi, Lucionensis, Rupellensis, & Gapensis, Instructionem Pastoralem in Diœcesibus suis promulgarunt, qua eadem Reflexiones Quesnelli Morales in novum Testamentum fuerunt condemnatæ. In hac ordinatione dicebatur, quinque famosas propositiones clare contineri in libro Jansenii, easque omnes renovari in Reflexionibus Quesnelli: S. Augustinum autem longe remotum esse ab hac doctrina, ejusque textus, a Jansenistis adduci solitos, doctissime explicarunt, quin tamen Scholæ ulli Catholicæ præjudicium inferrent.

Contra hæc trium Episcoporum Ordinationem Card. Noallius anno 1711 *Instructionem Pastoralem* edidit, in cujus principio ait, relatum sibi esse, in Ordinatione illa trium Episcoporum contineri plura contraria fidei & puritati doctrinæ moralis, &, Noallii In-  
 quamvis velint oppugnare errores Jansenii, tertiæ tamen ejus propositioni, & quibusdam Bajanis eos favere; de S. Augustino autem contemptim loqui. Peccatores absolvi, antequam se probent; sub prætextu ignorantiae invincibilis excusari scelera, juri naturæ opposita: hac via si procedatur, brevi renovatum iri omnes laxas propositiones, a Pontificibus & clero Gallicano damnatas anno 1700.



His præmissis Noallius prohibet lectionem diſtæ ordinationis, additque, quod ſine acceptatione perſonarum proſcripſerit e ſua Diœceſi omnes novitates, uti 1696 *Expoſitionem fidei*: 1699 *Quietiſimum*: 1700 laxam doctrinam moralem: 1703 Caſum conſcientiæ: 1706 *Inſtitutiones Theologicas P. Juvenini ex Oratorio*, & noviffime *Moniales Portus Regalis*.

Dum ſic fervebat contentio, & Noallius nollet acceptare compoſitionem a curia oblatam, Rex iterato apud Papam inſtitit, ut Reflexiones Quesnelli diſtinctius damnaret: ſimulque Delphinus, qui Romam, acſi faveret Quesnello, delatus fuerat, doctiſſimam pro ſe apologiam ſcripſit.

Tandem Clemens XI anno 1713 celeberrima Bulla *Unigenitus* condemnavit 101 propoſitiones, ex Reflexionibus Moralibus Quesnelli extractas, prohibetque illas defendi ſub cenſura Eccleſiaſtica, ipſo facto incurrenda.

In hac Pontifex Conſtitutione ait, *Unigenitum Dei Filium ſaluberrimo documento nos admonuiſſe, ut attenderemus a falſis prophetis, qui veniunt ad nos in veſtimentis ovium, & ſplendida pietatis ſpecie prava dogmata latenter inſinuantes, introducunt ſectas perditionis ſub imagine ſanctitatis. Utque facilius incauti obrepant, quaſi deponentes lupinam pellem, & ſeſe Divinæ legis ſententiis, velut quibusdam ovium velleribus obvolvunt, Sanctorum Scripturarum verbis, quæ multipliciter in ſuam aliorumque perniciem depravant, nequiter abutuntur; antiqui ſcilicet, a quo progeniti ſunt, mendacii parentis exemplo, ac magiſterio edocti, nullam eſſe ad fallendum expeditiorem viam, quam ut Divinorum verborum prætendatur authoritas.*

Memorat dein Pontifex, ſe cum intimo dolore accepſiſſe, librum quendam, Gallico idiomate olim impreſſum, & in plures tomos diſtributum, ſub titulo: *Le Nouveau Teſtament &c.*, tametſi alias jam a ſe damnatum, ac Catholicis veritatibus pravarum doctrinarum mendacia multifariam permiſcentem, adhuc tamen tanquam ab omni errore immunem haberi a pluribus, fidelium manibus paſſim obtrudi, etiam latine redditum, ut pluribus noceat.

Quapropter ſe non minus Paſtoralis curæ ſuæ ſtimulis, quam frequentibus orthodoxæ fidei zelatorum querelis, maxime vero complurium Galliæ Epiſcoporum litteris ac precibus excitatum, glifcenti morbo validiori modo obviam ire decreviſſe.

Cum igitur conſtet, ſummam hujus libri perniciem ideo potiſſimum invaleſcere, quod eadem intus lateat, & velut improba fanies non niſi ſecto ulcere foras erumpat, legentes vero ſpecie quadam pietatis primo aſpectu illiciat, nihil ſalubrius præſtari poſſe,

poſſe, quam ſi fallax libri doctrina, generatim ſolummodo haſtenus indicata, pluribus ſingillatim excerptis ex eo propoſitionibus, diſtinctius & apertius explicaretur, atque fidelibus noxia zizaniorum ſemina e medio tritici, quo tegebantur, eduſta, velut ob oculos exponerentur.

Id ipſum e re Catholica maxime futurum, non modo præſatos Episcopos, ſed & ipſum etiam Regem Chriſtianiſſimum pro eximio ſuo in Catholicam Religionem zelo, ſæpius conſtatam fuiſſe, repetitis propterea vere piis officiis & ardentibus votis a Sede Apoſtolica eſſagitantem, ut animarum neceſſitati cenſura conſulere-  
retur.

Hinc plurimas e prædicto libro propoſitiones extractas a com-  
pluribus in S. Theologia Magiſtris, primo quidem coram duobus Cardinalibus accurate diſcuſſas; deinde vero coram ipſo ſummo Pon-  
tificæ, adhibito etiam aliorum plurium Cardinalium conſilio, quam maxima diligentia ac maturitate, ſingularum inſuper propoſitionum cum ipſomet libri textu exactiſſime facta collatione, pluries iteratis congregationibus, expenſas fuiſſe & examinatas.

Recenſitis dein 101 propoſitionibus, ſubjungit Pontifex: *Auditis itaque, tum voce tum ſcripto Nobis exhibitis, præſatorum Cardinalium, aliorumque Theologorum ſuffragiis, Divinique in primis luminis, privatis ad eum finem, publicisque etiam indiſtis precibus implorato præſidio, omnes & ſingulas propoſitiones præinſertas, tanquam falſas, captioſas, male ſonantes, piarum aurium offenſivas, ſcandalosas, pernicioſas, temerarias, Eccleſiæ & ejus præxi injurioſas, neque in Eccleſiam ſolum, ſed etiam in Potestates ſeculi contumelioſas, ſeditioſas, impias, blaſphemias, ſuſpectas de hæreſi, ac hæreſin ipſam ſapientes, nec non hæreticis & hæreſibus, ac etiam ſchiſmati faventes, erroneas, hæreſi proximas, pluries damnatas, ac demum etiam hæreticas, variasque hæreſes, & potiffimum illas, quæ in famoſis Janſenii propoſitionibus, & quidem in eo ſenſu, in quo hæc damnatæ fuerunt, acceptis, continentur, innovantes; reſpectivè, hæc noſtra perpetuo valitura Conſtitutio-  
ne declaramus, damnamus & reprobamus.*

Additur mandatum, ne quis de dictis propoſitionibus ſentire, prædicare, docere aliter præſumat, quam in hac Conſtitutione continetur, ita, ut, quicumque illas, vel illarum aliquam docuerit, de-  
fenderit, ediderit, aut de iis, etiam diſputative tractaverit, niſi forſan impugnando, Eccleſiaſticis cenſuris, aliisque contra ſimilia perpetrantes a jure ſtatutis pœnis ipſo facto absque alia declara-  
tione ſubjaceat.



Per expressam autem dictarum propositionum reprobationem alia, in eodem libro contenta, nullatenus approbantur; cum præsertim in decursu examinis complures alia deprehensæ sint propositiones, damnatis istis similes & affines, iisdemque erroribus imbutæ, nec sane paucæ, sub imaginario quodam veluti grassantis hodie persecutionis obtentu, inobedientiam & perveraciam nutriendas, easque falso patientiæ nomine prædicantes; quas propterea singillatim recensere nimis longum foret, & minime necessarium; ac demum ipsum Novi Testamenti textum damnabiliter vitiatum, a vulgata vero editione, quæ tot seculorum usu in Ecclesia probata est, atque ab orthodoxis omnibus pro authentica haberi debet, multipliciter discrepantem & aberrantem, pluresque in alienos, exoticos, & sæpe noxios sensus, non sine maxima perversitate, detortum auctor exhibet.

Ac propterea Papa eundem librum, quocunque titulo inscriptum, iterum prohibet ac damnat, ejusque lectionem, retentionem & usum sub pœna excommunicationis, ipso facto incurrendæ, omnibus & singulis fidelibus interdicit, adhibendis contra rebelles omnibus juris & facti remediis.

*Datum Romæ ad S. Mariam Majorem anno 1713.*

### Art. V.

*Noallii & aliorum tergiversatio in recipienda Bulla. Registratur a Parlamento. Aliorum zelus. Litteræ Pastorales Noallii.*

*Clamores Quesnellistarum. Turbæ in Sorbona.*

*Decreta Apostolica.*

136.

Quam primum Bulla *Unigenitus* pervenit in Galliam, Rex convocavit magnum Episcoporum numerum Lutetiam, atque Cardinali Noallio reliquit electionem Commissariorum, sic tamen, ut Cardinalis de Rohan eorum esset Præses: brevique acceptationis negotium ex integro fuisset confectum, si Noallius dicere voluisset; *Petrus locutus est per os Clementis*, sicut antea dixerat de Bulla Innocentii.

Verum ille putavit, se non teneri consensu suorum Confratrum. Quamvis enim improbaret plures Quesnelli propositiones, & sibi subreptum diceret ad eliciendam approbationem *Observationum* ejusdem

Noallii relationis.

eiusdem *Moralium*, impetrare tamen a ſe non poterat, ut cum aliis Bullam abſolute acceptaret; traxitque exemplo & authoritate in ſuas partes, Archiepiſcopum Turonenſem, Episcopos Virodunenſem, Catalaunenſem, Sanitienſem, Bayonenſem, Bononienſem; Et aliorum. qui conſeſſati ſunt equidem, ſe Obſervationes Morales Quesnelli nullatenus approbare, ſed in Diœceſibus ſuis eaſdem proſcripturos, exceptionem tamen contra Bullæ ſolennem acceptationem opponebant.

Ad Clementem quippe Papam anno 1714 epiſtolam confece- rant, in qua memorabant, ſe zelum ſuum demonſtraſſe in oppugnan-  
dis erroribus, maxime Janſenii, ſuumque ardorem pro defendenda  
veritate, pro conſervanda unitate & honore Sedis Apoſtolicæ; at-  
que in hoc ſuos in Episcopatu collegas ſibi inferiores eſſe, ſeque pa-  
ratos librum damnatum proſcribere.

Verum Bullam iſtam audaciores reddituram hæreticos, & con- turbaturam fidem recens converſorum, aliorumque magna probita- te hominum, qui teneræ eſſent conſcientiæ. Totum corpus Eccle- ſiæ & Status politici offenſum iri.

Petebant igitur explicationem propoſitionum damnatarum, quam ſibi negandam præſciverant, aut nunquam talem fore, ut contra eam rurfus cavillari aut tergiverſari nequeant.

Rex prohibuit, ne epiſtola hæc ad Papam mitteretur, juffitque Bullam publicari, librum vero Quesnelli, & omnia in ejus defen-  
ſionem ſcripta ſupprimi, atque hoc mandatum Bullamque in Regi-  
ſtrum Parlamenti referri. Quam in rem Fleurius, Advocatus Ge-  
neralis, facundam in Senatu Orationem habuit, id maxime conten-  
dens, Bullam a Rege expetitam neque in materia neque forma quid  
quam continere, quo minus acceptari & in acta referri poſſet; ut  
tamen omnis abuſus & ſiniſtra interpretatio præcluderetur, addi  
poſſe clauſulam, generalem & ordinariam, qua reſerventur jura  
coronæ, libertates Eccleſiæ Gallicanæ, poteſtas & jurisdiſctio Epi-  
ſcoporum: ea vero, quæ de excommunicatione dicuntur, Nova-  
tores dixit reſpicere, qui ſuos docent fulmina Eccleſiaſtica poteſta-  
tis contemnere.

Episcopi 40 Pariſiis congregati unanimiter Bullam acceptarunt; quibus brevi acceſſerunt 40 alii. Illi communi nomine mandatum  
Paſtorale, quod ſubditis ſuis promulgarent, conceperunt, ſignarunt-  
que. Secuti ſunt in eo ordinem Bullæ, oſtendentes, ſingulas ex  
damnatis propoſitionibus eſſe aut erroneas, aut captioſas, aut hære-  
ticas, ac proin aliquam ex cenſuris meritas.



In Epistola dein ad Pontificem data, se) eodem ac Præcessores suos spiritu & zelo pro Sede Apostolica animatos, exemplumque secutos, inquebant: Bullam *Unigenitus* eadem promptitudine ac veneratione a se receptam. Uniforme instructionis pastoralis decretum a se communiter conceptum, ut omnis diversitas tollatur, & malefantis spiritibus cavillandi occasio adimatur. Hoc mandatum ad alios etiam Episcopos a se missum, ut omnes Sedi Apost. fideles, sicut idem sentiunt, sic etiam uno ore loquantur.

His addiderunt, dici cum veritate posse, quod sua Sanctitas se) pelierit doctrinam Novatorum hujus temporis, atque feliciter detexerit venenum, quod nequiter ad fallendum doctrinæ suæ miscuerant.

Epistola hæc erat signata a Cardinale de Rohan Episcopo Argentinenfi, Archiepiscopis, Burgenfi, Rhemenfi, Burdegalsenfi, Rothomagenfi, Aquesi, Tolosano, Aufconensi, multisque Episcopis.

Singulariter zelum suum demonstravit Archiepiscopus Cameracensis, dum ostendit, Novatores non posse contradicere Constitutioni, a maxima in Gallia Episcoporum parte expresse, & ab aliis Ecclesiis, ad quas error non penetravit, tacite acceptatæ, cum Quesnellus ipse in suo libro de *Traditione Ecclesiæ Romanæ* instar principii irrefragabilis posuerit, quod omne judicium dogmaticum Sanctæ Sedis, cui pars notabilis Ecclesiarum suæ communionis positive, & reliquæ tacite acquiescunt, censendum sit judicium totius Ecclesiæ.

Eorum zelus.

Doluit summpere magno huic Prælato contemptus Romanæ Ecclesiæ, unde exclamavit: *O Ecclesia Romana! O civitas sancta! O chara & communis patria omnis veræ Christianitatis! unde provenit, quod bodie tot filii degeneres non agnoscant suam matrem? insurgant contra illam? velut novercam odierint illam? unde provenit, quod ejus autoritas tot vanas suspicionum umbras eis projiciat? O Ecclesia, in qua Petrus confirmat fratres suos! manus mea dextra prius obliviscatur sui, quam ego tui unquam obliviscar! lingua mea palato adhaerefcatur, & fiat immobilis, si tu non eris ad ultimum usque suspirium vitæ meæ principale objectum meæ latitiæ, & mei cantici!* Ita hic cygnus paulo ante mortem cecinit.

Idem Religionis zelus ardorque inflammabat Rohanium & Bissum S. R. E. Cardinales, excellenti fide, integritate, probitate, virtute, doctrina, sapientia viros, qui pro Sede Apostolica omnem authoritatem suam Jansenistis objecerunt, etiam post mortem Ludovici

vici

vici XIV, ubi res, in deterius lapsæ, Novatoribus amplius grassandi spatium indulserant.

Aliam longe viam sibi ineundam putavit Cardinalis Noallius, qui *Mandatum Pastorale* anno 1714 publicavit, in quo renovavit quidem condemnationem Novi Testamenti Quesnelliani, anno superiore editam, simul tamen sub pœna suspensionis, ipso facto incurrendæ, prohibet, ne quis Ecclesiasticorum suæ Archidiœcesis Bullam Unigenitus absque sua auctoritate recipiat, aut actum aliquem jurisdictionis respectu illius exerceat.

Sapientissimum sibi videri, si recurratur ad Papam, & eidem proponantur difficultates, cum supplicatione, ut provideret de mediis, quibus quies reddatur conscientis turbatis; libertas relinquatur Scholis Catholicis, & pax in Ecclesia conservetur.

Hanc partem se non ante fuisse amplexum, quam postquam fuisset convictus, quod sit erga S. Sedem reverentior, veritati magis propria, reducendæ suis Diœcesanis paci, tanto jam tempore exuli, quam vel vita sua vellet redimere, opportunior. Neque absterri se debere per apparentem divisionem, aut potius per diversitatem sententiarum, quæ sint inter Episcopos; hanc enim non attingere substantiam fidei, nec rumpere vinculum charitatis; cum nullus ex congregatis Episcopis amplexus sit errorem, aut veritatem impugnet. Denique omnium piarum animarum precibus se commendat.

Et hoc est famosum illud *Mandatum Pastorale*, hæc tuba dissensionis, & fax discordiarum, contra Constitutionem Apostolicam, maxime authenticam, quæ unquam facta est in Ecclesia extra Concilia. Primus fortasse in Gallia ex Episcopis fuit Noallius, qui sub pœna suspensionis prohibuerit acceptari Constitutionem Apostolicam adeo solennem, a tanto Episcoporum numero receptam, muniam Regis auctoritate, in Parlamento actis publicis insertam. Certe, qui Bullam simpliciter & absolute receperant, hoc mandatum tanquam opus monstruosum excrebantur, quod acceptari nequeat sine lapsu in Apostasiam & Schisma.

Quia autem Cardinalis iterum damnabat librum Quesnelli, quem ante approbaverat, simulque reverentiam erga Sedem Apostolicam profitebatur, atque Episcopos, qui Bullam receperant, ab errore innunes declaravit, neque Jansenistis satisfecit, qui propterea illum ceu hominem inconstantem, versatilem, sine fide, sine religione, traducebant.



Furor Quesnellii.

Libelli famosi, quos Quesnelliani post damnatas 101 propositiones in vulgus sparserunt, numerari non possunt. In eorum uno ita Quesnellus ipse tubam inflat: *Venit tempus, quo Apostolorum exemplo supra omnes terrores oportet assurgere, super omnes minas magni Presbyteri, super omne genus sacerdotale.* Addit, a Papa in 101 propositionibus 101 veritates fuisse profligatas, quarum plures ad essentiam religionis spectent: veritates, quæ negari non possint, quin renuntietur fidei, clare in Scriptura & Traditione contentæ.

Concinuerunt Quesnelli focii ac defensores, adversus summum Pontificem sanctamque Sedem frendentes eodem spiritu, eadem audacia, eodem furore ac rabie, qua olim Lutherus in Leonem X, a quo damnatus fuerat.

Quodque magis mirum, Sorbona quoque, altrix illa tot Doctorum Sacerdotum, quæ Religionem Sedemque Apostolicam tam acriter hastenus adversus hæreticos, etiam Janenianos, defenderrat, spectaculum mundo dedit, ab illius fundamine inauditum, post mortem Ludovici XIV potissimum.

Rex ille magnus, uti hostium domitor, ita Religionis vindex, per Cardinalem Rohanium postulavit, ut Sorbona quoque Constitutionem *Unigenius* expresse acceptaret, & *Registro* suo inferret, ad eum modum, quo Bulla *Vineam Domini* fuerat illata.

Sorbonæ discordia.

Ingredientibus in magnam Theologicæ Facultatis aulam ad de liberandum Cardinalis Noallius, ut partes suas augeret, distribui iussit suum mandatum, quo sub pœna suspensionis Bullam acceptari prohibuerat, nec sine effectu. Quamvis enim per se notum ipsis esse debuisset, ubi Papa imperat aliquid, Episcopus vero contrarium, illi potius tanquam superiori & capiti obtemperandum esse; & aliunde Doctores Sorbonæ a jurisdictione Archiepiscopi essent exempti; nihilominus tamen plures ex illis, cum aut Quesnelli aut ejus doctrinæ essent amici, aut Noallii partibus adhærerent, ac propterea Bullam habent exosam, ne illam acceptare & actis inferere deberent, obtenderunt, nolle se periculo suspensionis exponi; atque sic suffragia divisa sunt, sic tamen, ut, multo majori parte pro pura & simplici acceptatione stante, Bulla 5 Martii 1714 fuerit acceptata & Registro illata, Decano Facultatis conclusum his verbis pronuntiantem omnium nomine: *Censet Facultas Constitutionem suscipiendam cum reverentia, & Commentariis una cum duabus litteris Regiis inscribendam.* 10 Martii hoc Conclusum fuit approbatum sine ullius contradictione. 14 ejusdem duodecim Doctores deputati Versalias profecti sunt, nuntiatum Regi, ejus voluntati fuisse obtemperatum.

Acceptat Bullam.

Exem-

Exemplum Sorbonæ secutæ sunt aliæ per Galliam Academiæ omnes, 5 Aprilis Doctores aliqui hoc negotium reassumi volebant, sed aliis reclamantibus vehemens tumultus est concitatus.

Rex certior de eo factus, Habertum aliosque tres renitentes relegavit, aliis quinque ingressu in conventum interdixit. Usque ad mortem dein Ludovici XIV omnia in Sorbona satis erant tranquilla. At vero anno sequente 1715, quo obiit, tragica & turbulenta mota est scena; nam metu discusso, Rex defunctus velut tyrannus, exules vero ceu fidei Martyres a Quesnellistis pangebantur, Decretum autem, per quod recepta in Facultate fuit Bulla, impugnabatur, & tanquam falsum, corruptum, suppositum, metu extortum accusabatur: Doctores vero, qui his violentiis se opponere conabantur, appellantes contra eas ceu abusum, conventu Facultatis arcebantur, Principe Regente ad ista connivente.

Romæ a S. Congregatione mandato Pontificis expresso editum fuit Decretum contra litteras pastorales Cardinalis Noallii & Archiepiscopi Turonensis, qui pariter Constitutionem proscripsit tanquam captiosam, scandalosam, temerariam, nulla tamen adjecta pœna suspensionis.

Affixum quoque Romæ Decretum contra mandata Episcoporum Catalaunensis, Bayonensis, Bononienfis. Primus suum conformavit Noalliano, protestatus tamen, quod non caro & sanguis persuaserit, ut fratris sui sententiam præferret 40 Episcoporum sententiæ, sed amor veritatis & justitiæ. Prohibuit nihilominus librum Quesnelli, non quod malus esset, utpote ex quo Diocesani sui magnum fructum retulissent; sed quia ejus lectio post condemnationem Pontificiam scandalum posset parere.

Bayonensis putavit, diversas Episcoporum sententias non attingere fidem. Bononienfis propositiones damnatas ambiguitatis & obscuritatis accusavit, ut adeo nesciatur, quid sit damnatum.

Papa 1 Maji 1714 Breve ad Regem direxit, in quo offendit, quantum doleat, quod aliqui obedientiam Constitutioni subtrahant, volentes plus sapere, quam oporteat sapere; & docere magis quam instrui. Laudat simul Regis zelum, semper intentum ad eliminandam e regno suo doctrinam corruptam, & proscriptam, atque rebelles compescendos. Implorat denique ulteriorem Regis operam; non agi particularem Romanæ Ecclesiæ causam, sed causam Dei, causam fidei, causam unitatis Catholicæ, quæ nequeat subsistere, nisi sub uno in terris capite.

*Pars X*

*E e e*

*Alias*



Alias litteras dedit ad Cardinalem Rohanum, omnesque Prælatos, qui in ultimo cleri conventu præsentés erant. In his graviter conqueritur de Episcopis, qui se a Confratribus suis separaverant, sub vano prætextu petendi novas explicationes, ut novas sine fine quæstiones & tricas injiciendo, obedientiam, Sedi Apostolicæ debitam, possint eludere. Statutum sibi esse, omnes nervos intendere, ut unitas fidei conservetur integra.

### Art. VI.

*Bulla acceptata ab Academiis, & Episcopis.*

137.

Promptior quam Parisiensis in acceptanda Constitutione *Unigenitus* fuit Facultas Theologica *Duacensis*; quippe hujus Doctores declararunt, quod illam recipiant pure & simpliciter, sine ulla distinctione, explicatione, aut interpretatione: omnes fideles sub gravi peccato schismatis & hæresis esse obligatos eidem se conformare. Non minus illam esse claram, quam editas contra Wicleffum, Hufsum, Lutherum, Bajum, Janfenium, Molinos, & laxos Casuistas: mori se paratos pro tuenda illius autoritate, æquitate, & veritate: eos, qui nolunt illam recipere, nisi prius explicetur, non recipere Constitutionem ipsam, sed suam explicationem propriam, privatis suis præjudiciis ac sensibus conformem; consequenter eos non obedire voci Pastoris, sed privatæ suæ opinioni.

Iidem Doctores, postquam ex Conciliis & Patribus demonstrarunt necessitatem, in fide se uniendi S. Petro ejusque successoribus, scripserunt Facultati Theologicæ Lovaniensi, eamque hortati sunt, ut confundat Novatores, qui in Gallia sparsissent, Lovanienses Constitutionem rejecisse.

Rescripsit Facultas, persuasum sibi esse, circa condemnationem Reflexionum Moralium, omnia legitime & ex ordine esse acta, omnesque ac singulas propositiones damnatas fuisse vere condemnabiles, & merito condemnatas. Neque publico hoc testimonio contenta, anno 1718 alio instrumento maxime authentico Bullam solenni ritu accepit.

Prima autem *Duacensis* exemplum secuta est 11 Jan. 1715 Academia Colonienfis, & 1716 Mussipontana, quæ, tametsi virus in Lotharingiam penetrare non potuerit, nihilominus declaravit, Constitutionem esse judicium irrefragabile, & regulam dogmaticam penitus

penitus immutabilem: simulque formulam singulis Doctoribus subscriptam proposuit, ut eo certior esset de submissione.

Idem fecit Universitas Conimbricensis 1717, cujus juramentum hac forma fuit conceptum: *Ego me submitto penitus Constitutioni Apostolicae N. S. P. Clementis XI de 8 Sept. 1713, quæ incipit Unigenitus Dei Filius. Ego rejicio, condemno, & anathematizo omnes propositiones, quæ fuerunt condemnatæ, & in eo sensu, in quo sunt condemnatæ. Sic juro: sic me Deus adjuvet, & hæc sancta Evangelia.*

Huic formulæ subscripserunt 103 Doctores aut Professores Theologiæ: 12 Professores Juris Canonici: 10 Professores Juris Civilis: 7 Professores Medicinæ: 9 Deputati de Universitate. Acceptatio fuit unanimis & uniformis.

Idem sensus circa Bullam fuit Academiarum omnium extra Galliam, in Italia, Germania, Polonia, Hispania, imo in ipsa etiam Gallia ab omnibus fuerat recepta.

Similiter Bulla promulgata & acceptata fuit in Archiepiscopatu Colonienfi, Moguntino, Trevirenfi, in Episcopatibus Leodiensi, Namurcensi, Hildesienfi, Ratisbonensi, Spirensi, Basileensi, Heripolitano &c. Chamberii etiam senatus eandem expresse recepit, & Registro suo inseruit: prout etiam Taurini, non obstantibus cum Pontifice dissidiis, sine omni oppositione est publicata, imo etiam in toto Belgio Catholico, excepta sola Diocesi Atrebatensi.

Soli Gallorum aliqui se plus omnibus illuminatos putabant, rerum novarum cupidi. Quod scriptor quidam Gallicus (*D'Aurigny*) in magnum gentis suæ dedecus vergere censuit. Nemo tamen sibi persuadere debet, totam Galliam pervicaciæ fuisse confortem; cum octoginta, quod diximus, Episcopi, cum reverentia & obedientia debita Constitutionem receperint & promulgarint, cum Parliamentis, Academiis, majorique parte Parochorum, communium Regularium, ac populi.

Suessionensis Episcopus, cum aliqui ex suis Parochis ad Concilium appellassent, in secunda sua admonitione demonstravit, quod ii, qui subicere se Constitutioni detrectant, ab Universali se Ecclesia separant, quam errasse contendunt. Quasi vero Christi Ecclesia esset contracta ad novem Galliæ Episcopos, sine capite extravagantes, ad aliquot sacerdotes, suis Pastoribus rebelles, ad aliquot feminas non minus ignorantes, quam cerebro suo læso inhaerentes, aut aliquot laicos seductos, quorum separationem longe major pars suorum popularium cum fidelibus omnium nationum exterarum amare deplorat.



Neque sufficit dicere cum Quesnellistis, quod propositiones damnatæ desumptæ fuerint ab earum auctore ex SS. Patribus, Traditione, aut Scriptura; nam hoc omnes Hæretici dixerunt. Omnes varios textus, aut corruptos, aut male intellectos atque in finistrum sensum detortos, compilarunt. Julianus Pelagianismum ex S. Chrysostomo probare nitebatur. S. Augustinus Calvinista, & Janfenista erit, si harum sectarum auctoribus fides est. Possunt quandoque propositiones aliquæ in uno sensu acceptæ innocentes esse, in altero noxiæ; si jam in hoc usurpentur a Novatoribus, prudenter agit Ecclesia, si eas prohibeat. Plures credo propositiones censuram effugissent, si nulli fuissent Quietistæ, nulli Phantastici, nulli Novatores, qui ad errorem suum stabiliendum doctrina ambigua abutuntur, eamque in malignum suum sensum detorquent.

### Art. VII.

*Noallii aliorumque Renitentium trica. Mors Regis insolentes reddit. Appellatio 4 Episcoporum, Sorbonæ, & aliarum Academiarum. Studia pacis frustranea. Mors Clementis XI.*

133.

Postquam Constitutio *Unigenitus* recepta fuerat a tota Europa Catholica, & etiam in ipsa Gallia ab 80 (quod dictum) Episcopis, a Parliamentis, Academiis, majorique parte cleri ac populi, Clemens Pontifex per Internuntium suum Regem rogavit, ut auctoritate sua renitentes octo Episcopos compelleret ad præstandam obedientiam, & consentiret, ut Cardinalis Noallius tanquam membrum Sacri Collegii Romam citaretur.

Quantum ad Parlamentum Parisiense optabat Pontifex, ut clausula, quam receptioni Bullæ adjecerat, pro salvandis privilegiis Ecclesiæ Gallicanæ & independente Regis auctoritate, temperamentum acciperet.

Noallius metuens, ne Romam a Rege mitteretur, per Rohan. nium Nuntio Apostolico significari curavit, Constitutionem se recepturum, dummodo bimestre spatium sibi indulgeretur pro conficiendo acceptationis instrumento. Indultum fuit: sed indulgentiæ penituit, ubi animadversum fuit, nihil aliud quæri, quam ut negotium in longum protrahatur.

Tres

Tres autem erant eorum classes, qui huic causæ se immiscebant; in prima erant ii, qui puram ac simplicem Constitutionis acceptionem urgebant, atque ut Papa per viam Canonicam adversus renitentes procedat, in secunda, qui se opponebant, & explicationem Bullæ postulabant; in tertia Conciliatores seu mediatores, qui neque per pœnas Canonicas, neque per explicationem Bullæ procedi volebant.

Rex omnes attente audit, cumque cerneret, Noallium, cui, ut novas Pastorales litteras Romam mitteret, injunctum fuerat, moras ex morisnectere, Romam ipsummet mittere decrevit, secundum Canones puniendum. At intercessit Cardinalis Polignacus; misitque Rex Amelotum, qui de Concilio Nationali in Gallia congregando cum Pontifice tractaret. At hic suam Regisque auctoritatem ad compescendos Ecclesiæ rebelles sufficere respondit, misitque duas ad Regem epistolas, unam severiorem, qua Noallio minabatur, se cum eo secundum rigorem Canonum processurum, nisi pure & simpliciter se submitteret, alteram mitiorem, qua eundem ad submissionem sine minis hortabatur, Regi vero optionem fecit, quam vellet, Noallio traderet. At Rex intentioni suæ de Concilio cogendo institit, nisi alia via Noallius & alii renitentes ad obedientiam reduci possent; & sane reducti fuissent.

Verum dum hæc anno 1715 maxime aguntur, mors Regis Ludovici XIV omnia immutavit. Vivente illo hæresis non est ausa caput aperte attollere. At mortuo illo palam se ostentare, roborare, veritati insultare. Vidisses despectos imperantes, populos excitatos adversus Principes, Judices a subditis judicari, Episcopos & Academias discordiis in se ipsas conversas, diluvium libellorum inundare provincias, triumphare errorem, omnia ad exitiale schisma vergere.

Dux Aurelianensis, qui pro quinquenni Rege Ludovico XV regnum gubernabat, litteras dedit ad Clementem Pontificem, quibus eum venerationis erga Sanctam Sedem, animique addicti, quem Rex defunctus gessisset, securum reddebat, se intra mensem vel uno ictu radicem mali excisurum pollicitus. Noallius honoribus & benevolentiae significatione ab eo delinitus receptionem Bullæ promisit, sed promisso non stetit. Jansenistæ vero omnia in favorem suum, a Duce Regente facta, interpretabantur. Quamvis famosi duo Jansenistarum libri, *Hexapla*, & *Testimonium veritatis*, eodem tempore a Clero Gallicano & Parlamentis fuerint condemnati.

Mutatio post mortem Regis.



Infinita foret narratio omnium, quæ deinceps in hac causa acta sunt. Plures Cardinales censebant, Noallium, omnes admonitiones eludentem, privandum purpura. Papa vero hortabatur omnes Episcopos obedientes, ut se unirent contra renitentes, volebatque suspendere privilegia Sorbonæ. (anno 1716) At Aurelianensis Regens veruit acceptari Romanas Constitutiones, quæ non fuerint Registro curiæ illatæ. Idem omnia Regni Parlamenta vetuerunt. Quibus cognitis Papa Nuntium suum Parisiis discedere iussit.

Eodem anno 1716 Universitates Rhemensis & Nannetensis, exemplum Parisiensis secutæ, Decretum, quo Constitutionem ante receperant, revocarunt. Parisiensibus Jesuitis vero Noallius prædicatione verbi Divini, & confessionali interdixit, quod P. Ferte per Adventum in Aula Regia prædicasset. Et quamvis Dux Regens Confessarium ex Societate retineret, uti etiam Principes, amoto tamen P. Tellier Confessarius Regi datus est Abbas Claudius Fleury, celebris Historiæ Ecclesiasticæ scriptor.

Sorbona de-  
sciscit,

Anno 1717 Sorbona 150 Doctores deputavit ad Cardinalem Noallium, qui eidem significarent, totam Facultatem Theologicam ejus causæ esse penitus addictam, unaque saluti patriæ, Ecclesiæ & Religionis consulturam. Decanus ipse orationem blandientem ad Cardinalem habuit.

Appellatio  
ad Concil.

Noallius cum reliquis Episcopis renitentibus, tanto Doctorum accessu contumacior, palam declaravit, 26 de 101 propositionibus damnatis, in sensu proprio ac naturali acceptas esse innocuas, nec ullam censuram mereri. Quatuor vero Episcopi, Mirepincensis videlicet, Monpeliensis, Bononiensis, & Saniciensis, ad futurum Concilium Generale appellarunt in ipso Conventu Sorbonæ, cujus 97 Doctores eidem appellationi adhæserunt, cum omnibus Parochis Diœcesis Parisinæ, pluribusque communitatibus, secularibus & Religiosis. Accessit Rector totius Universitatis Parisiensis, quatuor Facultatum nomine, pluribus regni Academiis exemplum sequentibus. Auro quoque & argento in appellationis societatem tracta multitudo, ejusque, ut terrori esset, grandis contextus catalogus.

Ducem Regentem exorbitantes hi passus non parum irritarunt; quapropter Notarium, qui acta appellationis conscripserat, exilio multavit, omnemque appellationem prohibuit acceptari. Crevit nihilominus appellantium numerus, iisque accenseri etiam voluit Noallius, totius factionis caput. Proposuit is quidem Schema aliquod acceptationis, sed Apostolicæ Sedis auctoritati adeo inimicum, ut ab obedientibus Prælatibus tanquam intolerabile fuerit rejectum.

Nihil

Nihil intentatum reliquit Pontifex, quo Noallium flecteret, & qua minis qua blanditiis doceret sapere, propria etiam manuscriptis ad eundem litteris. Sed ille sequacium multitudine confusus, nec Papam amplius nec Regentem audivit.

Quamobrem Regens, suadente Tremolio Cardinale, Franciæ apud Sedem Apostolicam Legato, severum de Bulla *Unigenitus* indixit silentium, cum mandato, ne quis de illa loqueretur aut scriberet, donec res esset composita. Quod tamen mandatum appellantes non observarunt.

Anno 1718 appellatio quatuor Episcoporum aliorumque a Congregatione sacri officii Romæ fuit proscripta, tanquam schismatica & continens propositiones hæreticas, appellatio vero Noallii tanquam schismatica & proxima hæresi. Mirum, quantum laborarint Cardinales de Rohan, Bissi, & Tremouille, ut Noallio persuadeant acceptationem Bullæ. Formulæ plures, plura temperamenta, plures ideæ pacis propositæ, sed nullum apud obstinatos effectum sunt consecutæ; unde tandem Pontifex tanta obstinatione commotus, edita Constitutione *Pastoralis Officii*, Cardinalem Noallium a communionem fidelium removit. Ille vero ab hac pariter Bulla appellavit ad Concilium, asserens, post interpositam appellationem a Constitutione *Unigenitus* Papam esse Judicem incompetentem, jure decidendi ad Concilium Generale devoluto. Parlamentum quoque Parisiense Decretum edidit contra Bullam *Pastoralis Officii*, quod tamen Regens suspendit, & quosdam appellantes in exilium misit, atque Parliamentis mandavit, ut assisterent Episcopis contra Clerum secundi Ordinis.

Anno 1719 appellantes varia inter se agitabant consilia; modo enim constitutum erat, omnes Reges Catholicos interpellare, ut explicationem Bullæ a Papa petant, modo de unionem cum Ecclesia Anglicana loquebantur; cujus pulchri consilii auctor ferebatur Dupinus, per scripta sua famosus Doctor; cujus chartæ fuerunt sublatae, & in palatium Regium deportatae. Cogitabat autem introducere *Presbyteranismum* Angliæ. Eo usque cum nondum omnes appellantes essent prolapsi, decreverunt, ut omnes Quesnelli Sectatores arte se unirent, conceptis 12 Articulis, qui ad omnes superiores locales, & qui novos facere Profelitos nitebantur, fuerunt missi.

Facultas Theologica Cadomi in Normania appellantium numerum auxit, declaravitque, quod opinio de infallibilitate Pontificis sit erronea. Idem fecit Sorbona. Et quamvis Aula iterato silentium



tium indixerit, mox tamen illud a Sorbonicis ruptum est. Quare vehementer commotus Regens mandavit, ut omnia oblitterentur, quæ a Sorbona contra Bullam *Unigenitus* acta fuerant, atque præsentem Decano & Syndico eradi debebat conclusio, quæ erroris accusabat sententiam de infallibilitate Pontificis.

Edidit hoc anno Noallius novam Instructionem Pastoralem, quæ cum peior esset prioribus, Romæ pariter fuit damnata; & sic crescebant utrinque vulnera, quibus sanandis tanto conatu laborabatur. Vacabant eo tempore plures in Gallia Episcopatus; at negabat Papa Institutionem, nisi sufficienter sibi cautum fuerit, Constitutionem pure & absolute in Diœcesi observatum iri. Quæ res terrorem aliquem appellantibus, qui promotionem sperabant, incussit.

Annus 1720 similes inter tricas fuit exactus. Noallius mandavit Aulæ instrumentum acceptationis confecit, sed adjecta iterum conditione explicationis, imo adjectis etiam notis & observationibus in explicationes. Pontifex, probe gnarus, non esse ex usu Ecclesiæ, Constitutionibus suis, quibus certæ propositiones damnantur, explicationes addere, cernensque, novas ex illis objectiones & lites orituras, atque tam facile ac ipsam Bullam a refractariis rejiciendas, adduci non potuit, ut consentiret. Sed simplicem ac puram obedientiam Mandatis Apostolicis præstari constanter voluit, nullamque ac irritam declarari appellationem, cum omnibus, quæ contra Bullam fuissent scripta.

Dum Clemens XI ita laboraret pro Religione & Sedis Apostolicæ auctoritate, anno 1721 19 Martii pie in Domino fuit defunctus, ipso festo S. Josephi, cujus officium composuerat. Pontifex fuit vere magnus, qui patrem fidelium cum majestate throni Apostolici miscere sapientissime noverat, adversus totum mundum, summasque difficultates imperterritus. Caveam sibi construxerat, cui corpus suum inferri voluit cum hac inscriptione: *hic jacet Joannes Franciscus Albani*. Obiit anno ætatis 71, Pontificatus 21.

Art. VIII.

*Quesnellistarum molimina. Bulla a pluribus recepta. Obitus plurimum. Concilium Romanum. Noallius contumax. Concilium Embrodunense. Sanitiensis Episcopus depositus.*

Innocentii XIII, qui Clementi XI in Cathedra S. Petri fuit successus, prima cura fuit, ut pacem & quietem Ecclesiæ redderet in Gallia; firmus tamen institit Prædecessoris vestigiis, nolebatque Constitutionis explicationem admittere, quam tamen ipse etiam Cardinalis Rohanius, ut Noallium reduceret, perurgebat. 139.

Mortuo Romæ Cardinale Tremollio, Abbas Dubois, Minister Status, negotium Constitutionis tractabat, anno 1721 ab Innoc. XIII in Cardinalium Collegium adlectus, simulque Archiepiscopus Cameracensis renuntiatus: Linierus vero S. J. Confessarius Regis, quamvis Noallius approbationem illi negarit; quam tamen dedit Rotomagensis Archiepiscopus.

Anno 1722 septem Episcopi renitentes ad Papam Innocentium dederunt epistolam, quæ Romæ fuit condemnata, ceu continens plures propositiones, Episcopis Catholicis injurias, nominatim Episcopo Gallis, Clementi XI & Sanctæ Sedi: a Regio vero Consilio ceu præjudiciosa sacerdotio & regno. Eo nihilominus impudentiæ deventum. Quesnellistæ, ut spargerent, ab Innocentio XIII improbari acta Clementis XI ipsamque Bullam *Unigenitus*. Ad eos confundendos Rex jussit imprimi litteras Papæ, damnarique denuntiationem, qua Cardinalis Bissi Instructionem Pastoralem accusaverant. Papa quoque condemnavit litteras Episcopi Antisiodorensis, Ordinationem Rutenensis, Mandatum Bajocensis. Litteræ 7. Episcopo- tentium.

25 Oct. 1723 Rex ingressus 14 ætatis annum, declaratus major, ab Archiepiscopo Rhemenfi ceremoniis consuetis fuit consecratus. Ab eo tempore appellantes, aliquanto modestiores facti, non paucos suorum amiserunt. Quippe anno 1723 Presbyteri Missionis, *Lazaristæ* in Francia appellati, Constitutionem acceptarunt, exclusi a Congregatione, quidetrectarunt. Capitulum Generale Carthusianorum eodem anno per Decretum omnibus suis Religiosis injunxit, ut eandem acceptent. Parlamentum edidit quidem Sanctionem contra hoc Decretum, sed Consilium Regis intimum cassavit hanc Par-



lamenti Sanctionem. Cum eodem anno a Patribus Oratorii Congregatio Generalis fuisset indicta, Dux Aurelianensis appellantes excludi præcepit, voluitque, ut Præfes Politicæ sit præsens in Conventu, tanquam Regis Commissarius. 29 tantum aderant Deputati, exclusi 23 appellantes. Obtulerunt quidem exclusi scriptum conventui, quo omnia ejus acta declarabant irrita; sed nulla eorum ratio est habita.

Obiit 20 Aug. 1723 Cardinalis Dubois. Primi Ministri dignitatem a Rege recepit Dux Aurelianensis; qua tamen non diu frui licuit; quippe 2 Dec. ejusdem anni apoplexia tactus obiit. Falluntur, qui eum aut appellantes aut Jansenistas favisse putant; quin imo post ejus mortem audacius illi caput extulere. Obiit eodem anno Abbas Fleurius, Historiæ Ecclesiasticæ Scriptor celeberrimus 84 ætatis anno.

Secutus est anno 1724 Innocentius XIII Papa; eique successit vetustissimus Cardinalium Vincentius Maria Ursini ex Illustrissimo Prædicatorum Ordine, Benedicti XIII nomine assumpto, ad abolendum nomen Antipapæ Petri de Luna, qui idem nomen usurpaverat.

Noallio, dignitatem gratulanti, benigne respondit, ut ad unionem eum retraheret; cumque ille scholarum libertatem per Bullam Unigenitus fuisse læsam crederet, Papa Constitutione edita declaravit, opinionem de gratia per se ipsam efficaci, & prædestinatione gratuita ad gloriam, & independente ab omni prævisione meritorum, nihil habere commune cum erroribus per Bullam damnatis. Verum Noallius nova instructione contumaci per Diœcesin sparsa spem pacis ademit. Instructio illa continebat 12 Articulos, quos Roma missos appellantes fingebant, tanquam explicationem Bullæ. Fraudè detecta Rex scriptum illud suppressi jussit.

Benedictus Papa anno 1725 Romæ Concilium celebravit, in quo inter alia declaravit, quod Constitutio Unigenitus sit regula fidei; simulque proscripsit omnia, contra illam acta. Verum cum ad omnia remedia obduratos haberet, severitate exprompta, quosdam Ecclesiasticos Hollandiæ censura perstrinxit. 40 Catholicorum millia adhuc erant in Unitis Provinciis; verum plures pastores illius gregis moribus & contumacia adversus Sedem Apostolicam scandalo erant, atque jam a Sebasteni tempore in schisma prolapsi.

Noallio nova acceptationis idea anno 1726 fuit proposita, sed permoveri non potuit, ut illam reciperet.

Carthusiani, in capitulo congregati, Bullam acceptarunt; sed contra eam acceptationem renitentes appellarunt ad Parlamentum Parisiense, tanquam abusum, quod eis syngrapham appellationis prosequendæ impertiit. At Rex negotium ad suum Status Consilium avocavit, & confirmavit Decretum Capituli. Alterum eorum Capitulum pœnas Canonicas contra refractarios decrevit: tertium in aliquos pervicaces excommunicationis sententiam pronuntiavit.

At tantum abfuit, ut resipiscerent, ut 26 eorum in Hollandiam fugerent; ubi aliis Religiosis appellantibus conjuncti, malam suam causam male defenderunt. Jansenistæ & Calvinistæ grandia eis elogia, ceu primæ Christianitatis heroibus, scripserunt. At Parlamentum Parisinum apologiam, pro eis confarcinatum, suppressit. Aliqui redierunt, cæteri flecti non poterant, ut contumaciam ponant.

Crescebat interim appellantium multitudo; unde Conventus Cleri querelas ad Regem detulit, qui tamen mederi malo, tam late serpenti, sine concussione status, non satis poterat. Credi enim nequit, quanta audacia, impetu, furore hæc pestis sit grassata, quot petulantia in omnes potestates scripta sint edita. Prohibita, suppressa, cremata non raro sunt illa, sed velut hydræ capita identidem sunt renata.

Anno 1727 Tencinus Archiepiscopus Ebrodunensis (postea Cardinalis & Archiepiscopus Lugdunensis) Concilium Provinciale convocavit adversus Episcopum Sanitiensem, qui tamen obedire detrectavit, asserens, postquam ad futurum Concilium Generale appellasset, non agnosci a se Concilium suæ provinciæ Judicem, neque suum, neque scriptorum suorum.

Huic Episcopo crimini dabatur, quod in sua instructione pastoralis Constitutionem Unigenitus nigris coloribus depinxerit, librum <sup>Sanitiensis</sup> vero Reflexionum Moralium miris laudibus extulerit. Non erat ab <sup>contumacia.</sup> ipso concepta hæc instructio, sed suam esse videri volebat. Assumpti autem licet essent decem Episcopi ex vicinis provinciis ad hoc Concilium, Sanitiensis tamen comparere detrectavit ad primam & secundam citationem, ad tertiam comparuit quidem, sed suo & Episcopi Montpelienensis nomine protestationem opposuit.

Examinatum nihilominus est Pastorale, & unanimi voce condemnatum a Concilio Embrodunensi, tanquam temerarium, scandalosum, seditiosum, injuriosum Ecclesiæ, Episcopis, authoritati Regiæ, schismaticum, plenum spiritu hæretico & erroribus.



Sanitiensis autem declaratus fuit suspensus ab omni potestate & Jurisdictione Episcopali, ab exercitio Sacerdotali, atque relegatus in Monasterium, in quo paucos post annos fuit mortuus; Diœcesin vero ejus gubernabat Vicarius Generalis.

Aliam lucubrationem damnavit hoc Concilium, traſtante de valore ordinationum, factarum ab Episcopis Anglicanis. Auctior, Religioſus S. Genovevæ, in Angliam fugit.

Advocato-  
rum consul-  
tatio.

Benedictus Papa Concilium Embrodunenſe approbavit, & Tencinum dilaudavit. Regi quoque hæc acta ſunt probata. Appellantes autem ad Pariſienſes Advocatos recurrerunt, qui numero 50 *Conſultationem* habuerunt ad infirmanda Acta Concilii. Rex Episcopos, qui Lutetiæ erant, congregari voluit ad ferendum judicium de conſultatione Advocatorum: quam temerariam, injuſtam, authoritati Regiæ, & venerationi, Episcopis ipſique ſummo Pontifici debitiæ, præjudicioſam pronuntiarunt. Rex vero eandem per Decretum ſui Conſilii ſuppreſſit; & querelas appellantium, hac ſuper re ad ſe delatas, improbavit.

At illi ingenio prompti novam ſcenam aperuerunt. Hominem quendam ceu Vicarium Generalem Diœceſis Sanitiensis ſubornarunt, qui Concilium condemnavit, legitimum Vicarium depoſuit, omniaque per Diœceſin pro authoritate egit, ſed non diu perſonam. Nam larva detracta Rex eum in carcerem dari mandavit. Bulla vero per Diœceſin Sanitiensem fuit promulgata. In ſe ipſam etiam verſa eſt factio; quippe Janſeniſtæ in Hollandiam profugi acriter inter ſe dimicabant. Quidam, ut celebrare poſſent Concilia, certum Episcoporum numerum conſtitutum volebant, aliis contrarium viſum: quidam probabant uſuram Hollandicam, alii damnabant: formabant proin peculiarem ſectam, atque *Figuriſtæ* dicebantur, quia non aliter, niſi per figuras loquebantur.

Art. IX.

Noallii conversio. Ejus exemplum multi secuti, præsertim Sorbona.  
Regis zelus. Fraudes appellantium circa sanctitatem Paris  
Diaconi. Parlamentum favet appellantibus. Episco-  
porum zelus.

Felicioꝝ Ecclesiæ Gallicanæ illuxit annus 1728, quo Noallius  
Cardinalis, tot annorum contumacia posita, Constitutionem *Uni-*  
*genitus* acceptavit, atque per totam Diocesin Parisiensem acceptari  
præcepit, & quidem pure, sine omni conditione, aut restrictione,  
revocata Instructione Pastoralis anni 1719; Quesnelli insuper Refle-  
xiones Morales, quas olim approbaverat, in eo sensu condemna-  
vit simpliciter, quo eas per Bullam Clemens XI condemnaverat,  
atque 101 propositionibus eos errores attribuit, quos Papa cen-  
sura affecit.

140.

Conversio  
Noallii,

Fuit sane hoc Divinæ miserationis illustre exemplum; nam an-  
no sequenti Noallius, cum Ecclesia plene conciliatus, pientissime  
obiit. Aliud nempe est, ex humanis rationibus & vano respectu in  
discordia cum Ecclesia vivere, aliud in eadem mori.

Prælatus fuit optimæ de se mentis, sed falsis amicis nimium  
fidens, & decipi facilis: nec minus toto corporis habitu, modesto  
& exemplari, ad fallendum compositus, dum factioni ducem se  
præbuit. Successit illi in Archiepiscopatu Parisiensi Comes du Luc,  
Archiepiscopus Aquensis; qui cum cerneret, infinitam libellorum  
multitudinem effræni licentia dispergi, litteras Pastorales edidit, in  
quibus declaravit, Constitutionem *Unigenitus* nihil continere con-  
tra veritatem dogmatum, opiniones scholarum, & jura regni,  
eamque ceu legem Ecclesiæ exigere perfectam submissionem ab  
omnibus fidelibus.

Hac ordinatione & instructione novi Archiepiscopi permoti  
sunt multi, integri cætus & numerosæ communitates, (torrente  
renitentium ante abreptæ) ut Bullam acceptarent, atque ad uni-  
tatem & veritatem redirent. Exemplo præluxit Capitulum Cathe-  
drale Parisinum anno 1729. Secuta est brevi *Sorbona*; quæ post plures  
congressus declaravit, quod Constitutionem jam receperit anno  
1714, & illam rursus acceptet, ceu legem non tantum Ecclesiæ,  
sed etiam regni; misitque Deputatos ad Regem. Horum caput,  
celeberrimus tot doctissimis lucubrationibus *Tournelius*, contestaba-

Et Sorbona.



tur, recognitam a Facultate sacra veritatem Decreti de anno 1714; hoc rati haberi & confirmari, omniaque contra illud acta ex Commentariis Facultatis esse erasa. Bullam recipi cum profunda veneratione & plena submissione, tanquam judicium dogmaticum Universalis Ecclesiæ: revocari appellationem, omniaque acta contraria: si quæ membra se sint oppositura, ea de corpore Facultatis fore rescindenda, neminemque deinceps admissum iri sine certa asscuratione submissionis erga Bullam.

Acta hæc Sorbonæ typis fuerunt impressa, atque ab omnibus Europæ Academiis approbata, ab ipso etiam summo Pontifice per Breve peculiare confirmata. Firma deinceps huic Decreto suo inhæsit Facultas, non exiguo omnium recte sentientium solatio, & unitatis in Gallia restaurandæ emolumento.

Nihilominus tamen 25 parochi Parisienses Archiepiscopo scriptum obtulerunt, plenum obstinationis & inobedientiæ. Cum iusta indignatione illud recepit, atque ad Regem detulit, qui ad compefcendos contumaces omnem suam auctoritatem obtulit, si via lenitatis, inquit, & charitatis non sufficiat ad reducendam publicam tranquillitatem, severitate legum extorquendam ab iis, qui turbare niterentur.

Regis zelus.

Cum igitur renitentes benignitate flecti nollent, Rex novum mandatum dedit super executione Constitutionum Apostolicarum contra Jansenismum, & super Bulla *Unigenitus*; quod dein mandatum Parlamentum ingressus, & insidens suo *Lectio justitiæ*, ut vocant, monumentis illius senatus inferri curavit, & paulo post Seminarium Jansenistis ademit anno 1730, quo obiit Benedictus XIII Papa cum fama peculiaris sanctimonie.

Per vota unanimia electus est Laurentius Corsini, qui nomen Clementis XII assumpsit. Animum is illico applicuit ad reddendam pacem Gallicanæ Ecclesiæ, implorata Regis auctoritate, ut mandatum suum exequeretur. Verum justissimæ Regis intentioni Parlamentum se opposuit, admisitque appellationes renitentium. Rex, delatis ad se querelis Episcoporum & Cleri congregati, id genus causas ad sanctius suum Consilium avocavit. Parlamentum vero petiit a Rege, ne via avocationis frequentius uteretur, movitque Episcopis controversiam de Jurisdictione Ecclesiastica, quam isti immediate a Deo descendere prætendebant.

Fraudibus etiam actum, & imposturis a Jansenianis, ut improvidis fucum facerent, plures suæ factionis homines sanctos proclamabant. Sed miracula deerant. fingenda igitur. Diaconus Paris, Ap

Appellationi suæ pertinaciter inhærens, anno 1728 obiit, pro sancto a suis habitus. Varia ad ejus tumbam miracula patrata dice-<sup>Paris facta</sup> bant. Quæ inter fuit altiori clamore promulgatum, impressa etiam<sup>miracula.</sup> panegyri dilaudatum, quod cæcæ puellæ visum reddiderit, postquam novenam devotionem ad ejus sepulchrum peregrisset.

Archiepiscopus Parisiensis ex forma juris rem examinavit; omnia conficta deprehendit, testes corruptos, puellam nunquam cæcam. Falsum igitur & suppositum miraculum fuit declaratum, panegyris condemnata, omnisque cultus hujus Paridis prohibitus. Feliciores tamen appellantes in patrandis miraculis fuerunt Calvino; nam illi tantum mentiti sunt visum puellæ videnti restitutum, hic vero ex vivente mortuum fecit.

Appellantes, hac impostura detecta ferociores, acrius in Pastores suos insurgabant, moxque in lucem protruserunt scriptum, cui titulus: *vita D. Paris Diaconi*. Verum Archiepiscopus illud condemnavit tanquam hæreticum, illiusque lectionem sub pœna excommunicationis prohibuit. (anno 1732)

Spargebant nihilo secius Appellantes, quætiliana ad tumbam hujus Paridis fieri miracula, omnemque Lutetiam testem nominabant. Qui ad ejus sepulchrum auxilia petebant, *Convulsionarii* appellabantur. Abusus & superstitio eo processit, ut portam cæmeterii claudere, & interposita Regis auctoritate concursus dissolvere necesse fuerit. Convulsionarii autem in duas potissimum classes erant partiti. Alii quippe eorum dicebantur *Mitigistæ*, alii *Melan-gistæ*, Ultrajecti ad Rhenum nati, atque in varios errores prolapsi.

Per totam interea Europam Novellæ sanctitatem & miracula Diaconi Paris diffundebant. At Archiepiscopus censura illas perstrinxit, opponentibus se 21 parochis, qui mandata Archiepiscopi ad Parlamentum detulerunt. Sed Rex vetuit, ne quid illud statuat de causis Ecclesiasticis. Quid deinceps in causa Constitutionis *Unigenitus* Episcopos inter, Parlamentum, & Appellantes actum sit, melius tacetur, quamvis multorum libris orbi sit proditum. Hoc certum, Ludovicum XV Regem Christianissimum, Proavi sui exemplo, & Episcopos plerosque, quantum poterant, Quesnellianis furoribus restitisse.

Anno 1735 Gallicanam Ecclesiam afflixit Episcopus S. Papuli in Occitania, qui ad Episcopos Appellantes transit, per mandatum revocatis omnibus, quæ pro Bulla *Unigenitus* scripserat. At Rex mandatum illius suppressi jussit; & acerbius actum fuisset cum hoc

Præ-



Prælato in Comitio Cleri, nisi Cardinalis Fleurius obstitisset, metu majorum motuum; prout etiam propterea ad querelas Episcopi Laudunensis nihil responsum est. Pontifex ejus doctrinam approbavit, laudavitque zelum, quo Appellantes a communione sua removit, atque opera Episcoporum, Altissiodorensis, Sanitienfis, & Montepeliensis (Montis Pessulani) sub pœna excommunicationis legi prohibuit.

Non desierunt autem Episcopi, ii præsertim, qui recens erant instituti, per instructiones suas & mandata Pastoralia zelum suum pro Constitutione, ceu Judicio Dogmatico & irrefragabili Ecclesiæ ad extirpandum Janfenismum & Quesnellismum explicare, Regisque protectionem implorare. Nec defuit ille, judicans sapientissime, causas Ecclesiasticas ad Ecclesiasticum forum pertinere, nec a laico Senatu petendam credendi regulam.

Episcopus Carpentorastensis 1736 in mandato suo Diocesano non modo Bullam pure & absolute recepit tanquam regulam fidei (eo quod de fide sit, Ecclesiam quoad doctrinam fidei & morum esse infallibilem) sed insuper declaravit, quod neminem sit admittitur ad Ordines, Beneficia & Officia, qui non sincere & absolute se submiserit; Appellantes vero ad futurum Concilium ceu schismaticos, hæreseos & tenebrarum filios respiciebat.

Renitentibus  
negatur abso-  
lutio.

Anno 1737 Instructionem Pastoralem edidit Episcopus Laudunensis, qua prohibuit, ne Confessarii absolvant eos, qui Bullam *Unigenitus* non recipiunt, aut scripta contra illam retinent, declaravitque ipso facto suspensos sacerdotes, qui non dicunt Canonem Missæ voce demissa & secreta. Similiter Episcopus Aquis Augustis negavit Sacramenta & sacram sepulturam Bullæ adversariis. Idem fecerunt anno 1739 per epistolam, Ipris impressam, septem Galliæ Episcopi, videlicet Amianus, Marsiliensis, Laudunensis, Nannetensis, Bononiensis, Catalaunensis, Dolensis, contra omnes appellantes. Sed hæc epistola a Parlamento Parisiensi, sicut alia id genus scripta, suppressa fuit.

Laudunensis nihilominus aliam Instructionem Pastoralem edidit, in qua decidit, Appellantes esse hæreticos, etiam in morte privandos Sacramentis Ecclesiæ, & sacra sepultura, atque in vita communione cum fidelibus.

Parlamentum proposuit Regi 4 articulos. 1 Non esse tolerandum, ut Pontificis *Brevia* in regno executioni mandentur, nisi a Parlamento, cujus esset, illa exequi, sint acceptata, in *Registrum* relata, & litteris patentibus munita. 2 Nihil mutandum circa

circa consuetudinem, vi cujus Universitas Parisiensis immediate sit subiecta Jurisdictioni Parlamenti. 3 Quidquid in contrarium ageretur, pugnare cum principiis regni. 4 Si introduceretur simplex & pura acceptatio Bullæ, eversum iri modificationem, a defuncto Rege appositam. Respondit Rex Deputatis, se non indigere monitionibus in hac materia, sed res in statu suo relinquendas. (1739)

Postquam anno 1740 Prosper Lambertini Bononiensis sub nomine Benedicti XIV susceptus est Clementi XII, Episcopus Laudunensis pro ardenti suo zelo & reverentia erga Constitutiones Apostolicas novam Diœcesanis suis Instructionem Pastoralem promulgavit, quid agendum cum iis, qui notorie Constitutioni sunt rebelles. Sed Parlamentum prohibuit negare sacramenta aut sepulturam Ecclesiasticam titulo appellationis.

Anno 1746 Rex Patres Oratorii, inter quos non pauci erant Appellantes, monuit, ut Constitutionibus Apostolicis obtemperarent, neque ullum ad Congregationem Generalem admittant, qui non esset paratus pure & simpliciter subscribere Formulæ Alexandri VII, seque plene submitteret Bullis Apostolicis, nominatim Constitutioni *Unigenitus*. Renitentes autem Officiis suis esse privandos. Monitionem secuti sunt Patres, quantumvis aliqui se opponerent, & aliqui etiam Institutum defererent. Idem fecerunt Fullienses Patres in Capitulo Generali, condito Decreto, quo voce activa & passiva privantur, qui intratres menses non subscripserint Formulæ, & Bullam *Unigenitus* pure receperint.

Huic puræ acceptationi Parlamentum anno 1747 minus favens Decretum edidit; sed Rex per Sanctius suum Consilium Status illud irritum declaravit, mandavitque, ut Bulla in toto Regno recipiatur & observetur cum veneratione, iudicio Ecclesiæ Universalis in materia doctrinæ debita.

Quamvis autem Parlamentum Parisiense varia opera, in favorem Bullæ scripta, suppresserit, condemnavit tamen etiam duo folia, quorum unum contra Constitutionem *Unigenitus*, alterum contra Bellefandum, qui de Luco Vintimillio in Archiepiscopatu Parisiensi successit, scriptum fuerat.

Sequenti anno 1748 idem Parlamentum hanc Sedi Apostolicæ Sapientissimæ & Benedicto XIV confessionem edidit, tam Illustri senatu sane Parlamenti dignissimam: Ecclesiæ Gallicana omni tempore demonstravit, quod inviolabiliter adhæreat Cathedræ S. Petri, centro unitatis, illique Ecclesiæ, in qua traditio Apostolica perpetuo est conservata. Veneratur in persona Papæ Vicarium Christi & caput visibile Universalis Ecclesiæ: quæ veneratio novum a



*cepit incrementum a virtute & profunda sapientia Pontificis, qui hodie adeo digne replet Sedem Apostolicam.*

Quæ vero Parlamentum inter & Episcopos, qui suspectis de Jansenismo aut Quesnellismo sacramenta negarunt, ultimis his annis ortæ sint Controversiæ, notius est, quam ut narrare necesse sit.

## Art. X.

### *Observationes de Characterè Jansenistarum, & Quesnellistarum.*

141.

Jansenistæ, ut in Catholicorum animos fraudulentius blandiusque illaberentur, rejecerunt plures abhorrentes Calvinii propositiones, uti, quod Deus sit auctor peccati, quod figurate duntaxat Corpus Christi sit in Eucharistia, quod duo solummodo existant sacramenta novæ legis, quod Missæ sacrificium sit abominatio, cultus sanctorum & invocatio idololatria, quod nullum detur purgatorium, quod Papa sit Antichristus.

Effigies Jan-  
senist.

Quin imo, disciplinæ rigorem zelumque præferentes, ferventes Catholicos simulabant, agnita ad speciem Hierarchia Ecclesiastica. Unde in hominum cœtus, fœminarum maxime, & Religiosas domos teste sese insinuantes, pietatis specie fallunt multos.

Scribere litteras, libellos spargere, criminari, quos adversarios habebant, aut habere putabant, Semipelagianismi, laxitatis, corruptæque morum doctrinæ accusare, illis sollenne. Errores suos Augustini esse doctrinam, ab Ecclesia approbatam, mentiuntur. Quinque propositiones Jansenii publice damnant, clam in corde retinent, &, quantumvis obsequens silentium promittant, ubi ubique dat occasio, easdem disseminant; summorum Ecclesiæ Antistitum Constitutiones eludunt, geminum aspectabile caput comminiscuntur, tergiversantur, effugia quærunt, ad altius tribunal provocant, Sedem Apostolicam per sæculum integrum cum umbris & phantasmatis depugnasse criminantes.

Coram populo sanctimonie famam affectare, attenuata coma, talari veste, diuturna in templis genuflexione uti, inter loquendum frequenter oculos ad cælum erigere, trahere suspiria, de laxitate & abusibus ingemiscere, illis consuetum; cum tamen, ut in tot famosis libellis obsequiosum eorum silentium altum clamat, pleni

leni sint superbia, arrogantia, fastu, invidia, odio, maledicentia, calumniandi convitiandique libidine, culicem excoeriantes, camelum autem glutientes, lupi in vestimentis ovium, Pharisaica urgentes hypocrisis, toti ad fallendum compositi.

Collatio ære non modico emissarios alunt, qui venenum per provincias incautis instillant, donec paulatim corde receptum Catholicas de sacramentorum usu, prædestinatione, gratia, libertate, morte Christi, veritates extinguant. Initio quidem meram pietatem & devotionem spirant, sensim vero de caelesti illa sua & terrena delectatione victrice dicere exorsi auram pestilentem afflant. Exemplo esto Joannes Vergerius Abbas Sancyrahus, Jansenistarum præcursor, dicere solitus: *Secretum meum mihi propter metum Judæorum*, illud solum in Calvino arguens, quod causam quidem bonam propugnasset, nimis tamen aperte de illa locutus fuisset.

Et quantus in eis contradictionis Spiritus! Quesnellus decidit, quod quis sine periculo perjurii formulæ Alexandri VII absolute Contradictio- subscribere possit, & condemnare 5 propositiones in sensu Jansenii, nis spiritus. quamvis non credat, eum esse sensum Jansenii. An sic loqui possunt, qui tantos clamores excitarunt contra æquivocationes & restrictiones mentales? an sic ludendum cum juramentis, & quidem in materia dogmatica?

Alias vero (*in litteris Episcopi ad Episcopum*) idem Quesnellus scripsit, a 30, aut 40 annis nihil esse actum, nisi ut extorquerentur perjuria, mendacia, falsa juramenta, hypocrises. An hæc concordant? libellum Gerberoni contra Card. Noall. nunc mirifice dilaudat, nunc criminatur: nunc cognitum sibi auctorem, nunc incognitum dicit, calidum & frigidum uno ore efflans; prout nimis res ejus exigebant, & contradictionis spiritus impellebat.

Dicunt Jansenistæ, quod Christus pro solis prædestinatis sit mortuus: simul tamen dicunt, quod pro omnibus sit mortuus; quia sanguis ejus fuisset sufficiens pro omnibus, si voluisset pro illis mori. Quanta contradictio? condemnarunt 5 propositiones tanquam hæreticas; & tamen in variis scriptis illas defendunt.

Credunt, mandata Dei quandoque justis observatu esse impossibilia. Simul tamen etiam dicunt, quod illa semper possint observare; sed hanc potentiam esse similem potentiæ equitandi sine equo. Quanta ludificatio!

Credunt cum Jansenio, gratiæ resisti non posse. Simul tamen sæpe asseruerunt, semper illi resisti posse, si homo velit. Quando



urgentur, admittunt gratiam sufficientem, in sensu tamen, ut ajunt, Thomistarum acceptam. At simul dicunt, gratiam sufficientem Thomistarum re ipsa non esse sufficientem, eamque ceu Chimæram explodunt.

Quesnellus protestatur, se inviolabili nexu addictum esse S. Sedi ejusque Apostolicæ authoritati. Simul tamen integros in Pontifices convitiorum torrentes effundit, eorumque Constitutiones & mandata refractarius deridet.

Antonius Arnaldus, antequam a Sorbona condemnaretur, coram Deo fuit protestatus, quod se subiciat judicio Sorbonæ suæ matri. Postquam autem fuit ab ea condemnatus, protestatus est aperte contra illius judicium.

Antequam 5 propositiones fuerant damnatæ, a Jansenii sectatoribus Romæ & Parisiis habebantur pro Jansenii doctrina. At post condemnationem non amplius erant Jansenii. Postquam autem ostensum ipsis est, eas contineri in libro Jansenii, obtendebant, eas fuisse damnatas in sensu Calvinii, qualis nequaquam fuisset sensus Jansenii. Jansenius asserit, doctrinam de gratia ante S. Augustinum fuisse Ecclesiæ incognitam, post S. Augustinum vero Ecclesiam per 500 annos in errores circa gratiam rursus fuisse prolapsam, usque dum a se rursus fuerit restituta. Confitetur igitur, se 500 annis incognitam introduxisse in Ecclesiam doctrinam.

Quando illius liber illatus fuerat Flandriæ ac Franciæ, inflammavit illico discordias in Universitatibus, Communitatibus, familiis. Quapropter 88 Episcopi Galliæ librum Pontifici denuntiaverunt. Decem anni, inquiebant, lapsi sunt, ex quo liber posthumus Jansenii gravissimas in Francia turbas concitavit. Postquam autem Urbanus VIII & tot alii Pontifices doctrinam libri condemnarunt, omnes Episcopi secuti sunt. Novella igitur fuit illa doctrina, & contraria veritati, apud corpus Pastorum deposita.

Dixit Lutherus: *Augustinus meus est*; Wiclefus: *meus est*; Calvinus: *meus est*; Jansenius: *meus est*. Audiant novi S. Augustini Discipuli, quid S. Augustinus ad Julianum scribat: *redite ad nos: vos non estis nati de parentibus, qui id crediderunt, quod vos docetis: sed estis regenerati in Ecclesia, quæ contrarium credit.*

Jansenius opera sua publice subjecit judicio Sanctæ Sedis. Judicavit ergo, hoc judicium præferendum esse persuasioni suæ, quæ credebatur, doctrinam suam esse conformem S. Augustino, aut saltem,

tem, S. Auguſtinum potuiſſe decipi. Si Janſeniſtæ credunt, hanc Magiſtri ſui ſubjectionem fuiſſe ſeriam, imitentur: ſi fraudulentum deceptorem judicant, eum deteſtentur.

Quando Janſeniftis objicitur, quod impugnent Conſtitutiones Apoſtolicas, respondent, id a ſe fieri ideo, ut ſiſtantur querelæ Calviniſtarum. Mira ſane eorum, qui Catholici haberi volunt, reſponſio! Vellent, Romæ Bullam cudi, quæ ſit ad guſtum Miniſtro- rum Genevæ, & Amſtelodami. Grande paradoxum! ne murmu- rent hæretici, prætenſi Catholici cum illis murmurant contra Con- ſtitutiones Catholicæ Eccleſiæ.

Jam ipſe Janſeniſtarum fundator in Gallia Abbas Sancyranus ſcripſit: *Bene ſenſit Calvinus, male locutus eſt* (in materia de gratia & libero arbitrio.) Commiſſi equidem inter ſe Arnaldus, & Petrus Jurius, ille Janſeniſtarum, hic Calviniſtarum Calypſa, vehementer rixati ſunt, ut patet ex libro, quem Jurius de *Spiritu Arnaldi* ſcri- Scandalosa  
pſit; de nomine tamen (in quantum ad materiam de gratia) potius, doctrina.  
quam de re ipſis erat contentio.

Quam abominandum utriuſque partis ſystema de Deo! derelin- quit, abdicat juſtos, amicos ſuos, quamvis omnes vires ſuas im- pendant, ne eum offendant. Facientibus, quod eſt in ſe, denegat gratiam. Præcipit ipſis res impoſſibiles. Damnat ad æternos ignes, quod non fecerint id, quod facere non poterant ex defectu auxi- lii. An benigniſſimi & miſericordiſſimi patris, an vero tyranni hæc idea eſt? hæccine reverentia, quam mens Chriſtiana Deo O. M. debet?

Sine gratia omnis conatus reſiſtendi malis inclinationibus eſt inutilis & fruſtraneus, imo ipſe conatus eſt impoſſibilis: cum gratia vero impoſſibile eſt, tentationi ſuccumbere: habere gratiam aut non habere, nullo modo dependet a nobis. Si hæc tria Janſeniſta- rum principia ſubſiſtant, quid ſupereſt, niſi ut in peccato tranquil- le vivas, & gratiam patienter exſpectes? Vana eſt omnis exhor- tatio, vana comminatio, quamdiu non habes gratiam *vittricem*; & quando adeſt hæc gratia, rurius vana eſt exhortatio & commina- tio; nam etiam ſine illa neceſſario te convertes. Cum gratia omnia ſunt neceſſaria, ſine gratia omnia impoſſibilia, nec ullo modo tuæ eſt poteſtatis habere vel non habere gratiam. Quid ergo facias, niſi ut currum ſuo permittas curſui, & fatum tuum otioſus ex- ſpectes?



Si Christus pro me non est mortuus, quid creatio mihi prodest, nisi ut me relinqueret in massa perditionis? si Christus pro me non magis oravit, quam pro salute diaboli, ut inquit Jansenius, desperata sunt omnia. Ad quid ergo præceptum amoris? ad quid observatio mandatorum? ad quid cura salutis? inutilia sunt hæc omnia, imo impossibilia.

Lupi sub  
ovina pelle.

Vah detestandas consequentias, quæ ex talibus principiis pleno alveo fluunt! ne tamen nimis aperte in oculos incurrant, oportet eas obvelare larva severitatis. Laxam disciplinam deplorant; cum tamen nemo magis illam inducat, dum doctrina sua abominabili curam salutis extinguunt, observationem præceptorum impossibilem faciunt, libertatem arbitrii tollunt, confessionis & communionis usum penitus ferme convellunt, atque peccatores in lethargum præcipitant.

Hinc videas ipsa etiam factionis capita, quamvis externo rigore & affectata morum severitate multos decipiant, & in casses suos pertrahant, levato tamen velo vitiorum, superbiæ maxime, sordibus foetere.

Certe de Jansenio Abbas ad S. Germanum, primus Reginae Mariæ Medicæ Eleemosynarius, testis exceptione major, epistolam edidit, in qua inter alia ait, Jansenium Ipresem sibi apprime esse cognitum, cumque omni veritate se posse dicere, quod nunquam viderit hominem magis superbum fastuque turgidum, qui gloriosius de se ipso, & contemptibilius de aliis senserit, iis præsertim, quos umbram sibi facere putarat. Contra Regem Franciæ & Hispaniæ gravissimas ab eo disseminatas calumnias. Ecce ideam primi Sancti tam sancti Ordinis!

Libri Arnaldi pleni sunt atrocibus injuriis. Convictus sæpe fuit de mala fide, totus ad fallendum compositus. Obiit rebellis Ecclesiæ ac Regi suo; prout etiam Quesnellus. Inventum est inter scripta Monialium Portus Regalis Calendarium, cui cum Abraham, Jeremia, Elia, Amos, & aliis quibusdam, soli inserti fuerant *Sancti Janseniani*, uti Jansenius, S. Cyran, Arnaldus, mater Angelica, cum infante trium annorum, quem nominabant Infantem Portus Regalis.

Sancti Janseniani.

Quanto furore & calumniandi libidine Jansenistæ insurrexerint adversum Patres Societatis Jesu, ex infinitis eorum famosissimis libellis constat. Sed quid hoc mirum? impune istos laceSSI posse credebant. In ipsos summos Pontifices, Regem suum, Episcopos, omnemque

Calumniandi libido.

Ordi-

Ordinem Ecclesiasticum petulantes linguas & calamos acuebant. An sic debacchati sunt Apostoli?

Janenistæ nunquam voluerunt accenferi Calvinistis, ne quidem in materia de gratia, quin imò illos tanquam teterrimos hæreticos sunt detestati. Sed audiamus aliquot Calvinistas hac de re loquentes.

Et imprimis quidem Drelincourt, famosus Præco, in *Responsione ad Landgravium Hassæ* p. 340, Videtur, inquit, quod Janse-<sup>Reipsa</sup> nismus sit hæresis abominabilis; sed non est ita: purum continet <sup>sunt Calvi-</sup> Evangelium de gratia Dei, quam prædicarunt Paulus & Augu-<sup>nistæ in plu-</sup> stinus.

Lambadius vero Minister Genevensis, qui antea fuerat Janenista, in epistola, ad Janenistas scripta, sic loquitur: doctrina de prædestinatione & gratia, prout illam Jansenius explicat, est pura doctrina Ecclesiæ Reformatæ: & quantumcunque laborarint, ut discrimen assignarent, in substantia tamen doctrinæ nullum invenerunt. Non igitur opus, ut Janenistæ se uniant cum Reformatis, sed tantum ut declarent, quod re ipsa jam sint.

Suscipio defensionem eorum, qui adhuc sunt uniti externe Sedi Romanæ (inquit Samuel Marezius Professor Theologiæ Gröningæ in *Compendio veræ & Catholicæ doctrinæ de gratia*) non enim solummodo agitur causa Janenistarum, sed etiam Reformatorum; quia circa negotium 5 propositionum sequuntur eandem opinionem. S. Augustinus æque est noster, ac Jansenius facit suum.

Nos agnoscimus eandem impotentiam faciendi bonum in statu naturæ corruptæ: eandem efficaciam & infallibilitatem gratiæ medicinalis, præparatæ per Divinam prædestinationem: illam admirandam concordiam necessitatis & libertatis actionum humanarum. Negamus pariter, Christum pro omnibus mortuum esse. Verbo: omnes 5 propositiones nostræ sunt.

Certe Heroes vestri (sic alloquitur Janenistas) monstrarunt suam debilitatem, quando conati sunt ostendere differentiam. Si dici potest, quod idem non sit idem, poterit dici, quod vestra doctrina non sit nostra. Solus timor pœnarum vos impellit, ut sitis proditores veritatis, & negetis, vos esse id, quod estis. (*Marezius ult. apol. pro defens. S. August. contra Papam & Jesuitas.*)

Accedit Henricus Hottinger Minister & Professor Tigurinus, qui in sermone impresso Janenistas ita sollicitat: si vestra doctrina subsistit, Papatus non potest subsistere. Si agnoscitis auctoritatem Papæ, actum est de vobis: supprimentur vestra scripta, evellentur plumæ,



plamæ, obturabitur vobis os. Ipsi judicate. An non impugnatis Jesuitas ceu Pelagianos? an non utuntur Jesuitæ armis Pelagianorum, ad vos debellandos? verum an aliam Jesuitæ habent doctrinam, ac Concilium Tridentinum? an aliter sentiunt ac Papa? an non Papa & Jesuitæ sunt corpus unum & anima una? (*Hotting. l. c.*)

Cæterum jam olim Jansenius Episcopus, Vergerius Abbas, Arnaldus successor, Quesnellus magnus Ordinis Jansenistici Prior, ejusque Discipuli, nihil intentatum reliquerunt, quo sub specie sanctæ sanæque doctrinæ venenum suum poculo inaurato propinarent, fraudibus non tantum occultis, sed apertis etiam mendaciis in hanc rem usi; quæ inter fuit, qua impudenter vulgaverant, Quesnelli Reflexiones Morales in Novum Testamentum Delphino probari, eumque illarum protectorem fore. Sed integerrimus Princeps publico scripto commentum palam detexit.

Crimen falsi  
contra Bos-  
suetum.

Sed, qui semel depuduit, deprehensa licet manu in sacco, ad alias mox fraudes dolosque convertitur. En aliam stropham, suis auctoribus dignam! Benigno Bossueto doctissimo illi Meldensium Episcopo, ut ejus suffragium elicerent, aliquas ex Quesnelli libro propositiones obtulerant, quas ille innocentes declarasse fertur. Mox illi, quod totum opus approbarit, jactarunt. At Bossuetus fraude detecta, approbationem suam revocavit, librumque Quesnelli tot scatere erroribus asseruit, ut corrigi non possit. Jansenistæ nihilominus, (sed primum post mortem ejus) testimonium aliquod in favorem suum produxerunt, nulla omnino revocationis & suæ fraudis facta mentione. Quesnellus modo laudat Bossuetum, modo nullius authoritatis, nullius judicii, nullius prudentiæ, ut propheta in utramque partem claudicans, ab eo traducitur. Approbatores nempe libri Quesnelliani omnes sunt doctissimi; quicunque improbant, rudissimi.

Versatiles.

Dum Alexander VII 28, & Innocentius XI 65, nimium laxas propositiones damnarunt, *os Domini fuit locutum*. At vero dum idem Alex. VII 5 propositiones Jansenii, & Alex. VIII 31 Jansenizantes profligarunt, justitia illico Romanum tribunal deferuit; Consultores erant rudes, inepti, malis affectionibus inducti; tunc Galli Judices deposcebantur, tunc ad Generale Concilium appellabatur.

Restriktiones mentales vehementer accusabant, & tamen ubi res ipsorum agebatur, tam enormes usurpabant, quas nec laxissimus Casuista admitteret. Licitum esse dicebant damnare 5 propositiones in sensu Jansenii, licet in mente contrarium credatur. Catholicos simulant, ne Beneficiis & Officiis priventur, aliasque pœnas incurrant,

incurrant, Prædeterminationes physicas, ut orthodoxi videantur, obtundunt, quas cum Lignio stultitiam, cum Witte nequitiam quorundam Pseudo-Thomistarum appellant.

Quas non fraudes, quas non machinas adhibuerunt Quesnellistæ, ut Episcopos, ut Sorbonam, ut alias Universitates ab acceptanda Constitutione retraherent! quam vane quamque falso de magno Episcoporum numero sunt gloriati; quasi vero non multo plures Ario, Eutychi, Monothelitis adhaerint. Quot Africa Episcopi cum Cypriano Stephano Papæ & veritati se opposuerunt! quod igitur studiose magnaue vafritie Jansenistæ id egerint, ut semper aliquos Episcopos in partes suas aut patrociniū malæ causæ pertraherent, nihil alienum ab aliis fecerunt sectariis, qui adversus Ecclesiam frontem obdurarunt.

Habet hoc quippe tum omnis hæresis, tum maxime Janseniana, Prothei instar in omnes formas se transmutat; jamque sub larva pie-Prothei, tatis, & zeli pro disciplina, in Gynecæum se insinuat, & more, jam olim Pelagianis & Priscillianistis familiari, per mulierculas venenum spargit: jam sub specie doctrinæ Patrum, maxime Augustini, incautos fallit; jam per calumnias, dolos, factiones, aliasque malas artes agit cuniculos, ad subvertendos incautos: atque in eam rem infinitos libellos famosos dispergit, quibus suos in cælum extollit, ceu viros doctrina, religione, integritate summos, eorum vero, quos adversarios habet, aut habere existimat, non charitatis, non justitiæ, non conscientie habita ulla ratione, famam lacerat, ridendosque conatur proponere.

Sed quid mirum, eos spiritu vindictæ accensos, in homines sibi obstrictos, ut Lutherus olim & Calvinus fecerat, maledictis & calumniis furere, cum in ipsum cælum os impium sonant, & sanctos Dei cælites contumeliis laceſſant. Cultus Sanctorum, quo Ecclesia Sanctos colit, est ipsa spina in oculis: in ipsam adco sanctissimam Virginem Matrem Dei, quam Angelus gratia plenam, Elisabeth benedictam in mulieribus, prædicant, virulentam linguam exerunt, eique præconia, ab Ecclesia & SS. Patribus attributa, invident.

Quippe Auctor *Instructionis salutaris B. V. Mariæ ad suos devotos indiscretos*, ait: *Maria non debet appellari Mediatrix, Advocata, Mater Injurii in misericordia, neque ornandæ sunt ejus imagines, aut altaria.* Quis non B. V. videt,  
Pars X. H h h



videt, quibus ex fontibus hæc profluant. Hæreticorum jam olim hæc lingua fuit, & hodieum est, ex quibus Jansenista eandem hausit.

At velit nolit, nos cum Ecclesia Catholica invocamus Mariam, Reginam cæli, Mediatrix nostram, Advocatam nostram, ut pro nobis intercedat apud Filium suum Divinissimum, qui est principalis ex propria excellentia Advocatus noster apud Deum, & Mediator inter Deum & hominem. Maria est advocata nostra apud Filium, Filius apud Patrem. Per Filium, Mediatorem & Advocatum omnipotentem habet Mater, ut sit Advocata, ut sit Mediatrix secundaria, potens tamen, quia est Mater Dei. Est Mater Christi; ergo Mater Misericordiæ. Est honor Filii, quod Mater sit Virgo potens, Virgo clemens. Gaudet Redemptor Filius, quod Mater sit refugium peccatorum, Consolatrix afflictorum. Non soli Joanni, mihi quoque pendens in Cruce Filius Matrem dedit: ecce Mater tua, ecce Filius tuus!

Salve Regina, Mater Misericordiæ! Eja ergo *Advocata* nostra illos Tuos *Misericordes* oculos ad nos converte! Ora pro nobis peccatoribus! Oro, ut ores. Oro Jesum Christum Filium Tuum Deum omnipotentem, gratiarum omnium fontem, ut misereatur mei peccatoris: sed oro insuper, ut Mater Dei, ut Mater fratrum Christi, ut Mater Misericordiæ, Mediatrix mea, Advocata mea, mecum ores ad Thronum Gratiae.

De cultu  
Imaginum.

Oratio hæc Patrum & Clientum Mariæ ingratum haud dubie melos est in auribus Jansenistæ; qui Matri Dei etiam ornatum Imaginum & Altarium invidet. Sed cur invidet? quia cum Iconoclastis, cum Calvinistis, cum Zwinglianis sentit, contra id, quod sensit, sentitque Ecclesia. Regem colis in ejus imagine: parergis istam exornas: in honorem Regis cedere existimas istum ornatum. Accipis a Rege epistolam: reverenter excipis, oscularis, asservas, manum Regis osculari te credis. Matrem Dei aut alios sanctos in effigie colimus, cultus in sanctum, in cælis cum Christo regnantem, tendit: cultus coram imagine exhibitus, in illum tendit: illum rogamus, ut pro nobis Deum oret. Ab imagine nihil speramus, nullam in ea collocamus fiduciam, nihil ab ea petimus; ut tamen honorem & cultum erga sanctum externe etiam exhibeamus, imaginem exornamus, in altari collocamus. Quid hic jure vituperes? imo quid non laude dignum? an Ido-

la

la hæc esse quisquam existimare queat? absit. Ethnici aut ligna aut lapides adorabant ac cultu latriæ adorabant, aut per imagines aut statuas proposita falsa Numina, ut Jovem aliquem aut Mercurium. Nos neque adoramus seu cultu latriæ colimus imagines Sanctorum, neque repræsentatum per illas aliquod Numen.

At Sanctis in cælo, inquit Jansenista, non alius deferendus est honor, ac justis in terra; sed hic civilis duntaxat est atque politicus, qualis etiam magnis, quos æstimamus, viris, ut Regibus. & Principibus defertur, at vero cultus, qui sanctis deferatur, sacer est & religiosus.

Resp. ita est, religiosus est hic cultus, sed cultus *Dulæ* solummodo, qui defertur Sanctis reliquis, & *Hyperdulæ*, qui defertur B. V. Mariæ; quorum uterque est longe inferiori gradu, quam cultus latriæ, qui soli Deo, supremo omnium Domino, debetur, ac deferri debet.

Sed ecce, quem honorem Sanctis Jansenistæ deferunt, quos solenni Apotheosi Ecclesia sanctos declaravit! duo tantummodo exempla afferro. *Franciscus Salesius*, inquit Hennebel *Thesi Theol. rum.* an. 1680 edita, infectus fuit errore Semipelagianorum. Item: *Joannes Capistranus* canonizatus est ab *Alexandro VIII*, sed ejus doctrina non est propterea minus perniciosa, & si dubitemus de ejus sanctitate, non erimus propterea minus Catholici. Ex quibus sane videmus characterem Jansenistarum, qui Ecclesiam & ejus sanctos tantopere contemnunt. Illud denique ex dictis hætenus nimium quantum liquere arbitror, quam falso quidam dicant, nullos in mundo esse Jansenistas, cum nemo 5 propositiones Jansenii defendat, in reliquis autem omnes cum Ecclesia consentire.





CAPUT V.  
Status Hispaniæ  
SÆCULO XVIII.

Art. I.

*Fœderati Archiducem ducunt in Hispaniam. Occupata Gibraltaria. Favent Catalauni. Obitus Darmstadii. Occupata Catalaunia, Valentia & Arragonia a fœderatis.*

142.

Cum magni per orbem Principes, qui judicem in terris non recognoscunt, vix alio, quam jure gladii controversias suas soleant definire, Cæsar Gallusque Hispanicam quoque de jure hæreditario litem eodem arbitro decidere sunt aggressi; & initio quidem in Italia & Germania exarsit incendium: dein vero in ipsam etiam Hispaniam est propagatum.

Et quoniam totius Europæ hoc erat bellum, aliis remissis alio, quæ Hispaniæ sunt propria, hic breviter exequemur.

Magnum Fœdus.

Flagrante bello in Italia, Germania, & Belgio, Philippus Augustus Dux quiete fruebatur Hispania ad annum usque 1703, quo Angli & Batavi, sero experti, quantopere per partitionis tractatum essent a seipsis delusi, inito cum Cæsare fœdere, atque in illud Lusitano quoque assumpto, petierunt ab Imperatore, ut Carolum Archiducem quantocius in Hispaniam mittat, ubi ab iis, qui Austriacæ genti adhuc essent addicti, avide expectetur.

Melgarus,

Certe Melgarus Comes, Castiliæ antea Admirantes, præcipuus post Portocarerum regni Administrator, quod Reginæ Austriacæ videretur addictior, aula motus est, specie Legationis Parisiensis. 50000 duplionum ex ærario instructus, collectis domesticis rebus suis pretiosis, reductisque in pecuniam bonis, lætus suscepit provinciam, assumpto e Grandium ordine & nobilitate 500 capitum comitatu; 400 mulis, omni opum genere onustis iter iniit.

Et Oropeza  
recedunt.

Quin Lutetiam pergeret, nemo dubitabat. At ille sentiens pedicas, a cursore, quem in id subornaverat, citatis equis advolante, accipit epistolam, velut a Regio Consilio scriptam, qua jubeatur, dilata tantisper professione Parisiensi, apud Regem Lusitaniam prius Legatione

Legatione fungi, eumque in partes Gallicas pertrahere. Quo com-  
mento totum Comitatum opesque Olyssiponem traduxit. Nec diu  
post secutus Oropeſa. Uterque vero apud Cæſarem inſtitit, ut Ar-  
chiducem quamprimum in Hispaniam mittat.

Georgius interim Darmſtadius patentes ab Archiduce litteras  
per Hispaniæ urbes ſpargere, pacatum & ſuave Auſtriæ regimen  
extollere, animare torpentes, atque ad excipiendum Carolum Re-  
gem ſuum hortari.

Igitur Cæſar 12 Sept. 1703 præſatus, Hispanicæ Monarchiæ  
ſe unum legitimum eſſe hæredem, juſ ſuum in Carolum Archiducem  
tranſtulit; Joſepho Rege jure ſuo pariter ſe abdicante. Mox Ca-  
rolus, a Legatis, Anglo, Batavo, Boruſſo, Moguntino, Hanno-  
verano, Mutinenſi Rex Hispaniarum ſalutatur. Pontificius, Polo-  
nus, Danus, Venetus, Florentinus, vario prætextu abſuere.  
Pontificio valetudinem excuſanti aulæ aditu interdictum.

Carolus ſalutata devote Cellenſi Virgine, lachrymante Vienna  
itineri ſe dedit, magno honore exceptus a Saxone, Palatino avun-  
culo, Batavis. 20 Novemb. Haga ſolvit, in Angliam trajecturus, Carolus in  
Hispaniam,  
ſed tempeſtate Roterodamum rejeſtus, horribili procella in omnia  
littora ſe effundente, per duos ferme menſes ſecundos ventos præ-  
ſtolari cogitur. Denique 6 Jan. 1704 conſenſa rurfus navi, Lon-  
dinum vela fecit, ubi ab Anna Regina totaque Natione Anglicana  
regio honore eſt exceptus.

Sexta, quam venerat, die Ports-muthii, Roockio Architha-  
laſſo, navem conſcendit, ſævaque rurfus jaſtatus tempeſtate, fu-  
turorum velut prodromo, Olyſſiponem tandem appellitur, omni-  
bus humanitatis officiis cultus: Melgaro & Oropeſa primos inter  
Regis ſui genibus advolutis.

Tota Luſitania Carolus Rex promulgatur, Andegavenſi vero,  
ſparſis per Hispaniam litteris, dataque tranſituris impunitate, bel-  
lum indicitur. Sed præter exſpectationem, quia ab A catholicis  
religioni timebant, nemo ſe movit; quod Schombergius Anglorum  
Dux Melgaro, alia ſpondenti, acerbè exprobravit. Ne autem Du-  
ſtorum ſimultas communi rei officeret, Regi-næ voluntate *Gallorum*  
Schombergio ſucceſſit. Neque is in Luſitania, quem ſperaverant,  
belli apparatus inventus.

Galli, Hispanis juncti, ubi viderunt, Luſitanos magno adver-  
ſum ſe federæ acceſſiſſe, Duce Bervico, Jacobi II Angliæ Regis  
filio, comitante Andegavenſi, in Luſitaniam, quadripartito  
agmine irruunt, Salvaterram, Idagniam, Seguram, Pennagarciam,



Rosmarinum, Montem Sanctum, Mirandam, Castellum Brancum, magna cum præda occupant: rursusque, Batavorum duabus cohortibus caesis, Portalegia, Davidium aliaque loca intercepta.

Has ruinas ut fœderati sarcirent, Catalonicam expeditionem susceperunt, confisi veteri gratiæ Darmstadii, qua apud eam gentem, cujus Governator fuerat, valebat. Et erant, qui Barcinonem prodere nitebantur: sed eorum consiliis detectis, Velasus Prorex complices supplicio affecit, & Anglorum classem discedere coegit. Lusitano haud æquis oculis id aspiciente, qui a Regno suo bellum amotum volebat.

Gibraltar  
capta.

Sed animos erexit nuntius de Gibraltaria, insigni ad fretum Gaditanum munimento, quod male custoditum, Anglo-Batavi quadridui spatio expugnarunt, magno etiam in futurum Catholicæ rei præjudicio. Darmstadius urbi præfectus; cives vero, alienæ religionis homines exosi, passim dilapsi sunt. Locus ipse alioquin & situ & opere egregie munitus, novis operibus, centum tormentis, omnique adversus quamcunque vim apparatu fuit comparatus.

Constructa fuit hæc urbs ad pedem Calpis, rupis præaltæ, cui arx ad defensionem urbis, alioquin munitæ, est imposita. Petra ipsa tanta est duritie ac soliditate, ut cuniculi agi non possint. Ad latus petræ alia adhuc munitio visitur, cujus præsidio naves in portu adjacente secure consistunt.

Doluit vehementer Hispanis jactura tanti loci, qui invincibilis videbatur, nihilque non egerunt, ut hanc freti Herculei clavem, tam leviter amissam, reciperent. Villadariam cum quindecim millium exercitu, & Pointium cum classe mittunt, qui urbem terræ marique oppugnent. Certamen navale commissum geminum: primi anceps erat victoria: altero Pointius cum classe Gallica a Leakeo Anglo est profligatus. Villadarias vero, postquam Darmstadius trium millium præsidio auctus est, semestrem obsidionem solvere coactus fuit. (1705)

Anno 1710 Gallo-Hispani ad oppugnationem redierunt: sed eventu æque infelici. In pace Ultrajectensi Gibraltaria Anglis fuit relicta. Sed cum Hispani tanti momenti urbem, arces, propugnacula, portumque, in ipso Hispaniæ fundo sita, in alienis manibus hære ægerrime cernerent, anno 1727 oppugnationem rursus, sed frustra, tentarunt.

Expugnata Gibraltaria deliberatum inter fœderatos, quo arma essent vertenda. Difficilem sententiam fecit horror Hispanorum ab Anglis & Batavis, quibus ferme solis, præter Lusitanos, Caroli Archiducis exercitus constabat. Nutriebant sedulo augebantque eam aversionem sacri in templis oratores, instantia Religionis pericula exhibentes: rem plenam esse discriminis, ab hæreticis Hispaniæ dari Regem Catholicum: quid facilius, quam stabilem illis sedem concedi, quibus regnum debeat, sensimque religionis integritatem fervoremque intepescere? Id genus concionibus effectum, ut in etiam, qui Austriacam gentem, & Carolum, insignem probitate, regisque virtutibus ornatum Principem amabant, Protestantibus tamen cinctum averfarentur.

Diversa a cæteris Hispanis Catalaunorum erat conditio. A Castellanis omni ætate erant alieni; atque hoc ipso, quod Andegavenfis partes illi amplectebantur, in contrarias concedebant. Invitant igitur ultro Darmstadium, veterem suum gratumque gubernatorem, veniret cum armato milite, se officio suo, ut Barcinogradatur, non defuturos.

Decernitur itaque Catalaunica expeditio. Advolant cum classe Anglo-Batavi. Confluit ad Archiducem multitudo, eumque prona Regem salutat. Bis mille agrestes armantur. Jovia primum arx Barcinoni propinqua capta, in cujus oppugnatione occubuit *Georgius Darmstadiensis* Landgravius, magnum hæctenus rei Austriacæ in Hispania columen, sacra Catholica jam ante cum tribus fratribus amplexus. At nihilo remissius institit *Petroburgus*, Ductor Anglus. Caraculus arcis Præfectus ruina muri cum aliis sepultus. Ad urbem ipsam Barcellonam mox conversa oppugnatio, quam Velasquez Prorox deditit. Arcis & urbis fatum acceleravit bolis ignita, inpulveris nitrati cados incidens.

Interea, dum hæc ad Barcinonem a Fœderatis strenue geruntur, *Miqueleti* (agrestium ad Pyrenæos levis armaturæ genus, sed bello admodum utile) totam Catalauniam, alias pronam ad bellum adduxerunt: intercepta primum Lerida, dein Tortosa, Gerunda, Tarracona. Magna sui parte accessit Valentia, & Arragoniæ regnum. (1705)



## Art. II.

*Galli obsident Barcelonam, sed repelluntur. Fœderatorum discordia. Carolus Madriti Rex proclamatur. Sed brevi recedit. Pugna ad Almanzam. Arragonia & Valentia recepta.*

143.

Barcelonæ  
obsidio

soluta.

Sequenti anno Philippus ipse, Theseo Ductore, cum Gallo - Hispanis Madrito in castra egressus, Barcinonem obsidet. Quia autem a ruinis necdum erat reparata, & modicus præsidio miles, magnopere suafum est Carolo a suo Consilio, ut urbe egressus tanto discrimini se subducatur. At ille moriturum se potius, quam suos Catalaunos deserturum contestatus, flagrantia jam alias populi in se studia amoremque tantopere accendit, ut omnis ætas sexusque ad Regem suum defendendum accederet: quin ipsa adeo Religioforum hominum cœnobial phalanges suas emiserant. Quadringenti eorum gladio accincti ad saccos suos, atque ad cucullum galea testis prodibant; tantaque celeritate & alacritate omnium ope urbs munitur, & defenditur, ut, licet hostis arcem Joviam jam expugnasset, tamdiu tamen ab urbis ingressu arceretur, donec quadrifaria Anglo - Batavorum classis, sub Leackio, Stanhopio, Bingio, & Wafenario, Archithelassis, auxilio accurrens, obsidionem solveret, ingenti cum hostium detrimento.

Tolosæ quidem Comes, ubi comperit, omnes Anglorum ac Batavorum maritimas vires adversum se collectas venire, classem illico Telonem reduxit. Theseus vero fuga tam præcipiti atque confusa cum milite suo in Galliam per Pyrenæos se conjecit, ut castra relinqueret omni opulentia plena, centum tormenta, clavis non adaesta, pulverum dolia 5000, annonæ tantam copiam, qua diu exercitus viveret.

Poterat tunc, si unquam, Austriaca fieri Hispania, si aut fugientium tergis inhæssissent, aut recta Madritum fœderati procurrisissent. Nullus toto Regno Dux Gallus, præter Bervicum ad fines Lusitanæ cum decem millibus agentem. Erat liberata Catalaunia, Valentia in potestate; Arragonia eosdem cum Catalaunis animos gerebat; Castilia, licet inimica, inermis tamen fuit, ducibus & munimentis vacua.

Sed rei gerendæ opportunitatem perdidit Ductorum discordia. Licet enim grandem fœderati haberent exercitum, toti Hispaniæ tunc occupandæ parem; quia tamen ex diversis adeo Nationibus erat con-

conflatus, Hispanis, Lusitanis, Anglis, Batavis, quot erant capita, tot sententia. Quod placebat Gallowæo, Anglo, dis-<sup>Ducum</sup> placuit Minasio Lusitano: quod visum Noyellio Hollando, improba-<sup>discordia.</sup> bat Petroburgus, omnibus se opponere consuevit.

Hac dissensione factum, ut toto hoc bello præclaræ non raro occasiones sint neglectæ, consilia optima suffocata, multæ clades acceptæ, res etiam bene gestæ evanescerent, & tandem in pacem, Gallis optatam desinerent. In præsentī vero, dum consultatur, dum disceptatur, ab octava Maji ad quintam Augusti usque necdum convenerant copiæ; datumque Philippo tempus, quo se colligeret, priorque in Castiliam rediret. Suscepta nihilominus denique expeditio Castellana. Salmantica Senatus Academicus & Urbanus in Caroli fidem receptus. Cumque Madrito immineret fœderatus exercitus, Philippus urbem, undique apertam, deseruit, atque Segoviam ad Bervicum, qui non ultra novem legionariorum millia habebat, se recepit, duabus non nisi septimanis Madriti a suo ex fuga reditu commoratus.

Carolus vero eandem Regiam, sed tunc ferme vacuum, urbem ingressus, publice Rex est proclamatus, prout etiam in regno Arragoniæ & Valentia factum. Sed alternante fortuna brevis ea gloria fuit. Carolus Madritum.

Quippe, dum fœderati Duces, dissensionibus distracti, cessatione sua Bervico, quem cum suis novem millibus delere facile poterant, copiis augeri sinunt, omnia prope, quæ feliciter gesta fuerant, sunt retroacta. Excessit Madrito Carolus, subiit Philippus: stabantque mutuo in conspectu, tenui duntaxat fluvio divisi, hi duo coronæ rivales.

Ad prælium res spectabat; verum fœderati, e re non fore rati, si una fortunæ ictui causam exponerent, satius duxerunt, Castellam invisam deferere, præsertim ubi intellectum, Minasium cum suis Lusitanis, nemine salutato, jam discessisse. Recedit.

Fugientes infecutus Bervicus, plures Valentia urbes recepit. Quod expeditio tam feliciter cœpta infaustum adeo fœderatis sit exitum nata, variis causis fuit adscriptum.

Prima fuit, quam dixi, Castellanos a partibus Austriae aversio: non, quod Domum Austriacam oderint, sub cujus mansueti regimine, magnis accessionibus, opibus, gloria, se auctos noverant: sed quia absonum ipsis visum, ab A Catholicis, Anglis nempe & Batavis, regem sibi dari Catholicum. Accesserunt oratorum sacris e <sup>Causæ reced.</sup> pulpitis voces, quibus religionis, tam sancte per universam Hispaniam



spaniam cultæ, discrimina ingerebant. Nec modicum sui edium inspirabant, dum licentia militari Protestantes in rapinas, expilationes, ædium agrorumque vastationes sunt effusi, sacratis templis rebusque manus injicientes.

Alteram dabat inveterata Castellanorum cum Arragoniis & Catalaunis æmulatio, deque prærogativa utriusque gentis contentio. Cum igitur illi cernerent, tanto ardore istos Austriacas partes amplecti, omnem apud Austriacos gratiam sibi præreptam ominabantur: cumque soli ferme Castellani, Regum apud se præsentia usi, ad præcipua Regni provinciarumque munia hætenus essent adhibiti, Catalaunos Arragoniosque potiores deinceps fore suspicabantur. Proceribus vero Castellanis altior adhuc hærebat spina. Timebant, ne Rex Austriacus memor sit, a quibus testamentum illud sit procuratum, Gallusque Princeps ad coronam accersitus. Atque inde etiam sacri Præcones instigati credebantur, populusque inflam-matus.

Tertia denique causa ferebatur Ducum foederatorum dissensio, per quam post Barcinonem liberatam omissa hostis trepidantis persecutio, Bervico datum spatium augendi quasi per otium copias; quolibet foederatorum Ductore, relicta rei summa, aut moras nectente, aut ad peculiare expeditiones pro arbitrio dilabente.

Gallovræo maxime, præstanti alias duci, ea mora secutaque expeditionis, tam bene cœptæ, infelicitas vitio data est. At ille in Petroburgum, apud Valentinis æquo diutius hærentem, atque in Lusitanorum cessationem, culpam rejecit. Neque tamen moras suas ita purgavit, quin jactura Hispaniæ quinquennio post ipsi a Parlamento sit crimini data. Quidam suspicabantur, hominem origine Gallum, ac propter sectam exulem, nimis memorem fuisse suæ patriæ.

Deliberatio  
de pugna.

Uti superiorem cunctatio, ita anni 1707 expeditionem nimius pugnandi ardor præcipitavit. Ita nempe medium quoddam est, quod bellica etiam consilia regat. Per hyemem, quam Valentia egerat Carolus, multa de belli ratione fervebat disceptatio, atque antiqua Duces inter dissensio. Carolus, Petroburgus Anglus, & Noyellus Batavus ad partorum defensionem respiciebant. Catalauniam, omnemque prope Arragoniam, Valentiam, partemque Murciae haberi in potestate, per unius infelicis pugnae aleam provincias istas supremo offerri discrimini. Unum haberi exercitum, eumque, quoad equitatum præsertim, non admodum validum: hoc cæso, ubi alterum sint nacturi? nequidem supplementa per tanta ma-

rium

rium spatia expectari posse. Philippum contra, extractio ex evacuata Italia veterano milite, copiis præstare, semperque ex vicina Gallia novas posse suppetias accersere.

Stanhopius contra, Gallowæus, & Minasius ducendum ex templo in hostem, pugnaque conferta, antequam augeatur expectiundum putabant. Non posse Angliam, Hollandiam, & Lusitaniam immenso sumptu pro aliena Domo æterna bella gerere. Inerti cunctatione superioris anni expeditionem Castellanam penitus fuisse viciatam: abstergendam hanc labem: redeundum confestim in Castellam, & si hostis se objiciat, confiligendum. Certamine uno debellari posse. Duobus anno superiore præliis Italiam magnamque Flandriæ partem venisse in manus. Idem in Hispania sperari posse. Expeditionem Neapolitanam & Francicam a fœderatis hoc anno generose suscipi. Num ipsi soli inerti otio torpescerent? necessitate ipsa imperari prælium: exhaustis horreis deficere cibaria, aut famendum igitur aut certandum.

Vicit hæc sententia, Stanhopii maxime importunitate. Itum in ruinam. Gallorum exercitus uno & viginti millibus, fœderatorum sexdecim duntaxat millibus fuisse scribitur. Pugna ad  
Almanzam. Ad *Almanzam*, Castellæ ad Valentiaë fines urbem, in mutuum conspectum ventum. Acies utrinque instruitur. Hora post meridiem quarta inchoatur prælium. Diu anceps nutat fortuna. A Lusitano equitatu fugiendi initium, fauciato Minasio; qui dextrum cornu regebat, sequente cum suis Gallowæo, qui sinistro præfuerat. Bervicus Gallorum Ductor plenam reportavit victoriam.

Atque ut cladis magnitudinem æstimes, fœderatorum ad quinque millia in acie ceciderunt. Quinque cohortes Anglicæ, totidem Hollandicæ, tres Lusitanæ, Asfeldio, fugientes insequenti, captivas se tradiderunt. Ex Gallo- Hispanis quatuor millia partim cæsa, partim fauciata. Signorum militarium grandis numerus, impedimenta omnia, Valentiaë & Arragoniæ regna, cum parte Catalauniæ victoriæ præmium fuerunt. Atque huc tandem Stanhopii certa fiducia, uno die debellandi, ac finem Andegavensi in Hispania dominatui imponendi fuit. Bervicus *Grandis* Hispaniæ titulo, & *Liria*, Valentiaë oppido, in Ducatum evecto, a Philippo donatus. Almanza privilegiis & annuis nundinis ornata. Madritum vero anniversariam ejus victoriæ diem, ut Vienna liberatæ ab obsidione Barcinonis, festam ac solennem agit.



Valentia &  
Arragonia ad  
Gallos.

Altius hoc vulnus penetraverat, quam ut, subactis Valentia & Arragonia urbibus, Catalaunia incolumitatem suam tueri posset. Licet enim Carolus, initio anni 1708 aliquas Italarum & Germanorum copias, interque istas quatuor Palatinorum millia receperat, impedire tamen non potuit, quo minus Dux Aurelianensis Tortosam cum castello Arensis expugnaret.

Stahrenbergius per æstatem & autumnum per virium imbecillitatem signa extra valla efferre non ausus, ineunte hyeme Tortosam, murorum ruinis adhucdum hiantem, astu intercipere tentavit, jamque ope civium quorundam porta effracta pars urbis erat in potestate, cum affluente undique hoste recipere cum suis se coactus est, eventu Cremonensi simili, & jactura utrinque prope pari.

Idem, suis ad Cæsarem Josephum litteris conquestus est, nullam a Tarracone Gibraltariam usque stationem fœderatis superesse: commodissimum Italiae cum Hispania commercium cum Alicante ereptum: tria legionariorum millia apud hostem hære captiva: illum Ilerda & Tortosa expugnata jam sui securum, omnem ex Arragonia militem posse deducere: fœderatorum fidem nutare: promissis effectum non respondere. Anglicanam classem trimestri ferme spatio Liburni in anchoris otiosam hæsisse.

### Art. III.

*Minorica ab Anglis occupata. Pacis idea. Præliminaria Hagensis. Dissolvuntur, quia Regi Lud. nimis dura. Prosecutio belli. Stahrenbergii victoria. Sarragossa præmium.*

144.  
Minorica  
capta.

Stanhopius autem hoc anno Bailearem minorem, a defensoribus ferme vacuam, facili negotio occupavit. Gubernator Hispanus præproperam deditionem capite luit. Portus autem Magonis, velut jam tum Anglicæ Nationi acquisitus, fœderatorum conjunctionem fauciat; siquidem Batavi, commerciis suis & navigationibus inhærentes graviter acceperunt eum de Minorica, ab Anglis sibi vindicata, nuntium; jamque ad pacem cum Francia cupidioribus oculis respiciebant, ne Angliæ majus dominium maris accrescat.

Pacis semina.

Anno 1709 sparsa sunt aliqua pacis semina. *Rovilleus* Voerdæ ad Hollandiæ fines cum Batavorum Legatis congressus, Regis Christianissimi desiderium, Europam in pacem reponendi exponit; cumque

que Batavi eam non alia lege confici posse assererent, quam si Hispaniæ Monarchia, qualem Carolus II reliquit, Carolo Cæsaris fratri restitueretur, Rovillæus, Regem suum ab ea conditione non alienum asseruit: affuturum brevi primi ordinis legatum, qui cum fœderatorum Ministris negotium auspicetur.

Eo nuntio accepto, fœderatorum quisque pacis typum, quem rationibus suis commodum existimabat, adumbravit. Anglia Pro-<sup>Pacis Systema.</sup> testantiæ stirpis in regno perennem successionem a Francia & fœderatis communi sponfione firmatam volebat, Jacobi Regis filio, quem *Prætendentem* vocant, e Galliæ finibus ejecto. Atque ut Anglicæ navigationi securitas præstetur, Dunkerkæ portum dirui postulant, nulla unquam ætate restaurandum. Oblique etiam jam tum ad Minoricam, & Gibraltariam respiciebant, ut pateret, cui militarent.

Batavi munimenta Belgii Austriaci limitanea, præfidiis suis sed Austriæ sumptu insidenda, deposeunt, ut sepimento a Galliæ finibus Batavia sit seclusa. Geldriæ insuper superioris dominatum affectabant, sæpius licet contestati, præter mercaturæ securitatem se nihil petituros.

Austriaco consilio amplior multo fuit deliberatio, qua forma restituenda Monarchia: neque enim acquiescendum putabat, si ad eum, quo sub exitum Caroli II fuit, modulum reducatur: sed restituenda omnia, quæ post pacem Pyrenæam fuerant abstracta. Visum etiam, Austriacæ potius Domus, quam Caroli nomine repetendam Monarchiam.

Ludovicus Franciæ Rex post tot clades acceptas ex tota Monarchia unam Siciliam & Neapolim sibi vindicabat.

Cum igitur quævis belligerantium pars privatum sibi pacis systema format, Haga Comitum deligitur tractationi locus. Anglo-Batavi proferunt suum, quod vocant, pacis *Præliminare*. Cujus hæc est epitome.

1. Rex Christianissimus Carolum III Hispaniæ, Indiarum, Neapolis, & Siciliæ Regem, omniumque provinciarum, ubivis terrarum Monarchiæ subjectarum, hæredem dominumque legitimum agnoscat; efficietque intra bimestre, ut, quidquid in Hispania, Indiis, Belgio, Sicilia Andegavenfis adhuc possidet, abductis copiis, Carolo III tradatur. Ni faciat Andegavenfis, Rex junctis cum fœderatis consiliis efficiet.

*Præliminaria  
fœderatorum  
Hageniæ.*



2. Rex omnes suas copias ex omnibus Monarchiæ provinciis quantocius avocabit, spondetque fide regia, se nulla auxilia rententi Andegavensi præbiturum.

3. Tota Monarchia genti Austriacæ adeo sit propria, ut nullus unquam Gallici generis Princeps quamcunque illius partem possideat.

4. A commerciis in Occidentali India Reges Franciæ abstineant.

5. Argentina, Kehla, Brisacum Imperio restituantur, uti etiam decem liberæ Imperii in Alsacia civitates, secundum normam pacis Westphalicæ & Recessus Norimbergenfis.

6. Quidquid est cis aut trans Rhenum munitionum, inde Basilea Philippoburgum usque, nominatim Hunninga, novum Brisacum, Ludovicium castrum, diruentur.

7. Rhenofelsa sit Hasso-Cassellani, nisi aliter conveniatur.

8. Controversia de quarto Riscvicensis pacis articulo ad generales tractatus remittitur.

9. Rex Christianissimus Annam agnoscat legitimam Britannicæ Reginam: uti etiam sancitam a Parlamento Protestanticæ stirpis successionem.

10. Quod in *Novæ Terræ* insula Galliæ fuit, Angliæ cedatur.

11. Dunkerkæ portus & munimenta solo æquentur.

12. Jacobus Stuartus e Gallia migrabit in locum, de quo in pacis tractatu conventum fuerit.

13. Lusitanicæ Rex, quæ cum fœderatis pactus est, quiete possideat.

14. Borussus Rex agnoscat Princeps Neocomensis & Valengini Comes.

15. Batavicæ Reipublicæ cedantur Furnæ, Knochia, Menina, Ipræ, Warnetonium, Comineum, Poperinga, Insulæ, Tornacum, Condæum, Malobodium, cum suis territoriis, sintque pro limite.

18. Iisdem superior Geldria e 12 Pacis Westphalicæ articulo attribuitur.

19. Cæteræ quoque Hispanici Belgii urbes illasæ restituantur, cum tormentis & penu bellica.

20. Hannoveranus pro Electore habeatur.

21. Ad Sabaudicæ Ducem Sabaudicæ Ducatus, Niciensis Comitatus, Exilla, Fenestrella, Calvomontium, Pragelensis vallis redeant. Sitque mons Genebræ limes.

22. Ele-

22. Electorum Bavarorum causa ad tractatum pacis rejicitur : quin tamen de Palatinatu superiore aliisque belli tempore a Cæsare alienatis quidquam mutetur.

23. Leodii, Bonnæ, Huyæ Batavica erunt præsidia : dum aliud cum Imperatore convenerit. Sitque fœderatis fas, alia adhuc postulare, quæ visum fuerit, quin propterea induciæ rumpantur.

24. Rex Galliæ, mox a subscripto Præliminari, 5 Junii evacua- bit Namurcum, Montes Hannoniæ, Caroloregium : 15 diebus post Luxemburgum, Condæum, Tornacum, Malobodium : usque ad 5 Julii Ipras, Furnas, Knockium, Neoportum.

25. Si bimestri omnia effectui data, totaque Monarchia Caro- lo III tradita fuerit, induciæ usque ad absolutionem pacis du- rabunt.

26. Hæc pro basi secuturæ pacificationis serviant, in qua de cæteris cessionibus, renuntiationibus, limitibus, &c. tractabitur.

27. 15 Junii Hagæ Generalis Legatorum Congressus instituetur.

Et hoc erat famosum illud Præliminare, quod, quamvis Bor-Dissolvitur. boniæ genti durissimum, verbis approbare visus est Colbertus, Tor- cyi Marchio, Franciæ Legatus : subscribere tamen noluit, eo quod insint quædam, quæ, nisi re prius cum Rege collata, potestatem suam transcendant. Iturum se quantocius Lutetiam, operamque daturum, ut subscribatur.

Rovillæus, alter Ludovici Regis Legatus, negabat, intra bi- mestre totam Hispaniam evacuari posse : nihil quidem omiffurum Regem, ut Philippus nepos consentiat, arma vero avum adversus nepotem, sanguinem suum, cum fœderatis conjungere, nimis inhum- anum fore. Sufficere utique, si nulli sit ipsi deinceps auxilio. Sed cum fœderatos in sententia obfirmatos cerneret, & ipse Parisios abiit : omniumque animi in belli prosecutionem versi sunt.

Et in Hispania quidem Carolus arctis Catalauniæ angustiiis velut conclusus tenebatur; Stahrenbergius tamen audendum aliquid ra- tus, cum ex Hispania avocatos a Rege Gallos intellexisset, *Aqui- lario*, qui Hispanos ducebat, obviam processit; illo vero prælium detestante, Balaguerium, munitum ad Segram oppidum, expu- gnavit, tribus Hispanorum cohortibus captis; lætus simul nuntio de Venasquo, non ignobili in Pyrenæa valle oppido, a Pueblæ Co- mite obsidione liberato, cæsis geminato conflictu facile mille ho- stibus.



Bellicose  
profec-  
tione.

Re Madritum nuntiata, Philippus ipse ad exercitum profectus est. Sed cum Stahrenbergium e munitis castris prolicere non posset, nihil memorabile est actum: nisi quod ex altero Catalauniæ latere cladis aliquid a Noallio, cum 12000 Gallorum Ruscinone adveniente, fuerit acceptum, caeso cum suo agmine Franckenbergio.

Ne majores progressus faceret Carolus, Stanhopius, dubiæ fidei homo, obstitit: qui geminam Anglorum classem, subsidio missam, cum Archithalassis, Jenningio & Bingio, Gades abduxit, urbem illam portumque non foederi, sed Anglicæ Nationi vindicaturus. (1709)

Annus 1710 Austriacis felix initium in Hispania habuit, pluribus victoriis nobile, sed tandem deficientibus a foederatis subsidiis, & expeditione in Castellam, pertinaciter semper aversam, cum grandi jactura suscepta, minus prospere finit.

Stahrenber-  
gii victoriæ.

Et quidem Stahrenbergius, summi Imperatoris laudem promeritus, Gallo-Hispanos primum ad *Almenaram* equestri prælio vicit, multis hostium cæsis; nec sterilis victoria fuit, compluribus Arragoniæ oppidis in potestatem venientibus. Villadarias, rei male gestæ reus, fasces Bayo Marchioni, non feliciore futuro, cedere debuit: Medinacælius vero Dux, Senatus Princeps, collusionis cum hoste postulatus, Segoviæ primum arctam in custodiam, dein Pampelonam traductus, interiit.

Saragossa  
capta.

Altera ad Cæsaraugustam (*Sarragossam*) victoria major & plenior fuit, cæsis aut vulneratis Andegavensium quinque millibus, reliquis fuga dispersis. Victoriæ præmium fuit Cæsaraugusta, seu *Sarragossa*, princeps Arragoniæ civitas, ac pleraque ejusdem provinciae oppida.

Bayus cum exercitus reliquiis ad Castellæ montes, Philippus vero deserto Madrito Vallisoletum se recepit, suppetias ab Avo expectaturus. Petiitque, *Vendomium* sibi mitti, qui tutelariorum velut Angelus fuit exceptus.

## Art. III.

*Stanhopii malo consilio suscipitur rursus expeditio Castellana.*

*Stanhopius captus. Stahrenbergii virtus.*

Fœderatos inter victores multa fuit consultatio, quo maxime <sup>145.</sup> fructu tantis victoriis uti oporteat. Plerisque visum, trepido fu- <sup>Deliberatio</sup> gentique hosti ocus insistendum: profligato milite facile urbes & fœd. provincias subactum iri. Quidam censebant, ad Pampelonam (quam Pompejopolim olim dixere) obsidendam extemplo eundum. Hanc dignum esse victoriæ præmium: ea siquidem in potestatem redacta, ocellusam iri Gallis, qua in Hispaniam suppetias veniant, januam.

Neutra sententia Stanhopio placuit: qui Castellam Madritum- que recta petendum statuit; gentis insensæ corpora ferro edomanda, ut animi pervicaces subigantur. Inhorruere ad id consilium, qui <sup>Stanhopii</sup> pertinacem viri indolem noverant, sapientiores Ductores reliqui. <sup>malum consilium.</sup> Perdi sic tempus, hostique, ut novis ex Gallia auxiliis exercitum reparet, spatium concedi. Infidam Castellam, & exitiali fœderati nominis odio flagrantem, subtrahaturam cibaria aut corrupturam. Neque Madritum aliquid ad victoriam momenti afferre: locum apertum, quam facile subeat, tam prompte, hoste imminente, deferi. Expeditionem Castellanam, quadriennio abhinc susceptam, satis utique documento esse, commodi nihil, detrimenti autem plurimum inde relatum.

Frustra argumenta. Stanhopius Dictatoria velut potestate profectionem Castellanam edicit, secessionem minitatus, ni Carolus se- <sup>Madritum</sup> quatur. Parendum igitur fuit, ne gravius noceret. Ingrediuntur <sup>moveret ex</sup> iter fœderati: medio Septembri ad Madritum castra consistunt. <sup>exercitus.</sup> Carolus Rex salutatur, urbe jam secundo in fidem recepta. Necquidquam expectatis Lusitanis ultra mensem otiose desidetur. Exesa regione deficient alimenta. Miles in rapinas effunditur. Nec sacris Deo templis a Protestantibus parcitur. Castellani in supremum iusti doloris sensum aguntur.

Imminente cum reparato exercitu Vendomio, & Noallio novas e Ruscinone in Cataloniam adducente copias, Carolus ad eam defendendam ex Castilia rediit, medio Decembri Barcinonem delatus, ubi magno civitatis gaudio fuit exceptus. Secutus brevi exercitus, postquam trimestri spatium, nullo tanti temporis & operæ pretio, Castellam est depastus.



Stanhop. vi-  
ctus captus-  
que a Ven-  
domio.

Cum inter Duces non conveniret, Stanhopius cum Anglicano suo milite a Stahrenbergio & Germanis secessit, suumque agmen seorsim duxit. Brihuegam, amplum murisque clausum oppidum ingressus, sui que tum maxime securus, a Vendomio, callidissimo Duce, cingitur; cumque incassum defensionem opposuisset, cum octo cohortibus Anglicis, una Lusitana, sex turmis, equis & armis, captivum se dedit, consilii sui de expeditione Castellana fructum expertus.

Pugna ad  
Villamvitio-  
sam.

Actum erat in Hispania de re Austriaca, si in Stahrenbergium & Germanos eadem incubuisset sive ignavia sive incuria. At ille, accepto de Stanhopii periculo nuntio, reflexo mox itinere, urbe jam sociisque captis supervenit: & quamvis paucioribus esset copiis, cruentum omnino ad *Villamvitiosam* prælium cum Vendomio conferuit. Certatum siquidem utrinque acerrime. Initia pugnae prosperiora erant Vendomio, finis Stahrenbergio favit. Nox prælium diremit. Stetitque ea nocte alteriusque diei parte Germanus in acie. Andegavensium sex millia, fœderatorum tria cecidisse feruntur.

Inter hæc, dum pernicioso Stanhopii consilio miles fœderatus in Castellanam expeditionem abripitur, Noallius cum novo exercitu e Ruscinone progressus, Gerundam (*Gironam*) amplæ ditionis & permunitam Catalauniæ urbem expugnavit; ut adeo, amissis jam ante Ilerda, Tortosa, Lampurdania &c., e magno Catalauniæ Principatu, præter Tarraconem & Barcinonem, parum superesset. Tanto nempe impendio unius hominis importunum pertinaxque consilium stetit.

Stahrenbergius, ad copiarum paucitatem redactus, ducto prælongo vallo, ad defensionem industriam retulit, donec novis ex Italia Angliaque viribus augeretur. (1710)

#### Art. IV.

*Nova pacis consilia & idea. Gertrudenbergæ Congressus. Anglo-Batavorum crises. Gallorum propositio.*

146.  
Consilia pa-  
cis.

Quamvis Præliminare Pacis, superiore anno Hagæ Comitum conceptum, evanesceret, nihilo tamen secius idem negotium hoc anno (1710) medio licet in belli strepitu rursus motum est. A Colberto ad Heinsum Pensionarium venerunt litteræ, quibus signi-  
ficabat,

scabat, dolere regi, quod illi Præliminarium articulo, quo de Andegavenſi Duce, communibus ſtudiis ex Hispania amovendo, tractatum eſt, non poſſit ſubſcribere. Mitioſorem fieri poſſe, ſi Rex ſpondeat, Nepotem ab avo nullo auxilio adju- tum iri: atque in fidei pignus Duacum, Carolomontium, Vinobergam pro obſidibus tradat: eſſi novum ſit, ante pacificationem pacem exequi.

Batavi, belli graviffimi pertæſi, & propter Minoricam, Gibraltariam, proprio velut jure infeſſas, Gadesque attentatas, Anglicæ navigationis æmuli, a pace minime erant alieni: quapropter contra aliorum fœderatorum ſententiam Lutetiam mittunt Betkumium. Is redux inde ad fœderatos retulit, Regem pacem ſerio optare, petere Conventum generalem: Gallicas ex Hispania deductas copias: viderint fœderati, qua ratione Andegavenſem ab Hispania deducant. Ut avus arma jungat in nepotem, nimium eſſe abhorrens: promptiſſimam fore viam, ſi Sicilia regnum pro Hispanico eidem attribueretur.

Reſecta hæc ſunt a fœderatis. Quapropter nova ad Betkumium miſſa eſt pacis formula: Rex mox a ſignata pace Carolum agnoſcet Nova pacis  
idea. Regem Hispaniæ, omniumque, ad eam pertinentium, provinciarum dominum. Nulla nepoti auxilia mittet: in pignus quatuor inſignes Belgii urbes tradet. Nullum Borbonii generis Principem ullam Hispanicam provinciam poſſidere patietur. Argentinam, decem liberas Aſiatæ civitates, & Briſacum reſtituet. Diruet, quidquid munimentorum a Baſilea Philippoburgum uſque exſtructum eſt. Haſſo-Caſſellanum agnoſcet Rhenofellæ Dominum, Hannoveranum Eleſtorem, Boruſſum Regem, Annam Reginam Britanniæ, Proteſtanticam ſtirpem legitimum hæredem. Angliſ, Bataviſ, Sabaudis, ex præliminarium formula ſatiſfaciet: id unum ſibi ſtipulatus, ne conditiones iſtas ante ſignatam pacem exequi cogatur, atque, ut duo Eleſtores Bavari reſtituantur in integrum.

Hiſ acceptis, placuit, Gallis Congreſſum addici, ea tamen conditione, ut præliminaribus a Rege ante tractationem ſubſcriberetur. Reſcriptum Pariſiſ, placere Regi Conventum, in quo de Andegavenſi tractetur: quoad reliqua, præliminaria ceu baſin ſubſternenda. Diſplicuit in hoc reſcripto, quod nulla fiat mentio de ſubſcribendis præliminaribus, iſſique exequendis. Quare Sinzendorffius Cæſariſ Legatus epiſtolam nullo dignam reſponſo cenſuit. Mitius ſenſerunt Penſionarius, & Buyſſius Senator Batavus: commeatusque litteras mittendas judicarunt.



*Gertrudenbergæ*, Hollandiæ oppidum Congressui locus deligitur. Buyssius & Dussenius interlocutores a Republica designati, qui Hamam ad commune consilium referrent.

*Gertrudenbergæ Congressus.*

Comparent sub medium Martii (1710) a Ludovico Rege Legati duo, Uxellius Marechallus, & Polignacus Abbas. Ille de pacis studio præfatus, alterutrum faciendum dixit: Andegavensem aut armis ab Hispania amovendum, aut conditionibus. Vi agerent fœderati, ut luberet. Ut avus in nepotem innocentem arma stringat, nec justitiæ, nec humanitati, nec regis honori esse consentaneum. Illum legitimo Caroli II testamento hæredem institutum; consultos de justitia causæ Juris peritissimos, Andegavensi Monarchiam adjudicasse. Ipsum Innocentium XII respondisse, renuntiatione Theresiæ Delphinum & Burgundiæ Ducem exclusos, ne simul Franciæ & Hispaniæ Reges essent, non autem postatos impediri, quo minus solum Hispaniæ regnum possideant. Suo nihilominus fato nepotem, nulla ope ab avo adjutum, relictum iri. Hujus promissi obsides quatuor munitas Flandriæ urbes daturum.

Subjecit Polignacus, abiturum regno Andegavensem, dummodo sit quo abeat, ut regiam dignitatem tueri possit. Facilem Europam bello liberandi viam fore, si Sicilia decoro receptui attribuat, Archiduci maneant cætera.

Quamvis autem hæc pugnare cum Præliminaribus Interlocutores dicerent, quibus tota Hispaniarum Monarchia cum omnibus suis partibus Carolo Archiduci tradenda statuatur; non tamen Anglo-Batavi ab ea propositione multum videbantur alieni: modo certum foret, Andegavensem ea conditione Hispania Indiisque decessurum.

*Anglo-Batavorum mens.*

Neque enim amore Domus Austriacæ bella ista gesserunt, tot classes, exercitus, pecunias contulerunt, sed ne Franciæ, alias præpotentis, vires nimium augeantur, tum maxime quia gens utraque nautica opulentis suis commerciis, velut animæ suæ timebat: quippe, ut alias observavimus, per indulgentiam posteriorum ex stirpe Austriaca Hispaniæ Regum, & desidia Hispanorum, præcipuos Americæ fructus Angli & Batavi decerpserunt. Formidabant, Borbonii generis Principem non eadem lenitate, & inertia futurum, sed Franciæ cognatæ exemplo & instinctu curaturum, ut Hispanis suis Gallisque amicis, quam exteris utiliore faciat Americam, classes ædificet, civium industriam ad mechanicas artes excitet, aureumque illud flumen, quod Londinum potissimam par-

tem

tem & Amstelodamum devolvebatur, in Hispaniam Galliamque derivetur.

Quapropter mercatoriam status sui rationem exigere arbitrabantur, omni ope sumptuque prohibere, ne Gallus Hispania & America potiatur: minus solliciti, quem Dominum Sicilia, aut etiam Neapolis, Sardinia, & Insabria sit habitura.

Aliam prorsus, istisque oppositam, rationem ineundam, sibi putavit Cæsar: Italiam videlicet propiorem provinciis Germanicis, atque ad mutuam defensionem magis opportunam, omnibus, quamvis amplissimis, ultramarinis terris præhabendam. Unde jam Leopoldus Imperator, cum partitionis ille typus excuderetur, Italiam pro semisse sua eligere maluit, quam totam reliquam Hispaniarum, per utrumque orbem porrectam Monarchiam.

Jam vero novam istam, propositam a Gallis, Monarchiæ sectionem, pugnare cum fœdere & præliminaribus initis. Nec minus periculosa fore: ex Sicilia etenim cuilibet vicino, Neapolis maxime Regi, formidini fore ejus gentis Regem: nec Germaniam & Hungariam satis securam, asseriebant Austriaci.

Disceptatum dein, num *generali* bello vindicanda sit a fœderatis Hispania, illud videlicet, prout hæcenus, partibus omnibus, Germania, Belgio, Italia, Hispania, Lusitania, gerendo, dum patefacta in ipsam Franciam via, Rex nepotem cogeretur evocare, atque adeo prout Eugenii & Marleburgi, militaris gloriæ appetentium, in Gallia debellaretur Hispania. An vero acceptis in pignus urbibus ex præliminarium typo pax ineunda cum Francia, tum vero belli vis universa ad depellendum Andegavensem converteretur. Allatæ in utramque partem grandes difficultates: nec quidquam conclusum: Hollandis pacis cupidine ab utraque abhorrentibus.

Hanc cum adverterent Galli arcum intendendum aliquantum rati, Siciliam, Sardiniam, & Hetruscos portus pro Hispania Philippo petunt: vel horum loco Arragoniæ regnum, aut alterius Principatus ditionem. Cæterum cursorem Lutetia rem attulisse, cum omnibus fœderatis communicandam. Cum autem Sinzendorffius maxime vehementi oratione, ad Heinsum, & geminos Interlocutores habita, acerrime omni Monarchiæ partitioni se opponeret, Franciæ Legati eo Regem descendere asseriebant, ut Sicilia & Sardinia pro nepote impetratis, nihil non sit acturus, ut cæterarum provinciarum quieta possessione potiatur Archidux. Voluntatem equidem nepotis non esse in manu avi, metuendumque, ne Castel-

Gallorum  
propositio.



iani eundem vel invitum detineant, aut Europæ ejectum in Americam abripiant: spem tamen esse, cessurum Avo suadenti. Nondat, quatuor præfiniendos menses: quibus elapsis, ni Hispaniæ renuntiet, Sicilia quoque & Sardinia excidisse judicandum, belloque a fœderatis cogendum. Ad id bellum (quod arma jungere impium censeat) quoad duraverit, certam pecuniæ summam Regem supeditaturum.

Hæc Legatorum oratio captiosa visa est fœderatis, graviterque rursus adversus eandem Sinzendorffius, velut meram ludificationem, detonuit: tandemque effecit, ut Legati a Batavia in Franciam remitterentur, acerbè conquesti, se Gertrudenbergæ velut in carcere conclusos, famosis libellis laceratos, litteras suas reclusas, aliisque indignis modis habitos.

Cum itaque Gertrudenbergensia pacis consilia evanescerent, bellum ubique fuit resumptum, eaque in Hispania anno 1710 gesta, quæ articulo superiore attigimus.

### Art. V.

147. *Conversio rerum post mortem Josephi Imperatoris. Fœderis hiatus per recessum Angliæ. Carolus Cæsar conditiones pacis proponit. Non placent Anglis. Catalaunorum oratio: discessus Imperatricis, & Stabrenbergii cum copiis. Catalauni soli resistunt, sed suo malo.*

Conversio  
rerum post  
mortem Jo-  
sephi Imp.

Mors Josephi Imperatoris, quæ 17 Aprilis 1711 majori Europæ parti luctum indixit, magnam animorum rerumque conversionem secum attulit. Anna Britannicæ Regina jam anno superiore ab Austriacis partibus alienior, in Gallicas inclinaverat. Jam vero, defuncto Imperatore, Duci Andegavensi Hispaniam designabat. Batavi vero satius esse ad Europæ securitatem putabant, si Carolus Archidux & in Germania, & Hispania imperaret.

Cum igitur Sinzendorffius classem, qua Carolus e Catalonia in Germaniam veheretur, a navalibus sociis peteret, Angli quidem facile consentiebant: Heinsius vero Pensionarius eum ex Hispania discessum non ita præcipitandum arbitrabatur. Germaniæ provincias Eleonoram matrem sapienter gubernaturam. Electorum suffragia prope manibus teneri, Capitulationem eandem cum Josephina fore.

fore. Ob discessum Regis Catalaunos, aliosque amicos populos, velut profligatis rebus animos cum armis abjecturos.

Verum Carolus, relicta Catalaunis Elisabetha conjuge in pignus certissimum, & Stahrenbergio belli imperatore, promissisque majoribus, quam hætenus acceperant, ex Germania subsidiis, 27 Sept. classe Anglica Barcinone solvit, felicique decem dierum tractu Genuam fuit ingressus; indeque ad acceptandam Imperii coronam in Germaniam profectus est.

Multa tunc, post Gerundæ jacturam & Cataloniae res in angustum redactas, de Hispania asserenda deliberatio. Classis Anglicana stabat quidem Olyssipone in anchoris, sed debilior erat, quam ut cum hostili, Gadibus hybernante, congredereetur. Occupavit Vendomius Venasum, commune pluribus annis Miqueletorum, ad rapinas excurrentium, receptaculum. Alia multo fortuna Galli ad Cardonam usi sunt, ab ejus oppugnatione cum strage depulsi. At vices reddiderunt Cæsareis ad Tortosam, quam hi a civibus vocati intercipere tentaverant: sed proditione detecta ita excepti sunt, ut cruentis cum capitibus viam reflecterent. Nec ultra quid per virium infirmitatem fuscipi poterat.

Quippe ingenti jam hiatu fatifcebat grande illud Europæ pro-Fæderis pe universæ adversus Borbonios fœdus, per quod tantæ hætenus <sup>hiatus,</sup> erant partæ victoriæ, redactaque ad veteres suos propemodum fines Gallia.

Anglia, potissima fœderis pars, prima defecit; non enim rationibus suis congruum ducebat, ut idem Imperator esset & Rex <sup>Per recessum</sup> Hispaniæ, ac formidanda redeat Caroli V potentia, quin imo <sup>Angliæ.</sup> major, Hungariæ quoque & Bohemiæ Regnis adaucta.

Oxfordiæ Comes regni thesaurarius, Bullimbrockius, & Rabyus Mylordus Staffordiæ Comes, qui Franciam penitus imbiberant, totius negotii instrumenta, Regina & Parlamento, (commissis inter se Wiglis & Torriis) in partes suas pertractis, pacis propositiones, a Gallis oblatas, quibus decretam a Parlamento successionem probant, Minoricam & Gibraltariam Anglis cedunt, Dunkerkam demoliiri spondent, audiendas putarunt, Hispaniam & Indias Andegavenfi relicturi. Indicitur Ultrajectum congressus generalis. Invitantur ab Anglis socii.

At illi, maxime Cæsar, hanc Britanniae secessionem ægerrime <sup>Marleburgo</sup> ferentes, omnem movent lapidem, ut Anglos ad fœdus, hætenus <sup>suffectus</sup> tam gloriosum, reducant. Verum isti, dominantibus trium viris, <sup>Ormondus.</sup> exauctorato Marleburgo, cujus singularis toto hoc bello fortitudo bel-  
lique



lique experientia per orbem inclaruit, *Butlerum Ormundæ Ducem*, Jacobo Stuardo addictum substituunt. Qui pugnam detrectans in Belgio Eugenium destituit; ut adeo ab eo tempore non modo fierentur fœderatorum victoriæ, sed res eorum omnino sint retro lapsæ.

Batavi, quamvis graviter ferrent privatam illam Anglorum cum Francis tractationem, atque illius vigore Andegavenſi cum America relinquî Hispaniam, Anglis vero Minoricam cum Gibraltaria, condixerunt nihilominus ad congressum Ultrajectensem, reclamante Cæsare. (1712)

Non levis tamen adhuc Gallos inter Anglosque fervebat disceptatio. Nam Regina cautum secure voluit, ne Galliæ & Hispaniæ regna unquam coalescerent. In id tandem conventum, ut Philippus, si Hispaniæ regnum velit retinere, jam nunc renuntiet coronæ Gallicæ, a qua nascendi ordine, sublati intra anni spatium tribus Delphinis, proxime aberat, solo Ludovico moderno Rege, bienni tunc infante, successionis jure præ Philippo ornato.

Carolus  
Imp. pacis  
conditiones  
proponit.

Hoc negotio Gallos inter Anglosque composito, Cæsar per Hoffmannum, Procuratorem suum Londini cum Oxfordio de pacis conditionibus egit. Itum per tres gradus; primo Hispaniæ Indiæque partem repetit Imperator, & jus extincta Andegavenſi stirpe in alteram partem succedendi; ex Italia autem, præter Neapolin & Mediolanum, Siciliam quoque & Hetruscis portus: jus creandi Equites Aurei Velleris, Burgundiæ innexum: Argentinam, ulterioremque Rhenum, prout ante Pacem Westph. ad Imperium pertinuit: tres denique Lotharingiæ Episcopatus.

His conditionibus rejectis, alterum gradum Hoffmannus promittit: Cæsarem Italia, Arragonia, Catalonia, Valentia, Ruscinone contentum fore. Hoc quoque exploso, ad tertium descensum: quo Cæsar petiit, Cataloniam saltem, de se tam bene meritam, pro libera Republica declarari.

Non placent  
Anglis.

Horum nihil placuit Anglis. Satis esse prospectum Europæ securitati, quod Hispania & Francia nunquam in unum regnum conflari possint. Cataloniam, si libera esset, bellorum sedem & vicinorum spoliū fore: qua enim ratione se defensuram, quam ne universi quidem fœderati præstare integram potuerint? Sat ei consultum videri, si præter amnestiam, antiqua privilegia retineat. Cætera ad Ultrajectensem pacificationem rejici.

Cæsar

Cæsar, cum cerneret, Cataloniam jam non posse porro defendi, Anglis, Lusitano, Sabaudò, inducias paciscentibus, pro Catalonia & Italia pariter easdem petiit, ea lege, ut Imperatrix, Aulica familia, Catalonia demigrare volentes, Anglica Jenningsii classe in Italiam devehantur: Catalonia vetera privilegia sint salva: post evacuatam Cataloniam induciæ in Italia etiam obtineant. (1712)

Cum autem Catalauni metuerent, ne ob suam in fide Domus Austriacæ constantiam, Borbonios difficiles experirentur in asserendis pristinis privilegiis & immunitatibus, quibus supra omnes Hispaniæ provincias fuerant potiti, Feranum Comitem Londinum & Hagam ablegarunt cum supplicibus litteris, ad fœderatos datis, quibus sua de fœdere merita commemorabant.

Se primos Carolum Archiducem, fœderatorum classe in Hispaniam appulsum, Regem salutasse: ad eripiendam Borboniis Barcinonem animos opemque attulisse: secutam totam provinciam. In ea urbe obsessum a se unis ferme propugnatum: victori Valentiam, Arragoniam, Castiliam suo exemplo & auxilio partam: legiones a se conscriptas, fortunas, argentea supellectili in monetam conflata, impensas: minas, populationes, cruciatus toleratos. post cladem ad Almanzam & Brihuegam a solis perfugium præbitum. Amisissâ Tortosa, Ilerda, Gerunda, insignibus provinciæ suæ urbibus, Barcinonem, Tarraconem, Cardonam, Ostalricum, adhuc dum defendi, & ad extremum defensum iri. An honorificum sibi putarent fœderati, ut focios, per octo jam annos tanta fide & constantia communem causam tuitos, privilegiis exutos, ad miseram servitutem detrudi patiantur?

Æqua petere Regiæ visi sunt. Sed responderunt Borboni: si ceteris Hispanis æquentur, Angliæ commendationi debituros; v tam, libertatem, fortunas salvas fore, aliud contumaces ne expectarent: id agerent potius, depositis armis regiæ clementiæ se submittrant quantocius.

Post inducias pro Catalonia & Italia anno superiore initas, Imperatrix mense primum Martio 1713 Barcinone Anglica classe discessit, dissimulato abitus die, ne vi retineretur. Tum vero Stahrembergius Mareschallus deferendæ Cataloniae mandata militibus exponit. Si cui Hispanorum Regis Caroli militiam aut fortunam sequi lubeat, classem Anglicam una conscendere esse integrum. Et conscendit voluntariorum exulum multitudo, quæ magnis dein- Recessus Imperatricis, Et copiarum.  
ceps Cæsari impensis stetit. Septembri primum Barcinone solum,



moras neſtentibus Anglis, ne Catalonicæ copiæ uſui eſſent ad Rhenum Cæſari.

Deferti a Cæſareis Catalauni, animoſo magis quam prudenti conſilio ſtatuunt, extrema potius omnia experiri, quam amiſſis pri-  
*Catalauni ad* defenſionem vilegiis, præ vita charioribus, idem cum Caſtellanis jugum ſubire.  
*ſe parant.* Armantur cives, in urbes migrant montani populi: militiæ Præfe-  
 ctos eligunt. Quidquid auri, argenti, gemmarum adhuc in facul-  
 tatibus, depromunt in medium, ut 20000 provincialium ali que-  
 ant: annonam conferunt, complent horrea; Miqueleti ad littorum  
 defenſionem navigiis impoſiti diſponuntur: ſtat omnibus firmum,  
 vitam pro libertate dependere.

*Obſidium* Sub ſinem Julii Barcino cincta eſt a Gallo - Hiſpanis obſidione,  
*Barcellona.* per integrum prope annum fortiter tolerata. Cum obſefforum vir-  
 tus omnia ſuperaret, graviorque obſefforibus damna inferret, Ber-  
 vicus in caſtra venit cum inſtrutiſſima claſſe & triginta Gallorum  
 millibus, ubique trinam oppugnationem admovet, qua vehemen-  
 tiorem vix ulla vidit ætas: ſed neque defenſionem pertinaciorem,  
 experimentum dante deſperatione, quas vires habeat. Quidquid  
 arma ferre poterat, laicis permixtus clerus, in ſtationes ſuas diviſi  
 tota vi obluſtantur.

Tandem vero, cum hoſtis propugnacula jam transcendiſſet, poſt  
 octo horarum continuum conſictum in has leges ſe dedere ſunt co-  
 acti. Res & vita eſſet ſalva: direptionem pecunia redimant. Mo-  
 nioviæ arcem, Cardonam, quæque tenerent alia, Philippo Regiſuo  
 ſubmitterent: Majoricenſes ad idem hortarentur.

*Wagn.*

*Expugnatur.*

Tum arma civibus erepta: introducta nova tribunalium & Ma-  
 giſtratum forma: urbis vexillum, ſenatorum ornamenta, privi-  
 legiorum tabulæ publico in foro per carnificem ignibus tradita: re-  
 bellionis, ut aiebant, capita ducesque, qui fuga evadere non po-  
 terant, ad perpetuos carceres damnati. Ad 60 ſacerdotes in exi-  
 lium miſſi. Majoricani pari virtute ſe defenderunt, pari ad extre-  
 mum eventu.

**Art. VI.***Pacificationis Ultrajectensis initium. Principum  
Postulata.*

Quamvis Ultrajecti de Europæ omnis prope fortunis decernebatur, quia tamen Hispana successio belli & pacis originem attulit, & de illius maxime mutilatione & provinciarum urbiumque in futurum statu agebatur, haud abs re fuerit, si pacis Ultrajectinæ historiam hic breviter pertexamus.

Convenere ad hunc, a Gallis Anglicisque delectum locum, a Rege Ludovico Nicolaus Uxellius, Franciæ Mareschallus, Argentinæ & Alsatia Gubernator, Melchior Abbas Polignacus, qui Gertrudenbergensi conventui jam interfuerant; additus Mesnagerus a Secretis. A Regina Angliæ Robinsonus, Bristolensis Episcopus, ac Staffordiæ Comes, qui Legatione ad Batavos fungebatur. Sincendorffius, & Mendoza, Legati Cæsarei, Hagam concesserunt.

Ultima Januarii 1712 primus Ultrajecti congressus est habitus, tribus Gallis, duobus Anglis, totidem Sabaudis, quatuor Batavis Legatis constans. Cæsarei, habita deliberatione Haga Ultrajectum se contulerunt, cum Lusitanis, Borussis, Palatinis, Hassis &c.

Galli pacis suæ typum primi protulere, cujus hæc sunt capita.

1. Franciæ Rex agnoscit Annam pro Regina Britannia, & statutam successionem pro legitima.

2. Dunkerkam pro æqua compensatione diruet: Insulas nempe & Tornacum pro ea recipiet.

3. S. Christophori insulam, sinum, fretum Hundsonium, Acadiam cum Portus Regalis munimento, Terræ Novæ insulam in America Septentrionali Anglis cedit.

4. Batavis Hispanici Belgii pars, nuper Bavaro ab Andegavenfi donata, sit pro limite; cui ampliando Rex de suo Ipras, Menfam, Furnas, Knockii castrum adjiciet. Eorum autem loco Duacum, Bouchainum, Ariam, S. Venantii Fanum recipiet.

5. Commercii ratio sit, quæ Risvicensi pace convenit. Cætera Nationes in Hispaniam, Indiamque, ut sub Caroli II mortem navigent.

6. Efficiet Rex, ut Andegavenfis jus omne in Neapolim, Sardiniam, Mediolanum abdicet, si Austriaci vicissim reliquas Monarchiæ partes abdicent; indeque copias mox deducant.



7. Nunquam Franciæ & Hispaniæ regna in unum coalescant.
8. Germaniæ limes Rhenanus idem esto, qui ante hoc bellum
9. Colonienfis & Bavarus Electores in integrum restituantur.
10. Rex Borussia Regem, Hannoveranum Electorem agnoscat.

11. Sabaudiam inter & Franciam pristinus limes figatur.

12. Idem in Lusitaniæ regno fiat.

13. Monasteriensis, Neomagensis, Riffvicensis, pacificationes vim suam obtineant, nisi quid hac pace derogetur.

Hic Gallorum typus pacis fœderatis displicuit, maxime vero Cæsari: qui Eugenium Principem in Angliam proterea Legatum misit, ut de proxima belli expeditione agat. Sed in Anglica Aula, quam triumviri versabant, in Gallos & pacem prona, nihil effectum.

Post varias autem dimicationes 5 Martii 1712 Fœderatorum Legati suorum pariter Principum postulata Ultrajecti produxere.

Et quidem *Cæsareus* Imperii nomine repetiit,

Singulorum  
postulata.

1. Quidquid per Monasteriensem, Neomagensem, Riffvicensem pacem a Gallis fuit detractum.

2. Circulorum Rhenensium securum limitem.

3. Lotharingiam, prout ante Carolum IV fuerat, a regio hominibus liberam.

4. Pro Domo Austriaca totam Monarchiam Hispaniarum, exceptis iis, de quibus cum Lusitano & Sabaudis convenerit.

*Anglus* præter ea, quæ privata transactione, de agnitione Regni, successionem Protestantica, Dunkerkæ demolitione, commerciorum commodis, Minorica & Gibraltaria, atque de Americæ Septentrionalis terris, sibi jam fuerat stipulatus, petiit insuper, ut Præterdicens longe a Galliæ finibus arceatur: sociis & amicis ex æquo satisfiat. Quartus pacis Riffvicensis de Religione articulus eradatur.

*Batavi* petierunt.

1. Ut Belgium Hispanicum, nominatim, quæ a Gallis adhuc dum possidebantur, Luxemburgum, Namurcum, Caroloregium, Neoportus Imperatori redderentur.

2. Bello vero per fœderatos acquisita, Menina, Insulæ, Duacum, Tornacum, Aria, Teroana, S. Venantium, Bethunia, Bouchainum, cum suis ditionibus, in plenum Batavorum dominium cedant.

3. Eodem proprietatis jure a Gallis Reipublicæ tradantur Furnæ, Dixmuda, Ipræ, Valencienæ, Warnetonium, Warvicum, Poperinga, Cassella, Condæum, Malobodium, cum horum territoriiis, tabulariis, & omni bellico apparatu.

4. Huyæ, Leodii, Bonnæ præsidia sint Batavica.

5. Commercia eadem, qua Risvicensi pace, sint ratione.

Ex quibus sane enormibus postulatis liquido patet, pro quo Angli & Batavi bellum gesserint: certe non pro Domo Austriacæ, sed pro se ipsis. Contestati fuerant initio fœderis, nihil de Monarchia Hispanica pro se petituros, sed id unum per fœdus & bellum spectare, ut impediant, ne Domus Borbonica, cum alias nimium, quam Europæ securitati expediat, potens, accessionibus augeatur: quapropter totam Monarchiam cum omnibus provinciis Carolo Archiduci asserturos. Sed finis ostendit, quam alia fuerit mens atque intentio.

*Lusitanus* postulavit, ut Tarraco, & extrema ad Amazonum flumen in Brasiliæ finibus regio, in perpetuam Lusitanorum ditio- nem cedat. Reliqua Monarchia Hispana soli Carolo restituatur.

*Borussus* Regium titulum, Auriacam hæreditatem, Neocomensem & Valanginum Comitatum, Geldriam item urbem cum territorio prætendit.

*Sabaudus* Hispanicam, post Domum Austriacam, successionem, Philippi IV testamento assertam: Nizzæ & Sabaudie Comitatus, Fenestrellam, Exillas, ac cis Genebram montem valles omnes: in compensationem vero tot munitionum dirutarum arcem Monoecii, Montis Delphini, Briansonis, Barrovii.

*Trevirensis* Associatorum Circulorum nomine limitem, ad Monasteriensis pacis normam, sibi vero urbem Trevirim, ac Saræpontum deposcit.

*Palatinus* superiorem Palatinatum:

*Würtembergensis*, cæterique fœderati, damnorum, bello illatorum, compensationem petierunt.

Ad hæc postulata respondit Polignacus 30 Martij, sibi a Rege commissam potestatem, superiorum pacificationum more, cum singulis seorsim transigendi. Placuit hæc ratio Anglis, non vero fœderatis cæteris: seorsim cum singulis paciscendo solvi unionem fœderatorum, quosdam largioribus conditionibus, relictis reliquis, in pacem privatam abstractum iri, exemplo pacificationis Neomagensis & Risvicensis pernicioso. Galli sub initium Maji se responsuros pollicentur.



Verum, dum legatorum singuli ad Principes suos referunt, variaeque Gallos inter Anglosque de abdicatione Philippi, de commerciiis, fœderatorum postulatis, cum variis legationibus & nova expeditione bellica intercederent, annus 1712 abiit, & primum 11 Aprilis 1713 Ultrajecti ad pacis conclusionem devenit. Neque tamen universalis illa fuit, sed solos inter Gallo-Hispanos ex una, & Anglos, Lusitanos, Boruffos, Sabaudos, Batavos, ex altera parte conclusa, Cæsare & Imperio, quibus usque ad 1 Junii tempus deliberandi datum, contra id genus pacem publice protestantibus. Transactionis autem hæc erat summa.

## Art. VII.

### Pax Ultrajectensis.

149.

1. Rex Christianissimus Hannoveranæ in Regnum Britanniae successioni (anno 1708 a Parlamento definitæ) nihil obstat.

2. Jacobo Stuardo, Jacobi II filio, nullum in ditionibus suis domicilium præbebit.

3. Cavebit, ne unquam sit idem Franciæ & Hispaniæ Rex: cujus conjunctionis metu bellum hoc maxime exarsit.

4. Ea de causa mutæ Andegavensis in Franciam, & Principum Regii sanguinis in Hispaniam renuntiationes, sacrosanctæ habentor.

5. Galli ex Hispano-Indico commercio non majoribus prærogativis aut emolumentis potiantur, ac Carolo II regnante.

6. Dunkerckæ portum quinque mensium spatio suis sumptibus Rex solo æquabit.

7. Restituet Anglis fretum Hundsonium, Insulam S. Christophori, Acadium, (seu Novam Scotiam) urbem Portus Regalis sic, ut incolis Canadensibus non nisi 30 leucis a litore sit piscatus, Insulam Terræ Novæ cum Placentiæ castro, sic tamen, ut neque Galli piscari, & pisces in aditis tuguriis desiccare prohibeantur.

8. Quartus articulus Ristvicensis de Religione ad normam Pacis Westph. redigatur.

Et hæc quidem Francia in favorem Angliæ concedere debuit, Philippus V vero Rex Hispaniæ multo plura his legibus:

1. Nigrorum mercatu Angli deinceps fruantur iisdem conditionibus, quibus Galli hucusque.

2. Gibralt.

2. Gibraltaria civitas, arx, portus Anglis cedantur, quin tamen agri quidpiam, vel cum vicinis commercii sibi arroget.
3. Minorica Insula cum portu Magonis pariter Anglis tradatur, ea tamen conditione, ne Judæis domicilium, aut Mauris pyrratis perfugium ibidem permittatur. Incolis vero libera sit religio, secundum leges tamen Angliæ.
4. Catalauni iisdem, quibus Castellani, legibus reguntur: abolitis tamen veteribus privilegiis.
5. Rex Catholicus Siciliæ Regnum Duci Sabaudia attribuat.

Præter Regnum Siciliæ *Dux Sabaudia* magna alia ex hac pace emolumenta retulit. Nempe

1. Restituet Francia Comitatus Sabaudia & Nizza:
2. Valles, Pragelanam, Ulsiam, Sefanæ, Bardonachæ.
3. Cedet munimenta Exillæ & Fenestrellæ, Montis Delphini, ut adeo summa montium juga pro limite sint, ulterior vero Barceloneta Vallis sit juris Gallici.
4. Ex Mediolanensi agro pars Alexandrinæ & Valentinae ditioris, cum Langarum feudis, & Vigevano, Duci obveniat, sub sponfione Galliæ, Hispaniæ, & Angliæ.
5. Cum Siciliæ regno Regium titulum consequatur.
6. Extincta Andegavenfi stirpe Dux in omnes Hispani regis ditiones succedat.

Rex *Lusitania* his conditionibus pacem iniit:

1. Francia nihil juris habeat in terras, flumen inter Amazonium & Pinsonium ad caput usque Boreale porrectas.
2. Litus Amazonium utrumque Lusitanici juris esto.
3. Nec Galli trans Pinsonis fluvium, nec Lusitani Cajenam negotientur.

*Borussus* his legibus accessit:

1. Copias omnes, adversus Franciam adhibitas, domum revocabit, excepta rata parte, quam Imperio debet.
2. Eidem Geldria civitas cum amplissimis Dynastiis, salva tamen Catholica Religione, asseritur.
3. Comitatus item Neocomensis, & Valengini supremus dominatus.

4. Auriacum



4. Auriacum Principatum cum annexis in Francia & Burgundia fundis in Regem Galliae transfert, receptis tamen ab eo quatuor millionibus librarum.

5. Fas tamen ei sit, Auriaci Principatus titulum & insignia gerere.

6. Hujus pacis vindex & sponfor esto Britannia.

*Batavi his conditionibus a Cæsaris & Imperii partibus fuerunt abstracti.*

1. Eorum bono Austriacæ Domui ceditur Belgium Hispanicum, quale sub mortem Caroli II fuit:

2. Galliae autem Rex insuper Imperatori cedat Tornacum, Meninam, Knockium, Ipras, Duxmidam.

3. Luxemburgum vero, Namurcum, Carolo-regium, Neoportum, Batavi suis praesidiis occupent, servatis tamen Bavariae Electori fructibus, donec in integrum restituatur. Reliqua concernunt commercium Batavorum.

Alius postea tractatus de Limitaneis urbibus, quas ad suæ Republicæ securitatem Batavi praesidiis custodiant, anno 1715 cum Cæsare fuit initus.

Tandem etiam Cæsari & Imperio oblata pax est, qualem Galliae Anglique conceperant:

1. A subscripta pace Archidux Carolus Imperator, Dux Hannoveranus Elector saluator.

2. Germaniae fines iidem sint, qui a pace Riscvicensi, videlicet, ut Rhenus ditionis utriusque sit medius.

3. Brisacum & Kehla Imperio restituuntur.

4. Ludoviciana munitio, & alia ad Rhenum munimenta diruuntur.

5. Landavia Austriaci juris esto.

6. Regnum Neapolitanum, cum quatuor Hetruscis portubus, Imperatori relinquatur:

7. Prout etiam Ducatus Mediolanensis, iis exceptis, quæ anno 1703 Duci Sabaudiae pacto sunt cessa.

8. Belgium Hispanicum Imperator iis conditionibus obtineat, quas limitis causa cum Batavis inierit.

9. Urbs Geldria cum annexis dynastiis Regi Borussiae traditor.

10. Colo-

10. Colonienſi dignitas, Eleſtoralis, ſacerdotia, prærogativæ priſtinæ reſtituuntur.

11. Bonna diruitur. Leodium & Huyæ Batavico præſidio tenentur.

12. Bavaro vero Eleſtori diſſio omnis, ut ante bellum, reſtituitur: ſuperiore Palatinatu excepto. (*mutatum in pace Badenſi*).

13. In hujus compenſationem idem Eleſtor Sardinia Rex eſto. (*pariter mutatum*)

14. Luxemburgi & Namurci proventus interim percipiat, donec reapſe poſſeſſionem Sardinia inierit.

15. Amneſtia ad Hiſpanos, Italos, & quamvis Nationem pertineat.

16. Urſina Principi in agro Luxemburgenſi vel Limburgenſi fundus quipiam Principatus titulo cum 30000 Scutatorum proventu ſignator.

17. Has conditiones niſi Imperator uſque ad calendas Junias acceptet, bellum habeto.

Cur Principi Urſina Principatus fuerit designatus in Belgio, inde eſt; quod illa (Tremovillii Principis filia, ac Flavii Urſini, Bracciani Ducis, vidua) diu in aula Madritenſi verſata, & tam aulam ipſam, quam regios liberos moderata, eam apud Philippum V. meritis gratiam, ut in meritorum præmium Ducatum Limburgensem in Belgio eidem donaret. Quapropter Aula Madritenſis, & Pariſina in hac pacificatione vehementer inſtitit, ut Caſari, cui cediendum erat Belgium, onus imponeretur, erigendi huic ſemina Principatum, qui 30000 Scutatorum annuos proventus ferret.

Ludovicus XIV hac pace id eſt conſecutus, ut Nepotem Hiſpania Regem videret. Sed ad hoc opus non erat bello, quod tanto hominum auriſque impendio ſtetit, quo Chriſtiani fines ad Indias uſque proferri potuiſſent: quippe Leopoldus Imperator, partitione illa Hagenſi, ante Caroli II mortem facta, adactus, totam Hiſpaniam, cum Minorica, Gibraltaria, Indiisſue relinquere Borboniis voluit, ſola ſibi Italia ſervata, & Belgio, quibus ſi Ludovicus fuiſſet contentus, haud paulo majori Inviſi Herois gloria obliſſet: nec vidiffet, Franciam ſuam tot clades immanes paſſam, & in ſumma adductam diſcrimina. Sed voluere Superi, ut utraque fortuna ſummum Principem probaret.



## Art. VIII.

*Magnatum promotiones. Alberonii noxia molimina novum bellum concitant. Invasa Sardinia. Et Sicilia. Classis Hispana bis victa. Alberonii postulata. Dissensio cum Papa. Gallia contra Hisp. Expeditio in Scotiam infausta.*

150.  
Del Judice.

Anno 1715 Cardinalis Franciscus de *Judice*, natus quidem Neapoli, oriundus autem Genua, qui gratia Regis exciderat, ita cum eo est conciliatus, ut non modo primus Aulæ Minister, sed supremus etiam Asturiæ Principis Moderator sit constitutus. Verum anno sequenti dignitatibus istis rursus fuit exutus.

Picus.

Franciscus Maria *Picus*, quod Philippi V partes esset secutus, amisit *Mirandolam*, quam Cæsar anno 1711 Duci Mutinæ vendidit. *Picus* in Hispania propterea hoc anno supremus Stabuli Præfectus est renuntiatus, attributis in annos singulos 36000 aureis. Cellamarius vero Neapolitanus pariter in Hispaniam discessit, missusque est Legatus in Galliam.

Loco P. Robineti Confessarius Regis lectus est P. Daubenton S. J.

Postquam Rex Philippus ope Gallorum Barcinonem cum reliqua Catalaunia in suam potestatem redegerat, multi in Majoricam fugerunt, ut Insulam illam defenderent, sed classe Gallica juvante fuit expugnata; exspectato frustra Neapoli auxilio.

Anno 1716 Jacobus Dux de Bervick, Jacobi II Angliæ Regis filius naturalis, Marechallus Franciæ, rebus bello præclare gestis notissimus, filio suo ejusdem nominis Principatum *Liria* in Regno Valentiniæ situm, cessit. Unde postea dictus fuit *Dux de Liria*, frequentioribus legationibus adhibitus.

Unica classe hoc anno decem thalerorum milliones ex America advecti dicuntur.

Anno 1717 novum subito & inexpectatum prorsus bellum ab Hispania erupit. Venetis classẽ validam adversus Turcas missus erat Rex, decimasque etiam Ecclesiasticas, per Hispaniam colligendas a Papa obtinuerat.

Sardinia invasa.

At perverso Cardinalis Alberoni consilio classis illa, quam Marchio de Leede ducebat, reflexo itinere *Sardiniam* invasit, Cæsarique, in bellum Turcicum tunc abstracto, eripuit.

Tota

Tota Europa tam improvise irruptione attonita causas requirebat, quæ Regem Catholicum, alias pientissimum, ad tam inopinatum bellum potuissent impellere. Necdum equidem Cæsarem inter & Hispanum pax erat composita; Molines Hispanus, Auditor Rotæ Romanæ, fuerat interceptus, & in Castellum Mediolanense abductus. Querebantur de adjutis post Pacem Risivicensem Catalaunis & Majoricanis. Sed hæc, qualiacunque fuerint, visa non erant tanti, ut propterea Cæsarem e mediis adversus juratum hostem Christiani nominis relatis victoriis avelli oportuerit.

Clemens ipse Papa XI per litteras ad Regem datas paterne conquestus est. Non dubitasse se dicebat, naves expeditas cum Christiana classe fore conjungendas adversus Turcam; summo autem cum dolore acceptum nuntium, Regem a malevolis deceptum in Christianos arma convertisse: de quo facinore supremo Domino sit reddenda ratio, a malignis maxime consiliariis: neque enim, quod fides Regi data forte videatur violata, Deo datam esse frangendam. Rogat dein Pontifex paterneque monet, ut arma adversus Muselmannos vertat.

Verum *Alberonius*, telam pertexendam ratus, adversus potentissimos Europæ Monarchas, Imperatorem, Regesque Galliæ & *Alberonii* Angliæ, qui per fœdus Londinense coiverant, viribus suis confusus, molimina bellum profequi statuit.

Igitur anno 1718 *Archithalassus Castagneta*, 40 bellicis, & 400 minoribus armatus navibus, Siciliam, quam Pax Ultrajectensis In Siciliam. Duci Sabaudia addixerat, invasit, atque ad Panormum ad triginta militum millia, quibus *Marchio Leedeus* præerat, exposuit, qui mox viginti Siculorum millibus, ad Hispanos confluentium, aucti sunt.

Tantæ moli resistere non poterat *Maffeus*, Prorex Sabaudicus; sed præter *Messinam*, *Syracusas*, *Trepanum*, & *Melassum* tota Insula in Hispanorum potestatem venit.

Verum mox Hispanica classis ingens vulnus accepit. Nam *Bingsius* Angliæ classis Præfectus, assumptis ex regno Neapolitano Classis Hisp. sex Cæsareorum millibus cum 21 bellicis Siciliam versus navigabis victa. vit. 11 Aug. consertum navale prælium haud procul *Syraculis*, continuatum 13<sup>ta</sup>. inter Siciliam & *Melitam*, tanta Hispanorum strage, ut sex eorum naves penitus conflagrarent, 14 sint ab Anglis captæ, reliquæ dispersæ. Captivorum numerum ipse classis Præfectus *Castagneta* auxit, atque haud multo post *Catanæ* ex vulnere decessit.



Postulata  
Alberonii.

Post tantam nihilominus cladem Hispani in Sicilia Messinam hoc eodem anno expugnarunt; tantosque adhucdum Alberonius gerebat spiritus, ut quadruplicis fœderis sociis has condiciones proposuerit.

I. Sicilia & Sardinia Hispaniæ perpetuo incorporatæ sunt.

II. Cæsar Duci Sabaudia ex Ducatu Mediolanensi pro Sicilia æquivalentem portionem cedit.

III. Italia Principibus satisfactio præstator.

IV. Cæsar's copiæ, in Italiam missæ, revocantur.

V. Cæsar in Italicis suis provinciis milites ultra certum numerum non habeto.

VI. Nec successioni in Ducatibus Florentino & Parmensi se immisceito.

VII. Nec eos pro feudis Imperii habeto.

VIII. Rex Angliæ classem suam ex Mediterraneo quamprimum revocato.

Dissensio  
cum Papa.

Mirabatur orbis, qua ratione Hispania, post pacem Ultrajectensem, in id genus consilia potuerit abripi, ut contra potentissimos Europæ Monarchas, per fœdus quadruplex unitos, viribus maritimis gemina gravi clade jam fractis, potuerit insurgere; præsertim cum & Sabaudus propter Siciliam accessisset hostis, & barbari Marochiani in Africa Ceutam oppugnarent, quin & cum summo Pontifice gravis dissensio intercessisset.

Siquidem ille, indignatione adversus Cardinalem Alberonium, propter motum bellum concepta, ad Archiepiscopatum Hispalensem, a Rege nominatum, instituere detrectavit, inhibuitque, ne decimæ Ecclesiasticæ, propter bellum Turcicum indultæ, adversus Christianos impenderentur.

Quare ab Aula Hispana Nuntio Apostolico datum abeundi consilium; Hispani Roma advocati, sublatum commercium, prohibita Annata, incentore Alberonio, S R. E. Cardinale.

Anno 1719 Mercius 15000 armatorum in Siciliam duxit, Messinam obsidione liberavit, commissoque prælio, in quo, ancipiti victoria, multi, etiam Duces, ceciderunt, Messinæ castella expugnavit.

Gallia contra  
Hispaniam.

Gallia quoque, indicto vigore quadruplicis fœderis Hispanis bello, missoque cum exercitu Bervickio, superatis Pyrenæis Biscagam invasit, atque Fontarabiam cum Fano S. Sebastiani expugnavit. Adversus Gallos Rex Philippus ipse expeditionem suscepit, persuasus ab Alberonio, qui eum comitatus est, adversus primum Regii sanguinis

nis Principem nullum Gallum pugnaturum. Sed per mortem Ludovici XIV scissum fuerat vinculum, quo Regnum utrumque erat colligatum.

Alberonius, ut Anglos diverteret, expeditionem in Scotiam adornavit, accersito etiam Jacobo Stuardo, exule Rege Angliæ, quem *Prætendentem* vocant. Aderant Coronnæ, Gadibus, aliisque Hispaniæ portibus paratæ multæ naves, sed pelago immissæ ventorum turbine disjectæ sunt pleræque, paucis ad Scotiæ litora appulsis: ubi expositis aliquot centenis militibus, frustra expectabantur Scottorum auxilia; ac proin etiam hæc expeditio finem suum non obtinuit; quin imo Anglos excivit, ut Galliciam invaderent & spoliarent. Jacobus vero Rex, spe sua frustrata, Romam rediit.

### Art. IX.

#### *Alberonii ruina. Ejus vita. Hispaniæ mutatio. Africana expeditio.*

Tandem vero sub finem hujus anni rerum scena penitus est immutata. Quippe Rex Philippus, cum experientia nimium pretiosa didicisset, quo Alberonii inquietis consiliis esset præcipitatus, quot amissæ classes, quot hominum millia cæsa, quot auri milliones projecti, quot expeditiones frustratæ, ac denique cum potentissimis hostibus adhuc esset depugnandum, aliam omnino rationem sibi ineundam duxit.

Ab auctore tot calamitatum factum initium, Alberonio, inquam, Alberonius cui primum Aula, tum vero tota Hispania fuit interdictum. Excedendum igitur fuit illico, amissis amplissimis, quas in Hispania obtinuerat, Dignitatibus & fortunæ opibus, atque, ne quidem salutatis Rege & Regina, repetenda Italia, natalis patria.

Natus siquidem fuit Julius Alberonius Placentiæ anno 1664, patre hortulano, cui adolescens operam navabat, postea vero studiis. Presbyteratus Ordine suscepto nepoti Archiepiscopi Placentini præceptor est adhibitus. Innotescens hac occasione Duci Venetiarum, qui Gallicis in Italia copiis præerat, anno 1706.

Ab eo in Galliam, atque ad expeditionem Belgicam ductus fuit, inde vere anno 1710 ad Hispaniam. Ubi apud Philippum Regem ita se insinuare noverat, ut in variis tractandis negotiis ejus opera ute-



retur, maxime anno 1714 in contrahendis sponfalibus cum Elisabetha, Parmensi Principe.

Negotiis istis feliciter confectis tantam apud Regem & præsertim Reginam, popularem suam, iniit gratiam, ut primum Episcopus Malacensis, dein vero Archiepiscopus Hispalensis, quin & primus Minister regni sit renuntiatus. Summus Pontifex purpuram addidit, rei Catholicæ profuturam ratus. Sed, quod vidimus, vehementer sua eum spes fefellit.

Mirabitur fortasse quispiam, qua ratione Hispania, quæ tempore Caroli II penitus jacebat, & nec uni hosti retundendo par erat, terrestri & maritima potentia languente, nunc vero decem annorum bello exhausta, potuerit geminam prævalidam classem mari committere, simulque terrestrem exercitum geminum hinc Gallis in Biscaya, illinc Cæsareis, Anglicis, Sabaudicis copiis in Mediterraneis Insulis opponere: si quis, inquam, hoc miretur, is apud se perpendat, velim, ingens discrimen gubernationem inter novam & antiquam, præsertim, quam despoticam rationem regendi tenuerit Alberonius, qui non minore potestate Hispaniam, quam Richelius olim aut Mazarinus Galliam, moderabatur.

Is enim Provinciarum privilegia, & grandes pensiones sustulit, atque Collegia in aliam formam redegit, flumen argenteum, alio derivatum, mutato alveo in Hispaniam direxit, Indiasque, quarum opes ad externos fluxerant, excitata Hispanorum ignavia, erectisque fabricis, domino suo fœcundas esse voluit, uberrima gaza inde advecta; privatorum denique pinguedine ærarium publicum saginavit, Grandesque Hispaniæ eo permovit, ut propriis sumptibus milites legerent, navesque fabricarent. Quibus aliisque artibus effecit, ut, demptis etiam Italicis Belgicisque provinciis, major esset Hispaniæ terra marique potentia, quam ante a centum annis fuerit. Sed hæ ipsæ artes grande illi apud Hispanos externosque odium conciverant, ut omnes ejus casum lætis oculis aspicerent, moxque revocati pristinis suis muneribus restituerentur, quos exules fecerat.

Porro Cardinalis Alberonius post suum ex Hispania discessum in ditione Genuensi adeo clam latuit, ut diu nemo sciret, quo devenisset; tandem vero detectus, a Pontifice, rationem redditurus, Romam citatus est. Sed, male fortassis sibi conscius comparere noluit, nec Genuenses eum volebant adigere. Anno dein 1721 mortuo Clemente XI invitatus a Cardinalibus ad Conclave, datis securitatis litteris, comparuit. Electo Pontifice jussus est Romæ subsistere,

Mutatio  
Hisp.

Alberonii  
fata.

stere, & exitum sui processus expectare. Tandemque post multa utrinque ventilata ad commorationem aliquot mensium in monasterio condemnatus est, documento futuris posteris, quam noxius sit zelus, qui non est secundum scientiam.

Dejecto a potestatis apice Alberonio, suffectoque in ejus locum Marchione *Grimaldo*, Rex consilium iniit, qua ratione tantis turbis sese evolveret. Nihil visum opportunius, quam accedere ad Fœdus Quadruplex, quieti Europæ intentum. Subscripsit proin illi 26 Jan. 1720. Revocatus cum milite ex Sicilia Leedenfis; tradita illa Cæsari, Sardinia vero Duci Sabaudia.

Reducta, finito bello Italico, videri poterat pax Europæ; at hærebatur adhuc Hispaniæ spina, quam evulsam magnopere cupiebat. Incubare nempe Anglos Minoricæ & Gibraltariæ æquo animo ferre non poterat, easque omni occasione repetebat. Gallia tot milliones, in bellum successionis Hispanicæ impensos, compensari optabat, tantaque erat ultro citroque prætensionum farrago, præsertim circa successionem in Ducatu Florentino & Parmensi, ut ad pacem universalem firmiter concludendam, novo congressu opus videretur, qui sub finem hujus anni 1720 *Cameracum* fuit indictus.

Metum interea novum injiciebat novus in Hispania belli apparatus. Traductæ ex Sicilia copiæ, multisque incrementis auctæ, Africana suspicionem ingerebant, Gibraltariam peti. Et fortassis fuisset hæc expeditio. meta, nisi provide vigilasset Anglia. Suscepta autem, ductore eodem, qui in Sicilia imperaverat, Marchione Leedenfi, in Africam fuit expeditio, ubi Imperator Marochii jam a 26 annis Septam, seu Ceutam obsessam habuerat. Ter cum barbaris dimicatum, ter cæsi sunt, sed identidem majori numero reversi. Cum igitur exiguus esset victoriarum fructus, imposito Septæ quinque millium præsidio, copiæ in Hispaniam anno sequenti (1721) sunt revocatæ, eo quidem operæ pretio, ut tres, ut fertur, thalerorum milliones & 5000 capita huic bello Africano sint immolata. Nam Barbari, prout ante, rursus obsederunt Septam.

Causa eventus minus felix refertur in Duces quosdam Hispanos, quorum æmulatio & invidia graviter ferebat, Marchionem de Leede, hominem exterum (Belgam videlicet) *Grandem* Hispaniæ primæ classis, Cataloniae Governatorem, & supremum belli, Italici & Africani, Ducem fuisse creatum. Jacturam, utroque bello incursum solata est classis Indica, argento auroque onusta, ad viginti thalerorum milliones æstimata.

Art.



## Art. X.

*Tergemina sponsalia Borbonica. Cameracensis congressus.*  
*Pax bello similior. Philippus V abdicat coronam,*  
*eamque resumit, mortuo Ludovico filio.*

152.

Tergemina  
sponsalia.

Hispania, pro qua sanguini suo asserenda tam grave, diuturnum ac pretiosum bellum gesserat Ludovicus XIV, post hujus mortem separatas a Gallia rationes iniiit; quin bello etiam fuerunt collisæ. At vero anno 1721 ad finem vergente, arctiori rursus vinculo sunt colligatæ. Factum id est tergeminis sponsalibus. Primo contractæ sunt a Rege Ludovico XV cum Anna Victoria, Philippi V filia ex secundo matrimonio, quæ tres duntaxat annos erat nata, & sequenti anno Versaliam, ut ibi educetur, fuit abducta.

Altera sponsalia sunt inita inter Ludovicum, Principem Asturiæ, filium Philippi V natu maximum, ex primo matrimonio susceptum, & Elisabetham Mompenseriam, Ducis Aurelianensis, Galliæ Regentis filiam seniore. Ille 14, hæc 12 annos ætatis habebat.

Tertium contractum sponsaliticium celebrarunt, Carolus, Hispaniæ Regis primus filius, ex secundo matrimonio, videlicet ex Elisabetha Parmensi progenitus, & Philippina Bellijocensis (*de Beaujolois*) Ducis Aurelianensis juniore filia. Ille quintum, hæc septimum ætatis annum agebat. Ab eo proin tempore communes utriusque regni erant rationes, Cæsare Angloque, ut æquilibrium fervetur, altera in lance positis. Verum hæc pacta sponsalitia destituit constantia.

Cameracensis  
congressus.

*Cameracensis Congressus*, hoc anno cœptus, parum ad rei summam proficiebat. Cæsar postulabat, ut non modo Philippus Rex, sed etiam Ordines Hispaniæ renuntiarent omnibus provinciis, quas Cæsar in Italia & Belgio possidebat. Francia voluit, ut aliqua fieret compensatio pro sumptibus in bellum successionis impensis. Anglia Minoricam & Gibraltariam sibi in perpetuum assertam optabat. Hispania vero quoad hæc omnia in partem oppositam nitebatur. Difficultates quoque circa successionem Caroli Principis in Ducatus Florentinum & Parmensem congressum fatigabant. Cæsar tanquam feuda Imperii conferre illos volebat: pro Carolo ceu bona allodialia sunt petiti.

Ut autem in omnes casus Hispania expedita foret, finitis licet bellis armabatur, statuitque, pacis etiam tempore 70000 virorum alere,

alere, interque eos 54000 peditum, & 16000 equitum, quibus Leedesius præfesset. Sumptus autem potissimum præbebat gaza Indica, ex America quot annis advehi solita, quaque melius in rem suam Rex uti didicerat.

Anno 1722 orbis universus pacem habuit, talem nihilominus, <sup>Pax bello</sup> quæ damnofo bello non esset abfimilis; cum enim Cameracum <sup>similis.</sup> animos in concordiam reducere non posset, ingentes ubique provincias premebant exercitus, æquora classibus tegebantur, & majores adhuc in dies delectus fiebant.

Quamvis enim Philippus iis, quas Cæsar in Italia possidebat, quasque Fœdus Quadruplex ei addixerat, provinciis renuntiaret: circa Ducatus tamen Florentinum & Parmensem, prout etiam circa ea, quæ Anglia de Monarchia Hispanica decerpserat, adhuc hærebat controversia. Sed neque sequenti anno 1723 promotum magis Cameracense negotium, tabellariis frustra Europæ aulas percurstantibus. Cæterum hoc anno Patri Daubenton, Confessario Regis, suffectus est P. Bermudez S. J.

Anno 1724 rarum orbi moderationis exemplum præbuit Philippus V Rex Hispaniæ. Curarum is, quas regnum invehit, <sup>Abdicatio</sup> per-<sup>Regis.</sup> cæsus, atque solitudinis sacræ appetens, coronam deposuit, eamque in Ludovicum, Asturiæ Principem transtulit. Atque sic regno omni abdicato in Castrum S. Ildephonsi cum conjuge Parmensi secessit, certam pecuniam pro annua sustentatione pactus; quamvis nondumtaxat ætatis annos expleffet. Quidam longe alio hanc abdicationem sunt interpretati; dum Gallicum diadema ipsum, ceu proximum Ludovici XIV sanguinem, prensaturum dicerent, si quid nepoti Ludovico XV humanitus contingeret. Neque enim hac ratione conjungendum Regnum Galliæ & Hispaniæ in uno capite.

Verum causas hujus abdicationis Rex ipse 15 Jan. aulæ suæ manifestavit: se miseras hujus vitæ satis expendisse, memorabat, atque calamitates bellorum a 20 jam annis nimium quantum expertum. Ludovicum, filium suum natu maximum, ea jam esse ætate (17 annos numerabat) ut regni habenas possit capeffere: se proin Monarchiæ Hispaniæ renuntiare, eamque Ludovico cedere. Statutum sibi esse, in Castro S. Ildephonsi Deo soli servire, mortem meditari, omnemque curam salutis suæ æternæ impendere.

*Datum ad S. Ildephonsi 15 Jan. 1724.*



Valedixit proin Philippus aulae, solo Marchione Grimaldo, P. Bermudez Confessario, & modicissimo famulatu secum retento. Nec amplius *Majestatis* nomine compellari voluit, sed *Philippus Borbonius*. Sequebatur Elisabetha Conjux, exiguo pariter cum comitatu.

Ex ea solitudine Philippus filio suo Regi scripsit epistolam, documentis vere Christianis plenam, illumque paterne inter alia est hortatus, sacram Inquisitionem tueretur, Religionem Catholicam in toto regno puram integramque conservaret, subditos oneribus levaret, exemplum S. Ferdinandi Hispaniae & S. Ludovici Galliae Regis imitaretur, eosque sibi ideam proponeret.

Coronam  
refumit.

Respondit Rex Ludovicus, ut filium decet, regnumque magna cum laude est auspicatus. Verum, prout fert inconstans rerum humanarum conditio, intra eundem adhuc annum funus erat, 31 Aug. variolis extinctus, ne octo quidem regni mensibus expletis.

Pridie mortis coronam patri reddidit, qui contestatus est, se non nisi necessitate & precibus regni Ordinum compulsus eandem recipere, cum nullus ex filiis sit ea aetate, ut posset illam gestare: simulque Ferdinandum secundo genitum cum Statuum consensu Principem Asturiae, cui jus est thronum vacuum occupandi, renuntiavit.

Cameraci idem, qui prioribus annis, nodus manebat intrinsecus, imo magis implicabatur.

## Art. XI.

*Nova rerum scena per nova sponsalia. Pax Viennensis. Mors Ledæi, Landi, Paceci. Porti Belli obsessio. Ripperdæ Ruina. Ejus vita. Gibraltariæ obsidio. Aquisgran. & Cameracensis congressus.*

153.

Nova scena.

Anno 1725 penitus rursus eversa est in Europa rerum scena. Rex Galliae, annos pubertatis adeptus, remisit in Hispaniam Annam Victoriam, sponsam suam, Philippi V filiam. Quare irritatus Rex Francicas quoque foeminas, Elisabetham, Ludovici Regis viduam, & Philippinam, Caroli Principis Regii sponsam, Ducis Arelanensis defuncti filias, in Galliam remisit.

Con.

Conversi mox in Lusitaniam Hispaniæ oculi, contractaque gemit Nova sponsa de futuro sponsalia, nempe inter Josephum Emanuele Principem Brasiliæ, Joannis V Lusitanæ Regis filium, & prædictam Annam Vi-  
etoriam: atque inter Ferdinandum Astoriæ Principem, & Mariam  
Barbaram, ejusdem Joannis V primogenitam. Matrimonium vero  
utrinque primum anno 1729 fuit contractum.

Quamvis autem hac ratione Hispaniæ bene fuerit provisum, ægerrime nihilominus Regem habuit remissio ex Gallia filiæ; ut adeo abrupto Cameracensi congressu, relictisque ibidem legatis Regum, privatam Viennæ cum Cæsare pacem, quam in Germanicis exhibui, inierit. Remissi pariter ex Gallia & Hispania Legati, conversaque amica conjunctio in odium & aversionem utriusque agnatæ Domus: præsertim ubi Hispanis innotuit *Hannoveranum fœdus*.

Obiit hoc anno Marchio de Leede, natione Belga, qui ad su-  
premam armorum bellicque Præfecturam, quod supra memini, ad-  
motus, Sardicam, Siculam, & Africanam expeditionem suscepe-  
rat, supremi ad extremum in Consilio bellico Præsidis honore cu-  
mulatus. Vixit annos 57.

Secuta brevi post fuit mors Marchionis Beretti Landi, Placen-  
tini Itali. Obierat primum munus primi Ministri in Aula Mantua-  
na: tum vero reliquam vitam Hispaniæ impendit, Legati dignitate  
Lucernæ in Helvetia, Hagæ in Hollandia, Cameracensi in Con-  
gressu, ac demum Bruxellis in Belgio, ubi vitam finiit, egregia  
cum laude perfunctus: secunda eundem prosequente hodieum  
memoria.

Viam denique universæ carnis ingressus est Emmanuel Pacecus  
de Cabrera Dux Escolanus, Prorex olim Neapoli, anno 1707 a  
Cæsareis Cajetæ captus, anno 1710 cum Stanhoppio permutatus,  
creatusque supremus Aulae Hispanæ Præfectus, Directorque Aca-  
demiæ Regiæ; quibus in muneribus successorem habuit filium.

Anno 1726 rem militarem strenue promovit Hispania, & forte  
Gibraltaria & Portus Magonis scopus erant. Quod cum suspicari-  
tur, aut timeret Georgius I Rex Angliæ, classem alteram immisit  
Mediterraneo, alteram Oceano, obseditque Portum Bellum, & in  
eo gazam Regiam.

Incidit in hunc annum ruina Joannis Wilhelmi Baronis Rip-  
perda, ex summo honorum & dignitatum cacumine subito in ima  
præcipitati. Erat natione Hollandus, militis filius. Anno 1715  
a Batavis missus est in Hispaniam Legatus, ubi Cardinali Alberonio  
consilia suggessit, qua ratione fabricæ publicæ erigi possent, atque  
N n n 2 ex



ex lanificio præsertim grande lucrum regno conquiri, quod ante in Angliam & Hollandiam fuerat aversum. Vocati ex Hollandia & Belgio multi, artis gnari, qui Hispanorum desidiâ excitarent. Persuâs denique Ripperda, ut abdicatis, quæ a Republica habebat, muneribus, susceptæque Religione Catholica, Hispaniæ operam suam addiceret.

Cum Alberonio ipsius quoque fortuna prolapsa est; ut adeo ab anno 1719 obscurus in Hispania degeret. Sed hoc ipsum idoneum fecerat, ut anno superiore ad pacem Viennæ clam componendam mitteretur. Hæc feliciter confecta gradum ei ad summos dignitatum gradus substernebat; nam mox creatus Dux de Ripperda, munere Legati Hispaniæ in Aula Cæsarea insignitus, quem characterem grandi pompa, ingentique sumptu sustentabat.

Revocatus in Hispaniam, & inter *Grandes* primæ magnitudinis relatus, pluribus curiis præsidebat, tandemque primus regni Minister fuit renuntiatus. Sed ecce versatilem fortunæ rotam! bolidis instar ignariæ sublatus in altum, ut disruptus profundius cadat. Vix enim annus abierat, cum novus hic Eutropius gratia Regis penitus excidens asyllum apud Stanhopium, Legatum Angliæ, querere cogitur. Cum is eundem nollet extradere, vi ex ejus palatio abstractus est, & in arcem Segoviam captivus abductus, Stanhopio omnia Gentium Jura violata inclamante, & eadem adhuc die Madrito excedente.

De noxa Ripperdæ varius erat per Europam rumor. Creditum multis, prodita ab eo Anglis Batavisque regni arcana, pluraque ab eo emissâ mandata Rege inscio, & abusum re pecuniaria. Filius ejus, qui tunc Viennæ Legati Hispanici munere fungebatur, intremuit, ubi casum patris audivit. Sed intercessioni Cæsareæ tandem datum, ut characterem servaret.

Ripperdæ suffectus est, quamvis non tam universali cum potestate, Orendanus Marchio *de Pace*, Status jam ante Secretarius; venientibus in partem curarum Patinho, Grimaldo, Castellario &c.

Gibraltaræ  
obsidio.

Anno 1727 Hispani *Gibraltariam* oppugnabant, Duce Torrefio. Tres jam menses tenuerat obsidio, cum de Præliminaribus pacis, Parisiis initis, nuntiatur. Abductæ proin copiæ, ea tamen conditione, ut obsessis nihil reparare liceat, donec tractatibus per solennem pacem finis fuerit impositus. Locus congressui lectus *Aquisgranum*, postea vero *Cameracum*, ubi superioribus annis frustra

tra Legati quatuor coronarum hæserant. Archithalassus Antonius Castagnetta jam ante maximam thesauri Indici partem, Hosiero Anglo frustra excubante, Gadibus feliciter invexerat. Quæ ad Anglos mercatores spectabant, Rex sequestro commisit.

## Art. XII.

*Novum rursus theatrum aperuit Tractatus Seviliensis. Ejus articuli. Ut Cæsar placetur, Anglus iniiit Tractatum Viennensem. Oranum Mauris ereptum. Bellum occasione Poloniæ. Carolus Rex Utr. Siciliæ. Obitus Ripperdæ.*

Anno 1728 pacis negotium (quod alias dictum) Sueffione sufflaminavit Gibraltaria, quam Hispani corona adhuc cinctam habebant, & successio in Italicos Ducatus. Dux Ripperda e carcere Segoviensi fugitivus in Angliam, repetitus est ab Hispania, ceu Majestatis reus: sed non fuit traditus, ea excusatione, Ormondum & Whartonum versari in Hispania. Obiit Comes Castagnetta, classis olim Præfectus, a clade Sicula notus.

Anno 1729 dum Legati Sueffione adhuc disputabant, Gallia, Hispania, & Anglia, præterito Cæsare, Tractatum celebrem Seviliæ seu Hispali inierunt, cujus sequentia sunt capita.

I. Pax sit perpetua inter tres coronas ad communem defensionem.

II. Cavent sibi mutuo de provinciis & commerciis. Quævis pars in hunc finem contribuet 12000 armatorum cum navibus.

III. Declarat Hispanus, in tractatu commerciali Viennensi de anno 1726 intentionis suæ non fuisse concedere privilegia, prioribus contractibus contraria.

IV. Confirmat omnia privilegia, ante annum 1725 Gallis aut Anglis concessa. (Videlicet per pacem Ultrajectensem 1713, per Tractatum Madritensem 1715, per tractatum de avehendis ex Africa in Americam Mauris.)

V. Tractat de compensatione damnorum illatorum.

VI. Decernuntur Commissarii ad hæc damna examinanda.

VII & VIII idem argumentum prosequuntur.



IX. Portus Liburni, Ferrarius, Parma & Placentia a 6000 Hispanorum, ad securitatem successionis pro Carolo Principe, occupentur.

X. Hæ copiae, Hispaniæ stipendio alendæ, dictorum locorum possessoribus fidem jurent, nullamque molestiam inferant.

XI. Quando autem Carolus ad quietam possessionem venerit, copiae Hispanicæ abducantur.

XII. Tres coronæ hanc successionem defendent adversus omnes, eam impugnantes.

XIII. Speratur, Regem Hispaniæ super hac successione cum Ducibus Florentiæ & Parmæ transacturus.

XIV. Fœderati Belgii Ordines ad accessionem invitentur, omnesque, qui volunt accedere.

*Actum Sevilie 9. Nov. 1729.*

Subscripserunt Brancas, de la Paz, Patinho, Stanhope, Keene.

Non admodum placuit hæc conventio pluribus Hispanis, qui querebantur, emolumentum Nationis non satis fuisse curæ: Minoricam & Gibraltariam relictas in Anglorum manibus, plura commerciorum commoda iisdem fuisse concessa. Nec cessabant murmura, donec Regina aliquos in exilium misit.

Cum autem Imperator huic conventioni se opponeret, eamque Quadruplo Fœderi & paci Viennensi contrariam diceret, missis etiam in Italiam, quæ excensionem impedirent, copiis, Gallia & Anglia, quantumvis per Legatos impulsæ, executionem nequaquam præcipitabant; ut adeo toto anno 1730 trajectio in Italiam sufflaminaretur, donec anno sequenti Rex Magnæ Britanniæ novo Viennæ tractatu, sponcione Sanctionis Pragmaticæ impetravit, ut Imperator in trajectionem Principis Caroli cum 6000 Hispanis consentiret. Tractatui huic Viennensi accessit Hispania; secutaque est transportatio Caroli, a Patre emancipati, in Italiam. (1731.)

Dux de Liria, a Legatione Russica redux, Viennam Orator missus. Joachimus Fernandes Portocarrerus Dux de Almenara, Cæsareus quondam Siciliæ Prorex, quamvis ultimus esset suæ Familiæ, Romæ statum Ecclesiasticum, suscepto sacerdotio, est amplexus.

Anno 1732 Hispania cum Europæis Principibus pacem nacta, ne miles otio torperet, atque ut abscissa membra corpori suo rursus uniret, expeditionem in Africam suscepit. *Oranum*, munita in Barbaria ad Mediterraneum urbs, scopus erat, quo collimabatur.

Hanc

Novus tractatus Viennensis.





Obierunt 1 Marchio de Paz, celebris Minister Status; Patinho jam ad clavum sedente. 2 Dacunha Prorex Mexicanus. 3 Corduba classis Præfectus. 4 Marchio Alcaudette de Toledo in Cæsaris constantem militariis obsequiis. Marchio Almendarus Peruviae Prorex advocatus, ut rationem reddat.

Anno 1735 cum Cæsarei ex Italia propemodum essent expulsi, Hispania non sine tædio intellexit, Galliam inter & Cæsarem fuisse Carolus Rex utriusque Siciliae conventum, ut regnum utriusque Siciliae Carolo, Parma vero & Placentia cum Hetruria aliis obtingeret. Regina has provincias tanquam suas hæreditarias respiciebat, majorisque census, quam Neapolin & Siciliam. Quare tractatui Viennensi accedere recusavit, atque Potentiis etiam Maritimis, ne accedant, persuadere conata est.

Quamvis autem Hispania per solitariam ejusmodi conventionem, qua Gallia fœderatorum suorum commoda Lotharingiæ immolasset, solaque belli, feliciter gesti, fructus decerperet, se non parum læsam quereretur, persuaderi tamen, & quidem ab ipsa potissimum Gallia, se denique passa est, ut anno 1736 transactionis Viennensis Præliminaria acceptaret, & Parmam atque Placentiam Cæsari, Thusciam vero Duci Lotharingiæ in eventum pro regnis duobus cederet.

Ludovicus filius Regis natu minimus 9 æt. anno creatus Archiepiscopus Toletanus & S. R. E. Cardinalis. Obiit Josephus Patinho, seu Patingo, notissimus Secretarius Status, & *Grandis Hispaniæ primæ classis*, anno æt. 77.

Anno 1737 Rex, filiis reliquis sublimi dignitate fulgentibus, Philippum Archichalassum Hispaniæ cum regio censu annuo constituit: Carolo vero Regi utriusque Siciliae sponsam selegit ex Domo Saxonica Mariam Amaliam, Electoris Saxonici & Poloniæ Regis filiam.

Perdurabant adhuc lites cum Angliā, quæ prætendit, sibi fas esse, per maria Americana libere navigare, & commercari. Hinc naves repetebant, a littorum custodibus sibi ereptas. Hispania vero replicabat, Anglis nihil aliud ac Batavis esse concessum. Cum his autem Art. 6 pacis West. esse conventum, ut neutra pars alterius portus, littora, ripas, aut loca accedat, aut in illis commercetur. Nihil igitur Anglis esse permissum, nisi ut ad suas terras, colonias, & plantationes navigent; esse proin, quod sibi imputent, si portuum & littorum defensores naves eorum, ultra limites evagantes, capiant, & legitimæ prædæ declarentur.

Marchio

Marchio de la Quadra creatus Secretarius Status. Obiit Te-  
tuani in Africa famosus Ripperda, gente, ut dictum, Belga, ab Hol-  
landis Legatus missus in Hispaniam, ubi Catholicam fidem amplexus  
obsequiis Regis se addixit, ab Alberonio gravibus negotiis adhibi-  
tus. Legatus Viennam pacem 1725 composuit, Dux propterea  
& Grandis Hispaniæ primæ classis renuntiatus, primusque Regni Mi-  
nister. At gratia brevi excidens, in Segoviensem carcerem abdu-  
citur. Inde in Angliam & Hollandiam elapsus, cum nec ibi secu-  
rum se crederet, Marochium in Barbariam fugit, miseramque vi-  
tam clausit.

Obiit Ripper-  
da.

Anno 1739 in Hispania celebri solennitate excepta est Primo-  
genita Regis Christianissimi, Philippo Principi desponsa.

Postquam inter Anglos atque Hispanos de reparandis damnis diu  
multumque frustra certatum est, erupit tandem bellum, de quo in  
Anglicis. Vastatus Portus Bellus. Carthagera incassum tentata &c.

Nominati 25 supremi locumtenentes, inter quos Duces, Atri-  
ensis, Arifconus, Linnarius. Ustaricius, Secretarius Status, au-  
ctus Marchionis dignitate. Obierunt Medina - Cælius ex Domo Cor-  
dubensi, & Medina Sidonius ex Familia Guzmanæ.

### Art. XIII.

*Philippus V Austriacam hæreditatem prætendit, & votum Bo-  
hemicum. Bellum Italicum. Pugna navalis. Sponsalia  
Delphini. Obitus Philippi V, conjuges ac liberi.  
Succedit Ferd. VI, & huic Carolus III.*

Anno 1740 mortuo Imperatore Philippus Rex totam Austria-  
cam hæreditatem, Italicas maxime provincias jure regressus præten-  
dit, eo quod linea recta descenderet ex Carolo V, eique in regno  
successisset, qui testamento cavisset, ut, si Germanica stirps mascula  
deficeret, Hispana succederet; sub hac enim conditione Ferdinando  
fuisse cessas provincias Germanicas. Hungariam vero & Bohemiam  
ad se pertinere, quia descenderet ex Anna, Maximiliani II filia,  
Philippo II nuptui data, quæ successionem sibi reservasset in casum,  
quo mascula stirps exaresceret. Protestatus est etiam Legationis Se-  
cretarius Carpenterus, antequam Vienna discederet, post mortem  
Caroli VI nemini jus competere creandi Equites Aurei Velleris,  
nisi suo Regi, jure sanguinis & ex testamento Caroli II ultimi pos-  
sessori.

155.  
Præsentio in  
Austriam.



fefforis fucceffori : Respondit ad hæc Austria, prout in Germanicis & Italicis retulimus.

Cum bellum adhuc arderet Anglicanum, Haddocus Mediterraneum, Balchenus vero Gallicia littora cum classibus infestabant. Torrefius autem cum 33 bellicarum classe in Americam navigavit, eandem defenfurus.

Obiit *Maria Anna*, Philippi Wilhelmi Palatini Electoris filia, Carolo II anno 1690 nupta. Post Conjugis mortem Bayonam, urbem Gallicam, abiit, vixitque vidua 40 annis, ætatis 74 defuncta. Testamento hæredem instituit Elisabetham, Hispania Reginam, sororis suæ filiam.

Anno 1741 Rex per Portocarrerum Comitem Montichium, suum ad Electionem Cæsaream Legatum votum Bohemicum præterdixit, suamque juris deductionem Electoribus obtulit. Idem Legatus, dum Maria Theresia Pofonii Regina Hungaria coronaretur, ex Silesia protestationem misit; sed Hungari ne quidem apertam remiserunt.

*Bellum Italicum.* Trajectæ mox in Italiam copiae Duce *Montemario*, classis Præfecto *Navarro*. Sed morbis ita fuerunt attritæ, ut Orbitelli consistere, & nova ex Hispania subsidia expectare fuerint coactæ.

Anno sequenti, postquam Rex Sardinia Austriacas partes aperte est amplexus, Mutinam & Mirandulam expugnavit, Montemario in Statum Ecclesiasticum se recipiente, nactus propterea successorem *Gagium*. Nec multo felicius ex altera parte gestum bellum; nam Philippus Princeps Sabaudiam quidem occupaverat, in Italiam tamen penetrare non poterat. Sed hæc in Italicis prolixius referuntur. Ubi etiam exponitur pugna ad Campum Sanctum, quæ 1743 fuit commissæ, parte utraque sibi attribuyente victoriam, quamvis Hispani primi acie excefferint. (*vid. Italica*)

Joanni Bapt. *Barni* Nuntio Apostolico Rex ipse purpureum Galerum imposuit. Marchio de *Ensenada* renunciatus Minister Status Consiliarius bellicus, ærarii Præfectus. *Bellilius*, Francia Marschallus, Eques Aurei Velleris, quod ei in Germaniam missum est.

*Pugna navalis.* Anno 1744 continuatum est bellum cum Anglia maritimum in Europa & America. *Matteus* classis Præfectus, cui suberant *Leffockius*, & *Rowleus* (*Vice-Admiralem* & *Contra-Admiralem* Angli vocant) in alterum jam annum ad Telonem Martium oberrant; naves Gallo-Hispanas (quas Curtius & Navarrus gubernabant) in portu continuerat; cum iussu inde egredi, cum Anglicis confi-

xere,

xere, eo eventu, ut nox prælium dirimeret, & altera die Angli cum laceræ classis reliquiis in Minericam ad Portum Magonis, Hispani Carthagenam, Galli Alicantam solverent. Mattevius contra Lestockium, Navarrus contra Curtium querebatur. Huic substitutus Gabaretus. Venatorium reliquo anni tempore velut erat bellum Marinum, classium Præfectis multa agentibus, ad rei substantiam nihil.

Philippus V Rex Hispaniæ, ut cum agnata Domo Francica arctius se conjungeret, Delphino filiam suam Mariam Theresiam Nuptiæ. despondit, agente Procuratorem Delphini Ferdinando Principe Asturiæ.

Franciscus Maria, Dux Mirandolæ, Aulæ Moderator, contractis cum Maria, Ducis de Berwick & Liria filia, jus suum in Mirandolam Regi vendidit. *Minasius* Marchio ex Italia revocatus, quod ei cum Principe Contyo, ad Cuneum præsertim, non satis conveniret. Carillus vero Dux *Montemarius* Ensenadæ maxime opera in gratiam Regis receptus.

Madritum venerunt, Henricus Henriquez, Nuntius Apost. Törringius de Jettenbach Junior, Legatus Cæsareus: quem tamen Rex anno 1745 post initam pacem Füssensem dimisit. Quantos autem Gallo-Hispani hoc anno in Italia fecerint progressus, dictum est in Italicis.

Anno 1746 9 Julii obiit Philippus V Hispaniarum & Indiarum Rex, Ludovici XIV Galliarum Regis ex filio Delphino nepos, secundogenitus, Ludovici XV patruus, fide, Religione, integritate, atque in utraque fortuna constantia Princeps clarissimus. Annos ætatis implevit 62, Regni 45. Aperto corpore inventa est in sinistro cordis ventriculo vacuitas, per quam sanguis, in pericardium effusus, mortem accelerasse dicitur.

Reginas conjuges duas habuit: primam *Ludovicam*, Victoris Amedei Sabaudia Ducis filiam, Moderni Sabaudia Ducis Caroli Emmanuelis sororem. Ex qua genuit 1 Ludovicum, qui, vix cesso sibi a patre regno, anno 1724 obiit. 2 Ferdinandum, qui Patri defuncto in regno successit.

Secundam *Elisabetham*, Odoardi Ducis Parmensis filiam, ex qua suscepit 1 Carolum, Ducem primum Parmensem & Placentinum, utriusque dein Sicilia, ac demum Hispaniarum Regem. 2 Mariam Annam, primum Ludovico XV Francia Regi desponsam, dein Josepho Emmanueli, Brasilia Principi, Moderno Lusitania Regi nuptam. 3 Philippum, qui per pacem Aquisgranen-



fem Ducatus Parmæ, Placentiæ, & Guastallæ est consecutus, Gal-  
liarum Regis gener. 4 Mariam Theresiam, Franciæ Delphino  
anno 1746 nuptam. 5 Ludovicum Antonium, Archiepiscopum  
Toletanum & Hispalensem, S. R. E. Cardinalem creatum; quas ta-  
men dignitates abdicavit anno 1754. 6 Mariam Antoniam, Victo-  
ri Amadeo, Regio Sardinæ Principi 1750 connubio junctam.

Testamentum jam anno 1724 condiderat, quo Reginæ pala-  
tium S. Ildephonsi cum omni supellestili & ornatu ad tempus vitæ  
possidendum assignaverat, cum 600000 solidis argenteis (*Plasros*  
appellant) ultra 200000 aureorum consuetum in Hispania Regi-  
narum vitalitium, proventu annuo. 1727 adjecit Codicillum, quo  
non tantum testamentum suum, apud Magnum Castellæ Senatum  
depositum, confirmavit, sed Reginæ etiam potestatem fecit, ubi-  
cunque vellet, vitalitio suo utendi fruendi.

Fard. VI.

Successit jure primogenituræ patri Ferdinandus VI Caroli Em-  
manuelis Sardinæ Regis ex sorore nepos. Natus 1713, qui anno 1729  
duxit Mariam Barbaram, Joannis V Lusitanæ Regis filiam; ex qua  
tamen nullos liberos suscepit. Vestigiis patris insitens fœdere cum  
Galliæ Rege Patruæ suo renovato, bellum terra marique prosequi  
decrevit, donec fratri Philippo sedes condigna in superiore Italia  
pareretur.

Reges Hispaniæ ungi aut coronari non solent, sed id suppletur  
solemni & publica proclamatione, per Grandes Proceres facta. Pro-  
cessum magnifico cum comitatu ad palatium suburbanum (quod  
*Buenretiro* dicunt) atque inde deductus Rex, acclamante ubique po-  
pulo, ad palatium suum Escuriale.

Sub initium anni hujus, licet res Borbonicæ in Italia optimo  
loco essent constitutæ; quia tamen Austriacæ vires, sancita cum  
Boruffo pace, timebantur, Galli, velut futuræ expeditionis præ-  
sagi, ideam quandam pacificationis Regi Sardinæ proponebant, quæ  
tamen nec isti, nec Hispanis placuit. Quare versis in bellum con-  
tinuandum consiliis, acta sunt, quæ in Italicis retuli.

Anno 1747 Elisabetha Regina vidua ad castrum S. Ildephonsi  
cum Ludovico filio Cardinale secessit, aula, quæ nolebat, ut Status  
negotio se misceat, id ei insinuante. In Status autem Ministerium  
assumpti sunt Carvajal, Villarias, Ensenada &c.

Oblit

Obiit Ferdinandus VI anno 1759 regni 13, successit frater Carolus; qui, antequam discederet in Hispaniam, regnum utriusque Siciliae in Ferdinandum filium tertio genitum solenni abdicatione transiit; quia Philippus primogenitus declaratus est, ob debilitatem mentis, ad regendum inhabilis. Carolus vero secundogenitus, tanquam Princeps Asturiae, cum patre Rege in Hispaniam abiit.

Dum autem novus Hispaniae Rex per pacis studia ad novum florem regnum perducit, partem charissimam amisit, lectissimam videlicet suam conjugem, Mariam Amaliam, Saxoniae Principem, Augusti III Poloniae Regis filiam, omnium virtutum ornamentis conspicuam, quae 27 Sept. 1760 pientissime decessit, postquam sex liberis masculis & septem foemineis Regem Maritum locupletaverat. Nata est anno 1724, nupta 1738 primum Dresdae per procuratorem, dein Cajetæ: Luxit orbi 36 annos: lugebit eam orbis perpetuo. Patrem, vix non exulem, juvit, quantum potuit, Matrem triennio ante amisit; conjugem sibi, subditis, & coronæ in ævum conservent cælitēs.

Anno 1761 Carolus Rex amicum & cognatum fœdus iniiit cum patruuele suo Rege Franciæ, 28 capitibus comprehensum, quæ eo spectant, ut fœdus sit defensivum, ad conservandas terras, quas utraque corona post initam pacem possidebit. Extenditur ad Regem Siciliae, & Ducem Parmæ. Designantur auxilia pro casu invasionis præstanda, quæ tamen se non extendunt ad casum, quo Gallia in Septentrione, aut ratione pacis Westphaliæ in Germania bellum gereret, nisi Potentiæ Maritimæ se immiscerent, aut nisi ipsa Francia invaderetur. Galli in Hispania & Sicilia non aliter tractandi ac incolæ, & vicissim. Ad hunc Tractatum consanguineum non alii admittendi Principes, nisi qui sunt de Domo Borbonica.

Conventio hæc domestica 15 Augusti conclusa, & 8 Sept. 1761 utrinque ratihabita, clam initio habebatur; sed brevi ad Bristolum Angliæ Legatum, omnibus attentum, transpiravit. Is igitur communicari sibi eandem petiit, præcisumque responsum a Rege exegit, an vires suas Galliae contra Anglos sit juncturus? si categoricum responsum sibi non daretur, Hispania se excessurum.

Displicuit Regi tam præcisa postulatio, eamque pro belli denuntiatione se habere dixit. Gestum dein anno 1762 bellum; quod infra perstringam.

Fœdus amicitiae cum Gallia.



CAPUT VI.  
Status Lusitaniæ  
SÆCULO XVIII.

*Lusitania accedit magno fœderi, bellumque cum Gallo- Hispanis gerit. Pax cum utrisque. Nuptiæ geminæ. Causa Bichiana. Patriarchatus erectus. Obitus Regis & Regina. Terræ motus.*

156.

Cum de successione Hispanica ferrum inter & ignes flagraret contentio, magna per Europam erat expectatio, in quam partem Petrus Lusitaniæ Rex se verteret, sine quo arduum omnino erat Fœderatis, bellum in Hispania, jam tota a Philippo occupata, bellum feliciter gerere.

Expectatio  
de Lusit.

Et primo quidem apparebat, Portugalliam aut nullas, aut Borboniæ gentis partes secuturam; nam Philippum Regem Catholicum agnoverat: fœdus cum Gallia & Hispania erat percussum: Batavos anno 1701 fuerat hortata, ut paci in Europa conservandæ curam impenderent: Gallicos machinatores, ut fines suos muniret, receperat. Plures ejusdem nationis naves in portubus Lusitanis stabant sub anchoris.

Sed tandem Petrus Rex sive metu futurorum, sive spe victus fœderatis, Imperatori, Anglis, & Hollandis anno 1703 manus dabat, accedens socius magno fœderi. Periculo non carere visum, maribus & gente præpotente undique cingi.

Anrigny.

Imperator largis promissis nutantem traxit; nam cessurum se spondit Lusitaniæ Pacem Augustam (*Badajoz*) Alcantaram, Albuquercum, Valentiam in Extremadura, Bayonam in Biscaya, pluresque urbes in Gallicia, & latas possessiones in America. Anglia offerebat securam littorum custodiam, defensionem navium, commercium liberum, 12000 armatorum, a fœderatis sustentanda, quibus Lusitani præficerentur, denique pro 8000 Lusitanorum sustentandis millionem thalerorum.

Hoc fœdere, quod clam habebatur ad adventum usque Caroli Archiducis, adversus Borbonios inito, terra bellum marique gestum.

Et

Et quidem Carolus anno 1704 Olyssiponem Anglicis navibus octo capitum millibus appulsus litteras publicavit per Lusitaniam, quibus Rex Hispaniarum fuit promulgatus, Legatus vero Gallicus dimissus e Portugallia.

Apparuit etiam declaratio belli Lusitana, qua Rex querebatur, non servatum a Gallis partitionis tractatum: non missa in Lusitaniam promissa subsidia: prodiisse sculpturam, qua Philippus Rex ratio. Lusitaniae appelletur. Denique periculum a Domo Borbonica imminens, & metus, ne corona Gallica & Hispana in uno capite coniungantur, opponebatur.

Philippus igitur Lusitaniam aggressus, Salvaterram, Seguram, Badajoz, Montanum, Montalvanum, Castelbrancum, expugnavit, Tagoque pontem imposuit, ut Portalegrum obsidere posset. Schombergius, qui foederatis praeerat, suavit, ut Lusitani adjuungerentur; ubi consilium suum neglectum vidit, tanto animi taedio languibat, ut revocari petierit.

Sed autumnus foederatis fuit felicior, recuperatis, quas amiserant, urbibus. (anno 1704) Anno sequenti Barcino & Gibraltaria Sed repetitissimas copias a Lusitania averterunt. Anno 1706 copiae Lusitaniae foederatis iunctae ea gessere, quae in Hispanicis retulimus. Anno 1707 Lusitani quoque, ad Alamancam fusi sunt. Furbinus vero Anglos, armorum apparatus in Lusitaniam deferentes, navali certamine vicit, captis navibus aut depressis. Anno 1709 Lusitani alique foederati a Marchione Bayo ad Cayam praelio victi, caesis, ut fertur, 5600, sed ob paucitatem copiarum Hispanicarum non magnus fuit victoriae fructus.

Translato in Catalauniam, Arragoniam, Valentiam bello, respirare Lusitaniae licuit, ejusque copiae, foederatis iunctae, parem cum iis fortunam subierunt. (vid. *Hisp.*)

Anno 1712 Hispani irruptionem in Lusitaniam tentabant, sed amissis 4000 repulsi sunt. Felicior fuit classis Gallica, quae in Brachilia urbem S. Sebastiani expugnatam compilavit. Eodem tamen ad huc anno Lusitaniam inter & Galliam induciae sunt initae, & anno sequenti pax Ultrajecti conclusa.

1. Inter utramque Nationem sit constans amicitia.
2. Cum plena amnestia.
3. Captivi liberentur.
4. Extra Europam omnia in statum pristinum reponantur.
5. Uti etiam commercia.
6. Subditi aequali libertate fruuntur.



7. In portu magis munito non plures quam sex bellicæ recipiantur, in minus munito non plures quam tres.

8. Gallia abdicat prætensiones in caput Boreale ad flumen Amazonum in America.

9. Lusitanix fas est, munimenta, ubicunque velit, construere.

10. Utrumque litus Amazonicum apud Lusitanos permaneat.

11. Gallia renuntiat omnibus, quæ Lusitani possident.

12. Gallix subditi in regione Cayena Lusitanis ad flumen Amazonum nullam molestiam inferant.

13. Nulli Missionarii Gallici in Americam Lusitanicam veniant.

14. Mox post conclusam pacem omnes articuli dentur executioni.

15. Casu novi belli subditis utrinque sex menses concedantur, quibus res suas in tuto collocare queant.

16. Anna Regina magnæ Britannix pro hac pace vult cavere.

17. Alii etiam Principes includantur.

18. Sequatur ratificatio.

19. Et quidem intra 50 dies.

Hæc pax cum sola Gallia a Lusitania erat inita, necdum autem cum Hispania; ea enim post eam omnium primum biennio post, anno videlicet 1715, est secuta, in hos articulos.

1. Sit vera pax & amicitia.

2. Cum oblivione omnium hostilitatum.

3. Amnestiæ etiam includantur, qui partes alterutras sunt secuti.

4. Captivi & obsides liberentur.

Cum Hisp. 5. Omnia loca abrepta restituantur, nominatim Lusitanis Castellum Nudar, Insula Verdoria, Colonia SS. Sacramenti in America, Hispanis Albuquerqueium & Puebla.

6. In Colonia SS. Sacramenti soli negotientur Lusitani, contra vero in suis territoriis soli Hispani.

7. Si Hispani intra annum & dimidium pro Colonia SS. Sacramenti æquivalens repræsentarent, eis cedatur.

8. Evacuatio in Europa & America fiat intra 4 menses post ratificationem.

9. Loca restituantur in statu, quo sunt occupata.

10. Liber tamen discessus incolis relinquatur.

11. Bona in bello confiscata proprietariis restituantur.

12. Om-

12. Omnes legitimæ ereptiones navium ratæ habeantur.
  13. Confirmatur articulus octavus tractatus anni 1668.
  14. Uti etiam articulus 14 transactionis de anno 1701.
  15. Hispania pro antiquis prætensionibus solvat Lusitaniæ 600000 thaleros.
  16. Lusitania vero renunciet omnibus prætensionibus.
  17. In Europa commercia in pristinum, quo fuerunt ante bellum, restituantur statum.
  18. Nullus Lusitanus tabacus Hispaniæ, & vicissim, inferatur.
  19. Naves bellicæ rursus in portus admittantur, sed in majores non nisi sex, & in minores tres.
  20. Pax a publicatione vim suam habeat. Si quid hostile posterâ evenerit, satisfactio præstetur.
  21. Si novum bellum oriretur, subditis sex menses relinquatur, quibus se cum bonis suis alio possint recipere.
  22. Anglia pro hac pace spondeat.
  23. Intra 6. menses possunt etiam alii Principes cum consensu utriusque coronæ huic paci accedere.
  24. Omnes hi articuli sancte observentur.
  25. Intra 50 dies post subscriptionem pax ratificetur.
- Post pacem istam conclusam Rex Lusitaniæ militiam suam ad 10000 peditum reduxit, & 3000 equitum.
- Anno 1715 *Emmanuel*, infcio fratre Joanne V Lusitaniæ Rege, in Hollandiam abiit, indeque Viennam, atque anno 1716 ad bellum Hungaricum, sub disciplina Eugenii artes militares percepturus.
- Rex novum Olyssipone Archiepiscopatum & Patriarchatum, cum Papæ consensu erexit, large fundatum dotatumque, atque in eo ad morem, Romæ usitatum, cultum Divinum solenniter haberi voluit. Ecclesia Archiepiscopi Cathedralis erat sacellum Regium, in quo 32 Canonici ei, sacris operanti, ministrabant.
- Anno 1718 finito bello Turcico *Emmanuel* natu minimus, Regis frater, peragratis variis regionibus, Viennam rediit, ibique bellicis obsequiis se devovit, factus supremus vigiliarum Præfectus, attributa etiam Cataphractorum legione. Duo vero fratres naturales Tago navigantes, subito turbine inverfa navi, anno 1724 aquis haulti sunt.
- Inita anno 1725 sponsalia inter *Josepbum Emmanuelem*, Principem Brasiliæ, & Mariam Annam Victoriam, Philippi V Hispaniæ Regis filiam, Pars X. P p p

157.

tus.

Regii Principis.



filiam, quam Rex Galliae in Hispaniam remiserat: item, inter Mariam Barbaram, Joannis V filiam, & Ferdinandum Principem Asturiae. Quo gemino vinculo Lusitania cum Hispania intime colligata fuit.

**Causa Bichiana.** Per plures annos controversia intercefferat inter Aulam Romanam & Lusitanicam, propter Nuntium Apostolicum Olyssiponensem Vincentium *Bichium*; quem Rex purpura donari petebat, Roma recusante. Ueberior de hoc negotio relatio data est in Italicis.

Anno 1728 Joannes V Rex Lusitaniae propter causam Bichianam, mox indicatam, Cardinalem Pereyra, & Comitem Galvesium Roma, omnesque Lusitanos ex Statu Ecclesiastico avocavit; Firrum vero Nuntium Apostolicum ex Lusitania dimisit.

Nova Academia Olyssiponensis, ex multis doctissimis, Ecclesiasticis & saecularibus, membris constans, sub protectione Regis ad majorem semper majoremque florem fuit perducta, Historica praesertim eruditio, quam pluribus jam editis Tomis illustraverat.

**Legatus in Chinam.**

Missus ex Brasilia in Chinam Menesius Legatus propter commercia Macensis & Cantonensis; Pekini ab Imperatore Sinarum magno cum honore exceptus.

**Nuptiae.**

Contractum geminum matrimonium, quippe Josephus Emmanuel Princeps Brasiliae duxit Victoriam Hispaniae, Ferdinandus vero Asturiae Princeps Barbaram Lusitaniae Principem. (1729.) A flumine Januario rediit classis opibus dives. Emmanuel Regis frater per plures annos varias Provincias peragratus, in Lusitaniam rediit 1734. Sed non diu ibidem substitit, Bayonam profectus.

**Dissensio.**

Tam arcta vincula impedire non poterant, quo minus Hispaniam inter Lusitaniamque oriretur dissensio, propter delinquentem, dum in carcerem duceretur, a famulis Legati Lusitani ereptum. Ducti 19 ex ejusdem domesticis in custodiam Madriti, totidem Hispani Olyssipone. Interea autem Hispani in America urbem SS. Sacramenti obsidere coeperant. Et fortassis ulterius esset processum, nisi intervenissent Gallus, Anglus, & Hollandus, pacis Ultrajectensis sponsores. (1736.) Unde etiam classis Anglica ex Tago recessit.

Cum Pontifex Patriarcham Olyssiponensem Thomam Almeyda Cardinalem creasset, Rex Nuntium Apostolicum recepit, & Cardinalem Motta suum Romae Oratorem renuntiavit. (1738.)

His annis Barbari saepius Goam infestabant, sed incolarum virtute, venientibus in auxilium e Lusitania navibus, tandem repressi sunt, postquam totam insulam usque ad urbem vastaverant.

Anno

Anno 1742 Rex tertio apoplexia tactus, Reginae administrationem Regni commisit, quam illa sapientissime gessit. Obiit autem Regis frater Franciscus Xaverius. Duo vero ejusdem fratres, Antonius & Emmanuel, peragrando Europam mundi vanitatem experti, ingressi sunt Tertium Ordinem S. Dominici, 1744. Nuntius Apostolicus Tempio successit Oddus. Fratres Regis ordinem ingressi.

Cum anno 1745 Sebastianus Carvallius Londino, ubi functus Legatione fuerat, Viennam mitteretur, suspicionem id aliquam Aulae Madritensi movit; quae proin per Candiam, suum Olyssipone Oratorem proponi jussit, sperare se, Carvallium nullis instructum esse mandatis, quae regni utriusque amicitiam possent laedere. Responsum, eam professionem ad solam gratulationem pro obtenta Imperiali Dignitate pertinere: Lusitaniam, prout hactenus, nullam belligerantium partem amplexuram.

Quamvis autem Rex infirma esset valetudine, duo tamen anno 1746 animum illius non parum recreabant: primum, quod generum suum cerneret Regem Hispaniae, & filiam Reginam; alterum, quod opima admodum classis Pernambuco esset advecta, de qua magnam partem genero in Hispaniam dono misit. Non tamen poterat pacem conciliare, licet in eam rem praesentes essent Olyssipone Rosenbergius Austriacus, & Kenius Legatus Anglicus.

Anno 1747 Rex pientissimus, diruta veteri, novam Patriarchalem Basilicam, magnifici operis, construi jussit, novamque scientiarum Academiam erigi. Cum autem adhucdum infirmitas virium a regni negotiis eum arcerent, perrexerit Regina illud administrare. Sed, defunctis hoc anno Cardinale de Motta, primo Ministro, & primo Status Secretario Pereira de Cerda, Rex filium, principem Brasiliae, in partem Regiminis venire voluit, adjuncto Azevedo.

Rex Joannes V (prout etiam ejusdem Majores Reges Lusitaniae) de fide Catholica, quam singulari fervore per omnes quatuor orbis partes propagaverat, tam bene fuerat meritus, ut Benedictus XIV summus Pontifex Eidem Titulum Regis *Fidelissimi* deferret, murmurantibus licet quibusdam Protestantibus, quod Pontifex coronatis Capitibus id genus titulos deferre praesumat; sed homines istos necesse est ignorare Historiam, unde tituli Regis *Christianissimi*, *Catholici*, *Defensoris fidei* profuxerint.



Obitus  
Regis,

Verum frui non diu licuit Regi Fidelissimo glorioso hoc titulo, nam anno sequenti (1750) post plurium jam annorum infirmitatem, Sacramentis morientium munitus, pietissime, sicut vixerat, decessit, anno ætatis 61, Regni 44.

Conjugem habuit Mariam Josepham, Leopoldi Imperatoris filiam, Principem lectissimam, in qua vere pietas Austriaca relucebat. Ex ea genuit Mariam Barbaram, Ferdinando VI Regi Hispaniæ nuptam, *Josephum Emmanuelem*, Brasiliæ Principem, qui Patri in Regno successit; Petrum Clementem, in spes alteras Regni natum.

Anno 1752 obiit Olyssipone Gaspar Mascarenia, qui omnibus abdicatis Ordinem S. Francisci ingressus fuerat; verum a Joanne V. Aulæ adhibitus, Primi Ministri munere functus est ad obitum usque Joannis. Josephus vero Rex eas partes commisit Mendozæ & Carvalho.

Et Regina. Anno 1754 pietissime obiit Olyssipone Maria Anna Regina Vidua, Leopoldi Cæsaris filia, anno 1708 Joanni V Lusitanæ & Algarbiorum Regi nupta, Josephi I regnantis Mater, Princeps summa & vere Austriaca pietate, integritate, religione, charitate, liberalitate in pauperes & calamitate pressos, aliisque Regalibus virtutibus multo florentissima. Obit, uti annorum, ita meritum plena, 71 ætatis anno. Cor ejus P. Ritter Confessarius Viennam deportavit, Augustorum Mausulæo recondendum. Societas Jesu magnam in ea Patronam amisit, imo Matrem, erga Missionarios, præsertim Germanos, in Indiam destinatos, benevolentia singulari & liberalitate conspicuam.

Ac Patriarchæ.

Reginam hanc, encomio omni superiorem ad beatam æternitatem præcessit Thomas Almeyda Patriarcha Olyssiponensis, S. R. E. Cardinalis, per omnes honorum gradus ad summas istas Dignitates eluctatus. Decessit anno vitæ 84, pauperibus scriptis hæredibus.

Cogitabant quidem Canonici Patriarchalis Ecclesiæ ad electionem procedere, sed Rex nominavit Cardinalem de Attalaya, quem Bened. XIV publico in Consistorio confirmavit, & Nuntius Apost. Lucas Tempus consecravit, cui Rex Cardinali renuntiato Biretum im-

imposuit. Hoc munere ornatus Romam abiit, cessa Nuntii Dignitate Philippo Acciajuoli, apud Helvetos ante Legatione perfuncto.

Sebastiano Ignatio Carvallio Status Secretario natus est filius Ludovicus Ferdinandus.

Annus 1755 Olyssiponi fatalis venit; quippe trinus terræ motus urbem inclitam, 250000 habitatoribus frequentem, tam vehementi impetu, ipso Sanctorum omnium Festo, concussit, ut palatium Regium, magnificas Basilicas, ædes, pro ludis theatralibus ex ligno Brasilo a Rege Josepho ingenti sumptu erectas, totam propemodum urbem sus deque verteret, triginta, ut fertur mortuorum millibus ruina sepultis. Accessit ad calamitatem ingens incendium, quod tristes domorum reliquias redegit in cineres.

Cælo factum propitio, ut Rex cum Familia sua Regia non esset in urbe, sed Belemi, oppido duobus milliaribus a Lisabona distante, in suo, quod ibi habet, palatio.

Plurimum quoque damni passæ sunt tabernæ mercesque Anglorum, quibus in Lusitania est frequens & opimum commercium. Jacturam solabantur aliquantum naves, quæ aurum, argentum, aliaque nova subsidia ex utraque India advehebant.





CAPUT VII.  
Status Angliæ  
SÆCULO XVIII.

## Art. I.

Status sub Anna Regina.

158. *Fœdus, a Wilhelmo initum, confirmat. Marleburgum in Belgium & Germaniam mittit. Hujus victoriæ, & urbium expugnationes. Navales exercitus cum Archiduce in Hispaniam. Ibidem gesta. Anna fratris amore tepescit. Mortuo Josepho tota Natio in pacem particularem fertur. Hujus articuli. Marleburgus exauctoratur. Ormondus ( Jacobita ) substituitur.*

Jacobus ob  
religionem  
regno exclu-  
sus.

Cum Wilhelmus Auriacus ejusque conjux Maria improles decessissent, Angliæ corona fuit imposita Annæ, juniore Jacobo II filia, præterito Jacobo Eduardo ejus fratre, cui hæreditario Gentium jure sceptrum debebatur. Quæ enim per orbem terrarum gens, quæ masculos non præferat fœminis, si defunctum eodem gradu contingant? sed fratri obstitit Religio, inquis: at quomodo obstarè poterat Religio avita, per tot sæcula in Britannia continuata? quam tot antè Reges antiquissima possessione firmanant? obstitit tamen, facto, non jure: quam Universitas Oxoniensis, Angliæ primaria, obstarè non debere sapienter pronuntiaverat.

Anna igitur sceptrum fratris capessens anno 1702 fœdus, a Wilhelmo III cum Cæsare & Batavis adversus Galliam initum, confirmavit, quantumquæ poterat, pecunia & milite terra marique promovit; tum, ne Hispaniarum Monarchia ad Philippum devoluta, Domus Borbonica, jam alias Europæ formidanda, immensis accessionibus augetur, tum, quia Regi Ludovico erat infensa, quod mortuo patre Jacobo II, Jacobum III ejus filium Regem Britanniae proclamasset; tum denique, quia id bellum Nationi gratum videbat,

bat, *Wigfis* præsertim ac Inferæ popularium Cameræ, quæ belli nervum large suppeditabat.

Terrestrem proin exercitum sub *Marleburgio* immisit Belgio, classem sub Roockio Archithalasso Oceano. Ille Wenloam & Ruremondam expugnavit, hic Andalusæ littora legens, Gades frustra tentavit, abhorrente pietate Hispana ab hæreticis, qui sacra juxta ac profana vastarent. Prohibere tamen non poterant, quo minus Angli classem Hispanam, 18 Gallorum bellicis roboratam, atque auro *Gaza Indica* & argento Indico onustam, occuparent, postquam Galli ipsi suas *capta*. naves accenderant. (1702.)

Sequenti anno Marleburgus Bonnam, Huium, & Limburgum expugnavit. Anno vero 1704 Anglos ad Danubium usque duxit, ibique pars magna fuit Schellenbergenfis, & Höchstadianæ grandis victoriæ, uti etiam expugnationis Landavienfis, dum Gallos, ne *Marleburgi* succurrere obsessis possent, arcebat. Inde vero progressus, Tre- *victoriæ*. viros, Sarburgum, Trarbachium cepit.

Eodem anno Carolus III Londini Regio apparatu ab Anna Anglisque exceptus fuit; atque inde classe, cum Hollandica conjuncta, in Hispaniam deductus, ad fretum Herculeum Heracleam (*Gibraltariam*) cum munimento, Calpi imposito, expugnavit, in *Gibraltar*. hodiernam diem ab Anglis retentam, & classem Gallicam ad Malacam in fugam egit Anglica.

Conati sunt quidem Hispano-Galli anno 1705 *Gibraltariam* recuperare, sed irritò magno labore & sumptu, propugnante munimentum Darmstadio, Leackio vero, classis Anglicæ Præfecto, pugna navali Gallos vincente; dum interim Gallowæus, terrestribus Britannici exercitus Dux complures Hispaniæ urbes expugnat, & adveniente cum nova classe Schovelio, Barcino cum tota Catalonia in potestatem fœderatorum venit, Marleburgus vero in Belgio munitis ad Tirlemontium Gallorum aggeres transcendit.

Anno 1706 Barcinonem a Gallis oppugnatam, atque ad deditionem jam ferme compulsam, Leackius cum nova Anglorum classe appulsus liberavit, Gallis, omnibus impedimentis relictis, in fugam datis. Tum vero Gallowæus, Leackius, Petroburgus, Anglorum Duces, Valentia, Arragonia, Ivica, Majorica, multisque urbibus occupatis Carolum Archiducem in regnum Castiliæ deduxerunt, atque Madriti Regem Hispaniarum promulgarunt. At Philippi Andegavenfis copiis imminetibus, in regnum Valentie recedendum fuit.



**Progreſſus in Belgio.** Meliori adhuc fortuna hoc eodem anno in Belgio uſus eſt Marleburgus; nam proſtigatis ingenti ad Ramelliacum clade Gallis, quos Villaregius ducebat, Lovanium, Mechlinia, Bruxellæ, Gandavum, Brugæ, Antverpia, Oſtenda, proſ quanta nomina! in poteſtatem Fœderatorum venerunt. Acceſſerunt Menina, Athum, Aldenarda, Teneramunda. Præterea Anna Regina ſeptem Palatinorum millia, ſub ſtipendiis ſuis militatura, in Italiam ad Eugenium Principem miſit, magnum certe adiumentum ad liberandum ab obſidione Taurinum.

Quis non tot cædibus contritos penitus Gallos crederet? At illi, velut e cruore fuſo renaſcentes, anno 1707 Duſtore Berwicko cæſis ad Alamancam (*Almanzam*) Anglis grandi potiti ſunt victoria; qua recepta ſunt Arragoniæ & Valentiniæ regna, retruſis in Cataloniam Fœderatis. Nec Marleburgus in Belgio quidquam hoc anno promovit.

Felicior rurfus Anglis, eorumque fœderatis fuit annus 1708; ſiquidem in Belgio ſub Vindocino Duce (*Vendomio*) magnus congregatus erat exercitus, quem haud procul Aldenarda Marleburgus aggreſſus, Inſulas, munitiſſimam in Flandria Gallica urbem, victoriæ præmium capit. Nec minus mari triumpharunt Angli; quippe Leackius & ſuppetias in Cataloniam a Gallis miſſas, & Sardinie regnum eis eripuit. Bingsius vero, alterius classi Præfeſtus, Gallicas naves, Jacobo III in Angliam tendenti datas, diſjecit.

Anno 1709 ſecuta eſt, poſt expugnatum a Fœderatis Tornacum Malplaquetenſis ſanguinolenta pugna, aut potius laniena, hinc Villario, inde Eugenio & Marleburgo, ſummis ac peritiſſimis ævi ſui Ducibus pertinaciſſime dimicantibus. Fœderati poſt victoriam cruentam & pretioſam Montes Hannoniæ expugnarunt.

Secutæ ſunt anno ſequenti Duacum, Bethunium, Aria, Fanum S. Venantii. Jamque tot partis victoriis, tot theſauris effuſis, magnum erat Angliæ nomen, & Anna Regina ceu Mater Europæ celebratur, cum ſenſim fervor intepuit. Poſtquam enim mortuis propriis liberis nulla ſpes ſupererat, ex ſe hæredem regni relinquendi, amorem & miſerationem in Jacobum fratrem exulem convertit, ſucceſſorem dictura, ſi poſſet, ne ad alienam familiam regnum devolveretur.

Duo autem ad hoc obtinendum adhibenda putavit media; ſi nempe Galliæ Regis, qui Jacobum jam Regem declaraverat, opera uteretur, & deſectis Wigſiis (popularibus) Torrii (Regii) eleventur.

Instrumentis ad hoc usa est Tallardo, fœderi magis noxio in Anglia captivo, quam Höchstadii utili, & Roberto Harlejo, Oxfordiæ dein Duce; quibus Straffordiæ Comes, Bullimbrochius alique accesserunt. Hi omnes instabant, ut Marleburgo remoto cum Gallia pax conficeretur.

Anno igitur 1711 facta est magna rerum mutatio; etenim mortuo Josepho Imperatore Anna Regina pacis propositionibus, a Gallia propositis, aures præbuit, & amoto Marleburgo Duci (quem Cæsar Dynastia Mindelheimensi donatum, Principem Imperii dixerat) Buttlerum Ormondi Ducem subrogavit, qui cum neutras veluti partes sequeretur, luculente patuit, quantum causa fœderatorum Angliæ debuerit, & maxime Marleburgo. Angliæ quies stitit victoriarum cursum, etiam alicujus Eugenii.

Pacis dein tractatio Gallos inter Anglosque Ultrajecti anno 1712 suscipitur, & anno 1713 completur. Pinguescunt Angli, ut pateat, cui militarint. Successio Domus Hannoveranæ, quam nuper Ordines conceperant, stabilitur. Jacobo III ne quidem in Gallia ab Anglis subditis suis locus conceditur. Munimenta Dunkerckæ Gallus diruito, portumque destruito. Fretum Hudsonicum, Insula S. Christophori, & Terræ Novæ Anglis ceduntur. Insula Minorca & Gibraltaria Anglorum posthac sunt. Ecce! quorum spectarint Anglorum arma. Incrementa sua non Austriæ salutem quærebant. Ne in unum caput confluant Hispanæ & Germanæ provinciæ timent, sed sibi; hinc jam non amplius placet bellum; neminem se ipso proximior sibi esse existimant. Contra fidem datam rumpunt fœdus, cum sibi non amplius commodum existimant. Si Domui Austriacæ militarunt, cur illam discerpunt? cur Hispaniam avellunt? cur ejusdem artubus, corpori suo insertis, pacem vendunt? quod facit Brito, sibi facit.

Paci Ultrajectensi Anna Regina non diu supervixit, anno sequenti 1715 demortua, ætatis 54, regni 12; conjugem habuit Georgium Friderici III Daniæ Regis filium natu minimum; ex quo multas proles suscepit, sed nullam superstitem reliquit. Hinc, quod dictum, ne ad alienam Domum regnum devolveretur, ad Jacobum fratrem suum revocandum ab exilio, thronoque inaugurandum, respexit. Sed major hæc moles erat, quam ut moveri posset, Torris & Wiglis in hoc consentientibus, ne Catholicus unquam Rex esset. Mortuo autem Josepho Cæsare tota Natio in pacem ibat, tot provinciarum accessione in Carolo sexto quantum verita. Hinc Gertrudenbergenses primum, dein Ultrajectenses tractatus, Cæsare



frustra se opponente, & Eugenio ipso Principe eam ob rem Londinum excurrente.

Obiit eodem anno 1714 Sophia, Jacobi I ex filia neptis, Ernesti primo Electori Hannoverano nupta. Inde prætentio ad coronam, cujus hæres fuerat declarata.

## Art. II.

### Status Angliæ

sub Georgio I.

#### §. I.

*Jure sanguinis plures alii Hannoveranos præcedunt. Jacobi III expeditio in Scotiam frustranea. Fœdus Londinense contra Hisp. Classis Hisp. bis cæsa. Jacobus III Romam. Ejus fautores puniti.*

459.

Sucessio  
Anglica.

Mortua Anna sorore sceptrum Angliæ haud dubie debebatur Jacobo III (quem, hodiedum Romæ superstitem, *Prætendentem* aut *Equitem S. Georgii* aliqui vocant) legitimo Jacobi II Regis filio. Hoc autem, licet per injuriam, excluso, jure nascendi regnique multi per Europam Principes Hannoveranam Familiam præcederent; quales sunt & omnes, qui ex *Henrica*, Caroli I Anglorum Regis filia, Philippo I Duci Aurelianensi nupta descendunt. Ex ea autem descendunt Carolus Emmanuel modernus Dux Sabaudia & Rex Sardinia: Ludovicus XV Rex Gallia: ratione matris Sabaudica: item omnes, qui ex primo matrimonio Philippi V Hispaniarum Regis orti fuerant.

2. Omnes, qui descendunt ex liberis natu majoribus & masculis Elisabethæ, Jacobi I Britannia Regis filia, Friderico V Electori Palatino nuptæ, uti ex *Carolo Ludovico* Electore, Elisabethæ filio descendunt Domus Aurelianensis & Lotharingica, ac proinde etiam Austriaca: ex *Eduardo* vero, juniore Elisabethæ filio, Domus Salmenfis, Condæa, Contia, Mutinensis, Wilhelmina Amalia Josephi Imperatoris conjux, & ex ea descendentes Domus Saxonica & Bavarica.

Hi omnes jure sanguinis & primogenituræ excluderent Hannoveranos, ex *Sophia*, filia Elisabethæ Anglicæ, natu minima, & lina & sexu inferiore, prognatos.

At vero hi omnes Anglicani lege a successione hæreditaria exclusi sunt, non alio crimine, ac quod essent Catholici, metumque facerent, ne avitam Majorum Religionem aliquando in regnum reducerent. Hinc additum Senatus-Consultum, ne quis unquam Catholicus Rex esset Magnæ Britanniæ, contra vero Georgius, Elector Hannoveranus, nuper creatus, cum suis posteris Protestantibus, legitimus hæres haberetur, ut, qui jure nascendi regni que ultimus, jure hæresis esset primus.

Hanc legem sumptuosi belli summum pretium statuebat senatus: hujus fidejussores Galliam, Hispaniam, omnesque fœderatos esse volebat, recessurus illico a fœdere, nisi in postulatam istud concederent. Nec difficiles admodum fuerunt in illo acceptando; quamvis enim durum videbatur, & conscientiæ parum consentaneum, legem, cum tanta & justorum hæredum, & veræ Religionis injuria conjunctam, non probare solum, sed & fociatis armis defendere. Verum non minus durum apparebat genti Austriacæ, alienata Anglia spem hæreditatis Hispanicæ abjicere.

Juris utriusque Doctores, ea super re consulti, responderunt: viam tenendam videri, quam Imperator Leopoldus ingressus esset, dum anno 1688 amoto Jacobo II Wilhelmus Auriacus, Rex ascititius, coronam apprehenderet. Non pertinere ad Cæsarem judicare, æqua an iniqua sit lex, a Parlamento rogata: non tam cum Rege, quam Republica Anglicana fœdus fuisse percussum, eum in finem, ut Domus Austriaca a justa Hispaniarum possessione dejecta, eandem recuperet. In civilibus privatorum causis *Interdicto unde vi*, in publicis summorum Imperantium armis locum esse.

His igitur insuperhabitis Georgius Ludovicus, Elector Hannoveranus, ex Sophia, Jacobi I Angliæ Regis nepte, prognatus, secundum legem successionis, jam ante a Parlamento latam, 31 Oct. 1714 Magnæ Britanniæ, Franciæ & Hiberniæ Rex promulgatur.

Jacobo III vero, post pacem Ultrajectensem etiam a Gallia deserto, nihil erat reliquum, ac ut dispersis per Angliam Scotiamque litteris protestaretur, atque Divina humanaque jura appellaret. Et habebat amicos, æquitati suæ causæ faventes, præsertim Scotiæ septentrionalis incolas, quos *Hochlandos* vocant.



Jacobi expeditione in Scotiam frustranea.

Isti etenim anno 1715 collecto sub Marchione Hundleyo & Comite Marrio iusto exercitu, Jacobum variis in locis Regem proclamant, ipsamque Scotiæ Metropolim Edenburgum invadunt: ipse etiam Jacobus, licet Georgius ingenti ejus caput pretio licitatus fuerit, in Scotiam venit. Sed cum ejus copiæ ab Argylio Britannorum Duce ad Dumblænum, & a Wilfio ad Prestonum fuissent cassæ, viam in Lotharingiam relegere coactus est. Oxfordiæ Dux, primus pacis Ultrajectinæ promotor, in custodiam cum pluribus aliis Nobilibus datus, & Majestatis reus est accusatus. Ormondus vero in Galliam fugit, quo Bullinbrokius jam præcesserat.

Fœdus contra Hispaniam.

Cum anno 1717 Philippus Rex Hispaniæ Sardiniam, auctore, ut creditur, Alberonio invasisset, & anno 1718 Siciliam, atque sic tota rursus Europa novo bello involvenda timeretur, Cæsarem inter, Gallum, & Anglum Londini triplex, accedente vero Batavo, quadruplex fœdus est initum, quietis in Europa conservandæ causa.

Classis Hispanica.

Quia autem Hispanus cœptis suis insistebat, Georgius Angliæ Rex validam classem sub Bingio Archithalasso immisit Oceano, qui 11 Augusti 1718 classem Hispanam, quam Castagneta gubernabat, tanto ardore invasit, ut 12 bellicis & sex aliis navibus potitus, totam classem ita disjiceret, ut laceræ ac dispersæ navium reliquæ vix fuga in portus evaderent.

Cum nihilominus Hispani sub Marchione Ledeo Siciliæ Sardiniaque insiderent, Cæsar e mediis Pannonicis victoriis revocatus, coactus est ab Anglis pacem Sultano dare, minitantibus, classem e Mediterraneo, nisi id fieret, se abdukturos.

Anno 1719 Hispanus, cladem, ab Anglis illatam, ulturus, classem in Scotiam direxit, ut causam ibi Jacobi III, qui in Hispaniam propterea abiverat, promoveret. Sed vento ac tempestate adeo inimica classis vexata est, ut, ea dissipata, pleræque naves in portus Hispanos redirent. Paucissimæ in Scotiam delatæ cum aliquot centum viris, facile a Britannis victæ captæque fuerunt. Cæsareæ autem copiæ ex Pannonia in Siciliam, Mercio Ductore, advektæ, Bingio Hispanas suppetias arcente, Siciliam recuperarunt.

Jacobus Romanus.

Jacobus III jam ante, dum in Gallia ac Lotharingia exul vivebat, præter Gallicam pensionem Pontificia etiam fruebatur; post pacem vero Ultrajectensem postulante Anglia a secularibus Principibus excluso, Papa in amplexum explicavit brachia, Romam velut in asylum fugienti; nec cessat in hodiernum usque diem Regio

gio eum cultu liberaliter fovere; hoc etiam exemplo demonstrans, quod sit Pater universalis Christianorum.

Robertus Harlajus, qui sub Anna Regina ad summos honorum gradus ascenderat, ac demum Oxfordiæ Comes, & regni Thesaurarius creatus, sub Georgio I gravissime fuit accusatus, quod cum Gallia conspirarit, Præliminaria pacis Ultrajectensis in perniciem Angliæ & fœderatorum fabricarit, Annam Reginam in partes Galliæ & Prætendentis pertraxerit, quo minus Philippus regno Hispaniæ privatus fuerit, obstiterit, pecuniam publicam male administraverit. Quamvis autem amplam apologiam pro se scripserit, ductus nihilominus est in carcerem.

Idem contigisset Jacobo Butlero, Duci Ormondæ, nisi maturius fuga in Galliam se subduxisset. Is partes Wilhelmi Auriaci contra Jacobum II secutus, Anglicis copiis in Catalaunia anno 1695 præfuit. Anno 1703 Prorex Hiberniæ dictus, 4 annis regnum illud cum eximia laude administravit. Imperium dein militare in Belgio a Marleburgo anno 1712 in eum fuit translatum, cum mandato tamen brevi submisso, ne porro hostile quid contra Gallos ageret. Cum autem sub Georgio I, dejectis Torriis Parlamentum impleretur Wiglis, Stuartorum familiæ inimicis, facta fuit anno 1715 severa inquisitio in Ministros Annæ Reginæ, atque in ipsum etiam Ormondum, qui accusatus fuerat, quod Villario arcana Fœderatorum prodiderit, atque per hoc id effecerit, ut Comes Albemartius ad Deninum a Gallis cæsus captusque fuerit.

Fuga pariter in Galliam sibi consuluit Vice-Comes Bullinbrockius, Status Secretarius; cui vitio datum, quod primus fuerit in centor separatæ pacis, & quidem insciis fœderatis, cum Gallis conspirarit & Hispanis, illudque etiam Ormondo persuaferit, Villarii voluntati parere jussit. Jenningium prohibitum, aggredi Classem Gallicam. Cum Prætendente quoque secreta consilia communicata.

Thomæ Wentwort Comiti Straffordiæ objectum, quod inducias cum Gallis suaserit; Hannoveranos Ministros contemptim habuerit, eosque cum Regina collidere studuerit, ac permiserit, ut Dominus Borbonica Hispania & India potiatur.

Multi præterea Nobiles, severissima inquisitione vexati, & Majestatis damnati furca suspensi sunt. Sævum maxime in Catholicos, quos Jacobi partibus adhærere credebant. Wigli quoque Torryos de conspirationibus in Georgium & reducendo Jacobo insinulabant. Unde Anglia agitato ventorum turbinibus mari similis



videbatur. Multi ex dignitatum culmine dejecti; Parliamentæ æstuant, fora perstrepebant, carceres implebantur.

Arguebantur etiam de conspiratione adversus Regem Georgium inita quinque Ministri Suecici, Görzius præsertim, & Gyllenburghus, Suecicus in Angliâ Legatus; cui *Arrestum* indictum, omnibus ejus litteris scriptisque obsignatis. Jus Gentium in eo violatum querebantur aliorum Principum Legati: respondit Stanhoppius Secretarius Status, Gyllenburghum Regis subditos in favorem Prætendentis ad rebellionem concitasse, per militem peregrinum nutriendam, cum ergo fidem publicam infregerit, protectionis, legato alias debita, jure excidisse. Görzius, urgentibus Anglis, in Hollandiâ fuit interceptus. Suecia vero Legatum Anglicum Holmiâ amandavit. Regentis tamen Ducis Aurelianensis industria facta fuit reconciliatio.

## §. 2.

### *Fœdus Triplex.*

160.

Cum anno 1717 Hispani Sardiniam invasissent, & non minus Aurelianensis successioni Domus suâ in Gallia, quam Hannoveranus suâ possessioni in Angliâ timeret, percussus est ad securitatem *Triplex Fœdus*, Galliam inter, Angliam, & Hollandiam his conditionibus.

1. Sit perpetua pax inter tres Nationes.
2. Prætendens illico ex Gallia facessat, nec in eam, aut Avinionem, vel in Lotharingiam redeat. Francia illi nec directe nec indirecte assistat.
3. Alter alterius rebelles ultra octo dies non toleret, sed ad requisitionem abigat.
4. Portus Dunkeræ, & quæ Mardici recens constructa sunt, diruantur; nec in vicinia novus portus erigatur.
5. Pax Ultrajectensis, in quantum utilitatem, & successionem Protestanticæ lineæ in Angliâ, & Regentis in Gallia, si Rex sine liberis decederet, concernit, exacte observetur.
6. Siquis ex tribus Fœderatis invaderetur, reliqui duo succurrant; Gallia quidem 10000 armatorum, totidem Angliâ, Hollandia 5000 mittat.
7. Hæc auxilia post requisitionem intra duos menses mittantur propriis cujusque expensis, restituendis tamen finitis turbis.

Si

Si hæc non essent suffectura, augeantur, aut etiam bellum aggressori denuntiatur.

8. Intra 4 menses sequatur ratihabitio.

Cum autem Rex Angliæ Bingium cum classe in Balthicum dimisisset, & alias se armaret, pro defendendis etiam Germanicis suis provinciis, extraordinaria petiit a Parlamento subsidia. Multi Senatorum, præsertim ex Torryis, negabant, Angliæ pecuniam pro Electore Hannoverano expendendam esse. Multique ex præcipuis Ministris officia sua abdicabant. Per majora nihilominus suffragia subsidia sunt decreta. Offensionis etiam aliquid accessit inter Regem & filium, Walliæ Principem: prout inter Domum superiorem Parliamenti & Inferiorem. Illa Comitem Oxfordiæ e carcere liberatum volebat, hæc obstabat. Victoria penes illam stetit.

Tandem Rex hoc anno 1717 pro detentis in carceribus libertatem & amnestiam a Parlamento promulgari iussit, exceptis tamen, præter alios, qui Prætendenti adhæserant, & Catholicis, qui iuramentum fidelitatis nollent præstare, aut successionem Protestantiscam agnoscere legitimam.

### §. 3.

#### *Fœdus Quadruplum anni 1717.*

Cum Hispani anno superiore Sardiniam invassissent, hoc vero 1718 Siciliam, atque inde, nisi obstitetur, ulterius progressuri viderentur, donec Monarchiam pristinam restituerent, Imperator primum, Gallia, & Anglia fœdus inter se pacti sunt, quod accedente postmodum Hollandia *Quadruplum Fœdus* est appellatum, cumque Londini sit initum, proprius hic de eo est tractandi locus. Constat autem primum octo articulis, de controversiis, inter Imperatorem & Regem Hispaniæ vertentibus, ejus hæc est summa.

I. Rex Hispaniæ Sardiniam rursus cedat.

II. Cæsar agnoscat ordinem successionis Gallicæ & Hispanicæ, cuius nunquam regnum utrumque in eodem capite coalescat.

III. Cæsar Philippum V Regem Hispaniæ agnoscat.

IV. Philippus V pro se & successoribus suis renuntiet omnibus provinciis in Italia & Belgio, quæ olim ad Hispanam Monarchiam pertinerant.

V. Ducatus Florentinus, Parmensis, & Placentinus, agnoscantur Imperii feuda masculina; & in casum, quo Imperio essent aperienda, filio Philippi natu maximo ex secundo matrimonio, ejusque

ma.



maſculis deſcendentibus conferantur, hiſque deficientibus, ſecundo filio, ejusque hæredibus.

Portus Liburnus fruatur libertate reſpectu omnium Nationum. Portus Longus cum inſula Elva ad Ducatum Florentinum accedat. Ducatus iſtos nunquam poſſideat Rex Hiſpaniæ. Tempore autem vitæ Ducis Florentini & Parmenſis nec Cæſar, nec Gallus aut Hiſpanus copias in eas regiones introducat. Helveti vero ſumptibus Conſœderatorum 6000, Liburni, in portu Ferrario, Parmæ & Placentiæ præſidium habeant, & poſtea Principi, hoc fœdere deſtinato tradant.

VI. Rex Hiſpaniæ Cæſari regnum Siciliæ tradat.

VII. Cæſar & Hiſpanus de regionibus ſibi mutuo caveant, quæ hoc tractatu eis aſſeruntur.

VIII. Intra duos meſes poſt ratihabitionem omnes hæc conditiones impleantur cum generali amneſtia.

Sequuntur quinque articuli tranſactionis, Cæſarem inter & Duceſ Sabaudiæ initæ.

I. Regnum Siciliæ Cæſari cedatur.

II. Duci vero Regnum Sardinia.

III. Cæſar confirmet tranſactionem, anno 1703 Taurini intam, & Dux retineat, quæ in Monferratenſi & Mediolanenſi Ducatu ei ceſſa ſunt, caſſatis aliis prætenſionibus, quas Dux ex illo tractatu formare voluit.

IV. Cæſar agnoſcat jus ſucceſſionis, quod Dux habet in Hiſpaniam & Indias in caſum, quo Philippi V poſteritas deficeret.

V. Hæc intra duos meſes poſt ratificationem impleantur.

Præliminaribus hiſ articulis ſubjunctum eſt ipſum *Fœdus Quadruplum*, novem hiſ placitis comprehenſum.

I. Sit exactum Fœdus inter Imperatorem, Regem Gallia, & Angliæ, atque Generales Ordines uniti Belgii: vi cujus quiſque teneatur alterius provincias & ſubditos defendere, atque publicam quietem.

II. Pax Ultrajectenſis & Badenſis, præſertim illius articulus, a quo in iſta reſeſſum eſt, & Fœdus Triplum, inter Galliam, Angliam, & Hollandiam 1717 Hagæ conſuſum, vim ſuam omnem retineant.

III. Fœderati pro omnibus provinciis, quas Cæſar vi huius tranſactionis poſſidere debet, caveant, nec ullum illius rebellem tolerant.

IV. Si-

IV. Similiter caveant pro Gallicis provinciis, & successione, juxta pacem Ultrajectensem, & acta successionis Hispanicæ de anno 1702, nec Galliæ rebelles in suis regionibus tolerant.

V. Item caveant pro successione Domus Hannoveranæ in magna Britannia, nec Prætendentem aut ejus liberos in ditionibus suis tolerant.

VI. Caveant pro omnibus ditionibus & Juribus Statuum Generalium. Nec eorum rebelles in terris suis subsistere patiantur.

VII. Si quis ex 4 fœderatis invaderetur, reliqui eidem assistant, & quidem Cæsar mittat 4000 equites, & 8000 pedites, totidem Gallia, totidemque Anglia, Hollandia vero 2000 equites cum 4000 peditum. Sit tamen penes invasum, an milites, an naves, an pecuniam petere velit: sic tamen, ut pro 1000 equitibus quot mensibus solvantur 30000, & pro 1000 peditibus 10000 floreni Hollandici. Et secundum hanc proportionem naves æstimentur. Si autem hæc subsidia non essent suffectura, augeantur, mo, si necesse foret, bellum adversus aggressorem publice declaretur.

His subjuncti sunt 4 articuli separati.

1. Si Hollandi nollent ad sustentationem præsidii Helvetici in Italia concurrere, Rex Hispaniæ eorum portionem in se suscipiat.

2. Tituli, Regi Hispaniæ & Duci Sabaudiaë dati, Cæsari nulloatenus præjudicent. Et, si Hispanus & Sabaudus hunc tractatum non reciperent, Cæsar, jure omni sibi reservato, solenniter contra protestatur.

3. Cum Cæsari aliqui tituli sint dati, quos Gallia non agnoscat, nulli eidem aut alteri præjudicio sunt.

4. Cum hic ita actum sit, acsi Hollandi præsentibus contraxissent, hoc autem factum non sit, hæc omnia ipsis communicentur, certa cum spe, ab eisdem acceptatum iri. Si tamen detrectarent, tractatus hic nihilominus inter tres confœderatos vim suam obtineat.

Hoc Fœdus nomine suorum Principum interunt, Baro Pennerieder, nomine Cæsaris: Dubois Secretarius Status nomine Galliaë: decem Ministri Status nomine Angliæ.

Additus fuit Tractatus Secretus, 12 puncta complexus, quid faciendum, si Hispanus & Sabaudus executionem detrectarent. Dux Sabaudiaë per Ministros suos Comites Provanam & Perousam



brevi Londini subscripsit; at Hollandi, quo minus tunc accederent, obstitit Marchio Beretti Londi, Hispanus Hagæ Orator. Albertus vero omnia potius tentanda duxit, quam ut Regi suo leges ab aliis præscriberentur.

Hinc ab invasione Siciliæ nullatenus absterri potuit, sed misso Ledeo cum terrestri, Castagneta cum navali exercitu, classem gemino ab Anglis prælio cæsus amisit, grandi Hispaniæ jactura, tu cro vero Turcarum maximo, quos Anglia Christianorum victoriis eripuit; comminata etiam, se classem Mediterraneo educaturam, si Cæsar Christianos fines ultra produceret. (*Videantur, quæ supra de rebus Hispanicis diximus.*)

## §. 4.

*Nuptiæ Jacobi III. Sponsa detenta Oeniponti. Calumnia in Jacobum. Commertium chartaceum. Wigsi & Torrii.*

*Obeunt Stanhope & Marleburgus. Novi officiales.*

*Fœdus Hannov. Tres classes. Obiit Rex. De Imped. Consangu. Obitus Newtoni.*

162.

Jacobi III  
nuptiæ.

Jacobus III Majorum jure & suo Rex Angliæ Avenione in Italiam pulsus, atque desertus ab omnibus, a Papa, Universali Christianorum Patre receptus, anno 1718 matrimonio sibi junxit Mariam Clementinam, Jacobi Sobieski Regii Polonici Principis & Hedwigis Palatinæ filiam, neptem Imperatricis Eleonoræ, & Electoris Palatini. Ac proin cum summis Europæ Principibus consanguinitate vel affinitate erat juncta, ac proin etiam exules ejus filii.

Sponsa  
captiva.

Dum autem sponsa ex Silesia, ubi parentes ejus domicilium fixerant, per terras Austriacas in Italiam tendit, ut Ferrariæ cum sponsa conjungatur, postulante id Saphorino Legato Viennæ Anglicæ Oeniponti in Tyroli fuit intercepta. At, cum minus arcte custodiret, inde elapsa feliciter in Italiam pervenit.

Jacobi Regis mater, Alphonsi IV Mutinæ Ducis filia, Jacobo II Angliæ Regis vidua, ad S. Germanum in Gallia pientissimè obiit, anno ætatis 60, fatis mariti & filii diu multumque jactata.

At tolerabilia hæc visa sunt, si cum mendacis Protestantium impudenter confictis, comparentur, quibus Jacobum suppositum

ei filium comminiscuntur. Detectam ab eo in morte fraudem calumniam inluminantur. Sed ubi in re tanti momenti probatio? id ex Gallia per scriptum ajunt. Sed quis perscripsit? quo teste idoneo perscriptum? quare non dicunt, id Romæ a Pasquino narratum fuisse Marforio? grandi nempe calumnia fucus illinendus erat grandi injuriæ. Si Calvinus sectam professus fuisset, nemo finxisset, nemo Natales accusasset, nemo coronam disputasset. Constat, cur pater ea sit spoliatus. Quis unquam Protestantium sceptrum maluit quam Religionem amittere? est profecto, est hæc vis solius veritatis, quæ præferre docet immarcescibilem coronam justitiæ.

Hanc ut per rerum aspera sibi compararet Jacobus, cælo permittente, anno 1719 classis Hispana, quæ eum in Scotiam vehebat, tempestatibus magis quam vi hostili fuit disjecta, fidi Jacobi comites, Nobiles Scoti, inter quos Perthi Dux & Comes Marrius primum Vogheræ, postea Genevæ in custodiam dati sunt, tridenti Neptuni Britanni omnibus se inclinantibus.

Anno 1720 nundinatio Schedulingarum seu papyraceum commercium (der Actien-Handel) a Societate Occidentalis Indiæ fuit introductum in Angliam ad eum fere modum, quo Lawsius illud introduxit in Galliam, non modico commerciorum, quibus Natio ista vivit, vigetque, damno. Nam multi decepti pro grandi pecunia expensa, nihil tandem in manibus invenerunt, quam papyrum, inanibus promissis divitem, multis hominum millibus ad paupertatem redactis. Inquisitum in auctores perniciosæ hujus inventionis; sed nemo nomen suum profiteri voluit.

Gravis hoc anno in Hibernia & Scotia sæviebat Catholicorum persecutio, severissimis in sacerdotes editis decretis, & Edenburgi Synodo Præconum instituta, qua remedia inquirebantur adversus crescentem Papatum.

Obit 1721 Comes Stanhopius, natus anno 1670 Madriti, ubi pater Legatione fungebatur. Ab anno 1704 copiis Anglicis in Hispania præfuit, multisque postea summis muneribus adhibitus, Hannoveranæ Domui intime fuit addictus; Legatione Viennensi aliisque celebris. Tandem cum in Parlamento argueretur negotiationis papyraceæ author aut particeps, ira, quam preffit, æstuans, ubi domum rediit, concidit exanimis.

Secutus est Dux Buchinghamus 84 ætatis anno, sub quatuor Regibus præcipuis officiis admotus. Epitaphium sibi his verbis scripserat: *dubius vixi: Ens entium miserere mei.* Grassata est Londini hoc tempore Atheorum secta.



Wigfii &  
Torril.

Per septem jam annos continuabatur Parlamentum, cum Rex illud dissolvit anno 1722. Magna tunc erat *Wigfios* inter & *Torril* contentio, quænam pars majorem senatorum numerum obtineret. Emebantur passim vota, ventumque a verbis ad verbera, non alio compendio, nisi ut Chirurgi lucrarentur. Tandem, dum novum Parlamentum constitueretur, electi sunt potissimum Wigfii, huic Aulæ grati.

Singulis ferme annis novas pro Prætendente conspirationes Angli spargebant. Trahebantur in carceres, a carceribus ad tribunalia, ab istis vel ad furcas vel in exilia.

Obit Marle-  
burgus.

Obiit hoc anno 1722 celeberrimus bellator Joannes Churchill Dux *Marleburgus* 73 ætatis anno. Nullo relicto filio. Nepoti autem testamento legavit sexaginta sterlingarum millia redditus annuos ex Capitalibus.

Fuit heros incomparabilis, Germanorum defensor, Batavorum conservator, Gallorum Victor, S. R. I. Princeps, attributa Dynastia Mindelhemienfi, sub Anna Regina Præfectus belli supremus: prudens, strenuus, felix. Testes Höchstadium, Malplaquet, Blendheim, Ramelia &c. Ultimis Annæ Reginae temporibus, tradito Ormondo exercitu, exauctoratus, turbatis tunc Angliæ rebus, in Principatum Mindlhemiensem, sibi a Cæsare ob præclare gesta donatum, concessit. Revolutis sub Georgio I rebus in Angliam rediit, & pristinum characterem recepit, eumque ad finem vitæ retinuit.

Novi Offi-  
ciales.

In ejus officia militaria successerunt Petroburgus, & Cadoganus. Reliqua negotia suprimi Ministri Towsendus, & Carteretus, atque gemini fratres Walpoli, Robertus & Horatius, moderabantur.

Prout singulis ferme annis, ita & 1723 Rex provincias suas Germanicas invisebat, ubi frequens Principum ad eum recursus. In Anglia executio in existimatos rebelles continuata est. Obiit Carolus Lenoxius, Dux Richmondus, filius naturalis Caroli II Regis.

Walpol.

Anno 1724 nihil admodum fuit mutatum. Robertus *Walpolus* ad altiores dignitates promoveri recusavit, ne Inferius Parlamentum, in quo Regi plus servire possit, deserere debeat. Obiit Comes *Oxfordiæ*, potens olim in Aula Annæ Reginae, sub Georgio vero, quod Galliæ & Prætendenti favens, pacem Ultrajectensem præcipitasset, in carcerem datus, prout supra memoratum.

Anno 1725 pax Viennensis, Cæsarem inter & Philippum V conclusa, cum non levi indignatione a Georgio fuit excepta, auctoritati suæ & rebus Angliæ adversam rato, quod per eam via aperiretur ad invadendam Minoricam & Gibraltariam, quarum restitutioni Hispania mordicus insisteret. Quare, cum Georgius Rex in Germanicis suis ditionibus tunc versaretur, cum Gallia & Borussia *Fœdus Hannoveranum*, quod supra in Germanicis exhibui, percussit.

Promissa in eo cautio & defensio mutua. Determinantur in casum invasionis auxilia. Vetatur, ne quis contrarium huic tractatum ineat. Spondetur tuitio pacis Westphaliæ, & Olivenfis.

Anno 1726 Parlamentum hæc Regis Acta comprobavit, eique grandia subsidia decrevit; quibus succinctus tres formidandas classes *Tres classes immittæ.* milite & armis probe instructas pelago immisit: stupente orbe, & admiratione suspensio, quo tantus apparatus tenderet, cum nullus uspiam hostis esset.

Primam quidem sub Archithalasso *Hofiero* misit in Americam, undecim bellicis constantem, haud dubie eo fine, ut Hispanam gazam interciperet. At ea ex Portu Bello, ubi celeberrimæ nundinæ celebrari solent, Havanam, urbem in insula Cuba præmunitam, jam fuerat reducta: non tamen in Europam deduci hoc anno poterat: quia Angli Portum Bellum obsederunt, & mare.

Alteram viginti navibus bellicis, & septem virorum millibus formidandam, Carolus Wagerus duxit in Balthicum, adfuturam Dano, si Russus Schlesvicensem Ducatum tentaret, atque ut Suecum, nulli adhuc parti addictum, argumentis fortioribus ad fœdus Hannoveranum pertraheret. Quem in finem Wagerus Hafniam, & Holmiam excurrit, atque ut Mosco se ostentaret, classem suam Livoniæ finibus admovit. Postquam autem per totam æstatem maria borealia oberraverat, bruma ingruente fuit in Angliam revocata.

Tertia, sexdecim bellicis valida, sub Joanne Jenningio in Mediterraneum missa est, ut Hispanis terrorem incuteret, & Minoricam atque Gibraltariam, munitione & annona instrueret, ad defensionem præpararet.

Hæc acta foris; domi quoque consultum rei publicæ, dum nova Orientalis Indiæ societas, compositis jurgiis, cum veteri conjuncta est. Quippe Elisabethæ tempore præcipui mercatores collata *Societas Indica nova & vetus conjuncta.* grandi pecuniæ summa societatem inter se commercialem erexit, eo concessio privilegio, ut aliis commercium Indicum esset inter-



interdictum. Verum spectatum lucrum opulentum aliorum quoque cupiditatem accendit, ut & ipsi in societatem coirent.

Vehementer collisæ inter se sunt duæ istæ societates, vetus & nova. Hollandis inter duos litigantes gaudentibus. Unita tandem utraque tres pro commerciis stationes obtinuit: primam in urbe Madras ad Coromandelæ littora: alteram in portu Bombayæ: tertiam in regno Bengalæ. Data simul illi potestas condendi commerciales leges, statuendique pœnas civiles & criminales: solo crimine majestatis Regi reservato.

Rex obit  
Osnabrugis.

Cum anno 1727 Georgius Ludovicus Rex Magnæ Britanniae & Elector Hannoveranus ad lustrandas suas provincias proficisceretur, in via aegrôtare cœpit, atque Osnabrugam deportatus, eo ipso in cubiculo, in quo natus fuerat, obiit, anno ætatis 67, Regni 13; Electoratus 19. Natus quippe fuerat anno 1660, patri Ernesto Augusto designato Electori successit 1698, in Collegium Electorale introductus 1708, Rex Angliæ 1714.

Conjugem habuit Sophiam Dorotheam, Ducis Cellensis patru sui filiam, a qua anno 1694 divortio se separavit, postquam ex ea genuit Georgium Augustum, qui ei successit, & Sophiam Dorotheam, Friderico Wilhelmo Regi Borussiae anno 1706 nuptam.

De Imped.  
consangu.

Nota. Dicunt Protestantes, matrimonia in primo & secundo consanguinitatis gradu jure Divino esse illicita & invalida. Quomodo ergo Georgius Ludovicus ducere potuit patru sui filiam, in secundo gradu sibi conjunctam? utique non dicent, liberos ex hoc matrimonio natos fuisse illegitimos. Cur autem Georgius Ludovicus repudiaverit Sophiam, & cur Georgium Augustum, Walliæ Principem, ex ea sibi natum, ab aula amandaverit, non levi diffensione cum eo collisus, mihi non constat. Plebs infrunitam ejus statuam contrivit.

Succedit  
Georg. Aug.

Quamprimum autem Georgius Augustus Richmondia, ubi per plures jam annos privatus degebat, mortem patris intellexit, Londinum profectus est, atque sub nomine *Georgii II* Rex salutatus, plura de suo in religionem & Rempubicam amore præfatus. Acta quoque patris sui, & inter ea Fœdus Hannoveranum confirmavit.

Primum novo Regi negotium cum Hispania fuit, quæ hoc anno 1727 Gibraltariam obsedit, in pacè Ultrajectensi cum Minorica insula Angliæ relictam. At Hispani obtenderunt, cessionem illam factam ideo, quia Anglia cavit pro libertate Italiæ, quæ causa cum nunc post pacem Viennensem cesset, prædicta loca Hispaniæ esse

esse restituenda. Contra vero Anglia cessionem illam absolutam & perpetuam contendit, ceu pretium diuturni belli.

Collegium Regium Scientiarum, a Cancellario Francisco Bacono Verulamio, viro celeberrimo, olim fundatum, amisit hoc anno Isaacum Newtonum, Præsidentem suum, ab editis doctissimis operibus toto orbe notissimum, postquam 85 ætatis annos implevit. Successorem habuit Joannem Sloanum. Societas ista Philosophiam maxime excolit, & rerum naturam scrutatur, earumque inventiones, quæ singulis trienniis in *Miscellaneis curiosis* communicantur orbi literato. Singulis annis novus hujus Collegii eligitur Præsides cum duobus Secretariis. Optimates regni honori sibi ducunt, eidem accenseri.

### Art. III.

## Status Angliæ

sub Georgio II.

### §. I.

*Pluribus displicet Tractatus Hispalensis. Nuptiæ cum Auriaco, & Hasso. Fœdus cum Dania. Dissidium inter patrem & filium. Bellum cum Hisp. Carthagena obsidione liberata. Bellum cum Gallia. Dettingensis victoria.*

Postquam anno 1728 Hispania Præliminaribus articulis subscriptis, Anglia classes suas revocavit. Cum in nuptiis Ducis Parmensis Jacobo Stuarto præsentis Majestatis titulus fuisset delatus, Comes Ducis Legatus illico Anglia excedere debuit. Hosiero Archithalasso defuncto successit Hopsonus. Hovardus Staffordiæ Comes Catholicus cum filio regno excessit.

Anno 1729 Conventio Hispalensis multis in Parlamento non placuit. Mutatum Fœdus Quadruplum querebantur: loco 6000 copiarum Parlamento indifferentium 6000 Hispanos in Florentinum & Parmesanum Ducatum displiceret & quidem opera Angliæ inducendos. Irritari per hoc Cæsarem & possessores. Tractatus Hispanicus. Timendum inde novum bellum, magno sumptu absque Nationis emolumento gerendum. Dunkercæ portum, Anglicis navigationibus ini-



inimicum, contra Ultrajectensia pacta impune reparari. Adhæc in Tractatu illo nullam mentionem factam Minoricæ & Gibraltariæ quæ tamen præcipuum Sueffione contentionis caput fuissent. Taccuisse hac de re callidam Hispaniam, ut possit rursus repetere. Sed tacendum non fuisse Anglis, tractatum compingentibus.

Hæc aliaque quiribatatur adversa pars: sed numero vicit aula addicta, rogataque est lex de acceptando Hispalensi tractatu, Rege ipso in pleno Senatu conquesto contra eos, qui sapienter acta maligne interpretentur, & discordias in populo diffeminare identidem fatagant. Facta dein anno 1730 in publicis mutatio. Mylordus Harrigton, seu Wilhelmus Stanhope dictus Secretarius Status loco Vice-Comitis Townsendi: Horatio & Roberto Walpolo ad magna quoque officia promotis. Initus eodem anno Tractatus Commercialis cum Abdala Rege Marocchini.

Lis compo-  
sta.

Anno 1731 constitutum jam fuerat, Carolum Hispaniæ Principem, secundum Tractatum Hispalensem, etiam armata, si opus sit, vi in Italiam abducere, atque ad hoc Domus Parlamenti Inferior subsidia Regi jam addixerat; cum interea Viennæ conventum est, ut Cæsar tractum Caroli cum 600 Hispanis in Italiam permetteret, Anglia vero pro Sanctione Pragmatica sponderet. Missus proin Wagerus cum classe in Hispaniam, ut Carolum cum copiis trajiceret.

Obiit hoc anno Philippus Dux *Whartonus*, qui constanti fide adhæsit Prætendenti; exul propterea, bonis Fisco addictis, in Hispania potissimum reliquum vitæ egit, donec Barcinone est mortuus.

Anno 1732 Rex ad Senatum retulit, Seviliensem Tractatum nunc esse impletum, Carolum Hispanum Parmæ & Placentiæ possessionem cepisse: Hollandos Viennensibus prioris anni placitis accessisse; quo Europa in æquilibrium suum & quietem sit reposita.

Aquisgrani obiit notissimus orbi Comes *Marrus Joannes Areskin*, præcipuus Prætendentis fautor, & adversæ fortunæ focus.

Anno 1733 Rex Georgius II Annam filiam suam despondit *Nuptiæ cum* Wilhelmo Principi Auriaco, Frisiæ Gubernatori, 1709 nato. *Auriaco.* Dotem pro illa Parlamentum assignavit octoginta Sterlingiorum millia. Pensionem annuam 12000 Sterlingiorum Rex ipse adjecit.

Robertus Walpolus certum quibusdam mercibus tributum imponi voluit, exosus propterea toti Nationi. Intentum erat, ut  
hac

hac via debita coronæ solverentur, quæ ad 48 miliones librarum Sterlingicarum ascendisse narrantur.

Anno 1734 subsidiorum tractatus Angliam inter & Daniam fuit compactus. Dania præbet 6000 virorum, 5000 pedites, 1000 <sup>Fœdus cum</sup> equites, ea lege, ut Anglia pro quolibet equite solvat Daniæ 80 <sup>Dania.</sup> Thaleros, pro pedite 30; Regi autem 25000: & postquam hic manipulus ad stipendium Anglicum venerit, 150000. Promittitur mutua defensio. Pactum hoc in triennium valere jubetur, videturque ideo duntaxat istum, ut Dania a Gallia abstrahatur. 16 Scoti in superius Parlamentum assumpti. Jennings & Norrissius celebres classium Præfecti a laboriosa vita in quietem se dederunt, suffectis Forbessio & Haddockio.

Ex Salisburgensibus emigrantibus multi in Americam, & quidem in Georgiam, translati sunt, quia spes ipsis facta, pinguiorem multo fortunam se inventuros, quam in montibus suis reliquerant.

Anno 1735 per omnia tria Regna multæ erectæ sunt scholæ pro juventute gratis erudienda liberalibus artibus & scientiarum disciplinis.

Anno 1736 Fridericus Princeps Walliæ, qui anno 1728 primum in Angliam venerat, duxit Augustam Saxo-Gothanam.

Rex ad Parlamentum retulit, pacis Præliminaria Cæsarem inter & Gallos esse conclusa modo, non multum abludente ab idea, a potentiis maritimis proposita; atque hinc sublevaturum se Nationem per reductionem militiæ, a gravi subsidiorum onere. Abdicabantur autem 9000 milites, & 8000 nautæ.

Obiit Carolina Angliæ Regina 54 æt. anno, ex Domo Onolobaccensi oriunda.

In annum 1737 incidit dissidium inter Regem patrem, & Principem Walliæ filium. Quippe Rex ex summa 800000 Sterlingiorum, qua sustentatur Regia Familia, Walliæ Principi assignaverat <sup>Dissidium inter patrem & filium.</sup> in annos singulos 50000. Minor hæc portio videbatur Principi, quam ut inde familiam suam congrue sustentare possit. Res delata est ad Parlamentum. Non paucis visum, augendum Principi censum. At superabant suffragia, pro dispositione Regis lata. Crescebat interim tantopere discordia, ut Principem juberet ex palatio Regio S. Jacobi emigrare. Privata hæc erat contentio, publica vero cum Hispania ob ereptas naves a littorum custodibus.

Anno 1738 natus est Principi Walliæ filius Georgius Wilhelmus, <sup>Natus hodie.</sup> Fridericus, hodiernus Rex Angliæ. Quamvis autem dissidia inter <sup>Rex Angliæ.</sup> <sup>patrem</sup>



patrem & filium necdum essent composita, nuntiari hic tamen iussit hanc nativitatem.

Mercatores querelas suas ob ereptas naves ad ipsum Parlamentum detulerunt, quod 257 suffragiis contra 209 conclusit, gravamen Regi proponendum, curandumque, ne Respublica detrimentum patiatur. Nationi Anglicanæ fas esse per omnia Americæ maria navigare. Petita satisfactio. Inita cum Giralдино, Hispaniæ Londini Legato, conventio, quam tamen Hispania limitavit, Anglia illimitatam voluit; & sic inter contentiones & querelas mutuas annus abiit. Interea autem bellum præparabatur. Ex Lusitania Caravallius Legatus Londinum venit, Azevedium sublevaturus. Bibliotheca Regia redacta in cineres.

Bellum cum  
Hispaniæ.

Anno 1739 Angli, indicto Hispanis bello, miserunt cum classe Veronum in Americam, qui Portum Bellum, ditissimum mercaturæ emporium, occupavit, & munimentis exiit. Walliæ Principi natus est alter filius Eduardus Augustus.

Carthagena  
liberatur.

Non tam feliciter Vernono successit anno 1740 Americana expeditio, nam ab obsidione *Carthagenæ* Hispanorum & Indorum virtute magna cum jactura rejectus, indignationem Anglorum incurrit, qui immanes expensas frustra consumptas querebantur. Munimentum tamen Chagræ & S. Laurentii solo æquavit, frustra tentata urbe S. Dominici. Missus quidem cum suppetiis Oglæus, sed ple-ræque copiæ morbis aut tempestatibus periere. Ereptæ quoque non paucae ab Hispanis naves.

Nuptiæ Ha-  
sacæ.

Rex hoc anno filiam suam Mariam Friderico, *Hassæ Principi*, moderno Landgravio regnanti, despondit. Hannoveram profectus regni administrationem 16 Proceribus commisit; inter quos Neucastellus & Harringtonus, Secretarii Status.

Anno 1741 Rex cum assensu Parlamenti Mariam Theresiam agnovit hæredem Paternorum Regnorum & Provinciarum, recepitque, se ex pacto Sanctionem Pragmaticam defensurum; sed ubi Gallos, Westphaliæ ingressos, ditionibus suis Hannoveranis imminere vidit, neutrarum se partium professus est, atque Electori Baviariæ suffragium se daturum promissit.

Bellum maritimum cum Hispania pyratice simile visum, navium direptionibus constabat.

Bellum cum  
Gallia.

Anno 1742 Anglia majori studio in res Austriacas ferebatur; nam Regi-næ 500000 & Regi Sardinie 200000 Sterlingorum pondo promississe subsidia dicitur. Viginti insuper virorum millia sub Comite *Stairio*, natione Scoto, in Belgium trajecit, & cum Armbergii copiis

coplis conjunxit, sollicitatis frustra in armorum societatem Hollandis, donec Mallebœus in Bohemiam movit. Verum non tam amor Austriæ, quam odium Galliæ & timor, ne crescat, hanc machinam Anglicanam movisse vel inde videri potest, quod eodem tempore Rex Magnæ Britanniæ cum Borussis peculiarem amicitiam tractatum confecerit, eique sponsonem Silesiæ addixerit. Motus etiam dignitate sua Robertus *Walpolus*, quod nimium Gallicus putaretur. Successit in munere Cancellarii *Sandyfus*. *Walpolus cadit.*

Rex Angliæ hoc anno cum Walliæ Principe post sexenne dissidium est conciliatus, eumque ad alloquium rursus admisit, opera maxime Ducis Gothani.

Anno 1743 Rex cum filio Duce Cumbriæ ob relatam *Detting. & gensem victoriam*, & desponsam filiam cum Daniæ Principe, magna gloria. cum gratulatione Londini exceptus est.

Cum Hispanis bellum eodem ferme ac priori anno modo gestum, nulla in publicum utilitate, tentata ab Anglis aliquot in America loca, sed cum damno repulsi sunt. *Mathewsus* tamen naves Gallicas & Hispanas Telone Martio ita habebat conclusas, ut Philippi, Hispaniæ Principis, expeditioni Italici nulli possent esse subsidio. Obierunt *Wagerus* & *Cavendishus* classium Præfecti.

### §. 2.

Rex belli cum Gallis causas proponit Parlamento; quod extraordinaria subsidia addidit. *Eduardus Princeps in Scotiam.*

Vincit *Copum*. *Carliliam in Anglia subigit. Advolant auxilia. Pugna ad Cliftonum, & ad Callodum de-*

*cretoria. Fugit Eduardus in Galliam. Angli*

*capiant Cap Breton, in Gallia victi,*

*mari victores.*

Postquam Angliæ Rex denuntiationem belli a Francia recepit, *164.* Belli cum re cum Senatu collata, eandem reddidit, allatis in medium his rationibus. Gallis causæ. tionum momentis. Galliam, contra sponsonem Sanctionis Pragmaticæ, Germanicum bellum excitasse, ut Europæ æquilibrium tolleretur: Angliam vero, servata ejusdem Sanctionis fide, ambiciosius consiliis se opposuisse. Cum bellum Anglo-Hispanum erupit, Galliam ex pacto neutram esse debuisset: at in Europa & America coluisse, immissa Oceano & Mediterraneo classe.

Per reparationem munitionum Dunkeræ, receptionem juvenis Prætendentis in Gallia, destinationem ejusdem trajectionem, apparatam



ratam in hanc rem classem, vim in Matteusium exercitam, manifesta esse argumenta fractæ pacis. Neutralitatis Tractatum anni 1744 non esse a se initum ut Rege, sed tanquam Electore Hannoverano. Non posse proin Gallum, dum Angliæ bellum indicit, illum læsum queri. Non Anglicanos Ministros, sed Gallos in Aulis Principum turbas concitasse.

Parlamentum magna & extraordinaria Regi decrevit præsidia. Majestatis reus declaratus, quicumque cum Prætendente litteras commutare deprehenderetur. Mox Rex, ut Gallo subtraheret Imperii Principes, cum Moguntino & Colonienfi tractatum subsidiorum composuit, sex virorum millia a singulis stipulatus. A Rege vero Borussia poposcit 10000 armatorum, vi fœderis 1742 icti, ut aiebat, sibi debita. Respondit Rex, Gallum dicere, se non esse aggressorem, sed Britannum, cum copias suas, cum Austriacis conjunctas, in Alsatiam miserit, ac proin non esse casum fœderis, mere defensivi.

Anno 1745 Rex Hannoveram profectus cum Rege Borussia conventionem iniit. Sed postquam nuntiatum est, Prætendentem in Scotiam appulsum, confestim in Angliam rediit, ubi Parlamentum non modo subsidia, Regina Hungariæ, Regibusque Polonia & Sardinia ex fœdere debita, sed etiam magna extra ordinem adversus Prætendentem, ejusque in Scotia adhærentes addixit.

Cum autem Eduardus Regius Princeps, Jacobi III filius, cum 300 suis hominibus in Scotiam venisset, Aula Londinensis 30000 Sterlingarum caput ejus licitata est, mistique adversus eum cum exercitu *Copium*, Vernonio & Martinio cum classibus suis excubare jussis, ne quid subsidii ad eum ex Belgio penetrare possit.

Eduardus in  
Scotiam.

Verum Princeps *Eduardus* majores nihilominus progressus fecit, quam Londinum sibi persuaserat. Nam postquam jura Regia Domus Stuart Manifesto ut vocant declarasset, multi ad ejus signa convolabant, præsertim Scoti Montenses, qui tria armatorum millia eidem adduxerant, quos Comes Mardonellus regebat. Et secunda fuerunt sane initia. Occupatæ Atholum, Perth, ipsaque urbs Scotia princeps Edimburgum, ubi aëta patris Jacobi, quibus filium Wallia Principem omnium trium Regnorum Regentem constituit, inter tubarum applausum, publice prælegi jussit.

Vincit Co-  
pium.

Carliliam ca-  
pit.

Nec mora: Eduardus cum copiis suis obviam progressus *Copium* prælio superavit, 500 Anglorum in acie cæsis, 900 fauciatis, 1400 captis. Tum vero in Angliam cum decem, ut fertur, millibus, irrueas, *Carliliam*, munitam in Cumbria Comitatu urbem, expu-  
gnavit,

gnavit, atque in interiora Angliæ penetravit. Trepidatum jam Londini. Et profecto, si majoribus viribus Gallia aut Hispania, quibus bellum erat cum Anglia, Principem sustentassent, nescio, quid actum foret. Verum magnis Principibus, etiam dum bella gerunt, mutua sunt politicæ officia. Diverti voluit Gallia Anglorum arma, ut Belgio subvenire nequirent, non statum præsentem, oppresso Georgio Rege, convelli. Quamvis etiam, si voluissent, ob contumacitatem Anglicis classibus mare, penetrare non potuissent.

Advenerunt interim in Angliam Hannoveranæ, Hollandicæ, & Hassiacæ, quas Princeps ipse Fridericus adduxerat, subsidiariæ co-  
Advolant Angliis auxilia.  
 abant exercitum, quem Dux Cumbriæ in Scotos duxit. Ad Cliftonum pagum conferta pugna 29 Dec. vicit Cumberlandus. Fuga  
 dilapsi Scoti ad Glasgoviam se conjunxerunt, quibus Dux Perthi  
Pugna ad Cliftonum.  
 300 Gallos, recens advectos, adjunxit.

Plures aliæ naves, tum ex Gallia, tum ex Hispania, cum multis belli officialibus, varioque apparatu armorum in Scotiam directæ sunt, sed omnes in manus Anglorum, mare possidentium, devenerunt. Qui Anglicæ aut Scoticæ erant nationis, ceu perduelles & Majestatis rei in carceres Londinenses abducti sunt. Censum etiam Sterlingarum pondo promissa illi, qui Clericum Catholicæ Religionis, Jesuitam præsertim, detegeret.

Anno sequenti (1746) Scoti, Eduardo adhærentes, Stan-  
Pugna ad Callodum de- cretoria.  
 æum Anglorum Ductorem acie quidem vicerunt, variaque ad Borealem loca fortiter defenderunt, sed quia subsidia Gallica in Scotiam penetrare non poterant, & Anglicæ copiæ semper augebantur, in angustias coniecti, prælio adhuc periclitari decreverunt. Commissum illud est ad Callodum. Victi sunt Scoti, magnaue strage profligati, atque omnibus impedimentis exuti.

Hac Anglorum victoria bellum hoc finitum est. Princeps Eduardus inter varia pericula in Galliam tandem evasit. Multi vero Nobiles Scoti, tum in pugna Callodensi capti, tum alias deprehenso, quod Præsentis partes essent secuti, Londini ad mortem condemnati & interfecti sunt. Hos inter *Lovatus*, quem tubam & facem rebellionis Angli dixere. Scotis Montensibus arma adempta.

Dum hæc in Scotia gerebantur, & Anglia, fervebat bellum cum Gallia & Hispania, maritimum præsertim, nec Angli navium  
Cap Breton;  
 duntaxat rapinis ingentia damna intulere, sed etiam ad finem fluminis S. Laurentii expugnata urbe Ludoviciana Insulam, quæ Caput Britonum (*Cap Breton*) in potestatem redegerunt. Quo nuntio



accepto Angli, eorumque latrevtæ, acsi totam Americam occupassent, triumpharunt.

Angli in  
Gallia victi.

Angli per trajectum Prætendentis irritati, anno 1747 vices reddere volebant, dum classe ad Britanniam Minorem sub Lestockio Præfesto appulsi, prædas & rapinas non modicas exercebant. Sed postquam miles Gallus advenerat, eos victos velut ranas in undas propellebat, plus mille illorum cæsis. Eodem ferme eventu Quiberonum & Calonesum (*Belle Isle*) tentarunt, factis in classem magnis sumptibus: præda non magna a muricolis reportata.

Chesterfieldus Prorex Hiberniæ, & Harringtonus Status Secretarius clypeos mutarunt. *Haddocus*, famosus classium Præfector, obiit.

Mari victores.

Anno 1747 Angli potiores mari erant Gallis; nam geminam eis cladem reddiderunt, quam superiore anno acceperant. A *Ponticherio* autem in India Orientali cum clade repulsi sunt. Nihil autem Regem Angliæ magis delectabat, quam nuntius de electo genere suo in Vicarium Fœderati Belgii; quia sperabat, sic Rempublicam promptius in vota sua ituram.

Duces.

Rex multos classium Præfectos, albi, rubri, & cærulei vexilli, constituit, uti *Oglium*, *Stevartum*, *Rowleum*, *Ansonem*, *Warrenum*, *Bingium*, *Knowleum*, *Boscavum*: Duces item, qui sub Principe Cumbriæ in Belgio militarent, *Ligonierum* Magistrum Equitum, qui dein in pugna *Laffelden* captus est: *Hawleum*, *Albemarlium*, *Hamiltonum*, *Howardum*, *Marleburgium* &c. Legatos seu Vicarios supremi Ducis. 16 denique Pares Scotiæ, quibus jus sessionis & voti in Parlamento Anglicano, ut *Gordonum*, *Argyllium*, *Duglassum*, *Murræum*, *Leslæum*, *Hayum*, *Lind sæum*, *Laudonum*, *Ogilvium*, *Hindfordum*.

Obiit Antverpiæ *Dux Perthi*, Scotus, qui cum sua Familia, quia constanter Jacobo Stuardo adhærebat, in Gallia exulabat, militaribus ibidem functus officiis.

Subsidiorum  
quantitas.

Subsidia, quæ hoc anno Parlamentum Regi concessit, assignantur sequentia: 1 pro 65000 Austriacis in Belgio 433333 Sterlingarum pondo. 2 Moguntino 8260. 3 Coloniensi 24299. 4 Bavaro 26846. 5 Hannoverano pro 5000 equitibus, & 13000 peditibus 410000. 6 Hassio pro 6000 militibus 161607. 7 Pro 11550 Anglis navali-

bus

bus militibus 206253. 8 Pro 40000 nautis 2080000. 9 Pro re maritima 196259. 9 Pro solvendis debitis maritimis 100000. 10 Pro Belli Officialibus 29914. 11 Pro militia Anglica campestri 49229 armatorum 1298100. 12 Pro sumptibus in expeditionem Scotticam 166198. 13 Pro Ponte Westmonasterienfi 301000. 14 Pro bello rasente præterea 500000 pondo Sterlingarum librarum.

Quæ simul sumpta faciunt summam 6871069 seu 34 milliones, & 355345 Thalerorum Imperialium. Neque in hac summa adhuc continentur, quæ ad Aulam Regiam & Principis Walliæ, atque Cumbriæ Ducis Familiam regie sustentandam fuerant contributa. Sed unde tantæ divitiæ? ex commerciis. Europa vestigalis pendit Insulæ, ferme extra Europam projectæ, ignobilis olim nominis. Conspirent Nationes aliæ, & alveum ad se derivent; abruptant cum Anglis mercaturam; vetitas eorum merces declarent, & importari prohibeant; quam alia brevi foret rerum facies! aut quid tandem est mercium, quod non aliæ nationes advehere, & mutuis Commerciis communicare queant? Habent maria, flumina, merces, portus, naves. Quid prohibet, strenue & gnaviter illis uti?

Pax Aquisgranensis, anno 1748 conclusa, ea sui parte genti Anglicanæ displicuit, qua omnia non modo in Europa, sed etiam India occupata, atque inter ea Caput Britonicum quoque, restituenda decernitur. Nationi insuper indecorum putabant, duos obsides in Galliam mitti, donec plena sit facta pacis executio, partemque continentem Dunkercæ munitam relinqui.

Anno 1751 obiit *Fridericus Ludovicus* Princeps Walliæ 45 ætatis anno, Regis filius, Regis pater, sed nunquam Rex, cum patre Rege conciliatus. Ex conjugē Saxo-Gothana reliquit octo liberos, quinque videlicet mares Principes & tres filias, accessit quarta posthuma. Natu maximus inter filios est *Georgius Wilhelmus Fridericus*, hodiernus Angliæ Rex, natus anno 1738. Præter Walliæ Principis, Cestriæ Comitatus titulum post mortem patris ab avo Rege accepit, cum ordine Periscelidum.

Suscepta est anno 1751 mutatio Calendarii, omissisque 14 diebus æquinoctium sedi suæ restitutum est, ad exemplum Calendarii Gregoriani.



Anglia & Hollandia subsidiorum tractatum inierunt cum Electore Saxoniae, quo eidem promittunt solutionem annuam 4800 Sterlingarum, ita, ut Anglia duas tertias solvat, Hollandia unam. Elector vero pro casu invasionis 6000 armatorum præbeat, & suffragium suum Josepho Archiduci in electione Rom. Regis: similis tractatus cum Saxo - Gothano initus, & Colonienfi, qui tamen a Guebriano Gallico, & Ammone Borussico Ministro aliud fuit persuasus.

Anno 1756 ortum est bellum atrox Anglos inter & Gallos propter limites in America. Direptæ primum naves Gallicæ; eamque direptionem Francia pro aggressionem habuit, atque Insulam Minoricam per Ducem Richelium expugnavit. Commissa prælia navalia plura. Victi Archithalassi Laclujus a Boscavio, & Constanfius ab Hawkæo. Interceptæ ab Anglis Insulæ, Bretonica, Quadalupa, Bellilia, Martinicia &c.

Initum fœdus cum Rege Borussiae. Trajectæ in Germaniam Anglicæ copiae, fortuna varia; prout infra magis declarabitur. Renovatum sæpius fœdus Borussicum, nominatim anno 1759 & 1760. Anglia promittit Borusso 670 millia librarum sterlingicarum, Londini solvenda. Cavetur, ne alterutra pars sine altera conventionem ineat.

Anno 1760, 25 Oct. subitanea morte Kensingtonii corrui *Georgius II* Rex Angliæ 77 ætatis anno; natus siquidem est in Germania anno 1683. In Angliam profectus est cum patre *Georgio I* anno 1714 Princeps Walliæ declaratus. Anno 1727 successit parenti in regno Angliæ, & Electoratu Hannoverano. Magnamque in theatro hujus mundi Personam egit, prout tot negotia per totum orbem politica, tot bella, tot tractatus publice demonstrant.

Reliquit ex Carolina Onolsbacensi tres liberos, Amaliam Sophiam, Wilhelmum Augustum, Ducem Cumbriæ (qui in Belgio & ad Rhenum, ac Visurgim supremus fuerat militiæ Præfectus, majori spe & commendatione nominis quam fortuna; quapropter Præfecturam illam abdicavit) & Mariam, Friderico II Hassiæ tunc Principi, nunc regnanti Landgravio desponsam, ex quo tres filios suscepit.

Successit ordine Primogenituræ Georgio II *Georgius III* ex filio præmortuo nepos; qui in eadem fœdera cum Borussia, idemque regnandi systema cum avo abiit, confirmatis Ordinibus suis iuribus ac privilegiis. Natus is fuit anno 1738, post mortem patris Princeps Walthe 1751, ac demum, quod dixi, post mortem avi Rex & Elector Imperii.

Bellum mox impigre continuatum, missa in Germaniam nova supplementa, in Oceanum classes, præsertim postquam Hispania hostis accesserat. Non tamen semper Angli fines suos sunt affecti; nam cum ingentem classem expediissent, quæ toti orbi minitari videbatur, illa, postquam ad Insulam S. Helenæ aliquamdiu substitisset, relecto itinere Portsmouthum rediit. Ad Grænam quoque Insulam cursus fortunæ impegit, Anglis cruentis cum capitibus a Gallis repulsis.

Feliciores erant anno sequenti (1761) in expugnanda Insula Bellilia, quam Eques de Cruce strenue defenderat. Sed tandem multitudini cedere debuit.

Annus 1762. novum Bellum Hispanicum, expugnanda Havana, & Lusitania defendenda occupatos habuit. Nova classis sub Hawkæo expedita, coactione ad naves compulsi remiges, ex tribus regnis collecti milites, missæ rursus in Germaniam suppetiæ cum annona. Subacta Insula Martinicia; ac postea etiam Havana; illa Gallis erepta, hæc Hispanis. Tandem vero pax conquestionibus metam posuit. (anno 1763.)

In Hibernia hoc tempore, lymphati quidam homunciones, ex facie infima conflati, circumcursantes, seditionis speciem præbent; sed ab Halifaxio, detrusis in carceres capitibus, in ordinem sunt redacti. In Anglia quoque tumultuatum a plebe propter aurum maxime pretium cerevisiæ.



C A P U T VIII.  
 Status Belgii  
 SÆCULO XVIII.

## Art. I.

*Belgium Hispanicum Philippo traditur: quem Angli & Batavi Regem agnoscunt. Sed alia mox rerum facies. Postulata. Foedus. Belli denuntiatio. Prælia. Urbium expugnationes. Gallia cladibus attrita ad pacem petendam compulsa.*

165.

**A**nno 1701 Elector Bavarizæ Nepoti suo Philippo, tanquam hæredi Hispaniarum, per testamentum Caroli II scripto, Belgium, quod gubernaverat, tradidit, admissis Neoportum, Aldenardam, Athum, Montes, Caroloregium, Namurcum, Luxemburgum &c. Gallicis præfidiis, dimissis vero Hollandicis, quæ urbes istas unitas infederant, copiis, nec minimum quidem resistentibus. Noluit Rex eas copias captivas detinere, ne aggressor videretur.

Angli & Batavi Philippum salutant Regem.

Quinimo tam Batavi quam Wilhelmus III Philippum Ducem Andegavensem, datis officiosis ad eum litteris, Regem Hispaniarum salutabant, sinceram amicitiam se culturos polliciti; necdum quippe eo res eorum erant loco, ut, quod sentiebant aut destinatum apud se habebant, auderent proloqui, meliores politici, quam fidei & candidæ veritatis amatores.

Verum diuturna non fuit illa simulatio; nam, cum Avallius Comes Hagam Legatus venisset, Regem suum publicam quietem, securitatem, & omnia, quæ in pace West. Neomagensi, & Risvicensi transacta fuissent; curate servaturum, prolixè fuit pollicitus, responderunt Batavi, quis sibi in pacem sit animus, abunde se demonstrasse, dum Philippum Hispaniæ Regem agnovissent; nihil proin superesse, nisi ut Domui Austriacæ congrua satisfactio præstetur, miles Gallicus Belgio Austriaco excedat, Franciæ nihil accrescat, securitatis obfides sibi tradantur, Venlona, Ruremunda, Stevensverta, Luxemburgum, Namurcum, Montes, Caroloregium

gium, Dendermunda, Dama &c. privilegia autem navigationum *Postulata* & commerciorum in Hispania & Indiis sibi a Philippo Rege depo- *Holl. &* feunt, quæ hætenus fuerant concessa, & deinceps aut Galliæ aut Angli- aliis Nationibus amicissimis concedentur.

Eadem Stanhopius, Angliæ ad Fœderati Belgii Ordines Legatus, postulabat, satisfactionem videlicet Cæsari pro jure suo præstandam, evacuationem Belgii, privilegia, & urbes maritimas, Ostendam & Neoportum credendas Anglorum præsidiis. Denique utrique integrum sibi volebant, his postulatis alia plura adjungere.

Obicurum haud erat Avallio, quo hæc vergerent; quare de tanta dissidentia questus Parisios rediit. Cæsar vero cum Anglis *Fœdus.* Hollandisque fœdus Hagæ percussit, quo maris potentibus sua postulata, Imperatori vero Mediolanum, Neapolis, Sicilia, cum aliis Mediterranei Insulis & portubus Hetruscis vindicarentur.

Sexto articulo Anglis Hollandisque copia fiebat, quas vellent, in Indiis Hispanorum terras urbesque occupandi ac jure proprio retinendi. Verum hac potestate usi non sunt; quia neutra natio volebat alteram in Indiis crescere, consultius in rem suam rata, si Rex Hispaniæ eas terras possideat. Octavo conventum, ne qua pars absque aliarum consensu a fœdere recedat.

Mirum quibusdam visum, quæ ratione gens utraque maritima fuerit ausa, in fœdus istud descendere, cum viderit, a multis jam annis solem Franciam contra omnem prope Europam stetisse victorem, relatas victorias, expugnatas urbes, protensum regnum, latas pacificationum leges: jam vero sustentatam tota Hispaniæ potentia, Sabaudiæ Ducis duorumque potentium Electorum auxiliis auctam, ad Scaldim, Padum, Rhenum, Danubium firmatam, multoque validiorem, quam anno 1672, quo eversa propemodum fuerat Batavorum Respublica. Verum Fœderati conscii erant suarum opum, & quæ opibus constant, virium. Certe sequentium annorum felicitas non a temeritate modo, sed audacia etiam eos absolvit.

Anglos præsertim Wilhelmumque Regem irritavit nuntium, quod Ludovicus post mortem Jacobi II, quæ in hunc annum incidit, ejus filium Jacobum III Angliæ Regem salutarit, conquerente *Jacob. III.* Wilhelmo, pacis Risvicensis fidem violatam. At exceperunt *a Lud. Rex* salutatus. Franci, nihil actum contra pacta: pollicitum quidem Regem Christianissimum, se Regem Wilhelmum in possessione suorum Statuum non turbaturum, nec copias aut naves daturum turbare volentibus. Mortuo Jacobo II se titulum Regis ejus filio negare non potuisse, quem ipsa nascendi conditio tribuisset. Regem Angliæ in



titulo suo se appellare Regem Franciæ, & se ipsum proferre titulum Regis Franciæ & Navarræ, quin propterea se ipsam conquestus Hispania; titulum Regis dari posse Jacobo, quin propterea illi præstetur auxilium: ac proin nihil actum contra fidem datam.

**Belli denun-** Verum Fœderati, Imperator, Anglus & Hollandus, tantam  
**tatio.** Domus Borbonicæ per accessionem Hispaniarum potentiam non ferentes, ad rem ipsam progressi, bellum anno 1702 Ludovico & Philippo denuntiarunt. Batavi Regi Franciæ id vitio dederunt, quod non steterit tractatu partitionis: contra illum nepotem suum throno Hispanico imposuerit, ubi ipse sit regnaturus despotice & ad Monarchiam universalem grassaturus. Inundatam jam Italiam, Belgium, Electoratum Coloniensem, Hispaniarum vastissimam Monarchiam omnem, cum evidenti periculo Europæ libertatis.

**Resp. Gall.** Responderunt Galli, Imperatorem adduci nunquam potuisse, ut partitionis tractatui subscriberet; Anglos ab eo recessisse; idem facturos fuisse Batavos. Acceptatum testamentum Caroli II criminari dari non posse: Ludovicum paratum esse, omnes copias suas ex Hispaniæ terris revocare, modo quietem impetret; Coloniensi missa auxilia adversus eos, qui ad bellum cogere illum & rapere voluerint. Quæ de Monarchia Universali dicuntur, vana esse, & jam olim Carolo V ejusque filio, Philippo II objecta. Quærunt denique, cur Hollandi non timeant Monarchiam Sultani, multo potentioris, quam sit Rex Franciæ? cur vires suas nunquam adversus eundem exerant? Cæterum, ne Gallorum vicinia umbram in Hollandiam projiciat, Ludovicus cum Philippi consensu Belgium Hispanicum in Electorem Baviaræ translaturum.

Postquam verbis scriptisque ultro citroque necquidquam est disceptatum, ventum ad arma. Dux Burgundiæ exercitum Hollandorum, cui Athlon Comes præfuit, ad Neomagi usque mœnia propulit, mille illorum cæsis. Fœderati vero Venlonam occuparunt, Stevensvertam, Ruremundam, Leodium. Tallardus vero Trarbachio & Treviris captis ad Mosellam se explicavit.

**Obdamus** Anno 1703 Boufflerus, & Bedmarus, qui pro Electore Baviaræ absente Belgium administrabat, Obdamum, Hollandorum Ducem, *Exerensi* prælio, haud procul Antverpia, profligarunt, cæsis, ut fertur, 4000, direptisque impedimentis. Contra vero, convolantibus magno numero fœderatis, Geldria a Brandeburgicis longa obsidione ad deditionem compulsa, Limburgum & Hujum a Marleburgo.

**cæditur.**

Anno 1704 cum belligerantium copiae ad Danubium essent profectae, parum belli in Belgio fuit. Owerkerchius Hollandus aliquid tentandum putavit; sed Namurcum supervacaneo conatu investivit.

1705 Foederati, expugnato Tillemontio, quae Flandriam tegebant, lineam superarunt, non sine Gallorum clade.

At nullus annus Gallis infelicior, quam 1706; ingentibus quippe praeliis caesi sunt profligatique ad Taurinum, ad Barcinonem, ad Ramilliacum. Evacuata Italia, Catalaunia, pars magna Belgii. Pugna ad Ramilliacum. Desertae mox, quantae urbes! Bruga, Gandavum, Lovanium, Mechlinia, Bruxellae, Aldenarda, Antverpia, Ostenda. Revocatus Parisios infelix Villaregius; detractus Italiae (ut & illa periret) Vendomius, atque ut famam deperditam repararet, bello Belgico praefectus. Vendom. in Belgium. Collectis is exercitus reliquiis molem incumbentem utcumque sustentabat, atque virtute sua famaue id effecit, ut & anno 1707 ruinam sisteret: nec dubium, quin id porro effecisset, nisi auctoritati suorum Principum debuisset cedere.

Hinc anno 1708 alieno consilio pugnam ad Aldenardam coactus conferere. Pug. ad Aldenard. Stetit uterque exercitus die tota in acie. Sed nox Gallis fatalis fuit. Deserto etenim certaminis campo ad duo millia caesi sunt. Insulae captae. Secuta est cruenta ac diuturna obsidio Insularum, ac tandem expugnatio, ab Eugenio & Marleburgo confecta, defensore licet Bufflerio.

Anno 1709 Ludovico Regi, ad pacem aspiranti, propositum est Hagae schema quoddam praeliminare, in 40 articulos divisum. Petunt in iis Anglo-Batavi: Rex Christianiss. agnoscat Carolum totius Hispaniae Regem: Dux Andegavensis intra bimestre cedat ei omnia, quae occupata tenet. Id nisi faciat, Ludovicus se jungat foederatis, eumque cogat. Kehlam, Brisacum, Landaviam reddat Imperatori: Alsatiam possideat ad modulum pacis West. Argentinam restituat cum 10 urbibus. Omnia munimenta a Basilea ad Philippoburgum ad Rhenum constructa, nominatim Hüningam, novum Brisacum, fortalitium Ludovicianum demoliatur: Electorem Brandenburgicum salutet Regem Borussiae, & principem Neoburgi (Neuf-Chatel) Ducem Hannoveranum pro Electore: Annam Reginam Magnae Britanniae: Praetendentem Gallia expellat: Terram Novam in America Angliae cedat. Dunkerae munimenta diruat, portumque oppleat: Hollandis pro securitate cedat Furnas, Meninam, Ipras, Insulas, Condeum, Tornacum, Namurcum, Montes, Carolo-regium, Neoportum, Maubegium, Duci Sabaudiae.

Postulata  
Foederato-  
rum.



omnia erepta; ac præterea Exillas, Fenestrellam, Chaumontium Pragelas. Palatinus maneat quintus Elector, atque in possessione Palatinatus superioris, & Comitatus Chamenfis. Atque hæc omnia executioni dentur ante conclusionem pacis; liberumque Fœderatis esto, plura petere.

Rex, quantumvis pacem efflctæ undique Gallia summopere necessariam videret, velletque pleraque fœderatorum postulata utut acerba, implere, Philippum nepotem deferere, Belgium evacuare; quia tamen hæc ante conclusionem pacis executioni tradere volebant, liberumque sibi ad plura pro arbitrio postulanda campum relinqui, qui eo usque se exporrecturus foret, quo cujusque desideria, Torcius & Rovilaus re infecta Parisios redire.

Pugna ad  
Malplaquet.

Igitur consilia ad arma rursus conversa sunt, fœderatique, ultra centum armatorum millibus validi viatorias suas in Belgio sunt profecuti, & primo quidem Tornacum expugnarunt; tum vero ad Montes oppugnandos progressi, in exercitum Gallorum ad oppidum *Malplaquet* inciderunt; commissæ ibidem pugna, qua nulla hoc bello atrocior; tenuit ab octava matutina ad tertiam pomeridianam. Graviter faucibus Villarius, qui copiis præfuit, acie exportari debuit. Boufflerus vero exercitum ordinibus servatis campo extraxit. Cæsa utrinque sunt hac laniena multa millia, parte utraque, ut fit, hostium cladem adaugente.

Montes.

Victoria autem haud dubie penes Fœderatos stetit, ejusque fructus fuerunt Montes Hannonia dediti. Scripsit tamen Bufflerus Regi, copias suas eo esse in statu, ut alterum prælium committere valeant. Sed vetuit Consilium bellicum; non enim erant amplius tempora, quibus centum millia in Belgium mitti poterant, Gallia exhausta, & bello ad Rhenum & in Hispania multa adhuc millia deposcende.

Tract. inter  
Anglos &  
Holl.

Novus interea Hagæ Comitum initus est tractatus Anglos inter & Hollandos, quo conventum, ut Batavi defendant successione Hannoveranam in throno Anglico: imponere ipsis liceat sua præsidia, impensis tamen regionis, Neoporto, Furnis, Knokio, Ipris, Meninæ, Insulis, Tornaco, Condeo, Valencenis, Maubegio, Namurco, Caroloregio, Castro Gandavensi, Dendermondano, aliisque Belgii urbibus & munimentis, Gallia propinquis, quin

a Do-

• Domo Austriaca in hoc jure suo & possessione turbari possint; quin imo etiam Leodii, Huiæ, Bonnæ, ut videlicet cum toto Belgio, Electoratu Colonienſi, & Principatu Leodienſi ſine ſuis impenſis pro arbitrio ſuo poſſent diſponere, conquerente Eugenio, hoc pacto Carolo III non niſi umbram relinqui Belgii Hiſpanici, & indignante ipſa Anglia Marleburgo & Townenſendio Legato, poſtquam ſe ipſam reſpexit. Proteſtati ſunt nihilominus Batavi, nolle ſe fines ſuos extendere. Miratus eſt orbis, Angliam eo uſque deſcendere, ut immanibus impenſis Hollandos in perniciem ſui commercii tantopere augetet. Sed Marleburgo Anglia ſe inclinabat.

Anno 1710 cum apicem attigiſſet Gallia calamitas, Rex <sup>Gerrudenbergiſ</sup> <sup>conventus.</sup> iterum pacem petiit, paratus omnia implere, quæ ab Anglo-Batavis ſuperiore anno fuerant poſtulata, id unum deprecatus, ne propriis armis cogatur nepotem ex Hiſpania ejicere. Induſtus propterea *Gertrudenbergiſ* in Batavia conventus, ad quem Rex Uxellium & Polignacum miſit, ſed elatis ſecundo armorum progreſſu Fœderatis, & Eugenio atque Marleburgo, ſummis belli Imperatoribus, victoriarum curſum ſiſti indignantibus, aſpernabantur poſtulationes. Fuitque ſumma Gallia felicitas, quod pacem obtinere nequiverit, nullaſque re acta Conventus fuerit diſſolutus.

Fœderati bello reſumpto *Duacum* expugnarunt, Gallia copiis necdum collectis. Idem fatum ſubiere Bethunium, Aria, Fanum S. Venantii, & Buchainum.

Anno 1711 mors Joſephi Imperatoris Gallis fatiſcentibus ſaſuſti fuit. Alia mox Ratio Status, alius habitus animorum, alia <sup>Mutatio</sup> <sup>rerum.</sup> conſilia. Viſum Anglis ominoſum, ſi corona Imperii & Hiſpania unum caput tegeret. Frigere Marleburgi apud Reginam gratia, obſtrepere æmuli, ſex milliones Sterlingarum quot annis impenſos in bellum Flandricum, ut augeantur Batavi, totius mundi commerciis inhiantes, & unius hominis, Hollandis efflictiſ addiſti, ſaturetur gloria cupiditas.



## Art. II.

*Rerum inversio. Ormondus substitutus Marleburgo. Anglorum secessio. Clades Foederatorum. Pax Ultraject. Causa Bullionica.*

166.  
Ormondus  
Anglos  
separat.

Anno 1712 Ormondus, Marlebourgo surrogatus, ab Eugenio se separavit, voluitque, ut Germani, sub Anglicis stipendiis militantes, idem facerent. At illi secuti Eugenum Quenæum expugnaverunt, Landresio frustra tentato. Procursum etiam ab Hollandis in Campaniam, & omnia vastitate completa.

Pugna ad  
Denainum.  
Cæsus Alber-  
male.

At mox inversa belli alea. Comes Albemarle Dux Hollandus ad Denainum cum suis a Villario cæsus acie, captusque. Duacum, Quenæum, Buchainum, Knochium a Gallis expugnata.

Pax.

Interea vero Ultrajecti pacificationis congressus habebatur, ad quem tota Europa per Legatos convolaverat. Denique anno 1713 Pax fuit conclusa, Cæsare & Imperio bellum adhuc continuante. Pacis Ultrajectinæ Instrumentum vide supra in Hispanicis. Subjunctus est Tractatus Commercialis Gallos inter & Hollandos. Munimentum vero Dunkercense cum insigni portu vi pacis dirutum est.

Tract. com-  
merc. inter  
Hisp. & Holl.

Anno 1714 inter Hispanos & Hollandos peculiaris pacis & commerciorum initus est tractatus, 40. constans articulis, quorum præcipui sunt: sit pax cum plena amnestia, securitate, & restitutione evictorum in judicio. Repressalia sint vetita, excepto casu denegatæ justitiæ. Privatis nulla fiat molestia ob debita publica. Neutra pars tractatum contrarium ineat. Pax Westphalica sit basis. Commercium sint libera: nec mercatores in domibus suis visitentur, nisi fraudis sint convicti.

Peregrini non plus teneantur solvere quam incolæ, aut amicissimæ nationes. Merces ne detineantur Arresto, nisi post Judicis sententiam. Naves portibus recipiantur, & quidem gratis; si nihil vendant, a visitatione sint liberæ. Naves hostiles cum alterutrius spoliis non admittantur. Consulibus consueta sit potestas. Pars utraque omnibus juris beneficiis fruatur. Nullius mercatoris libri rationum exigantur. Jure hæreditario utrinque gaudeant.

Nemo

Nemo in Religione turbetur, nisi scandalum creet. Bello mutata in pristinum statum reponantur. Hispanus nulli nationi commercium in Indiam Occidentalem Hispanicam concedat; salvo tractatu ratione nigrorum cum Anglis inito. Captivi utrinque liberi sunt, solutis tamen debitis. Novo oriente bello subditis integer annus concedatur ad sua salvanda. Renuntiatio Philippi V respectu Galliae confirmatur, tanquam lex fundamentalis quietis. Liceat, alios Principes huic paci includere.

Tractatus iste confectus est pro Hispania a Duce Ossuna, & Marchione Monteleone: pro Hollandis a septem provinciarum Legatis; atque hæc causa fuit, cur Batavi ad Triplum & Quadruplum sedus accedere postea sint tergiversati.

Inventæ sunt hoc anno 1714 litteræ Originales, quibus Ec-<sup>Causa Bullionis</sup>clesia Leodiensis probavit emptionem Ducatus Bullionii, quem ei-<sup>nensis.</sup>dem olim Godefredus Bullionius, cum anno 1096 ad sacrum bellum proficisceretur, vendiderat. Sed nihil impetravit, Gallia Bullionios Duces protegente.

### Art. III.

#### *Tractatus Repagulorum.*

Annum 1715 celebrem facit Tractatus Repagulorum (der <sup>167.</sup>Barriere. Tractat) quippe Hollandi, ut adversus Galliam munitos haberent limites, jam in pace Ultrajectensi obtinuerunt, ut ei assignarentur tales limites, seu munimenta Austriaca, quibus ceu repagulis, claustris, & aggeribus, a Gallorum invasionibus defenderetur. Verum hæc munimenta non erant satis in ea determinata, <sup>Barrier-</sup> nec modus, quo præsidia sustentarentur. Res igitur ista in Hol-<sup>Tract.</sup>landorum commodum sequentibus articulis ab Imperatore cum illis fuit composita.

I. Hollandi Cæsari extradant Belgium Hispanicum, in pace Ultrajectensi interim apud illos depositum, prout illud Carolus II anno 1700 possederat, cum urbibus in ea pace a Gallo cessis.

II. Cæsar nihil ex istis unquam Gallico Principi cedat; sed omnia sub dominio Domus Austriacæ permaneant, exceptis iis duntaxat, quæ Borussia in Geldria, aut Hollandis cessa sunt.



III. Cæsar & Hollandi perpetuo in Belgio habeant minimum 30000 armatorum. Cæsar duas quintas partes solvat pro his. Tempore belli 40000 alantur.

IV. Hollandi in Austriacis munimentis Tornaci, Namurci, Meninæ, Furnis, Warnetonii, Ipris, Knockii ex propriis copiis præsidia habeant.

V. Dendermondæ & Ruremundæ pars dimidia præsidii ex Cæsareis constet, & alterum dimidium ex Hollandicis militibus. Cæsar Gubernatores in illis constituat, qui tamen etiam Hollandis fidem præstent, ne in eorum præjudicium quidquam agant.

VI. Contra vero in urbibus, ubi sola Hollandica sunt præsidia, Batavi Gubernatores constituent.

VII. Hi tamen Cæsari fidem jurent, quod munimenta pro Domino Austriaca sint defensuri.

VIII. In locis, ubi mixta sunt præsidia, præfectis utrinque par honor deferatur.

IX. Religio maneat in statu, quo fuit sub Carolo II; præsidia-riis tamen Hollandicis liberum suæ Religionis exercitium permittitur, absque tamen sonitu campanarum, & publicis solennitatibus.

X. Rei tormentariæ, machinis bellicis, armis Hollandorum liber sit transitus, absque vestigali; modo litteris comiteatus sint instructi.

XI. Hollandis liceat, præsidia sua pro lubitu mutare, & pro casu necessitatis copias suas per urbes Brabantix & Flandriæ ducere, pontesque construere.

XII. Tempore belli aut periculi possunt augere præsidia.

XIII. Urbes magis munire, cum consensu tamen Gubernatoris generalis.

XIV. Liber cursoribus Hollandicis per urbes prædictas limitaneas sit transitus. Mercatoriæ tamen litteræ Postis relinquuntur.

XVI. In casu invasionis possunt præpugnacula erigere, terram inundare.

XVII. Cæsar cedit Hollandis Dulam, Polderum, Retum &c.

XVIII. Similiter in Geldria Venloam, Stevensvertam, propugnaculum S. Michaelis, Montfortum, Neostadium, Eicham, cum suis districtibus.

XIX. Hollandi quot annis quingenta thalerorum millia percipiant ex redditibus Austriaci Belgii pro præsidiis & munimentis.

XX. Cæsar confirmat varia acta.

XXII.

XXII. Cæsar solvet debita, pro Carolo II in Belgio contra-

ta.

XXIII. Item contracta pro Cæsarejs copiis.

XXVI. Commerciorum contractus maneat, prout in Pace Westph. fuit conceptus.

XXVII. Castellum Leodienſe & Hujenſe impensis Principatus diruantur.

XXVIII. Rex Angliæ hunc tractatum ratum habet, & pro eo cavet.

XXIX. Ratificatio accedat intra sex hebdomades.

Ex his videas, an Hollandi pro Domo Austriaca, an vero pro se ipsis bellum gesserint. Certe plures ex his articulis adeo difficiles visi sunt, ut Status Belgii Austriaci missa Viennam deputatione contra eos exceperint, & ratificatio ultra annum adhuc fuerit dilata.

Additus fuit articulus secretus, quo Cæsar, Anglia & Hollandia sibi mutuo pro omnibus in Europa possessionibus cavebant.

#### Art. IV.

*Ordinatio Belgii. Causa Limburg. & Herſtallensis. Transactio Colonienſis paradoxa. Navigatio Ostendana erecta. Opponunt se Batavi. Scriptores de Mari clauso. & libero.*

Anno 1716 Princeps *Eugenius* declaratus fuit Gubernator Belgii Austriaci; sed quia ejus præsentia necessaria erat apud exerci- 168.  
tum, vices ejus explerunt tum Comes *Königseckius*, qui tracta- Belgii Præ-  
tum de limitibus Hollandicis iniverat, tum *Marchio de Prie*. Porro  
Gubernator Luxemburgi dictus est *Cronsfeldius*, *Montium Arem-  
bergius*. *Thomas Philippus de Alſatia*, Comes de *Bosſu*, ex fami-  
lia de *Ligne*, frater Principis *Chimæi*, postea Cardinalis, Archi-  
episcopus *Mechlinienſis*; *Elſtræus* Archiepiscopus *Cameracensis*, lo-  
co *Fenelonii*, qui olim Regionum Principum Moderator, *Telema-  
chum* pro ejus composuit; postea cum *Bosſueto*, *Meldenſi* Episco-  
po collisus, de *Quietismo* fuit accusatus.



Causa Lim-  
burg.

Et Herftall.

Transactio  
mirabilis.

De Ducatu *Limburgensi* non levis erat contentio. Cæsar Ele-  
ctori Palatino pro restituto Bavaro superiore Palatinatu Limbu-  
rgum obtulerat. Sed cum vehementer se opponerent Hollandi  
caufantes, pugnare id cum tractatu limitaneo, res mansit in-  
festa.

Herftallum, Baronatus ad Mosam, inter Trajectum & Leo-  
dium situs, pariter controversiam movit Borussum inter & Hollan-  
dos, quorum utrique præsidium induxerunt. Pertinet ad hæredita-  
tem Auriacam; inter Borussum, & Nassovio-Diezenssem, Vicarium  
Frisiæ, litigiosam. Ille pro se pronuntiatum dicebat ab Episcopo  
Leodiensi, feudi Domino. Hic vero, cui Batavi assistebant, esse  
feudum Ducatus Brabantini prætendebat.

*Bonna ab Electore expugnata.* Belli tempore Hollandicum illi im-  
positum erat præsidium. Cum autem Elector esset restitutus, Hol-  
landicum præsidium vi armata expulit. Insuper Elector graviter fe-  
rebat, quod Hollandi adhuc Leodium & Hujam occuparent, atque ad  
defendendum Trajectum, in monte Petrino ditionis Leodiensis ca-  
stellum excitassent.

Tandem transactio inita, mediante Legato Cæsareo, vi cujus  
in arcis Leodiensis munimenta versus urbem persisterent, reliqua  
diruerentur.

2. Munimenta castelli Hujensis pariter demolirentur.
3. Idem statutum de monumentis Bonnæ.
4. Propugnaculum Petrinum ad Trajectum salvum maneat  
Hollandis.
5. Res tormentaria Bonnenfis Hollandis cedatur.
6. Gubernatori Bonnenfi & aliis belli officialibus Hollandicis  
satisfiat.
7. Elector apud Hollandos se excuset de iis, quæ Bonnæ  
acta sunt.
8. Si Elector hæc acceptet, illico fiat executio.

Transactio alias fit aliquo dato, & aliquo retento. At hæc  
facta est, ut alter omnia daret, & retineret nihil. Insuper alias  
secundum Jura, quod inædificatur solo, cedit solo; at hic solum  
cessit ædificio.

Quia Respublica Hollandica, alias obarata, tempore belli  
multa debita contraxit, copias suas ad 32000 capita reduxit: & quia  
Societas Orientalis Indiæ pecuniam illi subministravit, magna ac-  
cepit privilegia; inter quæ illud, quod severe interdiceretur, ne  
quis-

quisquam in Indiam commercii causa naviget, nisi membrum sit illius societatis. Indultum hoc privilegium anno 1717, quo *Fœdus Triplum*, de quo supra, Galliam inter, Angliam & Hollandiam fuit ictum.

Cœptum eodem hoc anno *Ostendæ commercium*. Duæ quippe naves sub signis Cæsareis ex hoc portu missæ sunt in Indiam Orientalem, quæ anno 1718 mercibus onustæ, quæstuoso cum lucro redierunt. Amplius proin portus, septemque omnino naves ad *Ostendæ navigatio*. cursum expeditæ.

Ostendana hæc navigatio velut pupillam oculi tangebat Anglis & maxime Hollandis, qui constituto Londini & Amstelodami monopolio, dominium maris sibi arrogabant, Amphitriten sibi solis desponsam rati. Igitur Hollandi anno 1718 in littore Guineæ navem Ostendam prædati sunt. Sed redditæ vices, cum eadem prædatrix navis ad Ostendam intercepta pœnam Talionis luit. *Spina in oculis Holl.* Id genus rapinæ deinceps ultro citroque frequentes erant, non sine animorum motu. Hollandi, ne alveus Ostendam derivaretur, merces Indicas levissimo pretio vendebant, gaudente inter hos litigantes Germania de leviori pretio.

Neque internis tumultibus Belgium carebat; cum enim Cæsar novum Senatum constituisset, ex Merodio, Westerloo, Armb-Tumultus. gio, Lignio, Rubempro, Urello, aliisque compositum, novaque juramenti formula exigeretur, Bruxella, Gandavum, Lovanium, Antverpia, tanta commotione se opposuerunt, ut Marchio de Prie, loco Eugenii Gubernator, satius duceret, interim cœptis abstinere. Plebem autem tumultuantem per milites compescuit. Postea tamen jubente Cæsare juramentum præstari debuit.

Wilhelmus Friso, ex Domo Nassovio-Dieziana, Vicarius Hæreditarius Frisæ, anno 1718 a Gröningensi quoque Provincia electus est Vicarius, licet septem tantummodo annos esset natus.

Invitabantur ad Fœdus Quadruplum Hollandi a Cæsare, Gallia, & Anglia; sed Beretto Lando obstante, hoc anno nihil impetratum.

Anno 1719 Hollandi urgebant, ut a Cæsareis debita, apud eos per mutuum contracta, solverentur. Cum dein Hispani classem in Scotiam dirigerent, promissa ex fœdere sex virorum millia Anglis mittebant, qui tamen, classe Hispana tempestate disiecta, brevi reversi sunt.

In Hollandiam quoque irruit negotiatio papyracea, quæ Galliam & Angliam afflixit; sed non sine gravi tumultu finita est.



Heinsii obi- 30 annos *Pensionarius* Senatus. & *fulcrum* Reipublicæ. Quam vi-  
rus, le autem est nomen *Pensionarii*, tam magnæ apud Hollandos est  
dignitatis & auctoritatis. Successit ei *Hornbeckius*. Obiit quoque  
Et *Leydeckeri*. anno 1721 *Melchior Leydeckerus* 79 æt. anno, *Professor Theol-*  
*ogiæ Ultrajecti*, variis operibus pro secta *Calviniana* famosus, uti  
etiam ex *Historia Jansenismi* edita anno 1695.

Societas  
Ostendana.

Anno 1722 de locis limitaneis, pro securitate *Batavorum* reli-  
ctis, & commercio *Ostendano*, magna fervebat *Cæsareis* inter &  
*Hollandos* contentio. At *Imperator* cœpta strenue prosequens lit-  
teras dedit ad *Belgii Ordines*, quibus *Societatem Indicam* mercato-  
riam erigendi concessit potestatem, eique protectionem suam pro-  
lixè addixit, collatis insignibus privilegiis ad 30 annos. Concessio  
autem ista constabat 103 articulis, ad normam aliarum ejusmodi  
*societatum* concinnatis.

Vix promulgata fuerat hæc facultas, cum mox societas coaluit,  
quæ sex *florenorum* *milliones* contulit, florebatque anno 1723  
spectatissime commercium. Sudes in oculis erat hæc nova So-  
cietas *Flandrica* societati *Orientalis Indiæ* *Hollandicæ*; quare  
instantissime supplicavit *Ordinibus generalibus*, ut sibi assisterent.  
Et assistere, quantum poterant, missis ad *Legatos* suos in *Aulis* ex-  
teris litteris, graviter questi, adimi sibi contra pacta *Monopolium*  
mercatus in *Indiam Orientalem*. (1723)

Arreptæ mox pennæ, & bellum litterarium gestum. Primus  
in hanc aciem prodiit *Abraham Westerkenus*, *Syndicus Societatis*  
*Indicæ* in *Hollandia*; qui tacito suo nomine scriptum edidit hoc  
Libri de ma- titulo: *De jure, quod competit privilegiatæ societati federati Belgii ad na-*  
ri clauso & vigationem & commercia *Indiæ Orientalis* adversus incolas *Belgii Hispanici*,  
libero. *bodie Austriaci*, quos a navigatione in *Indiam Orientalem* exclu-  
sos volebat.

Ecce! quantum mutatis *Hollandorum* rebus eorum quoque  
lingua sit mutata. Ante centum annos *Hispani* *Hollandis* naviga-  
tione in *Indiam* interdicerere volebant. Reclamabant *Hollandi*, mare  
a Deo & natura esse liberum, cuius genti ad alteram, com-  
mercari volentem, accessum per *Oceanum*, orbi terrarum cir-  
cumfusus, patere accessum debere. Cum iure naturæ & gentium  
*Hispanos* pugnare, quod sibi vindicare præsumant, quæ Deus &  
natura omnibus volunt esse communia. Atque hoc argumento  
per suum *Hugonem Grotium* librum ediderant de *Mari libero*, con-  
tra

tra Seldeni *Mare clausum*. Et hoc erat, quod Belgæ Austriaci Hollandis hoc tempore non raro objectabant.

Convicti hoc argumento, ad hominem formato, nihil habebant Batavi, quod reponerent, nisi ut ad mare *pactis clausum* confugerent: per quintum & sextum articulum pacis Monasteriensis interdictum Flandris navigatione Indica caussantes. Articulis enim illis expressim statui, ut *Hispani intra fines, hactenus consuetos, navigationem suam Indicam contineant: Hollandi vero loca, a Castilianis in India Orientali possessa, ne accedant.*

At facile responderunt Belgæ Austriaci; aliud his articulis non contineri, quam inhibitionem reciprocam, ne pars altera portus & littora alterius accedat, Belgas autem id curate observaturos: ad alia autem loca, ab Hollandis non possessa, mare nec natura, nec Jure Gentium, nec pactis ullis esse clausulum. Adhæc Instrumentum Pacis Monasteriensis de Castilianis loqui, Flandros autem & reliquos incolas Belgii Austriaci non esse Castilianos, imo nec Hispanos, cum quibus ea pax est inita. De Belgis ne quidem cogitatum; naturali proin illos frui debere libertate. Antverpiam fuisse olim universale emporium, nec conscientia duxisse Hollandos, illud ad se transferre. Non frustra naturam sibi dedisse portus & littora, quæ Oceanus alluat. Communes esse undas; num & aeris elementum sibi proprium dicant Batavi? Denique articulum quartum prædictæ pacis Belgis favere. Hæc aliaque Ludovicus de Bergen, Nennyus, Mattinyus, Dumontius, aliique Scriptores latius deduxerunt.

Nec verbis tantummodo certatum. Hollandi, velut cor sibi e corpore evulsum rati, cælum & terram inclamabant; atque imprius sub severissimis pœnis prohibuerunt subditis, nequis in partem societatis Ostendanae venire audeat; deinde, ut id ipsum quoque in Gallia & Anglia fieret, impetrarunt. Augendum videlicet Imperatorem, nimiumque potentem fore existimabant, se vero minuentos, si & ipsi, prout aliis Regibus & Rebuspublicis, Oceanus pecunias afferret.

Alterum negotium hujus anni 1723 fuit promulgatio *Sanctionis Pragmaticæ*, facta etiam in Belgio, de qua jam alias. Statutum nempe jus primogenituræ, ita quidem, ut 1 succedant Carolinæ. 2 Josephinæ. 3 Leopoldinæ Archiduces: quælibet cum tota sua linea.



Obiit Jacobus *Bafnage* 70 ætatis anno, ob Cæ vinifimum ex Gal-  
lia profugus in Hollandiam, ubi Præconis munere functus est. Ec-  
clesiasticam & profanam Historiam, aliaque opera gentis illius more  
scripsit, a suis multum dilaudatus.

## Art. V.

*Cameracenses, Sueffionenses, Hispalenses, Vienmenses contentiones.  
Hollandi Cæsari infensi ob navigationem Ostendamam.  
Quæ tandem abrogata est.*

169.  
*Bonevallii*  
casus.

In annum 1724 incidit ruina Comitis *Bonnevallii*, quem Mar-  
chio de Prie, Belgii Vice-Gubernator, ob verba aliqua in eum  
sparfa Antwerpiam in custodiam abducti iussit: indeque volente  
Cæsare Spilbergam in Moravia captivus migravit.

*Cameraci* & hoc anno varia in medium fuerant adducta, sed ni-  
hil conclusum; contentionis ferræ ultro citroque trahebatur circa  
Cameracen-  
sis congressus futuram successione Caroli Hispaniæ Principis in Ducatu Parmensi  
contentiosus, & Placentino.

Postulabant Hispani, Carolo feuda illa ita conferri, ut ejus  
posteris necesse non habeant, illa innovare, & Investituram pete-  
re: ad omnes filios Reginæ Hispaniæ illa extendi: feuda illa non  
appellari *Ligia*; contra vero adjungi verba: *cum omnibus juribus &  
pertinentibus*. Nimia hæc Cæsareis videbatur petitio. Insuper Hispani  
repetebant Minoricam & Gibraltariam. At surdæ erant Anglo-  
rum aures. Unde tam diuturna & vacua congressus productio.

Protestabatur etiam summus Pontifex *Cameraci*, Parmam &  
Placentiam non esse feuda Cæsarea, sed Pontificia. Litteras etiam,  
quibus Carolo feuda illa contulit, Cardinali Aquaviva Hispaniæ  
Legato Romæ tradidit. Cumque Status Imperii Cæsaris arbitrio  
feuda illa permisissent, Papa Ecclesiasticos reprehendit, quod non  
majorem Pontificii juris rationem habuissent.

Princeps de Taxis etiam per Belgium Generalis Postarum Præ-  
fectus fuit renuntiatus.

Obiit Priæus.

Anno 1725 advocatus Viennam fuit Marchio de Prie, ubi pau-  
lo post vitam, ad 74 annos protractam finit; vices illius interim  
supplevit Comes Daunius, donec adveniret *Elisabetta*, Cæsaris  
soror natu maxima, Belgii Gubernatrix. Princeps vero Eugenius  
illam

illam dignitatem ultro abdicavit, factusque est Vicarius regnorum & provinciarum, quas Cæsar possidebat in Italia. Daunius autem <sup>Elisabetha</sup> ad gubernandum Ducatum Mediolanensem abiit. Novæ Gubernatrix. <sup>Gubernatrix.</sup> Gubernatrix additi sunt Ministri, Viscontius, Rubemper, Pentenrieder; Baro Zumiungenius vero, qui copiis in Sicilia hætenus præfuerat, militiæ Belgicæ præfectus est.

Postquam hoc anno pax Viennensis & Fœdus Hannoveranum erant contracta, pars utraque conabatur, Hollandos attrahere. At illi hoc anno neutri accedebant.

Ultrajecti adhuc remanserant Canonici, qui ad Jansenismum deficientes, suæ sectæ Episcopum hoc anno elegerunt, quem Græcus quidam Episcopus consecravit. Pontifex omnes pro merito ab Ecclesia per censuram removit.

Anno 1726 Hollandi ad fœdus Hannoveranum accesserunt, (additis tamen quibusdam limitationibus) ad id maxime permoti per <sup>Holl. ad</sup> commercium Ostendani, in dies magis magisque efflorescens, cui <sup>fœdus Ha-</sup> Hispania per pacem Viennensem insignia privilegia concesserat. <sup>nov.</sup> Hinc ea conditione subscripserunt, ut Gallia, Anglia, & Borussia, omnes vires impenderent, ad illud disturbandum. Imperator autem obnitebatur, non posse se Hollandis promissa in tractatu limitaneo subsidia præstare, si commercium Belgis abscindatur.

Anno 1727 non exigua inter fœderati Belgii provincias erat contentio de recipiendo Vicario; aliquæ enim Principem Diezensem eligebant: aliæ vero detrectarunt, donec ætate proveheretur.

Obiit Isaacus Hornbeckius, per septem annos magnus Pensionarius seu Syndicus, 75 ætatis anno, vir de Republica optime meritus. Successit Simon Slingelandus.

Anno 1728 Hollandi in Congressu *Suessionensi* omnibus viribus rursus instabant, ut societas Ostendana abrogetur, Belgisque Austriacis navigatio in Indias interdicatur. Volabant ultro citroque <sup>Congressus</sup> scripta, quibus pars utraque jura sua adstruebat. Petierunt tan- <sup>Suessionen-</sup> dem Flandri, ut saltem tres aut quatuor naves mittere in Chinam annuatim liceat; sed neque id impetrare poterant, Hollandis Monopolium sibi solis vindicantibus. Dissolutus dein re infecta Con- <sup>Hispal.</sup> gressus Sueffionensis per Hispanensem, cui Batavi accesserunt, illecti promissione disturbandi Ostendana commercia.



Obiit in exilio Paradanus Abbas Ulierebecensis, capitalis hontis Constitutionis *Unigenius*, & auctoritatis Pontificia.

Anno 1729 facta est dista accessio Hollandorum ea lege, ut tres coronæ fœderatæ Hollandis assistant in causa Ostendana & Frisæ Orientalis: ipsi vero pro casu necessitatis præstent 4000 pedum, & 1000 equites. Hispania plura illis offert commoda in favorem commercii, satis gnara, hunc esse hamum, quo attrahantur hi pisces.

Senatus Bruxellensis ædes ligneas dirui jussit, & construi lapideas, oblata pauperibus pecunia; censutrium pro centum, sub hypotheca novarum ædium.

Anno 1730 Elisabetha Archidux, Belgii Austriaci Gubernatrix, spectavit supplicationem piam, quot annis ad Ubios institui solitam, ob victoriam, quam olim Brabantini a Duce Luxemburgensi reportarunt.

Neupergius Luxemburgi Præfectus prodicionem detexit; cuius 18 complices capite plesti jussit.

Anno 1731 totum palatium Gubernatricis cum Archivis & rebus pretiosis in cineres abiit. Damnum ad 18 miliones florenorum Hollandicorum æstimabatur.

Cum Cæsar & Anglus novam Viennæ conventionem iniissent, invitarunt etiam Fœderatum Belgium; sed quantum illi trahebant, tantum Gallus retrahebat, ut adeo hoc anno ad subscriptionem permoveri non posset.

Princeps Carolus Henricus Friso, ex Domo Nassovio-Diezenfi, Princeps Auriacus appellatus, cum 20 esset annorum, electus est a Frisonibus Gubernator seu Vicarius.

Anno 1732 Comes Viscontius Neapolin Prorex abiit, illique in munere Primi Ministri apud Gubernatricem suffectus est Harrachius. Baro vero Zumiungenius, copiarum in Belgio Præfectus, obiit æt. 72.

Abrogatio  
Ostendani  
commercii.

Hollandi hoc anno subscripserunt Viennensi tractatui, inter Cæsarem & Anglum inito, cum certis tamen conditionibus; inter quas fuit abrogatio Ostendanae navigationis, & sponso pro Sanctione Pragmatica. Duabus tamen adhuc navibus cursus in Indiam fuit permissus, ut societas Ostendana possit ibidem res suas componere, & quæ jam comparaverat, inde avehere.

Anno 1733 rogarunt Hollandi Imperatorem, ne Polonicæ electioni se misceat; fecius enim, si bellum propterea oriretur, non habituros se pro casu fœderis. Respondit, se negotium illius electionis procul a se habere; modo Reipublicæ relinquantur libertas; si bellum propterea sibi inferretur, scituros Fœderatos Ordines, ad quid per Tractatum limitaneum aliaque pacta adstringantur.

Gallia tum Gubernatrici tum etiam Batavis pro Belgio *neutralitatem* obtulit. Cum autem Gallia, Hispania, & Sardinia fœdus inirent contra Cæsarem, is promissa ab Hollandis subsidia per Uhlefeldium petiit. At prævalente Fenelono, *neutralitatem* amplexi sunt.

Incidit in hunc annum partitio hæreditatis Auriacæ, de qua in Borussia. Hanc minori Principis Auriaci ætate administravit Fœderata Respublica. Jam vero facta inter Regem Borussiae & memoratum Principem conventionem, exorta est controversia de Marchionatu *Riissingenfi*, quem Wilhelmus III Rex Angliæ sibi emptio-  
ne comparaverat, Seelandiæ vero Provincia independentem sibi-  
que proprium reddere volebat, eminentis domini titulo, oblati  
Principi sexcentis florenorum millibus. Respondit Princeps, si  
Flissinga sibi debeatur, non esse venalem; si non debeatur, cur  
offerretur pecunia? Rex etiam Angliæ pro causa Principis se interposuit, ut hæreditas illi sua relinqueretur.

Anno 1734 Horatius Walpolus Hagam extra ordinem Legatus venit, cum Fœderatis Ordinibus ideam pacis concepturus, quæ belligerantibus Principibus proponeretur. Quamvis enim Anglia & Hollandia bello se non sinerent implicari, progressus tamen trium Coronarum in Italia atque ad Rhenum ita aspexerunt, ut jam proximus videretur ardere Ucalegon, & Europæ bilanx nimium inclinari.

Comes Welderanus Leodium abiit, ibique Catholicam Religionem professus est. Pesterus vero, Hollandicis Legationibus notus, jam septuagenarius, muneribus omnibus exutus in carcerem conjectus est.

Postquam Batavis suboluit, jacta anno 1735 fuisse inter Cæsarem & Gallos pacis præliminaria, haud satis æquo animo ferebant, se non consultis id esse factum: erantque solliciti, ne aliquid minus sibi gratum in illis contineretur. Nec omnino placuit, Galliam Lotharingia fore augendam.



Anno 1736 Dux Armbergius omnium in Belgio Austriaco copiarum supremus Præfectus est renunciatus: Hornius vero S. R. I. Princeps.

Hollandi copias suas a 54700 ad 44400 reducebant. Anno sequenti Slingelando demortuo in præcipuo Pensionarii munere suffectus est Antonius Van der Heim, qui prius fuerat Thesaurarius.

Annus 1738 transactus inter querelas Hispaniæ, Angliæ, & Hollandiæ de abreptis invicem navibus. Cæsar commerciorum tractatum cum Hollandis tentavit. Sed his monopolium suum in Belgio præplacuit. Anno autem sequenti cum Gallia ejusmodi tractatum renovarunt, plura insignia privilegia per illum adepti; quod bello Anglo-Hispanico se non miscerent.

Anno 1740 post mortem Cæsaris Elisabetha Gubernatrix, nomine Reginæ Mariæ Theresiæ, ab Ordinibus Belgii homagium recepit. Composuit etiam dissidia, cum Episcopo Leodiensi propter aucta telonia orta. Complevit legiones, atque in omnem partem sollicitudinem exporrexerat, si quis forte adversus impetum irueret.

Hollandi  
Sanct. Prag.  
non defen-  
dunt.

Casus jam erat & tempus, quo Hollandi prout Regina requirebat, Sanctionem Pragmaticam debebant defendere. Sed aliud est promittere, aliud promissis stare. Offerebant sua bona pro pace officia. hoc totum.

Fratrem Carolum Imperatorem ad perenne & tranquillum regnum anno 1741 secuta est Maria Elisabetha Gubernatrix Belgii, æt. 60. Dictus interim Gubernator Harrachius, donec Carolus Dux Lotharingiæ, cui ea Præfectura fuerat destinata, possessionem caperet.

Quamvis Hollandi copias suas anno 1742 ad 70000 auxisse dicantur, ut tamen Reginæ auxilia mitterent, permoveri non poterant, ne quidem tunc, cum Angli in Belgium venirent, & ad superiorem Rhenum ascenderent; interim vero, cum Hispani Angli que bello essent commissi, utriusque gentis commercia ingenti emolumento faciebant sua.

Anno tandem 1743 miserunt 20000 Fœderatis suis, Reginæ Hungariæ & Angli ad Rhenum superiorem, Reischachio Barone & Cartereto Anglo Hagæ urgentibus. Obiit Franciscus Van de Meer, qui 19 annos fuit Reipublicæ Legatus in Hispania.

Harrachio Vice-Gubernator Belgii successit Königs-Eckius, Carolo Lotharingo bello adversus Gallos distento.

Art.

## Art. VI.

*Bellum successionis Austriacæ etiam in Belgium detonat.  
Gallorum magni ibidem progressus, Archistratego Mauritio  
Saxone, & Lövvendaho ejus Legato, Occupata tota  
Flandria & Brabantia Austriacæ, cum Namurca,  
Montibus &c.*

At vero anno 1744 Carolo cum serenissima conjuge in Belgium  
veniente Königseckius primi Ministri munere functus est. Ingens  
toto Belgio personuit lætitia; sed in summum luctum brevi muta-  
ta, dum Con - Gubernatrix Archidux, mortuam prolem enixa,  
obiit anno æt. 27, 15 Dec. in eo felix, quod Belgii calamitatibus sub-  
tracta fuerit.

Quippe Rex Galliarum, indicto Reginae & Anglis bello, expedi-  
tionem in Belgium suscepit, Noallio & Mauritio Saxone Ducibus. Gallorum  
Et favebat fortuna; nam 16 Maji Warnetonum, Cortracum, & in Belgio.  
Harlebecum fuerunt occupata. Venit tunc in castra Wassenæus  
Batavorum Legatus, pacem aut inducias petiturus; respondit Rex,  
satis diu studiosum illius animum a se demonstratum. Mox ad Meni-  
nam admotus exercitus, derivatisque undis 28 Maji, præsentem Rege  
apertæ viæ obsidionales: 4 Junii Hollandicum præsidium 1400 ho-  
minum discessum pactum, urbem dedit, & Slusas abiit. 26 Junii  
Ipræ: 29 Knockium: 30 Junii Duxmûda: 10 Julii Furnæ expug-  
nata.

Victoria dum ita curreret, nuntiatum Regi, Principem Caro-  
lum, trajecto Rheno, theatrum belli in Alsatia figere. Quare 19  
Julii cum magna copiarum parte in Alsatiam properans, Metis gra- Rex e Belgio  
vi morbo correptus est. In Belgio vero Mauritius Saxo cum 40000 Metas.  
relictus, diruto Cortraco, adversus fœderatorum 60000 exercitum,  
ex Anglis, Belgis, & Hollandis conflatum, excubavit. Anglos  
ducebat Waldjus, sed cum tot munimenta diripi otiosi spectarent,  
Arembergio Principi tandem delatum est totius exercitus imperium.  
Experimentum is sui facturus digno operæ pretio ad Insulas ex-  
pugnandas se accinxit; sed tergiverfantibus Batavis, cœptis desi-  
stere debuit, & hyematum concedere.

Batavi interea, quibus periculum erat propius, trahente hinc  
Reischachio & Trevorro, inde Fenelono & Abbate Villano retra-



hentibus, in utramque partem claudicabant. Quamvis enim 6 milia in Angliam adversus Prætendentem misissent, & copias suas cum Anglo-Austriacis conjunxissent, necessitatis tamen obtentu, auxiliorum, vi fœderum antiquiorum illis debitorum, id apud Gallos excusabant. De cætero nullum sibi cum Rege bellum esse Parceret igitur munimentis limitaneis, suo præsidio per pacem Utrechtensem & alia pacta publica commissis. Veruntamen, licet Franci magna cum humanitatis significatione has eorum excusationes & preces exciperent, donato etiam a Rege Wassenario Legato opportunior tamen aptiorque Belgium erat Martis campus, quam ut ab eodem depelli se paterentur.

Igitur Galli anno 1745 cum Austriaci a Rheno in Bohemiam adversus Borussum essent aversi, magno cum exercitu primo jam veniens in Belgium sub Mauritio de Saxonia moverunt, atque 25 Aprilis *Tornacum*, insigne munimentum, obsederunt. Harcourtius oppugnabat: Mauritius cum exercitu oppugnantes protegebat.

Pugna Tornacensis.

Nihilominus Dux Cumbriæ Regis Angliæ filius, qui fœderato exercitui hoc anno præfuit, obsidionem solvere conatus, Gallos que ingenti ardore aggressus, Fontenaco oppido occupato, primo jam eorum munimenta, suggestus & loricas superaverat, cum immanibus hostium ignibus cedere, & Athum sub tormentorum jactu se recipere debuit, Gallis fugientes non persequentibus, sed oppugnationis operi instantibus. De numero occisorum, sauciorum, captorum, immensum variant scriptores. Hoc certum, grandem utrinque fuisse stragem, egregiamque laudem deberi Gallis, qui inter duos ignes, urbis videlicet, & fœderati exercitus, qui oppugnantes oppugnavit, victores hostem propulerint.

Tornacum, quamvis sub Dortho Præfecto strenue pergeret resistere, 21 Maji se dedere coactum est, arx vero primum 19 Junii præsidio, quod 5000 adhuc capitibus constabat, liber quidem abitus permissus, ea tamen lege, ne per biennium militaret. Galli, ne per tot locorum præsidia robur exercitus distraherent, arcem demoliti sunt.

Löwendal-  
lius.

Urbes ex-  
pugnatae.

Löwendalium 11 Julii Gandavum expugnavit, 16 vero arcem, præsidio capto. Erat autem Comes *Woldenarus de Löwendal* ex regio Danorum sanguine oriundus, Varsoviæ Catholicam Religionem amplexus, Polonicam primum & Saxoniam militiam supremum excubiarum Præfectus secutus, ad Russicam dein translatus, rei tormentariæ Præfectus & Gubernator Kioviensis constitutus est. Demum anno 1743 in Galliam profectus, Mauritii supremi Ducis Vicarius,

arius, Ordinis S. Spiritus Eques, & Franciæ Mareſchallus creatus eſt, bellis deinceps Belgicis inclareſcens, atque pars magna expugnationum, quæ prono velut alveo deinceps fluebant.

Quippe 17 Julii Brugæ & Aldenarda ſe dediderunt, accedente brevi Aſto, 11 Aug. Dendermondo, & 22 ipſa etiam Oſtenda, atque 7 Sept. Neoportus capto præſidio. Flandria Auſtriaca autem in poteſtatem redacta, Galli in Hannoniam progreſſi, 8 Oct. Aſtum extorſerunt. Nec hyeme ceſſatum, qua rigente Mauritius Bruxellas, urbem Belgii principem occupavit.

Si quæras, qua ratione fieri potuerit, ut Gallus una expeditione firmiſſima tot clauſtra, dum adeſſet fœderatus exercitus, perstringere valuerit, conſideres velim collectas hic ferme Franciæ vires, Duces præſtantes, rem tormentariam inſtructiſſimam, populum unius labii, Regis præſentiam, animos generoſæ pubis, ex proſpero ſucceſſu ferocioris; ex altera vero parte militem diverſarum Nationum & linguarum, ſtrage Tornacenſi acciſum, nec ſatis ſibi conſentientem, per munimenta in præſidia diſperſum, & magnam partem in Angliam adverſus Prætendentem diſmiſſum, Bavorum nutantium & trepidantium teporem, cum Regem in ſe irritare nollent: fugitantes denique prælium, ne uni velut aleæ fortuna Republicæ objiceretur. Adde confuſionem gentis utriusque maritimæ ob apparatus ſimulatum, ad juniorem etiam Prætendentis filium in Britanniam trajiciendum.

Anno 1746 Galli ſuas proſequébantur victorias, Bruxella, Antverpiæ, Montibus Hannoniæ, Namurco, quantis nominibus expugnatis. Et quiden jam 27 Jan. rigente ſumma hyeme, Comes Mauritius, totius Gallici exercitus Archiſtrategus, dignum ſe, dignum Heroum factis opus aggreſſus, expeditionem, proſus inexpectatam in Brabantiam, & quidem adverſus ipſam urbem principem, Gubernatorum Sedem, ſuſcepit, quam, interceptis Lovanio & Vilvorda, corona cinxit. Amnes & paludes, glacie concreta, firmum advehendæ rei tormentariæ tergum præbebant; & quod luſtuofiſſimum, plerique belli Duces in ea urbe erant conſeſſi cum Duinio Hollando, cui urbis deſenſio fuit commiſſa.

8 Febr. viæ obſidionales fuerunt aperta: muri tormentis quaſati ruinas agebant. Intentabatur totius militiæ aſſultus. 19 Febr. Capitulatione cum Kaunicio Pro-Gubernatore Belgii, & Duinio ratione præſidii Hollandici inita, 10000 cum Ducibus capta ſunt; ſalvis Archiviis, Bibliothecis, & mobilibus pretioſis Aulæ. Kaunicio cum ſuis rei politiæ adminiſtris liber Antverpiam conceſſus abitus;

Cauſæ adverſæ fortunæ.

Mauritii victoriæ.

Bruxellæ capta.



abitus, Duces sub fide nobili dimissi: milites gregarii in Flandrian Gallicam abducti. Princeps Waldeccius, qui cum suis Anglicis & Hannoveranis copiis ad Antverpiam confidebat, succurrere non poterat, quia digressus præsertim cum sex Hassorum millibus Frederico Principe in Scotiam, infirmior erat, quam, ut 50000 Gallorum posset invadere.

Laus Mauri-  
tii.

Magisterium hic suum implevit Saxo: velut Semi-Deus propterea exceptus Parisiis; & superavit aliquid supra hostes, invidiam videlicet alienigena, fatentibus etiam æmulis, a Germano Gallum posse discere. Bruxellis præfectus Löwendahlus, æstimantibus Francis in utroque heroe, uti virtutem militarem, ita regium sanguinem.

Antverpia  
dedita.

Quieti militis ad Aprilem tunc spatium datum. 4 Maji Rex ipse Bruxellis exceptus est; & brevi post *Antverpiæ*, quæ Gallis venientibus fuit aperta; quam dispari modo, ac Alexandri Farnesii tempore. Arci, quam Comes Widenensis defendit, vim experiri placuit. At nihil tam firmum ars & natura constituit, quod ignes nostri sæculi non possint perfringere. 31 Maji se dedit, præsidio libero abitu concessio ad fœderatum exercitum, qui Bredam recessit, ætus 10000 Hannoveranis, & 6000 Hassis.

Montes.

Series oppugnationum ad *Montes Hannoniæ* permunitam urbem jam pervenit, quam Elstræus & Boufflerus 7 Junii infestare cœperunt; sed Rex ejus expugnationem Principi Contyo commisit. 18 fossæ obsidionales apertæ. De septem suggestibus 65 tormentis bellicis, & 45 mortariis urbs verberabatur, quæ 13 deditionem fecit, protenso vexillo candido. Præsidium captum. Philipsthalus Princeps, & Nava Hollandus in testimonium egregiæ defensionis dimissi liberi. Appendix fuit Fanum S. Gisleni, 24 Jul. deditum.

Carolo-  
regium.  
Huia.

Secutum est *Carolo Regium*, 2 Aug. superatis loricis expugnatum, capto præsidio cum Præfesto Delfortio octogenario. Löwendahlus interea *Huiam* Leodientem urbem impetu cepit, ut fœderatis inde cibaria abscinderentur.

Namurcum.

Supererat *Namurcum*, munimentum celebre, quod Princeps Claremontanus Ducis Borbonii filius cum 61 cohortibus & 47 turmis, 130 tormentis, 45 mortariis, aliisque metallinis machinis, e 5 suggestibus, 12 Sept. cœpit impetere, 20 Sept. urbs, 30 castrum fuit traditum, præsidio in urbes Gallicas abducto.

Fœderatus interim exercitus sub Bathiano & Waldeccio 17 Julii Breda in Leodientem agrum movit, ut Trajectum ad Mosam tutum præstaret. Venit huc in castra Princeps Carolus, Belgii Au-

Austriaci Gubernator, ut copiarum imperium, quæ ad 75000 ascensisse scribuntur, susciperet. Conatus is equidem est, expugnationes urbium sistere; sed eas Saxo, velut ad latus incedens, cum maiore exercitu protexit.

Tandem vero, post plures velitationes, haud procul Leodio pagum *Rocoux* ventum est ad acre prælium; in quo denique <sup>Pugna ad Rocoux.</sup> Mauritus victoriam retulit. Fœderati, relicto campo Martio, præfectum se receperunt, Galli vero *Leodium* occuparunt. Quia <sup>Leodium.</sup> Leodium autem Episcopus Theodorus, quamvis neutri parti adhæreret, gravia passus est damna, Rex Christianissimus ei Leodium aliaque omnia restitui, simulque in compensationem damni 1120000 librarum solvi iussit, cum promisso, nulla in agro Leodiensi figendi hyberna: la Galli in Brabantia & vicinis locis, Austriaci in Luxemburgensi, Trevirensi, Colonienfi, Juliacensi tractu ceperunt, Angli vero, Batavi, Hannoverani, Hassi, in Hollandico. Carolus Viennam, Mauritus Lutetiam abiit.

Interea vero, dum arma undique perstreperent, & Hollandiam proximi viderentur ulterioribus Franciæ progressibus, Bredæ in Brabantia Hollandica institutus est congressus pacis. Sed gladii humano sanguine necdum satis erant hebetati, ut cudi possent in votum. Unde tota hyems apparando bello impensa, formataque sagæ Comitum idea futuræ expeditionis. Regina promisit 60000 armatorum, Anglia 40000, totidem Hollandia. Supremus vero Belgici Imperator belli Dux Cumbriæ lectus.

Obierunt Heymius, magnus Reipublicæ Pensionarius, & Hagelus Status Secretarius: cui succedit Gillesius, qui cum Wagnario Parisios abiit, pacis negotium præparaturus.

## Art. VII.

*Flandria Hollandica occupata, cum Berga ad Zomam. Pugna ad Laffeldam. Wilhelmus Friso Princeps Auriacus, electus Gubernator a Fœderatis Ordinibus. Eorum Regimen quale sit.*

Cum autem Gallia nulla ratione Hollandos a Fœderatis posset vellere, statuit Rex, id armis extorquere. Igitur Löwendahlus <sup>171.</sup> Flandria 7 Aprilis 1747 ex una, Contadus ex altera parte in Flandriam Hollandicam irrupere, atque in ea Slufam, Cataractam Gandaven- <sup>pata.</sup>   
 Pars X. Y y y sem



sen (*Sas Van Gent*) munitam urbem, Wasiam regionem, Hulstium, Sandbergam, Axelam, aliaque munimenta occuparunt; ut adeo intra mensis spatium tota Flandria Hollandica in Regis potestatem esset redacta.

Trepidatum non modo in vicina Selandia, sed tota Batavia ad tantos tamque celeres progressus, muniti portus, armatus civis, implorata Anglia; solo, quod mirum, fœderato exercitu, qui tamen ad centum millia ascendisse dicitur, se non movente, Mauritio vero jocante, quod sibi togato & crepidato tam longa, tamque quieta hyberna concederentur.

Pugna ad  
Lassfeldam.

15 Junii Saxo, Cumbriæ Principem excitandum ratus, postquam Rex Christianissimus ipse Bruxellas venerat, Trajectum versus duxit exercitum. Cumberlandus, hoc animadverso, exercitum suum inter Trajectum & Gallos locavit. Austriaci dextrum, Angli, Hannoverani, Hassi sinistrum cornu, Hollandi mediam aciem constituiebant. Acris hic ad *Lassfeldam* in agro Leodiensi pagum, non ultra sesqui leucam Trajecto distitum, pugna inter sinistram fœderatorum & dextram Gallorum alam densas inter pluvias conferta est. Vicerunt Galli. Cæsa feruntur aut vulnerata Fœderatorum, maxime Anglorum, ultra novem millia, octingenti capti, quos inter Mülordi Ligonierus, Seutonus, Albemartius, Comes Isenburgicus. Præda memorabilis reportata, 29 machinæ tormentariæ, 9 vexilla, 7 labara &c. nec incruenta Gallis victoria fuit; sex enim millia aut cæsa aut fauciata narrantur. Comes quoque de Bavaria, supremi Ducis Gallici Legatus in hoc prælio cecidit.

Löwendalium  
Bergam ad  
Zomam expugnat.

Post pugnam Princeps Cumberlandiæ, de quo non constat mihi, quid in ea gesserit, exercitum reliquum ad Trajectum retraxit, ut illam protegeret, & communionem cum Germania apertam servaret. Mauritius, cum oppido difficilem Trajecti expugnationem cerneret, in Tungris substitit, Löwenthalium tamen, ut fructus victoriæ legeret, ad expugnandam *Bergam ad Zomam*, munitissimam natura & arte in Hollandica Brabantia urbem, dimisit. Sanguinolentum prorsus & pertinax fuit opus. Defendit illam cum numerofo præsidio Princeps Hassio-Philipsthalius, suspenso eventus expectatione Europa; sed Galli nolebant dici, ad hunc scopulum fortunam suam & vires imegisse. Igitur cum continua verberatione totam propemodum urbem in lapidum acervum convertissent, trino universali assultu tentato, 16 Sept. in eandem irruerunt. Hassus cum Cronstromio multisque præfidiariis fuga evaserunt, 1500 vero intercepti sunt. Præda multa, in hanc rupem depor-

deportata, in manus hostium venit. Quamvis autem Löwendahlius direptionem prohibuisset, non tamen semper est in potestate Ducis, manus iratas & prædæ cupidas coercere.

Tantum munimentum cum cecidisset, prouiora deinceps fuere ad deditionem castra ad Scaldin complura. Berga expugnata, Rex Lo- vanio Versalias rediit. Exercitus autem hybernatum concessere, Federati in Brabantiam Hollandicam, Galli in Austriacam, quam occupatam tenebant.

Postquam Gallus terras Batavorum inuaserat, magna apud eos hoc anno facta est mutatio. Populus fremens Wilhelmum, cog- nomento *Frisonem*, Principem Auriacum, ex Familia Nassouio-Priso Vica- Diezenfi natum, Regis Angliæ generum, Gubernatorem, seu po- tius Bataviæ- tius Vicarium Reipublicæ deposcebat. Frisia, Geldria, Zuphania, Gröninga, Omelandia, jam ante eum elegerant. Sed reliquæ pro- vinciæ constanter reluctabantur. Jam vero Selandia, ut Regi An- gliae, a quo auxilium contra Gallos exspectabat, gratum quid præ- staret, signum extulit, & Vicarium proclamavit, eique Flissingam aliaque patrimonialia bona reddidit. Secutæ sunt provincia Hol- landica, Ultrajectina, & Transisalanica, ut adeo ab omnibus se- ptem provinciis eligeretur Vicarius, Archithalassus, & Capitaneus Reipublicæ, & quidem jure hæreditario aliisque privilegiis adjectis.

Nam conclusum ab Ordinibus 1 Vicariatus Septem Provincia- rum sit hæreditarius, ita quidem, ut Wilhelmi filius, si quem sit Quibus con- ditionibus. nactus, succedat, atque hujus filia in defectu masculi. 2 Caroli- na, quatuor tunc annos nata, cum suis masculis descenditibus. 3 Si Carolina sine masculis decederet, succederet ejus soror juxta ordinem primogenituræ, cum suis legitimis masculis. 4 Nullus tamen Vicarius Regiam aut Electoralem Dignitatem obtineat. 5 Reformatae sit religionis, & in Batavia educatus. 6 Si femina Vi- cariatum obtineat, nulli Regi aut Electori nubat, neque alterius religionis Principi sine consensu Reipublicæ. (Quo postea indigebat Carolina, cum Nassouio-Weilburgensi, Lutheranae professionis Principi nu- beret.)

7. Si ad feminam Vicariatus sit devolvendus, in omnibus Collegiis & Consiliis Status sit præsens. 8 Tempore belli renun- tiet summos Duces, qui reformatae sint religionis, nec Reges, nec Electores: Statibus autem fidem jurent, & obsequium. 9 Tem- pore minoris ætatis mater filiorum tutelam & Vicariam potestatem gerat. Id quod dein anno 1751 Wilhelmo mortuo evenit, ubi



vidua, Regis Angliæ filia, ad cujus favores aucupandos haud dubie statuta sunt ista, tutelam & Vicariam potestatem exercuit.

Cum Wilhelmo, qui *Levardæ* in Frisia sedem fixerat, nuntiata electio esset, cum Coniuge & Carolina, unica, quam tunc habebat, filia Hagam abiit, ibique, iuramento coram Ordinum Deputatis deposito, possessionem novæ suæ dignitatis cepit, quantam nemo ante ipsum ab anno 1672 habuit. Nam Wilhelmus III quinque tantum provinciarum fuerat Vicarius.

Regimen  
Batavorum.

Nam facile autem definias, qualis electo Vicario, Regiminis forma vigeat apud Batavos; non est Monarchica, quia Vicarius est Vicarius & Gubernator, & non pollet suprema & independente potestate: nec perfecte Aristocratica, propter derivatam magnam Auctoritatem in Vicarium hæreditarium, Maris Præfectum & Generalem Reipublicæ Capitaneum, qui supremos belli Duces constituit; uti etiam propter populum, non raro pro libidine dominantem, & ea, quæ sibi sunt placita, extorquentem, prout hanc ipsam Vicarii electionem extorsit. Nec tamen propterea est Democratica, tum quia Hagæ Comitum sunt Deputati singularum Provinciarum, quos *Generales Status* appellant, penes quos est præcipuum robur, Consilium item Status, & rei maritimæ Collegium: tum etiam propter Vicarii Universalis prærogativas. Quælibet provincia est sui dominæ, imo etiam pars provinciæ, & non nisi nexu quodam arbitrario cum aliis conjuncta. Hinc tot lites, & insanabiles dissensiones. In id tamen conspirant, ut commercia, spiritus & anima sua, floreat, nullum membrum ab exteris lædatur, secta Calviniana inter alias multas dominetur. Hinc ad supremam militiæ Præfecturam neminem admittunt, nisi sit hujus confessionis; cum tamen videant apud Catholicos in Germania Seckendorffios, in Gallia Mauritios Saxones, Lutheranos homines, supremo militari hoc munere fungi.

Novus Vicarius militiæ Hollandicæ Præfecturam *Cronstroco* detulit: cui detrectantes subjici Princeps Waldeccius, & Comes Lippensis Bückeburgicus, deposito baltheo, in patriam redierunt.

Art.

## Art. VIII.

*Trajectum expugnatum. Pax Aquisgranensis. De Vicarii Gubernatione. Batavorum de nuptiis Carolinæ scrupulus. Ultimo bello Neutrales.*

Anno 1748 cum Galli jam Flandriam Brabantiamque occupasset, Fœderati totis viribus torrenti obfistendum rati, ingentem exercitum in Belgio congregarunt, Russis etiam 35000 ab extremis Trajectum finibus accitis. At Galli sub Mauritio Saxone & Löwendalio, antea expugnatum, quam Fœderatorum copię convenerant, Aprili ineunte Trajecto ad Mosam admoti, tanta vi urbem præmunitam impetebant, ut Aylva Præfectus 10 Maji ex mandato Auriaci eam dederet. Löwendalio urbis Præfectura delata, Mauritio Belgii conquisti Gubernatore, Præliminaribus pacis jam conceptis & induciis publicatis, Bruxellas concedente.

Conclusa denique 18 Oct. Aquisgrani Gallos inter, Anglos & Hollandos pace, Rex Christianissimus ablata in Belgio munimenta, quamvis plura diruta, urbesque restituit, ea lege, ut Philippo Principi genero suo tres in Italia Ducatus, Parmæ, Placentiæ & Gualfatiæ traderentur.

Anno 1749 confectis bellis Princeps Carolus Alexander Imperatoris frater ad suam Belgii Præfecturam rediit, festiva admodum solennitate exceptus Bruxellis, assumptoque in primum ministrum Marchione de Botta, sapientissime provincias gubernavit, quas ejus loco Armbergius Dux administraverat.

Wilhelmus quoque Friso, Angliæ Regis gener, Vicarius hæreditarius Reipublicæ regimen suum prudenter auspiciari satagebat; sed Friso Vicarius sentit difficultates. impedire non potuit, quo minus, sicut in Romana olim Republica plebs adversus Magistratus & patritios insurgeret, gravibusque discordiis collideretur. Ortæ sunt eæ tum ex aliis fontibus, tum ex pecuniaria taxa, ad extinguenda debita, ultimo bello contracta, singulis capitibus imposita. Cedere tandem plebi oportuit, & moderari exactiones. Cæterum Princeps Hassio-Philipsdalius ab Ordinibus præfectus est Tornaco, Burmannia Ipris, Austriacis urbibus limitaneis.

Anno 1750 Princeps Carolus inter Lovanium & Bruxellas canalem est auspicatus in commodum commerciorum, sumptoque in manus ligone primus fodere cœpit. Nassovius vero Fœderatæ Reipublicæ Vicarius Ludovicum Ernestum Brunsvicensem Principem



supremum campi Mareschallum, Generalem Capitaneum & Archithalassum renuntiavit, qui in casum suæ mortis viduæ tutrici assisteret, quamvis ab Imperio rei tormentariæ præfectura esset ornatus.

Obit.

Anno 1751 postquam Wilhelmus Nassovius Auriacus, Frisii cognominatus, Flüßingam Domus Auriacæ patrimonium a Seelandiæ provincia recepit, morte abreptus est, anno æt. 40, Vicariatus 4, relictis Wilhelmo quadrimo, & Carolina octenni sub tutela matris Anglicanæ, quæ Vicariam deinceps potestatem exercuit. Vicarium ad æternitatem secutus est Baro Cronstrom, natione Suecus, gubernator Sylvæ Ducis. Successit Princeps Beveranus.

Batavi ultimo bello neutri.

Bello ultimo, Angliam inter & Galliam illinc, atque Borussia inter, & Austriam hinc exorto, Fœderati Ordines se non miscuerunt, sed neutras partes amplexi sunt, quamvis vehementer ab Anglis incitanti; at negabant Batavi, casum esse fœderis, cum non constet Gallos fuisse aggressores, nec Britanniam vim esse passam. Irritati propterea Angli, multas Hollandis naves diripuerunt, territorium etiam eorum ingressi. Hinc tot querelæ, totque contentiones: hinc missi Londinum deputati, qui naves repeterent.

Ægre quidem habuit Batavos, quod Regina Imperatrix Neopolitana & Ostendam, ut ab invasione Anglorum tutiores essent, depositi instar custodiendas interim Gallico præsidio tradiderit, non tamen eam ob rem a neutralitatis consiliis sibi recedendum putabant.

Eorum scriptulus.

Anno 1760 Carolina, Wilhelmi IV Frisonis, Batavorum Vicaria filia, nupsit Carolo Principi Nassovio-Weilburgensi, Chilarchæ, & Bergæ ad Zomam Gubernatori. Scrupulum Hollandis religio Lutherana sponsi injecerat; sed tandem re composita, nuptiæ magnæ cum solennitate sunt celebratæ.

Paci conficiendæ locum Fœderati Ordines offerebant Bredam. Designabatur Augusta. Sed neutra urbs operis apud se consummatam gloriam retulit. Multum interea inter provincias consultabatur, præsertim postquam Hispania quoque in partem belli venit, de augendis copiis, & instruendis classibus, decretumque ferebatur, campetribus legionibus tredecim armatorum millia, maritimis vero viribus triginta bellicas addendas, sive ad securitatem navigationum commerciorumque, sive alio pertineret hic apparatus. Non legimus tamen opere ipso fuisse completum. Opportunius fortasse visum, optimis fructibus pacis frui, & libera per orbem mercatura, tum Europæ belligeranti aut occlusa essent maria, aut pyratibus vel hostilibus classibus prædæque essent exposita.

CAPUT IX.  
De Statu Helvetiæ  
SÆCULO XVIII.

Art. I.

*Turbæ Toggenburgicæ. Calvinistæ Toggenburgici Abbati S. Galli  
Domino suo rebelles. Tigurini & Bernates eis assistunt,  
& bellum movent. Monasteria expilant. Stadlerus  
a Svitenſibus capite plexus.*

Toggenburgum superiori in Turgoja provincia, proprios olim habuit Comites; ad Raronienses tum devolutum, venditum fuit anno 1468 Ulrico Abbati S. Galli, & quidem cum alto dominio, omni superioritate territoriali, & jurisdictione, alta & bassa, quam etiam diuturna possessione usuque exercuit, ac subditi, homagio præstito, editoque juramento non raro sunt contestati.

At vero, postquam Ulricus Zwinglius (cujus infelix patria erat Toggenburgum) superſeminavit zizania, diroque Schismate scidit Ecclesiam, multi ex ea provincia in illius errores prolapsi, pro genio hujus sectæ gentisque, conati sunt subjectionis jugum excutere, & populare regimen inducere, obſistente & jura sua, ut par erat, defendente Monasterio S. Galli.

Nunquam vero gens illa Domino suo magis se opposuit, quam neunte hoc sæculo, ubi novo Lichtenſteigæ ſenatu constituto, jurisdictionem civilem & criminalem, jus ſœderum, belli & pacis, totiusque regionis administrationem ac regimen, liber velut populus, sibi arrogavit, usurpavitque.

Obtendebant autem ſœdus & Jus quoddam provinciale, sub protectione Svitenſium & Glaronenſium jam anno 1440 erectum, juramentum ſuum, patriæ præſtitum, & pacem publicam, anno 1531 initam, quibus intentionem ſuam fundatam dicebant. At vero nemo est, qui neſciat, his omnibus nullum eſſe robur, ſine conſenſu illius, cujus intereſt, maxime Domini territorialis. Male profeſto foret proviſum regnis & principatibus, ſi ſubditi privatis inter ſe pactis, vel cum tertio initis, domino ſuo ſubtrahere poſſent parendi

173.  
Cauſa Tog-  
genburgica.



parendi obsequium. Notum est scitum Juris, rem inter alios actam tertio non nocere. Aliud litteræ emptionis, a Friderico III Imperatore confirmatæ, homagia jurata Principi, & longæva consuetudo clamant. Et quamvis Abbas Jus illud statutarium Toggiorum approbasset, id aliter factum intelligi non posset, nisi salvo jure territoriali supremo, & independente.

Tigurini &  
Bernates se  
miscent.

Verum Toggii anno 1707 prolatis multis, quibus se pressos dicebant, gravaminibus Tigurinos & Bernates implorarunt, qui, defensione eorum suscepta, Principi Abbati scribunt, 1 Jus Provinciale manifeste pro Toggiis facere: 2 exiguum emptionis pretium, 14500 florenos, satis indicare, populum illum magnis gaudere privilegiis & exemptionibus. 3 Senatum & tribunal patrum in contractu Raperschwilano anni 1538 esse fundatum. 4 Administrationem regionis soli competere Senatui patrio, a solis Toggiis constituendo, non vero exteris. 5 Sine consensu Toggiorum non esse locum appellationi ad Abbatem. 6 Gravamina Evangelicorum esse tollenda. 7 Jus constituendi sibi parochos ad populum pertinere.

Non modo Princeps, sed etiam Cantones Helvetiæ, præsertim Svitenfis & Glaronensis, Protectores Toggii, qui causam pluribus legationibus & congressibus jam tractaverant, indigne tulerunt, Tigurinos & Bernates, ad quos negotium non spectaret, velut iudices aut arbitros, in quos non esset compromissum, ferre sententiam, omnino incompetentem. Neque enim Toggios, sine consensu alterius partis potuisse illis prorogare Jurisdictionem.

Quare Princeps S. Galli protestatus est, se istos articulos neque ut consilium, minus ut sententiam posse a se recipi: atque Cantonibus neutris arbitrium deferri voluit; quamvis id soli Svitenfes & Glaronenses sibi vindicarent.

Senatum  
Constitu-  
unt.

Verum Tigurini & Bernenses, viribus suis freti, Toggios animarunt, ut cæptis strenue insisterent, atque articulis a se conceptis inhaererent. At opus non erat, currentibus calcar addere. Numerosum mox Senatum constituunt, ita quidem, ut in pleno sint 80 Patres, in minore 24, in arcano 12, qui consilio, sapientia, auctoritate Republicam in sacris juxta ac profanis gererent. Quanta inde secuta sit Religionis Orthodoxæ perniciēs, facile æstimabit, qui spiritum Zwinglianum & Calvinianum novit.

Svitenfes, qui hætenus cum Glaronensibus pro partibus Toggiorum, ceu Protectores eorum steterant, ubi Tigurinorum & Bernatium attentata viderant, neque solam Principis causam, sed

Reli-

Religionis agi, consilia sua mutanda publicis in Comitibus censuerunt.

Unus erat maxime, qui hactenus populum Svitensem adversus Abbatem S. Galli incitabat, Josephus Antonius *Stadlerus*, Senator *Stadler* Svitens & in causa Toggiana sæpius Cantonis Legatus. Capite is Sviten-  
 tensis capite  
 sium sententia publice carnificis manu plexus est; quod turbarum plexus.

Toggienfium fuerit inceptor, contumaciam Toggiorum adversus Dominum suum foverit, tum alias, tum per litterarum commercium cum Kellero, Toggio, affine suo: Svitenfes plures pecunia Toggiana corruptos, in partes suas traxerit: sex articulos Tiguri-  
 nos & Bernenfes promoverit, uti etiam Calvinifmum apud Toggios, illum Svitium quoque inducturus, si potuiffet: propriis denique litteris, ac confessione, tum in tormentis, tum extra illa facta, convictus fuerit tanquam auctor turbarum, falsarius, proditor patriæ, & veritatis, a qua libertas & Religio dependiffet. Alii quidam Senatores depofiti & in exilium ejeti sunt. (anno 1708)

Tum vero Svitium, graviter ferens, quod Tigurum & Berna falcem in alienam messem mitterent, cernensque, quo eorum consilia vergerent, cum Catholicis Cantonibus reliquis violentiæ obfistendum, & Religionis in Toggio oppreffæ tutelam affumendam putavit.

Princeps interea S. Galli per Legatum Cantonibus significavit, se a subditis sui Comitatus fuisse spoliatum suis juribus, dominio, superioritate territoriali, officiales suos expulso, imponi ab illis tributa, ædituum Catholicum occisum, Monasterium S. Joannis obsideri vi armata: Toggium contra omnia jura sursum deorsum volvi. Petitque auxilia contra rebelles hos suos subditos.

Protestantes conveniunt primum Aravii, dein Tiguri, Catholici vero Lucernæ. Hi mediationem offerebant; illi sex articulis suis inhærebant. Denique Badenam communis omnium Cantonum Congressus indictus.

Propositæ ibidem partis utriusque querelæ. Princeps Mediatores elegit Lucernam, Uraniam, Solodorum: Toggii Tigurum, Bernam, Basileam. Hos Imperator per Legatum suum Trautmansdorffium monuit, ne Abbatem S. R. I. Principem lædant, Toggenburgum esse feudum Imperii.



## Art. II.

*Bellum Helveticum.*

<sup>174.</sup>  
Tigurini bel-  
lum infe-  
runt.

Monaster.  
S. Galli spo-  
liant.

Bellum.

Sed nec Mediatores convenire poterant, nec Cæsaris ratio habita. Contra vero tum Toggii, tum Tgurini anno 1712 armis correptis bellum intulerunt. Et primo quidem Toggenburgici Calvinistæ Monasteria S. Joannis, in quo Religiosi San-Gallenses habitabant, & Magdenaviense Monialium, vi armata invaserunt spoliarentque. Dein Tigurini quatuor millia peditum armatorum, & tres turmas equitum, cum 12 tormentis bellicis Toggenburgo ad-moverunt, Toggiisque juncti, Duçtore Rabholzio, hostili grassa-tione omnia implerunt. Quatuor alia millia in Turgojam se infu-derunt, Principe cum suis Religiosis trans Acronium profugiente, postquam Monasterium suum urbi San-Gallensi, quæ neutrarum erat partium, in depositum commisit. Sed postea Tigurini illud occu-patum spoliarent, pretiosis rebus, ipsis adeo templi campanis Ti-gurum avectis.

Cum Catholici quinque Cantones, Lucerna, Urania, Svitium, Sub-sylvania, & Tugium, tantas Tigurinorum violentias cernerent, scriptum publicum edunt, quo conqueruntur, Tigurinos, cum Mediatores de turbis Toggiis tranquille sopiendis agerent, armata manu invasisse Toggenburgum Catholicum, Turgojam, veterem etiam San-Gallensem provinciam; ac proin, a Svitensibus protectori-bus se invitatos, vim vi repellere se esse coactos.

Igitur, cum Bernates quoque ex altera parte imminerent, ut cum Tigurinīs se conjungant, fœderati Catholici, ut eam conjun-ctionem impedirent, Badenam, Mellingham, Bremgartam, liberæ provinciæ intermedias urbes, occuparunt.

Tigurini autem Frauenfeldam, Rhenoviensem tractum, Son-nenbergam, Denickenum, Fischingham, Wilam, Melingham, Brem-gartam, ad quam velitatione victos Catholicos dicunt, ac denique Badenam expugnant, in qua præsens aderat Trautmansdorffius; Legatus Cæsareus, cui discessuro naves negatæ sunt: duæ etiam pi-læ in ejus domum injectæ.

Quantas calamitates, exactiones, contributiones, oppressio-nes passæ sint Domus Religiosæ, Einsidlæ, Muris, Wettingæ, Rhenavii, prorsus innoxia, quot templa, urbes, oppida vastata, expilata, nulla penna potest exprimere. Quamvis hæc non tam

jussu

iusſu Magiſtratus, quam furentis militis rapacitate & inſolentia ſint patrata.

Quinque Cantones, numero inferiores ex Italicis Præſecturis evocabant copias, ſed artibus hoſtium factum, ut non venirent. Venerunt autem illis auxilio nulle Vallefiani, per legationem rogati, qui tamen per aliquot meſes otioſe circumducti, ſe cum patria proditos rati, quod Bernenſes ex altera parte Vallefianæ imminerent, iterum redierunt, milite gregario non exaudiente Ducum imperium, imo & in patria adverſus præpoſitos ſibi magiſtratus inſoleſcente, quod falſo putaret, cum Bernatibus colludi, illosque Vallefiam invaſuros, milite patrio in Helvetiam emiſſo. At vero Bernates propugnaculum, quod ad pontem Agaunenſem, qui fines utriusque gentis dividit, cum ſuggeſtu tormentario erexerant, ruſus demoliti ſunt; tumultusque plebis conquievit.

Interim autem Cantones, qui neutras partes ſequébantur, uti Glarona, Friburgum, Solodorum, Baſilea, Schaffhuſium, Abbatifcella, cum urbibus fœderatis San. Gallenſi, Milhuſana, Bielenſi ad Aquas duras (ſeu Zurzachii) de pace cum Tigurinis acturi, conveniunt.

Cæſar quoque non modo per ſuum ad Helvetos Legatum, ſed propriis etiam litteris, Poſonio datis ad Tigurinos & Bernenſes, Cæſaris lit- prout etiam ad Comitum Ratiſbonenſia, & Circulum Svevicum, grater. viter queſtus eſt, provincias Imperii Principis injuſte invaſas, & ſanguine inundatas, Monafterium S. Galli aliaque expilata, antiquiſſimam Bibliothecam direptam, templa vaſtata, ſtatuas confractas, ſacra polluta, Religioſos viros, ipſum adeo Legatum ſuum contra jus gentium indigne habitum, naſes ad diſceſſum negatas, pilas igniarias in ejus ædes emiſſas, ſubvaſallos Imperii ad homagium adaſctos.

Non commiſſurum ſe, addebat, ut Toggenburgum, Comitatus & antiquiſſimum feudum Imperii eripiatur Principi Imperii. Adhæc pactis & fœderibus Helveticis (de anno 1469, 1531, 1599) caveri, nequis ſtatus cauſis alterius ſubditorum ſe miſceat, quod factum a duobus Cantonibus, ad quos res Toggenburgicæ nihil pertinebant. Petiit denique Cæſar, ut per arbitros turbæ & lites componerentur, copię abducantur, Princeps in integrum reſtituatur.

At duo Cantones fœderati his tam parum ſunt moti, ut majori etiam ardore bellum proſequerentur, Badenam, Rapperschwilam, Weſenam expugnarent, in Svitenſes, quin & Lucernenſes terras, contra ac promiſerant, irrumpentes, & per Hollandicum Viennæ



Noll. Legati  
responsio.

Legatum proponerent, ad Helvetos pertinere, res Toggenburgi ordinare, illud non esse feudum Imperii; Abbatem ad Imperium nihil contribuere; solo titulo esse Imperii Principem, sicut alios plures in Helvetia; eum se dudum ad Helvetos applicuisse, ad quatuor præsertim Cantones, Tigurum, Lucernam, Svitium, Glaronam, Protectores, atque per hoc ab omni externa protectione se subtraxisse; communem causam passuram, si Bernates legiones suas, stipendiis Hollandicis militantes, in patriam revocare cogerentur. At Cæsar, hæc vane jactari ratus, suo institit proposito.

Atque, accedentibus Gallici & Sabaudici Legatorum, prout etiam Cantonum neutrorum studiis, id effectum, ut Aravii Congressus ad componendam pacem institueretur: conventumque tandem in aliquot articulos, quibus subscripserunt ex Catholicis Lucerna & Urania.

Prælium ad  
Vilmergam.

Sed tres reliqui Cantones necdum eo ventum censebant, ut pacem illam acceptare cogerentur, rusticis quoque Illustrissimi cujusdam Cantonis obstrepentibus, bellum continuatum est, donec ad pugnam prope *Vilmergam* (ad quam superiore sæculo Catholici tam gloriose triumpharunt, subsequente annua solenni memoria) ventum tandem est.

Catholici in colliculo positi hostem in fugam jam conjecerant, cum opportuno eo loco deserto, in plana descendentes, ut hostem fugitivum persequerentur, ab eo, inversa fronte strenue dimicante, victi, & in fugam compulsi sunt.

Vulgare murmur varia de hoc prælio sparsit, quæ nolim commemorare: hoc solum dico, non esse, cur A catholici inde superbiant. Discordiæ Catholicorum, & rusticorum insolentiæ debuerunt victoriam: prout etiam pacem, quæ brevi post Aravii secuta est.

### Art. III.

#### *Pax Araviensis, & Badensis.*

175.

Longum foret, omnes articulos *in extenso* recensere; igitur ea tantum, quæ notabilia mihi videntur, summatim referam.

Badena, Bremgartum, Mellina, quæ octo antiquioribus Cantonibus fuerant communes, Tigurinis & Bernatibus ceduntur, prout etiam Rappersvilla, quæ ad Urios, Svicios, Subsylvanos, &

& Glaronenses spectaverat; salvo tamen in his civitatibus jure Glaronensium, qui bello se non miscuerant: salvis etiam pristinis harum urbium juribus & privilegiis; salva denique per omnia Religio Catholica, ejusque libero exercitio.

Berna in communionem gubernationis Turgojæ, Rheni vallis, & Sargantii assumitur. Statuitur amnestia. Causa vero Toggenburgica, propter quam bellum cœptum est, ad amicam compositionem remittitur.

De Religione in locis communis gubernationis 32 articuli sunt promulgati, videlicet, ut ubi mixta est, pars utraque pari jure fruatur, & in exercitio suo permaneat. Majora negotia ad diatras remittantur. Causæ Ecclesiasticæ Catholicorum, uti matrimoniales & quæ ad cultum Divinum aut disciplinam spectant, coram eorum Judice Ecclesiastico tractentur, quin gubernator se miscere possit.

Pars neutra ad alterius ceremonias, processiones, ritus, festa teneatur. Nemini tamen licet ea impedire, aut ludibrio habere. Pacis articuli.  
Gubernatores & subditi jurent juxta ritum suæ religionis. Ubi templum utrique religioni est commune, altera in æstate ad horam usque octavam, in hyeme usque ad nonam utatur, altera postea: intra hebdomadam utrique pateat ad suas functiones. Baptisterium & cœmeterium quælibet pars suum habeat.

Utrilibet fas est, novum templum suis sumptibus pro se erigere; sed tunc amittit jus in antiquum. Si pars altera suis sumptibus vellet templum ampliare, id licitum esto, absque tamen præjudicio cultus Divini, sacristiæ, & altarium Catholicorum. Protestantibus permittitur, ad aliud vicinum suæ religionis templum exire.

Ubi sola Protestantium religio exercetur, soli bona Ecclesiæ administrent. Ubi vero est mixta, & bona templi necdum sunt divisa, dividantur: nullaque pars alteri postea contribuere teneatur. Collatores Beneficiorum, quæ Tigurinæ synodo sunt incorporata, ex tribus, sibi præsentatis, unum eligant. De bonis, a personis Ecclesiasticis relictis, in communibus Præfecturis, nihil detrahatur.

Pax publica anni 1531 aboletur; hæc autem eidem substituitur. In Turgovia, Rheni valle, & Comitatu Sargantino officiales sint mixti, aut alternent. Pupillis tutores suæ religionis dentur. Justitia indifferenter utriusque religionis consortibus administretur. Peregrini non assumantur in cives in Præfecturis communibus sine consensu omnium Cantonum, ibi gubernantium.



Si bellum oriretur inter Cantones comperantes, commune provinciæ neutras partes sequantur. Nulla munimenta in iis construantur sine consensu omnium, quorum interest. Personæ a mortem condemnata nullo modo compellantur mutare religionem. Convitia vetantur. Altera Religio appelletur *Catholica*, altera *Evangelica*. Quoad iustitiam, hæreditates, successiones utriusque sit par & æqua conditio. In Diæti Corporis Helvetici duo sint Protocolistæ, alter Catholicus, alter ex Protestantibus.

**Pax dura.** Ex his apparet, quam dispar hic fuerit paciscendi conditio. Cantones Catholici sæculo XVI & XVII insignes de Protestantibus retulerunt victorias, nihil tamen istis per pacem fuit ademptum, sed omnia in integrum restituta. Hac autem pace, cum Protestantes per discordiam Catholicorum essent victores, plures urbes & districtus in liberis præfecturis sub traxerunt; cum tamen ob solum Toggenburgum Tigurini & Bernates se bellum gerere profiterentur.

Quia autem etiam Religioni Catholicæ hæc pax erat perniciosa, cum in locis mixtis dividenda essent bona Ecclesiastica, quæ hætenus perceperant Catholici, & Tigurini atque Bernenses eam in commodum suæ sectæ exequabantur, plurimæ ortæ sunt lites, præsertim Frauenfeldæ, Zurzachii, Diessenhofii, Episcopi Cellæ, Arbonæ, Episcopo etiam Constantiensi & Curiensi graviter conquerentibus.

**Protestantium agendi modus.** Habent hoc nempe Protestantes; quando Catholici vel pugillum terræ occupant, aut more pristino, in locis præsertim mixtis, volunt vivere, altum clamant, variosque in sacris & civilibus ponunt obices: ipsi vero, ubi viribus prævalent, sese intrudunt, omniaque ad ingenium sectæ suæ invertunt.

Expertæ hoc est isto quoque sæculo non modo Grifonia, Vallis Tellina, Wormii, & Clavennæ Comitatus, Grisonibus subditi, sed Vallis etiam Rhenana (Rheinthal) Toggenburgum, Sargantinus, & Hadensis Comitatus, Turgoja, atque contentæ in ea, Frauenfelda, Zurzachium, Episcopi. Cella, Arbona, Diessenhofium, Stein, Clingnavia, Neokirchium, Wasserstelsium aliaque loca non pauca, in quibus non modo, intrusis in Senatū, & officia publica Protestantibus, & quidem majori numero, sed in sacra quoque grassati, Ecclesiasticos nostros fructibus spoliaverunt, eaque Ministeriis attribuerunt, Episcopum Constantiensem jurisdictione sua, qua temporali qua Ecclesiastica privaverunt, non attenta demonstratione antiquissimi juris.

Appel-

Appellant quidem ad pacem suam Araviensem, quam pro arbitrio suo interpretantur. Sed quomodo tertius, Episcopus e.g. Constantiensis, qui nullam belli partem habuit, jurisdictione sua, jure quæsitâ, & per plura sæcula quiete possessa, privari potuit?

Compaciscentes septem Cantones, inquit, supremos esse Turgojæ, aliarumque, quas supra dixi, civitatum Dominos. Hoc non disputo (quamvis Episcopo etiam Constantiensi &c. in pluribus ex illis temporalis quoque Jurisdictio competat, & inter Condominos etiam sit Glarona, quæ nec in bello nec in pace partem ullam habuit, neque consensisse legitur). At demus, septem Cantones compaciscentes, plenos fuisse Dominos in temporalibus, num etiam in sacris & spiritualibus?

Compaciscentes quinque Cantones Catholici nunquam sibi arrogarunt Jurisdictionem Ecclesiasticam & Spiritualem, & hinc aperte sunt protestati, intentionis suæ non fuisse, tertium jure suo quæsitum privare. Non igitur in spoliaciones illas jurium & bonorum Ecclesiasticorum consenserunt, nec consentire potuerunt, cum scirent, ea a jurisdictione & dominio temporali esse exempta. Imo neque Protestantes erant eorum Domini, nec jurisdictionem in ea habuerunt. Quomodo ergo de re & jure alieno disponere poterant? At illi, viribus suis feroces, via facti progressi sunt, solique, sub prætextu executionis circa bona & jura Ecclesiastica prohibitu disposuerunt, de quibus, tanquam alienis, pacisci non poterant.

Interea, cum Princeps San Gallensis paci Araviensi non esset conclusus, Tigurini & Bernenses ditiones ejus per quinque adhuc annos usurparunt, & in verba sua adegerunt. Tentata quidem anno 1714 concordia, sed cum Toggii declararentur liberi, & Imperator manum apposuisset, noluit Princeps habere ratum tractatum, sibi & Monasterio suo tam perniciosum. Atque sic hæc negotium usque ad annum 1717, quo post quinquennale exilium, & toleratas fortè animò ab heterodoxis gravissimas persecuciones violentissime obiit Leodegarius Lucernas, ex familia Burgisseria natus, S. R. I. Princeps, Comes & Dominus Toggenburgi, ad S. Galli Abbas.

In



In ejus locum electus est in Monasterio Mereraviensi Josephus Rudolphi, natus Laybaci in Carinthia, cujus agnati Oenipontum transtulerunt domicilium, in Academia ibidem Jurisprudentiæ Professores celebres.

Novus hic Præful anno sequenti 1718 cum Tigurinīs & Bernatibus *Badena* pacem iniit; qua in suas provincias, etiam Toggenburgicas, restituitur, asserto dominio & superioritate territoriali, salvis tamen etiam Toggiorum subditorum juribus & privilegiis.

Senatus Toggenburgicus constet 60 viris, 30 Catholicis & 30 Protestantibus, a communitatibus eligendis, sed ex Toggiis. Gubernatorem, quemcunque placuerit, constituere est penes solum Abbatem Principem. Sola Religio Catholica & Zwingliana aut Helveticæ Confessionis, tolerantur. Abbati & Monasterio omnia ablata restituantur. Jus confirmandi pastores, etiam A catholicos, est penes Abbatem.

Multa alia constituuntur, circa senatum, emptionem bonorum immobilium ad manus mortuas devenientium, libertatem religionis utriusque, scholas, divisionem fructuum, templa construenda, Synodum, Ministros A catholicos in una ex quatuor urbibus A catholicis, videlicet Tiguri, Bernæ, Basileæ, aut Scaphusii examinandos, circa electiones communitatum, collationes Principis &c.

Si autem circa hæc vel alia oriretur inter Principem & Toggios subditos controversia, ea coram sex Cantonibus, quorum tres Princeps, tres vero Toggii nominabunt, vel amica compositione, vel juris ordine, non vero via facti, decidentur. In Turgoia & Rhenana valle pax Araviensis observetur, sitque plena amnestia.

Hanc autem conventionem, necessitate & temporum calamitate extortam, Clemens XI Papa per Breve, in Archivio custodiendum, irritam declaravit. Nec cessarunt deinceps gravamina & querelæ, ab utraque parte propositæ, ob diversam pacis interpretationem, prout contigit etiam post pacem Westphalicam.

## Art. IV.

*Acerba pacis executio. Fœdus Cath. Cantonum cum Gallia.  
Cur Protestantes non accefferint?*

Vix pax Araviensis erat confecta, cum Tigurum & Berna triumphantes, executionem illius adversus Catholicos pro arbitrio susceperunt. Nulla amplius pacta, privata & publica, quantumvis antiqua & roborata, nullæ Consuetudines & usus vetusti valebant. Divisa Ecclesiarum bona cum A catholicis, Senatores novi ex eadem gente constituti, in angustias coniecti Catholici, erecta nova templa, prout factum Badenæ, Catholicis sub Acatholica dominatione nec gemere ausis.

Intercefferant quidem Cantones Catholici, nunquam suæ intentionis fuisse, ut authentica pacta usque per nuperam transactionem convellerentur, neque ut Episcopo Constantiensi, tanquam certio, jura sua diminuerentur. Sed pars averfa nullas aures audiendi habuit; quia timeri se credebat, & pro lubitu dominari posse.

Interea autem septem Cantones, ex integro Catholici, una cum Vallesiana Republica, non modo *Fœdus Aureum*, ut vocant, anno 1585 erectum, 1655 repetitum, de Religione Catholica conservanda ac defendenda renovarunt, sed antiquum etiam cum Gallia Rege 35 articulis, typo impressis, comprehensum. Summatim duntaxat aliquos refero.

1. Quamvis non omnes Cantones ad hunc tractatum concurrant, omnes tamen ad illum subscribendum invitentur, ut necessitatem illius videant.

2. Antiqua fœdera cum Gallia renovantur, præsertim anno 1521 & 1663 inita.

3. Hoc fœdus omnes, etiam futuros Reges Galliæ obliget, ad servandam perpetuam cum Helvetis pacem.

4. Si Gallia invaderetur, sive ab externis sive internis viribus, Helveti implorati permittent Regi 16000 virorum, sed non plures, conducere, non mari sed terra militaturos. Conductio autem eorum fiet sumptibus Regis, qui etiam belli officiales potest constituere, sed ex locis Helvetiæ, in quibus milites conducuntur, eligendos; nec dimittantur, nisi solutis ex integro stipendiis.



5. Si Corpus Helveticum, aut Canton, aut Status aliquis ab externo invaderetur, Gallia mittet tantas copias, quantæ petentur. Si autem internæ turbæ oriantur, Gallia, a parte gravata requisita, primum mitibus utatur remediis, dein vero, si ista non proficerent, viribus suis lædentem coget, ut intra limites Helvetici sæderis consistat.

6. Helveti, sub Gallicis stipendiis militantes, liberi sint a contributionibus, nisi negotientur, aut commercia tractent.

7. Si autem his abuterentur, merces amittant, & ab Helvetiis suis Judicibus puniantur.

8. Tempore belli singuli quot mensibus accipiant 17 libras Gallicas, Duces vero superiores 1960 libras: pacis vero tempore illi 16 libras, isti 1000.

9. Si Centurio 175 conduxerit, cohors habeatur pro completa: pro deficientibus vero 25 viris Capitaneus stipendium percipiet; quia Rex numerum Officialium auxit.

10. Si autem numerus sit infra 175, Centurio nihil habeat præcipuum.

11. Si Centurionis cohors bello sit attrita, 4 aut 5 menses ei concedantur, ut illam reintegrare possit.

12. Centurioni singulis mensibus pro tota cohorte solvatur stipendium.

13. Quando fit delectus militum, Rex pro qualibet cohorte, ad 200 viros computata, anticipato vult solvere 6000 libras, quæ tamen postea subtrahentur.

14. Conducti necessaria in finibus Galliæ recipient, & dimissi usque ad fines Helvetiæ.

15. Vacantibus Ducum officiis Rex Officiales ex eadem legione substituet, habita ratione agnatorum, eorumque, quos Canton commendabit.

16. Inferiores Officiales proponant eos, quos Centurionis munere dignos judicaverint.

17. Captivis, ægrotis, aut in obsequio Regis absentibus, nihil detrahatur.

18. Si Capitaneus dimittatur, subrogetur alius ex eodem Cantone. Si autem cum cohorte sua abdicetur, non tenentur Helveti sub alio militare.

19. Supplementa copiarum a Cantone, per quem transeunt, ad desertionem non sollicitentur, aut conducantur.

20. Nullus Gallus militet adversus Helvetos, & nullus Helvetus adversus Galliam.

21. Si Rex aut Delphinus expeditionem ipse suscipiat, Helvetii milites eum sequantur.

22. Si Rex vellet rursus ingredi in possessionem regionum, prout in fœdere, cum Francisco I inito, continetur, Helveti non assistent.

23. Si Galliæ & Helvetiæ sit bellum contra tertium, neutra pars sine altera pacem faciet.

24. Helveti in Gallia tanquam incolæ habeantur; igitur hæreditabunt, & hæritates eorum in Helvetiam transferantur: possunt etiam negotiari, modo se legibus loci conforment.

25. Iisdem libertatibus Galli in Helvetia fruuntur.

26. Rex confirmat omnia privilegia, quæ unquam Nationi Helveticæ in Gallia sunt concessa.

27. Hostes Galliæ & Helvetiæ, apud neutram tolerentur, sed extradantur.

28. Uti etiam fures & raptores.

29. Liber sit utrinque militum transitus, sic tamen, ut incolæ nullum detrimentum patiantur.

30. Pars utraque se obligat, Actoribus promptam administrare justitiam.

31. In hoc fœdere excipiuntur Papa, Sedes Apostolica, Sacrum Cardinalium Collegium, Sacrum Romanum Imperium, Domus Austriaca, Florentia, & Domus Medicæa.

32. Condemnatum in Gallia etiam in Helvetia persequi oportet, si ibi resideat, & vicissim.

33. Omnes pensiones continuentur, & accurate solvantur, prout Solodori usitatum, & in valore Helvetico.

34. Quamvis autem plures ab obligationibus hujus fœderis fuerint excepti; si tamen quis eorum vel Galliam vel Helvetiam invaderet, pars altera illi succurrat.

35. Hoc fœdus semper sancte observetur, & omnibus aliis fœderibus, ab anno 1521 initis præponatur. *Hæc est summa hujus fœderis, anno 1715 contracti.*

Quamvis autem hoc fœdus in plerisque articulis conveniat cum eo, quod anno 1663 omnes Helvetiæ Cantones inierunt cum Gallia, ipsique etiam Apatholici sint invitati, nec appareat, quod ipsis displicere admodum possit; displicuit tamen, id præsertim, quod articulo V conventum est. Suspicati sunt etiam, nescio quos, articulus

Cur Protest.  
non accesserit.



ticulos secretos, sibi periculosos. Sed tantum suspicati sunt, memores forte eorum, quæ adversus Catholicos acta sunt, non sine imagine prætensæ dominationis.

Alii suspicabantur, id inter alia actum, ut, rescisso tractatu Araviensi, Badenæ Comitatus iterum fiat communis quinque Cantonibus Catholicis, qui in bellum tracti sunt. Sed, quod dixi, res tota intra suspensionem, fortassis non optime sibi consciam, stetit.

Hoc fœdus Regis Christianissimi nomine iniit Comes de Luc, ejusdem ad Helvetos Legatus, qui paulo post Viennam Orator abiit. Caracciolo autem, Pontificio Lucernæ Nuntio A catholicis varia afflexerunt, quæ non nisi odium, & ideæ male conceptæ, ipsis suggererunt. Trautmansdorffium, Cæsaris Legatum, non legimus contra hoc fœdus aliquid movisse, cum Imperium cum Domino Austriaca fuerit exceptum.

## Art. V.

*Varie sectæ inter Protestantes Helvet. Crisis de illis.  
Causa Barenthalensis. Formula consensus Helveticigraves dissensus excitat, & discordias inter ipsos  
Protestantes.*

177.

Varie sectæ  
in Helvet.

A pluribus jam annis in A catholicis Cantonibus diversæ sectæ emerferant, uti Socinianorum, Pietistarum, Arminianorum, Visionariorum, qui privato suo spiritui inhærentes, & scripturas sacras pro libidine interpretantes, varios errores disseminarunt. Quare Tigurum, Berna, Basilea, Scaphusium, severe prohibuerunt anno 1717, ne id genus homines tolerentur, sed omnes ad confessionem Helveticam & libros symbolicos remitterentur. Plures propterea virgis cæsi in exilium ejecti sunt, cum comminatione, capite luituros, si redirent. Hæc est libertas conscientiæ, toties jactata.

Crisis de  
illis.

Verum non video, cur homines istos persequerentur, cum ad purum Verbum Dei & inspirationes cælestes se referrent. An non Zwingliani & Calvinistæ id ipsum faciunt? Confessionem suam & libros symbolicos ex verbo Dei extractos, inquirunt. Unde hoc sciunt? quinam extraxerunt? nunquid homines fallibiles, qui spiritui suo innitentes Sacram Scripturam pro lubitu sunt interpretati? vel

vel unde sciunt, hunc sensum suum esse sensum Scripturæ, præsertim cum multi hominum milliones Scripturam aliter, ac ipsi, interpretentur?

Ut quid ergo Socinianis, Pietistis, Quackerianis aliisque enthusiastis irascuntur, cum eodem fundamento nitantur, nempe Scripturæ, secundum suum spiritum & phantasiam intellectæ atque expostæ? si dicas, nigrum esse illorum spiritum; an non hoc ipsum tibi potest regerere? quis jam inter vos erit iudex? Scriptura? at pars utraque ad illam appellat. De ipso sensu Scripturæ inter vos est quæstio. Si dicas, tuum sensum esse clarum, ille suum clarissimum dicet. Si unum locum Scripturæ per alium velis explanare, idem ipse faciet, & textus textibus cumulabit.

Profecto, nisi iudex aliquis visibilis & infallibilis in terris agnoscatur, nulla unquam erit certitudo, quo sensu controversi Scripturæ textus accipiendi veniant. Si ferram contentionis ad te trahas, alter iisdem viribus ad se retrahet. Incerta, dubia, fluctuantia erunt omnia, in præjudicium providentiæ Christi erga suam Ecclesiam, cui tam magnifice assistentiam suam, stabilitatem, & infallibilitatem promisit. An vacua sint promissa Evangelica?

Certe, qui solam Scripturam controversiarum iudicem constituit, idem facit, ac ille, qui solum Corpus Juris forensium causarum iudicem assignat. Corpus Juris non est iudex, sed debet esse in Republica iudex, qui secundum illud pronuntiet. Pars utraque litigans se refert ad leges: sed iudex decidere debet, cui leges faveant. Leges fundamentum sunt judicandi, sed non sunt iudex. Geneva, memor fortassis, cui Domino obsequium subtraxerit, suisque munimentis non satis fidens, illa hoc tempore mirum in modum perfecit auxitque. Bernates & Tigurini ducenta thalerorum millia ad hoc opus suppeditarunt, & quidem in viginti annos absque censu.

Non tanta fuit concordia inter Abbatem Petrohusanum, & Creuzlingensem, qui de prioritate loci certabant. <sup>Lis inter</sup> <sup>2 Abbates.</sup> Lis ad Romanam aulam fuit delata, & Cæsaream. Illa per Rotam pronuntiavit pro Creuzlingano, allegans consuetudinem, ista cum Circulo Suevico pro Petrohusano, allegans pariter possessionem, & prioritatem Status, eo quod esset Prælatus S. R. Imperii, simulque contra forum Romanum excepit, eo quod hæc causa temporalis, ut inquiebat, ad Imperatorem spectaret.

A a a a 3

Plus



Causa Bärenthal.

Plus rumoris excitavit causa *Bärenthalensis*. Quippe Bärenthali, loco ad Principem Sigmaringanum spectante, Jacobus Beck Philosophiæ Studiosus, & Joannes Tannefel, faber lignarius, a latis Tiguro libris, plebem pervertebant. Datus uterque in comitatum Viennæ, quo abducti sunt.

Ingentes hæc res motus excitavit. Tigurini, ad quos nihil pertinebat, non modo pecunia, libris, subsidii errores fanaticæ hujus plebeculæ fovebant, sed etiam ad Regem Borussiae & Ducem Wirtembergiæ litteras dabant, querelarum plenas: Angliæ insuper & Hollandia in partes tractæ. Ratisbonæ ingens gravamen propositum, & ad *Dictaturam* datum.

Denique, cum totum Corpus Evangelicum (ut se ipsum appellat) altum clamaret, & minaretur, captivi libertate donati sunt, Bärenthalenses vero, qui erroribus suis inhærebant, Mönsheimium, Wirtembergicæ ditionis pagum, migrarunt. Ubi, cum ipsi nescirent, quid crederent, Ministellus Tigurinus, a quo magis perverterentur, illis datus est. (anno 1720)

Tigurini Præcones eodem anno relationem publicarunt hujus causæ falsis & exaggerationibus plenam; prout ostendit P. Emmanuel Koffler S. J. tunc temporis superior Residentiæ Rottwilensis, scripto in lucem edito.

Formula  
Consensus

Cæterum ex Protestantibus non tantum multi in Pietismum, aliasque sectas abierunt, sed inter se ipsos etiam vehementer collisi, alter alterum damnabat. Magnam causam dabat dissensionem nova *Formula consensus*, quam A catholici in Helvetia ediderant, & ad quam omnes adigebant, ad demonstrandam forte libertatem conscientiæ, quam olim identidem ingeminabant.

Reprobata; Agerrime hoc ferebant, non Lutherani solummodo, in alterum extremum discedentes, sed Calvinistæ quoque. Unde Rex Borussiae ad Cantones A catholicos scripsit anno 1722, graviter conquectus, quod homines adigere vellent ad novam suam Formulam, in qua plura difficilia contineantur, præsertim de prædestinatione, quæ non modo ab aliis Protestantibus, sed etiam ab ipsis Reformatis non admittantur: neminem cogi posse ad confessionem, de cujus veritate non sit convictus. Doctrinam de generali & particulari gratia non esse clare expressam in Scriptura Sacra.

Scriptit

Scriptit etiam ad eosdem Rex Angliæ, relatum sibi, scriptum quoddam, quod *Formulam consensu* appellarent, inter Protestantes Germaniæ magnas turbas excitare, ac proin neminem ad subscriptionem cogendum.

Est autem hæc Formula Consensus nova confessio, a confessione Helvetica diversa, a Joanne Henrico Heideggero, famoso præcone Tigurino, fabricata, quæ, sicut olim liber Concordiæ Lutheranorum, graves inter Protestantes motus concitavit, manifesto argumento, quanta in Corpore Evangelico sit unitas fidei. Tigurini & Bernates eandem acceptarunt, eamque in Lausanensem Academiam inducere volebant, sed cum magna Professorum contradictione. A Basileensibus quoque & Neocomensibus Theologis fuit rejecta, & a Werenfelsio strenue confutata.

Eo vero hæc Formula importunior visa est, quod hoc ipso tempore Corpus Evangelicum, sic dictum, laboraret Ratisbonæ, ut inter Protestantes unitas aliqua fidei & fraternitas induceretur. Quare a Corpore Evangelico anno 1722 Conclufum fuit, formatum, & ad Dictaturam traditum; quo acerbè querebatur, negotium *Unionis* a quibusdam pacis osoribus (Protestantibus) pessime fuisse traductum, scriptisque etiam publicis acerbissimis verbis & expressionibus reprehensum, quæ remedium requirant, ut Unum Corpus Evangelicum constitui possit, absque Theologicis controversiis & dissensionibus, sicut omnes Augustanam Confessionem profitentur.

Vetat deinde, ne pars altera Protestantium alteram convitiis appetat, jubetque, ut se invicem *Evangelicos*, vel *Augustanæ Confessionis Consortes* appellent: si autem necessaria foret distinctio, Lutherani vocarentur *Evangelici*, Calvinistæ vero *Evangelice Reformati*: salvis cujusque regionis, civitatis aut loci constitutionibus Ecclesiasticis, consuetudinibus, ritibus, ceremoniis.

Volebant igitur Legati isti Protestantes unum corpus conficere, licet membra in pluribus principalibus fidei articulis, uti circa Cœnam Domini, &c. inter se toto cælo distarent, modo convenirent in hoc fidei suæ articulo, quo Papa sit Anti-Christus, & Ecclesia Romana meretrix Babylonica.

Scriptit



Scripsit deinde hoc Corpus Evangelicum ad Tigurinos & Bernates, hortaturque, ut ad Formulam Consensus neminem contra suam conscientiam cogant. Responderunt duo Cantones, se nihil magis optare, quam Unionem inter Evangelicos, sperare autem, libros suos symbolicos, inter quos esset Formula Consensus, jam anno 1675 confectam & receptam, nullum posituram obicem, cum secundum Verbum Dei sit formata.

Cum dein Bernenses iterato urgerent, ut Lausanna Formula subscriberet, hæc recurrit ad Regem Angliæ, qui anno 1723 ad Protestantes Helvetiæ rescripsit, ægro animo se accepisse, quod Formulæ, apud potiores Protestantes tam scandalosæ, & a quibusdam etiam Helvetiæ locis rejectæ, adhuc insistant. Petit denique, ut subscriptionem a nemine exigant. In eundem ferme sensum illis Rex Borussiae scripsit, voluitque, ut omnino aboleatur Formula.

Nec Reges tantum isti, sed privati quoque, & quidem, quod fieri solet, vehementius in illam calamos A catholicos acuerunt. Amstelodami in Hollandia, Hamburgi, Rostochii, Helmstadii in Germania, aliisque ex locis acerba contra eam scripta prodierunt, nec amplius Formula consensus, sed dissensus & discordiæ appellabatur. Sed Præcones Tigurini vices reddebant; nolunt enim videri debitores; quamvis aliquando sint, quod propria experientia didici.

Abbatiscellenses Zwingliani Formulam abrogarunt. Quæ res in synodo urbis San - Gallensis, ad quam pertinent, non leves rixas excitavit, prout etiam in Grifonia, Basileæ, Neocomi &c.

Hæc eum in finem retuli, ut prudens lector videat, quam immerito Protestantes nobis objiciant Controversias nostras, cum ipsimet iisdem obruantur. Ubi hoc adhuc ingens discrimen intercedit; quiscunque vel in uno articulo a professione fidei nostræ recedit, non amplius noster est: ipsi autem, quamvis in multis discordent, maneant tamen fratres, & Unius Corporis Evangelici membra. Hæc est unitas ipsorum Ecclesiæ.

## Art. VI.

*Causa Udlingenschwilensis graves lites excitat. Componitur.*

*Papæ epistola. Causa Dotis Monialium.*

In annum 1725 incidit *causa Udlingenschwilensis*, quæ Lucernam  
cum Episcopo Constantiensi, Nuntio Apostolico, ipsoque adeo  
Summo Pontifice colliſit. Res quoad substantiam sic habet. 178.

Udlingenschwilæ, pago in Præfectura Habsburgensi Lucernen-  
sis ditionis, Præfectus loci festo Dedicationis templi populo saltan-  
di licentiam dedit, negavit Parochus Andermatt, saltumque publi-  
ce interdixit.

Hæc scintilla magnum excitavit incendium. Senatus quippe *Causa Ud-*  
Lucernensis, jurisdictionem suam læsam ratus, Parochum iterato *lingenschwil.*  
accessit, monito etiam de hoc Commissario Episcopali. At Paro-  
chus opposita exceptione fori, se scripto excusavit, absque facul-  
tate superiorum Ecclesiasticorum comparere se non posse.

Igitur Senatus Parochum, ceu contumacem, deposuit, atque di-  
tione Lucernensi excedere jussit, alio in ejus locum electo, cui tamen  
confirmatio Ecclesiastica & cura fuit negata. Nuntius & Episcopus  
Parochum restitui petierunt. Recusavit Senatus. Quare Nuntius,  
Dominicus Passioneus clam Lucerna excessit, & Altorffium, oppi-  
dum nobile in Uraniensi Cantone situm, abiit, scripto relicto, quo  
immunitatem Ecclesiasticam violatam questus est. Episcopus quo-  
que, factum improbens, scripta ad Senatum epistola jura sua læsa  
uisse, opponebat.

Respondit Senatus, saltum rem esse mere temporalem, juris-Argumenta  
dictioni Senatus subjectam sæpiusque ab eodem, aut a Præfectis lo-Senatus.  
orum permissum, aut negatum. Parochum igitur in jura Senatus  
violasse: male consultum fore Principi aut liberæ Reipublicæ,  
ujus potestas in suo territorio non sit minor ac Regia, si refracta-  
rium Clericum non posset citare ad audiendum verbum Principis,  
umque, in contumacia persistentem, e ditione sua relegare. Usu ac  
consuetudine, longa traditione a Majoribus accepta, & præsumptione  
privilegii antiquissimi, se esse munitos. Adhæc Clericum permanere par-  
tem civitatis, membrum ipsius, civem Reipublicæ. Immunitatem Eccle-  
asticam non esse concessam in ruinam Status publici. Parentem pos-  
se Clericum filium immorigerum & inquietum domo expellere, cur  
on & Respublica refractarium, ne subditi seducantur?

*Par. X.*

B b b b

Repo-



Parochi.

Repositum, privilegium fori toti corpori Ecclesiastico fuisse concessum; Episcopum Clericorum in sua Diœcesi esse Judicem ordinarium: judicariam ejus in Clericos, & causas Ecclesiasticas potestatem a Christo fuisse institutam, ab Apostolis stabilitam, a sanctis Patribus frequentatam, a summis Pontificibus & Imperatoribus confirmatam. Non negari supremo Principi aut Reipublicæ independenti jurisdictionem etiam in Clericos, in casibus exceptis, videlicet, si committant crimen perduellionis, proditiōis patriæ, læsæ Majestatis, in quantum necessarium est ad tuitionem Reipublicæ, cum moderamine inculpatæ tutelæ exercendam: at hunc casum nequaquam esse talem, sed subiectum jurisdictioni Episcopali. Clericos per sacros ordines eximi a potestate sæculari, ut tanquam rei citari non possint ad tribunal laicum. Eos proin esse cives Reipublicæ, sed exemptos & privilegiatos. Neque exemptionem istam ad ruinam Status politici tendere, exemplo felicissimorum & potentissimorum Imperatorum ac Regum demonstrari. Parochum denique, ab Ecclesia institutum, a Catholico Principe, sine ullo ad potestatem Ecclesiasticam recurſu deponi, qui nullo crimine excepto teneatur, rem videri omnino novam.

Causa ad  
Papam.

Denique negotium ad ipsum summum Pontificem fuit delatum anno 1726, qui ad Lucernates scripsit, cum dolore se intelligere, acta aliqua, paucis instigantibus, fuisse contra debitam sacræ auctoritati venerationem, quæ Ecclesia a filiis non expectasset, nedum ab ejusdem Defensoribus. Responderunt, nec se nec alium Catholicum Principem teneri, Ecclesiasticum, non solum non confidentem, sed manifeste & obstinate injuriosum, seditiosum, & verba Principis audire respicientem, in ditione sua tolerare: suæ Sanctitatis judicio relinqui, an non in his circumstantiis providendum fuerit, ut alius substituatur, ne populus cultu Divino, & Sacramentorum administratione careat.

Papa quatuor Cardinalibus negotium commisit examinandum quibus visum, destituendo parochum, & alium substituendo actum contra sacros Canones.

Causa com-  
ponitur.

Catholici Cantones communi nomine ad Papam scripserunt, petieruntque, ut causa amica compositione finiatur; quod tandem anno 1727 factum. Lucerna judiciales citationis terminos Cancellariæ officialium errori attribuit. Mandatum eligendi novum parochum revocavit, Papa autem concessit, ut parochus Andermatt neque ad parochiam Udlingenschwilensem, nec territorium Lucernense admittatur, novusque cum consensu Episcopi eligatur, cum ex-

exclusionem tamen Milleri (qui Andermatt subrogatus fuerat) pro hac vice. Andermattus vero Constantiam abiit, ubi in Collegiata Ecclesia S. Joannis Canonicatu est potitus.

Papa dein paternam & charitate plenam scripsit Epistolam, quam hic subjungendam duxi. Sic habet:

## Benedictus Papa XIII

Dilecti filii,

Salutem & Apostolicam Benedictionem!

Quod de eximia vestra in nos & hanc S. Sedem observantia nobis pollicebamur, ut nostram videlicet pro vindicanda Ecclesiastica Immunitate sollicitudinem religio & pietas vestra leniret, paternique animi dolorem filialis Lucernensium obedientia prorsus abstergeret, opportune repræsentarunt litteræ vestræ, die 20 mensis Decembris anni 1726 proxime elapsi ad nos datæ, atque a dilecto filio Comite de Julianis nobis redditæ, quas zeli vestri pro Ecclesiastica libertate tuenda testimoniis insignes, & reverentiæ significationibus refertas, studiosissime complexi sumus.

Ingenti enim cum animi voluptate intelleximus, parochum Ecclesiæ Udligenswilensis Leontium an der Matt non vestro jussu, sed inconsiderate ab incautis vestræ Cancellariæ Ministris fuisse ad curiam judicialiter accersitum: mandatum præterea, quo communitati Udligenswilensi indixeratis, ut novum parochialis ejus Ecclesiæ Rectorem eligerent, vos revocasse, adituros venerabilem fratrem Episcopum Constantiensem, ut, quæ ante dictus Leontius perperam gessit, in acta referat & cognoscat, suoque jure irritam nullamque declaret nominationem, a communitate factam presbyteri de Müller, eumque hac sola vice a nominatione excludat.

His profecto dilecti filii sapientiæ & obsequii luculentissimis argumentis tanta consolatione repleti sumus, tantoque superbundavimus gaudio, ut nihil nobis ad uberem plenamque lætitiæ deesse videatur, quam ut occasiones nanciscamur, re ipsa vobis declarandæ, præclaræ, studiosæ, paternæque voluntatis. Dum autem merito gratulamur confirmatas & auctas vestra vir-

B b b b 2

„tute



„ tute Lucernensis nominis laudes, quibus Ecclesiasticæ vos liber-  
 „ tatis Defensores prædicat hæc Sancta Sedes, vobis Dilecti Fili-  
 „ pignus præcipuæ charitatis & Apostolicam Benedictionem per-  
 „ manter impertimur.

*Datum Romæ apud S. Petrum sub annulo Piscatoris*  
 25 Jan. 1727.

Cæterum plura de hac causa ultro citroque scripta fuerunt edita, & inter illa *Lucerna lucens Aletophili ad Aretophilum*, 6 Mart. 1726 edita, & in Gallicum dein versa. Tres in ea quæstiones proponuntur, 1 an ad parochum spectet, die festo saltum permittere, vel prohibere, an vero ad Magistratum sæcularem? 2 an Magistratus possit Clericum ad iudicium suum citare. 3 An Magistratus possit Clericum, mandatis non obtemperantem, ditione sua expellere?

Causa dotis  
 Monialium.

Antequam hæc causa ageretur, Lucernenses interdixerunt, ne ingredientiæ Monasterium ultra 1100 florenos importarent; quod propter Moniales ordinatum fuit. At interposuit se Nuntius, Immunitatem Ecclesiasticam tali statuto violari questus. Sed & hæc controversia fuit composita, re in pristinum statum reposita, ipso Pontifice id urgente, & legem Senatus irritante.

Cum tempore defectionis Lucernenses plures Sacerdotes in Vallesiam misissent, ut Religio ibidem conservaretur, hoc periculo depulso, impetrarunt a Sede Apostolica, ut fructibus unius Canoniciatus Beronensis frui liceret, donec sumptus, in eam rem facti, compensarentur. Istis autem reparatis, Pontifex facultatem eis dedit, singulis decenniis renovandam, ut fructus illos in stipendia pro studiosis Vallesianis possint applicare. Verum anno 1724 sublati iis stipendiis, Canoniciatus ille est restitutus, fructibus uni ex 12 Expectantibus attributis.

## Art. VII.

*Capitulare Mediolanense cum Rhoetis renovatur. Calvinistarum  
insolentia. Querelæ Episcopi Constantiensis. Disputatio  
de Asylo. Item Tigurina. Miles gloriosus  
Peracberi.*

Anno 1726 renovatum est a Grisonibus *Capitulare Mediolanen-* 179.  
seu fœdus cum Imperatore. Ereſtum illud fuerat cum Rege Hispa- Capit. Me-  
niæ anno 1639, ratione Ducatus Mediolanensis defendendi, po- diolan.  
tea vero, cum Mediolanum ad Cæsarem esset devolutum, cum  
Cæsare: Acatolici Grifones mutatum illud volebant, quia in eo  
præscribitur, ut Vallem Tellinam, Wormii & Clavennæ Comitatus  
soli incolant Catholici; sed Catholicorum constantia, & Wenſeri  
jusque successoris Risenfelsii Legati Cæsarei, auctoritate effectum  
est, ut hic etiam articulus maneret insertus; unde 4000 Calvinistæ,  
qui irreperant, excedere debuerunt; quamvis postea anno 1729  
ursus irruperint: prout etiam in ipsam Grisoniam, ubi cum duas  
terme tertias constituent (etsi in Religionis negotiis majora non va-  
cant) pluribus locis, post confectam etiam pacem, se violente  
intruserunt, Episcopo Curienti & Catholicis frustra se opponenti-  
bus. Contra vero, cum aliqui mercatores Catholici venirent in Religio in  
suburbium Curie, in quo est Ecclesia Cathedralis & Aula Episcopi Grifonia.  
S. R. I. Principis, cum ædibus Canonicorum, Magistratus urbis,  
ex integro Acatolica, non acquievit, donec dimitterentur.

Anno 1727 obiit Blasius Bender Abbas ad S. Blasii, per plures  
annos Cæsareus ad Grifones Legatus; cui successit Wenſerus, &  
quic brevi avvocato Risenfelsius, qui tandem effecit, ut Calvini-  
stæ vi Capitularis ex Valle Tellina, Wormio, & Clavenna emigra-  
rent, operam etiam jungente Episcopo Comensi, ad cujus Diœ-  
cesin provinciæ illæ pertinent.

Münſterthalii, loco Basileensi Episcopo subiecto, Bernenses  
in jura Episcopi involabant, prætenſo titulo protectionis, qui ta- Münſterthal-  
nen vix alius erat, quam quod incolæ a fide Catholica defecis-  
sent. Lis inde orta, acriterque agitata.

Cum Episcopi soleant certis temporibus statum suæ Diœcesis  
Romæ Congregationi Cardinalium, ad negotia Episcoporum deputa-  
tæ, exponere, prodiit libellus hoc titulo: *Relatio concernens statum  
modernum Episcopatus Constantiensis, provincia Moguntina, nomine Joani-*



*nis Francisci &c. in visitatione sacrorum liminum, suo ordine ac loco humilime offerenda pro anno 1712. Romæ typis Josephi Nicolai de Martiis, superiorum consensu.*

In hac relatione, in quantum ad Helvetos spectat, conqueritur Episcopus, jurisdictionem suam sæpe turbari, non tantum in temporalibus sed etiam spiritualibus: in pluribus locis parochum singulis annis a communitate, suis nempe parochianis, debere petere, ut in parochia quasi confirmetur, quo impediatur animarum pastores ne delicta illorum libere audeant reprehendere: ad pias causas non posse plus applicari, quam Magistratus concedat: causam debitorum quæ ab Ecclesiasticis contrahuntur, ad tribunalia secularia trahi: Beneficia Ecclesiastica plus offerentibus obtingere, atque hinc Simoniam pravitatem passim invaluisse: Jura Episcopalia, cathedralicum subsidium charitativum, quartam Decimalem, primos fructus, non agnoscere: sacros Canones, Concilium Tridentinum, non aliter recipi, nisi in quantum prætensis suis libertatibus non obstat.

Placet subungere aliqua magis particularia. Anno 1702 Placidus Abbas Murenis, ex nobili Zurlobiorum Tugii familia natus, opera & studio Trautmannsdorffii, Cæsarei ad Helvetos Legati, ultro oblato, creatus est ab Imperatore S. R. I. Princeps, haud æquanimi Helvetis id ferentibus. Et fuit Placidus vir magnus, qui diuturno felicique regimine Cœnobium Murense a Domo Austriacæ fundatum dotatumque, ad summum splendorem perduxit, atque coemptis in Helvetia, & Suevia bonis locupletavit, Geraldo successore vitæ sanctimonia ejus vestigiis religiosissime insistente.

1705 ex Studiis quispiam, Civis Lucernensis filius, in causa pona famulam cellariam cultro confoderat. Fugit in Collegium S. J. quod 40 armatis obsidetur. Reposcitur. Opponitur privilegium asyli. Disputatur, an sit homicidium proditorium. Ad Episcopum pertinere decisionem, & sine ejus consensu reum non posse extradi contendit Collegium. Interea vero reus in turrim veteris hospitallis contigui evadit, ibique deprehensus debita pœna afficitur.

Habita fuit Tugii sacra Missio a PP. Fontana & Mariana S. J. Italis, per interpretem prædicantibus innumera hominum multitudinem concurrente; & dein etiam in aliis Helvetiæ & Vallesiæ locis: prout etiam ab aliis in Valle Tellina.

1717 Joannes Baptista Dillier, Sarnensis, dimissus e Societate nostra, libellum edidit, quod *Horologium Aritmetico-Morale* appellavit; quo vaticinans proximum Protestantici erroris interitum, A Catholicis deridendi se tanquam falsum prophetam occasionem præbuit.

1718 Tigurini alterum fidei suæ sæculum solenniter celebrarunt, etque ad disputationem, quam Præside Joanne Jacobo Hottingero, Theologiæ Professore, & Respondente Lavatero, instituebant, exteros etiam invitarunt. Quo audito, Josephus Sonnenbergius S. J. clanculatio litterarum commercio cum Tigurinīs se ad disputandum obtulit. Qua occasione Peracherus *Militem suum gloriosum* edidit, libellum infamem, dignum propudioso Apostata.

1723 Subsilvania Stantii & Sarnæ publice ad rogam condempnatus libellum auctoris, qui Dissertationes Menstruas scripsit, tantum injurium sanctæ antiquæ Religionī Catholicæ; & Beato Nicolo de Rupe. Tigurini contra combusserunt Catechismum, Rosacium.

1724 Kellerus, Ordinis sacri Apostata, Tigurum fugit, commune ejusmodi hominum receptaculum, scripsitque *Nemesein Romanicam, Catholicam, examinatam & exanimatam*. Sed infelix Scriptor in acum se immerfit & suffocavit.

### Art. VIII.

*Fœdus Aureum renovatum cum Vallestanis. Waldenses recepti a Protest. in Helvetia. Seditio Genevensis. Episcopi Basileensis fœdus cum Gallia.*

Anno 1728 L. B. de Federspiel, S. R. I. Principe & Episcopo Curienti defuncto, a Capitulo electus est Josephus Benedictus L. B. de Rost, murmurantibus licet Grisonibus, eo quod esset exterus; nec modicas deinceps, urbs præsertim Curientis Calviniana, ei molestias faciebant.

Deputati Episcopi Constantiensis super variis controversiis Dieffenhosi transactionem inierunt cum Bernensibus & Tigurinīs, qui Episcopo cesserunt Arburgum & Episcopi Cellam, quas a pace Ararientiensi communiter possiderant, salva tamen religione, Calvinistice reformata.

Vi Capitulationis e Valle Telina ejiciendi erant omnes Calvinistæ. Plures ex his Clavennam migrarunt, ubi Catholici multa propterea passi sunt. Cum erroris contagium in Occitanīæ & Sevensis provinciis adhuc serperet, omnes Calvinī affectu Edicto Regio rursus iussi sunt emigrare.

Valle-



Fœdus Au-  
reum.

Vallesiani cum Cantonibus Catholicis *Fœdus Aureum*, anno 1531 erectum, renoverunt. Cæsareus Legatus in Helvetia erat Riesenfelsius, Gallicus Bonacus, Hispanus Cornecus. (anno 1728) Anno sequenti Curia in Rhœtia cives contra Senatum insurgabant, ex spiritu Calvinii turbulento.

Waldenses  
recepti.

Rex Borussiae cum Cantonibus A Catholicis & Geneva consilium iniit, quomodo consulendum expulsi a Rege Sardinia Waldensibus. Perfugae in eorum urbibus & provinciis distributi: missae intercessionis &c. An Catholici tanto fervore pro alienis subditis forent?

1731 Wenfero, Cæsareo apud Grifones Ministro successit Comes *Wolckensteinius*. Anno sequenti Bonacus Christianissimi Regis ad Helvetos Legatus cum tota Republica Helvetica fœdus renovare conabatur, sed multas oppositiones apud A Catholicos invenit.

Episcopo Basileensi non parum molestiae inferebant contumaces subditi, praesertim *Libromontani*, qui ad Tiguros & Bernates recurserunt; Princeps vero ad Imperatorem, qui Reichensteinium misit, ut causam examinet & componat.

Anno 1733 orto inter Cæsarem & Gallum bello, multi in Helvetia asylum invenerunt, praesertim Basileae, quo urbes Sylvestres & Marchio Durlacensis confugerant. Quantum autem Francia Legatus Muraltus fœderis renovationem urgebat, tantum Cæsareus, Marchio de Prie, obstitabat, cui concessum est, ut duas Legiones Helvetas conscriberet, quae Friburgum, Constantiam, & urbes Sylvaticas defenderent.

Turbæ Ge-  
nevenses.

Anno 1734 Geneva cives, armis correptis, adversus Senatum insurgabant, quod ad muniendam magis civitatem nova tributa imposuisset. Exarsisset haud dubie acrius bellum civile, nisi Tigurini & Bernenses Legati intervenissent, & flammam restinxissent. Liberis civium suffragiis decretum in decennium pro munitionibus subsidium; interdictum vero Senatui, (ex illo sex gradu dejectis) ne absque consensu civitatis extraordinaria tributa imponeret.

Basileenses.

Anno 1736 lis inter piscatores Basileenses & Hüningenses usque ad rixas & caedes exarsit. Gallia Suntgois & Alsatis omni cum Basileensibus commercio interdixit. Et timebantur majora. Sed intercesserunt Cantones reliqui. Consul Frey, qui turbas impedire debuisset, Parisios deprecaturum missus, interveniente Angliae Ministro veniam impetravit.

1737 Vehementior Genevæ tumultus recrudit. Quatuor cives Syndicum probro exceperant. Comprehenſi & in cuſtodiam ducti ſunt. Irritati cives, arreptis armis, inſurgunt; cumque plures eorum a milite præſidiario necarentur, adverſus ipſam curiam, minarum pleni, procedebant. Tanto furori compeſcendo impares erant Tigurini & Bernenſes Legati. Implorata igitur a Senatu Francia, miſit Marchionem Lautrechium. Sed durior erat cervix, quam ut ſtatim ſeclī poſſet. In annum ſequentem protracta contentio. Tandem a conciliatoribus propoſita tranſactio placuit.

Magiſtratus, qui conſtat ex 15 intimis, 60 mediis, & 200 magni Conſilii Senatoribus, confirmatur in ſuis juribus & ſtatu, quem fundamentales huius Reipublicæ leges requirunt. Sine conſenſu generalis Conſilii (quod trinum prædictum Senatorum ordinem complectitur) contributiones ne imponantur. Munitionum ſumptus ad annum uſque 1750 continuentur. Ut omnes ſciant civitatis leges, conficiatur codex, quo omnes comprehendantur. Eidem Codici omnia publica Ediſta & Ordinationes inſcribantur; Præſidium civitatis conſtet 720 capitibus. Huius conventionis Turbæ Geneconſiliatores erant ſponſores ſuorum Principalium nomine. Cu-væ compoſum in rei memoriam numiſma, in quo viſebatur ara, flammis acſitæ. cenſa, conſiſtentibus a lateribus Juſtitia & Pace, jacente Diſcordia, cum lemmate ſubſcripto: *Juſtitia & Pax oſculatæ ſunt*: ex altera parte vero oliva cum inſcriptione: *Diſidia Genevæ compoſita bonis officiis & arbitrio Ludovici XV Regis Francorum.*

Acta hæc ſunt anno 1728, quo Solodorum venit *Courtevillicus*, Legatus Franciæ, Lucernam vero Marchio d'Iſtia nomine Regis utriuſque Siciliæ.

Cum Epicoſopus Baſileenſis per 5 jam annos cum ſubditis ſuis contendiffet, nec Helvetorum opera aut Imperii diſſidia eſſent compoſita, Princeps anno 1739 cum Gallia ſœdus pepigit: quo ſil. ſœdus illa ad compeſcendos ſubditos auxilia promittit, libertatem vero cum Gallia. Rauracis in Gallia, qua Helveti fruuntur. Epicoſopus autem promittit, ſe ingruente bello neutras partes ſecuturum; ſimulque Gallis dat poteſtatem in Rauracia conducendi militem. Agris auribus audita eſt in Imperio hæc unio, præfertim, quod cauſa Epicoſopi & ſubditorum Viennæ in Iudicio Aulico penderet.



Anno 1740 600 Galli in Rauraciam & Bruntrutum, sedem hodie Principis, Duce Broglio, Marefchalli filio, immigrarunt, qui contumaciam frangerent. Inquisitum in auctores turbarum. Alii timore percussi ad obedientiam redierunt.

Helveti ne-  
gant transi-  
tum.

Orto dein bello propter successionem Austriacam, Helveti, Vallesii, & Grifones, quamvis ab utraque parte sollicitati, ut copias præberent, neutri tamen concesserunt; sed pro uno, ut ajunt, viro se staturos, declararunt, si aut Hispani, qui Sabaudiam, & Lacum Genevensen oberrabant, viam in Italiam per Vallesiam, aut Princeps Carolus Austriacis per Basileam in Alsatiam quæreret.

Urbes Syl-  
vestres.

Anno 1744 Marchio de Prie Minister Austriacus nomine Reginae apud Rempubicam questus est, quod se non opposuisset Gallis, urbes Sylvaticas invadentibus, prout tamen debuissent, vigore Unionis perpetuæ, anno 1511 cum Maximiliano I Imperatore initæ. Sed responderunt Helvetii, illam Unionem post mortem Caroli VI non amplius subsistere; aut potius cum Carolo VII Imperatore continuandam fore, qui per Comitem Frobergium eis neutralitatem obtulisset.

Rheinavii in Abbatem electus est P. Bernardus Rusconi Lucernensis.

Helv. neu-  
trales.

Anno 1745 Marchio Prius negotium de civitatibus Sylvestribus vi fœderis defendendis urgere perrexerat, questus insuper de negata Brigantinis emptione alimentorum in Valle Rhenana, atque impedita navigatione in Lacu Acronio. Curtelius vero Legatus Gallicus vehementer hortabatur, ut in sua neutralitate persisterent Cantones; qui Badenæ congregati hoc ipsum statuerunt. Secuti sunt exemplum Grifones; quamvis Comes Welspergius, Minister Austriacus, & Salisius Anglicus, omni ope conniterentur, eos in partes Reginae Hungariæ pertrahere.

Anno 1747 venit ex Hollandia Bernam Harenus, qui a Protestantibus Cantonibus deposcebat 12000 virorum, vi fœderis defensivi, anno 1712 percussi, Batavis, ut dicebat, debitorum. Verum Gallia, & pluribus Cantonibus, qui perfectam neutralitatem Reipublicæ utilissimam existimabant, relictantibus nihil evicit. Censebant videlicet prudentes, viam mediam, prout fert situs locorum,

ocorum, inter Domum Austriacam & Borboniam, rebus suis esse tutissimam.

Anno 1748 Solodorum venit novus Regis Christianissimi Legatus d Helvetiæ Ordibes Renatus Paumius D<sup>r</sup> Argenson. Bernæ feliciter detecta est conjuratio quorundam turbulentorum civium contra Senatum, quem putabant libertati suæ nimium detrahere, & alios cives, quamvis dignos, a muneribus publicis excludere.

Anno 1751 Dux Sabaudiaæ fœdus Lucernæ renovavit cum Cantonibus Catholicis, ad defensionem mutuam.

Helveti in Italia, ut suo loco diximus, possident quatuor Præfecturas, Luganum, Lucarnum, Mendrisium, & Malvasiam, quas anno 1512 in compensationem, quod Maximilianum Sfortia Ducatui Mediolanensi restituisset, acceperunt. Querebantur anno 1752 Helveti, quod Mediolanenses fines violarent. Sed congressu habito lis fuit amice decisa.

Anno 1753 Chavignius, novus Galliaæ Legatus, Solodorum venit, invitatisque Reipublicæ Deputatis legationis suæ fidem fecit. Sicut etiam anno sequenti Nuntiorum Apost. mutatio est suscepta; nam Acciajuolio ad Legationem Lusitanicam digresso suffectus est primum Hieronymus Spinola, Nuntiatura Colonienfi perfunctus, sed eo mox ad Legationem Hispanicam avvocato, designatus est Octavius Buffalini, Archiep. Chalcedonensis, qui tamen primum anno sequenti Lucernam venit.

Berna anno 1755 novum Senatorem accepit, Christophorum Dohna, Belliducem Borussicum; quod ejus Familia jam dudum jus civitatis ibidem obtinuisset. Quamvis autem Helvetia bello ultimo neutras partes sequeretur, suis magis juribus & dominiis conservandis intenta, quam alienis conquirendis, Berna tamen anno 1760 se armavit, in quem finem, non constat.



## CAPUT X.

De Statu Lotharingæ  
SÆCULO XVIII.

## Art. I.

*Lotharingia ante mutationem.*

181.

Post pacem Ultrajectensem Jacobus Stuartus in Lotharingiam ex Gallia discessit. Negatus propterea Londini accessus ad Aulam Legato Lotharingico. At Dux se excusavit, quod privare eum non possit jure gentium.

Renovatio  
feud.

Anno 1715 Leopoldus Josephus Dux duos fratres amisit, Carolum Josephum Electorem Trevirenssem, & Franciscum Josephum Abbatem Stabulensem & Malmendensem. Uterque variolis obiit. 1718 totum Lunewillensis Aulæ ædificium in cineres abiit, 60 personis combustis, & trium millionum damno. 1719 Dux coram throno Cæsareo homagium præstitit, & feuda a Romano Imperio dependentia, renovavit; ubi illi titulus *Regiæ Celsitudinis* in Diplomate est attributus; prout etiam factum priore anno in Gallia, dum Parisiis cum conjuge, Regentis sorore, versaretur. Emita Duce Mammorancio Comitatum Lignii, quem cum Barri Ducatu univit.

Teschchen.

Obit Leop.

1722 Imperator Duci pro suis in Ducatum Monferratensem prætensionibus Ducatum Teschenensem in Silesia attribuit. Anno sequenti obiit Leopoldus Ducis Princeps hæreditarius 16 ætatis anno, magno non Patris modo dolore, sed Aulæ etiam Viennensis, in qua ad magnas spes educabatur; sed temperavit luctum Franciscus Stephanus, in fratris defuncti locum suffectus, & Viennæ deinceps in spes summas, Moderatore Cobenzlio, educatus, 15 tunc annorum Princeps, omnibus naturæ & gratiæ donis ornatissimus.

Dux autem regnans, Pater Francisci, duobus Comitatibus Domum suam auxit, *Dachstulensi*, quem quadringentis florenorum millibus emit a Comite Oetingano-Balderensi; (sed hæc emptio postea fuit rescissa) & *Falckensteinio*, cum Comite Manderscheidio controverso, quem Consilium Aulicum Viennense ipsi adjudicavit, allo-

allogdialibus bonis Domui Manderfcheidæ relictis. Litem etiam Dux movit Electori Palatino propter jus Wildfangiatum.

Ex Domo Lotharingica obiit hoc anno 1723 Carolus Henricus Princeps Valdemontius, Caroli III Ducis filius naturalis, ætatis 74, qui partes Domus Borbonicæ secutus, pro Philippo V sub initium hujus sæculi fuit Gubernator Mediolani. Filius vero ejus, Carolus Thomas, Cæsari militans, jam anno 1704 in Italia ad Ostiliam occubuit. Tota autem Valdemontia hæreditas, cum deficeret successio, ad Lotharingicam regnatricem Domum est devoluta.

Anno 1729 obiit Leopoldus Josephus Carolus Dux Loth. Obiit Leop. ringiæ, ætatis 50, Eques Aurei Velleris, anno 1679 per pacem Jos. Dux. Rivicensem restitutus; cum Lotharingia per annos 28 in manibus Gallorum antea hæssisset. Pro sua in Mantuam & Montem Ferratum præensione accepit a Cæsare Ducatum Teschenensem sub feudali nexu. Conjugem habuit Elisabetham, Philippi I Ducis Aurelianensis filiam natu minimam, atque ex ea genuit, præter complures alios liberos, jam defunctos, Franciscum Stephanum, Augustissimum Modernum Imperatorem, & Carolum Alexandrum, Magnum Teutonici Ordinis Magistrum, & Gubernatorem Belgii, cum Anna Carolina.

Anno 1730 Dux regnans Franciscus Stephanus Parisios profectus, Investituram in Barri Ducatum a Rege accepit. Inde redux Lotharingiam suam in optimum ordinem disposuit; atque Bipontino Investituram contulit in iis feudis, quæ a Lotharingia dependent. A Cæsare vero petiit renovari feudum Mussipontanum, Nomenense, Blamontanum, Falckensteinense, Clermontanum, Salmenense, Phalzburgense, Saarwerdense, pluraque alia.

Anno 1731 iustratis Aulis, Bruxellensi, & Anglicana, Nanæi Academiam Equestrem erexit pro Nobilitate Lotharingica, ut bonis artibus, & equestribus exercitiis imbuatur.

Postquam Dux 1732 Viennam rediit, 1733 orto bello Polonico Galli Lotharingiam occuparunt. 1735 in Præliminaribus pacis conventum, ut Dux Lotharingiam retineat usque ad mortem Magni Ducis Florentiæ, Stanislae vero Regi quamprimum Ducatus Barrensis tradatur, proventus vero Duci compensentur.

At vero Galli post præliminares istas pactiones urgebant, ut uterque Ducatus, Lotharingicus videlicet & Barrensis non primum post mortem Ducis Florentini, sed statim Stanislae Regi tradatur, Duci autem Lotharingiæ interim quot annis tres librarum Gallicarum

milliones a Francis persolverentur.



Anno sequenti, postquam Dux Lotharingæ optimam partem elegit, atque Mariam Theresiam Archiducem nuptiali sibi foedere conjunxit, conventio nova Imperatorem inter & Galliam fuit interposita, 17 articulis comprehensa.

1. Quamprimum Cæsar & Imperium in possessionem eorum, quæ vi Præliminarium ei fuerunt addicta, venerit, præsidium Hispanicum ex munitis Florentiæ urbibus abscesserit, & permutatio a Rege utriusque Siciliæ, & ejus patre Hispaniæ Rege fuerit ratificata, præter Barri etiam Lotharingæ Ducatus Regi Stanislaeo cedatur.

2. Post mortem autem Stanislai hi Ducatus coronæ Gallicæ incorporentur.

4. Gallia spondet Duci Francisco Stephano eventuales successionem in Magno Ducatu Florentino.

5. Utraque Majestas procurabit sponsonem eorum Principum, qui in pace Risvicensi pro Lotharingia caverunt.

6. Domus Lotharingica retinet titulos, insignia, & prærogativas, sicut hæcenus, in cessum tamen Ducatum jus nullum habeat.

7. Gallia solvet Duci usque ad mortem Gastonis 4 milliones cum 500000 librarum annuatim. Recipit etiam in se debita Ducatus, quæ ascenderunt ultra 8 milliones librarum.

8. 9. 10. Continetur dos viduæ matris: item Carolo Principi, ejusque sororibus præstanda a Gallis, donec Dux in plenam ac liberam possessionem Thufciæ veniat.

11. 12. 13. Dux Vidua Lunevillæ plena libertate fruatur. Duci Francisco ceduntur omnia bona mobilia, Lotharingia nomen suum semper retineat, & specialis sit provincia.

14. Foundationes, sententiæ latæ, decreta, immunitates & Conditiones, privilegia Ecclesiarum, Nobilitatis & tertii status, atque nominatim Universitatis Mussipontanæ, inconcussa perpetuo maneant.

15. Omnes Officiales & famuli Domus Lotharingicæ retineant pristinas libertates, exemptiones & privilegia: atque nec ipsi subiecti sint Juri *Albinagii*, seu juri Principis in hæreditatem peregrinorum, quod alias in Gallia viget.

16. Litteræ, documenta, & instrumenta utriusque Ducatus Regi Stanislao tradantur, exceptis iis, quæ personas & Familiam Ducalem concernunt, uti sunt pacta dotalia, testamenta &c. eorum autem, quæ sunt communia, utrique parti copię dentur.

17. Hæc acta conventioni generali inserantur, & intra mentem mutuo commutentur.

*Actum Viennæ 28. Aug. 1736.*

Dux ipse etiam his actis subscripsit, contestatus, quamvis difficillimum sibi accidat, avitam ac paternam hæreditatem suæ Duci fidosque suos subditos derelinquere, se tamen ex veneratione utriusque Majestatis, & amore pacis, in Europa conservandæ, in præliminaria & conventionem consentire.

## Art. II.

### *Lotharingia post mutationem sub Stanislao Rege.*

Anno 1737 Lotharingæ & Barri Ducatus Regi Stanislao fuerunt traditi. Is igitur, Versaliis Lunevillam profectus, capta Stanislao in possessione, summa mansuetudine & moderatioe Regimen orsus possessionem. 183.  
st, ut Lotharingi eo facilius pristinos suos Dominos, multo gratissimos, obliviscerentur, & amorem in se transferrent. Quapropter Aulam suam ex Lotharingis potissimum constituit; non tamen oblitus Polonicæ suæ gentis, ex qua eminet Comes *Ossolinski*, thesaurarius ante Coronæ Polonicæ, utriusque fortunæ socius & *Ossolinski* obitus.  
comes individuus; quem ditione Lignya donatum supremum Aulæ Præfectum constituit, qui tamen anno sequenti obiit. Acad. Nobil.  
iam insuper pro nobili juventute Lotharingica & Polonica perfecit.

Anno 1738 Princeps pientissimus sceptrum & coronam Regiæ Cælorum publice in templo obtulit; salutato prius Versaliis Genero. Aliquot autem legiones Gallicanæ in provinciam venerant, quarum Ductores diligenter Aulam invisebant.

Anno 1739 Rex Stanislavus, salutis etiam æternæ subditorum eorum ut consularet, sacras Missiones per Lotharingiam fundavit, & ad eas Patres Societatis Jesu selegit, qui rudes doctrina fidei & Sacræ Missiones.  
horum imbuerent, atque peccatores in semitam vitæ Christianæ educerent. Octo autem personas ad sanctum hoc opus destinavit, quæ provincias obeuntes munere suo Apostolico fungerentur.

Anno



Anno 1740 Bitisio munimenta, per pacem Badensem detracta fuerunt restituta. 1743 Rex Stanislaus post prælium Dettingense non amplius Lunevillæ, ordinaria sua Sede, securum se esse ratus Nancejum concessit; cum famosus Menzelius cum volatili manu in Lotharingiam irrupisset, prædasque ageret.

Rex Lud.  
Metis.

Sequenti vero anno, cum Austriaci in Alsatiæ irrupissent etiam Nanceio relicto, Metas primum, dein Meudonem, in Galliam se recepit. Rex autem Ludovicus, postquam Metas pervenerat periculosa febris correptus, ab 8 Aug. ad 22 decubuit, morientium sacramentis jam provifus. Sed placuit Deo, Ludovicum multum Antum Franciæ suæ, totique Ecclesiæ diutius conservare. Accurrit cum Delphino & Regia Familia Regina Conjux. 23 Aug. jam ita convalescerat, ut Schmettavium Borussia, & Wachtendonckium Palatinum Ministrum ad alloquium potuerit admittere.

Digressio ex Alsatiæ hoste, Rex Stanislaus Lunevillam rediit ubi postquam ad Socerum Generum invisit, hic 2 Oct. Sarburgo, & Tabernis Argentinam venit. In Brisgoviam inde delatus, expugnato Friburgo, Versalias reversus est.

Obiit mater  
Ducis.

Obiit Commercii, Vitalitio suo, Elisabetha Aurelianensis Magni Hetruriæ Ducis Mater æt. 68. Principatus autem ad Lotharingiæ Ducatum rediit.

Anno 1747 ad vitam æternam transiit Catharina, Stanislai Regis Conjux, Henrici Opalinski Posnaniæ Castellani filia, æt. 67. Vidit adhuc Nepotem, Delphinum Franciæ, cum Saxonica Principe conjunctum.

Stanislaus autem Rex bonarum artium uti gnarus, ita æstimator æquissimus, Nancei præter Academiam Nobilium, Societatem litterarum, cum insigni Bibliotheca erexit, tantaque suavitate, amore & moderatione subditos suos regit, ut Regis clementissimi ac beneficentissimi nomen sit sortitus.

Anno 1749 visitato Rege genero, Commercium in Ducatu Barrensi recessit, ibique arcem reparari iussit. Venit eo cum familia sua Princeps Craon, qui Florentiæ hætenus erat Præfectus. Anno sequenti, facto rursus Lutetiam itinere, Lunevillam rediit.

Prout singulis ferme annis, ita etiam 1752 invisit ad Regem generum, Reginam filiam, Delphinum nepotem, neptes, pronepotem, Ducem Burgundiæ, licet jam 76 annum ætatis ageret. Anno sequenti novum pronepotem nactus est, Ducem Andegavensem, & anno 1754 Bituricensen. Ad utrumque invisit, sequenti vero arcem suam Regiam Lunevillæ incendio conflagrare vidit, eamque rursus construxit, per longavam suam vitam (quod magnarum mentium est) utramque fortunam pari animo ferre doctus.

CAPUT

C A P U T XI.  
Status Hungariæ  
SÆCULO XVIII.

§. I.

*Novi civilis belli initia.*

Ineunte Sæculo XVIII nova, eaque gravissima, rebellio pæne totam Hungariam corripuit. Auctor illius præcipuus Franciscus Leopoldus Ragozius, nepos Georgii Ragozii, qui dum contra Ke-  
minium de Transylvania Principatu contenderet, 1660 ad Claudio-  
polim a Turcis prælio victus interijt: filius vero Francisci Ragozii, qui matris Bathoriæ cura a Zrinii & Nadaſti conſpiratione abſtractus, privatam deinceps vitam egit. Hujus vidua Zrinia (Töckelio deinceps) ſe cum filio (de quo loquimur) Franciſco Leopoldo Ragozio 1688 cum Mongatſina arce Cæſareis deditit. Hic liberalibus diſciplinis probe imbutus, conjugem ſibi aſcivit Haſſo-Rhenofelſenſem, Principis Imperii titulum incaſſum a Cæſare precatus.

Non deerant, qui hominem, ſe ipſo non malum, repulſæ dolore, & objectis Majorum imaginibus, in ſpes magnas accenderent, nosque inter Berezenius comprimis, implacabili Germanorum odio inflammatus.

Utebatur Ragozius familiariter domi ſuæ Longevallio Procenturione Lotharingo. Hunc Pariſios ablegat, datis ad Regem litteris, quibus Procerum populique Hungarici pronam voluntatem jugum Auſtriacum abjiciendi ſignificat, petitque, militem & pecuniam ſubmitti. Nationem eo reſpicere, ut regnum formam, Polonico ſimilem, induat, aut potius, ut Hungaria & Polonia in unum regnum coaleſcant, quo potentius hinc Auſtriacis, inde Turcis reſiſti poſſit.

Longevallius hanc epiſtolam recta Viennam ad Cæſaream Aulaſſam deſert: diſſimulare juffus, reſponſumque referre, Pariſios ad Regem abiit. Generalia duntaxat promiſſa Viennam primum, ad Ragozium deinceps cum retuliſſet, cum novis mandatis, admonito clam Cæſare, Lutetiam proſciſcitur.

Pars X.

D d d d

Ne



Captivus in  
carcerem  
Neostad.  
ducitur, cum  
sociis.

Ne autem malum ulterius serpat, per Solarium Comitem Ragozium cum Syrmaio & Vayo comprehensus, Neostadiensem in arcem captivus abducitur, Berezenio celeri fuga in Poloniam evadente.

Evadit.

Ragozium proprio chyrographo se convictum videns, Lechmanum centurionem, custodiae Praefectum, promissis corrumpit, ut adeo hinc, excubitore alio misso, fugae occasionem faceret. Ragozium itaque gregarii veste indutus, saccoque onustus, vigilias ceteras innoxius pertransiit, paratoque equo exceptus avolvit.

In Poloniam  
ad Berezenium.

Centurio, diffractas fenestras crates, funemque in vallum pendulum monstrans, hac, ait, evasit, simulque fugitivum persequi properat. Verum turbida fronte perfidiae indicium praefrens, sistere gradum, gladiumque ponere iussus, quaestione habita, quatuor in partes distractus est. Ragozium vero in Poloniam ad Berezenium fugit, atque cum eo nova perdendae patriae consilia excoxit. (1701.)

Inermis  
Hungaria.

His occasionem praebuit Caesarearum legionum ex Hungaria ad bellum Bavaricum & Italicum deductio, indeque oblata genti, a Germanico dominatu perpetuo alienae, & per tributorum magnitudinem tunc non leviter irritatae, plena turbandi facultas.

Seditionis  
ocasio.

Quippe Leopoldus Caesar, contra ac Erdadius, aerarii Praeses, alique, quibus integra fides, Hungariae Proceres suaserant, flagrantem undique bello, necessitate ac magni foederis respectu motus, deductis copiis, inermem prope Hungariam reliquit. Nec de tributorum gravitate quidquam remissum, sed in tantis necessitatibus majora insuper fuerunt imperata. Post pacem Carlovicensem plura propugnacula fuerant dejecta, tum ut militi ac sumptibus parceretur, tum ut majoris momenti urbibus prospici melius possit. Factum autem, ut ne his quidem de praesidio, annona, & bellico apparatu satis esset provisum, unaque in campo Montecuculi cataphracta legio superesset. His fontibus, dictu incredibile, quanta procella & veluti diluvium totum regnum inundaverit.

A duobus  
grassatoribus  
initium.

A tenuibus principiis orta tempestas. Duo grassatores, *Kisius* & *Eisius*, cum anno 1703 magni ad Italicum & Boicum bellum delectus fierent, latronum sibi gregem adjunxerunt. Mittunt e tribu sua duos Legatos in Poloniam ad Ragozium, eique obsequia sua deferunt. Laudantur tanquam primi liberatores servientis patriae; jubentur, quot possent, conspiracy suae delectum specie aggregare: arma, vexilla, publicas litteras a Ragozio submissum iri.

Jamque multitudo tumultuantium convenerat, quos *Karolyus* Comes, submissis a *Nigrellio*, superioris Hungariæ Gubernatore, copiis fudit, cæsis eorum centum septuaginta; Etseum jam e rustico Tribunum cum aliis, cæteros in sylvas dispergit.

Venit interea exeunte Junio (1703) ex Polonia *Ragozius*, atque ad *Mogatsinum*, castrum olim suum, duo grassatorum millia <sup>jungit se illis</sup> *Ragozius*, & *Berezenius*. <sup>Berezenius.</sup> Missis circum litteris, tyrannidem Germanicam, veterem gentis gloriam, servitutis dedecus, recuperandæ libertatis opportunitatem extollit: sollicitat, promittit, minatur.

Mirum dictu: torrentis instar rapidi ad eum superior Hungaria <sup>Defectio</sup> <sup>Hung. super.</sup> omnis devolvitur. *Tokaino* ad Danubium usque, indeque ad *Transylvaniæ* fines Germanica præsidia omnia obsidentur: qua vi, qua prodicione capiuntur: *Karolyus*, & *Csakius*, seu fidelitatis gratiam opinione minorem retulerant, seu populari turbine abrepti, seu fundorum vastatione in desperationem acti, ad *Ragozi-*um & *Berezenium* deficiunt, factionique se Duces præbent.

*Ragozio* in superiore Hungaria jam dominante, *Berezenius* inferiorem incendiorum, populationum, suppliciorum terrore, <sup>Universale</sup> <sup>incendium.</sup> vi, dolo, ad defectionem compellit: ut adeo anno 1704 tanta fuerit Hungariæ ruina, perduellionis æstus tam incitatus ardensque, ut multis simul locis bellum erumpens, momentoque hac illac transvolans, e duobus & septuaginta Comitatibus nullum prope intactum relinqueret: indeque ab Austriæ finibus ad Valachiæ *Moldaviæque* limites perpetuum quoddam incendium flagraret.

Neque Hungariæ finibus se continebat furor, sed *Berezenio* ductore, in Moraviam & Austriæ fines irrumpens, tanto omnes <sup>In Moraviam</sup> <sup>& Austriam</sup> <sup>effusum.</sup> terrore concussit, ut incolæ passim diffugerent, & Viennæ velut ab obsidione Turcica trepidaretur, præsertim cum simul nuntiaretur, ex altera parte a Gallo-Bavarico exercitu Passavium jam esse captum. Quapropter, ut incendiorum metu liberarentur Viennæ Suburbia, undique aperta, *Eugenii* Principis consilio, amplissimo circum ambitu sunt cinctæ aggeribus, quos hodie ad justæ propemodum munitionis formam, ad securitatem splendoremque regiæ urbis, atque vestigalium augmentum, muro lateritio convestitos cernimus.

Et sane necessarium illud sepimentum fuit, cum perduelles incendiarii usque ad Viennæ Suburbia grassarentur, ipsis adeo Cæsaris hortis, una ab urbe leuca distantibus, incendio deformatis.



Tristes simul ferebantur nuntii, Papenses, Vesprienses, Bathiani Hussaros una defecisse: Karolyum cum viginti millibus Neostadium tendere: Ozkayum Sopronii oppidum extimum cepisse: Budam arcte obsideri: Insulam Schüttam, & Comaromium proxima deditio: Quinque Ecclesias esse direptas, Ariam captam.

Dum hunc in modum, vel sciviente bruma, sursum deorsum versaretur Hungaria, Eugenius Princeps Posonium profectus, per fidos homines Berezenio, qui Ragozii regnique erat potens, pacem obtulit. At ille typho elatus omnes conditiones rejecit. Quare Eugenius per Palsyum & Forgatsium Comites Regni Coronam ex Posonienfis arcis turri Viennam deportavit.

Cum igitur spes nulla pacis superesset, Heisterus, ab obsidione Kueffsteinii avocatus, in Hungariam mittitur. Ardua sane erat provincia: legiones paucæ; hostis nullo loco consistens: Hungaria in ejus manibus: obsidiones circumferre lentum & difficile: uribus captis nullus præsidio imponendus miles: domita provincia terrore absterfo in pristinam perduellionem relapsura: Schlickius, & Palsyus ob copiarum paucitatem tantæ procellæ jam ante impares.

Heisterus in  
Hungariam  
cum 5000.

Verum *Heisterus* cum quinque millibus, (modico sane protanta mole subsidio) in Hungariam profectus, multos dedititios recepit, multos vi ad obsequium redegit, Karolyo præsertim ad Albam Regalem profligato. Consilium autem dedit, ut dedititii Comitatus exarmentur, ne terrore remoto, ut facere consueverant, tam facile ad ingenium redeant; sed a Senatu Aulico rejectum id effecit, ut multæ deinceps illustres victoriæ cassæ redderentur.

Plures refert  
victorias.

Ad Jaurinum ab hostium multitudine cinctus, & cum suis quinque millibus in orbem pugnans, nobilem refert victoriam, adeo quidem, ut major esset cadaverum numerus quam vincentium. Ne victoriam prosequeretur, panis rerumque penuria obsistit. Reddere vices Hungari, Ritsano primum, dein Rabata victo: lateque per Styriam populatione circumlata.

Vices reddi-  
tæ.

Postulata.

De pace dein rursus actum: postularunt Hungari: tributa aboleantur; Heisterus & Rabutinius Hungaria abscedant; Cæsar Posonii aut Budæ sedem figat; Ragozio Transylvania Principatus postliminio reddatur. Germanus miles oppidis omnibus excedat.

Atrociore hæ erant conditiones, quam ut a Cæsare iniri possint. Resumptum igitur bellum. Sub exitum Decembris Ragozius, Berezenius, Karolyus, quamvis triginta millia sub signis haberent, ab Heistero ad Tyrnaviam magna clade affecti. Sed cum ob cibarium

riorum inopiam fugientes persequi non posset, spatium se colligendi nacti, tanquam victores per regnum dominabantur, Austriæ ipsi & Moraviæ incendia & populationem rursus inferentes. (anno 1704.)

## §. 2.

*Belli Hungarici Progressus.*

Anno 1705 Heistero Marefchallo, Duci præstanti, sed ob militarem libertatem, quam ut parendi contumaciam accepit Consilium Aulicum, amoto in Hungarica Armorum Præfectura suffectus est *Herbevillius*, quarta post obitum Cæsaris Leopoldi die. 185.  
Heistero  
suffectus  
Herbevillius.

Quamvis autem Heisterus insignes de perduellibus reportavit victorias, multaque eorum millia ceciderit; quia tamen ingens erat multitudo, & bellum hoc volatile venationi simile, ultima insuper egestas Cæsareos premebat, ut propterea hosti circumvolitanti insisteri non posset, & multæ urbes arcesque fame perirent, prout sub hoc ipsum tempus Vivarinum, Eperiesinum, Agria, Cassovia, heu quantis impendiis Turcis nuper ereptæ! ob rerum penuriam Ragozio se dederant, afflictum undique Hungariæ statum *Herbevillius* invenit. Misera facies.

Quin ultra Hungariam in Transylvaniam quoque & Sclavoniam, quam Palfyus Croatiæ Bannus cum fida Austriacis gente hætenus defenderat, procellosus turbo defævit. *Rasciani* Valachique agri sui populatione accensi, & alias ab Hungaris animo alieni, magno numero se conglomerant, ac *Herbersteinio*, *Essekini* Præfecto, Ductore, in fugam Hungaros conjiciunt. Tum vero iidem *Rasciani*, obnitente frustra *Herbersteinio*, populationem, rapinas, cædes late circumferunt. Et quia Græcanici schismatis homines, faciem præferentibus Popis, odio Latinæ Religionis ardebant, Quinque Ecclesias, urbem Catholicam, fœde diripiunt. Nihil hic barbaræ crudelitatis omisum: spoliata & incensa templa, sacra polluta, sacerdotes atrociter interempti, interque eos duo *Franciscani*, *Jesuitæ* quatuor, religione & doctrina præstantes viri: ut adeo a talibus amicis plus metus esset, quam ab hostibus. Rascianorum  
rabies.  
Amici præ  
hostibus  
timendi.

Porro *Herbevillius*, novus belli in Hungaria Imperator, post finitum per *Höchstadianam* victoriam bellum Boicum, exactosque e Germania Gallos, duabus legionibus Danicis, aliisque copiis aus-



Herbevill.  
cædit feditiosos.

Ætus, occasionemque prælio decernendi aucupatus, ad Biberispurgum Palfyorum arcem, tribus a Posonio milliaribus diffitam, eandem invenit: ubi triginta millium exercitum, in quo plures erant Ductores Galli, unaque Germanorum ex transfugis conflata legio, pugna profligatum in fugam conjecit. Capta 30 minoris formæ tormenta, signa militaria 46, cum magna vi bellicæ & annonariæ penus. Sed plus fugæ quam cædis illatum.

Germanus quippe miles, disciplinæ militari assuetus, statario pugnandi genere valet; Hungari autem, qui se omnes milites nasci dicunt, Parthorum more bella gerunt. Rapto frequenter vivunt, nec impedimentorum mole, prout Germani, onerati, vim potissimam in primo impetu, & equorum celeritate reponunt. Neque e prælio fugere probro ducunt, mox redituri, si occasio ferat, & rursus pugnaturi. Victi etiam toto prælio se iterum mox conglobarunt, & tanquam non victi sed victores essent, pristino more sunt grassati. Quæ sane causa fuit, ut tot illustres Cæsareorum victoriæ sine fructu evanescerent.

Et post hanc ipsam Cæsareorum victoriam Hungari non modo per Hungariam universam & Transylvaniam tumultuabantur, sicut antea; sed Moravam quoque transgressi, more quasi annuo, ferro & igne Viennam terruerunt, dum ex mœnibus suis flammam, virosque ardentes conspiceret.

Digresso subin Herbevillio cum exercitu, ut Transylvaniam, in exitium ruentem, sustentaret, Bothyanus & Ozkayus in supera & infera Hungaria in Moravia, Silesia, Styria, Austria, ad Viennæ usque suburbia terrore, cædibus, incendiis, omnia miscebant, Palfyo, qui residuum Cæsareorum manipulum ducebat, in Austriam eiectione, atque ad sistendum torrentem impari. (1705)

Josephus Imperator ad Insubriam vindicandam nervos ærarii, legionum robur, seque totum cum applicasset, ad edomandam Hungariam curæ minus impendit & apparatus. Ad defensionem igitur magis, quam inferendum respiciebatur. Sed & defensio erat ardua, quod non uno cum exercitu res esset, sed vagans per totam Hungariam, Sclavoniam, & Transylvaniam bellum, extinctumque uno loco incendium pluribus aliis vehementius exardesceret, injecto Cæsareis dubio, quo primo accurrerent.

Induciæ tum quidem, Angli Hollandique Legati opera, initæ, sed a seditiosis non servatæ, & Austriacis rebus noxiæ. Resumptis armis, dum Herbevillius procul in Transylvania abesset, Hungarico bello præfectus est Guido Stahrenbergius, Palfyo missionem petente.

Induciæ

Breves.

te. Verum Cæsar virum fide ac bello præstantem iussit in statione persistere: meminisset, ne Regibus quidem adversus vulgi dicacitatem aliud esse armorum genus, quam contemptum. Quare cum copiarum parte ad bellum profectus Schütam Insulam expugnavit; Stahrenbergius vero *Strigonium*, paulo ante amissum recuperavit. (anno 1706)

Anno 1707 populatorium in Hungaria bellum laboris quidem & itinerum multum, memorabilem eventuum nihil habuit, nullas <sup>Bellum va-</sup> nobiles pugnas, nullas claras oppugnationes, sed vaga & volitans <sup>gum & vo-</sup> undique percurratio. Id male contentis, quo nomine appellabantur, <sup>litans.</sup> propositum, Austriæ, Styriæ, Moraviæ, terrorem inferre, & continente discursu circumducere & fatigare statarium Germanum militem. Stahrenbergio prorogatum imperium. Vivarinum is oppugnare & Cassoviam destinaverat, sed plures se obices interponebant, donec annus efflueret, nullo memorabili operæ & impensarum pretio.

Anno 1708 Guido Stahrenbergius, capto a perduellibus Maximiliano fratre, in Hispaniam missus, ubi opportunior bellicæ virtuti esset campus. Hungarico vero bello rursus præfectus est *Heisterus*, <sup>fumit impe-</sup> quo nemo melius pervicaces contundere atque compescere noverat. <sup>rium.</sup> Sed vir asperioris indolis & adulari nescius, majori apud Cæsarem, quam Procures ejus Aulicos bellicæ consilium, gratia valebat. Totam ille Hungariam longo usu mente sua habebat descriptam. Palantes opprimere subito, præsens adesse, cum procul abesse credebatur, hostes velut reti concludere, atque ad prælium adigere ad miraculum callebat. Unde etiam neminem magis formidabant.

Et sane mox experti sunt, adesse Heisterum. Magna quippe usus celeritate, Ragozium & Berezenium ad Trenchinium affecutus, <sup>Cædit Rago-</sup> grandem refert victoriam. Non alias toto hoc civili bello plus claudis datum. Cæsa 6000, multi capti: cum 50 signis, tormentis 14, impedimentis omnibus. Institit victor fugientibus, quos interneccione delessent, nisi sylvarum latibulis multi vitam servassent. Tantus nihilominus victoriæ fructus fuit, ut ab ea die perduelles (qui confederati volebant dici) nullum justum exercitum possent educere, pluresque ad pacem gratiamque Cæsaris respicerent. Hos inter fuit Joannes *Ozkajus*, (formidabile hætenus Moravicis tectis nomen) qui cum tota sua legione ad Cæsareas partes transit, Palsyi comprimis opera adductus. Idem cum legione sua facere tentaverat <sup>Ozkajus cum</sup> Bezeredius, magni vir nominis, sed ab amico, cui confiderat, <sup>legione sua</sup> proditus, cum aliis legionis suæ Ductoribus, captus, mortisque <sup>ad Cæsarem</sup> supplicio affectus est. <sup>redit.</sup>

Heisterus



Heister re-  
prehensus.

Heisterus porro, recepto Nitriæ amplissimo Comitatu, amnestiam redivitis promulgat: tantisque pro Republica rebus gestis, acrem a Consilio Aulico reprehensionem accepit: sibi consilium re-scriptis consilii morem non gessisse: ararii Præfectos acerbius infestatum: de occupando Vivarino promissis non stetisse: Trenchinensi victoria non satis usum.

Animose re-  
spondet.

At ille martia libertate, quæ crimini sibi darentur, vel ab ignorantia, vel invidia proficisci, reposuit: aliud esse ratiocinari in conclavi, quo sapere videantur, qui belli rudes essent, aliud pro eventuum varietate consilium in arena capere. Ea esse trimestri expeditione gesta, quæ nemo sibi persuasisset, hostibus ad petendam pacem adactis. Vivarini occupationem, in tanta copiarum paratusque paucitate, a se non promissam. Querelas de ararii administratoribus iustas fuisse: vanis solatiis toties deludi egenum militem, qui sanguinem vitamque Reipublicæ immolat. Rerum penuria hoc & superioribus bellis optima sæpe consilia fuisse frustrata, vitio eorum, qui ex officio curare debuissent.

Anno 1709 male contenti, Trenchinensi superioris anni prælio fracti, inducias petierunt ex formula *uti possidetis*, sed animo non bono: tempus siquidem, quo se colligerent, quærebant, sollicitando interim ex Polonia suppetias, & delectus in Turcico etiam solo, ære Gallico, habentes.

At vero Palsius cum Ozkayo, quem nuper cum legione sua ad Cæsarem transisse diximus, asperrima hyeme Arvensem Comitatum, montosum & sylvestrem, Poloniæ & Silesiæ conterminum pane subegit, multis Nobilium cum Ravayo Barone ad Regias partes traductis: Heistero interea Hungariam inferiorem, ut Austria securam esset, edomante: interceptis Simonthorna, Vesprinio, & Secsinio, munita Kohariorum Comitum arce, cum Gatsio castro, situ prævalido.

Poloni in  
Hung.

Venerat inter hæc ex Polonia Potockius, Kiovia Palatinus, Svecicæ adversus Augustum Regem factionis caput, a Russis Polonia exactus, qui Ragozianis cum copiis suis, quas adduxerat, se jungebat. Sed opportune alter Polonus, Lubomirius Princeps, cum quinque suorum millibus ad Cæsareas partes transgressus, opulante Ebergenio Austriaco Duce, Potockio fuso, magnum captivorum numerum, Svecos, Gallos, Polonos, interceptit.

Sicking.

Nec minorem stragem Sickingius & Löffelholzius fecerunt, Novigradeni Comitatu Regi asserto, traductisque ad eundem plus quinquaginta tribunis & centurionibus, coactione potius quam voluntate

tate Ragozio adstrictis. Certe plurimi ex Hungaris, praesertim Catholicis, nequaquam alieno a Rege suo erant animo, sed populatibus agrorum & incendiis in partes, quas detestabantur, fuerant abrepti. Protestantes vero plerique, Rege suo ejurato, toto hoc bello Ragozii partes sectabantur: relicto documento, quam periculosa sit conditio Principis, qui hujus fidei homines in provinciis suis tolerare cogitur. Ladislaum *Ozkajum*, ad Regem nuper reducem, postquam sinceræ & integræ fidei plura exempla dederat, per insidias intercipiunt, atque Vivarinum abductum loci Prætor, Calvinista ferox & virulentus, per eum, quo tonfore alias usus fuerat, obtruncari jubet. Fortiter mortem tulit, commendata filiorum tutela Palfyo.

Neque impune Vivarino crudelitas abiit. Quippe Heisterus cum Palfyo, contra Consilii Aulici sententiam, munimentum, jam Vivarinum sex annis multarum in utramque Hungariam calamitatum seminarium, acri oppugnatione ad deditionem compulit: cum rebus mobilibus abire permitti incolæ: de fundis Aulæ gratiam implorare jussi. (1710)

Löffelholzius expugnavit Leutsoviâ, cum arce Scepusiensi: Cufanus Marchio Zolnokinum: Palfyus Agriam: Virmontius Part-Ducumgefeldam, & Eperiesinum. Sickingius ad Ipolum Ragozianos prostravit, Hochbergius ad Egerségiam; ubique magna cum strage.

Jamque post tot cædes, amissaque omnia prope munimenta, ad pacem adacti videbantur, cum *Baloghus*, celebris pervicacium Ductor, ultimos velut conatus exerturus, cum agmine, non admodum numerofo, omnem ferme Inferiorem Hungariam igni ferroque populatur. Victus denique, captusque capite crudelitatem luit. Traducti tunc iterum ad meliorem causam complures Nobiles, quos inter Andrafius, Redayus &c. (1710)

## §. 3.

*Belli Hungarici Finis, & Pax.*

Annus tandem 1711 calamitoso bello finem, & pacem attulit, omnium bonorum votis diu suspiratam. Cum enim renitentibus sola superesset Cassovia, Munkasium, & arces paucæ, Joannes Palfyus, cujus singularis & in bello virtus & in Regem fides enituit, populares suos ad pacem per litteras est cohortatus: desinerent tandem se turbulentis consiliis perdere: sævitum fati in materna viscera.



**Palsi litteræ** ra : inclitum regnum abiisse in triste bustum, miseramque solitudinem : squalere ambustas urbes, diruta oppida, vacuos sine colonis pagos : quos ferrum, fames, exilium non sustulit, pestilentia raptos. Si a Tartaris, Turcis, barbaris illata fuisset vastitas, mitius tolerandam fore : at cives mutuis cædibus occumbere, florentem antea patriam excindi, summaque imis misceri, nullis fat lachrymis deplorari posse. Libertatis legumque tuitionem defectioni obtendi, quibus tamen ab æquitate & clementia Austriaca nullum periculum. Unius hominis, regnum affestantis, ambitionis tot Hungarorum militia fuisse immolata. Quæ autem spes, Austriam, adversus Turcas omnino necessariam, regno, a duobus jam sæculis possesso dejici se passuram, aut tutam fore Hungariam Rege Ragozio ? neque in Francia spem reponerent, cui alias satis negotii, ut ab infelici bello suo se expediat. Respicerent se ipsos & perpenderent etiam, quo loco res sint renitentium, quam arcte constrictæ : consulerent, dum tempus adhuc est, fortunis, liberis, sibi.

**Caroly illi-**  
**que re-** unt  
**ad Regem**  
**suum.**

Movit oratio plures, maxime Alexandrum *Carolym*, qui primus nascentem seditionem detectam Viennam nuntiaverat, sed neglectus ab Aulicis, ut sua a populatione servaret, in partes fœderatorum deflexit. Jam vero conciliatus Regi, cum ipso Palsyo de fide & contumaces reducendi studio certare visus : ipsum adeo Ragozium est adhortatus, ut se patriamque a ruina liberet. Idque effecit, ut cum Palsyo in colloquium concederet. Sed Transylvaniæ spe inescatus, fiduciaque, in pace universali non minorem sui quam Baviaræ Principum rationem a Rege Franciæ habitum iri, oblatam clementiam respuit ; atque in Poloniam, nunquam in patriam rediturus, fugit.

**Karolli erga**  
**Regem stu-**  
**dium.**

**Cassoviam**  
**eidem tradit.**

Karolys autem, traditis, quæ suæ potestatis erant, munitis arcibus copiisque, omni studio contendit, ut plures pluresque ad Regis obsequium adduceret : tempus adesse, ajebat, quo amnestiam amplexi, vitam & libertatem sibi, patriæ tranquillitatem obtineant. Eadem ad Cassovienses perscripsit, evicitque, ut urbem permunitam dederent.

**Copiis jura-**  
**mentum**  
**præit.**

Tum vero inclinatis ad pacem omnibus, idem Karolys fidelitatis Sacramentum præit, subsequente exercitu, velut in aciem composito ; signiferos longa serie vexilla demittere, tympana in unum locum jubet conjicere. Quibus per Germanos dimachas sublati, Palsyo pacis auctori grates dicit, gratulaturque : hic vicissim tanti operis confecti laudem in Karolyum refert : qui hymnum Ambrosianum concini jussit. Ex 149 signis nonnulla Viennam transmissa.

In

In toto hoc negotio singulari Palfyus usus est prudentia, dum sollicitè cavit, ne quid de morte Josephi Cæsaris ad Ragozianos ex-Palfyus mor-ferretur, totum alioquin negotium fortassis abrupturos. Vientem Cæsaris nam autem perscripsit, inter Austriaca prodigia referendum, quod clam habuit. ea mors ipsos adeo duodecim dies celata fuerit. Karolyo amice excusavit Palfyus, quod elinguem Cæsarem per aliquot dies loquentem fecerit.

Pacificationis autem hæc erant capita.

1. Ragozio, si tres intra hebdomades, exauctorato milite, urbium arciumque præsidia dimiserit, libertas, dignitas, fortunæ redduntur.

2. In arcibus suæ ditionis Regium Regiis sumptibus præsidium habeto: vel in Poloniam, salvo tamen Vasalli officio, demigrato. Filii restituuntur.

3. Eadem gratia fruuntur Magnates, Prælati, majoris ordinis milites, qui in regno degunt. Arma autem bona fide ponunt.

4. Gregarii eadem amnestia comprehenduntur. Ad penates & agriculturam reversi, nec vi ad militiam trahuntur.

5. Cæterarum Nationum militibus, Gallis, Italis, Polonis liber ad suos redditus conceditur, transfugis exceptis, ad sua rursus signa traducendis.

6. Religiones, leges, immunitates, immotæ sunt.

7. Controversiæ in Comitibus ad regni leges judicantur.

8. Mortuorum pupillis & viduis bona, nisi alienata jam fuerint, Regis clementia redduntur. De alienatis ad Comitibus refertur.

9. Dignitates autem ac munia ne inter bona censentur: atque de his aulæ judicium esto.

10. Hungari ac Transylvani captivi liberi sunt.

11. Horum approbatio quamprimum ab aula procurator, & promulgator.

12. Si quis alterum ob partes in hoc bello susceptas verbis aut factis laceßat, severe plectitur.

13. Transylvania huic pacificationi inclusa esto.

14. Ut experiantur Ordines, Regiam Clementiam fatali hoc bello nihil erga se imminutam esse, si quid ad incolumitatem suam pertinere existimaverint, libere in Comitibus flagitanto.



His pactis ab Hungaris & Transylvanis agminum Ductoribus  
1 Maji 1711 singillatim fuit subscriptum: atque universim facili  
octodecim millia Regi, patriæ, sibi, fuerunt reddita.

Manipulus  
grassatorum  
compefcitur.

Supererat prædandi dulcedine retenta legio 800 capitum, e  
Svecis, Polonis, Russis, Turcis, perfugisque Germanis scelerata  
factionis colluvies. In quos missus Actonus, in fugam actos dissi-  
pavit. Ad Comitatum autem capita mandata circummisit Palfyus,  
ut vagos grassatorum manipulos, antequam mora augeantur, intra  
sylvarum latibula omni diligentia persequantur, deprehensoque  
supplicio tollant.

Munimenta  
Ragozi, qui  
in Galliam  
fugit, de-  
duntur.

Pacato jam reliquo regno, duo adhuc munimenta Ragoziano  
præsidio tenebantur, *Unguarinum*, & *Munkasium*: illud ad motis copiis  
Palfyo, hoc Löffelholzio se dedit. *Berezenius* vero, totius sedi-  
tionis auctor & moderator, cum Antonio Esterhasio, aliisque non-  
nullis Nobilibus, exilium patriæ, a se combustæ, prætulit.

Palfyus vero ad reparandas ruinas omni studio incubuit. Mi-  
nores arces, prædonum, qui nunquam defuturi essent, asyla, di-  
rui voluit: Zolnokinum vero, Tibisci frænum, & cum Transylva-  
nia nexum, prout & Tokainum ac Zattmarinum, ejusdem Transyl-  
vaniæ janua, fortius communiri.

Fides & con-  
stantia Hun-  
garorum.

Atque hic tandem perniciosissimi fuit belli civilis finis, miseri  
semper, & præ aliis bellis calamitosi: hæc illa pax, in hanc usque  
diem per quadraginta & ultra annos ab Inclita & Generosa Natione  
Hungarica sanctissime observata. Quin, mutatis etiam rebus, con-  
stanti fide periclitanti Austria valido fuit præsidio, versoque in amo-  
rem odio, pristinam seditionum labem, quæ tamen nullatenus fuit  
omnium, dudum absterfit.

#### §. 4.

*Carolus VI Rex. Bellum Turcicum. Victoria Petrovardina.*  
*Temesia expugnata. Belgradum oppugnatum, & post*  
*victoriam expugnatum. Eugenii gloria.*

187.  
Carolus VI  
coronatus  
Rex.

Anno 1712 post initam pacem in Regni Comitii, Posonii ha-  
bitis, Carolus VI Imperator, magna cum solennitate coronatus est  
Rex Hungariæ. Corona S. Stephani, quæ belli tempore Viennæ  
fuerat asservata, Hungaris fuit reddita, ac novo Regi imposta.

Con

Consecratoris munus obiit Cardinalis Saxo-Zeizius, Archiepiscopus Strigoniensis, Hungariae Primas, assistentibus Zackio, Erdödio, Collonitio, Episcopis, Paulo Esterhasio Palatino Hungariae, Joanne Palfy, Vicario Croatiae, multisque aliis Regni Proceribus. Ragozius vero in Galliam exulatum abiit.

Sequenti anno Esterhasio defuncto Palatinus Hungariae suffectus est *Nicolaus Palfy*. Obiit quoque Michael Abaffius, stirpis suae ultimus, jam dudum Viennam translatus; Transylvaniam vero Caesar per Vicarios suos gubernavit, & munimenta, novis extructis propugnaculis & castellis, reparavit, praesertim Albam Juliam (Weissenburgum) cui arcem adjecit, *Carolo-burgum* appellatam.

Nicol. Palfy  
Palatinus.

Abaffius  
obiit Vien-  
nae.

Jam anno 1714 Turcae sub Achmete III Venetis bellum denuntiaverant, eo quaesito praetextu, quod jam ab anno 1699 Peloponnesum, sive *Moream* injuste possiderent, Dalmatarum seditionem fovissent, nihilque occasionis praetermiserint, quo Turcarum navigationes & commercia turbare possent.

Prætextus  
belli Turcici.

Anno 1715 una expeditione totam Peloponnesum sub jugum miserunt, plus octoginta Christianorum millibus in barbaram servitutem abstractis. Non adeo felix fuit eorum in Dalmatiam expeditione, Singo strenue resistente.

Morea amissa.

Succumbendum tamen haud dubie fuisset Venetis immani Mulfmannorum apparatus, quem terra marique instruxerant, nisi Imperator venisset auxilio. Is etenim, intercedente pro Venetis, imo pro tota Italia, quae discrimini erat exposita, Clemente XI summo Pontifice, bellum Turcis denuntiavit, isto cum Venetis foedere.

Caesar opitulatur.

Turcae instituta solenni, multorumque millium frequentia celebrata, Meccam ad sepulchrum Mahometis peregrinatione, faustum armorum successum sunt precati: atque sub *Ali Bassa* Vizirio, Su tani genero, cum ducentis armatorum millibus Albam Græcam (*Belgradum*) usque sunt progressi. Eugenius Princeps exercitum, plusquam dimidia parte minorem, opposuit, multa millia in capite suo circumferens.

Quinta Augusti anno 1716 ad *Petrovaradinum*, commissio cruento praelio, Christianus exercitus insigni victoria est potitus, caesis in Petrovaradiacae triginta, ut fertur, Turcarum millibus, quinque vero millibus in fuga trucidatis. Inter caesos fuit ipse Vizirius cum Bassis quindecim: inter captivos vero 56 Bassæ, cum 485 inferiorum belli officialium. Ex Caesareis quatuor millia aut caesa aut vulnerata numerabantur, atque inter illos Breunerus, Gehlenus, & Wallensteinus tribuni. Præda varii generis prorsus ingens fuit relata.

Eugenii ad  
victoria.

E e e e 2

Eu-



Eugenius, Muselmannis terrore perculsis, tanta victoria utendum ratus, victorem exercitum *Temesvarino*, urbi amplæ & permunitæ, applicuit, quam Turcæ anno 1552 Christianis ereptam, 164 jam annos possederant.

*Temesiam  
expugnat.*

Commodum accidit, ut circumjectum urbi solum, quod paludibus frequens pluvia tempestate accessum negasset, fudo constanter cælo esset exsiccatum. Unde oppugnatio ex ordine & regulis rei militaris adornari poterat. 2 Sept. viæ obsidionales sunt apertæ. 1 Oct. Palanka Suburbium impetu captum, 12 Oct. urbs ipsa gratiæ Imperatoris se permisit. Tentabant quidem Turcæ & Tartari obsidionem solvere, sed a Steinvilio Lotharingo, Transylvaniae Gubernatore fortiter repulsi sunt. Atque hoc pacto Cæsar adeptus est permunitam adversus Turcas urbem cum regione, 650 pagos complectente. Alexander autem Dux Wirtembergiæ factus est Temesvarini Gubernator.

*Belgradum  
obsidet.*

Anno 1717 cum Cæsar Eugenium in Hungariam mitteret, hortatus est, ut cujusdam peritissimi Ducis in bello directionem sequeretur, miranti Christi in crucem affixi effigiem porrexit, cujus ductu militaret. Et sane secutus est. Nam primo Turcas Danubio submovit. Tum ponte navali transmissio flumine 18 Junii obsidionem Belgradi cœpit, eamque per mensem est profecutus, præsentibus 35 Principibus, aliisque Nobilibus innumeris, sub tanto Doctore artem militarem discere cupientibus. Illos inter eminebant duo Duces Bavariae, Emmanuel Princeps Portugalliae, Alexander Dux Wirtembergiæ &c.

28 Julii imminebat hostilis exercitus, obsidionem soluturus, valloque se muniit. Res plena videbatur periculi. Christianæ copiae stabant mediæ inter immanem Turcarum exercitum, & urbem, triginta armatorum millibus ferocem.

*Victoria ad  
Belgradum.*

Tandem vero, postquam utraque acies hoc situ 14 diebus perstiterat, Eugenius heroico prorsus facinore, simul & oppugnationem est profecutus, & 16 Aug. 40000 millibus, hostium, qui 200000 superabant, castra munita est adortus; Palfy dextrum, Alexandro Wirtembergico lævum cornu ducente; tantaque fortitudine pugnatum, ut quinque horarum spatio parta sit ingens victoria.

Fugientes, qua cuique patebat via, nostri, summopere lassati, non sunt persecuti; nisi quod *Esterhazy* cum Hussarorum manipulo *Orsovam*, a fugientibus desertam, occupavit. *Viardus* vero Dux Cæsareus

fareus in Transylvaniam fuga evadere tentantes, ita exceperit, ut plura eorum millia caderent.

Altero a pugna die (17 Aug.) Alba Græca, postquam ignis paulo ante præcipuam pulveris officinam, cum plurium millium ja-<sup>Quod se de-</sup>didit. ctura, in altum vibraverat, nullaque solvendæ obsidionis spes esset, candidum vexillum extulit, atque pacisci petiit. Eugenius retento in urbe apparatu bellico, sua victis permisit. Viginti virorum millia excefferunt, decem millia, quia ultro volebant, re-  
tentæ sunt.

Ex nostris cecidere *Heisterus*, 18 vulneribus conspicuus, <sup>Heister cadit.</sup> *Lobkovitius*, *Haubenus*, *Dahlbergius*, *Regalus*, *Bredæ* Gubernator.

Gemina immani clade attriti Turcæ, geminisque Hungariæ clavis privati, pacem petierunt. Difficillimum accidit Cæsari, e mediis avelli victoriis, planumque ad Turcam Europæ submovendum iter, a Christianis impediri. Quia tamen Alberonius in Mediterraneo turbabat, & Angli Hollandique pacem vehementer urgebant, seque illius Sequestros & Mediatores interponebant, *Passarovici*, Serviciæ oppido, pax coaluit in sequentes 20 articulos, ex formula potissimum, *uti possidetis*.

### §. 5.

#### *Pax Passarovicensis.*

I. Aluta fluvius ex parte Poloniæ, Transylvaniæ, Moldaviæ, & Valachiæ limes & terminus esto.

II. Infra Danubium verò fluvius Timockus in Servia.

III. A Drina ad Unnam Savus ad Cæsarem pertineat.

IV. Ad Unnam retinet Turca vetus Novium.

V. Novum vero Novium ad Christianos pertineat.

VI. In Croatia fines maneant, prout in pace Carlovicensi sunt fixi.

VII. Determinatio limitum quantocius per Commissarios fiat.

VIII. Nec deinceps violentur.

IX. Unde in finibus constituentur perpetui Commissarii, qui lites illico componant.

X. Et



X. Et transgressores pacis puniantur.

XI. Christiani in Turcia ne premantur: sed omni protectione fruantur.

XII. Captivi commutentur & redimantur.

XIII. Commercium sit liberum, atque de eo tractatus ineatur. Prædonibus nulla receptacula concedantur.

XIV. Omnes rebelles puniantur.

XV. Ragozi, Bereceni, Esterhafi, Forgatsch, Vay, & Czacki, alique renitentes ac fugitivi, poterunt quidem in Turcia subsistere, non tamen in finibus utriusque Imperii.

XVI. Polonia sit huic paci inclusa.

XVII. Legati utrinque mittantur.

XVIII. Qui secundum dignitatem tractentur.

XIX. Fiat ratificatio intra 30 dies.

XX. Hæ Induciæ 24 annis subsistant: & interea extendi possint.

Hanc pacem nomine Cæsaris inierunt *Virmondus Comes*, & *Talmannus*, Consiliarius Aulicus: nomine Sultani Ibrahim Aga, & Mehemet Aga, Cameræ Præsides. Mediatorum officio fungebantur, Suttonus nomine Angliæ, & Colyerus Hollandiæ nomine. (anno 1718.)

Pacis com-  
moda:

Multo quidem hæc pax, gemina expeditione procurata, sanguine stetit, non parum tamen terræ, præter binamaximi momenti munimenta, firmissima Hungariæ & Transylvaniæ claustra, eorumque districtus, Cæsari adjectum est. Quippe illius territorium ad 70 in Longitudine, 30 in Latitudine, & in toto ambitu ad 180 milliaria Hungarica protensum dicitur, ditione Cæsarea late in Valachiam excurrente & Serviam.

Pax cum  
Veneris.

Venetis, qui post amissam Moream, non satis provisam, conducto, ex Germania præsertim, valido exercitu, cui *Schulenburgium* præfecerant, instructaque classe terra marique rem strenue gesserant, atque *Corcyram* contra Turcarum invasionem fortiter defenderant, & ipsi *Ruzzinum* Passarovicium ad pacem sanciendam Legatum miserunt; quem tamen Turcæ initio admittere detrahebant, cum solis Venetis bellum prosequi cupientes. At vero cum Cæsar aut nullam, aut universalem cum omnibus Christianis pacem ineundam diceret, etiam cum illis ad 24 annos factæ sunt induciæ.

Præter

Præter aliquot loca in Dalmatia & Albania munimentumque Imachium Venetis cessa, Insulamque Cerigo restitutam, tria munimenta, Butrintus, Prevesa, & Voinissa, Turcis hoc bello erepta, Venetis fuerunt relicta, sed Morea, celebre olim Spartanorum regnum, fuit perditæ.

Demum subjunctus est commerciorum Tractatus inter Cæsareos & Turcas, quo stipulati sunt, ut navigatio per flumina & maria sit libera, ita, ut naves, Cæsareis vexillis distinctæ, portubus Turcicis secure recipiantur. A mercatoribus invêhentibus & evehentibus merces non plus exigatur, quam tria pro centum: nec Turcici Ministri ulla munera exigant, nec ullo modo commercia turbent. In præcipuis emporiis constituantur Consules. Propter damna, a Melitenfibus Turcæ illata aut inferenda, nulla vindicta, aut *Repressalia* exerceantur contra Cæsareos. Peregrinantes ad loca sacra nulla afficiantur molestia.

His ita compositis non parum temporis impensum est determinandis utriusque nationis limitibus, figendisque terminis. Comes autem Virmondus destinatus est Constantinopolim Legatus Cæsaris. Ragozio ad Pontum Euxinum sedes assignata.

## §. 6.

*Religionis dissidia. Novus Episcopatus, Senatus, & leges.  
Franciscus Dux Lotharingæ Prorex Hungariæ.  
Coloniæ in Hungaria.*

Anno 1719 bello Turcico finito, recruderunt non levia de Religione in Hungaria certamina, Protestantibus variis querelis aures Cæsaris pulsantibus. Constituti propterea Budæ 24 Judices, qui secundum leges Hungaricas pronuntiarent. 12 ex eis erant Catholici, totidemque Protestantes. Verum tanta erat dissensio, ut anno sequenti hæc commissio absque fructu fuerit soluta.

Alexander Dux Wirtembergiæ renuntiatus fuit a Cæsare Gubernator Serviæ & Albæ Græcæ. Budæ vero Gubernator Löffelholzio successit Daunius; Steinvillio Gubernator Transylvaniæ Virmondus: qui anno sequenti Königseckio locum fecit: Mercius vero Gubernator Temesvarinus est designatus. Ut autem Transylvanis & Valachis, qui in ditionem Cæsaris concesserant, melius esset provisum, novum Episcopatum pro illis erigi curavit. Domui vero

Pars X.

F f f f

suæ

Tractatus  
commer-  
cialis.189.  
Religionis  
dissidia.Novus Epi-  
scopatus pro  
novis terris  
conquisitis.



suæ prospexit, dum Sanctionem Pragmaticam de futura successione in Comitibus Posoniensibus promulgavit anno 1722.

Peculiaris  
Senatus  
Hungaricus.  
Coloniarum.

Anno sequente Buda ferme tota in cineres abiit, 700 hominibus disrupta turri pulveraria obrutis. Obiit etiam Collonitschius, Archiepiscopi Viennensis nepos, ultimus Illustrissimæ hujus Familiæ de statu sæculari. Plures vero Austriaci Nobiles in Status Hungariæ fuerunt assumpti. Peculiarem autem anno 1724 Senatum, ex solis Hungaricis Proceribus constitutum, Cæsar erexit, eique Nicolaum Palfyum, Regni Palatinum, Præsidem dedit. Utque fertile solum Pannonicum plures cultores haberet, plures ex Germania Colonias eo deduxit, maxime in agrum Temesvarinum. Munitæ insuper Alba Græca seu Belgradum, & Orsova.

Anno 1725 mortuo Cardinali Saxonico, Archiepiscopo Strigoniensi ac Regni Præmanti successit Emericus Esterhazius, in Jaurinensi vero Episcopatu Sinzendorffius, Cancellarii Aulici filius.

Anno 1728 quasdam urbes & oppida Hungariæ Archiducatus Austriæ unire conabatur Imperator, Belgradum cum districtu Regno Hungariæ paratus adjungere. Sed Hungari, detrimentum coronæ afferri credentes, tantopere se opponebant, ut Cæsar a proposito desistendum putaverit. Mongazium autem Lothario Comiti Schönbornio Electori Moguntino, Surzinum & Surduckum ejusdem Nepoti Friderico, S. R. I. Procancellario, donavit.

Novæ leges. Anno 1729 Rex statuit, ut bona Rusticalia, ab Ecclesiasticis aut Nobilibus empta, contributioni sint obnoxia, sicut antea fuerant. In futurum autem legem *Amortizationis* tulit; jussitque, ut utrique de jure suo in subditos authenticis documentis edoceant, salvis cæteroquin privilegiis. Transylvani hæc onera 50000 florenis redemerunt. Ubi illis simul promissum dicitur, Principatum Transylvaniæ nunquam Hungariæ incorporatum iri.

Anno 1730 Imperator plura in Sclavonia bona attribuit militibus bene meritis. Obiit Valachiæ Princeps (*Hospodar*) Maurocordatus, Græcæ religionis, Sultano vestigalis.

Anno 1732 *Franciscus* Dux Lotharingiæ a Cæsare renunciatus est Prorox Hungariæ, atque cum magna gentis lætitia exceptus, munimenta visitavit. Cum Protestantes se vellent extendere, novasque Ecclesias erigere, remissi sunt ad Decreta Comitiorum, quibus limites ipsis fuerant positi.

Anno 1733 obiit Comes Draskovicus, *Bannus*, seu Præses Croatiae, Dalmatiæ, & Sclavoniæ, cui successit Princeps Josephus Ester-

Esterhasius, supremus Excubiarum Præfectus Cæsareus: Comes vero Bathiani supremus Aulæ Præfectus est renuntiatus.

Anno 1734 habita Comitum Posonii in Hungaria, & Hermanstadii seu Cibinii in Transylvania; in quibus decreta Imperatori pecunia pro bello Polonico. Plures hoc anno ex Austria in Transylvania emigrarunt. Protestantes autem in regno, multis se-  
turbant.  
minis restringi passi, ingeminabant frivolas suas querimonias. Delegati ad causam hanc examinandam Cardinales Kollonischius & Sinzendorffius, cum P. Tönnemanno Cæsaris confessario, aliisque etiam sæcularibus viris.

Anno 1735 Ordines Hungariæ Regi præbuere 640000 florenos cum frumento, subsidium, ut vocant, *Charitativum* pro bello Gallico. Cæsar autem eis concessit, ut in quinquennium fructus suos & pecora libere educere valeant.

Quia Cardinalis Cienfuegos Archiepiscopatum Montis Regalis in Sicilia, & Card. Althan Barensem in Neapolitano regno amiserat, datus est illi Episcopatus Quinque Ecclesiarum, huic vero Weizenus in Hungaria.

Conglobarunt se 800 prædones, quos ad Aradum obvallatos aggressus Traunius prope delevit. Superstites carnifici sunt traditi.

### §. 7.

*Bellum Turcicum ob Moscos ceptum, & minus feliciter gestum, sub Seckendorffio & Wallisio. Strages ad Kroskam. Turca ad Belgradum.*

Cum Cæsar pacem Turcas inter & Moscos in *Niemerovensi* congressu frustra conatus esset reducere, Ottomanno Asoffum & Oza-  
Bellum  
Turcicum  
ob Moscos  
ceptum.  
covium repetente, omnemque ob damna, a Tartaris illata, satisfac-  
tionem recusante, Imperator officii sui esse putabat, amicam & foederatam sibi Russiam potenti auxilio sustentare.

Quapropter anno 1737 grandem Cæsar exercitum in Hungariam misit, cui Fridericum Henricum Comitem *Seckendorffium*, Lutheranæ A Secken-  
professionis hominem præfecit: qui exercitum, contra, ac Magnus dorffio male  
Eugenius facere consueverat, multas simul vulpes capturus, in gestum.  
multas partes divisit. Principem Saxo-Hildburgshufium in Bosniam cum parte exercitus misit, ubi ad *Bagnalucam*, quam obsidebat, con-

F f f 2

ferto



ferto prælio, magnam passus cladem, ejectus est, Rainachio cum suis abscisso & cæso.

Wallisius in Transylvaniam missus, ut inde in Valachiam Turcicam irrumperet: sed a Turcis cæsus & retrusus est. Kevenhüllerus secundum Danubium procedere iussus, cum sex legionibus & mille Hussaris, ad Widdinum occupandum, redire compulsus, ad Timocum velut in casses hostium incidit, fuissetque ad internecionem cæsus, nisi sua & militis sui virtute viam fugæ perfregisset, graviter de Seckendorffio, succurrere negligente, questus.

Pfefferkornius ad Kossavam cæsus. Esterhasio cum 33 cohortibus & 20 turmis ad Unnam in Croatia iussu consistere, defuit agendi occasio. Pallavicinus cum classe octo bellicarum & 5 triremium Danubium obtinere iussus impar classi Turcicæ, duas bellicas amisit.

Seckendorffius autem, belli Imperator, cum robore exercitus in Servia substitit. Occupata Nissa, præsidio destituta, sed iterum amissa, Tribuno *Doxat* urbis Præfecto Belgradum ob deditionem præcipitem in quæstionem tracto. Suscepta Zwornickæ oppugnatione, sed soluta, oppugnantibus Belgradum sub tormentorum protectionem confugientibus. Ut adeo Seckendorffius tota hac expeditione multa fecerit, nihil perfecit, florentissimumque Christianum exercitum misere attriverit, cum quo Eugenius Thraciam occupasset.

Quapropter Viennæ, negato Cæsaris alloquio, in custodiam ductus est. Vitio maxime datum, quod exercitum, in multas partes dissectum, variis itineribus otiose, imo ad perniciem, circumductum perdiderit, creditumque, quodsi munimentis limitaneis iusto præsidio firmatis, secundum Danubium unitis viribus processisset, insignem Christiani nominis hostibus plagam fuisset illaturus. Hoc certum, Montecuculos, Carolos Lotharingos, Ludovicos Badenses, Heisteros, Eugenios Sabaudos, summos belli Imperatores, per gesta Seckendorffii non parum fuisse laudatos.

Præcipitatis superiore anno rebus, difficile fuit anno 1738 ruentem impetum sistere. Exercitus priori non erat comparandus; crevit hostibus animus, decrevit nostris, plures opportunæ occasiones amissæ. Ardua proin Comiti *Königseckio* demandata est provincia, dum successor Seckendorffii est renuntiatus.

Turcæ jam ineunte Martio ad expeditionem accincti, 24 Martii Uzizam, castrum arduæ rupi impositum, expugnarunt, dein vero Novam Orsovam, quam in Danubii Insula ab anno 1729 Christiani

Datus pro-  
pterea in  
custodiam.

Königseckius  
belli Impe-  
rator.

ni constructam gemina arce egregie firmaverant, tum munitum transitum Meadiæ, & Semendriam, Christianis ultra Savum Semlinum propulsis.

Königseckius 28 Maji in castra ad Belgradum venit, promotis que Grotskam, Caransebes, Zlatinam castris, 4 Junii ad Corniam sunt locata, ubi Ottomannorum turma fuit caesa. Meadia a nostris recepta, sed mox rursus post infelicem dimicationem amissa. Ratskæ, transitus ad Savum, obsidium Hildburgshusius, abactis Turcis, solvit. Quibus gestis in hyberna concessum.

Orsova præsertim jactura Christianis acerba accidit. Ad ejus nuntium Kornbergius, urbis illius Præfectus, licet 83 diebus eandem defendisset, Belgradi jussus est custodiri, Vienna existimante, Orsovam per se ipsam & duabus arcibus tantopere munitam, absque vitio non potuisse expugnari. Sed Kornbergius, dum defensionem sui paravit, in custodia morbo extinctus est.

Fatum acerbius fuit Tribuni Doxat, qui ob deditam præpro- pere, ut dicebatur, Nissam, Belgradi carnificis manu cecidit. Fuit Calvinista ex ditione Bernensi, 38 annis Architectus militaris.

Anno 1739 ut singulis annis, quo noxium nihil magis ad bonum publicum esse potest, novus belli Imperator, renuntiatus est Olivierius Wallisius Marefchallus, qui tandem res jam inclinatæ ad Groskam omnino præcipitavit, dum Christianum exercitum per saltus & angusta viarum in locum insidiarum, velut in pedicas & caf- ses duxit.

Cum enim non dubitaret, Belgradum esse Turcarum scopum, iis obviam procedendum censuit, & ad Kroskam opportunum locum occupandum; præcessit igitur cum equitatu, Hildburgshusio cum peditatu subsequi jussu. Consilii hujus consensu Turcæ, præoccuparunt opportuna ad nocendum loca, atque copias & tormenta ita disposuerunt, ut in subeuntem equitatum Christianum stygia velut peste fulminerent, antequam in aciem se posset disponere. Hinc strages potius, quam pugna ordinata fuit, eo pluribus casis, quo plures per angustias penetrabant. Venit quidem Neupergius cum 13000 suppetiis, sed adeo omnia confusa invenit, ut desperata victoria, attrita copiae Belgradum, qua via cuique patebat, se fuga reciperent: cumque nec ibi se tutas satis crederent, transmissa Danubio, in Bannatum Temeswariensem immigarunt, atque ad leve immanis jacturæ solatium 15000 Turcarum ibidem oppressa victaque in fugam Vipalancam usque propulerunt.



22 Julii fuit, qua infelix Ianiena Kroskana patrata est, equitatu nobilissimo tormentis potissimum aliaque igniaria grandine prostrato. Circa numerum caesorum, ut fieri consuevit, varius opinio erat computus; aliis in immensum illum augmentibus, aliis forte plus justo minuentibus. Hoc certum, quod nimium magnus fuerit, & cum ingenti rei Christianae detrimento conjunctus.

Nam Magnus Vezirius *Mahmet Pascha*, tantae victoriae fructus lecturus, ad Belgradum, firmissimum adversus Ottomannicam potentiam aggerem, illico exercitum admovit, eamque tota vi oppugnare coepit. Quamvis autem Succovius strenue eandem propugnaret, quia tamen Christianae copiae magis erant accisae, quam ut obsidionem possent solvere, Caesar Neubergio potestatem fecit, conciliatore Villenovano, Galliae Legato, pacem ineundi. Is igitur in castra Turcica ad Belgradum progressus 18 Aug. in probrosum tractatum praecipue ruebat.

## §. 8.

*Praeliminaria Pacis Belgradensis.*

491.

1. Belgradum & Sabazum traduntur Turcis, cum jure tamen novas munitiones, a Caesare constructas, demoliendi.

2. Caesareis fas sit, rem armamentariam, cibariam, aliaque bona mobilia, cum omnibus navibus in Danubio & Savo avehere.

3. Tota Servia ceditur Turcis. Bosnia ad fines pacis Carolovicensis reducitur. Danubius & Savus fines determinent.

4. Valachia Austriaca ceditur Turcis.

5. Prout etiam Orsova cum Insula. Caesar vero retinet Bannatum Temmeswarinum, cum diruta Meadia.

6. Post quintum a subscriptione Praeliminarium istorum diem inchoetur demolitio novarum Belgradi munitionum & operum, relictis interea obsidibus in castris Turcicis. Quamprimum autem ea demolitio ad portam Wurtembergicam facta fuerit, 500 Turcae eam portam occupabunt, & per aggerem a reliquis partibus maneant separati, donec demolitio sit absoluta.

7. Hostilitas cesset a die subscriptionis: omnibusque incolis amnestia promittitur. Decem post diebus fiat initium Tractatui pacis Definitivo. Et post ratificationem Praeliminarium sub eadem mediatione Legati Gallici inchoetur pacificatio cum Russia.

Sicut

Sicut autem subscriptio horum Præliminarium 1 Sept. a Neuper-  
gio facta, sic Tractatus etiam Definitivus ita præcipitabatur, ut In-  
strumentum pacis jam esset confectum signatumque, antequam Dal-  
mannus cum nova instructione & ratihabitione Præliminarium ad-  
venire posset. Constabat autem hoc pacis Instrumentum 23 articu-  
lis, quorum epitomen subjungo.

§. 9.

*Pax Belgradensis. Crises de illa.*

Primi VI articuli continent id, quod in Præliminaribus con- 192.  
ventum est.

VII. Tractat de navigatione & piscatione in Danubio & Savo.

VIII. De venia danda subditis, qui durante bello alterutri parti adhæserunt.

IX. De captivis soluto lytro redimendis.

X. De libertate commerciorum.

XI Sultanus Algerianis, Tunetanis, Tripolitanis, & Dulci-  
gnotis prædationes prohibeat.

XII. Agit de teloniis, & quantum pro mercibus solvendum.

XIII. Intra mensem commissarii fines determinent.

XIV. Termini autem fixi maneant immoti.

XV. Si lis inde oriatur, Commissarii eandem ocus compo-  
nant.

XVI. Omnis hostilis irruptio prohibetur.

XVII. Si bellum oriretur, possint subditi cum bonis suis se sub-  
trahere.

XVIII. Rebellibus non præbeatur asylum.

XIX. Czackius tamen potest remanere in Turcia, non tamen  
in locis limitaneis.

XX. Quomodo Legati utrinque recipiendi.

XXI. Ratificationes intra 30 dies commutandas.

XXII. Pax 27 annos duret.

XXIII.



XXIII. Etiam Tartarorum Princeps & omnes Tartarorum nationes hanc pacem servant. Secus graviter puniendi.

*Actum ad Belgradum sub tentoriis*  
18 Sept. 1739.

Adjuncta sunt alia duo puncta: 1. hanc pacem non obstatæ fœderi cum Russis, utpote quod esset perpetuum 2. Cum Schmettavius pronuntiaret, ad demolitionem novarum Belgradi munitionum 6 menses requiri, conventum est, ut intra 45 dies dimidia urbs Turcis dederetur, ea tamen lege, ne demolitio impediatur.

Paradoxa cum hac pace, ita præcipitata, orbis Christianus non fuit contentus, minime vero Cæsar, quia per illam uno ictu abscissa sunt, quæ Princeps Eugenius anno 1717 Christianis terris adjecit. Quare Cæsar per Legatos suos in Aulis Europæis, quantum sibi displiceret, significavit, de negotio deproperato conquestus; quippe jam ante ratificationem suam, ad valorem roburque totius pactionis necessariam, exemplo inaudito, cœptam Belgradi demolitionem; cum igitur res non amplius esset integra, coactum se permittere, quod emendari amplius non poterat.

In epistola maxime, propria manu ad Russiæ Imperatricem scripta, dolorem suum testatus, multa, inquebat, se in vita sua passum aspera, sed nunquam tanta correptum animi ægritudine: id unum in tanta calamitate sibi esse solatio, quod nullam in iis, quæ tristia acciderant, partem habuerit.

Varius tunc sermo per omnes pagellas volabat. Plerique culpam in Wallisum, Neupergium, & Villanovanum rejiciebant: in primum quidem, quod contra regulas militares non explorata hostium statione situque, copias per fauces in locum insidiarum improvide deductum, cladi objecerit, qua jam equitatus affectus fuisset, antequam peditatus e viarum præruptis angustisque eluctari poterat: quod lentus & imprudens ubique hostem prævenire & stationem opportunam capere passus sit: quod denique in suis Viennam datis epistolis scripserit, Belgradum impar esse ulteriori defensionis, litteras vero Succovii, contrarium scribentis, suppresserit. Privatus propterea militari Imperio, & *Arresto* subiectus.

Neupergio datum vitio, quod contra instructionem, a Cæsare acceptam, totum pacificationis negotium egerit, nec eo tempore, <sup>Quid Neu-</sup> quo in castris Turcarum fuit, ullam informationem Viennam misepergio. rit, atque, dissuadente conciliatore Legato Gallico, Belgradum obtulerit; mox dein jam 2 Sept. cœpta demolitione, ac porta una Turcis aperta, coegerit quodammodo Cæsarem, Præliminaria habere rata. Excusavit hæc acta Neupergius Vezirii minis, abrupturum se tractatum, nisi absque mora hæc fierent.

Alii altiori quadam auctoritate Neupergium hæc fecisse, sunt suspicati, quo fundamento nescio, nisi quod ex levitate pœnæ & intentione occulta, prout linguæ hominum sunt audaces, id conjectari posse autumabant.

Sunt alii, qui prudenter a Neupergio actum dicunt; pacem enim fuisse necessariam: exercitum Cæsareum strage Kroskana morbisque adeo fuisse attritum accisumque, ut nec solvere obsidionem, nec hosti, in Hungariam irrupturo, potuisset resistere: Russos, propter quos cum Turcis pax esset fracta, tum venatorio cum Tartaris bello fuisse distentos, tum ad unam vel alteram Moldaviæ urbem lentos hæsisse. Fuisse proin prudentis hosti victori potius cedere, quam integram Pannoniam in discrimen adducere.

Crises de  
pace.

Alii illud insuper observant, quod si ex eventu metienda essent consilia, factum provide. Si enim in annum sequentem, quo mortuus est Imperator, productum fuisset bellum Turcicum, in tanto Europæ motu magnum Domum Austriacam orbemque Christianum omnem fuisse damnum incursum.

Cæterum Turcæ non modicam offerebant pecuniæ summam, ut munimenta Belgradi relinquerentur ipsis integra; sed tenori pacifi- <sup>Nova Bel-</sup> cationis standum erat, flebilique jure suo usi Christiani, iis mani- <sup>gradi muni-</sup> bus præclaras munitiones disjecere, quibus easdem ingenti labore <sup>menta di-</sup> sumptuque, ex bonis Ecclesiasticis potissimam partem desumpto, <sup>ruta.</sup> construxerant. Quatuor omnino menses triste hoc laboriosumque demolitionis solatium absumperat, cum finiente anno 1739 nostri emigrantes, infidelibus locum cessere. Stabat tamen adhuc arx, Cæsareo custodita præsidio, donec per legatos facta fuisset mutua pactorum commutatio; interim vero Vezirius quinque nobiles, Grossum, Salmensem, Guicciardum, Wallisium, Herbotum, ceu obsides secum Cpolin abduxit; ubi omnes Christiani captivi dimissi sunt liberi. Secuta est mox etiam pax Russica: quod suo loco dicetur.

Pars X.

G g g g

Anno



Ulefeld  
Cpolim.

Anno 1740 Legatus Cæsaris Cpolin abiit Comes Antonius Ulefeldius, cujus Majores ex Dania in Austriam domicilium transtulerant, eumque etiam post mortem Cæsaris Maria Theresia, quæ pacem Belgradensem ratam habuit, in hac dignitate confirmavit. A Sultano vero Orator Viennam missus Ali Bassa. Tum vero milites Christiani etiam arcem Belgradensem demoliti sunt, & rudera reliquerunt. Utinam conventum fuisset, ne possent amplius exstruere.

Meadiam & Orsovam veterem, ad Bannatum Temeswarientem pertinentes, Turcæ Cæsari restituerunt, sed prius dirutas. Orsovam vero Novam cum munitionibus, a Cæsare constructis, retinuerunt. Finibus quoque per Commissarios designatis, quinque obsides, large a Sultano donati, remissi sunt. Mariam Theresiam Hungari vi Sanctionis Pragmaticæ, dudum acceptatæ, post mortem Patris mox Reginam suam salutarunt.

§. 10.

*Hungariæ Comitia. Postulata. Maria Theresia Pofonii coronatur. Nuntiata irruptione in Austriam, decernitur insurrectio. Movent in hostem.*

193.  
Regni Co-  
mitia.

Anno 1741 habita sunt Pofonii Regni Comitia, prius a Regina indicta. 18 Maji frequentes in curia aderant 4 Regni Status, Prælati videlicet, Regni Barones, Status Equestres, & Deputati liberorum Ordinum. Vices Ducis Lotharingiæ, Hungariæ Palatini absentis, obiit Joannes Palfy de Erdædi. 34 Viennam deputati, qui Reginam ad comitia & coronationem invitarent. Caput hujus Legationis Comes Erdædi Episcopus Erlaviensis capita obtulit, quæ sibi concedi Status petebant. Acceptavit Regina, & Comiti Bathyano, Cancellario Hungariæ Aulico, discutienda tradidit. Hæc autem erant Ordinum Postulata.

Postulata  
Ordinum.

1. Ut confirmatio jurium & privilegiorum regni inferatur Capitulationi Regiæ.

2. Ut civile regimen in Hungaria, Bannatu Temeswarino, Sclavonia, & Servia, non amplius sit subiectum militari.

3. Ut Regina nullum cum Turcis tractatum ineat, Statibus infidelibus, atque ut Hungari non secus ac Austriaci in Aula habeantur.

4. Solu-

4. Solutio copiarum non amplius per Commissarios Militares sed per Nationales reguletur juxta ordinem anni 1722.

5. Erecta Viennæ Cancellaria Hungarica ex folis Hungaris constet; idemque circa Regni Ministeria observetur.

6. Ut Hungaris liceat suos fructus in Austriam & Styriam vendere, tertius nummus, pro peregrinis mercibus solvi hætenus solitus, abrogetur: atque ut Venetis in Hungaria boves emere liceat, sublato Monopelio.

7. Nobilitas ab omnibus oneribus sit libera: & quod a quolibet Comitatu præstandum est, sit proportionatum.

8. Dignitas Palatini juxta Decretum Regis Mathiæ de anno 1485 integre rursus restituatur.

9. Omnia Ecclesiarum Catholicarum Ministeria incolis conferantur: & ordinationes, in favorem Protestantium factæ, executioni mandentur.

Protestantes in Hungaria mittebant Viennam, qui pro libero religionis exercitio, & abrogatione gravaminum precarentur. Sed Regina per Cancellarium eis respondit, standum ordinationibus anni 1731, & 1736.

Posthæc Regina, comitante Serenissimo Conjuge, ejusque fratre Carolo 19 Junii Posonium iter suscepit, obviam eunte Colozensi Episcopo cum 40 Deputatis a regni ordinibus, & spatio semihoræ resia Pese- reliquis Episcopis ac Prælati, cum Esterhasio, Banno Croatiae & nium. Dalmatiæ, præcipuaque Nobilitate, usque ad pontem, qui Hungariam ab Austria dividit; ubi ab Esterhasio de Galantha, Archiepiscopo Strigoniensi, Hungariæ Primate, oratione excepta est, cui clementissime respondit.

Die sequenti Regina in arcis aula, ubi Ordines Regni erant congregati, comparuit, thronoque insidens, per Cancellarium suum Aulicum propositionem fecit, quam ipsa latino sermone facunde est prosecuta, non tam Reginam quam Matrem se exhibituram pollicita, discussisque postulatis gravamina ablaturam.

Eloquenti huic orationi respondit Primas, gratiisque actis, nomine Statuum, indissolubilem fidem spondit. Tum vero Ordines, Regina comitum in curiam Regiam progressi, relegabant factam propositionem, atque ex arcis turri sacram coronam, sceptrum, sanctam crucem, cum ense S. Stephani ad Reginam detulerunt: electoque prius Joanne Palfy Regni Palatino, coronatio a Strigoniensi Archiepiscopo



po Primæ suscepta est in templo S. Martini, cum maxima solennitate, consuetisque ceremoniis, quas longum foret enarrare.

**Postulato-** Post absolutam coronationem Status Reginæ consuetum donum  
**rum confir-** obtulerunt, centum florenorum millia. Sed petierunt rursus sua  
**matio differ-** Postulata confirmari, novaque alia addiderunt. Responsum, factu-  
**tur.** ram Reginam, quæ sine coronæ & dignitatis suæ præjudicio fieri  
possint; nunc tamen res tanti momenti non posse omnes expediri:  
in proximis Comitibus hoc negotium posse absolvi. Proposita etiam  
quæstio de assumptione Conjugis in Con-Regentem: quæ initio plu-  
ribus displicuit. Sed postquam Regina diserte explicuit, nullum per  
hoc Regno afferri præjudicium; cum suprema & innata regia pote-  
stas nihilominus penes Reginam & Regnum resideat, Dux Lotha-  
ringiæ cum conjuge & Josepho Archiduce, pridie Vienna advecto,  
throno insidens, agnitus est Con-Regens.

**Nuntiatur ir-** Interea vero, dum hæc agebantur Pofonii, nuntiata est irruptio  
**ruptio.** Electoris Baviaræ & Gallorum in superiorem Austriam. Quare  
Regina 11 Sept. Regni Ordines in Regiam arcem convocavit, atque  
mœsta voce sermone latino proponit summa coronæ suæ pericula,  
suæ personæ, filii, totiusque Domus verti incolumitatem, vitam,  
& spiritum. In forti & generosa Natione Hungarica, populo suo,  
**Reginæ ora-** collocari jam suam fiduciam, nec dubitare, quin Reginam suam &  
**tio.** Filiolum in spem Regni natum, adversus potentissimos hostes pro  
sua fide & magnanimitate sit defensor.

**Universalis** Hæc aliaque cum Regina esset prolocuta, Regni Ordines alta  
**insurrectio** voce, sanguinem & vitam pro Majestate sua se profunderè paratos,  
**decernitur.** sunt contestati: decretaque est universalis Nationis excitatio & sub  
signa evocatio, ita, ut e populo 30000 selecta in 13 pedestres le-  
giones distribuantur. Nobiles vero omnes, qui possent, equos con-  
ficerent, propriisque mereantur stipendiis: similis autem evocatio  
fieret in Croatia quoque, Dalmatia, Sclavonia, Transylvania &c.  
acceperunt tres legiones Hungaricæ ex Italia, Palsyana, Giulana,  
Vettesiana. Jam mense Octobri 15000 Nobiles insurgentes cum  
equis suis ad Pofonium metati dicuntur, Reginæ imperium oppre-  
sserunt.

**Responsio** Ordo Ecclesiasticus etiam in sumptuum partem vocatus, ut de-  
**Ordinis** cimas in bellum impenderet, fuit imploratus. At ille respondit,  
**Eccles.** insurrectionis negotium esse personale, Palatinatibus proprium,  
quod

quod cum bonis Ecclesiasticis, omnino exemptis, nihil commune habeat. Si decimas aliquando Clerus contribuerit, in bellis duntaxat id factum Turcicis, in quibus religionis etiam defensio agebatur. Neque integrum sibi esse, absque Sedis Apostolicæ indulto in petita consentire. Regina, sedatis pro sua pietate discordiis, liberale Cleri subsidium acceptandum censuit. Hungariæ porro Regnum primum declaravit; cum hætenus cum Bohemia de prioritate controverteret.

Anno 1742 ineunte Hungariæ & finitimarum gentium copiarum ad expeditionem erant accinctæ. Constabant etenim non modo ex Hungaris, sed etiam ex Croatis, Slavonibus, Rascianis, Transylvanis, Uskociis, Morlachis, Maroschis, Warasdinis, peregrinæ linguæ, habitus, & morum hominibus, qui partim in Austriam, partim in Bohemiam, partim etiam per Tyrolin in Bavariam profecti, legionibus, disciplina militari imbutis, miscebantur. *Insurgentium expeditiones*, uti vocantur, nobiles equites magno numero in Bohemiam moverunt. Esterhâsius, Andrásius, Vivarius, Bethlemus, Forgatschius, singuli singulas legiones conduxerunt, & in Bavariam duxerunt. Adjecit Archiepiscopus Colossensis Hussarorum aliquot turmas, habitu & apparatu præ aliis visendas. Quid copiarum istarum Regiæ, ab omnibus Principibus desertæ, in superiori Austria, Bavaria, & Bohemia præstiterint, in *Hist. Germ.* diximus.

Anno 1743 varia ex Hungaria, Transylvania, aliisque Pannoniæ, Daciæque provinciis supplementa ad exercitus in Bohemiam, & Bavariam mittebantur; & quia gentes istæ, in Germania nunquam antea visæ, strenue rem gerebant, Regina omnes eis suas libertates & privilegia confirmavit. Comitem autem Bathyani Bannum Croatiae constituit, & Kalnockium Tribunalis legionis Transylvanicæ, recens erectæ.

## §. II.

*Nova insurrectio in Borussia. Slavonia Hungariæ unita. Comitatus. Mors Traunii, Joannis Palfy. Bathyani Palatinus. Protestantium querelæ.*

Postquam anno 1744 Rex Borussiae Bohemiam denuo invasit, Regina se Posonium ad Regni, quæ indixerat, Comitatus contulit, laudatæque Gente Hungarica ob insignia hætenus præstita belli obsequia, *174. Nova insurrectio.*

G g g g 3



sequia, ac præsertim ob heroicum trajectum Rheni, non modo Bohemiarum, sed etiam Hungariæ a novo inexpectato hoste imminere periculum ob oculos posuit. Generosa Natio, Borussia indignata, universalem rursus *insurrectionem* decrevit, atque id effecit, ut hostis, Bohemia & Moravia expulsus, Silesiæ etiam partem fuerit multatus. Insurgentes autem, qui ad 25000 numerabantur a Rudolpho Palfo, & Esterhasio Regni Mareschallo ducebantur.

Nadaſtio  
reſtituta bo-  
na.

Comiti Nadaſtio ob res fortiter bello geſtas Regina omnia ei ſui bona reſtituit, quæ a Leopoldo Imperatore Fiſco olim fuerant addicta. Palſius Palatinus generoſo ſonipede & pretioſo enſe donatus.

Obit Erneſtus Baro *Petraschius*, Generalis Caſtrorum Præſeſtus. Anno vero ſequenti Emericus Eſterhaſius, S. R. I. Princeps Archiepiſcopus Strigoniensis, Primas Regni, Conſiliarius Intimus qui ante 5 annos Reginam unxit & coronavit. Succeſſit Sigismundus Comes Kollonithſius Archiepiſcopus Viennensis.

Anno 1746 Reginæ mandato omnes Hungari, armis ferendi apti, a 20 ad 40 ætatis annum ſunt conſignati, quorum numerus ac centum octoginta millia aſcendiſſe dicitur. Princeps autem Hildburghuſius militiam in Croatia magna cum laude ordinavit, in quatuor legiones regulares diſtributam, Herberſteiniam, Petazziam, Guicciardiam, & Dilleſiam. Quævis legio contineat 4 agmina quodvis agmen 1000 viros.

Ludovicus Comes Bathianus officium ſupremi Regni Cancellarii ob virium debilitatem abdicavit, eoque ornatus eſt Leopoldus Comes Nadaſtius, Pro-Cancellarii vero Comes Barkocius.

Anno 1747 Peſti celebrata eſt Dieta Præſide Eſterhaſio, Regni Mareschallo. Propoſitæ in ea querelæ Proteſtantium; in quorum favorem peroravit Nadaſtius Cancellarius, quamvis Catholicus. Conceſſum etiam Hungariæ Nationi, ut quot annis 4 menſibus reſ venales libere exportare aut evehere valeant.

ſclavonia  
iuncta Hun-  
garicæ.

Regnum Slavoniæ unitum eſt hoc anno cum Regno Hungariæ, in 4 Comitatus diviſum, Comite Karolio & Draskovicio, Commiſſariis Regiis hoc opus perſcientibus. Engelshovio vero Tribuno mandatum, ut eam gentem diſciplina militari imbuat, atque ad modum Croatia in legiones & agmina pedeftria diſtribuat. Samuel au-

tem

tem Mikovinus Hungariam dimetiri iussus est, & pro quolibet Comitatu mappam geographicam conficere, atque in ea omnes fluvios, amnes, lacus, paludes, montes & sylvas exprimere. Sunt autem in superiori Hungaria 35 Comitatus, & in inferiori 13.

Anno 1748 obiit Hermanstadii seu Cibirii in Transylvania Ferdinandus Traunius 71 ætatis anno, heros prudentia & virtute militari clarus. Successit ei Gubernator Transylvaniæ in militaribus Comes Brounius, civilibus vero præest Hallerus. Uterque autem Gubernator Cibirii residet.

Traunii obitus.

Quia Dux Mutinæ ultimo bello Borbonicas partes fuerat secutus, Regina privavit eum bonis in Hungaria sitis, quæ Carolus VI parenti ejus donaverat. Sed cum Aquisgranensi transactione ex integro esset restituendus, eadem anno 1749 recepit, ea tamen lege, ut *melioramenta* compensaret.

Perpetuæ Protestantium querelæ obstrepunt, adimi sibi Ecclesias; quas videlicet contra leges regni aut construxerant aut rapuerant Catholicis, turbatis Reipublicæ temporibus. Jaurinensis præsertim Academia, recens ædificata, erat eis sudes in oculis.

Anno 1751 celebrata sunt Pofonii Comititia Regni, præsentem Regina, cum Augustissimo conjuge, & tribus Archiducibus filiis. Comititia re-  
Primum, quod susceptum fuit negotium, electio erat Palatini; gni.  
quippe Joannes Palfy de Erdödi, quo nemo magis fide, integritate, constantia, auctoritate, Domui Austriacæ fuerat addictus, hoc anno ætatis 92 Palatini dignitatem pientissima morte vacantem reliquit.

Regina pro more quatuor Illustres viros proposuit, Ludovicum Esterhasium, & Ludovicum Bathianum, Catholicos, Comitem Re-  
vayum & Baronem Zayum, Protestantes. Ex his unanimi voto  
electus est Comes *Bathyanus*, jam ab anno 1732 Hungariæ Cancellarii munere summa integritate perfunctus.

Comes Bathyani Palatinus.

Palatino constituto, Regina Ordinum postulata, sigillo clausa, reddidit, atque Viennam rediit, relicto Dietrichsteinio Principe, qui nationis gravamina reciperet, atque Reginæ proponeret.

Dum Comititia Pofonii agebantur, Imperator Schemnicium, Cremnitium, aliasque ad urbes Montenses, in inferiori Hungaria sitas, profectus est, ut auri, aliasque metallorum fodinas viferet. Excurrit etiam utraque Majestas in castra, ad Pesthum non procul Buda magno cum apparatu constructa.

Archi-



Archiepiscopatus Strigonienſis jam quinque annis vacaverat. Tandem Regina ad illum nominavit Nicolaum Comitem Czacki Coſſenſem ante Archiepiſcopum, qui factus eſt ſimul Primas Regni, Apoſt. Sedis Legatus natus, Cancellarius Regius, & Princeps Imperii. Multæ aliæ a Regina factæ promotiones.

Proteſtan-  
tium que-  
relæ.

Cum Proteſtantes identidem gement, quod non permetterentur pro libidine graſſari, ſcripto etiam ad Regem Boruſſiæ libello ſupplici, Padanus Veſprinienſis Epiſcopus, qui ab eis ad Catholicos tranſierat, libellum illum conſutavit, edito libro de hæreticis & apoſtatis, atque demonſtravit, nullum illis in Hungaria jus competere, cum Epiſcopi & Clerus contra omnes permiſſiones, vi metuque extortas, ſemper ſint proteſtati.

### §. 12.

#### *Concilium Albanum, anno 1703.*

195.

Celebratum eſt anno 1703 a Vincentio Zamajevich, Archiepiſcopo Antibarenſi, Apoſtolico Viſitatore, Serviæ Primæ; cui interfuert alii duo Archiepiſcopi, & quatuor Epiſcopi Græcorum unitorum, pluresque apud Albanenſes Miſſionarii. Tractatum de fide, eamque prædicandi ratione, & Eccleſiaſticorum Canonum obſervatione; de Sacramentis: de perſonis in Eccleſiaſtica dignitate conſtitutis: de Parochis &c. Sub pœna excommunicationis prohibetur, ne Turcarum præſidium imploretur, ad evitandas cenſuras Eccleſiaſticas. Tolli jubet abuſum, quo non niſi poſt annum ætatis 16, 18, aut etiam 20 ad Sacramentum pœnitentiæ accedebatur; aut quo in patrinos baptiſmi aſſumebantur infideles & ſchiſmatici: aut infantes, a Turcis oblatis ad baptiſmum, ad eum ſolummodo finem, ut a ſordibus corporis abluantur, & ab incurſu noxiorum animalium cuſtodiantur, baptizabantur. Tolli denique jubet eam gentis illius perſuaſionem, ſeptem duntaxat annis ſervandum eſſe jejunium quadrageſimale.

## CAPUT XII.

### De Bohemia

Primis sæculi XVIII annis Bohemia nihil peculiare habuit, quod cum rebus Germanicis non fuerit conjunctum. Quod autem Josephus Imperator anno 1708 in Comitibus Ratisbonensibus Electorum Bohemiæ in omnia jura sessionis & voti in Electorali Collegio non tantum in Comitibus generalibus, sed aliis etiam Imperii Conventibus introduxerit, Part. VIII & IX dictum est.

#### §. I.

*Canonizatio S. Joannis. Varii obitus. Borussus in Silesiam. Pugna ad Molvicium. Capta Praga. Mutata scena, recepta Praga, Maria Theresia Regina coronata.*

Anno 1728 habita ab Ordinibus Silesiæ Dieta Principum, in qua postulatum Cæsaris propositum, ut videlicet contribuerentur, pro fundo Militari 1646666, pro Camerali 100000, & pro munitionibus 30000 floreni. 196.

Anno 1729 Bohemiæ specialis honor & solatium accessit ex Canonizatione S. Joannis Nepomuceni Martyris, quem anno 1383 Wenceslaus in Moldavam præcipitari jussit, quod nollet prodere, quæ Regina in sacro tribunali confessâ esset. Pretiosa ejus tumba in templo Cathedrali Pragæ ad latus summi altaris supra geminam aram sublimis pendet; ad quam sacrificium Missæ offerre potuisse Deo, magno mihi fuit solatio. Lingua ejus incorrupta in altari laterali visitur, sanctum ac perenne Sacramentalis sigilli monumentum. Miracula, quæ Deus per hunc Sanctum patrat, numerari non possunt omnia, evidenti argumento, cultum ejus Deo esse gratum.

Anno 1730 in Comitibus Regni, Pragæ celebratis, a Comitibus Dietrichsteinio, & Clario ab Altringen nomine Regis postulati sunt pro quanto Militari duo florenorum milliones: pro Camerali 150000: pro munitionibus 30000: pro extraordinario 470000.

Anno 1731 obiit Ferdinandus Comes Kühnburgius, Archiepiscopus Pragensis, primum Cæsaris Camerarius, dein Episcopus Lubacensis, Legatus ad Aulam Lusitanam, denique anno 1710 Archiepiscopus Pragæ.

Pars X.

H h h h

episco-



episcopus. Non parum promovit Canonizationem cultumque S. Joannis, Bohemiæ Patroni. Anno 1723 Pragæ coronavit utramque Cæsareo-Regiam Majestatem. Successit Daniel Mayerus, Cathedralis ante Præpositus & Generalis Vicarius.

Anno 1732 ad familiare colloquium Pragæ congressi sunt Imperator & Rex Borussiae. Creditum, in eo actum de sponsione Sanctionis Pragmaticæ, & successione Juliacensi. Uratislaviæ obiit Franciscus Ludovicus, Comes Palatinus, Elector Moguntinus, Archiepiscopus Uratislaviensis; cui successus est per electionem Capituli Philippus Ludovicus Sinzendorffius, magni Status Ministri filius, Episcopus ante Vivarini in Hungaria.

Alique.

Anno 1733 non diu perfunctus Archiepiscopi Pragensis dignitate Mayerus obiit, Bohemiæ Primas, Universitatis Cancellarius perpetuus: cui successit Adamus Comes *Wratislavius*. Verum ille paulo post apoplexia tactus, locum reliquit Comiti Mauritio *Manderscheid* de Blanckenheim, origine Westphalo.

Anno 1734 viginti millia Bohemicæ militiæ, pro tuenda patria, aliisque in Germania Austriacis provinciis designari iussa, cum legionibus, disciplina imbutæ, vel ad Rhenum vel in Italiam essent advocatæ.

Anno 1735 octo Russorum legiones equestres Lascius in Bohemiam duxit, atque inde per Palatinatum superiorem, lentis licet passibus, Rhenum versus. Anno sequenti absoluta fuit insignis Statua, S. Joannem Nep. referens. Anno vero 1737 Aula Saxonica Neohusium in Bohemiam concessit, ubi Wilhelmina Amalia, mater Reginæ, eandem expectabat. 1738 Ernestus Comes Lichtensteinus ab Episcopatu Seccaviensi translatus ad Olomucensem. Anno vero sequenti bona temporalia in feudum accepit.

Borussus Silesiam invadit.

Anno 1740 mortuo Cæsare Fridericus II Rex Borussiae, postquam subscriptam a patre Sanctionem Pragmaticam defensorum se recepit, irrupit cum exercitu in Silesiam, protestatus, se nullatenus hostili animo id fecisse, sed ad jura sua vindicanda, ne alius illa præoccupet, id ipsum misso Gottero Viennam Legato contestatus. Interea vero in dies ulterius in Silesiam penetrabat, directis variis provinciis.

Uratislaviæ, quæ præsidium Austriacum, privilegia sua obtinens, prius admittere detrectaverat, *neutralitas* primum a Rege Borussiae fuit promissa, dein vero occupata est, præsidio imposito. Regina vero sub Neupergio copias in Silesiam misit. Certatum interea pluribus ultro citroque Juris Deductionibus.

Anno

Anno 1741 Rex progressus suos in Silesia profecutus ad *Molvicium* Neupergium cædit, *Briegam* expugnat, & in superhabita *Pugna ad transactione Schnöllandorffensi*, *Neussa* capta, in superiorem etiam *Silesiam*, *Glazensem Comitatum*, & *Moraviam* sese infudit, ubi *Olomucium* intercepit. Susceptum *Ůratislaviæ* homagium: custodiæ datus Episcopus.

Bavaricus inter hæc exercitus, superiori *Austria* occupata, ad-  
 junctis auxiliariis Gallia copijs, in *Bohemiam* progressus, *Pragæ* se applicuit, venientibus in auxilium 24000 Saxonibus, 10000 vero Borussorum in Circulo *Reginæ-Gradeciensi* eminens ad terrorem incutiendum se ostentantibus.

Tot hostibus cum undique se cinctam, & tribus in locis a Gallis, Bavaris, & Saxonibus invasam cerneret, dedere se coacta fuit: *Pragam* Austriacis, qui 40000 censebantur, cum urbi succurrere non possent, *Budovicium* se recipientibus.

Anno 1742 versa est belli alea; licet enim a fœderatis expugnata esset *Egra*, & *Austriaci* ad *Zaslaviam* a Borussis victi, tamen, cum Saxones & Borussi a fœdere recederent, *Austriaci* vero cum Hungaris *Bavariam* invaderent, obsessi sunt *Pragæ* Galli, & tandem deferere eandem sunt coacti, quo pacto *Bohemia*, *Egra* & *Comitatu Glacensi* exceptis, ad *Reginæ* obsequium rediit.

Anno 1743 tandem etiam *Egra* fuit 7 Sept. expugnata, *Gallico* præsidio capto, & per *Bohemiam* distributo. *Regina* vero *Pragam* cum magna solennitate ingressa, recepto homagio, a *Lichtensteinio*, Episcopo *Olomucensi* coronata est. Ad *Archiepiscopum Pragensem* alias hoc munus pertinet; sed quia *Electori* *Bavariæ* nimium favere visus fuerat, gratia excidit, prout etiam *Comites de Bubna*, *Kaiserstein*, *Ferdinandus de Kolowrat*, *Carolus Lascanschy* &c. *Principis Fürstenbergici*, *Comitis Königsfeldii*, & viduæ *Ferdinandi Mariæ Ducis* *Bavariæ* bona, in *Bohemia* sita, ærario publico sunt addicta, illa *Reichstadio* in *Bavariam* iussa recedere.

## §. 2.

*Borussus* redit in *Bohemiam*. *Pragam* capit, & amittit cum parte *Silesiæ*. Sed *Fridbergensi*, *Soppaviano*, *Sorano*, & *Kesseldorffensi* prælio victor, pacem *Dresdensi* init. *Schaffgotius Ůratislaviensis Episcopus*: quem *Legatus Apostolicus* consecrat.

Anno 1744 Rex *Borussiæ*, in *Unione Francofordiensi*, postquam Princeps *Carolus* in *Alsatiam* exercitum trajecerat, numerofo

H h h h 2

cum



Borussus ite-  
rum in Bo-  
hemiam.

Sed repulsus.

Schaffgotsch  
Coadjutor.

Borussi vi-  
ctoria.

Kinski S.R.I.  
Princeps.

Schaffgotsch  
Episc. Ura-  
tislav.

cum milite in Bohemiam denuo irruit, auxilii Cæsari oppressio feren-  
di obtentu Pragam jam cum magna Bohemiæ parte occupaverat, cum  
advenientibus Carolo Principe & Saxonibus copiis, relicta Praga &  
Bohemia, in Silesiam se recepit; retractis etiam copiis, quæ Mora-  
viam vastaverant. Austriaci vero fugientium hærentes vestigiis, Si-  
lesiam superiorem, Neissa & Cosela exceptis, Brandenburgicis ademe-  
runt. Atque hac ratione intra duorum mensium spatium Rex Bo-  
hemiam occupavit, & amisit. (*vid. Germanica*)

Cardinali Sinzendorffio, Episcopo Uratislaviensi, novi quid ac-  
cidit. Rex illi & Capitulo Cathedrali nuntiari jussit, ob publicas  
utilitates renuntiatum a se Coadjutorem Episcopi (45 tunc annos  
nati, viribus integris) Gothardum Schaffgotschium, Canonicum  
Uratislaviensem, omniaque deinceps Beneficia Ecclesiastica se col-  
laturum. Permittendum, quod impediri non poterat.

Anno 1745 non eadem, qua anno superiore in Borussos fel-  
litate, gestum est bellum. Quippe cæsis *Fridbergensi* prælio in Sile-  
sia Austriacis & Saxonibus, Hungaris vero ad *Soppaviam*, rursusque  
ad *Sooram*, Saxones primum in Lusatiam, dein vero in Saxoniam  
reversi ad *Kesseldorffium* victi, pacem Dresdensensem sanxerunt. (*vid.*  
*Germanica*.)

Plura Judæorum millia Praga expulsa, permisso tamen in reliquo  
regno & Moravia domicilia. Obiit Sternbergius Bohemiæ Vicarius,  
seu Gubernator; cui suffectus est Princeps Lobkovicus.

Anno 1747 Imperator Stephanum Kinskium ex antiqua Bohe-  
miæ Familia cum omnibus suis successoribus S.R.I. Principem crea-  
vit. Celebrata Pragæ Dieta, in qua actum de contribuenda pecu-  
nia & milite ad bellum Belgicum & Italicum, Buquojo, Kolowrato,  
Zenitio Commissariis Regiis.

Quomodo, mortuo Sinzendorffio Episcopo Uratislaviensi, suf-  
fectus sit Gothardus Schaffgotschius, jam antea electus Coadjutor, alias  
diximus, Rege Investituram in temporalibus prætendente, eamque  
per Comitem Münceovium exercente; licet opponeretur, hunc Epi-  
scopatum olim Archiepiscopo Gnesnensi in Polonia fuisse subiectum,  
dein vero ab eo exemptum, immediate a Sede Apostolica dependisse.  
Sicut autem Rex Catholicis Berolini novum templum concessit, sic &  
Calvinistis Uratislaviæ. Ratio nempe Status hæc suadebat.

Anno 1748 celebratum Pragæ Comitium, Comite Haugvicio  
Præside. Actum de Russorum per Bohemiam transitu ordinando.  
Idem factum in Moravia, ubi Cæsarea utraque Majestas transeun-  
tes Moscoviticas legiones præsens inspexit, atque Reprninum earum  
Ducem

Ducem large donavit. Ex Bohemia per superiorem Palatinum & Franconiam iter tribus agminibus prosequabantur.

In Silesiam venit Archintus, Legatus Apostolicus, qui nomine Pontificis, compositis quibusdam controversiis, Episcopum inter & Canonicos Uratislavienses exortis, Schaffgotsio Bullam confirmationis in Episcopatu obtulit. Neque enim Rex Borussiae juris dictionem in spiritualibus impediēbat. Suscepta dein magna cum solennitate Consecratio in Ecclesia Cathedrali Uratislaviensi, praesentibus etiam Status Ministris. Similiter Rosenbergae electio libera novi Abbatis & Praepositi a Canonicis Regularibus fuit peracta. Legatus  
Apost. in  
Silesiam.

1749 praeter alias Ordinationes politicas, in Bohemia & Moravia peractas, Cancellaria Bohemica cum Austriaca fuit conjuncta, Harrachio Praefide. Uratislavia vero, fulmine in turrim pulverariam illapso, grandi incendio est devastata.

Princeps Aurspergius Investituram super Münsterbergensi in Silesia Principatu per procuratorem a Rege Berolini accepit. Idem Rex anno 1751 cum fratribus suis in Silesiam profectus, copias suas destravit, atque militaria earum exercitia praesens inspexit. Adversa acies non aliter certabant, ac si hostili conspectu dimicarent. Celeritas, promptitudo, & in armis tractandis dexteritas omnium admirationem meruit.

Obiit Pragae Hermannus Comes Ogilvius, supremus Castrorum Praefectus, Consiliarius bellicus, & tribunus, 71 aetatis anno. Pragae hostibus Reginae bis tradere debuit, videlicet anno 1741 Gallis, Bavaris, & Saxonibus; dein anno 1744 Regi Borussiae. Ortus fuit ex vetusta in Hibernia familia, quae etiamnum ibidem floret, jam pater domicilium in Bohemiam transfulerat, variis in ea muneribus perfunctus.

Anno 1754 obiit Pragae Comes Chotekius 80 aet. anno, relictis duobus filiis, Joanne & Rudolpho, summis hodie apud Augustissimam Reginam muneribus fungentibus.

Anno 1756 bellum gravissimum Bohemiae quoque incubuit, de quo postea in Appendice plura. Post *Lobcosiciam* ancipitem pugnam, anno 1757 ad Pragam commissa atrocior. Oppugnata vehementer riurbs. *Planiana* victoria obsidionem solvit; expulsus Bohemia Borussiae, qui tamen per frequentia agmina postea rursus irrupit, regnumque vastavit; quod dein, retruso in Saxoniam & Silesiam bello, aliquantum respiravit.

Haec omnia ob rerum connexionem uberius tum in Appendice, tum in Germanicis & Borussiae relata invenies.



## CAPUT XIII.

## Status Poloniæ

## SÆCULO XVIII.

## §. I.

*Suecus in Poloniam. Electus Stanislaus. Poloniæ dissidia.*  
*Suecus in Saxoniam. Pax Alt-Ranstad. turbata*  
*Religio in Silesia.*

198.  
 Aug. in  
 Livoniam.

Car. XII in  
 Poloniam.

Anno 1700 Augustus Rex Poloniæ, isto cum Mosco fœdere, Livoniam, quam vi pacis Olivenfis Suecus possidebat, invasit, Rigamque per Flemmingium, qui Saxones ducebat, nequidquam oppugnavit. Irritatus Carolus XII Suecorum Rex, casu Russo, trajectoque Duna, Saxones invasit, vicitque, inde vero, occupato in Curlandia Mietavio, in Lithuaniam & Poloniam movit, Vilna & Varfavia interceptis, quamvis Primas, aliique protestarentur, hoc bellum a Saxonibus, absque Reipublicæ consensu susceptum, nihil ad se pertinere.

Verum Carolus, non quieturum se reposuit, donec Polonia, exauthorato Augusto, alium sibi Regem eligeret. Divisa tunc erat Respublica, quibusdam cum Sapieha & Primate, Cardinale Ragiozkio Caroli partes secutis, & Confœderationem contra Regem suum ineuntibus, aliis Augusto adhærentibus, & Carolum Reipublicæ hostem declarantibus. (1703.)

Electus  
 Stanis.

Æstuantis instar pelagi fluctuante Polonia atque Lithuania, Rex uterque arma circumferebat; & Carolus quidem in Borussia Polonica, Elbinga, Thorurcio, & Marienburgo occupatis, Varfaviam Comitibus indixit, in quibus, deposito Augusto, electus a quibusdam in Regem est Stanislaus Lescynski, Posnaniæ Palatinus, ex clarissima & pervetusta Familia; parte alia Augustum Regem suum venerante, & cum eo Varfaviam expugnante. Löwenhauptius autem Suecus & Sapieha Princeps Lithuanos & Saxones prælio vicerunt, prout etiam Meierfeldus ad Posnaniam.

Verum

Verum cum Augustus a Mosco millibus aliquot fuisset auctus, recta Varſaviam movit, parumque aberat, quin Stanislaum cum sua Familia, Primate, Lubomirskio confœderationis Mareſchallo, & pluribus Senatoribus, adhuc ibidem congregatis, interciperet; reliquis fuga elapsis. Aliqui Magnates capti sunt, cum Poſnaniensi Episcopo, qui Stanislaum fratrem suum Regem promulgaverat. Traditus hic fuit Nuntio Apostolico, eum reſoſcenti, a quo Romanam missus, ibidem mortuus est. Hornius vero, qui cum 600 Suecis in arcem confugerat, dedere se coactus est Augusti arbitrio: dum interim Carolus Lembergam caperet, recepta paulo post Varſavia.

At vero Wiſnowiskius cum manipulo Saxonum, Polonorum, & Moscorum, Sapieham, Stanislai Ducem, aggressus, multis cæsis, captisque, re armamentaria & impedimentis eundem exuit. Vices reddidit Suecus, cæsis magna strage Saxonibus, Augusto Rege Dresdani se recipiente. (1704)

Anno 1705 Stanislaus cum Catharina conjuge Warſaviæ coronatus est a Leopolitano Episcopo, præſente huic ſolennitati Carolus XII Suecorum Rege. Primas vero, Cardinalis Ragioſkius Gelani mortem appetiit, censura Romana, cum clero Stanislao adhaerente, perſtrictus; quia Pontifici, qui nolebat, Augustum regno sui, parere detrectaverat.

Inter hæc autem res Augusti in Polonia in dies arctiores fiunt, cæsis in Curlandia Ruſſis, & in Polonia Saxonibus, & Polonis, qui partes Augusti adhuc ſequebantur.

Igitur Augustus, cum bello in Occidente ſagrans auxilia alia obtinere non poſſet, congreſſus cum Petro Moscoviæ Duce fœdus cum renovavit. Promittit Ruſſus, se fœderatis ſuis aſtiturum milite & armamento ad finem usque belli: reſtituturum Reipublicæ omnia loca, Cosaccis in Ukrania & a Moscis in Lithuania occupata: permiſſum denique Religionem Catholicam in Moscovia liberam, & templum Capucinum in urbe Moscuæ.

Contra vero pars Stanislao addiſta, ut Suecis arctius se conungeret, in has leges cum iis convenit, ut nulla pars Reipublicæ ab ea abſcinderetur, neque gubernatio mutaretur, aut cum Rege Augusto ulla fieret tranſactio, niſi abdicato regno, neque cum Zaro, donec omnia damna illata reparasset; aut Suecia bellum finiret, usque cum tota Reſpublica cum Rege Stanislao eſſet tranquilla. Ad hunc finem obtinendum poſſe Suecum in Polonia conducere militem, & peragere cum exercitu omnes provincias, omnesque contractus adver-



adversus Sueciam decerni irritos. Domum Sapienſia reſtituendam in integrum: Electorem Brandeburgicum agnoſcendum Regem, & Stanislaum ille Regem recognoſcat. Proteſtantes in Polonia fruantur libertate, qua hætenus.

Hoc totum erat, quod Carolus pro hominibus ſuæ religionis obtinere poterat. Volebat illis concedi templa; ſed Episcopus Cambrici adeo zeloſe ſe oppoſuerat, ut a petitione ſua deſiſtendum duceret. Scripſerunt exinde confœderati ad Papam litteras, quibus ſignificabant, Stanislaum eſſe electum coronatumque Regem, rogabantque, ne deinceps amplius reciperet nominationes ab Auguſto. At hic ad flammas damnavit libellos, qui editi fuerant a Stanislaſei ſectatoribus contra cenſuras Pontificis adverſus clerum, qui eidem Stanislao adhærebat.

Secuta eſt Suecorum ad *Frauenſtadium* victoria, qua Saxones ruſus fuerunt gravi clade affecti.

Suecus in  
Saxoniam.

Anno 1706 cum Carolus XII cerneret, Auguſtum Regem poſt tot clades adhuc validum, accurrentibus identidem ex Saxonia novis ſubſidiis, fontem hunc ut obſtrueret, Saxoniam expeditionem decrevit. Unde cum exercitu, ne quidem ſalutato Caſare, in Siſleſiam movit, ubi pro arbitrio in favorem Lutheranorum diſpoſuit, indeque in Luſatiam, atque Saxoniam, ignes minatus, ſi quis ſe auderet opponere, aut lares deferere.

Incredibile diſtu, quantum pecuniæ fuerit exactum, qua dein militem numeroſum ex Germania conduxit Suecus, quot incendiis, rapinis, vaſtationibus ſævitum. Certe tanta erat calamitas opulentæ alias provinciæ, ut Rege Auguſto in Polonia diſtento, Imhofius & Pfingſtius Senatores *Alt-Ranſtadenſem* pacem inierint, turpiſſimam ſane & plenam ignominiam.

Conventum ſiquidem, ut Auguſtus Regnum Poloniæ abdicet; Stanislaum Regem agnoſcat; Sobieſkios Principes, quos interceptos in cuſtodiam abduxerat, libertati reſtituat; fœderi cum Moſco renuntiet; Suecis hyberna in Saxonia concedat.

Indignitas huius tractatus totam Europam ſermonibus implevit. Incredibile viſum, ab Auguſto, qui validum adhuc in Polonia habebat exercitum, multosque Procereſ ſibi conſentientes, a potenti inſuper ſocio, Petro Moſcoviæ Duce, erat ſuffultus, datam Legatis poteſtatem, pacem duram adeo conſiciendi. Miſſos propterea in cuſtodiam Imhofium & Pfingſtium referunt.

Quam

Quam autem sancte tractatus iste a Suecis sit observatus, ex eo mox patuit, quod Mardefeldius, quem Carolus in Polonia cum parte copiarum reliquerat, licet de conventionione constaret, Augustum praelio sit aggressus, sed damno suo ingenti, cum victus cladem insignem retulerit. Interea autem duo Reges amico congressu se mutuo salutarunt. Scripsisse etiam epistolam ad Stanislaum, Sueco petente, Augustus fertur, qua Regem salutarit, meliora, ac sibi accidissent in Polonia, tempora precatus. Patkulus gente Suecus, ad Augusti castra transgressus, extradi Carolo debuit, capite truncandus.

Anno 1707 Carolus exhaustam denique Saxoniam deserit, 40000 millium educens exercitum, quamvis cum 14000 tantum ingressus esset, auctum videlicet tantopere auro Saxonico. In Silesia substitit, multaque in favorem Lutheranorum circa religionem mutavit. Adempta Catholicis templa, & Protestantibus tradita, protestante licet Caesare; sed non ea erant tempora, quibus injuriam vindicare potuisset. Suecus in Silesia Religionem turbat.

Pax Ransstattenfis diversis in Polonia animis fuit accepta, multi acta in Saxonia irrita esse dicebant; neque enim Augustum coronam, a Republica acceptam, absque hujus assensu potuisse abdicare, ac proin thronum non esse vacuum. Alii ad novam Regis electionem procedendum putabant, plurimi autem Stanislaum Regem suum agnoscebant; qui reditu Caroli in Poloniam aucti sunt.

Anno 1708 præter civiles discordias, nihil actum memorabile, Stanislaum secundum Ransstadenfia pacta regnum naeto, Augusto vero in Saxonia ruinas reparante.

Anno 1709 Pultavenfis Suecorum clades aliam omnino faciem rebus Polonicis induxit. Augustus cum Germano exercitu e Saxonia rediit: Stanislaus, cum Crassavio Chiliarcha, qui Suecorum legiones aliquot in Polonia retinuerat, in Pomeraniam Suevicam se recepit.

Augustus porro publico monumento declaravit; abdicationem regni fuisse irritam, cum duo Ministri mandatum sint transgressi; neque enim intentionis suæ unquam fuisse, coronæ renunciare, quod facere non potuisset sine consensu unanimi Reipublicæ, a qua illam accepisset, ac propterea duos Ministros, qui tractatui Ransstattenfi subscripissent, fuisse condemnatos, alterum capitis, ad perpetuos carceres alterum. Adhæc electionem Stanislaui neque liberam fuisse, neque concordem, cum pars sibi adhærens nunquam eo potuerit adigi, ut thronum vacuum declararet:

Pars X.

Iiii

deni.



denique tractatum illum vi & metu injusto fuisse extortum, ac proin nullas sortitum vires.

Contra hæc varia pro Stanislao scripta sunt edita; non esse vero simile, Pfingstium & Imhofium in puncto tanti momenti non fuisse instructos, Augustum, ne Saxonia penitus opprimeretur, amore patriæ & subditorum, tractatum habuisse ratum; demonstrari id ex congressu cum Rege Sueciæ, & litteris, ad ipsum Stanislaum datis, neque, cum Augustus eligeretur, consensum nationis fuisse unanimum, nec satis liberum. Quid ex istis veritati sit consentaneum, prudentis lectoris judicio relinquo: dolendum, non dari dominium duorum in solidum, cum uterque fuerit dignissimus: quamvis utrique corona fuerit spinis contexta.

Rex Augustus, throno rursus conscenso, in id incubuit, ut animorum æstus defervesceret, & Polonia, immanibus tot annorum calamitatibus fessa, in quietem reponeretur. Mosci tamen adhuc pertinaciter incubabant provinciis, non sine tacita, ut securus esset, Regis voluntate, at invita omnino Republica, quæ eos exactos volebat, Turca etiam id postulante, sed conatu irrita.

### §. 2.

*Augustus iterum Rex agnitus. Turbæ recrudescunt Polonos inter & Saxones. Transactio Lublinensis. Juramentum Militiæ.*

199.

Augustus  
Rex agnitus.

Anno 1712 in Regni Comitibus, Varsoviæ celebratis, Augustus iterato agnitus est Rex legitimus, qui Nationi privilegia sua & jura confirmat. Inquisitum etiam in media, quibus Russis persuaderi posset, ut Polonia excedant, & pax cum Suecis componi. Stanislaus ad Regem Sueciæ in Turcia invisit. Potokyus autem ejus amicus a Baurio tribuno Russico cum sua turma in fugam conjectus est: Jablonoskius in Saxoniam captivus abductus. Plures alii Dantisci comprehensi, quod Stanislao adhæsissent.

1713 Rex Augustus in Pomeraniam adversus Suecos expeditionem suscepit. Turcicus legatus pro Stanislao, ejusque amicis, fugitivis aut captivis intercessit, ut restituerentur. Annuebatur petito sub conditione, si se submitterent. Plures id præstiterunt cum Kiowskio, Wiesniowskio, Smigelskio.

1714 Pax Carlovicenfis Polonos inter & Turcas, cum illius ruptura timeretur, confirmata est. In Pomerania autem Augustus vi fœderis ad octo millia adversus Suecum habuit.

1715 Inter ipsos Polonos & Saxones ventum ad arma. Occasione hæc fuit. Priore anno Augustus plures in Poloniam adduxerat copias adversus Carolum Sueciæ Regem, si iter ex Turcia per Poloniam tentaret, paratas. Cum autem is alia via Stralsundam evasisset, & arcte obsideretur, postularunt Poloni de libertate sua solliciti, ut miles Saxonicus rursus abduceretur. Quod cum non illico præstaretur ex integro, aliquot velitationibus fuit certatum, Flemmingio Saxonibus præfecto. Tandem vero anno

Turbæ recruescunt.

1716 tumultus fuit Ravæ compositus his conditionibus:

1. Cesset omnis hostilitas.

2. Comitia celebrentur.

3. In iis de habitu Saxonum tractetur.

4. Interea a Polonis alantur.

5. Confœderatio Polonorum interim persistat.

6. Ecclesiastici & Nobiles a contributionibus sint liberi.

7. Deposita in urbe Zamoiscio (a Flemmingio astu occupata)

Conventio  
Polonica  
cum Saxoni-  
bus.

dominis suis restituantur, subsistente interim in illa præsidio Saxonico, donec res componatur.

8. Cum Suecia pax ineatur.

9. Russi abscedant ex Polonia.

Hanc conventionem cum ægre ferrent multi ex Polonis, mox ad vim & arma redierunt. Lemberga ab iis capta, sed brevi a Saxonibus recepta. In Posnania ventum ad manus, succumbente Saxone: qui tamen ad Dobrozymum vices reddidit.

Zaro dein mediatore Lublini institutus novus pacis congressus, Dolorughio præside, factis induciis. Postularunt Poloni, ut miles Saxo intra duos menses recedat. Rex promittat, pacta servare. Frustrata. Sancita fœderatorum sint salva. Ablata restituantur. Captivi liberentur. In Polonia nullus Saxo sit Officialis bellicus. Nec Oeconomix præsit exterus. Condemnatis a tribunalibus Rex veniam non concedat. Debita solvantur a Saxonibus.

Augustus graviter ferens sibi leges præscribi, Majestatem non eo deprimendam putabat: Respublica libertates suas servandas integras; unde conveniri non poterat, sed commissæ prælio copiæ: quo vieti licet a Bosenio Poloni Posnaniam, capto Seidlitio tribuno, expugnarunt.



Imminebant exteri, Tartari pro Republica, cui Turca favebat, Russi pro Augusto Rege. Quare Poloni, facile prospicientes, quam cruentum belli theatrum in patria sua esset erigendum, prouiores transactioni aures dederunt. Inita hæc est *Lublini* in hæc puncta.

Transactio  
Lublinensis.

1. Sit pax in Polonia & Lithuania, seruenturque illæsa jura & prærogativæ Majestatis, Senatus, & Nobilitatis more majorum.

2. Exterus miles post ratihabitam hanc conventionem abscedat, nec deinceps reducatur, exceptis 1200 Saxonibus, quos Rex suis sumptibus ad corporis custodiam retinere potest: Dux autem eorum juret fidem Regi & Reipublicæ: nec alii Saxones in Polonia remaneant, excepta Cancellaria Saxonica, quæ tamen sex tantum personis constet, nec Polonicis rebus se immisceat.

Rex nunquam sine consensu totius Reipublicæ bellum offensivum suscipiat. Singulis bienniis Comitia convocet: neque ultra tres menses extra Poloniam subsistat. Neque extra illam degens officia distribuat. Nec Polonica negotia per Saxones, nec Saxonica per Polonos tractentur. Nemo, nisi judicialiter convictus & condemnatus, in carcerem detur.

Articuli.

Omnes gratiæ expectativæ circa Beneficia Ecclesiastica, dignitates & officia, irritæ sunt, sub pœna inhabilitatis ad futura. Dignitates Poloniæ non dentur Lithuanis, qui non degunt in Polonia, nec Dignitates & Officia Ducatus Lithuanicæ incolis Regni Poloniæ, qui in Lithuania non degunt, conferantur, sub pœna amissionis. Excipiuntur tamen moderni possessores.

3. Omnes tempore belli ortæ confusiones aboleantur, regnumque secundum leges antiquas fundamentales administretur. Unde omnia fœdera sublata, & nova prohibita sunt: prout etiam evocatio status equestris ad expeditiones bellicas, quæ ad solum Regem spectat, secundum leges Regni. Militia Nationalis ita ordinetur, ut nullo extero auxilio adversus Suecos aut alios regni hostes opus sit.

4. Dissidentes in religione cultum suum in templis antiquis sinantur peragere. Nova contra, quæ tempore belli fuerunt constructa, diruantur. Reliqui Dissidentes devotioni suæ in privatis domibus, attamen sine concione & cantu permittuntur vacare. Ministris externorum Principum exercitium religionis tantum pro suis domesticis liberum esto.

Decreta, in favorem Episcopi & Capituli Cujaviensis lata, adversus Dantiscum ratione juris Ecclesiastici, executioni mandentur.

5. Mili-

5. Militiam Status Reipublicæ una cum Rege solvant: Ducesque belli jurent, se gladio non usuros nisi ad mandatum Reipublicæ. Quod si non fecerint, pœnam læsæ majestatis incurrant.

6. Principes Sobieskii, Jacobus & Constantinus, pro se & suis bonis securitatem habeant, atque pro iis, quæ ipsis debentur, satisfactionem. Sed Regi & Reipublicæ fidem jurent.

7. Nemo præsumat, incolas regni extra fines ejusdem, aut provincias, ad illud pertinentes, educere.

8. Sit amnestia universalis; ac propterea omnes condemnationes, tempore belli factæ, cassantur, una cum omnibus decretis, omnesque captivi liberantur. Ab hac tamen amnestia excluditur Stanislaus Leszinski, cum omnibus ei adhærentibus, nisi intra tres menses ad Rempublicam redierint.

9. Sit etiam sublata Confœderatio Sandomiriensis, de Reipublicæ libertate licet optime merita.

10. 30 Jan. 1717 miles Saxo abscedat, & militia confœderatorum dissolvatur: Ducesque, imperio deposito, Regis gratiam experiantur. Hic pacis tractatus actis Comitiorum inferatur, & deinceps pro regula serviat. Quicumque autem se opposuerit, pro hoste patriæ habeatur. Illi quoque puniantur, qui deinceps cum externis potestatibus aut hostibus commercium habuerint.

Paci huic subscripsit Princeps Doloruki tanquam Mediator Commissarii item Regis & confœderatorum: Præfecti autem co-  
mmissarii Reipublicæ, quæ pacis tempore secundum Ordinationem  
8 Dec. 1716 factam 15000 circiter conficiunt) Regi & Reipu-  
blica jurarunt, hos articulos pacis se defensuros, copiis non nisi  
ad arcendos hostes & quietem patriæ usuros, pro securitate Regis  
& Reipublicæ; cum externis nullum commercium habituros; ele-  
ctionem Regis liberam nullatenus turbaturos, sed in finibus regni  
adversus vim externam excubaturos: se ipsos a communibus con-  
tributionibus non exempturos: militiam ab omni insolentia, vi,  
perditione cohibitu-  
ros, curaturos denique, ne belli Officiales ex  
Dissidentium religione in præjudicium Catholicorum nimium au-  
g-  
mentantur.

Dantiscanæ civitati, quæ contra Suecos nihil hætenus præsti-  
erat, Zarus sub comminatione vindictæ præscripsit, quænam dein-  
ceps auxilia usque ad finem belli Suecici præstari oporteat. Russi,  
post confectam etiam Regem inter & Polonos pacem, Polonia ex-  
cedere tergiversabantur, ita, ut toto adhuc anno 1717 aliquæ tur-



mæ atque cohortes in eadem subsisterent, non sine gravi Polonorum molestia.

## §. 3.

*Russi tandem Polonia excedunt. Poloni Curlandiam feudum suum defendunt. Sobiesky calamitas propter filiam. Causa Thorenensis. Protestantium querelæ. Polonorum responsio. Borussi postulata. Causa Curlandica circa electionem Mauritii.*

200.  
Ad ann.  
1717.

Anno 1718 Russi tandem exceſſerunt Polonia, quietem naſta, qua a multis jam annis caruit, internis externisque fluctibus jaſtata; unde quidam dixit, macros annos jam elapſos, ſucceſſuros deinceps pingues: id quod Legatus quoque Turcicus, ad Regem miſſus, Reipublicæ augurabatur, ſinceram Sultani amicitiam conteſtatus.

Stanislaus.

Stanislaus poſt mortem Caroli XII, poſtquam Guſtavus Samuel Bipontini Ducatus poſſeſſionem adiit, relicta ea provincia in Alſatiam conceſſit, jam Weiſſenburgi, jam Tabernis, jam Argentinae degens. Dicitur voluiſſe ſe Regi Auguſto ſubmittere, ſi bonis ſuis in Polonia, quæ ſiſco fuerant addiſta, una cum Regio titulo frui ſineretur. Sed hic ei negabatur. Poniatowski vero, alique, qui partes ejus ſecuti fuerant, cum Rege ſunt conciliati.

Curlandia.

1719 Curlandia, feudum Poloniae, Ruſſicis adhuc præſidiis tenebatur, obtentu Annæ, relicta a Friderico Wilhelmo Duce, anno 1711 ſine liberis deſuncto, viduæ, Petri I ex fratre Joanne neptis (quæ poſtea in ſolium Moſcoviæ fuit eveſta) Hanc ſponſam petebat Fridericus Brandeburgicus, Svetenſis lineæ, ut hoc pacto Curlandia poſt mortem Ferdinandi, ultimi ex Kettleriana familia Ducis, jam anno 1655 nati, & tunc adhuc cœlibem vitam agentis, Domui Brandeburgicæ infereretur. Et ambiebat pars utraque hoc conubium, Zaro & Boruſſo vota iſta probantibus. At toto niſu ſe oppoſuit Polonia, non commiſſura, ut exteri Principes de feudo alieno diſponant. Atque proteſtatione ſua id effecit, ut hæc conſilia effectus deſtituerit. At Curlandia multum adhuc diſputationis pariet.

Jac. Sobieski.

Jacobus Sobiesky, Joannis III Poloniae Regis filius, natu maximus, qui ex Italia rediens Olavii in Sileſia (quod pignoris titulo poſſidebat) domicilium fixerat, hoc anno eam urbem arcemque, imo

imo totam Silesiam deferere debuit, quod non efficeret, ut filia Jacobo III Angliæ Regi desponsa, in captivitatem Oenipontanam, ex qua evaserat, rediret. Dandum hoc erat amicitiae Anglicanae. Confiscato pignore, Princeps in Poloniam abiit: postea tamen fuit restitutus, summis per Europam familiis sanguine vel affinitate junctus.

Obiit Princeps Radzivilius Dux Olyckensis, Lithuaniae Cancellarius; cui solenniter parentatum. Successorem in dignitate habuit Principem Wieszniowitum.

1720 jactis quibusdam cum Svecia Præliminaribus ad pacem borealem, Brunsvici ineundam, Lubomirski Princeps in Sveciam abiit, Poloniae nomine Friderico coronam gratulaturus; Episcopus vero Cracoviensis ad Brunsvicensem Congressum Legatus.

Cardinali Salerno Rex Augustus propria manu Galerum imposuit.

1721 in Comitibus agebatur de exauctorando Comite Flemmingio, qui militi Saxonico, ad corporis custodiam relicto, præerat. Annuit ultro Flemmingius, fuerantque a Rege designati Lubomirskius & Dönhofius. Sed magnatibus inter se dissentientibus Comitibus soluta sunt.

1722 Rex multas dignitates & Officia distribuit, Ermelandico præsertim Episcopo ad Gnesnensem Archiepiscopatum & Primum Rex munera Poloniae nominato. Cæterum Rex singulis prope annis in Poloniam, publica di-  
tribuit. & inde in Saxoniam profectus est, ut utrobique cura vigili rei publicæ provideret.

1723 satis pacata fuerunt omnia in Polonia, Rege licet in Saxonia absente. Obiit primogenita Jacobi Sobiesky, Mauritiæ Principis Turenii ex Domo Bullionica sponsa, qui post ejus mortem sororem Carolinam duxit. Sed in nuptiarum apparatu & ipse occubuit. Quare ejus frater Godofredus Carolinam sibi junxit; Pontifice in impedimento dispensante.

Anno 1724 Historia Polonica nihil famosius habet, quam causam *Thorunensem*, quæ ingentes in Europa motus excitavit. Ea sic habet: Thorunii in Borussia Polonica Catholici dum per cœmeterium processionem solennem, deportato Venerabili Sacramento, instituunt, Studiosorum quidam Catholicus Lutherano proterve adstanti pileum manu decussit. Conglobantur mox Lutherani, & Studiosum illum male exceptum, in carcerem abripiunt. Studiosi Gymnasii S. J. eundem repetunt: at frustra. Lutherani alterum etiam ex Studiosis captivum abducunt. Illi Lutheranum quendam com-

Epithalamium in  
lessum.

Causa Thorunensis.



comprehensum ad Gymnasium ducunt, brevique iterum liberum dimittunt.

Protest. in-  
solentia.

Armati mox cives Lutherani Gymnasium circumstunt, illudque una cum Collegio & templo S. J. invadunt, confringunt, lacerant obvia: sacras imagines conscindunt, proculcant, & in ignem, quem in platea excitaverant, projiciunt: neque blasphemis clamoribus abstinere. Sacerdotem ex Societate, vim sacrilegam prohibere volentem, ferro & fudibus proturbant.

Disperguntur quidem a milite Polonico praesidiario. Sed rursus, interfecto uno ex militibus, vim arcere conantibus, in globum coacti irrumpunt in Collegium, illudque spoliare & devastant.

Quinque omnino horas tumultus hic & furor Lutheranorum tenuit, in sacra & profana grassantium.

Polonorum  
sententia.

Natio Polonica, potissimam partem apprime Catholica, exhorruit, ubi petulans facinus inauduit. Missi igitur a Rege & Republica Thorunum Commissarii, tum ex Ecclesiasticis, tum ex saecularibus Senatoribus, aliisque coronae officialibus electi, qui causam istam rite examinarent, atque ad regni Senatum referrent. Hic novum tribunal erexit, Varaviae, in quo causa ista cognosceretur & judicaretur.

Pronuntiata tandem sententia, ut aliqui ex reis morte plecterentur, alii carcere, alii multa pecuniaria punirentur. Statutum insuper, ut Senatus Thorunensis media parte ex Catholicis constet, ad militiam quoque urbis Catholici Officiales admitterentur. Templum B. V. M. ad Catholicos transferretur. Lutheranum Gymnasium urbe excederet, & alibi sedem figeret. Denique duo Praecones Lutherani proscriberentur.

Röfnerus ca-  
pite ple-  
zus.

Missus ad executionem sententiae Princeps *Lubomirskius* cum aliis Commissariis. Promulgata Varaviensis tribunalis sententia, *Röfnerus* Praefes cum octo aliis capite plexi sunt: reliqua pariter secundum sententiam executioni data.

Dici non potest, quantos haec executio inter Protestantes motus concitarit. Pacem Olivensem, quae Borussiae Polonicis libertatem religionis indulgeat, violatam questi: vim a Catholicis inchoatam: quidquid secutum levis plebeculae esse piaculum: Röfnerum ac Senatum Thorunensem fuisse insontem.

Protest. que  
rela.

Itane vero? pax Olivenfis a Senatu Regio ipsoque Rege fuit violata? permittit illa Thoruni Lutheranis liberum religionis exercitium: an non etiam Catholicis? an Lutheranis concedit truculentam petulantemque violentiam in personas & sacra Catholica? an

Rex

Rex & Senatus Catholicus complicatis manibus tanta subditorum suorum crimina intueri debet? Patrent hæc Catholici in civitate Lutheranis subiecta; heu! quæ pœnæ plestendo sceleri?

At vis a Catholicis fuit inchoata, inquirunt. Proh quanta vis, si adolescens petulanter adstanti sacratissimo Mysterio pileum manu decutiat! Ergo urbs ruat in arma: cædes patrentur, invadantur ædes, spoliuntur, devastentur, sacra omnia sursum deorsum eant. Quoties hoc ipsum contigit in aliis civitatibus, ut juvenis homini irreverenti pileum decusserit; quis prudens propterea tantas insolentias excitandas putavit. Manerent domi, aut discederent tali tempore, quo sacra nostra peragimus; Deo injuriam & despectum publice fieri, non ferendum putamus.

Sed vilis duntaxat plebeculæ, dicunt, fuisse tumultum: Rōmæ urbis Præfæctus & Senatus fuerunt innocui. Verum, qui ex officio deberet publicas turbas impedire, & non impedit, an dicemus innocuum? deinde cur P. Rectori Secretarius Senatus est minitatus? cur milites civitatis Lutherani a tergo furentis plebeculæ steterunt armati? cur portæ urbis fuerunt clausæ, cum tumultus ingrueret? ne videlicet Catholica suburbia accurrerent. Nihil a Rege & Republica præcipitatum: nil actum temere: omnia probe & exacte fuerunt examinata, donec ferretur sententia. Despectum Numinis, sacrilegam petulantiam, vim publicam armatamque, invasiones truculentas, cædesque, direptiones, concussiones, rapinas, vindicare debuit scelerum ultrix justitia, in eo etiam temperata clementia, quod pluribus reis pepercerit.

Heterodoxi nihilominus quas minas non intentarunt? & Svecus, & Danus, & Prussus, & Anglus, quin & Hollandus quantos extulerunt clamores? quas vindictas coquebant? at Rex Augustus atque animosa Natio, non esse sibi exteris rationem de iis reddendam rati, quæ in regno suo agerent, id solum responderunt, secundum leges regni acta esse, quæcunque acta essent; tam violentas subditorum seditiones, concussiones, & enormes excessus in nullo regno, recte ordinato, impunes fore. Executionem Thorunensem justam esse delictorum penam. Non pertinere ad alios, de hac justitia judicare. Non quærere se, quid alibi agatur, an justæ sint Catholicorum oppressiones, sed nec velle, ut alii sibi leges præscribant, quærantque, quid agatur in Polonia.

Hanc generosæ gentis animositatem expertus est Finckius, Legatus Anglicus; ne quidem admissus, quod acerbius latam Reipublicæ sententiam, executionemque illius perfringeret.



**Postulata Bo-** Anno 1725 Rex Borussiae, executione Thorunenſi offeſus, rusſi. a Poloniſ postulavit 1. ut ſal Halla in Boruſſiam libere & abſque veſtigali traducatur. 2. Ut telonia in Polonia & Lithuania auferantur. 3. Poloni Boruſſos tranſugas remittant. 4. Propter dominia quadam ſibi ſatiſſeri petit, & ſines ocuſ determinari, Regiumque titulum ſibi tribui. 5. Epiſcopum Cujavienſem puniri, quod alienum in territorium ſacerdotes Catholicos induxiſſet. 6. Scire petit, cur interceſſio ſua pro Thorunenſibus non ſit audita. An, & quid Poloni reſponderint, non invenio.

**Cauſa Cur-** Anno 1726 cauſam Thorunenſem excepit *Curlandica*. Cum enim landica. Ferdinandus Dux ſeptuagenarius jam eſſet, & adhuc coelebs, Status Curlandiae, in futurum ſolliciti, ſucceſſorem elegerunt Comitem Mauritium de Saxonia. Indigne hoc ferebat tum Ferdinandus Dux, tum Ruſſia, quae Gottorpienſem eligi optaverat, tum etiam Polonia, ad ſe pertinere exiſtimans de Curlandia & Semigallia, tanquam feudo ſuo in eventum aperturae diſponere.

**Electio Mau-** Res Grodnenſibus in Comitibus fuit propoſita, ſtatutumque, ritii. 1. ut Mauritius, quod nec in Comitibus comparuiſſet, nec acta ſuae electionis ad illa miſiſſet, proſcriberetur, & pro hoſte patriae haberetur. 2. Ut Mietavium mitterentur, qui cauſam examinarent, & Curlandiam in ſtatum ſuum reponerent.

**Irritata a**  
**Polonia.**

1727 Commiſſio Mietaviensis electionem Mauritiuſ irritam declaravit, addita prohibitionem, ne is unquam Curlandiam intraret. Statibus vero provinciae mandatum, ut Reipublicae fideles cum nullo unquam extero Principe de electione novi Ducis tractarent. Quo animo Rex Auguſtus haec ſanguinis ſui fata tulerit, facile eſt conſpicere. Verum providentia majores ad lauros palmasque Mauritium reſervavit.

**Cofacci.** Anno 1729 Coſacci in Ucraina turbabant. Plures ſub protectionem Turcicam ſe receperunt. Querela ad Gubernatorem Cozimienſem delata, reſpondit is, Coſaccos liberam videri gentem, quae modo a Turcis, modo a Poloniſ protectionem quaerant. At Poloni hoc reſponſo non contenti, immiſſo exercitu renitentes ad obſequium reduxerunt.

Obiit Varſoviae Vincentius Santini Nuntius Apoſtolicus; cui ſucceſſit Paolucciſ.

**Comitia diſ-** Anno 1730 indiſta a Rege fuerant Comitia Grodnenſia; jamque ſoluta. Varſoviam uſque pervenerat, cum aliqui Deputati Provinciarum proteſtationibus ſuis effecerunt, ut diſſolverentur, antequam initium acciperent. Idem fere accidit anno ſequenti, Deputato Bo-

ruſſico

ruffico protestante; unde Rex ipse, qui peracto longo itinere Grod-  
ni præsens jam aderat, re infecta iter remetiri Dresdam debuit.  
Doluit etiam Dissidentibus, dissoluta fuisse Comiticia, in quibus ad  
commendationem Protestantium. Principum sperabant, se varios  
circa religionem favores impetraturos. Sors eadem comitiorum fuit  
anno 1732.

## §. 4.

*Obitus Augusti II. Electio duorum competitorum. Rufforum  
irruptio. Augusti III coronatio. Gedani expugna-  
tio. Pax Polonica.*

Anno 1733 obiit Varsoviæ Fridericus Augustus Rex Poloniæ, 201.  
anno æt. 63, Regni 36, Electoratus 39; Primas Regni Theodo- Obiit Aug.  
rus Potocki Archiepiscopus Gnesnensis, sede vacante pro more re- Rex Polo-  
gimen auspicatus est: Comes vero Poniatowski Regni copias rege- niæ.  
bat. Primas Regni Varsoviam convocavit Status de negotio ele-  
ctionis deliberaturos. Habitis aliquot congressibus *generalem confæ-* Confœdera-  
*derationem* inierunt, 61 articulis comprehensam, atque a Primate, tio.  
octo Episcopis, 296 Senatoribus & provinciarum legatis sub-  
scriptam juratamque.

In iis statutum, neminem nisi Piasum vel Polonum esse eligen-  
dum, qui Catholicam Religionem profiteatur. Electionem debere  
esse omnino liberam, eamque 25 Aug. loco consueto intra War-  
saviam & Wolam esse suscipiendam.

Duo autem præcipui erant coronæ Candidati, Fridericus Augu-  
stus videlicet, Saxoniz Elector, Regis defuncti filius, a Rege Ja- Duo compe-  
gellone descendens: alter Stanislaus Lescinsky, Regis Franciæ So titores.  
cer, jam anno 1704 electus in Regem, cujus pater fuerat Thesau-  
rarius Poloniæ, mater ex Illustri Familia Jablonowskia.

Stanislao adhærebat Primas cum non paucis Magnatum. At  
vero Cæsar & Imperatrix Russiæ ceu sponsores libertatis confœdera- Copiæ ex-  
tionem illam improbabant, cuique votum suum relinqui liberum de- teræ.  
bere contententes. Reipsa Stanislau, cum Gallia intime conjun-  
ctum, aversabantur habere vicinum. Quare, ut efficacius id,  
quod mente conceperant, assequerentur, Anna Imperatrix copias  
militares in Lithuaniam duxit, Cæsar quoque exercitum in Silesia  
K k k k 2 colle-



Etum Poloniæ finibus admovit, ut electionis libertatem adversus Primatis, ut dicebant, machinationes protegerent.

Electio  
discors.

Nihilominus 25 Aug. Primas Potoki, cum *Regimentario* Poloniæ Poniatowski, multisque aliis Stanislaumi, in loco electionis presentem, Regem renuntiavit. Regimentarius vero Lithuanæ Wisniowski cum multis Nobilibus, protestatione interposita, campo electionis excessit, atque ad Moscos se contulit, proditor & hostis patriæ propterea declaratus. Spoliatum Warfaviæ palatium Löwenwoldi Legati Russici, uti etiam Cracoviæ palatium Regium.

At vero, cum Mosci Vistula trajecta Warfaviam occupassent, Stanislaus cum Primate Dantiscum fugit, & copiis Polonicis, quas Potokius novus Regimentarius duxerat, dispersis, nova electio fuit indicta ab Episcopo Poshnienfi, munere Primatis fungente. Electus est Elector Saxonæ, & ab eodem Poshnienfi Rex *Augustus III* proclamatus; cujus nomine Wackerbartus *pacta conventa*, 76 articulis comprehensa, confirmavit, Rex vero Augustus, postquam electio Dresdam fuerat nuntiata, amnestiam universalem promulgari jussit.

Sed Josephus Potoki, frater Primatis, Kioviæ Præfectus, nihilo secius in majori & minori Polonia, uti etiam Lithuania magnos motus excitavit; sed postquam Dux Weissenfelsius, & Tribunus Baudisius cum copiis Saxonicis advenere, quies aliquanta fuit reddita.

Stanislaus  
Gedanum.

Quia autem Rex Stanislaus Dantiscum confugerat, Lascius Russicum urbi illi admovit exercitum, relictis ad Varsoviam 15000 sub Lubrasio. Weissenfelsius vero occupata Poshania Dantisco omne auxilium interclusit.

Saxo coro-  
natus.

Anno 1734 Rex Augustus III magno cum comitatu Cracoviam ingressus, atque 17 Jan. in Ecclesia Cathedrali a Lipskio Episcopo loci summa cum solennitate una cum Regina Maria Josepha inter sacra Missarum Officia fuit coronatus. Celebrata dein Cracoviæ fuerunt Regni Comitia, sed propter magnum numerum, Regi Stanislaui adhuc adhærentium, nihil admodum perfici in iis potuit; nisi quod aliqua officia a Rege Augusto sint distributa, & confederatio quædam fuerit inita. Rex autem cum Regina in Saxoniam rediit.

Rex

Rex Stanislaus, quod dictum, cum Primate & Montia Legato Gallico Gedanum seu Dantiscum se receperat; igitur Russi sub Gedanum Lascio ad eam urbem expugnandam se accinxerant. Urbs autem <sup>obsessum,</sup> promissis a Gallia subsidii confisa, animosam defensionem præparavit. 20 Martii coëpta obsidio. 28 viæ obsidionales apertæ. 20 Maji venerunt suppetiæ Gallicæ, 2400 viri, ad Vistulæ Ostium (*Weichselmündē*) munimentum, milliari a Gedano distitum, appulsæ. Sed Dux Weissenfelsius cum majoribus multo copiis Saxonis 22 Junii hoc munimentum ad deditionem compulit.

Gedanum, cum jam in tertium mensem multas calamitates esset perpeßum, nec ulla solvendi obsidionem via appareret, Legatos, qui cum Russis & Saxonibus transigerent, misit. At hi ante omnia Stanislaum Regem, Primate, & Marchionem de Monte sibi tradi postularunt. Igitur Stanislaus 8 Julii mutato habitu noctu ex urbe evasit, salvusque Regiomontum pervenit. Postridie <sup>Deditur.</sup> deditionis leges sunt conceptæ.

1. Urbs agnoscit Augustum III, legitimum suum Regem, eique fidem & obedientiam pollicetur. 2. Privilegia tamen & jura urbis confirmentur. 3. Promittitur amnestia. 4. Milites peregrini sint captivi. 7. Urbs nunquam assistet hostibus Russiæ. 8. Solennem <sup>Conditiones.</sup> Deputationem mittet Petroburgum; veniam precaturam. 9. Millionem thalerorum Russis solvet pro sumptibus. 10. Campanæ 30000 aureorum redimantur. 15. Urbs millionem solvet ob dimissum Stanislaum, nisi culpam diluat. &c.

Multi Poloniae Magnates, qui cum Rege Stanislao Gedanum se receperant, Regi Augusto se subjecere, & 2 Julii urbs Eidem homagium præstitit. Rex Münchium gladio, Lascium annulo magni pretii donavit.

Toto anno 1735 Rex Augustus cum Regina Varsoviæ versatus, de Republica constituenda deliberabat, ubi id ei felix faustumque accidit, ut Josephus Potoki, Kioviae Palatinus, coronæ exercitui præfectus, Primatis frater, cum copiis suis se submitteret. Supplicatum etiam Regi, ut Primas regni, qui Gedano Thorunium <sup>Potokii Fra-</sup> captivus fuerat abductus, liberaretur. Quod ubi obtentum, Primas <sup>ad Aug.</sup> Varsoviæ profectus, ac Regi se subjiçiens, in gratiam fuit receptus, sequentibus exemplum pluribus Proceribus, atque integris provinciis.

Indixerat equidem Rex Comitia, contra quæ tamen, qui Stanislaus adhuc cum Comite Tarlo, Lublinensi Gubernatore, adhærebant.



rebant, vulgato per provincias scripto, protestabantur: cūque provinciarum deputati nollent Comitiorum Mareschallum eligere nisi prius exterus miles e regno esset dimissus, res effectu caruit; quamvis jam octo Legiones Russorum, & quatuor Saxonum in Germaniam essent dimissæ, atque Rex promitteret, postquam omnia in Polonia conquiescerent, omnes exteræ copias inde abductum iri, exceptis 1100 Saxonibus, jam anno 1717 Regi ad corporis custodiam concessis.

Interea autem toto hoc anno Stanislaus Regiomonti morabatur: ejus autem adhærentes, comes Tarlo cum Rudzinskio, Steinpflücht Sapiëha, Pozievio &c., per Poloniam adhuc cohortes suas & turmas circumferebat, donec de Præliminaribus, Viennæ initis, fuit nunciatum, conventumque, ut Stanislaus Poloni regni possessionem abdicaret, Regium tamen titulum retineret. Quo facto plerique omnes Poloni ad obsequium Regis Augusti flexi, amnestia, ab eo promulgata, frui voluere.

Pax Polonica.

Anno 1736 habita Comitia, in quibus pax tandem inita, 343 articulis contenta; quibus, præter alia multa, statuitur, ut omnes priores Confæderationes, & scripta, contra Augustum III edita, sint abolita. Respublica eum agnoscit legitimum suum Regem, & pro hosta patriæ habebit, qui adversus eum aliquid machinaretur. Electio sit libera; privilegia rata; Saxones & Russi intra 40 dies Polonia excedant; secus hostes patriæ habendi, quin Rex id læsæ Majestatis suæ crimen reputet. Retinere tamen potest 1200 Saxones pro corporis custodia, quorum Dux Reipublicæ fidem jurabit, & jurisdictioni Marschalli coronæ subiectus erit.

Curabit Rex, ut personæ abductæ & loca omnia restituantur. Solus deinceps omnia coronæ officia conferet. Dissidentibus permittitur sua religio. Amnestia sit universalis. Reginæ, si fiat vidua, assignantur 200000 floreni, & insuper 2000 aureorum pro scatulla: Curlandiæ, postquam Kettleriana Familia fuerit extincta, permittitur libera electio Ducis, qui tamen confirmationem a Rege petet. Comitiorum Marschallus prima die eligendus &c. Post hanc Conventionem Rex, donatis Senatoribus, collatisque variis officiis, in Saxoniam rediit, relictis 1200 Saxonibus sub Comite Sulkovskio.

Republica sic constituta, omnes Principes Augustum Regem agnoscunt. Marchio de Monte e custodia liber dimittitur. Deducuntur ab ostio Vistulæ Saxonicæ copiæ, & munimentum Gedanis red-

redditur. Rex Augustus, Sulkovskius, Brühlus ab Anna Imperatrice Russiæ ordine S. Andreæ donantur. Comites de Tarco &c., in gratiam recepti.

## §. 5.

*Obitus Ferd. Ducis Curlandiæ. Electio Bironii. Capitulatio. Ejectus in exilium. Comitatus regni dissoluta. Beveranus electus Dux Curlandiæ, & depositus, Russorum revocatione. Mors misera Comitis de Tarlo. Contentio de Augusto ab Austria abstrahendo.*

Anno 1737 obiit Ferdinandus Dux Curlandiæ ad Religionem Catholicam conversus, ultimus Kettlerianæ familiæ, <sup>201.</sup> cuius pro Obitu Ferd. avus Gotthardus Kettler, cum esset in Livonia & Curlandia Magister ordinis Teutonici, eidem utramque provinciam, ducta uxore, perfide eripuit, atque, sicut Borussia Magister, sub protectionem Poloniæ confugit, atque ab ea Ducatum clientelari ac fiduciariorum jure possidendum accepit. <sup>Dux Curlandiæ.</sup>

Cum igitur Ferdinandus nulla relicta prole obiisset, ad Status Provinciales, secundum conventionem cum Polonis initam, devoluta est electio Ducis. Tres erant Candidati, Mauritius Saxo, Regis frater naturalis, Princeps Hasso-Homburgicus, Ernestus Comes Bironius, natus 1690 in Curlandia, Camerarius Annæ Imperatricis, <sup>Eligitur Biron.</sup> cuius favore electus est Dux Curlandiæ & Semigalliæ; qui per Finckensteinium a Rege Poloniæ confirmationem electionis petiit.

Antequam tamen illa impertiretur, Reipublicæ Delegati has Mietavii ei leges jurandas proposuerunt. 1. Quod homagium personaliter Poloniæ præstare velit. 2. Catholicis liberum Religionis <sup>Capitulatio.</sup> suæ exercitum permittere. 3. Tempore belli 100 pedites aut 100 equites præbere Reipublicæ. 4. Polonis & Lithuanis, in Curlandia domicilium figentibus, æquales libertates indulgere. 5. Bona, a Kettlerianis pignori aut hypothecæ subjecta, reluere. 6. Sub nullius alterius protectionem concedere. 7. Nemini jus *Indigenatus* seu incolatus largiri, sed petitores ad Comitatus regni remittere. 8. Curare, ut Acta Curialia, & Archivia, a Suecis Rigam asportata, restituantur.

Rex



Rex hoc anno Senatus Consilium habuit, in quo actum de futuris Generalibus Comitibus; de controversia circa Jus Patronatus per Concordatum cum Sede Apostolica finienda: de Legato Niemceviæ ad Congressum pacificationis mittendo, de Neapolitanis creditis reposcendis: de violentis delectibus militum coercendis.

Obit Jac.  
Sobieski.

Obiit Jacobus Sobiesky, Joannis Poloniæ Regis filius, ætatis 70. Genuit ex Hedvige, Philippi Wilhelmi Electoris Palatini filia, (præter Carolinam, ex duobus fratribus Ducibus Bullionis uni desponsatam, alteri nuptam) Clementinam, Jacobo Eduardo Stuarto, Angliæ Regi datam conjugem; ex qua nepotes nactus est Carolum Eduardum, & Henricum Benedictum, suos cum Bullionia hæredes. Verum Princeps Radvivilius bona Domus Sobieskiæ, in Polonia sita, ab iis emit.

Anno 1738 inchoata sunt Varsoviæ Comititia: sed cum aliqui Deputati Provinciales a Rege exigerent, ut impediret Russorum transitum per Poloniam, hoc autem non tam facile ac tam cito fieri posset, dissoluta sunt.

Lipskio Cardinali Rex ipse pileum imposuit. Post obitum Potokii ex Episcopo Cracoviensi factus is est Archiepiscopus Gnesnensis & Primas Regni. Verum renunciavit his dignitatibus, & recepit Episcopatum Cracoviensem.

Anno 1739 Bironius electus Dux Curlandiæ, cum æger esset, per Finckensteinium Varsoviæ coram throno Regio, homagio præstito, feudum recepit, sumptu mille thalerorum.

Zembackius Episcopus Cujaviæ renunciatus Archiepiscopus Gnesnensis ac Primas Regni. Alexander Ferdinandus Princeps de Thurn & Taxis a Rege adscriptus Ordini Equestri Albæ Aquilæ.

Comitia  
dissoluta.

Anno 1740 in Comitibus Varsoviensibus tractandum erat de pace cum vicinis Principibus servanda; de solutione militiæ facienda; de munimentis limitaneis reparandis, & armamentariis instruendis; de Elbingensi territorio, titulo pignoris a Rege Borussiae detento, reluendo; de commerciis augendis, re monetaria emendande. Verum inter provinciarum nuntios super his tantæ ortæ sunt discordiæ, ut absque comitiali Decreto discederetur; Rege in Saxoniam redeunte.

In Posnaniensi Palatinatu Borussiae Monasterium, quod Paradysum appellatur, fuerunt deprædati, quia Abbas in suo territorio delectus militum vetabat. Poloni in Ducatu Crosnensi, quem Borussia occupaverant, usi sunt *Repressaliis* jure retorsionis.

Anno

Anno 1741, cum Ducatus Curlandiæ per ruinam Bironii vacare a Russis nuntiaretur, Respublica Status provinciæ monuit, ut Biron deponeret electionem novi Ducis procederent. Electus est Ernestus Brunsvico-Beveranus Princeps Ulrici Frater. At vix ascenderat, cum, nova in Russia revolutione omnia invertente, lapsu graviores ruit, & fuga salutis suæ consulere debuit. Quamvis enim Curlandia feudum esset Poloniæ, & Regem veneraretur suum Dominum, Russi tamen, quia militare suum in ea habebant præsidium, omnia pro arbitrio versabant, Polonis, potentiam veritis, & pacis amore conniventibus.

Unde etiam in bello Successionis Austriacæ neutras partes secuti sunt, aliquot duntaxat Legiones ad tutelam Regni in finibus locatæ sunt. Quin bello divites facti videri possunt, cum plurimo frumento, aliisque alimentis magno pretio Borussis juxta & Austriacis in Silesia venditis, grandem pecuniæ vim patriæ importarent.

Rex hoc anno in Poloniam non venit, Vicariatu Imperii & bello adversus Austriam districtus.

Anno 1742 Rex *Fraustadium*, urbem ad fines Poloniæ, tribus duntaxat milliariibus Glogavia distantem, Senatus Consilium indixit; quo multi Poloniæ Proceres convenerunt. Rex plures quæstiones proposuit.

1. Quomodo interna Poloniæ quies firmanda, cum Rex propter bellum Germanicum in regno suo subsistere non possit? *Responsum*, Regi non de fore media, quibus etiam eminens, tractis in curarum partem Primates, Senatoribus, Status & belli Ministris tranquillitati consulere possit.

2. Quomodo commercium præsentis bello conservandum? *Responsum*, Conservandam Balthici libertatem, finesque a Coronæ Duce tutandos.

3. Quanta Summa determinanda pro reparando Camineo? *Responsum*, 16000 florenos Polonicos ex ærario coronæ esse desumendos.

Collatis tum pluribus Regni Dignitatibus, creatisque Albæ Aquilæ Equitibus Rex Dresdam rediit.

Anno 1743 Princeps Radzivilius causam obtinuit ratione bonorum Domus Sobieskiæ adversus Comitem de Tarlo, qui illa hypothecario duntaxat jure possederat. At Comes a Senatu ad Comitatus Regni appellavit. Princeps Lubomirskius jam anno superiore plura bona in Moravia coemerat, hoc vero insuper arcem



& ditionem Seloviciam, pretio, ut scribitur, 400000 florenorum supra millionem.

Rex Elisabetham, Russiæ Imperatricem, in Ordinem Equestrem Candidæ Aquilæ assumpsit.

Anno 1744 inchoata sunt Grodnæ Regni Comitia tam feliciter, ut auspiciatum omnino exitum sortitura crederentur. Aderant 162 Provinciarum & Civitatum Deputati, qui Comitem Oginsky elegerunt Mareschallum Comitiorum. Materia tractanda proposita, de administranda Justitia, restituendis Commerciis, reparandis metalli fodinis, domestica & externa securitate firmanda, copiarum augmento. Actum quoque de supplendis Coronæ Officiis, quæ ad initium Comitiorum completa esse debent.

Pecunia corrupti Comitiales Legati.

At subito cursum tam auspiciato ceptorum stitit Deputatus Wisnensis, qui publice factus est ultro, a Wallenrodo Legato Borussiae sibi & novem aliis Commissariis datam pecuniam, eum in finem, ut Comitia disturbarent, ne videlicet in favorem Regis seu Electoris Saxonæ, cujus territorium Borussiae fuerant ingressi, aut Reginæ Bohemiæ, in quam hostiliter denuo irruperant, aliquid statueretur.

Deputatus, quem dixi, pecuniam acceptam (3000 aurei fuerant promissi, & 350 traditi) in medium projecit, cominatus, se reliquos novem, ejusdem culpæ reos, nominaturum, nisi se ipsos manifestarent. At illi tacuerunt. Quare eos prodidit. Pars negavit: pars fassa est. Inde autem exorto tumultu, quidam Regionarii Nuntii, cum proditores patriæ compellarentur, ex Congressu eruperunt, nec reduci amplius poterant; atque hac ratione ad votum Wallenrodi Comitia dissoluta sunt.

Habitu dein a Rege Senatus Consilium, quo deliberatum, quomodo his in turbis provideri queat, ne Respublica detrimentum patiatur, statutumque, ut a Rege Borussiae satisfactio petatur. Pecuniam, a Nuntio Wisnensi projectam, Orphanotrophio Varaviensi Rex donavit, illum vero, in suam protectionem assumptum, 2000 thaleris ex Coronæ thesauro remuneratus est.

Mors misera Comitum Tarlo.

Comes Adamus Tarlo, Lublinensis Palatinus, singulari cum Comite Poniatowsky certamine congressus, gladioque confossus periit. Meliori fato obiit Wisniovitius, Viliæ Palatinus, ultimus ex stirpe Jagellonica.

Fran-

Francofurtenfis unio omnem conatum adhibuit, ut Augustum III Poloniæ Regem ab Austria ad se attraheret; quare Legatus Borussicus adhuc ante finem hujus anni 1744 Varfaviæ eidem, si unioni accederet, obtulisse fertur, ut Regnum Bohemiæ dividatur, atque sex Circuli Regi Poloniæ, qua Electori Saxonie, obtingant; præterea pars Moraviæ, Teschenfis Principatus, cum transitu Jabluncæ, ut communionem cum Polonia habeat: Borussia omnem operam collaturam, ut regnum Poloniæ hæreditarium Domui Saxonice evadat: Confraternitatem hæreditariam constituendam Domos inter Bavaricam, Saxonicam & Brandenburgicam, vi cujus Bohemia & Silesia obveniant superstiti reliquis. Certamen de Saxone.  
Galliam eadem Saxonie præstituram subsidia, quæ Anglia promississet; sex memoratos Bohemiæ Circulos mox Electori tradendos.

Verum hic tam splendidis promissis nequaquam se passus est abstrahi a fœdere Austriaco, sed arctius adhuc eidem se adstrinxit, inito 8 Jan. 1745 Varfaviensi tractatu, Austriam inter, Saxoniam, & utramque Potentiam Maritimam, prout in Germanicis dictum, sancito.

Mortuo dein Carolo VII Imperatore, Franciæ & Borussia Reges adhuc ardentius institerunt, ut Regem Poloniæ lucrarentur, oblata etiam Cæsarea Dignitate. At ille memorabili constantia fide sua stetit, quamvis videret, quanto discrimini se & provincias suas objiceret. Conjuxit igitur copias suas cum Austriacis, donec Fridbergensi, Sorano, & præsertim Kesseldorffensi prælio victus, in pacem Dresdensẽm consensit.

Obiit Theodorus, Princeps Lubomirsky, Cracoviæ Palatinus, Reginæ Hungariæ Generalis Mareschallus, qui frustra conatus fuerat, Poloniam ad Austriacas & Saxonicas partes pertrahere.

## §. 6.

*Obitus Reginæ. Ejus liberi. Carolus Princeps tertio-genitus eligitur Dux Curlandiæ.*

Postquam Rex cum Familia sua sub initium anni 1746 Dresdam rediit, atque Saxoniam suam calamitatibus, quas bellum intulerat, hiantem composuit, cum Regina ad Comitata Varfaviensia  
L 1111 2 203.  
pro-



profectus est. Electus Mareſchallus Princeps Lubomirskius, Caſimiræ Præſectus, & Rawæ Deputatus. Stanislaus vero Zaluſkius, Magnus, ut vocant, Coronæ Cancellarius, materiam tractandam Regis nomine Comitibus propoſuit: quomodo videlicet proventus Reipublicæ augeri poſſent: quomodo abuſus tribunalium tollendi: amicitia inter Illuſtres Familias concilianda: augendus Coronæ exercitus. Verum cum inde contentiones orirentur, abruptum eſt rurfus Comitium.

Anno 1747 Polonia Regem ſuum non vidit; quia apparandis tergeminiſ nuptiis in Saxonia detinebatur. Vacantia nihilominus Regni Officia & Dignitates diſtribuit. Zaluſkius Regni Cancellarius nominatus Epicoſopus Cracoviensis.

Ad Archiepiſcopatum Gneſnenſem & Primatum Poloniae Rex nominavit Komorowſkiſ, Præpoſitum Cracoviensem, (1748) cui Pontifex præter Confirmationem ſpecialia alia privilegia conceſſit. Poſtquam Henricus, Comes Brühlſius, primus Eleſtoris Saxoniae Miniſter probavit, familiam ſuam ex Polonia oriundam eſſe, magnos in ea fundos ſibi comparavit. Inter cætera Sierakowium emit a Regina Galliae, ad quam materno jure ſpectabat, duobus, ut fertur, millionibus. (1749.)

Rex petit,  
Bironium  
reſtitui.

Rex, datis ad Eliſabetham Ruſſiæ Imperatricem litteris, ſuo & Reipublicæ nomine petiit, ut Erneſtus Bironius, anno 1740 in exilium ejeſtus, libertati & Curlandia Ducatui reſtitueretur. Sed impetrari id non poterat. Comitibus Regni propter diſceſſum & pertinaciam unius Deputati rurfus ſunt diſſoluta. Unde Rex cum conjuge Dredam rediit: poſtquam varia officia diſtribuit, & Varſovia Equites Candidæ Aquilæ creavit, Carolum Anſelmum Principem hæreditarium de Taxis, Principes Radzeviliſ & Lubomirskiſ, L. B. Weſſenbergiſ, apud Reginam Aulae Præſectum, Comites Potoſkiſ, & Oſſoliſkiſ. (anno 1750.)

Anno 1756 exorto graviffimo bello Polonia neutras quidem partes ſecuta eſt, non tamen propterea indemnitas abiit, jam Ruſſiſ, jam Boruſſiſ eandem invaſentibus, & illis etiam hyberna in eadem ſigentibus.

Obit Regina.

Anno 1757 pientiffime, ut vixit, obiit Dredæ, multas belli calamitates forti animo perpeſſa, Maria Joſepha, Regina Poloniae, & Eleſtrix Saxoniae, nata anno 1699 ex Joſepho Imperatore, nupta Viennæ Friderico Auguſto, moderno Regi Poloniae; ex quo genuit 11 proles, 5 maſculas, & 6 fœmineas, omnes hodie dum viventes, videlicet, 1. Fridericum Eleſtoralem Principem, deſponſum Mariæ

Liberi.

An-

Antoniae, Caroli VII Imperatoris filiae, felici jam nunc octo liberorum matri. 2 *Franc. Xaverium* bellicis gestis Ducem clarum. 3 *Carolus* Curlandiae Ducem. 4 *Albertum*, bellicis quoque muneribus conspicuum. 5 *Clementem* Ratisbonensem & Frisingensem Episcopum.

Ex filiabus 1 *Amatiam*, Caroli III Hispaniarum Conjugem, in caelis jam regnantem. 2 *Annam Sophiam*, Maximiliano Josepho Bavariae Electori desponsam. 3 *Josepham* Galliae Delphino nuptam. 4 *Christinam*. 5 *Elisabetham*. 6 *Conigundam*.

Anno 1758 Regis Poloniae luctum ob amissam conjugem letissimam, & dolorem ob oppressam Saxoniam, aliquantum temperavit solatium, quod attulit creatio *Caroli Principis* in Ducem Curlandiae & Semigalliae, atque homagium ab Ordinibus eidem praestitum. Nemo tunc reclamabat, sed Status universi, Mietavii congregati, publicum gaudium, bis explosis centum majoribus machinis, compulsionem campanarum, & nocturna urbis illuminatione sunt contestati, quod tot annis capite destituti, dignum in Saxonico Principe Ducem sint consecuti.

Electio  
Caroli.

### §. 7.

#### *Concilium Zamosciense anno 1720.*

Celebratum est hoc Concilium apud Ruthenos in Polonia, Praeside Grimaldo Archiepiscopo Edesseno, Legato Apostolico, praesentibus quatuor Archiepiscopis, duobus Episcopis, cum Exarcha totius Russiae, pluribusque Archimandritis. Praemissa & subscripta ab omnibus Professio Fidei secundum formam Concilii Trid. lectae litterae Clementis XI, quibus eos ad hoc Concilium invitavit. Philippi cujusdam haeresis damnata, qui Divinarum Personarum distinctas naturas asseruit, negavitque Sacramenta. Nefas esse dixit, libros impressos legere. Cruces argenteas damnavit, quia Christus in lignea fuit mortuus.

204.



C A P U T XIV.  
Status Sveciæ  
SÆCULO XVIII.

## §. I.

*Polonus & Russus invadunt Svecum in Livonia. A quo vincuntur. Irruit in Poloniam, ubi Varsaviam & Cracoviam occupat; Regemque novum eligi imperat. Expilat Saxoniam. Movet in Russiam, vincit ad Mobilaam, ad Pultavam & Boristenem penitus profligatur. Fugit in Turciam.*

225.  
Bella Borealia.

**I**neunte Sæculo XVIII Augustus Rex Poloniæ, indicto Svecis bello, Livoniam invasit, Riga per Flemmingium obsidione cincta. Creditum, Daniam fuisse hujus incentricem belli, ne Svecus Gottorpiensi possit succurrere, in cujus provincias Rex Daniæ irruerat, easque, sola Töninga dempta, occupaverat. Advolarunt in Ducis auxilium Sveci cum Luneburgicis, qui nolebant, Danum in Holsatia crescere. Cum autem Rex Sveciæ in Zelandiam irruisset, jamque Hafniæ immineret, Danus cum Holsato pacem *Travendalsensem* iniit, quam vide in Danicis.

Caroli XII  
victoria.

Petrus autem Moscoviæ Dux, magnorum spirituum Princeps, haustaque per Europam regnandi arte instructus, inito cum Rege Poloniæ fœdere, Svecis bellum indixit, locum ad Balthicum ut munimentum quæreretur, & ambitioni suæ velificans, Nationem Russicam, hætenus ferme ignotam, & neglectam, in Europæ lucem æstimationemque extraheret. Ardua quidem, cum inconditus populus militari disciplina necdum esset subactus, omnia expertus est; nam cum *Narvam* obsideret, a superveniente Carolo XII Svecorum Rege immani prorsus clade fuit affectus. (*Anno 1700*)

Ingens tunc nomen Caroli, 19 ætatis annum necdum egressi, gentium ubique cœpit inclarescere, præsertim ubi *Dunam* transgressus, & castra Saxonica adortus, alteram victoriam reportavit. Cum autem *Mietavium*, principem Curlandiæ urbem expugnasset, & cum victo-

re

re exercitu Poloniæ immineret, Primas, datis ad eum litteris, ad pacem adhortatus est, bellum hoc, inquit, non esse Reipublicæ, sed Saxonum & Moscorum cum Sveciæ. (1701)

Respondit Carolus, coactum se ad bellum contra Regem Augustum, a quo injuste contra *pacta conventa* esset appetitus. Medium aliud non superesse, quam ut tanquam inhabilis ad regendam Reipublicam in Saxoniam remittatur: se aggressurum hostem, ubicunque ille versaretur.

Poloniam ingressus *Vinsaviam* occupavit, prout etiam Düne-mundam, nobile in Livonia munimentum, quod anno superiore Saxones occupaverant.

Non ita felix Svecis fluxit annus 1702, quo Russi magna in Livonia clade eos affecerunt. At vero Carolus XII dimisso tantisper Mosco, totus in Augustum Poloniæ Regem incubuit, eumque ad *Cliffonum* in Polonia prælio vicit, quamvis minori instructus esset co- <sup>Pugna ad Cliffonum.</sup> piarum numero (1702). At cecidit ea in pugna Dux *Holsato-Got-torpiensis*, sororius Caroli, ac belli focius. Victor exercitus Cracoviam mox ingressus est; Augustus vero Sendomiriæ Senatum suarum partium congregavit, a quo Suecus Reipublicæ hostis fuit declaratus. Oginskius Vilmæ in Lithuania Præfectus 600 Svecos occidit, 400 captivos abducit. Wisniowskius quoque manipulum eorundem cædit. Sapieha autem, potens in Lithuania Familia, ad Svecos transit, quod Augustum Regem sibi minus faventem crederet. Nec minus ei adversabatur Cardinalis Ragiozkius Archiep. Gnesnensis ac Regni Primas.

Hac Poloniæ dissensione haud operosum admodum erat Sueco Augustum Regem vincere, atque id efficere, ut anno 1704 Sta- <sup>In Saxoniam</sup> nislaus Lescynski Rex Poloniæ a multis optimatibus eligeretur, <sup>irruit.</sup> anno sequenti coronatus.

Anno 1706 Carolus, relicto in Polonia Mardefeldio, cum 14 Suecorum millibus in Saxoniam irrupit. Lipsia portis apertis illum excepit. Quantis dein exactionibus oppresserit Saxoniam, alias diximus. Certe tanta erat calamitas, ut pacem Ransstadiensem, quantumvis duram, utpote qua Augustus coronam abdicavit, extorqueret. Sed necdum miseriarum finis; toto anno Suecus pressit nobilissimam provinciam, pecuniisque extortis, non modo exercitum non minuit, sed grandibus etiam incrementis auxit, Protestantibus passim ex Germania, ipsaque adeo Helvetia ad eum accurrentibus. Certe in omnem Europam terrorem sparsit, suspensis expec-  
tatione



statione populis, in quem irrueret, metuentibus maxime Imperatore, Anglis & Batavis, ne Galliæ socius accederet.

At ille votorum potitus in Saxonia atque Polonia, expeditionem in Moscoviam adornavit, Petrum quoque Czarum throno dejecturus. In tres igitur partes suas copias divisit. Secum in Polonia 40000 habuit, in Livonia sub Löwenhauptio 15000, in Finnia sub Meidelio 9000.

Et Moscoviam.

Zarus tanta tempestate territus pacis condiciones proposuit, quas respuens Carolus, in Moscovia se pacem facturum reposuit. Ad Russorum igitur fines progressus, ad *Mobiloam* memorabili eos prælio fundit. In Ucraniam inde movens, cum cibaria deficerent, Löwenhauptum cum suis 15000 & 8000 curribus, commeatu onustis ex Livonia accivit. Verum ille, cum imperata facturus ad *Proniam* fluvium venisset, in Moscos incidit, paratos ad prælium, atque ab iis ita confusus est, ut 5000 concisi, 300 capti, reliqui dissipati sint, 8000 curribus cum omni annona & apparatu bellico in Russorum manus dilapsis.

Ad Pultavam & Boristhenem ad internecionem casus.

Carolus hac clade minime territus, sed proposito suo, plane audaci, in cor ipsum Moscoviæ penetrandi, insistens, *Pultavam*, in Kioviensi ditione urbem, obsidere cœpit. Zarus plurimum sua interesse ratus, hunc Russiæ aggerem conservari, ad solvendam obsidionem accurrit.

Aderat jam fatalis epocha, unde Carolus XII Suecorum Rex gloriæ suæ finem, & immanium calamitatum principium duceret, grandi futurus documento posteris, terminos humanæ ambitioni esse positos, quos ultra non procedat, nec magnam fortunam, conjunctionem cum audacia, procul esse a præcipitio.

Fugit in Turciam.

Commissa quippe ad Pultavam 27 Junii 1709 est pugna decretoria, quam præsentia utriusque Principis animabat: eamque tandem obtinuit Petrus victoriam, cui pares non multas legas. Novem Suecorum millia in acie cæsa, capta 3000 cum omnibus impedimentis, re armamentaria, castrisque ditissimis. Pars hæc tantum erat victoriæ, complementum accessit ad Boristhenem; cum enim Carolus cum exercitus reliquiis, in Poloniam rediturus, eo profugeret, Menzikofius fugientes affecutus est, Regeque jam ultra flumen proVecto, octodecim Suecorum millia captivos cum Löwenhaupto, eorum Duce, se dederunt. Quis hoc credidisset de gente, & telluris suæ genio & longo bello durata? sed hæc est timoris vis. Ubi sese infuderit, ferrata etiam pectora colliquefunt.

Caro-

Carolus Rex, ad cujus nomen totus Septentrio intremuerat, per vastas solitudines prope solus penetrans, fuga præcipiti in Turciam evasit; & primum quidem Ozakovii se abscondit, dein vero Tegini (Bender) a Bassa receptus est. Atque hoc pacto, cum pugna ad Pultavam esset Carolo, quod Pompejo Pharsalica, una dies omnes lauros & palmas uno istu succidit. Felicior tamen fuit Carolus abavunculo suo Gustavo Adolpho; cui per duos duntaxat annos favire in Germania licuit.

Quamvis autem vires & fortuna Carolum destituerint, non tamen magnitudo animi, quem vel inter Turcas luculente demonstravit. Sollicitare istos & instigare non desit, ut Russiæ bellum inferrent, & obtinuit. Sed Vezirius præcipiti pace spes delusit. Sancitum equidem, ut liber & securus Regi concederetur transitus, sed Turca executionem non urgente, Carolus exul vivere debuit.

## §. 2.

*Sveci ubique cæsi, Bremam, Tönningam, Stetinum, Finiam amittunt. Rex captivus. Stralsundam redit. Contra 5 Reges certat, etiam Stralsundam & Rügiam amittit. Factat tamen brachia. Occumbit. Effigies.*

Anno 1712 Fridericus IV Rex Daniæ Stadam, præcipuum Ducatus Bremensis munimentum, Svecis vi eripuit, totamque provinciam fidem sibi jurare coegit. Verum paulo post a Steinbockio, commissio in Mechlenburgicis prælio cæsus, in Holsatiam se recepit: Russis Stralsundam & Insulam Rügiam irritò conatu tentantibus.

At versa fuit belli alea anno 1713, Svecis multo infelicissimo. Nam postquam Comes Steinbockius Altonam incendio ferme deleta erat, imminentibus undique magno numero Russis, Danis, & Saxonibus Tönningæ mœnibus cum copiis suis se inclusit. At cum tres fœderati urbem arcta obsidione cingerent, & annona obsessos deficeret, cum exercitu suo, ad tredecim millia virorum excurrente, captivum se dedere coactus est.

Hæc tanta ruina mox alias non leviores traxit: nam & Tönninga Danis tradita solo æquatur, & Holsatia Ducalis vastata, & Stetinum ad Russos, princeps Pommeraniæ munimentum, a Russis expugnatur, atque, cum Imperium hanc urbem Moscovitis nollet concedere, Borussia, & Holsatis præsidii cum aliis locis in sequestrum datur. Nec



Sveci in Fin-  
nia caſi.

in Finlandia fors Svecorum melior; nam *Abrenfeldio*, qui novem eorum millia collegerat, a Gallicinio acie victo ac profligato, tota Finlandia ad Ruſſos tranſiit.

Carolus Rex  
captivus.

Quod denique miſerrimum, Rex Carolus, qui prope Teginam ſeu *Bender* propugnaculum ſibi conſtruxerat, a Turcis Tartariſque oppugnatus, vulneratus, atque captivus, privati & facinoroſi inſtar hominis Demoticam, locum quinque ab Adrianopoli in Thracia leucis diſſitum, abſtractus eſt. Hæc nempe erat Turcarum fides, cui coronatum caput ſe crediderat. Et gratiæ loco habere debuit, quod Sultanus, hæc inſcio ſe patrata fuiſſe, diceret.

Stralfundam  
redit.

Tot calamitatum pertæſus Rex, anno 1714 Stralfundam rediit, Regnum ſuum nobiliſſimis provinciis, & dimidio ſui exutum con-  
tuens, ſimulque novas iterum clades paſſurus a fœderatis, Danis præſertim & Ruſſis, terra marique cædentibus Svecorum reliquias.

Brema ad  
Hannovera-  
num.

Retinere potuiſſet Rex Carolus Wiſmariam, Wolgaſtum, Stralfundam cum Inſula Rügen, ſi tractatu ſequeſtri ſtare voluiſſet. At ille animo ferox pactionem omnem, niſi omnia ſibi reſtituerentur, reſpuens, Stetinum a Brandeburgis repetiit. Hannoveranus vero, cum Brementem Ducatum a Danis pecunia emeret, pariter huic bello involutus eſt.

5 Reges con-  
tra Svecos.

Cum quinque igitur hoſtibus prævalidis, Moſcoviæ Imperatore, Regibus Poloniæ, Daniæ, Boruſſiæ, & Angliæ, qua Hannoverano Electore, laceræ Sveciæ dimicandum fuit, ſingulis ex proſtrato Coloſſo membrum aliquod ſibi decerpentibus: ſolo vero Hoſſato-Gottorpienſi, & Haſſo-Caſſellano Svecum juvare volentibus magis quam valentibus. Gallia alias erat Sveciæ fiducia, at illa longo graviffimoque Hiſpanicæ ſucceſſionis bello attrita, proprios Penates tueri debuit. Acceſſit mors Regis Ludovici, quæ omnem auxilii ſpem abruptit.

Sveci etiam  
Stralfund.  
& Rügen  
perdunt.

Igitur Carolus, ſola mente non dejectus, unus contra omnes arma, ut ut hebetata, circumtulit, conatu magno, ſed irritò. Nam anno 1715 a quinque Regibus undique conciſus, Inſulam quoque Rügen, Stralfundam, & reliqua, quæ in Germania adhuc habebat, loca amiſit; vindicante cælo Germaniam, igni ferroque olim vaſtatam.

Carolus nihilominus impetrare a ſe non potuit, ut pacem peteret, ſed bellum ſpirans, cum quodam dicere videbatur: *aut Ceſar, aut nihil*. Quippe, poſtquam Stralfundam jam non amplius defendi poſſe viderat, inde elapſus rigente hyeme magna inter pericula  
mare

mare trajecit in Scaniam, ubi, quasi puderet Holmiam Regiam suam ingredi, subsistens, reparandis copiis belloque omnes vires impendit, adeo quidem, ut collectis brevi ex bellatrice illa gente octo-centos. Jactat nihilominus la-  
decim millibus, expeditionem in Daniam adornaret.

Hyems erat perfrigida, quæ Balthicum glacie ita obduxerat, ut firmum militi gressum præbere videretur; sed, quasi etiam elementa in perniciem Svecorum conspirassent, resoluta leni temperie subito glacie, multi aquis sunt hausti. Ne tamen nihil egisse putaretur, anno 1716 in Sundico Insulam Huenam, Uraneburgo Tychonis olim celebrem, occupavit: indeque in Norvegiam penetrans, Christianiam & Friderici Hallam expugnavit quidem, sed affluentibus magno numero Danis easdem relinquere & viam in Sveciam relegere coactus est. (anno 1716). Fortassis intenta Russi & Dani in Scaniam expeditio calcar addidit.

Anno 1717 Carolus Rex Lundæ in Scania subsistens bello apparando incubuit. Cumque Sveci piratæ Balthicum infestum redderent, & Anglicas etiam atque Hollandicas naves interciperent, Georgius Rex Angliæ classem, 26 bellicis validam, Bingio commisit, in Balthicum ducendam, ut prædones inhiherentur.

Wismaria, in pace Westph. Svecis cessa, priore anno a fœderatis expugnata, hoc anno 1717 munimentis suis, quæ habuerat firmissima, a Danis nudata est.

Demum annus 1718 Carolo XII Svecorum Regi vitæ turbulentæ finem attulit; cum enim bipartito exercitu, quorum alterum ipse ducebat, alterum Ahrenfeldio commiserat, in Norvegiam irrupisset, & sæviante bruma Friderici Hallam obsideret, 11 Dec. glande plumbea percussus occubuit, anno ætatis 37, regni 20. Filius fuit Caroli XI, nepos Caroli Gustavi, cui Christina regnum cesserat. Princeps excelsi & Martii omnino spiritus, ad audaciam usque & temeritatem generosi, atque in rerum asperis admiranda magnitudine & periculorum contemptu sibi constantis. Donec occubuit.

Primum regni dimidium super aera eum extollere videbatur, alterum ad calamitatum abyssum præcipitavit. Cum devicta Polonia & Saxonia victorem exercitum in Moscos duceret, eorum quoque Imperatorem throno dejecturus, anno 1709 Pultava & Boristhenes stiterunt victoriam, exercitu ejus ad interneccionem ferme deleto. Cum paucis in Turciam fugit, ibique summa inter capitis discrimina quinque annis versatus est, captivusque in Thraciam abstractus, 1714 Strahlsundam rediit: 1715 in Sveciam, Elogium.  
M m m m 2 regnum



regnum undique mutilatum intueri coactus: illudque reparandi spes heroem in Norvegia sepelivit 1718.

Cœlibem vitam duxit. Ex Sophia vero sorore seniore nepotem reliquit Carolum Fridericum Ducem Holsatiæ, & Ulricam sororem juniorem, Friderico Principi Hassio desponsam. Supererat etiam Gustavus Samuel ex eadem Domo Bipontina, qui Ducatum obtinuit.

Quia autem Caroli XII singularia prorsus sunt fata, & historiam totius Septentrionis complectuntur, juvat hic ea, memoriæ gratia, in unum cumulum conjicere.

Carolus XII Sveciæ Rex, dum Augustus Rex Poloniæ & Petrus I Moscoviæ Imperator Livoniam ei nituntur eripere, utrumque vicit, scriptisque ad Polonos litteris jubet, ut Saxonem in patriam remittant, aliudque caput sibi eligant. (anno 1701)

Mosci cladem reponunt. Carolus nihilominus in Poloniam effusus, ad Cliftonam Saxones cædit, amisso tamen Gottorpiensi forro, & suffoso, cui insidebat, equo, graviter læsus, fracta coxendice. Victor exercitus, nemine obsistente, Cracoviam ingreditur. Sendomiriæ autem Carolus hostis Reipublicæ declaratur. (anno 1702)

Saxones rursus prælio superantur. Initoque fœdere cum Rege Borussia, Carolus Thorunium occupat, civibus Lutheranis colludentibus, Saxonico præsidio capto. Idem fuit Elbingæ fatum. Pax negatur Augusto. (1703)

Stanislaus Lescynsky eligitur Rex Poloniæ (26 tunc annum ætatis agens) contradicente parte, Augusto adhærente; quæ ad Selburgum a Svecis vincitur, & ad Posnaniam. Augustus auctus 6000 Russis & 4000 Cosaccis ad Varsoviæ cladem Svecis reddit, multis eorum cæsis aut captis: rursusque ad Polangam. Svecus vero Lembergam intercipit, relataque victoria Saxones Polonia expellit. (1704)

Löwenhauptus in Curlandia gravi strage profligat Moscos. Sed Petro cum magna multitudine imminente, Rigam se recepit. Augustus autem Moscis adhuc arctius se adstrinxit, Carolo cum Polonis in nova pasta eunte. (1705)

Fraustadiana relata victoria Carolus cum exercitu Lusatiæ & Saxoniam ingreditur, & utraque expilata, Tractatum Rastadiensem extorquet. A Maderfeldio Augusti copiæ iterum cæduntur in Polonia. (1706)

Carolus non obstante tractatu Rantstadiensi Saxoniam ingentibus exactionibus vexare pergit. (1707.)

Innovatis multis in favorem Lutheranorum in Silesia (in quem finem etiam ab Imperatore, bello Hispanico tunc distento, concessionem, rei Catholicæ noxiam, extorsit) regressus in Poloniam, Russiæ quoque Imperatorem solio suo dejicere statuit. Et videbatur cæptis aspirare fortuna; nam ingressus fines Russiæ, gemino prælio hostes fudit. Sed Löwenhauptus, cum vellet Regi annonam, qua laborabat, adducere, a Moscis cæsus, cum reliquiis ad Regem penetravit. (1708.)

Carolus, superato Boristhene in extremam Vohliniam penetravit, Pultavam urbem, in qua dives horreum annonarum Moscorum erat reconditum, expugnaturus. Ad pugnam decretoriam ibi deventum, qua ad interuersionem cæsi sunt Sueci, reliquiæ vero ad Boristhenem fugientes, a Menzicovio captæ sunt, & inter eas præcipui Duces, Löwenhauptus, Rinschildius, Wirtembergius Princeps &c. Rex natando per Boristhenem evasit per varia deferta in Turciam, primum quidem Ozakovium, dein vero Teginum. Et Bender. huc tandem evaserunt tot octo annorum triumphus Caroli XII Suecorum Regis, quem velut Alexandrum, aut Cæsarem sui sæculi Protestantes celebrabant, ut vel apud barbaros asylum quæreret. Pompejum aptius dixeris in campis Pharsalicis, cui unus ictus omnes lauros incidit. (1709.)

Retro lapsa tunc siquidem est tota Suecorum gloria. Residui in Polonia cum Stanislao fugam arripuerunt. Augustus in thronum repositus. Cum Zaro, Dano, Brandeburgo, Hannoverano, Polono Sueciæ attritæ dimicandum. Adeo advolarunt omnes, ut Leoni prostrato jubas evellant. Primus erat Danus, infusus Scania, ubi Helsimbürgum, aliaque loca occupavit, sed a Steinbockio gravi clade ultatus. Zarus victor plures in Livonia urbes cepit. (1710.)

Mosco in Turcas averso, Danus Rostochium occupavit, atque Pomeraniam ingressus Stralsundam & Wisnariam tentavit (1711.) Sultanum sollicitat Carolus, ut securam viam in Sueciam sibi pandat. Promittit ille, idque cum Mosco in pactum deducit. Sed nulla fit executio (1712.)

Varniæ prope Teginum præsens vitæ discrimen subit; dum Chamus Tartarorum, & Seraskierus cum militum globo in domo sua eum aggrediuntur. At ille stricto gladio, pluribus Turcis interceptis, viam sibi aperit, accepto vulnere in capite (1713.)

M m m m 3

Dum



Dum a Dano & Mosco ejus provinciæ diripiuntur, cum 4 dun. taxat comitibus iter ingreditur, ut Stralsundam servet. (1714.)

Cum illam defendere non ultra posset, clam evadit in Sueciam, pacem omnem respuens, nisi omnia ablata sibi restituantur (1715.)

Collecto milite irruit in Norvegiam, sed viam in Sueciam relegere cogitur. (1716.)

Novum exercitum comparat adversus Russos, Danos, Polonos, Brandenburgos, Hannoveranos (1717.)

Irrumpens denuo in Norvegiam glande plumbea sternitur. Et sic tandem quievit; si tamen quievit. (1718.)

### §. 3.

*Litem de Successione abscindunt Status, dum regnum electivum statuunt. Eliguntque Ulricam, novamque regni formam statuunt. Suasum Regina eligunt ejus conjugem, & Capitulatione circumscribunt.*

207.  
Lis defunc-  
tione.

Igitur mortuo absque liberis Carolo XII orta est quæstio, cui nam ex tribus illis personis jus successionis in regno competat. Omnes tres descendebant ex Catharina, Gustavi Adolphi Regis sorore, Joanni Casimiro, Duci Bipontino nupta, cui Gustavus Samuel gradu erat propior, simulque sexus prærogativa gaudebat. At forores Caroli XII & ultimo huic possessori sanguine, & primo acquirenti propiores erant linea.

Igitur quæstio maxime vertebatur, an præferendus sit primogenitæ fororis, jam defunctæ, filius, matrem repræsentans, an vero secundogenita, adhuc vivens.

Status eli-  
gunt Ulri-  
cam junio-  
rem.

Sed quæstiones istas uno ictu amputarunt Status Sueciæ, dum declararunt, Sueciam non esse regnum hæreditarium, sed electivum; nemini proin, Rege sine descendentibus mortuo, jus ad illud competere: nec summam deinceps, & independentem a Statibus Regiam potestatem esse debere.

Acceptavit conditionem Ulrica, soror defuncti junior, & mox electa fuit Regina, protestante Friderico, & jus suum sibi reservante.

Comitia no-  
vas leges  
condunt.

Anno 1719 congregata sunt regni Comitia, ex Statu Equestri, Ecclesiastico, Civili, & Rustico conflata. In his conditi sunt multi articuli, quorum magis notabiles videntur.

1. Religio maneat in statu pristino.

2. Regina iustitiam administret secundum leges: novæ vero sine consensu Ordinum ne introducantur.

3. Regnum perpetuo electivum maneat.

4. Suprema potestas sit penes Reginam & Comitiam simul, & extra ista penes eandem Reginam, & Senatum regni. Hic autem constet 24 personis, eligendis a Regina ex iis, quos regni Status proposuerint. Nullus tamen sit exterus.

5. Senatus bonum & libertatem regni tueatur, quin necesse sit, ut Reginæ mandatum expectet.

6. Vacante throno regimen sit penes Senatores regni.

7. Reginæ fas sit, Comites, Barones & Nobiles creare.

8. Singulis saltem trienniis Comitiam Regni celebrentur.

In reliquis statuitur, quot debeant esse in Consilio aulico, bellico, marino, camerali, commerciali, revisorio &c.

Tum vero Upsaliæ Regina fuit coronata ab Archiepiscopo, uti vocant, Upsalensi & Comite Gyllensteinio: Conjux vero Reginæ Fridericus Cassellanus supremus belli Præfectus fuit renuntiatus: <sup>Regni Mini-</sup>stri. Regni Officiales Guldenstern, Reinschild, Horn, Cronhielm. Senatores etiam regni electi: indictaque in annum sequentem Comitiam, in quibus regiminis forma ulterius ordinetur. Denique Görzius Baro capite plexus, quod Regi defuncto noxia, ut fertur, suggessisset consilia.

Anno 1720 Fridericus Hassio-Cassellanus Princeps, Ulricæ Reginæ Conjux, & armorum superiore anno creatus Præfectus, in Fridericus Regem Sueciæ ab Ordinibus regni electus est. Comitiam in hanc rem celebrata sunt, in quibus Regina id petiit. <sup>Hassius Rex</sup> Obstabat Friderico potestissimum religio Calviniana, in qua in Hassia fuerat educatus. Sed Regina Status securos reddidit, conjugem facile ad Lutheranam professionem transiturum.

Quo audito pronas omnes Reginæ aures dabant; Capitulationibus circumscriptis. Quo tamen confecerunt, quam novus Rex juraret. <sup>Et Capitulationibus circum-</sup> Notabilia cum scribitur. <sup>scribitur.</sup> ejus puncta hæc videntur.

1. Religionem Lutheranam publice profiteatur.

2. Solis Lutheranis officia conferat.

3. Nulli alteri Religioni conventus publici concedantur. Legatis privatim in domo sua conceditur.

4. Rex non minorem Reginæ amorem & æstimationem exhibeat.

5. Secundum novam formam introductam regat.

6. Prin-



6. Principibus Regiis non dentur in subsidium vitæ aut dotem bona immobilia, sed pecunia.

7. Nulla graviora negotia in aula expediantur, sed in regni senatu, & destinatis Collegiis.

8. Statibus semper liberum sit, convocationem Comitiorum petere.

9. Minora belli officia Rex conferet: at majora non nisi cum consensu totius senatus.

10. Nemo sine prævio ordinario processu officio suo privetur.

11. Privilegia quatuor Statuum Rex non diminuat, aut mutet.

12. Dispositio de publicis pecuniis in senatu, & Collegiis destinatis fiat.

13. Nulli exteri ad officia admittantur: nec Rex pro Germanicis suis provinciis plures officiales habeat, quam sit necesse.

14. Germanicis provinciis non renuntiet.

15. In absentia Regis senatus gubernet.

16. Rex tantum pro suis descendantibus & uxore successionem prætendat in regno. Postea electio libera esto.

17. In Decretis & Ordinationibus nihil mutet.

18. Res monetaria reducatur ad taxam, quæ fuit tempore Caroli XI.

19. Circa Universitates & Jus patronatus nihil mutetur.

20. Idem circa stipendia, nec fas sit Regi piis causis aliquid demere.

21. Qui contra hanc conventionem aliquid moliri ausus fuerit, tanquam proditor puniatur.

Huic Capitulationi, qua Regem circumscripsit Suecia, illico subscripsit Fridericus, ac dein edita publice professione fidei Lutheranæ, cœnam Lutheranam sumpsit, credens, ut præferebat, se vere corpus Christi sumere, quod hætenus negaverat. Acta hæc sunt Carlspergæ; coronam vero accepit Holmiæ, simulque a 4 regni Ordinibus homagium.

Antequam autem Comitia solverentur, formatus est Regni Recessus in hanc sententiam.

Nova statuta.

1. Confirmant Status electionem Regis, & ejus filiorum, quos ex Regina esset suscepturus.

2. Regina resumat regimen, si Regi supervivat.

3. Si autem nullum filium relinquerent, locum habeat nova electio.

4. Suprema & independens Regia potestas in perpetuum subla-  
ta esto.

5. Initium cum Anglia, Dania, Borussia pacis ac fœderum tracta-  
tus confirmantur.

6. Cum Russia bellum continuetur, donec pax honesta obti-  
neatur &c.

Subscripserunt 4 Status: rusticus tamen non nisi cum protesta-  
tione contra ea, quæ in præjudicium suum possent vergere.

## §. 4.

*Pax cum Electore Hannoverano.*

Post mortem Caroli Regis Sueci, tot cladibus & jacturis fessi, 208.  
totque hostibus impares, cum in dies magis attererentur, & hinc Da-  
nus ex Norvegia irrueret, inde Russi ad ipsa prope Holmiæ mœnia  
prædas agerent, ad pacem serio respexerunt. Quia autem diffi-  
lius erat, cum omnibus fœderatis simul eandem pangere, cum sin-  
gulis seorsim tractare cœperunt: & primo quidem Holmiæ jam anno  
1719. cum Georgio Electore Hannoverano, cui Ducatum Bremen-  
sem & Verdensen, a Rege Daniæ venditum meminimus; cesserunt  
Sueci juri suo in utrumque, jam per P. W. adquisito; illudque una  
cum jure voti & sessionis in Hannoveranum transtulerunt. Hic vero  
propterea millionem thalerorum Suecis solvit; eundemque Electro-  
rem, relictis fœderatis suis Borealibus, socium Suecis accessisse, in-  
de est colligere, quod mox Anglia prævalidam classem sub Norrisc  
Archithalasso immiserit Balthico, Suecos defensuram.

## §. 5.

*Pax cum Rege Borussia.*

Mediante dein per Milordum Carteret Anglia, cum Rege Bo- 209.  
russiæ sub initium anni 1720. Holmiæ pax fuit conclusa: cujus hæc  
summa.

1. Sit pax constans inter Sueciam & Borussiam.
2. Et amnestia cum liberatione captivorum sine lytro.



3. Suecia cedit Prussiae Stetinum, cum districtu inter Viadrum seu Oderam, & Penum fluvium: insulas item Wollinum & Usedom, ut adeo Penum sit deinceps limes Pommeraniae Suecicae & Borussiae.

4. Suecia ratione Pommeraniae votum & sessionem in Comitibus Imperii habeat.

5. Borussia religionem in cessa Pommeraniae parte ne mutet.

6. Subditi privilegiis acceptis gaudeant.

7. Proprietariis viamnestiae erepta restituuntur.

8. Debita publica solvuntur.

9. Archivia extraduntur.

10. Ad Penum nulla telonia eriguntur. Commercia promoventur.

11. Pars utraque conetur libertatem a vectigalibus in Sundico a Dania obtinere.

12. Res veredaria ordinetur.

13. Borussia bello inter Suecos & Russos ne se misceat.

14. Borussia solvet Suecis duos milliones Hamburgi.

15. Suecia autem insuper cedit Borussiae duas urbes, Damum & Goltzium trans Viadrum. Contra vero Borussia teneatur operam suam impendere, ut Sueci honestam ab hostibus suis pacem obtineant.

16. Pax Westph. subsistat in omnibus, in quibus ei per hanc pacem non fuit derogatum.

17. Pacificantes curabunt, ut Caesar alique Principes hujus pacis sint sponsores.

Plures additi sunt articuli, qui tamen minoris ad eruditionem, quam solam hic intendimus, videntur esse momenti.

## §. 6.

### *Pax cum Rege Daniae.*

219.

Eodem anno 1720. pax cum Daniae quoque Rege, interlocutore eodem Cartereto, Angliae Legato, fuit composita; cujus notabiliores conditiones sunt.

1. Sit pax perpetua inter Daniam & Sueciam, cum plena amnestia.

2. commercium terra marique sit omnino liberum.

3. Renuntiatur utrinque omnibus foederibus, quae huic paci sunt contraria.

4. Dania

4. Dania bello, inter Suecos & Moscos adhuc vigenti, se non immisceat.

5. Cum Dux Holsatiæ huic paci ratione Schlesvicensis Ducatus se posset opponere, Sueciæ promittit, quod nullatenus se sit oppositura iis, quæ a Gallia & Anglia mediantibus in favorem Daniæ essent pronuntianda.

6. Dania cedit Sueciæ Pomeraniam usque ad Penum fluvium, Stralsundam, Insulam Rügen, Marstrandam munimentum in Norvegia, omniaque alia illi erepta; cum Wismaria.

7. Contra vero Sueciæ Dania in Sundico vestigal solvat, sicut alii, ita ut nulla sit inter Nationes differentia. Ac insuper sexcenta thalerorum millia Hamburgi.

8. Hac pecunia a Suecis soluta, Danus prædicta loca illis tradet.

9. Exules restituantur. Orituræ vero controversiæ per Commissarios componantur.

10. Captivi sine lytro liberi sunt.

11. Fines in Laplandia per Commissarios determinantur secundum veteres tractatus.

12. Quot hebdomadis Postea Suecica per Daniam, & Danica per Scaniam libere transeat.

13. Omnes priores conventiones de novo confirmantur.

14. Wismaria non amplius muniatur.

15. Veredi in alieno territorio cornua non inflant.

### §. 7.

#### *Pax cum Polonia.*

Cum Augustus Rex Poloniæ cerneret, Regem Angliæ, Borussia, & Daniæ, pacem cum Suecis tractare, noluit esse ultimus; ac proin eodem anno 1720 conventionem iniit, qua Sueciæ Augustum legitimum Poloniæ Regem agnovit, eumque, quem post Augusti mortem Respublica esset electura, pariter se agnituram promisit.

Præliminaria hæc duntaxat appellabantur; nam ad pacem universalem totius Septentrionis, quam videlicet omnes, qui bello illi Boreali erant impliciti, essent inituri, se referebant. Sed pax cum Moscis necdum satis maturuerat.



## §. 8.

212.

*Pax cum Russia.* Contrariis omnino principiis erant imbuti, Carolus XII Rex Sueciæ, & eo defuncto regni Status atque Rex Fridericus. Ille cum Russis pacem faciendam putabat, ut reliquis Borealibus hostibus majori vi posset occurrere.

Quapropter suos in Insulam Aland legatos mittebat, qui cum Moscis ibidem tractarent. At vero post ejus mortem Suecia cum reliquis hostibus paciscendum existimavit, ut eo potentius in Moscum posset incumbere, dissolvitque Congressum Alandinum.

Indignatus Zarus, terra marique legiones infudit Sueciæ, qui eandem igni ferroque devastarent. Et sensit Suecia ultrices flammæ, plus viginti urbibus, 1361 oppidis in cineres aut alias in ruinam datis, ærifodinis quoque, quibus abundat Suecia, ingenti damno destructis. Et quamvis Anglica classis, Balthico in vecta, fisteret aliquantum impetum, terrestres tamen populationes prohibere non potuit.

Pax Neostadensis.

Quare versis in pacem cum hoc etiam potenti hoste Suecorum animis, *Neostadium* in Finnia delectus est congressui locus, in quo tandem in hæc potissimum pacta conventum. (Anno 1721.)

1. Pax esse jubetur perpetua cum plena amnestia, qua omnes fruantur, exceptis Cosaccis, qui ad Suecos transferant.

2. Diebus 14 lapsis post signatam pacem cessent hostilia.

3. Livonia, Estonia, Ingria, cum parte Careliæ, a Suecis in Russos transferuntur.

4. Finniæ vero partem potissimam Zarus restituit, cum duobus thalerorum millionibus.

5. Suecis conceditur annua exportatio certæ quantitatis frumenti.

6. Zarus se non miscebit novæ in Suecia regiminis formæ, aut successioni in regno.

7. Determinantur limites.

8. Subditis in cæsis provinciis sua relinquantur privilegia; uti etiam religio Lutherana.

9. Bona confiscata restituantur, absque tamen perceptis fructibus.

10. Captivi sint liberi.

11. Zarus

11. Zarus Poloniæ Regem & Rempubliam huic paci vult includere, tanquam fideles suos confœderatos. Sueci vero includunt Angliam: his tamen exceptis, in quibus Zarus se gravatum putat.

12. Commercium utrinque sit liberum.

Pacem hanc composuerunt nomine Sueciæ Lillienstetus, & Strömfeidius, nomine Zari vero Brucius, & Ostermannus, Westphalus.

Post pacem hanc *Neostadiensem*, qua tot provinciæ Russiæ sunt adjectæ, Petrus I. Magnus Moscoviæ Dux titulum *Imperatoris*, a Synodo & Senatu Russico sibi delatum, accepit: dictus a suis *Petrus Magnus, Pater Patriæ, Russorum Imperator*: Imperatoris titulum ei mox detulerunt Rex Borussia, Hollandi, Sueci, alii vero tardius.

### §. 9.

*Fœdus Russicum. Causa Ducis Gottorpiensis. Conditiones, quibus Suecia accessit fœderi Hannoverano. Societas mercatoria Chinenfis. Tractatus subsidialis primum cum Gallia, dein cum Anglia. Sinclari cædes.*

Anno tandem 1722 Suecia, pace undique composita, in mediocritate sua conquievit; ruinis suis reparandis intenta. Convocata sunt hoc fine in annum sequentem Regni Comitia, in quibus multa disputatio cum statu Rustico, æqualitatem cum tribus reliquis Statibus in omnibus exigente.

Anno 1724 omnino fœdus Russos inter & Suecos coaluit, cui postea etiam Cæsar accessit. Confirmatur in eo pax *Neostadiensis*, Moscis. 213.  
spondeturque auxilium, si pars alterutra invaderetur. Suecus mittet 10000, Russus 16000: adjecta utrinque classe, sumptu proprio. Neutrapars contraria his pacta inibit, nec pacem aut inducias sine altero. Hoc defensivum fœdus 12 annis vigeat.

Additus articulus secretus, in hunc sensum: cum Dux Schlesvico-Holsatæ, jam per tot annos Schlesvicensi Ducatu sit priva Causa Ducis Holsatiæ.  
tutus, utriusque autem partis interfit, ut restituatur, atque hoc pacto plena quies in Septentrionem reducat, ideo obligant se ad omnia bona officia, apud Danicam aliasque aulas efficaciter impendenda, ut hic publicæ tranquillitatis obex omnino tollatur.



Obtinuit insuper Bassevitiſius, Ducis Legatus, ut Suecia promitteret, se post mortem Regis & Reginae in electione novi Regitationem habituram Holſtia Ducis, interim vero in annos singulos 48000 thalerorum in ſubſidium eidem præbituram.

Proniores in his Dux invenit Status ſenatumque Sueciae, atque adeo ipſum etiam Regem Fridericum, quam Ulricam Reginam, ſuam materteram, quæ neſcio quo odio nepotem ſuum perſequetur, fortaliſis ideo, quia ſilium ſororis, natu majoris, eſſe meminerat.

Partes Ducis gnæviter adjuvabat Beſtucheffius Ruſſiæ Legatus, Holmiæ præſens; qui multum etiam laborabat, ut controverſiæ de finibus, in Finnia determinandis, componerentur. Dux autem, quem duximus, ea apud Moſcoviæ Imperatorem valebat gratia, ut Annam, primogenitam ſuam ſiliam, ei conjugem daret, atque hoc pacto ad geminum regnum ſpem acciperet; quippe, ſi primogenituræ jus valeat, debebatur ei corona Sueciæ, & per Legatum ſuum Baſſevitiſium apud illam gentem ſedulo inſtabat, ut ſaltem poſt mortem Friderici & Ulricæ Rex designaretur, *Ceſſitudinis Regiæ* titulo non tantum ab utroque Imperatore, Romanorum & Ruſſorum, ſed ab ipſa etiam Suecia, quæ eum nuper præterierat, decoratus.

Anno 1726. Rex Angliæ vehementer inſtabat, ut Suecia fœderi Hannoverano accederet, utque aptius ad perſuadendum diceret, miſit Wagerum Archithlaſſum cum claſſe in Balthicum, qui Holmiam, negotium conſecturus, abiit. Rex, Imperatorem, Ruſſum, & Hiſpanum, qui ad pacem Viennenſem acceptandam hortabantur, reveritus reſpondit, rem eam tanti eſſe momenti, ut ad Status regni referri debeat. Convocata igitur Comitia, quæ in annum uſque 1727 protracſta fœderi tandem Hannoverano ſubſcripſerunt in hanc ſententiam.

Suecia accedit  
fœderi  
Hannoverano.

1. Promittit Suecia fœderi accedere, & ſi caſus fœderis contingeret, tria peditum, & duo millia equitum mittere.

2. Gallia & Angliæ Sueciam in fœdus recipiunt, omnesque hujus conditiones ſervabunt.

Quibus conditionibus.

3. Actus hujus acceſſionis a Rege & Corona Sueciæ, uti etiam a Regibus Galliæ & Angliæ duos intra menſas ratus habebitur. Additi ſunt ſeptem articuli ſeparati in hunc ſenſum.

1. Sicut Hannoveranum fœdus deſenſivum non alium ſinem reſpicit, quam ut quies & pax in Europa, ac præſertim Septentrio-

ne conservetur, sic alii tractatus per hanc accessionem minime infringuntur, sed potius roborantur.

2. Cum Suecia extra Europam impræsentiarum nihil possideat, sponsio illius ultra eandem non porrigitur.

3. Promissæ auxiliares copiæ non mittantur in Italiam aut Hispaniam.

4. Per ea, quæ articulo V fœderis Hannoverani de rebus Imperii dicuntur, Suecia non intelligit alia, nisi quæ a Statibus Imperii consueto more sunt recepta.

5. Accedit quoque Suecia separatim tractatus Hannoverani articulis, quia non sunt contrarii obligationibus, quibus Rex, ceu Status Imperii Imperatori & Imperio est devinctus.

6. Nullus ex fœderatis tractatum ineat, huic contrarium.

7. Contra omnes hostiles incursus promptissime succurratur. Neque negentur auxilia prætextu proprii belli.

Secreto adjecto articulo Sueciæ ab Anglia & Gallia promittuntur per triennium quot annis 50000 Sterlingarum. Suecia vero ultra prædicta 5000 adhuc 10000 armatorum, stipendiis fœderatorum nutrienda spondet, revocanda tamen, si defensio patriæ exigeret.

Anno 1728 venit Holmiam Legatus Turcicus, qui restitui petiit pecunias, quæ Carolo XII in exilio suo fuerant subministratæ. Id solum constat, hunc exactorem solenniter fuisse exceptum, eique in singulos menses 300 aureos ab aula fuisse numeratos, & cum discederet, mille, ipsius vero comitatui 400 Ducatos, pro more Sueciæ in discessu talium Legatorum.

Upsaliæ erecta Academia Scientiarum, pro excolendis studiis Philosophicis, Mathematicis & Arithmeticis.

Anno 1730 mortuo Carolo Hassiæ Landgravio successit filius Fridericus Rex Sueciæ, qui tamen administrationem Wilhelmo fratri suo juniore tanquam Vicario commisit. Instituta hoc anno nova mercatorum Societas, in Chinam navigantium, obluçantibus ne quidquam Hollandis: cum cautum sit, ut non attingantur portus & loca, Europæis nationibus subdita. 19 Articuli pro hac Societate ordinanda concepti sunt, atque Rex ipse protectionem suam eidem addixit. In Comitibus generalibus 24 Regni Senatores ad 16 reduci sunt.

Post ultimum bellum Russicum Suecia reparandis salinis & ærifodinis erat intenta. At vero anno 1732 Sparro Archithalasso mandavit, ut naves bellicas ad 42 augeat, cum reliquo rei maritimæ appa-



apparatu. Inita etiam est cum Polonia concordia, quæ a Carolo XII jam ante plures annos fuerat interrupta.

Tract sub-  
sidiorum.

Anno 1733 Gallia per Legatum suum Casteia Sueciam sollicitavit, ut in favorem Stanislai turbis Polonicis se immisceret, permoveri tamen non poterat, nisi, ut veterem cum Francia amicitiam renovaret, & ad servandam pacem Olivensem, cujus esset sponsor, Polonos per suum Varsoviæ legatum hortaretur.

Anno 1734 Comititia Regni Holmiæ celebrata approbarunt novum Corpus Juris Suecici, omiſſis legibus antiquatis & inutilibus, declaratisque obscuris ac dubiis, ad recentiora tempora accommodatum.

Turbas mo-  
ven.

Anno 1735, ut Gallia Sueciam a fœdere Russo retraheret, per Legatum Casteia Tractatum subsidiorum, quæ annuatim 450000 thalerorum conficere dicuntur, renovavit, reservata tamen ratificatione Regis Christianissimi. Cum autem Suecia nihilominus fœdus defensivum cum Russis de novo confirmasset, Rex Tractatum subsidiorum ratum habere noluit: id maxime objiciens, quod Stanislao & Dantisco recusasset succurrere. Suecia autem cum Anglia Tractatum subsidiorum iniit iisdem conditionibus, quibus ante cum Francia. (1736) Anno sequenti Comes Casteia 2000 aureis pro more donatus, locum Legati reliquit Comiti San-Severino Italo; qui anno 1738 Subsidiorum Tractatum renovavit, promissis in annos singulos 300000 thaleris, qui a Gallia hoc anno præstiti sunt Sueciæ, ut a Russis & Anglis abstraheretur. Anno 1739 abdicati sunt Senatores, qui Gallis fuerant adversi, adnitente Comite Tessino, Comitiorum Mareſchallo, Gallicis partibus admodum addicto.

Sinclairi  
cædes.

Eodem anno Suecia, recepto chirographo Caroli XII, quo se Turcis obligaverat, iniit cum Sultano fœdus defensivum, oppositum velut fœderi Austriaco Russo. Sinclairus Suecus excubiarum Præfectus, cum Cpoli rediret, occultis litteris instructus, in Silesia a duobus larvatis fuit interemptus, ac litteris spoliatus; quæ res multam in Europa suspicionem, altosque clamores excitavit, ut adeo Aula Viennensis & Petroburgensis datis ad Legatos suos litteris sint publice contestatæ, se non modo cædis Sinclairianæ nullam habere partem, sed etiam illam tanquam infame latrocinium detestari.

## §. 10.

*Belli cum Russis Causæ. Suecorum clades. Löwenhaupt belli  
Imperator capite plexus. De successore eligendo. Tres  
Competitores. Minitantur Sueci, se Principem Daniæ  
electuros, ut pacem a Russis obtineant.*

Per Sincläri cædem, fœdus Turcicum, Cæsaris & Annæ, 214.  
Russiæ Imperatricis obitum, adventum Classis Gallicanæ in Balthicum,  
per soluta subsidia, Antini Franciæ Legati flabella, impedire conan-  
tis, ne Russia successioni Austriacæ, belloque inde orto, se miscere  
posset; per turbas denique Russicas, & spem Sueciæ recipiendi,  
quæ 20 ante annos per pacem Nüstadiensem Moscis cedere coge-  
batur, sparsa sunt Russici belli semina: præparatæ classes, auctæ  
copiæ, & sub Löwenhauptio in Finniam traductæ: denique 8 Aug. Bellum cum  
1741 Holmiæ plenis in Comitii decretum ac publice promulgatum Russis.  
adversus Russos bellum.

Additæ belli causæ: ruptam a Russis pacem Nüstadiensem, &  
jus gentium: contra Articulum VII miscuisse se Moscos in res Sue-  
ciæ, formam regiminis, negotium successionis: additas minas: ne-  
gatam Sueciæ subditis in tribunalibus Russicis iustitiam: contra Ar-  
ticulum VI potius aliis nationibus quam Suecis concessam licentiam,  
frumenti exportandi: interfectum a Russis Sinclärum, & litteris  
spoliatum. Causæ.

Mosci vero ad 50000 ad Wyburgum in Finnia sub Lascio, su-  
premo belli Præfecto, collecti, & ipsi Suecis bellum indixerunt,  
conquesti, fractam ab illis pacem Nüstadiensem, non aliter ac ho-  
stes Russos habitos: ac denique nunc bello petitos: inter barbaros  
etiam non facile auditum esse, bellum indici, antequam rationes  
belli publicentur.

Sed a verbis brevi ventum ad verbera. Wrangelius cum tri-  
bus millibus prægressus, ad *Wilmanstrandum* ad internecionem a La-  
scio cæsus est. Löwenhauptio vero, qui serius advenerat, in hy-  
berna cum exercitu suo concessit, sparsis tamen libellis, affuturum a Lascio,  
se Elisabethæ, &, si exterum Ministerium abdicetur, nullum Sue-  
cis cum Russis bellum fore. Cæsi Sueci

Et sane Elisabetha, ad thronum evecta, haud alieno erat a  
pace animo; unde ad eam, conciliatore Franciæ Legato Chetar-  
dio, componendam, quatuor mensium inducias concessit. Sueci



reposcebant Careliam cum parte Livoniæ. At, dum Russia mallet accipere quam dare, spe in totam Finniam porrecta, resumpta sunt arma 1742.

Apparatus.

Löwenhauptus sub signis habebat 28000 pedites & 13000 equites, non annumeratis Regiis Custodiis, & machinatoribus. Classis vero Suecorum, quam Siæsterna gubernabat, 24 bellicis majoribus, & 20 minoribus navibus constabat, quibus impositi dicuntur 22000, qua remiges, qua milites nautici. Contra vero Russorum in castris ad Wiburgum censebantur 70000, militari disciplina subacti, cum 12000 promiscuæ multitudinis. In Ingria remanebant 10000, & in Esthonia & Livonia 13000. Classarii in portu Cronstadiensis numerabantur 8000, præter 15000, qui in 70 trimibus continebantur.

Sueci de-  
bellati.

Dum Russi Fridrichshamo imminebant, Sueci eam incenderunt, atque munimentum hosti permisere. Fugientes persecuti sunt Moscici ad *Helsingfortum* usque, permunitam in Finnia Suecorum urbem, ad quam classis Suecica pariter se applicabat: sed a classe Russica ita ibidem includebatur, ut sine pugna elabi non posset. Terrestris quoque exercitus, quamvis sub tutela & præsidio tormentorum staret, ita tamen a Russorum ignibus infestabatur, ut 4 Sept. 1742 Capitulatione inita, *Helsingfortum*, ad mare Finnicum in peninsula situm, Russis cum tota provincia Nulandia relinquerent, impetrata tamen facultate in Sueciam se recipiebant.

Dimisso exercitu & classe Suecica, facile fuit Russis cum Aboa & Biörneburgo potissimam Finniæ partem subigere, præsertim, cum milites Finlandici, ad 8000 æstimati, nollent patriam deserere, sed relictis Suecis, in verba Russorum jurarent.

Löwenhaupt  
capite ple-  
xus.

Löwenhauptus cum suo Legato Budenbrockio, ob rem male gestam, jam ante exauctoratus, Holmiamque revocatus, in custodiam datus est, & in quæstionem vocatus, coram sex tribunis, quorum Præses Hamiltonus. Löwenhauptus ea excusatione se defendebat, ideam belli, sibi propositam, fuisse observatam: ligatas sibi fuisse manus, quo minus libere ageret; donec Holmia venirent imperia, optimas occasiones fuisse elapsas: classem detrectasse obsequium, prout etiam plures Duces sui exercitus: mediam denique propemodum copiarum partem morbis interiisse.

Sed hæc argumenta non valuerunt eum morti subtrahere; quippe anno sequenti ex sententia Comitiorum damnatus, e carcere elapsus, sed a fuga retractus, & carnificis manu capite plexus est, rusticorum præsertim Ordine adversus conjugis & liberorum lachry-

lachrymas, atque clientelarum, gratiam implorantium, preces inflexibili. Ita finit Löwenhauptus anno ætatis 51, quem paulo ante Sueci Comitiorum Marefchallum, & supremum belli Imperatorem elegerant. Idem ferme supplicium Budenbrockius quoque, gente Pomeranus, subiit.

Alterum caput, quod in Comitiiis Regni agitabatur, erat electio successoris. Obierat quippe jam anno 1741 Ulrica Eleonora, Caroli XII foror, natu minor, anno 1718 ad solium eveſta: cumque anno 1720 ipsius voluntate Ordines regni ſceptrum in conjugem Fridericum tranſtulſſent, ea fuit adjeſta conditio, ut, ſi Ulrica improlis decederet, integrum eſſet Statibus, Friderico Rege adhuc vivente, ſucceſſorem deſignare.

Tres maxime Candidati in deliberationem veniebant: & primus quidem Carolus Petrus Ulricus, Dux Holſato-Gottorpienſis, ex Waſſorum genere deſcendens: ipſius ſiquidem avia paterna Hedvigis foror erat Caroli XII natu major. Quare, ſi ſanguinem Regium ſpectes, nemo illo erat propior. Et expediebat Sueciæ, ut benignam a Ruſſis pacem impetraret, illum eligere. Sed religionem Græcam aſſumpſerat: ſtatutum autem a Suecis fuerat, neminem eligendum, qui Lutheranus non eſſet.

Alter fuit Fridericus Haſſiæ Princeps, Regis Sueciæ ex fratre Wilhelmo nepos, gener Regis Angliæ, a quo in his belli infausti turbis auxilii opportuni ſpes. Et alliciebat Regis patrui gratia.

Tertium Gallia commendabat Chriſtianum IV Ducem Bipontinum.

Denique 5 Nov. 1742 electus eſt 239 ſuffragiis Dux Holſatiæ Ulricus, contra 237, quæ Haſſo favebant. Miſſi in Moſcoviam, qui nuntium electionis ferrent Bondeus, Hamiltonus, Schäferus. At Ulricus jam denuntiatus fuerat ſucceſſor in Imperio Ruſſico; nec conſtat, cur non acceptarit electionem, utramque aliquando coronam conjuncturus, aut cur Eliſabetha Imperatrix non omnem ſuam, ut id fieret, auctoritatem impenderit.

Commendabat autem illa Ordinibus Sueciæ Adolphum Fridericum, Ulrici ex eadem Gottorpiana Familia agnatum, & antea tutorem, hodiernum Regem Sueciæ, in gratiam Eliſabethæ & Ulrici anno 1743 electum, ut mox videbimus.



Tertium caput, in Comitibus deliberandum erat, quomodo post tantas clades pax a Russis esset impetranda. Et sane accommodum huic fini medium fuit Ulrici electio, quamvis politica duntaxat, cum facile Sueci praeviderent, eam ad effectum non deducendam. Nihilominus per eandem, uti & spem, Ulrici agnatum Adolphum Fridericum electum iri, tantopere Elisabetham Imperatricem flexerunt, ut in pacem componendam consentiret.

## §. II.

*Congressus Aboensis. Pax. Adolphus Gottorp. electus successor in favorem Russiae. Dablenſes russici rebelles. Nuptiae Adolphi cum Borussia. Natus eis Gustavus filius. Foedera. Medicus capite plexus.*

215.  
Cong. eſſus  
Aboenſis.

Igitur ineunte Martio 1743 Russia Aboam ad pacis congressum misit Alexandrum Romanzow, cum Tribuno de Lubras, Suecia vero Hermannum de Cederncreuz, cum Status Secretario Nolckenno. Sed multis inter se parasangis distabant. Russi ex interdicto uti possidetis transigere volebant: Sueci non modo Finlandiam, nuper armis occupatam, sed Livoniam quoque, pace Nüstadiensis Russis cessam, reposebant; ut adeo pacis negotium in longum protraheretur, magnique ex parte utraque ad bellum continuandum apparatus fierent: nihil tamen admodum magnum gestum. Insula Aland, quæ media est inter mare Balthicum, sinum Bothnicum, & sinum Finnicum, recepta a Russis, rursusque amissa.

Tandem Sueci categoricam a Russis responsionem petebant, quantum ex acquisitis sibi cedere vellent, additis minis, se hæreditarium Daniæ Principem in successorem electuros, nisi Finniam aliaque plura redderent.

Russi, ne id fieret, & Dania ac Suecia aliquando sub unum caput redirent, faciliores paci Suecorumque postulatis aures præbuerunt. Unde Aboæ 1743 27 Junii a Commissariis subscripta sunt præliminaria: quibus statuitur, ut cesset hostilitas terra marique. Ut Suecia ad commendationem Imperatricis & Magni Principis Adolphum Fridericum Holsatiæ Principem eligat in successorem corona-

na Sueciæ. Reliqui articuli distinctius comprehenduntur in articulis pacis; 7 Aug. conclusæ.

1. 2. 3. Sit pax & amnestia perpetua.

Pax.

4. Suecia cedit Russiæ iterum omnes regiones, quas art. 4. & 5. pacis Nüstadiensis eidem cessit.

5. Ex Finnia provinciam Kymenegard, monumenta Fridrichsham, Wilmanstrand, Pittis, Nyslot cum districtu.

6. Russia restituit Sueciæ reliqua, quæ in Finnia occupaverat, uti Aboam, Biörneburg, Insulam Aland, Cajaniam, Bothniam, Tavastum, Nulandiam, partem Careliæ.

7. Fluvius Kümene, in sinum Finnicum influens, limites utriusque Nationis determinet.

8. 9. Religio, jura, privilegia, in locis cessis sint salva.

10. 11. 12. 13. In Finnia maneant omnia munimenta, arces &c. in statu præsentis: quæ tamen Russi intulerunt, abducere possunt. Cessent contributiones. Captivi reddantur sine lytro. Sueci possint certam frumenti quantitatem ex provinciis ad sinum Finnicum emere.

14. 15. 16. commercium sit liberum. In naufragio merces salventur, & dominis suis restituantur.

17. 18. Si Russicæ naves bellicæ Suecicum monumentum præternavigant, primi eas salutent explosione tormentorum Sueci, & vicissim. In mari autem sibi occurrentes salutationem omittant, donec hæc res componatur.

19. 20. Confirmatur pax Nüstadiensis. Omnes differentiæ per Commissarios complanentur.

21. Hæc pax intra tres septimanas ratificabitur.

Additum fuit, Regem Sueciæ non usurum titulis provinciarum, per pacem Nüstadiensem aut istam cessarum; sed solam Imperatrici iis posse uti.

Per hanc pacem utrique parti videtur satisfactum; nam Suecia integras provincias recepit, hoc bello abstractas; Russia vero pluribus locis est aucta; & obtinuit successorem in regno Sueciæ, quem optaverat. Nam



Adolphus  
Holstæus ele-  
ctus succef-  
for.

Electus paulo post cum magna solennitate est successor Adolphus Fridericus, atque Hamburgo in Sueciam deductus: ubi postquam Regi fidem juravit, primus ei in Senatu regni locus est datus.

Dahlenfes re-  
belles.

*Dahlenfes* rustici, inconditum hominum genus, ad 4000 congregati Holmiam processerunt. At portas occlusas invenerunt. Rex ipse equo insidens egressus ad quietem eos est hortatus. Verum illi armata vi in urbem irruerunt, ubi velut in loco capto grassantes, rejecto Adolpho, Principem Daniæ successorem eligi postularunt; sed reversæ opportunæ copiæ navales eos dispersis sclopis urbe eiecerunt. Missi dein in terram eorum milites, rebelles ad obsequium coegerunt.

Matrimo-  
nium suc-  
cessoris.

Anno 1744 Adolphus Fridericus, successor electus, sponsam suam, Ludovicam Ulricam, Borussia Regis sororem, in Suecia excepit, & postquam illa Lutheranam professionem edidit, matrimonio sibi junxit.

Venit illico Borussicus Holmiam Legatus Finckensteinus, Lubrahus Russicus, Rumpsius Hollandus: Tessinus vero Berolinum abiit. Russi milites, rebus cum Dania compositis, liberaliter donati, Suecia excefferunt.

Anno 1745 Sueci Judæis & Jansenistis Gothenburgi liberum cultus sui exercitium concesserunt.

Filius natus.

Anno 1746 Adolpho successor natus est filius, qui Gustavi nomen accepit. Patrini erant Rex Fridericus, Elisabetha Imperatrix Russiæ, Rex Borussia, & Ordines Regni Sueciæ.

Orientalis Sueciæ Societas a Comitibus confirmata est in 20 annos, concessumque, ut trans Promontorium Bonæ Spei libere commercari possit. Gothenburgensi e portu naves solvere jubentur, atque in illum rursus inveni.

Fœdera.

Anno 1747 nullum quidem in Suecia fuit bellum, varii tamen motus eandem colliserunt, gemina præsertim factio, quarum altera Russica dicebatur, altera Borussia, aut Gallica. Illa persuadere conabatur accessum ad fœdus defensivum, Austriacos inter & Moscos percussam, allaborante in id Holmiæ Korsio Legato Russo. At prævaluit altera, ita quidem, ut Suecia cum Borussia fœdus

foedus icerit, & subsidiorum tractatum, 1738 cum Gallia initum, renovavit. Promisit Lanmarius Legatus, pensuram Franciam eam pecuniæ summam, quam a novem jam annis solverat, trecenta videlicet Imperialium millia.

Piura verbis & scriptis in utramque partem spargebantur, præfenti etiam Sueciæ Regiminis formæ, ut credebatur, perniciofa. Captus Springerus Mercator Holmiensis; qui quæftioni feveræ subiectus, cum sententia effet pronuntianda, e carcere elapsus, in domum Legati Anglici profugit. Extrahitur armata manu, jus gentium inclamante legato. Lata in reum sententia, quod propter feditiofa, & inimica in Status regni confilia agitata, & vetito litterarum commercio nutrita, capitis pœnam fit promeritus; hanc tamen in perpetuum Marstrandî carcerem mutari.

Gravius punitus est Blaquellus, Regis Medicus, quod clanculariis machinationibus successione in regno, ab Ordinibus statu. <sup>Medicus ple</sup> <sup>xus.</sup> tutam, intervertere, & Regis auctoritatem independentem reddere attentavit. Caput illi carnificis manu decussum. Cremati quoque tres libelli, quorum auctores latebant. Contra vero Comes Tessinus, a Legato Russico aliisque accusatus, quod partes Gallicas illicitis modis promovisset, causa a Comitiorum Deputatis cognita, absolutus, primique Ministri dignitate ornatus est.

Bona Comitîs Löwenhauptii & Baronis Buddenbrockii, qui in eodem fermento capite plexi fuerant, Fisco illata, hæredibus rogantibus a Comitîis sunt restituta.

Cum Imperatrix Russiæ cum Imperatrice Romana foedus iniisset, Sueci copias in Finniam transportarunt, locaque Russiæ vicina munierunt, vel ut bellum inferrent, vel ut in Galliæ gratiam Russos a ferendo Austriacis auxilio continerent.

## §. 12.

*Obitus Friderici Regis. Adolphus Fridericus coronatur. Bellum gerit in Pomerania contra Borussos.*

Anno 1748 Friderico Rege gravi infirmitate detento, success. <sup>216.</sup> for Adolphus, præoccupata industria, curas suas regno dependit, ex



ex Borussia conjuge filium alterum nactus Carolum. Suspicio non levis Suecos in fermentum agitavit, ne regnum adeptus regimini formam mutaret, Tessino Comite præsertim, ejus ministro tam Gallis grato, quam Russis inviso, accusato, quod independentis Monarchiæ consilia Domino suo inspiraret.

Obitus Regis.

Promulgatio & coronatio novi Regis.

Anno 1751 obiit Fridericus Rex Sueciæ anno ætatis 75, regni 31, Landgraviatus Hassiæ 21, Princeps optimæ indolis, cui præter religionem nihil deerat. Regnum per uxorem Ulricam est consecutus, quamvis mutilum, & Ordinibus obnoxium. Nolebant enim redire Caroli XII tempora. Unde etiam ab Adolpho Friderico novo Rege juramentum publicum exigebant, quo sponderet, se juxta formam, anno 1720 introductam regnaturum, in quam jam antea etiam, (1743) cum successor declararetur, juraverat, religionem videlicet, jura, & libertatem se tuiturum perpetuo, habiturumque pro hostibus & proditoribus patriæ, qui conarentur independentem potestatem reducere. Suscepta dein coronationis solennitas, non Upsaliæ, prout alias consuetum, sed Holmiæ, nec Regi duntaxat hic honor collatus, sed Reginæ quoque Ludovicæ Ulricæ. Primas partes in his solennitatibus eloquentia sua condecorandis habuit Carolus Gustavus Comes Tessinus, Regni Cancellarius, Senator, ac Moderator Gustavi, Regii Principis.

Cum Rex Borussia anno 1756 Saxoniam occupasset, Rex Sueciæ, ceu vas pacis Westphaliæ obligatum se credidit, eandem tueri. Involutus igitur ultimo contra Borussum bello, militem in Pomeraniam misit, qui reciprocantis instar marini æstus fluxit & refluxit, procurrit & recurrit; victor in æstate, victus in autumnio, prout in appendice referetur.

Postquam autem Russiæ novus Imperator a fœdere recessit, etiam Suecia cum Rege Borussia pacem inivit, relicta Saxoniam in ejus manibus.

CAPUT XV.  
 Status Borussiae  
 SÆCULO XVIII.

§. I.

*Frid. I Rex primus Borussiae. Cur sibi coronam imposuerit.  
 Rex salutatur a Cæsare & Protestantibus: reclamante  
 Ordine Teut. Colonensem agrum invadit. Geldriam  
 capit. Causa Novocomensis.*

Anno hujus sæculi primo Fridericus I Elector Brandenburgicus & 217.  
 Dux Borussiae, non tam amplitudine, credo, quam multitu-  
 dine provinciarum elatior, sibi ipsi Regiomonte in Borussia coro-  
 nam imposuit, seque Regem dixit, fastique rationem, missis ad  
 Europæos Principes Legatis, reddidit. Frid. I se Re-  
 gem dicit.

Borussiam, inquebant, antiquis temporibus regnum fuisse;  
 & quamvis postea clientelari jure fuerit innexa Poloniae, hoc ta-  
 men nexu dudum per pacta publica, cum Rege Casimiro inita dis-  
 soluto, supremum se & nemini, nisi Deo, obnoxium dominium  
 illius esse consecutum, cuivis autem domino, ab aliis potestatibus  
 independenti, fas esse de re sua disponere, formamque aut titulum  
 pro arbitrio defigere, neque rem istam novi esse exempli. Argumenta.

Aristobulum, Judæ Machabæi pronepotem, Alexandri M. suc-  
 cessores, Rodolphum Burgundiæ Comitem, Rogerium utriusque  
 Siciliae, & Boleslaum Poloniae Ducem, a se ipsis creatos esse Reges.  
 Henricum VIII Angliæ Regem Ducatum Hiberniæ ad regni honores  
 extulisse. Illos videlicet, potentia sua suffultos, non indignos se  
 judicasse suprema in terris dignitate. Fridericum quoque provin-  
 cias opesque possidere, tanto fastigio non impares.

Romanum Imperium nihil inde detrimenti passurum; Fridericum  
 fore Regem Borussiae, independentis ab Imperio, simulque Electo-  
 rem Imperii, qualis ante fuisset; nec aliam in Comitibus sedem, nec  
 potestatem novam, aut prerogativam accessuram. Archiduces Au-  
 striacos Hungariæ & Bohemiæ, Oldenburgicos Comites Daniæ,  
 Pars X. P p p p Bipon-



Bipontinum Duce[m] Sueciæ, atque novissime Electorem Saxonie Poloniæ Regna consecutos, nec inde quidquam derogatum Germanæ Reipublicæ.

Quin imo pertinere ad Majestatem & gloriam Imperii, in civibus suis tot Reges ostentare posse, & in vasallis coronata capita. Neque opponi posse pactum cum Polonia, ut extincta hac Electorum stirpe feudi nexus in agnatos hæredes recidat; nam & Neapolis Regnum Romanæ Ecclesiæ beneficiario jure esse obnoxium.

Imperator, ut in illa temporum difficultate potentem amicum Rex salutatur haberet, omnium primus Regem salutavit, Borussia[m]que regnum a Cæsare. declaravit. Quæ res Friderico adeo placuit, ut & Imperatorem, ceu Christianorum Principum caput, cujus esset Reges creare, prout Angliæ, Poloniæ, Bohemiæ, Daniæ &c. Regna ex hoc fonte profluxissent, Dignitatis suæ Regiæ auctorem prædicaret, & decem armatorum millia ad bellum Hispanicum promitteret, remissis centum Imperialium millibus, quos ei Cæsar debebat.

Quam levi autem impendio Imperator hæc commoda est consecutus, tam adversæ Catholicorum quorundam voces audiebantur: quo usque progrediretur Cæsar in exaltandis augendisque Protestantibus; nuper Hannoveranum renunciatum Electorem, nunc Borussia[m] Regem, non levi Catholicæ rei præjudicio. Galli potissimum erant, qui ad constandam invidiam hæc objectabant. Alii futuras in electione & capitulatione Cæsarea turbas formidabant. Certe Austria postea experta est, quam Domum exaltarit. Protestantes vero Reges ac Respublicæ sine cundatione novo Regi novam dignitatem gratulabantur. Galli vero & Hispani primum post pacem Ultrajectensem agnoverunt Regem.

Reclamante At vero Equitum Teutonicorum ordo, contestatione gravissimum, in acta publica relata, juribus suis, quibus nunquam renuntiasset, sibi cautum voluit. Quomodo autem Albertus Brandenburgicus, Magister hujus Ordinis, Borussia[m] ad se taxerit, alias meminimus.

Bello dein Hispanico Rex Borussiae Rhenobergam, Electoris Colonien[sis] urbem permunitam, diuturna obsidione pressit, Cohornius Bonnam. Quamvis autem Borussia[m] milites, in Belgium potissimum translati, non admodum multum pro tantis viribus præstitisse legantur, reportarunt tamen in præmium locatæ operæ Geldriam.

Alio insuper distractus in privata commoda, causam communem languidius adjuvabat. Anno 1703 cum Carolus XII Sueciae Rex Poloniam opprimeret, Regemque Augustum persequeretur, tractatum cum eo iniit, quo se obstrinxisse fertur, ad invadendam Rempublicam, si illa contra Suecos se declararet. Eodem anno Geldriam urbem Borussia expugnavit post quinque mensium obsidionem.

Geldriam  
capit.

Anno 1707 orta est controversia de Principatu Novi Castri, Neuchast. seu Neoburgi, vel Novocomi, in 17 Castellanas divisi, quarum sola Landeronia est Catholica. Ad Domum Longavillanam pertinuerat, quæ 250 annis hunc Principatum (Comitatui Burgundiae & Helvetiae interjectum) possederat. Ea autem extincta familia 17 erant, qui se hæredes ferebant, Galli potissimum Principes, Domui Longavillanæ innexit. At omnibus prævaluit Rex Borussiae, ex Domo Nassovia, Auriaca, & Catalaunensi, jus suum accersens. Reponebant Galli, familias istas nunquam possedisse Novocomum, & adesse propiores Domus Langavillanæ hæredes, Contios & Aurelianenses. Neque ea erant tempora, quibus Ludovicus Rex propter hunc exilem Principatum multum virium ac sumptuum posset impendere, tot cladibus attrita Gallia. Adhæc Angli, Hollandi, Bernates & incolæ Calviniani, aperte favebant Borussia. Imperatori necessaria erant ejusdem subsidia. Atque hac ratione Borussia, sua fretus & sociorum potentia, possessionem adiit, atque in ea per pacem Ultrajectensem fuit confirmatus, extincto etiam, quod allegaverant, jure coronæ Gallicæ, afferentes, Novocomum feudum esse Burgundiae, ac proin, emortua Domo Longevillæ, eidem esse apertum.

Causa Neo-  
comensis-

Orange.  
Chalon.



## §. 2.

*Meursia augetur. Obit. Succedit Frid. Wilb. Pacem Ultrajecti-  
nit cum Gallia. Conditiones. Stetinum emit a Russo. Causa  
Auriaca. Leibnicio succedit Gundling Pres. Acad. scient.  
Coccejus obit. Dissensio cum Cesare. Miscet se causæ  
Thorunensi &c. accedit foederi Hannoverano. Obit  
Chauvinus, & Metternich Catholicus, Thomo-  
sius, Gundling. Causa Limpurgica.*

218.  
Meursia.

Anno 1712 Meursiam Rex Borussiae Hollandis eripuit. Parti-  
nuerat illa ad Domum Auriacam, ex Comitatu anno 1706 in  
Principatum commutata.

Obitus Frid.  
III.

1713 obiit Fridericus III Rex primus Borussiae, ætatis anno  
56, regni Borussiae 13, Electoratus 25. Successit *Fridericus Wilhelmus*  
filius: qui Dohnam Pommeraniæ & novæ Marchiæ, Ilgenium Bo-  
russiæ, Prinzenum Geldriæ & Cliviæ, Bartholdum Marchiæ Brande-  
burgicæ, Blaspielum Westphalicis Provinciis, Cameckum Halber-  
stadio & Magdeburgo gubernatores præfecit. Ejus copiæ hoc tem-  
pore 40000 circiter constare dicebantur.

Conclusa est hoc anno pax Ultrajecti, inter Galliam & Boruf-  
siam quoque, quam in Hispanicis exhibui. Statuitur amnestia &  
amicitia. Pax West. sit salva. Geldria Hispanica transfertur in  
Borussum, prout Carolus II possedit: salva religione. Gallia agno-  
scit Prussum tanquam supremum Dominum Principatus Neocomensis  
(*Neuchatel*) Prussus cedit Galliæ Principatum Auriacum. Helvetia  
paci includitur. Separato articulo Gallia Borussum agnoscit Regem.  
Rhenobergam Borussus reddet Colonienfi, salvis tamen suis præ-  
tensionibus.

Stetinum ad  
Borussum.

Expugnatum a Russis Stetinum, quod dein Borussio pro 500000  
thaleris concessum. Berolini celebratum primum Reformatæ, ut  
prætendunt, religionis sæculum.

1714 Borussus Stetinum in sequestrum accepit. Milites nume-  
rabat 42000. Regimen Ducatus Magdeburgici translatus Halla Mag-  
deburgum.

1715. Cum reliquis foederatis Borealibus Suecum Germania expulit. Hoc anno in Saxoniam & Marchiam Brandenburgicam venerunt novi prophetae, quales olim erant Lutherus, Calvinus, Münzerus. Sed fortior spiritus expulit minus fortem.

1716. Elector Viennae per Comitem Metternichium praestito homagio Investituram suorum feudorum coram throno Caesareo accepit, etiam ratione Principatus Meursii. Lis inter lineam Onolsbacensem & Baruthanam a Judicio Aulico decisa, ut in munere condirectorii alternent singulis trienniis.

1717. Rex bona Equestria, soluto nexu feudali, declaravit allodialia & absolute haereditaria, reservato tamen non exiguo canone annuo. Plures Equites illa Regi vendebant. Judaeos expulit, quod nolent solvere, quantum petebatur.

1718. In puncto haereditatis Auriacae etiamnum inter Borussia, & Nassovio Diezanum, cujus causam Hollandi propugnabant, fervebat controversia, contestante per exceptionem fori declinatoriam Borusso, hanc causam a tribunalibus Belgicis definiri non posse; sed aliis utendum mediis. Ad eandem haereditatem litigiosam pertinet Herftallum, de quo in Belgicis.

Cum Domo Mechlenburgica confirmata fuit fraternitas & unio haereditaria.

In Borussia agri inculti & prata gratis distributi, ut cultores alliciantur, & frequentia populi augeatur. Pannificium etiam, fabrica, artes mechanicae ad perfectionem deductae auctaeque, ut pecunia attrahatur, aut saltem in subditis provinciis retineatur. Praesertim vero militiae augendae impensum studium, ut adeo 70000 milites numerarentur: inter quos multi procero corpore, per Europam conquesti. Doctissimo Leibnizio mortuo successus Gundlingius Praeses Academiae Scientiarum.

1719. Rex multum conquestus de oppressionibus, ut praetendit, Calvinistarum in Polonia & Palatinatu, armorum minas adjecit, & repressalia Magdeburgi & Mindae imperavit.

Magdeburgum, alias jam munitum, novis propugnaculis eximie instructum.

Francofurti ad Viadrum aetatem 77 annorum clausit Henricus Coccejus, illustre sidus Jurisprudentiae politicae.

In provinciis Regis hoc anno 306000 nati infantes scribuntur.



Anno 1720 per pacem cum Suecis Rex in Pommerania non parum terrarum ditionibus suis adjecit, prout dictum in Suecicis. Peregrinationem instituit in Hollandiam, ibique Amstelodamum, Hagam, Roterodamum &c. vixit: salutatoque Hannoveræ socero, Berlimum rediit.

1721. Rex novos conquestus obtinuit in Pommerania; tum vero Borussia aliasque provincias suas visitavit: ubi tribunalia, fabricas, opera publica, commercia, artificum tribus, omniaque ad politicam spectantia rite ad emolumentum tum suum, tum subditorum ordinavit, ejectis etiam omnibus peregrinis medicis, qui deinde affines regiones inundarunt.

Causa Teck-  
lenburg.

1722. *Causa Tecklenburgensis* in Westphalia non parum negotii facessabat. De Comitatu illo inter Comites Bentheimenses & Solmenses jam dudum lis vertebatur. Isti anno 1707 jus suum Electori Brandenburgico vendebant; ac proin hic in litem cum Bentheimensibus successit. Agitata fuit illa Viennæ in Judicio Aulico, a quo plura mandata adversus Brandenburgum sunt emissa, executione Hannoverano & Wolferbytano commissa; quæ tamen propter potentiam & renitentiam possidentis nunquam fuit suscepta. Hæc, uti & sic dicta *repressalia*, propria autoritate facta, aliaque plura Aulam Cæsaream ab aliquot annis alienarunt, supremi in Imperio Judicis officium violatum pluribus scriptis demonstrantem. Certe tantum exarsit dissensio, ut bellum timeretur.

Frigus inter  
Aulam Vien.  
& Boruss.

1723. Rex multas exterarum familias in Borussia introduxit, ut loca sterilia ac deserta, præsertim in tractu, Lithuaniae imminente, ad fertilitatem perducerent. Berolini Collegium Medico-Chirurgicum constituit, sex Professoribus constans, qui Medicas, Chirurgicas, Anatomicas, Botanicas, Chymicas, Mathematicas operationes & demonstrationes exhiberent.

Rex se miscet  
causæ Thörn.

1724. Rex primus causæ Thorunensi se miscuit, aliosque Protestantibus exemplo & hortatu traxit, ac si Borussia esset Europæ arbitra. Hinc illa etiam ab Aula Cæsarea aversio. Deserbuerat quidem aliquantum contentionis æstus, sed non omnino subsidit. Propterea

Accedit fœ-  
deri Hanno-  
verano.

Anno 1725. Rex fœderi Hannoverano, adversus pacem Vienneensem concepto, prompte subscripsit: suscepto etiam Hannoveram ad Angliæ Regem socerum suum itinere.

Obiit Berolini Stephanus *Chauvinus* ex Gallia fugitivus, auctor Lexici Philosophici. Successorem in Cathedra Philosophica habuit Panschalem, popularem suum.

1726. Cum Rex, executione Thorunensi, quamvis re inter alios acta, offensus, varia postulata & prætensiones adversus Poloniam formaret, hæc, nequaquam territa, Elbingam cum Dynastis Dragniro, & Ostenda repetiit.

Verum non modo Catholicis ubique se inensum exhibuit <sup>inensus</sup> Fridericus, sed etiam Lutheranis: quod vel ex eo est colligere, quod Catholicis & <sup>Lutheranis.</sup> subditis suis omnibus severe prohibuerit, ne ad Academiam Wittenbergensem accedant. Litterarum tamen æstimationem præfetulit, dum (sicut pater Leibnizium) Gundlingium Baronem creavit, suumque Camerarium.

1727. Agebatur de fœdere defensivo, Cæsarem inter & Borussia; sed quia obtineri non potuit, ut Domus Solisbacensis jure suo in Ducatus Julæ & Montium cederet, aut absolutum id non fuit, aut effectus illius latuit.

Extincta linea seniore Domus Baruthanæ, successit ex altera Georgius, qui hætenus Rottenburgi ad Tuberam sedem fixerat, non obstante prætensione Regis Borussiae ob debitum 800000 thalerorum.

Obiit Ratisbonæ Comes Metternichius, Brandenburgicus ad Metternich Comitibus Legatus, qui paulo ante mortem Catholica sacra est <sup>am-obit Catho-</sup> <sup>licus.</sup> plexus.

Anno 1713 apertum Imperio fuerat feudum Comitatus Limpurgensis, jam a Cæsare Leopoldo Regi Borussiae promissum. Sed Wolrathus ultimus possessor undecim filias reliquerat, quæ rogant Cæsarem, ut interim, donec, quæ bona sint feudalia, & quæ allodialia, esset definitum, in possessione relinquantur. Causam is delegavit Bambergensi, Herbipolensi, & Würtembergensi. Judicium vero Aulicum anno 1728 Investituram Regi contulit, salvo tamen jure filiarum Limpurgensium, & ulteriori causæ discussione.

Obiit 1728 Christianus *Thomasius*, æt. 74, magnum jurisprudentiæ decus, editisque libris clarus. Regis Borussiae Consiliarius in-mass, timus, Academiæ Fridericianæ Director & Professor Primarius. Sunt in Marchia Brandenburgica Protestantes, qui Equitum Melitensium S. Joannis nomen gerunt, etiam conjugati, Sonneburgi. Tales hoc anno plures creati sunt.

Anno 1729 Borussiae conductores militum in agro Brunsvicensi custodiæ sunt traditi, quod subditos vi abstraxissent, neque querelis unquam responsum fuerit. Ne scintillæ istæ in apertam belli flammam erumperent, Ducis Saxo-Gothani opera effectum. Querela ista non erat unius Domus Brunsvicensis.

Obiit



Et Gundlingii.

Obiit Nicolaus Hieronymus Gundlingius, Academiæ Hallensis famosus Professor, de re litteraria, præsertim de Jure Publico, civili, feudali, & studio Historico bene meritus.

Anno 1730 Rex cum filio ad varias Germaniæ aulas inivit. Filiam primogenitam Culmbacensi despondit. (1731) Friderico autem Principi hæreditario Elisabetham Beveranam.

### §. 3.

219.

*Divisio hæreditatis Auriacæ. Causam Juliacensem cum Palatino vult transigere. Obiit. Succedit Fridericus II Heros invictissimus. Gesta in Silesia. Pax. Ludovigum, Böhmerum, Wolffium, Hoffmannum, viros doctissimos colit. Irruit denuo in Bobemiam. Frisiam Orientalem occupat. Lis de illa. Pignus luit.*

Divisio hæreditatis Auriacæ.

Anno 1732 Berolini divisa tandem est pinguis hæreditas Auriacæ, quam Wilhelmus III Rex Angliæ reliquit, inter Domum Brandenburgicam & Nassovio-Diezensem hætenus controversa.

Rex Borussiae retinet Principatum Meursiæ, & Comitatum Lingensem in Germania, Præfecturam Montfortensem in Geldria: plures ditiones in Hollandia: arcem Gravesand: Heristallum cum districtu in agro Leodiensi. Telonium Genepense in Brabantia cum ditione Turnhutensi: Domum Hagæ, cum omnibus provisionibus & melioramentis.

Principi autem Diecensi, Frisiæ Gubernatori, ceduntur reliqua, uti Gertrudenbergæ, Ulfisinga, Comitatus Bürensis, Breda, Gravia, aliæque multæ ditiones, decimæ, in Hollandia, & aliis provinciis. Utraque Domus potest uti titulis & insignibus successionis Auriacæ. Princeps recipit in se omnia debita, passiva & activa Auriacæ. Prætereo plura alia particularia bona ac jura, hinc atque inde cessa.

Anno 1733 Imperator per Seckendorffium cum Rege tractatum iniit, quo hic decem armatorum millia promisit adversus Gallos: qui tamen ita properarunt, ut primum mense Junio anni sequentis in castra venerint, Chetardio retardante. Sicut autem Franciscus Stephanus Magnus Dux Hetruriæ jam ante, sic anno isto Princeps Eugenius Junior Berolinum venit, cum omni honoris significatione a Rege exceptus.

Anno

Anno sequenti Rex cum filiis Friderico, Wilhelmo, Henrico, & Leopoldo Dessavio, ad Rhenum profectus, a Magno Eugenio Rex Rheni singulari cum apparatu exceptus est. Postquam autem omnia lustravit, domum rediit. Obiit Alexander de Wartensleben, omnium Mareschallorum antiquissimus, Gubernator Berolini, magna apud Regem pollens gratia: & anno sequenti Georgius Marchio Baruthanus, nono Regiminis sui anno. Successit filius Fridericus, 24 ætatis anno. Rex Societatem Scientiarum Berolinensem 3000 librorum auxit, & Cameram rerum naturalium plus quam trecentis raris monumentis.

Anno 1736 Stanislaus Rex Poloniae Regiomonte Berolinum venit, Regio more exceptus, atque inde in Franciam abiit.

Anno sequenti Rex cum Electore Palatino Carolo Philippo transigere voluit, imploratis etiam Anglis Hollandisque. Igitur per Degenfeldium, Ministrum suum, significandum curavit, quamvis vi Tractatus, anno 1670 initi, Juliensis Ducatus ad Domum Brandenburgicam pervenire debeat post extinctam Domum Neoburgicam, Regem tamen Borussiae Ducatum illum post mortem Electoris Principi Solisbacensi relicturum, modo illi Ducatus Montensis, cum Düsseldorfio, Ravensteinio, Winnenthalio, & Breckenfando cedantur. Quo facto spondet Rex, se thalerorum millionem Solisbacensi soluturum, & tribus ejus fratris defuncti filiabus 150000, & singulis pro dote 30000. At Elector respondit, se de manifestis juribus Principis Solisbacensis nihil posse remittere; quæcunque anno 1670 pacta sint inita, non potuisse iis, tanquam inter alios actis, juribus tertii præjudicium afferri.

Rex Berolini pro emigrantibus ex Bohemia novum templum extruxit. Munimenta Stettini reparavit auxitque.

Anno 1738 Rex cum filiis Friderico & Wilhelmo Mindam, Hamum, & Vefaliam profectus, tres ibidem legiones, Dessaviam, Dohniam, & Boreckiam lustravit. Ad aulas dein alias assymbolus divertit. Anno vero sequenti in Borussiam abiit, cura in omnes provincias, late diffusas, exporrecta. Neque magnis æconomio in paucis claro sua itinera sumptibus consistere. Chetardium Marchio Valory sublevavit.

Annus 1740 fatalis fuit magnis Principibus, nam Romano Imperio, Russiæ, & Borussiae caput abstulit. Et quidem Fridericum Obitus Regis. Wilhelmum, Borussiae Regem ultima Maji hydrope extinxit Pozdani, postquam 51 annis vixit, & 27 regnavit.



Liberi.

Ex Sophia Dorothea, Georgii Ludovici, Hannoverani Electoris, & Regis Angliæ filia, genuit 14 liberos, septem masculos, & totidem fœminas. Ex illis superstites reliquit, Fridericum successorem, natum 1712, Wilhelmum natum 1722, Henricum natum 1726, Ferdinandum, natum 1730.

Ex fœminis prima nupsit Marchioni Culmbacensi, altera Onolsbacensi, tertia Carolo Duci Brunsvicensi, quarta Marchioni Suetensi, quinta Adolpho Friderico Regi Sueciæ. *Fridericus II* vero desponsus est Elisabethæ Christiænæ Ferdinandi Alberti Ducis Beverani filiæ.

*Frid. succedit heros clariss.* 28 Annorum erat Heros iste, cum regnare cœpit; deinceps vero tanta gessit, quæ omnis stupeat posteritas. Homagium recepit Regiomonti in Borussia 16 Jul. in Marchia Brandenburgica 2 Aug. & Magdeburgi per procuratorem, Vefalia in Clivia 29 Aug. tum variis terris sub nomine Comitis de Ruppın peragratis, Brunsvici fratrem Wilhelmum, supremum militiæ Marefchallum, ac Gubernatorem Pomeraniæ, 18 tunc annorum juvenem, despondit cum Ludovica Amalia conjugis suæ sorore.

*Prima gesta.* A bellis regimen orsus, copias propter Herftallum Leodienfium primum agro, atque defuncto Carolo VI Silesiæ infudit; quæ omnia supra de rebus Germaniæ sunt relata. Ovans Berolinum regreffus aulam Ministris, militiam Ducibus instruxit, creavit Comites & Equites Nigræ Aquilæ; quin novum Ordinem *Pour les Merites* fundavit.

Anno 1741 post victoriam *Molwicensem* ab Inferiore Silesia homagium recepit, & in superiorem quoque, imo & in Moraviam & Bohemiam, direpto Glacio, irrupit. *Ludwigum*, inter eruditos celebrem, Cancellarium Magdeburgensem creavit: Christianum *Wolffium*, famosum Philosophum ac Mathematicum, Marpurgum Hallam reduxit, unde a Præconibus fuerat expulsus. Samuel Regiam *Schnettavium* ab Austriacis castris ad sua traduxit. Denique cum Regina Hungariæ pacem iniit, tota ferme parta Silesia. Hallæ Saxonum obiit *Hoffmannus* Medicus celeberrimus.

Quomodo anno 1744 irruerit Rex denuo in Bohemiam, Pragamque expugnavit, brevique, advenientibus Austriacis & Saxonibus copiis, eam rursus reliquerit, in Silesiam redierit, dictum est in Germanicis.

Ludwig

Ludovicam Ulricam sororem suam, anno 1720 natam Rex despondit Adolpho Friderico, electo in Suecia successori, hodierno Regi Sueciæ.

Iustus Henningus Böhmerus, Consiliarius Regis intimus & Professor Hallæ Saxonum, renuntiatus est Cancellarius Ducatus Magdeburgici, magno litteratis incitamento, cum viderent, homines eruditos tanto Regi esse in pretio. Böhmerus  
Cancellarius.

Obiit hoc anno Aurici Carolus Edzardus Princeps Frisiæ Orientalis, æt. 28, stirpis suæ ultimus. Rex Borussia, misso milite, ocus Rex Frisiæ provinciam possessionem cepit, exacto homagio, eo juris obtentu, Orientalem quod Imperatores Leopoldus, Josephus, & Carolus VI hoc feu occupatum, si Imperio aperiretur, Domui Brandeburgicæ (data expectantia) promississent.

Crediderant autem Batavi Embdenæ civitati & Statibus provincialibus supra millionem ducenta florenorum millia, & Principi Batavis mutuum restituit. Ezardo defuncto trecenta millia, sub hypotheca ditionum. Hollandi igitur præsidium Embdenæ aliisque locis imposuerunt; quæ res varias lites concitavit. At Rex Borussia, restituto Hollandis credito, provinciam ab eorum jure pignoratitio redemit: simulque Investituram a Cæsare, & Votum in Collegio Principum postulavit.

Sed intercessit Elector Hannoveranus, pacta confraternitatis atque unionis hæreditariæ, cum Principibus Ostfrisiæ inita, ob- Causa agitata. tendens. Magna inde contentio, scriptis & Juris Deductionibus ultro citroque fervide agitata. Accessit tertius competitor Comes Widenus, qui promiscuum esse feudum prætendit, illudque filiis suis, quorum mater & avia fuissent prognatæ ex familia Ostfrisia, vindicavit. Sed Borussio sua mansit possessio, cujus confirmationem Monachii a Vicario Imperii petiit, obtinuitque.

Cæterum Rex per Andrium, suum Londini Ministrum, Neucastlio Secretario Status scriptum hoc anno tradidit, quo causas Cur bellum novæ suæ in Bohemiam irruptionis exposuit. Plenum est querela- Cur bellum instaurarit. rum in Hungariæ Reginam: omnia ab ea rejecta pacis consilia. Electionem Cæsaream, ab ipso etiam Rege Angliæ, ut Electore Hannoverano, communiter factam, ab ea declaratam irritam, electumque throno suo rursus deturbandum, vel, ut consortem æqua potestate fructurum recipiat, cogendum. Copias Imperatoris ex Imperio pulsas. Membra in caput concitata. His se permotum Imperatori succurrere, prout Anglia & Hollandia Reginæ succurrissent, & cum Angliæ re- aliis Imperii Principibus unionem inire; nullatenus vero ut domi- sponder- nationem suam extendat, sed ut Germana libertas conservetur, &



pax æqua obtineatur. Quid facturam Magnam Britanniam, si in ejus Regnis tantis tragœdia exhiberetur, aut, si quis Regi coronam detrachere, & Prætendenti alicui imponere conaretur? Sicut igitur nullus Germanus cogitet, rebus Anglicis se immiscere, sic sperare Regem, Anglicanam Nationem non missuram falcem in alienam messem. De cætero se debita Silesiæ, per tractatum Uratislaviensem sibi imposita, usque ad ultimum assem soluturum. Hujus scripti multa exemplaria Minister Borussiae in populum sparsit, indignance Rege Angliæ, & privatum Articulum Unionis Francofurtensis objiciente, quo Bohemia inter Cæsarem & Borussiae fuisset divisa.

## §. 4.

*Gesta in Silesia & Saxonia. Ordinem Processus Judicialis per Coccejum reformat. Lis ob sponsonem pacis Dresdensis ab Imperio procurandam. De Montium Ducatu. Exstruitur templum Catholicum & sacellum pro militibus Berolini. Regis bellicæ & politicæ virtutes.*

220.  
Rex ubique victor triumphat.  
Anno 1745 Rex, parta *Fridbergensi* in Silesia victoria, ac subin etiam *Sohrana*, bellum in *Lusatiam* atque *Saxoniam* transtulit. *Kesfeldorffense* denique prælium pacem *Dresdensi* peperit; prout supra in *Germanicis* prolixius relatam. Rex autem *Berolinum* triumphans ingressus est, comitantibus *Wilhelmo* & *Henrico* fratribus, atque *Ferdinando Brunsvicensi*, gloriosæ expeditionis sociis. Distributæ *Belliducibus* urbes & provinciæ gubernandæ, rerum feliciter non minus ac fortiter gestarum præmia. Flancio commissa *Memelia*, *Budenbrockio* *Uratislavia*, *Kleistio* *Colberga*, *Kalchsteinio* *Glogavia*, *Dassovio* *Vesalia*. *Geslerus* supremi Ducis Legatus, natus in *Suevia*, sed oriundus ex *Helvetia*, propter heroica, in pugna præsertim *Fridbergensi* edita, cum tota sua familia Comitum dignitate, honoribus, & opibus auctus.

Novus processus Judicialis.

Ut autem Rex *Fridericus* non tantum summum belli Imperatorem, sed Politicos quoque & Justitiæ vindicem se probaret, per *Coccejum* Baronem, Jurisprudentiæ decus, ad decurtandas lites, novum Processus Judicialis ordinem constituit. Catholicis vero copiam fecit, *Berolini* propriis eorum sumptibus Ecclesiam construendi. *Ferberus* ab arcano Regi consilio *Spandavi* capite plexus est

est propter vetitum cum hoste commercium, propria, ut fertur, manu productus, convictusque.

Quo in vis per pacem Dresdensis compositæ viderentur dissidentium Principum controversiæ, novæ tamen mox iterum Domum in Novâ trice, inter Austriacam & Borussia succrescebant. Potissima vertebatur cum Austria circa sponsonem Imperii; nam summi contrahentes Art. IX pacis Dresdensis receperant, curatum iri, ut Imperii Ordines vades illius pacis sponsoresque accedant.

Nec abnuat Austria; sed voluit, ut etiam simul sponsio Imperii, anno 1732 præstita de ordine successionis Austriacæ, in Sanctione Pragmatica comprehenso, renovaretur. Plura, satis proluxa, in hanc rem scripta utrinque sunt publicata.

Excipiebant Borussi, successionem Austriacam nihil commune habere cum pace Dresdensi, aut hujus sponsione; cum ergo Regina Ob sponsione laudato Art. IX promiserit, curaturam se, ut vadimonium Imperii nem pacis impetretur, Decreto Commissorio Cæsaris hoc esse urgendum, quin Dresd. de successione Austriaca quæstio, de qua nihil in pace Dresdensi, misceatur.

Sed replicabant Austriaci, Regem non modo memorato sæpius Art. IX pro omnibus provinciis & ditionibus Reginæ spondisse, sed jam dudum antea, tum privatim, tum etiam anno 1732 cum toto Imperio, fide interposita, pro Sanctione Pragmatica, & contento in ea successionis ordine cavisse. Si igitur petat, ut Regina fidem suam liberet, merito jure reciproco exigi, ut & ipse suam exolvat, & Imperium sponsionem suam pro Sanctione Pragmatica renovet, idque eo magis, quod Ordines nunquam pro pace Dresdensi caveant, bene vero Sanctione Pragmatica. Certe explorati juris esse, ut quod quisque juris in alterum statuit, eodem & ipse utatur.

Postquam hæc rationum momenta Bernesius Cæsareus Legatus Berolini obtulerat, Brandenburgicum Ministerium longa Deductione anno 1747 *Duplicando* respondit, disparem esse rationem sponsionis Borussia & Austriacæ; nam anno 1728 inter Carolum VI Imperatorem & Fridericum Wilhelmum Regem Borussia arcanum fœdus Berolini fuisse percussum, quo Rex sponsionem pro Austriaca successione suscepit quidem, sed ea conditione & cautione, ut Cæsar Regi spondeat possessionem Ducatus Montium, post obitum Palatini Electoris Caroli Philippi obtinendam, atque sub eadem conditione datum a Rege postea suffragium in Comitibus pro sponsione Sanctionis Pragmaticæ.

Arcana deteguntur



De Montium  
Ducatu.

At vero postea Cæsarem anno 1737 ab hoc fœdere recessisse, atque per Legatum suum Hagæ Comitum Franciæ & Hollandis declarasse, se pro casu obitus Electoris Palatini Comitem Palatinum (Modernum Electorem) in possessionem Juliæ & Montium, armata etiam, si opus sit, manu, introducturum, atque in hanc rem anno 1739 Versaliis peculiarem tractatum fuisse initum, a Lichtensteinio oratore Cæsareo, & Ameloto Regio Status Secretario subscriptum.

Cum igitur Austria ab arcano Berolinensi fœdere recesserit, neque Regem se amplius eo obstrictum credidisse. Hæc aliaque, tum ultro citroque ventilata, publicis in monumentis extant. Ut tamen Cæsar benevolum erga Regem animum ipso opere demonstraret, infestationem Friisiæ Orientalis, a Vicario Imperii anno 1745 eidem factam, confirmavit.

Initium tem-  
pli Catholici  
Berolini.

Anno 1747 positus est nomine Regis a Comite Haackio primus lapis Berolini pro templo Catholico, Ceremonias ritu Catholico peragente Turno, Abbate Premetensi Ordinis Cisterciensis. Lapidem supponebatur numisma, cujus ex una parte Regis effigies viscebatur, ex altera hæc inscriptio: *Fautori suo Religio Romano-Catholica die 13 Julii 1747, adjectis litteris Regiæ concessionis, lingua Germanica & Gallica.* Lapidem tegebat bractea cuprea, cui impressum erat nomen Benedicti XIV Papæ, & Regis Friderici II, cum nomine S. Hedvigis Patronæ Silesiæ.

Aliud ædificium Berolini Rex molitus est pro infirmis militibus, adjecta gemina capella, altera Protestantibus, altera pro cultu Divino Catholicis destinata. Frons hujus domus hanc inscriptionem præfert: *læso & invicto Militi.* Potsdami quoque novum palatium voluptuarium erexit; cui nomen *Sans Soucy*, hoc est, *sine cura* imposuit.

Laus Regis.

Verum raro sine curis fuit, uti militaribus, ita politicis artibus & æconomicis excellens hic Princeps. Tondebat quidem oves, sed ut vellera possent succrescere, eis providit: agriculturam, commercia, artes mechanicas, & quidquid pecuniam, rerum agendarum nervum, subditis afferre posset, exporrigente se in omnem partem sollicitudine, florentem ad statum perduxit. Hinc Svinemundanus portus navigationibus aptatus: immissæ naves mercatoriæ pelago: Embdanus in Ostfrisiam portus Indias cum Europa conjunxit. Dici sane de Magno hoc Principe posset, quod ille quondam: *utinam noster esses!*

## §. 5.

*Codex Fridericianus introductus. Embdena navigatio. Obit Böhmerus, & Wolffius. Lis ob jus Stapulae. Aliquid de bello ultimo & Mechlenburgico Ducatu.*

1748 Regiæ Scientiarum Academiæ novum ornamentum accessit a Cardinale Quirino & Scipione Maffeo, qui Academiæ illi, cujus Præses erat Clarissimus *Maupertuis*, sunt associati. Ordinatio Processus Judicialis ad decurtandas lites, a *Coccejo*, Cancellario & *Codex Fridericianus*. 221.  
Arcani Senatus Ministro confecta, per Provincias Regis fuit introducta. Fridericus ex linea Brandenburgica collateralis Dux Baruthanus filiam suam magnas inter solennitates despondit Duci Würtembergico regnanti.

Anno 1749 Rex, ceu supremus Dux Silesiæ, throno insidens, Principi Lobkovicio flectenti genua Saganum Principatum jure beneficiario possidendum tradidit: prout etiam Schaffgotsio, Episcopo Uratislaviensi Principatum Neussæ & Grotkaviæ.

Obit Justus Heninges *Böhmerus*, Hallæ Professor Jurisprudentiæ famosus, Cancellarius Magdeburgicus, & Regius Senator. Scribitur *Böhmeri* obitus.  
psit Jus Canonicum, quale ab homine Lutherano exspectes. Cum Protestantibus nullum habeant Jus Ecclesiasticum, Pontificum Decretalibus uti coguntur; sed illas mutilant, variant, & pro libidine ad suas ideas detorquent, præsertim ubi de matrimonio aliisque Sacramentis, de sacris Ordinibus, usu Pallii, Immunitate Ecclesiastica, potestate Pontificis & Episcoporum, de Regularibus, eorumque votis, de Beneficiis Ecclesiasticis, & Concordatis Germaniæ loquuntur.

Anno 1750 & 51 Rex cum fratribus suis & Ferdinando Brunsvicensi Principe, comite assiduo, visitandis ordinandisque provinciis suis impendit. Singulari apud eum valuit gratia famosus *Voltaire*. Philologus, quem Camerarium suum renuntiavit, 3000 thalerorum pensione auctum; qui tamen postea gratia excidit, & Genevam discessit. Embdenæ Societati mercatoriæ, sub protectionem assumptæ, insignia privilegia collata.

1752 Rex duas naves mercatorias Embdena in Chinam misit, dissimulantibus Anglis & Hollandis. Anglos tamen nautas dimittere oportuit, cum lege cautum esset, ut nullus Anglus peregrinis in navibus serviat. Ut justitiæ administratio promoveretur, Rex in lites & processus pendentes inquiri jussit, atque 9366 invenit; ex quibus eodem adhuc anno 6802 per sententiam sunt expediti. Nobiles



biles 20mo, civium vero filios 21mo ætatis anno *Majores* declaravit, sic tamen, ut usque ad 24tū annum capitalia & bona immobilia alienare non possent. Pomeraniam 59 pagis, & 876 familiis auxit. Tres Borussia Circulos in octonos divisit, deductis eo colonis.

Embdena  
navigatio.

1753 *Embdena navigatio* in solam Chinam hætenus erat destinata, unde oneraria hoc anno venerat, jam vero etiam in Bengala commercandi privilegium eidem Societati mercatoriæ fuit concessum, ea tamen lege, ne merces venderet in provinciis, in quibus erectæ sunt fabricæ Regis. Arx Marchionis Baruthani cum templo aulico tota propemodum in cineres redacta.

Wolffius  
obit.

1754 Ericum de *Plotbo* renuntiavit Arcani Status Ministrum, suumque ad Comitum Ratisbonensium Legatum. Obiit Hallæ Saxonum Baro Christianus *Wolffius*, 75 æt. anno, natione Silesius, famosus Philosophus & Mathematicus, intimus Regis Consiliarius, Academiæ Hallensis Cancellarius, Senior, & Professor Matheseos, Juris Naturæ & Gentium, contra quod tamen non uno duntaxat loco impigit. Cum res physicas ita explicaret, ut etiam miracula Christi e medio tollere videretur, urgentibus Prædicantibus Halla excedere debuit, sed postea magno cum applausu fuit reductus. Viri docti laudem ei nemo ademerit.

Eisob. Jus  
Stapulæ.

1755. Initus fuit jam anno 1728 Saxoniam inter & Brandenburgiam Tractatus Commercialis, quo Lipsiæ Jus *Stapulæ*, a Cæsare & Imperio ei dudum collatum, afferebatur, quo videlicet merces per urbem & certum illius districtum transvectæ publicæ venales ad certum tempus exponi debent. Hoc vero anno Magdeburgum simile Jus *Stapulæ* cepit exercere, atque mercibus, Lipsiam deferri solitis, vestigal imponere. Declinatis igitur terris Brandenburgicis merces Hamburgo Lipsiam deportabantur, longiore licet via.

Ventum tandem ad transactionis tractatum. Verum anno sequenti, cum majora jam agerentur consilia, Commissarii Brandenburgici re infecta sunt avocati.

Fridericus Marchio Baruthanus hoc anno, peragrata Gallia, Avenione substitit, indeque Genuam transmissus, Italiam visit. Rumore autem serpente de mutandæ religionis consilio, Rex Borussia per suum Ratisbonæ Legatum, significasse dicitur, mirari se, illum rumorem spargi, cum ex Familia sua ab aliquot centenis annis nemo religionem mutarit. Incredibile est, Regem eruditissimum hæc dixisse; cum notorium sit, Electores Brandenburgicos a Luthero ad Calvinum transisse, & Christianum Wilhelmum, Joannis Sigismundi Electoris fratrem, Relig. Catholicam Viennæ fuisse amplexum.

Quantum

Quantum anno 1756 fuerit bellum excitatum, omnes novimus, satisque experta est Saxonia, Bohemia, Borussia, Pomerania, Silesia, De Bello ult. Moravia, Lusatia, Mechlenburgum: pugnae cruentae, Lobosicia, Pragen- gen- sis, Planiana, Rosbacensis, Preslaviensis, Lissana, Jägersdorffensis, Zorndorffensis, Hochkirchenensis, Kunnersdorffensis, Torgaviensis, omnes a Rege Borussiae confertae, testes. Quot urbes oppugnatae, aut expugnatae, aut ignibus infestatae? Wittenberga, Torgavium, Lipsia, Dresda, Praga, Regio- Gradecium, Zittavia, Budissa, Olomucium, Berolinum, Uratislavia, Schweidnizium, Cystrinum, Regiomontum, Colberga, Glacium, quanta nomina! loquuntur. In appendice uberior de his erit sermo.

Anno 1760 Wernerus Dux Borussiae in *Mechlenburgicum Ducatum* movens, litteras patentes praemisit ad Magistratus & Praefectos, De Mech- quibus eos totamque Schwerinensem provinciam Regi Borussiae subje- lenb. Ducatu- ctam esse declaravit, exegitque sub incendiis comminatione, praeter ingentem pecuniam vim annonam & cibaria pro suis copiis. Respondit Ducis Schwerinensis nomine Lantingshusius, militiae Suecicae Praefectus, adhortando Provinciales, ut Duci Domino suo fidem servent; non esse in Werneri potestate, alienos subditos a vinculo subjectionis absolvere, & alterius Domini potestati subicere. Si autem Regis voluntate haec attententur, apertam fore rupturam pacis Westphalicae, sub sponse & fidejussione coronae Suecicae constitutae. Prohibet denique, ne quidquam contribuant Borussiae, sine Ducis Domini sui consensu, promittitque Ducatus tutelam. Verum, cum Sueci recederent, praevalenti potentiae cedendum fuit. Exactus a Wurtembergensi Principe Imperialium millio cum magno apparatu rei annonariae. Surgebat nihilominus tantos inter fragores Ducis liberalitate Buzoviae nova studiorum Universitas, tranquilla Musarum sedes.

Anno 1761 Dux Schwerinensis subtraxit oculos patriae servientis spectaculo, atque Lubecam modo, modo Hamburgum concessit; juvenilis quoque pubes recessit, ne sub signa cogeretur. Copiae vero militares Mechlenburgicae adhuc in Insula Rugia morabantur; quia Dux nolebat vim vi repellere, sed via juris Ratisbonae, quamvis frustra, procedere conabatur; cum inter armorum strepitum leges non exaudiantur.

Quinta Maji 1762 novum Russiae Imperatorem inter & Regem Borussiae per Golzium Baronem, & Woranzovium Comitem pax fuit composita, qua opimiorem Borussiae ne quidem poterant appetere. Reddita Pomerania atque Borussia, Schweidnicio & Glazio adhuc sub potestate Austriaca persistentibus, Rhenanis vero provinciis, Geldria & Clivia, sub praefidiis Gallicis detentis, donec & illas annus 1763 restituit.



CAPUT XVI.  
Status Daniæ  
SÆCULO XVIII.

§. 1.

*Danus Holsatiam Ducalem invadit. Pax Travendalensis, rupta post Pultavanam Sueci cladem. Dani, a Suecis ad Helsinburgum victi, Scania ejiciuntur. Rostochium capiunt.*

222.

Anno 1700 Dux Holsato-Gottorpiensis munimenta quædam sua in ditione erexerat, Suecico recepto præsidio, quod indigne ferens Rex Daniæ, Wittenbergum cum 12 armatorum millibus Holsatiæ Ducali immisit, eamque totam propemodum occupavit, Tönninga obsidione tentata. At accurrentibus in auxilium Ducis inde Suecis, hinc Luneburgicis, inita est Pax Travendalica his conditionibus.

Pax Travendalica,

Omnium, quæ bello acta sunt, sit oblivio & amnestia, qua etiam fruantur Lubeca & Hamburgum. Tractatus antiqui renovantur. Uterque Holsatiæ Ducatus, Regalis videlicet & Ducalis, maneat æquales, ita quidem, ut Rex & ejus successores neque ratione Ducatus Holsato-Schlesvicensis ullam sibi prærogativam aut jus in Gottorpienses possit arrogare. Rex Duci in damnorum compensationem solvat 260000 Thalers Imperiales, neque a Suecis aliquid repetet. Domus Luneburgica nullum feret auxilium Regi Poloniæ, qui Livoniam invasit, contra quem & Moscum Carolus XII Rex Sueciæ bellum apparat.

Post Pultavanam pugnam rupta.

Conquævit dein Dania, paci huic insistens, quamdiu Rex Sueciæ in Polonia & Saxonia tumultuabatur. At postquam is anno 1709 fuit per cladem Pultavanam fractus, Fridericus IV Rex, percussus cum Augusto Poloniæ rursus Rege, & Petro Magno Duce fœdere, Suecis bellum denuntiavit; regiones septentrionales ab aliquot annis a Suecis fuisse turbatas, inquebat; notam abunde esse inquietam & ferocem Caroli indolem, quæ in ipsa etiam Regum capita

pita grassetur; perspectum insuper ejus in se animum & consilia, ambitione & ubique dominandi libidine turgentia. Daniam variis affectam injuriis. Et quæ sunt plura similia, a Suecis postea confutata.

At ferro efficacius fortiusque quam penna disputarunt Sueci, dum Danos, Ranzovio ductore in Scaniam trajectos, atque insigni ad *Helsingburgum* prælio a *Steinbockio* victos, in Zelandiam suam rejecerunt.

Dani, Russicis auxiliis succinēti, alteram aleam tentandam putarunt, & in Scaniam expeditionem repetendam. Commissum navale prælium, quod ventorum turbines disjecere.

Cum expeditio in Sueciam minus prosperum successum habuisset, ad Germanicas Suecorum ditones Rex animum consiliaque convertit, & primo quidem Rostochium expugnavit, dein vero Stralfundam & Wismariam infestare est aggressus, sed conatu irrito.

## §. 2.

*Annis sequentibus feliciores Dani Stadam cum Bremensi Ducatu occupant. Profigato captoque Steinbockio, plures urbes. Pax.*

*Quæ Slesvicensem Ducatum Danis attulit. Accedunt fœderi Hannoverano. Succedit Friderico IV Christianus VI, qui fœdus init cum Cæsare, Russia, ac dein etiam Sueco.*

*Subsidia dat Anglo præ Gallo. Filio Sueciæ coronam imponere conatur, ut tria regna conjungat. Sed*

*Hollatus eligitur. Promittit tamen Suecia senon miscere causæ Slesvicensi.*

Anno 1712 Dani expugnata *Stada* Bremensem Ducatum occuparunt. Sed paulo post in Megapolitano Ducatu a Suecis acie sunt victi. At anno sequenti Dani, Russi & Saxones *Steinbockium*, <sup>223.</sup> Sueci a Danis victi. Suecorum Ductorem, ad *Tönningam* in *Holsatia*, eo adegerunt, ut cum toto suo exercitu more militari captivum se dederet. *Tönningæ* vero (quæ ad Ducem *Gottorpiensem* pertinebat) munimenta solo æquata sunt; anno 1714 insuper Insulam *Heilglandiam* Suecis eripuerunt Dani: & anno sequente Insulam *Rügiā*; 1715 *Stralfundam*,



Sundam, Rege ipso Friderico IV triginta sex armatorum millia in Pomeraniam ducente.

Anno 1716 Dani Suecos, in Norvegiam irrupentes, retulerunt. Intenta vero in Scaniam irruptio effectu caruit. Proximo anno Wisnaria, Suecis erepta, a Danis munimentis omnibus est exuta. Magnus Steinbockius victor victusque obiit in Danica captivitate. Dani magna solennitate alterum fidei Lutheranae saeculum celebrarunt. Documento aptiore fateri non poterant, quam antiqua sit sua fides & Ecclesia. Anno 1718 Daniae vires in defendenda Norvegia erant occupatae, in quam Carolus Sueciae Rex magna ferocia irruebat, sed mortem reportavit: postquam Sueci fugerunt in patriam. 1719 munimentum Marstrandense expugnarunt Dani cum castello Carlsteinio. Danckwartus vero urbis Praefectus ob deditionem a Suecis capite plexus est. Adveniente sub Norisio classe Anglica induciae sex mensium Suecos inter & Danos fuerunt initae. 1720 mediante Anglia tandem pax est consecuta, cuius articulos, aliaque ad hoc bellum pertinentia prolixius in Suecicis dedimus. Fructus belli praecipuus erat Ducatus Schlesvicensis, a Suecia sub cautione Galliae & Angliae Dano concessus, non attenta protestatione Gottorpiensi.

Pax cum  
Suecis.

Anno 1721 obiit Ludovica Mechlenburgica, Friderici IV Danicae Regis uxor. Altero post illius sepulturam die Rex publicavit suum conjugium cum Reventlavia, Cancellarii sui filia, quam jam ab anno 1713 cognitam, Schlesvicensem Ducem creaverat. Non dabatur ei initio Reginae titulus, donec Rex ipse postea illum eidem tribuit. Hübnerus in suis tabellis genealogicis diligenter annotat pellices & proles illegitimas Catholicorum Principum: cur non etiam Lutheranorum?

Pluribus dein annis Rex bona pace fruebatur, & visitando Norvegiam, Slesvicum, Holsatiam, Oldenburgum, suas extra Daniam provincias, quae ex usu esse videbantur, ordinavit: punita etiam conspiratione, quae in Norvegia fuerat detecta.

Cum anno 1726 Russiae Imperatrix, instructa classe, Ducem Holsatiae in Ducatum Schlesvicensem restituere cogitaret, classis Danica Anglica juncta ad Livoniam excubabat, impeditque, ne illa emitti posset. Caterum foederati Hannoverani vehementer urgebant, ut Dania tractatui illorum socia accederet. quod tandem anno 1727 obtinuerunt.

Dania ad foedus Hannoveranum.

Anno 1728 ingens incendium Hafniam prope in cineres redegit. Conflata nihilominus nova mercatorum Gröningensis societas. Navigatum in Gröningam, sed nullo operæ pretio. Varia etiam inita consilia, quibus Indica Orientalis societas languenti commercio succollaret. In Laponiam quoque extensa lucrandi cupiditas, merces, modo peregrinæ sint, facile emptores inventuras rata.

Anno 1730 obiit *Fridericus IV* Rex Daniæ, æt. 60, Regni 31. *Friderico IV* Regina vidua, Comitis Reventlavii filia, mox ab Aula recessit. iuccedit  
Funus Rotschildam, Regum Daniæ sepulchrum, delatum. Succes. Christ. VI.  
fit filius *Christianus VI* natus 1699 ex prima patris conjuge Mechlenburgica. Anno sequenti unctus & coronatus est ab Episcopis. Creati plures Equites Ordinis Elephantini, & Dannebrogici. Reventlavii Comites muneribus dejecti: aliis, ut fieri amat, ascendentibus, aliis descendentibus.

Anno 1732. Rex Ordinem *Fidelitatis* fundavit, in quem multos utriusque sexus suscepit. Triplex inde fœdus initum, inter Cæsarem, Russiam & Daniam. Septem articulis constat.

1. & 2. Promittitur constans amicitia, & promotio communis utilitatis.

3. Excluduntur omnia fœdera, huic contraria. Promittitur defensio omnium provinciarum, defacto possessarum.

4. Præsertim vero Rex Daniæ cavet spondetque pro Sanctione *Fœdus cum*  
Cæsaris Pragmatica. *Cæsare &*

5. Si pars contrahentium invaderetur in Europâ, reliquæ *Russia.*  
assistent; nec arma ponent, donec ex integro fuerit satisfactum.

6. & 7. Liberum est aliis, huic Tractatui accedere. Intra 3  
menses fiat ratificationum commutatio.

*Actum Hafniæ 26 Maji 1732.*

Præterea separato articulo promittit Rex Daniæ millionem thalerorum, si Gottorpiensis Dux desistat a sua præensione in Ducatum Schlesvicensem; danturque ei duo anni ad deliberandum.

Anno 1734. Rex vi fœderis Cæsari ad Rhenum misit 6000 virorum, quos ipse Altonæ lustravit; Hamburgum inde & Oldenburgum progressus, comitante conjuge Baruthana. Cum vero *Cum Suecia,*  
Gallia & Russica classis in Balthico ob bellum Polonicum appareret, Daniæ & Sueciæ, sepositis simultatibus, fœdus defensivum perculserunt; quo promittitur amicitia & communis commodi cura, cum sponfione pro iis, quæ actu possident. Pro casu invasionis alter contrahens alteri assistat 2000 equitibus, & 6000 peditibus, 4 tor-  
mentis

R r r r 3



mentis campestribus, & 6 navibus bellicis, probe instructis, atque pluribus etiam, si necessitas requirat, iisque sit liber ingressus in portus alterius. Hoc fœdus non obstat tractatibus, cum aliis initis.

*Actum Holmiæ 5 Oct. 1734.*

Subscripserunt pro Rege Daniæ Sestadius Legatus, pro Rege Sueciæ Hornius cum aliis 5 Ministris. Sed nullus erat hostis. Classis Gallicæ ac Russicæ Dantiscum erat scopus.

Anno 1736 Rex salubri consilio prohibuit, ne quis aurum vel argentum in vestimentis portet. Annis sequentibus litis aliquid intercessit cum Hollandis propter telonium in freto Oresundico, & piscationem.

Anno 1739 Gallus & Anglus certabant, quis alter alteri Danum præripiat. Chavignius Franciæ Legatus invitabat Regem, ut Tractatui subsidiorum, cum Suecis anno superiore concluso, accederet, promissis, ut fertur, in annos singulos octingentis florenorum millibus. Sed prævenit Titleus Anglus, qui cum Rege pactum icit.

Confirmantur tractatus anteriores. Dania alet 1000 equites & 5000 pedites. Anglia autem solvet tribus annis 25000 thaleros, cum delectuum sumptibus. Anglia assistet Daniæ terra marique.

Anno 1740 cum Galli Westphaliæ ingrederentur, Rex Angliæ petiit promissas auxiliares copias, & impetravit: in Holsatiam missæ, trajectoque Albi cum Hannoveranis se conjunxerunt.

Rex tria  
regna unire  
cogitat per  
fœdum.

Anno 1742 & 43. Cum in Suecia agitaretur negotium de successore in regno eligendo, Rex Daniæ Principem suum hæreditarium vehementer commendabat, omnia, si eum eligerent, pollicitus: tria sic Regna, Sueciæ, Daniæ, Norvegiæ rursus conjunctum iri, sicut per Unionem Calmariensem 1398 fuissent conjuncta: offerebat fœdus off- & defensivum, cum 12 navibus bellicis, & 12000 armatorum.

Berckentinus Holmiam missus, cum Gyllenborgio Sueciæ Cancellario, Tessino, Wrangelio aliisque regni senatoribus negotium egit. Prædicantibus & rusticis placuit Danus, atque obtinenda per eum regnorum unio, non autem Nobilium & civium Ordinibus. Hinc isti de industria Comitia differebant, donec pax Aboæna esset composita, ut dein velut cogerentur Adolpho Holsato suffragium dare. Et sane hæc erat callida senatorum politica, ut & haberent successorem, quem volebant, & simul per comminationem Dani eligendi terrerent Russos, metuentes, ne per Danum tria illa

illa regna coalescerent, atque hoc pacto obtinerent pacem, non ut victi sed victores.

Cum dein Holfatus electus esset, Rex Daniae, ut creditur pro-  
num, id graviter ferens, electionem irritam dixit, eo quod major  
Statuum pars Principi Regio suffragium dedisset: certam insuper sibi  
datum spem, imo assecurationem, ratione Ducatus Schlesvicensis  
in pace Aboana, peculiari articulo sibi securitatem iri praestitum, jam  
vero nec mentionem de eo factam.

Holfatum  
electum  
graviter  
ferit.

Reposuit Comes Tessin Legatus Suecicus, Principem Regium  
ante electionem habuisse quidem Statum Ecclesiasticum & rusticum  
sibi faventes, at in ipsa electione mutasse sententiam. De Schles-  
vicensis causa Russos noluisse tractari, sed eam in aliud tempus re-  
missam.

At vacuum hanc excusationem esse Rex existimans, terra ma-  
rique bellum apparavit. Sed ubi videt Suecos non timide respon-  
suros, & insuper totas Russiae vires in se pugnaturas, iram suam  
temperandam aliquantum duxit, atque id tantummodo petendum,  
ut Adolphus, successor declaratus, suo in Holfatiam juri renuntiet;  
quo amicitia inter utrumque regnum restaurari posset.

Proposita haec postulata sunt Adolpho successori. Is autem  
respondit, coactam sibi renuntiationem istam videri; dein non ad  
se, tutorem haecenus duntaxat, sed ad Fridericum Principem Rus-  
siae, ceu caput Domus Holfato-Gottorpianae pertinere, de Hol-  
fatiae juribus disponere. Atque hoc pacto petitionem odiosam a se  
amoliendam putavit. Senatus autem Sueciae reposuit, jam art. 6 pacis,  
anno 1720 conclusae, promissum a Suecis, se nec directe nec indirecte  
immixturos in causam Schlesvicensem, aut Duci Holfatiae in hac  
parte opitulaturos. Hanc autem sufficientem utique esse cautionem  
pro Dania, ultra quam non appareat, quid exigi vel ab amica vel  
hostili etiam gente possit, praesertim cum jam primo articulo foederis  
defensivi, anno 1734 icti, a Suecis cautum sit pro omnibus di-  
tionibus, a Dania possessis.

Regius Princeps, qui excidit spe Sueciae, ad alia vota transit,  
& Regiam Principem thori consortem sibi adlegit, Ludovicam vi-  
delicet, Georgii II Britanniae Regis filiam, magno cum apparatu in  
diversis prius arcibus voluptuariis, ac denique Hafniae exceptam.



## §. 3.

*Succedit Frid. V. Angli gener. Quamvis Sevenfi Tractatui per Linardum fidejussor accesserit, toto tamen ultimo bello neutras partes secutus est. Comitem S. Germani copiis præficit.*

124.

Quamvis anno superiore omnia bellum, Sueciam inter & Dania gerendum spirare videbantur, hoc (1744) industria Comitiss Teflini Legati Sueci, imminens procella amica conventionem est averfa. Dania renuntiat prætensioni ad coronam Suecicam. Hæc vero renovat tractatum anni 1720, & 1734, quo promissit, causæ Schlesvicensi se non miscere. Similitates quoque inter Aulam Danicam & Russicam sunt compositæ.

Ut Rex Christianus VI Fridericiam, novam ac munitam urbem, incolis & commercantibus frequentem redderet, potestatem fecit Catholicis, Calvinistis & Judæis, templa pro se construendi.

Anno 1745. Rex subsidiorum tractatum in duos annos prorogavit. Gallia promittit 1200000 Imperialium. Dania autem nulli externo præbebit auxilia. Quæ proin, cum Prætendentis filius in Scotiam solveret, Anglia frustra petens a Dano, ab Hassia obtinuit.

Obit Christ.  
VI.

Succedit  
Frid. V.

Anno 1746 obiit Christianus VI Rex Daniæ & Norvegiæ, æt. 47, regni 16. Funus Rotchildam, consuetum Regum Mausolæum, deportatum. Ex Sophia Culinbacensi reliquit successorem Fridericum V, natum 1723, Angliæ Regis generum. Qui, Aula sua constituta, cum Algerianis transiegit, ne naves, sub vexillis Danicis in Mediterraneo comparentes, deprædarentur. Pro quo Piratarum beneficio Legatus Danicus obtulit non modicam vim rei armamentariæ.

Anno 1747. Rex Fridericus V cum conjuge sua Friderica burgi solenni pompa fuit coronatus.

Cum Rege Utriusque Siciliæ Tractatum commercialem iniit, 40 articulis comprehensum.

1749. Rex solenne per omnes suas provincias triduum indixit, quo celebraretur memoria XII Regum, qui ex Domo Oldenburgica per tria sæcula continua serie regnassent. Oratores & Poetæ hic pharetras suas exhauferunt.

Fœdus cum Suecis in alios 15 annos prorogatum. Ut annosæ lites amputarentur, Rex viva voce Recessus formari coram Judicibus iussit, abolitis scriptorum ambagibus.

Magno vitæ periculo in examinanda re armamentaria Rex defunctus, amisit Reginam conjugem, Georgii II Angliæ Regis filiam, in puerperio una cum prole extinctam.

Solus ferme Europæos inter Principes Rex Daniæ nullas in partibus abiit, dum bellum ultimum totam prope Europam, quin Asiam quoque, Africam & Americam pervagaretur. Consultius videlicet visum Regi sapientissimo, populos a Deo sibi concreditos in pace tranquilla gubernare, quam belli calamitatibus & incertis eventibus exponere. Maria interim, aliis turbida, & oppellulata, Daniæ erant aperta & pacata, ingenti commerciorum proventu. Sevenfi equidem tractatui, Gallis fatali, per Linardum Comitem sponsor & fideiussor accesserat; sed nescio, quo fato, optima ejus, quod præsumendum, intentio fuerit frustrata.

Cum classis Anglica in Balthicum ventura nuntiaretur, Danus accessit tractatui, anno 1759 Russiam inter & Sueciam pro securitate & libertate navigationum & commerciorum inito, atque in eum usum sex naves bellicas instruxerat. Nec minus eruditioni consulebat, dum viros doctos in Thraciam, Syriam, & Arabiam ablegavit, ut doctrinæ monumenta inde eruerent.

Comes de S. Germano, postquam a castris Gallicis ad Danicam transierat, Regis voluntate haud procul Hamburgo 15000 armatorum castra locaverat.

Similia castra in Holsatia Rex posuerat, vel ad exercendum militem, vel demonstrandum, quantum momentum esset additurus, si alterutri belligerantium parti se se adjungeret.

Anno 1762, postquam novus Russiæ Imperator pacem cum Borussia percusserat, Daniæ minitari videbatur, ut Regem Holsatiæ possessione dejiceret. Factus utrinque apparatus; sed postquam Imperator throno suo fuit deturbatus, causa Berolini fuit composita.



CAPUT XVII.  
 Status Moscoviæ  
 SÆCULO XVIII.

## §. 1.

*Carolus XII Petrum I variis primum cladibus affecit, sed ad  
 Pultavam penitus est profligatus. Zarus Livoniam occupat.  
 Turcam primum vincit, dein vero conclusus pacem  
 obtinuit.*

225.

Petrus vin-  
 citur a Car.

Sub initium sæculi XVIII Moscovia, hætenus in tenebris ferme  
 sepulta, nec magno nexu Europæ cohærens, a Petro I arte  
 militari exulta, vires suas, & immensam provinciarum amplitu-  
 dinem noscere & æstimare cœpit. Ut adeo non modicam hodie  
 partem Historiæ constituat. Suecia visa idonea, quam bello appe-  
 teret, cui alias jam Augustus Poloniæ Rex bellum indixerat. Huic  
 fœdere junctus Petrus *Narvam* obsedit; sed Carolus XII Sueciæ  
 Rex cum parva, in comparatione Moscovitici exercitus multitudine,  
 manu Russos immani illata clade penitus profligavit. (1701.)

Narvam &  
 Mietaviam  
 capit.

Digressio dein Sueco in Poloniam ad Augustum Regem profligan-  
 dum, Moscus Livoniam pressit; expugnat anno 1704 *Narvam*  
 cum memorabili Suecorum clade. Mittit aliquot millia Regi Augu-  
 sto in Poloniam. Occupat *Mietaviam*; a Löwenhauptio tamen vi-  
 ctus, copias suas ad propriam defensionem ex Polonia revocavit.

Decretoria  
 ad Pultavam  
 victoria.

Vario deinceps Marte certatum ad annum usque 1709, qui in  
 suo principio Moscoviam in magnum discrimen adduxit, in decursu  
 vero ad fastigium gloriæ & felicitatis provexit; quippe, cum Caro-  
 lus XII Sueciæ Rex dejecto Augusto Poloniæ throno, Petrum quo-  
 que Magnum Moscoviæ Ducem e dignitatis apice præcipitare cor-  
 stitutum haberet, cum valido & victoriis affueto exercitu in Ru-  
 siam movit, & Pultavam, munitam in Ucraina urbem, obsedit.

At incidit in heröem, bellicarum non minus, quam politica-  
 rum, quas per Europam didicerat, artium gnarum, Petrum I, qui  
 commissâ pugna acerrima grandem Colossus uno veluti ictu penitus  
 pro-

prostravit, captis, quæ cladi Pultavanæ supererant, ad Boristenem Suecorum reliquis, ipsoque Rege in parte felicitatis ponere coacto, quod rimam invenerit, per quam penetraret in asylum Turcicum. Zarus vero triumphum solennem egit, ingressusque est Moscuvam eques, laterastipantibus hinc Menzikoffio, illinc Doloruckio. Captivi Sueci pedites sequebantur, quos inter eminebant, Comes Piper, primus Sueciæ Minister, Reinschildus, Löwenhauptus, Schlippenbachius, Roseus, Stackelbergius, Hamilton, alique plures agminum Duces & Chiliarchæ. Post hos vehebantur capta Suecorum arma, tormenta bellica, machinæ &c.

Initium hoc magnitudinis Russicæ, & decrescantis Sueciæ. Omnia siquidem deinceps Zaro in Livonia, Ingria, & Finnia fuere proniora. Nam Rigam, Dünemundam, Pernavium, Revalium cum tota Livonia, atque Wiburgum, Abonam, aliasque urbes in Finnia expugnavit (anno 1710.)

Progressibus Moscorum ulterioribus intercessere Turcæ, qui a Carolo Sueciæ Rege permoti sunt, ut Russis bellum denuntiarent, quo Carolus & Stanislaus in regnum reducerentur. Primum in Russicas provincias irruptionem fecerunt Tartari, sed a Galizio strenue sunt repulsi. Zarus, tracto in suas partes Cantemirio Principe, in Moldaviam movet, inde in Turciam penetraturus. Ad Pruthum pugna confertur, qua Russus victor non levem Tartaris & Turcis cladem infert.

Verum accurrentibus undique magno numero cum majoribus machinis Turcis, conclusus veluti fuit caudinas inter furcas Russorum exercitus. Petrus magnitudine periculi territus, pacem a Vezirio petiit, aureoque, ut fertur, ariete barbari pectus perfringit. Sancitur pax in has leges.

1. Assacum (Asof) præclarum ad Ostia Tanais munimentum, Moscus Turcis restituat, cum omnibus ab eo dependentibus.

2. Tangarocum, Camenecium, aliæque munitiones, recens a Russis constructæ, solo æquentur.

3. Zarus se non amplius misceat rebus Polonicis, Cossaccis, aut Tartaricis.

4. Sueciæ Regi liber permittatur transitus ad suas provincias.

Quamvis autem hæc pax Pruthena Turcis fuerit admodum proficua, ob receptum præsertim Assacum, non defuere tamen scriptores, qui cum Aurignio Vezirium grandis imprudentiæ ob præcipitatum hanc pacem accusent.



Pacem obti-  
neret.

Eam fuisse Russici exercitus inclusi conditionem, inquiunt, ut una die ad internecionem concideret, Stanislaus in regnum, & Carolus in Status suos potuisset restitui, Portæ Ottomannicæ majora commoda provideri, & omnia, quæ ex Pultavensi clade consecuta sunt, damna reparari. Sed tractatus isti facilius sunt concepti, quam executioni dati. (1711.)

## §. 2.

*Pax cum Turcis. Prosecutio belli cum Suecis. Zari filius Alexius fugit. Obit in carcere: relicto Petro filio. Pax*

*Suecica. Imperatoris titulus. Expeditio ad Caspium.*

*Holsatus gener Zari. Hujus mors. Elogium.*

*Stemma.*

226.  
Conventio  
cum Turcis.

Post Pruthenam pacem, cum Turcis initam, Russi anno 1712 Tanain (Alof) permunitam ad Paludem Maoticam & Ostia Tanais urbem, iisdem reddiderunt. Cum autem Turcæ novum bellum, ob retentas in Polonia copias, & forte etiam in favorem Caroli XII apud eos adhucdum exulantis, minitarentur, nova iterum conventio est inita. Vi cujus Russi intra tres menses Poloniam deferrent, nec reverterentur: Carolo regressum ad suum regnum concederent. Intra Tanain & Circassiam nulla munimenta construerent. Kioviam & Ucraniam retinerent, cum Cosaccistamen ultra Boristenem nihil negotii haberent.

Continuatio  
belli Suecici.

Anno 1713 Zarus expeditionem in Holsatiam & Finniam feliciter suscepit; prout dictum in Suecicis. Anno sequenti Russi Ahrenfeldium terrestri, Wartrangum navali prælio superarunt. 1715 pro Rege Augusto & Saxonibus Russi ad 30000 in Polonia contra confederatos Polonos & Lithuanos excubabant. 1716 & sequenti Zarus, continuato quamvis adversus Suecos bello, peregrinationem in Germaniam, Hollandiam, Galliam suscepit, comitantibus Doloruckio, Schaffiroffio, & Coarackino, primæ in Moscovia dignitatis proceribus. Multa de his itineribus scribuntur & dicuntur, quæ longum fuerit enarrare. Hoc certum, eum omnia lustrasse, & pro excolenda prudenti & ordinata politica varia documenta hausisse.

Zarovich  
fuga.

Anno 1718 Alexius (Zarovizium Mosci dicunt) primo genitus Zari filius, ob conceptam, ut quidam putant, in patrem conspirationem, cum is ex peregrinis regionibus rediret, fugam arripuit:

puit: & primo quidem Viennam ad Aulam Casaream, & præsertim Imperatricem Elisabetham, cujus sororem Conjugem habuerat. Sed cum Imperator Zarum nollet offendere, Neapolim profectus est. Verum etiam ibi ab exploratoribus deprehensus, in Moscoviam ad patrem, graviter offensus iratumque, reductus est.

Ubi in conspectum patris venit, procumbens in genua veniam inter lachrymas petiit. Promissi illi, si causam fugæ, omnesque illius suosores fideliter aperiret.

Interim tamen Zarus Status suos, ecclesiasticos & sæculares Abdicatur. convocavit, & coram illis, Alexio, ex prima uxore genito, tanquam inepto & reo abdicato, Petrum, ex secunda uxore, sibi charissima, natum successorem declaravit. Atque huic dispositioni omnes Proceres debebant subscribere.

Severa dein quæstio in Principem habita. Princeps Kikinus & In carcere Patriarcha Rostoffensis ceu complices conspirationis in vitam Zari obit. rota contriti, Alexius vero in arctam abductus fuit custodiam: & tandem a commissione delegata capitis condemnatus. At, dum hæc aguntur, extinctus est, morte an naturali, an veneno parato, incognitum. Altiori hæc judicio relinquuntur.

Credibile videtur, Alexium fuisse infontem, nec fugisse, nisi, Relicto ne artibus novercæ adigeretur renuntiare juri successionis, juniore Petro filio. fratri destinata. Reliquit autem superstitem filium Petrum ex Carolina, Welfertano Blanckenburgici Ducis filia, Imperatricis sorore, genitum; qui postea ad solium evectus est.

Anno 1719 mortuus est Petrus, sexto ætatis anno, quem Zarus, ex secunda conjuge susceptum, anno priore successorem suum solenni ritu designaverat: neque alium amplius habuit filium.

Cum Suecis in Insula Aland pacis ineundæ rationem inierat. Verum illi tractatu abrupto bellum prosequabantur. Quare Zarus excandescens, validissimam classem, 40000 armatorum, ut narratur, instructam, sub Apraxino pelago immisit, quæ variis in locis Suecia com- exscensu facto, Sueciam misere devastabat, donec Sueci calamitatibus fessi pacis consilia susceperent.

Anno 1720 pergebant nihilominus Mosci variis invasionibus Sueciam premere, donec classis Anglicana impetum aliquantum continuit. Interea autem Zarus suum Petroburgum novis ædificiis ac palatiis ad omnem splendorem auxit.

1721. Tandem pax cum Suecis Neostadii in Finnia coaluit; Pax cum quam in Suecicis exhibui. Accessit Russiæ Livonia, Ingria, Esto Suecia. nia, pars Careliæ & Finniæ.



Titulus Im-  
peratoris.

Hoc anno Zarus titulum *Imperatoris Rufforum*, ab Ordinibus Moscoviæ splendida solennitate sibi delatum, accepit: quem jam a Maximiliano I Cæsare Magno Moscoviæ Duci datum dicebant. Alii ex Europæ Statibus eum mox hoc charactere venerati sunt, alii vero tardius, nec sine difficultatibus.

Imperator Chinenfis Russis mercatoribus potestatem fecit, ut quot annis bis in Imperium suum venire liceat; quapropter Zarus solennem ad eum legationem misit. In regno Siberiæ multi adhuc erant gentiles Tartari; quorum multi ad Græcam religionem sunt conversi.

1722 Edictum promulgavit, ut parentibus liberum sit, quemcunque ex filiis suis bonorum immobilium hæredem scribere, non attento ordine ætatis. Pro Domo autem sua sibi libertatem reservavit, quemcunque successorem designandi.

Expeditio in  
Georgiam.

Post hæc novam expeditionem ad mare usque Caspium suscepit, ea intentione aut prætextu, ut Sophum Persiæ Regem contra Mirweisium aliosque rebelles subditos tueretur. Astracano Derbentum venit, quam urbem expugnavit: sicut ab Occidente, sic ab Oriente protendens fines Imperii, Musulmanno ex obliquo lividis oculis hæc grandia incrementa aspiciente.

1723. Ulterius progressus plura ad mare Caspium loca occupavit, ad Schirvanam usque Perfarum provinciam. Venit etiam Persicus in Moscoviam Legatus, a *Thamasio* juniore Sophio missus, cui inito fœdere Russiæ Imperator auxilia promisit, reservatis sibi iis, quæ ad Caspium conquieserat. Sed non legimus deturbato Perfarum Regi multum auxilii fuisse allatum.

Schaffiroffii  
ruina.

Schaffiroffius Cancellarius & primæ admissionis Minister ad mortem condemnatus gratiæ debuit, quod exulare licuerit.

Anno 1724 Zarus cum tota Aula sua, optimatibus & Principum Ministris Moscuam concessit, ibique Catharinam Conjugem suam Majoris & Minoris Russiæ Imperatricem magnifica solennitate coronavit, Novogrodensi Archiepiscopo sacris operante. Adduxit Zarus exemplum veterum Imperatorum Græcorum, Justiniani, Heraclii, Basilii, Conjuges suas coronantium. Prælusit nempe iis, quæ anno sequente facturus erat.

Holfatus Zari  
gener.

Accessit solennitas altera, qua Zarus Annam, filiam suam natu maximam despondit Friderico, Holfato-Gottorpiensi Duci, qui, a Corona Suecica exclusus, spes suas ad Moscoviæ Imperatorem attulit, & jam per triennium apud eundem commoratus, eum Mo-

Monarchæ amorem æstimationemque meruit, ut generum suum eligeret.

Anno 1725 ineunte obiit Petrus I Alexievizius, Russorum Imperator, Stranguriæ morbo oppressus: Princeps vere magnus, qui Russiam e barbarie extraxit, & toti mundo conspicuam reddidit. Vile, obscurum & ignotum prope erat Moscorum nomen, at ille ad summum potentiæ & gloriæ apicem evexit. Attrita Suecia, multata Persia, Livonia, Esthonia, Ingria, Carelia, Finlandia, Astracanum regnum, Derbentum, ipsum adeo mare Caspium, perpetua sunt virtutis & magnitudinis monumenta. Carolum XII Sueciæ Regem, quem ceu heroem vinci nescium totus expavit Septentrio, fregit, & quidem solus, dum adhuc esset integer, & ovans victoriis. Tota deinceps vita trophæis signata, ad immortale suum & gentis decus.

Obitus Zari.

Elogium.

At non militaribus duntaxat Moscoviam imbuit artibus, terra marique potens, sed civilibus quoque & politicis, quas Europam peragrande apud cultas Nationes didicerat. Nauticam, architectonicam, mechanicam, commercia ad fastigium provexit, accitis magno pretio magistris. Ut Europæ esset propior, indeque velut auram politioem spiraret, Petroburgum jam anno 1703 in Careliæ & Ingriæ finibus condidit, splendore, magnitudine, opulentia, præcipuis Europæ urbibus parem, quam commerciorum centrum, suamque regiam esse voluit.

Quæ itinera confecerit, cogitando vix assequi possumus: uno sæpius anno quatuor orbis plagas emensus, non ire, non currere, sed volare videbatur. Jam in Polonia, jam in Pommerania, jam in Holsatia, jam in Dania, jam in Hollandia, jam in Gallia, jam iterum in Germania, jam Rigæ, jam Petroburgi, jam Moscæ, jam in Persia visebatur. Utinam ita cucurrerit, ut comprehendat, & manentem civitatem attigerit.

Obiit anno ætatis 53, regnavit 5 annis cum fratre Joanne: 37 annis solus. Res gestæ pluribus sæculis regnasse prædicarent. Patrem habuit Alexium Michaelovizium ex gente Romanowia, anno 1676 mortuum. Reliquit is tres filios, qui omnes regnarunt, Theodorum natu maximum, qui patri successit. Sed post 6 annorum Imperium improlis obiit 1682. Successerunt ei duo fratres juniores Joannes & Petrus, qui in quintum annum simul regnarunt.

Profapia.

Quia



Quia autem Joannes senior debilitate mentis & oculorum laborabat, abdicavit simultaneum Imperium, illudque in solum Petrum, fratrem juniorem transtulit, regnandi artibus adeo excellentem, ut natura, quod senioribus fratribus negaverat, huic soli reservasse videatur.

Porro Joannes reliquit duas filias, in Historia Russica memorabiles: 1. Catharinam, Duci Mechlenburgico nuptam. 2. Annam, Duci Curlandiæ collocatam, postea Imperatricem.

*Genealogia.* Petrus autem I duas Conjuges habuit: 1. Eudoxiam Lampuchinam, Magnatis Russici filiam, ex qua genuit *Alexium*, qui, propter fugam gratia patris excidens, in carcere mortuus est. Habuit is Conjugem Carolinam, Welferbyto-Blanckenburgicam, Romanæ Imperatricis sororem, ex qua reliquit *Petrum II* postea Imperatorem.

Ex secunda Conjuge *Catharina* Alfendeylia, in Livonia, ex officiali bellico, ut fertur, nata, vel, ut alii volunt, bello Livonico capta, progeniit 1. *Annam*, Carolo Friderico Duci Holsato-Got-torpiensi desponsam, ex qua natus est *Carolus Petrus Ulricus* 1728. 2. *Elisabetham*, Moscoviæ Imperatricem: cui, dum hæc scribo, defunctæ successit memoratus *Carolus Petrus Ulricus* 1762. Sed eodem anno throno & vita deturbatus, Conjuge Anhaltina habenas capeffente.

Hanc Genealogiam intelligat necesse est, qui Historiam hujus temporis Moscoviticam vult intelligere, quia omnes personæ sunt notabiles.

Cæterum *Petrus I* Imperator Russiæ primam uxorem, postquam ex ea *Alexium* genuit, divortio, jam anno 1698 a se separatam, monasterio inclûsit, in quo diu superstes vixit, post mortem mariti liberata. Quam ob causam hoc *Petrus* fecerit, & quomodo secundum matrimonium constare poterit, me latet.

## §. 3.

*Succedit uxor secunda Catharina. Erectio Academiae Petroburgensis. Mors Catharinæ. Succedit Alexii filius Petrus II.*

*Schaffiroffi & Menzicoffi ruina. Münchii potentia.*

*Tract. cum Hisp. Pax cum Persis.*

*Obitus Petri II.*

Vivente adhuc Petro Senatus & Synodus jurabant, se eum acceptaturos successorem, quem aut quam ipse nominaret. <sup>227.</sup> Nomina-  
vit autem Catharinam alteram uxorem suam, quam jam ante Impe-  
ratricem coronaverat. Igitur illa mox post mortem mariti procla-  
mata est hæres Imperii, quod summa omnium voluntate est auspi-  
cata; anno ætatis 42, secutaque rationem status, quam maritus  
iniverat. Succedit Ca-  
tharina.

Prima inter negotia in eam curam incubuit, ut Petroburgi Aca-  
demiæ scientiarum artiumque, a Petro jam designatam, erigeret, <sup>Academia</sup>  
in qua Philosophia maxime, Mathesis, & litteræ humaniores doce-  
rentur. Advocati magno pretio peritissimi Professores, Insulani ex <sup>Petrobur-  
gensis.</sup>  
Gallia, Bernullii ex Helvetia, Bülfingeri, Beckensteinii, alique  
ex Germania.

Principes quoque Germaniæ, Holfati & Homburgici Aulam  
Petroburgensem illustrarunt. Singulari autem apud Imperatricem  
gratia valuit Carolus Fridericus Dux Gottorpiensis, cujus sponsalia  
cum Anna Imperatricis filia in matrimonium transierunt. Nihil  
omissum, ut Ducatum Schlesvicensem consequeretur; adornata  
propterea classis, quam tamen, ne excurreret, classis Anglica Da-  
nicæ juncta, continuerunt.

Irata erat Moscis Anglia, quod Catharina ad pacem Viennen-  
sem accessisset, novum fœdus icisset cum Cæsare, qui paci Neosta-  
diensi accessit. Non omissa in his tractatibus causa Schlesvicensis,  
in favorem Gottorpiensis urgenda. Sed vigilabat Danus, & per ac-  
cessum ad fœdus Hannoveranum præcavit.

Catharina, postquam duos annos sapienter regnavit, e rerum  
humanarum theatro abcessit, anno ætatis 44. Ante mortem memo-  
rabile testamentum condidit, quo Petrum Alexiowizium (quod sâne Imp. obit.  
mirum) Alexii in carcere mortui filium duodecimum tunc ætatis  
annum agentem, successorem denominavit, nullo sanguinis vinculo

Pars X.

T t t t

sibi



Succedit  
Alexiovicus  
Petrus II.

sibi junctum, quamvis duas haberet filias, Annam & Elisabetham, ex Petro I susceptas ac regno aptas. Fortassis dedit Cæsaris favori & Imperatricis Romanæ, cujus ex sorore nepos erat Petrus, rationique, quæ masculum fœminis præfert: prout etiam hoc testamento ordinavit pro futuris temporibus.

Testamen-  
tum.

Non tamen præterit filias suas, sed grandem eis dotem cum ampla pensione annua reliquit, cum omnibus bonis mobilibus. Voluitque, ut Petrus, donec 16 ætatis annum impleret, sub earum tutela & administratione, uti etiam Ducis Gottorpiensis, & Consilii Aulici, quod novem præcipuis Imperii proceribus constaret, educaretur.

Ordinavit præterea, ut, si Petrus absque liberis decederet, ei succederet Anna, Gottorpiensi nupta, cum suis descendantibus; si autem tales non relinqueret, Imperium devolveretur ad Elisabetham, secundam Petri I & Catharinæ filiam, quam hodie felicissime regnantem conspicimus.

Obligavit etiam novum Imperatorem, ut Domum Holsatam defendat, omnemque Duci Carolo opem præstet ad obtinendum Ducatum Schlesvicensem, & si is throno Russico admoveretur, cum regno Sueciæ amicitiam & conjunctionem colat. Quæ idem Dux in Moscovia percepit, nullatenus cadant in debitum, quod ab eo exigatur. Imperatori Petro Principis Menzikoffii filiam desponderi voluit. Concordiam denique totius Familiæ commendavit, iussitque Imperatorem Romanum requiri, ut ultimæ huic voluntati sponsor accedat.

Ruina Men-  
zikovii &  
Schastiroffii.

Petrus II igitur adeptus Imperium, & coronatus Moscæ, sponsalia cum Menzikovia contraxit. Verum illa non tantum hoc jam anno 1727, quo nata sunt, fuerunt rescissa, verum Princeps ipse Menzikovius, postquam ad summas dignitates fuerat evectus, & per 40 annos officia sua Imperio consecravat, primusque Minister, Imperatorem ipsum habiturus erat generum, non raro in rebus humanis exemplo, subito gratia omni excidit, adeo quidem, ut nefarii instar hominis, in custodiam datus, exilium delin, non rediturus, sit passus.

Crimini illi dabatur, quod Alexium, patrem Imperatoris, ad mortem usque sit persecutus, suasorque fuerit Petro I, ut primam suam uxorem, Alexii matrem repudiatam, in Monasterium detruserit, multosque alios in exitium præcipitarit, atque pecuniam publicam in privatos usus converterit. Hæc & alia narrabantur. Fortassis nimix potentix invidia, consueta aulis machina, rotam versabat.

Quo

Quo autem profundius Menzikovius est prolapsus, tanto altius Ostermannus fuit evectus. Schaffiroffius ab exilio revocatus. Doloruckii, Gallizini, Gallowini, Apraxini, Kurakini quoque in altum sublati.

Carolus Fridericus, Dux Holsatiae, cum Anna conjuge, quamvis inter tutores Imperatoris & Imperii Administratores a Catharina fuerit designatus, post sexennem in Moscovia commorationem, non ultra subsistendum ratus, Kielam in patriam rediit. Carolus autem ejus patruelis, moderni Sueciae Regis frater, destinatus sponsus Elisabethae, hodie regnantis, Petroburgi obiit (anno 1727.)

Petrus II igitur ad solium evectus, splendido cum comitatu Ducis de Liria, aliorumque Legatorum, abiit Petroburgo Novo-Petrus II coronatus. grodum, atque inde Moscuam, ubi ab Archiepiscopo Novogrodensi in templo cathedrali inter Missae solennia coronatus est. Ausum est gaudium, dum ex Holsatia nuntiatum est, Duci Gøttorpiensi ex Anna Petrovna (Petri I filia) natum Carolum Petrum Ulricum, qui tamen brevi matrem amisit. Funus Kiela Petroburgum deportatum. Obiit quoque Nathalia, juvenis Imperatoris soror unica (1728)

Præcipua apud novum Monarcham gratia valuit Christophorus Münchius, quem, Germanus licet esset, in Frisia Orientali patre Corn-  
Münchii po-  
filiario Principis natus, copiis suis præfecit, totamque ejus fami-  
teatia.  
liam Comitum dignitate ornavit; postquam ingentis operis Canalem Ladoganum, commerciis opportunum, duxit, & Chinesem etiam mercaturam promovit, auxitque Petroburgum novis munitis, ædificato etiam pro Lutheranis templo. Nec minus favit Academiae Petroburgensi, quæ commentarios suos scribere aggressa, Europam crisi suæ subjecit, confidentibus Musis in loco hætenus inculto.

Anno 1729 suasu Ostermanni Procancellarii Petrus adhuc duas Academias scientiarum erexit, alteram Dörptæ, Novogrodi alteram: in suburbiis autem Moscuæ tria templa: primum pro Catholicis, Tract. cum  
Hisp.  
alterum pro Anglis, tertium pro Hollandis; utque commercia la-  
tius extenderentur, initum est inter Russos & Hispanos fœdus com-  
merciale, opera Ducis de Liria. Convenit in eo, ut merces Russicæ in portubus Hispaniæ dimidium tantum ejus pendant, quod aliæ nationes pendere consueverunt. Eodem privilegio in portubus Russiæ gaudeant naves Hispanæ. Liquores autem omnino sint a vectigali immunes. Hispanis liceat, in Moscovia bellicas & mercatorias naves fabricare: Russis vero quot annis navem unam in Americam mittere, ibique negotiari.



Pax cum Per-  
sia.

Cum *Esseffo* quoque Persiæ usurpatore pax inita. Imperator Russiæ Persiæ restituit provincias Astrabat, & Tabristan ad mare Caspium, cum ea tamen conditione, ut a regno Persiæ non alienentur; contra vero retinet Derbentum, & regiones circumjectas; ubi plura loca nominantur. Lites confinium per Commissarios componantur. Commercia utrinque sint libera.

Obiit hoc anno in exilio infelix Menzikovius, quem totus vultus orbis tempore Petri I adoraverat. Hæc mundi fiducia.

Obit Pe-  
trus II.

Anno 1730 Petrus II Imperator Russiæ, cum sponsalia, cum Catharina, Principis Doloruckii Status Ministri filia, per nuptias vellet complere, variolis extinctus est, in flore juventutis, ætatis nempe anno 15, Imperii 3.

#### §. 4.

*Succedit Anna Joannis filia. Doloruckii ruina. Navigatio per mare boreale. Tartari invadunt Cosaccos. Bellum Polonicum. Bellum Turcicum. Involvitur Cæsar. Pax Belgradensis macra.*

228.

Succedit  
Anna Cur-  
landica.

Extincta Domus Romanowia mascula in Petro II progenie, ad fœminas ex eadem Familia devolutum est Imperium. Supererant earum quatuor, Catharina, Caroli Leopoldi Ducis Mechlenburgici Conjux, Anna, Friderici Curlandiæ Ducis vidua, & Proscovia cœlebs; omnes tres natæ ex Joanne Alexievicio: quarta vero Elisabetha, Petri I filia.

Ex his Senatui & Ordinibus Imperii placuit *Anna*, jam ab anno 1711 vidua, quam Petrus II proposuerat. Missi igitur nomine totius corporis Russici Metavium in Curlandiam tres Legati, a Senatu Dolorukius, a Statibus Gallizinus, a militia Leontifus, qui nuntium deferrent.

Anna mox altera die Moscuam profecta, a Novogrodenfi Archiepiscopo est coronata, atque consilio creano, quod Monarchicam potestatem coarctare voluerat, abrogato, Senatum constituit, & novos S. Andreæ Equites creavit; inter quos Soltikovius Aula præfectus, Weisbachius tribunus, & Wratislavius Legatus Cæsareus. Schaffiroffius, olim Procancellarius, in exilium missus, commerciis præfectus, Ostermannus & Bironius S. R. I. Comites a Cæsare

a Cæsare renuntiati. Jaguzinskius equestri torque donatus ad Aulam Borussicam ablegatus, Romanzovius Constantinopolim, Gallowkinus Parisiis Hagam, Löwenwoldus Viennam. Gallicinus Camerae, Princeps Nariskinus, ab exilio revocatus, dictus Præses commerciorum.

Quo altius autem isti ascenderant, eo profundius dejectus Alexius Princeps *Doloruckius*. Omnia is sub Petro II in Aula poterat, adeo quidem, ut, dum Imperator ejusdem sibi filiam despondisset, in societatem velut Imperii vocatus videretur. At versa subito fortunæ rota, pro versatili rerum humanarum genio, additis fisco Domus opulentæ bonis, cum tota sua familia in exilium eiectionis est.

Doloruckii  
tragedia.

Culpa datum, quod sanitatem Petri Imperatoris neglexisset, imo per immodicas venationes, rigente bruma institutas, corripisset. Eidem filiam suam absque præscitu regnatricis familiæ clam despondisset, imo obtrusisset, ficto etiam Petri testamento, quo hanc sponsam post fata sua Imperii hæredem declarasset. Aulam pro libidine versasset: pecuniam publicam defraudasset: cumque fratres Alexii & agnati horum aut complices aut conscii fuissent, eandem exilii penam ipsis subeundam. Accessit casus Principis Sapieha, militiæ præfectura exuti.

Culpa.

Beringius centurio, ut commercia cum Japonia, China, & India Orientali faciliora redderentur, jussus est per mare Boreale per mare boreale. viam tentare; cumque ad 67 gradum latitudinis navigando pervenisset, regressus, viam inventam nuntiabat.

Anno 1731 Anna Imperatrix novum senatum bellicum constituit, assumptis in eum Trubezkio, Weisbachio, Lascio, Münchio, Soltikovio, Ufchakovio, Schwerino, Fortio, Löwenwoldio, Hochnuthio, aliisque pluribus. Ut vero nobilis juvenus Russica bonis artibus & militari præsertim disciplina aptius imbueretur, equestrem Moscuæ Academiam, heroum seminarium, erexit.

Ne autem successio in Russiæ Imperio turbas aliquando excigaret, Petri I patris sui exemplo juramentum a Proceribus & populo exegit, eum successorem se recepturos, quem ipsa esset designatura; id enim in Russia summi Imperantis esse proprium, ut successorem sibi possit statuere. Præstitum juramentum: mussitantes exulatum missi. Magni vero & infelicis Menzikovii filius, e Siberia revocatus, custodiæ corporis præfectus.



Cum in Persia, interempto Esseffo usurpatore, Princeps Thamas paterno throno fuisset restitutus, Anna Schaffirovium Ipahanum gratulatum misit, qui cernens, summam rerum penes *Kulicanum*, militiæ Præfectum, esse, illius quoque benevolentiam captavit.

Moscum vero, ubi Imperatrix toto anno versabatur, venerunt Legati Junschini Sinarum Imperatoris, ut felix regimen precarentur, & amicitiam renovarent. Solenniter auditi, & gratiis actis cum largis muneribus dimissi sunt.

Tartari in  
Cosaccos.

Cum Turcis pax dubia; nam Crimmæi Tartari Cosaccorum regiones late vastabant, actisque prædis grandia damna inferebant. Russiæ Legatus querelam detulit ad Sultatum, qui misso Moscum Legato promissit, se Chamum ejusque subditos coerciturum, ut pacem deinceps sanctius colant. Sed verba hæc data, quia bellum inter Turcas & Persas recruduerat: serio nihil actum, cum Tartari non desinerent, prædationibus suis Moscoviæ subditos affligere.

Præter Eudoxiam, primam Petri I conjugem, sed repudiatam & in Monasterium detrusam, atque a Petro II nepote suo liberatam, obiit Proscovia, soror Imperatricis Annæ natu minima, quæ cœlibem semper vitam duxerat.

Mænchi  
dignitas.

Anno 1732 Anna Imperatrix Petroburgum redux, *Mincium*, hujus urbis Præfectum, Præsidentem Imperialis Collegii, & supremum armorum Præsidentem edixit, copiasque suas terra marique auxit, ut adeo 230437 capita numerarentur, reparatis ubique munitionibus, ampliatisque. Et, quia Tartari non desinebant populi Uckraniam, ductus est agger, multo milite custoditus. Canalis Ladoganus absolutus.

Novus rursus e regno Sinenfi aderat Legatus, amicitiam & commercia confirmaturus. Princeps Hasso-Homburgicus, provinciis ad mare Caspium a Persis reportatis præfectus. Teutonicæ aliarumque nationum homines ad militaria atque civilia munera promoti. Academia Equestris, Moscuæ erecta, tanta sumpsit incrementa, ut 325 nobiles Russi, Livones, & Esthones in ea educarentur.

Anno 1733. Imperatrix amisit & alteram suam sororem, natu majorem, Catharinam, Carolo Leopoldo Duci Mechlenburgo-Suerinensi nuptam, ex quo genuit *Elisabetam Christinam*, quæ nomen Annæ cum Religione Russica assumpsit, ceu hæres veluti præsumptivus coronæ, Regiæ Celsitudinis titulo propterea honorata. Lata ac tristia illius fata exhibebunt anni sequentes. Princeps Beveranus

An-

Antonius Ulricus, futurus ejus sponfus, venit Petroburgum, magno cum honore exceptus.

Miscuit se hoc anno Imperatrix electioni Polonicae, atque co-<sup>Anna se reg.</sup>  
pias terra marique contra Stanislaum emisit, ab Optimatibus qui-<sup>scet electioni</sup>  
busdam impiorata. Graviter id tulit Sultanus, qui propterea Cal-<sup>Polon.</sup>  
muccos Tartarosque in ditiones Russorum irruere & impune grassari  
permisit, quin oleum flammæ affudit, erupturus in apertum bellum,  
nisi bellum Persicum adhuc ensen in vagina continuisset. Sed & Russia  
prurientes in vindictam manus inhibuit, Polonico adhuc bello distracta.

Ex Academia Equestri Nobilium Juvenum extracta est prima co-  
hors, cujus caput Princeps Repninus, exercitiis bellicis, quorum coram  
Imperatrice illustre specimen dabant, probe imbuta. Templum  
Gallicum Petroburgi consecratum.

Anno 1734 Tartari, Sultani subditi, ad Pontum Euxinum & <sup>Grassatio</sup>  
mare Caspium, pergebant in ditiones Russicas grassari, prædari, <sup>Tart.</sup>  
urere, trucidare, in barbaram servitutem abstrahere. Russia adhuc  
bello Polonico suspensa, hoc anno satis habuit, apud Portam que-  
relas deponere, quamvis absque remedio.

Multam quoque controversiam attulit causa Marchionis de  
Monte, Legati Gallici, quem postulantibus Russis Dantiscum tra-  
dere debuit. Jus gentium læsum, querebatur Marchio: se Legati  
characterem nunquam posuisse, nec quidquam eo indignum egisse.

At Russi reponebant, eum ab Imperatrice sua nunquam fuisse <sup>Causa Mar-</sup>  
agnitum Ministrum publicum, præsertim post mortem Augusti II. <sup>chionis de</sup>  
Non posse proin Legati sanctitatem obtendi. Præterea plura ab <sup>Monte.</sup>  
eo gesta hostilia in favorem Stanislai: conductam legionem; non  
Legati sed militis actam personam: sparfos libellos inimicos, popu-  
los concitatos adversum Moscos. Pessimam fore summorum Impe-  
rantium conditionem, si hostem apertum, Legati nomine abuten-  
tem, non possent persequi. Igitur Marchio Elbingam abductus  
est in custodiam. Dantiscani vero Petroburgum Legatos depreca-  
tum miserunt. Gemina quoque Legatio ex Persia a Kulicano nomi-  
ne Junioris Sophi venit, amicitiam cum Russia renovatura.

Initus cum Anglis Tractatus Commerciorum in 15 annos.  
Gens quædam, ultra Caspium mare posita, cum suo Chano Russia <sup>Aula Ministri.</sup>  
Imperatrici se ultro subjecit, missis in eam rem Petroburgum Legatis.  
Princeps Homburgicus & Kurakinus, Comites item Münchius, Oster-  
mannus, Apraxinus, ad præcipuos honores promoti. Obiit vero  
Comes Gallofkin Cancellarius Russiæ.

Anno



Anno 1735. Tartarorum Crimensium Chanus, collecto 80000, ut narratur, exercitu, Dagestanam Russorum provinciam aggressus, eam gentem ad rebellionem pertraxit, Russosque vicit, occiso Weisbachio eorum Duce. Finito bello Polonico missus in Ucraniam cum exercitu adversus Tartaros Münchius, supremus armorum Præfectus.

Antonius Ulricus Beveranus Princeps custodiæ corporis præfectus, Homburgicus rei tormentariæ. Obiit Comes Löwenwoldus, intimæ admissionis Minister.

Bellum cum  
Tartaria.

Cum pluribus jam annis Crimæi seu Præcopenses Tartari gratificationibus suis Russici Imperii subditis gravissima damna intulissent, connivente aut etiam probante Turcia, Anna Imperatrix id non ultra ferendum rata, finito bello Polonico, 80000 exercitum sub Münchio & Lascio Ducibus in eos misit. (anno 1736.)

Precopium

Asof

Capta.

Primo expugnantur eorum ad utramque Tanais ripam castra & munitiones, tum caeso Chano *Precopium*, permunitam Crimeæ urbem, capto 2550 Tartarorum Turcarumque præsidio, extorquent. Cecidit pariter ingens munimentum Tanais (*Asac* aut *Assoc* vulgo nuncupatum). Liber abitus concessus numerofo Turcarum præsidio. Fatum hujus urbis secutæ sunt plures. Penetratum in interiora Crimeæ Peninsulæ: incensa Chani sedes. Sed Cassa volentem victoriam stitit.

Nec minus fortiter atque feliciter bellum gessit *Donducombis*, Calmuckorum, qui Russico subsunt Imperio, Ductor. Is etenim cum 40000 in Cubanam (in qua Asof) Tartariam, insignem victoriam reportavit, cæsis multis, captis pluribus, sub protectionem Russorum confugientibus plurimis.

Kulicanus, supremus in Persia belli adversus Turcas Præfectus, missa legatione fidem dedit, se nullam, in qua Russia non comprehenderetur, cum Turcis initurum pacem. Secutus mox ad Imperatricem Legatus alter, qui nuntiavit, Kulicanum sub titulo *Schach Nadyr* thronum Persicum conscendisse, constantemque cum Russia culturam amicitiam. (anno 1736.)

Niemerovien-  
sis con-  
gressus.

Anno 1737. Quamvis *Niemerovii* congressus ad conciliandam pacem Russos inter & Turcas institueretur, Cæsarque omnem lapidem moveret, ut ea componeretur, bellum nihilominus majori adhuc atque anno superiore vi continuabatur; quippe Anna Imperatrix duos grandes exercitus in hostem misit, Münchio alterum, Lascio

Lascio commissum alterum. Ille *Ozakovium*, viginti Turcarum milibus & centum tormentis firmatum, & alioquin situ & opere per-<sup>Ozakovium.</sup> munitam urbem expugnavit generoso assultu. Præsidium cum magno rei armamentariæ apparatu captum. Numerus eorum, qui utrinque cæsi scribuntur, est incredibilis. De 17 Turcarum, & 18 Moscorum millibus quidam memorant. Hoc certum, Seraskierum, multosque Duces aut cæsos, aut captos, novem quoque caudas equinas in manus venisse.

Quamvis autem occupationes tot locorum ingenti Russis steterint impendio, tamen, quod mirum videri posset, dirutis munitis, Precopium cum Crimæa deseruerunt, annonæ haud dubie compulsi inopia. Geminam quoque classem Russi Euxino immiserunt, quarum altera Münchio ad Ozakovium præsto esset, altera Lascio in Crimæa.

Anno 1738. Münchius, ut Benderam, & Chozimum occu-<sup>Münchius</sup> paret, per difficillima itinera & ambages copias (cum Cæsareis in male adm-<sup>nistrat.</sup> Servia debuisset succurrere) circumduxit, vix alio operæ pretio, quam ut suum attereret exercitum, atque provincias vastaret, in Ukraniam tandem & Poloniam se recipere coactus, Tartaris Turcisque reddentibus verbera, quæ acceperant. Classis autem Russica Asofium sub tormentorum præsidium serecepit.

Anno 1739. Mosci, relata a Turcis insigni victoria, Chozinum, munitissimam in Moldavia urbem, occuparunt, cum Jassio ad Pruthum Hospodarii sede, tota provincia in Russiæ protectionem concedente. Ad Teginam dein (Bender) Bessarabiæ munimentum expugnandum se accinxit Münchius, cum de pace munitiatum est.

In ea Russia nec Cæsaris socii, nec sui ipsius fati memor fuisse videtur; nam post tot victorias, post tot munimenta capta, post<sup>Pax magna.</sup> fusum humani sanguinis diluvium, post tot damna a Tartaris illata, fructus vix alius fuit reportatus, quam ut loca capta redderentur, & pristini Imperii utriusque fines manerent iidem. Taurunum (*Belgradum, Alba Græca*) belli sacrificium esse debuit: socio luente suas suppetias.

Ozakovium, Cozinum, Asoffium (quanta nomina!) restituenda, sed ultimum dejectis munimentis, non amplius restituendis. Ne Russici Cosacci, aut Calmukii Turcicos Tartaros aut alios subditos infestent, interdicitur, & vicissim. Transgressores puniantur. Cubanenses Tartari sint liberi, & veluti limes utriusque gentis. Captivi sine lytro reddantur, exceptis, qui religionem mutarunt.

Pars X.

U u u u

Naves



Articuli.

Naves Russicæ Ponto Euxino abstineant. De cætero commercia libera sunt. Si dissidia oriantur, per Gubernatores componuntur. Russi absque tributo in terram sanctam peregrinantur. Circa titulum Imperatricis conveniatur. Legati Russici excipiantur, sicut aliorum magnorum Principum. Ratificationis instrumenta intra tres menses Marchioni de Villeneuve Mediatori extraduntur.

*Actum in castris ad Belgradum 18 Sept. 1739.*

Subscripserunt Ludovicus Salvator Marchio de Villeneuve, nomine procuratorio.

Mehmet Pascha, Magnus Vizirius. Rex Gallicæ autem hujus pacis fidejussor accessit.

Villeneuve  
Mediator.

*Nota.* Tam Cæsar, quam Imperatrix Marchioni *Villanovano*, Gallico ad Sultanum Legato, in castris Turcicis ad Belgradum præsentî potestatem fecerunt, eorum nomine pacem componendi, sub reservatione tamen ratificationis. Conceptum autem fuit pacis, tam Cæsareæ, quam Russicæ instrumentum lingua Italica & Turcica.

3. Oct. sub eadem mediatione Gallica per eundem Procuratorem Nissæ adjecti sunt articuli tres, qui ad fines determinandos spectant, conventumque, ut ex parte Occidentali Boristhenis versus Poloniam maneant limites, anno 1705 determinati: ex parte Orientali ad fontes Boristhenis a flumine Saliva usque ad flumen Berda ducatur linea.

Nuptiæ  
neptis.

Dum pax ista conficeretur, Petroburgi solennes nuptiæ contractæ sunt inter Antonium Ulricum, Principem Brunsvico-Beveranum, natum 1714, & Annam, Imperatricis ex defuncta sorore Catharina (Carolo Leopoldo Duci Mechlenburgico nupta) neptem, præsumptivam Russicæ hæredem, præsentem etiam Elisabetha Petri I filia.

Erupit hoc anno proditio Doloruckiana, seu Dolghoruckiana, qua familia ista, in exilium ejecta, conabatur Regimen mutare. Sed quia multi conjuraverant, facinore detecto, auctores capite plexi sunt: quos inter erant ex principe Dolgoruckiana gente Basilii pluribus antea legationibus perfunctus, Sergius, & Joannes. Basilii fratres, quod proditorem non detexissent, exilio multati: in quo Alexius, Catharinæ Petri II sponsæ parens, jam perierat.

Loco

Loco Osteinii Comitis Petroburgum venit Legatus Cæsareus Marchio de Botta, Marchio de Chetardie Gallicus. Crammus Brunsvicensis ob nuptias gratulatum venit.

## §. 5.

*Obiit Anna Imp. succedit Joannes pronepos. Mater Bironio dejecto tutelam arripit. Sed mox cum filio & marito a throno ad carcerem ducitur: Elisabetha, Petri I filia, ad coronam vocata, Holsatus successor declaratus. Procerum plurium ruina.*

Anno 1740 obiit Anna Russorum Imperatrix, ætatis 47, Im- 229.  
peril 10. Ante mortem autem plures adhuc Nobiles cum Comite Obitus Imp.  
Wolinsky capitis damnavit ceu Majestatis reos; dein successionis  
ordinem præscripsit.

Nominavit igitur successorem, ex ordine primogenituræ,  
Joannem, trium mensium infantem, suum ex Catharina sorore  
pronepotem. Quippe Catharina ex Carolo Leopoldo Duce Successo-  
Mechlenburgico genuit Annam, hæc ex Antonio Urico Beverano rem nomi-  
Joannem, destinatum successorem. Tutor ei datus Bironius, Dux nat Joannem  
Curlandiæ, apud Annam Imperatricem singulari valens gratia. In proneporem.  
hanc Ordinationem jurare debuerant Primores Imperii.

Mortua Anna Joannes proclamatus Imperator, eique homa-  
gium præstitum, & Bironio tutori ac Regenti Imperii jurata fides.

At grandium semper tragœdiarum theatrum fuit Moscovia.  
Vix Ernestus Bironius, ex nobili factus Comes, ex Comite Dux Biron tutor.  
Curlandiæ, ex Duce supremus Imperii Russici Moderator, cum  
ecce! repente, versa fortuna, concubia nocte e lecto extractus,  
cum tota familia Schlüsselburgum captivus abducitur, atque Anna Captivus.  
mater Joannis Imperatoris tutrix proclamatur, Beveranus veropa-  
ter Imperatoris supremus armorum Præfectus: edito *Manifesto*, Mater tutrix.  
quod vocant, Bironium, tametsi ab Anna Imperatrice renuntia-  
tus fuisset tutor Imperatoris, merito tamen eo munere fuisse pri-  
vatum, quod vix illud auspicatus plura contra leges Imperii egis-  
set; parentes Imperatoris, non sine comminationibus, habuisset  
despectui: pretiosa subtraxisset, ærarium expilasset &c. mortem pro-  
pterea meritum, sed eam in perpetuum carcerem mutari, bonis  
tamen omnibus confiscatis.

U u u u 2

Igitur



Aulam ordi-  
nat.

Igitur mater, suscepto pro vagiente in cunis filio regimine, Münchium primum post conjugem suum Imperii Ministrum dixit, Ottermannum, Procancellarii hactenus functum munere classium Praefectum, Zerraskium Cancellarium, Galloskinum Procancellarium, Ernestum Münchii filium Aulæ Praefectum. Nariskinum, Kurakinum, Repninum, Gallovinum, Ushakovium, Löwenwoldum, Lapuchinum, aliosque dignitatibus & honoribus auxit. Romanzovium vero Cpolin legavit. Reliquis vero Aulis significandum curavit, Russiam, Austriæ junctam fœdere, Archiduci Mariæ Theresiæ missuram auxilia.

Ingens mu-  
tatio.

Obvallata sic Anna fixisse sibi & filio Fortunam videbatur. At protasis hæc duntaxat erat, quam post rerum involutionem horrenda mox excepit catastrophe; quippe anno sequenti 1741 5 Dec. *Elisabetha*, Petri I filia, cum militum cohorte conclave Tutricis Annæ ingressa, eam cum filio Imperatore & conjugē Antonio Ulrico primum in privatum suum domicilium, dein vero Rigam abduci jussit, ibique custodiri.

Captus Imp.  
cum matre,  
& patre,  
multisque  
proceribus.

Princeps vero Hassio. Homburgicus Elisabethæ nomine Münchium, Ottermannum, Galloskinum, Löwenwoldum, Mengdenum, aliosque, quos utraque Anna præcipuis Imperii muneribus atque dignitatibus admoverat, comprehensos captivosque in custodiam abduxit.

Altera vero die, 6 Dec. Elisabetha convocato Senatu, Ordine Ecclesiastico, atque Ministris, sibi fidis, Imperatricem se dixit, applaudente populo.

Elisabetha  
Imperatrix.

Si mireris tam subitam revolutionem, cogita gratam apud Russos Petri I memoriam, in amorem filiaë redundantem: hujus dotes ad omnia summa natas: alienationem animorum a gente Teutonica, primas Imperii dignitates præripiente, inclinationem potiorē in Imperantem patrium atque domesticum, quam exterum, eumque infantem, invidiam Procerum, quos Anna neglexerat; non nullas denique *Cbetardii* artes, quibus ut Russiam a ferendis Archiduci auxiliis averteret, & Suecum comparandum hostem, & domiturbandum aliquid forte putavit.

Ostermanni  
& Münchii  
machinæ.

Ut autem universæ Nationi, quo jure Elisabetha tam grandem mutationem suscepisset, apertius constaret, causas illius typo impressas vulgavit: nempe secundum testamentum Catharinæ matris suæ Imperatricis, anno 1727 defunctæ, sibi post Petrum II fuisse debitum thronum, Ostermannum autem, testamento illo suppresso, Annam Curlandicam studiis suis ad sceptrum promovisse, eique morienti

rienti successionis ordinem porrexisset, quo Annæ Mechlenburgicæ filioius, duorum mensium puer, Imperator declarabatur, atque hæc omnia Münchium auctorem habuisse aut adiutorem.

Imperium porro, novo constituto Senatu ad eum ferme modum composuit, quo tempore Petri I parentis sui erat comparatum. *Nova Aula.* Lecti Senatores, Trubezkus armorum Præfectus, Zerkasky Cancellarius, Tribunus Soltikow Aulæ Moderator, Zschenischew, Ufchakow, Gallowin, Kurakin, Nariskin, Galliskin &c. Ministri Aulæ. Negotiis externis præfectus Zerasky Cancellarius cum Pro-cancellario Bestuchew, Gallowin & Kurakin.

Anno 1742 Elisabetha Imperatrix, cum esset cœlebs, ut futuræ successioni provideret, Carolum Petrum Ulricum, suum ex sorore Anna Petrowna nepotem, Caroli Friderici Holsat. Gottorpiensis Ducis filium, 16 tunc annos natum Petroburgum accivit, ad mores Russiæ educandum. Palatium illi cum Aula assignatum. Paulo post autem Imperatricem Moscuam comitatus est. Ubi coronatio summa cum solennitate peracta fuit. A Novogrodenfi Archiepiscopo unctiona est: coronam vero sibi ipsi imposuit, atque sceptrum & Pomum Imperiale in manus sumpsit.

Solennem hunc actum alter excepit, quo Princeps Carolus, ejurato Lutheranism, Russiæ Religionis professionem in Ecclesia sub Missæ solenniis, coram tota aula edidit, crucem, sacras Reliquias & Imagines osculo veneratus; nomenque mutavit, dictus deinceps *Petrus Foedorowicz*, id est: Friderici filius. *Holsatus dictus successus.* Unctus dein ab eodem Novogrodenfi, *Magnus Princeps*, & *Successor in Imperio* ab Imperatrice est renunciatus, tributo eidem etiam Imperatoriæ *Altitudinis* titulo. Finita Missa, omnes præsentis, crucem osculati, fidem eidem jurarunt. Paulo post a suo Holmiæ Legato nuntium accepit, se a Suecis quoque successorem in regno fuisse electum.

Ad finem anni Elisabetha Imperatrix per Comitem Bestuchef cum Anglia fœdus defensivum iniit. Si Russia bello petatur, mittet Anglia 12 bellicas, 700 tormentis, & 1560 viris instructas. Si Anglia invadatur, mittet Russia 10000 pedites & 2000 equites: vel pro his 500000 aureos Russicos, (*Rubel*) quorum unus duos florenos conficit. Si Russia bellum sit cum Turcis, Tartaris, aut Persis, Anglia non obligatur: neque Russia adversus Italiam, Hispaniam, & Lusitaniam.

Regina Hungariæ ab Elisabetha subsidia petit, vi fœderis pristini; sed ob bellum Suecicum copiæ hoc anno impetrari non poterant. Promissa tamen pecunia.

U u u u 3

Oster-



Exules.

Oftermannus, Münchius, Gallofkin, Löwenwold, alique ad capitis supplicium damnati sunt; jamque educti fuerant ad ferale pegma, & Oftermannus caput securi subjecerat, cum accepta vitæ gratia, omnes in exilium missi sunt: Dolgoruckii vero, adhuc superstites, revocati. Anna Mechlenburgica cum conjuge Brunsvico-Beverano, & duobus filiis adhuc Rigæ in Livonia custodita. Bironius, Dux olim Curlandiæ, & Russiæ Administrator, tutorque Imperatoris, ex Siberia in mitius exilium translatus.

Chetardio, large ab Imperatrice donato, suffectus Franciæ Legatus Dallion. Neohusius Caroli VII Cæsaris Legatus pariter Petroburgum venit; sed quia ejus litteræ Imperialem titulum Elisabethæ non tribuebant, non sunt receptæ, donec adderetur.

## §. 6.

*Nuptiæ Holsati successoris cum Anbaltina. Chetardius & Botta Legati Sacrificium Status. Renovatio fœderis cum Austria.*

*Tarditas auxiliorum. Magni obitus. Cultus bonarum artium. Mittuntur tandem ad Rhenum subsidia, sed mox pace facta redeunt. Mors Comitissæ Laschy.*

230.

Ut nullus annus sit expers magnorum in Russia motuum turbarumque, dum exteri tumultus per pacem, cum Suecis initam, conquiescunt, interna rursus erupit proditio (anno 1743.)

Nova Conspiratio.

*Lapuchina* Domus prioris jam conspirationis suspecta, cumque Löwenwoldo, intimo suo amico officiis & dignitatibus privata, assumptis in facinoris societatem Bestucheffia aliisque fœminis, consilium coquebant, deijciendi Elisabetham, & Annam Mechlenburgicam restituendi. At scelere detecto, aliis lingua exsecta, alii in exilium sunt relegati.

Marchionis de Botta causa.

Arguebatur conspirationis particeps Marchio de Botta, Legatus Regiæ Hungariæ; quæ res, his præsertim temporibus minime opportuna, similitatem quandam & diffidentiam inter utramque Austriam inducebat. Negabat Marchio, se ullam in ea conspiratione habuisse partem: sed id a se actum tantummodo, quod in mandatis habuisset, ut scilicet Antonio Ulrico Brunsvicensi, Regiæ cognato, ejusque conjugi Annæ ac prolibus libertatem ab Imperatrice Elisabetha

betha impetrare conaretur. Sed, dum Aula utraque *Manifesta* sua per Europam dispergit, longius prolata est negotii delicati compositio.

Chetardius ex Gallia Petroburgum rediit, valuitque pristina apud Imperatricem, obsequii memorem, gratia. Wichium Angliæ Legatum Tirawlejus sublevavit. Famosus Comes Woldemarus de Löwendal, qui ab anno 1737 Russiæ militaverat, missione impetrata, ad Gallica castra transiit; ubi mox promotus gestis inclaruit. Judæi tota Russiæ ejesti, interdictio reditu. De bello cum Suecis gesto, & pace hoc anno secuta, in rebus Suecicis dictum.

Anno 1744 venit Moicum, ubi Imperatrix morabatur, Sophia Augusta, Anhaltino-Servestani Principis filia, destinata conjux Carolo Petro Ulrico, seu Petro Feodorovicio, Imperatricis ex sorore nepoti & successori declarato. Sponsalia Anhaltina cum Petro Feodorovicio.

9 Julii Græcam professionem Sophia edidit, assumpto nomine Catharinæ Alexiewinæ, & titulo Imperatoriæ Altitudinis. Sequenti dein die celebrata sunt publice sponsalia.

Variis suspitionibus agitabatur Russia. Et primo quidem, non satis Dünemündæ secure asservata videbatur Anna Mechlenburgica, cum conjuge Antonio Ulrico Brunsvicensi, & filiolo Ivane III, quem post Annæ Imperatricis mortem successorem in Russico throno proclamatum, indeque ab Elisabetha dejectum fuisse diximus. Nam separati sunt ab invicem. Et Anna quidem deportata est in Monasterium Insulæ prope Archangelopolin, conjux in arcem Ivano-Gradensem, haud procul Narva, filius Ivan in aliud Monasterium, metu videlicet, ne forte turbis exortis ad rerum clavum reducerentur. Hinc Imperatrix, rescissis omnibus actis, nomina eorum, ne ulla extet memoria, ubique eradi jussit: homagiorum & juramentorum formulæ flammis publice traditæ.

Separatio  
priorum im-  
peratorum.

Hic metus in magnas pariter præcipitavit calamitates duos Marchiones magnorum Principum Ministros, Bottam videlicet, & Chetardium Gallicum. Et iste quidem, dum quadriennio abhinc Legatus esset, non parum contribuit, ut Elisabetha ad thronum eveheretur, quod Dux Ant. Ulricus nimium memor futurus crederetur gentis, ex qua ortus esset. Sed postea, cum Elisabetha Austriacis amicior esse videretur, quam Gallia forte exspectarat, Chetardius, quamvis jam nactus Legatum successorem Allionem, in Moscovia tamen privatus quodammodo substitit.

Cum autem suspicio in eum caderet, quod adversus Imperatricem aliquid machinaretur, jussus est Russia excedere, exutus insignibus



bus Ordinis S. Andreae, & donis pretiosis, quibus eum Elisabetha, ceu optime de se meritum, exornaverat. Cum in Galliam venisset, quo eum querela præcesserat, assignatum sibi locum exilii invenit, factus Sacrificium Status.

Et Bottæ  
fata.

Haud multum dissimile fatum obtigit Marchioni de Botta; qui, cum Austriacus in Russia Legatus esset, visus est in Ant. Uricum, Reginae Hungariae propinquum, ejusque conjugem & filium propensior, quam delicata illa & suspiciosa Moscoviae tempora ferrent, intercedens etiam pro eo dimittendo libero, & in Germaniam remittendo. Elisabetha ad Mariam Theresiam querelam detulit, petiitque, ut causa illius cognosceretur. Faciendum id, ut Russia servaretur amica. Indicta primum Marchioni domestica custodia; dein vero in arcem Graecenensem abductus est, simulque jussus Rosenburgius Reginae in Russia Legatus significare, displicere Aulae Viennensi, quæ Botta egisset, ac propterea tamdiu eum captivum fore, donec Imperatrix Russiae libertatis gratiam eidem impertiat. Elisabetha satisfactum sibi asserens, Marchionem dispositioni Reginae permisit; quæ eundem liberatum in Italiam ad legionem suam dimisit, ubi rursus in causa Genuensi varia fata expertus est.

Dum Imperatrix Moscuæ degebat, vices ejus Petroburgi egit *La-*  
*Aulae Ministris* Hibernus Comes, & sub eo Repninus Princeps. Alexius Bestucheff erat Cancellarius Imperii, Romanzovius Vice-Cancellarius, Gallicinus ab Intimo Consilio: Carolus & Gustavus Bironii, Bismarckius, & Schönbergius e captivitate dimissi liberi. Antiochus Cantimir Princeps Russiae Legatus Parisiis obiit. A Neuhausio Legato Caesareo delatus Elisabethae Imperatricis titulus.

Petuntur  
Russica auxi-  
lia.

Anno 1745 Austria & Saxonia ab Imperatrice petierunt auxilia, vi foederis; sed Rex Borussiae effecit, ut neutras partes sequeretur; quantumvis Saxo, ceu Vicarius Imperii Romano-Germanici Principem Feodorovicium ratione Ducatus Holsato-Gottorpiensis, data venia aetatis, Majorem declararet; qui dein solennes cum Sophia Anhaltina nuptias celebravit, praesente etiam hujus matre.

Fœdus Defensivum ictum Sueciam inter & Russiam. Ab Allione Legato Gallico delatus Elisabethae titulus Imperatricis, quo facto, ad alloquium fuit admissus. Tirawleo Legato Anglico successit Hyndfordus, natione Scotus: Gyllenborgo Sueco Barkius: Gersdorffio Saxoni Pezoldus, Rosenborgio Austriaco Bretlachius.

Obiit

Obiit magnus ille Russiæ Cancellarius Henricus Ostermannus, gente Westphalus, in Siberiensi exilio, 66 æt. anno: Gollovinus, Obitus Ostermanni  
Zernichevius, Wisniacovius, magni in aula viri, eandem carnis manum  
viam sunt ingressi.

Anno vero sequenti (1746) humanæ vitæ comœdiam clausit Anna Mechlenburgica; cujus mater erat Catharina Joannis Zari filia, Et aliorum.  
Petri I neptis ex fratre: nata 1718, nupta Antonio Ulrico Principi Brunsvico-Reverano 1739. Ex eo genuit anno 1740 Ivanem, quem eodem anno Russiæ Imperatrix Anna, utpote suum ex sorore pronepotem, Imperii hæredem declaravit, sub tutela Bironii Curlandiæ Ducis. Bironium Anna, Ivanis mater, stravit, Annam Elisabetha, Petri I filia, 1741. Abducta Anna primum Rigam in custodiam, dein separata a conjuge & liberis in Monasterium anno 1744 detrusa, ubi in flore æta is obiit, felicior futura, si relicto mundo versatili, Monasterium ultro fuisset ingressa.

Jam anno 1726 Carolus VI Cæsar cum Catharina, Russiæ Imperatrice, fœdus defensivum inierat, vi cujus, cum Russia a Turcis Russo-  
bello premeretur, Turcam in Pannonia aggressus est, ingentia subsidiorum  
propterea damna passus. Æquissimum proin erat, ut orto post mortem Caroli VI gravissimo de successione Austriacæ bello, Russia vigore ejusdem fœderis, Reginam, undique pressam, adjuvaret. Sed tum Russicæ turbæ, tum causâ Bottana, tum potentes Reginæ hostes, sufflaminabant implementum fœderis ad annum usque 1746, quo renovatum est.

Vi hujus fœderis Russia pro casu invasionis mittet Reginæ & Imperatrici Mariæ Theresiæ 30000 armatas, puta, 20000 peditum, Renovatur  
10000 equitum, donec quies sit reducta. Totidem mittet Regina fœdus.  
invasæ Russiæ, ea tamen limitatione, ne Russicæ copiæ ducantur in Italiam, aut contra Regem Hispaniæ, nec Austriacæ in Persiam. Excipitur etiam casus, quo pars implorata proprio bello esset implicita. Pars implorans transitum per alienas terras procuret. Præfectus copiarum auxilium subjectus sit supremo Duci partis impetrantis: salva tamen religione, pœnis, & belli usu secundum Nationum consuetudinem. Lites a Commissariis utriusque partis judicentur. Neutra pars (NB.) sine præscitu & consensu alterius inducias aut pacem ineat. Legati in aulis exteris sibi mutuo sint auxilio. Perduellibus nullum præbeatur asyllum, sed extradantur. Reges Poloniæ & Angliæ ad hoc fœdus invitentur.

Quamvis autem hoc fœdus debeat esse perpetuum, & etiam successores ligare, statuuntur tamen more fœderum 25 anni; qui sane

Pars X.

Xxxx

hoc



hoc anno 1762, quo Petrus Feodoroviz, successor Elisabethæ, ab eo de-  
scivit, necdum sunt elapsi. Subscripsit nomine Imperatricis Mariæ The-  
resæ Joannes Franciscus Baro Bretlachius, supremus vigiliarum Præ-  
fectus, Legatus, Petroburgi; nomine vero Elisabethæ Imperatricis  
Alexius Bestucheff, Cancellarius Russicus. Secutæ sunt ratificatio-  
nes utriusque Imperatricis.

Obierunt 1. duo fratres Bironii Carolus & Gustavus, agnati Er-  
nesti Ducis quondam Curlandiæ, & Russiæ pro Ivane III Administra-  
toris. 2. Batilius Dolgoruckius Mareschallus Castrensis, consilii  
bellici Præses, cum familia sua variis fatis clarus, æt. 79, agnatus  
ejus Sergius Dolgoruckius, Catholicam Religionem amplexus, in  
patriam redux Græcam profiteri coactus est.

Imperium &  
artes promo-  
vet.

Elisabetha Imperium, patris sui exemplo, optime terra mari-  
que ordinavit, non minus in politicis quam militaribus, erectis vari-  
orum operum fabricis, metallorum fodinis, in Siberia maxime,  
mire cultis, commerciis ad florem perductis. Litteraturæ quoque  
& Academiæ scientiarum & artium eximie favit, auctis illius proven-  
tibus, ut ad 53298 aureos Russicos, quorum quilibet duos Impe-  
riales constituit, ascenderent, unita etiam eidem artium & rerum  
naturalium Camera, magna per incendium damna passa. Univer-  
sam Russiam geometrice dimetiri, & geographice descriptam in At-  
lantem Russicum 19 mapparum referri jussit; cumque Stöllero Fran-  
coni Professori Academico mandasset, ut ultra Siberiam peninsulam  
Kamschaca exploret, inde redux nuntiavit, se Asiam cum America  
ea ex parte deprehendisse conjunctam.

Hollandi tractatum commerciorum cum Russis erigere volebant,  
sed Anglis clam obstantibus nihil impetrarunt.

Nova fœde-  
ra.

Anno 1747 conata est quidem aula quædam semina discordiæ  
inter Suecos & Russos ratione finium spargere, ne isti Regiæ Hun-  
gariæ promissas copias auxiliares possent mittere. Sed tempestatem  
dissipavit Anglia, quæ non modo accessit fœderi defensivo Russo-  
Austriaco, sed peculiarem etiam cum Moscis subsidiorum tractatum  
pepigit Petroburgi per Legatum suum Hindfordum, cui accesserunt  
Batavi.

Lentitudo  
Russorum.

Russia promittit, se hoc adhuc anno 30000 virorum ad fines Li-  
voniæ promoturam, & 50 triremes paratas habituram. Pro his sol-  
vet Anglus 100000 librarum Anglicarum. Adjecta alia conventio  
circa modum & tempus has copias transmittendi per Poloniam & Mo-  
raviam. Verum hoc anno istæ tam tarde coibant, & sequenti tam lente  
procedebant, ut vix non in proverbium abiret, quo de lento homine  
dicebatur: *properat, sicut Russi.*

Jaco-

Jacobus Keith, Scotus, jam a tempore Petri I militaribus in Russia obsequiis bene meritus, missione impetrata, ad Regem Borussiae transiit. Frater ipsius, qui cum Prætendentis filio in Scotiam solverat, volebat in Moscovia fratri succedere, sed ab Anglico Legato tam atris coloribus fuit depictus, ut nihil obtineret.

## §. 7.

*Intellecta pace redeunt Russi, felices, quod putarint, se timeri. Lis de finibus. Laszy obitus. Bellum cum Borusso. Obiit Imperatrix. Succedit nepos Petrus III, qui fœdus rumpit, & cum Lutheranismum vellet introducere & omnia mutare, depositus & extinctus est. Uxor vero coronata.*

Anno 1748 Elisabetha Imperatrix secundum subsidiorum tractatum Anglorum & Hollandorum stipendiis misit 30000 armatorum per Poloniam & Germaniam, adversus Gallos militaturos, Duce Repnio Principe. Verum cum tardo itinere versus Rhenum pervenissent, pacem Aquisgrani conclusam intelligunt. Quare, unde venerant, redeundum fuit. Id autem solatii & honoris secum reportarunt, quod crederent, adventu suo perterritos Gallos, e medio victoriarum in Belgio cursu in pacem fuisse abreptos.

Toto anno 1749 Imperatrix cum Petro Ulrico Duce Holstatiæ, suo ex sorore nepote, quem Petrum Foederovicium ac Magnum Principem appellabant, in urbe Moscuæ residebat, atque rem maritimam in eum statum, quo sub Petro I patre suo fuerat, redegit. Pedestrem quoque exercitum, auctum probeque instructum in Finnam misit, ut paratus ibidem excubet adversum Suecos, cum quibus longa ac molesta de Finniæ limitibus erat contentio. Borussus <sup>Lis de finibus.</sup> Sueco favit, visusque simultatis cum Russia causam aut accepisse aut quærere. Certe Legati utrinque, Principe non salutato, discessere.

Cum dein anno 1751 mortuo Friderico Suecorum Regi suffectus esset Adolphus Fredericus Dux Holsto-Gottorpiensis, intensa fuit sollicitudo Russiæ, ne novus hic Rex introductam in Suecia regiminis formam mutaret, & independentem sibi potestatem arrogaret, data is solenni fide Imperatricem ab hac cura absolvit, atque sic pax & concordia fuit firmata.

Obiit hoc anno clarissimus Heros Petrus Laszy, Gubernator Rigæ, natus in Hibernia; Gallicam dein militiam secutus, Russiæ <sup>Obiit Laszy Comes.</sup> denique obsequiis se addixit, ad armorum imperium summasque dignitates



gnitates pro suis meritis & constanti in Elisabetham fide, ad cuius coronam non parum contulit, promotus. Obiit anno æt. 85, in Religione Catholica, quam semper, etiam inter Schismaticos, eximie coluit. Filium reliquit, supremi Ducis Legatum, in Saxonia militantem, fratremque in Hispania Tribunum.

Comitem Rassumonskium in supremum belli Ducem a Cosacis electum, Imperatrix singulari cum solennitate confirmavit Moscuae. Qui dein Kioviam profectus amplissime fuit receptus.

**Bellum cum Borusso.** Cum anno 1756 Borussiae Rex in Saxoniam & Bohemiam moveret, Elisabetha Imperatrix Russiae vi antiqui foederis defensivi obligatam se credidit, Reginae Hungariae, Bohemiae &c. & Electori Saxoniae assistere. Comparato igitur missoque, quamvis lente, prout Russorum ferme mos fert, exercitu, egregiam fidelemque navavit operam, tamen si fortassis in aula esset Russica, qui non eandem ac Imperatrix voluntatem circumferret, ut ea, quae circa Bestuchesium, Apraxinum &c. & post mortem Elisabethae acta sunt, videretur tralucere.

Designati autem sunt belli Imperatores, primum Apraxinus, dein Fermorius, postea Soltikofius. Gesta autem eorum ac belli rationem postea in appendice latius aliquantum explicabimus.

**Obit Imperatrix.** Annus 1762 grandem Moscoviae multationem attulit; nam 5 Januarii obiit Elisabetha Imperatrix, Petri I filia secundogenita, post Petrum II nepotem ex fratre Alexio & Annam consobrinam (dejecto Joanne III infante) proclamata Imperatrix anno 1741, Moscuae coronata 1742, nata 1709. Imperavit feliciter annos 20, vixit 52, desponsa fuerat anno 1727 cum Duce Holsato-Eutino; sed eo ante nuptias mortuo coelibem vitam duxit, virago summis virtutibus ornata.

**Petrus III de gener.** Successit *Petrus III* seu Foederovicus, Carolus Petrus Ulricus appellatus, antequam ejurato Lutheranismò Græcam Religionem assumeret, Elisabethae ex Anna sorore, Duci Holsato-Gottorpiensi nupta, nepos, jam ante ab Elisabetha matertera hæres Imperii designatus.

**Fœdus rupit.** At is tristi suo fato prælustr, dum status & religionis systema subvertere nixus est. Nam imprimis, ruptis fœderum vinculis, socios deseruit, atque cum Rege Borussiae primum inducias pepigit, dein etiam pacem. Revocatus, qui cum Austriacis se conjunxerat, e Silesia cum copiis Zernicheffius; redditæ Borussiae & Pommeraniæ urbes, tanto sanguine & labore partæ; assumpta militaris forma

normaque Borussica; dono accepta a Rege legio Siburgica, tantaque amicitia imbibita, ut copias suas cum Borussicis conjuncturus videretur, aut Dano propter Holsatiam illaturus bellum.

Adhæc illustres exules, Bironium, Curlandiæ quondam Ducem, & Imperii Russici Administratorem, ab Anna constitutum, Mün-  
chium, supremum ante belli Imperatorem, aliosque Lutheranos ho-  
mines e Siberia revocavit, ac præcipuis muneribus ornavit. Exules Lu-  
theranos re-  
vocat.

Denique, quod infelici Principi cervicem fregit, magna erat in Lutheranos, qualis olim erat, propensio; nam templum illis erexit, in quod, desertis Russorum Ecclesiis, cum iisdem precaturus conveniebat frequens. Cum autem Archiepiscopus Novogrodenfis intercederet, in exilium missus est. Plures alias mutationes circa Lutheranis-  
Clerum & Monachos molitus est, ut adeo speciem præberet alieni-  
um co-  
natur intro-  
ducere.  
a ritibus Græcis animi, timereturque, ne Lutheranam sensim reli-  
gionem induceret, propter politicas quoque novationes apud gen-  
tem, moris sui tenacem, exosus erat.

Conspiratione igitur inita, Catharina, Petri III Imperatoris uxor, Imperatrix publice est proclamata, ejus vero septennis filius, Deponitur.  
Paulus Foederovicus, quem ex Petro III susceperat, hæres & successor Catharinæ matris. Acta hæc sunt 9 & 10 Julii 1762.

Petrus quidem, throno dejectus, omnia tentavit, ut ruinam fisteret, sed Russi omnes ejus conatus præverterant, & pauci Holsatæ  
(600 duntaxat erant) quos apud se habebat, impares erant, ut Extinguitur.  
impetum ruentem cohiberent. Octo solummodo dies Petrus calamitati suæ superfuit, 17 Julii extinctus, anno ætatis 34, Imperii mense octavo.

Igitur Catharina II (Alexievina) Petri III conjux, Joannis Augusti Ducis Anhaltino-Servestani (Anbalt-Zerbst) filia, nata an- Catharina II  
no 1729, Græcam Religionem anno 1745 in nuptiis professâ coronatur.  
(Sophia Friderica Augusta antea appellata) thronum Russicum conscendit, ac Moscuæ coronata est anno 1762. Pacem cum Borusso initam primum improbavit, dein vero ratam habuit.

Anno 1763 Bironio, quem ab exilio revocaverat, Ducatum Curlandiæ, a Carolo Saxonie Principe possessum, jure postliminii Bironium  
restitui voluit, missis in Curlandiam copiis. Multa ultro citroque Curlandiæ  
dicta & scripta, de quibus memoratum aliquid in Polonicis. restituit.



## CAPUT XVIII.

## De rebus Turcicis &amp; Persicis.

## §. 1.

*Qualis successio. Bellum frequens cum Mosco. Crisis de pace.  
Moream occupant. Bellum pace Passarovicensi  
finitum.*

212.  
Modus succe-  
dendi.

Anno 1703 Mustapha II, qui anno 1695 patruo suo successerat, a Turcis ob ignaviam est depositus, & in ejus locum intrusus Achmetes III frater junior, quamvis haberet Mustapha filium. Ex quo videas, Turcas, licet hactenus ex stirpe Osmanni I semper suos Imperatores desumpserint, nullatenus tamen servare ordinem primogenituræ, sed, uti persæpe contigit, præterito filio, fratrem mortui aut depositi vel etiam strangulati ad Imperii coronam vocare, indeque rursus ad depositi filios redire. Hoc ut evitarent Imperatores, fratres suos agnatosque interimere, aut perpetuis includere carceribus consueverant.

Studium  
pacis.

Quietem tunc aliquam Europæ indulxit Mustapha atque Achmetes, & sane mirum est, barbaros datæ Carlovici fidei adeo fuisse memores tenacesque, ut totis 14 annis, quibus bellum Hispanicum tenuit, quoque Principes Christiani in mutuas strages fuerant armati, eandem sancte observarent; cum facile seditione Hungarica in rem suam uti, & incrementum capere potuissent.

Bellum Rus-  
sicum.

Anno tamen 1710 bello cum Moscis sunt collisi. Confirmata quidem anno superiore fuerat pax Carlovicensis, sed ea conditione, ne Zarus se opponat redditui Sueciæ Regis per suas ditiones; hanc autem conditionem impletam non fuisse querebantur Turcæ, cum in finibus collocatæ fuerint Moscorum copiæ, ad eundem intercipiendum. Suberat alia quoque causa, quæ Ottomannos ad bellum denuntiandum permovit, quia scilicet Russi plures ad mare nigrum arces ac munitiones construxerant.

Anno

Anno 1711 Petrus Magnus Moscorum Dux in Moldaviam cum 80000 profectus, a Turcis & Tartaris cinctus, eas in angustias *Ass.* fuit redactus, ut ferro aut fame sibi pereundum cerneret, nisi pacem rogaret. Obtinuit illam ea lege, ut Assacum redderet, munitiones, recens constructas demoliretur, Polonorum rebus se non misceat, neque Cosaccorum aut Tartarorum. Sueco liberum in suas ditiones transitum permittat.

Reprehendunt Politici Vizirium grandis erroris, atque imprudentiæ, aut potius pravaricationis, quod corruptus *Crisis de pace.* pecunia tam opportunam occasionem Moscos delendi neglexisset, eosque dimisisset, antequam conditiones essent impletæ: una die reparari potuisse cladem ad Pultavam, reduci Carolum in suum regnum, Stanislao rursus imponi coronam: Imperium Ottomanicum in Moscoviam extendi. Zarum promissis non stetisse, Carolo exuli permanendum in Turcia: nec reductam occasionem rei tam bene gerendæ per depositionem Vizirii.

Cum igitur Zarus non omnes pacis leges impleret, Sultanus *Quam Zarus non servat.* arma resumpsit, donec anno 1712 sollicitantibus Anglis & Batavis nova pax Constantinopoli est confecta; conventum, ut Carolus Rex reducatur: Zarus copias Polonia deducat, aliaque addita, quæ in Russicis memoravimus. Sed & hæc conventio effectum fuit destituta. Perrexit Zarus reditum Sueco intercludere, Poloniam milite suo continere, Pomeraniam infestare.

Quare Achmetes exandescens, protensis caudis equinis, ad bellum revertitur: sed lente illud initio fuit administratum. In Ve- *Turcæ Moream rapiunt.* netos, pace Carlovicensi fracta, versa belli consilia.

Nam anno 1715 sui securos aggressi Turcæ, duorum mensium spatio totam Moream, pacis fiducia minus provisam, expugnaverunt, cum duabus urbibus, quas in regno Candia Veneti retinuerant, Suda videlicet & Spinalonga.

Qua autem fortuna bellum hoc gravissimum a Mosco, Venetis & Casare sit gestum, & relicta Turcis Morea per inducias Passarovicenses anno 1718 finitum, in Hungaricis retulimus.



## §. 2.

*Rebellio Miriveisii, Rex trucidatus. Tamas filius a Mosco, Miriveis a Sultano auxilia petit. Uterque addicit, sed in suum commodum. Esref occidit Miriveisum & regem se dicit. Turcas vincit. Tamas per Kulicanum Esrefum vincit & perimit. Turcas profigat. Achmetes a throno ad carceres, Mabometes e carcere ad thronum.*

233.  
Turcæ &  
Mosci in  
Persiam.

Anno 1723 & sequentibus, cum Miriveisus Candahariæ Princeps adversus Regem suum rebellis, Persiam invasisset, Turcæ & Mosci sub prætextu Regem throno dejectum juvandi exercitus suos in fines Persiæ miserunt, sed decerpando provincias pro se ipsis in turbido piscari visi sunt. Hoc certe anno Turcæ Carduensem in Georgia provinciam occuparunt. Quos progressus Mosci ad Caspium mare fecerint, alias est memoratum. Altera quidem Natio alterius in Oriente incrementis invidebat, sed, quod dici solet, ensis ensem in vagina retinebat.

Pluribus deinceps annis bellum Persas inter & Turcas fervebat, parte utraque egregie cædente cæsaque, urbs Tauris a Persis amissa, receptaque.

Miriveisii  
rebellio.

Persiæ autem regnum hoc tempore prope eversum fuit; nam provinciarum præfectis aliis alibi tumultuantibus, Miriveisus Candahari provinciæ ad magni Mogolis fines satrapa, cum Aguanis suis, rebellionem excitata, urbibusque passim sub jugum missis, ad ipsa Ispahani (quæ caput regni est) mœnia penetrat.

Rex peremi-  
ptus.

Sophus Rex Persiæ (*Hussein* appellatus) longo pacis otio & voluptatibus enervatus, resistendo impar fugam arripuit; sed inde retractus a rebellibus, oculisque orbatus, cum duobus filiis barbara crudelitate perimitur, tertio filio, eoque natu minimo (quem *Sophum Tamas* appellant) furori subtrahit, qui deinceps gravissimas inter difficultates cum rebellibus varia fortuna bellum gessit.

Sophus Ta-  
mas.

Missio is Petroburgum usque Legato, a Petro I auxilia petiit. Addixit ille prolixè, numerosumque exercitum in Persiæ fines per Wolgam, Astracanum Casanumque regnum adduxit. Sed sibi non Sopho provincias conquirit, prout alias dictum. Miriveisus contra usurpator regni & prædo publicus, missa Constantinopolim Le-

Legatione, cum honore excepta, subsidia petiit, impetravitque : sed pariter sibi militatura.

Obiit quidem circa annum 1725 Miriweis, ab *Esreffo*, agnato suo, ut narratur, interemptus, sed nulla inde Persiæ quies, *Esreffo* <sup>Esreff.</sup> Miriweisii locum occupante, regiumque sibi titulum arrogante. Sopho Tamas per montes & deserta vagante cum exili manipulo ex Christianis potissimum constante. *Esreff* cum Turcis congressus, anno 1727 gravi eos ad Taurim clade affecit. Tandem vero pax inita. *Esreffus* agnitus Rex Persiæ. Turcæ autem pluribus locis aucti sunt.

Anno 1728 Sultanus, bonarum artium amator, exemplo hactenus in Turcia non viso, typographiam Cpoli erigi curavit, opponente se licet Mustio, qui id religioni noxium censebat. Cui mox libri lingua Turcica, Arabica, Persica.

Anno 1730, postquam Sophus Tamas, per *Kulicanum* *Esreffo* <sup>Kulican Tur-</sup> ad interneconem caso & interempto, Ispahanum Thronumque cas profligat. paternum receperat, urbes, ab eodem *Esreffo* Turcis cessas, repetiit: cumque reddere nollent, bellum eis denuntiavit. Accepta Cpoli denuntiatio, redditaque, protensa cauda equina. Sultanus ipse, præludens ruinæ suæ expeditionem suscepit. Sophus Tamas, vel potius Kulicanus, ipsius belli Præfectus, cum 50000 obviam processit, atque ad urbem Taurim ingenti Turcas clade prostravit. Impetu capta Tauris. Octo Tartarorum millia a Turcis ad Persas transgressa. Totus exercitus Turcarum aut cæsus, aut in præcipitem fugam averfus.

Tristis hic nuntius Cpolin perlatus, in tantam plebem furiosam egit rabiem, ut quidam, sublato Mahometis vexillo, turbam Sultan. in rebellionem concitarent. Huic conjuncti Janitsari, caput *Vezi*-carcerem. ril, & aliorum duorum Ministrorum deposcebant. Sultanus furem his victimis satiandum sperans, misit. At effera plebs, carcere perfracto, Mahometem, depositi Mustaphæ II filium, eductum throno imposuit, Imperatorem vero suum Achmetem III, post-<sup>Mahomet a carcere ad thronum,</sup> quam 29 annos sceptrum tenuerat, in eundem carcerem detruxit.



## §. 3.

*Rebellio Cpoli recrudescit. Tamas Sophus, erutis oculis in carcerem trusus a Kulicano, & ejus filius infans throno impositus. Accipit a Turcis, & strenue reddit verbera. Consternatio Cpoli. Vizirius depositus. Bonneval Apostata, Ragozi obitus.*

234.

Mahometes V, Achmetis nepos, postquam 29 annos in carcere jacuerat, a Mustio coronatus, ne se absente nova seditio recrudesceret, Seraskierum adversum Persas misit, donec Vizirius esset constitutus.

Principi Ragozio, uti & Comitibus Bonnevallio, & Marsiglio, qui ad Turcas confugerant, pristina vitæ subsidia confirmavit.

Villenovanus Legatus Christianissimi Regis Peræ, Cpolis suburbio, magna solennitate celebravit nativitatem Delphini. Illuminatum erat ejus palatium multis, more Turcico, varii coloris, ampullis & lampadibus vitreis. Tormentorum & navibus Gallicis explosione datum festivitati initium. Dicta a P. Quardiano Capucinatorum panegyris, cantatus hymnus Ambrosianus, cum omnibus exteris Oratoribus hospites adhibiti mensæ 250. Christianis manciis (ad duo millia erant) missa ad triremes cibaria, exhibita a Turcis comœdia.

Rebellio  
altera,

Anno 1731 turbulentum adhuc erat Turcarum Imperium; nam, cum auctores seditionis, superiori anno excitatæ, plecterentur, caritatem etiam alimentorum multi quererentur, bellumque a Persis, religionis confortibus, in Christianos transferri postularent, nova rebellio coaluit. Conglobata tria millia de plebe per urbem tumultuabantur, sed novus Vizirius, prælato Mahometis vexillo, 3500 armatos in eos duxit, & plerosque occidit. Primorum etiam Ministrorum capitibus, velut pilis, lusum.

Tamas a Kulicano in carcerem datus.

Bellum Persicum variante fortuna gestum est. Bis cæsi Persæ, semel Turcæ. Tamas autem Rex in vitæ licentiam diffuens, turpem & Persico nomini indignam cum Ottomannis pacem iniit, iisque quartam propemodum Persiæ partem ignavus cessit. Quam ob rem anno sequenti a Kulicano, supremo suo armorum Præfecto throno dejectus, & oculis orbatus in carcerem ductus est; ejus vero filius Abas III quinque mensium infans Rex proclamatus.

Kuli-

Kulicanus tutor Regis & administrator regni a Turcis provincias, per noxiam pacem a Sopho Tamas cessas, repetiit, cumque re-  
 cussissent reddere, bellum eis denuntiavit. Filius ad  
throne.

Sultanus, convocato *Divano*, seu supremo suo consilio in *Seraglium*, seu palatium suum, & deliberatione de bello gerendo ha-  
 bita, omnes per Asiam *Bassas*, id est, provinciarum Gubernato-  
 res, adversus Persas valido cum exercitu procedere iussit, cui Os-  
 manem *Seraskierum* sive Ducem præfecit; cum magni *Vezirii*, seu  
 primi Ministri, cujus alias est majores exercitus regere, præsentia  
 in Aula turbata esset necessaria.

Haud procul Bagdado commissum anno 1733 atrox prælium,  
 quo tanta clade profligati sunt Persæ, ut Kulicano nihil superesset,  
 quam simulata petitione pacis ad reparandum exercitum tempus lu-  
 crari. Quod ubi est consecutus, invasit Turcas, sui velut secu-  
 ros, grandemque ab iis reportavit victoriam. Culpa rejecta fuit in  
 Principem Tartarorum; qui prædando retardati serius advenerant.  
 Quo minus Kulicanus victoriæ fructus legeret, obstitit novus exer-  
 citus, a vicinis Bassis in subsidium missus. Id tamen effecit hæc  
 clades, ut Turcæ bello Polonico miscere se non possent.

Annus 1734 nullo iusto prælio fuit insignitus. Velitationibus  
 secundis agebant Persæ, & Bagdado incassum tentato, Taurin  
 cum aliis præclaris urbibus expugnaverunt.

Comes Alexander Bonneval, Tribunus quondam Cæsaretis Bonneval  
 (quem ob delicta in carcerem datum, indeque elapsum ad Turcas Apostata-  
 confugisse alias diximus) abjurata religione Christiana, hoc anno,  
 assumpto Achmetis nomine, circumciscus fertur, magna in sceleris  
 præmium apud Sultanum valiturus gratia.

Kulicanus anno 1735 Bassam Temicensensem in Georgia oppres-  
 sum gravi strage prope delevit. Tum vero adversus majorem mul-  
 to & præcipuum Ottomanorum exercitum progressus, parta insigni  
 victoria, immanem ei cladem intulit, cadentibus in acie 14 Bassis  
 cum ipso Kiuperlo, supremo Turcarum Duce, castrisque direptis,  
 omni opulentia plenis. In ærario castrensi 180000 thaleri leonini  
 dicuntur inventi, quos Kulicanus inter strenuos suos pugiles di-  
 stribuit.

Ad nuntium tantæ stragis tota Cpolis intremuit. Ali Bassa  
 Magnus Vezirius depositus, suffectus Ismael, qui tamen & ipse post  
 lapsum duorum mensium fuit deturbatus. Cum necdum satiaretur  
 rabies furentis populi, sed Sultani quoque coronam nutaret, is 50  
 rebellibus iussit caput demeti, aliis fauces elidi, aliis in exilium



ejectis. Kulicanus victoria usus, Tifflin, & Irvanum, permunitas urbes Musulmannis eripuit.

Obitus Ragozi.

Obiit hoc anno Franciscus Leopoldus Princeps Ragozi Radoffi in Turcia, anno ætatis 69, constans semper in fide Catholica. Anno 1701 e carcere Neostadiensi elapsus, reliquam ætatem in exilio egit. Conjugem habuit ex Domo Hassowanfridenfi. Josephus filius natus major mortuo patre Neapoli in Galliam profugit ad conjugem Bethuniam.

#### §. 4.

*Kulican Rex Persiæ sub nomine Schach Nadyr cum Turcis pacem componit, restitutis finibus, qui ante bellum fuerant. Persicum bellum excipit Russicum & Hungaricum.*

235.

Cum durante hoc bello Persico Russi identidem apud Fulgidam Portam instarent, ut Tartarorum irruptiones in Russicas provincias earumque deprædationes coerceret, facileque appareret, Moscovitas illas non ultro inultas laturos, ne simul cum duabus potentissimis gentibus sibi bellum esset, omni studio in id incubuit, ut bellum cum Persis qualicunque pace finiretur.

Pax cum Persis.

Nec Kulicanus, ad solium Persiæ jam evectus, ut vulnera Persiæ, per tot annorum tumultus inflata, persanaret, alienum a pace, si honesta offerretur, animum habuit.

Sancita igitur pax ea lege, ut fines utriusque Imperii essent iidem, qui ante bellum & turbas Persicas fuerant: ut Persis Meccam ad sepulchrum Mahometis secure & absque vetigali peregrinari liceat: Kulicanus Rex Persiæ agnoscatur: Russi, gens alienæ sectæ, a pace ista sint exclusi. Quam conditionem Kulicanus contra fidem datam adjici passus est. (anno 1736.)

Cæterum, licet Persæ non minus quam Turcæ sint Mahometani, altera tamen gens alteram pro hæretica habet, quia Turcæ Omari, Persæ vero Ali interpretationem Mahometis sequuntur.

Finis belli Persici initium Turcis fuit belli Moscovitici; quod supra in Historia Russica fuit relatam.

Niemerovii congressus.

Anno 1737 magno Legatorum apparatu inchoatus est congressus Niemerovii urbe ditionis Polonicæ pro pagenda pace Russos inter & Turcas, conciliatore Cæsare; sed cum Turcæ Aloffum repeterent, nullamque satisfactionem pro damnis præteritis, & securitatem

tatem in futurum præstare vellent, solutus est, bellumque acrius recrudit, Cæsare etiam in partem tracto, qui Turcis denuntiavera per Dalmannum, suum Cpoli Legatum, nisi pacem facerent, fœdere cum Russis se arma arripere coactum iri.

Magnus Vezirius depositus, quod Ozakovio non subvenisset.

Idem fatum subiit successor, quod bellum non satis feliciter geretur, idem aliis; ut adeo ortum inter Veziriorum & occasum vix possis distinguere. Bellum cum Moscis, Tantas mutationes traxit furor populi Cpolitani & metus Sultani, qui, tametsi summa potestate imperet, tamdiu tamen, prout tot funesta exempla demonstrant, coronam gestat, quamdiu plebi & Janitfariis placuerit. Unde non raro Ministros etiam optimos plebejo furori suæque securitati immolare cogitur. Depositus etiam Tartarorum Chamus, quod lineam Præcopensensem negligentius defendisset.

Bonnevallius Apostata infamis Josephum Ragozium ex Gallia Cpolim pellexit ea spe, quod Sultani auxilio his belli motibus Transylvaniam sit recepturus. Sultanus, cum Principatum dare non posset, Principem dixit. Edito scripto Hungaros & Transylvanos sollicitavit Ragozium, sed hoc adhuc anno desiderii & spebus suis fuit immortalis.

Cæterum expeditio adversus Cæsareos nimium fortunata Tur- Et Cæsare. cis fuit, cæsis ad Banialucam, Cossavam, ad Timocum, & in Valachia dispersis Christianis copiis: Seckendorffio propterea in quaestionem vocato; prout in *Hist. Hungariæ* memoratum.

Anno 1738 Turcæ Uffizam, Novam Orfovam cum gemina arce, Meadiam, Semendriam expugnaverunt. Legatus Gallicus, Anglicus & Hollandicus, pro pace, cum Cæsare & Russia intercessere. Sed Musulmanni Assoffium & Ozakovium repetebant, Cæsari nihil restitutori. Bellum igitur proseguere placuit sub novo Vezirio Mehemet Bassa: qui adversus Cæsarem missus est ad Danubium & Savum cum præcipuo exercitus robore, in Russos Tartaris ferme tantum expeditis.

Anno 1739 Ottomanni sub Vezirio Ali Bassa, occupatis jam accessibus, Belgradum expeditionis suæ finem statuebant. Suspiciatus Strages ad id Wallisus ad Kroskam, pagum inter Belgradum & Semendriam me-Kroskam. dium, se opponere constituit; sed Turcæ, hoc consilium subodorati, prævenerunt, locoque ibidem & sibi & tormentis suis, quorum ingentem vim secum traxerant, electo, subeuntes ex saltuum & rupium faucibus Cæsareos ita exceperunt, ut ingentem eorum stragem ederent, fugientesque persecuti etiam a Belgrado depel-



Belgradum  
amissum.

rent, atque ad hoc, novis operibus permunitum, &, ut creditum, invincibile propemodum munimentum tota vi expugnandum incumberent. Secuta est pax, pro Christianis sane dura. Amissum (Bannatu Temeswarino excepto) quidquid pax Passarovicensis attulerat. *De quo videatur Hist. Hung.*

### §. 5.

*Vizirius depositus ob pacem Belgradensem. Kulican Mogoria Imperatorem debellat, & vectigalem reddit. Ab Oriente in Occidentem reversus Turcas profligat.*

236.

Vezirius  
depositus.

Anno 1740. Plebs Cpolitana seditionem excitavit adversus Magnum Vezirium Mehemet Bassa, quod victoria Kroskana non melius sit usus, sed pacem cum Christianis pro opportunitate temporum nimis macram inierit. Sultanus & sapientiores, quamvis satis perspicerent, pacem cum duabus potentissimis nationibus non potuisse gloriosam magis utilemque confici, praesertim propter Belgradum & Orsovam reportatam, Vezirium tamen, ad sedandas populi turbas deponi oportuit, atque ad gubernationem Gedda amandari. In illius locum successit Nisange Bassa.

Alexander Gika, qui ad Belgradum interpretis munere fungebatur, Princeps Moldaviae a Sultano fuit renuntiatus. Monumentum vero Chozim a Russis fuit rursus Turcis traditum. Tartarorum Principi suffectus Selimus Girey.

Quamvis anno 1741 Sultanus non levi tentatione pulsaretur ad invadendum, in illis Christianorum turbis Bannatum saltem Temesinum, sanctimonia tamen pacis Belgradensis generose eandem vicit, toto tempore belli Austriaci quietus.

Digressio Ulefeldio Pecklerus remanet Cpoli Interpers.

Bassa, qui praepropere Chozimum Russis tradidisse fuerat accusatus, cute de corpore detracta, elisioque gutture periit, bonis omnibus publicatis. Ulefeldio Constantinopoli digressio, remanet Pecklerus Residentis, ut vocant, titulo. Romanzovius vero, post compositas varias de titulo & ceremoniis litibus, Cpolin ingressus est Legatus Russicus. Bonnevalius Praefectus Aegypti renuntiatus esse dicitur.

Anno

Anno 1742 jam iterum depositus Vezirius, Rhodum relegatus est in exilium; quia per avaritiam odiosum se reddidit apud Sultanum & populum.

Anno 1743 recruduit bellum Persicum; quia Turcæ volebant tradere ultimi Sophi filium, qui ad eos confugerat, cum Kulicanus coronam arripuit, & Persis negabant liberum Medinam accessum ad sepulchrum Ali, cujus interpretationem sequebantur Persæ, Turcæ vero Omari. Kulicanus seu *Schach Nadyr* aliquot in Turcomannia, & Diarbeckia loca eripuit. Igitur Cpoli caudæ equinæ e palatio Imperatoris sunt protensæ, copiarque in Orientem missæ.

Antequam autem hæc fierent, Kulicanus expeditionem in provinciam Candaharum suscepit, cujus famosi Miriweisii filius se Kulicanum Regem dixerat, atque hoc debellato in Magni Mogolis Imperium exercitum infudit, eique victo & capto coronam quidem restituit, sed plura regna & provincias detraxit, ac potentissimum Imperatorem sibi veltigalem fecit. Filius autem ejus Tartaros ad mare Caspium Persiæ subjecit.

Anno 1744 continuatum est bellum Turco-Persicum. Rex Kulicanus Nadyr cum 150000, ut fertur, armatis Babylonem movit (quæ *Bagdatum* hodie appellatur) eamque, omisso oppugnatione corona cinxit. Turcæ vero Sephium, qui ad eos confugerat, Regem Persiæ proclamarunt, ut eo nomine factiones in Persia excitarent.

Anno 1745 Sultanus Achmeti Seraskiero Mahometem, Bosnia Bassam, substituit; qui pugnandi avidus, Persas obvallatos aggressus, ingenti strage affectus est. Turcarum 30000 caesa dicuntur, cum ipso Mahomete belli Imperatore. Contremuit iterum Cpolis ad nuntium cladis, & prope a seditione aberat. Accessit grande incendium officinæ navalis, quo 18 bellicæ cum omni apparatu nautico conflagrarunt.

Anno 1746 pax inter Persas & Turcas fuit conflatâ, cujus basis statuitur determinatio finium utriusque Imperii, qualis prioræ sæculo sub Amurathe IV fuit. Plura etiam statuuntur de unitate religionis; & peregrinationibus Meccam, quam Turcæ & Persæ sacram habent, quia in ea natum credunt prophetam suum Mahometem, & Medinam, ubi sepultum putant.



## §. 6.

*Kulican sectam Turcarum profitetur. Induciæ, pace Belgradiensi 1739 initæ, ad 30 annos prorogata. Illustres Viriorum & Bassarum ruina. Bonnevallii interitus.*

*Kulicanus peremptus. Schach Adil Cidarim rapit, non sine novis motibus. Mahometi V succedit Olmanes III, & huic Mustapha III. Periculum Melitæ ob navem Turcicam.*

237.  
Kulicani  
secta.

Sophus in  
carcere.

Tractatus  
commerc.  
cum Turca.

Hactenus Turcæ & Persæ, quamvis utrique Mahometem & Alcoranum colerent, tanquam hæreticos se invicem infectabantur, quia Turcæ Sonnisticæ erant sectæ, quæ Omari interpretationem sequebatur, Persæ vero Siatisticæ, juxta Ali diversam Alcorani interpretationem. At vero Kulicanus Sonnisticam Turcarum sectam professus, in tota Persia illam introduci voluit. Hinc Mustius pacem cum Persis, seu religionis fociis, urgebat, & arma in Christianos converti voluit. Sophium autem, quem Regem Persiæ ante Turcæ proclamaverant, perpetuo carceri incluserunt.

Pencklerus, qui Cpoli residebat, tanquam Orator extraordinarius Cæsareus est deputatus, ut Sultano Francisci I electionem ad Imperatoriam dignitatem nuntiaret. Sed quia in litteris mandati visebatur titulus Regis *Jerosolymæ*, non fuit admittus, donec alias litteras Vienna obtinuisset.

Anno 1747, postquam Mahometes V facta cum Persis pace, copias suas ex Asia reducerat, periculum fuit, ne, conversis in mutuam perniciem Christianorum Principum armis, Hungariam invaderet. Sed Penckleri Cæsarei, Porteri Anglici, & Neplethi Russici, Legatorum industria effectum, ut induciæ, anno 1739 ad Belgradum initæ, ad 30 annos prorogarentur. Imo tractatus etiam commerciorum cum Porta initus a Cæsare ratione Florentiæ, moxque naves onerariæ ex portu Liburno Cpolin trajectæ sunt.

Castellanes Legatus Gallicus, quod negotia cum Porta minus feliciter gessisset, cum Desallerio est commutatus. Russicus graviter questus de iterata Tartarorum Crimensium in Ucraniam irruptione. Citatus Cpolim Chanus, tanquam Vassallus, & reprehensus, quod inquietos & rapaces suos subditos non magis contine-

ret.

ret. Misere hoc anno prope Cpolim periit famosus Comes Alexan-  
 der *Bonnevalius*, transfuga & turpis Apostata, æt. 75, sub nomine *Bonnet allii*.  
 Osmanni Bassæ; cujus vitam degenerem quidam scripsit. Solyman-  
 nus filius ejus adoptivus hæreditatem petiit, quam Vizirius obli-  
 gnaverat. Moldaviæ Princeps (*Hospodarem* appellant) a Sultano  
 præfectus Valachiæ, & hujus Princeps, mutatis clypeis, Molda-  
 viæ. Piget scribere, depositum Vizirium, pluresque Bassas ac Mi-  
 nistros Aulæ Ottomanicæ; quia nihil frequentius, quam ascensus  
 & descensus. Sed non Turciæ duntaxat, sed mundi est genius, ut adeo  
 dici possit non raro, quod Tullius quondam, dum Julii Cæsaris  
 tempore plures brevi Consules Romani fuissent evesti dejectique,  
 dixisse fertur: *properemus gratulatum, dum adhuc est Consul.*

Mundi ge-  
nius.

Grande hujus inconstantia, & humanarum dignitatum, sur-  
 sum deorsum euntium, documentum est etiam Persia. Quantas  
 illa vel solo dimidio hoc sæculo tragicas mutationes revolutiones.  
 que vidit! *Kulicanus Nadyr*, magnus ille bellator, alterque Tamer-  
 lanes, qui Persia subjugata, Sophis Regibus dejectis, Esreffo ty-  
 ranno interempto, Magno Mogoriæ Imperatore sub jugum misso,  
 Magno Tarcarum Monarcha sæpius devicto, atque ad pacem ada-  
 cto, Persiæ solum apicemque gloriæ scanderat, hoc anno 1747  
 Isphani proprio in palatio, a suis Ducibus barbæ fuit interem-  
 ptus, & quidem consilio & mandato sui agnati *Ali Kulicani*, qui  
 per gradus, parricidali sanguine cruentatos, ascendit ad thronum  
 Persicum, *Schach Adil*, quod Justum dominatorem signat, assum-  
 pto nomine; qui mox ad Sultanum Oratorem misit, ut pacem con-  
 firmaret. Lue contagiosa, quod frequens, Cpoli grassante, Impe-  
 rator, Mustio deposito, urbe excessit, sequentibus Legatis exte-  
 rorum Principum. (1748.)

Schach Na-  
dyr interem-  
ptus.

Schach Adil.

In locum Musti depositi, Mahometes V suffecit Effatum Ef-  
 fendi; qui tamen mox anno sequenti, quia cum Vezirio non con-  
 veniebat, Synopen ad mare Euxinum in exilium migrare de-  
 buit.

Novus Persiæ Rex Adil, solum per cruentatos gradus Novæ Persiæ  
 ascendens, bello est appetitus a nepote Kulicani; qui tamen ad turbæ.  
 Taurin prælio victus est. (1749.)

Suecia, conquesta per Legatum de bellico in Russia apparatu,  
 fœdus cum Turcis renovavit (1750.)

1752. Obiit Princeps Wallachiæ Georgius Gika, Græcanicæ  
 religionis. Principatum verò emit a Sultano ejus filius Mathias Wo-  
 da. Mehemetes Vizirius, ad sedandum populi tumultum depofi-

Pars X.

Z z z z

tus,



tus, Cairo in Ægypto præfectus est. Anno sequente Hollandis Mercatoribus, ad preces Legati, permissum, ut Cpoli templum erigerent.

Obiit Mahomet V.

Anno 1754 obiit *Mahomet V* Turcarum Imperator, æt. 59, Imperii 25. Vizirius, Janitsarorum Præfectus, Turcicæ superstitionis Præfes, cum Imperii Cancellario, aliisque Ministris præcipuis Sultanum renuntiarunt *Osmanem III*, defuncti fratrem, anno 1699 natum, Principem mansuetum, & amantem pacis; quod, ut etiam Mustapha III successor, satis demonstrarunt bello ultimo, dum nullis flabellis ad frangendam pacem impelli se permiserunt. Apud Turcas nulla coronatio est usitata: sed post juratam Alcorano & Mahometi fidem Mustius, tanquam supremus sacrorum antistes, novo Imperatori acinacem circumdat.

Petrus *Schwacheimius* in munere Legati Casarei sublevavit *Henricum Pencklerum*, qui 14 annis apud aulam Turcicam illud gesserat.

Annus 1755 præter Mustium quatuor Vizirios depositos vidit, totidemque novos, aula æstus instar marini influxus & refluxus agitata. Mirum, tales a mortalibus Appeti Dignitates, quæ dum oriuntur moriuntur.

Bello ultimo, inter Europæos Principes anno 1756 exorto, Turcia se non immiscuit, fide induciarum sancte servata. Annus tamen 1760 facile magnum potuisset excitare incendium. In navi Turcica, quæ singulis annis tributum in Archipelago colligit, vehementer Turciciabantur 70 Christiana mancipia. Hæc cultris armata, 300 Turcas, qui erant in navi, aggressi, alios occiderunt, alios, ut in mare profilirent, adegerunt, navique potiti, velis explicatis, Melitam eandem deduxerunt, cum præda non exigua.

Melitæ periculum obnavem Turcicam.

Sultanus ira commotus minitatur Insulæ excidium, nisi navis illa sibi ocus restitueretur: cumque Melitenfes navem retinerent, magnum classiarium apparatus instruit. Verum conciliatore Gallico Legato, restituta a Melitenfibus navi, tempestas conquievit; quamvis Equites jam ex omni Europa Melitam fuissent evocati, seque Insula ad fortem & magnanimam defensionem, reparatis munitis, præparasset.

Quan-

Quanta autem fide Turcia pacem servabat cum Christianis Principibus, bellis se se atterentibus, tantum turbarum eidem convicit plurium Bassarum rebellio, & Persiæ, a 40 jam annis perpetuis motibus agitatæ, vicinia.

Imperarunt autem hoc sæculo Sultani, Mustapha II ad annum 1704, Achmetes III ejus frater ad annum 1730, quo fuit depositus. Sultani. Mahomet V, Mustaphæ II filius, ad annum 1754, Osmannus III, ejus frater. Mustapha III, Achmetis III depositi filius, qui ab anno 1757 in hodiernam diem feliciter imperat. Ultimus erat suæ familiæ; jam vero natus est ei filius ingenti cum plausu & jubilo totius Constantinopolis.

## §. 7.

*Concilium Montis Libani. Anno 1738.*

Huic synodo orthodoxæ interfuere, cum Patriarcha Antiocheno Præsidente, 14 Episcopi Maronitæ, duo Syri, totidem Armeni, multi Abbates, aliique de Clero, Ecclesiæ Romanæ unito, plures. Recepta in illa Decreta, a Sacra Congregatione de Propaganda Fide eidem proposita: actumque de limitibus & divisione Diocesium: de subsidio, Episcopo conferendo, dum sacros Ordines confert, & sacrum oleum distribuit. Quia scilicet propter Turcarum persecutiones & oppressiones non habebant Episcopi, unde viverent.

238.

Benedictus XIV Romanus Pontifex anno 1741 hanc Synodum confirmavit, prout in Constitutionibus hujus Pontificis Parte XI, memorabitur, sub clausula tamen, in Approbatione Conciliorum Orientalium consueta, quod scilicet Pontifex per eam approbationem nihil derogatum velit Constitutionibus Antecessorum suorum Ecclesiæ Universalis Antistitem, & Conciliorum Generalium Decretis super ritibus caterarum Nationum.



## CAPUT XIX.

## Compendium Belli novissimi.

## Art. I.

*Bellum Boruffo-Auftriacum, ab anno 1756 inchoatum.*

239.

Origo Aca-  
dia.

Bellum grave, & in hanc usque diem magna animorum viriumque contentione gestum, quodque omnem prope Europam (ut fert hodiernus bellorum usus) in partes traxit, brevi, quod soleo, stylo adumbrare aggrediar. Origo illius ex novo orbe accersita. *Acadia*, Borealis Americæ pars, Gallos inter Anglosque, incertis limitibus, controversa, gentem utramque bello collisit, cœpto ab Anglis direptione navium.

Fœdus Angli-  
cum.

Cum autem metueret Anglus, ne Gallus, Batavis medias partes amplexis, Hannoveranas provincias invaderet, cum Boruffo sub initium anni 1756 Westmonasterii *fœdus* iniit, 4 articulis comprehensum, quibus Germaniæ securitati cavetur, ut, si exteri copias in Germaniam ducerent, pars utraque junctis viribus resisteret. Subscripserunt pro Rege Angliæ Hardvicus Cancellarius, Granvillus Arcani Consilii Præses, Hollesius Dux de Newcastle Thesaurarius, Holdernessius Status Secretarius, & Toxius pariter Secretarius Status. Pro Rege Boruffiæ vero Michelius Legatus.

Gallia hoc fœdere se peti rata, 1 Maji 1756 Versaliis *Neutræ* Tractatum inlit cum Imperatrice & Hungariæ, Bohemiæ &c. Regina, cui & ipsi fœdus illud Angliæ cum Rege Boruffiæ non admodum placuit. Convenit, ut Regina turbis Americanis se non misceat, sed cum Gallia amicitiam servet, neutrique parti se addicat; Rex vero Christianissimus nec Belgium nec alias Reginæ provincias aggrediatur. Quod etiam Regina respectu ditionum Galliæ promittit.

Gallo-Au-  
striacum.

Eadem die Versaliis additus est tractatus *mutuæ defensionis*, in neminis præjudicium, sed ad firmandam magis inter utrumque contrahentem pacem & amicitiam, conservandamque Europæ quietem. Novem constabat capitibus.

I. Sit perpetua & seria amicitia & unio inter Regem Christianissimum, & Reginam Hungariæ, Bohemiæ &c. eorumque hæredes & successores, provincias, & subditos, sine omni exceptione, aut quocunque prætextu.

II. Pax Westphalica, omnesque postea inter utramque Majestatem initi tractatus pacis confirmantur, ac si de verbo ad verbum essent inserti.

III. Regina pro omnibus terris & dominis, quæ rex in Europa possidet, spondet cavetque, solo præsentis bello, inter Galliam Angliamque excepto.

IV. Rex vero promittit, omnia regna & dominia Reginae secundum ordinem Sanctionis Pragmaticæ contra quoscunque invasores defendere.

V. Vi mutuae hujus sponsonis & cautionis pars utraque unitis viribus ad pacem conservandam incumbet, atque ad avertendam invasionem hostilem officia sua pro viribus interponet.

VI. Si autem bona officia non sufficerent, pars altera invaso cum 24000 viris armatis assistet; excepto tamen rursus præsentis bello, Franciam inter & Angliam exorto.

VII. Hæc subsidia consistent 18000 peditibus, & 6000 equitibus, mittentis sumptibus alendis. Pars impetrans vero illis de hybernis providebit, illique liberum sit, pro illa militia pecunias exigere, de mense ad mensem solvendas, ita, ut pro mille peditibus 8000 floreni Rhenani mittantur.

VIII. Pars utraque sibi reservat jus, alios quoque huic tractatui, qui mere est defensivus, associandi.

IX. Hunc Tractatum utraque Majestas propria manu ratum habebit, & intra 6 menses ratificationes mutuo commutentur, vel adhuc citius, si fieri possit.

Subscripserunt nomine Regis Rovilleus Status Secretarius, & Petrus de Bernis Abbas Metensis; nomine Reginae vero Comes Georgius Stahrenbergius, Cæsarearum Majestatum apud Christianissimum Regem Orator.

Additi sunt duo articuli separati. 1. Quod neutri parti debeat esse præjudicio, quod alterius nomen priori loco in hoc tractatu sit positum. 2. Neque, quod lingua Gallica fuerit conceptus.

Jam antequam Tractatus iste esset conclusus, mense videlicet Aprili, Gallica classis ex portubus Brestano & Telonis Martii ex-Minorca, currit, atque a Duce Richelio *Minorica* fuit expugnata, cum Por-



tu Magonis & S. Philippi munimento, cum ingenti Anglorum dolore, quem sensit Bingius, eorum archithalassus, morte multatus.

In Germania interim vere & æstate fervebat apparatus belli. Borussia Horneburgi in Principatu Halberstadiensi 40000 castra posuit: in Bohemia quoque & Moravia colligebatur miles.

Regina autem per suos apud exterarum aularum Ministros palam est contestata, Tractatum cum Francia initum mere esse defensivum, sparsos autem rumores de contentis in eo privatis articulis, de Silesia recuperanda, de electione Romanorum Regis, deque causa Principis Hassiæ conversi, omni carere fundamento. Collectas aliquas in Bohemia & Moravia copias ad nullius læsionem pertinere, sed propter ingentes belli apparatus, quos Rex Borussia faceret, in omnem casum aggressionis, ad vim vi repellendam, præparatas.

Rex Borussia vero copias Bohemicas, & Russicas, Curlandiæ imminentes, obtendens, per Klinggräsum, suum Viennæ Legatum, declarari præcise postulavit, an bellum sibi hoc vel sequenti anno sit inferendum. Mirata Regina, cum stabilem pacem, & non ad unum duntaxat, vel alterum annum extensam, iniisset, super præciso hoc postulato, respondit, videri Regem hoc, coronata inter capita inusitato, quæstionis modo, bellum quærere; cum pax inter eos Dresdæ constans esset sancita, neque data sit Regi causa ad ejuscemodi diffidentiam. Cæterum nullum cum Moscovia pactum esse initum ad invadendum Regem Borussia.

Borussus in  
Saxoniam.

Rex hac declaratione non contentus, cum, & sibi & militiæ suæ ingenti confusus, bellum appetere videretur, tribus agminibus, quorum unum ipse, alterum Ferdinandus Princeps Brunsvicensis, tertium Beveranus ducebat, in Saxoniam movit, totamque, nemine obsistente, occupavit, ut provincias suas ex hoc latere, ut agebat, tegeret, restituendam, ubi præsentis defunctus esset periculo, sacri initar depositi. Sed an depositi leges observatæ fuerint, judicent alii.

Ut hunc in Saxoniam ingressum orbi probaret, necessitatem opposuit præveniendi Austriacos, & terrarum suarum securitati prospiciendi, optare se, propediem adesse felicem horam, qua illam Electori possit reddere. Quantas autem deinceps misera Saxoniam sit passa calamitates, notius est, quam ut referre sit necessum.

Quin illico in Bohemiam irrueret, remoram aliquam injiciebat miles Saxonicus, in castris ad Pirnam munitis se continens, quia nihil a tergo volebat intutum relinquere. Quæ mora *Brunio*, quem Regina

Regina belli Imperatorem designaverat, spatium aliquod concessit, ut posset ad tutandos fines legiones adducere. Castra autem metatus est ad Budinum.

Cum igitur Rex cerneret, Saxones in castris, natura & arte permunitis, hinc Königsteinio, inde Sonnensteinio tectos, montibus. <sup>In Bohemiam.</sup> que ita esse obvallatos, ut temerarium foret, eos aggredi, parte exercitus ad illos includendos relicta, cum altera in Bohemiam progressus in ipsis finibus ad Petrovaldam, repulsis ter a Peronio Borussis, damnum passus est.

Tandem vero 1 Octobris (1756) ad Lobosicium oppidum uterque exercitus in conspectum venit, commissaque pugna admodum cruenta, de qua pars utraque victoriam sibi attribuit. Dicebant Borussi, quamvis magno sibi labore & sanguine, ob depellendos ex collibus & vinetis Austriacos hæc pugna, a septima matutina ad <sup>Pugna Lobosicia.</sup> secundam usque pomeridianam continuata, constiterit, victoriam tamen penes se stetisse, cum Austriacos acie depulerint, multisque eorum casis, 700 cum Lobcovicio captivos abduxerint.

Austriaci negabant, se acie excessisse, sed tota nocte in eadem perstitisse, primumque altera die in castra Budinum se recepisse, quia annonam suam & impedimenta in iis reliquissent: Borussos numero fuisse multo superiores, & ignium celeritate continua obstitisse, quo minus Austriaci plenam referrent victoriam: plures tamen hostium cecidisse, Regemque ipsum mox in Saxoniam se recepisse, expertum robur militiæ Austriacæ: magnam laudem tribuunt etiam Odonello Hiberno, & Radicato Pedemontano, qui in acie cecidit.

Quin imo Brunius cum selectis octo millibus expeditionem mox in Saxoniam suscepit, ut inclusum Saxonicum exercitum liberatum sibi associaret. Sed, quamvis Austriaci per plures dies in loco conjunctionis condito expectarent, Saxones tamen non comparebant; unde illis, omnium rerum penuriam passis, ad castra Budinum recedendum fuit, effectu salubriter destinata destituente.

At caro stetit Saxoniciis copiis sua mora, sive eam impossibilitati, sive corruptæ fidei imputes; nam, cum evadere tentassent, <sup>Saxones obruuntur.</sup> a Borussis circumfusæ, captivas more militari se tradere coactæ sunt. Sed Borussi in fidem Regis adactas, sua sub signa coegerunt, deplorabili fane & exitiali fato florentis exercitus. Rex nihilominus suos ex Bohemia eductos, ubi aerem minus salubrem senserant, per Saxoniam in hyberna distribuit.

Rex



Rex vero Poloniæ, postquam Saxones Borusso se dederant, cum filiis, Xaverio, & Carolo, Varsoviæ abiit, Regina cum Principe Electorali Dresdæ remanente, atque ad calamitates forti animo ferendas pectus obfirmante.

Interea vero, dum hæc in Saxonia & Bohemia agebantur, alius Borussorum exercitus, qui 33 cohortibus & 55 turmis constabat, *Schwerino* duce e Silesia in Bohemiam prorupit, cui oppositus erat Princeps *Piccolominus*. Nulla inter eos justa conferta pugna, plures tamen acres velitationes, fortuna ferme alternante, quin pars altera posset alteram loco opportuno depellere. Austriaci autem ad Regiæ Gradecium, Borussi vero ad *Jaromirum* castra, ex quibus utrinque procursum, collocaverant. Tandem vero hyeme appetente, *Schwerinus* cum suo milite *Glacium* & in Silesiam ad stativa rediit, Austriacis in Bohemia persistentibus.

## Art. II.

*Prosecutio Belli anno 1757.*

### §. I.

*Bellum Austriaco-Borussicum.*

340.

Neque tamen quies vel hyems fuit. Variis procurSIONIBUS actum, commissaque velitaria certamina. Prima Januarii 1757 *Lascius* (magni illius 1750 in Russia defuncti *Mareschalli* filius) ad *Ostricium* Borussos oppressit. 20 Febr. *Maquirus*, natione Hibernus, excursionem in Lusatiam apparavit, misso cum levioris armaturæ milite, *Löwensteinio*, *Lichtensteinio*, & *Laudono*, qui, ad *Hirschfeldam* in Lusatia velitari cum Borussis concursu, rem fortiter gesserunt, & feliciter, ad *Zittaviam* usque propulso hoste.

Parabatur inter hæc strenue bellum; ad expeditionem anni 1757 traductæ in Bohemiam Italica & Belgica copiae, auctæ Hungaricæ, duæ legiones a *Moguntino* & *Herbipolitano* submissæ, singulæ legiones Equestres mille capitibus constare iussæ. Suppletos solenter hiatus, quos bellum prioris anni intulerat, commutati aut redempti captivi. Aliquot legiones Ulanorum ex Polonia cum quatuor Saxonicis adductæ, hisque omnibus supremus belli Imperator impositus *Princeps Carolus*, Cæsaris Frater, ex Belgio advectus, cui *Brunius* datus

Carolus Princeps belli  
Imperator.

datus Legatus : Kollovratus Moraviæ præfectus. Accesserunt Nobilissimi Volones, Xaverius & Carolus Saxoniae Duces, Principes, Bipontinus, Mutinensis, Ludovicus Württembergicus, ac demum etiam ipse Dux regnans Württembergiæ cum legionibus suis; quæ tamen, cum invitæ adversus Borussum irent, non exiguas ei molestias facebant.

Nec minus Borussus, quamvis jam alias copiis abundaret, impigre se armavit, præsertim per Saxoniam, quæ & argentum & supplementa contribuere non parce jubebatur, sacro deposito strenue in usum verso. Nec deerant volones insignes, Dani, Batavi, Baruthani, Brunsvicenses. Instruxit etiam quatuor levioris armaturæ procurforum agmina, contra Hungaros, Croatas, Slavonios, sub Noblio, Mayrio, Kalbeno, Angelo Italo, tribunis.

Austriaci 20000 sub Principe Armbergio ad Egram collocaverant, ut Dessavio opponerentur, ad Chemnitium metanti. Quippe Rex Borussiae quatuor agminibus in Bohemiam movit; quorum primum, quem dixi, Dessavius Egram versus ducebat, plus terroris, quam vis illaturum. Alterum Rex ipse in Montem Album ad Pragam ducebat. Tertium sub Beverano ex Lusatia in Bohemiam irrupit, atque 21 Aprilis ad Reichenbergam Austriacos in fugam compulit. Quartum Schwerinus ex Silesia duxit, atque ad Pragam cum Rege se conjunxit.

Sexta Maji ad Pragam cruentum omnino commissum est prælium. Rex dextrum cornu tuebatur, Schwerinus lævum; in hoc pugna Præ tanto impetu Austriaci invehebantur, ut, multis casis, ter illud regis. pellerent, ipsum *Schwerinum*, quo Ducem & bellatorem majorem Rex non habuit, exanimem sternerent; sed hac ratione, cum Austriaci in dextro cornu fugientem hostem insequerentur, divisa fuit ala dextra a sinistra; quod, cum cerneret Rex, in mediam vacuitatem se iniecit, atque, advocatis novis copiis, totum cornu circumdedit, tantaque vi incubuit, ut victores fugam circumspicere coacti, qua cuique patebat via, diffugerent; pars tamen eorum aliqua, viam per medios hostes sibi aperuerunt, ut cum sinistra ala conjuncti, cum illa Praga, ad eam defendendam, sese injicerent, reliqui vero dispersi Beneſchavii rursus se congregarunt, atque sub Beckio non levem hosti plagam intulerunt.



De numero caſorum & captorum nihil certi ſtatui poteſt; quia, ſicut amat contingere, pars utraque cladem ſuam minuere, & alteram augere ſatagit. Hoc certum, quod plurimi utrinque ceciderint, fauciatique fuerint; quos inter etiam erat *Brunius*, paulo poſt defunctus Praga.

Et *Brunius*.

Obſidio Pra-  
ga. Obtenta hac victoria Rex Pragam obſidione cingere conatus eſt. 19 Maji majora ad eam oppugnandam tormenta ſunt adveſta. Quia autem magna exercitus pars in urbem confugerat, non audebant Boruſſi irruptionem tentare, ſed tormentis & ignibus miſſilibus non tam munimenta, quam domus quatiebantur. Faſta eſt quidem terna eruptio e civitate, ſed quia Boruſſi ſuggeſtibus circum urbem erectis, tormenta undique in ſubeuntes habebant diſpoſita, non magnum inde emolumentum capi poterat.

Mayer pro-  
curſor.

Interea autem, dum Pragenſis obſidio ferberet, *Mayerus*, notus procurſor, per Bohemiam, Palatinatum, Franconiam vagatus, cum aliquot millibus per horrea annonaria ſparſit incendia, & tractum Norimbergensem, Schwobacensem, Fürthanum, Hohenloensem, aliosque vicinos hoſpitatione militum, & exactionibus oppreſſit (ſolo agro Baruthano immuni) donec a Bambergensi & Herſepolitana militia terris iſtis depulſus, ad Regem in Bohemiam rediit, ſimulque Danubium, Nicarum, Mænum ab ingenti, quem incuſſerat, metu, aliquantum liberavit.

Creditur, hæc expeditio, quæ plus terriculamenti, quam vi-rium habuit, a Rege adſignata, in vindictam, quod Comitibus Imperii Ratiſbonæ, reclamantibus licet vehementer quibusdam Proteſtantibus, bellum in Boruſſum, ceu Imperii invaſorem, per majora multo ſuffragia decreverint, *Triplo* pro rata imperato.

Ex eodem fonte profluxit altera Boruſſorum in Thuringiam, adverſus Erfordiam maxime, ſuſcepta expeditio prædatoria. Tradita urbs, præſidio in arcem confugiente. Exacta vis ingens pecuniæ, quæ cum repræſentari non poſſet, abducti obſides.

Interea pugna *Planiana* ſeu *Collina* rerum ſtatim vehementer im- mutavit; quippe poſt prælium Pragenſe 16000 Auſtriaci, qui in dextro cornu ſtrenue dimicaverant, ab hoſte circumſuſi, aperta ſibi ferro via, cum re tormentaria & impedimentis Beneſchavium penetrarunt, eiſque jungebantur Moravicæ copiæ, atque illæ, quas *Daunius Dux* Mareſchallus Leopoldus Comes *Daunius* ex Auſtria recens adduxerat, & quæ ſub Piccolomineo ſteterant, ut adeo juſtum 50000 conſtituerent exercitum. Cum hoc *Daunius*, ſupremus ejus Præſectus & *Nadaſtius* Equitum Magiſter quartis caſtris inter plures velitationes

*Daunius Dux*  
collecti exer-  
citus.

Baro



Baro *Janus*, excubiarum Præfectus, Protestanticæ licet professionis homo, Domui Austriacæ fideli obsequio adhærens, mense Julio Silesiam cum manipulo ingressus, Landishutum & Strigoviam occupavit, cæso Creuzenio Schweidnicii Præfecto. Sed cum Borussi augerentur, montium præsidio defendere se debuit.

Winterfeld  
cæsus.

Aliam felicem expeditionem Carolus Princeps contra *Winterfeldium* prope Görlitium in Lusatia adornavit. Pugnatum acriter; victi Borussi, vulnerato lethaliter ipso Winterfeldio, cum 2000 aliis cæsis aut captis. Rex mortem Winterfeldii magis, quam copiarum jacturam deplorasse dicitur. Natus fuit in Uckermarchia, Dux belli præstans, Colbergæ Præfectus.

5 Sept. Austriaci *Budissam* occuparunt, capto præsidio. Borussos dein Silesiam ingressos insecuti sunt Austriaci, commissis aliquot velitaribus certaminibus. Occisus Tribunus Vettes, Hungarus.

Expedi-  
tio Berolina.

Memorabilis est expeditio, quam Andreas *Haddick*, nobilis Ungarus, castrorum Præfectus, Berolinum mense Octobri suscepit. Cum 4000 solummodo militibus potissimum Hungaris *Berolinum* profectus, a Magistratu civico, misso tubicine, 300000 thaleros petiit, & Deputatos, cum quibus paciscatur; nisi intra horæ spatium venirent, plumbeos imbres comminatus. Cum autem civitas in dando responso moras neckeret, quatuor machinis suis campestribus catenas, quibus sublicius pons suspendebatur, perfregit, ut pons decideret. Unde per portam cum suis irruens obsistere conatos stravit, & suburbium occupavit, Regina Spandavium recedente. Postquam autem Deputati 185000 Imperiales repræsentaverant, Haddicus (accepto nuntio de accelerantibus subsidii) recessit in Silesiam ad exercitum. Borussi aliter non nihil hanc irruptionem retulerunt; negare tamen non possunt, totum Berolinum ingenti terrore fuisse percussum.

Schweid-  
nicium caprum.

12 Nov. Austriaci, Bavari, & Wirtembergenses, *Schweidnicium*, insigne munimentum, magna fortitudine trium hebdomadum spatio expugnarunt, capto præsidio. Oppugnationem dirigebat Nadaftius.

Victoria  
Preslavienfis.

Post expugnatum Schweidnicium Austriaci Principem Beveranum, qui cum 40000 ad *Uratislaviam* munitis se castris continebat, adorti sunt trino aggressionis loco, perruptisque munitionum repagulis, plenam victoriam reportarunt (22 Nov.). De occisorum, captorum, fauciorum, desertorumque numero nihil certi statui potest, cum relationes toto caelo distare videantur. Hoc solum dici potest, fuisse

fuisse utrinque magnum. Borussi noctu partim Uratislaviam fugerunt, partim Viadrum transgressi se collegerunt. Victores vero in hostium castris sub armis perstiterunt.

Fructus victoriæ, præter gloriam, grandemque apparatus <sup>Beveranus</sup> bellicum, fuit geminus: 1 Dux <sup>Brunsvico - Beveranus</sup>, supremus captus. hujus exercitus Imperator, dum 24 Nov. ad recognoscendum prope solus egrederetur, captus, & Znoymam in Moraviam abductus. <sup>Preslavia</sup> 2 Urbs <sup>Uratislavia</sup>, omni opulencia plena deditione accepta, præsi. <sup>capta</sup>. dio Glogaviam abducto.

Anni 1757 (quo plura, quam toto reliquo bello gesta sunt) initium res Austriæ in magnum discrimen adduxerat. Pugna Pragensis infelix, triurbs valde oppugnata. Medium plenum erat gloriosis victoriis. Planiana clades hostem ferocem fregit, & Bohemia expulit. Lusatia & Silesia illata victricia signa: caesus Winterfeldius, expugnatum Schweidnizium: hostis, castris licet munitis obvallatus, ingenti prælio ad Uratislaviam victus, urbs ipsa Silesia princeps subacta. Sed finis infelix fatalem annum clausit catastrophe, una die (quæ est rerum humanarum vicissitudo) adimente, quod totius prope anni expeditio large contulerat.

Quippe Rex Borussia a Rosbacensi, quam ab Imperialibus & Gallicis copiis retulerat, victoria cum victore exercitu mira celeritate per Saxoniam & Lusatiam redux in Silesiam, conjunctisque sibi, quas Beveranus duxerat, legionibus, ad <sup>Pugna ad</sup> *Lissam* vel *Leube* <sup>Lissam</sup>. *nam* Austriacum exercitum in aciem dispositum, sibi obviantem, <sup>Lissam</sup>. invenit. Confertum mox prælium atrox, cujus eventus Austriacis multo funestissimus. Primi dicuntur statione excessisse Wirtembergici, fortassis admodum inviti. Hiatus iste turbavit proximos ordines. Secuta confusio, & fuga luctuosa. Cæforum, fauciorum, captorum, tum in acie tum in fuga, piget numerum scribere. Victores illum in immensum augment, minuunt victi.

Complementum victoriæ erat Uratislavia oppugnatio & ded- <sup>Deditio</sup> <sup>Preslavia</sup>. <sup>Preslavia</sup>. <sup>Preslavia</sup>. Ad 17000 (quod inauditum) se captivos tradidisse, in relationibus suis memorant Borussi. Crediderim, plurimos ex istis fuisse ægrotos aut faucios, qui nec intra muros hosti resistere potuerint, aut eruptionem ex ea tentare. *Sprecherus* Griso urbi fuerat præfectus, Calvinianæ confessionis homo. Beckius dicitur noluisse Capitulationi subscribere.



Tanta multitudine capta, & reliquo exercitu in Bohemiam, Moraviamque dilapso, facile erat Borussia, totam Silesiam adhuc ante finem Decembris recuperare. Solum Schweidnicium, tanto impendio captum, restitit. Sed, cum nemo esset, qui obsidionem solveret, tandem & ipsum communi Silesiæ fato cessit.

Mense Novembri, cum Austriaci Silesiæ subigendæ essent intenti, *Izenblizius* & *Mareschallus Keith*, ut eorum vires diverterent, e Saxonia in Bohemiam effusi, horreum Leutomericium, quod annona erat fartum, incenderunt, imperatis Pragæ usque contributionibus. Sed accurrentibus cum milite *Marschallo* rei tormentariæ *Præfecto* & *Haddickio*, viam Chemnitium in Saxoniam relegere coacti sunt.

## §. 2.

*Initia Belli Gallo - Westphalici anno 1757.*

24E.

Rex Galliæ, sponsor Pacis Westphaliæ, & Reginæ Hungariæ junctus federe, jure se obstrictum credit, spoliato Electori Saxonæ succurrere, & Reginæ promissa 24000 auxilia mittere. Quare ad finem Februarii 1757 sub Principe *Subisio* & *Marschallo* Comite *Estræo* exercitum per Brabantinum, Leodiensem, Trevirenses, Juliacensem, & Coloniensem agrum, adversus Borussum duci jussit.

Transmissio Rheno ad Disseldorpium in castra convenerunt copiarum, quibus sub *Dombatio* Tribuno se adjungere Cæsarea aliquot agmina. Mensibus Martio & Aprili Clivia, Meursium, Marchia, & cum iis Vefalia, Duisburgum, Lippstadtum, Soestum, Hamma occupatæ, sola Geldria vim tempore aliquanto experiri ausa. Colonia quoque, & Monasterio impositum præsidium, ut inde facilius in Frisiam Orientalem esset transitus.

Cum Rex Borussia paucas in Westphalia haberet copias, Rex Angliæ, rejectis pro Germania neutris partibus, ipsi oblatis, exercitum coegit ex Hannoveranis, Brunsvicensibus, Hassicis, Saxo-Gothanis, Lippo-Bickeburgicis, 50000 capitibus constantem, quem primum sub *Zastrowio* Pomerano, dein vero sub *Cumbria Duce*, filio suo, Gallis opposuit. Quapropter isti Bentheimium Comitatum, quem jure pignoris Hannoveranus prætendebat, simulque Borussia Comitatus, Tecklenburgensem & Lingensem occupant.

runt, querelam licet Hannoveranus ad Comititia Imperii deferret, & auxilia contra Gallos, ceu ditiones suas invadentes, peteret.

Cumberlandus, postquam ex Anglia advenit, copias Hammelia conjunxit, atque cum illis *Bilefeldam*, principem Ravenspergensis Comitatus civitatem, processit, ubi castra sua fixit. Prima per Schulenburgium suscepta velitatio 4 Maji cum Fischero, famoso procuratore Gallico. Castrovius *Paderbornam* Colonienfi eripuit. Occupata *Rittberga*, ad Caunizium Viennensem Cancellarium spectans; quæ injurias belli non modice fuit experta.

Verum, cum imminerent Galli, motis castris, Cumbrius cum exercitu suo trans Visurgim se recepit (13 Junii) cujus trajectum Gallorum Francis prohibere omni ope adlaboravit. Sed 16 Julii totus Galli progressus. *Hassiam* cum *Cassella* occupavit. Moxque Hannoveranis terris infusus, *Mindam* Hannoveranam, *Göttingam*, simulque per Davetam Marchionem totum *Principatum Frisiae* Orientalis cum urbe & portu *Embdano* subegit.

Notandum autem, quod Galli terras, ad Hannoveranum (ceum hostem suum) spectantes nomine proprio, eas vero, quæ ad Borussia pertinebant, utpote qui hostis Gallia non esset, nomine Imperatoris & Reginae occuparint, easque Regimini Austriaco, cujus caput Comes de *Pergen*, gubernandas in civilibus & politicis reliquerint.

Hannoverani porro fugam suam ad Hammeliam, non leve momentum, stiterunt; *Hasenbeci* autem, pago, horæ spatio ab *Hammelia* recedente, 26 Julii commissum est praelium, in paucis memorabile. Hannoverani una ex parte monte & sylva, altera ex parte paludibus altisque fossis tegebantur. Estræus eos per Chevertum maxime, ex collibus locisque opportunis deturbabat, tantaque vi ignium infestabat, ut Dux Cumbriae receptui caneret, atque Hammeliam primum, dein ulterius, servatis tamen ordinibus profugeret. Quo minus eos Estræus mox insequeretur, epistola notæ manus, qua insidia nuntiabantur, inhibuit. Primus victoriæ fructus erat *Hammelia* occupata.

Hæc dum strenue ageret Estræus, mediis ex victoriis subito revocatus armorum imperium *Richelieu* Duci tanquam antiquiori Mareschallo jubetur tradere. Paruit illico, atque Aquisgranum ad thermas abiit. Ortus fuit ex familia Lovisia de Tellier, sed propter matrem Estræam, cujus hæreditatem acceperat, Comitis Estræi nomen assumpsit.



Kloster  
Seven.

Acceſſerunt, Haſtenbecenſis victoriæ complementa, menſe Auguſto *Nienburgum*, *Hannovera*, *Brunſvicum*, *Verda*, *Hildeſia*, *Brema*, & Septembri *Harburgum*, ut adeo tota propemodum Weſtphalia & Inferior Saxonia Gallorum præſidiis teneretur, nihilque ferme præter *Stadam* Hannoverano, ejusque ſociis, ſupereſſet, recedente ſemper magis magisque Cumberlando; nec operoſum magnopere fuiſſet illam quoque expugnare, atque Fœderatos aut in Oceanum aut ultra Albin ejicere; cum Richelius 8 Sept. *Monasterio - Sevenſem*, Gallis pernicioſam, Daniæ Rege urgente, & per *Linarium* Comitem cavente, Conventionem iniit, cujus ſummam hic juvat attexere.

*Conventio Sevenſis.*

242.

1. Intra 24 horas ceſſet hoſtilitas.
2. Haſſi, Brunſvicenſes, Saxo-Gothani in ſuas provincias revertantur, cum litteris comeatus ſeu ſecuri tranſitus, quas Dux Richelius eis dabit. In ſuis autem regionibus dividuntur, prout inter Regem Galliarum, & eorum Dominos conventum fuerit.
3. Hannoverani trans Albin ſe recipient, exceptis ſex ad ſummum millibus, qui ſub ſponſione Regis Daniæ manebunt Stadæ, nullam tamen hoſtilitatem exerceant. Designatus diſtrictus Stadæ ad dimidium milliaris. Viæ reſceſſus trans Albin per utriusque partis Commiſſarios ordinentur. Galli in occupatis locis usque ad pacem remaneant.
4. Donec determinentur limites, Galli in Bremenſi Ducatu non procedant ultra Oſtum fluvium: in omnibus autem, quas ceperunt; poſſeſſionibus perſiſtent. Omnibus his articulis Rex Daniæ accedit tanquam vas & ſponſor.

Ab hac conventionem omnis mali origo, quod deinceps per Gallis noxia, plures annos Gallis incubuit. Debellari ex illa parte potuiſſet brevi tempore, unico monumento reſtante; ſed Richelius, ut Fœderatos redderet neutros, & quiete parta, in Boruſſum iret, quod etiam Auſtriaci urgebant, fidei datæ, & ſponſioni Daniæ conſiſus, copiis modicis in locis occupatis relictis, exarmatis ne quidem hoſtibus, adverſus Boruſſos proceſſit.

Vix autem cum maxima copiarum parte reſceſſerat, ut Halberſtadium occuparet, & Marchiam Brandeburgicam per velites tentaret, inſurgentes Fœderati (*Hannoverani* & ſocii) *Harburgum* oppugnarunt, Gallis ex Verdenſi & Bremenſi provincia pulſis: id facino.

facinori suo prætexentes, Gallos contra conventionem priores exercuisse hostilia, cum tamen nihil eorum cum veritate possent edicere; nempe, qualis religio, talis fides.

Galli, fiducia tractatus initi, plurimis locis dispersi, hyeme- Eorum fuga.  
que rigente, ultra Visurgim Rhenumque adeo sunt reiecti, pluribusque locis caesi. Commodabat nempe Fœderatis Rex Borussiae Ferdinandum Ducem Brunsvicensem, regnantis Brunsvici & Welferbyti Ducis Caroli fratrem, præstantem bello heroem, disciplina Borussia probe imbutum; quo ductore retro lapsa est res Gallica. Ferdinandus Princeps.  
Missi singulis annis novi Duces; sicut fieri consuevit, re minus prospere gesta. Resumpti ultimo belli anno, qui primo, Subisus & Estræus. Sed causa vulnerata, res non amplius erat integra, Anglis præsertim magno numero accurrentibus, Anglicoque argento dominante.

## §. 3.

*Bellum Boruffo- Imperiale. Anno 1757.*

Quod omnes prope Imperii Ordines adversus Regem Borussiae 243.  
arma corripuerint, memoratum supra est. Instructum commune ærarium, ex decretis 30 mensibus protectionis Romanæ conflatum. Exercitus circa Norimbergam conjunctus, eique a Cæsare præfectus Princeps Josephus Saxo- Hildburgshufius. Finis, Boruffum depellere Saxonia, eamque Electori restituere. Rex Gallia, præter exercitum sub Estræo Hannoveranis eorumque fociis oppositum, alium Subisio Principi commisit, Imperiali conjungendum. Regina quoque Hungariae addidit aliquot legiones, Bretlachiam, & Trautmandorffiam cataphractorum equitum, Spleniam & Seezeniam Hussarorum, cum Croatis, quibus Laudonus præerat.

Mense primum Augusto 1757 in Saxoniam movit collectus hic ex pluribus nationibus exercitus. Occupata Erfordia, Gotha, Jena, Vinaria Rex Borussiae, relicto in Silesia adversus Austriacos Beverano Principe, cum parte sui exercitus novo huic suo hosti occurrendum putavit.

In Saxoniam igitur profectus, 5 Nov. ad *Rosbacum*, haud procul Merseburgo, Imperiales & Gallicas copias aggressus, memora- Pugna ad Rosbacum.  
bilem victoriam retulit, astu & calliditate supplente, quod militum numero deerat. Quippe in adverso colle, ubi conspici non poterant,

Pars X.

B b b b

rant,



rant, tormenta aliasque machinas cum pugnacissimo milite abscondit; a fronte vero copias suas varie circumagendo remissius pugnando, fugam etiam simulando, in locum infidiarum hostem pertraxit, plumbeaque grandine tam vehementer incubuit, ut hostem in plenam fugam averteret, imperiales quidem in Franconiam, Gallos vero in Hassiam. Rex vero magnis itineribus in Silesiam properavit, ibique pariter per Lissanam victoriam gloriosam expeditionem coronavit.

## §. 4.

*Bellum Russo - Borussicum anno 1757.*

244.

Jure fœderis defensivi, 22 Maji Aulam inter Viennensem & Patroburgensem initi, Augustissima Imperatrix & Regina Hungariæ, Bohemiæ, mense Septembri, cum Borussus in Bohemiam irrueret, petiit promissa auxilia. Coibat Russorum exercitus, sed pro more hujus gentis, lente admodum in Livonia sub *Apraxino* supremo armorum Præfecto, ut adeo non nisi Majo anni 1757 finibus suis egrederetur, quamvis Elisabetha Imperatrix jam 11 Januarii anni ejusdem Tractatui Versaliensi accessisset.

Mense igitur Majo 1757 Mosci tribus agminibus, quorum primum *Apraxinus*, alterum *Lapuchinus*, tertium *Lievenus* ducebat, per Poloniam & Lithuaniam terris Regis Borussicæ imminebant. Missa simul classis ad infestanda Borussicæ littora, 9000 continenti exposita: quibus *Fermerus* 28000 ex *Samogitia* adduxit. *Memmelia*, insigne munimentum, expugnata; inde vero in interiora Borussicæ penetratum, *Lewaldo* nequidquam obsistente.

Ad *Fädersdorffium* ventum ad prælium 30 Aug. pugnatum utrinque acriter. Tandem vero Russi completam retulerunt victoriam, plurimis in acie cæsis, sauciatis, captisque. Borussi adseribunt victoriam hostium multitudini, Russi suæ virtuti, adduntque, Borussorum fuisse 40000.

Verum Mosci noverant vincere, non autem uti victoria. Nam non modo fugientem hostem non sunt prosecuti, aut in ulteriora Borussicæ progressi, sed fugientium instar, desertis, quæ occupaverant, locis, recesserunt, sola retenta *Memmelia*. Proditione id actum credebatur, mandante clam illo, qui postea, fracto fœdere, palam Borussis favit, ex socio factus hostis. At ille brevi pœnam perfidiæ luit.

## §. 5.

*Bellum Sueco - Borussicum anno 1757.*

Anno 1756 Suecia, vas Pacis Westphalicæ, pro mittendis auxiliis contra Borussum, pacem illam invasione Saxoniz & Bohemiz violentam, ab Aula Cæsarea interpellata, 14 Martii per Legatum suum Ratisbonæ declaravit, Sueciam vi ejusdem pacis Westphalicæ obstrictam esse, oppressis Imperii Statibus succurrere. Quem in finem 17000 Suecorum sub *Sternbergio* in Pommeraniam transmissa, non nisi mense Septembri 1757 contra Borussos aliquid, ad speciem saltem, tentandum existimarunt. 245.

Occupata absque vi Insula Ugedomia, Anclamum civitas, Urbes quam munimentum Penamyndanum, Uckermunda, Demminum, Suene- facile captæ, munda, cum Prenzlavia, urbe præcipua in Uckermannia, & Wol- tam facile lino Insula. Verum, superveniente *Lewaldo*, post discessum Rus- amissæ. ssum ex Borussia, hæc omnia, ferme quam facile occupata, tam facile rursus sunt amissa. Suecos in Suecis requireres. Recesserunt, & sub Stralsundæ tutela se abscondebant. Umbratile videbatur bellum. Regina Sueciæ est soror Regis Borussia, & Rex affinis: natio utraque confessionis Protestanticæ.

## Art. III.

*Prosecutio belli anno 1758.*

## §. I.

*De bello Austriaco - Borussico anno 1758.*

Dilapso post cruentum ad Lissam prælium Austriaco exercitu in Bohemiam, pars utraque ad reparandas ruinas, novamque expeditionem in annum 1758 instaurandam curas suas intendit. Accitæ ex Italia & Belgio suppetiæ, atque ad complendas Legiones, bello accisas, novi delectus habiti. Rex Borussia pari modo, conscripto novo milite, vocatisque etiam sub signa sua captivis, Austriacis, Suecicis, Gallicis, hiatus suos explevit, &, quod potissimum 246.

B b b b b 2



tissimum erat, renovato cum Anglia opimo fœdere, quatuor Imperialium milliones, qui 670000 Sterlingarum Anglicarum conficiunt, annuatim sibi pendendos, est stipulatus; adjecta ea lege, ut neutra pars sine altera pacem ullam aut conventionem pangat.

Schafgotius  
Romam.

Post Lissanæ victoriam, deditamque Borussia Uratislaviam, *Schafgotius*, Episcopus ad eundem scripsit epistolam, qua significavit, se, cum gratia Regis excidisset, profecturum Romam, ibique ad finem usque belli subititurum. Rex graviter illum discesum tulit, missoque responso, eundem ingritudinis, & perfidiæ postulavit.

Copiæ interea neque hybernis quiete frui poterant. Commissæ velitationes plures. Memorabilis est illa, qua *Simschönus* Borussia, *Troppaviam* aggressuros, repulit, cæsis eorum centenis aliquot.

Schwednicum  
amissum.

Pulso Jano, vigilum Præfecto, ex Comitatu Glacensi, Borussia se accingebant ad oppugnationem *Schweidnicii*, cui præfectus erat Comes *Thürbeinius*; a mense jam Decembri superioris anni, ne cibaria inferrentur, illud cinctum corona habebant. Cæpta est oppugnatio 1 Aprilis. 16ta munimentum se dedit, capto præsidio. Tantundem temporis Austriaci anno priore impenderant eidem expugnando.

Keith oppugnat  
Olomucium.

*Schweidnicio* subacto, Rex 1 Maji in Moraviam duxit exercitum, *Olomucium*, quod *Ernestus Marschallus*, Saxo, Lutheranæ confessionis, defendebat, ibidem expugnaturus. Præcivit huic negotio Jacobum *Keith*, Berolini Præfectum, natione Scotum, qui primum in patria anno 1715 Jacobi Regis partes secutus, in Hispania dein militavit; sed cum Calvinum ejurare nolle, dimissus, & in Moscoviam translatus, ad summos honores militares est eluctatus. Demum ad servitia Regis Borussia transit, atque in prælio *Hochkirchen* postea occubuit. Ad *Olomucium* expugnandum eidem adjutores dati *Fouquetus*, *Treskovius*, *Rebentischius*, *Schenckendorffius*.

Solvitur ob-  
sidio.

Ad primam usque Julii a medio Majo cruenta ducebatur obsidio; quam tandem solvere Borussia cogeantur, imminente hinc cum exercitu per montium juga Daunio, inde, captis a Laudone & Jano plus mille curribus, comœatu militari annonaque, quam *Puckammerus* & *Zietheus* e Silesia adducebant, interclusis. Captus ille: hic in Silesiam fugit. Nec parum desperationem urbis expugnandæ auxit *Bülovius*, qui mille ducentorum auxilia eidem in-

cit,

cit. Numerum occisorum captorumque non addo; quia scriptores nimium quantum variant.

Soluta obsidione Rex cum exercitu ex Moravia in Bohemiam Rex in Bohemiam movit, atque sub medium Julii ad Regio-Gradecium castra collocavit. Sequebatur exercitus Austriacus, præmissis cum copiis Lascio, Russici Mareschalli filio, & Antonio Tillier, Berna oriundo, cujus pater Franciscus Tillier præfectus fuerat Friburgo in Brisgovia, anno 1719. Cum Viennæ gravi morbo laboraret, Catholicam Religionem professus, atque anno 1739 mortuus. In itinere plures velitares incidebant pugnae, proniore plerumque Austriacis fortuna.

Cum autem interea Russi ac Sueci Regis provincias invaderent, relictis permunitis, quæ ad Regino-Gradecium habuerat, castris, exercitum ex Bohemia in Silesiam trajecit, atque ad Landishutum 9 Augusti metatus est, relictoque ibi valido præsidio, cum 33 turmis & 14 cohortibus, 11 Augusti adversus Russos processit, ac 25 Augusti secundum cum iis prælium ad Cystrinum, vel Zorndorffium inivit, Laudohno interrim munimentum Peiz in Lusatia Brandenburgica occupante. Pugna Zorndorff.

Cum Rex contra Russos dimicaret, Daunius, advocatis etiam Imperialibus copiis, in Saxoniam duxit exercitum, quam Henricus Regis frater occupabat. Hic cum hosti impar videretur, Rex magnis itineribus in Saxoniam advolavit, fratrem Saxoniamque periculo erepturus.

Per integrum tum ferme mensem haud procul Dresda castra adversa stabant, loci opportunitate utrinque permunita, donec Daunius suo cum exercitu 5 Oct. in Lusatiam recessit. Secutus est Rex, atque ad pagum Hochkirchium 14 Oct. Austriaci, commisso cruento prælio, plena sunt potiti victoria, Borussis in fugam actis, castrisque eorum in potestatem victoris venientibus. Centum tormenta bellica feruntur erepta. 28 signa Tillierus, excubiarum Præfectus Viennam detulit. Decem armatorum millia in acie cæsa, aut capta, aut vulnerata memorantur, atque hos inter Jacobus Keith supremæ aciei frustor, Franciscus Dux Brunsvicensis, summus vigiliarum Præfectus occubere. Mauritius Princeps Anhaltinus, cum graviter faucibus Budissam veheretur, captus, cum aliis 500. Fatenturque in relationibus suis ipsi Borussi, Regem omnesque majores copiarum Duces, aut contusionem passos, aut corporis sui, vel equorum vulnera. Majorem adhuc multo cladem inferendam fuisse hosti, scribunt aliqui, nisi Princeps quidam Acatholicus suo defuisset officio. Pugna Hochkirch.



Sed neque Austriacis incruenta fuit victoria; unde Daunius hosti fugienti non insistendum duxit. Sed neque procul ille aufugit, propinguis in collibus, paludibus munitis, copias suas colligens, ac brevi post 7000, a fratre Henrico ex Saxonia adductis, auctus.

Uterque exercitus mutuo aspectu defixus hærebat ad 25 usque Octobris, quo die Rex, castris solutis, legiones ex Lusatia in Silesiam traduxit, ut obsidionem *Neissa*, quam Austriaci inchoaverant, disturbaret. Daunius, Laudohno insequi iussu, in Saxoniam rediit, occasione *Dresdæ* expugnandæ inhians.

Soluta obsi-  
dio *Neissæ*.

*Neissæ* obsidio *Devillio* Equitum Magistro, & Comiti *Harscbio*, rei tormentariæ Præfecto, fuerat commissa; jamque per plures dies, erectis suggestibus, ex machinis majoribus munimentum fuerat impetum, cum circa finem Novembris, Rege imminente, recedendum fuit, relicto non modico apparatu bellico. Idem erat fatum *Cogelane* obsidionis.

Et *Cosel*.

Izenbliz.

Schmettau  
suburbia  
incendit.

Cum Daunius ex Lusatia profectus in Saxoniam *Dresdæ* appropinquaret, opposuit se *Fridericus Izenbliz*, supremi castrorum Præfecti Legatus, ex Marchia veteri oriundus, miles plenus fulgure. *Schmettau* vero *Dresdæ* Præfectus, quamvis Austriaci nullam omnino adhuc vim exeruissent, suburbia incendi iussit subito, cum homines alto sopore essent demersi, unde factum, ut multi incendio conflagrarent, alii nudi ex lectis profugerent, quo eos suprema calamitas abstraxerat. Quæ res multas querimonias, in ipsis adeo *Ratisbonæ* Comitibus Imperii concivit.

Daunius, tum ut ulteriorem ruinam *Dresdæ* sisteret, tum quia rex ex Silesia, *Neissa* liberata, Saxonie imminebat, in Bohemiam hybernatum se recepit; Borussia suos per afflictam potissimum Saxoniam distribuyente.

## §. 2.

*Bellum Borussia - Imperiale. anno 1758.*

247.  
Frid. Gibert.  
belli imp.

Imperiales copiae quinque Circulorum, Bavarici, Suevici, Franconici, & utriusque Rhenani novum hoc anno caput accipere, dum *Hilburgsbustus* *Friderico Duci Bipontino* fasces tradidit. Stativa Prætoria, quibus interea præerat *Ludovicus Fürstenbergius*, rei tor-

men-

mentariæ Præfectus, primum Norimbergæ, tum Bambergæ figebantur. Rei annoniariæ cura Judæis erepta, atque *Vilsecco* Comiti commissa.

Non diu hybernorum quiete frui licuit; quippe Joannes *Mayerus*, qui sequiore thoro Viennæ natus, ac postea jam Cæsarea, jam Saxonica signa secutus, sub initium belli hujus ad Borussica castra transit, cum sua velitum cohorte Februario jam & Martio mense in Thuringia & Franconia finibus obturbabat. Dici non potest, quanta hic veles cum prædatorio suo manipulo damna intulerit. Mense Majo cum Driefeno in Franconiam irruit, atque Bambergam occupavit, & postquam eandem expilavit, abstractis sex obfidibus 10 Junii recessit.

Imperialis interea exercitus ad Egram in Bohemia metabatur, in Saxoniam inde irrupturus. Quod sane permovit Driefenum & Mayerum, ut Franconia relicta, in Saxoniam ad Henrici Principis copias properarent. Velitares pugnas, quarum multæ commissæ sunt, non commemoro, cum alternante fortuna sint susceptæ, & ad reissum non multum contulerint. Dux Bipontinus, conjunctus cum Daunio, Dresdam & Pirnam tentavit; sed a Rege cum exercitu superveniente coactus fuit recedere. Felicius fuit in expugnando *Sonnensteinio*, castro munito monti imposito, quod modicum intra spatium subegit, capto præsidio.

Munitis dein ad hoc munimentum castris se continuit, donec, inopia cibariorum, quæ a Borussis fuerant interclusa, laborans, 14 Oct. inde digressus, Rege ad liberandam Neissam profecto, ad occupandam Lipsiam, Torgaviam, & Wittenbergam se accinxit, consilio sane optimo, sed propter accurrentes novos ex Marchia hostes, effectu suo destituto, ut adeo ad hyberna in Franconia capiendæ redire fuerit coactus, ducta in finibus catena, cui defendendæ primum Haddickius, dein vero Maquirus præerat: sed nullis repagulis arceri satis poterat vis hostilis, quo minus levibus certaminibus dimicandum fuerit.



## §. 3.

*Bellum Borusso-Russicum, anno 1758.*248.  
Fermor.Borussia  
pta.

Russi, renovato sub finem anni 1757 cum Austria & Francia foedere, Apraxino propter prioris anni perfidiam Wilhelmum Fermor, natione Germanum, sed bellis Russicis innutritum, substituerunt. Occupata sub initium anni 1758 tota Borussia Brandenburgica. Accessere mense Martio Elbinga & Thorunium, memorabiles in Borussia Polonica urbes. Illam Soltikovius, hanc Gallicinus cepit. Gedanum omne praesidium respuit.

Russi in Mar-  
chiam.Pugna ad  
Zorndorff.

Sub finem Junii Russi transmissa Vistula in Pomeraniam Brandenburgicam & novam Marchiam irrupere. Quorum ut progressus sifteret, accitus est Mareschallus Dobna, qui adversus Suecos missus fuerat. Non tamen impedire poterat, quo minus Cystrianum firmissimum munimentum obsiderent; & expugnassent haud dubie, nisi Rex fulminis instar e Silesia venisset suppetias.

25 Augusti ad Zorndorffium vicum, non plus uno milliari Custrino dissitum, commissum est Borussos inter & Russos sanguinolentum praelium, quod ipsas adeo decem horas pertinaci ardore est continuatum. Nunquam ita variatum in describenda pugna, & asserenda victoria. Pars utraque hanc sibi solenni hymno accinuit: utraque ab altera prius desertum aciei campum asserit: utraque alterius ruinas iacturasque in immensum auget, suasque minuit. Hoc certum, noctem diremisit praelium, & altera adhuc die adversas stetisse acies, atque tormentis fulminantes, ad 30 usque Augusti in eadem statione haesisse: tum vero Russos primum Landspergam, postea autem in Pomeraniam recessisse.

Certum quoque videtur, Moscos multo maiorem cladem iacturamque fuisse passos; cum ipsi fateantur, utrumque suum cornu, dissolutis ordinibus in confusionem adductum, Borussos vero iisdem servatis fortiter dimicasse, legiones praesertim equestres. Relationes Berolinenses numerum casorum captorumque Russorum ad viginti millia extollunt, capta vero tormenta ultra centum.

Colberga ob-  
sedit.

Post Zorndorffensem pugnam Rex in Saxoniam movit, subventurus Henrico fratri, ab Austriacis & Imperialibus copiis in angustias redacto. Russi vero expeditionem memorabili opere coronaturi, totum Octobrem expugnandae Colberga, permunitae in Pommerania urbi, consecrarunt, ut maritimo itinere facilius com-  
meatu, quo laborabant, possent instrui, & hybernis stationem op-  
por-

portunam figere. Verum sub initium Novembris, tonando fessi, in utramque Borussia hyematum concessere.

Cum sub initium hujus anni timeretur adventus classis Anglicanæ in Balthicum, operationibus Sueciæ & Russiæ obviatura, utraque hæc Potestas 26 Aprilis Holmiæ sædus icit, vi cuius Russia 15 bellicas naves majores & 4 minores, Suecia vero 10 majores & 4 minores Balthico immittat, ut combinata hæc classis adversus Anglos excubet.

§. 4.

*Bellum Borusso-Suecicum anno 1758.*

Finiente jam anno 1757 Borussi Lewaldo duce, exactis e Pommerania Borussia Suecis, sua receperant, duo duntaxat munimenta si demas, Anclamum & Penemündam, quæ tamen ipsa etiam in eunte anno 1758 sunt expugnata. Sueci vero Stralsundam & in Insulam Rügiam profugerunt, ubi *Sternbergio* Archistratego subrogatus est comes *Rosenus*, Borussis in Pomeraniam Suecicam Stralsundam usque irrumpentibus impar. *Lewaldo* vero successit *Dobna*; qui diviso exercitu, partem adversus Suecos, ad Balthicum jam retrufos, adhibuit, partem alteram in Ducatum Megalopolitanum misit, qui gravissimis exactionibus & hospitacionibus hostilibus toto hoc bello fuit afflictus, non alia, credo, ex causa, nisi quia Dux Suerinensis liberum in Comitibus Imperii suffragium tulit. Accessere Borussis Wismaria & Rostochium, in Pomerania vero Suecica Greifswalda, Wolgastum, Grimma, cum horreis frumentariis & annonariis, ut adeo Sueci vel voluerint vinci a levi Borussorum manu, vel degenerem a Majorum virtute infirmitatem prodiderint. Sed quid? Regina Sueciæ soror erat Regis Borussia. Alius forte sensus erat Senatus Suecici, alius aula.

Mense tandem Julio videbantur Sueci serio velle bellum in Pommerania gerere, saltem ut amissa recuperarent. Nam aucti legionibus aliquot, Stralsunda sua prorepentes, cum Borussi contra Moscos magnam partem fuissent advocati, Anclamum, Penemündam, cum insula Usedomia occuparunt, atque in Uckermarchiam, obstitente ferme nemine, effusi, ipsi etiam Stettino minari visi sunt. Verum postquam Borussorum vires, alio ante abstractæ, se collegerant, Sueci rursus ad mare usque Balthicum repulsi sunt, æstu velut marino fluctus suos cientes, & reforescentes.

Pars X.

C c c c c

§ 5.



## §. 5.

*Bellum Gallico-Hannoveranum, anno 1758.*

250.

Quamvis Angli, Hannoverani, Hassi, Brunsvicenses, Saxo-Gothani, Vinarienses, Borussi, inter se *confœderati* contra Gallos bellum gererent, nervum ministrante Anglia, *Gallico-Hannoveranum* nihilominus appellandum censeo, quia cis & trans Visurgim adversus Hannoveranos, Borussorum socios gestum est; quam autem felix fuit Gallis initium, Fœderatis ad ostia ferme Albis Stadamque protrusis, tam sævum eis vulnus intulit conventio *Sevenfis*, a Richelio Duce inita; nam sub initium hyemis, Francis per provincias dispersis, Fœderati, rupto contractu, Gallos in Hassiam usque populere.

Nam postquam Galli Borussos aggressi Halberstadium expugnaverunt, Ferdinandus Princeps Brunsvicensis, Dux præclarus, a Rege Borussiæ, ut Fœderatis copiis præfset, commodatus, castra ad Lüneburgum locavit, indeque dimissis cohortibus variis in locis Gallos infestavit: cumque Bremensem etiam Ducatum essent ingressæ, Dux Broglie prævertendum ratus, Bremam Civitatem Imperialem Cæsaris nomine occupavit.

Gallorum  
fuga.

Verum cum Borussi duce Henrico Principe ex una parte Halberstadium recepissent, atque Gallis insisterent, ex altera vero parte Ferdinandus Princeps eosdem urget, Brunsvicum, Guelferbytum, Goslariam, Hildeshemium, Hoyam, Verdam, Bremam, Hannoveram, Göttingam, Nienburgum, aut ultro deseruerunt, aut deserere coacti sunt, ut adeo nullus ad Visurgim Gallis locus superesset, præter Hameliam & Mindam, quam, cum valido munita esset præsidio, ex ordine expugnare oportuit. Captum præsidium; idem ne fieret Hammeliæ, urbem ultro deseruit: prout etiam Lipstadium, Monasterium, Soestum, Ravenspergam, Paderbornam, Frisiam Orientalem, omnesque ferme provincias Westphalicas usque ad Rhenum. Atque hæc omnia hyemis tempore acta sunt.

Prælium ad  
Crevelt.

Appetente vere Fœderatus exercitus, ducibus Ferdinando, ejusque nepote Carolo, Principe hæreditario Brunsvicensi, trajecto Rheno, plures urbes & oppida occupavit, prædasque usque in Geldriam egit. Ventum denique prope *Creveltum* in Mærsiæ Principatu ad prælium 23 Junii. Victoria penes fœderatos stetit. Duffeldorpium & Ruremonda victoriæ præmium fuere. *Princeps Claremon-*

montanus, qui Ricbelio successerat, post pugnam istam Marchioni cedit Clare-  
*Contado* supremam belli Praefecturam tradidit. Novi hujus Impera-  
 toris praelara fuerunt initia; nam hostem Rhenum remetiri coegit,  
 eumque strenue est insecutus. Tum vero uterque exercitus in ad-  
 versa Lippae ripa ad Octobrem usque otiose consistens, mutuo aspe-  
 ctu delectari videbatur. Nec actum aliquod, nisi ut Gallorum ma-  
 nipulus Ducem Holfato-Gottorpiensem invaderet, & clade aliqua  
 multaret: pars utraque subsidia in Hassiam mitteret, Gallique Mo-  
 nasterium frustra tentarent. Concessum denique in hyberna. Galli  
 Rhenanum, Foederati Westphalicum agrum infederunt.

Interea autem, dum haec ad Visurgim, Rhenum & Lippam ge-  
 sta sunt, Mars non minus in Hassia fremuit. Galli, quos ducebat *Gesta* in Has-  
*Subisus Princeps*, mense Martio, imminente Borussico agmine, Ha-  
 naviam recefferunt. At auctus subsidii, Marpurgum rursus, & Cas-  
 selam cepit, Isenburgum non auso resistere.

Ad *Sangerhusium* 23 Julii commissa est pugna, qua Galli victo-  
 res Foederatas copias non levi clade affecerunt; nec segniter usi vi-  
 ctoria, in Hannoveranas ditiones signa protulere, captis Eimbecio  
 & Göttinga.

Altero praelio ad *Lutterbergam* Subisus suppetiis, quas Chever-  
 tus adduxerat, auctus, Foederatos, quibus Zastrovius, Oberber-  
 gus, & Isenburgus praeerant, iterum profligavit. Verum cibario-  
 rum inopia victorem adegit, ut imposito Giesae praesidio, Hana-  
 viam recederet, atque ad Moenum & Rhenum hyberna distribueret.  
 Accessit pro anni coronide *Rhenoselsa*, mense Decembri a Castris  
 expugnata.

#### Art. IV.

*Prosecutio Belli anno 1759.*

##### §. I.

*De Bello Borusso-Austriaco.*

Cum olim, velut jure Gentium, aut tacita conventionem, ex  
 humanitatis ratione profecta, quies hybernis concederetur, ut mi-  
 liti, expeditionibus militaribus fesso, respirare aliquantum liceret,  
 novo autem bellandi more hoc etiam solatium illi subtrahere vide-  
 mus: prout experientia plane demonstrat. Nam & hoc anno,  
 rigente licet bruma, variis procursionibus, & velitationibus Mars  
 infremuit.

Ccccc 2

Atque



De illi Silesia  
pulsus a Fou-  
queto.

Atque ut alia præteream, mense jam Martio, *Beckius* Baro, bellator eximius, ut Borussos obstrepentes compesceret, cohortem Borussicam ad Greiffenbergam cecidit. *Fouquetus* vero *Devillium*, Silesia pulsus, Olomucium usque est persecutus, sed annonæ propter inopiam viam in Silesiam repetere coactus est, mense Aprili.

Sub idem tempus Princeps *Henricus*, Regis Borussicæ frater, frequens in hac scena actor, irrumpens e Saxonia in Bohemiam horrea annonaria Domus Austriacæ diripuit, & immanibus exactio- nibus populum, tot jam damna passum, afflixit.

Castris se  
continent.

Post multa leviora certamina exercitus uterque stativis egres- sus in Silesiæ finibus ad Junium usque aditum in castris se munitis continuit, visumque utrique grave, stationem tam opportunam deferere. Tandem Borussus, commisso fratri *Henrico* bello Silesio, cum parte exercitus adversus Russos procurrit, quibus *Daunius*

Rex in Russos.

*Laudobnem* cum 18000 subsidium misit, ipse vero cum reliquo exer- citu in Lusatiam movit, ubi monumentum *Peiz* expugnavit, capto more militari præsidio.

Sequitur  
Laudon.

*Henricus* Princeps, cum Imperialis exercitus præcipuas Saxoniae urbes occupasset, nec *Finckius* Mareschallus, ad defensionem Saxo- niæ relictus, resistendo par esset, cæso *Vehla*, Tribuno Austriaco, ex Silesia per Lusatiam in Saxoniam celeri gressu contendit, in- sequente cum suo exercitu belli Imperatore *Daunio*, cujus copiae ad *Pretschum* cladis aliquid accepere. Austriaci ad *Dresdam*, Borussi ad *Torgaviam* metati sunt castra; donec Rex 5 Novembris a Russi- ca expeditione redux, ad *Torgaviam* Legiones suas, cum iis, quas *Henricus* frater duxerat, conjunxit, captaque *Misnia* urbe, *Dresdæ* imminebat, ut regiam illam civitatem in potestatem suam iterum redigeret: sed cum validiora *Daunii* castra perspiceret, quam ut aggredi illa auderet, fame Austriacos depellere cogitabat.

Hoc consilium ut exequeretur, *Fridericum Finckium*, cum va- lida manu *Dippoldiswaldam* misit, ut comneatum, ex Bohemia ve- nientem, intercluderet; at *Daunius*, Imperator uti cautus, ita in omnem occasionem rem bene gerendi intentus, occupatis circum collibus, *Finckium* ad *Maxenam* 21 Nov. ita inclusit, atque ex omni parte ignea grandine infestavit, ut, armis positis, se cum toto suo exercitu captivum dedere fuerit coactus. Novem capti sunt majores ordinum Ductores, præter *Finckium* videlicet, in Borussia natum, atque ex Russica militia ad Borussicam translatus, *Rebentischius* Baro, supremus vigiliarum Præfectus, *Wunschius*, *Pla- tenus*, *Gersdorffius*, *Bredovius*, *Vasoldus*, *Linsterius*, *Moselus*, cum multis

Adio Maxe  
na cum  
Finck.

multis inferioribus belli Ducibus, & gregariis, quos Austriaci ad 14000 extulerunt, minuentibus numerum Borussis. Captivi isti primum in magnum ad Dresdam hortum sunt abducti, dein vero in Bohemiam, Austriam, Tyrolin, Sueviam.

Præterea totus apparatus bellicus in potestatem venit. 114 Labora & vexilla, multæ tubæ & tympana, aliaque signa victricia Viennam sunt asportata. Aucta lætitia, cum de victoria, quam Beckius a cohorte Borussica ad Misniam reportavit, fuit nuntiatum. Per utrumque hoc certamen grande Regi damnum fuit allatum, ut adco per submissas Hannoveranas copias fuerit supplendum.

Quando Austriaci & Borussi e Silesia in Lusatiam atque inde in Saxoniam excessere, relictæ sunt rei tormentariæ Præfectus Harschius & Devillius Magister Equitum, Bohemiam adversus Fouquetum defensi, qui pluribus secundis certaminibus hostem fregerunt.

## §. 2.

## De Bello Borusso-Imperiali anno 1759.

Jam mense Februario Borussicæ copię Erfordiam, quam vigiliarum Præfectus Quasto tuebatur, occuparunt. Imperiales autem, cum quibus plures Austriacæ legiones se conjunxerant, ex hybernis Franconicis prodibant, easque rursus Fridericus Dux Bipontinus bellici Imperator ducebat, & sub eo Durlacensis rei tormentariæ Præfectus; Badensis, Serbellonius, Althanus, Equitatus Præfecti: Bretlachius, Baro Kolb, Princeps Stolbergius, Maquirus, Trautmansdorffius, belli Imperatoris Legati: Nagelius, Rosenfeldus, Gurcius, Rodt, Müllingus, Lobkovicus, Vogbera, Klefeldus, Neubosius, Lusinskius, Riedt, supremi vigiliarum Præfecti.

Sub initium Maji Borussi sub Henrico Principe, Hülfeno, & Finckio Franconia imminabant. Ad Ascham levis contigit conflictus, quo Borussi superiores Maquirum compulerunt, ut per Kemnatum, Villeggium, Ambergam, aliasque superioris Palatinatus terras Norimbergam se reciperet, quo Imperiales copię, relicta in manibus hostium Bambergæ, aliisque Franconia locis, profugerant.

Prætereo jacturas, quas passæ sunt hac irruptione Imperii copię, & querimonias Franconia, Bambergensem Episcopatum septem intra menses ad avertenda incendia septingenta Imperialium millia debuisse

Ccccc 3

Bambergæ  
calamitas.



debuiffe pendere, obfides abductos, commiffos a levioris armaturæ Boruffis velitibus enormes exceffus.

Imperialium  
felices pro-  
greffus.

Irrumpentibus in Marchiam Ruffis & in Silefiam Auftriacis, coacti funt Boruffi Franconia, Thüringia, imo & multis Saxoniæ locis excedere mense Junio & Julio; fecutus eft Imperialis exercitus, atque urbes & oppida relicta occupavit; alia vero vi ad deditiorem adegit, facta etiam procurfione in *Halberftadienfem*, *Hallenfem*, & *Hoberfteinfem*, Brandeburgicæ ditionis provincias.

Tota jam Saxonia, excepta Dresda, Lipfia, Mifnia, Torgavia & Wittenberga, victricibus Imperialium armis fubacta, *Lipfia* quoque 5 Augufti fuit expugnata; 14 Aug. *Torgavia*; 21 Aug. *Wittenberga*; 27 *Mifnia*, ac denique etiam, quod caput erat, 4 Sept. *Dresda*.

Siftuntur.

Sed mox res prospere geftæ retro lapfæ funt, clades non exigua a Wunfchio Tribuno ad *Torgojam* illata Imperialibus; capta urbs, & brevi etiam *Lipfia*. 13 Sept. ad Corbicium cum Finckio certatum æquo ferme Marte. Plus cladis acceptum ad Mifniam. Atque huic rerum ftatui mense Octobri fupervenit Auftriacus & Borufficus ex Lufatia exercitus, prout superiore §. meminimus. Tandem vero mense Decembri Imperialis exercitus, poftquam multa tulit fecitque, in Franconicum Circulum hybernatum rediit.

### §. 3.

#### De Bello Ruffo-Boruffico 1759.

253.

Sultowski  
captus.

Quamvis Rufforum copiæ fub finem fuperioris anni ex Marchia & Pommerania recenterint, Imperatrix tamen Elifabetha, firmiter hærebat fœderi, cum Auftria, Gallia, & Suecia inito. Unde pro expeditione hujus anni plures in Polonia ædes annonarias erexerant; has ut destruerent, Boruffi mense Martio in Poloniam irruperunt, ac Principem Sulkovski, quod Ruffis favere videretur, captivum abduxere. Ruffi contra levioris armaturæ, prædis per Pomeraniam & Marchiam actis damna illata vindicabant.

Soltikow  
Generaliffi-  
mus.

*Soltikovius*, fupremus belli Imperator, exercitum per Poloniam ducebat, ut in Silefiam irrueret. Venienti occurrunt Boruffi *Wedelo* duce. Ad Pofnaniam munitis in castris ad Julium ufque mensem uterque hæret exercitus; donec 23 ejusdem Ruffi ad *Kayam* & *Züllicaviam* conferto prælio infigni funt potiti victoria, atque fugientes Boruffos.

Boruffos infecuti, *Crossenam & Francofordiam* ad Viadrum occuparunt, <sup>Bis vincit</sup> atque cum *Laudobno*, qui viginti prope Austriacorum millia adduxerant, <sup>Boruffos.</sup> se conjunxerunt.

Rex Boruffiæ, qui hætenus adversus Daunium pugnabat in Silesia, audita Kayana clade, accito cum valida manu ex Saxonia Henrico fratre, Austriacis eundem opposuit, ipse vero cum 60000 exercitu in Marchiam profectus 23 Aug. ad *Kunersdorffium* prope <sup>Pugna ad Kunersdorff.</sup> Viadrum & Francofurtum, cruentam prorsus ac pertinacem pugnam conferuit. Fausta erant Boruffis initia, ut adeo victoriam in manibus tenere putarent; nam Russos e pluribus jam collibus, quibus Martis campus assurgebat, jam depulerant, cum denique sub vespere labore, æstu, & siti fessi, in effusam fugam sunt coniecti, *Laudobno* ad plenam victoriam multum conferente. Cæsa multa mortaliū millia, captaque ingens præda.

Minor exspectatione pro magnitudine victoriæ fructus fuit, nam licet *Haddickus* etiam cum Russis se conjunxisset; non tamen legimus, memorabile quid a victoribus gestum. Uterque exercitus per varia itinera se mutuo circumducebat. Uterque in Silesiam movit; atque ineunte Novembri Russi in Poloniam redierunt. Rex <sup>Reditus in Saxoniam.</sup> autem magnam copiarum partem in Saxoniam adversus Imperiales copias, ibidem dominantes, jam ante dimiserat. Denique Rex etiam atque Daunius cum maxima virium parte per Lusatiam in Saxoniam concessere; relictis in Silesia hinc *Fouqueto*, inde *Devillio & Harschio*.

De bello Suecos inter & Boruffos hoc anno gesto piget scribere; nam fluxus & refluxus anni prioris recurrit. Sueci in Insulam *Rugiam* & *Stralsundam* fuerant retrusi. Post *Kunersdorffen* sem autem Borufforum cladem, magna copiarum, quæ in *Pommerania* militaverant, pars ad defensionem Marchiæ a Rege accita, prodeundi rursus Suecis, & per *Pomeraniam* se extendendi occasionem fecit. At ante finem anni iterum repulsi sunt; lufumque *Anclamo*, *Demmino*, *Penemunda*, *Wollino* &c. velut pila.



## §. 4.

*Bellum Gallo - Hannoveranum anno 1759.*

254.

Gallicæ copię sub finem anni 1758 hyberna ad Rhenum, Mænum, & in Hassia fixerant, fœderati vero ad Rhenum, in Westphalia & Hassia Inferiore, Prætoria statione Monasterii collocata.

Rex autem Angliæ cum Wilhelmo Hassiæ Landgravio fœdus, anno 1755 percussum, renovavit in hæc puncta.

I. Inter utrumque contrahentem, eorumque successores sit sincera unio.

II. Renovantur antiquiora pacta.

III. Rex spondet, non depositurum se arma, donec Landgravius ex integro fuerit restitutus.

IV. Rex 12000 Hassorum sub stipendiis suis retinebit, adjectis pro Landgravio subsidiis, an. 1755 promissis.

V. Stipendiariis istis copiis Rex pro arbitrio suo utetur.

VI. Hic tractatus 4 annos teneat.

Adjectus fuit articulus separatus, quo Rex promittit 97582 libras sterlingarum pro 6992 militibus, præter eos, qui jam essent sub stipendiis Anglicis, sustentandis, ad defensionem Hassiæ & compensationem damnorum.

Parlamentum Anglicanum nervum belli large suppeditavit, Pitto, qui adversam aulæ partem ante sequebatur, postquam Secretarius Status fuerat renunciatus, facunde perorante. Bavaricæ ac Palatinæ copię, quæ stipendiis Gallicis militaverant, cum tractatus subsidiarius non amplius renovaretur, domum sunt reversæ. Bavaricæ autem in exercitu Austriaco, Palatinæ in Gallico meruerant.

Subisus Princeps, qui in Hassia bellum gerebat, petito transitu Francofordiam ad Mænum occupavit. Wezlaria vero ab utraque belligerantium parte libera ab hospitatione est declarata.

Ineunte vere Imperiales copię Hirschfeldæ Principatum invaserunt, Gallicæ Marpurgum, ad vindicandas immanes contributiones, quas Hannoverani a Fuldensibus extorserant.

Sub finem Martii & initium Aprilis, Fœderatorum exercitus, Ducibus Ferdinando, Principe hæreditario Brunsvicensi, Holsato, Isemburgo, Anhaltino, capta Meinunga, Wafunga, Fulda, pluribusque

busque secundis velitationibus commissis, Franconia jam imminere, trepidantibus Herbipoli, Francofordia & aliis civitatibus. Sed metum exemit Broglius, qui 13 Aprilis, conferto ad *Bergam* cum foederatis praelio, aggressores strenue repulit. Ingens certe laus debetur Francis, & eorum praesertim Duci Broglia, qui, accitis ex 80 stationibus summa celeritate copiis, ad vicum Bergensem sapientissime ordinavit aciem, & Germaniam contra Germaniam fortissime defendit. Inter foederatos cum multis aliis cecidit Princeps Isemburgicus. Blaselus Tribunus cum velitibus varias eodem tempore clades, Grimbergæ praesertim, intulit Foederatis.

Marpurgum mox, Cassella, Göttinga, Rietberga, Munda ad Visurgim, Monasterium subactæ sunt, inde a Rheno totius Gallici exercitus Imperatore Contado, hinc ex Hassia foederatos propellente Broglia.

Cum autem res Gallorum felicissime florerent, dies una praeclare gesta, & spem in futurum prope omnem evertit. Erat hæc dies ipsis fatalis prima Augusti, qua haud procul a Munda commissum est praelium, Gallis sane infauissimum, fortuna plenam foederatis deferente victoriam.

Galli Mundam se recepere, trajectoque Visurgi, quas occupaverant, urbes, ac denique cum Cassella & Marpurgum omnem propemodum Hassiam amiserunt, præter complura capitum millia machinas currules, aliumque apparatus bellicum. Accessit ad Fuldam clades Würtembergicorum, quorum 10000 sub stipendiis Gallicis militabant. Tandem etiam Monasterium in manus foederatorum relapsum est. Princeps vero hæreditarius Brunsvicensis cum valida manu in Saxoniam movit, Borussia contra Austriacos & Imperiales futurus auxilio.

## Art. V.

Prosecutio Belli anno 1760.

### §. I.

*Bellum Borussia-Austriacum.*

Sub initium hujus anni Rex Angliæ atque Borussia, ut viderentur pacem optare, desiderium componendæ Europæ præferebant. Spes pacis Rex Stanislaus Nancejum, congressus locum, offerebat, Batavi ostentata.

Pars X.

D d d d

Bredam,



Bredam. Nec abnuebant Austria, Russia, Gallia, sed Polonia quoque & Sueciæ Reges invitari volebant. Spes pacis mox evanuit.

Castra ad  
Dresdam.

Ad bellum terra marique prosequendum versa consilia; quin is erat animis ardor, ut nec rigente hyeme refrigeret. Pertinaci ad Dresdam statione adversa castra consistebant. *Maquiro* urbem strenue propugnante.

Actio ad  
Cosdorf.  
Et Landis-  
hutum.

Sub finem Februarii *Beckius* Borussos ad *Cosdorfium* aggressus, Zettericum, eorum Ducem, cum aliis belli officialibus captivum abduxit. Majorem victoriam *Laudobnus*, post plura minora certamina, 22 Junii ad *Landisbutum* in Silesia retulit; nam captos inter erat ipse *Fouquetus de la Motte*, rei summæ in Silesia præfectus, cum *Schenkendorffio*, *Malachowskio*, majoribus ordinum Ductoribus, & quinque gregariorum millibus, præter casus quàm plurimos, magnamque vim rei tormentariæ &c.

Captus a  
Laudono  
Fouquet.

Glazium  
captum.

Fructus hujus victoriæ fuit *Glazium*, munimentum præstans, levi opera 26 Julii expugnatum, prædialiis multis cum aggressoribus conspirantibus: eadem ferme etiam hora novum munimentum, veteri adjectum, se dedit. Præsidium utriusque more militari captum, cum ingenti vi rei armamentariæ & annonariæ.

*Laudobnus*, ut victoriarum cursum prosequeretur, magna celebritate cum selectis copiis *Uratislaviam* contendit. Jamque cœpta erat oppugnatio, cum *Henricus* Princeps accurrens eandem solvit.

Dum hæc in Silesia acta sunt, *Austriacus* exercitus sub *Daunio*, & *Borussicus* sub Rege, ad *Dresdam* stabant. Cum captivorum commutatio tentata non procederet, ad novos delectus, ut legiones complerentur, versa studia, novaque subsidia provincialibus imperata.

Lascy, Beck.  
Riedt.

*Daunius* 3 Maji castra, quæ tota hyeme *Pirnæ* fixerat, in suburbium *Dresdæ* transtulit, dimissis, quæ *Laudohni* copias augerent, in *Silesiam* suppetiis. *Lascius* autem, *Riedus*, *Beckius*, alique Duces plura, minora quidem, secunda tamen prælia conferebant.

Stratagema.

Mense Junio, præter velitares aliquot id genus pugnæ, & traditiones nonnullarum cohortum atque turmarum, nihil admodum ætatum. *Julius* majores mutationes subiit. Quippe, cum Rex *Daunium* munitis, quæ ad *Dresdam* habebat, castris vi nulla posset depellere, stratagemate utendum ratus, cum exercitu in *Lusatiam* movit. *Daunius* haud dubius, Regem in *Silesiam*, ut res ibi suas labantes firmaret, profecturum, *Saxonia* excedentem insecutus primum,

primum, dein etiam prævertendum existimans, Ottendorffium usque, Silesiæ oppidum, castra promovit.

Rex, hoc conspecto, reflexo ex Lusatia itinere, ad *Dresdam* <sup>Rex in Saxonia</sup> *oppugnandam accurrit*. Daunius vero, ut urbi succurreret, in Saxonia rediit, & obsidionem solvere hostem adegit.

Ad Augusti initium Rex in Silesiam abiit. Secutus est Daunius, seque cum Laudohn conjunxit. Ab eo vero rursus separatus Pugna ad Laudohnus 15 Aug. haud procul *Lignicio* cum universo Borussia <sup>Lignicium</sup> exercitu coactus configere, gravem cladem accepit, amissis, si Borussia fides est, ultra decem millibus. Certe hoc prælium magnarum rerum ideam non parum confudit. Per itus & reditus consumptus September.

Octobri uterque exercitus in Saxoniam rursus fuit delatus, atque 3 Novembris non procul *Torgavia* gravissimo prælio collisus. <sup>Ad Torgau.</sup> Borussia structis ordinibus e sylva erumpentes, ter vehementi impetu in Austriacos sunt investi, totiesque insigni cum fortitudine repulsi sunt, ut adeo jam certa haberetur victoria, Viennam etiam nuntiata. Verum cum *Daunius*, pede globo fauciat, commisso *Odo* <sup>Daun vulneratus.</sup> *nello* imperio, Torgaviam esset translatus, Borussia noctis subsidio, deturbatis Austriacis, colles ad *Siptitium*, Zietheno ductore, occuparunt. Victoria in hoc vertebatur; nam, cum Austriaci, die illucescente, cernerent, totam suam aciem vehementi ignium pesti & globorum grandini ex collibus illis esse expositam, pulvis etiam & plumbum deficeret, Torgavia relicta, *Dresdam* se receperunt, Borussia insequente. Scriptores quidam memorant, Austriacos in pugna Torgaviensi amisisse 10000 armatorum, Borussia vero ultra 20000. Utraque demum pars copias, pugnis & itineribus fessas, per hyberna distribuit, Austriaci circum *Dresdam*, Borussia per reliquam Saxoniam, jam alias exhaustam. Daunius Viennam concessit, Rex *Lipsiam*. Laudohnus in Bohemia, Golzius in Silesia hybernavit.

## §. 2.

### De Bello Borussia - Imperiali anno 1760.

Princeps *Bipontinus*, supremus copiarum Imperialium Dux, <sup>256.</sup> hyemem Viennæ transegerat, ubi aureo Vellere, & Ordine Theresiano fuit insignitus; copiis vero per Franconiam distributis *Serbellonium* interim præfecit, qui Prætoriam stationem Bambergæ fixit.

D d d d d 2

Huic



Haddick.

Huic successit *Haddicus*, donec Bipontinus 3 Maji in castra venit, resumpturus Imperium. *Lusinskius*, *Klefeldus*, *Stolbergius* &c. pluribus velitationibus hostem infestarunt, viamque in Saxoniam Imperialibus præpararunt. Qui 22 Junii Dresdam attingere, interceptis, quæ in itinere occurrerant, urbibus & oppidis.

Legiones  
Austriacæ.

Conjunxerant se illis legiones Augustissimæ Imperatricis & Regina, Pallavicina, Saxo-Gothana, Maquiria, Esterhafia, Lambergica, & duæ Herbipolenses, & ex Hussaris Haddickiana, Baronica, cum Bannalistis & Creatis.

Imminente ad obsidendam Dresdam mense Julio Rege Borussia, Imperialis exercitus, cum se imparem cerneret, aucto urbis præsidio, recessit Plavenam. Augusto vero mense, Rege in Silesiam digresso, rediit, adversum *Hylsenum*, quem Rex cum manipulis aliquot in Saxonia reliquerat, præliaturus. Validam quoque manum Dux Wûrtembergiæ eodem mense adduxerat ad liberandam Saxoniam; partem velut extra ordinem Imperialis exercitus legiones istæ constituerant.

Pugna ad  
Strehlam.

Bipontinus Dux quærebat occasionem, cum Hülsono conflicendi. Prolusum velitatione ad Waldheimium, 12 Aug. inter Kleistum & Centurionem Otto, cujus venatorius manipulus in fugam compulsus est. Sequebatur 20 Aug. majus prælium ad *Strehlam* urbem inter Imperiales & Hülsemi copias. Multum sanguinis utrinque fufum; tandemque victoria, Bipontini Ducis, Haddickii Magistri Equitum, Stolbergii Principis, Guasci Comitis, Klefeldi, aliorumque Ducum virtute parata, penes Imperiales stetit, hoste Torgaviam se recipiente.

Wûrtem-  
bergici.

*Lusinskius* interea Tribunus peculiari cum manipulo plures Thuringiæ & Saxonie urbes, Halamque Brandeburgicam occupaverat, ac demum Wûrtembergiæ Duci junctus, ab exercitu recessit, Lanthierio in ejus locum suffecto.

Wûrtembergicæ copię, Gallicis stipendiis solutæ, e Franconia domum sunt reductæ, ibique supplementis auctæ, invitante Cæsare, ductæ sunt in Saxoniam, ad eandem Domino suo vindicandam, componendumque turbatum pertinacibus bellis Imperium. Hailbrunnæ Dux legiones suas congregaverat, atque inde mense Augusto in Saxoniam duxit, cumque Lipsiæ deditionem posceret, respondit Præfectus, si urbs invaderetur, se & illam & suburbia redacturum in cineres. Reposuit Dux, si quid Borussi in Lipsiam essent attentaturi, se in Hallam retorsurum. Occupata mox *Lipsia*.

Post

Post pugnam Streblensem Imperialis exercitus *Torgaviam* cepit, mense Septembri, capto praesidio, Hülfseno vero non sine clade *Wittembergam* se recipiente. Sed Bipontinus cum suis Imperialibus & Würtembergicis fugientem persecutus, mense Octobri *Wittembergam* expugnavit, captumque rursus praesidium. Res vero *Wittembergam* armamentaria cum reliqua praeda *Torgaviam* est deportata, exuta munitionibus quibusdam.

Lipsia, Torgavia, Wittembergam capta.

At vero adveniente Octobri mense Rege Borussiae, o quantum mutata est rerum facies. Relicta mox *Wittembergam*; ex *Lipsia*, tegente nebula, a *Klefeldo*eductae copiae, & post infelix ad *Torgaviam* praelium, haec etiam urbs, quantumvis munita, est deserta. *Etrursus* Imperialis vero exercitus, relictam *Saxonia*, in *Franconiam* rediit, amissa. ut adeo *Saxonia* ad eum sit reducta statum, quo ante expeditionem fuerat, nisi quod a pluribus exercitibus magis fuerit devastata.

## §. 3.

*De Bello Sueco - Borussiae anno 1760.*

Summa etiam hyeme non desiere velitaires pugnae, postea etiam continuatae, ludicra velut certamina, quae causae communi parum profuerant, nisi quod aliquae Borussiae copiae in Pommeraniam fuerint abstractae, quae alias Austriacis & Imperialibus incubuisent.

257.

*Landingsbusius*, Suecorum Archistrategus, jam mense Januario *Anclamum* subita irruptione oppressit, capto *Manteufelo*, Borussiae in Pommerania supremo Duce. At *Stutterheimius* *Anclamum* mox recepit, Suecosque trans Penum rejecit, non tamen sine navalo. *Mechlenburgo* - *Suerinus* Ducatus interea, quamvis partem belli nullam haberet, gravibus, more prioribus annis consueto, exactionibus premebatur, volente, sed non potente id impedire Duce: qui propterea querelas suas ad Comitum Imperii *Ratisbonam* detulit, sed arduum erat remedium.

Appetente aestate, cum Borussiae, copiis alio avocatis, paucum militem in Pommerania reliquisset, Sueci rursus animosi, circumlatis per omnem prope Pommeraniam victricibus signis, ipsi adeo Stetino minitari sunt visi. In *Uckermarchiam* quoque effusi, metebant palmas, & trophaea erigebant. *Passewalkium*, *Prenzlavia*,  
d d d 3 aliaque



aliæque urbes occupatæ. Ad Taschenbergam commissa velitaris pugna, victoribus Suecis, quia numero multo superioribus. Secundis his in rebus *Ebrenschwerdus* erat dextera Landingshusii supremi Ducis, ex altera vero parte *Bellingius* Stuttersheimii.

At vero cum mense Octobri Fridericus Eugenius Princeps Württembergicus, (filius tertio genitus Alexandri Stuttgardo-Württembergici Ducis) nova adduceret in Pomeraniam auxilia, bello illi præfectus, aliam rebus faciem rursus induxit. Recessit ille quidem in Marchiam, antequam Russi Berolinum occuparant, sed reliquit *Bellingium*, *Stuttersheimium* & *Wernerum*. Repulsus priorum annorum exemplo Suecus ex Uckermarchia totaque Pommerania Brandeburgica; ut adeo tempore verno seminarent Sueci, in æstate meterent, in autumnio omnia rursus amitterent, in hyeme Stralfundæ suæ incubarent.

## § 4.

## De Bello Russo - Borussico.

258.

Postquam Moscæ æstatem variis motibus per Borussiam, Pomeraniam & Poloniam consumpserant, non magno admodum operæ pretio, aut ad causam communem emolumento, mense tandem Octobri, urgente Aula Viennensi, in Marchiam Brandeburgicam duce *Soltikovia* irruptionem fecerunt. Daunius, supremus militiæ Austriacæ Imperator, in hunc finem *Lascium* cum 14000 misit, ut cum Russis se conjungeret.

Berolinum  
occupatum.

*Soltikofius* sexta Octobris Francofurti ad Viadrum stationem fixerat, præmissis Berolinum cum viginti millibus *Zernischewio*, cui *Lascius* quoque se conjunxerat. Unitæ hæ vires nona Octobris *Berolinum* occuparunt potius quam expugnarunt, Principe Württembergico, qui septem duntaxat millia habuisse dicitur, tantæ multitudini se non auso opponere, sed Spandaviam recedente, ut munimentum illud defenderet. Neque *Golzium* iis erat viribus, ut discrimini se vellet committere.

Rex igitur, cum Marchiam suam periclitari intelligeret, accelerato gressu Silesia excessit. Russi, nuntiato ejus adventu, relicto Berolino, primum *Landsbergam*, inde vero in Poloniam recessere. Lentitudo & tergiversatio Russorum jam tum tribuebatur artibus Aulæ Borussicæ & Londinensis, maxime vero Petro Ulrico, desti-

nato

nato successor in throno. Quali is fuerit in Austriam & commu-  
ne foedus animo, mox post mortem Elisabethæ Imperatricis lucu-  
lente patuit.

## Art. VI.

*Prosecutio Belli anno 1761.*

Postquam hostilis uterque exercitus hyemem in Saxonia tran-  
segerat, appetente vere, Rex Borussia, qui Lipsiæ hyemaverat,  
Henrico fratre in Saxonia relicto, potiore copiarum, quibus  
abundabat, partem in Silesiam transtulit, *Laudobno* jam impare tan-  
tæ moli resistere, donec venirent suppetiæ. Quas ubi ex Hungaria  
& Saxonia obtinuit, 19 Junii ad Hartmansdorffium Borussia  
agmen acri velitatione aggressus, 190 eorum cepit, reliquos in fu-  
gam egit. Neque in Saxonia res admodum magna gesta est. Mu-  
tua æstimatione aut metu suspensus miles, castris, opportune lo-  
catis, se continuit, exilibus duntaxat certaminibus, & copiarum  
traductionibus belli speciem præbentibus.

259.

Ex altera parte acrius aliquantum certatum. Mense jam Fe-  
bruario ad Langensalzam Gallis clades illata a Borussia & Foederatis,  
ad Marpurgum a Gallis est reddita, casu *Breidenbachio*. Galli nihi-  
lominus, *Marpurgo* deserto, arcem præsidio munitam retinebant.  
*Frizlaria* ab Hannoveranis capta. Recedentibus Gallis insiscebant  
illi; jamque Mæno & Francofordiæ imminabant, cum *Broglia* Dux,  
copiis, quas a Rheno Inferiore *Mujus* adduxerat, auctus, hostem,  
undis velut retroactis, per Hassiam redire coegit.

Ad *Grünbergam* ventum ad acre prælium. Victoria penes Gal. Pugna ad  
los stetit, Broglia summi Ducis insigni virtute parta 21 Martii. Ca. Grymber-  
pta cum Rhedeno, equitum Magistro, Hannoveranorum duo mil- gam  
lia, præter 10 signa, & 19 majores machinas, quæ in manus vene-  
runt. Soluta Cassellæ obsidio, quam Foederati inchoaverant, de-  
sertaque tota Hassia, quam hyemis occasione occupare tentaverant,  
in stativa concessere.

Interea autem, dum verno tempore Galli atque Hannoverani,  
quam hyems negaverat, quietem capiunt, Imperiales & Borussi-  
cæ copiæ in Thuringia velitatione collisæ, ad *Salfeldam* 2 Aprilis  
cladis aliquid dederunt & acceperunt. Finiente autem Aprili, <sup>Bipontinus</sup>  
postquam Dux *Bipontinus* belli Imperatoris, quam sapienter gesse- <sup>abdicat im-</sup>  
rat, <sup>perium.</sup>



rat, potestatem abdicaverat, Serbellonius successor in castra venit, atque omnia ad futuram in Saxoniam expeditionem adornavit.

Mense Junio Dux Broglio per Hassiam adversus Hannoveranas provincias legiones suas duxit, fugientique hosti non sine illata clade institit. Alter vero Gallorum exercitus, Ductore Subisio Principe, a Rheno Inferiore in Westphalam movit, ut adeo Fœderati a Broglio ad Septentrionem, a Subisio vero ad Orientem propellerentur. Jamque spem conceperant, protrusis ad Albim hostibus, primæ expeditionis fortunam reducendi. Sed cum Ferdinando erat negotium, qui unitis, Anglis, Hannoveranis, Brunsvicensibus, Hassis, Gothanis, aliisque fœderatis copiis, 15 Julii ad *Fillingsbusum* Broglio exercitum memorabili prælio est aggressus. Multum eo die sanguinis utrinque fusus, inclinante ferme ad Gallos victoria. Suspendit nox pugnam, quæ altera die vehementius recrudit, cum non exigua Gallorum clade, qui tamen servatis ordinibus se receperunt. Fatentur Galli, ad 2400 suorum quæ cæfos qua captos, Fœderati ad 5000 eos extendunt, suam vero cladem mille capitibus definiunt.

Condixerant Subisius & Broglio, 16 Julii se copias conjuncturos, quod si contigisset, alium haud dubie res habituræ fuissent exitum. Cur autem factum non sit, varii sunt rumores sparsi.

Fructus alius hujus victoriæ Fœderatis vix fuit, nisi quod *Schrieterus* & *Lucknerus* cum suis velitibus varia Gallorum frumentaria horrea incenderint, atque ad Bredelarum aliquid cladis sub finem Julii intulerint. Inter itus & reditus, procuriones, velitationes consumptus Augustus & September. Octobri autem *Xaverius*, Princeps Saxonix, qui tota hac expeditione Saxones suos, cum Gallis commixtos, strenue ducebat, *Guelpherbytum*, insigne munimentum, expugnavit, capto præsidio, Brunsvicum quoque subacturus, nisi affluentibus undique Fœderatorum, copiis prudenter cessisset multitudini.

Mense Novembri ad Embecum convenit hostilis exercitus, pugnamque respicere videbatur occasio; verum cibarium defectus, & ingruens bruxæ rigor ad hyberna respicere cogeat; hæc Broglio per Thuringiam, Hassiam, atque circum Göttingam distribuit; Ferdinandus vero Dux sedem Prætoriam Hildesix fixit, Sporkenus Hammelx, Princeps Brunsvicensis in Westphalia, prout etiam Milordus Gramby cum suis Anglis, Lucknerus Embeci, loco procurionibus opportuno.

Dum

Pugna ad  
*Fillingshu-*  
*um.*

Princeps  
Xaverius  
Welpherby-  
tium expu-  
gnat.

Dum hæc Principem inter Ferdinandum & Ducem Broglium in Hassia & ad Vitergiū gesta sunt, Subisianus exercitus adversus Principem hæreditarium Brunsvicensē ad Lippam bellum gessit. Velitationes plures commissæ, iustum prælium nullum. Extendebant se ex hac parte Galli per Monasteriensē agrum: occupata *Frisia Frisia Orientalis*, rusticis conglomeratis necquicquam se opponentibus. Tentata quoque Brema, Anglorum receptaculum; sed defectu tormentorum expugnari non potuit. Felicius a *Condao* Principe occupatum castrum Meppense. Et quia Fœderati domibus annonariis inhiaverant, multis in locis vices ipsis sunt redditæ, magnam partem a *Wurmsero*, nobili præcurfore. Adulto autem Octobri Subisianæ copiæ cis & trans Rhenum hybernatum concessere; militia vero, quam *Regiam Domum* appellant, Parisios abiit. Condaus.  
Wurmser.

Menſe Julio Ruſſi tandem Sileſiæ imminebant, atque occaſionem quærebant, quæ cum Laudohnno ſe conjungerent; iſtam naſti licet, non tamen audebant permunita Boruſſorum caſtra aggredi. Quapropter *Butterlinus*, ſupremus Ruſſorum Dux, ſe ruſus ſepara vit a Laudohnno, reliſtis tamen ſub certis conditionibus apud exercitum Auſtriacum viginti Ruſſorum millibus, ſub *Zernicheſio* Comite, contra vero Beckius Baro cum ſex equeſtribus legionibus Ruſſos ad Viadrum eſt comitatus. Butterlin  
Mofc. Dux.  
Zernicheſ.

Rex Boruſſiæ, cum Platenum Tribunum ad deſtruenda Ruſſorum horrea annonaria in Poloniam miſiſſet, munitis ſuis caſtris egreſſus, longius a Schweidnitio reſeſſit, id agens, ut Auſtriacos ex editis munitisque locis proliceret. Verum Laudohnnus Divino quodam conſilio Regis abſentia in rem ſuam uſus, copias ex variis Legionibus leſtas ſub Amadeo vigilum Præſecto ad expugnandum impetu *Schweidnitium* mittit. Omnia ſumma alacritate & incredibili in tanto motu & inſtrumentorum apparatu ſilentio ſunt adornata.

Die 1 Oct. ſub auroram munitiones extimæ ſunt occupatæ, applicatæ ſcalæ, tranſcena mœnia, machinæ ad urbem inverſæ, atque tres intra horas inaudita felicitate urbs munitiſſima, præſidio & re armamentaria inſtructiſſima, eſt ſubacta. Præſidium militare 3776 capitibus conſtans, cum Zaſtrovio Præſecto captum: præda ingens, 222 majores machinæ, cum omni apparatu bellico in manus victoris venit, cui 1400 qua cæſis, quæ vulneratis, quos inter 97 Ruſſi, hæc victoria ſteſit. A Boruſſis hac de expugnatione nulla edita eſt relatio. Rex autem, quod Heroum eſt, magno illam animo accepiſſe fertur, laudato etiam Zaſtrovio, quod, quantum fieri potuit, cum præſidiario ſuo milite reſtiterit.



Haud multo post concessum in hyberna, quæ Rex Uratislavia, ut securitati illius consuleret, fixit. Laudohnus Viennam abiit, postquam copias aliquas ad Daunium in Saxoniam miserat.

Schweidnicii fatum Colberga excepit, longiori opere ex ordine expugnata; quippe Butturlinus, postquam Russos suos ab *Et Colberga.* Austriacis separavit, per Marchiam Brandeburgicam in Pommeraniam progressus, omnem curam intendit, ut commercium Colbergam inter & Stettinum absunderet. Capta proin Treptovia, urbs intermedia, cæsaque Borussorum cohors. Butturlinus vero, commissa Romanzovio Colbergæ expugnatione, cum parte copiarum ad Vistulam hyematum abiit.

Sub initium Septembris urbs terra marique oppugnari cœpit, tenuitque obsidio usque ad 16 Decembris. Conabatur quidem Princeps Württembergicus, qui Borussis in Pommerania præerat, eandem solvere, sed frustra. Capto præsidio cecidit Colberga, Russorum fortitudine & constantia prostrata. Sed ultimum hoc erat Russorum facinus; mortua enim Elisabetha Imperatrice, aliam prorsus faciem Russia induit.

Sueci interea, ut obsidio Colbergenfis protegeretur, securius in Pommerania citeriore, Borussos infestabant. Nulla tamen res admodum magna gesta est, nisi quod Deminum, & alia quædam loca sint a Suecis capta. Intra procurisiones & velitares pugnas bellum hoc Pommeranum stetit. Demum Sueci hyberna in sua Pommerania fixerunt, Borussi pro more in Ducatu Mechlenburgico, Princeps Württembergicus Rostochii. Dux vero Megalopolitanus, ut oculos subtraheret provinciæ suæ tristi spectaculo, deserto Schwe-rino, Lubecam abiit.

Inter Martios armorum fragores dulce pacis nomen insonuit; dum belli, in sextum jam annum protracti, invidiam quævis beligerantium pars amoliri a se nitebatur. Aula Viennensis, Petroburgensis, Parisiensis, Varlavientis, Holmienfis, Augustam Vindelicorum pacificationis locum, suumque pacis consilium per Legatum Russicum Aulæ Londinensi ac Ministris Borussicis proponebant. Annuebant huic pacis propositioni Aula Londinensis & Berolinensis cum suis Fœderatis, jam ante a se significatæ. Deputati jam Augustam ad congressum Ministri, conductæ domus, parata sedulo omnia, tota Europa in spem pacis erecta.

Sed necdum hebetata satis erat ferri acies, quin acuebatur magis, veniente in partem, ut totam Europam bellum pervaderet, *Hispania.* Conciliatoris hætenus partes assumpserat, sed Tractatus quidam Domus Borbonicæ bello occasionem dedit. In-

Augusta pro  
pace desin-  
nata.

Innoxius erat hic Tractatus, ad neminis offensionem pertinens, sed ad sinceram concordiam unionemque defensivam inter Principes ejusdem Familiae intentus, præcipue vero inter Galliae, Hispaniae, & Siciliae Reges. Quamvis autem domestica hæc conventio 15 Aug. 1761 inita clam haberetur, suboluit tamen *Bristol*, legato Anglico, cui eo temporis articulo omnia videbantur suspecta. Petit igitur ab aula Hispana, eum sibi tractatum communicari, simulque præcisum responsum a Rege exegit, an cogitet, foedus cum Gallia adversus Angliam percutere: si responsum negaretur, pro belli declaratione se habiturum ac ocus discessurum.

Acerbe Rex eam Ministri postulationem tulit, atque revocato Comite de *Fuentes*, suo ad Aulam Londinensem Oratore, omni subditis suis cum Anglis commercio interdixit, detentis, quæ in portubus Hispanis sub anchoris stabant, navibus Anglicis, velut deposito, donec, quas partes Anglia sit amplexura, appareat.

Anglia, hæc ubi fuerant nunciata, protinus bellum adversus Hispanos declaravit, missaque in Americam classe, & pyratibus, qui Hispaniae mare infestum redderent, expeditis, naves Hispanorum diripiebant, & eorum Insulis minabantur. Nec vacuæ fuerunt minæ, prout Havana postmodum experta est.

## Art. VII.

### *Prosecutio Belli anno 1762.*

Sub initium hujus anni agmen Platenum, e Pommerania in Saxoniam redux, Imperiales copias infestabat; at vero, postquam istæ se collegerant, Platenus pluribus certaminibus fractus, multisque suorum amissis in fugam fuit compulsus, capto etiam, præter alias plures urbes, per irruptionem Merseburgo. Nulla hybernis quies; nam Henrici quoque Principis exercitus perpetuo motu volebatur, Imperialibus castris punctimque varias ejus cohortes fortiter vincentibus.

Hyeme autem inter velitationes exacta, severior ad *Freyberg*. Pugna *Freyberg* 12 Maji scena aperta est; quippe *Seidlicius*, *Hülßenus* & *Stut. bergensis*. *terheimius*, collectis, quæ in Saxonia erant, copiis *Borussicis*, *Stolbergium* Principem, & *Maquirum* Comitem, qui Imperiales ducebant, majoribus viribus prælio aggressi, victoria potiti sunt, quæ tamen, præter captam *Freybergam* & *Chemnicium*, non magnos fructus tulit. Quin imo jussu *Serbelloni* *Stolbergius* & *Lu-*



Lucinskius juncti geminam mox cladem reddiderunt, primum quidem ad Chemnicium, dein vero ad Kesseldorfium. Tandem vero, cum Borussi novis supplementis augerentur, Imperiales ad fines Franconiae ex Saxonia recefferunt.

In Silesia interim princeps uterque exercitus ad novam expeditionem se impigre accingebat; quamvis, mutato tantopere Russiae systemate, Austriaci, digresso cum suis Zerneckesio, minuerentur, Borussi vero, venientibus, qui a Russis & Suecis captivi fuerant detenti, non parum augerentur.

Zernischef  
jubetur ab  
Aust. rece-  
dere.

Schweidniz  
rursus amif-  
sum.

At vero, cum, Russis & Suecis a fœdere Austriaco privata cum Rege Borussiae conventionem recedentibus, Rex omnes copias, quas illis opposuerat, adversus solos Austriacos & Imperiales jam posset colligere, imo novus Russiae Imperator non modo *Zernischefium* cum milite ab Austriaco exercitu separasset, sed etiam cum Borussis conjunxisset, mirum non fuit, quod Daunius ex editis locis montanis, quæ ad defendendum Schweidnicium occupaverat, ignium vi, & copiarum multitudine prevalente, fuerit dejectus, atque a Schweidnicii communione seclusus. Unde factum, ut urbs, sibi permessa, post diuturnam cruentamque oppugnationem, ac strenuam defensionem, se dedere tandem, atque captivam tradere fuerit coacta.

Fatum triste  
Gradecii.

Hæc dum in Silesia agebantur, Borussi, milite abundantes, sub Kleisto ex Saxonia, & Reizensteinio ex Silesia, in Bohemiam irrumpébant, sub diram necessitatem contributiones, quocunque venerant, abductis etiam obsidibus, incolas, alias jam exhaustos, adigentes. Sacrificium triste fuit *Regino Gradacium*. Quidquid civis corrogare, offerebant, ut incendium averterent. Civitas nihilominus a Cosaccis, barbara gente, contra Austriam jam militante, expilata, & crudo incendio prope fuit deleta. Tentabat equidem Imperialis exercitus afflictæ Bohemiae succurrere, sed a Seidlitzio repulsus est. Felicior fuit Löwensteinus, qui irrumpentes hostes quater repulit.

A Viadro & Albi ad Visurgim jam & Rhenum convertimur. Hannoverani cum suis Fœderatis, graviter ferentes, Göttingam a Gallis teneri occupatam, sub ipsos brumæ rigores varios insultus at incassum, tentabant. Nec minus Eichsfeldia direptionibus fuit pressa. Sed non feriabantur Gallorum arma, in Hannoveranum & Brunsvicensem agrum non raro illata, cæsis, in quas offenderant, hostilibus turmis. At Brunsvicensis Junior Arensbergæ arcem ur-

hemque, ad Coloniensem spectantem, expugnavit, Mureto strenue licet illam propugnante.

Prælua hæc velut erant expeditionis bellicæ. *Subiso*, in locum Ducis *Broglia*, in Galliam revocati, suffecto, Rhenus obtigit *Broglia* re- superior, *Estao*, qui lauros ad Visurgim jam initio belli messuerat, vocatus. inferior. Quibus *Subisus* præerat, ex hybernis ad Castellam in Hassia conveniebant. 24 Junii ad *Grebensteinium* commissa est pugna, Pugna ad Fœderatis fausta. Victi Galli cum magna hominum & impedimen- *Grebenstein*. torum jactura Castellam se receperunt. Altero mox certamine, quamvis fortiter dimicarent, receptui canere compulsi sunt.

Favente magis fortuna usi sunt Galli ad Rhenum Inferiorem, ubi *Condeus* Fœderatos, quos *Brunsvicensis* Princeps *Fridericus* du- *Condæus* vi- cebat, bis vicit, capto *Scheitero* cum non paucis aliis. Fœderati *Sor*. nihilo secius arcem *Waldecianam* 11 Julii expugnabant. *Göttinga* Galli ultro excessere, destruxit tamen ante monumentis & apparatu anno. *Göttinga*. nario. At ecce! mox Præfecto mandatur, ut urbem laceram re- petat. Fœderati vero *Fuldam* expugnant, & exactionibus premunt, *Fulda* capta. Gallico capto præsidio. Procurforium velut per provincias erat bellum; clades ultro citroque non leves illatæ.

Cum Hispania & Gallia Lusitaniam a fœdere Anglicano non possent abducere, atque in suam societatem pertrahere, dimissis utrinque legatis, & belli declaratione facta, Hispani sub initium Hispani in Maji 1762 sub Archistratego Marchione de *Sarria* in Regnum Por- *Lusitaniam*. tugalliæ penetrarunt. Prima, quæ se opposuit, *Miranda* occurrit; sed, postquam turris pulveraria incensa mœnium ruinas & hiatus egit, se captam cum præsidio dedit. Eandem sortem subierunt *Bragantia*, *Chavea*, *Moncornum*, præsidio elapso, relictæ vacuæ.

Angli, probe gnari, propter se peti Lusitaniam, quantique Angliæ auxi- sua interfit, Lusitana conservari commercia, auxilia condixerunt. *lia*. *Missæ* naves cum 10000 armatorum, ductore *Lippenfi Bickenburgico*, qui prius ad Visurgim militaverat. Collecta quoque Lusitanorum ad 30000, a *Tirawleo* Anglo exercitiis militaribus imbuta, & ad bellum præparata. Accessit multitudo agrestium, qui, præter æstivos calores & alimentorum defectum, Hispanorum progressus retarda- bant, quo minus fructus, quos speraverant, meterent.



## Art. VIII.

*De Bellis Ultra-Marinis annis ultimis.*

261.

Non Europam duntaxat peragratum est bellum, atrocitate sua ferox, magnitudine præliorum & provinciarum vastatione fecundum, sed tranatis maribus in Asiam etiam, Africam, & Americam perripit. Solus Turca, quod mireris, dum christiani in mutua viscera grassarentur, quievit, quamvis forte non semel lacestrus.

In Americam maxime tempestas detonuit; unde prima etiam origo mali propter controversos fines. Datum initium a direptione navium; ventum ad urbes, insulas, provincias: Acadia, Canada, Pensilvania, Ludoviciana, Martinicia, Havana, Quadalupa, agebantur.

Anglorum  
spolia.

Et quidem anno 1758 Angli occupabant *Niagaram*, *Ticonderagum*, *Quebecum* Canadæ urbem principem: maria omnia velut obfessa habebant 125, ut fertur, navibus bellicis majoribus, minoribus varii generis prope innumeris. Gallos ducebant *Moncalmus* & *Vaudrevilius*, Anglos *Amborsius*, *Townsendus*, *Johnsonus*.

Quebec.

Montreal.

Anno 1759 in manus Anglorum elapsum est munimentum *Montreal*, postquam Galli fortiter illud defenderant. Atque hoc pacto Angli *Canada* seu *Novæ Franciæ* possessionem adepti sunt. Anno 1760 accessit Insula S. Dominici; & anno sequenti Insula Martinicia (*Martinique*) ex Antillis præcipua.

S. Domingo.

Martinique.

Terra Nova,

Anglis cre-  
pta.

Galli autem interea Terram Novam (*Terre Neuve*) spatiosam Insulam cum suis munimentis Anglis eripuerunt, direptisque non raro navibus damna sua strenue ulsi sunt.

Havana.

Cum Hispania etiam cum Anglis bello fuisset collisa, Angli *Havanam*, Insulæ Cubæ urbem præcipuam, anno 1762 occuparunt, magno Hispaniæ detrimento.

Ponticheri.

In Orientalem quoque Indiam pervasit bellum Anglo-Gallum, præsertim in Coromandelis oram. Sunt ibi duæ urbes famosæ, *Ponticherium*, quæ ad Gallos, & *Madras*, quæ ad Anglos spectat; averso aspectu illæ se se hoc bello intuebantur; quin imo torvo vultu congrediebantur. Nam primum Galli *Madras* aggrediebantur, effectu conatui non respondente. Felicius fuit Anglus, qui *Ponticherium* tandem expugnavit, multis tamen suorum amissis, salvisque Religionibus. (15 Jan. 1761.) Neque tam vis hostilis, quam alimentorum defectus, Gallos ad deditionem compulsi.

*Suratam* jam prius Angli eripuerant, prout etiam Carangolium &c. *Surata*.  
 Pugnae & velitationes non paucae confertae sunt, magna utrinque  
 fortitudinis commendatione. Multitudini non raro partis unius  
 cedere virtus alterius debuit. Caeterum plures utrinque erant Indi  
 in urbibus, & praeliis socii, quam Europaei.

Persia perpetuo suo malo, internis videlicet dissidiis, ac re-  
 volutionibus laborat, variis per provincias tyrannis Imperium flu-  
 tuans discerpentibus. Atque ut totum orbem bellum pervagetur,  
 amplum Sinarum Imperium, pacis alias artium quam belli amantius,  
 supremis his temporibus cum Indis & Tartaris collisum, porrectis  
 ad Bengalam usque finibus, grandibus duabus provinciis auctum  
 est.

## Art. IX.

### *Pacificaciones Variæ.*

Jam 26 Martii 1761 Aula Viennensis, Parisiensis, Petrobur- 262  
 genensis, Varlavienensis, ac Holmienensis, ut suspicionem a se amoliren-  
 tur, quod morentur negotium pacis, Angliæ & Borussiae Regibus,  
 eorumque foederatis, quod insinuaturn supra, Augustam Vindeli-  
 corum congressus locum offerebant. Sed Europæ spem armorum  
 tumultus suffocavit.

Dum autem hæc consilia pacis, Augustæ conciliandæ frige-  
 bant, Comitium Ratisbonense fervebat. Major suffragiorum pars  
 negotium conciliandæ pacis Cæsari committendum a Statibus cen-  
 sebat, absque ullo tamen in futurum præjudicio. Obluctabatur  
 minor, negabatque, ubi de singulorum juribus agitur, majora præ-  
 valere, sed *itioni in partes* locum esse. Catholici omnes priores pa-  
 cificationes confirmandas judicabant, Protestantes Ratisvicensem ex-  
 cipiebant. Conceptum nihilominus secundum *Majora* conclusum  
 Imperii, quod Cæsar ratum habuit.

Eodem tempore, quo de Congressu Augustano agebatur,  
 Gallia quoque & Anglia tractabant. Missus Londinum *Bussius*, Pari-  
 sios *Stanlaeus*. Ille Interdicto *uti possidetis* standum putabat: hic ter *Stanlaeus* de  
 minum possessionis ad tempus ratificatæ pacis referri voluit. Cum *pace tra-*  
 non conveniretur, Gallia cessionem Canadae, sub certis tamen *stant.*  
 conditionibus, obtulit, Insulae item Minoricae, Hassiæ, Hanoviae,  
 eorum-



Conditio-  
nes.

eorumque locorum, quæ in ditione Hannoverana tenet occupata. Repetit vero caput Bretanicum, seu Portum Regium. Geldriam, Vefaliam, aliaque ad Rhenum Inferiorem loca Borussia non posse cedi, cum sint in potestate Reginae Imperatricis. Omnes naves, ante belli declarationem ereptas, restituendas: captos sine lytro remittendos.

Anglia vero postulavit, totam absque reservatione cedi Canadæ, Senegalliam insuper, Goream, Minoricam, omnes urbes & regiones, in Germania occupatas, ne Borussia quidem exceptis: Ostendam & Neoportum illico evacuari: bellum usque ad ratificationem pacis continuari: captivos liberari: Dunkeræ munimenta portumque ad Ultrajectensis pacis normam dirui: captas naves retineri: libertatem, assistendi fœderatis in Germania: societates in India Orientali sibi relinqui. Contra vero Gallis vult restituere Calonesum (*Beilisle*), Quadaluppam, & Marigalantam, permittere insuper capturam piscium in littore Terræ Novæ.

Pax frustra-  
ta.

Tandem, postquam a 26 Martii usque ad 20 Sept. fuit tractatum, Legatus uterque domum recessit, continuatumque terra marique bellum, quin imo auctum, cum Hispanus etiam indignatus, quod Anglia conditiones pacis tam opimas non acceptarit, socius Gallis accesserit.

Mutatio  
Russiæ.

In Septentrione, postquam Elisabetha Russiæ Imperatrix 5 Januarii 1762 obiit, ingens facta est rerum mutatio; nam Petrus III vix fuit ad thronum evehctus, cum prodere visus est, qua mente fuerit hætenus in fœdus, quod Elisabetha, ejus matertera cum Aula Viennensi, Varsaviensi, Varlavienti, & Holmienfi initum, quantum in se erat, fideliter custodiverat.

Induciarum  
conditiones.

Nam, licet primis diebus aliud præferre videretur, brevi tamen, die videlicet 16 Martii 1762 Stargardiæ clam suis Fœderatis cum Rege Borussiae fecit inducias. Viadrus in Pommerania statutus terminus, qui utrumque exercitum separaret. Borussi non ingrediantur Poloniam, nec Russi Silesiam, Zernichevio autem cum suis copiis liber per eandem concedatur transitus, ut ad Russicum exercitum se possit recipere. Commercia libera sunt. Subscriperunt Dux Beveranus & Princeps Wolconskius.

Imperator Russiæ cum has inducias pangeret, omnes bello implicitos Principes ad pacem hortatus est. Secuta est hortantem Suecia; nam mense maio 1762 tam Russi quam Sueci cum Borussis pacem inierunt, ea lege, ut omnia in statum pristinum, quo ante bellum fuerant, restituerentur, adjectis duntaxat quibusdam conditionibus. Rex Borussiæ pro pacis beneficio Moscorum Imperatori legionem Borussicam donavit.

Tantopere cum jam hiaret foedus, ad pacis consilia versi sunt omnium animi; atque imprimis Gallia, sequente Hispania. Prælimi- Et Gallia: naria sub initium Decembris anno 1762 cum Anglis pepigit in hæc capita. 1 Statuitur amnestia. 2 Gallia cedit Angliæ *Canadam*, Insulam *Bretoniam*, *Acadiam*, *Insulas Granatenses*. 3 Catholica Religio in his provinciis sit salva: possintque Galli, venditis bonis, libere discedere. 4 Conceditur Gallis jus ad littora Terræ Novæ aliisque locis piscandi, piscesque exsiccandi. 5 Relinquitur Gallis Insula *S. Petri*, & *Miquelonia*, pro piscatoribus cum obligatione, ne muniantur. 6 Urbs & portus *Dunkercensis* ad eum statum redigatur, qui anno 1748 per pacem *Aquisgranensem* fuit definitus.

7. Anglia præterea restituit Franciæ Insulam *Quadalupam*, *Mariagalantiam*, *Desradam*, *Martinicam*, *Bellinsulam*. 8. Insulæ neutrales sic divisæ sunt, ut Insulæ *S. Dominici*, *S. Vincentii*, & *Tabago* ad Anglos, Insula vero *S. Lucæ* ad Gallos spectet. 9 In *Africa* Insula *Gorea* Gallis, *Senegallia* vero Anglis relinquitur. 10 In *India* Orientali restituuntur Galliæ loca, quæ initio belli in ora *Coromandelis*, *Malabariæ*, *Orixæ* & *Bengalæ* habuit.

11. *Minorica* Insula cum munimento *S. Philippi* restituitur Angliæ, eo in statu, quo fuit tempore expugnationis.

12. Gallia restituit omnes, quas occupatas tenet, regiones urbesque, ad Electorem *Hannoveranum*, *Landgravium Hassiæ*, *Duces Brunsvicenses*, & *Comites Lippenses*, pertinentes, in statu, quo fuerunt tempore occupationis. 13. Reges Galliæ & Angliæ promittunt, se porro foederatis suis in Germania non adstituros. 14. *Geldriam*, *Cliviam*, *Vesaliam*, *Mœrsiam*, aliasque urbes, ad Regem Borussiæ pertinentes, interim Galli nomine Imperatricis præfidiis occupatas teneant, donec res ista componatur.



Et Hispania. 15. Regi Hispaniæ restituantur, quæ Angli in Insula Cuba occuparunt, nominatim Havana, in eo statu, quo fuerunt tempore occupationis. Hispani vero Lusitania excedant, restitutis quæ occuparant &c.

Postea 10 Februarii 1763 Parisiis Pacis Tractatu Definitivo hæc alique puncta confirmata fuerunt a Duce Choiseulio nomine Regis Franciæ, a Marchione Grimaldo nomine Regis Hispaniæ, & a Duce Bedfordo nomine Regis Angliæ.

Denique etiam Pax inter Reginam Hungariæ &c. & Regem Borussia 15 Februarii 1763 in arce Huberti (*Hubertsburg*) in Saxonia fuit conclusa. Illius hæc est summa.

I. Cesset omnis hostilitas. Sit plena amnestia & amicitia. Neutra pars in præjudicium alterius quidquam agat, aut permittat.

II. Omnis hostilitas, damnaque illata perpetuæ oblivioni dentur, nullaque inde compensatio unquam petatur: bonaque fisco ad dicta suis dominis restituantur.

III. Regina renuntiat omnibus prætensionibus in ditiones Regis Borussia, præsertim in eas, quæ per articulos Præliminares Uratislavienses, & pacem Berolinensem cessæ sunt: prout etiam Rex renuntiat omnibus prætensionibus in ditiones Reginæ.

IV. Si forte post obsignationem hujus Tractatus damnum inferretur, fideliter reparetur.

V. Regina restituet Glacensem Comitatum, Geldriam, Vessaliam in eo statu, quo fuerunt, dum occuparentur, omniaque alia loca, quæ Rex ante bellum habuerat. Similiter Rex copias suas ex omnibus ditionibus Reginæ Regisque Poloniæ, juxta Tractatum, eadem die initum, educet, & in terras suas reducet.

VI. Quamprimum hæc conventio fuerit signata, cessent omnes exactiones; &, si quid forte extorqueretur, illico restituatur. Si quæ contributiones necdum fuerint præstitæ, sint remissæ. Omnesque obsides gratis liberentur.

VII. Omnes bello capti sine lytro dimittantur, solutis tamen debitis, ab illis contractis. Remittuntur quoque alimenta, illis præbita. Idem circa copias Imperiales observandum.

VIII. Dimittantur quoque, qui coacti fuerunt alterius castra sequi.

IX. Regina restituet Regi omnia instrumenta & documenta, quæ sunt in locis restituendis.

X. Incolis Glacensis Comitatus sit liberum alio discedere.

XI. Rex ratas habet collationes Beneficiales, in Ducatu Clivenfi a Regina factas.

XII. Uratislaviensis Tractatus Præliminaris, Tractatus Definitivus Berolinensis de anno 1742, & Tractatus limitum ejusdem anni confirmantur, quatenus præfenti non sunt contrarii.

XIII. Commercia inter utriusque summi contrahentis subditos promoveantur.

XIV. Rex in Silesia Religionem Catholicam conservabit in statu, quo fuit tempore Tractatus Præliminaris Uratislaviensis, prout etiam incolarum possessiones, jura, & privilegia: salva tamen libertate conscientiæ Protestantium, & jure Regio.

XV. Renovantur obligationes, in Tractatu Berolinensi susceptæ, solvendi debita, pro quibus Silesia hypothecæ est subjecta.

XVI. Regina spondet pro omnibus ditionibus Regis, & Rex pro omnibus, quæ Regina habet in Germania.

XVII. Rex Poloniæ comprehenditur hac pace secundum normam peculiaris Tractatus, hac eadem die inter utrumque Regem initi.

XVIII. Rex renovabit Tractatum, cum Elestore Palatino anno 1741 ratione Juliacæ & Montensis successionis initum, sub iisdem conditionibus, quibus conclusus est.

XIX. Totum Imperium omnesque Status hac pace comprehenduntur. Confirmatur etiam pax Westphalica, cum aliis Imperii Constitutionibus.

XX. Includuntur huic paci utriusque partis fœderati & amici, alio tractatu nominandi.

XXI. Commutatio & ratificatio hujus Tractatus fiat intra 15 dies post subscriptionem & signationem.

*Actum in Castro S. Huberti 15 Febr. 1763.*

Signarunt hunc Tractatum, qui eundem conceperunt, Gabriel Collenbachius Consiliarius Aulicus, & Fridericus Herzbergius Consiliarius Regius.



## CAPUT XX.

## Historia Probabilismi:

seu

## D i s s e r t a t i o

De Usu Opinionum Probabilium.

263.

**D**e hac equidem materia aliqua jam supra libro III occasione *Litterarum Provincialium*, & rigidæ, quam Janfenistæ præferunt, morum doctrinæ, ex P. Daniele aliisque retuli; sed quia a centum jam annis nulla quæstio vehementius est agitata, ad hunc Eruditionis apparatus pertinere arbitror, de lege dubia prolixius aliquantum hoc loco differere.

Sensum quidem meum ea super re aperui jam *part. I c. 2 q. 6*, hic autem non tam meam, quam aliorum mentem recensebo, innoxiam ratus fore Probabilismi relationem Historicam, & controversiæ multo gravissimæ, eum mihi maxime præfigens scopum, ut ostendam, quam immerito ab imperitis aut malevolis Societati Jesu Probabilismus tanquam proprius attribuatur, qui innumeris aliis ex omni Ordine & Natione est communis, quemque nulla ordinatione Societas suis præscripsit, sed omnibus liberum reliquit, quam probabiliorum censerent, docendi sententiam, prout plures ex illis magno ardore severiorem ore & calamo docuerunt, & etiam docent.

Cæterum, quod dixi, non Auctorem aut Doctorem ago, sed compilatorem & historicum relatorem, eorum præcipue, quæ P. Gravina vir eruditissimus Italice potissimum recentissime hac de materia scripsit; quæ ego in synopsis contraho.

Art. I.

*Definitio opinionis probabilis. An unus Doctor faciat probabilem?*  
*Diversitas scriptorum. Jansenistarum in Probabilismum pri-*  
*mus furor. An Probabilismus origine sit Thomisticus?*  
*An Anti-Probabilismus Jansenistis aliquid debeat?*  
*Quid Jesuitæ præstiterint circa Probabilismum.*

P. Josephus Maria Gravina S. J. Panormi in Sicilia edidit anno 1755. *Tractatus Apologeticus de Probabilismo adversus Magistrum Vincentium Diez, Illustrissimi Ordinis PP. Prædicatorum, studii Generalis S. Dominici ibidem Regentem.*

264.

Hoc opus eruditissimum, quod P. Gravina in tres partes divisit, æstimari potest velut complementum absolutissimum eorum, quæ San. Vitalis, Ghezzi, Lecchi, Bovius, Richelmi, Gagna, Balla, Carpani, Lagomarsini, Nocetti, Zacharias, adversus Concinam, Dinellum, Patuzium &c. doctissime scripserunt. Quare alienum non fuerit, ex hoc opere, Italice potissimum scripto, & in Germania perraro, aliqua excerpere, & brevissime referre.

Primam partem Gravina in 40 Dialogos subdividit. In 2 definit opinionem probabilem, quæ nempe solidis sit mixta rationibus, classicisque testæ patronis, nulli certo principio, nullique, vel conventioni, vel legi, vel censuræ adversetur publicæ.

In 3 ait, unum vel alterum auctorem tanti valere posse apud æquos rerum æstimatores, ut instar multorum vel solus opinionem reddat extrinsecus probabilem. Affertque in hanc rem testimonium duorum celebrium Thomistarum, Melchioris videlicet Cani l. 8 de loc. Theol. c. 10, ubi scribit: *In scholastica disputatione plurium auctoritas obruere Theologum non debet; sed si paucos viros, modo graves, secum habeat, poterit sane adversus plurimos stare; non enim hæc numero judicantur, sed pondere.* Item Barnabam Callegum de Vera, qui in Resol. Moral. de consc. dub. 21 de conscientia probabili ait: *Noster Angelicus Doctor multa scripsit & docuit contra alios, qui ante ipsum scripserunt; & tamen ejus opiniones statim, ac ab ipso traditæ sunt, existimatæ sunt probabiles, tum propter maximam ejus auctoritatem apud Theologos, tum quia non levibus, sed rationalibus fundamentis ductus est ad sic opinandum.*

In quem sensum scripsit ipse S. Augustinus l. XI contra Jul. c. 10 n. 36. *Me delectat non numerare multitudinem, sed appendere paucitatem.*

F f f f f 3

Con-



Consentit Jus Civile, dum l. 1. c. de vet. Jur. enucl. §. sed neque 6 ait: sed neque ex multitudine auctorum, quod melius & æquius est, judicatore; cum possit unius forsan, & deterioris sententia & multos & majores in aliqua parte superare.

Imo & Ignatius Camargo S. J. vehemens *Probabiliorista* (ex quo Concina aliique *Anti Probabilistæ* multa descripserunt) *Reg. Honest. Mor. l. 1. contr. 3 art. 3* ait, opinionem gravium Doctorum, imo etiam unius tantum aliquando, licet rarissime, etiam contra plurium aliorum, vel etiam communissimam, esse posse quandoque regulam sufficientem ad honeste operandum, dummodo fiat operanti propria, & omnibus inspectis vera existimetur ab ipso.

Distinguit deinde Gravina inter scriptores; & alios appellat classici, qui apud doctos, in praxi, tribunalibus, scholis, ita sunt recepti, tantique nominis, ut eos tuto sequi possimus: alios vero *summistas*: hosque rursus in duplici classe; alios nempe, qui Auctorum sententias colligunt, easque examinant, & rationibus firmant, atque sic veluti suas faciunt; quales ex PP. Dominicanis fuerunt Cajetanus in sua *Summa*, Sylvester Prieras in sua *Summa Sylvestrina*, Fumus in *Summa*, quæ *Armilla* dicitur: ex PP. Franciscanis Angelus de Clavasio in sua *Summa Angelica*, ex Societate Jesu Toletus, Emmanuel Sa, Busenbaum, Taberna &c. ex Clero sæculari Ostiensis. &c. Et hos quoque dicendos *Auctores*.

Alios vero *Summistas*, qui sine examine, crisi, ac declaratione aliorum doctrinam describunt, cum Gellio vocat *Proletarios*, quasi triviales, quos nomine *Auctorum* indignos censet, sed *Collectores* & *Compilatores* dicendos, quales sunt Gratianus & alii compilatores Juris Canonici. Qui non aliam habent auctoritatem, ac fontes, ex quibus hauserunt: prout etiam, qui jurantes in verba Magistri, eum ut ovis ovem, anas anatem, grus gruem sequuntur. Non modicam tamen etiam compilatores Reipublicæ litterariæ utilitatem præstant, dum ea, quæ sunt dispersa, colligunt, aut in synopsis contracta lectori, cui aut fontes defunt, aut tempus vel patientia in evolvendis multis voluminibus deficit, unum velut sub conspectum ponunt.

Sunt, qui etiam ab Historico testes & probationes requirunt. At vero Historicorum Principes, Livius, Cæsar, Tacitus, Curtius, Thucydides, Dionysius Halicarnassæus, Xenophon, & ipse Historiæ Conditor Herodotus, nullos testes prodixerunt, nec indicarunt monumenta, ex quibus, quæ scripserunt, desumpserunt. Quod exemplum celeberrimi postea Historici sunt secuti. Historici est,

est, res gestas narrare; an credere velit, lectori debet relinquere.

Cæterum non est dubium, inter ipsos etiam Auctores classici diversos esse auctoritatis gradus, sed hos designare, e. g. an S. Thomas sit præhabendus S. Bonaventuræ, an schola Thomistica Scotistica, difficile nimium invidiosumque foret.

In Dialogo V Gravina ostendit, Montaltium & Wendrockium odio Jesuitarum in probabilismum insurrexisse; idque vel ex ipsa Melchioris Leydeckeri Calvinistæ *Historia Jansenismi*, anno 1695 Ultrajecti impressa, comprobatur.

In VII negat, nos homines ab iis, quæ sunt probabiliora, abstertere, imo suaderi a nobis, ut ea sequantur: solam obligationem negari; eo quod probabilius nobis sit, eam non dari.

In VIII *Laxismum* docentem, licitum esse sequi opinionem, quantumvis tenuiter probabilem, merito esse damnatum, & non nisi per calumniam confundi cum probabilismo, gravi fundamento nixo.

In IX *Rigorismo* doceri, semper standum pro lege, quamvis ea probabilius non existat. Hunc amplexum fuisse Natalem Alexandrum T. 7 *sua Theol. pag. 151.*

In X asserit, tria hæc meridiana luce evidentiora esse. 1. *Probabilismum*, totus quantus est, Thomisticum esse origine. 2. *Diuturnam Probabilismi* adolescentiam acceptam in primis referendam esse Thomisticis. 3. *Anti-Probabilismum* (furioso & calumnioso æstu defensum) strategema esse sectæ Jansenianæ, nec non cursum ejusdem magna ex parte illius sectæ operis esse, & laboris. Addit quartum: Id unum Jesuitarum esse proprium, ut probabilismum, pluribus nominibus alienum, limitarint, artarint, emendarint, perfecerint, & contra Jansenianos furores propugnarint.

Probabilismum, prout in præsentī in Academia disceptatur, acceptum in primis referendum Inclito Prædicatorum Ordini, multis de causis, sed potissimum ejus spectata origine, probat ex Alberto M. qui celebri apud antiquos Thomistas canone *Frater simplex*, sic scripserit: *Frater simplex, vel quilibet homo cum salute sequi potest in consiliis, quamcunque opinionem voluerit, dummodo alicujus magni Doctoris opinionem sequatur.* Regulam hanc celebratam fuisse a quampluribus Thomistis, S. Antonino, Humberto, & præsertim a Joanne Nider in *Consolatorio Timorata Conscientiæ part. 3 c. 11 & 12*, ubi eandem regulam exhibet expositam a Bernardo Claramontensi his verbis: *ex quo opiniones sunt inter magnos Doctores, & Ecclesia non determinavit alteram*



alteram partem, teneat, quam voluerit, dummodo iudicium in hoc resideat propter dicta eorum, saltem quos reputat peritos.

In Dial. XI affert probationem aliam, cur probabilissimum origine Thomisticum dicat, quod videlicet Seraphinus Cavalli, Prædicatorum Ordinis Generalis Magister præcepto formali Bartholomæum Medina anno 1577 adegerit, ut Ethicam suam in 12 publici juris faceret, quam & aurearum expositionum elogio honestare placuerit. In hoc autem opere Medina probabilissimum clare defendit; & sic non rimulam, ut Eckardus scribit, sed plenam portam aperuit.

Quasi vero rimula sit quæstio, quam Medina Magnam appellat, & ex professo contra Cardinalem Cajetanum q. 19 art. 6 &c. tractat, atque 4 argumentis, 3 confirmationibus apertissimum probabilissimum propugnat, contrariamque sententiam confutat. Reperitque hanc doctrinam in *Instructioe confessoriorum*, Cardinali Alexandrino Protectori Ordinis Dominicani a Petro Gonzalez, qui eam italice reddidit, inscripta, & 10 intra annos quinquies recusa. Et quidem probabilissimum propugnat in omnibus negotiis, etiam in maximum præjudicium tertii vergentibus, etiam in materia sacramentorum; ut Gravina Dial. XII testatur.

Ubi addit, eandem rimulæ amplitudinem anno 1683 amplectum esse Joannem a S. Thoma celeberrimum Thomistam, in 1. 2 t. 1 disp. 12 art. 3, ubi ait: *stante hac certitudine, seu probabilitate practica, in quacunque materia licite procedi potest . . . etiamsi opposita pars tutior, & probabilior appareat.* His addi possunt, quos supra allegavi.

Idem Gravina Dial. 22 laudat M. Barnabam Gallegum de Vera, qui anno 1648. Madriti edidit opus de *conscientia probabilis*. dub. 1 ait: *secunda sententia, quæ est longe probabilior, mihi magis placet, licitum esse in praxi sequi sententiam minus probabilem, & minus tutam, dummodo sit practice probabilis. . . . Hæc igitur secunda sententia communior est inter Thomistas.*

Dial. XIII pergit ad probandum alterum membrum suæ propositionis, diuturnam nempe probabilissimi adolescentiam acceptam in primis referendam esse Thomistis. Probat autem 1 auctoritate P. Stephani de Champs, qui in quæst. facti c. 5 anno 1659 scripsit: Recentiores (Thomistæ) tam admirabili consensu patrociniū probabilissimi susceperunt, ut ex iis, qui post Medinam, id est, ab annis fere centum, de hac controversia scripserunt, nullum plane viderim vel legerim, ab auctoribus, tractatu hoc toto citatis, appellatum, qui vel in speciem contrarium docuerit.

2. Ex P. Daniele, qui Epist. 2 ad P. Serry idem testatur, nempe a Medina usque ad annum 1659 Thomistas omnes, qui hanc materiam tractarunt, secutos esse Medinæ doctrinam, neminemque toto eo tempore eandem impugnasse. Certe adhuc anno 1644 universus Prædicatorum Ordo Romæ congregatus in Generalibus Comitibus, sub Reverendissimo P. Thoma Turco Generali Ordinis Magistro *Ordin. 21* Joannem Ildephonsum Baptistam formali obedientiæ præcepto adegit, ut in lucem emitteret sua commentaria in 1. 2, in quibus probabilismum ex professo defendit, dum solide tractat de conscientia probabili Tom. 3, ubi concl. 7 dub. 6 n. 601 docet inter alia; licitum esse, habere intentionem consultandi varios Doctores, donec aliquis vere doctus & pius proponat opinionem, quæ consultantis faveat.

Lopez vero ejusdem S. Ordinis p. 1 Instruct. Consc. c. 120 ait, quod confessor penitenti, probabilem DD. opinionem sectanti, negare absolutionem non potest, licet confessor ipse contrariam opinionem probabilissem censet. citatque Lopez Medinam. Unde patere ait Gravina, non modo objectivum, sed etiam subjectivum probabilismum a Medina fuisse traditum.

In XIV refert, a P. Alexandro P. Danieli septem objectos fuisse Thomistas, qui medio eo tempore, nempe ab anno 1577 ad annum 1659 probabilismum rejecissent, videlicet Dominicum Gravina, Martinum de Prado, Tapiam, Mercorum, Baronium, Gonetum, Contensonum. At respondisse Daniele, tres primos esse probabilistas, cum Gravina l. 2 de objecto revelationum scripserit: licitum est tenere multoties opinionem probabilem, relicta probabiliori, quando vera esset probabilitas. Prado autem T. 1 pag. 15 ajat: quando opiniones sunt æque probabiles, potest quis sequi, quam voluerit. & pag. 18: Sæpe in praxi licitum est, sequi opinionem minus probabilem, relicta probabiliori. Tapia t. 1 anno 1654 edito pag. 77 asserat: opinio etiam minus probabilis & minus tuta, dum tamen sit probabilis practice, potest eligi tuta conscientia, relicta probabiliori & tutiori. & n. 6 addat: etiamsi alienam non putes probabilem, posse te deponere dictamen proprium & adhaerere alienæ.

Cum Mercorus apparuit, liber P. Dechâmpii jam fuerat editus; hinc eo in publicum producto, P. de Champs adjecit appendicem, in qua Mercorum, qui primus post Jansenistas belli signum extulit, inconstantia arguit. Tres reliqui libros suos ediderunt post annum 1659, quo de Champs scripserat, & quidem Baronius primum anno 1665, & eodem ferme tempore Gonetus, Contensonus vero 1676; manere proin integrum de Champii testimonium,



ab anno 1577 ad 1659 nullum fuisse ex PP. Dominicanis, qui probabilismo contradiceret.

Dial. XV refert ex Dechampion & Daniele, *veteres Theologos Parisienses solenni Decreto Anti-tutorismum approbare*: omnes vero omnino Doctores Sorbonæ, usque ad adventum Jansenistarum, approbasse probabilismum. Ex Cardenas vero, qui anno primum 1680 opus suum contra Jacobum a S. Dominico scripsit, *Sententiam de vera probabilitate practica admittenda, secure ad praxin quiescere in quadam pacifica quasi possessione in regnis Hispanicorum, in quibus Theologia felicissime floret; amplecti hanc sententiam omnes Academias, Collegia, Studia Generalia & privata, sive Thomistarum, sive Scotistarum, sive Jesuitarum, ut nullus aut fere nullus sit in his regnis Theologus, qui dissentiat: ut adeo ultra centum annos, nempe ab anno 1577 ad 1680 nullus aut vix ullus in tota Hispania fuerit Theologus, qui dissentiret.*

Denique ex eodem Dechamps: Ex Gallia Isambertus clamat: *ita communiter Doctores*: Ex Hispania Montefinus, Navarra, Greg. Martinez: *hæc sententia est communis in scholis*: hæc est communior Theologorum: hæc est sententia communis; Ex Italia Bonacina, Roggius, Bossius: *Ita communiter Theologi, itque, ut ita dicam, infiniti: Ita omnes publici Professores Theologiæ*; Ex Germania Caramuel Episcopus: *Ita sententia hodie est omnium.*

A Dialogo XVI Gravina tertium suæ propositionis membrum probat, videlicet, *Anti-Probabilismi, Anti-Jesuitici, criminatorii, ac turbulenti, (non autem modesti, temperati, pacifici) initia merum fuisse stratagemata sectæ Jansenianæ, nec non Anti-Probabilismi cursum magna ex parte ejusdem sectæ operis fuisse & laboris.* Probat autem ex Leydeckeri Historia Janseniana lib. 3 de dogmatibus Jansenismi, ubi tanquam certum ponit, Sancyranum & Jansenium, collatis studiis Ethicæ Jesuitarum, tanquam pro aris & focis tutandis, oppugnasse, præsertim dogmata de probabilismo, quasi Jesuitico. Ex odio ergo Jansenistarum & spiritu vindictæ in Jesuitas, præcipuos suos adversarios, quibus omnia decreta, edicta, sententias, contra se latas, adscribebant, ortum esse bellum illud vehemens anti-Jesuiticum, a Sancyrano & Jansenio cœptum, ab Arnaldo, Montaltio, Wendrockio, Gerberonio, Quesnello, & Symmistis continuatum: euntibus in eorum partem fociis, quos pudere debuisset, tales duces sequi.

Igitur, licet Jansenistæ probe scirent, doctrinam de probabilismo origine esse Dominicanam, progressu vero omnibus cum ipsis communem, solos tamen Jesuitas metam designarunt, in  
quam

quam communi studio, ira, odio, vindicta collimarent. Hinc Litteræ illæ Provinciales, Moralis Practica Jesuitarum, Tbeatra Jesuitica.

Fatetur ipse Wendrockius, omnium maxime virulentus, in tertia Nota præambula ad Litteras Provinciales, quod Jesuitis tribuatur, quæ ipsi ab aliis hauserint.

Ut tamen solos posset Jesuitas reprehendere, maligne scripsit: Alii scriptores fere sibi peccant, aut certe non multis; Jesuitæ toti Ecclesiæ peccant, quam suis novitatibus inficiunt. Latebant hæc dogmata in Bibliothecarum angulis; paucis nota, paucis nocebant. At ipsa Jesuitæ super tecta prædicabant, in aulis Regum, in familias privatorum, in curias Magistratum invexerunt: additque, quod in illo Casuistarum grege, numero, auctoritate, fama principatum obtineant, suosque vel alienos errores acius defendant, latius disseminant.

Quæ sane Janfenistarum iste triarius non minori odio in Jesuitas, quam contemptu scholarum Catholicarum effutiit, maxime vero Illustrissimi Ordinis PP. Prædicatorum, & scholæ Thomisticæ, a qua Jesuitæ doctrinam de probabilismo hauserunt; quam fulgentissimam atque multo ornatissimam scholam Sanvitalis Jesuita appellavit mundi magistram, oraculum sapientiæ, in orbe terrarum sapientiæ, sanctitatis, & zelo animarum clarissimam; quam certe Societas Jesu veneratur, dignamque multi ex illa censuerunt, cujus doctrinam circa usum opinionum probabilium, cum pluribus tamen limitationibus, sequerentur.

In Dial. XVII Gravina iterum Sancyranum & Janfenium antesignanos recentiorum antiprobabilistarum statuit, hujusque calumnias in probabilismum refert: prout etiam narrat ea, quæ Caramel epist. 4 ad Cardinalem Pallavicinum scripsit. Eram Lovanii, inquit, cum jam mortuo Janfenio executores testamenti de clandestina ejus Augustini editione secretissime deliberarunt. Et D. LIBERTUS FROMONDUS, inter novæ hujus doctrinæ affectas coryphæus, ut viam superventuro aperiret errori, aut verius, ut illum, nihil simile Academiæ Doctoribus prævidentibus disseminaret, has propositiones: Probabilitatum usus est res nova: Non potest non condemnari apud DEUM, qui relinquens viam tutam insistit opinioni probabili &c. conatus est in scholas intrudere, se opponentibus viris doctis & piis; additque: ante annos paucos Janfeniani in Gallia, ut doctrinam Janfenii, ab Innocentio X condemnatam, sub larva pietatis revocarent, pium & doctum probabilicatum usum sunt criminati, prævidentes, illo semel proscripto, Janfenianam necessario hæresin resurrecturam. Protestatur tamen P. Gravina, quod ultimæ huic Ca-



ramuelis reflexioni nullatenus se immisceat; nec ego illam meam facio, sed historice duntaxat eandem cum illo præcise refero.

Ceterum prima Fromondi propositio est falsa, & contra certam Historiam. Secunda inducit tutorismum universalem, & si loquitur universaliter de omni opinione probabili, ab Alexandro VIII fuit damnata in hac *Sinnibii* Jansenistæ propositione: *non licet sequi opinionem, vel inter probabiles probabilissimam.*

In Dial. XVIII eandem materiam prosequitur, ducitque epocham Probabilismi *Mediniani*, sub propriis & formalibus terminis & formulis concepti, ab anno 1577; epocham vero Antiprobabilismi *Sancyranam* ab anno 1632, *Jansenianam* vero ab anno 1640; quia iis temporibus Sancyranus & Jansenius in probabilissimum Catholicum inveli cæperunt.

Dial. XIX ait, hæc non eo narrari, ut impugnatio probabilismi ullo modo hæresis nota afficiatur; cum Catholice impugnari possit, & a pluribus etiam Jesuitis impugnetur: cum liberum illis sit, probabilissimum (verum tamen, solidum & limitatum) defendere, vel impugnare. Sed eo hæc spectare, ut adversarii Catholici, maxime Thomistæ, desinant Jesuitis attribuire probabilissimum, tanquam proprium, cujus ipsi sunt auctores, quique deinde, ipsis ducibus, factus est omnibus communis; perspiciantque, non sanctos viros studio pietatis primos adversus probabilissimum arma arripuisse turbulenta, & furiosa, sed perfidos hæreticos, ut bellum, quo premebantur, in Jesuitas transferant, quos ceu impugnatores suos habebant exosos. An vero gloriosum sit viro Catholico, illorum vestigia premere, & linguam maledicam & calumniantem discere, ipsis considerandum relinquimus. Modo regnaret semper charitas & recta intentio; quamque severam sentiendi vivendique regulam aliis præscribimus, ipsi servaremus!

Dial. XX Conclusionem suam, hætenus probatam, infert, initia nimirum Anti-Probabilismi (turbulenti, convitiantis, & cum inimico strepitu propositi) merum esse stratagema sectæ Jansenianæ, ejusdemque cursum magnam partem fuisse eorum operis & laboris; cum etiam post Sancyranum & Jansenium non desierint, in Probabilissimum tonare; prout ex scriptis Arnaldi, Pascalii, Nicolii, Fromondi, Gerberonii, & Quesnelli constat.

Dial. XXI repetit, a Capite & Corpore Ordinis Prædicatorum duos scriptores, Medinam & Ildephonsum præcepto fuisse adactos, ut probabilissimum suum evulgent; non autem constare, quod Cajetanus, Mercorus, Baronius, Gonetus, Contenson, Alexander, Serry,

Serry, Jacobus a S. Dominico, aut ullus alius Thomista coactus fuerit, suum probabiliorismum edere. Ex Jesuitis autem nulli unquam fuisse imperatum, ut probabilismum prælo committat. Atque vel ex hoc etiam patere, an probabilismus *Jesuiticus* sit dicendus, an *Thomisticus*.

Dial. XXIII quartum membrum suæ propositionis probat, nempe, id unum *Jesuitarum* esse suum & proprium, ut probabilismum, pluribus nominibus alienum, arctarint, emendarint, perfecerint, & contra *Jansenianos* furores propugnarint; probatque 1 ex P. de Champs, qui c. 8 copiosos exhibet indices *Jesuitarum* probabilistarum, qui etiam ante censuras damnarunt probabilismum Ministri Sacramentorum, Judicis, Medici, Magistri docentis &c. 2 Ex eo, quod nullus sciatur *Jesuitarum*, qui probabilismum docuerit tam amplum, vagumque, nullis circumscriptum terminis, ac docuere insignes Thomistæ, uti Medina, Candidus, Joannes a S. Thoma, (in omnibus negotiis, in quacunque materia, in qualibet materia) neque contenti sunt *Jesuitæ* quacunque probabilitate, etiam tenui, dubia, incerta, aut per momenta sententiæ oppositæ eversa. Sed requirunt probabilitatem veram, certam, Theologicam, practicam, absolutam, & comparativam, nixam nempe rationibus gravibus ac solidis, quæ virum prudentem movere possint ad assensum. Deinde requirunt ultimum dictamen intellectus, ex principiis directis vel reflexis, omnino certum moraliter; unde nullum est peccati, saltem formalis, periculum.

3. Ex eo, quod solerter discrimen *Jesuitæ* faciant inter probabilitatem mere *speculativam* & *practicam*, item inter quæstiones *juris* & *facti*, quod P. Suarez assignavit, laudatus a Morino propterea. Quibus distinctionibus probabilismus multum limitatur, temperatur, coarctatur, restringitur. Imo, si ex duabus opinionibus probabilibus, illa, quæ stat pro lege, manifeste sit probabilior, illi adhærendum & secundum illam agendum, omnino censeo, nec licitum esse sequi manifeste minus probabilem, stantem pro libertate, sive deinde hæc adhuc maneat probabilis, sive non.

Addit P. Gravina, si quis ex Jesuitis laxam aliquam sententiam docuerit, eum passim a suis oppugnari.



## Art. II.

*Quatuor paradoxa. Probabilissimum esse tutum: anti-probabilissimum periculosum: illum degenerare non posse in laxissimum: hunc autem in rigorissimum facile degenerare.*

265.

Dial. XXIV Gravina quatuor propositiones, in speciem paradoxas ponit. 1 *Usus probabilissimi maxime tutus est.* 2 *Usus probabilioris maxime periculosus est.* 3 *Probabilissimus germanissimus degenerare minime potest in laxissimum.* 4 *Probabiliorissimus germanissimus in rigorissimum debet excurrere.* Primam dein propositionem probat 1 ex eo, quod *lex dubia sit lex nulla, ut obliget: idque constare, ait, ex utroque Jure, & auctoritate Doctorum, cum ejus existentia non sit sufficienter promulgata.*

2. *Ex eo, quod probabilitas opinionis minus probabilis non elidatur a probabiliore.*

Dial. XXV allegat P. Laurentium Berti famosum probabilioristam, ex Inclito Augustinianorum Ordine, qui T. 4 de *Theol. Discipl.* l. 21 c. 15 scribit: *probabilem rationem, quam contraria nequeat labefactare, & quæ a veritate non abhorreat, etiam nos dicimus inculpatam & innocentem.* Si ergo probabilis ratio non eliditur, innocenter illi adhæremus. Eadem est Baronii sententia.

Dial. XXVI probabilissimum probat exemplo Machabæorum contra communio rem sententiam die festo pugnantium, Apostolorum, declarantium, Christianos legi Mosaicæ non esse obnoxios; Antiochenorum, tempore Juliani, ne fame perirent, idolothytis vescentium, contra opinionem Ecclesiæ Constantinopolitanæ; item exemplo controversiæ de paschate celebrando, & baptismo, ab hæreticis collato. Ubi sane Polycrates & Firmilianus cum suis Asianis, & S. Cyprianus cum suis Africanis Episcopis, opinioni minus probabili adhæserunt.

Dial. XXVII ex S. Augustino, l. 20 cont. *Faust.* c. 75 & ep. 47 ad *Publicol.* de bello justo vel injusto, licito vel illicito idolothytorum usu sic tractante, ut utramlibet opinionem eligi posse doceret.

Dial. XXVIII argumentum petit ab obedientia Religiosa, quæ secundum SS. Patres exigit, ut pareatur superiori in omnibus rebus, in quibus nullum manifestum est peccatum.

Dial.

*Dial. XXIX* ex usu Principum & populorum, præsertim circa exercitium *Jurisdictionis*: item ab auctoritate Thomistarum, & Academicarum, nominatim etiam Sorbonæ, ducibus Gamachæo, Humberto, Duvallio, ante Janenismi Eclypsin, qua Sorbona sit infuscata.

Item ex Christiano Lupo, ex Ordine S. Augustini eruditissimo scriptore, qui *Dissertat. de probabil. c. 3* demonstret, quod *Ecclesia Catholica circa humanas leges semper permiserit uti sententia probabil. c. 4* quod etiam circa *Divini juris materiam. c. 6* quod *Romani quoque Pontifices sua Rescripta quandoque forment ex istiusmodi probabilibus sententiis. c. 7* quod *Ecclesia semper admiserit probabiles sententias, etiam circa jus naturale. c. 5* & 8 hæc firmat exemplis.

Item ex libro, cui titulus: *Lydius lapis recentis Antiprobabilismi*, a Doctoribus Salmanticensibus composito; in quo *Sessio 24* hic titulus præfigitur: *opinio benigna ex praxi summorum Pontificum apprime confirmatur.*

Uti etiam ex Thefi Francisci Solis, Ordinis de Mercede, celebris Doctoris Salmanticensis, qua dicit: *Dispensationes & Gratia, quas summi Pontifices, innixi opinionibus, communi Doctorum judicio minus probabilibus, concessere, notæ sunt omnibus usque adeo, ut, tum de illarum veritate nullus sit ambigendi locus, neque lateat, quantum hoc Anti-probabilistas fulmen exarmet, aliqui eorum, ad eludendum argumentum, sint causati, in his eventibus Pontifices Maximos opiniones, minus receptas, veras existimasse, communiores vero & plausibiliores falsas proinde reputasse.*

Adjungitur exemplum dispensationis in voto solenni castitatis, & matrimonio rato. Adrianum VI ad solam opinionem Cajetani in hoc dispensasse. Huc pertinet etiam responsum Urbani VIII, ut Missionarii in convertendis barbaris sequantur sententias probabiles, barbaris magis favorabiles. Quam exultarent Janenistæ, si probabilissimus condemnaretur, ut possent dicere, Pontifices in doctrina morum errasse!

*Dial. XXX* adducit argumentum ex Autoritate S. Francisci Saleii, qui probabilissimum PP. Lessii & Reginaldi approbarit, non sine elogio. Hoc autem adeo displicuisse ex Anti-probabilistis cuidam (Hyacintho Serry) ut de magno ac docto hoc sancto scribere non horreret: *quidquid primo mentem subibat, id probabat, modo pietatis speciem præferret.*

*Dial. XXXI* ostendit, censuras, quibus laxæ quædam propositiones fuerunt notatæ, nullatenus profluxisse ex probabilismo vero & genuino, nihilque cum eo habere commune. Sicut neque

Joannis



Joannis Caramuelis, Episcopi Vigevanensis, *Apologema pro antiquissima & universalissima doctrina de probabilitate*, quo Fagnanum refutavit. In Caramuelem pro solita sua modestia investus est P. Vincentius Baronius Dominicanus. Sed non minus Theologia Moralis Baronii, quam Apologema Caramuelis Romæ confixa est. Iphis autem genuinis probabilistis displicuit Caramuelis amplius nimium & laxus probabilissimus; unde ejus doctrinam ad examen vocarunt Andréas Mendo, Joannes Cardenas, & Honoratus Fabri, eandem velut vitem luxuriantem putantes.

*Dial. XXXII* affert exemplum Ludovici de Ponte & Pauli Seneri, qui voce & calamo pro probabilismo pugnarunt: item Joannis Berreyarca, Aloysii Baldinuci, & Francisci de Hieronymo, celeberrimum Missionariorum & animarum directorum, qui sibi austeri, aliis vero benigni, ad animarum salutem procurandam optimam viam esse putabant, si secundum salubrem usum opinionum probabilium procederent. Eundem fuisse sensum Constantini Roncaglia, ex congregatione Matris Dei, eruditi expurgatoris laxarum Natalis Alexandri, probabilioristæ, propositionum, de quo jam alias in hoc apparatu notaveram, quod, postquam in scholis probabiliorissimum docuerat, audiendis confessionibus admotus, sententiam mutavit; candide fassus, aliud esse ad pulpitu[m] scribere, & in schola prælegere, aliud in praxi exercere.

*Experimento*, inquiebat, vidi, nihil ad praxin deservire quæstionem, an licitum sit sequi minus probabile in conspectu probabilioris: quis enim vel studendo, & præcipue, dum audit confessiones, potest omnia momenta utriusque partis librare, & inde definire: hoc est minus probabile, hoc est probabilius? hoc esset onus intolerabile. Satis mihi fuit in praxi, sequi sententias, quas rationabili fundamento innixas putavi, & ita credidi, me satisfacisse conscientiæ absque eo, quod judicem me constituerem inter minus probabilem, & magis probabilem. *De Consc. opinat. sive de opin. probab. q. 1., & tr. 1 de act. Hum. c. 11.*

Hos viros probos, doctos, & vitæ sanctimonia claros, Gravina opponit Cardinali de Aguirre (qui tamen ingenue fassus est, se materiam istam non satis examinasse) aliisque, depravari per probabilissimum disciplinam morum lamentantibus.

*Dial. XXX* respondet ad objectionem petitam ex c. *Juvenis de sponsal.* & c. *significasti de Homicid.* ubi dicitur, in dubiis tutiorem viam esse eligendam. Verum, si verba ista adeo stricte & universaliter essent in vim præcepti accipienda, summus tutorismus & consequen-

sequefter Rigorismus effiet introducendus, nec licitum effiet, fequi probabiliorem, imo neque probabiliffimam, fi oppofita fit tutior.

Unde eligere viam tutiorem effe confilii, non praecepti, ait S. Antoninus T. 1. Summa l. 3. c. 10, & Sylvefter Prieras S. Palatii M. ac dein Generalis Ordinis, in Summa fua Sylveftrina V. confeflio fcribit: licet fit tutius, ftatim, habita opportunitate, confiteri; tamen non eft tutius tenere, quod fic obligemur; quia viri timorati haberent maximas occafiones peccandi.

Idem habet Jus utrumque; fic Reg. 65 de R. J. in 6, & 171 ff. de R. J. In pari caufa potior eft conditio poffidentis. & ff. femper eod. In dubiis benigniora praeferenda funt. & l. fi fuerit de re dub. In rebus ambiguis humanior fententia eft praeferenda; confonat cap. fin. de tranfact.

Gravina difcordiam iftam componit, dicendo, in dubio practico tutiorem effe eligendam: in dubio vero fpeculativo (excepto poffeffore, cui caufa adjudicanda, & exceptis quaeflionibus facti, in quibus tutior eligenda) eligi poffe pro arbitrio; pro aliis tamen eligenda benigniora, fi fint vere probabilia.

Doceri hoc, teffe Nidero Dominicano in Confol. tim. Confc. part. 3. c. 11, a B. Humberto de Romanis, Generali Praedicatorum in Expos. Conftit. Ord. Praedicator. his verbis: Quia fructus animarum impediri folet per nimiam austeritatem in confiliis & opinionibus (terrentur enim ex hoc homines in tantum, ut falutem negligant) idcirco relaxanda eft, quantum fieri poteft, austeritas, & agendum eft benigne cum hominibus; quia fic melius trabuntur ad falutem, cum fententiae mitiores tenentur.

Confonat Oftienfis in cap. fed vir de cognat. fpir. ubi funt diverfae opiniones, inquit, & diverfa jura, femper humanior eft praeferenda.

Cæterum confundi non debet dubium cum opinione. Dubium ftrictè dictum eft fufpenfio intellectus inter duas fententias, opinio eft affenfus intellectus, uni praestitus. Hinc Vafquez in 1. 2. t. 1. difp. 62. c. 9 ait: commune axioma (tutior pars eft eligenda) intelligitur folum in dubiis, non in opinionibus; nempe, quando dubium tale eft, ut judicium confcientiae cum affenfu colligi non poffit: fed etiam dubia femper confcientia maneat, ficut revera intelligunt Navarrus & Sylvefter. Si nempe dubium practicum, in quo operari nunquam licet, per ultimum dictamen confcientiae, moraliter certum, non deponatur, operans peccat. Quod plane contingere videtur in adverfariorum fententia; cum enim principia reflexa rejiciant, nullam certitudinem confequi poffunt ultimi dictaminis, quia illud manet intra fines merae probabilitatis, & opinionis, conjunctae cum formidine peccati.



*Dial. XXXIV* ait, selectiora in oppugnando probabilissimo arma esse calumnias, uti, quod nobis regula honestatis sit probabilitas, eaque dubia; cum tamen ea nobis non sit, nisi certitudo moralis Iudicii Reflexi, quo formatur proximum, ultimum, practicum conscientiae dictamen, moraliter certum. Neque probabilitas directa est dubia, sed requirimus certo existentem, veram ac solidam.

Aliam calumniam refert, quod dicant, alium nobis probabilissimum esse, dum valemus, & alium, dum morimur: quod probabilistarum prudentia sit prudentia carnis, prudentia Pilati, Christum condemnantis. Verum calumnias, convitia, mendacia, sarcasmos, maledicas declamationes, non nisi risu & contemptu esse excipiendas.

Pilatus scivit, Christum esse innocentem, & accusationes meas esse calumnias & imposturas Judæorum; consequenter non potuit licite sequi eorum testimonia, quæ non erant convenientia; ac proin nullam habuit probabilitatem, quod liceat Christum condemnare. Imo ad hoc, ut possit Iudex condemnare ad mortem, Jura requirunt probationes luce meridiana clariores. Unde patet, quam inepte & ridicule P. Berti, Augustinianus, & P. Diez, Dominicanus Pilatum faciant Probabilistam.

*Dial. XXXV* Gravina procedit ad secundam suam probationem, quod usus probabiliorisimi sit maxime periculosus, eo quod, reiectis principiis reflexis, non habeatur ulla certitudo ultimi dictaminis conscientiae, sed vel in dubio practico, vel cum opinione probabilis, cum formidine peccati esset operandum, ut prius fuit insinuatum.

Præterea in principiis Probabilioristarum invehi moralem impossibilitatem assequendi honesti in dubitationibus; propterea systema Haberti, Sorbonici, de Delectatione Victrice, moralem secum ferente necessitatem peccati, a suis Gallis, Abbate de Maas, & P. Daniele Jansenismi nomine notari. Desperationi hinc sensim viam sterni, præsertim si quis probabiliorisimo abutatur ad introducendum Rigorismum. Hinc tantum abesse, ut probabiliorismus sit licentiæ frænum, ut potius sit calcar.

Scribit enim P. Gregorius Martinez, celebris Doctor ex inclita PP. Prædicatorum Familia, T. 1 super 1. 2 q. 19 art. 6. Homines probi & timorati semper sunt securi, si probabilem sequantur. . . . Alias essent infiniti scrupuli Fidelium, utrum fecissent, vel non fecissent secundum probabiliorem, vel minus probabilem.

Idem advertit P. Alphonsus Sarasa de art. semper gaud. part. 2 tract. 5 §. 3 his verbis: „An est credibile, legem a Deo latam, quæ

„ quæ in infinitas hominem angustias adigat, & quæ vix ab ullo,  
 „ imo a nemine possit observari? quid enim? certe, si probabilio-  
 „ rem in omnibus opinionem sequi debeo, ex mente Dei, etiam  
 „ mihi onus incumbit, diligenter inquirendi, quæ sit probabilior.  
 „ An vero tantum onus humanæ vires ferunt? - - - Nam, cum  
 „ sciat homo, se falli posse, non tantum momenta causæ ipse ex-  
 „ pendere, sed aliis etiam expendenda dare debebit, ne forte pec-  
 „ cet, si adversa probabilior fortasse sit opinio. Et cum hodie ap-  
 „ pareat sæpe minus probabile, quod heri videbatur multo proba-  
 „ bilius, continuo cogetur actionem institutam abrumpere, & to-  
 „ ties eam mutare, quoties probabilitatis pondera variantur, aut  
 „ ipsis incrementi quidpiam adjicitur aut adimitur.

„ Rursus, si probabilitas actionis ex doctorum virorum au-  
 „ thoritate existit, quotiescunque probabilis occurrit opinio, an-  
 „ tequam ex ea, quid agendum sit, conscientia decernat, exami-  
 „ nare debet, quot pro ea stent Auctores. An non plures pro  
 „ contraria? rursus: an æque graves? an æque docti? denique,  
 „ an omnes rem pari studio excusserint? ab his enim circum-  
 „ stantiis pendet major vel minor opinionum probabilitas. . . .  
 „ Profecto legi huic ut satisfiat, non Theologos modo, Jurisque  
 „ omnis pericissimos esse erit necesse, sed & ingenio doctrinaque  
 „ Angelos superare. Sane nihil quidquam rerum in orbe fiet, si  
 „ tanta accurate examine sunt omnia: & tamen examinanda  
 „ prorsus sunt, si præceptum sit, non agere, nisi quod probabi-  
 „ lior fert sententia. Quis autem credat, talem legem homini a  
 „ Deo datam, (cujus jugum suave est & onus leve, & cujus  
 „ mandata gravia non sunt) si vero data non est lex, quo pa-  
 „ cto obstringimur?

Confirmatur exemplo Judicis in foro externo; quia ille debet  
 ferre sententiam pro eo, cujus causa est probabilior, quanto tem-  
 pore sæpe pro unica causa recte decidenda opus est! quot ultro  
 citroque testibus, instrumentis, præsumptionibus, probationibus!  
 quot exceptionibus, replicis, duplicis, triplicis, expensionibus, ut  
 Judex cognoscere possit, utrius causa sit probabilior! Idem plane  
 fieri deberet in judice sui ipsius, si probabilitas causæ ad ho-  
 neste agendum non sufficeret, nec nisi secundum probabiliorem  
 deberet judicare se ipsum ac dirigere. Idem a Judice sacro in  
 tribunali sacro sedente. Circumstant non raro in Germania unicum  
 confessionale simul ultra 50 poenitentes; plures ex illis volunt con-  
 fessionem generalem deponere, aliqui debent priores confessiones



confiteri. Miserum sane confessarium! miseros poenitentes, si non possent secundum sententiam vere probabilem procedere! si in tot diversissimis causis, in circumstantiis in insolitum variabilibus, semper sub peccato tenerentur probabiliora inquirere. Quoties deberet confessiones abrumpere, e confessionali surgere, adire Bibliothecas, auctores legere, numerare, ponderare, aut alios consulere, fortassis etiam cum scandalo poenitentium, aut periculo violandi sigillum. Alia certe est praxis etiam eorum, qui probabilissimum ore exhibitant, opere sequuntur.

Fatetur P. Thyrsus Gonzalez, Societatis Jesu Generalis, probabiliorista vehemens, *T. 3 select. Disp. d. 50, se, dum Missionarium ageret, uno die tempore matutino audivisse 68 confessiones generales. Mirum profecto & incredibile, si Probabiliorista iste, in tot diversis causis tam brevi tempore judicandis, nunquam usus est opinione probabili. Ego de me fateor; sine scrupulo sequor sententias, quæ mihi apparent vere probabiles (nisi oppositæ appareant probabiliores) & tamen magnas in confessionibus audiendis sentio difficultates; si vero in tot occurrentibus dubiis non possem secundum opinionem probabilem procedere, sed necesse semper foret, in probabiliorum inquirere, viderentur insuperabiles. Post omnes torturas, in poenitentem & se ipsum exercitas, confessarius sæpe non potest judicare; hoc est probabilius, hoc est minus probabile. Gratulor probabilioristis, si ipsi tanto sint ingenio, tanta spiritus discretionem, tanta doctrina, ut semper id possint. Non credo. Facile est, ore dicere: hoc est probabilius: sed sincere & prudenter id semper judicare, in praxi moraliter est impossibile. Hominem se esse neget, qui aliter sentit. Certe piissimus & doctissimus Gerson ait: *variæ suboriuntur circumstantiæ, pro quarum diversitate diversificari debet judicium; ut vix possit aliqua in moralibus generalis regula tradi, quæ in particularibus casibus exceptionem non admittat. Et paulo ante dixerat: Itaque debet quilibet nunquam oblivisci, quam incerta est scientia nostra, ita, ut idem sæpe homo brevi temporis momento nunc in banc, nunc in oppositam feratur sententiam.**

Profecto si Doctor post expensas longo & diligenti studio duas contrarias sententias sæpe adhuc manet dubius, nec potest se resolvere, quam probabiliorum judicet; quomodo id fieri poterit in actibus humanis, propriis & alienis innumeris, in casibus & circumstantiis infinitis? Recole testimonium Constantini Roncaglia supra allatum.

Aliud foret, si major probabilitas per se ipsam esset manifesta, tunc enim secundum illam agere oporteret, si stet pro lege contralibertatem; neque tunc esset tanta difficultas, ut per se patet.

*Dial. XXXVI* monstrat Gravina, quod obligatio Judicis, Medici, Magistri, Ministri sacramentorum, sequendi opinionem probabilioris, nullo modo suffragetur probabiliorismo; quia in illis probabilitas non est practica, cadens supra licentiam actionis, sed speculativa, cadens supra probabilitatem causæ, medicinæ, materiæ sacramentalis. Unde non datur hic probabilitas, quam nos exigimus, nempe practica, versans circa licentiam actionis. Non enim est probabile, quod Judex possit ferre sententiam pro eo, qui habet causam minus probabilem, aut Medicus dare medicinam, minus probabiliter bonam, aut baptizans adhibere aquam dubiam, aut minus probabiliter veram, quando potest habere aquam certo veram ac naturalem. Ac proin, ut dixi, non datur hic probabilitas *practica circa licentiam actionis*: sed probabilitas mere speculativa circa causam, medicinam, aut materiam sacramenti. Quod utinam melius notaretur.

Et ratio ulterior est, quia per nullum dictamen Judex, Medicus, aut Minister sacramenti potest avertere damnum proximi, aut ejus periculum, sicut exercens actum probabiliter licitum per dictamen reflexum, moraliter certum, potest avertere peccatum saltem formale atque offensam Dei, & ejus periculum. Hinc baptizans neque potest adhibere aquam, probabilius validam, si possit habere certo veram ac validam. Unde argumentum retorquetur.

*Dial. XXXVII P.* Gravina probat suam tertiam propositionem, quod *probabilismus germanissimus degenerare minime possit in laxissimum nisi probabilismus deferatur*. Nam genuinus probabilismus, ut inquit, & laxissimus involvunt contradictoria. Siquidem ille est vera, solida, practica, & certa probabilitas, non autem iste. Ille nititur fundamento gravi ac solido, non autem iste. Ille non est contentus probabilitate quacunque tenui, incerta, aut per oppositam probabilitatem elisa: bene vero iste. Ille proscribit opinionem, quæ est contra certam aliquam legem, certum principium, certam conventionem, legitimam censuram: non autem iste.

Allegat dein P. Gravina multos Doctores, præsertim S. Thomam, ac Thomistas, quorum testimonio & autoritate probat, probabilissimum esse Thomisticum, Dominicanum, legibus conformem, pium, Christianum, ac proin nihil cum laxismo habere commune.

Hhhhh 3

*Dial.*



*Dial. XXXVIII* probat quartam propositionem, quæ videri posset paradoxa, quod videlicet *probabiliorismus germanissimus in Rigorismum excurrat, & simul laxismum inducat*. Primam partem constare ex ipso systemate Probabilioristarum, quod præcipiat moraliter impossibilia, si obligationem imponat, semper inquirendi in probabiliora. Alteram ex historia patescere: *Montonistas, Novatianos & præcipue Tertullianum*, dum summum rigorem affectabant, in gravissimos errores fuisse prolapsos. Idem *Audianis* in Asia evenisse. *Donatistæ* in Africa totam Ecclesiam corruptam clamabant. Quantus rigor *Flagellantium* in Italia, *Quackerianorum* in Anglia! quid *Clemangius* in Gallia, *Niemusus* in Germania, alique damnatæ memoriæ Auctores, magis accusabant, quid *Lutherani & Calvinistæ* magis vociferabantur, quid *Janfenius, Sancyranus, Arnaldus, Quesnellus*, alique *Janfenistæ*, quam corruptam Ecclesiæ disciplinam? quam morum severitatem *Janfenistæ & Convulsionarii* cum Diacono *Paris* hypocrita, & *Michaele Molinos* ejusque *Quietistis & Lutheranis Pietistis*, externe præferebant! Similes *Phariseis* hypocritis, quos Christus descripsit, apparentes in vestimentis ovium, intus autem lupos rapaces.

Hoc in eum duntaxat finem adducere visum, ut appareat, quam facile probabiliorismus (de se inculpatus) in rigorismum degeneret, & rigorismus in laxismum; cum tot homines, a probabiliorismo in rigorismum, atque ab hoc in gravissimos errores sint prolapsi. Et quinam erant quadraginta illi Doctores sorbonici, qui cum P. Alexandro famoso illi *Casui Conscientiæ* subscripserunt Parisiis? certe Probabilioristæ erant: prout etiam lymphata *Appellantium* turba.

Unde P. Gravina ait: *duce experientia patet, probabiliorismum impedimento suis sectatoribus non fuisse, quo minus in quamplures inciderint laxissimas opiniones. Cajetanum testamur, cujus sexcentæ circumferuntur laxissimæ opiniones - - - cum autem Cajetanum nominamus, fundatorem & Achillem Probabiliorismi profecto intelligimus.*

Abfit tamen, ut Cajetanum, Alexandrum, aliosque probabilioristas, ullo modo cum prædictis hæreticis, qui externe Rigorismum præferebant, comparemus. Probabiliorismus Catholice teneri & defendi potest. Sed id ostendere erat animus, probabiliorismum magis quam probabilismum periculosum esse. Quod ex eo quoque confirmari potest, etiam probabilistis, si quas laxas traderunt sententias, eas probabiliores visas fuisse; nemo enim facile, præsertim in moralibus, doctrinam proponit in publicum, qui eam non probabiliorē opposita arbitretur. Unde etiam probabilista-

rum

rum exerrantes propositiones probabiliorismo potius quam probabilismo sunt adscribenda.

*Dial. XXIX & XL* concludit, aitque, cum probabilioristæ in praxi omnia sibi licita putent, quæ probabilistæ, contentionem de sectanda opinione probabilioris (cum nihil negotii habeat ad componendos mores) nihil ad severioris Ethicæ cultores pertinere, & esse mere speculatricem: non esse proin, cur Patres aliqui ex Illusterrimo Ordine S. Dominici tantas tempestates in Italia & Gallia (Germania quoque) ridentibus hæreticis, concitent; totque calumniis & convitiis Jesuitas, velut morum corruptores, insectentur, cum nihil isti doceant, nisi quod a Thomistis & præsertim antiquioribus, forte doctioribus, acceperunt. Optandum sane foret Ecclesiæ, ut utraque sacra Familia arma, quibus fratres in fratres insurgunt, conjungerent, atque in hæreticos, Ecclesiæ hostes, converterent. Impugnant illi identidem virulentissimis scriptis librisque sanctam Ecclesiam, & vix ulli aut pauci sunt ex probabilioristis, qui eam defendant, præsertim in Germania.

### Art. III.

*Mens S. Thomæ, Mutii Vitellesci & Instituti S. J. Vasquez, Pallavicini, Sanchez. Quinam ex Jesuitis sint probabilioristæ?*

In parte II. P. Josephus Gravina singillatim confutat P. M. Vincentium Diez, studii Generalis S. Dominici Panormi Regentem, atque ad singulas ejus objectiones respondet. Ego aliqua tantum obiter hic eruditionis gratia referam.

Conclusionem 3 objicit P. Diez S. Thomam, quod quodlib. 3 Art. 10 dicat: *In his, quæ pertinent ad fidem & bonos mores, nullus excusatur, si sequatur erroneam opinionem alicujus Magistri; in talibus enim ignorantia non excusat.* Resp. Hanc Doctoris Angelici sententiam esse verissimam. Non enim est probabilis opinio erronea, seu quæ est contra fidem aut bonos mores, id est, contra testimonium S. Scripturæ aut definitionem Ecclesiæ. Ex quo infert Steph. Spinola: ergo in iis, quæ ad fidem & bonos mores pertinent, excusatur quis, sequendo opinionem sui Doctoris, si non est erronea & contra manifestum scripturæ testimonium? quod est idem ac quando est probabilis; quia exceptio firmat regulam in non exceptis. In talibus autem, quæ manifeste erronea



nea sunt, non excusat ignorantia; quia est vincibilis. Alias enim excusarentur hæretici, sequentes doctrinam sui Magistri, Lutheri &c. Ita exponit S. Thomam Joannes Nider Dominicanus in suo *Consol. timor. Const.* c. XI, additque: *Hæc verba S. Thomæ non possunt intelligi, nisi de illis, ubi manifeste patet ex Scriptura aut Ecclesiæ determinatione, quod sit contra legem DEI, & non de illis intelligit, ubi illud non apparet.* Cæterum, quantum pertinet ad S. Thomam, Jeremias de Padua ex Ord. S. Francisci in *Probabilismo*, *metodo mathematico demonstrato* P. I Supp. XI ait: *D. Thomas centenas de moribus opiniones libertati faventes contra antiquos docuit.* Et P. Cardenas P. III *Crisis Disp.* 56 c. 8 scribit: *Nihil evidentius dici potest, quam quod S. Thomas in materiis probabilibus, & in concursu diversarum opinionum doceat nos sepiissime eam partem, quæ stat pro libertate contra legem.* Postea subjungit, plus quam ducenas hujusmodi opiniones in S. Thoma reperiri. Idem testatur Moya.

Obj. 2. P. Mutius Vitellescus Generalis Societatis anno 1617 ad Superiores Societatis scripsit, monuitque, ut curent, eas doceri sententias, quæ tutiores, graviore, majorisque nominis Auctorum suffragiis sunt frequentatæ, quæ bonis moribus conducunt magis: nec dicant: *tueri quis potest, probabilis est, auctore non caret.*

Resp. P. Mutius voluit, ut Professores & Doctores nostri in scholis librisque non dicant probabile, quod forte non est probabile, aut tenuiter est tantum probabile; sed, prout publicos Doctores decet, rem bene examinent, & ea, quæ probabiliora sibi videntur, doceant, præsertim circa materias morum: hoc enim est officium Doctoris publici, qui ex quasi-contractu ad id obligatur, sicut Judex, Medicus &c. Si tamen ex iis, quæ isti docent, tantum sibi probabiliora, alii veram probabilitatem certamque colligant, nequaquam obstat P. Mutius, quin eam sequantur.

Nam idem ipse, cum Urbanus VIII respondisset, circa matrimonia Infidelium, rem omnino gravissimam, usu adhibendas sententias probabiles, quæ ex infidelitate conversis magis essent favorabiles, ita omnino agi a suis voluit.

Quantum vero ad ipsum probabilissimum spectat, seu ad usum opinionum vere probabilium, Probabilistæ ex multis gravissimis rationibus jure existimant, sententiam suam esse tutiorem, graviorem, majorisque nominis Auctorum suffragiis frequentatam, quæ pietati bonisque moribus conducatur magis. Unde voluntati P. Generalis perfecte obsequuntur. Bene hic notandum, quod R. P. Sylvester Prieras Generalis PP. Dominicanorum, supra jam laudatus, in Summa sua V. confessio sacr. sapientissime dixit: *Licet sit tutius, statim consueri, . . . non tamen*

tutius

tutius est, tenere, quod sic obligamur; quia viri timorati haberent maximas occasiones peccandi. Sic etiam tutius est, in concursu duarum opinionum probabilium, sequi eam, quæ stat pro lege; non tamen est tutius, docere & tenere, quod ad hoc obligemur. Tutius & probabilius est docere, quod non obligemur semper probabiliorum sequi. Qui habet intellectum bene dispositum, capit facile, quod dicimus. Cepit optime doctissimus Augustinianus Bartholomæus Solonius T. 1 *Contr. de Just. & Jur. in 2. 2. quæst. 63 a. 11*, ubi scribit: eligenda est opinio, ut alii volunt, probabilior: sed quod liceat amplecti probabilem, creditam veram, est opinio probabilior, cum habeat plures & gravissimos Auctores, & firmitera fundamenta, quam opposita, maxime cum aliorum argumenta facile solvantur, nostra non ita: ergo licet eam sequi.

Ad id, quod P. Mutius dixit, non nullorum ex Societate sententias, in rebus præsertim ad mores spectantibus, plus nimio liberas, esse periculosas; respondet Theodorus Eleutherius; fecisse eum, quod prudentes Superiores solent, qui minimos subditorum excessus, vehementer exaggerant, ut graviores impediunt.

Pertinet huc etiam, quod S. Thomas dicit in *Epist. ad Galat. Lect. 3 in c. 2*, quamvis in illa dubitatione opinionum, an liceat vesci cibis, lege vetitis, abstinere fuerit tutius, non tamen fuisse tutius, christianos ad hoc obligare. Quia talis doctrina alienasset Gentiles a fide christiana; hinc reprehensum Petrum a Paulo, qui tamen, ne Judei scandalizarentur, Timotheum circumcidit. Sic etiam dicimus, magis securum esse docere, quod non detur obligatio, sequendi semper tutiora.

Obj. 3. P. Suarez dicit *lib. 6 de leg. c. 8: in casu dubio, in quo judicari non potest probabiliter, an casus comprehendatur sub legis obligatione, nec ne, recurrendum esse ad superiorem, si fieri possit, vel si non possit, servandam esse legem; nam, si in casu formidoloso & probabili hoc fieri debet, multo magis in dubio.*

Et Vasquez ait, decipi eos, qui putant, eum, qui dubitat, an lex aliqua lata fuerit & promulgata in curia ea lege non teneri, eo quod ipsi non satis promulgata videatur: siquidem in dubiis tutiorem partem esse eligendam.

*Resp. 1 ad 1.* Suarez loquitur de casu, quo constat de existentia legis; nam tunc lex est in possessione; consequenter, qui præten- dit exemptionem, eam probare debet, vel, si id non possit, superiorem accedere, aut legem servare. Nam licet speculative esset probabilis exemptio, non tamen practice, si lex est in possessione: hoc est; licet sit probabilis exemptio, non tamen probabile est, quod lege non teneatur, si lex est in possessione, & æque probabile est, quod non sit



exemptus. Sic, qui certo scit, se peccatum grave commississe, & dubitat, an fuerit confessus, aut etiam speculativam probabilem rationem habeat, quod fuerit confessus, tenetur confiteri, nisi per rationem probabiliorem, aut iudicium probabilius, possit præceptum confitendi a possessione sua deicere.

*Resp. 2.* Forte melius ad propositum, quod P. Suarez loquatur de casu dubio, in quo non potest judicari probabiliter, an casus comprehendatur sub lege: objectionem proin non esse ad rem: cum Probabilistæ loquantur de casibus, in quibus judicari potest probabiliter. Nam paulo ante posuerat hanc conclusionem pro casu tertio:

*Tertio dicendum est: qui probabiliter judicat, legem non comprehendere casum illum, secure potest excusari ab obligatione legis, etiamsi formidet, vel utrinque habeat rationes probabiles dubitandi: citatque Cajetanum, Sotum, Medinam, Navarrum &c. ex ratione, quia licet sequi iudicium probabile, conscientiam dubiam practice deponendo.*

Loquitur autem de casu, quo superior a subdito conveniri non potest; nam, si illum possit accedere, hoc omnino faciendum docet, etiam pro casu probabilitatis. Et hoc est, quod dicit per verba illa: *si in casu formidoloso & probabili hoc fieri debet, multo magis in casu dubio; id est, conveniri superior & consuli, si possit adiri.*

P. Vasquez in ea est sententia, quod ad legem constituendam sufficiat promulgatio, facta in Curia Principis & non requiratur, ut etiam in provinciis promulgetur, tunc scientes illam legem obligari: prout ait t. 2 in r. 2 disp. 156 c. 2 n. 7, illum quoque obligari, qui dubitat de promulgatione; quia in dubio practico tutior pars est eligenda. Per hoc tamen non negat, eum, qui dubitat de promulgatione sufficienti, si habeat rationem vere probabilem, posse dubium practicum deponere, & sic ab obligatione excusari. Aliud tamen omnino foret, si dubium practicum non posset deponere; nam tunc lege obligaretur; non tamen si legem invincibiliter ignoraret; prout rursus dicit Vasquez l. c. n. 8: *quodsi ad aliquorum notificationem non pervenerit, (publicatio illa in Curia) hoc non tollet veram rationem legis, sed subditus excusabitur ab observatione illius.*

Obj 4. Instituto Societatis 4 p. c. 3 n. 4 ita præcipitur: *sequantur in quavis facultate securiorem, & magis approbatam doctrinam.* Quæ constitutio in pluribus congregationibus fuit approbata, præsertim in XII anno 1682, ubi novæ laxioresque opiniones doceri & typis mandari prohibentur, statuta etiam in transgressores pœna.

*Resp.* Probabilismus non est res nova, sed dudum a Thomistis introducta; quos deinceps innumeri ex omni Ordine & Natio-

ne Doctores sunt secuti. Hinc Probabilistæ suam doctrinam tutiorem, & auctorum suffragiis magis approbatam existimant, nullatenus vero laxam, cum veram, absolutam, solitam, Theologicam, & practicam probabilitatem requirant, dependenter a qua dein dictamen conscientiae moraliter certum formari queat.

Probabilioristæ potius illi dicendi sunt laxi, qui principia reflexa rejiciunt, nullumque proin dictamen ultimum & proximum conscientiae moraliter certum formare possunt, consequenter agunt in dubio practico, cum probabilioritas iudicium non faciat certum, sed dubium positivum relinquat, praesertim cum, ut inquit Philosophus, *multa falsa sint probabiliora veris.*

Igitur, dum nostra Societas vetat doceri *laxiores* opiniones, nullatenus intellexit verum probabilissimum, sed propositiones laxas in materiis particularibus: id est: prohibuit, ne aliquid licitum, aut probabile dicant, quod tale non est. Quo observato nullum erit periculum laxitatis. Et hinc summi Pontifices nunquam damnarunt probabilissimum verum, limitatum, restrictum, ac temperatum, qualem Jesuitæ defendunt, sed illimitatum, vagum, laxum, exorbitantem, qualem aliqui ex Patribus Dominicis cum Medina & Joanne a S. Thoma, Petro Ledesma, Vincentio Candido defenderunt: *in omni materia, in omnibus negotiis*, non distinguendo inter probabilitates, solidas & tenues, speculativas & practicas, in quaestionibus facti & juris.

Bene etiam hic notandum, quod docet Cardinalis Sfortia Palavicinus *T. 1 in 1. 2 disp 9 q. 4 a. XI n. 12*: *quærenda quidem est, inquit, major securitas, sed major securitas sententiae, non major securitas actionis: sicut etiam in condenda lege quærendum est optimum; sed optimum in jubendo, non optimum in faciendo. Lex enim, per quam jubemur facere omnia optima, esset pessima, & inobservabilis, & perpetua causa delicti, & damnationis. Sic etiam, si induceretur opinio, quod semper teneremur facere illam actionem, quæ in agendo securior est, etiam a transgressione materiali, hæc opinio non solum non esset tutior, sed maxime exposita periculo frequentis transgressionis formalis. Quare tutior est opposita.*

Et idem omnino dicendum de majori probabilitate: quærenda est major probabilitas sententiae, non vero actionis &c. Quo sensu Doctor Eximius, *T. 2 de Relig. Tract. 4 l. XI c. 33.* scripsit: quod sequendo probabilissimum eligatur pars tutior; quia hæc (sententia de probabilismo) est tutissima & practice certa, & secundum rectam rationem



*nem potest dici tutior, quia majus periculum animarum incurreretur, si tot vincula in casibus dubiis eis injicerentur.*

Huc etiam pertinet, quod docuit celeberrimus Magister Dominicus Bannez S. Theresiæ Director, cujus Systema de Prædeterminationibus physicis Thomistæ passim amplectuntur, loco supra citato, *quasdam opiniones versari circa actionem aliquam exerceant, ut, an aliquis contractus sit licitus: quasdam vero versari circa res, an e.g. hæc domus mea sit. Dicimus ergo, concludit, quod de opinionibus primi generis verum est, posse hominem sequi opinionem probabilem, relicta probabiliori. Ubi sane optime distinguit inter probabilitatem speculativam (in secundo genere) & practicam (in primo.)*

Obj. 5 Præterea probabiliorismum tuentur, inquit P. Diez, ex Societatis Theologis dignitate & doctrina gravissimi, tres Cardinales, Bellarminus, Toletus, Pallavicinus, item Ferdnandus Rebelus, Paulus Comitulus, Andreas Blancus (*Candidus Filaletus*) Mutius Vitellescus, Thyrsus Gonzalez, Ludovicus Scillere, Michael Elizalda (*Antonius Cella Dei*) Ignatius Camargo, Thomas Muniesfa, Ægidius Estrix, Gabriel Antoine, Franciscus Malatra, Josephus Alpharo, Joannes Blanchet, Adamus Ehrentreich, Edmundus Simonet, Joannes Gisbertus, Hieronymus Placentia, Dominicus Nunnez, & alii. In rebus fidei, & in articulo mortis, tantum tuetur Antiprobabilismum Sanchez.

*Resp.* Si isti 23 ex omni natione, & alii, ut addit P. Diez, probabiliorismum defenderunt, quare adversarii Probabilismum *Jesuiticum* appellant? cur illi proprium attribuunt, quod nativitate & educatione est Dominicanum, quod factum deinde commune ex omni natione & gente Doctoribus, cui tam multi Jesuitæ sunt contrarii?

Cæterum istos P. Gravina ita ventilat & cribrat, ut Diezio pauci remaneant. Alios enim ostendit fuisse probabilistas, uti tres illos Cardinales (*Conclus. 18*). Idem *Conclus. 4* probat de A. R. P. Mutio Vitellesco. Idem de Gisberto, Scildere, Sanchez *Conclus. 17*. P. Alpharus P. Thyrsus soluta oratione, P. Blanchet ligata laudant. Alios amphibios esse ostendit. P. Thyrsus, Eliza'de (*Cella Dei*) Estrix, Comitolum, Camargum, Anti-Probabilistas fuisse non negat.

Quod

Quod de P. Thoma Sanchez P. Diez asserit, eum aliam statuisse Theologiam *pro nunc* in vita, & aliam *pro tunc* in morte, Gravina inter calumnias numerat. Ceterum plures sunt actus, ad quos in articulo mortis homo tenetur, ad quos non semper in vita tenebatur, uti ad actus fidei, spei, & charitatis eliciendos, ad confessionem peccatorum, ad quam, dum valeret, non statim tenebatur post commissâ peccata. Imo ipse S. Thomas, testante Cano, *Relect. de pœnit. p. 6.* docuit, in morte confessionem faciendam per interpretem, licet in vita ad hoc non detur obligatio. Igitur vi præcepti specialis tunc urgentis poterit moribundus obligari ad aliquid, ad quod nunc, dum valet, non obligatur, vel saltem non statim.

Art. IV.

*Alia objectamenta, circa P. Thyrsium, Innocentium XI & XII &c. Contensoni exclamationes. Quid de Tamburino, Guimenio, Pirotto, Bibliotheca Jansenistica? Quid Sacri Ordines? Conventus cleri Gallicani de anno 1700.*

Obj. 6. Bellarminum, Pallavicinum, Toletum, Comitolum, & Gonzalez, comparari posse cæteris Jesuitis universis, ait Laurentius Berti. Illos autem fuisse probabilioristas: & quidem Pallavicinum relicto probabilismo transisse ad probabiliorismum. 267.

*Resp.* Gravina, Bellarmino, omni doctrinæ genere multo ornatissimo deberi primatum, ipso Clemente VIII, dum in Cardinalium Collegium eum assumeret, attestante, *parem illi in doctrina esse neminem.* Toletum etiam & Pallavicinum fuisse doctissimos. Negat autem, eos unquam fuisse probabilioristas. Recensere, quanta perfectio in Episcopo requiratur, aut approbare librum alicujus probabilioristæ, non esse argumenta, quæ probabilioristam probent. Comitolum & Thyrsium Gonzales (sicut etiam Elzaldam, Camargum, Æstrisium. Secretarium P. Thyrsi, Munieffam, Blancum) non esse inter primos Societatis Doctores, nec comparandos Eximio Suarezio, profundissimo Vasquezio, solidissimo Sanchezio, Eminentissimo Lugoni, consultissimo Molina, Lessio, Laymanno, Palao,



Palao, Piringhio, Azorio: summis Theologis, Valentia (quem Clemens VIII. *Doctorem Doctorem* appellavit) Tannero, Coninck, Dicastillo, Eparza, Ruiz, Viva, Gormaz, Arriaga, Piatelio, Martinonio: nec eruditissimis viris, Petavio, Sirmondo, Ducao.

Quid memorem Canisium, & Gretserum, Lutheranorum & Calvinistarum malleos? Quid Ripaldam Janfenistarum, Pontanam Quesnellistarum flagellum? Quid viros doctissimos, Dechampium, Granadum, Maldonatum, Hurtadum, Amicum, Raynaudum, Illungium, Tamburinum, Salas, Henriquez, Filiuccium, Turrianum, Ragusam, Haunoldum, Rasserum, Reginaldum, Escobarium, Bardium, Arsdekinum, Lacroix, Baunium, Bernalium, Cornelium a Lapide, Menochium, Tirinum, Cardenam, Delrium, Fagundez, Gobatum, Gibalinum, Moyam, Danielelem, Segneri, Fabri, Mayrium, Gormazium, Ulloam, Baldellum, duos Perezios, Præpositum, Tancredum, Terillum, Marinum? quid alios innumeros Theologiæ Positivæ, Scholasticæ, Moralis, Polemicæ, Asceticæ, Mysticæ, Paræneticæ, Criticæ, Doctores? quid plurimos, eosque celebres Jurisprudentiæ Sacræ Interpretes, qui libris doctissimis mundum illustrarunt? quod vel sola provincia Germaniæ superioris tales orbi dedit, uti Laymannos, Haunoldos, Friederichios, Pirrhingos, Wagnereckios, Wiestneros, Schmalzgrueberos, Pichleros, aliosque plurimos?

Non dico, quod hi omnes probabilissimum docuerunt, sed aliquos memoravi, ut ostenderem, audacius, quam verius dici, quinque viros posse cæteris omnibus comparari.

Obj. 7. Ut in Societate communis evaderet probabilioris doctrina, eliminata minus probabili, suam contulit operam efficacem Innoc. XI & XII, dum librum P. Thyrsi Gonzalez in lucem emitti curarunt, non sine elogio, editoque decreto, quo P. Generalis jubetur suis interdiceret, ne scribant pro opinione minus probabili, aut impugnent sententiam oppositam.

Resp. P. Gravina, hæc a P. Concina & P. Diez scribi sublesta fide. Decretum hoc esse apocryphum, repertum forte in armario, in quod conjiciuntur decreta apocrypha, vel ob aut subreptitia. Mala fide hic testem adduci P. Gagna: cum is decretum istud prætextum ostendat esse confictum.

Obj. 8.

Obj. 8. Ante annum 1577 omnes Dominicani Probabiliorismum asseruerunt, teste Cordubensi, qui communem asserit, & Coratio, qui centum allegat.

*Resp.* Hoc facilius est asserere, quam probare. Non raro contingit, ut pars utraque sententiam suam communem dicat. Contrarius centum in confuso allegat, sine pondere, numero, & mensura.

Cæterum antiqui hanc materiam aut non satis & ex professo examinerunt, ut testatur Navarrus in *Enchir.* c. 27 n. 289, ubi ait, quod plures eam (Anti-Probabilismi opinionem) sequantur, tanquam oves alia alias, quæ præcedunt, sine judicio sequentes: communioram enim ad hoc existimarem, inquit, illam, quam sex vel septem auctores classici, rem ex professo tradantes, assererent, quam probatam a quinquaginta, sola fere auctoritate priorum ductis. Quin & arbitror, utramque posse dici communem, quando utraque habet octo vel decem assertores graves, & cum judicio eam diligentes.

Aut igitur veteres, qui ante Medinam scripserunt, hanc materiam ex professo suis momentis non ponderarunt, aut ex falsis principiis fuerunt inducti, uti, quod semper tutiora sequi oporteat, quod ne quidem probabilioram, aut probabilissimam, relicta securiore, liceat sequi; quod nulla dari possit ignorantia invincibilis Juris naturæ; & sic non tam probabiliorismum, quam tutiorismum & rigorismum tradiderunt. Aliqui locuti sunt de actibus tendentibus in præjudicium tertii, de Judice, Medico, Ministro sacramenti: alii de dubio practico &c.

Multi autem jam ante Medinam probabilissimum docuerunt: nam P. Vasquez in 1. 2 q. 62 c. 4 testatur, quod jam antea in scholis communis fuerit. Et Thomas Sanchez l. 1 in *Decal.* c. 9 n. 14 jam suo tempore 30 auctores pro probabilismo citavit, inter quos decem sunt Dominicani, & quidem aliqui priores Medina, uti Victoriam, Sotum, S. Antoninum, Tabienam.

Neque dicas, Medinam primum statui probabilistam, & ejusdem inventorem. Ergo omnes ante ipsum contrariam illi sententiam propugnarunt; nam *Resp.* Medina statuitur primus, quia ex professo materiam istam in propriis terminis methodo scholastica examinavit, solidis argumentis firmavit, contrarias objectiones solvit. Antiquiores autem Doctores, licet multi ex illis ejusdem fuerint



fuert cum Medina sententiæ, non ea ac ille, industria, & perfe-  
 ctione id præstiterunt. Unde Medina nullatenus est inventor probabi-  
 lissimi, sed eundem magis excoluit, perfecit, illustravit, ut omnes  
 scholæ & Doctores deinceps per integrum ferme sæculum ejus doctri-  
 nam, quoad substantiam, sequerentur.

Obj. 9. Probabilissimi doctrina, ut prohibeatur, delata fuit ad qua-  
 tuor Summos Pontifices, Alex. VII, Innoc. XI, & XII, atque Clemen-  
 tem XI a Prælati Flandriæ & Hispaniæ, & a PP. Estrix, & Camargo  
 S. J. tanquam corruptæ morum disciplinæ & omnis mali fons & ori-  
 go pestifera. Vehementissime vero in eandem detonavit Vincentius  
 Contenson Dominicanus in sua ad Alex. VII epistola; ubi inter alia  
 exclamat: *exurge Beatissime Pater! perimus jane! perimus! - - - Casui-*  
*starum nubes, opinionum nebulae sic ruerunt, ut nisi caveas, totius fiet Chri-*  
*stiani mundi una tempestas. - - - exurge, Beatissime Pater! quare obdormis!*  
*& ne repellas in finem. - - Et, siquidem judicas, Ecclesiam Gallicanam*  
*juste moveri, moveatur omnium Magistra Romana.*

*Resp.* Aliud est accusari, aliud damnari. Accusatus est proba-  
 bilissimus, & a pluribus, & sæpius, & acerbissime. At vero nullus  
 eum unquam Pontifex damnavit, ne quidem Innoc. XI acerrimus  
 doctrinæ censor. Quid sentis de reo, qui vehementer accusatur,  
 sed a Judicibus nunquam condemnatur. Damnatae sunt ab Alex. VII  
 & Innoc. XI multæ propositiones laxæ & temerariæ. Si probabilis-  
 mus esset eorum fons, ante omnia hunc obstrui oportuisset. At  
 damnatus est probabilissimus Thomæ Tamburini, inquit P. Diezius,  
 item Guimenii, seu larvati Matthæi Moya: uti etiam Apologia Ca-  
 suiistarum Joannis Pirot, Bibliotheca Janfenistica P. de Colonia.

*Resp.* Tamburinum, dum dixit, licitum esse sequi opinionem  
 etiam tenuiter tantum probabilem, modo e probabilitatis finibus  
 non egrediatur, incaute fuisse locutum. Nullus alius ex Jesuitis hoc  
 docet; sed omnes requirunt probabilitatem veram, Theologicam,  
 practicam, absolute talem; hoc est, nixam ratione gravi, quæ vi-  
 rum prudentem movere possit ad assensum. Et in hac sententia, si  
 contextus, & ea, quæ tradidit alibi, considerentur, etiam fuit Tam-  
 burinus. Nam loquitur conditionate, si opinio in comparatione  
 cum opposita probabilitate adhuc maneat vere probabilis.

Guimenius, quicumque ille sit, non est *Auctor*, sed merus *Summistæ*: qui compilavit varias opiniones, & Auctorum sententias, quin eas veras aut falsas enuntiet, aut examinandas duxerit. P. Moya autem in suis operibus de insigni sua doctrina optime est meritus.

Eadem ferme, ac Guimenii, est ratio Piroti, cujus librum Societas nunquam approbavit, neque sub nomine Piroti fuit editus. Collegit Auctor Apologiæ in eo multas sententias, rigidas & laxas, præsertim Thomistarum, nec usus satis est crisi in iis discernendis. Nec tamen auctor dixit cum Jansenistis, Apologiam ad Clerum Gallicanum & Sedem Apostolicam deferentibus, an propositiones contineantur in suo libro, an sint intelligendæ in sensu damnato, esse questionem facti, in qua decidenda Pontifex, imo Ecclesia tota, non sit infallibilis, prout Jansenistæ loquuntur de propositionibus Jansenii. Nihil horum objecit Apologista, sed condemnationi acquievit. Si autem intra terminos veræ ac solidæ probabilitatis hæsisset, nulla opus fuisset condemnatione.

Auctor *Bibliothecæ Jansenisticæ* finem optimum sibi præfixerat, ut videlicet præmuniat Catholicos contra librorum & libellorum torrentem, quo Jansenistæ Europam inundaverant; qui libri tanto sunt periculosiores, quanto sub dulcedine Historiæ magis curiositatem alliciunt, amoenitate styli delectant, atque sub simulatæ disciplinæ & asceseos velo devotos incautos facilius decipiunt.

Cæterum sua probabilioritas severitas nequitiam a condemnatione absolvit, ut in Natali Alexandro, Vincentio Baronio, Hyacintho Serry, Thoma Menghino, Ordinis Prædicatorum famosis scriptoribus, videmus.

Obj. 10. Postquam probabilitatis detecta fuit abortiva deformitas, Prædicatorum Capituli Generalis 1656 ordinatione, & omnium Religiosorum conspiratione taliter fuit impugnata, ut evidenter intelligeretur, quam aliena semper fuerit ab animo Religionis.

*Resp.* Fatetur ergo P. Diez, ante annum 1656 viguisse in sacro suo Ordine probabilissimum, cum tunc primum ejus *abortiva deformitas*, ut humanissime loqui placet, fuerit detecta. Et ex hoc ipso colligitur, quam alienus semper fuerit ab animo Religionis Prædicatorum, prout etiam ex eo, quod P. Ildephonus a Capitulo Generali iussus fuerit, opus suum, in quo probabilissimum defendebat, in publicam lucem emittere, & Medina a Reverendissimo suo P. Generali.

Pars X.

K k k k k

Obj. 11.



Obj. II. Sacri Ordines, S. Francisci, Carmelitarum, Augustinianorum, Præmonstratenses, Trinitarii, Theatini, Congregationes Oratorii in Gallia, Benedictinorum, potissimum Maurina, Helvetica, Hispanica, Germanica, Italica, Anti-Probabilismum tuentur, nominatim Cardinalis de Aguirre, Card. Sfondrati, *Gabriel Gerberon*, Joannes Mabillon, Gardius, Torres, Gomez, Larditus. Ex Ordine S. Francisci, Alexander de Ales, S. Bonaventura, Scotus, S. Bernardinus Senensis, Angelus de Clavasio, Trovamala, Faber, Cardinalis de Laurea. Matthæcius, Durantus, Henno, Rabeus, Ciaffonius, Recanatus, Paulus a Lugduno, Cajetanus a Bergamo, Palluncitus, Bonadonus, Cardinalis Casinus; quibus adjungendi Theologi non Regulares innumeri.

*Resp.* Si numerus ingens Probabilistarum ex omni ordine & gente petatur, consuli possunt longissimi Catalogi, quos confecerunt, Sarasa, Terillus, Cardenas, Fabri, Dechamps, Gobat, Zacharias, Rafslerus, Flander, Anglus, Hispanus, Gallus, Germanus, Italus. Quibus accefferunt recentiores innumeri, qui tum libris editis, tum propositis Thesibus, tum in prælectionibus Academicis probabilismum propugnarunt, & quidem tanquam probabiliorem, & pro salute animarum tutiorem.

Observat hic P. Gravina, quod si evanescant decem Dominicani probabilistæ, cum toto Prædicatorum Ordine comparati, ut inquit P. Diez, quid censendum de octo Auctoribus, cum toto amplissimo, antiquissimo, & multo doctissimo Ordine S. Benedicti comparatis? non parum vero miratur, quod inter illos octo Probabilioristas etiam recenseatur *Gabriel Gerberon*. Causa admirationis est notior, quam ut memorari debeat. Signum est, quod Diezius alios, quos pro se citet, non invenerit. Alias plane hunc allegare erubisset.

De eruditissimo Illustratore Conciliorum Hispaniæ Cardinale de Aguirre alias dictum, ipsummet factum esse, se materiam de probabilitate minus examinasse. Et in præfatione ad *Concil. Hisp.* ait, Probabilistas esse innumerabiles, ut cum Poeta dici possit: *obruimur numero*.

Octo autem allegatis Terillus opponit S. Bernardum, Abbatem Panormitanum, Caramuelem, Dionysium Carthusianum; & P. Dechamps Petrum Lorca, Petrum de S. Josepho, Carolum Malletum, Gregorium Sayrum. Et quot alii, etiam in Germania nostra & Helvetia, ex Illustrissimo & eruditissimo Ordine S. Benedicti probabilismum acriter defendunt? nuper admodum doctissimus quidam Abbas

Abbas, me audiente, dixit, omnes in suo Monasterio pro probabilissimo stare, uno excepto; questusque est, eundem a quibusdam tam acerbis calumniis criminari.

P. Nicolaus Monfianus Benedictinus Cassinensis anno 1694 librum edidit, sub titulo, *crisis probabilitatis*, contra nostrum P. Thyrsium: in quo probabilissimum egregie defendit, testaturque, quod ille in Congregatione sua Cassinensi sit communior. De Card. Aguirre pag. 67 hæc scribit: Neque putamus, banc nostram (pro probabilissimo) sententiam esse contra doctissimam & piissimam mentem per omnia Eminentissimi Cardinalis de Aguirre, ex sacra Benedictina Familia assumpti, quamvis dictus Reverendissimus auctor (P. Thyrsus) Dissert. 13 a n. 79 & seqq. multa loca ejusdem Eminentissimi recitet. Nam idem Eminentissimus ibidem protestatur, se cognovisse, banc questionem esse gravissimam, eamque ex instituto minime resolvisse, sed potius excurrendo eam libasse, ut apparet ex Dissert. 13 n. 84 in fine.

Quantum ad Seraphici Ordinis Doctores spectat, P. Gravina primos octo ex recensitis dubios esse ostendit. Reliquis 12 opponit ex P. Dechamps 12 alios ex schola subtili, probabilissimi assertores, videlicet Angles, Peibartum, Villalobos, Portellum, Poncium, Marcantium, Hauzeur, Basseum, Longum, Caspese, Gesvaldum, Raggium.

His addi possunt alii 12, nimirum Henrick, Mastrius, Neusser, Lupus, Posnaniensis, Sporer, Baro, Delgadillus, Boscus, Boyvinus, Borullus, Bervodinus: atque insuper Philippius, Sichenus, Fulgentius de Trinitate, Felix Potestas.

P. Jeremias de Padua Franciscanus librum edidit, cui titulus: *Probabilismus Methodo Mathematica demonstratus*, in quo prædictis addit Okamum & Majorem, atque probabilissimum tanquam veritatem demonstrabilem proponit. Cajetanus del Pezzo in *addit. ad Moralem P. Potesta app. 1 pag. 1* testatur, Scotistas fere omnes Probabilismo patrocinar.

Certe in Germania passim ab illis defenditur tum in scholis tum editis libris, cum celeberrimo Doctore Anacleto Reiffenstuel, qui in sua *Theologia Morali*, anno 1692 edita, Tr. 1 d. 3 q. 4 concl. 11 n. 52 & 53 Probabiliorismum rejicit, & Probabilissimum communio-rem inter Theologos asseverat. P. Panger in sua *Theologia Scholastica Morali Polemica*, anno 1732 Augustæ cum singulari elogio sui sacri ordinis edita, T. 2 d. 3 q. 7 quinque argumentis Probabilissimum defendit, & 11 Objectiones solvit, testaturque, Scotum quo-



quoque fuisse Probabilistam. Credo autem, scholam subtilem non minus doctam esse & piam, ac Thomisticam. Quamvis multi doctissimi etiam Thomistæ eandem probabilismi sententiam sint amplexi, ut supra demonstratum fuit, imo eandem per Medinam, aliosque ita de novo illustrarint, ut communem fecerint.

Ex *Augustiniana* sacra Familia pro licito usu opinionis probabilis P. Gravina citat eruditissimum P. Christianum Lupum, clarissimos viros, Salonium, Poncium, Bejam, Aragonium; quorum opera cum approbatione censorum & superiorum S. Ordinis fuerunt edita.

Ex S. *Carmelitarum* Ordine primo loco ponit Joannem Baconium Doctorem Resolutum, tanquam caput scholæ Carmelitane. Hunc sequuntur præclari triarii, Petrus Carnejus, Joannes Baptista Lezana, Urbanus de Assumptione, Franciscus Bonæ Spei, Andreas Laus.

Ex *Theatinis* Cajetanus Petius, Andreas Lanfrancus, Antonius Naddi, Antoninus Diana, Novarinus, Pasqualigus, Delbene, Gualdus &c. Quid de Inculto Ordine *Servorum B. V. Mariæ* dicam, in quo multi viri doctrina & eruditione clarissimi Probabilissimum acerrime propugnant, prout in celeberrimo studio Generali Oenipontano non raro ipse vidi? Honoris gratia aliquos nomino lectores doctissimos, amicitia mihi dudum conjunctissimos, Ferdinandum Gassimayr, Joannem Gienger, Gabrielem Schenck, Provinciæ Præsides, Alexium Blanck, Zachariam Rathgeb, omnes lectores ornatissimos.

Memorable est, quod Contenson acerrimus Probabiliorista T. I Theol. Mentis & Cor. l. 6 Diff. 3 c. 2 fatetur: Probabilissimi licentiam, inquit, ab aliis (nempe a Thomistis) hauserunt Jesuitæ, & cum Jesuitis non pauci alii ex omnibus Ordinibus & Academiis, nonnulli etiam Sorbonici sæculi hujus Doctores sectantur. - - Non sunt Theologorum Societatis Jesu propriæ (sententiæ de usu opinionum probabilium) sed multis aliis communes. Unde si Probabilistarum catervam in aciem producere liberet, magnam partem conficerent aliorum Institutorum & Ordinum Professores, quos probabilitatis dogma pervasit.

Et sane pervasit ipsum etiam clarissimum Ordinem Prædicatorum, plurium Doctorum textus supra attulimus, juvat hic eos unum aspectum objicere. A P. Dechamps, probabilissimi fautores, & assertores, exacte citantur S. Thomas, S. Antoninus, B. Albertus M. Petrus Paludanus, Didacus Alvarez, Barthol. Ledesma, Silvester

Silvester Prieras, Joannes Viguerius, Barthol. Medina, Ludovicus Lopez, Franciscus Victoria, Thomas Marcado, Joan. Paulus Nazarius, Dominicus Bannez, Jacobus Nunnez, Gregorius Martinez, Petrus Ledesma, Vincentius Candidus, Joan. Bapt. Ildephonus, Paulus de Blanchis, Joan. Bapt. Hacquetus.

His 21 P. Zacharias adjungit alios decem, uti Petrum Tapia, Acacium de Velasco, Balthasarem Navarete, Thomam Villar, Barnabam Gallegum de Vera, Franc. Lopez, Joan. a S. Thoma, Dominicum Gravina, Joan. Martinez de Prato, Vincentium Ferre. Accedunt, testibus Sarasa, Gobat, & Moya, Joan. Nider, Ulricus Engelbertus, Umberto de Romanis, Bernardus Claromontanus, Barthol. Funus, Melchior Canus, Joan. de Friburgo, Dominicus Soto, Marcus Serra, cujus Theologia, in qua quinque validis argumentis probabilissimum propugnat, ab Ordine fuit approbata, ac primum Valentia, ac dein Romae anno 1553 cum magnis encomiis edita, ipsique Rev.mo P. Generali Joanni Bapt. de Marinis dedicata.

Agmen 43 Probabilistarum ex inclita Familia S. Dominici claudant Martinus de Ledesma, Joannes de Cruce, & Ludovicus Bancelus, qui in *Theol. sua Thomist. tr. 11 de Act. Hum. q. 5 a. 5* ait: *ad hoc, ut possimus in conscientia sequi aliquam opinionem, sufficit quidem, quod directe & objective sit vere probabilis, & vere tuta, licet sit minus probabilis & tuta, sed tamen requiritur, quod reflexe & approbative sit probabilius & tutior: . . . Multa sunt, quae tutius est facere; sed simul etiam tutius est, non se credere obligatum ad ea facienda. . . . Nisi moraliter ipsi constet de tali obligatione.*

Obj. 12. Conventus Cleri Gallicani numerosissimus, (quem Concina Concilium Nationale appellat, magis amplum, quam unquam viderit hoc regnum) totam Ecclesiam Gallicanam representans, cum Parochis innumeris, probabilissimum, ceu mali omnis fontem, anno 1700 damnavit.

Resp. Secundum computum P. Gravina Ecclesia Gallicana componitur ex 18 Archiepiscopis, 112 Episcopis, 44000 Parochis, plus 300 Capitulis, 22 Universitatibus, ultra 14777 Domibus Religiosis, 1356 Abbatiis. In Conventu autem illo aderant, unus Cardinalis, nempe Noallius, & cum eo Archiepiscopi quatuor, Episcopi decem, ex omni reliquo Clero viginti: atque ad hunc numerum redactum fuit numerosissimum Concina Concilium Nationale totius regni, innumerabilis Diezii parochorum multitudo. In Ger-



mania autem superiore, credo, vix decimus quisque erit ex parochis, qui genuinum probabilissimum rejiciat.

Deinde etiam Probabilistae docent, cum dubio pratico nunquam licitum esse operari; imo ultimum ac proximum distamen conscientiae requirunt omnino certum, quod dubium omne excludat. Et in hoc sensu Conventus ille potest intelligi; prout etiam Prælati Hispaniæ & Belgii in sua ad Clementem XI epistola, aut intelligi possunt loqui de probabilitate *notabiliter* minore, quam plurimi ex Societate nostra rejiciunt.

### Art. V.

*Probabilioristas in gravissimos errores & laxitates incidisse. Tres centurias exhibet Gravina. Eorum maledicentia. De Natali Alexandro, & Van - Espen. Probabilissimus probatur ex SS. PP. Jure utroque, 43 Dominicanis. Transactionis idea.*

268.

Parte 3 P. Gravina demonstrat, ab experientia constare, Probabiliorismum impedimento suis sectatoribus non fuisse, quo minus in plurimas inciderent laxissimas opiniones, idque exemplo Cajetani ostendit, cujus 150 lapsus exhibet circa Baptismum, poenitentiam, Eucharistiam, matrimonium, Decalogum, præcepta Ecclesiastica, Simoniam, justitiam, aliasque materias varias.

Tres deinde errorum laxarumque opinionum Centurias, citatis exacte locis, proponit, in quos sacri cujusdam Ordinis Scriptores Probabilioristas incidisse probat. In prima centuria exhibet laxas eorum sententias & errores contra doctrinam de Sacramentis, actibus humanis &c. In 2 centum errores contra Theologiam Dogmaticam, quos docuerint, Eckardus, Montefonus, Grabon, Contenson, Natalis Alexander, Hyacinthus Serry, alique multi.

In tertia errorum centuria enumerat singillatim centum laxas & laxissimas Antiprobabilistarum propositiones contra bonos mores, uti de sigillo Sacramentali, de Sacramentis, de intentione Ministri, de poenitentia, de confirmatione, de præceptis Ecclesiasticis, de confessione & communione, de amore Dei, de quinto & sexto præcepto Decalogi.

Plurimæ

Plurimæ ex his trecentis propositionibus sunt adeo enormes, ut, si Jesuitæ illas docuissent, tanquam pestem humani generis ex orbe terrarum exturbandos aliqui clamarent; & tamen isti volunt esse Probabilioristæ. Infert jure optimo P. Gravina, prætersum probabiliorismum minime impedire, quo minus ejus laudatores in laxissimum & gravissimos errores incidant.

*Capite 4* Gravina exhibet enormem maledicentiam Probabilioristarum, qua in benigniorem sententiam ejusque assertores invehuntur, præsertim Vincentius Baro, cujus convitiis in Theophylum Raynaudum ingentem Catalogum ordine alphabeti proponit.

Subjungit furiosas declamationes Vincentii Contenson, quibus novus iste Jeremias lamentatur exitium orbis, Ecclesiæ ruinam, per probabili-mum inductam. Addit maledictorum plaustra, quæ Vincentius Diez in P. Gravina & benigniorem sententiam exonerat.

*Cap. 5* ostendit, quod plures ex probabilioristis degenerarint in Laxones & Rigoristas, secundum quos ne quidem ex probabilibus probabilissimam liceret sequi reliqua tutiore, nominatim *Natalis Alexander*, qui tamen, simul in aliis laxista, multas propositiones erroneas docuit, ut ostendunt in Notis suis ejus censores ex Sacro Ordine, & Roncaglia ac Manfi in ejus correctione, uti etiam P. Gravina in centuria secunda, classes V, ubi refert, Alexandrum fuisse inter Appellantes ad futurum concilium atque huic appellationi schismaticæ fuisse immortuum. Insuper quam alienus fuerit a doctrina factionis Jansenisticæ, patet etiam ex eo, quod *casui* illi famoso conscientiæ subscripserit, & *Dissert. 26 in Hist. Eccles. Sæc. 3*, hanc propositionem scripserit: *Gratia sufficiens non importat potentiam proximam ad resistendum*. Huic non multum absimilem proponit Zegerum Bernardum *Van-Espen*, canonistam Lovaniensem, in moralibus Rigoristam, Imperio & Sacerdotio perniciosum, Hollandici schismatis, & Richerismi fautorem, Jansenisticæ factionis amicum, suspensum a Divinis & functionibus Academicis, ac propterea Ultrajectum fugitivum, ibique mortuum in schismate anno 1728, vivum paradigma laxissimi Rigoristæ. In ordine factionis Jansenisticæ sub nomine *Antonini* latuit. Coddeum constanter habuit pro legitimo Vicario Apostolico, licet a Papa depositum; deceditque cum



cum Quesnello, quod Clerus in Hollandia bona conscientia possit recurrere ad Magistratum Protestantum ad obtinendum Vicarium sui generis, & arcendum, quem Papa designaverat. Ejus opera Canonistica Romæ fuerunt damnata.

Cap. 6 allegat SS. Patres, usus opinionum probabilium fa-  
ventes, uti Augustinum, Hieronymum, Bernardum, Anselmum, Basilium, & Ecclesiæ Doctores alios, uti S. Bonaventuram, & S. Thomam. 1. 2 q. 105 art. 2 ad 8 ait: *In rebus humanis non potest haberi demonstrativa probatio, sed sufficit aliqua conjecturalis, secundum quam Rhetor persuadet.*

Cap. 7 recenset 43 Dominicanos probabilistas: & Cap. 8. Doctores ex eodem sacro Ordine, qui doctrinam Moralem Jesuitarum laudarunt, & approbarunt. Imo Reverendissimi Patres Generales, cum universalibus capitulis, & sanctis, uti Pio V. Pontifice, Ludovico Bertrando &c. laudibus & æstimatione Societatem celebrarunt. Hinc odium in Jesuitas nequaquam est commune Illustrissimo Ordini, sed personis quibusdam proprium, quæ eo altius se extollendas existimant, quo profundius Jesuitas depresserint.

Cap. 9 ex principiis utriusque Juris probat usum opinionum probabilium: uti ex eo, quod *in dubiis melior sit conditio possidentis*; quod *lex dubia sit lex nulla*: quod *in obscuris minimum sit sequendum*; quod *in dubiis favendum reo*; quia *jura sunt promiora ad absolvendum, quam ad condemnandum.*

Item ex praxi primæ christianæ ætatis, qua Ecclesia admodum benigna fuit in administrando sacramento pœnitentiæ, (teste clarissimo Morino l. 4 Comm. Hist. de Discipl. in admin. sacr. pœnit. c. 9.) usque ad hæresin Montanistarum, de laxitate conquerentium, prout solent Jansenistæ; alligantes onera, quæ ipsi nolunt portare, prout Christus genti cuidam exprobravit, quæ discipulos ejus ceu legis transgressores accusaverat.

Denique ex usu & praxi Sanctorum, qui Christi exemplo, cuius jugum suave est, & onus leve, quique singulari cum benignitate peccatores in gratiam receperat, atque a se disci voluit, quia mitis est & humilis corde, hujus, inquam, Divinissimi Magistri sui, qui  
agnus

agnus appellari voluit, exemplo sancti ejus miram in pœnitentes mansuetudinem præferebant. *Leni nos jugo suo subdidit*, inquebat S. Aug. *Melius excusamur apud DEUM propter multam misericordiam, quam per nimiam severitatem*, dicebat S. Thomas; item: *Si Deus benignus, ut quid Sacerdos ejus austerus vult apparere?*

S. Raymundus de Pennafort in Summ. de pœnit. & remiss. § 21 ajebat: *unum tamen consulo, quod non sis nimis pronus judicare mortalitæ peccata, ubi tibi non constat per certam scripturam, esse mortalia: sed potes dicere, esse peccata, & inducere homines ad pœnitentiam de talibus; alias enim possent induci homines cito in desperationem.*

In eandem sententiam ivit S. Antoninus, qui r p. Summ. tit. 3 c. 10 § 10 reg. 7 ait, *quod misericordia præponderat juris rigori secundum Furisperitos, & quod secundum banc virtutem possumus præcepta DEI, Ecclesiæ, Prælatorum benigne interpretari.* Ecce mentem Sanctorum ex Sacro Ordine S. Dominici, longe diversam a mente & calamo aliqujus Contensonii, Concina, Dinelli, Patuzzi, Reicharti, declamatorum, ad imitationem Sancyrani, Jansenii, Quesnelli ejulantium.

Idem sensus fuit Gersonis l. de vita spirit. animæ Lect. 4 Coroll. 11, ubi ait: *Ex his elicio doctrinam salubrem pro DD. Theologicis, ne sint faciles asserere, actiones aliquas aut omissiones esse peccata mortalia. - - - Per tales assertiones publicas nimis duras, generales & strictas, præsertim in non certissimis (qualia sunt omnia probabilia) nequaquam eruuntur homines a luto peccatorum, sed in illud profundius, quia desperatius, immerguntur. - - - Quid prodest, imo quod non obest, coartare plus justo mandatum DEI, quod est latum nimis? quid insuper expedit, amarius graviusque redere illud jugum Christi, quod suave est, & onus ejus leve? - - - præstabitur sedulius obsequium Domino, & Patri tantæ mansuetudinis, cujus mandata gravia non sunt.*

Accedit venerabilis P. Joannes Nider, illustre fidus Ordinis Prædicatorum, qui Consol. Tim. Consc. p. 3 c. 24 ait: *Valde periculosum est diffinire, aliquid esse peccatum mortale, nisi hoc constet multum evidenter.* Probatque hoc suum assertum auctoritate S. Augustini & S. Thomæ. Et Gabriel Biel in 4 sent. dist. 15 q. 13 a. 2 concl. 3 ait: *incautum & malum est, asserere, aliquem actum fore peccatum mortale, ubi illud nec sufficienti auctoritate, nec evidenti ratione ostendi potest; nam hoc est*



est ponere laqueum ambulanti, & inducere certum mortale, ubi morale non est, vel esse, certum non est. Item Petrus Aragonius in 2. 2. q. 83 a. 12 dub. 15, ubi hæc habet: Certe videtur valde durum, & a pietate christiana alienum, mittere aliquem in infernum, aut dicere, quod peccat mortaliter, sine evidenti & certa ratione. Videantur hæc omnia prolixius & exactius deducta apud P. Gravina Ind. 9 Art. 3.

Cap. ult. P. Gravina adversario suo ideam quandam pacificationis aut amicæ transactionis proponit. Assumendam utrinque Theologiam mentis & cordis, non verbis tantum, ut Theologiam Contentionis, sed re constantem. Illam ad iudicium intellectus, hanc ad operationem voluntatis pertinere. Probabiliorissimum nihil ad hanc facere, cum voluntatem non faciat meliorem. Documenta varia de Ordine quodam Religioso ex Antonio Senensi, S. Antonino &c. affert Gravina. Sed ego, qui Ordinem illum Illustrissimum summo opere veneror, & cum quibusdam ejus membris sincera amicitia junctus sum, hæc omnia missa facio. Quamvis enim quidam non cessent, minimam nostram Societatem persequi, denigrare, ac sparsis etiam libellis inimicis lacerare, inique tamen ageretur, si privatorum quorundam livor toti Ordini tribueretur, qui Generalibus etiam suis in Capitulis specialis in nos amoris argumenta dedit. Neque odiosa commemoranda sunt, quando de amica compositione agitur.

Hæc ut perficiatur, Gravina suadet, ut omnes dicamus corde & animo cum Gabriele Gualdo Theatino Disp. de Bapt. Inf. in Ut. disp. 6 n. 3. In scholis probabilista acerrimus sum: in moribus probabiliorista. Cum antiquis probabilitatem doceo, cum recentioribus probabilioristis probabilioritatem sequor. Ita vivamus & nos, aliis benigni, nobis rigidi, rosam imitantes, quæ aliis floret, fragratque, sibi dum riget, spinis circumsepta. Hac via sanctos iisse, eademque sanctum fore Diezium, & alios sanctos facturum, ait Gravina; refertque exemplum memorabile P. Bernardini Piccini, animarum celebris Directoris, in se ipsum rigidi, in alios, quod bonarum mentium est, mitis & benigni.

Hunc dicere solitum accepimus, se experientia edoctum & usu diuturno, homines, præsertim adolescentes, patientia magis & misericordia, quam pœnis & terribilamentis a culparum consuetudine avocari. Secutus proin est doctrinæ genus non austerum, sed moderatum temperatumque, quod Christianæ mansuetudini animarumque salutis accomodatius cognovisset.

Et sane experientia compertum habemus, eos, qui constanter Societatis hominibus utuntur conscientiæ arbitris & animarum directoribus, pios plerumque esse vitæque compositæ, nec diu eorum uti opera, si vitam suam non emendent. Non enim ita incipe benigni sunt, ut peccata non dicant peccata, aut emendationem vel obligationes non urgeant. Dixit quidam: *ne dixeris probabilistas nimium benignos: nullus Jesuita me voluit absolvere; probabiliorista me facile absolvit.* Non pauci fuerunt, qui, dum viverent, a Jesuitis abhorrebant, cum autem ad mortem ventum fuisset, eos accersebant, & de peccatis confessi, eorum directioni se committebant. Alii dixerunt, se ideo nolle Jesuitis confiteri, quia nimis rigide contritionem & emendationis propositum urgerent.

Denum adhortatur adversarios, ut arma, quæ toties in Jesuitas strinxerunt, stringuntque continuo, in hæreticos & hostes Ecclesiæ convertant, qui de nostris litigiis exultant, & triumphum canunt, ut verissimum omnino hic sit tritum illud: *inter duos litigantes tertius gaudet.* Si autem pergant, convitiis, calumniis, maledictis nos laceessere, vitio nobis vertere non posse, si nos defendamus, memores illius sententiæ, quam ipse Tractatibus suis Apologeticis de Probabilismo præfixit, ex S. Thoma quodl. 10 q. 6 art. 13, ubi scripsit: *Hi, . . . quibus incumbit ex officio, vel ex statu perfectionis aliorum salutem providere, peccant, nisi infamiam propriam juxta posse repellant.* Ego vero, quæ hæcenus dixi, per narrationem mere historicam ex aliis retuli, quin mea faciam. Ad apparatus enim eruditionis non tam spectat, ex proprio sensu loqui, quam gesta, scripta, & doctrinam aliorum narrare.


Si arbiter ego essem, libenter concederem, non esse licitum, sequi sententiam manifeste minus probabilem, aut quando altera clare cognoscitur, esse probabilior, modo adversarii concedant, non dari




obligationem semper dimetiendi gradus probabilitatis; quia hoc in praxi sæpe est impossibile. Quis enim de infinitis quæstionibus probabilibus cum fundamento semper dicat, quænam sint probabiliores? Profecto hæc obligatio maximis anxietatibus foret obnoxia.

Hoc autem temperamento adhibito, neque rigorismi neque laxismi (quantum ad hanc materiam) esset periculum: onus non imponeretur nimium: sententia utraque combinaretur, pax & concordia hac transactione facile componeretur.









J762

B612a

v. 3











